

934

2250.-
tt piep
8137K


51/EW

TECHNICA CURI
OSA P. GASPARIS SCHOT
TI SOC: IESU.



Sumptibus Io: Andreae Endteri
et Wolffgangi junioris Hæredum

THE
GREAT
SOCIETY



P. GASPARIS SCHOTTI
E SOCIETATE JESU,
TECHNICA
CURIOSA,
SIVE
MIRABILIA
ARTIS.

R. GASPARI SCHOTT

ASSOCIATES

TECHNICA

CURIOSA

SIVE

MIRABILIA

ARTIS

EMINENTISSIMO ET REVE-
RENDISSIMO PRINCIPI,
AC DOMINO,

D. JOANNI
PHILIPPO,

SACRÆ SEDIS MOGUNTINÆ
ARCHIEPISCOPO, SAC. ROM. IMP. PER GER-
MANIAM ARCHICANCELLARIO, ET PRINCIPI
ELECTORI; EPISCOPO HERBIPOLENSI, AC
WORMATIENSI, FRANCIAE ORIEN-
TALIS DUCI,

Domino meo clementissimo.



MINENTISSIME PRINCEPS.
Magnum Artis miraculū
fuit, cerasi calculo in mo-
dum quasilli exsculpto in-
clusisse alearum paria quindecim, suis
punctis affabrè ac clarè distincta; quod
Mechliniæ vidit præterito sæculo Adri-

DEDICATIO.

anus Junius: majus, aut pateras mille & sexcentas torno ex ebore factas, numerisq; omnibus absolutissimas ac distinctissimas; aut bombardulas ligneas viginti quinque torno itidem elaboratas, & curribus impositas, omniq; suppellectile bellicâ necessariâ instructas, una cum triginta calculis, mediocri piperis grano excavato indidisse; quod nostro sæculo fecere toreutæ præstantissimi, viditque & obstupuit Germania atq; Italia: longè maximū, vel Homeri Iliadem longissimam membranulæ exiguæ inscripsisse, ac nucis putamine circumplexum esse; vel Colossi magnitudinem ingentem picturâ in annulo expressisse; quod olim factitatum scribit Plinius.

Non

Non minora audent, qui res maximas, ingenioque & artificio plenissimas, exiguo Libello, velut cerasi calculo, aut piperis grano, nucisvé putamine complectūtur. Factum hoc à me presenti opusculo, spero quidem, æstimoque (ni philautia me fallit) at minimè gloriator, quoniam non mea, sed aliena pleraque, quæ Viri docti excogitata ingenio, elaborata industriâ, experimēto comprobata, ad me miserunt, scripto complector. Quæ cum sint rara, ingeniosa, curiosa, Principe digna, & Principe Maximo; ad EMINENTISSIMAM CELSITUDINEM VESTRAM humilimè deferre, atq; in sacratissimas manus reverēter deponere audeo. Audendi animum fecit EMINENTISSIMÆ
CELSI-

DEDICATIO.

CELSITUDINIS VESTRÆ Humanitas, quā
primum ingenioli mei partum, Mecha-
nicam Hydraulico-pnevumaticam, glo-
rioso nomini Suo ante Septennium in-
scriptam, acceptavit; Benevolētia, quā
me, meaque chartacea munuscula ab eo
tempore semper suscepit; Favor, quo
studia mea fovit hactenus, atq; promo-
vit. Accedit, quòd pars Opusculi præci-
pua & maxima fructus est Magdeburgi-
ci Experimenti, mihi non semel in Ma-
riæburgica hac EMINENTISSIMÆ CELSI-
TUDINIS VESTRÆ Arce exhibiti, & in præ-
fata Mechanica à me Mundo Litterato
propalati, tãto ob rei novitatem ac sub-
tilitatem plausu, ut id viri docti complu-
rimi libris integris expendere accura-
tius,

DEDICATIO.

tius, novisque Inventis inde derivatis
auctum explicare fusiùs non dubitârint.

Accipiat igitur EMINENTISSIMA CEL-
SITUDO VESTRA Humanitate ac Benevo-
lentiâ solitâ quod offero submississimo
ac reverentissimo animo Opusculum,
à me&se exiguum, à materia maximum;
meaque studia promoverè porrò non
desistat. DEUM rogo, ut EMINENTISSI-
MAM CELSITUDINEM VESTRAM incolu-
mem Ecclesiæ, Imperio, Patriæ, quàm
diutissimè conservet. Ita voveo Herbi-
poli in Collegio nostro Kalend. Jan. An-
ni M. DC. LXIV.

EMINENTISSIMÆ CELSITU-
DINIS VESTRÆ

Humillimus ac Devotissimus Client

Gasparus Schott S. J.

)()(

EAPD-



I. F. Fleischberger sculp.

Expositio Mythologico-Moralis
in Insignia

*EMINENTISSIMI ET REVERENDIS-
SIMI PRINCIPIS AC DOMINI,*

D. JOANNIS PHILIPPI,
Sacrae Sedis Moguntinae Archiepiscopi, Sacri Roma-
ni Imperii per Germaniam Archi-Cancellarii, & Principis
Electoris, Episcopi Herbipolensis, ac Wormatiens-
is, Franciae Orientalis Ducis.



Ignota pando, credite posteri,
Rerum peritis credite vatibus,
Qui clausa fatorum revelant
Limina, Consiliumq; Divum.

Dum laeta nuper rura perambulans,
Arci propinquas transeo vineas,
Qua celsa propugnaculorum
Circuit HERBIPOLIM corona;

Surgentis inter concava fornicis,
Interque mixtos artificum greges,
Hinc inde discursare cerno
FRANCONICI Genios Ducatus.

Pars dura cogit faxa quadrangulam,

Pati figuram; pars struit aggeres;

Pars scuta, Gentilesque formas

PRINCIPIS effigiare certat.

Pars faxa junctis Viribus elevat,

Supraque portæ vestibulum locat:

Pars signa distinctis adaptat

Sedibus, ac adamante firmat.

Ergo citatis advolo passibus,

Et cuncta mirans spectro per otium,

Dum delicati pusiones

Gnaviter invigilant labori.

Sed in stuporem præ reliquis trahit

Diversa rerum dispar imaginum

Mixtura, quas Insigne præfert,

Multiplicique decore jactat.

Hæc obstupefcens, sic animo simul

Mecum revolve. Quid sibi tam nova,

Tam mira vult tot symbolorum

Congeries, tot imago rerum?

Quid *CRUX* *Tiara*, quid *ROTA* *Clavibus*

Inferta signat? quid *Labarum* volans?

Quid *Occa*, dentatumve *Rastrum*?

Quid notat effigies *LEONIS*?

An summus istas impenetrabili
Junxit figuras consilio DEUS?

An, sicut olim fertur orbis,
Fortuito coiêre casu?

Quæ mente versans, attonitus pedes
Hinc dimovebam: cùm subitò latus

Apollo cingit, meque cœptos
Inde vetat celerare gressus.

Tum sublevato leniter indice,
Subnixa portis signa per ordinem.

Demonstrat, & blandè renidens
Sic placido mihi fatur ore.

Non illa casu, nec temerè scias
Connexa firmo symbola fœdere;

Sed Numen arcano stupenda,
Consilio simulacra junxit.

Vix iste Princeps natus in æthera,
Vitale lumen carpere cœperat;

Cùm Coelites isthæc Clienti
Munera composuêre. Vidi.

Nam Diva summi FILIA Numinis,
Cui mens futuri provida temporis,

Intra paternos sedit hortos,
Pulchrisonas propè fontis undas.

):():(3 Hanc

Hanc multa cingit coelituum cohors:
 Nam clara lævam Nobilitas tenet,
 Vetusque Majorum Propago
 Stipat anus generosa, dextram.
 PAX alma, missis undique nunciis
 Excita, Mœni littora deferens,
 Et militaris FORTITUDO
 FRANCONICIS veniunt ab oris.
 Mox & citatas accelerat rotas
 MOGUNTIACO, Justitiæ comes
 Fortuna, Certatimque largo
 Dona sinu manibusque promit.
 Tandem, relictis VVangionum plagis,
 Pinguique migrans VVormatiæ solo,
 Postrema festinos adurget.
 Relligio Pietasque passus.
 Tum congregatis ritè Sororibus,
 Suprema rerum Præses & arbitra
 Sic solvit, audiui, loquelam,
 Sic comites fuit allocuta.
 Nunc, ô sodales, pandite dexteras,
 Testes amoris promite Tesseras,
 Certoque præclaras Clientis
 Omne constabilite dores.

Hunc quippe vobis ceu proprium dico:
 Vester pusillus, vester erit Senex;
 Vestrisque longævus superstes
 Serviet obsequiis per annos.
 Vix ista Mater provida dixerat;
 Cùm clara centum stirps numerans avos,
 Sic fatur, & fando ferocis
 Jactitat exuvias LEONIS.
 Fortes creantur fortibus, & Leo
 Gignit Leonem: me generosior
 Hic partus agnoscit parentem;
 Quem decet his decorare donis.
 Hoc seu trophæum, seu spoliū mihi
 Fortis reliquit Belligerū manus:
 Hoc rursus Infanti resigno,
 Quod meritis supra astra tollet.
 Matrona nondum finierat loqui;
 Cùm Fortitudo cæruleum vibrans
 Utrisque vexillum lacertis
 Advolat, his simul orsa dictis:
 Hoc munus, inquit, FRANCIA parvulo
 Deferre jussit; cujus ab oppidis,
 Fremente circumquaque Marte,
 Fœdifragos prohibebit hostes.
 Adhuc

Adhuc parabat dicere fufius:

Sed Pax inertes haud patiens moras,

Dicentis interruptit ausus,

Et fimiles dedit ore voces.

Esto futurus fit celebris fago,

Sed fiet Infans nobilior togâ;

Suisque proscriptam reducet

Suasibus auspiciisque pacem.

Per Hunc redibit Teutoniæ quies,

Sub Hoc Colonus vomere cassides

Mutabit, & deferta rastris

Arva colet, Cereremque sparget.

Hoc ergo *RASTRUM*, quod manibus gero,

Ceu mite pacis defero symbolum.

Sic fata demum conticescit;

Quam placidis imitata subdit.

Fortuna verbis. Has agiles quidem,

Sed non caducas suppedito *ROTAS*,

Quis scandet *ELECTOR* supremum.

PRÆSULIS, Imperiique culmen.

Nec verò nostris (excipit *Æquitas*)

Donis carebit: nam *Gladium* dabo;

Quo jura conservabit author.

Justitiæ, scelerumque vindex.

Hæc elocutâ, sic Pietas ait;
 Hoc subministro Pontificis *Pedum*,
 Quo simplices, pastoris instar,
 Pascet oves populumque CHRISTI.
 Postrema tandem Relligio venit,
 Lætoque *claves* omine porrigit;
 Quêis clausa cœlorum repandat
 Limina, vel reſerata claudat.
 Postquam Sorores ordine ſymbolas
 Sic contuliſſent: purpuream parens
Vittam ſuperponens, *Crucemq;*
 Suppoſitis benedixit armis.
 Tum verò Pallas non reſolubili
 Collata nodo pignora nexuit;
 Quem nulla Parcarum poteſtas,
 Nulla ſtygis rabies ſecabit.
 Hæc viſa quondam, nunc ſolito Tibi
 Favore pando: Tu ſeriem rei
 Tetraſtropho conſcribe metro,
 Solicitosque doce Nepotes.
 Sic fatus, altum vectus in aëra
 Phœbus, ſequaces mox oculos fugit,
 Suumque Parnaſſum reviſit,
 Aut gelidas Heliconis undas.

):():():(

Aſt

Ast ipse primùm rure domum redux,
Fidum secutus consilium patris,
Dudùm silentes tento chordas,
Ac numeris monumenta trado.

EPIPHONEMA GRATU-

LATORIUM

Ad

Eminentissimum Principem

Electorem.



*M*nia virtutum gestas Insignia Princeps,
*O*mnia præcelsæ symbola mentis habes.
*B*ellica vexillum *Virtus*, pax inclytæ *Rastrum*,
*D*at *Nemesis* Gladium, *Sors*q̃ benigna *Rotam*.
*R*eligio *Pietas*q̃ *Pedum*, *Clavesque ministrant*,
*P*rovida mens mitram porrigit, atq̃ *Crucem*.
Scilicet, in cuius jam pridem pectore degunt,
Hujus in externo Lemmate signa locant.



FACULTAS

P. R. Visitatoris & Vice-Provincialis Societatis

JESU per Rheni Superioris Provinciam,
Auctori facta.

JOANNES BERTHOLDUS,

Visitator & Vice-Provincialis Societatis Jesu
Rheni superioris.

Cum primam Partem Technicæ Curiosæ, compositam à P. Casparo Schott nostræ Societatis Sacerdote, certi ejusdem Societatis Sacerdotes, quibus id commissum fuit, recognoverint, & in lucem edi posse probaverint; facultate Nobis ab Adm. R. P. Joanne Paulo Oliva Societatis nostræ Vicario Generali communicatâ concedimus, ut eadem typis mandetur. In cujus rei fidem has literas manu nostrâ subscriptas, & sigillo munitas dedimus. Herbipoli 8. Julii 1663.

L. S.

Joannes Bertholdus.

FACULTAS

R. P. Visitatoris & Vice-Provincialis Societatis JESU

per Rheni superioris Provinciam,
Bibliopolæ facta.

Ego Joannes Bertholdus, Societatis Jesu, per Rheni superioris Provinciam Visitator & Præpositus Vice-Provincialis, potestate mihi ab Adm. R. P. Joanne Paulo Oliva Societatis nostræ Vicario Generali concessâ, facultatem do Joanni Andreæ Endtero, & Wolfgangi Junioris Hæredibus, suis sumptibus excudendi P. Caspari Schott e Societate nostra, Primam Partem Technicæ Curiosæ. In cujus rei fidem hoc ei testimonium, manu meâ subscriptum, & Sigillo munitum dedi. Herbipoli 8. Julii 1663.

L. S.

Joannes Bertholdus.

FACULTAS

P.R. Visitatoris & Vice-Provincialis

JOANNIS BERTHOLDI,

Societatis JESU per Rheni Superioris Provinciam,
Auctori facta.

Cùm secundam Partem Technicæ Curiosæ, compositam à P. Casparo Schott nostræ Societatis Sacerdote, certi ejusdem Societatis Sacerdotes, quibus id commissum fuit, recognoverint, & in lucem edi posse probaverint; facultate Nobis ab Adm. R. P. Joanne Paulo Oliva Societatis nostræ Vicario Generali communicatâ concedimus, ut eadem typis mandetur. In cujus rei fidem has literas manu nostrâ subscriptas, & sigillo munitas dedimus. Molshemii 27 Novembris An. 1663.

L. S.

Joannes Bertholdus.

FACULTAS

R. P. Visitatoris & Vice-Provincialis

JOANNIS BERTHOLDI Societatis JESU

per Rheni superioris Provinciam,
Typographo facta.

EGO Joannes Bertholdus, Societatis JESU, per Rheni superioris Provinciam Visitator & Vice-Provincialis, potestate mihi ab facta Adm. R. P. Joanne Paulo Oliva Societatis nostræ Vicario Generali, facultatem do Joanni Andrea Endrero, & Wolffgangi Junioris Hæredibus, suis sumptibus excudendi P. Caspari Schott è Societate nostra, Partem secundam Technicæ Curiosæ. In cujus rei fidem hoc ei testimonium, manu meâ subscriptum, & Sigillo munitum dedi. Molshemii 27 Novembris An. 1663.

L. S.

Joannes Bertholdus.

PRÆLO-

PRÆLOQUIUM

AD LECTOREM.

De Operis materia, scribendi occasione, scri-
ptionis fine.



*T*nihil est, quod *DEI* Potentiam infinitam, Sapientiam interminatam, amabilem Bonitatem, post Fidei divina lumen, magis manifestat atque deprecatur, quàm opera admiranda Nature, ab eodem *DEO* in hominum usum condita; nihil quod *Homini*s excellentiam, ingenium, industriam extollit altius, quàm stupenda *Artis* technasmata, ab eodem *Homine* in generis sui seu utilitatem, seu delectationem efformata: ita nihil quod me post sacratiora studia, rerumq; divinarum commentationes, in sui contemplationem & admirationem rapit potentiùs, & liquidiore perfundit gaudio, quàm eadem *Utriusq;* Nature inquam & *Artis*, miracula, reconditisimâq; (sic appellare liceat) sacramenta. Libros vocabat *Magnus Antonius* Nature opera, in quibus docti æquè ac indocti legerent *DEI* excellentiam: Specula ego non incongruè appellaverim *Artis* opera, in quibus suam intueantur homines dignitatem. Illos lectitârunt sedulò plurimi ab omni ævo; & quæ didi-

):(): (3 cerunt,

PRÆLOQUIUM.

cerunt, voluminibus complexi integris ad posteros trans-
miserunt, ne tanta DEI opera essent, ut Seneca loquitur,
sine teste: Hæc pauci inspexere accuratiùs; pauciores quæ
viderunt, scripto evulgârunt, ne tantorum (opinor)
Hominis operum plures existerent testes. Herodotus,
Plinius, A. Gellius, Hero Alexandrinus, Philostratus,
Claudianus, Martialis, aliq, nonnulli, præter septem aut
plura Orbis (ut vocant) miracula, præter hortos pensiles
Babylonis, præter Ægypti pyramides, Rhodi & Romæ Co-
lossos ac Colosseæ, Dædali tripodes æneos automatos, Jarchæ
pincernas aureos convivis ministrantes, Archita colum-
bam ligneam volantem, navim & quadrigam Myrme-
cide vel unâ apiculâ alâ tectam, Archimedis vitream
spheram cæli æmulam, Heronis machinas hydraulicas
pneumaticasq; præter Lysippi, Bryaxis, Charetis, Phidia,
Polycleti statuas; Zeuxidis, Parrhasii, Androcydis, Apel-
lis, Protogenis picturas ab arte eximia commendatas, vix
quidquam admiratione magnoperè dignum proferunt in
medium. Plura dant subsequentiũ sæculorum Scri-
ptores, Cardanus, Pancirollus, Polydorus Virgilius, Ma-
jolus, Bettinus, Kircherus, Petrus Servius, & complures
Mechanicæ, Hydraulicæ, Pyrotechnicæ, aliarumq; artium
Scriptores: quæ inter eminent rotata & affabrè elaborata
horologia, pyxis nautica, ars Typographica, Tormenta
ma-

PRÆLOQUIUM.

manualia ac muralia, Tubospicilla varia, Regionum antiqua aquila & musca, Osvaldi patera ex ebore, alteriusq; nesciocujus bombardula, numero plures, piperis grano excavato incluse, aliaq; multa eternitate digna.

Ego pari semper studio suspexi Utraq; atq; inspexi opera; nec pauca eorum quae sedulâ consideratione didici, pro modulo meo evulgavi hactenus in quadripartito Thaumaturgo, aliisq; Opusculis meis. Dedi in Optico Thaumaturgo Anamorphotica, Parastatica, Chromatica, Catoptrica, Catoptrocaustica, Catoptrologica, Cryptographica, Dioptrica, Telescopica, Microscopica: in Acustico, Phonologica, Phonocamptica, Echotectonica, Phonotectonica, Orthica, Phonurgica, Phonojatica, Symphoniurgica: in Mathematico Centrobaryca, Mechanica, Statica, Hydrostatica, Hydrotechnica, Aërotechnica, Arithmetica, Geometrica: in Physico Cryptologica, Cryptographica, Pyrotechnica, Magnetica, Sympathetica, Medica, Divinatoria, Physiognomica, Chiromantica: in aliis Opusculis Hydraulica, Pneumatica, Automatica, aliaq; multa, curiosa, & rara.

Exceptit isthac Physica Curiosa nuper edita, librisq; duodecim comprehensa, quibus sola Naturæ opera quadam rariora & augustiora expendi; illa videlicet quae de Angelis, Demonibus, Hominibus, Spectris, Energumenis, Monstris, Portentis, Animalibus, Meteoris, aliisq; consideratione judicavi digniora.

Operis

PRÆLOQUIUM.

Operis materia.

Nunc totidem libris sola Artis Mirabilia pando, non antiqua, non ab aliis vulgata, non passim obvia, sed nova, rara, ac talia plerumq^{ue}, quæ ætas nulla vidit, audiuit. Si quæ tamen aliis quoq^{ue}, antehac cognita, atq^{ue}, in lucem edita intermisceo, eo facio sine, ut vel lucem meis impertiar, vel alienis robur addam ac firmamentum, vel aliter ac alii explicem eadem, atque demonstrem. Hæc Operis materia; nunc scribendi occasionem accipe.

Scribendi occasio.

Ab anno hujus sæculi post natum CHRISTUM SALVATOREM decimi sexti septimo supra quinquagesimum, quo primum lucubratiuncula mea lucem aspicere cœperunt, Viri docti, & rei Litterariæ promovendæ percupidi, varia ad me ex variis Europæ Provinciis, Theoremata, Problemata, Technasmata, Praxes, Machinas, Inventionesq^{ue}, alias raras, curiosas, ingeniosas, certatim misere; ut vel meo satisfacerent desiderio in Opusculorum meorum Epilogis insinuato, vel judicium meum exquirerent, vel suum erga me meaq^{ue}, studia affectum monstrarent. Hæc omnia, ut ne interciderent, unum in Opus collecta, in classes certas distributa, novis schematismis, explicationibus, scholiis exornata & aucta, in lucem emittere constitui, quoniam

PRÆLOQUIUM.

niam id gratum doctis omnibus, utile ac jucundum pluribus fore judicavi. Cujus quæ sint, suis, LECTOR, videbis locis: qualia sint, tute ipse judicabis: ego quid sentiam, jam dixi, & dicam porrò toto in Opere.

Scribendi finis.

Poteram silentio involvere omnia, meiq; solius utilitati ac delectationi inter schediasmata reponere; sed aliis gratificandi desiderium mihi solenne & perpetuum, Amicorum ac bene de Litteraria re merentium nomina æternitatis transmittendi cupido, alios exemplo meo ad studium idem excitandi ardor, aliud suasere. Odi Aspendios Citharistas, qui sibi solis canunt: odi qui sibi solis sapiunt Sapientes. Sapientiam ergo, si quam sine fictione didici, sine invidia communico; nectar, si quod DEI munere hausi, liberaliter præbeo sitientibus. Nec enim Soli decedit, si de lumine suo largiatur alteri; nec mari, si fontes ditet & flumina. Eò hoc augefcit magis, quò se liberalius effundit: eò doctus proficit magis, quò suam pluribus communicat scientiam. Mare si essem, ut stilla sum; orbem irrigarem universum. Hic animus, hoc studium si pluribus commune foret, ingentibus propediem thesauris rem Litterariam videremus auctam. Operis Synopsis sequens exhibet Elenchus.

);(:)(:)(:)(

ELEN-



ELENCHUS

LIBRORUM ET CAPITUM

TOTIUS OPERIS.

LIBER PRIMUS.

MIRABILIA MAGDEBURGICA.

- CACUT I. Aër è vase vitreo per antliam pneumaticam extrahitur. 8
- II. Vas vitreum evacuatum levius esse, quàm aère plenum, hoc Experimento ostenditur. 11
- III. Intra collum vasis evacuati aquæ immersum, si aperiatur, cum impetu sursum irrupit aqua. 14
- IV. Aqua è vase per antliam pneumaticam extrahitur. 15
- V. Canabusevacuatorius constructitur, eoque Recipiens aère & aqua evacuatur. 17
- VI. Recipiens non Spharicus non sustinet evacuationem; Spharicus sustinet. 19
- VII. In Recipientem, & Cacabum evacuatum, si aperiuntur, maximo impetu aër externus irrupit. 20
- VIII. Venti, nebulæ, & nubes exhibentur Experimento Magdeburgico. 21
- IX. Candela accensâ in Recipiente evacuato extinguitur. 22
- X. Aqua in tubo evacuato, & perpendiculariter erecto, ascendit ad magnam altitudinem. ibid.
- XI. Epistola prima Prænobilis Domini Ottonis Gerickii. 24
- XII. Epistola secunda Prænobilis Domini Ottonis Gerickii. 26
- XIII. Epistola tertia Prænobilis Domini Ottonis Gerickii. 33
- XIV. Epistola Prænobilis Domini Ottonis Gerickii, de novis Experimentis Magdeburgicis. 36

ELENCHUS LIBRORUM ET CAPIT.

CAPUT XV.	Duo hemisphæria cuprea conjuncta, extracto aëre, à multis equis divelli vix queunt.	38
XVI.	Eadem duo hemisphæria conjuncta, extracto aëre, à magno pondere appenso divelli vix possunt.	40
XVII.	Dicta duo hemisphæria evacuata, magno pondere appenso & cadente vix divelluntur.	41
XVIII.	Hemisphæria quæ à multis equis divelli nequeunt, diffilari ab uno homine possunt.	ibid.
XIX.	Ahenum evacuatum tantâ vi sorbet pistillum sibi implantatum, ut à multis hominibus retineri nequeat.	42
XX.	Puer syringe aërem è prædicto ahenò extrahens, aliquot centenariorum pondus elevat.	44
XXI.	Statua lignea aëri innatans, variam aëris gravitatem ac levitatem indicat.	45
XXII.	Epistola prima Prænobilis Domini Ottonis Gerickii, de Experimentis novis.	47
XXIII.	Epistola secunda Ejusdem de iisdem.	53
XXIV.	Epistola tertia Ejusdem de iisdem.	59
XXV.	Annotationes in precedentem Epistolam.	62
XXVI.	Machina Magdeburgica alio novo ac meliori modo constructa ad Vacuum procurandum.	67
XXVII.	Tubus vitreus Magdeburgicus aquâ partim repletus, partim vacuus.	71
XXVIII.	Epistola quarta Prænobilis Dn. Ottonis Gerickii, de Experimentis novis.	74
XXIX.	Machina Magdeburgica Vacuum exactissimè, ut putatur, exhibens.	79

LIBER SECUNDUS. MIRABILIA ANGLICANA.

CAPUT I.	Machinæ pneumaticæ Anglicanæ descriptio.	91
II.	Machinæ pneumaticæ Anglicanæ usus; & quid ad eum requiratur.	96

ELENCHUS

- CAPUT III.** Aër è Recipiente descendit intra Cylindrum evacuatum cum sibilo. 98
- IV.** Recipiente evacuato, obturaculum K 8 difficulter extrahitur. 99
- V.** Embolus è cylindro ocluso difficulter extrahitur; & liber dimissus, cum impetu sponte relabitur intrò. 100
- VI.** Vesica flaccida intra evacuatum Recipientem distenditur, indeque vis elastica aëris probatur. 101
- VII.** Vesica modicè inflata, intra vitrum evacuatum rumpitur; ex quo iterum vis elastica aëris probatur. 102
- VIII.** Elastica aëris expansio mensuratur intra Recipientem, evacuatam. 103
- IX.** Phiala tenuis rotunda, repentè evacuata, nō rumpitur. 108
- X.** Vitrum non sphaericum evacuationi non resistit. Item, phiala sphaerica cum incluso aëre intra Recipientem evacuatum, non rumpitur. 109
- XI.** Phiala non sphaerica, aëre plena, intra Recipientem evacuatum rumpitur. Item & sphaerica. 110
- XII.** Candelaë ardentes intra evacuatum Recipientem extinguuntur. 113
- XIII.** Carbonum accensorum, & ferri candentis, intra vitrum, evacuatum phaenomena. 116
- XIV.** Funis bombardici in Recipiente accensi phaenomena. 117
- XV.** Alia ejusdem funis in Recipiente accensi phaenomena. 118
- XVI.** Ignis in evacuato Recipiente excitatur è collisione filicis & chalybis, & pulvis nitratus accenditur. 119
- XVII.** Materiam combustibilem intra vitrum evacuatum vitro caustico accendere Auctor frustra tentat. 121
- XVIII.** Acus magnetica in vitro evacuato à magnete extrà applicato cietur. 122
- XIX.** Argentum vivum tubo conclusum, intra evacuatum Recipientem ascendit ac descendit. ibid.
- XX.** Nova phaenomena circa ascensum ac descensum argenti vivi intra tubum in Experimento Torricelliano. 128
- XXI.** Phaenomena aquae intra tubum vitreum subsidentis, & ascendentis. 131

LIBRORUM ET CAPITUM.

- CAPIT. XXII.** Aquæ videtur inesse vis elastica, seu expansiva sui, ut libera à pressione externi aëris se se dilater. 132
- XXIII.** Atmosphæra super corpora aquis immersa gravitat. 134
- XXIV.** Intra aquam latent aëris particulæ interpersæ; & ipsæ aquæ particulæ in aërem converti videntur. 136
- DIGRESSIO PHYSIOLOGICA.** An aër possit de novo generari, aut in alia corpora transmutari. 139
- XXV.** Bullæ ex aqua communi, & aqua distillata, in æquali copiâ educuntur. 142
- XXVI.** Varia Experimenta proximè præcedentibus similia, in variis liquoribus sumpta. 145
- XXVII.** Expansio & gravitas aëris intra aquam exploratur. 148
- XXVIII.** Pendulorum vibrationes intra & extra Recipientem examinantur. 150
- XXIX.** Sonus in Recipiente evacuato propagatur debilius per medium ad aures distantium. 152
- XXX.** Aquæ inesse virtutem elasticam, seu dilatativam sui, quæ pressione aëris externi cessante se prodat, cõfirmatur. 154
- XXXI.** Causam ascensus vaporum & fumorum intra aërem, non esse eorum positivam levitatem, sed gravitatem aëris, ostenditur. 155
- XXXII.** Fumus variis circumstantiis æmulatur naturam liquoris. 158
- XXXIII.** Quæ mutæ duorum marmorum politorum adhæsiõnis causa sit, Auctor indagare tentavit. 159
- XXXIV.** Aëris externi pressio violenta in corpora quæ ambit, comprobatur. 161
- XXXV.** De magna aëris pressione in embolum antliæ pneumaticæ. 163
- XXXVI.** In evacuato Recipiente instituitur ponderatio corporum. 165
- XXXVII.** Novum siphonis genus, & phænomena mira in eo animaduersa. 167
- XXXVIII.** Aër in Recipiente ponderatur intra vitream bullam. 169

ELENCHUS

CAPUT XXXIX. Lux subita aliquando in evacuato Recipiente apparet.

- XL. Aqua intra evacuatam Recipientem congelatur. 171
XLI. Aqua in thermometro Recipienti immisso subsidit, aëre è Recipiente extracto. 172
XLII. Musca, Apis, Papilio, examen subeunt in Recipiente evacuato. 173
XLIII. Alauda, Passer, Mus, in Recipiente evacuato exspirant. 175
XLIV. Corrosivorum liquorum efficacia in evacuato Recipiente examinatur. 176
XLV. Liquores tepidi in evacuato Recipiente sponte ebulliunt. 178

LIBER TERTIUS. MIRABILIA VARIA.

- CAPUT I. Hydrargyrus intra fistulam vitream, perpendiculariter supra hydrargyrum alium erectam, suspensus hæret. 185
II. Aqua intra tubum ultra octodecim cubitos altum, & perpendiculariter intra aliam aquam erectum hæret suspensa. 198
III. Vesicula cōpressa, sponte ad hydrargyri è tubo erecto aliqualem lapsum, intra superiorē tubi partē vacuam turgescit. 205
IV. Hydrargyrus in tubo intra alium hydrargyrum erecto, hæret suspensus ad majorem altitudinem in loco humiliori, quàm altiori. 206
V. Hydrargyrus in uno tubo descendit, in altero ascendit. 207
VI. Hydrargyrus cum aqua tubo inclusus, minùs altè suspensus hæret in tubo erecto intra alium hydrargyrum, quàm hydrargyrus solus. 209
VII. Hydrargyrus cum aëre tubo inclusus, adhuc minùs altè suspensus hæret in tubo erecto intra alium hydrargyrum, quàm hydrargyrus solus. 210
VIII. Aqua premit atque attollit Mercuriū in siphone erecto. 211
IX. Aqua in tubo duplici premit atque attollit Mercurium. 212

LIBER

LIBER QUARTUS.

SCRUTINIUM PHYSICUM PRÆCEDEN-
TIUM EXPERIMENTORUM.

- CAPUT I. Aëri in quo vivimus, varia rerum effluvia insunt. 216
- II. Aër non est mera variorum effluviorum congeries, sed est æther ejusmodi effluviis repletus. 222
- III. De aëris altitudine à Terra usque ad Lunæ regionem. 224
- IV. Aër gravis est; & ponderari potest etiam intra aërem. 227
- V. An vacuum Naturæ viribus procurari possit, præcedentibus Experimentis probetur. 246
- VI. An ex præcedentibus Experimentis probetur, aërem premere corpora liquida, quibus incumbit, aut quæ circumambit. 159
- VII. An ex præcedentibus Experimentis probetur, aërem premere corpora solida, quibus incumbit, aut quæ circumambit. 270
- VIII. An aqua in antlia suctoria ascendat vi aëris prementis. 278
- IX. An universaliter aër premat quælibet corpora se graviora, quibus incumbit, aut quæ ambit à lateribus & infra; item an partes aëris superiores premant inferiores sibi subjectas. 287
- X. An aër sit præditus elatere, seu virtute elasticâ. 292
- XI. Quænam sit causa aliquorum effectuum pneumaticorum, & hydraulicorum, qui passim fieri dicuntur ob metum aut fugam vacui. 299
- XII. De causa aliorum quorundam effectuum pneumaticorum, & hydraulicorum, qui vulgò adscribi solent metui vacui. 306
-

LIBER QUINTUS.

MIRABILIA HYDROTECHNICA.

- CAPUT I. Fons hydro-pneumaticus Basileensis. 317
- II. Fontis

ELENCHUS

CAPUT II.	Fontis Basileensis idea alia, priorē correctior.	321
III.	Fons hydro-pneumaticus Basileensis, omnibus numeris absolutus.	328
IV.	Scrutinium hydro-pneumaticum præcedentis fontis Basileensis.	339
V.	Situlæ Romanæ automata, spontaneo atque perpetuo motu aquam in altum attollentes.	343
VI.	Situlæ Basileenses automata, spontaneo atque perpetuo motu aquam in altum attollentes.	353
VII.	Fonticulus hydraulico-pneumaticus Pragensis.	356
VIII.	Fonticulus Kircherianus, phialæ vitreæ inclusus.	358
IX.	Fonticulus perenniter fluens, si invertatur.	360
X.	Fons Heronis, ad duplam altitudinem projiciens aquam.	364

LIBER SEXTUS.

MIRABILIA MECHANICA.

CAPUT I.	Machinæ variæ Schroterianæ indicatæ.	371
II.	Mobile perpetuum à Prænobili Domino Wilhelmo Schrotero tentatum.	374
III.	Navis quæ per aquas non profundas deduci potest, & sine mercium expositione.	377
IV.	Machina ad evchendas aquas stagnatas.	380
V.	Navis quæ quolibet vento ad destinatum locum provehi potest.	382
VI.	Navicula quæ ab uno solo homine agitari potest.	386
VII.	Navis Roterodamensis.	387
VIII.	Navis Drebellii, Merfenni, & Melitensis, quibus sub aqua navigari possit.	390
IX.	Cacabus aquaticus, & aquatica Lorica, qua quis tectus sub aqua ambulet.	393
X.	Planetologicum Rheitanum novum.	397
XI.	Mobile perpetuum Basileense.	408
XII.	Mobile perpetuum Grünbergerianum.	412

LIBRORUM ET CAPITUM.

APPENDIX AD LIBRUM VI. SPECULA MELITENSIS ENCYCLICA.

In qua quidquid vel ad Astronomicas, aut Physicas iis adnexas disciplinas
perrinet, novo ordine ac methodo, & summâ facilitate juxtâ atq;
brevitate, per rotas, cyclosque artificiosè dispositos,
digestum, repræsentatumque spectatur :

*In gratiam Generosissimorum Equitum Hierosolymita-
norum explicata, & in 125. Propositiones digesta.*

AUCTORE
R. P. ATHANASIO KIRCHERO
SOCIETATIS JESU.

LIBER SEPTIMUS. MIRABILIA GRAPHICA.

- CAPUT I. Mercurius Mono-panglottus, omnes Mundi nationes ad
linguarum unitatem invitans : sive Artificium novum,
quo quilibet unum solum callens idioma, omnia aliarum
gentium idiomata scribere, & intelligere possit. 483
- II. Clavis universalis omnium totius Mundi idiomatum. 505
- III. Tachygraphia antiqua, sive Ars celeriter scribendi per notas
usitatas apud veteres. 530
- IV. Tachygraphia nova, sive exactissima & compendiosissima
breviter scribendi methodus Anglicana. 533
- V. De Tachygraphia arithmetica ; deque notarum arithmeti-
carum origine. 537
- VI. De Cryptographiâ, seu occulta scriptione, nonnulla. 542
- VII. De Scriptoriæ artis prima inventione seu origine, DISQUI-
SITIO PHYSIOLOGICA. 547

LIBER OCTAVUS.
MIRABILIA CYCLOMETRICA.

CAPUT I.	Tetragonismi seu Quadraturæ circuli conamen recentissimum.	586
II.	Tetragonismi seu Quadraturæ circuli conamen Siculum.	590
III.	Tetragonismi seu Quadraturæ circuli conamen Anglicum.	593
IV.	Tetragonismi seu Quadraturæ circuli conamen Germanicum.	595
V.	Tetragonismi seu Quadraturæ circuli conamen Romanum.	599
VI.	Tetragonismi seu Quadraturæ circuli conamen Olomucense.	604
VII.	Varia Theoremata & Paradoxa circa Quadraturam circuli.	607
VIII.	Tetragonismi seu Quadraturæ circuli conamen Viennense.	510

LIBER NONUS.
MIRABILIA CHRONOMETRICA.

CAPUT I.	Varia Rotarum ad Chronometriam Mechanicam spectantium genera.	620
CAPUT II.	De Pendulis seu Perpendiculis, eorumq; proprietatibus nonnulla.	622
CAPUT III.	Mensuræ Chronometricæ.	624
PROPOSITIO		
I.	Perpendiculum ad mensuram temporum sic accommodare, ut ejus vibrationes sine interrupto continuæ numerationis labore fideliter supputari possint.	625
II.	Idem aliter efficere.	627
III.	Vibrationes perpendiculi continuare.	628
IV.	Ma-	

LIBRORUM ET CAPITUM.

- IV. Machinam aliam ad idem aliter efficiendū, construere. 630
 V. Easdem vibrationes aliter, & novâ ratione promovere. 631
 VI. Idipsum adhuc aliter exequi. 633
 VII. Quodlibet horologium vulgare, perpendiculi applicatione
 perquàm accuratum reddere. 634
 VIII. Horologio vulgari perpendiculum aliâ ratione applicare. 635
 IX. Aliâ ratione perpendiculi subsidio cujuslibet horologii cur-
 sum regularem reddere. 637

CAPUT IV. Potentiæ Chronometricæ. 638

PROPOSITIO

- X. Per potentiam motivam irregularem, motum chronome-
 tricū ordinatum efficere. 639
 XI. Potentias gravitate motivas instrumentis chronometricis,
 ope finitæ chordæ applicare. 642
 XII. Potentias easdem chronometricas ex infinita chorda, ad
 eundem motum continuandum appendere. 643
 XIII. Potentias chronometricas volubiles, sive pondera sphærica,
 per chordas tam finitas, quàm infinitas, instrumentis ho-
 rometricis applicare. 646
 XIV. Pondera chronometrica volubilia post descensum in i-
 mam, rursus ad supremam altitudinis regionem attollere. 648

CAPUT V. Signa chronometrica optica seu Indices. 651

PROPOSITIO

- XV. Indices chronometricos in horologiis eo artificio constru-
 ere, ut non circulares modò, sed quasvis alias figuras motu
 suo describant. 652
 XVI. Idem aliter compendiosius exequi. 653
 XVII. Indicem chronometricum ellipticâ figura peculiari qua-
 dam ratione construere, & incitare. 655
 XVIII. Indicem horologium rectilineum, horas aut earum qua-
 drantes motu recto designantem, actum iterum retro-
 gradum, variis modis construere. 657
 XIX. Indicem pro horologio ambidextro, sive in hanc & alte-
 ram partem circumeunte fabricare. 662

XX. Indicem sinuosum & obliquatum per anfractus quosvis, sine rotis dentatis quocunque lubet educere. 664

XXI. Indices horarios nocturnos diversis modis adornare. 665

CAPUT VI. Signa acoustica, sive Pulsus chronometrici. 668

PROPOSITIO.

XXII. Eâdem potentiâ chronometricâ motum indicis, & pulsus horarios efficere. ibid.

XXIII. Ictus quosvis fortissimos à majori malleo & pondere, majoribus campanis infligi solitos, multò minori pondere, paucioribusque rotis dentatis efficere. 673

XXIV. Sonos horodicticos aliis variis novisq; modis adornare. 674

XXV. Sonos excitatorios statis temporibus artificio multiplici procurare. 674

CAPUT VII. Ornamenta & parerga machinarum chronometricarum. 677

PROPOSITIO

XXVI. Optica ornamenta & parerga, instrumentis chronometricis applicabilia determinare. 678

XXVII. Ornamenta & parerga acustica, nec non osphretica, chronometricis instrumentis adjicibilia, percensere. 680

XXVIII. Judicium opticorum construendorum varias rationes exponere. 683

XXIX. Cylindrorum phonotacticorum ad exornanda chronometrica adhiberi solitorum structuras condicionesque varias exponere. 685

CAPUT VIII. Chronometra paradoxa. 690

PROPOSITIO.

XXX. Horometrum accuratum stabile, quod intra mensem vix uno minuto à cursu Solis deficiat, construere. ibid.

XXXI. Horometrum accuratum portatile cum perpendiculo, vel aliter construere. 692

XXXII. Horometrum tacitum, quod in motu nullum ferè strepitum excitet, fabricare. 693

XXXIII. Horometrum ambidextrum novâ ratione construere. ibid.

XXXIV.

LIBRORUM ET CAPITUM.

XXXIV. Horometrum indefinens efficere, quod in attractione ponderum non subsistat. 694

XXXV. Horometra obsequiosa efficere. 695

XXXVI. Horometra bellicosa ex artificii pyrotechnicis efficere. 696

XXXVII. Horometra peregrinantia, sive quæ successu temporis progrediantur, locumque regulari latione mutant. 697

CAPUT IX. Chronometra expedita. ibid.

PROPOSITIO

XXXVIII. Arenariis chronometricis vulgaribus fluxum magis ordinatum tribuere. 698

XXXIX. Clepsammia sive Arenaria chronometrica, ad anomaliam fluxus evitandam, novâ ratione construere. 700

XL. Clepsammium sive Arenarium chronometricum novâ formâ construere. 701

XLI. Arenarium chronometricum perpetuū construere. 702

XLII. Chronometricum Horarium per sphæulas descendentes. 704

CAPUT X. Horometra nova reliqua. 705

PROPOSITIO

XLIII. Horometrum rotatile tacitè decurrens construere. ibid.

XLIV. Horometrum rotatile, in quo sphæula temporis dimensiones exequitur, construere. 707

XLV. Horologium cylindricum volubile. 708

XLVI. Horologium conicum truncatum spiraliter volubile. 710

XLVII. Horometrum trochleatum conficere. 712

CAPUT XI. Horometra perpetua. 713

PROPOSITIO

XLVIII. Perpetuationis horometrorum physico-mechanicæ, condiciones. 714

XLIX. Machinarum chronometricarum motus per ignem perpetuare. 717

I. Machinarū chronometricarū perpetuatio per aërem. 720

II. Perpetuatio machinarū chronometricarū per aquam. 722

LII. Perpetuatio machinarum chronometricarum per terram, & mixta. 725

LIBER DECIMUS.
MIRABILIA AUTOMATICA.

CAPUT I.	Machinamentum primum Motus perpetui physico-mechanici per aquam.	732
II.	Machinamentum secundum Motus perpetui physico-mechanici, etiam per aquam.	746
III.	Machinamentum tertium motus perpetui physico-mechanici, per aërem, & simul per terram.	761
IV.	Machinamentum Polonicum motus perpetui artificialis.	773
V.	Machinamentum Polonicum alterum motus perpetui purè artificialis.	820

LIBER UNDECIMUS.
MIRABILIA MISCELLANEA.

CAPUT I.	Organum mathematicum Kircherianum.	831
II.	Conus vitreus candelam aut Lunam in iridem transformans.	833
III.	Catoptricum Spectaculum novum Viennense.	835
IV.	Catoptricum Spectaculum novum Augustanum.	836
V.	Phænomenum opticum novum Moravicum.	837
VI.	Phænomenum opticum novum Romanum.	851
VII.	Teledioptrice nova Uratislaviensis adumbrata.	853
VIII.	Infininitatis per impossibile exhaustæ pretium statuere.	858
IX.	Algebraicum problema admirandum.	859
X.	Varia Naturæ & Artis Experimenta, ab ingeniosissimis Regiæ Societatis Anglicanæ Affectis instituenda.	862
XI.	Character novus physiognomicus excellentis ingenii, certæ rugæ frontis.	866
XII.	Rerum altitudines perpendiculares venari ex earum umbra transcurrente.	870
XIII.	Thermometrum novum Magdeburgicum.	871
		CAPUT XIV.

LIBRORUM ET CAPITUM.

CAPUT XIV.	Numeros quoscunque quadratos ita in quadrato disponere, ut quævis series inter se additæ, sive transversim sumantur, sive à summo deorsum, sive decussatim seu diagonaliter, semper eandem summam conficiant.	872
XV.	Sclopetum pneumaticum novum Magdeburgicum.	881
XVI.	Herbas ac flores intra vitream phialam artificiosè producere.	885
XVII.	Integram abietum silvam derepente intra vitream phialam enatam exhibere.	888
XVIII.	Aqua mineralis mirabilis.	ibid.
XIX.	Idea Macrocosmi, sive Radius superioris sphaeræ.	890
XX.	Serpentes, lacertas, aliaque similia animalia, servare incorrupta.	890
XXI.	Pharmaco purgativo per apertam venam infuso purgare corpus.	891
XXII.	Oculus hominis, & aliorum animalium destructus, reparari potest ab arte.	893

LIBER DUODECIMUS. MIRABILIA CABALISTICA.

CAPUT I.	De cabalæ etymologia, significatione, ac definitione.	903
II.	De cabalæ origine, ac propagatione.	905
III.	De variis cabalæ divisionibus.	913
IV.	Cabalæ totius fundamentum præcipuum; Alphabeti Hebraici singulæ litteræ sunt significativæ.	917
V.	Cabalæ fundamentum alterum; Alphabeti Hebraici litteræ significant numeros.	923
VI.	Quo caractere exarata fuerit sacra Scriptura ante Esdræ; & quo caractere Esdræ eam restituerit.	925
VII.	De Gematria, quæ est prima cabalæ species.	937
VIII.	De Notariaca, quæ est secunda cabalæ species.	948
IX.	De Themura, quæ est tertia cabalæ species.	954
X.	De aliis duobus cabalæ modis, qui ad explicatas hæctenus species revocantur.	968

ELENCHUS LIBRORUM ET CAP.

CAPUT XI.	De nomine Dei tetragrammato, five quatuor litterarum.	963
XII.	De nomine Dei dodecagrammato, five duodecim litterarum.	970
XIII.	De nomine Dei tesseracontadyagrammato, five quadraginta duarum litterarum.	973
XIV.	De nomine Dei septuaginta duarum litterarum; five de septuaginta duobus Dei nominibus.	975
XV.	Omnia Dei nomina contineri dicuntur in nomine tetragrammato.	981
XVI.	De decem Sephiroth five Sephiris Hebræorum.	983
XVII.	De litterarum Alphabeti Hebraici significato, totius Naturæ ordinem exhibente, ex cabalistarum mente.	992
XVIII.	De rerum omnium creatarum ad se invicem, & ad hominem analogia.	996
XIX.	De Angelorum nominibus, agnitione, & adoratione, ad impetranda quæ petuntur, ex cabalistarum mente.	999
XX.	De adhæſione cum Deo, ejusdemque, & Angelorum exploratione.	1010
XXI.	In quò consistat Cabala Astrologica.	1013
XXII.	De Angelorum cultu in Astrologica Cabala usitato.	1015
XXIII.	Judicium & Crisis Genebrardi de Cabala.	1019
XXIV.	Judicium & Crisis Sixti Senensis de Cabala.	1021
XXV.	Judicium & Crisis Benedicti Pererii de Cabala.	1023
XXVI.	Judicium & Crisis Cornelii Agrippæ de Cabala.	1026
XXVII.	Nostrum judicium & Crisis de Cabala.	1030

F I N I S

LECTOR BENEVOLE.

Quoniam in absentia Auctoris pluscula errata in typum irrepsērunt, quæ TE aut perplexum reddere, aut in errorem inducere possent; non gravaberis, in dubiis Erratorum catalogū in fine Operis positum adire. In libro ultimo, qui est de Cabala, subinde **Υ** Tſade pro **Υ** Ain est positum. In Dedicat. in col. 2. lin. 8. est calculus per calculis. Levioris momenti errores Ipse corrige, **¶ Vale.**



LIBER PRIMUS.

MIRABILIA MAGDE-

BURGICA,

sive

EXPERIMENTA PNEVMATICA

MAGDEBURGI EXHIBITA.

PROOEMIUM.



*I*N hoc gaudeo aliquid discere, ut doceam: nec me ulla res delectabit, licet eximia sit & salutaris; quam mihi unisciturus sim. Si cum hac exceptione detur sapientia, ut illam inclusam teneam, nec enuntiem; rejiciam. Nullius boni sine socio jucunda possessio est. Ita præfari lubet cum Seneca Epist. 6. cum ad Lucilium amicum illos mitteret libros, ex quibus tam multum in Philosophia se profecisse, agebat. In lucem emisi paucos ante annos (Anno videlicet M. DC. LVII.) Mechanicam Hydraulico - pnevmaticam, cui in fine adnexui EXPERIMENTUM MAGDEBURGICUM, à Prænobili & Amplis-

A

simo

fimo Domino OTTONE GERICKIO , Magdeburgensis Reipublicæ Patritio, & Consule, inventum. Quod Experimentum, ut est verè præclarum, ingeniosum, & mirabile , multorum excitavit industriam ac studium, ut vel imitarentur, vel ad plura, eaque ad rectè circa aëris naturam ac proprietates philosophandum utilissima extenderent, vel scriptis suis illustrarent, vel conceptas antea de aëris natura opiniones suas inde aut confirmarent, aut mutarent.

Hos inter sunt, Illustris Dominus *Robertus Boyle*, Anglus, Illustrissimi Comitis de Corke, summi regni Hybernix Thesaurarii frater; & Clarissimus, scriptisque Libris jamdudum celeberrimus Dominus *Antonius Deusingius*, Medicinæ ac Philosophiæ Doctor, illiusq; in Academia Gröningæ & Omlandix Professor primarius. Horum enim Primus, lecto in Mechanica nostra citato Experimento Magdeburgico, mox Machinâ pneumaticâ paulò aliter constructâ, illud idem instituit, eâque Machinâ plus quàm quadraginta Experimenta, eodem ex fonte, hoc est, ex Magdeburgico Experimento hausta, exhibuit. Quæ omnia luculento Tractatu (quem NO-

VA EXPERIMENTA PHYSICO-MECHANICA

NICA *de vi aëris elastica, & ejusdem effectibus*, inscripsit) Anglico primùm idiomate Anno 1659. deinde Latino Anno 1661. comprehendit, & Oxoniæ in Anglia juris publici fecit. Alter verò Experimentum idem Magdeburgicum, & quæ nos dicto loco de illo litteris mandavimus, breviter & nervosè discussit in doctissima DISQUISITIONE DE VACUO, quam eodem Anno 1661. Amstelodami in lucem edidit.

Interea verò Prænobilis & Ingeniosissimus Experimenti Magdeburgici Auctor, tam multa alia illius occasione, ac tam stupenda Experimenta de novo excogitavit, & ab aliquot jam annis domi suæ Viris Principibus ac Doctis exhibuit, mihi vero pro sua singulari Humanitate scripto transmisit; ut fateri ingenuè, audacterque pronuntiare non dubitem, nihil me unquam in eo genere mirabilius aut vidisse, aut audivisse, legisseve, aut mente concepisse: nec puto, similia unquam, nedum mirabiliora, à condito Orbe Solem lustrasse. Idem est Magnorum Principum, Virorumq; doctissimorum, quibus ea communicavi, atque explicavi, judicium.

Quoniam igitur (ut initio cum Seneca sapientissimo dicebam) *in hoc gaudeo aliquid discere, ut doceam,*

ceam, & naturâ quasi impellor cum *Catone* apud Tullium lib. 3. de Finib. ut prosum docendo; ingens desiderium me incessit, quæcunque de novo à prædicto Humanissimo Auctore acceperam, publicandi. Tametsi enim non ignorem, dictum doctissimum Auctorem, præclarum moliri Opus, in libros octo distribuendum (ut infra suo loco dicam) quorum secundus erit *de propriis Experimentis*: quia tamen occupationibus variis, publicisque legationibus eum frequenter distineri scio; gratissimum me toti Litterariæ Reipublicæ facturum existimavi, si ea breviter, ac velut ruditer, cum bona Auctoris venia, in antecessum darem, quæ fusiùs ipse & accuratiùs est aliquando daturus.

At quia nova Experimenta omnia, quæ tum hoc, tum sequenti Libro producturus sum in medium, in primo illo antehac in Appendice Mechanicæ Hydraulico pneumaticæ edito fundantur; & post illud editum à me, multa alia ad ejus seu explicationem, seu perfectionem, interim ab Auctore per litteras didici: necessarium omnino duxi, id denuo clariùs ac plenius explicatum, aliòque digestum ordine, præmittere.

In duas ergo hunc Librum Partes distribuam. Prima

ma continebit Experimentum Magdeburgicū olim à me editum, aliaque, quæ cum illo sunt implicata, nec nisi breviter ac ferè confusè, citato Mechanicæ nostræ loco, explicata. Atque hæc voco EXPERIMENTA MAGDEBURGICA ANTIQUA. Secunda Pars complectetur illa Experimenta, quæ, post primum illud in lucem emissum, sunt mihi ab Auctore de novo communicata. Hæc EXPERIMENTA MAGDEBURGICA NOVA appello. Sequens Liber secundus dabit Experimenta Anglicana. Tertius in unum colliget varia alia ejusdem aut similis generis, variis temporibus ac locis, variisque ab Auctoribus excogitata, atque exhibita. Quartus denique ex his omnibus præmissis Scrutinium instituet Physico-Mathematicum de variis aëris proprietatibus, atque effectibus, præsertim verò de pressione ejus circa corpora quæ ambit, deq; virtute ejus (ut Recentiores vocant) elastica ad se dilatandum. Reliqui libri ordine sublequentur.

Suscepti laboris in his quatuor Libris scopus præcipuus est, alios ad Experimentalem Philosophiam excitare. Sæpe enim jam quâ verbis, quâ opere ipso significavi, quantopere arrideat mihi illud philosophandi genus, quod non in verborum & argutia-

rum subtilitatibus situm est, sed ipsius Naturæ reconditos sinus penitiùs scrutatur, & *Scire* cum *Possè* felici connubio jungit. Quod cùm sine Experimentis fideliter institutis, ingeniosèque explicatis fieri nequeat; dici non potest quàm vehementer desiderem, ut hoc tam docto sæculo, quo sciētiae omnes, omnesque artes summum attigisse videntur gradum, hoc quoque studium, quo sine Antiqui frustra animum ad Philosophiam, quam nobis tradiderunt, applicassent, postliminio revocetur; uti magnâ animi voluptate in Anglia à Viris doctissimis & Industriissimis, in itâ in hunc finem societate, & quasi confœderatione, factitari audio, ut initio sequentis Libri enarrabo. Hoc autem studium cùm sine ingenti labore, dispendio temporis, & magnis sumptibus inchoari ac perfici nequeat; non possum non summo opere approbare, & quibus valeo modis Mundo propalare eorum conatus, qui ejusmodi studio delectantur, & thesauro ejuscemodi Rempublicam Litterariam ditant. Quare tametsi aliàs jam, ut dixi, Antiqua hæc, quæ sequuntur, Magdeburgica Experimenta in lucem dederim; eadem tamen, ut ad plurium notitiam veniant, iteratò dare, aliaque quæ dixi, addere non gravabor. Hæc altera suscepti laboris causa est. •

MONITIO AD LECTOREM.

Nobilissimus sequentium Experimentorum Auctor supponit, sequentes mirabiles effectus, non vacui metu, ut Peripatetici loquuntur, sed aëris externi Terraque globa, aliisque corporibus superincumbentis pressione contingere. Quam rem nos infra Libro quarto fusè discutiemus, & in Auctoris sententiam, in plerisque saltem concedemus.



PARS PRIMA.

EXPERIMENTA MAGDEBURGICA ANTIQUA.

Philosophiam solidam, quæ rerum, non verborum, veritatem, non formalitatem indagat cognitionem, Experimentis ortum suum, progressum, ac perfectionem debere, is solus ignorat, qui nescit scientias humanâ industriâ acquisitas à sensibus, sensibilibusque potissimum effectibus initium habere. In tenebris ergo venatur, quicumque sine Experimentis rerum sub sensus cadentium notitiâ studet: indignus verò Philosophi est nomine, qui eum discendi modum contemnit. Sibi è contrario, aliisque veritatis Amatoribus consulit quam optime, nominemque.

Philosophiæ Experimentis ortum habet.

menq₃ aternitati transcribit, qui vires, ingenium, et a tem, facultatesq₃ in id unicum impendit, ut per effectus, hoc est, per experientiam (quæ veritatis inventrix est, & conservatrix) in rerum occultarum notitiam deveniat. Hunc sibi scopum præfixisse, ac verò etiam propius omnibus antea eodem collimantibus accessisse, in aëris natura perscrutanda, Prænobilem atque Amplissimum Dominum Ottonem Gerickium, enarranda testantur Experimenta.

CAPUT I.

EXPERIMENTUM I.

Aër è vase vitreo per antliam pneumaticam extrahitur.

*Experi-
mentum
Magdebur-
gicum an-
tiquum.*

HOc est primum, & reliquorum omnium fundamentum. Quod ut intelligatur, præmittenda sunt illa, quæ ad Experimenti exhibitionem ac praxin requiruntur; hoc est, Machina quâ exhibetur, omniaque quæ ad Machinam pertinent, describenda.

§. I. Quid requiratur ad Experimentum exhibendum.

AD Experimentum exhibendum requiritur *Primò*, Vas vitreū, ad formam Recipientis (ut Chymici & Pharmacopœe appellant) elaboratum. *Secundò*, Epistomium orichalceum, collo Recipientis adferruminatum. *Tertiò*, Siphon evacuatorius, seu antlia pneumatica. *Quartò*, Cuppa aquæ plena, cui Siphon implan- tetur. Itaque

Primò, Fiat vas vitreum AEC eximie capacitatis & spissitudi-
nis

Iconesmus. I.

Fig. I.




Fig II




Fig. III.





Fig. V.



Fig. VI.









nis, in Recipientis formam elaboratum, ut apparet in Figura I. Vide Iconismi I. Figuram I.

Secundò, Collo hujus vasis adferruminetur firmissimè, aut adglutinetur singulari glutine & arte, epistomium orichalceum, A B D, habens versatilem clavem E. Hæc foramen epistomii, cui transversim intruditur (ut in Figura II. apparet) exactissimè Vide Iconismi I. Figuram II. impleat, nè vel minimum aëris ingredi in vas, aut elabi, nisi revolutâ clave, queat. Tubus quoque A B epistomii ita firmiter & exactè collo Recipientis adferruminetur, aut adglutinetur, ut omnis prorsus aditus aëri inter colli convexam & epistomii concavam superficiem intercludatur.

Tertiò. Fiat Siphon evacuatorius, seu antlia pnevmatica, ad extrahendum aërem è Recipiente A B C, ejus formæ, quam Figura III. exhibet. Vide Iconismi I. Fig. III. Nimirum tubus F M N sic utrimque apertus, scilicet in F, & in M N; prætereaque in dorso ubi G. Intus fiant duo assaria, seu ventilia (ut nostri nunc vocant) unum I, alterum H: quorum primum aperiatur versus I, claudatur versus F; alterum aperiatur versus G, claudatur versus H. Pistilli K L embolus K expleat exactè cavitatem tubi. Manubrio L alligentur duo funes, ut dum antlia agitur, & pistillum extrahitur arque intruditur, apprehendi inter extrahendum à pluribus possit.

Quartò. Fiat cuppa, seu vas ligneum, sufficientis capacitatis O P Q R, ut in Fig. IV. Vide Iconismi II. Fig. IV. Hujus fundo implantetur antlia pnevmatica antea descripta, & orificio aperto F inferatur collum A B D, Recipientis A B C, dictumque orificium F obturetur, ut nec aqua, nec aër ingredi per ipsum possit.

§. II. Quomodo fiat Experimentum?

Finis Experimenti est, ut aër è Recipiente C extrahatur, agitando siphonem evacuatoriũ, seu antliam pnevmaticam F M N L antea descriptam. Quod ut fiat, impletur cuppa O P Q R aquâ usque ad summum, ita ut orificium F antliæ, clavis versatilis E epistomii, ipsumque epistomium & collum A B D Recipientis, sint intra aquam immersa, adeoque aërem nec accipere, nec reddere queant. Deinde revolutâ clave E aperitur epistomium; & ab uno, duobus, aut tribus agitur antlia, extrahendo & intrudendo pi-
B. stillum

stillum KL. Quod cum extrahitur, aperitur aslarium seu ventile I, versus I, & clauditur aslarium seu ventile H versus G; sequiturque aer vasis C, per orificium D, receptus intra antliam pneumaticam. Cum verò retruditur pistillum intra antliam, clauditur aslarium I versus D, prohibetque regressum aëri intra Recipientem; interim verò aperitur aslarium H versus G, & aer ab embollo K pressus violenter erumpit ex orificio G. Hæc pistilli agitatio continuatur per unam, duas, aut plures horas, pro majori aut minori capacitate vasis C, donec oppidò difficilis reddatur extractio. His factis, clauditur epistomium, convolutâ iterum clave E; & vas vitreum refigitur ab orificio F antliæ, adhibeturque ad alia sequentia Experimenta exhibenda.

ANNOTATIONES.

I.

Vas C potest esse cujuscunque capacitatis. Quò autem est majus, eò melius exhibet effectus, quos Auctor Experimenti monstrare intendit, ut postea videbimus. Hic in Arce nostra Herbipolitana, ubi sæpius Experimentum exhiberi vidi, ut in Appendice Mechanica Hydro-pneumatica narravi, plura habent hujusmodi vasa, quorum unum continet mensuras Herbipolenses 32. circiter, alterum 27. tertium 20. quartum 3. aut 4. præter propter.

II. Agitatio antliæ pneumaticæ facilis est in principio; paulatim verò crescit difficultas extractionis pistilli; tandemque tam redditur difficilis, ut duo robustissimi juvenes ad sudorem usque adnitentes vix extrahere illud amplius possint, nec prohibere quin sponte relabatur intus, ac cum impetu & sono illidatur ad partes I. Hæc igitur ratione evacuatur paulatim Recipiens C. Cum ad dictam extrahendi pistilli difficultatem est ventum, ajunt, qui vacuum stabilire per ejusmodi Experimentum volunt, totum tunc extractum esse aërem, totumque vas evacuatum. Quod an verum sit, infrà Libro 4. examinabimus. An verò tanti temporis labor requiratur, ad vas evacuandum, decernitur infrà cap. 28.

III. Auctor tamen Experimenti non intendit verum vacuum per illud demonstrare, sed gravitatem ac pressionem aëris Terraqueo globo inumbentis, ut infrà suo loco videbimus.

IV. Idem

IV. Idem Auctor in litteris 22. Julii, anni 1656. ad me Magde-
 burgo datis (quas infra adducam) ait, antliam pneumaticam etiam
 post longam agitationem adhuc posse agitari, sed tanto difficilius
 post aërem extractum, quanto gravior est aër circumstant. Putat
 enim, aërem gravitate ac pondere suo pistillum extractum retrude-
 re intus; ideoque totam difficultatem in pistillo extrahendo, & im-
 petum in resiliendo intra antliam, adscribit ipse externi aëris gra-
 vitati, ut infra fusiùs dicetur. Quare in iisdem litteris addit, si
 vitreum vas rotundum sit, nunquam fractum iri, quantumcunque
 continuetur agitatio antliae, etiam equis adhibitis, qui diu noctuq;
 in extrahendo laborarent.

Antlia
 pneumatica
 in Expe-
 rimento
 Magdebur-
 gico agita-
 ri potest
 quam diu
 lubet.

V. Genus quoddam glutinis, quo epistomium & alia vitris ad-
 glutinari, & vitra ipsa, si frangantur, lutari queant, dabo
 sequenti cap. 9. Annotat. 3.

CAPUT II.

EXPERIMENTUM II.

*Vas vitreum evacuatum levius esse, quàm aëre
 plenum, hoc Experimento ostenditur.*

INter plura vasa vitrea, quæ dixi Annotat. 1. hic Herbipoli adhi-
 ber solita ad prædictum Experimentum, maximum est capax
 3 2. mensurarum Herbipolensium, seu urnæ dimidiæ Franconicæ.
 Hoc, antequam extraheretur modo prædicto aër, ponderârunt
 statim, & inventum pondus notârunt. Deinde extracto aëre,
 clausæque epistomio colli ABD, iterum ponderârunt ad eandem
 statim; repperuntque id minùs, quàm antea, ponderasse loto-
 nes seu semiuncias duas cum tribus quintis, seu unciam unam cum
 sex deimis. Quod sanè luculentissimum argumentum est, ac ne-
 scio a aliàs tam luculenter visum, gravitatis aëris, ut in Appendi-
 ce ad Mechanicam quoque notavi.

Vas evacu-
 atum aëre
 levius est,
 quàm ple-
 num aëre.

Vide Ico-
 nismi I.
 Fig. II.

Testatur hoc ipsum etiam Auctor Experimenti in litteris ad
 me Magdeburgo datis 4. Junii S. N. anni 1656. his verbis: Tertiò
 ponderare etiam possumus (Illo meo invento) aërem vitro conclu-
 sum:

sum: quanto enim levius est vitrum post aërem extractum, tantum ponderabat aër antea in eo contentus. V. G. Recipiens quo pharmacopola in distillandis aquis utuntur, post extractum aërem tribus aut quatuor circiter lotonibus (seu semiunciis) levior est, prout Reverentia Vestra apud Eminentissimum Electorem Moguntinum viderit. Quæ verba etiam in Appendice Mechanicæ §. 6. adduxi.

Consentit R. P. Melchior Cornaeus in Curriculo Philosoph. lib. 4. Physicor. Disput. 3. Quæst. 4. Sect. 2. his verbis: *Recipiens postquam dicto modo exantlatus est, si ad libellam examinetur,prehenditur esse levior quam antequam exantlaretur, fuerat. Vidi Recipientem, qui 32. circiter mensuras Herbipolenses capiebat, post ejusmodi evacuationem, cum ad bilancem appenderetur, duas semuncias & tres quintas unius semuncia minus ponderare, quam ante evacuationem ponderaret. Hæc ille.*

ANNOTATIO.

Aër gravis est, & ponderari potest, etiam intra aërem,

Aërem esse gravem, multorum est sententia; quibus & nos assentimur in *Mechanica Hydro-pneumat. Part. 1. Protheor. 4. cap. 6. Prop. 1. & in Magia Part. 3. lib. 4. Syntagm. 3. Pragmat. 10. & in Joco-serius Centur. 3. Propos. 66. Eundem ponderari posse, ac sole-re, idq. multis modis, cum multis statuimus ibidem. Inter omnes tamen præcipuus ac evidentissimus est hic, de quo nunc agimus, ut patebit, præ in hanc cum aliorum præxi-bus, quas citatis locis adduximus, conferenti. Clarissimus tamen Vir Antonius Deusingius in *Disquisit. altera de Vacuo, Sect. 2. cap. 4. asserit, neque hoc, neque aliis modis explorari posse pondus aëris intra aërem, in quo nos sumus, & ponderationem institui-mus. Rationem adsignat, quia aër in aëre nec gravitat, nec levitat. Non negat tamen, Recipientem evacuatum deprehendi levio-rem, si ad bilancem aut stateram examinetur, quam cum esset aëre plenus: at hujus rei causam non esse ait, quod aëre evacuatus, aut plenus sit, aut quod aër in eo conten-tus pondus augeat, extractus minuat; sed quod post evacuationem aër circumstans Recipientem sit factus compactior ac densior, ideo-que in eo minùs gravitet idem pondus Recipientis, quam antea dum aër circumstans erat rari-or, seu minùs compactus: veluti navis onusta (inquit) minùs altè mergitur in aqua marina, quam in fluviali.**


Aërem

Aërem autem qui circumstat Recipientem evacuatum, mutatum esse post evacuationem, ac densiorem factum, magis q̃ compressum atque compactum, inde probat, quòd dum è Recipiente per antliam pneumaticam extrahitur àër; in ejus locum per vitri peros subingrediuntur partes etheris, quæ circumstanti àëri erant admixta; æthere autem recedente, àëris partes cœunt, & constipantur, atque adeo àër condensatur. Dum ergo (concludit) circa Recipientem àëre evacuatum àër ambiens densior compactiorq̃ existit; idem Recipientis pondus, lanci impositum, àërem densiorem sibi circumstantem minùs deprimit, quàm ante exantlationem deprimeret rariorem: ac interim lanx altera ad bilancem opposita in àëre versatur non æquè compacto, atque is est, qui proximè Recipientem circumstat; quare validiùs æquali pondere deprimitur.

Nos citato loco Foco seriorum §. 3. diximus, etiam àërem intra àërem gravitare, si vasi includatur, & à reliquo àëre circumstante discontinuetur; dummodò àër inclusus vasi, & àër circumstans in quo fit ponderatio, sint ejusdem densitatis, aut raritatis. Probavimus id à paritate ex aquis desumpta. Tamen si enim aqua intra aquam non gravitet, nec partes superiores premant inferiores sibi subjectas, ut probavimus fusè in Magiæ Part. 3. lib. 5. Syntagm. 3. Erotem. 3. tamen si vasi includatur pars aqua, hæc gravitat intra aliam ejusdem rationis aquam. Nam dolium plenum aqua, plus mergitur intra aliam aquam, quam vacuum: & si per apertum fundum navis, aut vasis cujuscunque aquæ supernantis, ingreditur paulatim aqua, navis aut vas paulatim mergitur, actandem demergitur. Idem dico fieri cum àëre intra àërem, uti experientiâ patet. Corruit ergo contrariæ sententiæ fundamentum. Ex quo etiam constat, in invalidam esse rationem adsignatam, cur vas evacuationis magis in bilance deprimatur, quàm àër plenum.

Fusiùs & clariùs hoc idem probamus loco

citato, quem vide.



CAPUT III. EXPERIMENTUM III.

*Intra collum vasis evacuati aqua immersum,
si aperiatur, cum impetu sursum ir-
rumpit aqua.*

*Aqua sur-
sum ascen-
dit intra
vas evacua-
tum aëre.
Vide Ho-
nismi I.
Figur. V.*

Recipiente modo dicto Experiment. I. evacuato, & clauso per convolutionem clavis E, si is refigatur ab antlia, & inversus immergatur intra aquam, ut in Figura apparet, iterumque revolutâ clave E aperiatur; magno impetu atque tumultu sursum irrumpit aqua intra vas per collum, instar aquæ vehementer ebullientis, vel potius instar scaturiginis fontium copiosissimè è vena terræ erumpentium, idque paulatim replet ferè ad summam usque. Ac primò quidem cum Experimentum hîc Herbi- poli in Recipiente 27. mensurarum capaci sumpsissent, ingressæ sunt mensuræ 26½. Iterum cum idem tentassent cum alio minore Recipiente 20. circiter mensurarum capace, adeo is repletus fuit, ut vix spatium quod avellana nux repleret, remanserit ab aqua vacuum; quod tamen spatium aër replebat in sphærulem conglobatus, qui & ad aquæ motum huc illuc discurrebat. Nunquam tamen rem eò deducere potuerunt, etiam minore Recipiente adhibito, ut omnem excluderent aërem, mea in præsentia. Pauxillum id aëris dicebant esse illud, quod in epistomii collo, ab orificio D usque ad clavem E, nidulare statim incipit, dum ab antlia refixus Recipiens deferretur ad aquam, cui immergi debet. Sperabant quidem, se illud quoque excludere posse; ac postea asserabant id factum alio tempore, me non præsentem. Quod tamen ut credam, adduci difficulter possum: nam semper notavi, dum Experimentum hoc fieret, aquam irrudentem intra Recipientem, multas excitasse bullas, & copiosam spumam; quod apertum signum est irruentis aëris, unde unde adveniat, aut oriatur.

ANNOTATIONES.

I.

Causam cur aqua cum impetu intra evacuatam Recipientem irumpat, & quidem sursum, contra aquae naturalem inclinationem, ajunt Peripatetici esse, ut laboranti natura residui aeris, intra dictum Recipientem violenter extensae & rarefactae, succurrat. At Auctor Experimenti, ut in Appendice Mechanica §. 7. dixi, putat causam esse gravitatem aeris, aerem & aquam extra vitrum circumstantis, & suam gravitate prementis. Sicut enim (addit) in locum aut spatium evacuatum quodcunque, si aditus pateat, irumpit necessario quodvis corpus circumstans, si prematur, aut propellatur, dum modò cedere possit; ita si evacuatum vitrum operiatur, necessario aer aut aqua circumstans irruere debet, quia premuntur ab aëre incumbente, & possunt cedere. Quid ego sentiam, suo loco aperiam.

II Parum illud aeris, quod ad nucis avellanae aut pisi magnitudinem aquae supereminere diximus, dum Recipiens evacuatus repletur aqua, oriri putat Auctor Experimenti ex ipsa aqua ingrediente, lum per ascensionem aquae, & motum istum violentum, spiritus aquae inclusi (quos propriissime dicit esse aerem) commoventur, & seceduntur. Negat itaque, parum illud aeris antea in Recipiente fuisse post extractionem factam: putat enim, in Recipiente evacuato esse aetherem: Ita sentit in litteris ad me Magdeburgo datis die 22 Julii, anni 1656. Sed de hac re iterum suo loco.

CAPUT IV.

EXPERIMENTUM IV.

Aqua è vase per antliam pneumaticam extrahitur.

Experimentum hoc non semel spectavi hinc Herbipoli; quod & in Appendice Mechanica §. 2. explicui. Sic autem fiebat. Inplebantur totum vas C Fig. II. & clausum diligentissime im-

Aqua è vase per antliam pneumaticam extrahitur.

Vide Iconismi I. & II. Fig. II. & IV.

ponebant orificio F antliæ pnevmaticæ ut antea aquis intra cuppam implantatæ, ut in Fig. I V. apparet. Deinde agitata antliâ extrahebant violenter aquam è vase C, statim in principio tali difficultate, quâ antea in fine aërem extraxerant. Nunquam tamen totam aquam extrahere potuerunt, vel difficultate fracti; vel, ut ipsi obtendebant, assarii seu ventilis I non bene accommodati & clausi vicio.

Notavi autem semper, dum aqua è Recipiente extrahebatur, frequentes bullas per collum ejus, & per medias aquas ascendisse, superioremque locum Recipientis occupasse, statimque evanescentes ex oculis in aërem abiisse.

Vide Iconismi I. Fig. V.

Refigebant demum ab antlia vas C, clauso prius diligenter epistomio per convolutionem clavis E, & aquæ vasis X, ut in Fig. apparet, imponebant usque ad collum AB, ut antea, iterumque aperiebant revolutâ clave E. Quo facto, idem effectus ingredientis, & cum tumultu subsultantis aquæ videbatur; nisi quod copiosior spuma, & plures bullæ excitabantur. Nec tamen efficere potuerunt, ut totum vas C iterum aquâ repleretur, ut antea erat.

ANNOTATIO I.

Dixi in *Mechanica Hydraulico-pnevmatica*, in *Arce Herbipolensi* aqua è vase C extractam fuisse eâdem in principio facilitate, difficultate in fine, quâ antea aër fuerat extractus. *Monuit Auctor Experimenti, erroneum hoc esse, continuariq; difficultatem aequaliter per totam operationem, nisi inter operandum aër intro-mittatur.*

Addit idem Auctor in litteris 19. Augusti hujus anni 1662. datis, se omnem penitus aquam è vase extrahere posse. Nam (inquit) si vasi vitreo bene annectatur tubus longitudine unius circiter ulnæ, imponaturque orificio F antliæ pnevmaticæ; tunc pressio aquæ tubi extrahit omnem aquam è vitro intra antliam, secumque rapit omnes ferè bullas ex aqua ortas; adeo ut postquam aqua extracta est, vas vitreum C aquæ, ut dictum, impositum, iterum penitus repleatur, relicto solum spatio vacuo pisi magnitudine. Hæc ille.

ANNOTATIO II.

EX hoc phenomeno bullarum per aquam ascendentium probat Auctor Experimenti, aërem oriri ex aqua. Ait enim in Responsis ad Philosophum quendam scriptis, & ad me missis (quorum in Appendice Mechanica §. 6. nonnulla adduxi) dum aqua prædicto modo extrahitur è Recipiente, manifestè vitales spiritus (ut vocat ipse) qui priùs in aqua invisibiles delituerant, bullarum instar ascendere, & superiorem locum petentes evanescere, ut diximus. In iisdem Responsis alio loco dicit, putare se dictas bullas sursum tendentes esse aërem.

CAPUT V.

EXPERIMENTUM V.

Cacabus evacuatorius construitur, eoque Recipiens aëre & aqua evacuatur.

Quoniam Recipientis C evacuatio multum & temporis & laboris, ut vidimus, requirit, si per antliam pnevumaticam instituaturs; ejus accelerandæ gratiâ Auctor Experimenti hanc excogitavit praxin.

Globum seu Cacabum fecit æneum AB ingentis magnitudinis, & aliquot urnarum capacem, instructum infra epistomio KM, & clave versatili L; suprà verò tubo CD, & clave versatili I, ut in Fig. VI. apparet. Huic tubo CD circumposita & ad ferruminata sunt alia duo vascula, EF, & GH. Cacabi hujus epistomium KML inserit antliæ pnevmaticæ intra cuppam plantatæ orificio F, ad eum modum, quo inseritur Recipiens C in Fig. IV. Iconismi II. ita ut totum epistomium KML aquæ intra cuppam sit immersum. Claudit deinde firmissimè tubum superiorem, CD cacabi, convoluta clave I: & ut omne irrumpentis furtivè aëris periculum avertat, utrumque vasculum EF, & GH, replet aquâ, ut tam clavis I, quam orificium D, tubi CD, aquis tegatur. Agitatâ deinde per aliquot horas continuas antliâ pnevmaticâ,

Vide Iconismi I. Fig. VI.

evacuat cacabum ab aëre, non secus ac Recipientem C antea evacuabat. Evacuatum diligenter communit contra aëris ingressum, & conservat in adventum spectatorum, quibus Recipientis evacuationem exhibere cupit.

Aquâ intra cacabum aëre vacuum delabente, ascendunt radii lucidi.

Quibus praesentibus, imponit Recipientem C, seu aëre, seu aquâ plenum, orificio D, tubi C D cacabi, repletis prius aquâ vasculis E F, & G H. Aperit deinde clavem I cacabi, & clavem Recipientis E; & statim cacabi inanitas prolicere ad se incipit aërem aut aquam Recipientis. Interfui ego, cum totum vas C aquâ repletum imponebatur cacabo. Quamprimùm ergo apertum fuit epistomium utrumque, Recipientis inquam E, & cacabi evacuatorii I; simul delabi coepit aqua Recipientis in cacabum, simul è cacabo ascendere in Recipientem bullæ infinitæ, & radii quidam lucidissimi, & frequentissimi; & post longam agitationem ac luctam bullarum cum aqua, adhærebant illæ uni Recipientis lateri lucidissimarum perlarum instar; nec cessavit hic aquæ & bullarum radiorumque conflictus, quàm diu duravit aquæ in subjectum cacabum vel lapsus, vel attractio.

Vide Iconismi I. Fig. V.

Post horam integram, cum necdum detracta aut delapsa fuisset aqua, remotum fuit à cacabo vas C, epistomio ejus E prius clauso; & aquæ limpidissimæ vasis X, ut aliàs, impositum, ut in Figura V. apparet: & nihilominus aquam fontis instar irrumpentem cum tumultu & spuma spectavi, quamvis non tantâ copiam ut antea in Experimento præcedenti, quando per antliam fuerat extracta aqua ex vase C.

Eidem huic spectaculo interfuit P. Cornæus. Quod cum accuratè descripsisset in Curriculo Philosoph. lib. 4. Physic. Disput. 3. quæst. 4. sect. 2. dub. 4. circa finem; hæc adjungit verba: *Res mira! statim incipit aqua Recipientis concitari, corpuscula quadam sursum deorsum agitare, bullulas & perlas parvas magnâ copia ad unum Recipientis latus congregare, & per epistomium in cacabum deorsum detrahi. Hoc verò vel maximè ad præsens nostrum institutum fuit, quòd toto tempore (per horam penè duravit) quo aqua deorsum meat, continui aëris quasi radii & strictura, & flammula visibiles, eaq. plures per medium unda defluentes, sursum eluctantur, idque visibiliter, & in spumam ac bullas manifestas desinunt, & ita superiore*

riorem

riorem Recipientis regionem successivè occupant. Hic tamen àër tam est rarus ac tenuis, & tantam violentiam patitur, ut quando Recipientis epistomium apertum aqua immergitur, ea tunc aqua eodem impetu irruat in Recipientem, quo irruere solet tunc, cum Recipiens ab àère per antliam fuit evacuatus, hoc uno excepto, quòd non eandem aqua copiam admittat, sed plus spatii ab aqua liberum retineat. Hæc ille.

ANNOTATIO.

IN Appendice Mechanica §. 2. dixi, Experimentum hoc de cacabo fuisse in arce Herbipolensi excogitatum. Auctor tamen Experimenti in litteris 22. Julii, anni 1656. Magdeburgo ad me datis, scribit, se dudum Ratisbonæ coram Eminentissimo nostro Electore Moguntinoid exhibuisse, eumq; in finem curasse fieri eundem cupreum cacabum, cuius ego mentionem feci.

CAPUT VI.

EXPERIMENTUM VI.

Recipiens non sphericus non sustinet evacuationem, sphericus sustinet.

IAm vidimus, si cacabi evacuati orificio D inferatur collum Recipientis C non evacuati, & utriusque clavis aperiatur; àërem Recipientis detrahi intra cacabum, eâque ratione Recipientem evacuari. Idem contingit, si Recipientis majoris jam evacuati orificio D, Fig. II. inferatur collum Recipientis minoris, & aperiatur epistomii clavis E: delabitur enim cum impetu àër è minori in majorem Recipientem.

Si tamen Recipienti spherico majori evacuato superponatur modo dicto alius Recipiens minor non sphericus; & àër ex hoc volenter in illum detrahatur; non sustinet superior Recipiens violentiam detractionis, sed contrahitur quasi in se, & in mille frustum cum magno fragore dissilit. Ita scribit ad me Auctor Experimenti die 18. Junii, Anni 1656. Idem retulerunt qui in arce no-

Vas non
sphericum
non susti-
net eva-
cationem
ab àère,
sphericum
sustinet.
Vide I. o-
nism: I.
Fig. II.

stra Herbipolensi exhibebant, & sæpe exhiberi viderant Ratisbonæ ab ipsomet Auctore Experimentum.

CAPUT VII. EXPERIMENTUM VII.

*In Recipientem, & Cacabum evacuatum, si
aperiuntur, maximo impetu aër ex-
ternus irruit.*

*Aër maxi-
mo impetu
irruit in-
tra vase va-
cuatum.*

A Uctor Experimenti in litteris Magdeburgo, die 31. Julii, Anno 1655. ad doctum quendam Philosophum misis, in Responsione ad Quæsitum 2. asserit, si evacuatum vitrum aperia-
tur, irrumperè aërem externum tanto cum impetu, ut nisi paulatim epistomium laxetur, & via modica irruptioni patefiat, vitrum in frustra dissiliat, quæ laqueari conclavis illidantur. Et hoc ait sibi non semel contigisse, cum magno oculorum periculo.

Potest & hominem ex opposito aperti epistomii stantem propè, ad se rapere. Nominarunt in Herbipolensi Aula virum notum, qui cum propius adstitisset tum, cum epistomium evacuati antea Recipientis recluderetur, coactus fuerit adstantium opem implorare, ut se tenerent; nè ab aëris in Recipientem irruentis violentia vim pateretur. Alius mihi notus apertum os suum satis² eminus admovit, & confestim deficiente spiritu manibus signum, ut se amoverent, dedit, ipse ad abscedendum impotens factus². Unde meritò Auctor Experimenti in litteris die 30. Decembris, Anni 1661. ad me datis (quas infra adducam) asserit, si quis apertum os patulo evacuati Recipientis collo applicaret, futurum ut corpus penitus comprimeretur, & mortuus in momento corrueret: quod & evidentissimo ac prorsus mirabili Experimento demonstrat, ut ex citatis litteris patebit.

ANNOTATIO

Quod de Reciente evacuato hætenus diximus, intelligi etiam debet de evacuatorio cacabo, si prius evacuetur, ac deinde repente.

penitios totum aperiatur. Mirum ergo non est, si admoti digiti ceteram cum carne nonnemini penè abstraxerit, ut in Appendice Mechanica §. 1. in fine asserui.

CAPUT VIII.

EXPERIMENTUM VIII.

Venti, nebulae, & nubes exhibentur Experimento Magdeburgico.

AUctor Experimenti Magdeburgici, quod descripsi in Appendice Mechanicæ Hydro-pneumaticæ §. 1. & supra Experimento I. in litteris datis ad medice 18. Junii, Anni 1656. & iterum in aliis 28. Februarii, Anni 1662. datis (quas infrà dabo integras) asserit, dicto Experimento exhibere nos posse ventos, nebulas, ac nubes. Fit tali pacto.

I. Recipientem C Fig. II. evacua more consueto. II. Ejus epistomio adhuc clauso inferere collum alterius minoris Recipientis non vacuati, alio epistomio instructi, cavendo nè inter utriusque epistomii latera aër elabi aut ingredi queat. III. Aperiri utriusque epistomii clavem versatilem. Et ecce, aër ex superiore non evacuato vitro descendet in vitrum inferius evacuatum, tanto cum impetu, ut vel vehementissimum superet ventum. Omnia quoque quæ in inferiori vitro reperit, disjicit ac dissipat, etiam si fuerint lapilli.

In superiori verò vitro, propter aëris præcipitantiam & confluctum, oriuntur nebulae & nubes, idque magis vel minus, pro diversitate modi operandi.

ANNOTATIO.

EJusdem hujus praxis meminit Auctor Experimenti in Responsionibus die 31. Julii, Anni 1655. Philosopho datis, Responsione ad 4. ubi ait, si vitro evacuato superponatur (modo explicato) aliud non evacuatum; præcipitari deorsum aërem in vitrum inferius vehementissimi venti instar, in superiori verò comparere nebulam.

& si denao nonnihil aëris in superius vitrum intromittatur, nebulam converti in nubes.

CAPUT IX.

EXPERIMENTUM IX.

*Candela accensa in Recipiente evacuato
extinguitur.*

*Candela
in eva-
cuato Reci-
piente extin-
guitur.*

EVacua ut antea Recipientem inferiorem C, ejusque collo inferere collum alterius non evacuati, habentis in se candelam accensam. Aperi deinde utriusque epistomium. Descendet, ut antea, aër superioris in inferiorem, hicque replebitur, ille verò evacuetur, & illicò candela extinguetur. Vide quæ dicimus Libro sequenti cap. 12. Experimento 10.

ANNOTATIO.

Experimenti hujus meminit Auctor in Responsionibus alii Philosopho datis, ubi ait, semper cum Experimentum hoc instituit, à nebula extinctam candelam fuisse; repetiturum verò se idem æstate calidâ, quando aër siccior est.

CAPUT X.

EXPERIMENTUM X.

*Aqua in tubo evacuato, & perpendiculariter
erecto, ascendit ad magnam altitu-
dinem.*

*Aqua ascē-
dit in tubo
evacuato,
perpendi-
culariter
erecto.*


Variis in litteris mentionem facit Auctor hujus Experimenti, ut in Responsione ad Interrogationem sextam Philosopho data die 31. Julii, Anni 1655. & in litteris die 22. Julii, Anni 1656. ad me datis; iterumque in aliis ad me 28. Februarii, Anni 1662. datis. Fit hac ratione.

Fiat

Fiat tubus rectus, cujuscunque amplitudinis, altitudinis verò triginta, quadraginta, aut quinquaginta ulnarum (quò enim altior, eò melius) cujus pars inferior ad aliquot ulnarum altitudinem sit cuprea, aut stannea, superior verò vitrea, aut partim vitrea, partim cuprea, &c. Ex hoc tubo extrahatur quàm diligentissimè aër, quantum fieri potest, arte in præcedentibus explicatâ; & factâ evacuatione, diligenter claudatur. Deinde intra cuppam aquâ limpidissimâ plenam erigatur tubus perpendiculariter, & aperiatur. Momento quasi temporis ascendet aqua intra tubum, ad eò majorem altitudinem, quò exactius fuerit evacuatus tubus; apparebitque per vitrum pellucidum tubi, quousque ascenderit.

ANNOTATIO.

AUct̃or hoc Experimento conatur deprehendere, & demonstrare, quàm gravis & fortis in premendo sit aër, qui terra & aqua incumbit. Ideo jubet conatum in extrahendo aëre ex tubo continuare tam diu, donec deprehendatur nihil amplius per antlia pneumatica ventile egredi. Hoc si fiat, ait aquam intra tubum ascendere ad altitudinem viginti ulnarum Magdeburgensium præter propter, prout major aut minor est gravitas externi aëris, qui aqua intra cuppam contenta incumbit. Sed de hac re plura inferius in Epistolis Auct̃oris.



*Epistola
tres Domi-
ni Ottonis
Gerickii,
ad Aucto-
rem hujus
Opera.*

EPISTOLÆ TRES,
Prænobilis atque Amplissimi Domini,
OTTONIS GERICKE
PATRICII, ET REIPUBLICÆ MA-
GDEBURGENSIS CONSULIS,

Ad
R. P. CASPARUM SCHOTTE SO-
CIIETATE JESU;

*Quibus omnia, quæ hæcenus explicata sunt, sum-
matim continentur.*

CAPUT XI.
EPISTOLA I.

Prænobilis Domini Ottonis Gerickii.

Scripseram jam, ac prælo paraveram EXPERIMENTUM
MAGDEBURGICUM, quod Mechanicæ Hydropnev-
maticæ nobilem adjunxeram Appendicem; asservueram-
que, duo platismatia seu ventilia in pneumatica anclia esse dispo-
sita, quoniam ea abundè sufficere mihi persuadebam. At quia
alii, etiam doctissimi Viri, qui Experimentum partim dirigebant,
partim spectabant, plura, aliterque ac ego censebam, disposita
inibi existimabant; Auctori ipsi scribendum censui, ejusque men-
tem explorandam: qui pro sua singulari humanitate in hunc re-
spondit modum.

*Experimen-
tum Ma-
gdeburgi-
cum ad
quid con-
ducatur.*

*Admodum Reverende, &c. Domine, & Amice. Ad litteras
Suas Herbipoli 14 Junii datas, & 14 ejusdem acceptas, hæc respondeo.
Inventum meum eò propriè collimat, ut demonstrem, aërem aliud
nihil esse quàm fumum seu odorem, vel evaporationem Terræ, qui
eam certo ac determinato pondere circumstet, omnia nullo alio corpo-
re repleta penetret, & cum Terra ipsa tam motu diurno, quàm an-
nuo*

nua moveatur, cumq; eadem unum veluti corpus efficiat. Hoc ut ostenderem, varia adhibui Experimenta; nullum tamen ex omnibus deprehendi aptius, quam quod Reverentia Vestra apud Eminentissimum Electorem Moguntinum spectavit; antliam videlicet duo habentem ventilia, per quorū unum aer introtrahitur, per alteram vero expellitur. Tametsi jam omnia longè melius, quam tunc ordinaverim. Usus atq; utilitas dicti Experimenti brevissimè est, quæ sequitur.

I. Deprehenditur quanta sit gravitas aeris nos circumstantis; & quantam in altitudinem propellat aquam intra evacuatū tubum.

II. Si vitro spherico evacuato superponitur firmiter aliud non sphericum, ut aer ex hoc violenter in illud attrahatur; contrahitur quasi in se vitrum non sphericum, & in mille frusta magno fragore disrumpitur.

III. Ponderare possumus aërem vitro conclusum: quantum enim levius est vitrum post aërem extractum, tantum ponderabat aer antea in eo contentus. V. G. Recipiens quo Pharmacopole in distillandis aquis utuntur, post extractum aërem tribus aut quatuor circiter lotonibus seu semiunciis levior est, prout Rev. Vestra apud Eminentissimum Electorem Moguntinum viderit.

IV. Veram ac propriam causam ventorum & nubium ex eodem Experimento deprehendimus, dum ventus in vitris clausis agitur, cumq; deinde nubes subsequuntur. Quæ omnia, aliæq; plura, ab eo tempore, quo apud dictum Eminentissimum Electorem fui, melius certiusq; deprehendi.

Ceterum quoniam varii rerum curiosarum Amatores, mecum de dicto Experimento per Litteras egerunt, variæq; responsa extorsunt; existimo ea, præsertim quæ præstanti Philosopho cuidam non ita pridem communicavi, non contraria fore iis quæ R. V. imprimenda curat; ideoq; pauca quadam hîc addere, eidemq; Rev. Vestra gratificandi studio transmittere, non detrectabo.

Si ea, quæ de dicto Experimento Rev. Vestra in lucem dare cogitat, prius legendi copia mihi fieret, fortassis non inutile futurum esset. Huc divina protectioni nos ambos commendans, maneo

Adm. Rev. Dominat. Vestræ
Paratissimus S. & A.

Otto Gerike.

D

CA.

CAPUT XII. EPISTOLA II.

Pranobilis Domini Ottonis Gerickii.

A Cceptâ præcedenti Epistolâ, transmissi Auctori, quæ de Experimento prædicto scripseram, & Appendicis loco Mechanicæ meæ Hydro-pneumaticæ addere cogitabam; datâ simul facultate doctissimo Auctori, mutandi, addendi, detrahendi, quæ placerent pro libitu. Addidi quæsitum, num tubi evacuati, intra quos aquam ad certam semper altitudinem ascendere in sinuaverat in præcedenti Epistola, meliusque ac fusiùs explicaverat in transmissis citatis Responsis, omnes & semper ejusdem fuerint capacitatis, hoc est, æquè ampli, aut æquè stricti? Causa hujus mei quæsitum, seu dubitandi ratio hæc est. Si exterioris aëris aquæ incumbentis gravitas sursum pellic aquam intra tubum; idem aër, seu eadem aëris gravitas, non æquè altè propellere potest aquam majoris & minoris ponderis, sed hanc altius, illam minùs altè propellet: Atqui aqua altitudinis quinque v. g. ulnarum in tubo amplo, major ac ponderosior videtur esse, quàm aqua altitudinis totidem ulnarum in tubo angusto; Ergo si aëris gravitas sursum pellic aquam in tubo angusto ad ulnas v. g. quinque præcisè, in tubo ampliore non poterit eam pellere ad tantam altitudinem. Respondit Auctor in hunc modum.

Admodum Reverende, &c. Domine, & Amice. Ad datas Suas Herbipoli 19. Julii, dieq; hesternò mihi traditas, ut quàm citissimè respondeam, oportunitatem tempus & occasionem præsentem concedunt ferie. Quid Appendicis loco adungere cogitet Suo, quem prælo jam paravit, Tractatui, probè intelligo.

Aqua in omnibus tubis Magdeburgicis evacuatis ascendit ad eandem altitudinem si aëris prementis.

Ad interrogationem quod attinet, utrum aqua in tubo evacuato semper ad eandem altitudinem, tametsi tubus & vitrum inæqualis fuerint capacitatis, ascenderit; respondeo, perinde esse in hoc negotio, quantumvis angustus aut amplius sit tubus, dummodò satis altus sit, ut aqua ascendens mensuram suam certam ac determinatam attingere possit. Quò autem altior est tubus, eò melius est: nunquam tamen aqua mensuram suam transgreditur. Conatus autem

autem

autem in aëre è vitro & tubo extrahendo tam diu continuari debet, donec nihil amplius extrahi queat per siphonis ventile. Sed Notandum, in hoc Experimento instituendo vitrum nullum tubo imponendum, sed alium tubum supernè accuratè ac firmiter annectendum, qui è superiori loco demittatur intra Machinam evacuatoriam, seu pneumaticam antliam.

Quòd si tamen altero modo, imponendo videlicet vitrum ipsi tubo, instituere placet Experimentum; impleri debet tam vitrum, quàm tubus ipse, penitus aqua, & aperiendum epistomium infernè intra cuppam aqua plenam immersum. Quò factò, quantò plùs ac validiùs aqua intra tubum & vitrum conclusa premere potest, quàm aër externus aqua intra cuppam seu evacuatoriam Machinam contenta incumbens; tantum ea subsidit, donec aqua intra vitrum & tubum contenta stet in æquilibrio seu æquipondio cum externi aëris gravitate. Ubi iterum nihil interest, ut sit sat superq. altus. Notandum præterea, tubo huic adglutinandum esse tubum vitreum, saltè ex parte superiore, ut videri possit quousque ascendat aut descendat aqua, & ubi subsistat. Adglutinatio & totum Experimentum non sine magno labore fit.

Quòd præterea Reverentia Vestra tanto me afficit honore, ut in Appendice Sua mutandi, addendi, &c. pro libito facultatem offerat; gratias ago singulares pro tanta humanitate. Oblatà igitur libertate utar, & Appendicem totam secundum ordinem & paragraphorum numeros ejusdem percurram.

I. Circa §. I. Experimentum quomodo fiat, nihil notandum occurrit.

II. Circa §. II. Experimento jam invento quanam de novo addita Herbipoli, ea omnia nos dudum Ratisbonæ toram Eminentiissimo Electore Moguntino exhibuimus: ubi & cacabum aneum (quod ille, qui curam operis habet, & propter ignorantiam Latine Lingua pro evacuare, efatuare loquitur, beneficit) fieri curavimus.

Quòd verò alius quispiam, ut ostendat, aërem solo calore, non verò violentà extractione è vase, rarefieri atque extenuari, id fumo intra vas intromisso se demonstrasse autumat; pro meliori informatione hoc, quod opponam, occurrit, nunquam videlicet omnem

aerem per calorem expelli è vitro posse. Quoniam verò ejus est natura àër, ut frigore constringatur, & calore dilatetur; ideo quò magis incallescit vitrum, eò plus àëris expellitur, nunquam tamen penitus excluditur, tametsi ita calefiat vitrum, ut candeſcat. Factum ergo experimentum, vacuum nequaquam demonstrat, siquidem & fumus àër est, & in àère sustentatur: unde si totus extrahitur àër, evanescere & fumum necesse est, quandoquidem in vacuo harere nequit.

*Aër è vitro
in antliã
pneumati-
cam trãſit,
quia li-
ber ab ex-
terno àère
ex antlia
extraçto
dilatat ſe-
ſi.*

Meum tamen Inventum & Experimentum evocat è vitro omnem àërem; non quòd is proprie extrahi se permittat, sed quia propter instam gravitatem apud nos circa terram vehementer comprimitur, atque constringitur; unde ubicunque locum vacuum invenit, eò versus se magis magisq; dilatat, & in antlia subsedit, donec in vitro nihil penitus fere supersit. Hoc ut plenius atque perfectius assequar, Machinam meam evacuatoriam, seu siphonem ita jam construi curavi, ut omnis operatio intra aquam peragatur. Hac ergo ratione omnem àërem è vitris seu Recipientibus evocare possum. Tametsi verò in Experimento illo, quo in evacuatam vitrum aqua sursum ascendit, quandoque nonnihil àëris, quanta pisi est magnitudo, supra aquam deprehendatur; id non in vitro antea remanserat, sed ex ipsa aqua oritur, dum per ascensionem aquae, & motum istum violentum, spiritus vitales (qui propriissimè àër sunt) excitantur, & expelluntur. Interim vacuum erat antea vitrum ab àère, tametsi deinde modicum illud àëris ab aqua causatum, inibi reperiatur.

*Antlia
pneumati-
ca potest
agitari
quàm diu
lubet.*

III. In §. III. Argumenta ad stabiliendum vacuum ex hoc Experimento sumpta, circa illa verba: quia post longam agitationem antlia agitari amplius non potest, &c. monendum, antliam agitari posse quàm diu lubet, quamvis extraçto jam àère tantò difficilius id fiat, quantò gravior est àër Terræ incumbens, qui pistillum extractum violenter retrudit intra vitrum.

IV. In §. IV. Argumenta ad evertendum vacuum ex eodem Experimento deprompta, hac reperio verba: Opponunt Vacuistæ, àërem non posse rareſcere extractione, sed solum calore. Probant, quia fumus intra vas C intromissus non rareſcit, nisi calidis pannis admotis, etiamsi continetur extractio aquæ. Hoc non esti-

mo argumentum esse pro *Vacuistis*, & per se omnino obscurum atque intellectu difficile est, quandoquidem *fumus* sine aëre non est. Melius fundamentum ad demonstrandum vacuum esse existimo, quod oculis clarè videamus, aërem in fontibus pneumaticis comprimi, in hoc verò Experimento meorare fieri. Etenim si in dictis fontibus semper magis ac magis compellitur intus, atque comprimitur; ergo vacuum in eis est quod aërem capiat: & si in Experimento meo extrahitur, as dilatatur; ergo quantum extrahitur, tantumdem vacui exoritur.

V. In *J. V.* qui Domini Athanasii Kircheri iudicium de hoc nostro Experimento continet, deprehendo mirari illum vehementer, quid in mentem venerit hominibus, ut vacuum ibi asserere ausint. Circa quod solum adverto, errare humanum esse. Novi ego optimè Dominum Kircherum ex multis ejus Libris editis. Ante triennium quoque per filium meum Ottonem Gericke Juniores, cum Italiam peragraret, eum salutavi; & opto vehementer hanc mihi fortunam contingere, ut coràm cum Reverendo Admodum Domino agere liceret. In Epistola sua, citato *J.* allata, ita statuit dictus Dominus Kircherus: Si enim vacuum est ibi (scilicet in isto vitro) quid facit tam difficultatem extrahendi? certè non aër, quia extractus est: Ergo nihilum illud quod relictum est: sed nihilum resistantiam facere, quis concipiat? Vera hac sunt omnia, sed malè applicata. Dominus Kircherus existimat, nos difficultatem seu resistantiam illi, quod in vase relictum est, scilicet Nihilo, aut Vaso adscribere: ego autem eam adscribo externi aëris gravitati, qui trussillum seu pistillum antlia tam vehementer in eum locum, in quo vacuum est, tradit ac premit. Certissimum id esse, hoc habeo argumentum, quod non solum experientià frequenti doctus scio, sed subducto etiam infallibili calculo exprimo, quanta potentia, quantum vè pondus requiratur, ad pistillum extrahendum è majori aut minori antlia. Sic si antlia fieret, qua ulnam integram in diametro haberet (longitudo ac brevitudo antliae hac in re nullam adferunt differentiam) ultra 1200. librarum pondus requireretur ad pistillum extrahendū; & consequenter sex viri robusti vix sufficerent: nec tamen aliud vacuum quàm hoc nostrum efficeretur; nec vitrum ullum (dummodò exactè sphaericum foret) extrahendi conatu continuato diffringeretur, tamen si equi etiam ad extrahendum adhiberentur.

Embolus in
antlia
pneumatica
cur tam
difficiliter
extrahatur.

Hemispha-
ria cuprea
Magde-
burgica.

Fieri mihi curavi duas scutellas seu hemispharia cuprea, quae si bi mutuo, si conjungantur, exacte congruant, & non nisi ulnam dimidiam & octavam ulnae partem in diametro habent. Haec si conjungo, & aërem extraho; à gravitate externi aëris adeo fortiter compressa tenentur, ut sex viri validi non possint ea divellere. Quantò ergo fortius comprimerentur, si ulnam integram in diametro haberent? Quòd sit tandem violentèr divellantur, crepitum instar musqueti edunt. E contrario, si solum laxetur epistomium, & aër intromittatur, sponte invicem separantur.

Dominus Kircherus ulterius scribit: Doleo non mihi tempus superesse, ad totam machinationem ex fundamentis confutandam. E contrario ego, non multis quidem verbis (quoniam in philosophicis disputationibus pleraque falsa pro veris supponi possunt) sed per ocularem inspectionem, verum vacuum (quod antehac tamen, hic in Terra apud nos, propter aëris gravitatem procurari posse, ipse non credideram) ob oculos ponam, ac demonstrabo; quod quidem vacuum non ingenio, sed casu, inter haec & his similia Experimenta pertractanda, deprehendi. Et quanquam ridere hoc quispiam, aut contra objicere posset, Vacuum & Nihilum idem esse, ac proinde absurdum omnino esse, velle Vacuum aut Nihilum in ocularem demonstrationem deducere; verissimum nihilominus est fieri id posse. Solum advertendum est, quid hoc loco Vacui aut Nihili nomine intelligatur. Ego promeo exiguò captu differentiam facio inter Vacuum, & Nihilum. Nihilum propriè voco, quod penitus in rerum natura non est; consequenter si prorsus nihil est, neque in oculos incurrere potest, nec capi intellectu. Vacuum verò, sive Aether (quae, ut ego quidem intelligo, idem sunt) est in rerum natura, videlicet locus seu spatium omni alio corpore vacuum; in quo aethere seu spatio omne quod corpus est, subsistat necesse est. Non ergo nihilum est Vacuum (tamet si abusivè saepe ita vocari soleat) ideoque singulari quodam modo & arte procurari tandem potest.

Præter hoc in universum is, qui hoc & alia Experimenta non viderunt, & tamen vacuum è rerum natura eliminare tam operosè laborant, hæc considerata propono. Sit cubiculum, aut conclave aliud, vacuum: ut quis ingreditur, necesse est ut eo in spatio, quod corpore suo post ingressum occupat, vacuum sit: alioquin si vacuum

non

Vacui no-
mine quid
intelligat
Auctor Ex-
perimenti
Magdebur-
gici.

non esset, sed aliud adesset corpus eodem in spatio; ibidem esse non posset. Adfuit quidem corpus aeris, sed cedere fuit coactum. Ergo sequitur ineluctabiliter, quod ubi corpus fuit, ibi spatium vacuum praextiterit; & si priori corpori succedit aliud, hoc in alterius spatium vacuum succedat, quandoquidem nihilo, ut quod nihil omnino est, corpus succedere nequit, nec ejus locum aut spatium occupare.

Quid verò Vacuum, seu Ether propriè sit, & qua ratione id, aliq, ei adjuncta, plenius intelligenda atque comprehendenda, hoc quidem tempore; quoniam ex eo magna & nova scientia, tam ratione Mundi, quam Universi, qua tamen hactenus à Physicis ac Metaphysicis prorsus aliter tradita atque defensa fuerunt, oriuntur, interimq, antequam plenior informatio traderetur, multum disputationis & contradictionis, imo & laboris inutilis adforet; manifestandum, non judico. Sapienti satis.

VI. De cetero in §. VI. Reverentia Vestra mentem meam, Epistola ibi allatâ explicatam, rectè omnino comprehendit, nec quidquam monendum occurrit, nisi quod jam recentissimè de novo per accidens mihi contigit, ut non per artem atque industriam meam, sed quasi per Naturâ ipsius operationem, purum Vacuum, uti desiderant Peripatetici, oculariter demonstrandum deprehenderim. Quod & Eminētissimo Electori Moguntino aliquando, DEO annuente, proponere cogito.

Ex dictis hactenus existimo Reverentiam Vestram aliquantò meliorem informationem, majoremq, certitudinem, circa propositum negotium adeptam. Liberum nunc erit Reverentiæ Vestrae, quantum, & qua ratione Appendicem suam ex hisce augere, illustrare, aut corrigere velit. Si quis verò scrupulus superesset circa veram cognitionem vacui in rerum natura, spero certò me eam exempturum; quandoquidem objectiones Peripateticorum §. 4. allatae, nullius momenti sunt.

Nam I. Auctoritas Aristotelis, contra ocularem demonstrationem valere non potest.

II. Quòd solummodò aër rare scat, donec ad limites à DEO sibi praestitutos perveniat, quos limites ubi attingit, cesset pistilli agitatio, & ulterius extractio, necesse est, &c. vanum est. Quid neesse est de limitibus à DEO praestitutis verba facere, ubi oculari

ter

Vacuum seu
rum Au-
thor Expe-
rimentum
Magdebur-
gici casu
invenit.

Antlia
pneumati-
ca agitari
potest
quàm diu
lubet.

ser apparet, pistillum non solum tam diu agitari posse, donec nullus amplius aër evocetur, sed quàm diu lubet, etiamsi nullus penitus aër supersit intus?

III. Obtendere, si pistilli agitatio, & aëris exanclatio majori vi adhibitâ continuetur, frangi oportere vas potius, quàm vinci Naturam vacuum abhorrentem, &c. imaginatio est eorum qui Experimentum nostrum non viderunt: nam agitatio continuari potest quàm diu lubet; nec unquam vas aut vitrum, quod sphericum sit, rumpetur, etiamsi (ut jam dictum) equi ad trahendum adhiberentur, qui diu noctuq; operarentur. Ubi semel extractus est aër, perfectum est opus; labor reliquus, quantumcunque continuetur, prorsus inutilis est. Excussum stramen flagellari quidem ulterius potest, at nihil frumenti amplius extorqueri.

Et quemadmodum IV. sine fundamento asseritur, solummodò tam diu continuari posse extractionem aëris è vase, quàm diu potest rarefcere aër, & non amplius:

Ita V. decipiunt se ipsos Domini Peripatetici, dum existimant, Contra-Peripateticos adscribere resistantiam aëri qui adhuc intus est, & quasi nihilum est; cùm tamen dicta resistantia aëri qui extra est, adscribenda sit; nec lateat etiam ipsos Peripateticos, quòd nihil potest operari.

Quod Domini Peripatetici ulterius addunt in confirmationem opinionis suae. Primò, parum illud aëris, quod in vase evacuato, globuli instar conspicitur, post quàm aquâ sursum ebulliente completum fuit, illum esse, qui antea rarefactus totum vas implebat; est contra experientiam, & visum oculi: nam clarè utique apparet, quomodo propter impetum irruentis aquae spiritus vitales, qui in aqua latent, & propriissimè aër sunt, commoveantur, & unà cum aqua ascendente sursum pellantur; quippe quibus, dum locum ac spatium (id est, vacuum) reperiunt, liberum est erumpere, sursum tendere, & in aërem converti. Qua omnia singulari oculari demonstratione & informatione ostendi possent, si occasio foret. Quod autem additur de aëre, qui intra epistomium nidulavit, arguit errorem in operando, & quòd epistomium non fuerit intus rectè elaboratum, & levigatum, potuerit q; ob id aërem intra se abscondere. Qui tamen eorum error invento seu Experimento nostro nihil derogat.

Secunda putata confirmatio Dominorum Peripateticorum, spumas & bullas ex pugna aquæ, & aëris præexistentis in vase oriri, est similiter contra claram oculorum inspectionem; quandoquidem manifestè ex ipsa operatione apparet, quâ ratione bullula, utpote spiritus vitales, omnes simul cum subjecta aqua de inferiori ad superiorem regionem vitri ascendant, non verò de superiori loco descendant in aquam subjectam. Et etiamsi cum aqua nihil aëris exterioris intret, neque (si rectè operatio instituat) intrare queat; parum tamen aëris, quod in aqua est, unâ cum aqua irrumperere non nego. Hoc tamen vacuo nihil derogat: ideo enim spiritus ejuscemodi cum aqua irrumperunt, quia vacuum reperiunt; quod nisi esset, non irrumperent. Num ergo ob tam imperceptibilem rem vacuum omne in rerum natura rejiciendum? Num saccus tritico effuso, ob unicum granum residuum, pro non evacuato habendus? Provoco interim ad nuperum casu inventum Experimentum, de quo antea; nosq. ambos divina Omnipotentis DEI protectioni ex corde commendo, ac maneo

Reverentiæ Vestræ

Benevolus Servus & Amicus

Otto Gerick. m. pp.

Magdeburgo 22. Julii Anni 1656.

CAPUT XIII.

EPISTOLA III.

Prænobilis Domini Ottonis Gerickii.

IN aliis litteris, Magdeburgo die 4. Januarii, Anni 1657. datis, inter alia multa, quæ omitto, respondet iterum, ac fusiùs, ad meum quæsitum, & difficultatem, quorum mentionem feci initio præcedentis Epistolæ, his verbis:

Hoc ut meliùs intelligatur, & ut difficultati Reverentiæ Vestræ solidiùs respondeam; paulò fusiùs, quàm in priori Epistola, rem deducam.

Scribit Reverentiæ Vestræ: Aqua quinque ulnarum altitudinis


E

in

*Aqua in
omnibus
tubis Ma-
gdeburgicis
ascendit
ad eandem
altitudi-
nem,*

in tubo amplo, gravior est, quàm aqua quinque ulnarum in tubo angusto. Si ergo gravitas aëris extrinseci propellit aquam in tubo angusto ad quinque ulnas, eadem gravitas non poterit elevare aquam ad eandem altitudinem in tubo amplo, &c. Ego autem dico quod sic. Reverentia Vestra statuatur cuppam aquâ plenam in locum aliquem, v.g. in hortum, in altitudine quinque ulnarum, indeq; demittat canalem seu tubum usque ad terram (seu magna, seu parva amplitudinis sit, perinde est) divaricatum inferius in alios duos tubos, amplum unum, alterum angustum. Aqua ex cuppa per priorem tubum delapsa tam in amplo, quàm in angusto, ad aequalem ascendet altitudinem, quia gravitas & pressio aqua in cuppa eandem vim habet pellendi sursum aquas in utroq; tubo conclusas, quandoquidem in omnibus tubis ad aequalem semper altitudinem originis suae ascendat oportet, quantacunque sint laxitatis, aut angustiae.

Similiratione cum aër in certo pondere Terraque globo incumbat; premit is ac pellit omnem aquam in quemcunq; tubum vacuum (hoc est; è quo aër penitus exhaustus est) ad tantam altitudinem, quanta est gravitas aëris nos circumstantis; nec refert, num tubi angusti sint, aut ampli. Deprehendi hoc Ratisbonae experientiâ, sed precisam altitudinem non notavi; aestimo tamen, ex domus altitudine in qua operatio instituta, ad viginti circiter ulnas eam accedere. Omitto alia multa, quæ tum in eadem Epistola subjungit, tum in pluribus aliis, tam de hisce, quàm de aliis Experimentis (quorum postea mentio fiet) perferibit.



P A R S S E C U N D A.

EXPERIMENTA MAGDE-
BURGICA NOVA.

Mirabilia sunt, ut nemo non videt, quæ recensui-
mus hætenus Experimenta, antehac tamen
fortassis leviter saltem adumbrata in tubo Torri-
celliano, & Bertiano, quorum illum hydrargyro,
hunc aquâ ex parte aliqua vacuum Natura &
Ars exhibuit. Mirabiliora sunt quæ sequuntur,
& nime me fallit opinio, à condito Orbe inaudita.
Quò majori laude dignus est Ingeniosissimus eorum
Auctor, ut qui tanto Rempublicam Litterariam
ditavit thesauro; & tam luculento testimonio Aë-
ris proprietatem, quæ paucis antehac in mentem
venerat, comprobavit, & ineluctabiliter stabili-
vit, ut suo infrà videbimus loco. Sed antequam
speciatim ac distinctè Experimenta nova propo-
nam, summatim ea prius delineare placet illis ipsis
verbis, quibus ea Auctor in Epistola Magde-
burgo die 1^æ Novembris Anni 1661. ad
me data adumbrat.

CAPUT XIV.

EPISTOLA,

Prænobilis & Amplissimi Domini

OTTONIS GERICK,

Ad

R. P. CASPARUM SCHOTT E SOCIE-
TATE JESU,

De novis Experimentis Magdeburgicis.

Admōdum Reverende, &c. Domine, & Amice. Reverentia Vēstra ultima ad me data fuerunt 17 Julii Anni 1660. quando transmisit Thaumaturgum Mathematicum, Thaumaturgum Physicum, & Pantometrum Kircherianum, &c. Nunc vehementer desidero certior fieri de Reverentia Vēstræ valetudine, & progressu in rebus litterariis. Aveo quoque videre Focoseria Natura & Artis, Prodromum in Mundum Mirabilem, Physicamq; & Technicam Curiosam, &c.

Ad Tractatum meum, quem præ manibus habeo, quod attinet, adhuc in eo conscribendo, quantum otium & occupationes aliæ permittunt, laboro. In octo dividitur Libros: quorum Primus est de Mundo, ejusq; systemate, secundum communiores Philosophorum sententias: Secundus, de Propriis Experimentis: Tertius de Eo quod est, & quod non est (quod præcipue spatium infinitum & immensum demonstrat.) Quartus, de Virtutibus Mundanis, & variis aliis rebus inde dependentibus: Quintus, de Terraqueo globo, ejusq; sociæ Luna: Sextus, de Mundo Planetario, ejusq; vero systemate: Septimus, de Stellis fixis: Octavus, de Eo quod finit Mundum. Res tamen admodum lentè procedit, cum propter aliorum negotiorum impedimenta, tum quia omni auxiliatrice manu sum destitutus. Non exiguum quoque in scribendo latine experior difficultatem, quoniam à studiorum curriculo in Universitatibus absoluto anni effluxere non pauciores 38. quo tempore rarè exercendi styli occasio occurrit.

Cæterum quia sæpe Viri primarii, atque Amici me conveniunt, meorum Experimentorum inspiciendorum desiderio; curren-
tente hac ætate nova institui, qua sequuntur.

I. Duo jam nota Reverentia Vestra hemisphaeria cuprea, quae *Experimenta Magdeburgica* vix à sexdecim equis divelli poterant, nunc suspenduntur è poste, & pondere divelluntur. Ad hoc requiruntur (pro diversitate temporis, & aëris majori aut minori gravitate) à 22. ad 26. Centenaria, quorum singula 110. libras continent.

Diversum autem aëris pondus deprehendo ope virunculi seu statuae, quae in meo hypocausto è pariete suspensa, intra tubum vitreum innatat aëri, digitoq; aëris variam gravitatem ac levitatem ostendit; simulq; indicat, num in circumjacentibus regionibus pluatur, nec ne; aut num extraordinaria tempestates mari incumbant.

II. Duo alia ejuscemodi hemisphaeria habeo, quae in diametro ulnam ferè integram Magdeburgensem comprehendunt, & à viginti quatuor equis divelli nequeunt. Haec tamen, cum aër antea extractus denuò intromissus est, exigua sringe inspirato vento difflantur.

III. Vas aliud cupreum cylindricum, cum pistillo quod ejus cavitatem expleat; in quo extrahendo viginti aut triginta virorum labor & conatus requiritur: nihilominus tamen si inferiori epistomio applicetur supra descriptus evacuatus Recipiens, & ambo aperiuntur epistomia; pistillum jam ad summum usque vasis cylindrici labrum extractum retrahitur intrò, nec à dictis 20. aut 30. viris tene-ri potest.

IV. Eodem instrumento, & predicta sringe, potest puer parvulus supra nominata 22. ad 26. centenaria elevare è terra ad ulnae unius altitudinem; quod magnam in admirationem rapit Spectatores, nescientes rei causam.

Sed finiendum est, nè diutius detineam Reverentiam Vestram. Opto ex animo, ut Deus Opt. Max. ad residua Sua praeclara atque utilia opera continuanda vires & vitam conservet, qui semper sumus & maneo.

Reverentiae Vestrae

Paratissimus S.

Otto Gericke m. pp.

Magdeburgo $\frac{1}{2}$ Nov. Anno 1681.

E 3

Lectis

Lectis litteris, vehementer desideravi cognoscere distinctius tam mira, quæ brevissimè insinuat Vir Amplissimus, Experimenta. Scripsi ergo, petivique pleniorē informationem. Quam cum à Viro Humanissimo, bonique publici Amantissimo obtinuissem, nec minori admiratione quàm voluptate perlegissem; institi ulterius, ut publici juris ea facere, ut initio dicebam, liceret. Quod & obtinui. Proponam ergo primùm distinctè & ordine, quæ insinuata in præcedenti Epistolio, explicataque in aliis subsequentibus ab Auctore fuere: tum epistolas reliquas ejusdem Auctoris subijciam.

CAPUT XV.

EXPERIMENTUM I.

Duo hemisphæria cuprea conjuncta, extracto aëre, à multis equis divelli vix queunt.

II.

Hemisphæria cuprea extracto aëre divelli à multis equis nequeunt. Vide Iconismi III. Fig. I, II, & III.



Fiant (ut in Figura I. apparet) ex cupro duæ lances, seu phialæ, aut hemisphæria, A & B, instructa manubriis, uncis L, & quatuor annulis ferreis N, fortissimè adferruminatis, ut iis funes & corrigiæ inferi, ac in diversas partes à validissima potentia distrahi queant. Fundo hemisphærii B inseratur singulare epistomium H, cum clave versatili extrà, quâ aperiri & claudi epistomium ita possit, ut nè minimum quidem aëris ingredi aut egredi possit.

II. Fiat (ut in Figura II. apparet) annulus D ex corio, æqualis cum hemisphæriis diametri. Hic annulus utrimque cerâ bene obductus, interferatur inter duo hemisphæria, hisque fortiter compressis ita adprimatur, ut aëri omnis transitus intercludatur.

III. Evacuetur bene Recipiens quem suprà Experimento I. descripsimus; aut Cacabuse evacuatorius, quem descripsimus Experimento V. Hujus vasis aut cacabi jam evacuati, & bene clausi, epistomium inseratur epistomio H præcedentium hemisphæriorum, intermedio annulo cerato compactorum. Demum aperiatur utrumque epistomium, Recipientis seu Cacabi dico, & hemisphærio-

sphærio-





sphæriorum, revolutâ simul utrorumque clave. Quo factò detrahetur aër Hemisphæriorum violentissimè in Recipientem, aut Cacabum, prout explicatum fuit suprà citato Experimento V. Quo etiam factò, claude epistomium Hemisphæriorum, convolutâ iterum versatili clave.

I V. Applica utrimque, ubi L & N, (ut in Figura III. apparet) potentias, quæ in diversas partes trahant. Hastantò fortiores esse oportet, quantò capaciora, seu majoris diametri, fuerint Hemisphæria, ut dicam in Annotationibus. Divulsâ ingentem edunt sonum, non sine adstantium & inexpertorum timore.

ANNOTATIO.

HOrum Hemisphæriorum primùm omnium mentionem mihi fecit Auctor in Epistola die 28. Julii Anni 1656. Magdeburgo ad me data, dicens ea à sex validis viris divelli non posse. Verba Auctoris dedi suprà in Epistola II. Num. V. §. Fieri mihi curavi duas scutellas, &c.

Eorundem meminit in Epistola die 4. Augusti, Anno 1657. data, his verbis: De Experimentis novis nihil singulare occurrit quod communicem. Habeo quidem præ manibus diversa, at negotia alia obstant, quò minùs effectui dentur. Solum illud cum duabus benefibi mutuò conjunctis lancibus seu Hemisphæriis perfectum jam est. Scripsi quidem Reverentiæ Vestræ, ea vix à sex viris divellenda fore: expertus tamen postmodum sum (quamvis non sine impensis, & damno) quòd ea vix duodecim equi separare queant: imò si aër omnis extractus fuerit, nec sexdecim fortassis equi id præstabunt. Quamprimùm vero aër intromittitur per apertum epistomium, sponte aperiuntur, ac separantur. Hac ibi.

Meminit & eorundem in proximè præcedenti Epistola, ut vidimus, Num. I. Numero autem II. ait, alia majora se confecisse, quæ à viginti quatuor equis nequeant divelli. Clariùs & distinctiùs de iisdem scribit Auctor in Epistola I. qua post Experimenta infra afferretur.

CAPUT XVI. EXPERIMENTUM II.

*Eadem duo hemisphæria conjuncta, extracto
aëre, à magno pondere appenso divelli
vix possunt.*

I.

*Hemisphæ-
ria eadem
extracto
aëre divelli
à magno
pondere
vix possunt.
Vide Ico-
nismi IV.
Fig. I. II.
& III.*

Fiat postis ligneus validus I, plantatus firmiter in terram. Superiori brachio adnectatur firmissimus uncus ferreus K, ut apparet in Figura I.

II. Ex prædicto unco K suspende duo hemisphæria sibi mutuò, (ut in Figura II. apparet) conjuncta, & ab aëre modo antea dicto evacuata, inferendo uncum L unco K.


III. Accipe ingentis bilancis, quâ mercatorum merces magni ponderis ponderari solent, lancem unam M, quatuor catenis instructam in quatuor suis angulis, ut in Figura III. apparet. Hujus lancis quatuor catenas annecte quatuor annulis N N N hemisphæriorum Figuræ II.

IV. Huic lanci M imponetantum ponderis, donec hemisphærium B divellatur violenter ab hemisphærio A. Divelletur autem, ubi satis ponderis fuerit superpositum lanci, nec sine fragore, & crepitu.

ANNOTATIO.

Modum hunc divellendi hemisphæria conjuncta, & evacuata, excogitavit Auctor Experimenti, quoniam præcedens valde operosus est, & semper aliquid rumpitur, aut frangitur, ob violentam ac vehementem equorum tractionem. Præterquàm quòd equi non semper ad manum esse possunt, cum exhibendum improvisò advenientibus Experimentum est.

Auctor Experimenti duo habet hemisphæriorum genera, uti postea ex ejus Epistola patebit. Majora habent in diametro fere ulnam integram Magdeburgensem. Ad hæc divellenda per pondus modo prædicto, si gravitas aëris est tanta, ut aquam in tubo sursum pellat





pellat ad viginti ulnarum altitudinem, requiruntur libra 5400. juxta Auctoris calculum, ut videbimus.

CAPUT XVII.

EXPERIMENTUM III.

Dicta duo hemisphaeria evacuata, magno pondere appenso & cadente vix divelluntur.

Hemisphaeria conjuncta, & evacuata, suspendantur ut antea *Hemisphaeria eadem evacuata magno pondere cadente agra divelluntur.*
 Hex unco K postis I. Deinde unius circiter centenarii pondus, alligatum catenis, suspendatur ex annulis NNN hemisphaerii inferioris B. Tandem elevetur pondus cum catenis, & subito permittatur cadere deorsum. Divellentur ut antea, si proportionatum fuerit pondus, hemisphaeria cum fragore.

Vide Iconismū IV.

ANNOTATIO

Rem hanc tentavit ter Auctor Experimenti, in duobus minoribus hemisphaeriis, habentibus in diametro ulna unius partes ferè tres, appenso infrà pondere centum & decem librarum. Sed semper aliquid aut ruptum, aut fractum fuit, nec divelli hemisphaeria potuerunt. Est prater ea res periculo plena, cum ex subitaneo casu ponderis facile quis adstantium, aut operam locantium ladi queat. Quae de causa Auctor praedictum modum non amplius adhibet.

CAPUT XVIII.

EXPERIMENTUM IV.

Hemisphaeria quae à multis equis divelli nequeunt, diffilari ab uno homine possunt.

Fit hoc tali pacto. I. Extrahitur omnis aër ex hemisphaeriis. II. *Hemisphaeria eadem facile solida siphone*
 Aperitur epistomium H, ingrediturque aër cum impetu, & sibilo. III. Siphone seu syringe inspiratur bistervè parum aëris. *fringe*
 F Et diffilantur.

Vide Iconismū I V.

Et ecce cum impetu divelluntur hemisphæria, quæ ab equis viginti (imo à centum, si majora sunt hemisphæria) divellinequeverunt.

ANNOTATIO.

Hujus Experimenti meminit Auctor in Epistola proximè præcedenti, Num II. ut vidimus; iterumq; in sequenti Epistola I. ut videbimus. Si dicta duo Hemisphæria non ita essent interposito annulo cerato conglutinata, sufficeret aërem per epistomium H intro-mittere, ut sponte separarentur.

CAPUT XIX.

EXPERIMENTUM V.

Ahenum evacuatum tantā vi sorbet pistillum sibi implantatum, ut à multis hominibus retineri nequeat.

*Ahenum
evacuatum
tantā vi
sorbet pi-
stillum sibi
implanta-
tum, ut à
multis viris
retineri
nequeat.
Vide Icon-
ismi V.
Fig. II. &
III.*

OMnem admirationem & fidem excedit hoc Experimentum, quod ingeniosissimus Auctor instituit tali pacto.

I. Facit ahenum cupreum cylindricum (quale est O Figura II.) cujuscunque altitudinis & amplitudinis. Quo tamen capacius seu amplius, eò mirabiliorem effectum præstat. In fundo facit ansam S perforatam, & epistomium X cum clave volubili.


II. Facit fortissimum ex robore & ferro pistillum PQR (quale ostendit Figura III.) cujus manubrii pars PQ est ferrea, pars verò QR lignea; embolus verò R est ex crasso aslere quercino. Hic embolus R est æqualis diametri cum diametro internæ cavitatis aheni O, ita ut ejus capacitatem seu amplitudinem perfectissimè & exactissimè expleat. Est præterea peripheria hujus emboli per totum circuitum excavata ad instar trochleæ, ac si funem ut trochlea excipere deberet. Causa postea patebit Num IV.

III. Postiligneo I Figuræ I. implantat duo fortissima brachia ferrea, A V furcatum in V, & B W rotundum seu teres.

IV. Ansam S, aheni O, inserit brachio B W. Emboli R cavi-
tatem

Vide Iconismi V.
Fig. I, II,
III,

Fig. I.






tatem per circuitum explet stuppâ, & violenter intrudit intra ahenum, ad fundum usque; manubrium verò P Q inserit intra furcam V, nè dum extrahitur pistillum ex ahenò, huc illuc vacillando deflectat ad latera, sed rectà ascendat.

V. His ita constitutis, affundit parum aquæ supra embolum R, ut exactiùs aheni cavitatem expleat, & omnem aëri transiitum inter se & aheni latera prohibeat. Tum demittit ex trochlea T, funem F T Z, unumque F inserit annulo P pistilli ahenò implantati. Demum ad extremitatem Z disponit viginti aut plures robustissimos viros, qui trahentes funem extrahant omni conatu adhibito pistillum ex ahenò, aperto interim inferiori epistomio ejus X. Cum pistilli pars latior Q attingit unum V, extrahi amplius non potest. Hæret itaque embolus intra supremum labrum aheni.

VI. His etiam factis, epistomium sæpe jam nominati Recipientis aut Cacabi evacuati, inseritur epistomio X aheni, & simul utrumque aperitur. Interim viri ad funis extremitatem Z applicati, omni conatu eum tenent, atque ad se trahunt; & nihilominus pistillum properè relabitur ad fundum usque aheni, frustrato omni renitentium virorum conatu. Inspice Leonismum VI.

ANNO TATIO.

AUctor Experimentum hoc instituit, ut demonstraret quantà vi & impetu evacuatus Recipiens externum aërem, & qualibet vicina corpora si aperiatur, ad se rapiat, adeo ut si quis adstantium os hians propius admoveret, interiora ejus penitus contraherentur, & spiritu deficiente anima è corpore extruderetur; quod aliqui ut crederent, adduci antea non poterant.



CAPUT XX. EXPERIMENTUM VI.

*Puer syringe aërem è prædicto aheno extrahens,
aliquot centenariorum pondus elevat.*

I.

*Puer syringe aërem
ex aheno eliciens,
ingens pondus elevat.*

*Vide Iconismi VI.
Figur. II.*

A Henum collocetur ut antea supra brachium B W postis I : pistillum extrahatur, ut embolus R hæreat intra supremum aheni labrum : unco K appendatur alia trochlea H : funis F T transiens supra trochleam H, descendat versus N : appendatur lanx M, de qua in Experimento secundo præcedente ; lanciæque imponantur dicta ibidem centenaria viginti sex. Hærebit lanx cum aheno in æquilibrio, quoniam pistillum intra rimam seu furcam V hærens, non potest ulterius ascendere.


II. Fiat syringe, quæ habeat duo platismatia seu ventilia, eodem modo intus disposita, ut in antlia pneumatica, de qua supra parte I. Experimento I. unum nimirum prope orificium, per quod aër ingrediatur per orificium intra syringem ; alterum supra dorsum, per quod aër intrâ receptus iterum expellatur. Hujus syringis orificium intrudatur intrâ apertum epistomium X aheni, & à puero annorum quindecim circiter agitur pistillum syringis.

Extrahetur aër ex aheno ; sequetur pistillum & embolus PQR versus fundum aheni, & attolletur lanx M cum pondere viginti sex centenariorum superposito ; fietque ut puer syringe è prædicto aheno aërem extrahens, aliquot centenariorum pondus elevet.

ANNOTATIO.

Si majus pondus, ut puta campana aliqua ingens elevanda foret, ahenum fieri deberet amplius, & pistilli embolus latior, juxta proportionem videlicet ponderis elevandi ; qua quidem proportio inter pondus & amplitudinem aheni calculari facile potest, cognita semel aëris gravitate.

Notan-





Notandum tamen, aërem non semper in eadem gravitate perseverare, sed cum tempore mutari, & nunc majorem, nunc minorem effici. Quare ad inveniendam dictam proportionem pro quovis tempore dato, cognitam esse oportet gravitatem aëris pro eodem tempore.

CAPUT XXI.

EXPERIMENTUM VII.

Statua lignea aëri innatans, variam aëris gravitatem ac levitatem indicat.

Experimenti hujus mentionem facit Auctor in Epistola proximè præcedente Num. I. & in proximè sequenti, ut videbitur. *Statua lignea aëri innatans, aëris gravitatem & levitatem indicat.* Air enim, se singulari arte effecisse, ut parva statua lignea, virunculi specie, intra vitrum aëri supernatans, ascendat modò, modòque descendat, & digito ostendat in certis divisæ lineæ punctis gravitatem aëris quovis tempore. Quo autem id fiat artificio, ait videri non posse à spectatoribus, quòd vitrum inferiùs circumdatum sit laminâ, & sola statua superiùs appareat.

Artificium ipsèmet Auctor lib. 2. Operis sui accuratiùs describet. Aliud simile artificium invenit Auctor, quod consistit in eo, ut ex lamina subtilissima cuprea globus fiat cavus, omnisque ex eo aër extrahatur: Suspendatur deinde è libræ exactissimæ brachio uno, ex altero verò suspendatur sacoma seu contraponidium. Quoniam igitur aër extrinsecus non semper ejusdem est gravitatis, continget ut globus nunc ascendat, nunc descendat in aëre; ascendat inquam, dum aër densatur & fit gravior; descendat verò, dum rarefcit aër & fit levior: ad eum modum quo navis, aut aliud corpus aquis innatans, magis mergitur in aqua leviori, minùs in graviore. Si jam ex medio libræ jugo, loco lingulæ index longior extet; ejus apex in vicino pariete aut tabula describet arcum circuli: Qui si dividatur in minutas divisiones, indicabit index varios gravitatis aëris gradus, prout juxta motum globi appensi modò ad unum, modò ad aliud divisionis punctum movebitur.


ANNOTATIO.

I.

HÆc rudi Minervâ; accuratiùs, ut dixi, artificium describet ipsemet Auctor, qui præter hoc, habet longè nobilius idem præstandi artificium, ut paulò post ex Epistola ad me data apparebit.

Statua li-
gnea aëris
calorem &
frigus in-
dicans.

II. Hoc artificio statua aëri innatans ostendit gravitatem & levitatem aëris. Simili artificio posset statua calorem & frigus aëris manifestare, si nimirum fieret thermometrum, & aqua tubo inclusa imponeretur globulus ligneus qui supra aquam nataret, globulo superponeretur statua cum extenso digito: alterato enim aëre, globus cum statua nunc ascenderet, nunc descenderet in trā tubum vitreum, prout nimirum aqua ipsa assurgeret aliàs, aliàs deprimeretur. Si ergo pars inferior tubi vitrei occultaretur, ut non globus, sed sola statua appareret; in superiori verò ejusdem tubi parte varia per circulos ductos fierent divisiones, ad quas statua digitus extentus motu suo vario ascensûs ac descensûs applicaretur; haberetur quod desideratur, non sine intuituum admiratione, existimantium statuam innatare aëri. Aliud huic ferè simile dabimus infra inter Mirabilia Miscellanea, nuper à Magdeburgici Experimenti Auctore transmissum.



EPISTOLÆ,

Prænobilis atque Amplissimi Domini,

OTTONIS GERICKE,

*Ad*R. P. CASPARUM SCHOTT E
SOCIETATE JESU;*Quibus omnia, quæ secundâ parte explicata sunt,
summatim continentur.*CAPUT XXII.
EPISTOLA I.*Prænobilis Domini Ottonis Gerickii.*

Miserat ad me die $\frac{1}{2}$ Novembris Anni 1661. uti ex Epistola initio hujus secundæ partis allata constat. Prænobilis & Amplissimus Dominus OTTO GERICKE syllabum novorum, Experimentorum, quæ ejusdem anni ætate præcedente concinnaverat, & Viris Primariis atque Amicis ad se eorundem visendorum gratiâ adventantibus ostenderat. Quibus lectis, dici vix potest quanto incensus fuerim desiderio, eadem penitus cognoscendi. Petii ergo à Viro Humanissimo, inchoatum favorem ut continuaret, & rudem saltem eorundem delineationem, fusioresque descriptionem transmitteret. Præstitit utrumque cumulatè Nobilissimus Auctor hac, quæ sequitur, Epistolâ, adjunctis etiam Experimentorum singulorum schematibus illis, quos proximè præcedentibus Iconismis exhibui.

Admodum Reverende, Religiosissime, &c. singulariterq; Honorande atque Amande Domine, &c. Care Amice, &c. Ex Reverentia Vestra gratissimis litteris 7^{to} Decembris datis, prosperam Ejus valetudinem magno meo gaudio percepi, &c. Desiderat Reverentia Vestra Experimentorum meorum, quæ de novo præteritâ hac ætate institui,

institui, rudem saltem delineationem, cum operandi modo. Cujus desiderio ut satisfaciam, hac repono.

Hemispha-
ria duo
Magdebur-
gica.
Vide Ico-
nismi III.
Fig. I. II.
& III.

I. Quod attinet duo hemisphaeria, lances, aut phialas cupreas A & B (vide Figura I. II. & III. Iconismi II.) qua jam ante annos aliquot fieri curavi (inter qua annulus seu circulus coriaceus D, cerâ obductus, interponitur, & cum conjuncta ac sibi mutuò superposita sunt, aër extrahitur, ac tunc vix à sexdecim equis divelli possunt, ut in Figura E apparet) de iis jam dudum Reverentia Vestra aliquid perscripsi. Quoniam verò tunc temporis nullum adhuc illius rei Experimentum feceram; scribebam, certò me credere, dicta hemisphaeria à sex validissimis Viris divelli non posse. At cum deinde ad Experimentum sumendum devenitum esset, insufficientes erant hominum vires. Quatuor ergo equos adhibui, binos hinc, & totidem inde trahentes; sed nec hi quidquam efficere poterant. Quare octo applicavi. Quoniam verò annuli ferrei N & L rumpebantur, & plumbatura quâ hemisphaerius adserruminata erant, dissolvebatur; omnia reficere, ac duplo fortiora efficere necesse fuit. Quibus refectis, quoniam octo equi nihil antea effecerant, primum duodecim, ac deinde sexdecim adhibita fuere: qui postquam iteratis vicibus in diversas traxissent partes, & hi illos non semel superassent; tandem additis clamoribus, minis, ac flagris, hemisphaeria violenter divulserunt. Atque hoc Experimentum jam sapius coram Viris Principibus exhibui.

Hemispha-
ria alia
majora.

Quia verò hic operandi modus ingenti constat labore, ac semper ferè aliquid frangitur, aut damnum aliud exoritur, praesertim dum dicta hemisphaeria divelluntur, ac terra allisa incurvantur; ideo astate praeteritâ alia duo majora fieri curavi hemisphaeria, integram ferè ulnam Magdeburgensem in diametro continentia, cum priora tres tantum unius ulna partes continerent. Quae quidem nec sexdecim, nec viginti equi poterunt divellere. Atque hoc primum est novorum meorum Experimentorum. Vide Figuram E.

Hemispha-
ria qua vi-
ginti equi
non possunt
divellere,
statu syrin-
gis separa-
tur.

II. Cum jam ab equis viginti hujuscemodi hemisphaeria divelli nequeunt, aperitur platismatium seu ventile H (quod est inter annulos N, N, & per quod aër fuit antea extractus) aditusq; conceditur aëri cum sibilo irrupenti. Quo facto, si quispiam siphone seu syringe bis terve aërem inspirat; dissiliunt ea cum impetu quasi sponte.

te. Verè ergo dicere possum, quod equi viginti (imo & centum, si majora fierent hemispharia) divellere nequeunt, flatu ut separetur me efficere. Atque hoc est secundum Experimentum.

III. Ne tamen prius dicta minora hemispharia A & B frustra forent effecta; & quoniam equi qui ea divellunt, non semper ad manum sunt; curavi in domus meae atrio ad septem horti plantari fortissimum postem I, cum extante superius brachio, & validissimo unco ferreo K. Huic dicta duo hemispharia, cum conjuncta sunt, & ab aëre evacuat, uno L appenduntur.

Hemispha-
ria eadem
pondere di-
velluntur.
Vide Ico-
nismū IV,
V. & VI.

Tum ingentis bilancis (quales in emporiis ad mercatorum merces ponderandas in usu sunt) lanx una M, quatuor catenis ad quatuor angulos alligatis instructa, alligatur ad quatuor annulos N, N, hemispharii inferioris B, tantumque ponderis imponitur, donec vi à se invicem hemispharia avellantur. Quoniam jam nota est mihi aëris supra vel circa Tellurem gravitas (qua de re jam aliàs aliquid Reverentia Vestra perscripsi, cujus & ipsa mentionem facit in Experimento Magdeburgico, quod Appendicis loco Mechanica suae Hydraulico-pneumatica adjunxit) notam quoque habeo diametrum dictorum hemisphariorum; facile calculare possum, quantum ponderis ad ea divellenda requiratur, nimirum (dum gravitas aëris est ut viginti ulnarum Magdeburgensium altitudo aquae) librarum 2686. Haec bilanci superponantur, divelli hemispharia necesse est. Quod non sine sono & crepitu contingit.

IV. In mentem quoque venit, si eadem hemispharia magni ponderis infra appensi casu derepentè divellerentur, eventurum ut bombum ingentem, tormenti bellici explosi bombo haud absimilem ederent. Suspendi ergo è loco alto illa curavi, & catenâ fortissimâ centum pondium appendi, ac subito casu dejici. Semper tamen aliquid diffractum fuit, nec hemispharia divulsa. Quia verò periculum erat, nè casu ponderis subitaneo adstantium quispiam laderetur, aut occideretur; ejusmodi Experimentum, post trinam exhibitionem, omittendum imposterum censui.

Hemispha-
riorum di-
versis ap-
pensi casu
tentatur.

V. Notum est Reverentia Vestra, vas mihi quoddam esse vitreum, quod pharmacopola Recipientem vocant; cujus collo singulartari arte adglutinatum est epistomium orichalceum. Hoc vase, ubi prius exinanitum est ab omni aëre, demonstro curiosis Spectatoribus,

Recipientis
vitrei eva-
cuati pha-
nomina.

Primò, quanti ponderis sit aer, qui in ejusmodi vase antea continebatur. Secundò, si eidem vas aliud vitreum, quod Clavam seu Cucurbitam pharmacopola appellant, suprâ applicetur, arctèq; collum unius collo alterius conjungatur, ac utrimque epistomium aperiatur: demonstrabitur unde, seu qua ex causa ventus oriatur: qui quidem, ut non oculis solùm, sed auribus quoque percipitur, nudè, & nullâ causâ aliâ interveniente, naturaliter in majori vitro (seu in Recipiente) exoritur, tamq; vehementer in id inspiratur, ut arenosos lapillos avellana nucis magnitudine dissipet. Item ostendo, quâ ratione in eodem superiore vitro orientur nebula, ac nubes, &c. Tertiò, qua ratione dictum vitrum majus omnia alia vitra non exactè rotunda, eidem ita applicata atque conjuncta, ut nullus àër externus irrepere in alterutrum queat, in momento contrahat (ut ita dicam) seu comprimatur, & in mille frustra comminuat; & quidem tanto cum strepitu, ac si fistula anea nitrato pulvere onerata exploderetur, non sine ingenti adstantium terrore.

Quoniam verò plerique adduci nequeunt ut credant, qui ejusmodi evacuato, ac repenti aperto vasi apertum os applicaret, confestim expiraturum, totumq; corpus ejus compressum atque intra se contractum iri; ejus rei probanda ac confirmanda causâ Experimentum aliud institui, ad ostendendum, dictum vitrum fortius trahere atq; ad se rapere qua applicata forent, quam viginti robustissimi trahant viri. Quid ni ergo & hominis corpus trahere atque distrahere queat? Nimirum, vas est cupreum, quasi lebetis formâ, nisi quòd latera non protuberent, sed parallela, ut in cylindris, assurgant, uti hîc in Figura O apparet. Altitudo vasis est ulnæ unius, latitudo trium ulnæ quadrantum. Infrâ adjunctam habet ansam S, stanno adferruminatam, ut brachio ferreo W, è postè I extanti, inseri queat. Est & pistillum P Q R, cujus manubrii pars P Q ferrea est, Q R verò lignea, embolus denique R è crasso assere querno confectus, excavatus per circuitum in circumferentia instar trochleæ, eo fine, ut cavitas impleri queat cannabe, lino, aut stuppâ, & intrusus intra ahenum O, ejus capacitatem exactè explere, ut explet pistillum cum embolo siphones illos, quos ad incendia extinguenda adhibemus, nè quid aquæ aut àëris inter dicti emboli & aheni latera furtivè penetret.

Aheni cuprei evacuati mira phenomēna.

Vide Iconismum IV. V. & VI.

His ita preparatis, ahenum O erectum, ansâ suâ S, ferreo brachio W (quod fortiter post I implantatum est) inseritur; pistillumq; P Q R aheno intruditur, ita ut manubrii pars ferrea P Q intra furcam V superioris brachii ferrei contineatur, ac rectâ ascendere aique descendere, sine vacillatione ad latera, dum pistillum extrahitur atque intruditur, possit. His etiam preparatis, nonnihil aquae intra ahenum embolo affunditur; atque è trochlea T, fortis funis F amittitur. Hic ad annulum P pistilli, unco suo F alligatur, & à viginti aut viginti quinque viris trahitur, embolusq; R ex aheno paulatim extrahitur; qui tamen, ob manubrii partem Q R, ad furcam V impactam, extrahi penitus non potest, sed intra supremum aheni marginem haeret. Tandem his ita peractis, saepe jam nominatus Recipiens aheni epistomio X applicatur (trahentibus interim, quanti vi possunt viris apprehensum funem) ac tam aheni, quam Recipientis epistomium aperitur: & ecce, pistillum totum P Q R praeponderans ad fundum usque aheni subsidit, vimq; omnem trahentium & contranitentium hominum eludit. Tantam vim habet dictum evacutum vitrum. Quidni ergo & hominem ad se pertraheret, & corporis intestina raperet, atque comprimeret?

VI. Denique extrahitur praedictum pistillum eò usque, ut embolus intra suprema solum aheni labra seu margines haereat. Tum supra dicta bilancis praegravatis lanx M (mediante trochleâ T, aliâq; ex K pensâ) valido fune appenditur. Demum puer quindecennus longam atque angustam syringem (ita constructam, ut per internum ventile aërem introtrahat, per externum verò extramittat) applicat epistomio X, aëremq; ex aheno extrahit. Quod dum fit, subsidit paulatim embolus ad aheni fundum, lancemq; M cum viginti sex centenariorum pondere superposito elevat. Verum ergo est, puerum scâ syringe elevare posse viginti sex centenaria.

Quod si majus quodpiam pondus, ut campana aliqua ingens, sustolenda in altum esset, ahenum amplius, & majoris diametri embolus preparandi forent, juxta proportionem nimirum gravitatis campanae. Quam autem amplum oporteat esse & ahenum, & embolum, dato pondere elevando, calculari facile potest, quoniam, ut antea dictum, notam habeo gravitatem aëris. Solum advertendum necesse est, aërem non semper ejusdem esse gravitatis: quare ad ex-

actum calculum subducendum, habenda est ratio gravitatis aeris tunc, cum operatio instituenda, existentis.

Statua li-
gnea aëri
innatans,
gravita-
tem ac le-
vitatem
ejus offen-
dit digito.

Ad hanc porro aëris gravitatem quovis tempore deprehenden-
dam, singulari quadam inventione seu praxi effeci, ut exigua è li-
gno virunculi specie efficta statua superiori loco intra vitreum tu-
bum ascendat atque descendat, & juxta certa puncta digito osten-
dat gravitatem aëris pro tempore existentis. Artificium autem
quod in inferiore parte vitri est, non apparet, nè spectatores in secre-
ti cognitionem deveniant; sed lamina per circuitum vitrum est cir-
cumdatum, ac bene munitum; unde omnia in se incommutabilia at-
que incorruptibilia perseverant, tametsi mille annis res ea duraret.
Hanc ego appello Semper vivum. Vocari posset meritò Perpetuum
Mobile. Non tamen perpetuò movetur, sed solum ad mutationem
aura in tota longè latèq; circumfusa regione. Non est Thermosco-
pium, quod calore ac frigore alteretur.

Ut verò Reverentia Vestra, veraq; Philosophia Amatores ali-
quem rei prægustum hauriant; secum expendant, si, ut dixi, veris-
simum est, quod aër non eandem semper gravitatem retinet, conse-
quens esse, si globulus ab aëre omnino evacuatus, in aëre suspenda-
tur è justa atque exacta bilance; dictum globulum, dum aër gra-
vior evadit, reddi leviolem; è contrario verò dum levior fit aër,
globulum graviolem fieri. Nam quò gravior est materia continens,
eò levius redditur contentum: Exempli gratia, si gravior est aqua,
quàm aër; globulus ille levior erit intra aquam, quàm intra aërem.
Hac si expendantur, & penitiùs introspectantur; ingentem nova-
rum inventionum campum aperiunt: ut an pluvia in circumfusa
longè latèq; regione sit, necne; an ea incipiat, aut desinat. Hac, aliq;
multa dicto artificio deprehendi possunt. Ego certè, cum praterito
anno (1660.) quo ingens ille ventus ac tempestas fuit, ex paulò antè
memorato Experimento singularem & extraordinariam aëris al-
terationem deprehendi, qui adeo levis prater consuetum aliàs mo-
dum fuit redditus, ut virunculi digitus infra infimum etiam in vi-
treo tubo notatum punctum descenderit: quo viso, presentibus pa-
lùm dixi, magnam sine dubio tempestatem alicubi extitisse. Vix dua
elapsæ erant hora, cum ventus ille procellosus in nostram etiam regi-
onem, minùs tamen violentus, quàm in Oceano fuerat, irruit. Nul-
lus

lus dubito, quin ingenti illâ tempestate portio magna aëris Tellurem ambientis erepta fuerit; quæ deinde portio (dum Terra celeri annuâ circumlacione, quam habet circa Solem, se ab aëre illo subduxit, isq; deinde solus in aethere permansit) in visibilem nobis cometam fuit conversa.

Ad ultimum, quod Domini Deusingii Tractatulum attinet, cum ad me misit Dominus Basilius, (Titul.) supremus vigiliarum Praefectus, supremus Ingeniarius, & Commendans Munitiois Lipsiensis: quem tamen nondum perlegi, sed obiter tantum inspexi. Edidit & Dominus Augustus Hauptmannus, Medicina Doctor Lipsiae, tractatulum ad Senatum Freibergensem, cui breve compendium Reverentiae Vestrae Magdeburgici Experimenti inseruit. At quia rem minus rectè apprehendit, sinistrè de ea judicat. Et si consilium ejus Freibergensis Senatus sequatur, frustra adificabit, experieturq; imaginarium Naturæ vinculum tandem dirumpendum.

Utrum jam Reverentia Vestra hanc rudem meam novorum, præteritâ astate in opus deductorum Experimentorum, delineationem ac descriptionem sufficienter intellectura sit, ex ejus responsione cognoscere a veo. Non inutile fortassis fuerit, si postquam omnia rectè disposuerit, ac scriptis mandaverit, mihi prius legenda communicaverit. Valeat feliciter, &c. Interim felicissimum novi anni exordium optando, maneo

Reverentiae Vestrae

Semper benevolus Servus & Amicus

Otto Gericke m. pp.

Magaburgo die 30. Decembris
S. V. Anni 1661.

CAPUT XXIII. EPISTOLA II.

Prænobilis Domini Ottonis Gerickii.

ACceptâ præcedenti Epistolâ, probèque intellectis omnibus in ea contentis, dubia nonnulla quæ tum circa illa, tum cir-

ca aliàs perscripta occurrebant , proposui enodanda. Mentionem quoque feci Novorum Experimentorum Anglicorum , à Domino Boyle , post lectum Experimentum Magdeburgicum à me editum , in lucem conscripto libello datorum. Quibus litteris Auctor Nobilissimus non minus doctè , quàm ingeniosè , respondet in sequentem modum.

Admodum Reverende , Religiosissime , &c. singulariterq; Venerande Domine , & percarè Amice , &c. Reverentia Vestra litteras , 17. Februarii currentis anni datas , post reditum meum Hamburgo , ubi nuptiis filii mei Ottonis Gericke , Anhaltini Principis Consilarii , interfui , domum meam præmissas reperi ; ex iisq; intellexi , ultimas meas die penultimo præteriti anni datas , in quibus ad Reverentia Vestra petitionem nonnulla meorum Experimentorum , quæ elapsâ æstate ad praxin redegeram , specificè ac distinctè perscripseram , traditas ; eaq; non parum mirari Reverentiam Vestram ; ac insuper nonnullas denuo difficultates enodandas proponere.

*Aërem
pressione
suâ aquam
in altum
pellere, pro-
batur.*

Prima difficultas est , *Quo fundamento seu ratione nitar , quòd tam varios effectus , quos alii metu vacui fieri existimant , pressioni aëris incumbētis aut circumstantis attribuam ?* Respondeo , *me in Opere quod præ manibus habeo , inter alia caput unum inseruisse hoc titulo : De constructione Machinæ Hydraulico-pneumaticæ , quæ non solum multarum inventionum occasionem præbet , sed etiam in Museo ad recreandum animum conservari potest. Quæ Machina , inter alias multas operationes , aquam e situla in pavimento dicti Musci collocata ad se trahit. Circa quam operationem jam antehac aliquot curiosi spectatores indagârunt , ad quantam à terra altitudinem dicta Machina ad se aquam trahere queat. Quod cum tunc nescirem , dictam Machinam in superius hypocaustum meum transtuli , tubum prolongavi , ac per fenestram usque ad atrii aream demissum situla aquâ plena imposui ; eundemq; quem antea effectum deprehendi. Nihilominus tamen cum censerem , attractionem illam & ascensionem aquæ non posse in infinitum crescere ; Machinam ad altiore semper ac altiore domus meæ locum transtuli , donec tandem locum subsistentiæ aquæ reperi ; qui in linea perpendiculari ad viginti ulnarum Magdeburgensium altitudinem excrevit. Cumq; eandem operationem aliquoties reiterassem , totamq; Machinam per dies*

dies aliquot immotam in eodem reliquisssem loco, aliisq; temporibus denovo operationem resumpsisssem; animadverti, altitudinem subsistentie aqua non semper aequalem esse, sed ad unius ulnae Magdeburgica differentiam crescere ac decrescere, praesertim cum pluvia ingruit. Ex quo tandem intellexi, ascensum illum aqua non fieri per attractionem, seu fugam vacui, sed verè per aëris pressionem. Cui deinde Experimento tot alia adjeci, quae librum secundum De Propriis Experimentis in praenominato meo Opere constituent. Adde quòd quovis tempore gravitatem aëris incumbentis, ejusq; diversam diverso tempore pressionem, evidentissimè & certissime demonstrare queamus.

Secunda difficultas est, Cur aër phialas illas cupreas ambiens, adeo vehementer comprimat, dum aër est extractus; non verò comprimat, dum aëre sunt plena? Respondeo, facilem hujus rei solutionem esse. Nam quando phiala sunt aëre plena, exterius interiusq; ab aëre ambiuntur, eoque mediante sunt separata: at quando aër est extractus, interius disjunguntur, nullo mediante aëre, ideoq; externus aër illis incumbit, illasq; comprimit; quod fieri nequit, dum aëre intus existente separatæ sunt, quia aër intus resistit pressionì externi aëris, estq; conjunctus adhuc cum externo, ideoq; nullum effectum dare, seu gravitatem aut pressionem efficere potest. Quod hic fit ex defectu aëris in phialis existentis, ut ab externo comprimentur; contingit in pila coriacea lusoria inflata ex abundantia aëris, cujus violenter inspiratus aër extrorsum premit, simulq; ventile fortiter comprimit. At in nostro Experimento externus aër comprimit phialas propter defectum interni aëris, qui alioqui si intus adhuc esset, resisteret.

Aër cur
comprimat
hemisphae-
ria vacua.

Tertia difficultas est, Cur tanto impetu propellat aër externus pistillum intra abenum O, exantlato aëre; ante exantlationem verò nè hilum quidem propellebat? Respondeo, quomodo potest aër externus superior pistillum premere, si illud adhuc tam infrà, quàm suprà, aëre circumdatum est? Idem esset, ac si pistillum intra aquam foret, & aqua superior id ipsum deprimere deberet; cum tamen inferior aqua contranitatur, & pressionì ejusmodi resistat. At si separatio fieri, inferiorq; aqua, sine successione circumstantis aqua, auferri posset; sine dubio superior aqua pistillum vehementer premeret, &

maius

majus quidem seu latius majori vi, quàm minus seu strictius. Idem contingit in aëre. Dum infra pistillum nullus est amplius aër, supra verò ipsi adhuc aër incumbit, & quidem juxta meam certissimam experientiam in tanto pondere, quantum est viginti Magdeburgicarum ulnarum alta aqua; necesse est ut pistillum vi deprimatur atque introtrudatur. Et quantò majus est pistillum, tantò majus aëris pondus ipsi incumbit. Quod quidem pondus pro quantitate baseos cylindri cujuslibet (quoniam cylindrus aëreus in data proportionem cum cylindro aqueo notus est) calculatione facile deprehendi potest.

Quarta difficultas est, Quomodo ex primo Experimento Magdeburgico (de quo scilicet Reverentia Vestra Anno 1657. in Sua Mechanica Hydraulico-pneumatica pag. 445. aliquid publicavit) deprehendatur, quòd in Recipiente evacuato agitetur ventus, & subsequantur nubes, discaturq; vera causa ventorum ac nubium; cum tamen Reverentia Vestra nihil simile in Herbipolensi Recipiente adverterit?

Quinta difficultas est, Quid intelligatur per verba in ultimis meis ad Reverentiam Vestram datis, quòd ventus in majori vitro tam spiret vehementer, ut lapillos avellanæ nucis magnitudine dissipet?

Venti, nubes, & nebula in Recipiente quomodo oriuntur.

Respondeo, me jam aliquid antehac in litteris ad Reverentiam Vestram (quæ loco citato pag. 454. typis excusa reperiuntur) sub Num. IV. scripsisse. Nam si evacuato Recipienti vitrum aliud, v. g. pharmacopolarum clava seu cucurbita (ut appellant) cum adglutinato epistomio, & ut Recipientis epistomio inseratur, apto, superponatur, & utriusque vitri epistomia aperiantur; extenditur aër (qui scilicet ordinariè in omni vase in evacuato inclusus est) cucurbita, seu superioris vitri, in evacuatum inferiorem Recipientem, tantâ vehementiâ, ut validissimum superet ventum, & omnia in fundo vitri posita disjiciat. Propter præcipitationem verò seu celerem alterationem aëris in superiori vitro, necesse est à Natura produci nebula, ac nubes; & quidem magis vel minus, prout operatio instituitur. Qua de re jam capita aliquot in Opere meo, quod præ manibus habeo, conscripsi.

Sextò, Petit Reverentia Vestra, ut explicem artificium statera

in

in aëre haerentis, & ascensu descensuq; suo augmentum ac decrementum gravitatis aëris indicantis. Respondeo. Curetur fieri ex laminis cupreis subtilissimè elaboratis à fabro arario, seu ahenario, globus intus cavus, exactèq; rotundus; duo verò hemisphaeria in medio, ubi conjunguntur, à bracteatore stanno adferruminentur (ahenarii enim minùs commodè id præstant;) habeat insuper globus superius platismatium seu ventile, ut aër extrahi queat. Ad experiendum verò, num globus constructus aërem probè contineat, aut aliquibi transpiret: inflato priùs aëre, instar pilæ lusoria, repletur, & in aquam projicitur; statimq; defectus aut foraminula deprehenduntur, per qua fortè quidpiam aëris penetret. Deinde extrahatur omnis aër totaliter, & pro majori securitate ventile bracteolâ ac stanno liquato diligentissimè claudatur, nè quid aëris successu temporis furtivè in globum irrumpat. Tum suspendatur è libra exactissima, in hunc finem præparata (addito ex parte altera libra æquipondio) fiatq; in medio jugi lingula longiuscula, seu indiculus, qui in apposito aurichalceo, atque in gradus diviso semicirculo, quasi in tabula declinationem vel potiùs hinc inde motionem ostèdere queat. Deprehendetur, lingulam seu indiculum non semper perpendiculariter erectum stare, nec idem semper divisionis punctum ostendere. Invenietur quoque successu temporis medium, ac post unum aut alterum annum, maximum ac minimum aëris pondus.

Ex hoc modo, uti in proximis meis jam memini, alium didici longè meliorem; speroq; eum aliquando omnes hætenus factas expensas compensaturum. Solum adhuc deest, quod dictum Experimentum hætenus nemini transmittere potuerim, quoniam in eodem hypocausto aut conclavi, in quo exhibendum est, ac retinendum, conjungi debet, atque suspendi: nam si procul abspportatur, aut avehitur, improvisò, quantumvis magna adhibeatur diligentia, dirumpitur.

Tandem quod attinet, Illustrem Dominum Robertum Boyle, fratrem Comitissæ de Corke in Anglia, libellum cui titulus, Nova Experimenta de aëre, viso nostro Magdeburgico Experimento ex Mechanica Reverentia Vestra, edidisse, hunc mihi necdum videre contigit. Quæ verò circa ejus machinam, modumq; operandi Reverentia Vestra mihi insinuat, ea omnia multò meliora ac perfectiora ego habeo.

Statera in aëre haerens, & aëris mutationem indicationem indicans, quomodo fiat.

Magdeburgica machina pneumatica, melior est quàm Anglicana.

beo. Nam Primò, præter Recipientem, habeo prægrandem globum vel cacabum istum aneum, qui inferius iterum epistomio quodam claudi potest, ita ut bina ejus epistomia, tam videlicet superius, quàm inferius, perpetuò sint aqua immersa. Secundò, habeo nihilominus inferius in vase alto aquâ pleno orichalceum talem cylindrum, seu antliam pneumaticam, cum pistillo indito, quòd sursum ac deorsum à duobus viris agitur, ut adeo omnia intra aut infra aquam peragantur, nullusq; aër inter pistilli & cylindri interna latera irrepere quantumvis furtivè queat. Tertiò, taceo quòd hoc meum Artificium in duas divisum est partes, quarum superior longo cupreo tubo mediante, qui per superioris conclavis pavementum in conclave inferius demittitur, ubi exant latiores morantur, cum inferiore connectitur: quâ industriâ, alijsq; præterea medijs & adminiculis, aër mirabili modo penitus extrahi potest. Contrario illud alterum Anglicanum aurigarum pancratio (mit der Winden) valde difficulter actarè evacuat. Pro certo quoque affirmare audeo Reverentiæ Vestræ, interim inter dicta pistilli & cylindri latera (quia aquæ non sunt immersa) multum aëris denuò subingredi. Quod autem dictus Auctor ad aërem extrahendum pancratium adhibeat, nullum præstat majus commodum; sed quia pistillum magnum est ac amplum, longè difficilius res peragitur, uti in solutione Difficultatis tertiæ suprâ posita memini; nihil tamen ad majorem aëris extractionem conducit. Persuadere itaque mihi non possum, eum ejusmodi machinâ plura Experimenta nova invenisse, quàm ego in Libro meo De propriis Experimentis jam collecta habeo. Curabo tamen, ut Libellus ille ex Hollandia ad me mittatur. De cætero commendo Reverentiam Vestram Christi protectioni, maneoq;

Reverentiæ Vestræ

Benevolus Servus

Otto Gericke m. pp.

Magdeburgo die 28. Februarii
Anni 1662.

CA-

CAPUT XXIV.
EPISTOLA III*Prænobilis Domini Ottonis Gerickii.*

PRæcedens Epistola, & promptissima Humanissimi Viri erga me meaque studia propensio, occasionem præbuit, & animum addidit, proponendi denuo nonnullas circa perscripta hætenus Experimenta difficultates, earumque solutionem petendi. Ad quas respondet Vir Amplissimus, ut sequitur.



Admodum Reverende, Religiosissime, &c. Domine, &c. Care admodum Amice, &c. Admodum Reverende Paternitatis Vestrae litteras, quæ ad meas elapso proximè 28. Februarii datas respondet, hesternâ die accepi, ex iisq; intellexi sequentia.

Primò. *Admodum Reverende Paternitatis Vestrae animo non nihil scrupuli inhaeret circa Globum evacuatum, qui ex uno bilancis brachio suspensus, variationem gravitatis aëris indicare debet:* (Vide Caput 21. & Capitis 22. Num. 7. & Capitis 23. Num. 6.) *putat enim, mutata aëris gravitate aut levitate, non solum Globum ex uno librae brachio, sed etiam contraponidium ex altero ascendere aut descendere debere, ideoq; libram semper in æquilibrio manere, &c. Verum hoc esse nequit. Quoniam enim Globus spatium vacuum intra se comprehendit, necessarium est, ut pro diversitate materiae circumfusæ suum pondus variet. Nam si dictus Globus simul cum suo contraponidio suspenderetur primò intra aquam, Exempli Gratia, deinde intra spiritum vini; utique globi pondus in vini spiritu gravius redderetur, quàm pondus contraponidii, quia hoc materiâ aliquâ, ille nullâ repletus est materiâ. Si itaque pondus suum variat Globus in diversis liquoribus; utique & in diverso aëre variabit. Aliter se res haberet, si non tam Globus, quàm contraponidium simul in eadem suspensa haberent materiâ; uti fit, dum probati auri pondus in aqua exploratur: tunc enim non ambo pondera in eadem suspensa sunt materiâ, sed aurum est in aqua, contraponidium in aëre: at in casu nostro utrumque pondus in aëre hæret. Vide quæ dicemus in Annotatione I. sequenti.*

Globus evacuatus in aëre pendens, ejusq; evacuationem indicans,

Globi præ-
dicti ven-
tile quo-
modo con-
struendum.

Secundò. *Quaratione prædicti Globi platismatium seu venti-*
le construendum, hic notatum est: Nempe ex ære aut orichalco duo



fundantur vascula, fac, & ebd. Vasculum fac est instar clavis seu verticilli in epistomio, & vasculo ebd ita imponitur, ut ejus inanitatē ad amussim expleat. Utrumque habet fundum inferius clausum. Vasculum ebd globo inditur usque ad marginem ed, eiq; exactè adferruminatur. Tum ei imponitur vasculum fac, ita ut foramina a & b sibi mutuò congruant. Quæ dum congruunt sibi, ventile est apertum; dum vertitur vasculum fac, clausum est ventile. Extracto aëre è Globo, & clauso ventili, lamina cupra se-

gmento, dimidii taleri Imperialis magnitudine, superposito, & adferruminato, clauduntur omnia exactissimè majoris securitatis ergo, nè quid aëris furtivè irreperere queat. Vide quæ dicemus in Annotatione II. sequenti.

Machina
Magdebur-
gica recen-
ter constru-
itæ.

Tertiò. *Ad constructionem Machina, quæ ego nunc utor ad eva-*
cuandum, quod attinet, illam breviter in Opere meo quod præ ma-
nibus habeo, eo descripsi modo, quem adjunctum exhibet folium.
Gratum mihi faceret Admodum Reverenda Pat. Vestra, si stylum
meum non nihil corrigeret, ac schematismum necessarium delineari
curaret, ac transmitteret, ut & ego eundem suo tempore in Opere
meo adhibere possem. Vide quæ dicemus Capite 26. sequenti.

Vacuum Se-
rum procu-
randi mo-
dus ex Au-
tore Expe-
rimenti
Magdebur-
gici.

Quartò. *Quod scripsi aliquando, modum me scire exhibendi ac*
demonstrandi oculariter verum Vacuum; paucis id explicari ne-
quit. Peculiare Caput ea de re jam conscripsi in Opere meo; quod &
accludere volui. Si luci publica cogitaret dare, cuperem stylum prius
corrigi. Multa adhuc ea de re dicenda forent, tam quæ spatium va-
cuum ac repletum, quàm virtutes mundanas concernunt. De his su-
sius in Opere meo tracto. Vide quæ dicimus sequenti Caput 27.

Aër quomo-
do premat
Tellurem
cui incum-
bit.

Quintò. *An ubique sit æqualis pressio ab aëre incumbente, tem-*
pore eodem, & eadem aëris gravitate perseverante? Respondeo,
dum aëris gravitas est in consistentia statu, eum omnibus in regio-
nibus & locis, in quibus horizontaliter circa Tellurem jacet, æquali-

ter

ter premere. Nam sicut Oceanus horizontaliter Terræ, ita etiam Aër Terra & Aqua incumbit. Quibus verò in locis Aër aquam subministrat, hoc est, ubi pluit; redditur levior; ideoq; ei succedit proximè circumstans aër, donec denuo ad æquilibrium redigatur, hoc est, iterum horizontaliter jaceat. Cur autem levior reddatur aër, dum venti spirant validissimi, adeo ut anteaquam præsentem sunt, venturos ex meo Experimento colligam; scire hætenus non potui. Vide Annotat. 3. seq.

Sextò. Scire desiderat Admodum Reverenda Paternitas Vestræ, an si Experimentum meum, quo aër è Recipiente exantlatur, instituat in cubiculis, pistillo antlia incumbat tam altus aëris cylindrus, quàm si fiat sub dio. Respondeo, nullam esse in utroque casu differentiam, quia aër non solum portas & fenestras, sed ligna quoque, lapides, & terram penetrat. Hinc tanta est aëris pressio in cubiculis & concavis quibuscunque, quanta est sub aperto cælo. Deprehendi tamen hoc meo Experimento potest, in locis altis, ut in altissimis templorum turribus, aliquid de altitudine & gravitate cylindri aërei decedere. Quinimo si Recipiens qui ad evacuandum adhibetur, inferiori in loco, epistomio convoluto bene claudatur, & ad summitatem turris altissima transferatur, ibiq; epistomium aperiatur; aërem efflabit: si verò in summitate eadem iterum claudatur, & ad loca inferiora deportetur, ac aperiatur; aërem introtrahet.

Septimò. Quia aqua in tubo evacuatam, & in cuppa aqua plena perpendiculariter erectum, ascendit vi pressionis aëris, qua aër aquam cuppæ premit, & compellit ascendere ad 20. ulnarum altitudinem circiter; querit Admodum Reverenda Paternitas Vestræ, an cylindrus aëris majori seu ampliori cuppæ incumbens, magis premat, quàm incumbens cuppæ minori seu angustiori? Respondeo, nullam esse differentiam seu magna sit cuppa, seu parva: tamen enim fortiter premit aër supra parvam cuppam, quàm supra integrum Oceanum: & tam altè ascendit aqua in tubo intra cuppam, quàm intra Oceanum erecto, dummodò utrobique aquè profundè aquis immergatur. Sicut enim in hydraulicis non pugnatur ac vincitur aquarum copia, sed perpendiculis; sic quoque in pneumaticis non aëris copiâ, qui cuppis incumbit, pugnatur ac vincitur, sed perpendiculis.

Ceterum quod Admodum Reverenda Paternitas Vestra, ea qua de hisce, aliisq; meis exigua estimationis Experimentis scribit, ac typis excudenda parat, mihi prius legenda transmittere cogitat; remittam omnia sincerè, ac securè, nec opus erit illa prius describenda curare. Si plura occurrant qua interroget, liberè ad me perscribat; respondere juxta exiguam meam capacitatem non gravabor. Gratissimum foret, si Physicam Suam Curiosam ad me mitteret; pretium libenter persolvam. Magnè meo gaudio intellexi, quod Eminentissima Sua Celsitudo, Elector Moguntinus, in Experimentis meis gratiosè sibi complaceat. Serenissimus Elector Brandenburgicus magnus quoque est Mathematicarum Scientiarum Æstimator, & Fautor. Admodum Reverendam Paternitatem Vestram singulari DEI providentiæ ac protectioni commendo; sumq; & maneo

Admodum Reverendæ Paternitatis Vestræ

Semper Obsequentiſſimus

Otto Gericke m. pp.

Magdeburgo $\frac{1}{2}$ April. Anno 1662.

CAPUT XXV.

Annotationes in præcedentem Epistolam.

Quoniam in præcedente Epistola doctissimus Experimentorum Magdeburgicorum Auctor multa notatu digna breviter perstringit; placuit nonnulla Annotatiunculis nostris magis elucidare.

§. I. Annotatio ad numerum primum.

Grave in aqua levius est, quàm in aëre.

Certâ experienciâ constat, corpus solidum grave in aqua levius esse, quàm in aëre. Si enim duo gravia duabus bilancis lancibus imponantur, unum hinc, alterum inde, quæ in aëre constituent æquilibrium; si unum cum lance sua immergatur aquæ, alterum cum sua maneat in aëre; perditur æquilibrium, & lance quæ extra aquam est, deprimitur; quæ verò intra aquam, elevatur.

Demon-

Demonstrat autem *Archimedes* in Libro de Insidentibus humido Propof. 7. & *Stevinus* lib. 4. Staticæ Propof. 8. potestque experientiâ etiam deprehendi, idem grave in aqua levius esse, quàm in aëre, pondere aquæ magnitudine sibi æqualis, hoc est, grave intra aquam tantò minùs ponderare, quàm in aëre, quantum ponderat aqua cujus locum occupat grave intra aquam. Quare si pes cubicus alicujus lapidis ponderaret in aëre 22. libras, & pes cubicus aquæ ponderaret in aëre eodem 2. libras; ponderabit idem pes cubicus lapidis intra aquam solùm 20. libras.

*Grave
quantò sit
levius in
aqua,
quàm in
aëre.*

Quod autem de aqua dicitur, intelligi etiam debet de quibusvis aliis humidis; atque adeo etiam de aëre, qui humidus est: unde si duo corpora gravia in aëre nostro constituerent æquilibriũ, & unum cum lance sua maneret in illo aëre, alterum cum sua lance esset extra aërem (si possibile foret) aut in puro æthere, aut aëre aliquo leviori; corpus in aëre nostro constitutum fieret levius, & cum lance sua ascenderet; alterum verò quod extra aërem esset, descenderet, atque adeo bilances æquilibrium suum quod antea habebant, perderent.

At si duo gravia, lancibus hinc & inde imposita, in aëre semel constituent æquilibrium, & aër circumstans mutetur, fiatque vel gravior vel levior; videtur quòd utrumque corpus reddatur, similiter vel gravius, vel levius; gravius quidem in aëre leviori, levius in graviore. Nam gravia quæ è medio aliquo transferuntur in medium levius, magis merguntur, & redduntur graviora; quæ verò è medio eodem transferuntur in medium gravius, minùs merguntur, & redduntur leviora. Hinc si duo gravia bilancibus imposita, in aëre constituent æquilibrium, & deinde aër fiat gravior, aut levior; sequi videtur, quòd ambo gravia simul reddantur aut graviora, aut leviora, ac proinde æquilibrium retineant. Eodem ergo modo si globus evacuatus, & uni bilancis brachio appensus, constituit cum contrapondio ex altero brachio bilancis suspensio æquilibrium; videtur retinere æquilibrium globus, quantumvis aër circumstans mutetur quoad gravitatem aut levitatem. Et hic erat scrupulus quem Auctori nostro exposue-

*Globus eva-
cuatus an,
& cur in
aëre muta-
to fiat gra-
vior, & le-
vior.*

Confirmo idem hac ratione. Sit globus evacuatus A, & contrapondium B; sitque globus A triplo majoris molis, quam contrapondium B. Faciant nunc in aëre è bilancis brachiis suspensa æquilibrium; habeatque moles aëris, æqualis moli A, pondus 9. granorum: habebit moles aëris, æqualis moli B, pondus 3. granorum; quia ut moles aëris A ad molem aëris B, ita gravitas molis aëris A ad gravitatem molis aëris B. Erit ergo globus A nunc in aëre levior granis 9. & contrapondium B levius granis 3. quam extra aërem. Reddatur jam aër circa utrumque corpus gravior, fiatque molis aëris, æqualis moli A, pondus 12. granorum; fiet pondus molis aëris, æqualis moli B, 4. granorum. Ergo in eodem aëre, A ponderabit minùs 12. granis, & B minùs 4. granis. Reddatur iterum aër circa utrumque corpus levior, & pondus aëris globo A sit 6. granorum: erit pondus aëris æqualis contrapondio B 2. granorum. A ergo ponderabit minùs in aëre illo granis 6. & B minùs granis 2. Cùm ergo in omni casu pondus utriusque corporis crescat ac decrescat eadè seu æquali proportionè; consequens est, ut idem semper æquilibrium maneat.

Ajo nihilominùs, mutatà aëris gravitate, aut levitate, variari æquilibrium globi A evacuati, & contrapondii B. Probo à paritate. Si ambo corpora illa, quæ in aëre constituunt æquilibrium, suspenduntur intra aquam, medium videlicet densius quàm aër; perdunt æquilibrium, & globus A redditur levior, quàm B; quia utrumque redditur levius tanto pondere, quantum est pondus aquæ æqualis molis cum dictis corporibus: cùm igitur moles æqualis corpori A sit major & gravior, quàm moles æqualis corpori B; etiam pondus corporis A erit levius, quàm pondus corporis B. Ergo æquilibrium perdunt. Atqui sicut se habet aqua ad aërem quoad densitatem ac gravitatem, ita se habet aër densior ac gravior ad aërem minùs densum & gravem. Ergo si aër sit densior ac gravior, perditur æquilibrium utriusque corporis, & globus A redditur levior.

Si decrescat iterum gravitas aëris, & fiat levior, globus A fit gravior, & magis magisque descendit, donec redeunte pristina gravitate aëris redeat æquilibrium: crescente autem adhuc magis levitate

levitate aëris, magis descendit globus A, & iterum perditur æquilibrium. Sit in superiori exemplo pondus tam globi A, quam contraponndii B, unciarum 30. in aëre; mutetur aër, fiatque pondus A 30-9. pondus verò B 30-3: si alio tempore pondus A fiat 30-12; fiet B 30-4: & si A fiat 30-6; fiet B 30-2. Semper ergo levius vel gravius fiet A, quam B.

Confirmat hæc iterum Auctor in alia Epistola, 19. Octobris ejusdem Anni 1662. ad me data, dicens certissimâ experienciâ constare, si Recipiens evacuatus, & epistomio accuratissimè clauso, ut nihil aëris extrinseci penetrare intrò queat, instructus suspendatur ex uno bilancis justissimæ brachio; intra semestris spatium variam Recipientis gravitatem ac levitatem, atque adeo aëris variationem manifestissimè deprehensum iri.

§. II. Annotatio ad Numerum secundum.

SI vasculum *f a c* ponatur intra vasculum *e b d*, ita ut foramina *a* & *o* sibi mutuo congruant (dum vasculum *e o d* est intrusum, intra globum excavatum usque ad marginem *e d*) & epistomium antliæ pneumaticæ, aut cacabi evacuatorii jam evacuati, immitatur intra vasculum *f a c*, & instituatur exantlatio; extrahetur aër è globo, per dicta dua foramina, & ingredietur intra tubum antliæ, aut intra cacabum evacuatum. Si jam, antequàm extrahatur epistomium è vasculo *f a c*, hoc unâ cum epistomio adhuc infixio vertatur intra alterum vasculum *e o d*; non congruent amplius sibi mutuo foramina *a* & *o*, ac proinde ita erit clausus globus, ut nullus aër ingredi queat. Si itaque extrahatur epistomium è vasculo *f a c*, & ipsum vasculum claudatur superiùs laminâ aliquâ sibi adferruminatâ; nullum erit periculum, ut aër aliquando intra globum furtivè ingrediatur.

§. III. Annotatio ad Numerum quintum.

A Qua maris v. g. aut quævis alia liberè super terram expansa, ^{Aër quæ modo dicitur jacere} tunc dicitur horizontaliter jacere supra terram, quando suprema ejus superficies secundum omnes partes æqualiter distat à ^{horizon-} centro terræ. Ergo & aër tunc dicitur horizontaliter jacere supra ^{taliter.} terram & aquam, quando ejus suprema superficies distat ubique
I æqualiter

æqualiter à centro Terraquei globi. Hoc cùm contingit , & aëris gravitas est in statu consistentiæ ; videtur dicendum, eum æqualiter premere corpora subiecta.

Si ergo eodem tempore uno in loco aër est altior, quàm in altero, sed utrobique est æqualis gravitatis ; tunc altior magis premit, quàm minùs altus. An verò contingere possit, ut aër in uno loco sit altior, quàm aër in alio loco, qui priori loco contiguus est, dubitari posset : quoniam sicut aqua unius loci altior quàm aqua alterius loci contigui, confluit ad humiliorem, donec fiat æquilibrium, & tota utriusque aquæ superficies sit æqualiter distans à centro gravium: ita videtur & in aëre contingere. Dic quod vis. Auctor loqui videtur ex suppositione, quòd in utroque loco aër jaceat horizontaliter supra Terraqueum globum.


*Aër levior
redditur
quando
pluit.*

Causa cur aër reddatur levior in locis, ubi pluit, est, quòd aqua pluvia decidens deprimat corpuscula, quæ aëri sunt interspersa, eumque gravem reddunt. Reddito aëre illius loci levior, succedunt corpusculis depressis corpuscula aëris contigui. Hinc in locis etiam contiguis levior fit aër, ideoque ex globo, de quo §. I. qui tunc magis subsidit, & gravior redditur, cognosci potest, an in circumjacentibus regionibus sit pluvia.

*Item quan-
do venti
flant.*

Simili de causa aër fit levior flantibus validissimis ventis : hi enim auferunt secum corpuscula aëri interspersa, & reddunt aërem leviozem. Ablatis autem corpusculis ex aëre unius loci, succedunt corpuscula aëris loci contigui. Hinc colligi potest ex eodem globo, an alicubi in circumjacentibus regionibus sint venti.

Quòd si dicas, ventum esse corpusculorum aëri interspersorum agitationem, in idem recidit.







CAPUT XXVI.
EXPERIMENTUM VIII.

*Machina Magdeburgica alio novo ac meliori modo
constructa ad vacuum procurandum.*

IN præcedentibus litteris ad me scriptis Amplissimus Dominus ^{Magdeburgica Ma-}
Otto Gerickius, Magdeburgici Experimenti cap. I. & sequenti- ^{china alio}
bus descripti Auctor, sæpe asseruerat, construxisse se Machinam ^{modo con-}
suam, quam ego in Mechanica Hydraulico-pneumatica dede- ^{structa, ad}
ram, nunc alio longè perfectiori modo, ita ut omnia per quæ aër ^{vacuum}
irrumperere posset, sub aquis essent, nec quidquam interim, dum ^{procuran-}
aër extrahitur, aliunde subingredi quantumvis furtivè posset. Pe-
titi ergo ab Humanissimo Viro, dignaretur mihi & istum modum
indicare. Fecit id haud gravatè, pro sua singulari Humanitate;
& unà cum proximè præcedenti Epistola transmisit Caput inte-
grum, Operi suo quod præ manibus habet, insertum, quo eam de-
scribit. Dabo primò Auctoris sensum, deinde ipsa verba. In hunc
ergo sensum discurrit.

Quoniam aër, utpote corpus subtilissimum, minima quæq; fo-
raminula ac spatiola penetrat, ac replet, ideoque dum aër è Reci-
pi-ente nostro ope syringis seu pneumaticæ antiæ elicitur, semper
aliquid interim furtivè inter emboli & tubi syringis latera, uti &
inter ventilia, & epistomiorum claves seu verticilla irrumperit, uti
experientia monstrat, nec possibile ferè est tam arctè ac perfectè
munitum epistomium præparare, quod aëri omni introitum ex-
cludat; ideo occurrendum alio remedio huic malo fuit, procuran-
dumque ut & epistomia, & ventilia, & tuborum juncturæ omnes
aquis operirentur, adeoque tota ferè operatio intra aquas institu-
eretur. Hoc ut assequer, in hunc modum processi.

I. Duo elegi conclavia, unum supra alterum. In inferiori plan- ^{Vide Ico-}
tavi vas ligneum A, altum ulnam unam cum dimidia, latum ul- ^{nismum}
nam unam. ^{VII.}

II. Hujus uni lateri interiori affixi firmiter antliam pneuma-
ticam B, clausam operculo CD, quod quatuor cochleolis antiæ
affigi, & pro libitu refigi queat. Alteri lateri affixi brachium QR;

& intra crenam Q clavoteretri firmavi perticam V X, ita ut circa clavum elevari ac deprimi extrema V & X ad libitum possint. Perticæ alligavi manubrium S T pistilli & emboli T L.

III. Intra antliam, directè infra tubulum e C, est ventile C, ut embolus L depressus, aërem vel aquam ex Recipiente aut cacabo detrahare in antliam queat: extra verò est aliud ventile D, ut embolus elevatus aërem vel aquam antea attractam possit ejicere.

IV. In tubulum e C infigitur arctè tubus longus F F F, qui per laqueare gg usque ad superius conclave extenditur, ac per fundum vasis q r ibidem dispositum, & aquâ implendum, quæ osculum F supergrediatur, transit.

V. In dictum osculum F immittitur epistomium n, cacabi evacuatorii H, descripti suprà cap. 5.

VI. Circa epistomium superius K prædicti cacabi, est vasculum cupreum O P, aquâ replendum, ut tam epistomium K dicti cacabi H, quàm epistomium Y Recipientis L, aquæ sint immersa.

VII. Cum instituenda operatio, & evacuandus cacabus H; infigitur arctè orificium inferius tubi F tubulo e C; orificio verò superiori ejusdem tubi F, infigitur epistomium n. Deinde impletur aquâ, primò vas ligneum A, ut tota antlia, cum osculis e & F sibi mutuò innexis, sit aquæ immersa: secundò vas q r, ut tam oscula F & n, quàm epistomium i, sint immersa aquæ: tertio vas O P, ut totum epistomium K sit tectum aquâ. Agitatur deinde antlia B, elevando ac deprimendo perticam V X. Dum deprimitur cum pertica embolus L, aperitur ventile C, & aër aut aqua è cacabo H, per tubum F, detrahitur intra antliam. Dum elevatur cum eadem pertica embolus, clauditur ventile C, & aperitur ventile D, egreditur quæ ex antlia aër aut aqua.

VIII. Evacuato cacabo, si Recipientem L lubet evacuare; infigitur ejus epistomium Y intra epistomium K, & utrumque operitur aquâ. Tum aperitur simul utrumque epistomium; & aër ex Recipiente L ruit cum impetu intra cacabum H, & in momento quasi evacuatur L.

IX. Potest in operculo juxta tubulum e C fieri alius tubulus P, cum pistillo & embolo, & ejus beneficio artificiosè aperiri corium interioris ventilis C, ut in fine exantlationis, quando aër

omnis

omnis videtur esse exantlatus è cacabo H, & tubo longo FFF, si fortassis parum quid residuum esset in tubulo e C, possit in antliam descendere.

X. Potest insuper cacabo H circumponi tubulus plumbeus oo, instructus superiori loco intra vas O Pepistomio M, & inferiori loco desinens intra epistomium n, infra clavem i. Usus hujus tubuli erit, ut quando cacabo H evacuato non indigemus, solumque Recipientem L (qui minoris capacitatis est, & facilius evacuat quam cacabus) evacuare lubet; claudantur epistomia n i, & K, aperianturque epistomia M & Y: hoc enim facto, aer aut aqua ex L facile per dictum tubulum aa detrahatur in antliam.

Machina eadem verbis Auctoris Experimenti describitur.

Quia aer, ut corpus subtilissimum, omnia quaque foraminula & Machinae spatiosa, quam parva etiam sint, incredibiliter penetrat & eadem Machina replet, semperque aliquid furtive aeris circa emboli syringis, ut & Magdeburgicae aliis verbis ventilorum ac clavium epistomiorum latera irrumperere experientia monstrabat; nec ferè possibile est tam perfectum comparare epistomium, quod omni irrumptenti aëri resistat: ideo huic malo occurrendum, & tam superius epistomium, quam inferius, unà cum annexa syringe, ejusque externo ventilio, vasis vel cuppis cupreis munienda, & aqua circumfundenda erant. Quod ut tantò melius perficiatur, Machinam meam pro comparando vacuo ita construere curavi.

Sit vas ligneum A, 2½ ulnarum altum, & unius ulnae in diametro amplum: in quo firmiter affigatur antlia pneumatica B, interne in C instructa cum ventilio, ut embolus antlia depressus, aërem, vel etiam aquam in antliam detrahere; & externe in D cum alio ventilio, ut embolus elevatus aërem vel aquam ejicere possit.

Deinde in tubulum e operculi, immittatur alius tubus longus F, qui per laqueare gg in superius conclave extensus, & ibi cum vase cupreo qr, quasi situla pro infundenda aqua, circa juncturam n, & epistomium i, instructus vel circumdatus sit.

In tubum hunc F immittitur globus iste consuetus & antea descriptus

Scriptus H, instructus cum epistomis K & i (qui semper evacuatus potest reservari pro diversis ac multiplicibus instituendis Experimentis.) Sit quoque circa epistomium ejus K tale vas seu situla cuprea, pro circumfundenda aqua. Sicut etiam vas ligneum A repleatur aqua usque supra antliam & conjunctionem tubi in e; ita ut ubique, ubi conjunctiones, vertebra vel junctura, sint aqua superfusa.

Sed quia communiter omnis extractio aeris fit per vim ejus expansivam, sive elasticam, ita ut aer, agitata antlia sese semper non nihil dilatet è vase pleno in antliam vacuum, ex qua per agitationem pedetentim ejicitur; in fine autem minimum illud aeris quod restat in quovis vase evacuando, nullum elatorem amplius habet coria ventiliorum (qua pennae plerumque è laminis orichalceis munita sunt, ut semper bene claudant) aperiendi: ideo in operculo antliac (Vide Iconismi VII. Figura II. & III.) inter ventiliū d, & tubulū e c, potest constitui tubus aliquis parvus p, cum pistillo 1. & embolo 2. uti & papilla 3. cujus beneficio possit artificiosè tangi & aperiri corium interioris ventilis ut minimum illud aeris quod restare putatur, è denique melius & facilius, per propriam ejus gravitatem in antliam descendat.

Insuper potest fieri tubulus plumbeus oo, instructus cum epistomiolo M, & prolongatus extra globum H usque infra clavem epistomii i. Quando enim globo H evacuato non opus est uti, tunc tubus hic ad aerem extrahendum è Recipiente L aptior est.

Omnia autem vasa quae evacuanda veniunt (ut verbi gratia est Recipiens L) debent talibus epistomis esse instructa, quae exactè in osculum epistomii K possint immitti. Haecenus Auctor Experimenti.

ANNOTATIO.

Auctor Experimenti Machinam haecenus descriptam, vocat Machinam omnium perfectissimam ad spatium vacuum comparandum. An verò, & quo sensu, vacuum tali Machinâ procuretur, infra suo loco discutiemus.

10

11 11



Fig. I.




Fig. II.




Fig. III.



Fig. IV



Theca D.E. Fig. I. debet esse rotunda.

CAPUT XXVII.
EXPERIMENTUM IX.

*Tubus vitreus Magdeburgicus aquâ partim
repletus, partim vacuus.*

SÆpe mentionem fecerat Experimentorum Magdeburgico-
rum hactenus descriptorum ingeniosissimus Auctor, alium re-
perfectiorem modum habere ad vacuum naturaliter procuran-
dum, quam per Machinam capite præcedenti, & supra cap. I. ac
sequentibus descriptam. Hujus cognoscendi desiderium cum,
ostendissem, sequentibus eum verbis, ex Opere suo quod molitur
depromptis, ad me unâ cum præcedenti praxi transmisit.

*Magdeburgicus
tubus,
partim
aquâ re-
pletus, par-
tim vacuum.*

*De alio adhuc accuratiori modo inveni-
endi vacuum.*

K

His ita expertis, & rectè intellectis, aliud vitrum A, nimirum
oblongum tubum, & ab una parte hermetice clausum longitudi-
ne $1\frac{1}{2}$ ulnæ Mageburgensis, rotunditate seu amplitudine ut ferè
brachium hominis, apud vitriarios fieri curavi: cui ab altera par-
te quæ est apertum, non solum priori modo thecam laminæ B, cum
adferruminato epistomio C, adglutinavi; sed hoc epistomium ite-
rum aliâ adhuc thecâ DE (cujus beneficio hoc epistomium C semper
in aqua retineri, seu undique circumfundi poterat, nè mica aëris
furtivè inserpere possit) cum aliis duobus epistomiis E, & F (quorum
unum, scilicet E, à latere, ad regendum interius epistomium C, ada-
ptatum; alterum F, ad consuetum modo inferendum in aneum istum
globum H) munivi.

*Vide Iconi-
smi
VIII. Fig. II.*

II. Postea hoc vitrum aquâ limpidissimâ non modò, verùm quoque
thecam istam DE implere, atq; sic interius simul epistomium C aquâ
superfundere, omniâq; ad summum usq; G complere, & deinde episto-
mia claudere, ac vitrum vel per unum aut alterum diem seponere cu-
navi. Ubi autem cavendum, ne loco aliquo calidiori poneretur; rumpe-
retur enim vitrum. Sequenti, ut & tertio die, vidi in superiori parte
vitri

vitri bullulam aliquam aëream instar perle, propter infusionis motum ex aqua, vel in aqua ipsa exortam: quam, vitrum invertendo, excurrere, idque spatiolum guttulâ aqua repleti feci.

III. Deinde cum vitrum modo consueto imponebatur evacuato globocupreo H, & aqua (revolutis epistomiorum clavibus) in globum, usque ad dimidiam præter propter partem vitri, dimittebatur; nullæ exisiebant, ut antea in Experimentis prioribus, bullula, sed aqua tranquille descendebat.

IV. Referatis autem clavibus, & reflexo vitro, ecce in movendo & vertendo, propter motum aquæ, oriebantur aliqua bullula in aqua, & simul aqua (quando scilicet vitrum movebatur, vel vertebatur) cum sonitu ita illidebatur ad partes vitri interiores, quasi foret dura aliqua materia, ceu lapides; ut vitrum quoque, me nesciente ex qua causa, improvise frangeretur.

V. Necessitas itaque urgebat, alium talem vitreum tubum singularis spissitudinis parare, & rem priori modo probare. Quod cum factum, vidi in aqua ipsa, quando vitrum movebatur, seu quatiebatur, semper bullulas nasci. Imo quando vitrum vehementer sursum atque deorsum vibrabatur, vidi aquam sese in semetipsa dilatari, spatiolumq; omnino vacuum constituere; interim illico aqualiter concurrere, in ipso concursu autem semper bullulam unam atque alteram in illo aqua medio nasci; in concurrendo autem magnum simul fragorem edere, quasi duo asserculi ad invicem moverentur, vel conquassarentur.


VI. Ex quo manifeste ad visum patebat, in ista aqua dilatatione seu concavitate, nihil omnino aëris, sed spatiolum ab omni aëre vacuum esse. Quod verò in ipso recurso, atque sic in medio aqua, bullula una vel altera exoriebatur, hanc puto ex vehementi attritu, seu per istum durum concursum generari, simulq; nisi in vitro evacuato fuisset, esse tanta parvitatís, ut oculis minimè comprehendi possit. Oculo enim mentis & corporis percipi poterat, quando per dictam vibrationem aqua sese in seipsa disjungebat, & iterum concurrendo cum fragore conjungebat, quod nullus omnino aër in isto spatio disjuncto erat, neque esse poterat. Primò, quia vitrum, ut fieri poterat, undequaque satis erat spissum, atque clausum, ita ut omnis cerè omnino excluderetur aër externus. Secundò, quia in-

ternus

ternus (si quis propter dictas ex concussione aquæ exortas bullulas , aliquid tamen aëris in superiore vitri parte inesse , statuere vellet) non poterat aquam , quæ naturaliter ac semper infra , non supra aërem est , penetrare ; hac enim dilatatio fit aut in fundo vitri , aut in medio aquæ . Nisi itaque statueremus penetrationem corporum ; & quidem aërem , materiam leviozem contra naturam , per aquam descendere , ac inferiora petere ; fatendum est , spatiolum illud medium , esse vacuum . Tertiò , quòd etiam in isto spatiolo aquæ dilatata nihil omnino aëris sit , ille durus concursus cum tali fragore indicat , qui aliàs nullo modo , nisi in tali vitro evacuato , ab ullo homine excitari vel comparari potest . Quartò , etiamsi aliquid aëris ex aqua in vitro generetur , aut per conquassationem aquæ , aut per vehementem attritionem ; certè tamen in vitro à primo dicto descensu aquæ , antequam nimirum ullus motus accedebat , verum spatium fuit vacuum ; quia aqua transcendens , tranquillè sine bullulis descendere visa est . Quod Quintò ex eo confirmatur , quòd quando vitrum aquæ iterum immergitur , seipsum omnino replet , usque ad restantem illam parvæ instar perlæ spherulam aëris : quæ non aliunde advenit , sed ex centum vel ducentis , aut trecentis bullulis istis , ob angustiam foraminis clavis in epistomis , per attritum in vitro ipso ex ipsa aqua generatis , oritur . Denique confirmatur hoc Experimento id , quod in fine cap. 6. dictum est , aërem nimirum ex aquæ attritione generari . Hactenus Auctor Experimenti .

ANNOTATIO.

Notatur Auctor hoc Experimento demonstrare , & quidem oculariter , verum vacuum : rectè , nec nè , infra suo loco discutiemus . Interim existimo , si vacuum naturali aliquo artificio procuratum , admittendum foret , id longè meliùs ac perfectiùs præcedenti , quàm hac Machina , procurari posse .



CAPUT XXVIII. EPISTOLA IV.

Prænobilis Domini Ottonis Gerickii.

IN hac Epistola respondet Humanissimus Vir ad quæsitâ nonnullâ, quæ post ultimam proposueram. Quæsitâ proposita, ex ipso Epistolæ contextu patent.

Admodum Reverende, Religiosissime, &c. Colendissime Domine, & Amice perquàm care. Admodum Reverende Paternitatis Vestræ gratissimas 1^o Aprilis datas accepi. Spero eandem accepisse meas ultimas 1^o ejusdem, &c. in quibus, uti spero, juxta Reverende Admodum Paternitatis Vestræ desiderium respondi. Si quid tamen deesset, fusiùs explicari poterit, &c.

*Anglicana
Machina
non exclu-
dit perfe-
ctè aërem.*

I. Domini Roberti Boyle Experimenta nova Physico-Mechanica quod attinet, quamprimùm Admodum Reverenda Paternitas Vestra Machinæ delineationem mihi communicavit, antequam Tractatulum haberem, ac legerem, respondi, antliam pneumaticam dictæ Machinæ nequaquam esse idoneam ad vacuum procurandum, tum quia aqua immersa non esset antlia, tum quia pancrati subsidio minùs celeriter agitari posset. Quod Ipsemet diversis in locis fatetur, ut pag. 65. Verùm non obstante summâ nostrum diligentiam, aër externus adeo festinanter ingressus est, ut variis Experimentis frustra exploratis eadem in eodem vitro experiri desineremus, atque in magno Recipiente rem de integro aggredi statueremus. Item pag. 70. in fine, & pag. 74. scribit: Quoniam vel tantillum aëris externi, quod se insinuaverat (neque enim quoquo modo potuimus omnem ei prorsus aditum præcludere) suffecit, &c. Item in præfatione, seu in Epistola ad Nepotem, circa finem ait, se Experimentis compertum habere, adeo arduum & præter cogitationem difficile pensum esse, aërem per inperceptibile quodvis foramen, rimamvè quamlibet vasis, compressâ atmosphærâ immediatè circumsepti, introeuntem retrudere, ut invitâ omni operâ & studio, nunquam penes nos esset, Recipiens penitus exhaurire, aut penè exhaustum, nè magis minusvè perflueret, ali-

quan-

quantisper conservare. Ex quibus, aliisq; locis patet, aerem magna quidem ex parte extrahi, interim tamen semper juxta latera emboli plurimi aëris furtivè vicissim sese insinuare. Quod in mea Machina, cujus delineationem in ultimis meis paulò antè memoratis Admodum Reverenda Paternitati Vestra transmissi, minime contingit. Non rarè evacuata vitra, globos cupreos, aliâq; similia vasa, per quartam anni partem, ac diutiùs conservavi: cuprea verò illa hemisphæria jam nota, qua tamen non nisi ceratò margine adglutinata sunt, tribus aut quatuor septimanis evacuata reliqui.

Magdeburgica Machina melius excludit aërem, quam Anglica.

Transconunc ad dubia Admodum Reverenda Paternitatis Vestra, septem distinctis questionibus proposita.

II. Ad primam questionem, An tanti temporis labor requiratur ad evacuandum Recipientem, aut Cacabum, quantum scripsit Admodum Reverenda Paternitas Vestra in Appendice Mechanicæ suæ Hydraulico-pneumaticæ? An non post aliquot antliæ agitationes aër sit sufficienter exclusus?

Respondeo, scripsisse quidem Admodum Reverendam Paternitatem Vestram in citata Appendice pag. 445. Hæc pistilli agitatio continuatur per duas, tres, aut plures horas, pro majori aut minori capacitate vasis, &c. At in mea Machina intra minus quàm dimidia hora spatium omnis aër ex uno Recipiente exantlari potest. Cui rei summopere conducit, quod retens antlia mea penitus intra aquam mersa est. Non in omnibus tamen operationibus seu Experimentis requiritur, ut totus aër penitus extrahatur è vasis; uti ex Domini Boyle Experimentis patet, in quibus nunquam fuit omnino extractus. At si perfectum vacuum procurandum sit, tam diu agitari debet antlia, donec minutissima instar pulvisculorum bullula erumpant. Hæ non sunt amplius aër è Recipiente aliisvè evacuan- dis vasis extractus, sed in, aut ex ipsa aqua, quæ in antliam sese insinuaverat, generantur. Quod in Machinula mea ludicra (quam perpetuò mense meo superpositam in hypocausto meo conservo) similitum rerum Amatoribus Curiosis ostendo, adeo ut oculus judicet, aquam intra aquam converti in fumum.

Exantlatio Machinæ Magdeburgicæ quantum temporis requirat.

III. Ad secundam questionem, An quando è vitro non evacuato aër irrupit tanto cum impetu intra evacuatum, si utriusque epistomium aperiatur, ista irruptio violenta fiat ob vim aëris

dilatativam, an etiam ob pressionem? Nulla videtur pressio adesse, quia nullus patet accessus aëri extrinseco prementi.

Aëris dilatatio.

Respondeo irruptionem illam fieri ob solam vim aëris dilatativam. Nam aër hic apud nos in Terra tam fortiter est compressus, quàm à pondere viginti ulnarum altitudinis aqua comprimi potest. Simuligitur ac utriusque vitri epistomia aperiuntur, extenditur aër intra vitrum evacuatum. Hinc fit, ut si vesicam suillam inflatam intra jam nota hemisphæria cupreâ includam, & aërem extraham, paulo post vesica durumpatur, quia nimirum aër internus antea compressus dilatat sese intra circumstans spatium hemisphæriorum evacuatum.

IV. Ad Tertiam questionem, Æther est levior quàm aër; cur ergo aër non pellit sursum ætherem, sicut aqua pellit sursum ligna sibi immersa?

Æther quid sit?

Respondeo, recordetur Admodum Reverenda Paternitas Vestra illius quod scripsi die 18. Junii, Anni 1656. quod & in Magdeburgico Experimento pag. 456. num. 2. imprimi curavit, Aëri scilicet è vitro extracto nihil succedere, sed remanere id quod antea erat ibidem cum aëre, nempe athera. Quid verò atheris nomine intellexerim, nolui tunc explicare; nisi quòd dixerim, corpora cælestia omnia, ipsamq; Terram in athere stare, atque subsistere. Item, alibi me statuisse, athera & vacuum idem esse; ideoque qui athera concedit dari, vacuum dari fateatur necesse esse. Item pag. 461. Per vacuum me non intelligere nihilum, sed ætherem; & ætherem esse purum illud vacuum quod Peripatetici negant, &c. Quia verò Reverenda Admodum Paternitas Vestra materiam hanc iterum proponit; dico, Ætherem esse spatium vacuum ab omni corpore; quod quando corpore aliquo est repletum, non observatur à nobis, etiamsi nihilominus sit internè in omnibus corporibus, nec ejus interfit vacuum vel repletum esse. Est itaque immobile quid, quod omnia penetrat, ac in quo omnia subsistunt, & quod nulli cedit, nec tantum cedit quantum est corpus receptum. Unde ather nec gravis est, nec levis; multò minùs aër illum potest pellere sursum vel deorsum; sed est illud spatium, in quo tam aër, quàm omne aliud corporeum suam subsistentiam exercet.

V. Ad Quartam *questionem*, Cur aër externus, hemisphaëriis evacuatis superincumbens, eatam fortiter premit, & manum hemisphaëriis superpositam non premit? An quia quantum aër superior premit deorsum, tantum inferior contrahitur, & hemisphaëria unà cum manu sursum pellic? Si hoc; cur si manus terræ aut lapidi incumbat, non premitur ab aëre superiore, cùm tunc parum aëris sit infra manum?

Respondeo, aërem constituere cum omnibus rebus hîc apud nos in Terra unum corpus; ideo per se solum nusquam moveri debet: sicut aqua intra aquam, aut res alia qua intra ipsam sunt, moveri non debent. Ubi verò spatium non repletum reperitur, eò movetur aër (ac etiam aqua) & penetrat intrò. Quapropter ubicunque sit manus, suprà & infra in equilibrio ab aëre circumdata est, & simul hemisphaërium, terra, & lapis, quibus incumbit. Quod si intra manum foret spatium vacuum, sine dubio manus unà cum aëre premeretur intrò; sicut latera angularis vitri evacuati intrà premuntur. Sic igitur extra hemisphaëria nihil est ob quod aër manum queat premere: at intra hemisphaëria est spatium vacuum, quod penetrare nititur aër; quia verò obstant hemisphaëriorum latera sphaërica, comprimit illa; quod ad manum non pertinet.

VI. Ad Quintam *questionem*, An quòd lapis politus superimpositus alteri lapidi politico, non possit elevari, ac divelli, si in medio arripias, & perpendiculariter elevare nitaris, causa sit pressio aëris superincumbentis?

Respondeo, maximè. Nam quia ejusmodi duo lapides aequaliter & simul secundum omnes partes divelli deberent; non potest aër spatium intermedium tam citò replere: ideoq; ut duo prædicta hemisphaëria, à gravitate aëris circumstantis comprimuntur, & compressi tenentur, donec aër paulatim penetret.

Lapides politissimi sibi mutuo superpositi, cur difficulter divellantur.

VII. Ad Sextam *questionem*, An quòd aqua è vase irrigatorio subtus perforato non effluat, si superius orificium digito obstruatur, sit causa pressio aëris infra vas & aquam existentis?

Respondeo, utique aër premens suspensam tenet aquam. Hinc si collum vasis excurreret in tubum viginti ulnas longum, bareat.

Aqua in vase irrigatorio cur suspensa

gum, omnis aqua efflueret, non obstante superioris orificii obstructione.

VIII. Ad Septimam questionem, An in antliis eleuetur aqua solum ob pressionem aëris aquæ extra antliam incumbentis, & non etiam ob fugam vacui?

*Aqua in
antliis cur
ascendas.*

Respondeo, *aquam in antliis ascendere solum ab aëris pressione; fuga vacui erronea imaginatio est. Et quia Terraqueo globo circumfusus est aër tanto pondere, quantum est pondus aquæ viginti ulnis alta; ideo in antliis ad tantam altitudinem ascendit, & non amplius. Hinc per Suctoria Instrumenta in tubis fontium, nulla aqua altius per suctionem attolli potest, quàm ad viginti ulnarum altitudinem; ac deinde tam altè ulterius, quàm alte disponi potest pertica qua in dictis tubis est. Errat ergo Dominus Doctor Augustus Hauptmannus in Tractatu suo Lipsiæ edito Anno 1658. dum scribit pag. 38. Esse indissolubile quoddam vinculum seu nexum Naturæ, ut semper corpus unum alteri connexum sit, ab eoq; pendeat, nè inter ea vacuum detur, aut etiam dari queat; & in hoc tam forti vinculo illas suas è profundissimis locis elevatrices & attractrices Hydraulicas Machinas firmiter fundari, atque in opus redigi posse ac debere, &c. Verùm experientia & rei veritas longe aliud docebit, nullumq; tale vinculum Naturæ esse docebit: sed potius cùm antlia in tubis ac fistulis altius quàm viginti ulnarum altitudine ab aqua disposita fuerit, certissimè ac verissimè nullum tale vinculum valiturum, sed ibi penitus rumpendum, adeoque nullam aquam tam altè conscensuram.*

Demum ut hoc vinculum solubile esse ulterius & oculariter demonstrarem, proximis DEO volente novum de ea re Experimentum perscribam. Interim ejusdem DEI paterno favori ac protectioni nos ambos commendo, & maneo

Admodum Reverendæ Paternitatis Vestræ

Fidelis & Obsequens S.

Otto Gericke m. pp.

Magdeburgo die 10. Maji
Anni 1662,

ANNO-

ANNOTATIO.

Quod dicit Clarissimus Vir in Responsione ad Sextam questionem, si collum vasis excurreret in tubum viginti ulnas longum, fore ut omnis aqua efflueret, non obstante superioris orificii obstructione; sic ego intelligo, quòd aqua tunc efflueret, donec non esset altior in vase & collo quàm viginti ulnis. Nam cum aëris externi pondus possit aequilibrari ponderi aqua viginti ulnarum, utique fluxus duraret quàm diu aqua esset altior intra collum & vas, quàm 20. ulnis; at cessaret, quàm primùm decrevisset ad totidem circiter ulnarum altitudinem, quia tunc aqua non posset amplius vincere contrarium aëris externi, sicut antea vincebat, sed tam esset gravis, quàm aër externus. Fieret ergo aequilibrium, & consistentia.

CAPUT XXIX.

EXPERIMENTUM X.

Machina Magdeburgica vacuum exactissime, ut putatur, exhibens.

Quoniam in precedenti Experimento octavo, quod 28. capite proposuimus ex Ingeniosissimo Magdeburgicorum, Experimentorum Auctore, aqua in tubo sine bullarum excitatione atque irruptione tranquillè ac placidè descendit in evacuatam globum, donec dimidiâ circiter ex parte tubus sit non solum aquâ, sed omni etiam alio (ut apparet) corpore vacuus; impediri tamen non potest, quin, dum Epistomiorum claves convolvuntur, atque adeo aqua dictarum clavium convolutione discinditur, bullæ aliquæ in tubo creentur, atque in altum conscendant: quoniam præterea, dum tubus mediâ ex parte jam vacuus agitur, ut sursum, deorsumque aqua moveatur, ac disrumpatur, in spatio illo vacuo ex dictâ tubi & aquæ agitatione intra ipsam aquam exorta. (quod quidem evidenter omni prorsus corpore vacuum prædicto ingenioso Autori videtur, quoniam & à vitreo tubo, & ab aquâ ipsâ circumdatum est, nec ulli corpori pervium) bullulæ aliquæ

*Machina
Magdeburgica, vacuum exactissime exhibens.*

quæ

quæ propter aquæ collisionem exoriuntur, quæ suspicandi an fam præbent, dictum spatiolum minimè vacuum, sed halitibus ex aquâ natis plenum esse: ideo aliud artificium Auctor, pro suo singulari in rebus similibus adinveniendis, ac perficiendis ingenio atque industria, excogitavit, quo similium bullarum, si quæ exoriantur, in tubum ipsum consensus impediatur, adeoque totus tubus ab omni aëris irruptione vacuus conservetur. Artificium accuratissimè descriptum misit ad me, unà cum Epistola Magdeburgi data die 22. Julii S. V. Anni 1662.

§. I. Descriptio Machinæ.

I.

Vide Iconismi
VIII. Fig.
II, III, IV.

A Ccepit nimirum vas vitreum A, quod Chymici cucurbitam (ein Kolben) vocant; cujus partem anteriorem, quâ angustius erat, candenti ferro, modo pharmacopolis usitato, detruncavit. Vasi huic, quâ parte apertum, circumdedit capsellam BB ex lamina orichalcina, aut ferrea stanno obducta (aus überzienten Blech) confectam, prout in aliis similibus vasis assuevit facere.

II. Per dictæ capsellæ operculum intrusit vitreum tubum CD sesquiulnaris longitudinis (non quidem in operculi medio, sed prope latus) qui ultra medietatem cucurbitam penetrabat, ut figura monstrat; omnesque circumcirca meatus plumbaturâ aurifabris usitatâ muniri curavit. Per idem operculum, prope dictum vitreum tubum CD, capsellæ implantavit ventile E, singulari & aliis inusitato artificio elaboratum, quod epistomii loco foret. Artificium non absimile est illi, quod descripsimus suprâ cap. 24. Fiunt nimirum duo veluti digitalia K & L, quorum L est suprâ & infrâ clausum; K verò infrâ quoque apertum. L intruditur, intra K, ita ut cavitatem ejus exactissimè impleat. Utrumque à latere foramen habet exiguum, quorum unum alteri, dum digitate L digitali K imponitur, præcisè respondeat: quo fit, ut dum L intra K vertitur, ventile hoc aperiatur & claudatur. Ideo autem digitale K fundum habet apertum, ut aqua per ipsum intra cucurbitam infundi queat. Ultra hæc digitale K circumdatur tubulo MNOP ex lamina confecto, & affusâ plumbaturâ diligentissimè contra omnem aëris transitum munitur. Hoc genus ventilis adhibetur.

betur quoque ingeminis illis hemisphæriis , de quibus suprà cap. 15. egimus.

III. Vitreum vas A implevit tantâ aquâ per ventile E , ut tubi C D orificium D semper maneret aquæ immersum , quacunque ratione sursum aut deorsum verteretur vas A. Dein inclinavit idem vas A , ut tubus C D quoque penitus aquâ impleretur. Quo facto , dum erigitur denuò vas A , ut antea erat ; suspensa manet aqua intra dictum tubum C D , idque ideo (inquit Auctor) quia aër incumbens aquæ intra cucurbitam modo dicto erectam , gravitate suâ impedit descensum aquæ è tubo.

IV. Posthæc vitreum vas A dictâ ratione præparatum , mediante tubo cupreo F G H I conjunxit globo seu cacabo cupreo , quem suprà cap. 5. & 26. descripsimus , & explicavimus , ita ut extremum I stuppâ aut lino obvolutum applicatum esset dicti cacabie pistomio , circumfusâ aquâ ad aëris ingressum impediendum ; alterum verò extremum F ventili E prædicti vitrei vasis A esset infixum.

V. His omnibus ritè præstitis , aërem è vase A (non globi seu cacabi cuprei , sed tubi plumbei o o dicto cacabo circumpositi ope) extraxit , adhibito etiam in fine extractionis tubulo P , (de quo suprà cap. 26. Num. 9. & paulò pòst §. Sed quia) cujus subsidio corium interioris ventilis antiæ pnevmaticæ aperitur , & aëri fortassis residuo liber aditus ad intrò descendendum conceditur , ac tempestivè , antequam embolus sursum protrudatur , recluditur , atque adeo totus aër penitus extrahitur. Quo facto manifestè incipit aqua è tubo vitreo C D descendere sine ullâ ullius bullæ ebullitione atque ascensu , & superficie aquæ in cucurbita contentæ coæquari.

Vacuum ergo tubi C D spatium , omniqûe prorsus corpore exinanitum manet. Quod & ipsum rationi consentaneum est : Nam ,

Primò , quia externi aëris pressio per insertionem extremi F intra ventile E impeditur , & per aëris extractionem interno aëri in cucurbitâ antea delitescenti vis omnis dilatativa (quæ à nonnullis vis elastica appellatur , & ante extractionem aëris aquam in tubo C D suspensam tenebat , tametsi nullus externo aëri intra

L

cucurbi-

cucurbitam aditus per obduratum ventile E concedebatur) aufer-
tur ; necessarium omninò est , ut aqua insitâ suâ gravitate , è tubo
CD descendat , & inferiorem locum quærat. *Secundò* , quia per
hanc machinam aër penitus è vitro A extrahitur ; necessariò se-
quitur , ut aqua tubi CD subsidat , & æqualem superficiem cum
aqua vasis A acquirat : quod & ipsa *auto-plia* ac velut ocularis de-
monstratio convincit.

§. II. Varia Phænomena circa præsens Expe- rimentum , ab Auctore notata,

I.

Notat Auctor Machinæ in Epistolâ proximè ante §. 1. citata ,
rem miram , quæ dum primam hujus Experimenti exhibitio-
nem adornabat , & Machinam incautiùs tractabar , evenit. Nam
cum aërem modo dicto è vase A extraxisset , & tubi F G H I , ex-
tremum F è ventili E denuò eximeret ; ipsum totum ventile simul
è capsellæ BB operculo extractum fuit. Quo factò , externus aër
tanto cum impetu irrupit intra vas A , ut non solum aqua in mo-
mento ascenderit intra evacuatum tubum CD , verùm etiam par-
tem superiorem dicti tubi abruptam testò hypocausti alliserit , si-
mulque vas totum A cum aquâ ad spitamẽ altitudinem è terrâ ele-
vârit , parum ut absuerit quin penitus confringeretur. Qui qui-
dem eventus manifestissimè probat aëris externi pondus & pres-
sionem , uti infrâ suo loco discutietur.

II. Notat *secundò* , dum vitra & plumbaturæ adhuc recentia
sunt , & aër è vase A extrahitur , multas hinc inde bullulas ex omni-
bus locis nasci. Quas quidem bullulas initio existimavit Auctor
ex solâ aquâ oriri ; at deprehendit postmodum , quòd tam ex
aquâ , quàm vitro & plumbaturâ oriantur. In particulis deprehen-
ditur , multas adhærescere vitro & plumbaturæ , quæ paulatim ma-
gis magisque crescunt , ac tandem aquam perumpentes avolant.
Contingit autem præcipuè , quando tubus CD repletus jam est
aquâ , & paulatim erigitur , ut dum aqua in dicto tubo descendere
ac subsidere incipit , appareant in ipso , atque intra tubum circum-
quaque innumerabiles vesiculæ aut bullulæ. Ob quod Auctor cer-
tò existimavit initio , aërem per vitri poros penetrare. Quâ in opi-

nione eò confirmatus fuit magis, quòd dum dictum tubum denuò inclinabat, & aquà rursùm implebat, semper aliquid aëris pisi magnitudine in illo deprehenderit. Quia aër (quando scilicet vitrum convertebatur) tametsi sponte erumpat denuò intra superius cucurbitæ spatium aquà vacuum; semper tamen eodem id contingit modo.

Ex hoc phænomeno patet, tam aquam, quàm corpora alia, maximè porosa, aërem intra se continere; qui aër, dum à circumfessione & pressione dicta corpora liberantur, erumpit, & quandoque in vesiculas & bullulas resolvitur.

III. Notat *tertiò*, motum se ob præcedens phænomenum, dictum tubum vitreum CD circumdedisse alio adhuc vitreo tubo, atque hunc posteriorem replevisse aquà, ac superius ejus orificium probè obturasse, ut interior CD aquà penitus ac continuò circumdatus maneret: hac enim ratione impediri posse cogitabat aëris externi penetrationem, si quæ antea fuisset, intra internum tubum; quandoquidem per utrumque tubum, & per tubi externi aquam penetrare, usque ad aquam interni tunc non posset. Ortæ nihilominus semper fuerunt, in tubo interiore, dum aqua in eo subsidebat, parvæ vesiculæ; donec tandem post dies multos, & post frequentes experientias deprehendit, dictas vesiculas ac bullulas è vitro ipso interni tubi originem sumpsisse, ac semper magis magisque in dies singulos defecisse, donec nullæ tandem amplius deprehenderentur.

Quo ex phænomeno Auctor apertissimè (ut ipse ait) deprehendit, dictas vesiculas ac bullulas è vitri effluviis originem traxisse; & effluvia corporum nihil aliud esse, quàm aërem; aëremque nihil aliud, quàm rerum omnium effluvia; nec rem ullam esse sine effluviis. Unde concludit, non aquam tantùm, sed etiam vitrum, metalla, cæteraque corpora omnia, emittere effluvia sua. Quod & aliis experientiis in opere suo quod molitur, stabiliet. Concludit ulterius, frustraneum fuisse laborem in tubo vitreo CD, alio tubo vitreo aquà repleto, undique circumdando insumptum; quandoquidem certum (ut ipse putat) esse videtur, nullum vitrum, nisi fortasse tenuissimum, aëri aut effluviis transitum præbere.

IV. Notat *quartò*, si effluvia rerum aer sunt, & res nulla sine effluviis existit, sequi (si rem scrupulosius examinare lubeat) in hoc nostro Terraqueo globo spatium nullum reperiri posse ab omni rerum effluvio, seu (ut ipse loquitur) odore vacuum. Tametsi enim quarundam rerum (ut vitri, aliarumque similium) odor seu effluvium tam est subtile, ut visu ac mente sit imperceptibile; dum tamen in evacuato tubo per aquam conglobatur, instar perlæ addensatum deprehenditur. Quare tametsi tubus vitreus C D extremum suum D perpetuo aquæ immersum retineat, ac etiam (dum extremo C deorsum verso aquâ repletur, atque aeris seu effluvi aquei vesicula, quæ semper in tubo reperitur, expellitur) aquâ penitus repletus sit, itaque erigatur, ut aqua in momento sine bullæ ullius apparitione descendat; manet nihilominus in eodem tubo odor seu effluvium aquæ; ideoque dum evertitur denuo machina, deprehenditur, dum id quod antea totum tubi ab aquâ evacuati spatium replebat, ad vesiculæ unius instar perlæ magnitudinem coarctatur. Quæ tamen vesicula, nisi in evacuato tubo contineretur, minimè appareret.

V. Notat *quintò*, atque concludit, hoc Experimento vacui procurationem eò usque perductam, ut ultra procedi nequeat, quandoquidem tubus CD manet continuo aquis immersus. Quid autem censendum sit de vacuo per hydrargyri descensum in tubo Torricelliano procurato, aut tentato, Auctor in opere suo explicabit.

VI. Notat *sextò* ac ultimò, tubum CD paulatim inclinandum, ne aqua nimis celeriter ac impetuosè in eum irruat, ac tubum disrumpat: tanto enim impetu ac fragore irruere solet aqua, ut lapidem casu ac pondere suo referat.

§. III. Annotationes circa præsens Experimentum.

Hæc omnia perscripsit ad me Humanissimus, atque Ingeniosissimus Experimenti Auctor, in Epistolâ Magdeburgo die 22. Julii

Julii hoc ipso anno 1662. quo hac scribo. Quæ tamen (meo quidem judicio) tantum absunt ut probent , vel per hoc , vel per præcedens Experimentum , in vitreo tubo , qui vacuus apparet , vacuum revera dari , ut vel maximè confirmet , quæ in superiori Capite in Annotationibus dixeram , esse nimirum spatium illud intra tubum , & intra aquam tubo conclusam , plenum effluviis & halitibus aquæ . Quod quidem verissimum esse existimo : puto enim cum præfato Auctore , rerum omnium , aut ferè omnium , continuadari effluvia , ut patet manifestè in rebus odoriferis , quæ odorifera effluvia sua tam diu emittunt , donec marcescant , ac tandem deficient . Longè autem manifestius ejusmodi effluvia evaporant liquores quilibet , aliæq; res in quibus humidum prædominatur . Hinc enim ortum ducunt vapores , & exhalationes , quibus aër circanos continuò scatet . Hinc , ut infra lib. 4. cap. 1. dicemus , aër noster impurus nihil est aliud , quàm ather rerum diversarum effluviis repletus ; quæ quo copiosiora sunt , eò impuriorem constituent aërem .

II. Nullum ergo verum vacuum per hoc Experimentum procurari potest ; longèq; majus ac perfectius est illud vacuum , quod per extractionem aëris è vitro , ex hemisphæriis , ex ahenis & cacabo procuratur , modo dicto in præcedentibus .

III. Fateor tamen , effluvia quæ tam in hoc , quàm in præcedenti Experimento intra tubum vitreum manent , tam esse subtilia , ac levia , ut aëri nostro impuro comparata quasi incorporea ac insensibilia censeantur . Atque hæc causa est , cur dum aër adhuc incumbit aquæ intra cucurbitam A contentæ , antequam extrahatur , aqua intra tubum CD suspensa maneat , quia nimirum prope supremum tubi illius verticem C intus stabulantur jam nonnulla aquæ effluvia , quæ ex aquâ deorsum nitente , ac nonnihil subsidente evolarunt , & leviora sunt , quàm aër extra dictum tubum aquæ cucurbitæ superincumbens : unde hic aër partim pondere suo (licet exiguo , ob exiguam copiam) partim elatore seu vi elasticâ ac dilatativâ sui , aquam illam leviolem jam quàm ut aërem vincat , sustentat ac suspensam tenet . Sed de hac re accuratè in libro 4. agemus .

In aliis litteris , 9. Octobris ad me datis , loquens Auctor de eodem precedenti Experimento , Ait primò , bullam illam seu vesiculam , qua post singulas everfiones Machina in tubo C D remanebat , ac deinde , cum Machina denuo erigitur , intra cucurbitam descendit , paulatim fucceffu temporis evanefcere . Ait fecundò , cum aliquando Machinam nimis celeriter everteret , & aquam non paulatim (ut fieri debet) fed velociùs quam par eft , intra tubum C D illabi permetteret , eam tam vehementer vertici C illifam , ut quamvis eo loci craffiffimum fit vitrum , nonnihil tamen fuerit comminutum . Si paulò majori impetu irruiffet , diffractus utique fuiffet tubus , & àër externus cum impetu irruens , cucurbitam in frufta comminuiſſet . Quare cautè tractandum eſt dictum Experimentum .





LIBER SECUNDUS.

MIRABILIA ANGLICANA,

sive

EXPERIMENTA PNEVMATICA

IN ANGLIA EXHIBITA.

PROOEMIUM.

N Agnâ animi voluptate perceperam (ut
in Physica quoque Curiosa nuper à me
edita Præloquio ad Lectorem dixi) quod
non ita pridem ad me scripserat Nobilissimus atque Amplissimus Dominus Philippus Ernestus Vegelin de Claerbergen , Celsissimi Guilielmi Friderici Nassoviæ Principis , &c. Aulæ - Præfectus , & Consiliarius primarius , de Viro Illustri Domino Roberto Boyle Anglo , fratre Germano Comitis de Corke ; eum videlicet rariora quædam specimina nuper edidisse Observationum & Experimentorum naturalium circa aërem ; item Disquisitionem practicam de fluidorum & spissorum corporum natura , novo planè , & illustri æquè ac felici conatu : &
sperari

sperari subinde similia , imo & majora , tum ab ipso , tum à cæteris Nobilissimæ non ita pridem Londini initæ Societatis Assæclis, hoc unum agentibus & versantibus , ut Naturæ recessus undique solerti omnimodâque indagine magis magisque patefiant. Avebam proinde avidissimè , ac modis omnibus allaborabam, ut dictorum Experimentorum notitiam aliquam indipiscerer, ad Technicam meam Curiosam, sive de Mirabilibus Artis Opus , quod meditabar , iisdem exornandum : cùm ecce idem Nobilissimus atque Amplissimus Dominus Vegelinus, pro suo humanissimo erga me meaque studia affectu, & ingenti ad Litteratorum studia promovenda ardore , non diu pòst , ipsum Librum recentissimè in Anglia editum, Hagâ-Comitum ad me misit, hac notatum epigraphæ: NOVA EXPERIMENTA PHYSICOMECHANICA *de vi Aëris elastica , & ejusdem effectibus , facta maximam partem in nova Machina Pneumatica, & ad Nepotem suum Nobilissimum Dominum Carolum Vicecomitem de Dungaruan , Illustrissimi Comitis de Corke , summi Regni Hyberniæ Thesaurarii , filium primogenitum , litteris pridem transmissa , ab Honoratissimo Domino ROBERTO BOYLE , Armige-*

ro, ex

ro, ex *Anglicano in Latinum noviter conversa*, & Oxoniæ in Anglia typis mandata, Anno 1661.

Perlegi avidissimè, & quasi *ἄπνευστος*, ac uno ferè ^{*Experimenta Anglicana.*} spiritu, Librum totum, non minùs octodecim philis constantem; adeoq; placuit, ut dignissimum judicârim, qui non unâ Anglicanâ, sed iterata Germanicâ editione in plurimorum notitiam quàm citissimè veniret. Est enim plurimis experimentis, ingentilabore, maximis impensis, incredibili diligentia factis, summâq; fidelitate conscriptis refferus. Nec enim suis tantùm oculis, nec suo tantùm judicio, Vir Illustris & Ingeniosissimus fidit, sed spectatores ubiq;, ac testes fideles, eosq; eruditissimos, dum Experimenta sumeret, adhibuit. Nec semel Experimentum idem sumpsisse contentus fuit, sed iterum ac tertio, modis variis, temporis diversis rem eandem tentavit, ut certus de eventu foret. Machinas deinde adhibitas, procedendi modum, felices aut infelices successus, aliorum à suo differentia judicia, circumstantias deniq; omnes, tantâ enarrat sinceritate, ut omnem humanitatem exuisse oporteat eum, qui relatis ab ipso fidem adhibere detrectat. Accedit summa animi moderatio, quâ sua ubiq; ferè elevat, deprædicat aliena: cùm tamen &

M inge-

ingenio, & judicio, & doctrinâ, & variarum rerum notitiâ, quin & editorum à se librorum gloriâ excellat.

Ut ergo tam doctum & utile Opus, ad multorum notitiam, magno Litterariæ Reipublicæ emolumento, quàm primùm veniret, secundam editionem concinnare, additis nonnullis Hallucinationibus ac Notatiunculis meis, bonâ cum Illustris Auctoris veniâ, decreveram, non alio fine, quàm ut multis prodessem; & alios, quibus sumptus, otium, ingenium suppetunt, ad similia studia excitarem: cùm ecce Francofurto ad me mittitur idem Libellus, denuo Hage-Comitum prælo subjectus. Mutavi ergo animum, & nuda solum Experimenta, cum nonnullis ipsius Auctoris Notationibus ac Digressionibus majoris momenti, breviter, ac fideliter huc transfero, tanquam semina Experimentalis de Aëre Philosophiæ, quam in sequenti libro adumbrare, & alios ad colores addendos animare conabor.

Monitio ad Lectorem.

Illustris Auctor in his Experimentis partim supponit, partim probat, aëris partes superiores premere inferiores, aliaque corpora quibus incumbit,

bit, aut circumfunditur. Item, cessante obstaculo circumambientis & prementis aëris, reliquum sese dilatare sponte sua, ob virtutem quandam elasticam seu dilatativam, quâ præditus est. Quæ an ita se habeant, infra suo loco videbimus.

CAPUT I.

*Machina pneumatica Anglicana
descriptio.*

Didicerat Illustris Anglicanorum Experimentorum Auctor ex Mechanica nostra Hydraulico-pneumatica, quam Anno 1657 in lucem edimus, *Generosum & solertis ingenii Virum*, (Verba sunt dicti Auctoris in Experimentorum Proœmio) *Ottomem Gerickium, Consulem Magdeburgensem, nuper in Germania vasa vitrea, aërem per os vasis in aquam immersi exsugendo, evacuasse;*) ex eoq; Experimento non parum voluptatis ceperat, (quòd inde aëris externi immensa vis, sive in vasis evacuati apertum orificium irruentis, sive violenter aquam còcogentis, exposita & conspicua magis, quàm in ullo alio Experimento à se antea viso, redderetur.) Duo tamen in Magdeburgica Machina, à nobis descripta, desiderari dicto Illustri Auctori videbantur. Primum, quòd antlia pneumatica ita fabrefacta esset, ut in evacuando vase duorum hominum satis robustorum jugi per aliquot horas labore opus foret. Alterum, quòd Recipiens, sive vas evacuandum, ex uno integro & continuo vitri globo atq; collo constans, totam machinam ita compingeret, ut rebus ad Experimenta facienda conducentibus negaret introitum; ut proinde paucorum admodum phænomenorum, præter ea, quæ à Dn. Gerickio observata, & à me commemorata sunt, noticia sperari inde posse videretur.

His duobus defectibus (sic Illustris Auctor appellat) ut succurreret, post multa frustraneo labore cogitata, atq; tentata, tan-

*Anglicana
machina
pneuma-
tica.*

dem concinnavit sequentem Machinam; quæ ex duabus præcipuis constat partibus, Vase scilicet vitreo, & Antlia pneumatica, quâ aër è vase extrahitur. Ultramq; explico.

§. I. Vas vitreum, seu Recipiens,
ejusq; partes.

*Recipiens
machina
Anglica-
na, ejusq;
partes.*

*Vide Iconismi I X.
Fig. I. &
sequentes,*

I. VAs vitreum, in Recipientis apud Chymicos & Pharmacopolas usitati formam effigiatum, fieri curavit, tanta magnitudinis, ut triginta circiter vini sextarios caperet, quorum singuli duas prope aquæ libras continent. E regione colli reliquit satis patulum foramen rotundum AA, cujus diameter quatuor digitorum transversorum est; ejusq; orificium labio item vitreo BC, ad digiti transversî ferè altitudinem incinxit, uti in Fig. I. apparet.








II. Annulum fecit æneum DE (uti in Fig. II. apparet) ita fustum, ut eo labium BC intus & extra operiatur. Hunc annulum, dicto labio impositum, satis firmo cæmento arctissimè adferuminavit, nè quid aëris inter ejus & labii latera sese ingereret.

III. Fecit operculum seu obturamentum FG (ut in Fig. III. apparet) ex ære, quod exactè impleat cavitatem annuli DE, cui intrudi debet, ita ut inter concava illius annuli, & convexa obturamenti hujus latera, nullus externo aëri aditus concedatur. In hujus obturamenti centro est foramen HI, latitudinis circiter semidigitalis, ejusdem metalli annulo cinctum. In fundo vero ejusdem obturamenti est uncus æreus L, in usum paulò post dicendum.

IV. Fecit obturamentum aliud K G (uti in Fig. IV. apparet) æneum, instar clavî seu verticilli epistomiorum, ad obturandum foramen HI præcedentis obturamenti; cujus cavitatem ita explet, ut licèt intra ipsam circumrotetur, quando usus exigit, nullum tamen aditum aëri patefaciat; extrahi tamen, ac reponi, in usus postea dicendos, pro libitu possit. Infra habet foraminulum, numero g notatum, per quod filum transjici queat, cum necessarium fuerit.

Ex annulo DE, imposito foramini BC; & ex obturamento FG, immisso intra annulum DE; & ex verticillo K G intruso in-
tra





tra foramen HI, conficitur operculum vasis vitrei seu Recipientis, ut in Iconismo XXXVI. apparet: ubi per foramen g dicti verticilli, & per unicum seu annulum L obturamenti, transit filum 8, 9, 10, intra vitrum, ut ejus beneficio res intra evacuatum vas intromissæ, ac dicto filo alligatæ, possint moveri ad libitum, absque verticilli extractione, per solam ejus circumrotationem.

V. Collo Recipientis accommodavit epistomium, cum verticillo, SNOXZ, ut in Fig. V. apparet. Quod epistomium ut melius adglutinetur collo Recipientis, proindeq; aër, qui inter colli convexa & epistomii concava latera irrepere furtivè potuisset, accuratius excluderetur; ad scapum epistomii X adferruminavit Laminâ stanneam M TVW, (ut in Iconismo XXXVI apparet) eò usq; expansam, ut collû Recipientis operiat. Eam autem adferruminationem, seu cæmentationem (quæ nonnihil operosa est) in hunc perfecit modum. Laminæ stannæ cavitatem liquefacto adimplevit cæmento, ex pice, resina, & cineribus ligni, omnibus probè mixtis & concorporatis, composito. Et quò liquidæ hujus mixturæ ingressus in orificium Z scapi X impediretur; foramen illud subere obturavit; suberi autem annexit filum, quo per superius Recipientis orificium extrahi posset. Porro vitreum Recipientis collum, postquàm igne probè fuit calefactum, cæmento immissum fuit, idq; ultra scapum X; quo factum, ut omne spatium inter laminam stanneam & vitri seu Recipientis superficiem externam prope collum, ipsumq; collum, item inter Recipientis superficiem internam prope collum, ipsumq; collum, item inter Recipientis superficiem internam, & epistomii scapum, cæmento illineretur, ac repleretur, foramen tamen Z non obturaretur.

§. II. Antlia pnevmatica, ejusq; partes.

HAtenus superiorem Machinæ, quam Iconismus XXXVI. *Antlia pnevmatica Angli-* præsentat, partem descripsimus; nunc inferiorem delineabimus. Constat hæc sustentaculo, & antlia pnevmatica.

I. Sustentaculum est ligneum, parvum quidem, sed validum satis, & tribus pedibus, numeris I, I, I, notatis, suffultum, eo situ

fabricatis, ut unum ejus latus perpendiculariter stet, nè liber manûs manubrium antliæ circumagentis motus impediatur. Circa mediam sustentaculi hujus regionem asser transversarius clavis defixus est, numeris 2, 2, 2 notatus, qui non incongruè diaphragma dici potest. Huic diaphragmati incumbit, & firmiter includitur maxima ipsius antliæ pars.

Hæc antlia quatuor constat partibus, videlicet cavo Cylindro, Pistillo, fustorio, Manubrio ad pistillum movendum, & Valvulâ seu ventili.

II. Cylindrus, litteris PQ, & numeris 3, 3 notatus, ex ære fusus est, juxta modulum priùs factum, quatuordecim circiter digitos transversos longus, eâ crassitudine, quæ non obstante cavitate internâ cylindricâ, roboris ejus & firmitati sufficiat. Cavitas est trium ferè digitorum transversorum in diametro, & tam exactam habet figuram cylindricam, quàm potuit à diligentissimo artifice fieri.

III. Cavo huic cylindro Pistillum numeris 4, 4, 5, 5, 5 notatum, est aptatum; quod ex duabus constat partibus, videlicet embolo 4, 4, & stipite 5, 5, 5. Emboli 4, 4 diameter est cavitate cylindri aliquantulum minor; eiq; superaffigitur segmentum satis crassum ejus corii, quo in calceis conficiendis utuntur sutores pro soleis; quod segmentum corii adæquatè Cylindrum implere debet, ut ad illud intrudendum, si quando eximatur, magnâ vi magnoque verberare sit opus. Quod ideo fit, ut certo sit obstaculo, nè aër inter Emboli & Cylindri latera ullo modo sese insinuet.

Medio hujus Emboli parti inferiori inserta est stipitis loco, ac firmiter affixa, ferrea lamina, satis crassâ, sed latitudinis exiguæ, Cylindro aliquantò longior, notata numeris 5, 5, 5. Hujus altera margo lævis est, altera verò dentata seu serrata, uti schema monstrat. Horum dentium interstitiis aptatur embolus striatus $\alpha\beta$ cum manubriolo signato numero 6: qui embolus sustentatur duobus statuminibus, uti Fig. VI. ostendit, insertis inferiori supradicti diaphragmatis superficiei, cui Cylindrus innititur. Manubriolo 6 inseritur aliud manubrium numero 7 notatum, quo

embo-

embolus striatus vertitur , & lamina serrata elevatur aut deprimitur , & cum lamina embolus 4 , 4 , cui affixa est lamina.

I V. Superest Valvula seu Ventile R. Ea valvula constat ex foramine per Cylindri latus ad summmitatem facto, atque aliquantum cavitatem versus turbinatim fastigiato. In quod foramen æneus ejusdem figuræ, cujus foramen est, stylus exactè teritur, qui inferi & evelli ad libitum possit.

Ex his omnibus partibus hætenus descriptis atque expositis, si ritè conjungantur, atque inter se, uti insinuat, aptentur; Epistomiq; S N, Recipientis collo affixi, scapus inferior O inseratur Cylindri foramini superiori; consurgit Machina quam monstrat Iconismus XXXVI.

Atque hæc est Machina Anglicana, Experimentis Anglicanis quæ afferemus, exhibendis destinata.

ANNOTATIONES.

I.

Recipiens hujus Machina est ejusdem ferè capacitatis cum nostro Herbipolitano majori, quem diximus continere 32 ferè mensuras Herbipolenses, seu dimidiam urnam. Ait enim Auctor, Recipientem suum continere 30 circiter sextarios, quorum quilibet duas propè aqua libras continet. Totidem autem propè libras aqua continet una mensura Herbipolensis. Libras intelligit & dictus Auctor, & vos, quæ sexdecim uncis consistunt.

II. Illustris Auctor hac suâ Machinâ conatur obviam ire duobus defectibus, quas in Magdeburgica aitprehendi. Quod an fecerit, constabit ex dicendis capite sequenti.



CAPUT II.

*Machina pneumatica Anglicana usus;
& quid ad eum requiratur.*

*Machina
pneumatica
Angli-
cana usus.*

*Vide Ico-
nism. IX.
& XXXVI.*

UT Machina hæcenus descripta facilius agitur, & aër è Re-
cipiente melius (quantum per hanc Machinam fieri potest,
ut postea videbimus) extrahatur; observanda nonnulla monet Il-
lustris Auctor. Nam

I. Per superius Recipientis orificium AA, aliquantulum olei
communis infundi jubet, tam ut exigua (si quæ sint) interstitio-
la inter superficies contiguas partium internarum epistomii
SN XO repleantur; quàm ut epistomii verticillus SN facilius
vertatur, aut si opus fuerit, antrorsum ac retrorsum movea-
tur.

II. Oleum etiam copiosius Cylindro PQ₃₃ immittendum
est, ut Embolus 4, 4 liberè ac facilè in eo sursum ac deorsum mo-
veri possit, quàm ut externus aër per interstitia inter ipsum ac
Cylindri cavitatem non se insinuet. Deprehendit tamen Au-
ctor, Embolum facilius moveri intra Cylindrum, si oleum cum
aqua mixtum infundatur.

III. Easdem ob causas intra Valvulam R nonnihil olei in-
fundendum est.

IV. Deniq; nè aër externus irrepat inter latera ænei oper-
culi FG, & annuli ænei DE, necesse est, ut margines utriusq; ex-
teriores sollicitè admodum emplastrantur, idq; emplastro supra
dicto, vel aliquo alio æquè subacto, atq; obstruente: quod can-
dente ferro supra margines fundi debet, ut liquefactum omnes
rimas, & alia quæcunq; inania spatiola, per quæ aër aliàs ad inte-
riora posset penetrare, subeat.

V. Rebus omnibus sic ritè præparatis, antlia agitur, & aër
è vitro extrahitur, hac ratione. *Primò*, inferiore epistomii sca-
po O in superius Cylindri orificium PQ, cui exactissimè congrue-
re debet, immisso, & Valvulâ R apertâ; vertitur Manubrium 6, 7
antrorsum; & Embolus 4, 4 ad summitatem Cylindri suspelli-
tur, nè quid aëris in superiori ejus parte relinquatur. *Secundò*,
clau-

21 (10-11)

10-11



Iconismus

XX XVI.



clauditur Valvula R, & dictum manubrium agitur retrorsum, & Embolus ad fundum Cylindri reducitur. His factis, nullus existit aër in Cylindro inter embolum & cylindri summitatem, quoniam ante detractionem emboli nullus erat inter ipsum & dictam summitatem, & post detractionem nullus fuit de novo ingressus. Tertiò, Versâ clave S N, aperitur epistomium; & repente pars aëris in Recipiente contenti in Cylindrum descendit, ejusque inanitatem explet. Quartò, Revolutâ clave S N, clauditur denuo epistomium, & valvula aperitur, Embolusque ad Cylindri summitatem reducitur: quo fit, ut aër Cylindri è Valvula erumpat, & in Recipientem non revertatur. Quo facto, clauditur denuo Valvula, agitur deorsum Embolus, aperitur epistomium Recipientis, & descendit pars alia aëris è Recipiente intra Cylindrum.

Hæc operatio institui potest quoties lubet, & extrahi è Recipiente aër quantum placet, aut quantum Experimenti faciendi ratio exigit. Vides ergo quàm facilè, & quàm citò evacuari possit Recipiens?

ANNOTATIO.

FAtetur Dominus Boyle, postquam præscripsisset prædictum operandi modum in extrahendo aëre in Præloquio Experimentorum circa finem, paulo ante primum Experimentum, sibi præter expectationem difficile accidisse, excludere aërem externum, nè extracto paulisper interno vicissim irrumperet. Benè ergo dixit Dominus Gerickius in fine Epistolæ, quam cap. 23. adduximus, pro certo affirmare se audere, multum aëris externi inter latera cylindri & emboli hujus Machinæ, quoniam aqua immersa non foret, subingredi. Idem affirmare poterat de epistomio & operculo Recipientis. Longè ergo perfectiùs, nec tamen multò operosiùs, extrahitur internus, & excluditur externus aër in Machinæ Magdeburgicæ, quàm in hac Anglicanæ.

Quod dixerat ingenuè Dominus Boyle de difficultate excludendi aërem externum, nè confestim iterum irrepat, confirmat ipsemet ultro eodem in loco, distinguendo duo Experimentorum genera, quorum exploratio per Machinam suam fieri queat. Alterum eo-

rum est, quæ ocyus expediri possunt; alterum, quæ temporis aliquam moram requirunt, ut num in Recipiente evacuato vivere possint animalia, an vegetabilia crescere & germinare, ac similia. Prima ait posse bene examinari suâ Machinâ, etiamsi aliquantulum perfluat: quandoquidem si embolus agiliter exerceatur, celerius extrahi aër è cylindro & vitro potest, quàm interim per occultas rimas subingrediatur. Secunda ait, non posse commodè eâdem suâ Machinâ examinari, quandoquidem per fissuras etiam minutissimas tanta aëris copia irrepit, quæ ad vacuum citò abolendum sufficiat.

Vacui nomine quid intelligat Dr. Boyle. Machina Magdeburgica perfectior est, quàm Anglicana.

Notat hic Auctor, semel pro semper, per vacuum non intelligere se spatium aliquod, cui nullum omnino corpus inest, sed tale quod aut prorsus, aut tantum non prorsus, aër sit expers.

Ex his constat, quantò melior sit Machina Magdeburgica, quàm Anglicana, quandoquidem in illa ingressus aëris externi omnis excluditur, propter aquam, cui immersa sunt illæ partes, per quas irrepere posset; quod non fit in Anglicana.

CAPUT III.

EXPERIMENTUM I.

Aër è Recipiente descendit intra Cylindrum evacuatum cum sibilo.

Aër è Recipiente Anglicano descendit intra cylindrum evacuatum cum sibilo.

Vide Iconism. IX. & XXXVI

SI epistomii clavicula SN, & Valvula R claudantur, embolusque antea ad summitatem cylindri perductus subducatur deorsum; spatium illud cylindri, quod est inter embolum & cylindri summitatem, manet aëre destitutum, aut penitus, aut magna ex parte; nisi interea alius inter latera emboli & cylindri furtivè subeat. Quamprimùm autem dicta clavicula SN revolvitur, & epistomium aperitur; aëris in Recipiente contenti pars irruit cum impetu, & cum sibilo quodam acuto, in vacuum cylindrum, usquè dum in utroque vase, Recipiente dico, & Cylindro, aër ad parem circiter dilatationis seu raritatis mensuram adducatur. Itaq; primà hac suctione tantum ferè aëris è Recipiente extrahitur, quantum

intra

intra cylindri vacuum à summitate P Q usque ad embolum contineri potest. Sequentibus verò suctionibus tantò semper minùs minùsque extrahitur, quantò plùs in præcedentibus fuit extractum. Hinc quò sæpiùs embolus, clausà priùs valvulà, à summo deorsum deducitur, eò celerius & violentius, si liber dimittatur, ad cylindri summitatem P Q cum impetu quodam relabitur. Quod & pistillo intra antliam pnevmaticam relabenti, post continuatam aliquamdiu agitationem, contingere diximus suprà lib. I. cap. I. Annot. 2. Causam in utroque casu infrà suo loco indagabimus.

*Pistillum
relabitur
cum impe-
tu intra
antliam
in Machi-
na Magde-
burgica,
& Angli-
cana.*

ANNO TATIO.

Multa relato hoc Experimento disputat Auctor de aëris virtute elastica, ut vocat, seu dilatativa sui. Nos ea de re agemus infrà suo loco.

Ex his porrò qua diximus de extractione aëris è Recipiente, sequitur, cum post extractionem esse leviolem quàm antea erat. Quod & Dominus Boyle concedit, & probatum fuit in Recipiente Magdeburgico, ut vidimus suprà lib. I. cap. 2.

CAPUT IV.

EXPERIMENTUM II.

Recipiente evacuato, obturaculum K 8 difficulter extrahitur.

Sublato operculo B D E C, & aperto orificio A A Recipientis, Saliga filo 8, 9, 10, vesicam inflatam, & bene clausam, iterum-
que reponere operculum, & emplastro suprà indicato circumliga diligenter, nè aëri introëunti aut exeunti sit pervium. Deinde extrahe aërem è Recipiente, agitando embolum modo dicto cap. 2. Demum jube aliquem extrahere paulatim obturamentum K 8, cui vesica est alligata. Sentiet is maximam difficultatem, putabitque pondus ingens esse inferiùs alligatum. Tantò autem majus sentiet pondus, quantò perfectius evacuatus est Recipiente.

*Vide Iconism.
XXXVI.
Obturacu-
lum in
Machina
Anglicana
difficulter
extrahitur, eva-
cuato Re-
cipiente.*

Paulatim verò subingrediente aëre externo, vel per leuem aperturam dicti obturamenti, vel per apertionem Valvulæ R, & verticilli § N; minuetur pondus?

ANNOTATIO.

Causam hujus rei ait Auctor esse, quòd aër intus in Recipiente vel sublatus penitus, vel admodum rarefactus, non nititur sursum per vim elasticam, & consequenter vesicam non trudit sursum: è contrario aër externus, obturamento dicto incumbens, nititur deorsum, & premit dictum obturamentum. Quod an verum sit, examinabimus infrà suo loco.

CAPUT V.

EXPERIMENTUM III.

*Embolus è cylindro ocluso difficulter extrahitur;
& liber dimissus, cum impetu sponte
relabitur intrò.*

*Bisillum
è cylindro
Anglicano
occluso diffi-
culter ex-
trahitur;
et extra-
ctum rela-
bitur cum
impetu.
Vide Ico-
nismum.
XXXVI.*

Etiam si ope manubrii 6, 7, 7, embolus facilè à summo cylindri usque ad imum deducatur, valvulâ & epistomio etiam arctissimè clausis; tamen si manubrium auferatur, magnum pondus appensum, aut magnus applicatæ potentiaë conatus requiritur ad eum deprimendum.

Quòd si detractò ad imum semel embolo, is liberè dimittatur, suâ sponte & cum impetu superiora repetit, ut suprà etiam cap. 3. diximus?

Hoc idem contingit, si Recipiente priùs evacuato, & clauso ejus epistomio, embolum oclusâ Valvulâ ad imum deducas, & antequam liberum dimittas, Recipientis epistomium aperias, ut communicatio sit inter evacuatum Recipientem, & evacuatum cylindrum; & deinde iterum claudas epistomium, & embolum dimittas: relabetur enim ad summitatem cylindri raptim & cum impetu.

Nota-

Notatum tamen fuit, si Recipiente prius evacuato, aperiat-
tur epistomium; embolum minùs difficulter ad ima detrahi, quàm
si epistomium sit clausum.

Notatum præterea, quòd ubi embolus ad cylindri summica-
tem est impulsus, valvulâ tam arctè prius conclusâ, ut nihil aëris
in cylindro supra embolum superfit; si tunc versus inferiorem par-
tem cylindri deducitur, par difficultas sentiatur, sive parum, sive
multum versus inum moveatur.

ANNOTATIO.

HOrum quoq; phenomenorum causas adscribit Auctor pressioni
aut resistentiæ externi aëris, embolo incumbentis. Quod an ve-
rum sit, infra suo loco examinabimus.

CAPUT VI.

EXPERIMENTUM IV.

*Vesica flaccida intra evacuatam Recipientem
distenditur, indeq; vis elastica aëris
probat.*

Vesicam accepit Auctor agninam, amplam satis, siccata, *Vesica flac-*
flaccidam admodum & aëre semiplenam, ejusque orifi- *cida ex-*
cium bene obstrinxit, nè vel minimum inclusi aëris elaberetur. *tenditur*
Hanc intra Recipientem immisit; operculum superius benè *in Reci-*
occludit, & superlucavit; antliam bistervè exercuit, ut non nihil *piente eva-*
aëris extraheretur. Quamprimùm autem aër extrahi coeperat è *cuato.*
vitro, aër in vesica carceratus coëpit intumescere; & quò plùs aë-
ris è vitro extrahebatur, eò magis ille intumescerebat, & vesicam,
antea flaccidam extendebat, adeo ut Recipiente nondum peni-
tus evacuato, vesica tam plena atq; extensâ appareret, ac si calamo
inflata foret.

ANNOTATIO.

PUtat Auctor, aërem antea in vitro conclusum, vi suâ elasticâ di-
latasse sese, & vesicam cum aëre incluso compressisse; extracto

verò è vitro aëre ex parte, & facto rariore, virtutem ejus elasticam fuisse debilitatam, ac minùs pressisse aërem vesica inclusum, sicq; hunc à pressione liberum sese dilatasse, & vesicam extendisse. Hanc hujus phanomeni esse causam, ut ostenderet, aperuit nonnihil epistomium Recipientis, & aliquid aëris intromisit; & statim tumor vesica incipit remittere, tantòq; magis remittebat, quò plus aëris intra vitrum intromittebatur; donec repleto vase ut antea, vesica reddita fuit flaccida ut antea erat.

Hanc suam opinionem ut magis stabiliret Auctor, intromisit intra Recipientem unà cum jam dicta flaccida atq; obstructa vesica, alias duas itidem agninas, & multò priori minores; quarum altera flaccida quidem erat, sed solutum habebat orificium, ut aër nondum extrusus, posset liberiùs erumpere, & intra Recipientem illabi; altera verò erat prorsus compressa, & ab aëre fere vacua, at collum habebat probè ligatum, & contra aëris exitum ac introitum munitum. Agitavit deinde paulatim antliam pneumaticam, & aëris nonnihil exsuxit. Quo facto, vesica flaccida & obstructa extendebatur ut antea paulatim; ex aliis verò duabus neutra notabiliter intumuit.

Aliàs etiam vesicam flaccidam in mediò ligavit, aperto relicto orificio. Et cùm agitaretur antlia, pars dicto orificio proxima vix; pars verò altera undiq; conclusa, valde intumescebat.

CAPUT VII.

EXPERIMENTUM V.

Vesica modicè inflata, intra vitrum evacuatum rumpitur; ex quo iterum vis elastica aëris probatur.

Vesica modicè inflata, intra Recipientem evacuatum rumpitur.

ALio tempore vesicam ut antea exsiccatam, modicè inflatam, & filo firmiter obstructam, suspendit funiculo è verticillo K 8, intra vitrum, idque ea de causa, ut unde vesicæ distensio intra vitrum evacuatum oriretur, & quàm fortis esset elater, seu vis elastica & expansiva aëris, experiretur. Contigit autem statim

statim post exhaustum ambientem aërem, qui prius vesicę incumbebat, ut aër internus vesicę, usitatā levatus contranitentia externi aëris, vesicam tumefactam distenderet, distensamque dirumperet, non secus ac si manuum convellentium vi lacerata atq; disrupta fuisset, aut si pyrobolus exploderetur, non sine scissura maximè hiulca, & obliqua.

Successit huic vesica altera, pari modo intra Recipientem disrupta.

Vide Iconism.
XXXVI.

ANNOTATIONES.

I.

Fatetur tamen Auct̃or, aliis temporibus Experimento predicto simili ratione instituto, vesicas non fuisse ruptas. Causam putat esse, quòd quando ligatur collum, quando jam sunt explicata, non bene constringi queat, quòd minùs aër erumpat, dum intra vitrum intumescunt, ideoq; non rumpantur: quando verò ligatur collum antequam exsiccentur, nihil tunc erumpat, & ideo rumpantur, dum extenduntur intra vitrum.

II. Expertus insuper est Auct̃or, vesicam aëre mediocriter repletam, firmiterq; constrictam, igniq; aliquantisper admotam, non modò turgidam & duram admodum redditam, verùm mox eidem igni propius admotam è vestigio disruptam fuisse, idq; tanto cum strepitu, ut adstantibus stuporem pariter & ad tempus surditatem adferret. Hinc deducit, aëris particulas intus agitatae posse eundem effectum in vesica (& in aliis corporibus) quem aër inclusus ab extrinseci contranitentia liberatus.

CAPUT VIII.

EXPERIMENTUM VI.

Elastica aëris expansio mensuratur intra Recipientem evacuatam.

Deprehensâ præcedentibus Experimentis in elasticâ aëris (sic Auct̃or appellat vim ac virtutem illam, quam aëri inesse ait Aëris elastica expansio intra ad

*tra Reci-
pientem
examina-
tur.*

ad sese dilatandum, & expandendum, majoremque locum occupandum) experiri voluit, quanta foret prædicta vis, & quàm longè data aëris particula expandere se posset. Et licèt idoneis ad id deprehendendum instrumentis destitueretur; maluit tamen imperfectam, quàm nullam dare mensuram. Sic ergo processit.

Vesicam sumpsit agninam, lentam, bene plicabilem, & aquâ bene madefactam, eamque ita compressit, ut latera ejus compressa quasi coalescerent in unum, & nihil aëris inter plicas relinqueretur. Hujus vesicæ cervicem collo phialæ minutæ, & non nisi quinque drachmarum aquæ capacis, firmiter superalligavit; vesicâ interim ipsâ sic antea iterum compressâ, ut totus inclusus aër in phiala sola (isque incompressus) existeret. Agitavit deinde antliam, ut aërem è Recipiente exfugeret: & paucis exsuctionibus factis, aër exiguæ inclusus phialæ cœpit dilatari, & tumorem quendam in collo vesicæ producere: quantòque magis ambiens subducebatur è Recipiente, tantò magis aër phialæ inclusus penetrabat in phialam, & per gradus latera ejus erigebat, plicasque expandebat, donec tandem plenissimè eam implessè & extendissè videretur.

Hoc facto, externus aër in Recipientem per apertum epistomium refluere permixtus, aërem qui vesicam paulò antè impleverat, repulit in pristinam, quam priùs in phiala occuparat, loci angustiam, adeoque vesicam in flacciditatem & rugas pristinas redegit.

Assumpsit deinde vesicam, à phiala nondum separatam; factoque in vesicæ fastigio foramine, vas ex utrisque conflatum implevit aquâ; deprehenditque pondus aquæ æquare quinq; uncias, totidemque drachmas cum dimidia, cùm phiala sola antea non nisi quinque aquæ drachmas contineret, ut dictum. Aër ergo in hoc Experimento, cùm maximè vesicam extendisset, novies majus spatium occupavit, quàm occuparet, cùm Recipienti primùm includeretur.

Addit Auctor, verisimile esse, aërem limites suos longiùs fuisse prolaturum, nisi vesica propter pondus suum laterumque suorum cohesionem, sui ipsius expansioni obstaculo fuisset; & si Recipiens fuisset magis ac perfectiùs evacuatus.

Ali-

Aliter idem Experimentum exhibetur.

Post exhibitum hoc, ac litteris jam mandatum Experimentum, comparavit Auctor instrumenta quædam hyalina, seu vitrea, quibus idem denuo accuratiùs institueret, magisque præcisè addisceret, quantum aër dilatari posset, quàm ex præcedenti didicerat Experimento, in quo vesica angustior fuerat, quàm ut aëri spatium ad maximam suam extensionem requisitum concederet.

Primò itaque tubum vitreum, in cylindri modum efformatum, cuius unus terminus erat apertus, alter verò hermeticè clausus in vitream bullam exiguam desinebat, accepit. Hujus tubi extremitas aperta quartam latitudinis pollicaris partem diametraliter continebat, itaque inflexus erat, ac duplicatus, ut tametsi bipedalem longitudinem, si explicatus atque distentus fuisset, adæquasset, Recipienti tamen exiguò, nè pedem quidem alto, includi potuisset. Casu tamen, seu ex infortunio, inter refrigerandum dissiluit, nec nisi frustum unum, rectum, septem digitorum longitudinem non superans, prædictâ bullâ vitreâ exiguâ instructum, mansit integrum; quo & usus fuit ad Experimentum sumendum.

*Aëris elasticus
aliter examinatur,*

Huic tubuli lateri uni externo secundum longitudinem affixit segmentum strictum pergamenæ chartæ in viginti sex æquales gradus, lineolis distinctos, & rithmeticis characteribus notatos, ut ex iis, quòdusque inclusus aër dilatatus sese extenderet, disceretur. Hoc facto, tubulum aquâ implevit ferè ad summum, relicto exiguò spatiolo aëre pleno. Deinde invertit tubulum, & aëri antea relicto transitum permisit, ut ad bullam vitream memoratam ascenderet. Qui transitus atque ascensus quoniam paulatim fiebat, occasionem præbuit observandi quantò aut plus, aut minùs, quàm unum è viginti sex gradibus in pergamena charta notatis occuparet. Hac ratione post factum unum alterumvè conatum, unam aëris bullam, quæ graduum dictorum, uni æqualis apparebat, ad fastigium usque tubuli, hoc est, ad vitream bullam perduxit. Demum aperto tubi termino in phialam exiguam, cujus ima pars aquâ operiebatur, semipollicem.

plūs minūs altâ, posito, phialam cum tubo in exiguum inclusit Recipientem, & antliam agitavit. Eventus fuit, quòd bulla aërea paulatim fuerit dilatata, paucisque exuctionibus factis ad superficiem aquæ subjacentis pervenit. Ex quo collegit, longè amplius eam se expansuram fuisse, si tubulus longior fuisset, & non fractus ac decurtatus ab initio. Tubulo itaque exempto è Recipiente, comperit aërem, præter bullam vitream, & viginti sex gradus intubuli latere notatos, prætergressum fuisse sex alios ejusmodi gradus; atq; adeo ultra trigesies majus spatium occupasse, quàm prius occupaverat.

Aliam deinde aëris bullam intra tubulum immisit, priori dimidio minorem; & post antliam agitaram invenit, exiguam illam bullam aëris non solum implevisse tubulum, sed aliqua ex parte aquam in phiala subjacentem perrupisse, spatiumq; sexagesies majus occupasse quàm prius.

Ex his expertus Auctor, tubulum breviorē esse, quàm ut instituto suo serviret, & perfectam expansi aëris mensuram daret, alium accepit tubulum, seu vitreum calamum triginta transversos pollices longum, at inæqualiter amplum, quippe cujus terminorum alter alterum quater plūs minūs, amplitudine superabat. Hunc hermeticè in exiliore termino obsignatum, implevit aquā ad summum ferè, & bullam aëris modo antea dicto ad summitatem ejus alteram ascendentem intromisit. Extremum deinde apertum obturavit, totum tubulum invertit, extremitatem clausam phialæ aquā aliquò usque repletā immisit, & unā cum phiala Recipienti intromisit, ita ut pars una tubuli extra Recipientis operculum prominere. Operculum deinde cæmento probè lutavit, & agitavit antliam. Post paucas exuctiones, aër tubulo inclusus non solum infra subjacentis aquæ superficiem planè apparuit extensus, verum etiam bullæ aliquæ (juxta adstantis cujusdam testimonium) ex imo tubuli eruperunt, & aquam phialæ perruperunt. Destitit autem ulterius exantlare, quia aër per occultas rimas paulò post ingressus in Recipientem, aquam phialæ intra tubulum ascendere coëgit, ut totus impleveretur, excepto spatiolo in quod aër, qui modò eum totum impleverat, erat repulsus.

Ut porròprehenderet, quantò majus spatium in hac operatione-

ratione dilatatus aër occupassèt, quàm antea, sic processit. Primò ad bilancem exiguam, qua aurifabri in trutinandis monetis utuntur, ponderavit tubum simul cum aqua & bulla aëris tubo inclusis; & invenit pondus unius unciae, & triginta granorum, cum semisse unius grani. Deinde tantâ aquâ tubo affusâ, quanta ad implendum tubum, & aëris bullam excludendam sufficeret, rursus ponderavit tubum cum aqua; pondusque unico grano auctum reperit. Aëris ergo bulla antea tantum spatii occupaverat, quantum aqua grani unius pondus æquans. Demum aquâ & tubo effusâ, tubum solum ponderavit, invenitque pondus duarum drachmarum, ac granorum triginta duorum amisissè. Ex his deprehendit, unam aëris bullam spatium aquæ ponderis unius grani occupantem, post dilatationem prædicto modo factam occupasse quinquagies majus spatium, quàm antea, cum à nulla re quàm communi aëris contigui pressione comprimeretur, occuparet.

ANNOTATIONES.

I.

NOtat hîc Auctor, Experimentum præcedens factum nocte pluviosâ, in conclavi, ubi plurimus in foco ignis splenduit; unde rarior fortassis redditus fuerat aër, qui bullam constituerat.

I I. Addit præterea, non videri incredibile, quod refert Marinus Mercennus in *Phanom. Hydraul. Propos. 31.* aërem scilicet vi caloris intra *Æolopilam* candefactam citra ruptionis periculum, adeo dilatari posse, ut spatium septuagies majus occupet, quàm antea.

I I I. Hoc ut experiretur Auctor, bullam aliam aëris, prioribus magnitudine aequalem, tubulo invexit, & Experimentum denuo, eodem quo antea modo, eademque qua antea aquâ, instituit; observavitque, aërem in tantum se distendisse, tamque manifestò, ut multò infra superficiem aqua, qua in phiala erat, plus semel apparuerit, idque non sine valde convexa superficie versus tubuli fundum. Anteliâ porro paulò diutius exercitâ, aër manifestè locum eum attigit, ubi imum tubi imò phiala innitebatur, nec non verberare ipsum, atque ab ipso resilire fuit visus. Ex quo infert, aërem posse adhuc

magis dilatari, si absint corpora extrinseca, quæ dilatationi resistant.

CAPUT IX. EXPERIMENTUM VII.

*Phiala tenuis rotunda, repentè evacuata,
non rumpitur.*

Phiala rotunda tenuis, evacuata resistit pressioni aëris.

Auctor, qui memoratos hæcenus effectus pressioni aëris externi adscribit, ut experiretur, num vas evacuati figura rotunda conferret aliquid ad resistendum dictæ pressioni, curavit ad lampadem ignis conflare phialam vitream rotundam, quantum fieri potuit tenuissimam ac fragilissimam, capacem quinque circiter unciarum aquæ, habentem collum exile, cygnei calami amplitudinem non excedens. Deinde Recipientem aliquantulum evacuavit, atque à Cylindro seu Antlia pneumatica, cui collum ejus insertum erat (uti ex Iconismo XXXVI. suprâ posito patet) refixit; & collo Recipientis collum prædictæ phialæ intrusit, rimasque omnes emplastro, nè ingrederetur aër, liquefacto occlusit. Demum versâ epistomii clavicula SN, viam aperuit, per quam aër phialæ in evacuatum Recipientem irrumperet. Quod & celerrimè factum, vacuâ relictâ phialâ. Quæ tamen rupta non fuit, non aliâ utique de causâ, quàm quòd rotunda esset; mirantibus Spectatoribus, solam figuræ rotunditatem vitro tenui tantam tribuere firmitatem, quâ pressioni tantæ resistat, quanta est totius atmosphæræ ipsi incumbentis.

ANNOTATIONES.

I.

Causam hujus rei assignat Auctor, quòd aëris ambientis pressioni partes omnes phiala ad intra trusa resistent circumquaq; æqualiter, ideoq; se mutuo sustentent.

II. Suprà cap. 6. & cap. 15. ac seqq. multò luculentiora ac mirabiliora Experimenta, prædicto similia, attulimus. Ubi etiam

cap.

cap. 6. diximus, vas non sphericum non sustinere evacuationem. Quare si Auctor Recipientis evacuati collo inseruisset collum vasis vitrei non spherici, ruptum utiq; fuisset, si Recipiens sufficienter fuisset evacuatus, aut aërem externum per rimas occultas (quas multas habet) non admisisset, ut ex sequenti Experimento constabit.

CAPUT X.

EXPERIMENTUM VIII.

Vitrum non sphericum evacuationi non resistit.

Item phiala spherica cum incluso aëre intra Recipientem evacuatum, non rumpitur.

UT experiētiā demonstraret Auctor, sphaericam vitrorum figuram, præ non sphaerica, resistere pressioni ambientis aëris, accepit alembicum vitreum, qualem exhibet Figura VIII. decies secundum aliquos, secundum alios verò vigesies defioris vitri, quam fuerat vitrum præcedentis phialæ. Hujus collum C clausit hermeticè, foramen verò G operculo plumbeo probè adferruminato. In D fecit foramen, eique inseruit epistomium D E F, & os C inseruit orificio P Q Cylindri seu Antliæ pneumaticæ Iconismi XXXVI. ac bene lutavit cæmento suo solito. Aperto deinde alembici epistomio, per convolutionem claviculæ F, coepit agitare antliam, & extrahere aërem ex alembico. Non diu post, incluso alembici aëre invalidiore facto quam ut aëris externi ambientis pressioni resisteret (inquit Auctor) aperta fuit cum sonitu & fragore rima A B satis longa: quæ continuatâ deinde exantlatione crevit, & progressâ est ulteriùs.

Phiala non rotunda, non resistit evacuationi.

Vide Iconismi I X. Fig. VIII.

Alio tempore accepit phialam vitream, phialæ prioris experimenti magnitudine, tenuitate, & figurâ similem, eodemque tempore conflata; eamque hermeticè obsignatam suspendit intra Recipientem, & agitatâ antliâ extraxit aërem Recipientis.

Phiala spherica aëre plena, intra evacuatum vas non rumpitur.

Et tamen incarceratus intra phialam aër, ambiente eam aëre Recipientis jam extracto, efficere non potuit, ut vel dissiliret phiala, vel minimam rimam ageret; quamvis sæpius, & summâ industriâ iteratum fuisset Experimentum.

ANNOTATIO.

AUctor putabat, rumpendam phialam, quod aër inclusus, & liber ab ambiente aëre premente, violenter ac vehementer se dilataret, ut in precedentibus Experimentis fecerat. Causam autem, quod id non contigerit, ait esse, vel rotunditatem phialæ, vel quod aër, dum hermeticè phiala sigillaretur, colore lampadis fuerit rarefactus, & multum de virtute sua dilatativa remiserit. Quod ipsum sequentibus confirmat.

CAPUT XI.

EXPERIMENTUM IX.

*Phiala non spherica, aëre plena, intra Recipientem evacuatum rumpitur. Item
& spherica.*

§. I.

Phiala non spherica, aëre plena, intra evacuatum vas rumpitur.

Vide Iconismi IX. Figur. I X.

POST præcedentia Experimenta, vitream phialam AB Fig. IX. accepit Auctor, trium quatuorvè unciarum aquæ capacem, & usitatâ vitris istius magnitudinis densitate. Hujus collo immisit fistulam vitream CD utrinque apertam, mediocriter exilem, ad imum fermè fundum exporrectam; eamque misturâ ex pice & resina æqualiter composita phialæ collo adglutinavit.

Phialam aquâ eò usque impletam, donec in inferius fistulæ extremum D aliquantò altius ascendisset, immisit intra minorem Recipientem, unius circiter libræ cum semisse capacem, eodem modo, ut vitrea fistula CD, per foramen E in plumbeo Recipientis operculo factum pertransiens, extra vas maxima ex parte emineret. Quo foramine bene obturato, ac lutato, ancliam agita-

agitare coepit. Ad primam statim exsuctionem, embolo ad fundum cylindri nondum deducto, frustulum vitri semipalmari latitudine è phiala AB jam rupta dissiluit, tanto cum impetu, ut vicino Recipientis EF lateri illisum, non solum seipsum in plurima diminuerit fragmenta, sed in ipso Recipiente multas fissuras fecerit: & tantum simul strepitum excitavit, ut circumstantes rei novitate percelleret.

ANNOTATIO.

Causam hujus phaenomeni putat esse Auctor, quod cum in exiguo isto Recipiente EF aëre circa phialam AB raptim exhausto, aër eadem phiala incarceratus, totam jam ferret atmosphæra pressionem (cui ille simul cum aqua per fistulam utroq; extremo apertam exponebatur) atq; solita etiam ambientis aëris è Recipiente extrahi pressione destitueretur, quæ alteri pressioni resisteret; dicta phiala AB impotens facta fuit resistentia, & nimio pondere gravata: cessit alteri victoriam. Itaq; externus aër per os C fistula irruens, fregit phialam, & frustum abreptum illisit lateri Recipientis.

§. II.

Idem Experimentum in phiala spherica iteratum.

Nè quis putaret, præcedens phaenomenum ruptæ phialæ casu contigisse, aut figuræ non sphericæ adscribendum; Auctor illud iteravit in phiala orbiculari, sex unciarum aquæ circiter capace, & longum ac gracile collum habente. Phialam hanc in parvum Recipientem ita immisit, ut ima ejus pars fundo Recipientis inniteretur, collo ejus elongato interim per foramen, in plumbeo Recipientis operculo factum, eminente. Præcedens verò infortunium tam cautum eum fecerat, ut phialam, priusquam Recipienti immitteretur, vesicâ involveret, nè diffractæ frustra læderent Recipientem. Pnevumatico deinde vase seu Recipiente, ita ocluso undique, ut aër externus non haberet, quâ irrumperet (nisi tandem per phialam ruptam eò penetraret, cujus colli orificium eminens erat apertum) emboloque antliæ agilli-

*Aëris pref-
sionis ex-
emplum.*

agillimè subducto, externus aër statim plumbeum Recipientis operculum, simulque phialam, magnâ vi compressit. Et quia operculum una ex parte angustius seu strictius fortè erat, nec adæquatè margini Recipientis, cui immissum, contiguum; contigit illud deprimi ex parte illa; fuitque ab incumbente aëre (ait ipse) tantâ violentiâ impulsus, ut intra turbinata marginis labra accessum inveniens, latus illud, quâ deprimebatur, extruserit, ipsumque Recipientem, quamvis novum planè, in partes diffiderit.

Latius itaque operculum eidem jam diffisso Recipienti imposuit, atque aptavit; eoque, & fissurâ modò factâ, cæmento suo solito conglutinat, Experimentum inchoatum prosecutus est; sed eventu non absimili præcedenti. Nam embolo celerrimè depressio, externus aër phialam in plus centum minutissima frustilla dirupit, eoque impetu disjecit, ut fissuram latam, & multa insuper foramina, in vesica fecerint.

ANNOTATIO I.

Qui similes effectus metu vacui fieri existimant, ajunt Naturam, quoties vacui periculum imminet, infinitam propè potentiam exerere ad illud impediendum. Dicerent itaque, etiamsi fortissima ac densissima phiala in prædicto Experimento fuisset adhibita, eas nihilominus frangendas fuisse. Hoc ut convelleret Auctor, phialas paulò fortiores ac densiores crebrò adhibuit, modoque prædicto processit; nec tamen ulla fuit fracta.

ANNOTATIO II.

Notat hic Auctor, non quamlibet rimam sive fissuram reddere Recipientem orbicularis figura inutilem, si fissura lutetur cæmento solito. Tunc enim, ait, interno aëre exucto, aër ambiens vitrum intrò & ad medium quasi centrum undequaque, comprimens, fissura labra arctius coire cogit; tantumque abest, ut ampliora reddat, ut etiam penitus occludat. Et hoc ipse expertus fuit, ut paulò antè vidimus; & major etiam Recipiens, quem cap. I. descripsimus, fissuram jam ab initio habebat ad spithamæ longitudinem, ortam à superiori orificio, & causatam, ut videbatur, ab intenso instrumenti fer-

ti ferrei nimis laticalore, quo ad liquefaciendum super orificio isto camentum utebatur. Lato tamen emplastro super imposito, vas per rimam illam non efflasse, aut recepisse aërem, sensit.

ANNOTATIO III.

De emplastro, quo Auctor utebatur ad lutanda vasa vitrea.

SUprà cap. I. mentionem fecimus unius generis emplastri, quo Auctor utebatur, & non solum opercula & epistomia vitris ac Recipientibus adglutinabat; sed etiam vitrorum fissuras lutabat. Hoc ^{Emplastrum ad lutanda vasa vitrea.} alterum, quod ipse hic Diachylon appellat, constat è calce vivâ optimâ, & subtiliter pulverizatâ, eâq; agiliter unâ cum rassa cascî pinguioris medulla, simul in mortario cum pistillo contritâ (quantitatem utriusq; non exprimit Auctor) addendo interim inter terendum aquæ puræ quantum satis est, idq; per vices, ut omnibus probè concorporatis & commistis molliuscula fiat pasta. Quod ubi fit, mistura ingratum naribus fœtorem emittit. Hæc ipsa citra moram supra linteum tres quatuorvè digitos latum expandi debet, & dicto citius applicari, nè antequam apponatur, indurescat. Emplastrum hoc mira est efficacie in reficiendis vitrorum fracturis, ut etiam subtilissimos chymicarum rerum spiritus, nè è vitris exhalent, cohibeat.

CAPUT XII.

EXPERIMENTUM X.

Candela ardentes intra evacuatum Recipientem extinguuntur.

I.

SEbaceam accendit candellam Auctor, ejus magnitudinis, ut earum octo libram constituerent; aptoque admodum candelabro in Recipientem immisssam, ita suspendit, ut in medio ferme vase flamma arderet; atque in ibi duobus circiter minutis, obtrun-

Candela ardentes extinguuntur intra vas evacuatum.

ratis obturandis, exactè occlusit. Antlia dein celeriter exercitâ, intra minuti unius dimidium flammam comperit extinctam; quamvis de industria ellychnium eâ reliquisset longitudine, quam flammæ diutiùs conservandæ maximè profuturam judicaverat.

II. Recipiente à fumis molli follium afflatu purgato, eandem candelam reaccensam iterum inclusit vasi, & antliam agitavit; comperitq; flammam duo circiter minuta, à tempore quo agitari cœpit antlia, perdurasse.

ANNO TATIO.

IN hoc secundo Experimento, hac duo notavit Auctor. Primò, quamprimum exsugî cœpit aër, flamma secundum omnes suas dimensiones sese contraxit. Secundò, post aëris exsucti secundum aut tertium haustum flamma tota, extremâ summitate exceptâ, cœrulea admodum apparuit, & à sevo magis magisque recessit, donec tandem summum ellychnii cacumen possedit; ubi etiam exspiravit.

III. Eandem tertio accendit candelam, & Recipienti inclusit, ut experiretur, usq; quò aëre non exhausto posset lucem suam sustinere; & comperit, multò diutiùs quàm antea perdurasse ardentem; & antequàm extingueretur, à sevo versus summum ellychnii cacumen ascendisse, non tamen ad ipsum fastigium, ut in priori Experimento.

IV. In hisce omnibus Experimentis motum fumi candelæ extinctæ in vase specialiter observavit; &prehendit, quòd aëre non exsucto, post flammam extinctam, haud mediocris ellychnii pars ignita adhuc & fumigans permanserit; & quòd fumus citissimo ac recto motu sursum ascenderit, idque in continuo & tenui fumi cylindro, donec ad summum vasis perveniret; unde per latera ad inferiorem vasis partem palam resiliit. Secus autem, cum flamma post exhaustum aërem extincta fuit, contigit: nam semel cum lentè admodum ad summum ellychnii fastigium flamma conscendisset, nullum fumum percepit subsequutum. Alio tempore, superiori ellychnii parte post extinctam flammam, tenuia fumi effluvia, quæ exoriebantur, sursum haud longè ascendebant, ac deinde post incertos aliquos ultro citroq; motus derepentè concidebant.

AN-

ANNOTATIO.

QUòd aëre non extracto è vase, candela extincta ellychnium, diutius permanferit ignitum, quàm aëre extracto, putat Auctor, causam fortassis fuisse circulationem aëris in vase à calore concitatam.

V. Volens etiam experiri Auctor, an in aëre Recipienti incluso diutius durarent candelæ cereæ, quàm sebaceæ, ceteris paribus, sicut in externo aëre; accepit cereolos tenuiores ex cera alba, quæ pauciores inter ardendum emittit fumos, quàm flava, eorumque sex ejusdem magnitudinis, cygnei calami crassitiem habentes, in unam compegit candelam; & omnibus ellychniis simul accensis vasi inclusit, vasque summâ celeritate cæmento obstruxit. Et tamen cylindri valvulam, & epistomii foramen, illudque quod erat in operculo Recipientis, aperta reliquisset, ut aëris aliquantulum ad flammam nutriendam illaberetur, & fumo pateret exitus; tantæ tamen flammæ vix eò usque suffecit aër, donec operculum perfectè superluteretur; adeo ut antequàm ad exercendam antliam se accingere posset, candela penitus exstingeretur.

Unum ergo tantum ex dictis cereolis sumpsit, & accensum Recipienti inclusit, oclusisq; omnibus antliam agitavit; deprehenditque, flammam à prima exsuctione intra unum horæ minutum evanuisse.

ANNOTATIO.

FAtetur Auctor, ferreum filum, ex quo suspensum erat candelabrum intra Recipientem, ultrò citroq; in antlia agitatione effecisse, ut flammacitiùs evanesceret. Aliàs tamen consultò ab antlia exercenda post pauculas exsuctiones destitisse, nè internus aër ageretur, & nihilominus flammam ultra prædictum tempus non multum durasse.

VI. Postremò eundem cereolum simplicem rursus accensum vasi inclusit, ut experiretur, quàm diu aëre non exsucto flammam retineret; & comperit, aliquamdiu eum satis luculenter arsisse; deinde verò juxta omnes dimensiones suas flammam con-

tractam fuisse. Observavit quoque, eam non, ut prius, ad ellychnii apicem contendisse, sed ad imum potius se contraxisse (à quo tamen, cum tantum non extincta esset, pauxillum ascendit) adeo ut superior ellychnii pars aliquamdiu supra flammæ summitatem apparuerit: quæ postquam quinque circiter minuta permanerat lucida, fumi effluvium rectà sursum ascendens ei successit.

ANNO TATIO.

Habent ex his Experimentis Curiosi philosophandi campum circa aërem ad flammæ nutritionem necessarium.

Auctor tempus in his aliisque Experimentis insumptum mensuravit horologio rotato, quod minuta etiam signabat.

CAPUT XIII.

EXPERIMENTUM XI.

*Carbonum accensorum, & ferri candentis,
intra vitrum evacuatum phæno-
mena.*

I.

*Carbonum
accensorum
in vitro
evacuato
phænomena.*

*Vide Iconism. IX,
Fig. X.*

Post hæc ferreum accepit filum, in cochleæ formam intortum, uti in Fig. X. apparet; cui vivos imposuit carbones ex ligno, ad quinque digitorum altitudinem, ita ut aëri undequaque pateret accessus. Hos vitro immisit, vitrum quàm citissimè obturavit, antliam agitavit. Primo statim haustu ignem in carbonibus obscurius ardereprehendit. Mox tamen, quamvis agitatione vasis susq; deq; rotarentur (qui motus in aëre libero igni procul dubio magis suscitando, quàm extinguendo conduceret) intra tria minuta horaria, post primam exantlationem factam, (quæ duobus circiter minutis post impositos carbones magnopere ardentes contigit) omnis apparere desiit ignis.

II. Carbores è vase exemit, & nonnullas adhuc ignis particulas, obiectas potius quàm extinctasprehendit. Frequenti ergo.

ergo ferri circumrotatione eos iterum suscitavit, Recipienti iterum immisit, & vas celerrimè ut priùs obturavit. Dein absque anthracis agitatione expectavit, donec ignis prorsus extingui videretur; quod intra quatuor circiter minuta contigit. Unde collegit, exsuctionem aëris antea extinctionem accelerasse.

III. Exempto ferreo filo, eoque vivis iterum carbonibus impleto, suspendit in eo conclavi, in quo Machina stabat, ut videret quanto tempore in aëre libero, & nullâ agitatione excluso arderent. Comperit autem, in summitate & lateribus carbonum, primò ignem defecisse; interiùs verò & versus innum ultra semihoram apparuisse, magnâ carbonum parte interim in cineres versâ.

IV. Ferrum candens, mediocris carbonis magnitudine, ferreo filo imposuit, & Recipienti immisit. Post exhaustum aërem nulla satis perspicua in eo apparuit mutatio: nam candens ille ardor quatuor circiter minuta visibilis apparuit, non obstante solari luce. Tum verò, priusquàm penitus candere desuit, clavem epistomi convertit, & aërem intromisit; nullam tamen coloris mutationem dignovit.

Ferri candentis phaenomena in vitro evacuato.

ANNOTATIO.

Nonnullas alias circumstantias, quas circa hoc ultimum in ferro candente phaenomenum notat Auctor, legat apud ipsum qui vult; non est opera pretium ut referantur.

CAPUT XIV.

EXPERIMENTUM XII.

Funis bombardici in Recipiente accensi phaenomena.

Lubuit post præcedentia corpus aliquod Experimento subijcere, quod multum ignem simul non foveret, eum tamen diutiùs quàm carbo conservaret. Accepit igitur ejus funis particulam, quem ignis bombardici fomitem circumferre milites so-

Funis bombardici in vitro accenso phaenomena.

lent, minimum homini digitum crassitudine æquantem, aut paulò excedentem: quem uno extremo accensum, ex altero in cavitare Recipientis suspendit, statimq; operculo vas occludit. Quamprimùm autem rimæ circa operculum obturatae fuerunt, copiosi fumi è fune accenso prodeuntes Recipientem impleverunt, & obfuscârunt. Quare nè periclitaretur vas, celeriter exercitâ antliâ multum aëris fumo commixti exhausit; & repurgato Recipiente, ignem in fune magis adhuc magisque languentem deprehendit. Non ita multò pòst tamen, nec flammam, nec fumum vidit. Nihilominus Antliam exercere continuavit. Aërem deinde externum admisit, & statim ignis, qui jam pridem extinctus videbatur, revixit, & ut priùs luxit, ac vicinum sibi fomitem infumos dissipavit.

ANNOTATIO.

Ex hoc quoq; & precedenti Experimento patet necessitas aëris, ad ignem fovendum, & conservandum.

CAPUT XV.

EXPERIMENTUM XIII.

Alia ejusdem funis in Recipiente accensi phenomena.

Funis in Recipientem accensi alia phenomena.

NON ita multò pòst demisit Auctor in Recipientem simul cum fune, qualem diximus, vesicam amplam, collo firmiter ligamine constricto, non inflatam tamen, & non nisi unam circiter pintam aëris continentem, cum tamen, si distenta fuisset, decies aut duodecies plus continuisset. Scopus in hoc Experimento fuit, partim ut experiretur, an fumus, qui ex fune ignito prodit, & Recipientem complet, interni aëris vesicæ inclusi dilatationi impedimento esse posset, postquam externus è vase exantlatus esset; partim ut disceret, an ignis in fune extinctio propter aëris defectum contingeret, an à sola vaporum à se emanantium pressione, dum expandere se prohibiti in ignem resiliunt.

Eventus fuit, quòd quamprimùm exerceri cœpit antlia, funis perfe-

perfectè accendi videbatur, tametsi copiosis vaporibus Recipientem pænè implessèt. Sensim deinde magis magisque obicure ardere cœpit, tametsi aëre fumoq̃ue celeriter exhausto, vas minùs opacum, & comprimente materiâ magis depletum redderetur. Tandem lentè exspiravit, ut videbatur. Post hæc sexies aut septies antliam exercuit, & aërem rursus intromisit; & ecce, ignis qui antea extinctus videbatur, iterum revixit, & vitam suam tum luce, tum fumo prodidit. Inde iterum antliam agitavit, donec funis prorsus extingueretur post octavam horæ partem, ita ut nec readmissio aëre externo suscitari potuerit.

ANNOTATIONES.

I.

Cùm Recipiens implebatur, obfuscabatur; cùm aperto epistomio, & deducto ad imum embolo cylindri, fumus educebatur, decrescebat obfuscatio. Deinde halo circa ignem apparuit aliquamdiu, qui à propinquis circumquaque exhalationibus exoriri videbatur.

II. Cùm fumi maximè recipientem implebant, aër vesica indusus à dilatando sese non multum impediabatur; adeo ut vesica ad minimum sexies aut septies magis, quàm antea erat, extenderetur, priùs quàm ignis in fune prorsus extingueretur.

Aliud simile Experimentum, in Recipiente minore tentatum, lege apud Autorem.

CAPUT XVI.

EXPERIMENTUM XIV.

Ignis in evacuato Recipiente excitatur è collisione silicis & chalybis, & pulvis nitratus colligitur.

I.

Ingeniosissimus Auctor, experturus an ignis in evacuato Recipiente produci posset, sclopum accepit longitudinis circiter ped-

Ignis in Recipiente evacuato excitatur.

Vide Iconis. IX.
Fig. IV.

pedalis; eumque stipiti longitudine Recipientis cavitatem fermè æquanti strictè alligavit. Dein pulvere bombardico bene siccatò excipulum (sic vocat receptaculum pulveris circa foramen incendiarium) summâ curâ implevit; erectoque filice, alterum fili extremum sufflamini alligavit, alterum clavi seu obturamento K 8 Figuræ I V. suprâ positæ, quod ad operculum Recipientis pertinere diximus cap. I. §. I. num. I V. affixit. His peractis, sclopum unâ cum annexo stipite in vas demisit: vasè more solito primùm oclusò, deinde evacuato, dictam clavem K 8 in operculo unâ cum filo alligato vertere cœpit, sicque filum quod inde ad sclopum erat porrectum, contrahendo sufflamen dimovit, & rotam sclopi laxavit. Notavit autem, elateris in sèra bombardica impetum per aëris absentiam non fuisse sensibiliter diminutum: silex enim solitâ vi in chalybem sèræ bombardicæ illisâ, tot tamq; conspicuos excussit inde igniculos, quod quantosq; in libero aëre excussisset.

Hoc Experimentum sæpius iterando, attendit diligenter, an in scintillarum lucentium motu notabilis appareret diversitas in aëre tam rarefacto; nihiltamen percepit. Scintillarum enim aliæ sursum, aliæ deorsum, aliæ in obliquum ita profiluère, ut in libero aëre fit.

Pulvis nitratus in Recipiente accenditur.

II. Experimenti etiam voluit, an pulvis nitratus in evacuato & undique oclusò vasè accendi posset: item, an ob aërem è Recipiente exantlatum ex parte saltè, & rariorem factum, flammæ productæ expansio subiret notabilem aliquam varietatem: præterea an eadem flamma ibi producta pro more suo se sursum diffunderet, etiamsi eâ aëris copiâ destituatur, quâ sursum cogi soleat, utpote levior aëre. Post longum conatum, tandem semel accensus fuit pulvis; & in majorem visus est expandi flammam, quàm in aëre aperto soleat; & ut aliàs sursum ascendit.

ANNOTATIONES.

I.

Du laboravit, & sæpius Experimentum instituit, antequàm pulvis in foculo circa foramen incendiarium accenderetur, quia, sclopus erat ferè perpendiculariter suspensus, & chalybe percussus prius

prius elabebatur, quam scintilla cum accenderent. Noluit fortassis sclopalum horizont aliter in recipiente collocare, nè impetu in latera resiliens frangeret vas vitreum.

II. Extinctâ flammâ Recipiens fuit fumo obscuratus, qui huc illuc liberè se movebat, & quasi undulabat; & aëre per epistomium intromisso celerius multò, quam prius circumagebatur.

CAPUT XVII.

EXPERIMENTUM XV.

Materiam combustibilem intra vitrum evacuatū vitro caustico accendere Auctor frustra tentat.

I.

IN Recipientem exiguum immisit materiam facilè combustibilem, aridam, & colore nigram; atq; obturato vase ad fenestram ipsum adluxit, per quam Sol prope meridiem liberos transmittabat radios. Exhausto deinde citissimè aëre, radios solares vitro lenticulari in unum super materia combustibili collegit. Quo facto, fumus exiliit, qui Recipientem totum illicò obfuscavit. Sed aër externus semper, cum sæpius iterasset Experimentum, tam citò in vas ingressus fuit, ut nunquam ante ejus ingressum flamma produceretur.

Materia combustibilis in Recipiente evacuato non potuit accendi vitro caustico.

II. Idem ergo Experimentum in majori Recipiente, qui aërem externum diutiùs arceret, tentavit, & superatis aliquot difficultatibus materiam combustibilem in vasis cavitare ita collocavit, ut ferè lateri vasis contigua esset, quod proximè Soli obvertebatur. Caustico deinde vitro satis amplo diu, sed frustra conatus fuit eam incendere, quia propter vasis vitrei crassitiem radii transeuntē valde refringebantur, ac dissipabantur.

ANNOTATIO.

Experimentum instituit tempore hyemali, & in Anglia. Si æstate,

aut in regionibus magis Australibus institueretur, sine dubio successum haberet. Animus tamen fuit Auctori, alio tempore & modo resumere Experimentum.

CAPUT XVIII.

EXPERIMENTUM XVI.

Acus magnetica in vitro evacuato à magnete extrà applicato cietur.

*Magnetica
acus in Re-
cipiente e-
vacuato
monetur.*

Perpendiculariter erexit in Recipiente super pedè ligneo stylum tenue ferreum, & supra styli acutam cuspidem collocavit acum chalybeam quinq; digitorum longitudine, magnete priùs excitatam, ita ut in æquilibrio pendens in omnem partem per circuitum moveri liberè posset. Aëre deinde extracto è vitro, magnetem modicæ virtutis externo vitri lateri applicavit; & comperit eum acûs extrema, secundùm leges magneticas, sine notabili aliqua differentia, nunc attraxisse, nunc repulisse, planè quasi communi adhuc aëre circumambiretur; & amoto magnete, post tremulas nonnullas ultrò citròq; vibrationes, quievissè, & rectà Aquilonem & Austrum respexissè.

ANNOTATIO.

Multa alia magnetica Experimenta in exhausto vitro institui possunt. Auctor nec otium, nec res alias ad id necessarias habuisse se fatetur.

CAPUT XIX.

EXPERIMENTUM XVII.

Argentum Vivum tubo conclusum, intra evacuatam Recipientem ascendit ac descendit.

*Argentum
Vivum tubo
inclusum.*

Notum est Experimentum Evangelistæ Torricelli, & Valeriani Magni, quod in 3. par. Magiæ lib. 7. Syntagm. I. cap. 4. expo-

exposuimus; & libro sequenti iterum dabimus. In quo hydrargyrum tubo vitreo recto, unâ sui extremitate hermeticè sigillato, altero aperto, inclusum, & perpendiculariter cum tubo erectû intra vas hydrargyro alio & aquâ aliquò usq; repletum, hæret intra tubum ad altitudinē certam ac determinatam elevarum atq; suspensum. Causam suspensionis Peripatetici attribuunt metui vacui; alii verò multi & gravissimi Viri, pressioni aëris externi, aquæ intra quam tubus cum hydrargyro erectus est, incumbenti. Cogitabat itaq; Vir ingeniosissimus *Robertus Boyle*, si vera, sola, & singularis ratio, cur Mercurius in tubo suspensus hæreret, nec subsideret aut penitus, aut ultra certam ac determinatam mensuram, hæc esset, quòd cylindrus Mercurii cylindrico tubo conclusi, atq; suspensi, æqualis esset ponderis cum cylindro aëris extrinseci aquæ vasis superincumbentis, & usq; ad supremum atmosphæræ terminum suspensi; necessarium fore, si dictum Experimentum institueretur aut extra atmosphæram, aut in Recipiente evacuato ab aëre aut etiam pleno aëre, sed à reliquo atmosphæræ aëre discontinuato propter Recipientis parietes; cogitabat inquam, necessarium fore ut hydrargyrum in tubo contentum aut descenderet, penitus, aut non tam altè suspensum hæreret, quandoquidem, nulla supra aquam & externum Mercurium pressio tunc esset, quæ ponderi & gravitati Mercurii tubo inclusi resisteret, ejusque descensum prohiberet. Hujus rei causâ sequentes instituit operationes, sequentiaq; notavit Phenomena.

Primum Phenomenum.

I. Itaq; tubum accepit vitreum, exilem, & artificiosè infirmam cylindri elaboratum, tripedalis propè longitudinis, cujus cavitas quartam digiti partem, demptâ solum unius pili longitudine in diametro æquabat. Tubus hic alterâ suâ extremitate erat hermeticè sigillatus. Per alteram hydrargyro eum replevit, curâ inter implendum adhibitâ ut quàm paucissimæ in Mercurio infuso relinquerentur bullæ. Tubum impletum, digito obstruxit, inversumq; juxta communem Experimenti hujus morem, in longam & tenuem pyxidem cylindricam (cujus vice vitro jam ejusdem figuræ utitur) & ad medietatem Mercurio alio repletam, im-

*ascendit ac
disiundit
in Recipientem
evacuato.*

*Eius rei
causa
phenomena.*

merfit, & digito subducto aperuit: unde mox inclusus tubo Mercurius more solito subsidit, & ad consuetam altitudinem suspensus hæsit. Hoc facto, & notâ chartaceâ eadem altitudine cum inclusi atque suspensi Mercurii superficie suprema vitro affixâ, pyxidem simul & tubum intra Recipientem, filorum adminiculo, cautè demisit, ut pars major tubi erecti extra Recipientem eminere. Operculum deinde, per cuius foramen in medio relictum tubus prominens transibat, Recipienti superposuit, omniaq; intervalla & rimas circa tubum, operculum, & vitrum, solito emplastro liquefacto, sed non admodum fervido, ex actè obturavit.

Clauso undique vase, nulla mutatio in Mercurialis cylindri tubo inclusi altitudine apparuit, non magis quàm si vitreum vas interpositum immediatam ambientis atmosphæræ in inclusum vitro aërem pressionem nullatenus impediret. Ex quo collegit Auctor, inclusum intra Recipientem aërem, non pondere suo, sed elasticâ seu expansivâ virtute suspensum tenuisse Mercurium, quandoquidem inclusus ille aër ultra duas aut tres uncias non pendebat; quod pondus nihil est, si ad pondus cylindri Mercurii intra tubum suspensi, quem subsidere non sinebat, comparatur.

Secundum Phenomenum.

II. Hoc phænomeno notato, embolum antliæ pneumaticæ deduci iussit, ut aër è Recipiente exhauriretur. Ad primum statim emboli deductionem, primamque aëris è Recipiente exsuctionem, Mercurius, qui in tubo extra Recipientem prominente erat, aliquantum subsedit. Notato ergo loco ubi requievit, notâ extrinsecus affixâ, iussit secundâ vice embolum subduci; iterumque statim Mercurius ulteriùs subsedit. Notato itaque iterum loco, appositâ extrinsecus notâ, iussit tertio, deinde quartò &c. agitari antliam: sed citò Mercurius infra Recipientis operculum resedit, ut ejus altitudinem non ampliùs appositis figuris, sed oculari solum notatione observare potuerit. Cùm autem per quartam horæ partem antliæ agitationem continuari jussisset, nunquam eò rem deducere potuit, ut totus Mercurius intra tubum subsideret penitus ad superficiem alterius Mercurii in pyxide. Causam putat esse Auctor, quòd semper aliquid externi aëris inter exantlandum

dum irruerit intra Recipientem per rimas aliquas aut poros exiles; quod ad pressionem tam exigui cylindri Mercurialis intra tubum residui sufficiebat.

Tertium Phenomenum.

III. His etiam notatis, ut clarius cognosceret, hydrargyri ad determinatam altitudinem in tubo descensum provenire à pressione aëris extrinsecò Mercurio incumbentis, & gravitate suâ gravitati hydrargyri tubo conclusi & deorsum nitentis, resistentis; versâ epistomii clave, aëris aliquantulum in vitrum admisit. Quo factò, statim Mercurius in tubo ascendere, seu potius impelli sursum coepit, nec prius perpeti motu sursum efferri desiit, quàm reversâ clave aërem ulteriùs ingredi nitentem exclusit: hoc enim præstito, in ea, quam jam acquisiverat, altitudine derepente quievit. Quod cùm vidisset, frequenti clavis versione ac reversione epistomium nunc aperuit, nunc clausit, sicque pro lubitu sæpius, modò sursum, modò deorsum Mercurium moveri compulit, & modò à motu cohibuit.

Quartum Phenomenum.

IV. Postremò laxavit penitus epistomium, & liberum ingressum intra Recipientem permisit tantæ aëris copię, quanta ingredi voluit ac potuit. Et tunc hydrargyrum ad primam pænè altitudinem, quam initio habebat intra tubum, antequam vitro inferretur, ascendit. Ait *pænè* quia quartam ferè digiti partem infra notam chartaceam, suprâ Phænomeno primo memoratam, substitit. Hujus effectus hanc causam adsignat Auctor, quòd (sicut in experimento hoc contingere solet) exiguæ quædam aëris particulæ hydrargyri partibus essent interspersæ; quæ particulæ ad omnem hydrargyri descensum versùs tubi summitatem manifestè extumuerant, & tam pressione suâ, quam cylindri in tantum diminutione, quantũ in eo particulæ illæ priùs occupaverant spatii, hydrargyro impedimento fuerunt, nè in primam altitudinem rursus conscenderet.

Quintum Phanomenum.

V. Prædictis Experimentis & Phænomenis circa Mercurium nondum contentus Auctor noster, ad pleniorẽ eorundem confirmationem iteravit Experimentum in solito Recipiente majori, ac in tubo ad duorum pedum longitudinem non extenso. Cùmq; vel primâ suctione tantum aëris è Recipiente exantlatum esset, ut quod reliquum erat, cylindro Mercurii in dicto tubo contenti æquilibrare non posset; Mercurius in illo tubo ita evidenter subsedit, ut ultra spithamæ altitudinem decideret, & paulò post continuatis exsuctionibus gradatim aliquantulum inferiùs deprimere-
tur. Deinde admissò externo aëre intra Recipientem, ad tubi panẽ summam rursus ascendit.

Ex quo patet, tunc descendere in tubo Mercurium, quando totus cylindrus Mercurialis gravior est, quàm aër, qui premit Mercurium extra tubum; tunc non descendere, quando est levior.

Sextum Phanomenum

VI. Postquàm Mercurius in tubo, extracto aëre è Recipiente, descenderat; & admissò iterum aëre infra Recipientem, ascenderat ad pristinam suam altitudinem; dum plus aëris externi in eundem Recipientem violenter ope antliæ protrudebatur, Mercurius ille in tubo contentus, ultra consuetam sibi antea altitudinem, (quam Auctor statuit viginti septem digitorum) multum conscendebat; emissò verò iterum aëre illo violenter intruso, ad eam redibat altitudinem, quã priùs solebat quiescere.

ANNOTATIONES.

I.

In prima experimenti hujus institutione Auctor tubi extremum superius clauferat emplastro de mucilagibus, vice sigilli hermetici: observavitq;, quod post aëris aliquantulum è Recipiente exsuctum, Mercurius subsidere revera incepit, & postmodum etiam subsidere non desit, quamvis antliæ motus desierat. Unde apparuit, emplastrum illud subtiliores aëris externi particulas intromisisse, licet tardè & cunctanter; quoniam nontam densè erat contextum quàm quod superius cap. XI. Annot. 3. descripsimus.

II. Quando

II. Quando per epistomii foramen aëris nimia quantitas ingredi permittebat ur, irrumpebat is tanto impetu, & superficiem subjacentis in pyxide Mercurii ita violenter feriebat, ut in tubum cum tumultu impelleretur, & periculum esset, nè inde ipsum vitrum dissiliret.

III. Dictum fuit, hydrargyrum in tubo descendisse ad singulas aëris exsuctiones è Recipiente. Hic tamen descensus non fuit in singulis exsuctionibus equalis, sed major in principio, minor versus finem. Auctor advertit, eum in prima exsuctione descendisse ad digitum $1\frac{1}{2}$, in secunda ad digitum $1\frac{1}{8}$. Postquam autem vas pane evacuatum esset, unâ exsuctione vix ultra grani hordeacei latitudinem descendit.

IV. Post singulos descensus statim sursum rursus nonnihil ascendit Mercurius, ideo utiq, quod post quamlibet exsuctionem aëris è vase, statim aliquid aëris externi ingressum fuit, per insensibiles rimas, quod gravitate suâ sursum nonnihil eum repulit.

V. Experimentum hoc instituit Auctor etiam in Recipiente exiguo, ad summum duarum librarum aqua capace. Ac semel quidem post primam aëris exsuctionem Mercurius in tubo descendit ad digitos octodecim cum dimidio: alio tempore ad digitos novendecim cum dimidio. Nunquam tamen efficere potuit, ut prorsus descenderet, quia nunquam omnem aërem extrahere valuit.

VI. Ex prædictis Experimentis & Phanomenis Auctor eorum spem concepit, fore ut deprehendi possit proportio inter gravitatem seu pressionem aëris & Argenti vivi secundum diversos gradus raritatis & densitatis aëris. Nam (ait) aër in Recipiente ante exantlationem est in statu suo naturali, in quo est tunc extra Recipientem, & tantum premit atq, elevat Argentum vivum, quantum extra, ut vidimus in Phanomeno primo. Post primam exantlationem, cum nota sit capacitas Recipientis, & capacitas Cylindri, scitur quantum sit extractum (nempe quantum in Cylindro antlia capitur) & quantò rarior sit factus aër in Recipiente; scitur etiam quantum tunc premat Mercurium aër in Recipiente relictus. Eadem sciantur post secundam & tertiam, & quamlibet ulteriorem exsuctionem. Ergo &c. Sed cum ipsemet Auctor ingenuè fateatur, post quamlibet exsuctionem statim aërem externum irrumperere intra

Reci-

Recipientem, & cum non sciatur quantum irrumpat; sciri non potest certo, imò nec verisimiliter, quantum sit extractum, & quantum rarior sit factus aer Recipientis: Ergo frustraneus est omnis labor in calculanda proportionem inter aëris illius & Mercurii pressionem seu gravitatem. Si nihil aëris statim subingrederetur intra dictum Recipientem (uti in Experimento Magdeburgico fit) res posset habere fortassis successum.

Mercurius
in tubo Tor-
ricelliano
quàm alte
suspensus
maneat.

VII. Itali & Galli dicunt communiter, Mercurium in Experimento Torricelliano haerere in tubo in altitudine intra viginti sex & viginti septem digitorum. Illustis tamen Boyle deprehendit viginti novem cum dimidio circiter digitorum altitudinem in Anglia. Causam principalem ait esse, non diversitatem solam aëris Anglicani ab aëre Italico & Gallico quoad gravitatem & levitatem, sed quòd digiti Anglicani non adæquent plene digitos quibus Itali & Galli Scriptores utuntur.

CAPUT XX.

EXPERIMENTUM XVIII.

*Novæ Phenomena circa ascensum ac descensum
Argenti vivi intra tubum in Experi-
mento Torricelliano.*

Experimentum hoc, tamen si non factum sit ope novæ Machinæ pneumaticæ, de qua hactenus tractavimus, interfert tamen Auctor, quia multa consideratione digna, & ab aliis non observata continet.

Experi-
menta &
Phenome-
na novæ
circa Mer-
curium tu-
bo inclu-
sum.

Tubum itaque accepit vitreum, vix ultra tres extensum pedes, æqualis per totum crassitie vitri. Hunc implevit Mercurio, quamvis non maximâ adhibitâ curâ, nè aëris bullæ simul ingrederentur, majori tamen, quàm ab aliis in Torricelliano Experimento adhiberi solet. Deinde orificio tubi obturato, tuboq; de more inverso, dictum orificium infra superficiem alterius Mercurii intra vasculum aliquod contenti reclusit, atque amoto digito referavit. Quo facto, Mercurius in tubo refedit, & in consueta alti-

tudine

tudine hærens quievit, nonnulli tamen aëris particulis in deserto superiori spatio relictis, ut usu venire solet in hoc experimento : quod inde collegit, quia ad corporum calidorum supremæ tubi parti applicationem, Mercurius aliquantum deprimebatur. Postremò, postquam tubum, unà cum vase cui incubuit, in Machinulam aliquam ligneam, quæ tubo pro statumine ac fulcro erat, nè quid mali ei accideret, imposuisset; in cubiculi sui fenestram collocavit, cavitque nè agigaretur. Mansit autem in eodem loco, toto mense Novembris, & parte Decembris, tempore tunc perfrigido; quamvis semper fere cubiculum luculento instructum esset foco, & rarò fenestra aperiretur.

Phænomena porrò quæ toto illo tempore observavit, postquam Mercurius tam in tubo, quàm in vase subjacente, perfectè quievisset, & altitudo ipsius in tubo notata fuisset signo aliquo lateri externo affixo, hæc sunt.

Primò, Mercurius sæpius motum liquoris in Thermometro contenti (passu tamen debiliori) imitabatur: calidiore enim coelo paulum subsidere, frigidiorè aliquantum ascendere solebat. Quod Auctor majori & minori aëris in tubi summitate pressioni adscribendum putavit, expansi nimirum aut condensati per calorem & frigus, quibus successivè aër ambiens afficiebatur. Poterat tamen majori etiam aut minori aëris extrinseci, qui Mercurio in vase subjecto incumbebat, attribui, si aër subjecta corpora premit: tempore enim frigido densior fit aër, ac proinde gravior; tempore verò calido fit rarior, ac levior.

*Phænomena varia
nova circa
Mercuriū
tubo inclu-
sum.*

Secundò, Idem Mercurius sæpè nunc subsidebat, nunc ascende-
bat in tubo, magis notabiliter, quàm liquor in Thermometris solet. Imò nonnunquam modo planè contrario: nempe aliquando sub frigidissimo caelo Mercurius multò inferiùs, quàm aliis temporibus calidioribus, descende-
bat. Potest & hoc adscribi pressioni aëris extrinseci, Mercurio qui in vasculo erat, incumbentis.

Tertiò, Mercurius quandoque ad plures etiam dies eadem, propè altitudine permanebat; quandoque è contrario uno eodemque die plurimum situm suum ac stationem in tubo variabat, quamvis nulla aut foris in aëre, aut in conclavi alteratio fieret.

R

Quartò,

Quarto, Spatium quod intra quinque circiter septimanas Mercurius in tubo ascendendo ac descendendo percurrit, duorum ad minimum digitorum fuit, uti ex signis tubo exterius applicatis post singulas mutationes collegit Auctor. Ad majus autem spatium se extendisset, si in cœlo libero, & in longiori tubo, Experimentum fuisset institutum. Certè in ultima observatione, cum tubum propter alia negotia expedienda è fenestra amoveret, notavit Mercurium in tubo hospitantem surrexisse, ultra superiorem Mercurii subjacentis superficiem, ad digitos viginti novem, & tres quartas unius digiti.

ANNOTATIONES.

I.

CUpiebat Auctor, monitus à doctis, observare, num Mercurius in tubo notabilem aliquam mutationem situs seu stationis subiret tempore plenilunii & novilunii, quando magni illi fluxus ac refluxus maris contingunt, quos Nauta Æstus salientes appellant. Judicabant enim docti illi, ex ejusmodi observatione accuratè facta, veritatem aut falsitatem Cartesianæ hypotheseos circa causam fluxus ac refluxus stabiliri posse. Putat enim Cartesius, æstum ejusmodi majorem contingere ob majorem pressionem, qua Luna & Substantia aetherea intercurrentes aërem tum gravius comprimit, quàm quàm aliis temporibus. Nihil tamen ex his observationibus colligere potuit Auctor, propter tam frequentes Mercurii in tubo mutationes. Sperat nihilominus, alio se tempore accuratius id observaturum.

Æstus marini causa secundum Cartesium.

II. An prædictorum phaenomenorum causa sit major aut minor aëris in tubo supra Mercurium stabulantis calor aut frigus, an verò major aut minor externi aëris Mercurio externo incumbentis raritas ac densitas, & consequenter gravitas & levitas; in dubio relinquit Auctor.



CAPUT XXI.
EXPERIMENTUM XIX.

Phænomena aqua intra tubum vitreum subsidentis, & ascendentis.

Tubum accepit vitreum, unâ extremitate hermeticè sigillatum, longum quatuor circiter pedes, neque admodum tenuem. Hunc eo, quo patuit, extremo implevit aquâ communi. Deinde obturavit, usque dum in verso tubo illud aperiret intra superficiem aquæ consimilis, in vase aliquantulum profundo, tenui tamen seu angusto, contentæ. Hoc vas simul cum tubo ei immisso demisit in Recipientem majorem; & Recipiente solito more obturato, exercuit antliam. Phænomena, quæ notavit, hæc sunt.

Aqua intra tubum vitreum ascendentis ac descendens Phænomena.

Primò, Cùm bona pars aëris extracta jam esset è Recipiente, tubus plenus adhuc aquâ, sicut cùm primùm in vas demittebatur, permansit. Opus ergo fuit majorem exantlare copiam aëris, ut subsideret; nempe (ait Auctor) usquequò residuus aër tam exiguo & levi aquæ cylindro fieret primò æquilibris, deinde levior. Quam primùm autem aqua in tubo subsidere cœpit, quælibet deinde exsuctio aëris sufficiebat, ut paulò inferiùs descenderet aqua. Non tamen eâ proportionem descendit, quâ antea Mercurius descenderat: neque enim tanta visâ est inæqualitas in spatiis, per quæ in ejus descensu transgressa est aqua, quanta in iis, quæ in descensu hydrargyri notata fuerat.

Tamen si autem subsidere antea fecisset hydrargyrum in tubo contentum eò usque, ut non longiùs digito distaret à superficie alterius hydrargyri in subiecto vase contenti; non potuit tamen aquam inferiùs deducere, quàm ut adhuc pedali circiter altitudine supra superficiem aquæ in vase subiecto contentæ emineret. Causam esse putat Auctor, quòd cùm Mercurius sit gravior, quàm aqua, major aëris copia requiritur ad suspensam tenendam pedalem altitudinem Mercurii, quàm aquæ.

Secundò, Cùm aqua dicto modo depressa, in tubo hæreret suspensa; aërem externum intra Recipientem intromisit, & statim cœpit aqua altius atque altius in tubo ascendere.

A N N O T A T I O.

Idem Experimentum tentavit Auctor in parvo Recipiente; & comperit, ad primam exsuctionem aëris aquam varios digitos sapius subsedisse; & ad secundam multò adhuc demissiùs decidisse. Pedes enim duos aliquando simul descendit. Insuper intromisso externo aëre, aquam impellò sursum summâ celeritate comperit.

CAPUT XXII.

EXPERIMENTUM XX.

*Aqua videtur inesse vis elastica, seu expansiva sui,
ut libera à pressione externi aëris
se se dilatat.*

*Aqua vi-
detur inef-
se vis ela-
stica.*

Aërem præditum esse vi elasticâ (undecunque proveniat) probavit Auctor suprà Cap. 6. Experim. 4. & seqq. coepitque jam (inquit idem) à præstantissimis Physiologis recentioribus agnosci. An verò in aqua sit, nec nè, vel languida ejusmodi vis, qua se sponte expandat atque dilatat, libera ab externa pressione, vix adhuc perpensum videtur, nec à quoquam (quantum sciebat Auctor) determinatum. Hoc ut experiretur, sequens instituit Experimentum.

Sumpsit vitream bullam amplam cum oblongo collo (quam Chymici *Ovum Philosophicum* appellare solent) eamque replevit aquâ communi, donec liquor spithamam altior bullâ evaderet. Chartâ dein illi adglutinatâ, ut de impletionis altitudine constaret, ipsam apertam immisit intra Recipientem; aëremque usitato more exluxit. Eventus hic fuit notatus.

Primò, Bona pars aëris in Recipiente inclusi priùs exhausta est, quàm ullam aquæ expansionem animadverteret. Antliâ verò jugiter exercitatâ, visâ est tandem aqua ascendere in collo vitri; & variæ bullæ ab inferioribus vas partibus sese solvendo, viam fecerunt sibi per aquam ad summam ejus partem, ibique in Recipientem irruerunt.

Secundò, Simul ac aqua intumescere cœpit, quoties verticillum, in epistomio Recipientis versum est ad evacuandum aërem è Recipiente in antliam, aqua in collo vitri sese subitò ad grani hordeacei latitudinem in collo vitri erexit, atque ita paulatim prædictâ metâ aliquanto altior evasit.

Tertiò, Quamprimùm externus aër intra Recipientem fuit intromissus, confestim aqua subsedit, illudque omne spatium, quod in collo vitri antea acquisiverat, deseruit.

ANNOTATIONES.

I.

Occasione hujus experimenti narrat Auctor aliud, quod ante ^{Elater bi-} duos aut tres annos fecerat, ad explorandum, an in aqua elater ^{detur inef-} (sic vocat) esset, necnè. Nimirum vas accepit rotundum & cœvum, ^{se aqua.} ex plumbo cinereo conflatum, duarum aquæ librarum capax, & accurate clausum undiq; relicto tantùm unico per exiguo foramine, quo impleretur. Tum partim exugendo aerem, partim aquam injiciendo ope syringis injectoriæ, non sine aliqua difficultate implevit; & per foramen, quod in superiore ejus parte continebatur, plus adhuc aquæ, syringis memorata ope, paulatim injecit. Quofactò, vase licet quiescere permissò, & foramine in superiori sua sede adhuc manente, compressatamen aqua pedetentim supra orificium foraminis intumuit, & varia gutta per vasis latera effluerunt. Quod signum fuit, vas fuisse perfectè plenum. Postea à perito Stannario, qui globum istum conflaverat, adeo exquisitè coram se & aliis ferrumine occludi curavit, ut nemo suspicaretur, aliquid præter aquam intus relictum fuisse. Postremò vas ita occlusum cautè & sapius ligneo malleo in variis locis percussit, ut comprimeretur, & aqua inclusâ in angustiore locum coarctaretur. Atque ita cum acu malleo impulsâ perforasset vas, & acum extraxisset; aqua tenuissimo rivulo projecta fuit in aerem ad altitudinem duorum aut trium pedum.

Hujus Experimenti mentionem nos fecimus in Mechanica Hydraulico pneumat. par. 2. Classe I cap. 5. Machina 4. Supposit. 4.

II. Quamvis utrumq; hoc Experimentum non obscurè videatur probare, aqua adesse facultatem dilatandi se, & restituendi semetipsam post compressionem: inferre tamen hanc conclusionem ex his

non audebat Auctor, donec alia sequentia Experimenta fecisset

CAPUT XXIII.

EXPERIMENTUM XXI.

*Atmosphæra super corpora aquis immer-
sa gravitat.*

*Aër super
corpora a-
quis im-
mersa gra-
vitat.*

UT dignosceret Auctor, utrum expansio aquæ ab elastica vi partibus ipsius aquæ inexistente proveniret, duo experiri voluit: alterum, an atmosphæra super corpora aquis demersa gravitet: alterum, an si gravitet, tumiditas aquæ, quam in præcedenti Experimento deprehendit, non sit tribuenda substantiæ subtiliori aquæ, intra ipsam contentæ. Ad utrumque probandum, instituit sequens Experimentum.

Vitream phialam, libram unam & aliquot uncias capientem, aquâ replevit. Deinde indidit collo ejus tubum vitreum, anserino calamo paulò ampliorem, utrâque extremitate apertum, & aliquot digitos longum. Unam extremitatem hujus tubi ita intra collum phialæ immisit, ut paulò infra illud extenderetur, à fundo autem phialæ longè distaret. Tum summa cum diligentia cæmento dictum tubum collo phialæ adglutinavit, simulque phialam obturavit, nè quidquam aëris intra illam penetraret, nè aqua nisi per tubum è phiala exiret. His factis, tubum aquâ ad medietatem implevit, & signum è regione superiori superfici ei liquoris adglutinavit. Deinde phialam sic tubo aptatam, filisque appensam, intra Recipientem demisit, & pro more exquisitè clausit. Demum cœpit aërem exantlare.

Exhaustâ illius bonâ quantitate, *Primò*, Aqua in tubo cœpit altius ascendere. *Secundò*, Ad tubi latera quædam bullulæ sese prodere fuerunt visæ. *Tertiò*, Aquâ continuo intumescente, in fundo tubi bulla apparuit ad ciceris magnitudinem; quæ ascendens per tubum ad superficiem aquæ, perseveravit ibidem aliquamdiu, & deinde fracta evanuit. *Quartò*, Anliâ celeriter exercitâ, adeo expansio aquæ crevit, ut ipsâ citò ad summam tubi oram asurgente, aliquæ ejus guttæ per exteriora tubi latera decurrerent.

Quintò,

Quintò, Cessavit igitur ab agitatione ulteriori antliæ; & aqua ad duos digitos versus fundum tubi subsedit. *Sextò*, Rursus agitatâ antliâ, è fundo tubi bullæ ascendere cœperunt, non omnes ejusdem magnitudinis; ita tamen magnæ communiter erant, ut minutori cicerum generi æquales viderentur. Atque ex his sexaginta numeravit, quæ sibi invicem succedentes ascendebant; præter magnam minutissimarum copiam, quarum nullam rationem fecit. *Septimò*, tam computando bullarum numerum, quàm exantlando fessius (comperit enim, quòd omni operâ exantlantium illusâ, semper aliquid extrinseci aëris in Recipientem irrumperet) ab opere destitit, & converso verticillo epistomii aërem externum in recipientem intromisit; quo factò, vidit aquam in tubo quasi momentò ad fundum fermè tubi subsedisse.

A N N O T A T I O N E S.

I.

I *N hoc Experimento, dum aër majori ex parte è Recipiente exantlatus esset, emicantes bullæ adeo tardè in tubo ascendebant, ut eorum progressus vix percipi posset. Quod Auctor earum magnitudini, & tubi angustia adscribit. An autem magnitudo illa orta fuerit ex aëris decremento durante exantlatione, aut quia multæ minuta in unam coalescebant, ignorat.*

II. Bullæ istæ cum ad supremam aqua in tubo contenta superficiem pervenissent, non erant hemispharica, uti aliàs solent esse, sed planæ ferè. Alias circumstantias habet Auctor, quas omitto.

III. Ex dictis in Experimento Phenomenis colligit Auctor, quòd aër, & similia corpora levia sub aquis demersa, perinde ab atmosphæra, ac ab ipsius aqua incumbens pondere, premantur. Colligit præterea, aqua intumescantiam quam in precedenti Experimento deprehenderat, non arguere vim elasticam aquæ, quoniam ea intumescantia provenire potest à parvulis illis bullis, quæ produci solent in aquâ, atmosphæra pondere liberatâ, ut vidimus in hoc Experimento.

IV. Ex dictis verisimile videtur Auctori, in poris aut invisibilibus recessibus aqua multas plerumq; interspersas latere particulas vel aëris, vel saltem alicujus materiæ aëri analogæ: quod confirmatur ex sequenti Experimento.

CAPUT.

CAPUT XXIV.
EXPERIMENTUM XXII.

Intra aquam latent aëris particule interpersæ; & ipsæ aquæ particule in aërem converti videntur.

*Aqua aëris
particulas
habet ad-
mixtas.*

EX dictis Cap. 21. Experim. 19. constat, aëre magna ex parte è Recipiente exhausto, aquam in tubo haud quatuor pedes longo subsedisse. Idem Experimentum Auctor in tubo consimili, aut largiore faciens, observavit, quamprimum aqua subsidere incepit, innumeras confestim bullas apparuisse lateribus vitri undequaque adhærentes, earumque non paucas (propter vasis agitationem inter exantlandum) ad summum aquæ fastigium copiosè conscendisse, ibique dissiliisse: & quò magis aquæ cylindrus in tubo descendebat, eò copiosiores bullas intra dictum aquæ cylindrum apparuisse, & magis sese extendisse; idque ideo, quò minùs ponderis ac pressioni aqua in tubo residua sustinebat, ac proinde earum expansio minùs impediabatur. Cujus rei hoc quoque signum erat, quòd vel tantillo aëris externi admisso, bullæ istæ extemplo contrahebantur.

Et quamvis suspicari quis posset, bullas istas non ab aëre intra aquam latente, & in poris ejus delitescente, sed à subtilioribus aque particulis fuisse ortas; ab aëre tamen delitescente ortas, inde patere videtur, quòd externo aëre intra Recipientem intromisso, aqua rursus ad summum usque tubi, unde deciderat, non impellebatur, sed in ascensu suo impedita digitum ferè infra summum subsistebat: aër ergo in summitate tubi clausierat, non purus æther, qui subtilitate suâ poros vitri penetrat, alioquin aqua ad pristinum limitem ascendisset, æthere non obstante.

Idem Experimentum alio tempore faciens Auctor in Recipiente minore, & in tubo tres pedes longo, animadvertit, cum extracto aëre è Recipiente descendisset in tubo aqua, multæque bullæ in superiorem partem ascendissent; post intromissum iterum aërem externum, aquam non fuisse ad extremam summitatem,

tubi

tubi impulsam, sed ultra digiti unius semillē inde distantem hæsisse. Utrum verò superius illud spatium, quod aqua non impleverat, ab aëre esset occupatum, nec nē, sic exploravit. E Recipiente aërem iterum secundā vice exsuxit, effecitque ut aqua in tubo descenderet, non solum usque ad superficiem aquæ in vase subjecto restagnantis, sed etiam infra, antliā diutius exercitā. Hic autem descensus non potest adscribi soli gravitati aquæ, alioquin etiam ante extractam ē Recipiente aquam descendisset; ergo adscribi debet gravitati alicujus corporis aquæ superincumbentis, & aëri extra tubum vasa aquā repleto superincumbenti, ac præponderanti.

ANNOTATIONES.

I.

Quod proximè diximus, confirmat Auctor hoc aliophenomeno, in eodem Experimento deprehenso: nimirum aquā in tubo ad aquam cum aqua extra tubum superficiem depresso, observavit (cesante etiam antliæ motu) quòd si tepida solum manus desertæ tubi parti admooveretur, aqua quæ in tubo remanserat, citissimè & haud mediocriter deprimeretur: & candente carbone externo tubi lateri aliquam diu applicato, aqua derepentē ad fundum usque tubi descenderet.

II. Ex his collegit Auctor, aërem nonagies, aut centies ultra extensionem suam naturalem expansum, facile posse caloris ope ulterius rarefieri.

Aliud Experimentum.

Aqua aëris particulas exhalat intra tubum.

In mentem venit ingenioso Auctori, post memorata paulò antè Experimenta facta, si bullæ istæ, de quibus huc usque tractatum, ab aëris particulis intra aquam latitantis producerentur, postquam aër ille simul in summitatem tubi se collegisset, nullas amplius bullas aquam exsufflaturas. Cogitationi eventus respondit: aëre quippe exantlato, aqua, ut prius, in tubo descendit, & post longam moram nec ulla bulla amplius se prodidit. Tandem verò, Recipiente jam magna ex parte exhausto, postquam aqua multum subsidisset, ad imum propè tubi fundum bullulæ ali-

Aqua aëris particulas exhalat.

quot minutiores apparuerunt, quæ ex aëris istiusmodi particulis constare visæ sunt. Sed hæ, præ nimia sua tenuitate ad summitem aquæ simul cum maioribus ac valentioribus non potuerunt conscendere.

Intromisso deinde rursus aëre intra Recipientem, aqua rursus in tubum sursum est provecta, sed ad summum ejus fastigium ne-
tquam pervenit, cessante quantumvis per duos vel tres dies no-
tesque anliæ motu.

Adhuc aliud Experimentum.

*Hydrargyrum aëris particulas exhalat
intra tubum.*

*Hydrargy-
rum aëris
particulas
exhalat.*

Simile Experimentum olim fecerat Auctor cum hydrargyro vice aquæ, idque in tubo pedem unum cum dimidio circiter longo. Deducto enim quodvisque potuit hydrargyro, comperit la-
tentes quasdam aëris particulas ad summum tubi ascendisse, atque
obstaculo fuisse, nè Mercurius ad pristinam altitudinem rursus
proveheretur. Et quamvis tunc Mercurius suspensus appareret
densissimè compactus, & planè metallinus, nec bullis interruptus
ut priùs; aëre tamen ex Recipiente rursus exhausto, multas mi-
nutiores bullulas prope fundum, interno tubi lateri affixas se pro-
dere percepit. Harum unam aut alteram curiosius observans,
notavit, quòd tametsi quò Mercurius propiùs illas accederet, eò
magis ipsæ turgescerent; aëre tamen cautè intromisso, non dis-
rumpebantur, sed in tenuitatem vix perceptibilem videbantur
evanescere.

ANNOTATIO.

*Aër intra
liquores
contineri
videtur.*

Ex dictis hætenus, si non certum, saltem verisimile videtur Au-
ctori, in densis & ponderosis liquoribus, ac proinde etiam in a-
quis, aëris particulas imperceptibiles laterè, quæ remotà ambientis
aëris & liquoris pressione, bullas satis conspicuas producant. Itaq;
si incongruum videtur, admittere vim elasticam in aqua, dici posset,
tumorem aquæ in vase illo rotundo (de quo Cap. 22. Experim. 20.)
compressæ, & per factum acu foramen emicantis, non ab interna vi
elastica aquæ fuisse subortam, sed à spirâ multarum tenuium aëris
particularum, corpori aquoso interspersarum, atque in aquam agen-
tium,

tium, dum subito recuperare nituntur majorem sui extensionem, quàm quâ propter violentam compressionem tenebantur.

DIGRESSIO PHYSIOLOGICA.

An aër possit de novo generari, aut in alia corpora transmutari.

Quæstionem hanc fusè agitant Recentiores quidam. Ingeniosus Experimentorum Anglicanorum Auctor, pro utraque sententia producit sequentia argumenta.

Aër an possit de novo generari, aut in alia corpora transmutari.

§. I. Argumenta pro sententia negativa.

Primò. Ingenerabilem esse aërem, experientia videtur docere. Nam aqua fontana ac naturalis, quam ab omni fæce priùs purgatam ante annos circiter sexaginta (circa initium videlicet anni 1600) tubo vitreo, ex angusto & gracili collo paulatim in oblongam phialam protuberantem inclusit, & hermeticè sigillavit P. Christophorus Clavius in Romano Societatis nostræ Collegio, quamque in hodiernum adhuc diem asservat P. Achanasius Kircherus in Museo suo (ut narravi in Mechanica Hydraulico-pneumatica par. 2. Classè 1. cap. 6. Machina 3.) adhuc durat sine ulla diminutione, aut in aërem conversione, adeo limpida ac pura, ac si recenter è fonte hausta foret.

Aqua in phiala Clavii incorrupta.

Secundò. In vitris istis, quæ propter Experimenta chymica Hermetis sigillo occludimus, aër quantumvis diu incarcerationis varias à variis caloris gradibus alterationes subeat, naturam tamen suam non mutat. E contrario evidenter ex digestionibus ac distillationibus chymicis percipimus, quòd etiamsi aqua in vapores inperceptibiles rarefiat, revera tamen in aërem non mutetur, sed à calore solummodò dividatur, & in minutas admodum particulas dispergatur, quæ sibi invicem vel in Alembico, vel in Recipiente concurrentes, absque mora in aquam pristinam transmutantur.

Tertiò. Videmus etiam, ipsam vini spiritum, aliosque subtiles & fugitivos spiritus, tametsi facillè in aërem dispergantur, eique commisceantur, in vitris tamen chymicis depositam liquorum

formam rursus assumere. Sales item volatiles, urinæ videlicet, cornu cervi &c. etiamsi promptè sepe aërem dispergant, & in Alembici aut Recipientis cavitate circumvolitent; brevi tamen internis vitrorum lateribus in specie salis affiguntur.

Quartò. Cùm in confesso sit, aërem potentiâ elasticâ prædictum esse, quæ, ut est verisimile, ex propria ipsius textura emanat; non constat quid sit, quod in tam levibus exiguisque aquæ alterationibus, quæ ad illam in aërem convertendam à nonnullis sufficere judicantur, rationabiliter conjectari possit ita aquæ particulas disponere, ut illis, idque permanenter, præbeat structuram spiræ requisitam.

Quintò. Experimentum quod suprà Cap. 15. Experim. 13. funis bombardici ignitione factum memoravimus, probare videtur, vel leves illos & subtiles fumos (nec aquosas ut plurimum) in quos ipse ignis arida resolvit corpora, spiram aëreâ spiræ similem non habere, propterea quod expansionem aëris in vesica, quam circumquaque ambiebant, nec impedire potuerunt, nec reprimere.

Alia Experimenta, quæ pro negativa sententia adducit Auctor, lege apud ipsum Experimento 22.

§. II. Argumenta pro sententia affirmativa.

*Æolopila
experi-
mentum,*

Primò. Comperimus, vapidum aërem, vel aquam in vaporem rarefactam, posse elasticam illam vim, quam genuino aëri inesse nemo non fatetur, saltem aliquamdiu æmulari. Si enim Æolopilam ampliorem, forti mediocriter, & exili collo, aquâ compleveris, & super candentes locaveris carbones; ejusmodi particularum in se invicem in Æolopila pressionem observabis, ut aqua quandoque ad trium vel plurium pedum altitudinem in aërem propellatur. Et si tunc candentem propè Æolopilam ab igne removeris; videbis aquam diu violento quodam effluvio continuo effundi. Et si vel tantillum aquæ in Æolopila candente, & ab igne dimota, remanserit; collo ejus frigida immerso, invenies, postquam nonnihil aquæ inforbere cœperit, multas & amplas bullas in aqua, cui collum Æolopila immersum est, produci. Quæ quidem bullæ hinc videntur apertè oriri, quod calor in Æolopila ita

ita intensus est, ut aquæ absorptæ partem rarefaciat, & specie vaporum per aquas angusto orificio Æolopilæ innitentes expellat.

Si etiam, cùm Æolopila aquâ pænè repleta est, atque adeo multum aëris non continet, carbonem vivum, aut ignitum torrem effluvio vaporum ex angusto ejus orificio prodeuntium, admoveris; vapidum illum ac roridum aërem experieris fortiter admodum ignem, & cum strepitu sonoro, exsufflare. Et nè quis dicat, quòd ab externo aëre, quem aquosa protrudunt effluvia, & non ab ipsis effluviis fiat iste flatus, & flamma ista exciteretur; observatum est, quòd prunâ seu ignito torre ad orificium propemodum Æolopilæ admoto, apparuit ventus flare impetuosius, quàm dum aliquot digitorum intercapedine distat.

Secundò. Aqua in cameris Æoliis prope organa Hydraulica ædificatis (quæ describit *P. Athanasius Kircherus* lib. 9. Musurgia pag. 309. & seqq. & nos ex ipso in *Mechanica Hydraulico-pneumatica* Par. 2. Classe 3. Machina I.) præcipitata, generat copiosum ventum, ad dicta organa, aliaque acustica instrumenta, in sonum animanda, uti experientiâ quotidianâ constat.

Tertiò. Auctor noster accepit vitream summâ perspicuitate ampullam, trium circiter unciarum aquæ capacem, lato nonnihil collo, & in formam cylindri longo. Hanc oleo vitrioli, & aquâ perquam limpidâ, pari utriusque quantitate, penitus implevit; & post injectos sex ferri claviculos, orificium vitri obstruxit lato emplastri diapalmæ frustillo istos in usus comparato, ut illo ad aquæ superficiem accommodato, aër accuratiùs excluderetur. Inversâ deinde celerrimè phialâ, collum ejus intrusit in vitreum vasculum cum angusto, sed patulo orificio, quod eundem liquorem continebat. Simul ac collum liquoris, cui immergebatur, fundum attigisset, in superiori phialæ parte (hoc est, in fundo ampullæ) bulla apparuit ciceris magnitudine. Paulò post aliæ pullæ paulatim ascenderunt, ac priorem illam mirum in modum auxerunt, aquam verò deorsum magis magisque sensim deprefferunt intra vitreum vasculum, ac totam ampullæ & colli ferè cavitatem impleverunt. Et quia suspicio erat, istam liquoris depressionem à motibus causari, quibus exhalantia & incarcerata effluvia agitantur

Experimentum nobis.

bantur à calore salis metallum corroderent; permisit & phialam, & patuli orificii vitreum vasculum in fenestra quadam tres quatuorvé noctes diesque simul sine motu permanere; & nihilominus toto illo temporis intervallo tota vitreæ ampullæ cavitas, nec non & collum propè, aëre repletum permansit, spirâ illius seu vi elasticâ impediēte, quò minùs depressus antea liquor pristinum, rursus locum recuperaret.

Est & hoc notatu dignum, quòd cùm vitream ampullam ex vitreo vasculo exempturus erat, tepidiore manu ad convexam, dictæ ampullæ partem adhibitâ, statim incarcerata illa substantia ad instar aëris in momento sese expandit, & variis bullis sibi invicem succedentibus liquorem subjectum perrupit. Idem quoque sæpe, nullâ manu adhibitâ ad vitrum, contigit, ut nimirum effluvia illa aquæ incumbētia per aquam in aërem liberum cum, bullis majoribus erumperent.

Aliàs quoque parva cum phiala istiusmodi Experimentum, faciens cum claviculis in aquam fortem coniectis, nihil ab iis, quæ hoc loco tradidimus, discrepans invenit.

Quartò. Accedit Aristotelis & Peripareticorum auctoritas, dicentium aquam & aërem, utpote elementa symbolica, facilè in se invicem transmutari. Accedit item eorum opinio, qui aërem, nihil aliud esse ajunt, quàm aqueorum ac terreorum corporum effluvia in cœlestem materiam, hoc est, in ætherem Terraqueum globum circumstantem exspirata. Sed de hac re alibi fortassis agemus.

CAPUT XXV.

EXPERIMENTUM XXIII.

*Bulla ex aqua communi, & aqua distillata, in
æquali copiâ educuntur.*

UT bullarum naturam, de quibus hætenus sermo fuit, Auctor diligentissimus ulteriùs ac meliùs indagaret, sequentia instituit Experimenta.

Primò.

Primò. Vitrum accepit, quod apud Chymistas Ovum Philosophicum appellatur, novem circiter unciarum aquæ capax, cui collum erat diametro in summitate semidigitali, in fundo verò digitali. Vitrum hoc aquâ communi ad altitudinem sesquipedalem impletum, supremâ interim parte vacuâ permanente, Recipienti inclusit, & exercitâ antiâ eventum exspectavit. Eventus fuit, quòd exhaustâ haud mediocri aëris quantitate è Recipiente, cœperunt bullæ in fundo & lateribus vitri comparere; & educto magis magisque aëre, multiplicatæ continuò bullæ, ad summitatem aquæ turmatim ascenderunt, & extemplò illic dissipatæ fuerunt. Quoniam verò latitudo vitri liberiores per aquas transiitum iis concedebat; non eodem, quo in superioribus Experimentis, modo intumescere eam coëgerunt, aquâ tunc temporis inditâ haudquaquam notam superiori superfici ei affixam excedente; & externo aëre ingredi permisso, bullisque adhuc permanentibus, inde plùs solito contractis; aëre priùs intersperso avolante, visa est aqua prioris suæ extensionis nonnihil perdidisse.

Bullæ ex aqua communi, & aqua distillata, inæquali copia educuntur.

Secundò. Aquæ pluvialis summa cum industria distillatæ uncias tres in vitream rotundam phialam, cui angustum admodum collum erat, sextam digiti partem in diametro non excedens, infudit, & ad medietatem repletam Recipienti imposuit, ancliamque agitavit. Eventus fuit, quòd etiam si plùs solito exhaustisset aërem, aqua tamen ne tantillum intumuit, nec ulla bulla ascendit.

Dubitans igitur, an vitri figura, & mediocris aquæ quantitas, phænomeni istius causa forent, Ovum Philosophicum paulò antè memoratum accepit, aliudque non valde illi dissimile. Horum alterum pluviali aquâ distillatâ ad notam priùs memoratam complevit; alterum oblongo cylindro, vel solidâ vitri virgulâ, quæ cavitatem colli propemodum adimplebat, coarctavit, & distillatâ aquâ ad summum ferè fastigium, demptâ aliquot tantum digitorum latitudine, implevit, & utrumque simul Ovum Recipienti immisit, & ancliam agitavit. Diu nullæ in utroque vitro bullæ apparuerunt. Tandem tamen, exhausto propemodum toto aëre, prodiderunt se bullæ, & decrescente in Recipiente aëris pressioe, magis magisque increbuerunt.


Hæc tamen differentia in duobus vitris apparuit. In Ovo Philo-

Philosophico bullæ tenues admodum erant, nec aquam supra notam suam ascendere cogebant; in vitro verò altero, quod coarctato erat collo, transitumque habebat ferè obstructum, numerosæ & insignis magnitudinis bullæ inferiori extremo fistucæ vitreæ adhærebant, & inter latera colli & fistucam tantâ copiâ coacervabantur, ut aqua latum digitum supra notam intumesceret. Exteriori tamen aëre readmissò, ad priorem notam, vel paulò inferiùs descendit. Et quamvis dehinc in Ovo bullæ omnes dicto citiùs post admissum aërem externum evanuerint; in altero tamen vitro crebrò ad infimam fistucæ vitreæ partem affixæ adhærebant, & ad horæ spatium, ac ampliùs perseverabant, licèt magnitudine aliquantulum contractiore.

Tertiò. Postquàm vitrum utrumque ultra horas viginti quatuor in Recipiente permansisset, experiri volens num quid novi aëris ab externi aëris suctione in aqua fuisset productum, postquàm internus delitescens aër jam antea in bullas abivisset; & aqua aliquamdiu stagnante, novæ aëris particulæ illis, quæ antea eam deseruerant, successissent; antliam iterum agitari curavit. At Recipiente quantumvis diligenter exhausto, vix tamen una bulla in utroque vitro apparuit de novo. Aquam tamen grani hordeacei latitudine, seu aliquantò altiùs, ulteriùs ascendisse deprehendit in illius vitri collo, cui solida virga vitrea erat immissa; in alterius verò collo nihil prorsus intumuit. Aëre denique rursus intra Recipientem intromissò, in vitro colli angustioris aqua ad notam, quam præ intumescencia sua paulò antea excesserat, perquàm citissimè subsidit.

ANNOTATIO.

Utrum hac ultima aqua subsidentia partibus aqua sese paululum expandentibus, an nondum exclusi penitus aëris rarefactioni imputanda sit, haut facile statui posse asserit Auctor.



CAPUT XXVI.
EXPERIMENTUM XXIV.

Varia Experimenta proximè precedentibus similia in variis liquoribus sumpta.

PAtefacto effectū, quem aëris ambientis extractio in aqua pro-
duxit in precedentibus Experimentis, placuit porro experiri ingeniosissimo Auctori, quānam in aliis liquoribus mutationes, pressione aëris externi similiter amorā, acciderent.

Experimenta varia in variis liquoribus sumpta.

Primò igitur Ovum vitreum, ovo gallinæ Numidicæ aliquantū majus, cui collum longum, & tertiā circiter digiti unius parte, largum, oleo olivarum supra colli medietatem implevit; aliud verò priori simile & æquale, aquā communī. Utrumque simul Recipienti inclusit, ut melius effectum exsuctionis aëris in utrosque liquores simul conferret. Antliā agitātā, longē citiūs bullæ in oleo, quā in aqua se prodiderunt: & postea in priori liquore multò copiosius, quā in posteriori, ascendere fuerunt visæ. Quin & tam agitatore antliæ, quā Auctore spectatore propemodum delassātis, cū cessatum esset, emicabant tamen bullæ, eādē ferme multitudine, quā prius ascenderant; adeo ut nullus ex liquoribus omnibus, quibus antea vel postea Experimentum simile fecit, aëris particulas magis quā oleum subministraverit.

Secundò. Oleum seu spiritum terebinthinæ (utroque enim nomine appellatur) in bullam vitream, gracili collo, infudit, ita ut inde intra digitos duos ad fastigium pertingeret, & Recipienti imposuit. Quo evacuato, bullæ quamplurimæ comparuerunt; quarum multæ ex imo emicantes fundo in ascensu suo se valde expanderunt, liquoremque in collo phialæ eò usque gradatim intumescere fecerunt, ut tandem sæpius summa labra superans deflueret. Intromissō verò aëre externo, resedit oleum.

Tertiò. Experiri cupiens, num salis tartari aquā communī solutio fortissima (cū liquorum omnium, uno dempto Mercurio, maximè ponderosus habeatur) bullas quoque suppeditaret; Ovum vitreum isthoc liquore impletum, unā cum aliis liquoribus Recipienti imposuit. Et comperit, ceteros omnes liquores longē

T

prius,

prius,quàm tartari liquorem, bullas parturiisse. Anthâ deinde diutiùs agitâtâ, notavit, liquorem illum præ omnibus aliis paucissimas, & maximè exiguas bullas protulisse.

Quartò. Spiritum aceti adhibuit, & magnum bullarum numerum deprehendit.

Quintò. In vino rubello, Ovo vitreo incluso, & in Recipiente, modis prædictis examinato, valde notabile quid occurrit. Quamvis enim exsuctione aëris factâ bullæ quasi cateruatim in illo liquore ascenderent, atque in ipso ascensu loca sua invicem commutarent; intumescencia tamen vini agriè percipi poterat, propterea quòd bullæ plerumque, simul ac summitatem vini attingerant, dissiliebant; quamdiu autem in fastigio permanebant integra, spumam quandam subtilem exhibebant, quæ sola in collo altior videbatur, quàm vinum erat, cùm recens imponeretur.

Sextò. Lac in Recipientem immissum, nihil memorabile exhibuit, quàm quòd (fortassis propter oleositatem aliquam in isto liquore) bullæ difficulter disruptæ, & se invicem, ubi ad summitatem conscenderunt, protrudentes in causâ essent, ut major, quàm in aqua communi, appareret liquoris intumescencia.

Septimò. Ova gallinacea in Recipientem demisit, & post factam aëris exsuctionem integra adhuc reperit. Experimentum hoc instituit, ut videret, an in ullo liquorum ovi, aut in aliqua alia spirituofiori ejus substantia inesset notabilis aliqua spira, seu vis elastica, quæ ovi putamen aut membranam dirumperet. Quod olim vi frigoris contigisse notaverat. Nam inter alia Experimenta de frigore facta, disruptit ova, congelatione eorum in conclavi factâ ope mixturæ ex sale & nive: glacies enim, in quam aquosiores ovi particulæ vi frigoris mutatæ fuerant, externas ovi partes ita distenderat, ut exterius ipsius putamen multis in locis fuerit disruptum, salvâ interim tenui illâ membranulâ, quæ ovi liquores intus involvit, eò quòd hæc extendi poterat, & loco cedere.

*Osum si
frigoris
disrumpi-
tur.*

Octavò. Aliquantum spiritus urinæ, non tamen accuratè defæcati, eidem phialæ (priùs lotæ) immisit, cui antea oleum olivarum infuderat. Aliud vitrum basi suâ solummodò (quæ plana erat)

na erat) ab Ovo communi vitreo discrepans, implevit rectificato vini spiritu usque ad duas tertias colli, quod collo Ovi communis latius erat. Ovum aliud vitreum, aquâ communi ad colli medietatem implevit, & ex eodem vini spiritu tantum eidem affudit, donec ad digiti unius altitudinem altius conscenderet. Tres has phialas, notisè regione marginum superiorum contenti cujusque liquoris affixis, Recipienti immisit. Quod quamprimum evacuari cœpit, statim in quolibet trium liquorum bullæ apparuerunt. Mixtura ex spiritu vini cum aqua quamplurimas, præsertim summitatem versus, protrusit. Spiritus urinæ propè ad digiti unius & dimidii altitudinem supra notam intumescere videbatur, bullarumque copiam, unde spuma quædam in superiori ejus parte effecta est, emittere. Supra spumam verò bullæ octo aut decem plus minùs, decenter & ordinatim sibi invicem superpositæ apparebant, quarum unaquæque semidigitalis altitudinis, & latitudinis internæ colli cavitati commensurata, erat, & collum usque ad summitatem replebant. In spiritu vini magna bullarum copiaoriebatur, quàm diu exantlatio Recipientis durabat.

ANNOTATIONES.

I.

Circa bullas, quæ in prædicto Experimento apparuerunt in spiritu vini, notat nonnullas circumstantias Auctor accuratissimus. Nam primò in spiritu vini satis notabili pernecitate ascendebant. Secundò, postquam ad summitatem conscenderant, nullam ibi moram faciebant; & nihilominùs, non obstante raritate & spirituositate liquoris, priusquam dirumpebantur, superiorem ejus superficiem nonnihil efferebant, & ad unum alterumvè momentum tenuem cuticulam efformabant, quæ formâ hemisphericâ supra ceteram ejus superficiem protuberabat. Tertiò, rectâ ascendebant sursum istæ bullæ, cum è contrario bullæ in inferiori parte vasis mixturam aqua & spiritus vini continentis, motu quodam tremulo sursum sese efferrent. Quartò, non solum à certis & determinatis in fundo vitri locis exoriebantur, verùm etiam equali fermè à se invicem servatâ distantia ascendebant, & justo ordine aliæ alias sequebantur.

II. *Aëre in Recipientem parçè intromiſſo, majores illæ bullæ, quas diximus ſupra ſpiritum urina ſibi invicem incubuiſſe, gradatim & ordinatim diminuta fuerunt, donec tandem penitus ſubſiderent: ipſe tamen liquor intra notam priorem minime deſcendit.*

III. *Spiritus vini non ſolum conſpicuè ſe expandebat in vaſis collo, non obſtante ipſius amplitudine; verùm etiam admiſſo iterum aëre externo, expansionem ſuam retinebat ſemidigitali altitudine ſupra notam primò factam, etiam horâ integrâ poſt exantlationem factam elapſâ. Quod phenomenon cauſa fuit, cur Auctoꝝ idem Experimentum recenti ſpiritu vini aſſumpto repeteret denuò. Quo facto, dictus ſpiritus in collo vitri ut priùs intumuit. Et licèt per noctem integram in Recipiente quieviſſet, admiſſo etiam externo aëre; die tamen ſequenti adhuc ut priùs ſerè expaſus erat.*

CAPUT XXVII.

EXPERIMENTUM XXV.

Expansio & gravitas aëris infra aquam exploratur.

I.

Aëris expansio & gravitas infra aquam exploratur. Vide Iconis. IX. Fig. XI.

VOlens experiri industrius Auctoꝝ, quænam foret quoad gravitatem & levitatem differentia inter aërem ſub aqua expaſum, & eundem ante iſtiusmodi expansionem; duas accepit per exiguas phialas, magnitudinis & formæ quam Fig. XI. refert. Harum uni liquoris ponderoſi è Mercurio facti tantam immiſit quantitatem, ut orificio cerâ obturato Vitrum præciſè in aqua ſubſideret. Phialam hanc in amplioris orificii lagenam, è vitro cryſtallino conſectam, quæ aquæ communis ſemilibram continebat, demiſit. Phialam etiam alteram, apertam, & tantâ aquæ quantitate repletam, quâ facilè mergeretur, eidem lagenæ immiſit. Utraque phiala orificiis deorſum ſpectantibus ſubſidebat. Prior aëread tres circiter partes implebatur: poſterior bullam, unam aëris cõtinebat, quæ dimidiatam ciceris magnitudinem adæquabat. His factis, lagena in Recipientem demiſſa fuit, & an-

clia

alia cautè exercita. Eventus fuit, quòd aëris quantitate satis magnâ è Recipiente exhaustâ, bullæ se prodere, ut in prioribus Experimentis, cœperunt: deinde turmatim ab inferioribus aquæ partibus ascenderunt, & in superficie subito fractæ fuerunt: tandem exercitâ diu & constanter antliâ, illa phiala quæ orificio erat aperto, ad aquæ superficiem emerfit, illuc evecta bullarum adminiculo, quæ lateribus ejusdem adhæserant. Natante autem eo modo phialâ, ore scilicet deorsum verso, facile percepit internum aërem in ea se multum dilataste, istâque suâ dilatatione plurimum ad phialæ emersionem contulisse. Nec supernatare desit, etiamsi pleræque bullæ jam disruptæ essent, atque evanuiscent.

II. Cùm perseverasset in exantlatione Recipientis, observavit, quòd quoties clavem in epistomio verteret, aër in minuta illa phiala contentus seipsum manifestè expanderet, & aquam expelleret. Cùmque post crebras atque assiduas aëris è Recipiente exsuctiones, aër qui in phiala erat, ita se dilatastet, ut totam ferè aquam expulisset; phiala orificium suum versùs superficiem aquæ in lagenam convertit, & largam bullam efflavit. Quo factò, in pristinum rursus suæ fluctuationis situm relapsa est.

III. Cùm adhuc in exantlatione perseveraret, ad singulas emboli detractiones aër phialæ inclusus manifestè sese distendit, eò usque, ut novies orificium suum sursum verteret, & bullam ciceris magnitudine efflaret ut antea. Phiala autem illa, cui ponderosus liquor in erat, omnino non movit se sursum.

IV. Cùm ex priori fluctuante phiala nullam ampliùs bullam, vel citissimâ agitatione antliæ posset prolicere, aërem externum paulatim intromisit intra Recipientem. Quo intromisso, aër in phiala in spatium angustius se contraxit, & phiala ad imum lagenæ fundum decidit.

V. Cupiens experiri, num phiala illa cui ponderosus inerat liquor, posset elevari ex aqua lagenæ, per quinque aut sex horas clausum reliquit Recipientem, ac deinde iterum tam tenaciter exercuit antliam, ut non solum primò in parte lagenæ superiori satis magna bullarum copia, minorum tamen quàm primâ vice, sese prodere, verùm etiam deinde ex imo lagenæ promicarent, aliæ cicerum exiguorum magnitudine: quæ continuâ antliæ agi-

tatione numero quadraginta sibi invicem subtequebantur, ex phiala prædictâ obturatâ profectæ; ejus enim orificium non erat adeo exactè obturatum, quin inclusus aër sese per suam spiram distendens exitum non inveniret inter ceram & phialæ labrum. Quo facto, phiala illa obturata denuò fluctuare cœpit, aëre ipsi incluso ita manifestè se dilatante, ut bonam aquæ partem expelleret, non tamen ita ut penitus eam perrumperet. Tandem autem post longissimam exaltationem dicta phiala emerit, sed statim prorsus subsidit.

ANNOTATIO.

NOtat hic Auctor, quòd aqua, quæ in phiala ponderosiori in spatium plusquàm quadraginta bullarum aëris egressarum successit, exiguam valde molem constituit.

CAPUT XXIII.

EXPERIMENTUM XXVI.

Pendulorum vibrationes intra & extra Recipientem examinantur.

Pendulorum vibrationes intra & extra recipientem.

Qui pendulorum vibrationes diligentius examinarunt, observarunt eas, cæteris paribus, tardiùs fieri, & minùs durare, in densiori, quàm in tenuiori medio. Ut igitur experiretur Auctor noster indefessus, num celerius & diutiùs idem pendulum vibraretur in Recipiente evacuato, quàm non evacuato; tale instituit Experimentum.

Orbicularium pendulorum exquisitè politorum par accepit è ferro aut chalybe factorum, & æqualis (quantum ab artifice fieri potuit) magnitudinis, quorum utrumque viginti drachmas minùs totidem granis pendebat. Horum alterum intra Recipientem ex ejus operculo suspendit è filo tenui sericeo, septem digitos & dimidium longo: alterum verò extra Recipientem in aëre libero è simili & æquali filo suspendit. Inclinatâ deinceps Machinâ, & in situm suum restitutâ, effecit, ut pendulum in Recipiente

cipiente huc illuc se moveret, arcusque tam longos describeret, quàm in tam fragilis vasis cavitare tutum fore judicavit. Eodem tempore jussit per adstantium quendam vibrare pendulum, alterum in aëre libero ex filo ejusdem lōgitudinis pendens, ejusque cursum ac recursum numerare, simulque filum nunc adducere, nunc producere, donec tandem vibrationibus suis pari passu cum pendulo Recipiente incluso incedere videretur. His præstitis, aërem è Recipiente accuratè exfluxit, pendulum eidem inclusum, in suas vibrationes concitavit, pendulo alteri motum æquales cum priori arcus describentem procuravit, adstantium alterum recursum penduli in Recipiente suspensi, alterum recursum penduli in aëre libero & longè densiore suspensi numerare jussit. Primâ vice viginti duos recursum inclusum pendulum peregit, dum alterum viginti tantum perageret. Secundâ vice æquali tempore primum viginti unum, secundum viginti absolvit vibrationes.

ANNOTATIONES.

I.

EXigua ergo differentia fuit inter utriusque penduli celeritatem; ideo fortassis, quòd aër è Recipiente non fuit satis accuratè extractus, aut statim inter extrahendum iterum irrupit.

II. Observavit etiam Auctor, idem pendulum in Recipiente non evacuato continuasse vibrationes suas ad minuta horaria quindecim, seu hora quadrantem, antequàm quiesceret: in Recipiente verò evacuato ad totidem fere minuta easdem continuasse.



CAPUT XXIX.
EXPERIMENTUM XXVII.

Sonus in Recipiente evacuato propagatur debilius per medium ad aures adstantium.

I.

*Sonus in
Recipiente
evacuato,*

Horologium exiguum rotatum, quale in oculis, aut è collo suspensum gestare solent magnates, accepit Illustris Auctor; apertâque ejusdem thecâ, ut aër ei inclusus in aërem Recipiente contentum liberiùs transfret, ex filo crassiori in Recipiente suspendit ex unco operculi. Occluso deinde, & lutato more solito vase, vasis lateri aures admovit; sonumque à bilibri horologii factum statim audivit, & quidem viâ rectâ ab horologio ad aures transmissum. Applicuit & operculo aurem, & eundem sonum, audivit, sed modo differenti à priori.

Antliâ deinde paulatim exercitâ, visus est sonus paulatim, decrescere, & fieri debilior, adeo ut vase probè evacuato, neque ipse, neque alii præsentium, auribus quantumvis sedulò Recipientis lateri admotis, sonum intus editum percipere potuerint, quamvis ex motu indicis & bilibris constaret, horologium nec quievisse, nec motum suum insigniter variasse.

Ut autem constaret, absentiâ aëris prope horologium causam fuisse, cur sonus audiri non potuerit, aërem externum per epistomium intromisit intra Recipientem. Quo facto, statim, clavi licet iterum versâ, valvâque obturatâ, sonum à bilibri factum faciliè audivit, tametsi binos quandoque pedes à Recipientis latere distaret.

ANNOTATIO.

I.

Hoc idem Experimentum alio etiam tempore ab Auctore repetitum, eandem planè successum habuit. Ex quo colligit ipse, aërem, si non solum, præcipuum tamen esse medium sonorum.

II. Campanulam accepit, quæ duas circiter uncias baseos suæ diametro æquabat, eamque in media Recipientis cavitate ex incurvato

curvato baculo, qui utroque suo extremo oppositis Recipientis lateribus innitebatur, suspendit. Obturato deinde vase, animadvertit campanulam minùs clarè in Recipiente non evacuato, quàm in aëre libero extrà, sonuisse. Evacuavit deinde more solito vas, & iterum in sonum concitavit campanulam: sed nullam notabilem differentiam in sono deprehendit; quamvis alii adstantes aliquam se notasse assererent.

ANNOTATIONES.

I.

Hinc iterum colligit Auctor, tametsi aër praprium sit soni medium, aliam tamen subtiliorem materiam ejusdem quoque medium esse; vel etiam ambiens aliquod corpus, quod nonnullas aëris particulas includit.

II. Confirmat hoc quod diximus suprà cap. 16. Experiment. 14. ex Auctore de collisione silicis cum chalybe intra evacuatum Recipientem excitata, & foris exaudita.

III. Experiri volebat, an & chorda Instrumenti Musici Recipienti inclusi, extracto aëre concitata contremisceret, si aliud Instrumentum simile cum chorda eodem modo tensa prope Recipientem fortiter percuteretur: sed deprehendit Instrumentum destinatum longius esse, quàm ut Recipienti includi posset. Volebat praterea follem includere eo efformatum modo, quo folles inflandis organis Musico-pneumaticis inservientes, quique loco fistulae ordinariae, per quam aër efflatur & inflatur, haberet fistulam musicam perexiguam, ut experiretur, num si ope funiculi obturaculo operculi Recipientis alligati aperiretur folles, & ope ponderis superpositi clauderetur, sonus per evacuatum vitrum ad aures usque adstantium propagaretur: at opificem qui follem prapararet, ad manum non habuit. Omitto alia, quae in animo habebat.



CAPUT XXX.

EXPERIMENTUM XXVIII.

*Aqua inesse virtutem elasticam, seu dilatativam
sui, qua pressione aëris externi cessante se pro-
dat, confirmatur.*

*Aqua in-
est vis ela-
stica.*

Suprà Cap. 22. probavit Auctor, aquæ inesse virtutem elastiscam, seu expansivam sui, qua se à pressione externi aëris libera dilater. Hoc idem confirmatur sequenti Experimento, quod ad locum citatum spectat.

I. Demisit in Recipientem phialam vitream, sex circiter aut septem unciarum aquæ capacem, ei que infudit ejusdem liquoris duo aut tria cochlearia, & subere obturavit. Evacuato Recipiente, nulla apparuit mutatio in aqua inclusa, quia aër incarcerationis non poterat pellerè ex phiala subereum obturaculum, atque erumpere.

II. Exemptam phialam obturavit minùs arctè quàm priùs, & iterum Recipienti imposuit, atque aërem extraxit. Quo facto, aër internus, qui in phiala erat, per rimas & meatus inter obturamentum & collum phialæ evasit furtivè; quod inde collegit, quia in fundo phialæ apparuerunt bullæ, quæ readmissò in Recipientem externo aëre subsiderunt. Ex quo concludit Auctor, quamdiu fuit phiala arctè obturata, inclusam ibi aquam sustinuisse pressionem ab aëre secum incluso æqualem pressionì totius atmosphæræ: quia donec aëri ex phiala illa patefactus est egressus, nullæ in aqua bullæ sunt visæ, non obstante quòd Recipiens esset evacuatus, & nulla adesset ambientis corporis pressio.

III. Curavit quantitatem aliquam aquæ in Ovo philosophico vitreo hermeticè occludi, & Ovi longo collo minùs denso ac forti alligavit unam extremitatem fili, alteram verò alligavit obturamento operculi Recipientis (de quo suprà Cap. 1. §. 1. numer. 4.) Ovo dein in vas pneumaticum demisso, vaseque evacuato, vertit in gyrum dictum obturamentum, itaque filum

lum Ovi collo alligatum contraxit, ac tandem collum ab Ovo abruptit. Unde postquam aëri Ovo antea incluso facta est egrediendi intra exinaniti vasis capacitatem copia; quasi momento apparuerunt numerosæ, & celeriter in aqua Ovi ascendentes bullæ, adeo ut rapidus earum motus imbrī violento similis videretur, nisi quòd deorsum, sed sursum movebantur guttæ.

ANNOTATIO.

Comparat Auctor hoc phenomenon ei, quod in perlarum solutione in acido aliquo menstruo contigisse vidit; in quod cum perla affatim injicerentur, integra ab imo fundo ad ipsum liquoris fastigium evehebantur. Simile quid vidi sæpe Roma in foro Agonali à quodam Dentifrangibulo, qui ut spectatores alliceret, frustra corallii intra phialam simili liquore plenam injiciebat; qua continuo tumultuatim subsultabant, ac subsidebant.

*Corallii
motu in
aqua fortis*

CAPUT XXXI.

EXPERIMENTUM XXIX.

Causam ascensûs vaporum & fumorum intra aërem, non esse eorum positivam levitatem, sed gravitatem aëris, ostenditur.

Experiri cupiebat Auctor ingeniosissimus, quis aëris effectus esset in exhalationes, vapores, fumos, similiaque corporum, terrestrium effluvia; an scilicet positivæ alicujus levitatis sibi innatæ vi sursum ferrentur per aëra; an verò agitatione suâ semel supra terram elevata, ab aëre sustentarentur, & in ascensu suo adjumentum inde potius, quàm impedimentum sentirent; ad eum modum, quo lignum aquâ levius, si infra aquam prius detentum dimittatur liberum, sursum fertur ab aqua ipsâ impulsus ac sublevatum. Cum enim inferiores atmosphæræ partes superioribus densiores & graviores esse statuatur, existimabat meritò, effluvia ejusmodi motum suum sursum facilius, quàm deorsum, posse continuare, ac postea

*Vapores &
fumi cur
in aëre ad-
scendant.*

propter æqualem sibi in aëre fluiditatem ac densitatem ultro citroque vehi: non secus ac in aqua marina salinæ ejusdem particulæ nè in fundum subsidant, aquearum ope, quibus sunt commistæ, sustentantur.


Cùm itaque frustra hanc rem tentasset ex observato fumorum motu, ab accensis in exhausto Recipiente corporibus prodeuntium; tandem rationem aliam, quâ curiositati suæ laudabili satisfaceret, excogitavit, ope scilicet liquoris cujusdam, quem ante annos aliquot alium in finem præparaverat. Liquor enim ille tametsi magna ex parte è metallis constaret, iisque satis ponderosis; *Liquor mirabilis,* ejus tamen est naturæ, ut quàm diu phiala, quâ continetur, operculo utcumque tenuissimo obturatur, tam vitrum, quàm liquor ipse sint diaphana, uti & superior vitri regio ad quam non pertingit liquor. At quàm primùm evellitur obturamentum, atque aëri extrinseco aperitur aditus; suberei obturamenti pars inferior quæ phialæ immissa fuerat, atque ipse liquor, effluvia emittunt sursum, & circumquaque dispergunt, eaque adeo densa, atque albicantia, ac si extenuissimo pulvere alabastrite in aëre nebula emicaret. Hæc liquoris fumigatio perdurat, donec phiala iterum obturetur. Quo facto, statim effluviolorum ascensus cessat. Reclusâ autem denuo phialâ, denuo renascitur.

Hunc igitur liquorem fumigantem ad id, quod meditabatur, opportunum ratus, phialæ infudit, eamque obturavit subere facile exemptili; phialæ fundo plumbeam laminam satis gravem affixit, nè fortè in subere educendo elevaretur; filii extremum unum alligavit dicto suberi, alterum obturamento operculi Recipientis; phialam Recipienti imposuit; Recipientem diligenter emplatratum evacuavit; tandemque obturamentum subereum, revolvendo operculi Recipientis obturamentum, è phiala extraxit. Et quanquam è vestigio, post extractum suber, apparerent effluvia quædam albida sursum projecta, ac si ab aëre in phiala prius incarcerato, actum demum in Recipientis capacitatem præprope-
rè diffusio processissent: observavit tamen postea, prout expectaverat, effluvia non se sursum tulisse, ac dispersisse, ut in aëre solebant; sed, cùm propter agitata liquoris corpuscula, quæ motum suum in perangusto phialæ spatio continuare non poterant (quo fiebat

fiabat ut aliud alterum inde necessariò expelleret) dicta effluvia ad labrum phialæ ascendissent, non altiùs contendissè, verùm exteriorem phialæ superficiem in descensu suo lambentia ad fundum descendissè, atque inde per longam atque inclinatam plumbi laminam, super qua quiescebat phiala firmata, instar scaturiginis alicujus exiguæ (neque enim crassitie calamus cygneum multum exsuperabat) defluxissè. Scaturigo hæc aliquamdiu duravit; & diutiùs durassèt (ut verisimile est) nisi Auctor, nolens prodigere liquorem, per apertum Recipientis epistomium, externi aëris non parum intromississet. Quo intromisso, observavit postmodum istam scaturiginem de novo profluxissè, minori tamen effluviorum quàm priùs copiâ. Intromisit quantum ingredi poterat aëris, & comperit, non sine admiratione, quòd cessante licèt memorato jam scaturiginis profluvio, nulli tamen, aut à subere, aut ex phiala ipsa albicantes fumi emicarent; imò neque cùm operculum à Recipiente dimoveretur. Paulò pòst tamen non solum albicantes è Recipiente eruperunt fumi, sed & phiala in aperiorem canaculiaèrem derepentèeducta exhalationes albas, ut priùs, emisit. Evulso tandem ad fenestram patulam phialæ obturamento, comperit, eam ipsam, atque etiam suber, adhuc copiosiorum multò fumum emittere; etiamsi multos ante annos liquor fuisset præparatus eo modo, quo in Dialogis de calore & flamma describitur.

ANNOTATIO.

Ex his constat, effluvia in corpore seu medio ambiente ipsis tenuiore, & deorsum ferri posse, sicut liquorum instar fluere. Quare monet Auctor, mirum videri non debere, quòd subinde de atmosphæra quasi de liquore aliquo loquatur, si ad cælestem illam, quæ eam ambit, tenuiorem ac subtiliorem materiam comparetur. Quod & sequenti Experimento confirmat.



CAPUT XXXII. EXPERIMENTUM XXX.

*Fumus variis circumstantiis æmulatur
naturam liquoris.*

*Fumus æ-
mulatur
naturam
liquoris.*

Recipienti exiguo inclusit funis bombardici accensi frustum, atque illic reliquit donec Recipiens fumo repleretur. Extraxit deinde funem, & illicò vas occlusit, ac iuravit, nè fumus elaberetur. Demum quiescere permisit Machinam, ut lentè consideret fumus vitro inclusus. Quo facto, comperit post aliquod temporis intervallum, fumum se in inferiori Recipientis parte sub specio corporis tenebricosi collocasse, relictâ superiori ejus parte perspicuâ, nec alio corpore quàm puro aëre repletâ.

I. Jam ut manifestum fieret, fumum ita collectum æmulari liquores; Machinam nunc in hanc, nunc in illam inclinavit, partem, & observavit, fumum quoque instar liquoris huc atque illuc fluxisse, conservando interim superficiem suam supremam horizontaliter extensam, non obstante vasis inclinatione, non secus ac aqua aut alius quivis liquor fecisset. Si autem citatiori Machinæ agitatione fumus celerius movebatur; is vel undulantis aquæ ritu se ultro citroque vibrabat, vel superficiem exhibebat fluctibus exiguis sibi invicem supervenientibus quasi crispatam: semper interea corpus suum integrum, & ab aëre incumbente distinctum conservans: qui si paululùm quiescere sinebatur, pristinam suam superficiem planam & æquam citò recuperabat. Si clavis epistomii vertebatur modicè, & valvula recludebatur, ut liber fieret, angustus licèt, inter externum aërem & Recipientis cavitatem transitus; fumi illius quiescentis aliqua pars, exiguo quasi fluviolo in subjacentem cylindrum decidebat, & quantitas externi aëris ei proportionata palàm per descendentem fumum in incumbentem aërem ascendebat, eâ ferè ratione, quàm si phialam longæ cervicis, & strictioris, limpidâque aquâ repletam in vitrum vino rubro plenum invertas, vini stricturæ rubræ

bræ ascendunt intra aquam, & aquæ stricturæ albæ vicissim descendunt intra vinum.

II. Notavit & hoc. Cùm fumi superficies plana erat, & horizontaliter intra Recipientem extensa; si ferrum candens prope externum Recipientis latus admovebatur, fumi inclusi pars calefacto lateri vicinior, à calore rarefacta assurgebat in morem columnæ à fumo factæ, ita tamen, ut superficiem suam sibi conservaret distinctam, nec cum aëre confunderetur: infra quem, postquam calor adventitius recesserat, fumea columna statim residebat.

ANNOTATIONES.

I.

EX hoc, & præcedenti Experimento, deducit Auctor, minimè absurdum videri debere (quandoquidem tanta est inter liquores & corpora fluida quoad gravitatem ac levitatem differentia) si de atmosphæra audeat loqui, quasi peculiaris esset liquoris cujusdam tenuis & halituosi species, æthere seu cælesti materiâ gravior, ipso verò vini spiritu levior.

II. Deducit præterea, quòd sicut in superficie fumi agitati apparuerunt quidam fluctus & undulationes; ita tale quid posse nos absque absurditate suspicari contingere superficiei supremæ atmosphære. Atq; huic undulationi & fluctuationi adscribi posse putat phenomenon illud de Sole oriente & occidente tremulo, & circa margines veluti rugoso. Tametsi hoc alii ebullitioni & fluctuationi superficiei solaris tribuant.

CAPUT XXXIII.

EXPERIMENTUM XXI.

Quæ mutua duorum marmorum politorum adhesionis causa sit, Auctor indagare tentavit.

Vulgò notum est, si duo marmora superficiebus exactè politis sibi mutuo superponantur, & superius ad perpendicularum elevetur, sequi & inferius: Si autem hoc nimis grave sit, superius divelli ab eo non posse, si modo dicto elevatio tentetur.

*Marmorea
duæ tabu-
la politæ
cui sibi mu-
tuo adha-
reant.*

tetur. Exemplum dedimus in Mechanica Hydraulico-pneumatica Par. 1. §. 3. ex P. Nicolao Zucchio.

Hujus tam arctæ cohæſionis cauſam, ſaltem probabilem, ab inæquali in inferius marmor aëris preſſione deducere alibi conatus fuit Auctor. *Inferior enim hujus marmoris ſuperficies, (inquit Auctor) cum aëri omnino pateat, premitur ab eo; cum ſuperiore ejusdem ſuperficies, marmori ſuperiori contigua, ejus interventu ab aëris preſſione defendatur. Qui aëris conatus cum lapidem inferiorem ſibi incumbentem ſurſum urgeat, caſum ejus impedit.*

Huic innixus ratiocinio cogitavit Auctor, ſi duo darentur marmora quæ ſuperficies haberent exactè politas, quibus ſibi invicem aptarentur, & Recipiens ſatis evacuaretur; lapidem inferiorem (deficiente jam ſolita & ſuſtentante preſſione) à ſuperiori avulſum caſurum, ſi extrà cohærentes Recipienti intromitterentur, in eoque ſuſpenderentur, & Recipiens evacuaretur. Experimentum tamen non fecit, defectu marmorum adeo exactè politorum, ut ſibi invicem ultra unum aut alterum horæ minutum cohærent, cum ſuſpenderentur.

Tentavit quidem, ut ſibi invicem arctè cohærent ea quæ habebat, politas eorum ſuperficies reſtificato vini ſpiritu humectando; ſed in caſum laboravit. Nam demiſſis in Recipientem, duobus nigricoloris marmoribus, figuræque quadratæ (quorum alterum digitos duos cum tertia digiti parte tam longitudine, quàm latitudine, craſſitie autem digiti ad minimum ſemiſſem æquabat; alterum erat ejusdem in ſuperficie extensionis, ſed craſſitudinis circiter dimidiæ;) poſtquam illa defæcati vini ſpiritu ſimul conjunxiſſet, & marmor craſſius filo ex operculo Recipientis ſuſpendiſſet; comperit exſuctionem aëris ambientis non ſufficere ad ea à ſe invicem ſeparanda, quamvis etiam quatuor unciarum pondus marmori inferiori appendiſſet. Hæc autem veriſimiliter adſcribi poſſe putat Auctor preſſioni aëris non omnino è Recipiente extracti: quæ cum (ut ſuprà cap. 21. Experim. 19. vidimus) impedire potuerit, nè aquæ longitudinis ad minùs pedalis cylindrus ad tubi vitrei fundum ſubſideret; facile ſupponi poteſt eandem preſſionem tam latum marmor, nè decideret, ſuſtentari. Quod & ſequenti Experimento confirmare nititur.

ANNOTATIO.

Spiritus vini superfusum duorum marmorum politorum superficiebus propter subitam ejus à marmore avolationem, non relict à humiditate, nec decepta lavitate, insufficiens quidem est, ut more glutinis ea simul contineat, sufficit tamen ut aërem excludat & prohibeat.

CAPUT XXXIV.

EXPERIMENTUM XXXII.

*Aëris externi pressio violenta in corpora quæ
ambit, comprobatur.*

UT confirmet Auctor, duo corpora se mutuo contingentia, *Aër premit corpus, aër ambit,* posse firmiter coherere propter aëris ambientis pressio-
nem, seu potius quod aër multo potentiùs se infimi corporis inferiori superficie, quàm superiori, imprimat; sequens addit Experimentum, à se aliquando factum.

I. Recipientem modo ordinario obturavit, & aërem parte magnâ exantlavit. II. Recipientem deinde ab antlia dimovit, clauso priùs epistomio; inferiori verò epistomii ramulo turbinatam aëris valvulam ABC obturamenti loco statim intrusit, qualem pars superior Figuræ XII. repræsentat, aptam scilicet quæ angustiori suo extremo A in dicti ramuli cavitatem ingrederetur, inferiori verò & latiori suo extremo BC cavitatis illius orificium impleret. III. Ne quâ per exigua rimularum intervalla inter convexam jam dicti obturamenti superficiem internosque ramuli margines relictâ ingrederetur aër, intervalla dicta emplastro diachylo obstruxit. IV. Valvulæ ostiolo D, E, (ei scilicet ejus parti, quæ ultro citroque mota valvulam aperit & claudit, quæque dum fieret Experimentum hoc, Horizonti perpendicularis erat) ex fibula quadam ænea valvulæ ostiolo infixâ, latam & ponderibus onerandam lancem alligavit. V. His peractis, clavem Epistomii vertit, Recipientemque aperuit: & statim aër externus instar impetuosi

Vide Iconismum
XXXVI.

petuosi torrentis valvulam impulit, eamque, dum se intrudere nitetur, in momento occlusit, & occlusam ita firmiter & tam diu custodivit, donec plura successivè pondera in lancem F immisisset. Tandem verò injecta in lancem pondera atmosphæræ pressionem superarunt, & valvulam à qua pendeat lanx, deorsum trahentia aperuerunt, aërique pleno impetu irruenti locum fecerunt.

Alio tempore cum valvulæ exiguum tantum pondus esset appensum, atque ea, nescio quo casu, infra priorem suum locum aliquantum deducta esset; impetuoso externi aëris irruere nitentis torrente sursum denuo repulsa fuit, illicque detenta.

ANNO TATIO.

NOtat hic Auctor, quòd quamvis in hoc Experimento Recipiens nec admodum exhaustus esset, atque etiam paulatim perflueret, nec valva quam atmosphæra cylindrus premebat, ultra sesquidigitum in diametro haberet; pondus tamen interim suctione sublevatum, vel potius ab aëre sustentatum, decem circiter libras penderit. Adeò ut extra dubium videatur, si Experimentum accuratius fuisset institutum, Recipiensq; exactius evacuatus, aërem per orificium epistomii ingredi nitentem multò gravius pondus sustinuisse.

Ex quo deducit idem Auctor, se in Dissertatone de Fluiditate & Firmitate non temerè vim magnam aëris cylindris attribuisse, qui ab ipsa atmosphæra summitate incipiant, & ab humo resilientes in corpora quæ comprimunt, desinant: quandoquidem in recensito jam experimento tantum pondus tam exili aëris cylindro à terra in valvam resiliente sustentatum fuisse constat.



CAPUT XXXV.

EXPERIMENTUM XXXIII.

*De magna aëris pressione in embolum**antlia pneumatica.*

Quoniam Recipiens ab Illustri Auctore evacuari tam perfecte non potuit, quin & aliquid aëris remaneret intus, & confestim in locum extracti alius subingrederetur; non potuit vires pressionis ab extrinseco aëre exactè deprehendere præcedenti Experimento. Eandem ergo pressionis vim solius Cylindri & emboli subsidio indagare aggressus est in hunc modum.

Aëris pressio iterum stabitur alio experimento.

I. Procuravit ut Embolus intra Cylindrum facile mobilis redderetur, ac sine difficultate sursum ac deorsum ab exantlatore moveretur. Quo obtento, Recipientem à Cylindro amovit, ut superiori ejus orificio aperto manente aër ingredi, & embolo deorsum deducto liberè succedere, descensuique ipsius facile locum dare posset. Quo etiam peracto, embolum ad summmitatem Cylindri impulit, & uni è ferreis emboli dentibus subtus prominentibus tantum ponderis appendit, quantum præcisè sufficeret ad embolum usque ad Cylindri fundum detrahendum, aperto interim superiori Cylindri orificio. Postquàm deprehendit, quantum ponderis ad detrahendum embolum foret necessarium, embolum iterum ad summmitatem Cylindri impulit, ejusque superius orificium accuratè occlusit, nè aër per id efflari aut inflari posset. Deinde priore pondere adhuc relicto suspenso è dente ferreo emboli, lancem eidem denti appendit, & pondera alia tam diu imposuit, donec, reluctante quantum libet atmosphærâ, deduceretur embolus. Pondus deinde lancis, pondera lanci imposta, pondusque antea appensum, in unam summam collegit, eique dixit æquale esse pondus columnæ aëreæ, cujus basis esset æqualis basi emboli, seu cavitati Cylindri, longitudo verò altitudini atmosphæræ commensurata.

II. Hac methodo deprehendit Auctor, pondere plumbeo vi-

ginti octo librarum (quarum quælibet sexdecim constat libris) dentibus emboli affixo, illum lento satis gradu fuisse detractum, ad fundum usque Cylindri, cum superius Cylindri orificium apertum erat; tamen si mixturæ ex olio & aqua adjumento, & frequenti manubrii agitatione, motus emboli in Cylindro de industria factus antea fuisset faciliior.

Hoc comperto, obturavit accuratè & arctè superius Cylindri orificium, uti & valvam, postquam embolus ad Cylindri summitatem fuisset impulsus. Deinde prædictis viginti octo libris addidit alias centum & duodecim libras. Hæ omnes simul cum embolum lentè admodum depresso, sustulit pondus plumbeum viginti octo librarum; & embolo rursus ad summitatem Cylindri relapso, loco ablati ponderis appendit aliud quatuordecim librarum, ita ut in universum 126. libræ ex embolo dependerent. Nec tamen detractus iterum deorsum fuit. Tot ergo libris pondus seu pressionem aëris externi, emboli basi incumbentis atque prementis, æquivalere judicavit.

III. Ut autem constaret, ambientis aëris resistantiam tanti ponderis descensum impedivisse; valvam Cylindri nonnihil aperuit, & statim externo aëre modicè intromisso embolus depressus fuit. Clausâ igitur iterum valvâ, & embolo ope antliæ ad fundum Cylindri depresso, ac ponderibus emboli dentibus affixis; embolus cum affixis ponderibus versus Cylindri fastigium paulatim ascendit, summâ adstantium admiratione, quòd tantum pondus quasi sponte suâ (id est, absque vi aliqua visibili, & suctione, quâ elevaretur) eò usque ascenderet. Et profectò animadvertione dignissima res est, quòd quamvis fortassis particula aliqua aëris in Cylindro post detractum embolum adhuc reliquæ erant, Cylindri atmosphærici pressio, qui diametro suâ vix tres æquabat digitos (latior enim non erat Cylindri pneumatici cavitas, seu pistilli basis, ut suprà cap. I. diximus) potuerit tamen, etiam, non compressio aëre, non modò sustinere, sed & sursum propellere pondus, quod ultra centum libras pendebat. Quippe præter emboli ipsius pondus, quod aliquot pendebat libras, annexa ei pondera centum & tres libras pendebant; præter vectem ferreum, quem duas circiter libras pendens conjecit Auctor.

ANNOTATIONES.

I.

Facetur Auct̃or, methodo hactenus enarratā non exactē cognoscī vim pressivam aëris. Et verē ita est, quia nec Cylindrus fuit omnino & exactē vacuus, nec embolus sine omni impedimento ascendere ac descendere in eo poterat, ideōq; præter pondera embolo appensa, multa alia obstacula à pressione aëris (si ea causa fuit retrusionis & ascensus emboli, quod infrā examinabimus) fuerunt superanda.

II. Notat Auct̃or accuratissimus, Experimentum fuisse institutum in h̃eme, tempestate tamen nec pluvia, nec pruinosā, in novilunio, in loco cuius latitudo Borealis est graduum circiter $51\frac{1}{2}$. Notat autem hoc, quia probabile iudicat (quod ego certum tamen existimo) gravitatem & pressionem aëris secundum diversas anni tempestates, celi temperies, phases Luna, locorum situm, mutari. Proderit ergo, dictum Experimentum variis temporibus & locus instituire, antequam certi aliquid statuatur. Maximum autem momentum in hoc negotio affert Cylindri evacuati, & emboli seu pistilli intrusi amplitudo: quanta enim est horum diameter, tanta est diameter columna atmosphæra, qua embolum premit, atq; intrudit.

III. Facit h̃ic Auct̃or longam Digressionem, disputatq; de natura suctionis, pressionisq;, & vacuo, inquirens num diēta hactenus phenomena odio seu fuga vacui adscribi possint, ac debeant. Sed de hac re nos infrā lib. 4. agemus.

CAPUT XXXVI.

EXPERIMENTUM XXXIV.

In evacuato Recipiente instituitur ponderatio corporum.

Ponderantur corpora in evacuato Recipiente Anglicano.

CONstat ex Hydrostatica, ut diximus 3. Par. Magiæ lib. 5. Syn- tagm. 1. Hypothesi 8. & demonstratur ab Archimede, &

Stevino ibi citatis, corpora solida aquâ graviora, si in aqua ponderentur, leviora esse in aqua quàm in aëre, pondere aquæ magnitudine sibi æqualis. Ex quo sequitur (ut experientia quoque monstrat) quòd duo corpora, quæ in aëre pondere sunt æqualia, mole verò seu magnitudine inæqualia, ut aurum, & ferrum, si in aqua ponderentur, perdant æquilibrium suum, adeoque aurum magis subsidat ferro, quoniam ferrum majoris suæ molis ratione plus aquæ, ut subsidat, detrudere debet, quàm aurum. Ex hujus Experimenti analogia verisimile videbatur ingeniosissimo Auctori, quòd si in Machina sua nondum evacuata æquilibrarent duo corpora, in eadem postmodum evacuata æquilibrarent duo corpora, in eadem postmodum evacuata non æquilibratura. Quare ut id experiretur, sequens instituit Experimentum.

Vide Iconis, IX.
Fig. XII.

Vesica intumescit in Recipiente Anglicano evacuato,

I. Vesicam aëre media ex parte plenam, & collo fortiter obstrictam bilancis exactissimæ (quæ trigèsimâ secundâ parte grani æquilibrium perdebat) lanci uni imposuit; alteri verò lanci pondus metallinum imposuit; & cum bilanx in perfectissimo æquilibrio staret, eam Recipienti immisit, atque ex operculi ipsius unco suspendit. Vix operculum imposuerat Recipienti, cum vesica præponderavit, & bilanx æquilibrium perdidit. Addens igitur nonnihil ponderi metallino, effecit ut bilanx ad illam parumper inclinaret partem, cui dictum pondus erat impositum; Recipientemque emplastro solito, ferri candentis adminiculo obturavit. Non ita multò post, antequàm antlia exerceretur, vesica rursus nonnihil præponderavit. Quamprimùm verò aër exantlari cœpit, vesica seipsam expandit, atque opposito ponderi palam præponderavit, adeo ut lancem suam notabiliter infrâ deprimeret, maximè cum ad summam tumefactionem pervenisset.

Hoc peracto, aërem externum lentè admodum intromisit, & comperit quòd contrahente se vesicâ, lanx cui imposita erat, non solum ad pristinum rediret æquilibrium, sed aliquantum etiam supra alteram lancem elevaretur.

Post modicum temporis intervallum vesica iterum præponderare cœpit, & gradatim per horas aliquot inferiùs continuò subsidere. Et hoc in situ per totam noctem mansit. Causa videtur fuisse, quòd humiditatem aëris, qui valde tunc humidus erat, imbibisset

bisset. Quod inde confirmatur, quòd vesica deinde ad ignem exsiccata, levior fuerit reddita.

II. Aperto Recipiente, bilancem exemptam iterum ad æquilibrium deduxerunt aliis duobus ponderibus impositis, quorum unum è subere, alterum è plumbo erat. Exhausto deinde Recipiente, comperit quòd & post exsuctionem, & post aëris regressum, suber manifestè præponderaret.

Quapropter suberis loco carbonem substituit, qui aëris humiditatem haud faciliè combibit. Eventus tamen prioribus fuit consentaneus. Itaq; memoratum initio hydrostaticum phænomenum non videtur habere locum in aëre. Videtur autem mihi, quòd elater aëris vesicæ inclusi eam depresso in evacuato Recipiente, cessante nimirum resistentiâ aëris extra vesicam.

CAPUT XXXVII.

EXPERIMENTUM XXXV.

Novum siphonis genus, & phænomena mira in eo animadversa.

COMMUNIS persuasio est, ut in Mechanica nostra explicavimus, aquam in siphone inverso, si è crure longiore effluat, ascendere in breviorè ob motum vacui. Voluit Auctor experiri, num causa ascensus aquæ foret pressio aëris externi. Experimenti occasione refert genus novum siphonum.

I. Siphonem ergo vitreum accepit, qualem Figura XIII. exhibet, tribus constantem partibus, sibi mutuò innexis, A B, & C D rectis, & A C curvâ. His bene sibi mutuò copulatis, juncturas A & C accuratè obturavit, nè aër sese insinueret. Crus AB longius altero, habebat strictissimum osculum B capillari tenuitate, ut aqua non nisi lentissimè exstillare posset. Crus C D brevius æqualis undique erat amplitudinis, & osculum D habebat quartâ digiti parte latum in diametro. Integer siphon ex tribus dictis membris compactus, sesquipedali erat longitudine. Hunc inversum aquâ implevit: deinde crus brevius C D ad duos aut tres digitos in vitrum aquâ plenum immerfit: tandem superiorem partem A C è Recipientis operculo suspendit, & intra Recipientem demisit, statimque vas occlusit, & evacuare cœpit.

*Siphonis
novum ge-
nus, & mi-
ra phæno-
mena illi-
us.*

Vide Ico-
nismi I X.
Fig. XIII.

Even-

Eventus fuit, quòd donec fatis magna aëris quantitas deprompta esset, aqua liberè per osculum B exstillaret, planè quasi in aperto aëre Experimentum fieret. Postea autem bullæ se in aqua expandere cœperunt; atque ad ipsam aquæ summitatem conscendentes, illic unitæ, in unam simul fuerunt conflata, aliisque paulatim accedentibus magis magisque dilatata. Hæc autem dilatio secundum proportionem aëris è Recipiente exsucti continuo augebatur. Tandem aqua in breviori crure CD, partim ambientis aëris extractione, partim bullæ majoris in suprema siphonis parte expansione, ad pedalem circiter altitudinem fuit reducta. Unde aquæ effluxus è longiore crure cessavit, & quæ in eo reliqua erat, suspensa hæsit. Externò tamen aëre in Recipientem intromissò, is se in siphonem per exiguum foramen B insinuavit; & incumbentem aquæ cylindrum in specie bullarum pertransiens, se aëri summitatem siphonis jam antea occupantia associavit.

ANNOTATIO.

E hoc, alioque simili ferè Experimento, quod omitto, colligit Auctor, aqua per siphonum crus alterum efflavit ab aëris pressione oriri. Quod an verum sit, infrà suo loco examinabimus.

Genus novum siphonum.

II. Occasione præcedentis siphonis refert Auctor aliud inusitatum & non vulgare siphonis genus, se procurante jam diu antea confectum, & à Viro ingenioso aliis communicatum. Ejus excogitandi occasio hæc fuit. Insignis quidam Mathematicus narraverat aliquando Auctori, curiosos aliquos in Gallia viros observasse, quòd si alterum exilis & perforatitubi vitrei extremum aquæ immergatur, aquam ad aliquam in tubo altitudinem conscendere, etiamsi perpendiculariter ad planam aquæ superficiem suspendatur. Hujus rei ut Experimentum faceret ipsemet Auctor, duos vel tres minutiores vitreos tubos ei obtulit Mathematicus ille. Facto experimento, aqua non nisi ad quartam digiti partem ascendit. Suspensus ergo, ad majorem altitudinem assurrectionem aquam, si exiliores forent tubi; curavit ut eorum non pauci positâ manu ad flammam lampadis prolixius extenderentur. In horum

rum uno valde exili comperit aquam quasi spontaneo motu quinque digitorum mensuram ascendisse magnâ adstantium admiratione. Atque eò usque ascendebat aqua, tubo perpendiculariter erecto. Si inclinabatur, maiorem quidem ejus partem quàm antea, aqua implebat, at non altius ascendebat.

Comperit etiam, quòd quoties interna tubi superficies priùs erat humore aliquo madefacta, aqua multò melius assurgeret, quàm quando sicca erat.

Curavit autem, nè omnes tubi fierent recti, sed nonnulli in modum siphonum incurvi. Horum unius brevioris crure in vitrum aquâ limpida plenum immerso, evenit ut ad ipsius siphonis satis alti summitatem aqua sponte assurgens, efflueret per crus alterum longius, & effluvium suum continuaret.

Circa causam hujus ascensus aquæ, variæ fuerunt doctorum opiniones. Auctor hæret in dubio. Videtur tamen adscribendam pressionem aëris externi. Nam quando parvum illud vas vitreum, cui immersum erat crus brevius siphonis, ita occludebatur, ut quis inde ore suo posset aërem exsugere; aqua in exilem, tubum elata de repente subsidebat.

ANNOTATIO.

Mihi videtur, aërem exili siphone inclusum, & aquâ in vase contentâ, cui immersum erat siphonis crus brevius, refrigeratum, & condensatum, fuisse versus summitatem retractum, ob idq; aquam vasis subsecutam, vel ob metum vacui, vel ob externi aëris aquæ vasculi incumbentis pressionem, vel ob utrumq;. Sed de hac re iterum infra suo loco.

CAPUT XXXVIII.

EXPERIMENTUM XXXVI.

*Aër in Recipiente ponderatur intra
vitream bullam.*

I.

Vitream bullam fieri curavit ad flammam lampadis, magnitudine tur.

*Aër in Re-
cipiente
Anglicano
pondera-
tur.*

rudine & figurâ ovi gallinacci, nisi quòd exiguo tubo cum strictissimo osculo esset instructa. Dictam bullam calefecit; & rarefacto atque expulso magna ex parte aëre, osculum hermeticè sigillavit. Justissimæ deinde bilancis lanci uni imposuit, alteri verò lanci plumbeum pondus æquilibrium faciens adjecit. Demum bilancem Recipienti inclusit, & vas occlusit solito more. Cùm jam bilanx in Recipiente quoque æquilibrata hæreret, antliam exercuit. Vix duabus aut tribus exsuctionibus factis, bilanx æquilibrium suum perdidit, & lanx cum ovo descendit, idque eò magis, quò magis Recipiens exhauriebatur. Cessante exantlatione, & aëre externo sensim irrupente intra vas, sensim bilanx æquilibrium suum recuperabat. Quo facto, bilancem è Recipiente iterum deprompsit, & tribus quartis grani unius partibus lanci, in qua plumbum erat, injectis, simul omnia, ut prius, vasi immisit, vas occlusit, aërem exhaustit. Eo exhausto, observavit quòd quantò magis aër exugebatur, tantò vitrea bulla propius ad æquilibrium cum adverso pondere accederet, usque dum tandem bilanx ad horizontalem rursus situm deducta est: ad quem tamen situm (ut ex alio Experimento comprobavit) eam deducere non potuit quartâ grani parte ei lanci adjectâ, cui plumbum insidebat.

His peractis, bullam è Recipiente iterum deprompsit, tubulum exilem hermeticè antea sigillatum aperuit, aërem intromisit, aëre plenam Recipienti iterum immisit, aërem de more è Recipiente extraxit; & comperit, bullam plumbo alteri lanci imposito non ut antea præponderasse. Hinc colligit, clarum esse, hujus suæ Machinæ ope ut alia vulgò corpora, aërem quoque ad bilancem, expendi posse, idque in naturali atque usitata consistentia, & nequaquam condensatum.

Loco prædictæ bullæ, vesicam agninam aëre semiplenam, & collo obligatam, lanci imposuit, & clauso Recipiente aërem extraxit; comperitque quòd licet ad exsuctionem aëris incarcerationis intra vesicam aër ita se expanderat, ut vesicam parè rumperet; hic tamen adeo rarefactus aër lancem manifestè deprimeret.

II. Cùm aliquando bulla vitrea prædicta esset Recipienti inclusa, & antlia diutius ac vehementius agitaretur, ut melius constaret quid in hoc Experimento à mediis tenuitate expectandum es-

set;

set; contigit ut aër bullæ incarcerationis ac rarefactus, ipsam perfringeret, & grandius fragmentum lateribus Recipientis illideret, tanto cum impetu, ut multa in frustilla comminueretur.

ANNOTATIO.

Ex hoc colligit Auctor, quàm densa & arcta textura sit vitrum, cum tenuissima dicta bulla cuticula adeo fuerit aëri rarefacto ac dilatato impenetrabilis, ut is per poros vitri elabi non potuerit, sed coactus fuerit diffractâ vitri compage exitum querere, non obstante longo satis temporis spatio ad elabendum per poros.

Inquirit hîc Auctor, an vitrum poros habeat, & liquores inclusos aliquando transmittat. Sed ea de re infrâ suo loco differemus.

Varia alia Experimenta de modo aëris pondus examinandi, & proportionem inter gravitatem aëris, aquæ, & hydrargyri inveniendi, de quibus fusè hîc Auctor, omitto. Aliqua tamen infrâ suo loco referam.


CAPUT XXXIX.

EXPERIMENTUM XXXVII.

Lux subita aliquando in evacuato Recipiente apparet.

Multus est hoc loco Auctor in enarrando quodam phænomeno, quod subinde in evacuato Recipiente, tum majore, tum minore apparuit, lux videlicet subita, quæ tamen fulguris instar statim disparuit. Nec tamen omni tempore comparuit, nec aliis eandem videre cupientibus ostendere potuit. Inquirit nihilominus ejus rei causam. Et postquàm multa dixit, adhuc dubius hæret. Consultius ergo judicavi, totum Experimentum, utpote non magni momenti, silentio involvere.

*Lux subita
aliquando
apparet in
Recipiente
Anglicano.*



CAPUT XL. EXPERIMENTUM XXXVIII.

Aqua intra evacuatam Recipientem congelatur.

*Aqua in-
tra eba-
cuatam Re-
cipientem
Anglica-
num conge-
latur.*

ACcepit vas vitreum, in summitate apertum, cui nivis & communis salis mixturam immisit. In hujus mixturæ medio vitrum formâ cylindricâ collocavit, inferiori extremo accuratè emplastro concluso, superiore verò aperto relicto; per quod & aquâ communi vitrum complevit. Hæc simul omnia in Recipientem demisit, & antiâ exercitâ aërem extraxit. Statim nix liquefieri cœpit. Aëre post continuatam minori quàm quartæ unius horæ partis spatio exantlationem utcunque exhausto, aqua prope vitrei cylindri fundum congelari, glaciesque post aliquam moram augeri cœpit, & aliquantulum supra ambientis liquoris, in quem tota ferè nix & sal resoluta fuerant, superficiem ascendere.

Exempto tandem vitro è Recipiente, deprehendit, glaciei densitatem internam vitrei cylindri cavitatem adæquasse, tamen si tantæ esset amplitudinis, & pollicem intrusum caperet. Superior glaciei superficies concava erat. Glacies luci opposita, non sine bullis apparebat. Simile Experimentum alio quoque tempore in minori Recipiente, eodem successu, fecit.

ANNOTATIO.

Proponit hic Auctor questionem, cur aqua congelata disrumpat vasa, non solum vitrea ac fragilia, sed etiam marmorea ac fortissima? Questionem relinquit insolutam. Si enim dicatur, aquam dilatari; quarit, cur frigus in Thermometris eam constringat, & non dilatet? Hac de re nos alibi.



CAPUT XLI.

EXPERIMENTUM XXXIX.

*Aqua in thermometro Recipienti immisso subsidit,
aëre è Recipiente extracto.*

A Ccepit vitrum ovale perspicuum, & aliquâ crassitie, nè dissolueret, brevique ad obtusius extremum collo instructum, uti in Figura XIV. apparet. Per hoc collum, ad imum propè fundum, intrusit vitreum tubum, collo vitri accuratè cæmentatum. Hujus tubi pars superior è tenui constabat vitro, ut aëris in vitreo ovo mutationes clariùs apparerent. Ovo infudit quinque vel sex cochlearia aquæ: cujus pars aliqua (inflato in ovum aëre) ad prædictam tenuiorem tubi partem ascendit, adeo ut aqua inter externum aërem, qui tubi partem superiorem occupabat, & illum qui in ovo inclusus erat, interponeretur. Hoc Thermometrum (sic enim appellare licet) minores alicujus Recipientis cavitati ita inclusit, ut superior ac tenuior tantùm tubi pars ad altitudinem, quatuor vel quinque pollicum foramen in operculo Recipientis factum pertransiens, aperto aëri exposita esset.

Thermometri in Recipiente Anglicana no Phenomena. Vide Iconis, IX. Fig. XI V.

Lutato Recipiente, & exercitâ antliâ, statim ab aëris exsuctione aqua in tubo ad quartam digiti partem descendit; idque non semel, sed bis terve Experimento repetito contigit.

Ex quo rectè arguitur, nullum calorem in Recipiente ab aëris exsuctione produci, alioquin aqua ascendisset, sicut contingebat, quando repida manus Recipienti applicabatur. Nec etiam dici potest, frigus fuisse in eodem Recipiente ab exantlatione productum.

Cur igitur aqua in tubo subsidit? Respondet Auctor, id ab expanso & dilatato vitreo ovo probabiliter provenisse, quòd exsucto ambiente aëre non potuerit, uti priùs, pressionis aëris inclusi resistere. Confirmat hoc Experimento, quod cap. 38. retulimus, ubi vitrum ob aëris inclusi dilatationem fuit fractum. Item, ex eo, quòd cum aëre interno ex Recipiente exsucto aqua subsidisset, ut dictum, in tubo, externo aëre rursus intro missò ea repente ad pristinam suam altitudinem ascendit.

ANNOTATIO.

Mihi probabilius videtur, collum ovi vitrei non fuisse bene lutatum, ideo ex fucto aëre è Recipiente extractum quoque fuisse aërem ex ovo, & in ejus locum successisse aquam è tubo descendantem. Probabile etiam est, tenuissimas aliquas vel aëris, vel atheris particulas, per poros dicti ovi vitrei (habet enim & vitrum suos poros) transpirasse, & in earum locum successisse aquam subsidentem. Unde si exantlatio diutius durasset, sine dubio aqua in tubo magis subsedisset.

CAPUT XLII.

EXPERIMENTUM XL.


Musca, Apis, Papilio, examen subeunt in Recipiente evacuato.

*Animal-
culorum
phanome-
na in Reci-
piente An-
glicano.*

EXperiri volebat Auctor, num parva volatilia in evacuato Recipiente, inque tam tenui medio, volare possent, & vivere. Primò itaque magnam inclusit muscam parvo Recipiente; quæ post aliquot exsuctiones, è latere interno vitri, cui obambulabat, decidit.

Secundò inclusit apem, & fasciculum florum, magno Recipienti. Circumvolitavit apis intra cavitatem vitri, & tandem floribus infedit. Cùm aërem exhaurire cœpisset, perstitit quidem aliquamdiu in floribus apis, paulò tamen post non avolavit, sed decidit.

Tertiò inclusit papilionem album parvo Recipienti. Qui etsi primùm ultrò citròque volitasset, exsuctione tamen factà, quasi languens decidit, nullo nisi alarum tremulo motu retento.



CAPUT XLIII.
EXPERIMENTUM XLI.

*Alauda, Passer, Mus, in Recipiente evacuato
expirant.*

EXperiri quoque volens Auctor, num majora & validiora animalia in evacuato Recipiente respirare ac vivere possent; Primò inclusit alaudam, alâ alterâ ab aucupe, quem in eum finem miserat ad avem quampiam capiendam, vulneratam quidem, vegetam tamen & alacrem. Hæc Recipienti inclusa, altè admodum aliquoties in illo exiliit. Vase igitur multâ celeritate & diligentia occluso, antliam sedulò exercuit. Avis aliquamdiu satis vivida constitit: ad pleniorē tamen aëris exsuctionem languescere cœpit, & non ita multò post violentis & enormibus convulsionibus affici: unde bis ter vè se præcipitavit, dein pectore resupino, capite deorsum inclinato, contortoque collo expiravit. Totum hoc contigit spatio decem minutorum horariorum.

*Animal-
culorum
aliorum
phenome-
na in Reci-
piente An-
glicano.*

Secundò immisit passerem visco captum, & omnino illæsum, ac vegetum. Hic inclusus, ad vasis summitatem propè raptim, profiliit. Agitatâ antliâ, intra septem minuta expirassee videbatur. Sed clave epistomii celeriter reversâ, & novo aëre intro-misso, cœpit sensim reviviscere, adeo ut post unam & alteram palpitationem oculos aperiret, pedibus insisteret, & post horæ circiter quadrantem ad summitatem vitri, pro liberioris aëris ingressu aperti niteretur. Recipiente verò secundâ vice occluso, intra quinque minuta à prima antliæ exercitatione, violentis convulsionibus enectus, occubuit.

Tertiò murem immisit jam tum in muscipula captum. Quo altè admodum in Recipiente exsiliante, operculum adglutinavit. Quamvis autem post exercitam aliquamdiu antliam, continuò sursum solito de more exsiliiret, non tamen diu post languere cœpit, & vertigine affectus collabascere. Quocirca reversâ raptim clave epistomii, recentem intromisit aërem intra vas. Quo facto, sensum recuperavit, & pedum usum, debilis tamen permansit. aliquam-

aliquamdiu; tandem revalescens pristino more exsiliit. Antliam deinde per octo minuta exercuit. Circa medium istius temporis pauxillum aëris casu quodam per epistomium irrepsit; & dehinc post duo circiter minuta mus alacriter satis exsiliit: quamvis deinde post duo ulterius minuta exanimis caderet, sed minutionibus aliquantò convulsionibus quàm aves.

ANNOTATIO.

UT ostenderet Auctor, dicta animalia defectu aëris ad respirandum apti interisse, alium murem quàm potuit arctè Recipienti inclusit. Vixit ibi ultra tres horas partes, diutiusque vixisset, nisi firogante amico interim adventante antliam agitasset. Quo facto, mus intra decem minuta, praviâ convulsione, cujus vi bis terve in aerem projectus fuit, exspiravit.

Alio tempore murem famelicum, per totam noctem Recipienti inclusit; & ut certò constaret, probè occlusum esse Recipientem, nonnihil aëris exhausit: & cum nullam manifestam rimulam percepisset, aërem per epistomium iterum intromisit, nè illius defectus animalculo officeret. Machinam totâ nocte prope ignem reliquit, nè à violento pruinosâ noctis frigore interiret. Proximo manè non tantùm vivebat mus, sed omnem propè caseum, quem simul cum illo incluse rat, devoraverat. Atq; ita ultra duodecim horas vivum conservatum, tandem exsuctione aëris languere fecit, & quasi intumescere: & intromisso dein aëre ad pristinum vigorem repente revocavit.

Subjungit hîc longissimam de respirationis natura Digressionem Auctor; quam omitto.

CAPUT XLIV.

EXPERIMENTUM XLII.

Corrosivorum liquorum efficacia in evacuato Recipiente examinatur.

*Liquores
corrosivi
in Recipientem
Angli-
cane exa-
minantur.*

Suspensus Auctor, corrodentium liquorum in dissolvendis corporibus actionem, gravitatione vel pressione incumbentis aëris, & ipsius gravitatis amotione, plurimùm variari posse; sequens

quens instituit Experimentum. Integra accepit rubri coralli fragmenta, quæ in tantam spiritus aceti quantitatem injecit, ut **is** pollicari altitudine super illa nataret. Hujusmodi substantias elegit, nè ebullitio ad solutionem magna foret, adeoque operatio diutius peristeret.

Decem igitur circiter corallii frustillis unà cum dicto menstruo in phialam longi colli immisissis, cujus vix tertiam partem, implebant, phialam istam parvo Recipienti, sextarium aquæ capienti, immisit, & liquorem immotum aliquamdiu reliquit, ut videret, num menstruum alio quàm priùs modo in corallium ageret. Cùm notasset, ascendisset tantum, ut priùs, aliquam bullarum copiam, quæ nullam sensibilem spumam in superficie destillati aceti commoverent; unam aut alteram aëris exsuctionem fecit. Ad quas adeo numerosæ à corallio bullæ emerferunt, ut totum menstrui corpus dealbarint, breviq; postea spuma, æquâ cum toto reliquo liquore magnitudine, super eo natate visa fuerit, menstruumq; ad instar exæstuantis aheni ebullire planè in vitro videretur.

Et etiam si, si vel unicum minutum cessaret antlia, spumæ & ebullitionis decrementum ingressum aliquantilli aëris externi per rimam aliquam, arguere visum fuerit, amotionem pressionis externi aëris fuisse causam istius effervescentiæ; tamen ut hoc evidentiùs pateret, invertit clavem epistomii, & externum aërem intro misit intra vas. Ad cujus introitum spuma prorsus, & tot bullæ intra corpus liquoris evanuerunt, ut alborem amiserit: perspicuumq; rursum fuit, menstruum æquè languidè ac antequàm in Recipientem immitteretur, in corallium agere. At aër rursum deinceps exhausto, primùm denuò apparuit albedo; deinde ebullitio renovata fuit, & antliâ aliquantò diutius & celerius exercitâ adeo adaucta, ut ter vel quater successivè, quando aër ex Recipiente in evacuatum Cylindrum introiit, spumeus liquor sursum, ascendens ex orificio vitri profluxerit, & per ipsius latera deciderit. Aëre tamen readmisso, effervescens liquor deferbuit prorsus, & perinde ac priùs perspicuum se exhibuit, quasi ipsius in corallium operatio exsuctione incumbentis aëris revera facilitaretur.

ANNOTATIO.

NE quis suspicaretur, vastas illas & numerosas bullas ortum habuisse, non à menstrui in corallium actione, sed ex subita particularum aëris emersione, qua liquoribus immista esse soleant; distillatum acetum solum immisit Auctor in Recipientem, ibique aliquamdiu conservavit, ut à bullis (quæ tenues admodum fuerunt) liberaretur, antequàm corallium in illud immitteret.

Ne quis itidem suspicaretur, agitationem liquoris ob machinæ concussionem, ejusdem ebullitionis causam fuisse; machinam concussit sine aëris extractione, sed nullam notabilem mutationem in liquore, aut in ipsius in corallium operationeprehendit.

CAPUT XLV.

EXPERIMENTUM XLIII.

Liquores tepidi in evacuato Recipiente sponte ebulliunt.

I.

*Liquores
tepidi in
Recipiente
Anglicano
evacuato
ebulliunt.*

AQuam aliquamdiu bulliendo effervesce fecit accuratissimus Auctor, ut eam per calorem à latente aëre liberarer, quem in communi aqua latere dubium non est. Vitream deinde phialam quatuor propè unciarum aquæ capacem, propemodum implevit, & parvo Recipienti libræ aquæ capaci immisit, cum adhuc tepida esset; operculoque superlutato aërem exhaustit. Ad primas duas suctiones nihil mutatus fuit liquor; nec tertia etiam suctio multò plus effecit; ad quartam tamen & reliquas deinceps aqua in phiala ebullire visa est, quasi vehementi igni admota fuisset, adeoque, ut summitatem phialæ supergressa aqua efflueret, & aliquamdiu effervescens permaneret.

Profecutus deinde ulterius hoc Experimentum, observavit quòd aliquando post primam ebullitionem multas aëris exsuctiones iterare fuerit coactus, antequàm liquor rursus ebulliret: aliis autem temporibus quòd quotiescunque clavis epistomii, ut aër ex Recipiente in Cylindrum transiret, inverteretur, recrudesceret effervescencia.

ANNO

ANNOTATIO.

HOc phenomenon arguere ait Auctor, aqua ebullitionem inde fuisse ortam, quòd remotà aëris incumbentis pressione, vel ignea corpuscula, vel potius vapores per calorem in aqua excitati & agitati (quos elastica virtutis capaces esse adstruit) plurimum semet in evacuato Recipiente expandere permetterentur, & tumultuosà suà dilatatione superiorem aqua partem elevare, & in bullas mutare. Aliis etiam circumstantiis id ipsum confirmat; quas omitto.

II. Hoc idem Experimentum in oleo communi fecit Auctor, liquore videlicet multò tenaciore, quique vehementiorem, postulat ignem ut effervescat; nec tamen ad ullam effervescentiam in Recipiente suo adduci potuit.

III. Fecit & id chymico terebinthi oleo, magis tenui & volatili: quod derepentè ebullivit, usque dum pristinam altitudinem quater vel quinquies attigerit in phiala, in cujus fundo requieverat, ebullitionemque continuavit, donec ad tepore, n. propè reduceretur.

IV. Vinum quoque, cum tenuior sit & magis spirituosus liquor, quàm aqua, vice olei calidum immisit. Ad primam exsuctionem (nisi memoria fallat) adeo vehementer ebullire cœpit, ut brevi tempore quo antliam exercuit, quatuor vel quinque ejus partes ex phiala exundarint, & defluerint, quamvis ea satis longo collo esset exposita. Qua occasione addit, etiam aquæ partem propè dimidiam in Recipientem aliquando ebullivisse, antequam ad tepiditatem redigeretur. Fuitque observatu dignum, quodam tempore aëre exhausto, liquorem ad unicam exsuctionem bullis ad miraculum vastitatem diu efferbuisset, ut precem prope Dominicam inter illius ebulliendi tempus recitare potuerit.

ANNOTATIO.

AB Experimento hoc sæpius iterato, & ut plurimum cum successu, conjecturam facit Auctor, aëris pressionem pluribus phenomenon occasionem dare. Hinc enim docemur, aërem pro fortiori vel debiliore pressione plurimum posse modificare multas operationes vehementis tumultuosæque agitationis parvarum in corporibus particularum; in qua natura caloris præcipuè, si non omnino, videtur

(air) consistere : adeo ut si calefactum corpus supra atmosphæram extolleretur, verisimile sit calorem aliam habiturum operationem quoad potentiam ad partes dissipandas.

EPILOGUS LIBRI.

PRæter enumerata de aëre Experimenta, quæ Auctor solertissimus novâ suâ Machinâ pneumatica instituit, multa alia habebat, quæ eidem Tractatui adjicere cogitabat ; sed impedimenta varia, & variorum negotiorum interpellatio solum abrumpere coëgerunt. Habebat & alia quæ secundæ Classis Experimenta appellare cogitabat, eidemq; Opusculo adnectere ; sed eadem impedimenta remoram injecerunt. Quamprimum præsens Opusculum, Latinitate in Angliâ donatum, & à Nobilissimo Viro Dn. Philippo Ernesto Vegilino de Claerbergen mihi transmissum è Belgio accipi ; litteras dedi ad Illustræm Auctorem Dn. Robertum Boyle, rogaviq; ut in editionem novam, quam adornare, antequàm de Hollandica mihi constaret, cogitaveram, consentiret ; & si quid residui aut novi haberet, communicare dignaretur. Litteras in Angliam misit dictus Dominus Vegilinus, sed præter salutem humanissimam responsum hætenus aliud ex Angliâ non habui. Ubi habuero,

&

*Et scitu dignum quid nactus fuero, publicare non detrectabo. Plura alia Opuscula in lucem emisit, sed Anglico idiomate, Illustris Auctor, sedulâ observatione, Et saepe repetitis Experimentis parta; quæ omnia liberalissimè obtulit dictus Litterarum ac Litteratorum Fautor Dominus Vegili-
nus. Quæ si nactus fuero, communicabo. In-
terim, Lector, hoc nostro labore frue-
re, Et Vale.*





LIBER TERTIUS.
MIRABILIA VARIA,

Sive

EXPERIMENTA PNEVMA-
TICA, ITALICA, GALLICA, ET ALIA.
PROOEMIUM.



T non rarò Urbes magnificentissimæ à vilibus casulis, Monarchiæ florentissimæ à levibus successibus exordium sumpsêre; ita Artes nobilissimæ, utilissimæ atque ingeniosissimæ Inventiones, stupendissima Opera, non nisi levissima persæpe agnoscunt exordia, & quotidiana, nullis tamen antea observata experimenta. Arti Typographicæ, (qua vix mirabilius simul atque utilius quidquam Orbis habet) initium dedit pastorum observatio, dum lapidi incisorum characterum notas caligis infidentium impressas notârunt. Nauticam, quâ Continentes Continentibus ac Insulis, Regna conjunguntur toto Oceano abruptis Regnis; quâ Evangelium Christi importatur Barbaris, Barbarorum opes expor-

exportantur Europæis ; peperit piscium in mari, avium in aëre observatum remigium ; & lingulæ chalybeæ ad magnetem affrictæ, ac pyxidi inclusæ constans ad polos Telluris conversio , & varia variis in locis Chalyboclisis, ab indoctis primùm, solertibus tamen nautis usu quotidiano deprehensa. Non nobiliora agnoscunt exordia Artes aliæ, atque Scientiæ, ut Statica, Hydrostatica, Bombardaria, Architectonica, aliæque innumeræ.

Pneumatica seu Aërotechnica Scientia, ab antiquissimis jam temporibus nota, atque usitata, innumeros hæctenus, nec minùs admirandos aëris ac spiritus ope, per varias & artificio summo constructas machinas, produxit effectus, in quibus & Naturæ, & Artis, Artificumque elucet ingenium, pompa, atque majestas. At nondum ad summum pervenit gradum ; non eò usque pertigit, ut plùs ultra progredi nequeat. Ingens adhuc fulcandum restat mare ; campus immensus, quò excurrat. Exemplo sunt stupenda, quæ prioribus duobus Libris attexuimus, Opera, aëreæ gravitatis ac pressionis, majoribus nostris incognitæ, parta subsidio. Majora expectamus, si Viri ingeniosi atque industrii repertam non sine labore, & commonstratam calcabunt viam. Sed hæc

hæc tam mira technasmata, quæ Viri ingeniosissimi, Dn. Otto Gericke, & Dn. Robertus Boyle exhibuerunt hæctenus, ut alia omnia Opera stupenda atque magnifica, levissima habuere principia, exilia inquam Experimenta, variis locis ac temporibus, à Viris ingeniosis quidem, sed non magno admodum (initio saltem, & antequàm inventis plura sunt addita) ingenio, casu potius, quàm certo consilio adinventata. Hoc ut constat omnibus, simulque ut nè pereant variis, & ut plurimum exilibus sparsa libellis tantorum Operum semina, in unum hîc colligam quotquot reperero ad aërem & Aërotechnicam pertinentia Experimenta, in Italia, Gallia, aliisque quibuscunque locis, & à quibuscunque aut excogitata, aut libris consignata. Laborem ridebunt fortassis atque despicient coætanei, at laudabunt posteri. Sinechi; nil moror, dummodò prosim: quod unicè, post DEI in Naturæ & Artis operibus mirabilis gloriam, intendo.







CAPUT I.

EXPERIMENTUM I.

Hydrargyrius intra fistulam vitream, perpendiculariter supra hydrargyrum alium erectam, suspensus heret.

§. I. *Qui Auctores de hoc Experimento scripserint.*

EXperimentum hydrargyri, seu argenti vivi, intra vitream fistulam perpendiculariter supra hydrargyrum alium erectam suspensi ad certam aliquam altitudinem, non multis abhinc annis sive in Italia ab Evangelista Torricello, insigni Hetruriæ Ducis Mathematico, ut ego cum multis existimo; sive in Polonia à Valeriano Magno Capucino, ut ipse de se scribit, repertum, multorum ingenia excitavit & calamos, ut effectû tam mirabilis causam indagarent, & scriptis opiniones suas consignarent, ut in Mechanica quoque Hydraulico-pneumatica Par. 2. Classe I. Cap. 6. Machina *Hydrargyri intra fistulam erectam suspensi experimentum,* 6. & in 3. Parte Magiæ Natural. Lib. 7. Syntagm. 1. Cap. 4. scripsi. *De illo quæ scripserint,* Præcipui quos legi, & citatis locis recensui, sunt *P. Valerianus Magnus* Capucinus in Demonstratione Oculari de Vacuo, *P. Athanasius Kircherus* lib. 1. Musurgia cap. 6. *P. Nicolaus Zucchi* in Nova de Machinis Philosophia, Par. 4. *P. Paulus Casatus*, olim in Romano Collegio Matheseos Professor & Collega, in Libello de Vacuo, *Marinus Mersennus* in Reflexionibus Physico-Mathemat. cap. 4. & 25. *P. Honoratus Fabry* in Appendice de Vacuo ad suam Philosophiam, *Emanuel Magnanus* in Philosophia Naturæ Cap. 20. Proposit. 9. *Georgius Philippus Harstofferus*, Patritius & Consul Norimbergensis, in Deliciis Physico-Mathem. tom. 1. part. 12. q. 2. & to. 2. par. 8. quæst. 13. *Theologi Varsavienses* apud Valerianum Magnum loc. cit. *Dn. de Robervall* in epistola ad Nobilem Virum de Noyen, Dn. de Paschal. *David Lipsorpius* Lubecensis in Specimin. Philosophiæ Cartesianæ Par. 3. cap. 2. circa finem, *Chytræus* Professor Philosophiæ Lipsiæ in Opusculo de Vacuo, *P. Melchior Cornæus* in Curriculo Philosophiæ Disput. de Vacuo, *aliique*

aliique Recentiores Philosophi passim in suis de Vacuo Disputationibus, & novissimè Doct. *Antonius Deusingius* in Dissertat. de Vacuo, & Illustris *Robertus Boyle* in Experimentis novis Anglicanis.

§. II. Experimentum quomodo fiat.

*Experimentum
quomodo
fiat.*

Vide Iconismum
X.

Experimentum porrò fit hac ratione. I. Accipiunt vas fictile, aut alterius materiæ, oris ac fundi latiusculi, quale est S T V X in appposita Figura; illudque hydrargyro seu argento vivo (Mercurium Chymici appellant) aliquò usque implent à fundo ad altitudinem circiter quinque aut sex digitorum transversorum, v. g. ab V A usque ad lineam M N: Mercurio verò superaffundunt aquam communem limpidam ad totidem digitorum altitudinem circiter, v. g. ab M N usque ad K L. Hoc tamen ultimum non est omnino necessarium, sed solum fit ad meliùs arcendum ingressum aëris intra fistulam in qua Mercurius est, ut dicetur.

II. Accipiunt unam, duas, tres, quatuor, aut quotquot libuerit, fistulas vitreas, diversæ longitudinis, capacitatis, figuræ; quarum extremitas una vel protuberet in sphaeram concavam quantæcunque capacitatis, ut apparet in D Q; vel clausa sit hermetico sigillo, hoc est, vitro liquato, aut certè (quod sufficere ajunt) vesicæ suillæ segmento optimè circumligato, & glutine expice & resina lutato, ut apparet in reliquis fistulisejusdem figuræ; altera verò extremitas sit aperta. In appposita figura extremitates H, F, E, D, C, B, A, sunt clausæ, reliquæ sunt apertæ.

Omnium brevissima (qualis in appposita Fig. est C P.) non debet esse brevior quàm trium palmorum, & novem circiter digitorum (qualium in palmo uno continentur duodecim;) reliquæ possunt habere in longitudine palmos quatuor, quinque, sex, novem &c. ad placitum.

III. Has fistulas invertunt, ut extremitates G, R, Q, P, O, N, I, cœlum respiciant; & omnes implent argento vivo usque ad summum. Debet autem paulatim infundi argentum vivum, ut aër ex fistulis elabatur, & non permisceatur cum liquore infuso. Mox dictas extremitates apertas obturant digito, iterumque invertunt,

ut

ut extremitates clausæ sint sursum, apertæ atque obturatæ deorsum.

I V. Obturatas digito extremitates immergunt infra aquam, & infra Mercurium in vase S T V X contentum, usque ad fundum V X : ac tum amovent digitum, & permittunt ut apertæ quidem, fistularum extremitates fundo vasis ex parte insistant (ita videlicet ut effluere Mercurius possit) clausæ verò atque hermeticè sigillatæ extremitates sursum respiciant, totæque fistulæ sint perpendiculariter erectæ, ac vel manu, vel fulcro aliquo idoneo ad id ipsum disposito sustentatæ, ut in Figura apparet.

ANNO TATIO.

AD Experimenti substantiam sufficit una ex dictis fistulis, dummodò longior sit quàm C P, hoc est, superet tres palmos cum novem digitis: sed ad omnia phenomena quæ recensabo, visuperficienda, requiruntur plures cum dictis conditionibus, nempe aliæ aliis longiores, capacioresq; & diversarum formarum.

§. III. Quæ Phenomena in hoc Experimento sint hæcenus notata.

Phænomena porrò præcipua, quæ hæcenus à diversis, variis in locis ac temporibus notata fuere, sunt sequentia; quæ etiam in Magia 3. Part. lib. 7. Syntagm. 1. Cap. 4. §. 1. recensui.

*Experi-
menti Pha-
nomina
Varia.*

I. Statim ac digitus ab inferiore fistularum aquæ & argento vivo immerfarum ore amovetur, in omnibus fistulis longioribus quàm trium palmorum & novem digitorum, subsidit Mercurius iis inclusus, & deserit superiores partes A, B, D, E, F, effluitque per inferiora ora N, O, Q, R, G, ut ad oculum patet, & auctus in vase subjecto Mercurius indicat. Non tamen totus è fistulis Mercurius effluit, sed ad certum solum spatium descendit: quod ubi attingit, assurgit iterum nonnihil, iterumque subsidit, idque aliquoties; ac tandem post aliquot vibrationes quiescit, manente parte superiore fistularum vacuâ ab ipso, inferiore verò usque ad certam altitudinem plenâ eodem.

II. In omnibus fistulis, cujuscunque longitudinis, capacitatis,

figuræ, dummodò breviores non sint tribus palmis & novem digitis, descendit Mercurius, eodem tempore & loco, ad unum communem Horizontem, id est, ad unum communem terminum, seu lineam Horizonti parallelam, v. g. usque ad lineam OP, ab inferioris in vase contenti Mercurii Horizonte, seu suprema superficie MN, intervallo trium palmarum Romanorum & paulò amplius, ita ut tres palmi, & paulò amplius, uniuscujusque fistulæ pleni maneant Mercurio, à linea MN, id est, ab inferioris in vase positi Mercurii communi Horizonte, usque ad supradictum pariter communem Mercurii in fistulis penduli Horizontem OP.

III. Si fistula aliqua intra vasis Mercurium erecta pertingat vertice suo solùm usque ad communem superiorem reliquarum fistularum Horizontem OP, qualis est fistula CP; ea nullatenus depletur, nec ullus ex ea Mercurius effluit: effluit verò ex aliis fistulis, quæ Horizontem OP vertice superant, quantalibet fuerint magnitudinis, aut longitudinis; & componit se constanter in omnibus ad unum eundemque communem Horizontem; non quidem ita, ut nunquam, in nullo loco aut tempore, obtineat vel altiore, vel inferiore illo, quem semel in uno loco aut tempore obtinuit; sed quòd sibi relictus, & cæteris paribus, non nisi unum habeat in omnibus pariter fistulis, sive in linea OP, sive supra, sive infra: habet enim aliquando supra, aliquando infra eam, ut dicetur. Et in tali situ semel acquisito permanfit Mercurius in pluribus diversarum longitudinum fistulis simul in eodem vase erectis, per octiduum, sine ulla mutatione, teste Magnano loc. cit. Num. 7.

IV. Si aliqua ex dictis fistulis, altior tamen Horizonte OP, v. g. fistula AN, postquam Mercurius ad certum terminum descendit, inclinatur; impletur illa paulatim iterum, sponte Mercurio in eam è subiecto vase regrediente, eoque magis impletur, quò magis inclinatur; ita ut quando dicta fistula AN habuerit situm HI, attingens vertice H Horizontem OP, sit jam omnino plena Mercurio: quo & paulatim iterum depletur, dum iterum erigitur. Idem contingit in omnibus aliis, exceptâ fistulâ CP.

V. Statura seu altitudo Mercurii in fistulis ex parte plenis, &

ex

ex parte evacuatis argento vivo, major est in loco inferiore, quàm superiore, major in valle, quàm in monte. Experimentum fecit annis præteritis Gorgoniæ in Gallia diligentissimè, & magno cum apparatu, coram præcipuis ejus Urbis hominibus (ut propterea fides sit indubitata) Nobilis & Accuratissimus Vir Pererius, ut testatur Magnanus, & habetur in dicti Viri Epistola ad Paschalem, ea de re Parisiis anno 1648. edita. Primò enim in horto Conventus Patrum Minimorum deprehendit Mercurium in fistula, altum pollices 26 & lineas $3\frac{1}{2}$, supra Horizontem MN externi positi in vase Mercurii. Secundò, in alio loco montis supra dictum hortum elevato viginti septem circiter hexapedis, altum deprehendit Mercurium pollices 26, & lineam unam; Tertiò, in alio loco, supra eundem hortum editiore centum & quinquaginta circiter hexapedis, altum pollices 25. Quartò demum, in alio loco supra eundem hortum edito circiter quingentis hexapedis, nimirum in vertice montis, altum invenit Mercurium tantum 23. pollicibus cum 2 lineis. Similem mutationem altitudinis seu staturæ Mercurii intra fistulas deprehendit Romæ, non quidem in diversis locis, sed diversis in eodem loco temporibus, Magnanus.

V I. Postquàm è fistula erecta defluxit Mercurius, & in suo Horizonte OP quievit; si attollas fistulam sic erectam supra fundum vasis subjecti, sic tamen, ut os ejus inferius apertum condatur adhuc sub ipso vasis Mercurio: Mercurius qui in eadem fistula manserat quasi pendulus, non attollitur unà cum fistula, sed intra eam deprimitur usque ad priorem Horizontem OP, effluente interim per inferius os patens aliquà Mercurii quantitate. Et hoc semper contingit, quantumlibet à fundo catini attollatur fistula, dummodò os ejus inferius & patens lateat semper sub vasis Mercurio. Crescit itaque in his casibus spatium vacuum fistulæ supra Mercurium, & spatium plenum usque ad os inferius decrescit, spatium vero ab OP usque ad MN manet semper invariaturum, eodem loco & tempore.

V II. Si supra Mercurium vasis nulla est aqua, & fistula cum suo Mercurio pendulo attollatur supra dictum vasis Mercurium, ita ut os ejus apertum extet in aëre supra Horizontem MN;

mirabilis pugna & tumultus oritur inter Mercurium & aërem: nititur enim exire Mercurius, naturalem sibi sub aëre leviori sedem requirens; sed obstata aër, qui & ipse pariter instat ad ostium apertum fistulae, requirens naturalem sibi locum, donec commisso veluti praelio uterque vincat: egreditur enim guttatim Mercurius, & viam facit ingredienti modico aëri; qui quidem non filatim & placidè, sed bullatim & cum tumultu inter fistulae latus & Mercurium pendulum ingreditur, novumque praelium auspiciatus Mercurium occurrantem vi magnâ sursum trudit, alliditque, cum strepitu ad fistulae cavum verticem, eumque nonnunquam diffringit; neque cessat talis lucta, donec totuseggressus sit Mercurius.

VIII. Si fistula est longior seu altior tribus palmis, & oris angusti, impletaque tota Mercurio invertitur in aëre, ore, inferiore liberè aperto; elabitur placidè & absque lucta Mercurius, donec altitudo ejus in fistula diminuatur usque ad tres palmos, paulò minùs: tunc enim incipit pugna inter eum & aërem, ut antea, nec cessat donec totus effluerit Mercurius.

IX. Si supra vasis Mercurium affundatur aqua ad aliqualem altitudinem; tunc quamprimùm fistulae os inferius extractum è Mercurio vasis, ingreditur limites aquae, similis lucta inter ipsam & Mercurium fistulae inclusum oritur: ascendit enim cum impetu aqua, & Mercurium pellit sursum; qui tamen pondere suo deorsum descendit, & dum aqua fistulam subit, elabitur.

X. Quando ponitur aqua supra Mercurium vasis, & fistulae Mercurio pendulo repletae insistant fundo vasis; assurgit in eis Mercurius supra solitum Horizontem OP, eò altius, quò altior fuerit aqua supra Horizontem MXI.

XI. Si pannus calidus, aut calida manus, fistulae intra vas erectae circumponatur aut applicetur eâ parte, quae Mercurio vacua est; Mercurius qui pendulus in fistula quieverat priùs ad Horizontem OP, descendit aliquantulum infra eum: è contrario verò ascendit, si apponatur pannus frigidus ex aqua aut nive.

XII. Si postquam in fistula erecta intra vas, quievit in ea Mercurius ad solitum suum Horizontem OP v. g. derelictâ parte, superiore

superiore fistulæ, extrahatur fistula è subjecto Mercurio ita cautè, ut cum inferius orificium attingit supremam subjecti in vasè superficiem M N, digito supposito, antequam extrahatur, caveatur nè aliquid Mercurii penduli è fistula elabatur, præter id quod erat infra M N, sed maneat in ea præcisè id solum, quod est inter duos Horizontes M N, & O P; item nè aer irruat in fistulam extractam; Mercurius in fistula adhuc pendulus, & digito supposito innitens, eum vix gravat, si P. Zucchio credimus, id est, digitus vix sentit majus pondus quàm solius fistulæ: cum tamen, quando in superiore parte fistulæ est aer ab initio relictus, & infra eum solum tripalmaris Mercurius, hic gravitet supra digitum. Magnus tamen ait, se hujus rei experientiam fecisse, & nil gravitationis majoris in secundo casu deprehendisse. Si tamen in fistula sunt plus quàm tres palmi Mercurii, gravitatis supra digitum.

XIII. Si fistulam longiorem, tripalmarè Mercurio intra eam pendulo instructam, supposito prius digito inferiori orificio, fistulam invertas (obstructo semper manente dicto orificio) ita ut Mercurius ad fistulæ verticem deorsum fluat; sentitur adigi & rapi violenter intra ipsam fistulam digitus, ita ut caro ejus introrapiatur, sicut caro rapitur intra cucurbitulam medicam condensato intus aëre qui antea rarefactus erat.

XIV. Si fistula dicto modo clausa digito atque inversa, inclinetur & mergatur sub aquam ad unum sive duos palmos, situ quasi horizontali, ita ut os ejus digito adhuc clausum aliquantò altius sit quàm oppositus vertex, ad hoc ut ad eum verticem quasi ad locum inferiorem totus colligatur Mercurius; amoto digito, statim ingreditur aqua, & totam fistulam implet ad Mercurium usque: & tunc quando antea subingressum fuerat aliquid aëris, erumpit ille statim in bullam unam aut plures, & manifestè per aquam evolat: si autem nihil aëris fuit ingressum, nihil erumpit.

XV. Si pisciculi alicujus vesicula subtilis ita comprimatur digitis, ut nihil aëris retineat intus, & mittatur in fistulam dum est plena Mercurio absque aëre, & fistula digito superposito claudatur, & invertatur, deponaturq; in subjectum vasis Mercurium, modo supra dicto; tunc antequam amoveatur digitus ab inversa fistulæ

fistulæ ore, erumpit in altum vesicula, cedens gravitati Mercurii majori in specie, ascenditque ad fistulæ verticem: actum amoto digito, ut Mercurius de more subsidat usque ad consuetum Horizontem *OP*, vel certè si fistula in vertice instructa est cavo globulo, ut est fistula *QD*, donec superior globulus vacuetur, saltem usque ad medium; vesicula innatat residuo Mercurio, & turgescit quasi distenta ut priùs erat.

XVI. Pendente Mercurio in fistula, si ea vel levissimè perforetur in vertice, ut aërem recipiat, mox omnis Mercurius in præceps ruit, ac descendit.

XVII. Quando in fistula aliqua Mercurio repleta ex parte, atque erecta, aliquid aëris continetur (sive ab initio, sive postea ingressus fuerit) si inclinetur deinde modo dicto in Phænomeno 4. non repletur denuo tota Mercurio è vase regrediente, sed quantum ab aëre est occupatum, tantum manet vacuum.

XVIII. Si in unam fistularum ex incuria, aut datâ operâ, aliquid aëris irrepsit; Mercurius in illa suspensus non servat eundem communem Horizontem quem in aliis, sed aliquantò magis descendit.

§. IV. Quanta altitudinis sit statura seu cylindrus Mercurii in fistulis suspensi in prædicto Experimento.

*Mercurii
in fistulis
suspensi al-
titudo
quanta sit.*

Varii sunt Auctores. Sed varietatis causâ est, quòd diversis diversarum regionum ac urbium mensuris utantur. *Emanuel Magnanus* in *Philosophia Naturæ* Cap. 20. Proposit. 9. Num. 3. ait, esse trium palmorum Romanorum, & paulò ampliùs. Utitur autem Romanâ mensurâ, quia Romæ fecit Experimenta sua, curâ præcipuâ, & dato quantum opus erat otio, ac frequenter; omnem habens quam optare poterat argenti vivi, & cujuscunq; generis fistularum copiam, celebri doctissimorum virorum conventu, ubi nec desuere Eminentissimi, opes & animos dante Eminentiss. Dn. Cardinali Spada, ut ipsemet fatetur.

Dn. *Robervallius* in Epistola ad Dn. des Noyers ait, merum hydragyrum nullâ aquâ adhibitâ, nec in tubo, nec in scutella aut vase

vase subiecto, ita in tubo descendisse, *ut semper occupârit in inferiori parte altitudinem pedum duorum, & septem partium viginti quatuor proximè, mensuratam secundùm perpendiculum supra superficiem hydrargyri in scutella subiecta contenti; quantacunque pars tubi in scutella immersa esset, & quantacunque extaret.* Addit, quòd adhibito tubo stricto quidem, sed qui in parte superiori dilataretur instar lagenæ, quæ octodecim libras hydrargyri contineret, eoque debito modo impleto, atque disposito, ut fit in aliis tubis, relinquebatur tota ista lagenæ ab hydrargyro vacua, cum parte superiori tubi, donec illud in inferiori parte sub altitudine prædictæ pedum duorum & septem partium viginti quatuor quiesceret.

Valerianus Magnus in Demonstratione oculari de Vacuo, ait, quòd inferior pars fistulæ, longior cubito uno, visitur plena Mercurio. Idem in Disputatione Theologorum Varsaviensium ait, quòd *Mercurius erectus à superficie Mercurii, stat in fistula, cujusvis magnitudinis, altus quinque partes quartas ulnæ Varsaviensis.* Idem repetit in Parte 2. Demonstrat. Ocularis de Vacuo.

P. Paulus Casatus vocat staturam Mercurii suspensi ulnam, sed non determinat quanta aut quàm alta sit.

Dn. Pererius in Experimento Gergoniæ in Gallia factò, invenit in horto Mercurium elevatum intra fistulam pollices 26, & lineas 3 $\frac{1}{2}$, ut vidimus suprâ Phænôm. 5.

Joannes Pecquetus in Dissertat. Anatom. de Circulatio. sangu. refert, in simili Experimento, factò à Robervallio (quod cap. 3. referemus) hydrargyrum hæsisse ad altitudinem 27. pollicum.

S. VI. Quis sit primus prædicti Experimenti

Auctor.

Ad primum Auctorem prædicti Experimenti quod attinet, *Experimenti Torricelliani* cum sibi honorem attribuunt Itali, & Galli.

Valerianus Magnus Italus in Opusculo suo de Vacuo, ait, se exhibuisse illud Varsaviæ in Polonia Anno 1647. mense Julio, coram Serenissimo Rege Uladislao IV. & Ludovica Maria Regina, ac deinde iisdem jubentibus coram multis Theologis ex diversis Religionum Ordinibus ad id spectandum & examinandum

dum à Rege & Regina vocatis. Qua occasione etiam dictum ea dere Opusculum, eodemque anno, 12. Julii scripsit, & publicavit.

Sed à plerisque contradicitur Valeriano, cum constet certò, id jam ab Anno 1643. fuisse in Italia vulgatum, & eodem Anno Romæ ac Florentiæ celeberrimas inter eruditos ea de re viguisse controversias, ut testatur Dn. de Roberval Gallus, in Epistola ad Nob. Virum Dn. des Noyers, datâ Parisiis 12. Kal. Octob. Anni 1647. his verbis: *De Vacuo, quod in rerum natura facile dari permulti autumant, adducto ad id comprobandum nobili experimento hydrargyri tubo inclusi, modo qui jam omnibus satis notus est, ignoscat mihi R. P. Capuccinus Valerianus Magnus, si dixerò, illum parum candidè egisse in eo Libello, quem de hac re in lucem nuperrimè emisit Mense Julio hujus Anni 1647, dum celeberrimi hujus Experimenti ille primus Auctor haberi voluit; quod certò constat, jam ab Anno 1643. in Italia vulgatum fuisse, ac ibidem, præcipuè verò Romæ, atque Florentiæ, celeberrimas inter eruditos de eare viguisse controversias: quas non potuit ignorare Valerianus, qui circa eadem tempora illis in Regionibus degebat, & cum doctis conversabatur. Habeo ego Epistolam, quam Clarissimus Vir Evangelista Torricellus, Magni Ducis Hetruriæ Mathematicus, misit Romam ad amicum suum Doctissimum Virum Angelum Ricci sub finem anni 1643, Italicè scriptam: quæ nihil aliud continet quàm controversiam inter duos illos Viros egregios, qui (quod ferè de omnibus accidit) de tali Experimento diversa sentiebant. Ea autem Epistola, cum quibusdam aliis, ab ipso Ricci missa est Parisios ad R. P. Mersennum Ordinis Minimorum, sub initium anni 1644: qui eo ipso anno Romam profectus est, ubi & Valerianum agrotantem tunc invenit, & cum eo quadam nostrorum opera recens edita communicavit. Sed & in eadem Epistola ex discursu apparet, minimè novum tunc fuisse illis Experimentum, sed jam multoties repetitum. Tentatum quidem illud fuit ab ipso Mersenno statim post acceptam Torricelli de eare Epistolam; verum defectu tubi ad id satis apti nihil tunc fieri potuit. Ac non multò post ipse in Italiam profectus est, atque obiter Florentiæ apud Torricellum vasa & tubos prædictos vidit, & contrèstavit. Idem autem reversus sub finem anni 1645, rem omnem vul-*

gavit.

gavit. Neque tamen eo anno, aut sequenti, tubos aptos Parisiis recuperare potuit, tum quia ibi tales non fabricantur, tum etiam quia ipse toto serè eo tempore per Meridionales Regni Gallici partes peregrinatus est. Tandem ergo idem scripsit Rhotomagum ad Amicos suos: ibi enim celeberrima habetur vitri & crystallici officina. Sed antequam is inde tubos haberet, vulgatum fuerat & ibidem Experimentum, ac plurimis modis cùm privatim coram Amicis, tum publice coram Eruditis multoties exhibitum à Nobilissimo Viro D. de Paschal, mense Januario & Febuario hujus anni &c. Hæc ille.

Videtur ergo Dn. de Roberval agnoscere Auctorem hujus Experimenti Evangelistam Torricellum. Eundem Torricellum auctorem agnoscit Merfennus, & P. Athanasius Kircherus; quorum hic in Musurgia sua lib. 1. cap. 6. ait: *Certò tamen mihi constat, primum à Torricello, nobili Magni Ducis Hetruria Mathematico, detectam dicti Experimenti inventionem.*

Ad Epistolam Dn. de Roberval respondet Valerianus Magnus, in Narratione Apologet. de Inventione Artis exhibendi Vacuum, modestè ac religiose, in hunc modum. *Quod hoc anno 1647. 12 Julii, Warsaviæ typo vulgârim, me esse primum qui publicavi Vacuum, exhibitum in fistula vitrea, vertis, Vir Doctissime, defectui candoris; quippe quod hoc ipsum ab anno 1643 in Italia vulgatum sit, præcipuè verò Roma, & Florentiæ; ac ea de re disputatum inter doctissimos Viros Evangelistam Torricellum, & Angelum Ricci, cujus Epistolam de ea questione Adm. R. P. Merfennus, Ordinis Minimorum, miserit Parisios: Ego verò illis temporibus, quibus hæc agebantur fuerim Roma, consocius omnium, & conversatus cum doctis illis. Hisce adjunctis, Experimenta Vacui eodem artificio celebrata Rhotomagi à Nobilissimo Viro Dn. de Paschal mense Januario, & Febuario labentis anni 1647; ac demum Parisiis tua industria non solum exhibita, verum etiam aucta observationibus accuratioribus. Hisce me agis reum laudis usurpata, quæ non mihi, sed aliis debeatur. Ego verò Te redarguentem sic interpello.*

Veni Romam 28 Aprilis anni 1642. Inde discessi 1 Maii anni 1643. & eo ipso anno menses Junium & Julium exegi Florentiæ: inde concessi in Germaniam primum, deinde in Poloniam, ac demum re-

dii ad Urbem ineunte anno 1645. unde disceſſi eodem anno Menſe Septembri, redux in Poloniam.

Roma non vidi, neque unquam novi ex nomine Angelum Ricci: Florentia Evangeliftam Torricellum nec vidi, nec nomine tenus unquam cognovi: non quia Viris illis deſit claritas nominis, ſed quòd ego ſim obſcurus illis. Florentia habui commemorationem frequentem, etiam cum Sereniſſimo Principe Leopoldo de pertinacia Peripatùs in ſententia Ariſtotelis contra ipſum viſum, & tactum: imò quaſitum ibi, an conſultum foret mea Philoſophia, ſi ex illa Civitate, ſub auſpiciis Sereniſſimi Ducis Hetruria, prodiret in lucem; nec tamen aliquando ſonuit mihi in illa Urbe vox iſta, Vacuum.

Roma Admodum R.P. Merſennus anno 1645 nil mecum contulit de hoc Experimento.

Caterùm nil de hoc Experimento vidi aut typo, aut ſcripto exaratum, aut per epistolam inter Amicos communicatum. Conſilium ergo de ſuperanda impoſſibilitate Vacui incidit mihi apud Galileum, quòd aqua nequeat per attractionem aſcendere in fiſtula ultra cubitum decimum octavum; & ab uſu libræ Archimedis, quam Cracovia anno 1644 dono accepi à Tito Livio Buratino, Viro erudito in Mathematicis &c. Attexit deinde duo fragmenta Epistolarum, alterum Admod. R.P. Simpliciani, Ordinis Capuccinorum Commiſſarii & Procuratoris Generalis in Urbe; alterum Adm. R.P. Petri Martyris Viſtarini Doctòris Theologi Ordinis PP. Dominicanorum; qui ex Italia ſcribentes laudant Opusculum de Vacuo à ſe conſcriptum, nec ullam faciunt mentionem, aliorum, quibus notum ſit prædictum Experimentum. Enumerat & alios multos, qui Demonſtrationem ſuam tanquam novam legerint, atque laudarint. Tandem concludit Epistolam Apologeticam, his verbis, Dominum de Roberval alloquens:

Ignoscit ergo Tua Prudentia Valeriano, ſi id quod ſuo pte judicio adinvenit, & perfecit, ignoravit fuiſſe priùs factitatum ab aliis. Meus textus accipit privatam ſcientiam de hoc arcano, cujus non me dico auctorem. Sum fortaiſſis primus qui eam typo publicam feci, diſtractis exemplaribus per majorem melioremq, Europa partem: non aucupaturus laudem à demonſtrato Vacuo, ſed preparaturus:
duriora.

duriora quorundam Peripateticorum ingenia ad tolerandam minus acerbè Philosophiam meam, luci proximam. Dominus de Noyers vidit allegata documenta, scilicet librum Galilaei, librum Archimedis, tubos ligneos, epistolas duas: testis insuper oculatus omnium, quæ hic Warsavia contigere in demonstratione vacui. Vale, Vir, quem dudum amo, & veneror, tibi licet ignotus. Warsavia Non. Novemb. 1647.

Ego hic repeto id, quod scripsi in *Magia Naturali* Par. 3. lib. 7. Syntagm. 1. cap. 4. in fine §. 1. nolle me hujus controversiæ de primatu Auctoris prædicti Experimenti arbitrum sedere; iterumque dico, non repugnare, plures eodem tempore rem eandem detexisse.

Disimulare tamen non possum, quod legi in *Metaphysica Demonstrativa*, sive *Scientia rationum universalium*, quam Petrus Moufnerius Doctor Medicus excerptis ex Prælectionibus R. P. Honorati Fabry Societatis J. E. S. U. sui in Philosophia in Gallia Professoris, ac post Logicam, Physicamque Anno 1646. editas, in lucem emisit Lugduni sub finem Anni 1647, & initium anni 1648: ubi in Appendice 1. quæ est de Vacuo, initio Objectionis singularis, ita scribit de hoc Experimento. *Ante aliquot annos, luculento sanè Experimento, evinci omnino vacuum nonnulli existimaverunt. De hujus Experimenti Authore nihil dicam, cujus inventionem non pauci quidem sibi vendicant, Galli, Itali, Germani; unum scio, jam sex ab hinc annis à nostro Philosopho (P. Honorato Fabry) propositum fuisse, & explicatum; nec nisi proximè sequenti anno ex Italia in Galliam, sub Tauricelli nomine, migrasse; hoc demum præfenti anno à R. P. Valeriano Magno Capucino, in Polonia, edito super ea re parvo libello, publicatum.* Scripsit hæc Moufnerius Anno 1547: ante sex annos, hoc est, Anno 1641 fuit explicatum Experimentum in Gallia à P. Honorato Fabry: sequenti Anno, hoc est, 1642. ex Italia migravit in Galliam. Conciliet hæc qui potest. Si Anno 1648 ea scripsit citatus Moufnerius; migravit Experimentum ex Italia in Galliam Anno 1643, adeoque anno præcedenti potuit à Torricello fuisse deprehensum. Quod consonat iis de quibus Dominus de Roberval scripsit.

CAPUT II. EXPERIMENTUM II.

*Aqua intra tubum ultra octodecim cubitos altum,
& perpendiculariter intra aliam aquam erectum,
haeret suspensa.*

*Aqua in-
tra tubum
erectum
haeret sus-
pensa.*

Experimentum hoc videtur eodem tempore, quo praecedens, evulgatum. Id inter alios, quos scio, exhibuit Warsaviae in Polonia *P. Valerianus Magnus*, ut ipsemet narrat in Demonstratione oculari de Vacuo Par. 2. & Rhotomagi in Gallia *Dn. de Paschal*, ut refert *Dn. Roberval* in Epistola de Vacuo ad Nobiliss. Virum *Dn. des Noyers*; & Romae in Italia *Dn. Gaspar Bertus*, Vir Nobilis, in Physicis ac Mathematicis apprimè versatus, singularisque in Experimentis sumendis solertia, ut narrant *P. Nicolaus Zucchi* in Nova de Machinis Philosophia Par. 4. Experimento. 2. *P. Athanasius Kircherus* in Musurgia lib. 1. *P. Emanuel Magnus* in Philosophia Naturae Cap. 20. Propos. 10. & ego ex ipsis in Mechanica Hydraulico-pneumat. Par. 2. Classe 2. Cap. 6. Machina 6. & in Magia Par. 3. Lib. 7. Syntagm. 1. Cap. 5. Ut accuratè facti notitia habeatur, lubet tres sequentes enarrationes apponere.

§. I. Experimenti in Polonia exhibiti historia ex *P. Valeriano Magno*.

Hic loco cit. ita scribit ad Philosophum quendam: *sed facti historiam praemitto. Paravi fistulam metallicam, longam, ut dixi, cubitos Varsavienses viginti, latam digitum unum circiter: cujus orificium unum accurate clauditur glutine metallico. Fistulam hanc replevi aqua communi, & diligentissimè obturato altero orificio, illam erexi perpendiculari plano horisontis, pendulam ab illa extremitate, quam ob signatam, ut dixi, glutine metallico; alterammersâ aquis, quarum quantitas fuerat mihi præcisè nota. Rebus ergo ita compositis, de obturato orificio inferni, dum mergeretur aquis: reddiditq; ultra duos cubitos aquarum, reliquis stantibus in*
fistula

fistula nimirum suspensis, contra gravitatem aquæ, à Natura prohibiti va vacui. Hisce peractis, examinavi accuratius proportionem gravitatis Mercurii ad gravitatem aquæ, & deprehendi, Mercurium ejusdem molis cum aqua, esse circiter terdecies gravio-rem illâ. Quoniam verò cylindrus aquæ, suspensus in fistula, habet in longitudine ulnas infra octodecim; cylindrus verò Mercurii stan- tis in fistula, longus est supra unam ulnam; deprehendi, cylindrum aquæ esse terdecies longiorem cylindro Mercurii, permutatâ propor- tione gravitatum Mercurii, & aquæ. Talis est facti historia.

§. II. Experimenti in Gallia exhibiti historia ex

Domino de Robervallio.

NArrat hic in Epistola citata, Virum Nobilem Dn. de Paschal, *Aquæ in tubo sus- pense hi- storia ex Robervallo.* Rhotomagi exhibuisse hoc Experimentum beneficio aquæ, & vini, in tubis quadraginta pedum, ex crystallis mirâ arte fa- bricatis, atque ad malum navis alligatis, quod machinis ad id pa- ratis ita libratum erat, ut & attolli & deprimi ad usum requisitum facile posset. Occasionem verò, cur ad tantam fistularum altitu- dinem recurrerit, fuisse, quòd cum viderent Viri docti, hydrargy- rum in præcedenti Experimento ita in tubo descendere, relictâ superiori parte vacuâ, ut tamen semper occuparet in inferiori parte tubi altitudinem pedum duorum & septem partium viginti quatuor proximè, mensuratam secundum perpendiculum supra superficiem hydrargyri in scutella subjecta contenti, quantacum- que pars tubi in scutella immersa esset; illi in diversas sententias abierint, interque eos nonnulli Peripatetici assèruerint, in tubi parte superiore ab hydrargyro vacua esse quosdam spiritus ex hy- drargyro evaporatos, qui rarefacti partem illam implerent, ut la- boranti Naturæ vacuum abhorrenti succurrerent.

Hos igitur ut erroris manifestò argueret dictus Dn. de Pa- schal, Curavit (inquit Dn. Robervallius) duci ex crystallo tubos quadraginta pedum, eosq; malo alligari, & machinas instrui, ut jam dixi: constitutoq; die, ac loco amplissimo in area officina Vitria- riorum, invitavit omnes ut adessent, mira conspècturi.

A. Re- vallo

runt &c. Inierat autem privatim solertissimus Dn. de Paschal calculus de aqua, & vino, cum hydrargyro comparatis secundum gravitatem, ut inde debitam unicuique altitudinem eliceret, ad hoc ut in iis altitudinibus equiponderarent: repperat quæ posita altitudine predicta hydrargyri pedum 2, & 7 partium ex viginti quatuor, debere aqua pedes 31, & unam nonam circiter; vino autem pedes 31, & duas tertias proximè. Itaque antequàm quidquam sui propositi aperiret, interrogavit egregios illos sapientes, nec difficulter ab iis elicit, maiorem in vino, quàm in aqua, spirituum copiam reperiri; ideoque fore, ut, si experimentum fieri posset in iis liquoribus (fieri autem posse, satis aperte negabant) vinum plùs spatii, quàm aquam, relicturam esset in apice tubi, positus tubis ejusdem altitudinis. Hoc concessò, ostensus est eis malus jacens cum tubis alligatus. Quibus, altero aqua, altero vino, repletis, & oribus oclusis, erectus est malus; & situla oribus ipsis tuborum admota, quarum altera vino, altera aqua plena erat, in quas immersa erant tuborum ora, tubis semper plenis manentibus, donec ora eorum recluderentur. Quibus apertis, statim ambo illi liquores in tubis contenti sic depressi sunt, ut postquàm quiescerent, staret altitudo aque in suo tubo, supra superficiem alterius aque in situla subjecta contenta, pedibus 31, & unâ nonâ circiter; vinum autem paulò altiùs, puta pedibus 31, & duabus tertiis proximè; remanentibus tuborum reliquis partibus superioribus veluti vacuis omnino, sicut in hydrargyro deprehensum erat.

Rursus autem mutati sunt liquores in tubis, ut qui priùs aqua, is postea vino repleretur, & vicissim: nec ideo quidquam in Experimento mutatum est circa utramquæ altitudinem.

§. III. Experimenti in Italia exhibiti historia ex

P. Athanasio Kircherò, & P. Nicolao Zucchio.

Experimentum quod Romæ in Italia exhibuit non semel Dn. Gaspar Bertus, spectârunt oculis suis P. P. Athanasius Kircherus, & Nicolaus Zuchius, & scriptis suis celebrarunt locis suprâ citatis, in hunc ferè sensum. Quæ autem narro, meliùs intelliguntur, si sequentis paragraphi schema inspicietur.

*Aqua in
tubo sus-
pensa hi-
storia ex
Kircherò,
& Zucchio.*

Cum

Cum audisset dictus Dn Bertus, nonnullos non solum ex præ dicto Experimento de hydrargyro intra tubum suspensò, sed etiam ex eo probare dari vacuum, quòd aqua intra tubos ultra certam mensuram elevata sisti non posset, quin ex aperto inferius orificio deflueret, nullo interim ex superioribus illorum partibus corpore ad replendum locum aquâ destitutum succedente; tubum plumbeum in majori multò, quàm illi exposcerent, longitudine erexit in ædibus suis. Centum is pedum erat (ait Kircherus) in longitudine, & digiti crassitie, ad supremum domus solarium pertingens. In superiori hujus tubi extremo phialam primò æream, deinde vitream insignis crassitudinis, & studio in hunc finem conflata[m] imposuit, tali industriâ tubi collo coagmentatam, taliq[ue] ingenio munitam, ut omnis aëri esset ad ipsam ac tubum interclusus aditus. Intra phialam, suggerente P. Kircherò, campanulam unà cum ferreo malleolo eâ dexteritate inseruit, lateribus internis phialæ innixam, ut malleolus ferreus magnete exteriori applicato attractus, elevatusq[ue], & mox à magnete retracto liber dimissus, proprio pondere campanulæ illideretur, ac sonum ederet. Inferiorem verò tubi partem epistomio, seu æneâ clavel volubili muniivit.

Vide Iconismum.

Comparatis omnibus ad experimentum capiendum requisitis, tubi inferius orificium, epistomio munitum, dolio aquâ semipieno immerfit, totumq[ue] tubum domûs parietri inclinatum, ac perpendiculariter erectum, unicum phiala replevit aquis, factò in phialæ vertice foramine, quòd postmodum diligentissimè clausum singulari arte stanno olidavit. Tum unco ferreo epistomium inferius aperuit; viâq[ue] fecit aquæ tubi, ut liberè posset ex illo in subiectum dolium effluere. Et verò, ut assurgens in vase subiecto aqua indicavit, dfluxit quantum decem (ita habet Kircherus, sed sine dubio mendosè) circiter pedes tubi antè replebat; reliquum intra tubum versitit, patente licet ad multum tempus eadem viâ; quæ postea, revolutâ clavi, seu epistomio, iterum conclusa est. Tum verò admoto magnete ad superiorem phialam vitream è regione malleoli ferrei, malleolus allectus, & remoto dimissus est; à quo percussa campanula, limpidissimum

edidit sonum, ab omnibus Experimenti spectatoribus auditum.

His peractis, tubum utrimque probè clausum per noctem reliquerunt in eodem loco. Manè clavi aeneâ, seu epistomio iterum convoluto, iterû inferiùs os aperuerunt, & aquæ egrediendi viam fecerunt: verùm non solàm nihil ampliùs aquæ exivit è tubo, sed ex pridie dimissâ aliquid denuò ingressum fuit.

Hæc ex Athanasio Kircherò, & Nicolao Zucchio. Iteratum sapius fuit Experimentum coram Viris eruditis, eodem semper successu, quos inter fuit Dn. Raphaël Maggiottus Mathematicus doctissimus, à quo etiam totam rei seriem ore tenus Romæ intellexi. Idem P. Zucchius Florentiam ad Amicum quendam perscripsit, & mihi Romæ ore tenus communicavit.

ANNOTATIO.

Vel tubus quem Dn. Bertus adhibuit, non fuit centum pedum longitudinis, vel plùs aquæ effluxit ex eo, quàm quantum decem circiter pedes antea repleverat, ut P. Kircherus ait; alioquin Experimentum Bertianum neq; aliorum in simili re Experimentis, neq; veritati congruit. Mendum ergo esse oportet in P. Kircheri narratione.

§. IV. Experimenti in Italia exhibiti historia

ex P. Emanuele Magnano.

*Aqua in
tubo sus-
penso hi-
storia ex
Magnano,*


Romæ erat P. Emanuel Magnan, in celebri sanctissimæ Trinitatis Conventu Minimorum in Monte Pinto, cùm à Domino Berto predictum Experimentum exhibebatur; at præsens non spectavit, detentus aliis Ordinis sum negotiis: explicatum tamen ei fuit ab ipso met Auctore, exhibenti etiam schema quod hic apponitur, & scriptum quod de dicto Experimento exaraverat, bisterque legente, & sedulò exponente. Quæ ex relatione fidelissimè, & magis explicatè, quàm P. Kircherus, ac P. Zucchius, illud depingit simul schemate, ac verbis describit sequentibus.

*Vide Icon-
ism. XI,*

Eximus Vir quem dixi, Gaspar plumbeam fistulam oblongam, ut AB, erexit foris ad parietem domestica turris, in qua scala sunt;



Iconismus. XI.
pag. 203.




et constabiliuit adhibitis funibus, aptisq; confibulis. Longitudinis, ingenue dico, non memini examusum; sed sciopalmos habuisse amplius (videlicet parum amplius) quam quadraginta. Os fistule superius A respondebat uni è fenestris quas habet turris; os verò infimum B non multum à terra exiabat, clavi anei seu epistomio R munitum, et quidem intra cuppam E F ad id muneris aptatam aquâ plenam. Ori supremo A coaptavit, et optimè copulavit ac solidavit comparatum ad hoc vas vitreum in modum lagenæ, satis magnum, sed bene firmum, ac duo habens colla et crura; alterum latius à parte inferiori, quod ori fistule pyxidatim inseruit in A; alterum angustius in C à parte superiori, plumbo sive stanno, ut solet, bene instructum, quo arcè et aptè exciperet striatam aneam cochleam D affabrè laboratam, genus obturamenti solidissimum, atq; ad rem propositam maximè idoneum.

His ita comparatis, clauso epistomio R, et cuppâ E F impletâ aquis circiter usq; ad medium; impleta postmodum est fistula tota simul cum vase vitreo, aquâ per osculum C desuper infusâ usq; ad summum. Deinde cochleola D adhibita est osculo C, totam obturatura machinam. Sed accidit infelici casu frangi lagenam, dum cochlea multiplici adact aggro, paulatimq; intrusa, aquam intrò pelleret ex ipso plumbeo lagenæ osculo, quod, ut dixi, usq; ad summum inter ipsas spiras aqua repleverat. Quia enim aqua tali pulsu aut pressu non sinit se densari; dum sic pulsa quarebat alibi sibi locum, diffregit lagenam; proptereaq; precipuum Experimenti opus intermissum est, donec alterâ die nova lagenâ similis, et simili modo fistula adglutinata fuit, atq; optimè clausa, immisâ desuper et convolutâ cochleâ, ita ut nulla ex parte posset aër subingredi.

Tandem referat epistomio R, effluxit (contra spem plurimorum) aqua è fistula in cuppam E F, ad aliquam notabilem altitudinem: non tamen tota effluxit, sed mox omnino constitit, ut patuit, quia factò signo in cuppa ad aquæ superficiem, deprehensum est post eâ die aquam in eodem habuisse signo, quamvis toto tempore intermedio apertum mansisset epistomium R. Tunc verò postquam iterum clausum esset diligenter idem epistomium R, extracta desuper est cochleola D. Sed ut primum extracta fuit, ecce ruit subito aër cum impetu sonorus, complevitq; locum ab aqua prius derelictum. Mox

bolide submissâ exploratum est, quantum aqua, sive ad quam altitudinem aqua superesset in fistula: & inventum est, superesse ad octodecim ferè cubitos, ab horizonte subjectâ in cuppa aqua, usq; ad signum v.g. L. Memini quidem, numerum hunc fuisse cubitorum, sive ut Hetrusci vocant, brachiorum; quia is numerus, & ea mensura erat, ad quam tunc ex observatione factâ à Galileo dicebatur adscendere posse aquam in antlia.

Alterâ die tentatum est alio modo Experimentum; videlicet fistula majori hæcenus dicta, forata prope A ex latere, tubulus plumbeus recurvus AS, convenienti munitus epistomio G, copulatus est, & stanno solidatus. Tum omnia impleta sunt, aquâ ut prius infusâ per C; & imposita cochlea D; ac insuper os tubuli S, unâ cum ejus epistomio G, demissum est in vas HI super fenestra depositum, aquâ plenum, nè videlicet ullus quoquo modo pateret aditus externo aeri per epistomium G, aquâ, ut dicam statim, recedente atque effluente per epistomium R: isto enim reserato, effluxit ut prius aqua usq; ad signum L, ut patuit ex prius factò signo altitudinis aqua in cuppa EF. Hoc factò, & clauso epistomio R, reseratum est epistomium G: ac tunc reorbuit aquam tubulus continuè subministratam à vase HI, donec tandem spatium totum impletum est, & fistula supra L, & lagena, ac tubuli; excepto quod apparuit aeris bulla quedam majuscula sub osculo C. Cujus quidem bulla spatium cum aliqui putarent esse vacuum; deprehensum est, esse revera plenum aëre, eo quod erecto paululum tubulo AS, simul cum vase HI, ut aqua ejus altior esset quàm C, & sic posset è superiori loco immitti suo pondere per A in lagenam, totamq; replere, quia prius videbatur non potuisse sorberi: sed nihil aqua potuit ultrâ immitti; adeoq; constitit, spatiolum illud supradictum sub C non fuisse vacuum, sed revera plenum; & bullam esse aëream, aut ut aliqui potius volebant, atheream. Hæcenus relatio Magnani, ex ore & scripto Domini Gasparis Berti, Experimenti hujus Auctoris.







CAPUT III.

EXPERIMENTUM III.

Vesicula compressa, sponte ad hydrargyri è tubo erecto aliqualem lapsum, intra superiorem tubi partem vacuam turgescit.

EXperimentum hoc simile est ferè illi, quod retulimus Cap. I. præcedente §. 3. Phænomeno 15. illudque exhibuit *Dr. Robervallius*, Mathematicæ Professor in Regia Palæstra Parisiis, eoram Joanne Pecqueto, ut refert ipsemet in Dissertat. Anatom. de Circulat. Sangu. Nimirum

I. Accipit tubum vitreum DB, tripedali saltem longitudine productum, cujus extremitas B erat aperta, extremitas verò D protuberabat in ampullam seu lagenulam A, habentem in ima sua base hiatum repandum C. II. Per hoc foramen C immisit vesiculam cyprini seu carptionis, siccata prius, & omni aëre evacuatam, cujus collum filo erat strictissime obligatum, nè aër aut ingredi, aut egredi posset. Tum hiatum seu foramen C occlusit oppansâ suillæ vesicæ tunicâ (cujus præ cæteris spissitudo compactior hydrargyrum cohibet) atque arctissime dicto hiatui adstrictâ. III. Tubum invertit, & per erectum orificium B insudit hydrargyrum, totumque tubum & ampullam A implevit; adeo ut hydrargyrum vesiculæ incumberet, ac basi ampullæ adprimeret. IV. Digito indice obturavit accuratissime orificium B; tubum invertit; inversum, & perpendiculariter erectum, digitoque adhuc obturatum, intra hydrargyrum aliud vasculo EF contentum, immergit ad fundum usque vasculi. V. Tenens manu alterâ tubum perpendiculariter erectum, subduxit digitum ab orificio B. Quo facto, descendit ocyus hydrargyrum, desertaque ampullâ A, & parte aliquâ tubi, effluxit è dicto orificio B; ac post varias sursum deorsumque intra tubum vibrationes, tandem quievit suspensum intra tubum ad altitudinem viginti septem pollicum, à suprema hydrargyri in subjecto vasculo EF contenti superficie, usque ad signum v.g. G.

Vesica compressa in tubo hydrargyro pleno turgescit.

Vide Iconismi XII. Fig. I.

His etiam factis, cyprina vesicula, quæ intra ampullam A permanerat, prohibente colli angustia descensum intra tubum, sponte cœpit intumescere. Cum autem vel inclinabatur paulisper machina, vel modica aëris extrinseci particula intronitabatur, protinus flaccescebat.

ANNOTATIO.

EX his deducit Pecquetus, aëri inesse elaterem, seu virtutem se sponte dilatandi, quando ab externo comprimente liber est. Nam residuus intra contorta quidem, verum non exhausta penitus vesicula recessus aër, tametsi exiguus, nullo alterius incumbentis aëris nisu intra ampullam compressus, dilatavit sese, vesiculamq; ipsam distendit. Quia verò admissso aëre extrinseci, aut extrinseci Mercurio spiritibusq; Mercurialibus per inclinationem tubi, vesicula magis quam antea comprimebatur; dilatatus intus aër similiter condensabatur, ideoq; vesicula flaccescebat. Hoc an admittendum sit, infra suo loco examinabimus.

CAPUT IV.

EXPERIMENTUM IV.

Hydrargyrus in tubo intra alium hydrargyrum erecto, haret suspensus ad maiorem altitudinem in loco humiliori, quam altiori.

Mercurii in fistula suspensi altitudo est major in loco humiliori, quam in alto.

EXperimentum hoc est idem quod retulimus Cap. I. præcedente, Phænom. 5. fecisse Pererium Gergonæ. Fecit & id, teste Pecqueto, Dn. Paschalius prope Claro-montium in Avernis; deprehenditque, prope radices excelsissimi montis infusum tubo quatuor pedes longo hydrargyrum, ad viginti septem circiter pollicum altitudinem supra restagnantis in subiecto vase hydrargyri superficiem hæsisse suspensum: in altiore verò montis ejusdem regione, centum & quinquaginta circiter sexpedarum altitudine radices superante, remanentem intra tubum hydrargyri cylindrum quinque tantum & viginti pollicum obtinuisse altitudinem:

dinem : in supremo denique vertice jugi, quingentas ad minimum sexpedas supra radices alto, eundem hydrargyri cylindrum, viginti quatuor circiter pollicum adeptum esse altitudinem. Ut adeo ab imis radicibus, ad supremum montis culmen, altitudo hydrargyri intra tubum remanentis, trium circiter pollicum spatio imminuta sit.

ANNOTATIO.

Rationem hujus Phenomeni ait esse Pecquetus, 'quod supremus, qui montis jugo circumfluit aer, minus ab incumbente aëre, quàm medius, infimusq; prematur; adeoq; supremus levior existens, breviorera quoq; hydrargyri cylindrum ad æquilibrium sustinere potuerit, quàm medius, ac infimus. Hoc nos infra examinabimus,

CAPUT V.

EXPERIMENTUM V.

Hydrargyrus in uno tubo descendit, in altero ascendit.

Experimentum hoc producit in medium Pecquetus, Auzorii Mercurius in uno tubo descendit, in altero ascendit. Vide Iconis, XII. Fig. II.

I. Tubum assumpsit vitreum AB, ultra viginti septem pollices protensum, & in lagenam CD protuberantem. Orificium B erat apertum. Lagenæ basis grandi hiatu SH patebat. Infra hiatum hunc erat canaliculus P, per quem aëri intra lagenam patebat introitus.

II. Intra lagenam CD, per patens os GH, intromisit vasculum EF vitreum quadratum, seu in formam parallelepedi elaboratum, cujus patens os respiciebat hiatum GH, anguli verò rangebant interna latera lagenæ, totumque vasculum EF explebat lagenæ cavitatem ita, ut inter vasculi externa & lagenæ interna latera remanerent circumquaque cavitates vacuæ, quales sunt cavitates E & F.

III. Per hiatum GH, intra vasculum vitreum EF, intrusit tubum

tubulum vitreum I K, similiter ultra viginti septem pollices protensum, utrimque apertum. Tum vesicâ suillâ texit, & arctissimè clausit, hiatum G H, ita ut tubulus I K emineret extra foramen in suilla vesica factum, nihil tamen aëris intra lagenam per opertum hiatum, præterquam per osculum I tubuli, irrepere posset. Clausit quoque, & arctè contra aëris ingressum munivit, canaliculum D, oppanso suillæ vesicæ segmento.

IV. Jussit famulum obturare inferius tubi orificium B digito: ipse verò per apertum tubuli superioris orificium I, infudit hydrargyrum tam diu, donec eo impleretur vasculum E F; & eodem ad latera vasculi defluente, ac descendente, tubus A B, lagena C D, tubulusque I K penitus usque ad summitatem I.

V. Dictum osculum I obturavit suillâ membranâ; orificium B digito adhuc obturatum jussit immergi intra hydrargyrum alium, vasculo L M contentum, ut in præcedentibus fuit factum; tandemque retrahi digitum, ut referaretur orificium B.

VI. Quo factò, primum Mercurius in tubulo I K contentus descendit usque ad summitatem vasculi E F. Deinde descendit Mercurius omnis è tota lagena C D, ita ut solum vasculum E F maneret plenum. Demum descendit quoque pars aliqua è tubo A B, & post aliquot vibrationes hæsit elevatus ab L M usque ad signum N v. g. ad altitudinem viginti septem circiter pollicum.

Ex quo Pecquetus arguit externi aëris cum interno Mercurio æquilibrium; quod nos infra examinabimus.

VII. Acu subtilissimâ perforavit vesiculam, quæ canaliculum D obturabat, ut nonnihil aëris externi ingrederetur intra lagenam C D; statimque coepit Mercurius tubo A B contentus paulatim descendere, donec totus ex ore B in subjectum vas L M defluxit; Tum Mercurius quoque vasculo E F contentus, ascendit intra tubulum K I, donec ad viginti septem pollicum altitudinem pervenit.

Ex quo Pecquetus probat tam virtutem elasticam seu dilatativam, quàm compressivam aëris, ut qui dilatatus depressit Mercurium N B, & condensatus elevavit Mercurium vasculi E F intra tubulum K I, donec ad æquilibrium reduxisset. Quæ nos infra examinabimus.

CAPUT VI.
EXPERIMENTUM VI.

*Hydrargyrus cum aqua tubo inclusus, minus altè
suspensus haeret in tubo erecto intra alium hydrargyrum,
quàm hydrargyrus solus.*

EXperimentum hoc proponit Dominus Robervallius, Pascha-
lius, Pecquetus, & alii. Fit hac ratione.

Tubum accipe vitreum, trium ad minimum pedum exceden-
tem longitudinem, quatuor unciarum pollicis, si vis, aut etiam ma-
jori aut minori diametro; cujus unum extremum sit apertum, al-
terum verò sit hermeticè sigillatum, hoc est, vitro liquefacto exa-
ctissimè clausum; aut etiam in ampullam protuberet. Tubum
hunc inversum imple hydrargyro totum, exceptis septem pollici-
bus, qui aquâ communi impleantur. Impletum tubum digito
occlude, & iterum inverte; tamque diu inversum sustine digito
supposito, donec aqua hydrargyro levior, mutatâ cum ipso sede,
tandem ad alterum extremum hermeticè clausum ascendat, & ad
septem pollicum altitudinem Mercurio superincumbat. Tum
verò tubum, quâ parte digito obturatur, unâ cum digito obturan-
te, immergito, in hydrargyrum alium, in vasculo aliquo peculiari
stagnantem, modo in præcedentibus dicto, immersumque digi-
tum paulatim subducito. Quo facto, Mercurius infrâ è tubo intra
subjectum vasculum defluet ex parte; residuus verò in tubo hæ-
rebit, non ut antea ad viginti septem pollicum altitudinem supra
stagnantis in vasculo Mercurii superficiem supremam, sed sex cir-
citer uncis, seu semipollice apparebit inferior.

*Mercurius
cum aqua
in tubo me-
nus altè
suspensus
haeret, quâ
sine aqua.*

ANNOTATIONES.

I.

Rationem adsignant, quòd septem pollices aqua equiponderent
semipollici Mercurii; ideoq; externus aër Mercurio externo
in vasculo incumbens, non possit Mercurium, cui intra tubum aqua

D d

septem

septem pollicum incumbit, ad tantam elevare altitudinem, ad quantam elevarer, si aqua non superincumberet. Hac nos infra examinabimus.

II. Simile Experimentum fecit Dn. Paschalius in tubo quindecim pedum, partim aquâ, partim hydrargyro repleto, (teste Dn. Robervallio in Epist. de Vacuo) ac tum, quoties ambo illi liquores simul plus ponderabant quàm altitudo pedum duorum, & septem partium ex viginti quatuor solius hydrargyri; aut quàm altitudo pedum triginta unius, & unius nonæ solius aqua (quod eodem recidit) toties posito in scutella subjecta mero hydrargyro, ambo liquores in tubo sic descenderunt, ut hydrargyrus quidem inferiorem tubi partem supra scutellam occuparet, secundum altitudinem quæ minor esset pedibus duobus, & septem ex viginti quatuor; supra hydrargyrum extaret aqua, quæ altitudinem hydrargyro deficientem sic compensaret, ut ipsius aquæ altitudo contineret tredecim, & quatuor ex septem, partem altitudini hydrargyri deficientem: tum supra aquam reliquum tubi remaneret veluti vacuum. Et quamquam ad hanc observationem adhibitus publicè fuerit tunc tubus quindecim pedum; tamen illa postea in tubis quoque quatuor aut quinque pedum facta est aquæ eleganter: namque ad hoc sufficit, ut dum initio hydrargyrus in tubum infunditur, illud non impleat quidem totum tubum; at idem altitudinem obtineat majorem pedibus 2, & $\frac{1}{4}$, reliqua verò pars tubi aquâ repleatur: sic enim res semper bene habebit, modò in scutella subjecta sit merum hydrargyrum.

CAPUT VII.

EXPERIMENTUM VII.

Hydrargyrus cum aëre tubo inclusus, adhuc minùs

*Mercurius
cum aëre
tubo inclu-
sus, minùs
altè suspen-
sus haret,
quàm solus.*

altè suspensus haret in tubo erecto intra alium hydrargyrum, quàm hydrargyrus solus.

Proponit hoc Experimentum Pecquetus, & fit tali pacto. Impleatur, ut antea, tubus vitreus trium pedum altitudinem superans,

rans, diametrum amplitudinis habens quatuor circiter unciarum pollicis; impleatur inquam hydrargyro totus præter septem pollices, reliquum verò repleatur aëre. Tum invertatur tubus (digito prius obturando patens ejus orificium) & immergatur intra hydrargyrum subiecto aliquo vasculo contentum. Demum subtrahatur digitus, & via aperiatur hydrargyro. Descendet is in vas subiectum ex parte, cylindrus verò, qui in tubo suspensus remanebit, erit plus quàm septem pollicibus infra viginti septem pollices decurtatus.

ANNO TATIO.

Causam ait Pecquetus esse, quòd vis elastica seu dilatativa aëris detrudat hydrargyrum. Quod nos infra examinabimus.

CAPUT VIII.

EXPERIMENTUM VIII.

Aqua premit atque attollit Mercurium in siphone erecto.

TAmetsi hoc & sequentia Experimenta non sint pneumatica, neque ad Aërotechniam, de qua hîc agimus, pertineant; quia tamen ad explicanda multa huc spectantia conducunt, apponere placuit.

I. Fiat siphon vitreus erectus æqualium crurium ABC, in eumque infundatur primò nonnihil hydrargyri. Descendet hic ad fundum, & in utroque crure æqualiter elevabitur, usque ad lineam HI v.g. ut nimirum superficies suprema in utroque crure æqualiter distet à centro gravium, prout in aqua & aliis liquoribus fit. II. Affundatur deinde per orificium C aqua, donec impleatur crus CB. Descendet Mercurius in crure CB usque ad D v.g. pressus ab aqua CD; recedetque in crus BA, in eoque attolletur supra horizontem HI, usque ad E v.g. ita ut suprema superficies Mercurii in crure CB sit vicinior centro gravium, quàm suprema superficies ejusdem in crure AB.

Aqua premit atque attollit Mercurium in siphone erecto.

Vide Iconis, XII. Fig. III.

Ratio Experimenti est, quia compositum ex aqua CD, & Mercurio DB, in crure CB, est æqualis gravitatis cum solo Mercurio BE in crure BA.

ANNOTATIONES.

I.

I Tag₂ Mercurius in crure BA ascendit pro ratione gravitatis aqua superfusa Mercurio in altero crure CB.

II. Simile quid contingit in omnibus gravibus fluidis non commiscibilibus, & inaequalem habentibus gravitatem in specie.

III. Si duo ejusmodi fluida inaequalis gravitatis mittuntur simul intra duo erecti siphonis crura, unum hinc, & alterum inde; initio pellent sese ac repellent alternis vibratiunculis, quæ paulatim minuentur, donec tandem modo dicto conquiescant: sic nimirum, ut suprema superficies gravioris minùs à gravium centro distet, quàm suprema alterius, pro ratione inaequalitatis inter gravitates.

CAPUT IX.

EXPERIMENTUM IX.

*Aqua in tubo duplici premit atque attollit
Mercurium.*

L

Fiant duo tubi vitrei, ALB externus, latior, inferius clausus, superius apertus; & DI internus, gracilis, utroque ore apertus. II. Mittatur Mercurius in externum usque ad signum v. g. EF. Ingredietur is per infernum os I interni tubi, ascendetque usque ad idem signum EF, more aliorum liquorum. III. Affundatur aqua desuper in exteriorem tubum, quæ occupet in eotres v. g. palmos altitudinis ab E Fusque ad AL. Deprehendes, in externo quidem tubo Mercurium descendere aliquantulum, v. g. usque ad signum GH; sed è contra ascendere in interno usque

in C

in C v.g. nempe ad tertium ferè digitum supra priorem communem horizontem EF, ita ut interioris tubuli Mercurius maneat elevatus totâ eâ altitudine, quæ est inter GH & C, trium scilicet v.g. digitorum, ubi trium palmorum est aquæ altitudo à GH usque ad LA. Vide quæ dicimus infra lib. 4. cap. 8. §. 2.

ANNOTATIONES.

I.

Idem cum proportionē eveniet, si loco Mercurii ponas aquam, & loco aquæ affundas oleum ipsi aquæ; vel si quosvis alios duos liquores adhibeas, dummodò non commiscibiles sint, & in æqualem in specie gravitatem habeant.

II. Ratio eadem est hîc, quæ in priori Experimento. Nam pondus aquæ incumbentis Mercurio in externo tubo ALB, premit ipsum deorsum ab EF usq; ad GH: hic autem pressus, atq; ab externo tubo aliquantulum extrusus, subit in tubulum interiorem, atq; in eo ascendit, donec in C fiat æqualitas secundùm libramentum interni Mercurii IC, cum externo GBH simul sum aqua GHLA.

Multa alia similia Experimenta, à diversis facta, omitto, quoniam hæc quæ attulimus hæctenus, instituto nostro abundè satisfaciunt. Ad Examen igitur enarratorum Experimentorum progredimur.





LIBER QUARTUS.
SCRUTINIUM PHYSICUM
 PRÆCEDENTIUM EXPERIMENTO-
 RUM PNEUMATICORUM.
 PROOEMIUM.



Interest privatæ ac publicæ utilitatis, ac pænè dixerim vitæ nostræ, aëris in quo vivimus, quem inspiramus, quo tam multas, & humanæ Societati tam utiles molimur machinas, naturam ac proprietates habere perspectas. Innumeros videmus quotidie ac suspicimus effectus, quorum causam veneranda antiquitas, ad hæc usque ferè tempora nostra, aliam non agnovit, quàm vacui metum (ut Scholæ loquuntur Philosophorum, & idiotarum quoque vocibus jactatur) cujusmodi sunt antliæ fuctoriæ, fontes aliæque hydraulico-pneumaticæ machinæ consimili cum antliis artificio animatæ, cucurbitæ medicæ humano è corpore sanguinem prolicientes, Æolopilæ, aliæq; machinulæ per oscula angustissima humorem ad se allicientes, vasa irrigatoria supra perforatum fundum

dum aquas suspendentia, laminæ aliæque corpora gravissima sine glutine & fulcris in aëre suspensa, aliaque multa, quæ tum in Mechanica Hydraulico-pneumatica, Magiaque Hydrotechnica ac Aërotechnica magno numero dedimus, tum tribus hisce præcedentibus Libris fusè recensuimus, recensebimusque porro, ubi feret occasio. Horum tamen omnium doctissimi Recentiores, quibus volupe est Praxin cum Theoria, Experimentalem cum Speculativa conjungere Philosophiam, longè diversam adsignant causam, videlicet aëris violentam ac vehementem pressionem; ejusdemque non calore, non frigore, non motu, non alio quovis externo principio sollicitatam, sed spontaneam dilatationem, cum primùm ab extrinseci circumobsidentis pressione liberum se videt. Quæ si vera sunt, næ gravissimè hallucinati sunt veteres, & magno in errore versantur sequaces.

Operæ igitur pretium erit non modicum, Experimenta omnia, omnesque effectus, quorum causam Recentiorum iste philosophandi modus dubiam fecit, ad veritatis trutinam revocare; & an Veterum placita nutent, non indiligenter indagare. Vellem alius, cui plus ingenii & otii est, hanc suscepisset

pisset Provinciam, & quæ Cartesius, Magnanus, aliiq̃ue pauci sparsim hoc in genere tradidẽre, cum aliis multis quæ tractari possunt, in unum collegisset, & postquàm in partem utramque ventilasset omnia, suam interposuisset sententiam: vereor enim ut ne perquàm debiles mei sub onere deficiant humeri. Sed quemcunque sortiturus sit exitum conatus noster, eum speramus excitaturum aliorum ingenia atque industriam, ad suos in re tam utili labores Reipublicæ Litterariæ consecrandos. Pergimus itaque, & tum nobis, tum aliis præludimus, ut sequitur.

CAPUT I. PRÆLUDIUM I.

Aëri in quo vivimus, varia rerum effluvia insunt.

Aëris nomine quid intelligatur.

Aëris nomine quid intelligamus, sophis æquè ac asophis notum est; spatium videlicet illud fluidum ac pervium, quod Terraqueum globum circumdat, & ad cœli usque Lunaris confinia extenditur; quod loca omnia, seu in Terra, seu in Aqua, seu intra Terram & Aquam, quæ nullo spectabili expleta sunt corpore, replet, ipsosq̃ue adeo corporum poros, saltem laxiores, penetrat, atque insidet.

Aër effluvis variarum rerum plenus est.

Spatio huic varia permixta continuò sunt rerum variarum effluvia, seu omnis generis spiritus, terrei, aquei, ignei, è terra, aqua, igne, mineralibus, plantis, animalibus, adeoque hominum corporibus, magnâ semper copiâ, vi caloris seu extrinseci, seu intrinseci, resoluti, & ob levitatem adsciticiam in altum eVecti. Nam ut in *Physica Curiosa* lib. IX. cap. 1. §. 1. diximus, è rebus sublunaribus

ribus duplex spiritus, seu halitus, vi caloris solis, vel stellarum, aut etiam ignium subterraneorum, ut & calore rebus ipsis innato, extrahitur, atque in altum elevatur. Qui quidem spiritus, seu halitus, nihil aliud sunt, quam partes subtiles ac tenues corporum à quibus extrahuntur, abeuntes velut in fumum, ac discedentes in auras.

§. I. Effluvia rerum, quæ aëri insunt, non ejusdem omnes rationis sunt.

NEc tamen hæ partes subtiles, sunt omnes ejusdem rationis, ut citato etiam loco diximus. Nam aliquæ sunt magis vaporosæ, magisque humidæ, quia ex substantiis humidioribus educuntur; ac ob id crassiores sunt, & graviores. Aliæ verò sunt magis spiritosæ, ac magis siccæ, quia ex substantiis siccioribus extrahuntur; ac ob id tenuiores sunt, & leviores. Priorem halitum Meteororum Scriptores cum Aristotele vocant *Vaporem*, alterum *Exhalationem*. Uterque calidus est, quandoquidem calore extrahitur, & elevatur: at vapor est simul humidus, quia ex humidis extractus; *Exhalatio* verò simul sicca, quia ex sicciseducta.

Effluvia rerum, quæ aëri insunt, diverse sunt rationis.

Hæ duo spirituum seu halituum genera tot inter se differentis discrepant, quot sunt rerum species inter se differentes è quibus oriuntur, adeoque effluvia ejusmodi non minùs specie inter se, quàm res ipsæ, quarum effluvia sunt, distinguuntur, ut cit. loc. §. 4. probavi. Nam non terra tantum, & aqua, sed res aliæ quæcunque, ut flores, fructus, animalia, mineralia, liquores omnes, aliæque quævis mista, calore seu solis ac stellarum, seu subterraneorum ignium, seu innato ac proprio, agitata ac resoluta, emittunt in aërem effluvia sua: quæ aliud non sunt, quàm corpuscula quædam minima instar atomorum; & sublata agitantur, ac inter se permiscentur, retinentque nihilominùs suam quælibet naturam ac formam substantialem; non secus ac dum arena nigra & alba, pulveres argenti & auri, aliæque similia inter se permiscentur, quælibet suum colorem, naturam, ac proprietatem retinent.

§. II. Experimentis probatur, aërem rerum variarum effluviis esse repletum.

Aërem variis rerum effluviis esse repletum, probatur experimentis.

Quod diximus de rerum variarum effluviis aëri immixtis, placet variis experimentis confirmare.

Terra virgo sponte producit herbas.

Primò itaque, si terram effodias è profundissima specu, quæ nullam unquam culturam subiit, nullâ humanâ industriâ suscipit semina (terram virginem vocant) eamque idoneo vase conditam exponas aëri libero noctu diuq; congruo tempore; videbis ex ea paulatim progigni herbas, illas potissimum, quæ in ea regione, in qua vas cum terra expositum est, passim sponte nascuntur. Quod signum est, terram illam solo aëre ejusmodi herbarum seu semina, seu spiritus continente, fuisse imprægnatam.

Vitrioli spiritus per aëra volitant.

Secundò, si postquam è vitriolo spiritum extraxeris, colcotar ejus (ut vocant) ponas sub dio, ibique dimittas paucis diebus; & mox in retorta reponas, adhibitis gradibus ignis de more; novum & efficaciorum spiritum extrahes. Idem efficies, si iterum iterumq; operationem instituas. Unde colligitur, spiritus vitrioli per aëra volitantes adhæsisse suo fixo quod supererat in colcotare, illudq; iterum impleisse.

Nitram ex eadem terra sapius extrahitur.

Tertiò. Terra illa ex qua variis lotionibus extractum est nitrum, reposita convenienti loco ad aliquod tempus, invenitur novam nitri, ut prius, extrahendi copiam, in suam quasi materiam condidisse.

Nitri spiritus per aëra volitant.

Quartò. In quibusdam antiquæ structuræ maceriis concrescit extrinsecus plurimus flos nitri, ideo nimirum, quia spiritus nitrales per aëra sparsi prout eò feruntur motu ejusdem aëris, sese illis conjungunt quasi intus habentibus vim seminalem nitri.

Quintò. Idem dici debet de falsugine aluminosa, aliisq; similibus, imò à pari de omnibus cujuscunq; generis spiritibus. Hæc experimenta affert *Emanuel Magnanus* in *Philosophia Naturæ* cap. 16. Propos. 2. Ex quo etiam colligit causam, cur quibusdam in locis aër salubris sit, alibi verò minimè; cur item alibi gratos, alibi tetros efflet effectus odores: nimirum quia vel salubres & gratos continet spiritus, vel insalubres & ingratos.

§. III.

§. III. Experimentis aliis probatur, aërem plenum
esse rerum variarum effluviis².

Sextò. Venti, ut in citato quoque loco Physicæ Curiosæ notavi, *Venti de-
semp* semper devehunt secum qualitates illorum locorum, per quæ *hunt secum
devehuntur.* Nam qui è terra sola spirant, quia corpuscula ter-
rea ac sicca deferunt, sicci sunt; qui è mari, quia vapores aqueos
devehunt, humidi ac frigidi. Hoc adeo manifestè notatur in
Sicilia variis in locis, ac constanter, ut venti ex Italia per mare
Tyrrhenum in urbes maritimas Italiæ objacentes delati, frigidi
sint, & æstivis in caloribus gratissimi hominibus; iidem per Insu-
læ mediterranea ad urbes maritimas Africæ objacentes delati, ca-
lidi sunt, ac molesti æstivis temporibus. Contrarium notatur in
ventis ex Africa adspirantibus².

Septimò. Idem venti redolent corpora illa, quæ præterve- *Venti redo-
lent corpo-
ra, quæ
præterve-
hantur.*
huntur. Sic ex locis odore bono fragrantibus proflant venti o-
dorati, ex sulphureis sulphurei, ex noxiis noxii. Quo tempore
circa Urbem nostram Herbipolensem vitiferi colles, qui urbem
totam amœno spectaculo, & divite proventu cingunt in circuitu,
florent; odore gratissimo urbs universa perfunditur. Du n ro-
sæ florent, è locis Fontenau & Vaurigard, qui circa Parisiorum
urbem sunt, aër mirâ odoris suavitate delibutus naribus afflatur.
Refert Excellentissimus Dominus *Kenelmus Digbaeus* in Opusculo
de Pulvere Symphatico, cum Parisiis esset, & librâ unâ vel alterâ
olei Tartari indigeret; id se à Domino Ferrier petivisse: hunc cum
nihil istiusmodi olei in promptu haberet, mox majori quantita-
te, quàm petatum fuerat, confecisse, ut & proprio usui aliquid re-
servare posset: allatum deinde oleum odore rosaceo adeo fra-
grassè, ut de ejus sinceritate dubitaret Digbaeus, putaretq; aquam
rosaceam fuisse oleo admixtam (quod tamen per solum deli-
quium, aut aëri humido expositionem sibi confici petierat) san-
ctè interim asseverante altero, nullum se planè liquorem alium
admiscuisse, sed calcinatum tartarum in cella reposuisse, ut suâ
sponte dissolveretur. Causa odoris, ut ipsemet Digbaeus notat,
fuit, quòd tum temporis rosæta in florem se induerant, & aër ato-
mis rosaceis plenus, & à tartaro aut oleo attractus, rosarum odo-

rem illis communicaverat. Quod inde confirmatur, quia deflorescentibus rosis, odor ille ex oleo evanuit; anno verò sequenti eisdem reflorescentibus, rediit: quod non uno tantum, sed pluribus subsequenter annis in eodem oleo, asservato à Domino Ferrier, accidit.

*Carbonum
fossilium
fuligines
per aerem
volitant.*

Ottavò. Londini in Anglia (uti in Physica Curiosa loc. cit. ex Digbæo narravi) quia in tota ac vasta urbe ignibus utuntur è carbonibus fossilibus nigris ac bituminosis, totus aer volatili sale & fuligine repletur: unde lecti, aulæ, & quævis utensilia, quantumvis antea nitida ac splendentia, tempore brevissimo obfuscantur. Causa est, quia cum aëre dicta fuligo intra clausa clavia, intraque ipsas cistas sese insinuat, & omnia velut farinâ nigrâ conspergit, lintheaq; ac papyros inficit; & quod mirabilius, arborum flores in campis. Eadem de causa cum urbis incolæ aërem istum ad refrigerandos pulmones attrahant, phlegmata exspuunt planè nigra ac fuliginosa, inflammatione & exulceratione pulmonum infestantur, ac plurimi peripnevmoniacy ac phthifici moriuntur. Simile quid contingit Leodii, ob similem causam.

§ IV. Adhuc alia experimenta, quæ aërem effluviis rerum repletum probant.


*Drepani
aër corro-
sivus, pro-
pter sali-
nam.*

Nondè. Drepani in Sicilia, urbe maritimâ, & salinis celebri, duorum annorum spatio quibus inibi habitavi, animadverti aërem esse adeo corrosivum, ut ferrum exedat, & quasi friabile reddat: unde ferrei fenestrarum clathri intra paucos annos absumuntur penitus, & rupturæ obnoxii redduntur. Vasa quoq; argentea, libero aëri seu domi, seu in templis exposita, obfuscantur primum, ac deinde nigredine paulatim obducuntur. Causa est, quòd sal, qui per æstatem in salinis (intromissâ videlicet aquâ marinâ intra humiles fossas, prope arenosa littora excavatas) calore solis excoquitur, ac deinde in cumulos ingentes aggestus soli toto anno exponitur, donec aliunde adventantes naves cum coëmant, & avehant, in spiritus volatiles resolvitur; qui deinde cum aëre agitato in obvia quæq; impellitur, eaque corrosivâ suâ virtute inficit, ac destruit.

Decimò. Madriti in Hispania (uti à Viro Religioso, docto, *Madriti*
ac fidedignissimo, qui multis annis ea in urbe habitaverat, audi- *aër tenuis.*
vi) aër tam est tenuis, ut nisi aliarum rerum effluviis identidem
inspissetur, minùs aptus sit hominum & animalium respirationi.
Quem in finem ex omnibus adibus hominum excrementa sum-
mo manè in plateas effunduntur; circa mèridiem verò, nè vesti-
gium quidem superest ampliùs, quòd omnia in atomos & hali-
tus abeunt, aëremque replent. Parisiis autem licet aër istius re-
gionis purissimus alioquin sit, coenum tamen illud putidum, quo
plateæ urbis omnimodè conspurcantur, aëris puritatem corrup-
pit, eum atomis atque effluviis coenosis, foetorem coeni ejusdem
redolentibus, replent.

Undecimò. Notum est, Lunam proprio lumine destitutam, *Lunares*
lucere lumine Solis mutuatio. Radii ergo ex Luna ad nos pro- *radii hu-*
manantes, illi ipsi sunt, qui à Sole in corpus Lunare directè effun- *mettant, &*
duntur, & inde in Terram reflectuntur. Hi radii atomos humi- *infrigidant.*
dos ac frigidos, ex sidere illo humido ac frigido, ad nos deferunt,
uti quotidiana ac perpetua docet experientia. Quod adeo ve-
rum est, ut si in speculo concavo, vel splendidâ pelvi, colligeren-
tur, & in comum coarctarentur; humectarent utique, & frigefa-
cerent impensius; non secus ac radii Solis simili modo collecti,
vehementiùs calefaciunt.

Innumera alia experimenta, quæ adducere possem, omitto,
& concludo, aërem atomis, hoc est, omnium rerum calore re-
solubilium effluviis plenum esse. Rectè ergo dictum à sensatio-
ribus Philosophis, *πανοργανον* quandam, seu rerum
omnium seminarium esse aërem.



CAPUT II. PRÆLUDIUM II.

*Aër non est mera variorum effluvi-
orum con-
geries, sed est æther ejusmodi effluviis
repletus.*

Interest decidere hanc quæstionem, ad vacui (cujus sæpe men-
tio facta hactenus, fietq; porro) notionem ac naturam intelli-
gendam.

Controversia ergo est inter Philosophos, an aër nihil aliud
sit, quam omnis generis spirituum, halituum, atomorum, efflu-
viorum miscella seu congeries; an verò præter istam conge-
riem corpus aliud tenue, atque effluviis istis pervium, inclu-
dat.

*Aër quid
sit.*

Cartesius Par. 4. Principiorum Philosophiæ, num. 45. aliiq;
Cartesiani, asserere videntur, aërem nihil aliud esse, quam conge-
riem particularum terrestrium, tam tenuium, & à se mutuò dis-
junctorum, ut quibuslibet motibus globulorum cælestium obsequan-
tur; ideoq; illum esse corpus valde rarum, fluidum, & pellucidum,
& ex minutis cujuslibet figure posse componi. Quippe nisi ejus
particula à se mutuò essent planè disjunctæ, jam dudum adhaesissent
corpori terrestris globi. Cumq; disjunctæ sint, unaquæque move-
tur independentè à vicinis; occupatq; totam illam exiguam spha-
ram, quam ad motum circularem circa proprium suum centrum re-
quirat, & ex ea vicinas omnes expellit. Quamobrem nihil refert,
cujusnam sint figure. Ita *Cartesius*; quæ etiam excipit *Lipstor-
pius* Par. 3. Speciminis Philosoph. Cartesianæ, cap. 2. Hoc si ve-
rum est, aër non erit peculiare aliquod unius speciei corpus, cui
seorsim ab omnibus alienis sibi admistis spiritibus conveniat no-
men aëris; sed erit plurium speciei diversorum corpusculorum,
invicem confusorum miscella. Utrum verò hæc *Cartesii* & *Car-
tesianorum* opinio sit, nec nè, paulò post videbimus.

*Æther an
desit.*

Alii pleriq; existimant, aërem non congeriem illam esse,
sed



Fig. I.




Fig. III.




Fig. II.



sed corpus quoddam ab illa distinctum, tenuissimum, secundum se simplex, quod tamen facile admittat consortium ac permistionem eorum omnium, quæ habent parem, aut etiam aliquatenus inferiorem tenuitatem. Et hoc vocant *Ætherem*. Dari porro ejusmodi corpus, Terræ circumfusum, probant sequentibus apud *Magnanum* cap. 16. Philosoph. Natur. Propos. 2. in Scholio, argumentis. *Primò*, ut constet integer numerus quaternarius Elementorum, qui sine dicto corpore non constaret sibi, cum corpuscula illa non sint quid à reliquis tribus Elementis distinctum. *Secundò*, ut præsto sit ubique corpus idoneum, quo facile possint repleri vacuitates omnes, dictis corpusculis etiam impenetrabiles: Natura enim, quæ vacuum abhorret, & corporum omnium totius Mundi contiguitatem amat, debuit providere, ut ubi desunt aut abscedunt corpora alia, sit aliquod, quod affluat, & laboranti Naturæ superias ferat.

Magnano loco citato inefficaces videntur prædictæ rationes. *Primò*, quia nondum demonstratum est, quatuor esse debere Elementa. *Secundò*, tum quia nulla est necessitas constituendi corpus aliquod, quod ad vitandum vacuum ubique præsto sit, cum prætensus ille Naturæ merus sapere videatur anilem quendam & vanum terrorem: tum etiam quia vacuitates possent æquè repleri aliis corpusculis spirituosius ac subtilibus, passim obviis.

Nihilominus quia commodius res omnes explicari possent videntur, posito ejusmodi corpore tenui quod diximus; admittit *Magnanus* cum aliis *Ætherem*. Unde statuit, hunc nostrum inferiorem Aërem non differre ab *Æthere*, nisi sicut impura aqua differt à limpidissima: ita ut æther sit idem quod aër purus; aër verò simpliciter dictus, sit æther dictis præcedenti capite spiritibus refertus, & quasi infectus.

Ego existimo, totum spatium à convexa Terraquei globi superficie usque ad concavum Empyreï coeli, aut aquarum supercoelestium expansum, unius esse naturæ, unoq; communi nomine appellari posse *Ætherem*: circa nos tamen, usque ad tantam altitudinem, ad quam ascendunt vapores, exhalationes, halitus, spiritus, rerum sublunarium effluvia; vocari posse ac solere Aërem;

Aër est æther diversarum rerum effluvia refertus.

rem; inde usque ad regionem Lunæ, Ætherem; à regione Lunæ sursum usq; supercoelestes aquas, vel cœlum simpliciter, vel cœlum sidereum, ad differentiam inferioris spatii, quod cœlum aëreum aliqui appellant.

*Atmosphæ-
ra quid sit.*

Aër prædicto modo sumptus, pro spatio videlicet illo quod vapores, exhalationes, aliaq; rerum effluvia continet, nuncupatur communiter à Philosophis ac Mathematicis *Atmosphæra*, loquendo saltem de illo spatio, quod halitus ad reflexionem ac refractionem aptos comprehendit.

Aërem non esse meram effluviarum congeriem, videtur etiam agnoscere *Cartesius*: fatetur enim, coelestem materiam (id est ætherem) ubique permixtum esse terrestribus illis corpusculis, quorum congeriem vocavit aërem. Idem agnoscit *Lipstorp* loc. cit. num. 3. *Robertus Boyle* in Experimentis de Aëre, Experiment. I. ita interpretatur *Cartesium*, ut velit, *Aërem nihil aliud esse, quàm congeriem aut acervum minutarum, & maximam partem flexibilium particularum, magnitudinis variae, omnigenarumq; figurarum, quae per calorem (Solis praesertim) in fluidum illud & subtile corpus æthereum, quod terram circumambit, evehuntur, & inquieto motu caelestis illius materiae, in qua fluctuant istae particulae, ita circumrotantur, ut unumquodq; corpusculum conetur cetera omnia, nè in parvam, suaeq; astruitati circum centrum suum debitam sphaeram ingrediantur, retrudere, atq; (si quando ulla in sphaeram illam irrudentia liberè rotantibus impedimento fuerint) expellere & abigere.*

CAPUT III.

PRÆLUDIUM III.

De aëris altitudine à Terra usq; ad Lunæ regionem.

Quàm necessaria sit hujus quaestionis decisio, antequàm ulterius progrediamur, patebit ex sequentibus passim toto hoc Libro,

Aërem

Aërem universum, ac propriè ex recepta significatione sumptum, nos conclusimus Terraquei globi convexo, & Lunæ concavo. Totum hoc spatium in tres regiones à Philosophis dividitur, Infimam, Mediam, Supremam. Infimam appellant, quæ Terraqueum globum ambit, & ad illam usque partem porrigitur, quæ radiis solaribus reflexis non incalescit amplius. Supremam dicunt plerique, quæ inter cavum sphaeræ ignis (ut ipsi loquuntur) & paulò infra altissimorum montium fastigia, intercepta est. Nos nullum ignem supra aërem, ab aëre distinctum agnoscimus, ideoque Lunæ concavo concludimus illam supra: quantum verò infra porrigatur, diximus in *Physica Curiosa* lib. 11. cap. 5. Media inter duas jam recensitas jacet. Si tamen supra supremam aëris regionem, & infra Lunæ concavum, statuere velis putatum ignem, hoc est, aërem defæcatum, & terrenis corpusculis eò delatis quàm minimè defœdaturum (ut nos alibi fecimus) per nos licet.

Aëris altitudo.

Altitudinem singularum aëris regionum, atque adeo totius aëris usque ad Lunæ concavum, in *Physica Curiosa* loco cit. determinavimus; ex quo loco, pro supremæ regionis altitudine (cujus solius cognitionem hîc inquirimus) desumimus sequentia.

Primò. Suprema aëris regio non extenditur fursum ultra Lunæ concavum, tametsi cœlum planetarum ac siderum reliquorum ponatur (ut nos cum Recentioribus nunc communiter ponimus) fluidum ac permeabile. Est contra *Fromondum* lib. 1. *Meteoror.* cap. 2. art. 1. ubi ait, probabile esse, supremam aëris regionem ad sidera fixa, & ad ipsum usque Firmamenti fornitem, excurrere; idque colligit ex Cometarum aliquorum per vias Planetarum trajectione, & motu intra eorundem cœlum: ex hoc enim concludit, totum spatium inter Planetas usque ad Firmamentum, exhalationibus scatere, ac infervescere. Ego autem puto, tametsi fluidum ac pervium sit Planetarum cœlum, plenumque exhalationibus, è quibus Cometa supralunares gignuntur; terrestres tamen exhalationes eò non pertingere, sed infra Lunæ concavum morari; aut si quando violenter altius ascenderint, relabi deorsum. Rationem loc. cit. adsignavi hanc. Primò, quia cen-

Aëris supremæ regio quousque extendatur.

trum omnium gravium sublunarium (quales etiam sunt exhalationes è terra elevata) est centrum terræ; centrum autem exhalationum Lunarium Luna, Solarium Sol, & reliquorum Planetarum reliqui Planetæ. Secundò, quia æther à Luna concavo sursum est levissimus, nec aptus ut sustentet exhalationes terrestres; ideoque hæc vel non ascendunt cònsue, vel si violenter fuere illuc detruse, pondere & inclinatione naturali tendunt ac relabuntur deorsum versus terram, tanquam centrum suum. Cometarum itaq; supralunarium materia sunt exhalationes supralunarium corporum.

Secundò. Suprema aëris regio, ad quam videlicet terrestria effluvia ascendunt notabili saltem quantitate, probabiliter non extenditur sursum ultra quinquaginta duo milliaria Italica, seu tredecim Germanica. Ratio est, quia materia meteororum sublunarium, quæ est vapor & exhalatio (quibus nominibus veniunt quicumque spiritus seu halitus è sublunariis rebus extracti, atq; elevati) plerumque non ascendit altiùs à terra, ut colligunt *Alhazenus, Vitello, Nonnius, Clavius, Tycho Brahe*, & alii, ex crepusculis matutinis ac vespertinis, quæ incipiunt ac finiuntur, quando supremi halitus in aëre, qui radios Solis reflectere ad nos aliquantulum possunt, incipiunt vel desinunt illuminari à Sole infra Horizontem ortivum aut occiduum existente: ex his enim apodixi mathematica còstendunt, dictos halitus plerumq; non esse altiores quàm diximus.

ANNOTATIO.

Incredibilis est Auctorum varietas circa halituum, qui Solis radios reflectunt ad Terram, & matutini ac vespertini crepusculi causa existunt, altitudinem. Alii enim dant ipsis milliaria Italica 34, alii 40, alii 41, alii 43, alii 46, alii 47, alii 51, alii 52, alii 60, alii 68, alii 288, alii 772. Opiniones plurimorum collegit P. Jo. Baptista Ricciolus lib. 1. *Almagesti Novi* cap. 31. Causa potissima tantæ varietatis est, varia semidiametri Terræ magnitudo ab iis assumpta in demonstratione concinnanda. Accedit, quòd revera varia est dicta altitudo: altiùs enim halitus ascendunt uno loco & tempore, quàm alio.

CAPUT IV.
PRÆLUDIUM IV.

*Aër gravis est; & ponderari potest etiam
intra aërem.*

Oscendam primò gravem esse; deinde ponderari posse etiam intra aërem. Primum probabo variis experimentis, & ratione.

§. I. Probatur experienciâ aërem esse
gravem.

Primò. Uter inflatus, & multo aëre, præsertim per vim intruso pleno, gravior est, quàm vacuus, ut experienciâ constat, & testatur etiam *Aristoteles* lib. 4. de Cœlo tex. 30. Idem dicendum est de pilis lusoriis, vesicis, sclopetis pneumaticis, aliisque similibus Instrumentis quibuscunque, per vim intrusò ac bene adensato aëre plenis.

P. Jo. Baptista Ricciolus Tom. I. Almagesti Novi lib. 2. cap. 5. num. 4. ait, expendisse se ad exactissimam bilancem vesicam bovinam, primò flaccidam, deinde inflatam: flaccidam pendisse scrupula 4, & grana quatuor; inflatam verò scrupula 4, & grana 6. Aër ergo intra vesicam consilipatus habuit pondus duorum granorum.

Martinus Merfennus in Phanomenis Hydraul. Proposit. 29. asserit, se Geometris præsentibus, & adjuvantibus, ponderasse bilance Æolopilam aneam probè caleractam, & propemodam candentem, omnique humore destitutam, & quàm minimùm, aëris continentem; deprehendisseque pondus fuisse unciarum 4, drachmarum 6, & granorum 15: postquàm verò naturaliter refrixisset Æolopila, & aër antea vehementer rarefactus rediisset ad pristinum ac naturalem suum statum; iterum ponderasse ipsam, & invenisse pondus præcedente pondere majus fuisse 4 granis. Erat autem bilaux exactissima, quæ dimidio grano perdebat æquilibrium.

Galilaus Galilæi apud *Danielem Lipstorpium* in *Specim. Philosophiæ Cartesia.* par. 3. cap. 2. in fine, sic examinavit aëris gravitatem. Accepit lagenam vitream satis amplam, cui os obturavit diligenter; præterquàm quòd inseruit digitale coriaceum cui iuncta erat strictissimè utris luforii animula; quà deinde, in instrumento ad id apto, maximam aëris quantitatem intrusit, duas scilicet aut tres aëris lagenas, præter eum quo primùm plena erat; aër enim & facillè, & multùm condensatur. Hanc lagenam aëre ita constipato plenam ponderavit, & ponderosiores invenit, quàm antea erat, aut postea fuit, cùm aërem non compressum, continebat. Ut autem deprehenderet, atque ostenderet, quantum aëris fuisset per vim intrusum, alligavit dictæ lagenæ alteram lagenam maiorem aquâ plenam, quæ ita aptè perforata erat, ut aditus posset commodè aperiri. Dato deinde aëri violentiùs compressò in subjectam lagenam aditu, tantum effluxit aquæ, quantum aëris constipati è superiori vase in inferius descendit.

Jo. Chrysostomus Magnanus in suo *Democrito* ait, ponderari posse aërem, ac deprehendere ejus pondus, si præparetur lagena vitrea cum animula utris seu pilæ luforiæ, & violenter intrudatur aqua, nullo interim aëre elabente; qui ut intrusæ aquæ locum det, necessariò comprimitur. Si jam ponderetur lagena aquâ & aëre violenter compressò plena, positis in altera bilancis exactissimæ lance granulis arenæ; gravior deprehendetur, quàm cùm aperto aditu aëri compressò conceditur aditus, ac tum iterum aquâ & aëre non compressò plena ponderatur.

Illustris & Industrius Dominus *Robertus Boyle* (ut ipsemet, narrat in *Experimentis novis de aëre*, Experimento 36.) sic processit. *Cepimus*, inquit, *Æolipilam cupream 6 unciarum, 5 drachmarum, 48 granorum pondere; quam quantum liceret calefactam (ne metallum vel camentum liquesceret) ab igne removimus, & protinus obdurescente cerâ oclusimus, ne vel tantillum aëris irreperet ad foramen in Æolipilis ad emittendos fumos de more patefactum. Æolipilam deinde sensim deservescentem, unâ cum isto cerâ obturaculo iterum ponderavimus; & comperimus quòd, ob additum ceræ pondus, 6 unciarum, 6 drachmarum, 39 gra-*

norum pondus æquabat: Perforatâ postremò cerâ (cujus nullam partem ex bilance eximi permisimus) externum aërem (qui non sine strepitu irrupit) admisimus, & Æolipilam cum cera rursus trutinâ exploratam, ad 6 uncias, 6 drachmas, & 50 grana, pondere auctam invenimus. Adeo ut Æolipila, quantum ab igne nostro fieri potuit, aëre suo liberata, undecim granis levior fuerit seipsâ prius aëre repletâ: hoc est, aër in cavitate Æolipile contentus, undecim grana aliquantillum excessit; aliquantillum inquam excessit, propter particulas aëris ab igne ex Æolipila nondum expulsi. Adhibuit autem bilancem, quæ quartæ partis grani pondere æquilibrium perdebat.

Alios modos aëris gravitatem deprehendendi tradit *Georgius Philippus Harstorfferus* tom. 1. *Deliciarum Mathematicarum* par. 9. proposit. 16. & doctissimus Cardinalis *Nicolaus Cusanus* in *Experimentis staticis*; quos ultimos dedimus nos in *Magia nostra* Par. 3. lib. 4. Syntagm. 3. Pragmatia 11. & 12.

Sed nulla aërem ponderandi, ejusque gravitatem deprehendendi praxis luculentior, ingeniosior, ac certior hætenus reperta fuit, quàm illa, quæ fit per Experimentum *Magdeburgicum*, explicata supra lib. 1. cap. 2. ubi diximus, Recipientem nostrum *Herbipolensem*, triginta duarum mensurarum *Herbipolensium* capacem, plenum aëre non constipato, sed in suo naturali statu constituto, ponderasse unciam unam cum sex decimis plùs, quàm cùm evacuatus erat. Auctor verò dicti Experimenti, *Dn. Otto Gerickius*, in litteris ad me datis, & lib. cit. cap. 11. adductis, fatetur, Recipientem post extractum aërem esse tribus aut quatuor lotonibus seu semiunciis leviozem, quàm plenum aëre; prout videlicet major atq; capaxior est Recipiens.

§. II. Probatur ratione, aërem esse gravem.

Ratio etiam suadet, aërem esse gravem. Nam *Primò* aër, ut diximus cap. 1. hujus libri, est aether repletus variis vaporibus, exhalationibus, halitibus, spiritibus, effluviis corporum sublunarium, seu simplicia illa sint, seu mixta: ejusmodi autem effluvia, Aërem gravem esse, probatur ratione.

cùm sint corpuscula è terreis, aut aqueis, aut mixtis, & consequenter gravibus corporibus extracta, gravia quoque (saltem ut plurimum) sunt, & pondere suo deorsum non solum tendunt, sed etiam ruunt, cùm ab adventitio calore sunt libera. Dixi, *saltem ut plurimum* effluvia prædicta esse gravia, quia dantur aliqua in quibus nullum gravitatis signum deprehendimus, ut sunt effluvia magnetica, colorum, odorum, ac similia.

Secundò. Si aer non esset positivè gravis, sed positivè levis; ergo quò plus aëris contineret uter, aut vas quodcunque, eò levius esset: at hoc falsum ostendunt experientiæ allatæ; ergo gravis est.

Nec dicas, aërem intra utrem aut pilam compressum, gravem esse, quia condensatus ac constipatus est; aërem tamen in statu suo naturali constitutum, non esse gravem. *Respondeo enim primò*, non solum constipatum aërem, sed etiam non constipatum, manifestissimè gravem esse, ut constat ex Magdeburgico Experimento. *Respondeo secundò*, si constipatus est gravis; ergo & non constipatus: nam leve simpliciter additum levi simpliciter, non potest constituere grave, sed leve.

Dicere posses, diaphanum additum diaphano, reddere opacum, ut patet experientiâ, quando vitro diaphano superponuntur plura vitra æq; diaphana; & quando aer aut aqua, superponitur aëri, aut aquæ. *Respondeo*, diaphana in exemplis allatis, & omnia alia, quæ eundem effectum præstant, non esse planè ac perfectè diaphana, sed habere opacitatem aliquam admixtam. Opacitas autem addita opacitati, facit majorem opacitatem.

§. III. Aërem intra aërem ponderari posse, negat Deuslingius?

Aërem intra aërem ponderari posse, negant aliqui.

Cùm aer gravis sit, dubium nullum est, quin intra purum æthereum, aut intra aërem alium se leviozem, ponderari possit; sicut aqua ponderatur in aëre. Dubium etiam nullum est, aërem constipatum ponderari posse intra non constipatum ejusdem rationis, quia ille gravior est quàm hic. Dubium tamen est, an aer intra alium æq; gravem, aut etiam minùs gravem, ponderari queat.

quest. Ratio dubitandi est, quia sicut aqua intra aquam ejusdem rationis & gravitatis non gravitat; ita nec aër intra aërem ejusdem rationis & gravitatis gravitat. Multò ergo minùs gravitabit aër rorùs & levis intra aërem densiorem & graviorem.

Propter hanc rationem, Clarissimus Dn. *Antonius Deussengius* in Disquisit. 2. de vacuo, Sect. 2. cap. 1. 2. & 3. cùm descripsisset Experimentum Magdeburgicum ex Mechanica nostra Hydraulico-pnevmatubi, uti & suprà lib. 1. cap. 2. diximus, prædicto Experimento luculenter & ingeniosè explorari posse pondus aëris, in statu suo naturali constituti; ait cap. 4. in Epicrisi F, id fieri dictà ibidem praxi non posse, non obstante quòd Recipiens ante evacuationem gravior sit, quàm post evacuationem. Nec enim existimat, Recipientem aëre plenum ideo graviorem esse, quòd contentus in ipso aër pondus adaugeat; aut evacuatum esse leviozem, quòd aërem non contineat; sed rationem ejus rei aliunde petendam esse putat, nimirum ab habitudine circumstantis aëris mutatà. *Quò enim (inquit) ipse compactior seu densior redditus est, eò minùs gravitat pondus idem, quàm antè dum esset aër rarior, seu minùs compactus: veluti navis onusta minùs altè mergitur in aqua marina, quàm in fluviali. Dum ergo circa Recipientem aëre evacuatum aër ambiens densior compactiorq; existit; idem Recipientis pondus, lanci impositum, aërem densiorem sibi circumstantem minùs deprimit, quàm ante exantlationem deprimeret rariorem: & interim lanx alicra ad bilancem opposita, in aëre versatur non aequè compacto, ac is est, qui proxime Recipientem circumstat; quare validius aequali pondere deprimitur. Non autem duntaxat deorsum difficiliùs movetur Recipiens aëre evacuatus, ut ita levior esse videatur; sed etiam revera difficiliùs sursum potest moveri, propter eandem rationem, nempe ob aërem compactiorem, unde & idem Recipiens post aërem evacuatum gravior factus posset videri.* Hæc ille.

Aërem autem, qui circumstat Recipientem evacuatum, mutatum esse, ac densiorem factum, magisque compressum, inde probat, quòd dum è Recipiente per anthiam pnevmaticam extrahitur aër, in ejus locum per vitri poros subingrediantur partes ætheris, quæ circumstanti aëri erant admixtæ; æthere autem receden-

cedente, aëris partes coeunt, & conspiciantur, atque adeo aër condensatur, efficitque, ut eadem Recipientis gravitas eum jam difficilius ac minùs deprimat, quàm antea. Auctoris verba loc. cit. Epicurii B. hæc sunt: *Condensatur autem imprimis aër, ubi proximè, coarctatione factà, vim patitur, reliquo quantum fieri potest statum suum naturalem servante; sicq; aër, qui undiquaq; vitrum vicinissimus existit, præ reliquo distantiore per corporis intra vitrum contenti exanflationem, atq; ætheris in spatium illius ingressum, quàm maxime condensatur. Dumq; vitrum exanflatum de loco in locum transfertur, is, qui derelicto spatio vicinus est aër, in naturalem statum per expansionis visum se denuo vindicat (veluti nave provectà assurgunt illicò aquæ partes paulò antè pondere navis pressa) æthere aliunde, quo nempe vitrum transfertur, inter ejus particulas vicissim subeunte; sicq; perpetuò circa vitrum ipsum, quòcunq; translatum condensatio corporis proximè ambientis major contingit, remotiore interim à violenta compactione, per insitum quasi elaterem seipsum vindicante.*

§. IV. Aër intra aërem, tam æqualis, quàm majoris gravitatis, ponderari potest.

Aër intra aërem ponderari potest.

DUo asserit Clarissimus *Deusignius* in præcedenti Discursu: primum est, aërem intra aërem non gravitare: alterum, Recipientem aëre plenum, & ad bilancem expensum, magis descendere quàm antea, quòd antea minùs densus sit aër circumstans Recipientem, quàm postea sit.

Primum an verum sit, expendam capite sequenti; Nunc, dato, non concessò, aërem liberum intra aërem liberum ejusdem gravitatis non gravitare, repeto, quæ dixi in Joco-feriis Centuria 3. Proposit. 66. & suprà etiam lib. 1. cap. 2. ad finem, &

Dico I. Etiam aër intra aërem gravitat, si vasi includatur, & à reliquo aëre circumstante discontinuetur. Probo à pari. Tametsi aqua intra aquam non gravitaret, nec partes superiores premerent inferiores sibi subjectas, ut multorum est sententia; tamen si vasi includatur pars aquæ, gravitat intra ipsam. Ergo & aër, tametsi intra aërem non gravitaret, si liber est; tamen si pars

pars aëris includatur vasi, gravitat intra aërem. Consequentia clara est, quia eodem modo de utroque elemento discurrendum est, ipso etiam Deusingo fatente. Antecedens ergo probatur. Dolium aquâ plenum, & aquæ impositum, magis mergitur, quàm dolium aëre plenum, ut quotidiana experientia docet; ergo non solum dolium gravat, sed etiam aqua, quæ in dolio est. Item, si vas cretaceum, aut cupreum, aut cujuscunque alterius materiæ, subtus in fundo perforatum, supra verò apertum, imponatur aquæ ita erectum, ut fundus perforatus aquæ superficiem contingat, demergitur vas aliquantulum; deinde ingrediente paulatim aquâ, magis ac magis demergitur; tandem cum plenum est aquâ, penitus submergitur & subsidit: hoc autem non fit, nisi quia ponderi vasis accedit pondus aquæ: Ergo aqua intra aquam gravitat. Omitto alias probationes, quoniam has sufficere existimo; & concludo, etiam aërem vasi conclusum gravitare unâ cum vase in aëre; quod probare volebam.

Dico II. Quod Recipiens aëre plenus, & bilanci impositus, magis descendat in aëre, quàm idem Recipiens aëre evacuatus, sive ex toto (si fieri potest) sive ex parte; non evenit inde, quòd in primo casu aër circumstantis sit rarior, in secundo verò densior. Probatur I. quia revera Recipiens aëre plenus, est gravior, quàm non plenus, ut jam probavi; sive ergo rarior sit aër circumstantis, sive non, potest plenus descendere magis, magisque suam lancem deprimere, quàm vacuus; cum hoc tamen discrimine, quòd in rariori plùs, in minùs raro minùs descendere queat. Probatur II. quia dato etiam quòd aër ubique inspersas habeat ætheris particulas, ut cap. I. asseruimus; & quòd in casu nostro illæ ætheris particulae, quæ aëri Recipientem circumstanti immixtæ erant, per vitri poros sint ingressæ, atque ob id circumstantis aëris partes fuerint magis constipatæ & condensatæ, quàm antea erant, ideoque Recipientem prohibeant descendere quantum antea descendebat; tamen aër ille, qui semel Recipientem circumstat, non semper eum circumstat, sed continuò fluctuat, ac recedit, accedente alio atque alio, quàm diu aër in loco eodem in quo Experimentum capitur, ventilatur ab huc illuc commeantibus, à ventis, aliisque de causis. Ergo etiam si in principio, antequàm

constipatus aër depellitur, non descendat ut antea; tamen abscedente illo descendere debet, & redeunte ascendere, & quidem satis sensibilibiter, quantum scilicet 32 lotones seu semiuncia bilancem deprimere possunt. Nunquam autem notatum fuit, Recipientem aut evacuatum, aut plenum, aliquando descendere, & aliquando reascendere, manentibus cæteris immutatis.

Dicit Cl. Deusingius, recedente aëre condensato, & adveniente novo aëre rariore, hunc statim condensari circa Recipientem, quia ille, qui recessit, nititur se reducere ad statum suum, naturalem, & ideo partes ætheris, quæ sunt in aëre novo adveniente, sequuntur aërem condensatum. *Respondeo*, hoc prorsus gratis dici, & esse omnino incredibile, & naturaliter impossibile. Aër enim condensatus, & in statu violento constitutus, dum Recipientem circumstabat, non minùs nitebatur se reducere ad suum nativum statum, quàm dum depulsus est: cur ergo partes ætheris in aëre vicino antea non confluebant ad ipsum, & post discessum confluunt? Mihi certè longè probabilius videtur, aërem Recipienti inclusum, gravitare in aëre, propter rationes allatas; quàm aërem, qui Recipientem circumstat, etiam translato Recipiente de loco in locum, esse condensatum, & ideo Recipientem non degravare tantum, quantum antea aëre plenus degravabat.

ANNOTATIO.

QUæ hoc capite proposui, scripseram etiam in *Joco-serijs centur. 3. Proposit. 66. verbis paulò mutatis, additis q̃, nonnullis quæ hic ommissa sunt: miseram q̃, ad Virum Clarissimum Doct. Antonium Deusingium, ut pro suo singulari erga me, & erga veritatem affectu expendere dignaretur. Fecit id cumulatissime Vir Doctissimus, uti ex sequenti apparet Epistola.*

Reverende ac Celeberrime Vir, Domine & Amice
honorande ac colende.

AMicissimas heri (14. Junii) abs Te litteras accepi, cum fasciculo eorum, de quibus meum poscis judicium, per Nobilissimum & Amplissimum Dn. Vegilinum, communem nostrum ac faventissimum Amicum, Leovardiâ ad me missas. Singularem
Tuum

Tuum erga me affectum multis comprobas modis ; nec sufficit Tibi privatam colere ac fovere amicitiam, nisi & publica illius documenta extent in præclarissimis Tuis scriptis, æternitate dignissimis. Certè animum Tuum minimè fucatum re ipsâ comprobas, quòd liberè à meis opinionibus disséntias, nec patiaris affectum præjudicare veritati. Sic & ego consuevi conversari & agere cum intimis meis, illasâ amicitia, illæso affectu, quo piè ac candidè Amicos complector. Qui dissensum in iis, quæ vel DEI, vel veritatis sunt, in aliis non ferunt, indignos illos Amicitia censeo bonorum virorum : nec candida mihi Amicitia censeatur, quæ magis videtur ad me attenta, quàm ad veritatem, vel ad ipsummet DEUM, qui veritas essentialis est. Hinc sanè pluris illam facio Amicitiam, quæ libertatem ubivis sibi servat integram sentiendi de veritate ex Mentis dictamine, quàm quæ fortassè blandiens Amicis, vel blandiens sibi, veritati interim præfert seipsum. Consimilem in Te, Rev. Vir, suspicio animum, qui dum amico meo affectu prosequeris, liberrimè profers in medium in quonam à meis opinionibus disséntias. Quod verò interim nimis splendide de nostris alibi passim sentire videaris, id animum probat ex affectu indicantem : quem ego equidem gratissimo, & amicissimopectore excipio, dum interim sæpè mecum volvo *Scaligeri illud, multa passim nugæ, multa temeritas, multa ineptia, inter quas & nostræ.* Si nobis liceret ubivis ingenia Tuo consimilia experiri, quantoperè lætaremur, ubi etiam maximè emendari fortè ab aliis nostros errores optaremus. At nunc cum Belluis pugnandum nobis sæpius, qui furore insurgunt, sicubi putant Rationes vel indicia aliorum non ubivis suis sensibus quadrare. Hi nisi Rationis inopes forent, humanitati studerent, abstinerent à contumeliis : nec labores nostros, innoxios saltem, si fortè minùs utiles, quos Reipublicæ litterariæ impendere studemus, suâ improbitate nobis ipsis noxios, vel certè tædiosos, efficere laborarent. Hoc verò interim, celeberrime vir, quàm maximè doleo, quòd cum à Te atque aliis pluribus, qui Tuæ confessionis sunt, integerrimam Amicitiam, ex ipso studio litterario mihi natam, re ipsâ experiar; à quibusdam Nostrorum (ut volunt videri) in Belgio nostro (saltem ab uno alterove Antecessore, larva-

tum agmen secum ducente) sylvestrem animum, ac libidine ferinum, *cornutis* potius Animalibus competentem, quàm viris sapientibus ac veritatis studiosis, excipere cogar. Sed vitium hoc ipsorum est: ac probant eo ipso se ex Nostris non esse: sed patrem habere calumniarum promicondum, ac veritatis osorem. Illis verò nunc missis, ad latiora accedo.

Sententiam meam circa ea Experimenta, quibus *Aëris pondus explorari posse* cum aliis urget C. C. Tua, proditam à me in *Disquisitione. 2. de vacuo Sect. 2. cap. 4. Epicrisi F.* non admittis, Vir celeberrime, sed illam recitatam in Tuis Joco-feriis Nat. & Art. Cent. 3. Prop. 66. §. 2. argumentis impugnas: quæ consimili animo, quò à Te sunt mota, nimirum amicissimo, vicissim expendam. Hoc verò in antecessum censeo monendum, nequaquam mihi hanc mentem fuisse, ut *sententiam de Aëris gravitate everterem*, ut malè videtur C. C. T^a. meam mentem accepisse allegato §. 2. mox in initio. Utique *Aërem esse simpliciter gravem, & tantum secundum quid levem, nimirum respectu corporis gravioris*, quod T. C. C. urget allegato loco §. 1. mea: constans hactenus sententia fuit, quam pluribus pridem ante annos viginti publicè sum tuitus in *Discursu physico de Mundi opificio Disp. 4. Quæst. 4.* ubi nec *Igni* quidem simpliciter levitatem concedendam censui. Illa verò mea de Aëris ponderositate sententia itidem manifesta esse potest ex iis, quæ exposui *Disquisitione. 1. de vacuo, Sect. 1. ubi §. 9.* statui, hunc Mundi vorticem, in quo nos *DEI* providentia constituit, quinempe *Terrarum orbem atq; Lunam ipsam, unà cum Expanso Aëris intermedio completitur*, ita comparatum esse, (quod de cæteris Mundi vorticibus similiter est verum) *ut quæ graviora sunt, majori nisu, atq; fortiori impetu ad centrum vergant; quæ sunt leviora, ea naturaliter in circumactum vortice succedant gravitate suâ* (NB. ergo gravitatem quoque Aëri tribuo) *gravitate suâ*, inquam, *ponderosioribus ad centrum connitentibus*, &c. Atque ita ibidem §. 12. de Aëre dico, Eum, quò plùs Æthereæ seu Igneæ substantiæ concepit inter partes sui, eò leviores esse se ipso sub æquali mole: quò verò minùs, eò esse *graviorem*. Ac §. 18. *Partes Aëris superiores*, ceu viciniore Igni (non sublunari Peripateticorum, quem non agnosco, sed cœlesti, seu Æthereæ substantiæ,

tia, omnia quidem permeanti, at imprimis supra Terræ Lunæq; vorticem exporrectæ) atque copiosiore igne perfusas, gradatim leviores esse *partibus ipsius inferioribus* &c. Atque ita non Terram & Aquam modò, sed & ipsum *Aërem* revera gravem esse censeo, nimirum respectu *Ætherei seu Ignei Expansæ*, in quo moventur omnia; quod ipsum per se quidem immobile est, facillimè tamen præ aliis corporibus, secundùm exiles sui particulas, quibus aliorum corporum poros permeat, ad motum concitatur, unde & in Animalibus *ætherea* illa *substantia* seu *spiritus insitus* (qui & Naturæ & Animæ nomine antiquis insignitus) quoad particulas exiles illas, creffioribus corpusculis Elementorū reliquorum interfusas, *substantia* per se mobilis semperq; mobilis Galeno dicitur. Cæterùm quòd *ignem*, seu *Ætheream substantiam* in se spectatam attinet, hanc veluti simpliciter immobilem, sic neq; gravem, neq; levem esse censeo, cùm utiq; non habeat, in quo vel sursum vel deorsum moveatur, sed sit expansum quasi aliquod indefinitum, atque tela quasi subtilissima in quaslibet dimensiones exporrecta à divinâ manu creatrice, in quâ omnis à divina sapientia ornatus illè mundi aspectabilis depictus est. In hoc Expanso omnis omnium omninò corporum contingit motus primò; ut Expansum illud cùm moveri nequeat, in vacuo (quod nullum est, nec dari potest, utpote quod contradictionem implicat in sua notione) quia & cùm, si vel daretur vacuum, revera motus nullus in eodem fieri posset, (quia foret momentaneus, atque adeo non motus (quod ab *Aristotele* est demonstratum 4 Physic. cap. 8. atque evidentius à nobis in Theatro Nat. univ. par. 3. Dispos. 5. Quæst. 5.) cùmque non sit aliud quodcunque medium Expanso illo prius in quo moveatur; meritò censemus & immobile per se, & neque grave esse neq; leve. De quo Expanso item pluribus disserui jam dictâ Sectio. I. *Disp. I. de vacuo.*

His ita obiter præmissis, accedò ad rem propiùs, Primò, negaveram *Aërem intra Aërem ponderari posse*; quòd *Aër in Aëre non gravitet, nec levitet.* Secundò, Phænomeni vestri, quo Recipiens aëre evacuatus levior observatur, quàm cùm aëre plenus est, hanc rationem esse statui, quòd *aër, qui Recipientem ambit, post evacuationem aëris antea contenti in Recipiente, ac ingressum*

atheris in ejus locum, densior sit redditus; adeoque pondus idem minus gravitet in densiore medio, quàm antea in leviori; at neutiquam petendam esse rationem imminuta gravitatis à minori pondere Recipientis, quòd hic pondere contenti antè aëris sit imminutus.

Contra prius assertum meum infert CC. V^a. *Primò, quòd etiam aër intra aërem gravitet, si vasi includatur, & à reliquo aëre discontinuetur.* Id verò probat à pari. Nimirum, tamen si aqua in aqua non gravitet, tamen si vasi includatur pars aquæ, gravitat intra ipsam: quippe dolium aquâ plenum & aquæ impositum, magis mergitur quàm dolium aëre plenum: Ergo dolium cum aqua gravius est, quàm dolium cum aëre. Ergo non solum dolium gravitat, sed etiam aqua, quæ in dolio est.

Respondeo I. Non gravitate dolium aquâ plenum respectu aquæ: sed dolium antè aëre plenum respectu aquæ levitare. Ubi ergo dolium aquâ plenum est, levitatio tollitur dolio, quæ antè ob aërem contentum aderat dolio in aqua. At interim non omnis dolio levitatio aufertur, quam respectu aquæ habet, cum in locum aëris antè contenti est substituta aqua: in quantum enim lignum vasis levius est aquâ, si æqualis utriusque moles expendatur, in tantum adhuc aliqua eidem adest levitatio: atque vi hujusce contingit, ut superficies aquæ in vase contentæ altior maneat superficie aquæ, cui innatat vas ipsum. Si lignum vasis aquâ impleti ejusdem esset ponderis cum aqua cui vas ipsum innatat, vas ipsum illud aquâ repletum quemcunque in aqua locum servaret; (Ergo aqua illa contenta utique non gravitaret) Si gravius esset lignum vasis quàm aqua, vas unà cum aqua contenta mergeretur, atque ob pondus gravius ipsam aquam contentam (per se nec gravitantem, nec levitantem in aqua) in ipsa etiam aqua deprimeret. Quæ omnia ex legibus staticæ patent, ac clara sunt per ea, quæ demonstrantur à *Stevino* in *Hydrophoria* Propos. 2. 3. 4. Dum igitur vas aliquod aquâ repletum est, id mergitur in aqua tantâ sui & aquæ contentæ mole, quanta moles aquæ pondere æqualis est universo innatanti corpori ex vase & aqua conflato, per Propos. 5. *Stevini alleg. lib.*

II. Moneo, non dici *aquam gravitare in aqua*, quòd in aqua se demittat ad communem usque superficiem, seu quòd aquæ

quæ affusa non emineat sursum ultra communem superficiem; sed diceretur gravitare, si aquæ imposita fundum peteret, seu infra communem superficiem ultrò gravitate suâ se longiùs demitteret. Ita verò non gravitat aqua in vase contenta, dum interim impedit levitationem vasis, quâ antea ob aërem contentum vas sursum eminebat; obnitente interim vase ipso contentæ aquæ gravitationem aëre, quò minùs hæc communem cum aqua, cui vas innatat, consequatur superficiem.

Secundo, instat C. C. T. contra prius Assertum meum hoc argumentum: *Si vas cretaceum aut cupreum subtus in fundo perforatum, supra verò apertum, imponatur aqua ita erectum, ut fundus perforatus aquæ superficiem contingat; demergitur vas aliquantulum: deinde ingrediente paulatim aquâ, magis ac magis demergitur; tandem cum plenum est aquâ, penitus submergitur & subsidit*: hoc autem non fieri existimas, nisi quia ponderi vasis accedit pondus aquæ; Ergo aquam intra aquam gravitare colligis.

Sed respondeo, vas tale cretaceum aut cupreum, non quidem perforatum in fundo, aquæ impositum, suâ gravitate quidem niti deorsum; at quòd aërem contentum secum deorsum abducere nequeat, nec relinquere queat aërem non subeunte alio corpore in ejus locum, impediri quò minùs mergatur, ob levitatem contenti aëris respectu aquæ: ubi verò in fundo perforatum est, dum gravitate suâ premit aquam, hæc per foramen subit: ac quantâ quidem mole subit aqua, tantâ aërem emigrare facit; sicque magis magisque & quidem sensim majori imperu mergitur vas, quòd sensim minùs minùsque contineatur aëris, qui demersionem remoretur. Non igitur mergitur vas tale ob gravitatem aquæ in aqua, cum utique nequaquam aqua, quæ per foramen subit, cum ipso vase mergatur, sed potius sursum enitatur ad expellendum aërem in vase contentum, ob pressionem aquæ circumstantis.

Ad assertum meum alterum reponit C. C. V^a. Non esse ab aëre circumstante densiore impedimentum, quò minùs descendat Recipiens aëre evacuatus, quàm antè aëre plenus; sed contingere id primò, *quia revera Recipiens aëre plenus est gravior, quàm non plenus*. Id verò supponitur jam probatum superius.

Ac

At ego probationem illam non procedere ostendi. Secundò, *quia gratis adstruitur*, ut existimas, *densitas illa aëris circa Recipientem: cum nec antea adfuerint, nec postea absint aetheris particulae*, quarum absentia densitatem illam inducat. Id verò alibi Te probaturum polliceris. At puto me, tum in *Considerationibus ad Experimenta Boylei*, tum in *Disquisit. de vacuo*, sexcentis Experimentis demonstratum reddidisse, dari revera ejusmodi aetheris particulas, quibus subeuntibus inter particulas aëris aër rarefcat; emigrantibus verò, condensetur ipse aër. Interim non capio, qui dicat V. C. C. particulas illas aetheris postea non abesse, quum tamen dicat eas antea non adfuisse. Sed urget Terriò, *dato etiam, quòd aër ubiq; interspersas habeat aetheris particulas, & quòd in casu nostro illae, quae aëri Recipientem circumstanti immixtae erant, per vitri poros fuerint ingressae, atq; ob id circumstantis aëris partes fuerint constipatae & condensatae, ideòq; Recipientem prohibeant descendere, quantum antea descendebat; tamen aër ille, qui semel Recipientem circumstat, non semper eum circumstat, sed continuò fluctuat & recedit, accedente alio atq; alio, quàm diu aër in conclavi eodem, in quo experimentum capitur, ventilatur ab intrantibus, egredientibus, huc illuc commeantibus &c.* Nunquam autem notatum fuisse ais, Recipientem evacuatum aliquando descendisse, & aliquando non.

Huic quidem objectioni occurrebam *Epicrisi B*, ubi condensatur, inqueiebam, imprimis aër, qui proximè, coarctatione facta, vim patitur, reliquo quantum fieri potest statum suum naturalem servante; sicq; aër, qui undiquaq; vitro vicinissimus existit, præ reliquo distantiore, per corporis intra vitrum contenti exantlationem, atq; aetheris in spatium illius ingressum, quàm maxime condensatur: Dumq; vitrum exantlatum de loco in locum transfertur, inqueiebam, is, qui derelicto spatio vicinusest aër, in naturalem statum per expansionis nisum se denuo vindicat (veluti nave provectâ assurgunt illico aquae partes paulo antè pondere navis pressae) aethere aliunde, quò nempe vitrum transfertur, inter ejus particulas vicissim subeunte: sicq; perpetuò circa vitrum ipsum quòcunq; translatum condensatio corporis proximè ambientis major contingit, remotiore interim à violenta compactione, per insitum
qua

quasi elaterem se ipsum vindicante. Sub tali verò translatione vitri exantlati fieri aliter non potest, quin sursum deorsumq; mutet ac commoveatur vitrum, atq; gravitationis suæ modum mutet, donec iterum abiens aër ad pristinum statum deveniat; quemadmodum utiq; per æquabilem undiquaq; aërem pondera cum bilance transferri de loco in locum non possunt, nec ipse aër commoveri ac ventilari ab introeuntibus, egredientibus, vel huc illuc commeantibus, quin mutatio varia actualium ponderum contingat; secundum aëris motum, variumq; ejus in lancem impetum.

Ut adeò, *si nunquam notatum fuit Recipientem evacuatum aliquando descendisse, & aliquando non* (ut ait CC. T.) necessum sit, bilancem quietam in aëre quieto atq; immutato fuisse servatam. Quamvis autem ita secundum aëris commotionem, ejusdemq; varium accessum & recessum, aut bilancis de loco in locum translationem, diversimodè nifum actualem Recipientis seu gravitationem ejusdem mutari contingat; ubi tamen aër ac Recipiens in aëre ad quietem pristinam denuò pertingit, videtur eadem condensatio aëris circa Recipientem denuò cæteris paribus expectanda, quæ erat antè: velut, quamvis in hypocausto semper aliusq; vaporosus aër ad fenestras pertingat; qui tamen ad easdem aliave loca frigidiora pertingit, is cõtinuò condensatur: similiter, ubi aër ad Recipientem pertingit, in quo vi quodammodò detinetur æther, ob præpeditum liberum aëris ingressum, adeoq; in cujus vicinia minis expanditur aër, ob præpeditum liberum ætheris interfluxum, qui Recipiente conclusus est; necesse est eundem Recipienti vicinum sensim condensari. Sic ergo revera, recedente aëre condensato, & adveniente novo aëre rariore, hunc sensim condensari circa Recipientem necesse est, quia ille, qui recessit (adeoq; à vi naturæ illatâ longius distat) nititur se reducere ad statum suum naturalem, & ideo partes ætheris, quæ sunt in aëre novo adveniente, sequuntur aërem condensatum qui recessit, sicq; novus Recipientem circumstans condensatur.

Ad quis hoc credat? inquit CC. Tua §. 4. *Aër condensatus, & in statu violento constitutus, inquis, dum Recipientem circumstabat, non minùs nitebatur se reducere ad suum nativum statum, quàm dum depulsus est: cur ergo partes Ætheris in aëre vicino antea non confluebant ad ipsum, ut nunc conflunt?*

Hh

Re-

Respondeo. Quamvis aër condensatus Recipientem circumstans nitatur quidem ad statum naturalem, ex Recipientefaltem detentus æther succurrere non potest, cùm spatium illud sine corpore esse nequeat, nec queat aliud quodcunque subire : ex aëre verò vicino non potest tantum affluere, quia condensatus ille aër suo nisu naturali non potest prævalere retinenti aëri vicino, atq; adeo interfusum ætherem sibi reservanti. Aliquid tamen allici ex aëre vicino, rationi consentaneum est, sicque aëris condensationem gradatim minui, quò longiùs ab ipso Recipiente exporrigitur. Interim non nego, posse fieri à causis quibuscunque externis (v.g. ab igne, vel radiis solaribus &c.) ut condensatus ille aër rareseat iterum, sicque ætheream substantiam aliunde admittat : id verò si fiat, jam dubio procul in tali aëre gravitatio itidem Recipientis mutabitur.

Sed quæris porrò, *si Recipiens evacuatus transfertur de loco in locum, hoc est, recedit ab aëre condensato ad aërem non condensatum, gravitetne, hoc est, descendatne magis in novo aëre, quam antea?* Respondeo, non descendere magis; sc. quando jam aër circa Recipientem consimiliter condensatus est ut prior: Namque aër circumstans à recipiente relictus vindicat se in naturalem statum per expansionis nisu, æthere aliunde adveniente, nempe à loco in quem Recipiens translatus fuit.

Sed quæris iterum ut antea, *Cur aër ille condensatus, qui Recipientem circumstabat, antea non vindicavit se ad naturalem statum per expansionis nisu: æthere ab eodem loco, aut aliunde adveniente?* Similiter quærere possem, cur vaporosus aër in hypocausto tum demum, quando locis frigidioribus appropinquat, condensetur, ac non æquè quando in medio conclavi est? Sed Respondeo ad rem, ut antea: quamdiu aër condensatus Recipienti vicinusest, ad naturalem expansionis suæ statum devenire non potest, quod nempe præpediatur expansio ejus ob violentiam vicinam, quâ ingressus aëris in Recipientem præpeditur, adeoque, æther intus detinetur, quò minus subire queat aërem Recipienti proximum; à vicino aurem aëre æther advenire non potest, quia nihil est quod illic aërem condenset, ætheremque expellat, nec queat nisu aëris, qui violentiæ vicinior est, renisui aëris remotioris

ris prævalere. Violentiâ autem ablatâ, vel aliorum translata, condensatus antè aër facilius ad æquabilitatem reducitur ab interfluente undiquaq; æthere, ac condensatio denuo fit, ubi major obtingit Naturæ violentia, seu detinetur æther, ne æquabiliter undiquaq; aëre vicino, seu qui Recipienti proximè circumfunditur, queat interfluere. Concludo igitur, Recipientem aëre evacuatam, minùs gravitare, ob aërem circumstantem condensatum potiùs, quàm quòd aër antè in Recipientem contentus gravitaret, seu ponderis sui nisum in aëre exerceret.

Et sanè si aër in aëre gravitaret, quando alii in aëre gravitanti corpori inclusus est, possetque aqua in aqua gravitare, dummodò sit inclusa alii gravitanti corpori; quidni æquè aër eidem corpori gravitanti inclusus gravitare posset in aqua, cum utique simpliciter gravis sit aër, seu pondus aliquod nativum sibi habeat? Nulla ergo ratio reddi posset, cur lignum centum librarum, plumbo unius libræ in aëre centuplo gravius, in aqua tamen levius existat? (quam Quæstionem movet *Aristoteles 4. de Cælo cap. 4. tex. 29.*) vel saltem, cur corpus aqueum, v. g. pomum, natet in aqua, cum tamen particula plumbi, quæ v. g. centesima duntaxat pars sit illius molis, quam pomum ipsum habet, mergatur? Utiq; aqua in pomo, cum terrestri seu graviore substantia, quasi in uno eodemq; vase conclusa est, at interim non mergitur pomum: Ergo inclusa aqua non gravitat in aqua. Ratio autem horum phænomenon clara & evidens est per leges staticas superiùs allegatas. Ita vesica aëre vacua gravior in aëre est, quàm aëre plena: evidenti argumento, aërem vasi inclusum, non modò non gravitare in aëre, sed & non nisi vi quadam, seu ob pondus ejus, quo continetur, deorsum moveri, ac interim illius gravitationi obniti, sicque continentis actuale pondus minuere.

Interim, ut videas Candorem meum, Celeberrime Vir, atq; agnoscas me Philosophum esse, qui pertinax non sum, minimèq; annitor, ut ea, quæ posui ipse, tuear; sed ut veritatem assequar, utque mihi ipsi Positiones meæ quàm maximè queant videri veræ: ingenuè fateor, subesse illis Ratiocinationibus meis circa aëris ponderationem paralogismum aliquem; quem tamen T^a. CC^{tas}. hætenus non observavit. Dum enim statui Epicrisi F. à Te al-

legata §. 2. non duntaxat deorsum difficilius moveri Recipientem aëre evacuatum, ut ita levior videatur; sed etiam revera difficilius sursum posse moveri propter eandem rationem; nempe ob aërem compactiorē, unde & idem Recipiens post aërem evacuatum gravior possit videri &c. Dum, inquam, ita statuo, adeoque suppono, Recipientem aëre evacuatum non modò gravitare minùs, propter medium condensatius redditum, sed & minùs levitare, seu minùs facilè sursum moveri; servabit utiq; nisi actualē eundem; adeoque respectu ponderis oppositi in altera lance, quantumvis in aëre tenuiore versantis, idem ponderis servabit: Atqui levior deprehenditur: Ergo aliquis à nobis error committitur: Non circa aëris ambientis dispositionem, ut patet ex iis, quæ ad CC. T.^a. objectiones respondimus; Ergo aliud quid delitescit, quod nondum satis accuratè perpendimus. Nempe supposui ætherem, seu tenuissimum aliquod corpus indefinitè expansum, esse mediū conveniens, in quo non modò crassiora Elementa, & Aqua (quæ & in aëre mobilia existunt) queant moveri, sed & ipsemet Aër: cum interim æther immobilis existat, qui nec in vacuo (quod dari non potest) si vel claretur, potest moveri, nec medium aliquod habet tenuius, in quo nitatur ad commune quoddam Universitatis centrum. Hoc quidem verum est, si totum Æthera spectemus: At si ejus spectemus partem inter alia corpora comprehensam mole majori, quàm quâ ordinariè permeat corporum poros, ea connitentibus aliis corporibus versùs suæ gravitatis centrum, sursum à centro dimovetur.. Hic ergo æther in Recipiente conclusus, ob pressionem aëris undiquaq; ambientis sursum eniteretur (ut bulla in aqua) nisi gravitate Recipientis deprimeretur deorsum; obnititur tamen gravitationi hujus, sicq; pondus Recipientis, quod erat antequam aër exhauriretur, imminuit. Sic verò, quamvis aër in aëre non gravitet, gravitat tamen aër respectu ætheris, in aëre præter naturam ob aliorum corporum hiatum collecti, ac majori mole detenti. Quantum verò æther ad aëris pressionem nititur sursum, tantum est pondus aëris sub æquali mole prementis: adeoque, quantum renititur Recipiens æthere plenus priori gravitationi suæ, quâ, cùm esset aëre plenus, vergeret deorsum, tantum est pondus aëris comprehensi ætheri mole æqualis.

Concludo ergo Tecum, Vir Chrissime, *Aërem etiam intra aërem ponderari posse*. Quod volebas demonstratum. Hinc verò colligo *Primò*, Recipientem aëre exhaustum leviolem esse quàm ante, non quòd aër ante inclusus unà cum Recipiente gravitaret; sed quòd aër ingressus in locum aëris educti, levitet respectu aëris ambientis, sicq; gravitationem Recipientis imminuat. *Secundò*. Post evacuationem aëris è Recipiente factam, nequaquam esse vacuum in eodem; sed corpus aliquod tenuius (quod aëther, vel ignem vocamus) levitate suâ gravitationi aëris obnitens, adeoq; levitatione quâdam priorem Recipientis gravitatione imminuens: Quod de vacuo dici non potest. *Tertiò*, Si Recipiens parari posset, ejus duntaxat gravitatis, ut, ubi aëthere vel ex parte, vel ex toto repletus est, levitatio aëtheris contenti æquipolleret Recipientis gravitationi, is quemvis in aëre vicino ac quieto datû locum servaret. Si levitatio aëtheris admissi præpolleret ejus gravitationi, sursum evolveret ad illam aëris regionem, ubi tenuioris aëris moles æqualis universi Recipientis moli æquiponderaret, ibidemq; instar Cometæ versaretur. Sic bullæ, quas pueri excitant ex aqua smegmate imbuta, evolant sursum, quod ambitus ipsarum, Recipientis instar, tenuiorem aërem, hoc est, aëthere quodammodo copiosiore perfusum, fuerit complexus, ut bullæ moles universa pondus habeat minùs quàm sit aëris, in quo volitant, sub mole æquali.

Interim vides, Vir celeberrime, quàm sim animi candidi, atq; unice in veritatem intenti. Impossibile mihi est à me ipso dissentire; ut in iis sanè quæ sunt conscientiæ, mori malim quàm conscientiæ oblectari. At animo interim æquissimo fero dissensus aliorum, ac in gravioribus sanè condoleo potius dissentientibus aliis, qui lōgius videntur à veritate aberrare, quàm ulli irascat. Sed pluribus non vacat speculationibus hisce animum impendere distractum undiquaq; gravioribus circa ægros curis, & studiis morosioribus, quæ ordinaria mihi professio injungit. De reliquis uno verbo dicam &c. Vale, Vir Reverende, atq; hac nostra æquiboniq; consule; ac perge favere

Finiebam 16. Junii
Groninga 163.

Tuo

A. Deusingio MD^{or}ii.

Hh 3

Hæc

Hæc, & alia circa alias Quæstiones à me propositas, Vir Clarissimus, atq; Doctissimus; quæ quoniam & nostra opinioni, & veritati lucem afferunt ac robur, doctis ac discendi cupidis proponere hic volui. Noto autem primò, probè mihi notum fuisse ex erudita Viri Doctissimi Disquisitione gemina de Vacuo, aliisq; Operibus, ipsum aëri gravitatem tribuere, quamvis loco citato è Joco-seriis videar contrarium insinuasse ob verborum ambiguitatem. Noto secundò, typographicum mendum in eadem Joco-seria citata irrepsisse, dum loco ab Auctore citato legitur absint, pro adsint. Caterùm in quo conveniat mecum Vir doctissimus, in quo dissentiat, cognoscat Lector ex dictis. Responsiones ad alia quæsitæ dedimus alibi.

CAPUT V. SCRUTINIUM I.

*An vacuum Naturæ viribus procurari posse,
præcedentibus Experimentis probetur.*

vacuum an sit naturaliter possibile, disputatur.

Naturam horrere, ac modis omnibus evitare vacuum (hoc est, spatium omni corpore destitutum, seu locum nullo repletum corpore) non magnum tantummodò ac notabile, sed quantumvis etiam parvum; universa hætenus docuit Peripateticorum cum Stagyrice suo Schola. Exigua quædam vacua, in aëre præsertim & aqua disseminata, agnovit olim Democritus, & Epicurus, cum sequacibus; nec defuere ad hæc usq; tempora, qui illorum subscripsere sententiæ. Hujus sæculi Philosophi, nec pauci, nec indocti, Naturæ pomeria nescio dilatarene, an coarctare non dubitant, & magnis ausibus, ac vocibus, subtilibus argumentis, ineluctabilibus (ut putant) Experimentis ostendere adnituntur, non adeo invisum esse vacuum Naturæ, seu parvum, seu magnum, quin naturali artificio procurari possit, ac verò etiam non semel procuratum sit, atq; ob oculos ita positum, ut vel refractarios ad consensum sibi præbendum coëgerit.

Peripateticorum argumenta atq; Experimenta contra vacuum, attulimus in Mechanica nostra Hydraulico-pneumatica Par.

Par. 1. Protheoria 1. §. 3. & in Magia Par. 3. Syntagm. 1. cap. 1. Democriticorum & Epicureorum rationes & Exempla, quibus moti vacua saltem parva admittunt, dedimus in eadem Mechanica loci. §. 1. & 2. Ultimorum, quos Vacuistas nominare placet, argumenta potissimum desumpta sunt ex nonnullis præcedentium novorum & Antiquis incognitorum Experimentorum. Ea nunc ad examen vocamus. Et si quidem Vacuistas expugnabimus, expugnaverimus eadem operâ Democriticos & Epicureos.

§. I. Experimenta & rationes, quibus Vacuistæ probant vacuum Naturæ viribus dari.

Primum Experimentum est Tubus Torricelli hydrargyro ex parte plenus, & ex parte vacuus, de quo lib. 3. cap. 1. *Vacuum Naturæ viribus dari posse, aliqui probant.*

Secundum est Tubus Gaspari Berti aquâ parte inferiori plenus, superiori vacuus, de quo libro 3. cap. 2.

Tertium est Recipiens & Globus Magdeburgicus, antiâ pneumaticâ ab aëre aut aquâ evacuatus, de quibus lib. 1. cap. 1. & seqq.

Quartum sunt duo hemisphæria cuprea Magdeburgica, aëre itidem vacua, de quibus lib. 1. cap. 15. & 16.

Quintum est ahenum Magdeburgicum evacuatum, resorbens magnâ vi pistillum sibi implantatum, de quo lib. 1. cap. 19. & 20.

Sextum est Machina Magdeburgica alio modo constructa ad vacuum procurandum, de quo lib. 1. cap. 26.

Septimum est Tubus vitreus Magdeburgicus, aquâ partim repletus, partim vacuus, de quo lib. 1. cap. 27.

Omitto alia multa, uti & omnia Anglicana in evacuato Recipiente exhibita, de quibus lib. 2. per totum: omitto hæc inquam, quoniam ipsemet Auctor, *Illustris Dn Boyle* fatetur, nunquam se potuisse vasa sua perfectè evacuare, nec impedire, nè aër furtivè illaberetur.

Ex his autem, quæ recensuimus, & præcipua sunt in hoc genere, Vacuistæ arguunt, vacuum non solum Naturæ viribus esse possibile, sed de facto in dictis casibus dari. Nam *Primo*, in parte tuborum superiore, supra hydrargyrum & aquam neq; est aër, neq; aqua, quoniam omnis aditus ad eorum ingressum est undiq; occlusus; neq; aliud corpus adsignari potest, quod spatium illud ab aqua

aqua & hydrargyro vacuum repleat. *Secundò* è Recipiente & Globo Magdeburgico extrahitur & totus aër, & tota aqua: hæc quidem, quia ad oculum patet nihil remanere; ille verò, quia à principio exanflationis usque ad certum tempus semper aliquid è vase in antliam trahitur, & per ventile antliæ expellitur, postea verò nihil ampliùs extrahitur atque expellitur: interim autem, nec aër, nec corpus aliud aliunde subingreditur, quia omnes aditus occlusi sunt, & aquæ immersi. *Tertiò* idem dici debet de Hemisphæriis & ahenis evacuatis; evacuantur enim eodem modo, quo Recipiens & Globus, nec aëri post extractionem patet aditus reingrediendi.

Valerianus Magnus putat, ex primo Experimento Tubi Torricelliani tam evidenter demonstrari, etiam ad oculum, possibilitatem Vacui, ut Opusculū de ea re conscriptum vocaverit *Demonstrationem ocularem loci sine locato, corporis successivè moti in vacuo, luminis nulli corpori inhaerentis*. Cum enim superior tubi pars hydrargyro destituatur, & aër nullus per subjectam aquam & hydrargyrum illuc penetret; ait, superiorem fistulæ partem esse locum sine locato. Deinde cum hydrargyro intra tubum suspensò, per apertum modicè inferius orificium intromittitur modica aqua, aut aër, uterq; per hydrargyrum subit usq; ad partem superiorem tubi evacuati, & cum impetu illiditur vertici ejus; ait, aërem & aquam moveri successivè in vacuo. Demum, cum pars tubi vacui sit conspicua, & transparens, & omnia post illum & in illo collocata conspiciantur, sine lumine autem nihil conspici queat; ait, in vacuo esse lumen nulli subjecto inhaerens. His tribus demonstratis, putat infringi totam Aristotelis Philosophiam.

§. II. In nullo prædictorum Experimentorum est verum Vacuum.

Vacuum dari naturaliter, nullis experimentis probatur.

PRObatur Assertio I. Constat experienciâ quotidianâ, Naturam horrere ac fugere omnibus modis vacuum, seu non permittere illud, sed modis omnibus impedire, quæcunq; tandem causa sit impeditiva, & quocunq; ex fine à Natura intento contingat; Ergo sine evidenti & insolubili causa asserti non debet, in dictis Experimentis dari Vacuum, quia Natura sibi semper similis est.

Expe-

Experimenta, quibus probatur, Naturam fugere vacuum. Experimenta quibus probatur Naturam horrere Vacuum.

Experimenta nonnulla, ex quibus colligitur id, quod in Antecedenti asseruimus, collegi in Magia Par. 3. lib. 7. Syntagm. 1. cap. 1. Nempe *Primò*, si fistulæ alteram extremitatem liquori immergas, ex altera aërem trahas; sequitur aqua sursum ascendens contra gravitatis leges. Similiter si curvi siphonis crus unum dolio vinario immergas, per alterum extrâ dependens aërem fugas; sequitur ex dolio vinum. Præterea si fistulæ cavitatem pistillo & embolo repleas, & unâ fistulæ extremitate aquis immersâ embolum extrahas; sequitur aqua. *Secundò*. Folles contracti, obstructo foramine fistulæ, & ostiolo, deduci non possunt, etiam magnâ vi adhibitâ; quæ si plûs æquo augeatur, rumpuntur folles. Item duæ tabulæ, etiam gravissimæ, perfectè planæ, & sibi invicem superpositæ, divelli non possunt, si superior in medio ansam habeat, & apprehensâ ansâ perpendiculariter elevatio tentetur. Quod si tamen superior dictâ ratione elevetur, sequitur & inferior, adhærens superiori nullo glutine affixa. Hinc puerorum lusus, qui orbiculum coriaceum madefactum expandunt supra politum lapidem, & fune per centrum orbiculi trajecto trahunt perpendiculariter sursum orbiculum simul cum lapide. Hinc etiam pilei margine supra planum expanso, elevari pileus perpendiculariter difficulter potest. *Tertio*. Embolus ex fistula sclopetaria, occluso probè foramine igniario, difficulter educitur aliquò usque; & cessante vi extrahente, relabitur intrò. *Quartò*. Si vas aquæ immersum, intra eam invertatur, & inverso situ extrahatur ex parte; sequitur simul aqua, & intra vas hæret suspensa supra reliquæ aquæ superficiem, ut patet ad oculum, si vas sit vitreum. *Quintò*. Cucurbitulæ rarefacto aëre carni humani corporis impositæ, addensato iterum aëre attrahunt carnem & sanguinem. *Sextò*. Vas irrigatorium, occluso superiori foramine, nihil aquæ è fundi foraminibus effundit. Idem contingit, si siphunculo recto, aut tortuoso, inferiùs in cavum & apertum globulum protuberante, vinum è dolio superiùs aperto haurias; occluso enim superiori osculo, per inferius nihil effluit. *Septimò*. Æolipila priùs calefacta, & aqua

quæ frigida immerſa, trahit intra ſe per oſculum ſtriſtiſſimum aquam.

Innumera alia Experimenta omitto, certiffima, & millies exhibita, cujuſmodi ſunt plurimæ Machinæ hydraulicæ, in Mechanica Hydraulico-pneumatica non ſolùm deſcriptæ, ſed ſæpius etiam opere ipſo exhibitæ. Utrùm verò cauſa vacui impeditiva ſit horror aut metus vacui, ut communiter Peripatetici loquuntur, an aliquid aliud; poſtea diſcutiemus.

Æther replet omnia ſpatia.

Probatur Aſſertio II. & ſimul oftenditur, nullam aſſe cauſam evidentem ac inſolubilem, ob quam dicatur, in prædictis Experimentis dari verum Vacuum. Nam in omnibus poteſt adſignari corpus, quod repleat ſpatium, quod vacuum ab omni corpore videtur: nempe æther, ſive ſolus & purus, ſive aliis ſubtiliſſimis & aëre longè levioribus halitibus aut ſpiritibus immiſtus. Etenim probabiliſſimum eſt, quod diximus cap. 2. hujus Libri, & cap. 28. Libri primi, dari corpus quoddam ſubtiliſſimum, ab effluviis & halitibus, quibus aër noſter ſcatet, diſtinctum, quod ſpatium omne inter Terræ convexam, & cœli Empyreï concavam ſuperficiem interjectum compleat; quod corpora omnia penetret, ac permeet; in quo omnia reliqua corpora veluti ſubſiſtant; quod nulli cedat, ſed omnino immobile ſit; aut ſi cedat una ejus pars, mox alia ſubſequatur. Quod quidem corpus Ætherem, nos cum multis doctiſſimis Viris appellamus. Hoc autem corpus, cum omne ſpatium repleat, cum recedentibus aliis corporibus e ſpatio quocunque aut maneat immotum, aut ſi dimoveatur, mox aliud eidem ſuccedat; dici non poteſt, ullum dari in rerum natura vacuum, hoc eſt, ab omni corpore exinanitum corpus, ac ne dari quidem poſſe naturalibus viribus.

Vitrum habet poros.

Sitamen contendat quis, ætherem & aliud quodvis corpus ſimul non ſe compati in eodem ſpatio, ſed accedente corpore aliquo, cedere ætherem, ſi quis antea erat; ajo nihilominus, tam

ſubti-

subtilem esse ætheris substantiam, ut quævis corpora, etiam vitra, penetret; ac proinde si è spatio aliquo extrahatur, aut expellatur quacumque ratione corpus aliquod sensibile, nullumque aliud succedere queat, accurrere confestim ætheream illam substantiam, ac derelictum spatium implere. Quamvis non desint alia insensibilia corpora, quæ eadem spatia derelicta impleant, ut videbimus.

Habere porrò & vitrum suos poros, per quos æther, seu subtilissimus aër furtivè ingredi & egredi valeat, patet ex aliis exemplis. Nam lumen materiale (quod, sive accidens sit, sive substantia, non est spirituale) penetrat vitrum; utique per poros. Penetrat & sonus, qui qualitas est, & non spiritualis: & effluvia magnetica, quæ non sunt spiritualia. Penetrat & Mercurius: nam ut refert *Magnanus* in *Philos. Natur.* cap. 16. Propos. 2. num. 7. ex doctissimo Digbæo (à quo id didicit & ore tenus, & scripta ad se Epistolâ) aër in liquorem spirituosum corporificatus, & aurum in eo liquore radicaliter solutum, atque attenuatum, conjunctim trajecere ovum philosophicum crystallinum hermeticè sigillatum. Et Mercurius aquâ stygiâ communi, sed optimâ, solutus, per ampullæ vitreæ poros transudavit. Quod ipsum de Mercurio ait, se audivisse etiam aberuditissimo viro, mihiq; Romæ notissimo, Dn. Raphaële Magiotti oculato teste.

Idem *Magnanus* cap. 20. *Philos. Naturæ* Proposit. 9. num. 6. ait, audivisse se, quòd lixivium lauri transeat poros vitreæ phialæ, ita ut hæc tota exteriùs madeat eo humore, qui ad gustum exploratus deprehenditur esse sal ipsius lauri. Addit, salem ipsum communem fictile vitrificato plumbo imbutum pervadere, ac erumpere foras.

Enarratis experimentis ferè simile est, quod nuper narravit mihi Expertissimus Dominus Joachimus Beckerus, Medicinæ Doctor, & Electoralis Aulæ Moguntinæ iatrus. Incluserat is vitro, & probè occluserat (non tamen hermetico sigillo) tincturam ferri, in certos usus servandam, reposueratque in Musei sui scrinio. Die postero vidit vitrum panè vacuum, & magnetis frustum non procul inde dissitum, penitus madidum. Confluxerat nimirum eò dicta tinctura, & vel per clausa vitri repagula evaserat, ut

amici amplexu frueretur, nota omnibus sympathiâ allecta. Alia etiam exempla passim occurrunt; quæ omitto.

Vitrorum tamen porositate negare audet *Jacobus de Nigro Ponte*, par. Philosophiæ de fontibus Propos. 8. motus eo argumento, quòd aquæ fortes vitris non satis crassis inclusæ, ea rumpant, nisi spiraculum in operculo fiat. Sed nihil evincit.

§. III. In tubi Torricelliani parte superiore non est vacuum, sed præter ætherem sunt spiritus, seu halitus è Mercurio extracti.

Tubus Torricellianus non est vacuus.

Argento vivo insunt multi spiritus.

Idem quoad spiritus seu halitus Mercuriales asserui in *Magia Par.* 3. lib. 7. Syntagm. 1. cap. 4. §. 5. cum *P. Nicolao Zucchio* in *Nova de Machinis Philosophia* Par. 4. & *P. Honorato Fabry* in *Philosophia* edita à Doct. Mesnerio, Appendice de Vacuo. Certum enim est, & experienciâ ac ratione comprobatum, Mercurio, qui mixtum quoddam ex quatuor elementis est, inesse multum aquæ. Constat hoc tum ex ejus liquiditate, quæ utique ex multo humore est, unde & nomen hydrargyri traxit; tum ex subtilitate, quâ facillè permeat etiam aurum, & alia metalla, eaque solvit. Idem probat Experimentum, quod recitat *Jacobus de Nigro Ponte* paulò antè cit. loco pag. 26. ubi ait, si argenti vivi libræ aliquot exceptæ urinali vitreo bene lutato, imponentur furnello huic operationi accommodato; & superposito alembico, clausoq; bene secundum artem orificio, ignis detur lentus; attolli paulò post è Mercurio certum vaporem, alembici hemisphærium replentem; qui tandem frigore circumambientis aëris resolutus in guttas, per alembici rostrum in Recipientem decidat, & in aquam limpidum desinat. Addit, ex sex libris Mercurii extrahi tres aut quatuor uncias hujus aquæ. Si jam Mercurius ita destillatus exponatur aëri, & post tempus aliquod iterum prædicto modo operatio instituat; idem effectus denuo habetur: tandemq; post iteratam aliquoties operationem tantum aquæ elicietur, ut argenti vivi molem superet.

Ex his facillè colliges, unde generetur in Mercurio aëri exposito ejusmodi aqua, quæ extrahitur; nimirum attrahit is vapores aqueos aëri interspersos; qui deinceps vi ignis extrahuntur.

Certum

Certum præterea est, eundem Mercurium esse facile exhalabilem, utpote qui multo humore constat. Cum jam experientia & ratione constet, humorem facile dilatari, rarefieri, extendi, & resolvi; mirum non est, Mercurio quoque id convenire, maximè si dilatetur, & agitur; quod fit in fistula seu tubo Torricelliano, quando pondere suo descendit, alià verò à causa (de qua postea) ascendit, iterumque descendit atque ascendit, donec post vibrationes varias tandem suspensus quiescit. Hoc ergo dum fit, subtiliores dicti metalli spiritus sive halitus secernuntur, & levitate suâ sursum tendentes replent superiorem tubi partem.

*Argentum
vibum faci-
le exhala-
tur.*

Cum his spiritibus mixtus quoque est æther, qui omnia corpora, etiam vitrum penetrat ac permeat, ut §. præcedenti diximus. Contrarium quoad ætherem asseruimus in *Magia loc. cit. §. 4.* sed ratio ibi adducta nil probat, nisi ex suppositione quòd Mercurius maneat in tubo suspensus metu vacui. At infra aliam illius suspensionis causam adsignabimus; qua stante, ratio contra ætheris ingressum facta inefficax est.

Octo alias rationes ad idem probandum, spiritus nimirum Mercuriales in superiori tubi parte esse, affert P. Honoratus Fabry loc. cit. quas vide apud ipsum.

Objicit *Magnanus* loc. cit. num. 9. impossibile esse, ut in verade rarefactione sententia idem spiritosæ substantiæ corpus, quod simul cum suo Mercurio antea implebat fistulæ partem superiorem, quæ est supra horizontem OP (Iconismi X. supra positi) postea excluso Mercurio repleat solâ suâ mole totam ac rotaliter eandem fistulæ partem; præsertim cum major copia spirituum requiratur in partibus majoribus & capacioribus fistularum supra dictum horizontem, quàm in minoribus. *Respondeo*, quicquid sit de modo, quo rarefactio fit, non solos ejusmodi spiritus intus conclusos, sed etiam ætherem à foris admissum, replere partes fistularum superiores. Itaque ubi spiritus Mercuriales non sufficiunt, supplet æther. Argumentum tamen vim habet maximam contra illos, qui asserunt, causam suspensivam

Vide Iconismū X.

Mercurii esse solum metum vacui; quod nos nunc non asserimus, ut postea videbimus.

§. IV. In tubi Bertiani parte superiore fuit
æther, & halitus aquæ.

*Tubus Ber-
tianus non
est verè va-
cuus.*

Ratio est eadem quæ præcedenti Experimento. Æther enim & vitri, & plumbi poros penetravit. Aqua etiam mota, & descensu suo extenuata, exhalavit spiritus aqueos, qui simul cum æthere superiorem partem repleverunt. Aquam autem, præsertim motam & attenuatam, facile resolvitur in halitus, nemo nescit, & quotidiana docet experientia. Porro

*Rectè probatur, tubi partem superiorem vacuum
non fuisse, ex sono campanula inde audito.*

*Sonus cam-
panula
probat, tu-
bum Ber-
tianum non
fuisse va-
cuum.*

Suprà lib. 3. cap. 2. §. 3. narravi, Dominum Bertum, suggerente P. Kircherò, campanulam unà cum ferreo malleolo eâ dexteritate inseruisse phialæ vitreæ sui tubi, lateribus internis phialæ innixis fulcris, ut malleolus magnete exterius applicato fuerit attractus, & elevatus; iterumque remoto magnete dimissus liber, pondere fuerit campanulæ illius, & clarum sonum ediderit, ab omnibus Experimenti Spectatoribus auditum. Ex quo docti collegerunt, phialam non fuisse omni omnino corpore vacuum, quòd alioquin sonus in ea produci ac propagari non potuisset.

Emanuel Magnanus respondet in Philosoph. Nat. cap. 20. Proposit. 10. num. 10. non posse quidem sonum in Vacuo fieri, vel per vacuum propagari; causam tamen soni, campanulam videlicet & malleolum, bene potuisse esse in lagenâ vacuâ, & insuper inibi potuisse malleolo percuti campanulam, & hanc ex percussione concipere tremulum illum motum quo sonant, quæcunque sonant; ac præterea motum illum à campanula suas in vacuo vibrationes edente potuisse communicari fulcris, ad ipsam in lagenæ alvo sustentandam dispositis, & ita consequenter ipsi lagenæ cui contigua sunt fulcra; tum lagenâ mediante aëri externo, ac per hunc tandem propagari ad aurem; eumque motum sic propagatum, & in auris tympano receptum, atque perceptum, esse id quòd vocamus sonum. Confirmat id exemplo surdi audientis sonum citharæ, cujus manubrium, dum pulsatur cithara, dentibus pre-

premit; quia nimirum tremor corporis durioris harmonicè percussus propagatur per dentes usque ad organum auditus internum.

Sed hæc responsio nititur fallâ sententiâ de sono, qui non est tremor corporum propagatus vel per aërem, vel per corpora cum acustico organo contigua; sed est aliquid consequens motum ac tremorem, qualitas nimirum passibilis, solo auditu sensibilis, orta ex corporum se collidentium virtute sonativa, ut ostendimus in *Magia par. 2. syntagm. 2. cap. 1. maximè Proposit. 14.* Si itaque hæc qualitas produci non potuit in vacuo, ac per illud propagari, sed necessariò corpus requisivit, in quo velut in subjecto reciperetur; rectè concluditur, non fuisse in lagena illa vacuum.

§. V. In Recipiente Magdeburgico evacuato non est Vacuum, sed æther, & aliquando etiam subtilis aër.

Sæpe jam diximus, nullum Experimentum hactenus inventum, quod magis plausibiliter probet possibilitatem & actualem existentiam (ut ita dicam) Vacui in rerum natura, ab arte procurati, Naturâ quantum vult repugnante. *Recipiens
Magdeburgicus non
est verè vacuus.*


Peripatetici tamen, ut in *Mechanicæ Hydraulico-pneumaticæ* Appendice dixi, pernegant vacuum in Recipiente quantumvis evacuato esse; voluntque semper aliquid aëris ibi remanere, quod violentâ extractione antecedente rareseat eò usque, donec ad limites à DEO & Natura sibi præstitutos perveniat, si extractio continuetur. Quos limites ubi attingit, ajunt cessare pistilli agitationem, & ulteriorem extractionem; aut si majori vi adhibitâ continuetur extractio, frangi potius Recipientem, quàm vinci Naturam vacuum abhorrentem. Confirmant hoc, quia initio exantlationis nulla sentitur difficultas in pistillo antliæ agitando, paulatim verò crescit difficultas, tandem fit insuperabilis: hujus autem rei causâ, inquiunt, alia non est, nisi quia initio multum aëris est in Recipiente, qui proinde facîle rareseat, & non multum, resistit extractioni; successu verò temporis minuitur aër, & diffi-culter rareseat, ideoque magis resistit extractioni; tandem devenitur ad tam parum aëris, & ad tantam ejus raritatem, ut rarescere magis non possit viribus Naturæ, & tunc cessare debet exantlatio. Alia argumenta pro Peripateticis vid, loc. cit.

Hoc argumentum tamen multis modis ostendi possit inefficax; sufficit tamen ostendere quòd supponat falsum, nimirum, exantlationem tandem reddi adeo difficilem, ut superari non possit; & rumpi vitrum, si continuetur. Quæ omnino falsa sunt, & experientiæ millies factæ repugnant, ut fateretur Auctor Experimenti Magdeburgici in litteris allatis suprâ lib. 1. cap. 12. ubi num. 3. & Notab. 3. ad §. 6. ait, agitationem pistilli continuari posse quàm diu liber; nec unquam vas vitreum, si sphericum sit, rumpi, etiamsi equi adhiberentur, qui diu noctuque exantlarent. Hoc verum est, difficultatem paulatim crescere, & tandem devenire ad summam, ad quam in illis tunc circumstantiis venire potest: at postquàm semel ad eam deventum est, manet illa eadem, cæteris manentibus, quantumvis continuetur labor. Ratio ex dicendis infra de causa difficultatis in pistillo extrahendo patebit.

Vacuum ergo nullum est in Recipiente, non ob causam præcedentem à Peripatericis allatam, sed quia quantumvis cum aëre extracto fortassis extrahatur etiam æther, & subtiliora aër quàm sit ille qui tunc Recipientem circumstat, tamen semper de novo alius atque alius per vitri poros, aliosque occultos ac insensibiles meatus subingreditur, ut probavimus §. 2. In idem recidit, si dicas, extracto aëre crassiore, ætherem & aërem subtiliorem extrahi non posse ab embolo poroso, & ætheri ac tam subtili aëri pervio; ad eum modum, quo ab embolo perforato extrahi non posset aqua.

Quod de Recipiente dictum est, intelligi etiam debet de Globo seu Aheno aut Cacabo cupreo, alioque quocunque vase, è quo per antliam pneumaticam extrahitur aër.

Si aqua è dictis vasis extrahitur, resolvitur ea in vapores & halitus, qui ascendentes replent inanitatem vasorum. Si vasis ab aqua exinanitis continuatur exantlatio, extrahuntur halitus & spiritus crassiores, subtiliores verò & æther remanet, propter causam paulò antè dictam.



§. VI. Nec in duobus Hemisphæriis Magdeburgicis, nec in Ahenopistillum resorbente, nec in Magdeburgica Machina aliter constructa, est vacuum, sed vel solus æther, vel simul subtilissimus aer..

Ratio patet ex dictis hætenus, maximè §. I. Illa enim hemisphæria, aliaque nominata, nec aliter, nec perfectiùs evacuantur, quàm Recipiens, & Globus æneus. Semper ergo aliquid remanet, nimirum vel æther, vel aer subtilissimus, qui per poros illorum corporum penetrant. Cur autem divelli à se invicem sine tam ingenti difficultate nequeant hemisphæria, & cur pistillum tantâ violentiâ rapiatur intro, dicemus infra suo loco.

Hemisphæria Magdeburgica non sunt vacua.

§. VII. In tubo vitreo Magdeburgico, aquâ partim repleto, partim evacuato, non est vacuum, sed præter ætherem sunt ibi vapores aquei.

Experimentum descripsimus lib. I. cap. 27. verbis Auctoris Experimenti. Causam & rationem, ob quas Auctor existimat, vacuum in tubo esse, vide ibi.

Tubus Magdeburgicus non est vacuum.

Ego ajo, præter ætherem, esse ibi vapores seu halitus aqueos, qui motu & agitatione aquæ evaporant. Est & aer, non tantum subtilissimus, sed etiam crassus, cujus particulae intra aquæ poros latitabant, & agitatione aquæ expelluntur, & spatium ab aqua derelictum petunt.

Rationes Auctoris allatae non convincunt, ibi esse vacuum. Ad *Primam* enim respondeo, aerem crassum, qui in vitro est, non ingredi per vitri poros, & meatus alios occlusos, sed jam intus simul cum aqua, & aquæ immixtus eræ. Æther verò, & aer subtilissimus per poros ingreditur. Et tamen si hoc negaretur, vacuum tamen non est, quia aquei vapores sunt ibi, & aer antea aquæ admixtus, ut dixi.


Ad *Secundam* respondeo, ut aeris particulae sint tam in vitri summitate supra aquam, quàm intra ipsam aquam, ejusq; cavita-

tem agitatione vehementi causatam, non est necesse dari corporum penetrationem, quia aër & vapores per aquam ex motu discissam, ac per ejus poros ascendunt. Descendunt iterum ad cavitatem in medio, aut in fundo aquæ causatam, non motu naturali, sed violentâ agitatione.

Ad *Tertiam* respondeo, concursus illum aquæ cum frigore non indicare spatiola illa esse vacua. Nam neque oritur à vacuo, cum nondum probatum sit esse vacuum in vitro; neque oriri à vacuo potest, quia nihil (quale esset vacuum) non potest causare realem effectum. Oritur igitur à motu & conuulsatione aquarum, immixtos atque circumfusus habentium spiritus, seu halitus aqueos. Notum passim est, similes spiritus, cum excitantur & commoventur in aquis, aquarum tumultus & fragores excitare, ut patet in aquis bullientibus, in fonte tumultuoso Paderbornensi, in æstu marino, & similibus exemplis.

Ad *Quartam* respondeo, etiamsi nullæ bullæ, dum aqua tranquillè descendit, fuerint ortæ in tubo, non tamen bene arguitur, fuisse in tubi superiori parte verum Vacuum: fuit enim æther, & fuit aër ac spiritus aquei, ex ipsa aqua commota prodeuntes. Descendit autem aqua tranquillè, & sine bullarum excitatione, quia in cacabo, in quem defluebat aqua, non erat aër, aut non nisi rarissimus, qui non conabatur ascendere per aquam, sed superueniente ipsâ condensabatur intra cacabum.

Ad *Quintam* respondeo, vitrum evacuatum, aquæ immersum iterum repleti aquâ usque ad restantem parvum aëris globulum, quia spiritus aquei, iterum immiscuntur aquæ, & simul cum ipsâ replent vitrum; aër autem rarissimus condensatur, & ad quantitatem exiguam instar perllæ reducitur.



CAPUT VI. SCRUTINIUM II.

*An ex præcedentibus Experimentis probetur, æ-
rem premere corpora liquida, quibus incum-
bit, aut quæ circumambit.*

Aërem esse gravem, probavimus cap. 4. præcedenti. Dubium est, an etiam in propria regione gravitet, id est, an quando non est inclusus, & à reliquis aëris partibus avulsus, sed liber in sua regione supra corpora se graviora expansus; gravitet quoad illum gravitatis actum, qui est niti deorsum versus centrum gravium; atq; adeo an partes aëris superiores premant inferiores sibi subjectas, & an hæ simul cum illis premant corpora sibi subjecta. Ex. gr. Aër circumambit Terraqueum globum: quæritur, an hic prematur ab aëre sibi incumbente; & an partes quælibet inferiores istius aëris, premantur à sibi immediatè superioribus. Item supra cuppam plenam aquâ, & apertam, imminet cylindrus aëris, cujus basis est æqualis amplitudini cuppæ, altitudo verò extenditur à cuppa usq; ad suprema aëris confinia; quæritur, an partes superiores hujus aëreæ columnæ premant inferiores, & an tota columna premat aquam cuppæ. Præterea, columna marmorea non solum supra se, sed etiam circum se habet aërem; quæritur an prematur, non solum ab aëre sibi superincumbente, sed etiam ab aëre circumstante, & eam circumambiente.

Hoc capite discutiemus, an aër premat corpora liquida; in sequenti verò, an etiam solida.

§. I. Aërem premere aquam, cui incumbit, probatur Experimento tubi Magdeburgici.

Aër, qui gravis est, ut probavimus citatò paulò antè capite 41 non est in tota atmosphæra æqualis gravitatis, sed gravior est infra, quàm supra. Ratio est, quia infra plu-
Aër non est æqualis gravitatis in tota atmosphæra.

ribus vaporibus, exhalationibus, aliisque terrenarum & gravium rerum effluviis repletus est, quàm suprà: gravitas autem aëris tota oritur ex similium effluviis admixtione, quoniam æther per se nec gravis est, nec levis, cum nec sursum nitatur, nec deorsum, sed immobilis ex se maneat, cum nullibi spatium se vacuum, aut alio leviori corpore repletum inveniat.

*Aër circa
Terram non
est semper
aqualis
gravitatis.*

Imò nec aër apud nos est semper æqualiter gravis, sed gravior in locis palustribus, quàm in aridis; in nemoribus ac vallibus, quàm in apertis campis; tempore pluvio, quàm sereno; ante, quàm post pluviam, & ventos &c. ut patet ex illo Magdeburgico Experimento, de quo lib. 1. cap. 21. & alibi. Et ratio est, quia in aliis locis ac temporibus plura, in aliis pauciora admixta habet effluvia.

*Aërem pre-
mere a-
quam pro-
batur Ex-
perimento
Magdebur-
gico.*

His positis, ajo, aërem premere aquam, cui incumbit. Patet in Experimento Magdeburgico tubi evacuati, de quo lib. 1. cap. 10. 11. 12. 13. & præcipuè 23. & 24. Si enim accipias tubum vitreum, seu alterius materiæ solidæ, longum ultra viginti ulnas Magdeburgenses (cujuscunq; sit amplitudinis aut angustiae, & quantumcunq; ultra viginti ulnas sit longus, & in quantumvis magnam superiùs cavitatem protuberet) eumq; evacues eodem modo, quem exposuimus citato cap. 10. 23. & 24. deinde eum intra aquam perpendiculariter erigas, & inferiorem partem epistomio antea clausam aperias; ingreditur per apertum inferius os aqua, & magnâ celeritate ascendit, nec cessat ascensus (dummodò inferior tubi pars aquæ semper immersa maneat) donec ad altitudinem viginti ulnarum Magdeburgensium circiter ascenderit; nec progreditur ulterius; nec iterum subsidit, tametsi inferius tubi os apertum maneat. Adeo ut aqua tubo contenta, à suprema superficie aquæ, cui tubus immersus est, usq; ad supremam superficiem aquæ, quæ in tubo est, semper obtineat viginti circiter ulnarum Magdeburgensium altitudinem.

Dixi, circiter: nam notatum est, aquam aliquando paulò majorem, aliquando paulò minorem altitudinem obtinuisse, prout nimirum gravior aut levior fuit aër, qui non semper, eodem etiam loco, est æqualis gravitatis, ut dixi.

Hunc tam constantem effectum aquæ ascendentis ad eandem.

dem semper altitudinem, & in eadem semper manentis suspensæ, tamen inferius tubi orificium apertum relinquatur, Peripatetici ad scriberent metui Vacui: dicèrent enim, aërem è tubo non fuisse totaliter extractum, sed parum illud, quod partim remanserat, partim per occultissimos poros tubi intraverat, fuisse violenter rarefactum post extractum reliquum aërem; post ingressum verò aquæ fuisse restitutum in statum naturalem, & replese solam partem superiorem, reliquam inferiorem replente aquâ usq; ad dictam altitudinem.

Dico I. Causa cur aqua in tubo Magdeburgico evacuato ascendat semper ad certam ac determinatam altitudinem, non est metus vacui. Nam *Primò*, è tubo potest extrahi omnis aër, nullo interim subingrediente, cum omnes aditus sint occlusi, & aquis immergi, ut ex modo operandi citatis locis patet. Cum ergo tunc nihil remaneat præter ætherem, & quidem in suo statu naturali; nihil est ibi, quod sit violenter rarefactum, & exigit reduci ad statum suum naturalem, ideoq; advocet aquam, ne vacuum detur, dum se ad dictum statum reducit. *Secundò*. Demus, non posse omnem aërem extrahi, sed aliquid remanere; negari tamen non potest, eò plus extrahi, & eò minus manere, quò diutius durat extractio per agitationem manulæ (quæ agitatio durare potest per quantumvis temporis spatium) aut quò perfectius excluditur aditus externo aëri, sive per poros, sive aliunde. Sed quantumvis diu duraverit agitatio, & quantumvis parum aëris remanserit; quantumvis etiam tubus sit longus, & superius amplius ac capax; aqua tamen nunquam ascendit ultra ulnarum altitudinem indicatam. Non ergo causa ascensus ad tantam præcisè altitudinem est, quòd parum aëris quod remanserat, & in statu violento fuerat, retrahat se præcisè ad dictam altitudinem, & residuum supra aquam repleat, non jam rarefactum, sed ad statum suum naturalem reductum.

Dico II. Vera & genuina causa, cur aqua in tubo Magdeburgico evacuato ascendat semper ad certam ac determinatam altitudinem, est pressio aëris incumbentis aquæ, cui tubus immersus est. Ratio est, quia causa propellens aquam in altum ad dictam præcisè altitudinem, eamq; suspensam tenens, vel est in ipso tubo,

ho, vel extra tubum: non in ipso tubo, quia id, quod adsignatum fuit, non est causa talis effectus; & præter illud nihil aliud adsignari potest: ergo extra tubum. Extra autem tubum nihil est, cui adscribi possit dicta propulsio, & suspensio, præter aquam tubum circumstantem, & aërem aquæ incumbentem. Sed aqua circumstans non propellit sursum aquam: cur enim ad tantam præcisè altitudinem propelleret, non majorem? Nec dicas, aquam sponte ingredi & ascendere, ut repleat locum quasi vacuum, hoc est, non nisi rarissimo corpore repletum. Cur enim non replet totum locum? Cur replet locum rarissimo aëre repletum, non verò locum repletum aëre in suo naturali statu intra tubum consistente?

Si ergo aqua non est causa dicti effectus; erit utiq; aër, præter quem aliud adsignari non potest; aër inquam suâ gravitate aquam cui incumbit, premens, eamq; cogens ascendere eò usque, donec tantum aquæ sit intra tubum, ut cylinder aqueus sit æqualis ponderis cum cylindro aëris, habente æqualem cum aquæ cylindro basim, altitudinem verò à terra usq; ad atmosphæræ confinia extensam. Aëris ergo cylinder gravitate suâ æquilibratur gravitati cylindri aquæ.

Confirmatur hoc I. quia quàm primùm aër ingreditur tubum vel per minimam rimulam, & aquæ incumbit, mox omnis precipitatur deorsum: ideo nimirum, quia aëris cylinder, qui aquæ tubo inclusæ tunc superincumbit, æqualis ferè ponderis est cum cylindro aëris, qui aquæ extra tubum incumbit; cylinder verò aëris prior unà cum cylindro aquæ tubo inclusæ, gravior est quàm solus cylinder aëris, qui aquæ extra tubum incumbit. Gravior ergo superat minùs gravem, & ideo aqua subsidit.

Confirmatur II. Quando tubus evacuatus est minoris altitudinis, quàm viginti ulnarum Magdeburgensium, repletur totus aquâ; quia videlicet gravitas cylindri aërei externi major est, quàm gravitas cylindri aquei interni. Quando verò etiam in hoc casu aperitur superiùs tubus, subsidit mox tota aqua, propter causam paulò antea dictam. Magis confirmabitur

Assertio ex sequentibus.

§. II. Aërem premere aquam & vinum quibus
incumbit, probatur Experimento tubi Bertia-
ni, & Paschalini.

EXperimentum tubi Bertiani & Paschalini voco illud, quod de-
scripsi lib. 3. cap. 2. ubi dixi, aquam & vinum intra tubum ul-
tra octodecim cubitos altum, & perpendiculariter intra aliam a-
quam erectum, hære suspensum in altitudine octodecim circiter
cubitorum, etiam si inferius tubi os apertum sit.

*Aërem pre-
mere a-
quam &
vinum, a-
liis experi-
mentis pro-
batur.*

De altitudine porrò præcisâ, ad quam usque suspensâ hæret
aqua intra tubum, variè loquuntur varii Auctores. Nam Magna-
nus agnoscit cubitos 18; idem palmos 36; Stephanus Natalis pe-
des 32; alii brachia 18 more Hetruscorum; Valerianus Magnus
ulnas Varſavienſes infra 18; Dominus Paschalius pedes 3 1½. Cau-
sa discriminis est, quia alii utuntur pedibus, alii palmis, alii
ulnis, alii cubitis, alii brachiis: quarum mensurarum tanta est
varietas, quanta nationum, imò urbium. Præterea Experi-
mentum fuit exhibitum diversis locis, & temporibus; in quibus
non est semper eadem aëris gravitas & levitas. Hæc autem va-
riatio inducit variationem in altitudinem aquæ, de qua hîc ser-
mo est.

Causam porrò suspensionis aquæ in dicto Experimento, esse
aëris aquæ extrinsecæ, cui tubus immerſus, incumbentis gravita-
tem ac pressionem, probatur iisdem argumentis, quibus probatur
suspensio hydrargyri in sequenti Experimento.

§. III. Aërem premere hydrargyrum, cui
incumbit, probatur Experimento tubi
Torricelliani.

EXperimentum fusè ac distinctè exposuimus suprà lib. 3. *Aërem pre-
mere hy-*
cap. 1. vidimusque hydrargyrum, seu Mercurium in omni-
bus fistulis erectis intra alium Mercurium, hære suspen-
sum ad certam altitudinem. Quænam verò causa sit talis sus-
pensionis, aliorumque similium phænomenorum in eodem Ex-
perimento *hydrargy-
rum, pro-
batur Ex-
perimento
Torricellia-
peri. no.*

perimento ibidem expositorum, discussimus in Magia par. 3. lib. 7. Syntagm. 1. cap. 4. §. 6. & seqq. ubi diximus, alios velle eum, retineri suspensum ab aëre extrinseco premente Mercurium in subiecto vase tubo circumfusum, & pressione ac pondere suo æquilibrium inter cylindrum Mercurii & cylindrum aëris constituentem: alios, eum sustineri partim ab extrinseco aëre æquilibrante, partim à metu vacui: alios deniq; , hæreere suspensum tantum metu vacui, quia nimirum spiritus Mercuriales resistunt vel eductioni hydrargyri è tubo, vel dilatationi seu ascensui majori. His ultimis loco citato adhæsimus, & reliquas sententias, quoad pressionem aëris externi rejecimus, quia nobis ejusmodi pressio per alia Experimenta nondum erat cognita, ideoque in hoc Experimento videbatur fabulosa. At postquam legimus Experimenta Magdeburgica, & Anglicana, supra lib. 1. & 2. enarrata, vidimusque tam stupendos effectus pressionis & pulsionis, qui in vacui metum nullâ ratione conjici rectè possunt; sententiam mutavimus. Quis enim veritati evidentissimè cognita resistat? Sepone, Lector, qui in eadem nobiscum versatus es hactenus navi, paulisper affectum erga tuam & Peripateticorum sententiam, & expende sincerè jam nominata Experimenta; stabis, sat scio, pro veritate, & pro nobis, erroremq; dedisces non invitus.

*Experi-
mentum
Torricellia-
num hy-
drargyri
suspensi ex-
aminatur.*

Circa propositum ergo Experimentum duo ab Auctoribus magnâ contentione discutiuntur: primò, quidnam sit in parte superiore fistularum ab hydrargyro vacua: secundò, quæ causa suspensum teneat reliquum Mercurium nè inferiùs defluat, sed ibi hæreat veluti pendulus usque ad certam altitudinem, & quiescat post aliquas priùs vibrationes sursum ac deorsum exercitas, & paulatim diminutas, donec secutus fuit status consistentiæ.

Quoad primum quæsitum, placuit non paucis, qui magnâ contentione id quâ voce, quâ scripto defenderunt, esse ibi verum vacuum, hoc est, spatium ab omni corpore exinanitum: ad dentes insuper, locum ibidem esse sine locato, accidens sine subiecto, motum corporis in vacuo. Alii voluerunt, esse ibidem ætherem, & aliquid aëris, qui vel permixtus antea fuerit Mercurio

curio defluenti, vel aliunde se insinuaverit. Alii denique, esse spiritus Mercuriales. Quid nos sentiamus, exposuimus cap. præcedenti.

Quoad secundum quæsitum, volunt Peripatetici, Mercurium ita suspensum manere propter metum aut fugam vacui, nè si defluat, vacuum detur in tubis seu fistulis; quod Natura adeo execratur & fugit. Sunt enim (ajunt) seu spirituum Mercurialium, seu aëris residui, particulæ, quæ in superiori fistularum parte supra Mercurium stabulantur, adeo rarefactæ atque extensæ, ut magis naturaliter rarefieri atque extendi nequeant; ideoque si Mercurius reliquus deflueret, necessariò vacuum fieret in tubo, quia spacium derelictum non posset repleti ab illis aëris aut spirituum particulis jam extremè rarefactis, neq; aliunde posset succedere corpus, quod spacium illud tepleret. Ego autem

Dico I. Neque aërem in fistulis fortè manentem, neq; ha-
 litus seu spiritus Mercuriales, rarefactos, & metu vacui à vertice
 fistularum usq; ad eundem communem horizontem OP in o-
 mnibus fistulis expansos, resistere ulteriori descensui Mercurii,
 cumq; suspensum tenere. Nam *Primò*, alioquin etiam Mercurius
 fistulæ PC, quæ præcisè vertice suo pertingit usque ad di-
 ctum horizontem, & plena remanet, evacuaretur ex parte sal-
 tem, quia Mercurius in ea contentus est gravis, & pondere suo
 tendit deorsum, & descendens potest evaporare spiritus, & hi
 possunt rarefieri, atque extenuari. *Secundò*, quia dicti spiritus
 in omnibus fistulis, quantavis hæ forent altitudinis, amplitudi-
 nis, formæ, & capacitatis, deberent esse æqualiter rarefacti atque
 extenuati, ut Mercurios suos ad æqualem in omnibus altitudinem
 suspenderent: si enim in aliis minùs, in aliis magis essent rarefa-
 cti, minùs aut magis in illis descenderet Mercurius. At incredi-
 bile videtur, id fieri naturaliter possè. Ponamus enim quatuor
 fistulas, quæ à basi usque ad horizontem OP sint æqualis capaci-
 tatis, nimirum una protuberet in grandem lagenam, ut QD; al-
 tera semper magis ac magis ampliatur, ut GF; tertia magis ac ma-
 gis coarctetur, ut HE; quarta excreseat in cylindrum, ut OP.
 His positis, plùs spirituum Mercurialium requiritur ad replendum
 capaciores, quàm minùs capaces. Unde ergo, & quo mensu-

Vide Ico-
nis.

Mercurius
in tubo

Torricellia-
no non ma-
net suspen-
sus metu
vacui.

rante, singulæ accipiunt præcisè tantam spirituum copiam, ut ii in omnibus sint æqualiter rarefacti, atque extensi? & ut sint ita rarefacti, atque extensi, ut ad ultimos limites, quos Natura patitur, pervenerint, & non possint magis rarefieri, nec non debuerint minùs extendi? Præsertim si antea in omnibus fuit æqualis Mercurii copia, & ex omnibus æqualis quantitas effluxit? Conatus quidem sum citato loco Magiæ, adsignare rationem aliquam, cur ita in omnibus contingat, quàm deinde in P. Honorati Appendice de Vacuo inveni; sed revera nec tunc mihi satisfecit, nec nunc satisfacit, nec cuiquam veritatis amanti, & non pertinaciter Peripateticorum sententiam defendenti satisfacere potest.

Ex his patet, causam quæ pariter in omnibus quantumlibet inæqualibus fistulis, sive erectis, sive inclinatis, Mercurium sustinet constanter, & eodem loco & tempore invariabiliter, elevatum usque ad horizontem OP, non esse intra ipsas fistulas, sed extra. Nunc discurrendo per singula, aut saltem præcipua phænomena dictarum fistularum,

*Aër exter-
nus tenet
suspensum
Mercurium
in tubo
Torricellia-
no.*

Dico II. Causam ejus rei esse aërem hydrargyro soli, aut hydrargyro & aquæ simul, extra fistulas in subjecto vase incumbentem, ac pondere suo Mercurium suspensum in æquilibrio sustentantem. Nam

*Mercurius
intra tu-
bum Torri-
cellianum
cur natet
sursum ac
deorsum.*

Primò. Ideo Mercurius in fistulis longioribus quàm trium palmorum & novem circiter digitorum, descendit amoto digito ab inferiore orificio, quia cylindrus Mercurii replens totam fistulam gravior est, quàm cylindrus aëreus æqualis crassitie, inchoatus ab aqua & Mercurio vasis subjecti, & extensus usque ad atmosphæræ & ætheris puri confinia. Reascendit verò iterum Mercurius, iterumque descendit & reascendit, donec tandem, post aliquot vibrationes quiescat suspensus, quia in primo descensu propter impetum in motu illo conceptum plus nimio effluxerat, & ideo cylindrus aëreus gravior jam, quàm cylindrus Mercurii, qui in fistula remanserat, eum repellit sursum. Iterum, verò descendit, iterumque ascendit ac descendit, propter similem causam, quia nimirum semper vel gravior, vel levior adhuc est Mercurii, quàm aëris cylindrus; donec tandem cessante hinc atque

atque inde impetu fiat perfectum æquilibrium inter utrumque cylindrum quoad pondus, perfectaue consistentia. Quod ergo contingit duabus bilancis lancibus, ut, quando oneratæ fuerunt, nutent prius aliquoties sursum atque deorsum, donec fiat æquilibrium & consistentia; hoc etiam contingit Mercurio intra, & aëri extra fistulas.

Secundò. Ideo in omnibus fistulis longioribus quàm trium palmorum & novem digitorum, descendit Mercurius eodem tempore & loco, ad unum communem horizontem, in eoque quiescit, quia cum omnes cylindri aërei æquales, sint eodem tempore & loco æqualiter graves, etiam omnes cylindris Mercurii proportionaliter gravibus sunt proportionaliter graves. Volo dicere; sicut se habet gravitas cylindri Mercurialis in fistula QD, g. ad gravitatem cylindri Mercurialis in fistula HE; ita se habet gravitas cylindri aërei respondentis cylindro Mercuriali in fistula QD, ad gravitatem cylindri aërei respondentis cylindro Mercuriali in fistula HE. Et eadem est ratio de aliis. Sicut ergo cylindrus aëreus primus attollit primum cylindrum Mercurialem usq; ad OP; ita secundus secundum.

Cur ad eundem communem horizontem in omnibus tubis descendat. Vide Iconismum X.

Tertiò. Ideo è fistula plena, cujus vertex pertingit solum, usque ad OP, nihil Mercurii effluit, quia gravitas Mercurii coæquatur tunc præcisè gravitati cylindri aërei, Mercurii cylindro respondentis.

Cur aliquando nihil effluat.

Quartò. Ideo intra fistulam inclinatham usque ad OP, ingreditur tantum Mercurii infra, donec impleatur, quoniam Mercurius in fistula inclinata NH tantum ponderat, quantum in erecta NZ. Nam mensura gravitatis Mercurii NH, est perpendiculum HA; quod æquale est perpendiculo NZ. Idem ergo cylinder aëreus, qui antea sustentabat pondus NZ, postea sustentat pondus NH.

Cur intra tubum inclinatum ingreditur.

Quintò. Ideo statura Mercurii in eadem fistula major est in loco inferiore, quàm superiore, quia cylinder aëreus ei in utroque loco respondens, in loco inferiore altior & consequenter gravior est, quàm in superiore. Accedit, quòd aër in locis inferioribus gravior est, quàm in superioribus.

Cur in loco inferiori magis descendat in tubo.

Cur sublatâ fistula non attollitur.

Sexto. Ideo quando attollitur fistula, Mercurius non attollitur, nec ejus cylinder fit altior, sed subsidit donec habeat præcedentem altitudinem, quia aëris cylinder, qui antea tenebat eum suspensum usque ad OP, maneat in eadem gravitate, nec potest eum magis suspensum tenere. Descendit ergo Mercurius, ut fiat æquilibrium inter suam & aëris gravitatem.

Mercuriales spiritus non tenent suspensum Mercurium in tubo.

Ex quo etiam phænomeno apertissimè convincitur falsitatis opinio dicentium, spiritus Mercuriales summè rarefactos tenere suspensum Mercurium: nam dum attollitur fistula, majus spatium fistulæ manet vacuum, quàm antea erat; ergo spiritus illi Mercuriales vel magis rarefiunt, vel non: si magis, ergo antea non erant summè rarefacti: si non, ergo pars aliqua fistulæ manet omninò vacua.

Cur pugna oriatur inter Mercurium & aërem in tubo.

Septimò. Ideo extractâ fistulâ è Mercurio, oritur pugna mutua, & mutua victoria, inter Mercurium suspensum, & aërem externum, quia Mercurius vasis, qui antea inter duos pregnantes medius, simul cum aëre externo sustentabat Mercurium internum, nunc sublatus est, ideoque Mercurius suspensus ab uno adversario liberatus, & liberum exitum inveniens, nititur esse infra aërem, & aër nititur esse supra Mercurium in loco à se vacuo, & corpore leviori se repleto. Vincit ergo nunc Mercurius, nunc aër, donec uterq; obtineat, quod appetebat.

Cur Mercurius placidè effluit è tubo.

Octavò. Ideo Mercurii cylinder altior tribus palmis & novem digitis effluit placidè & sine lucta cum aëre ex fistula, donec præcisè fiat trium palmorum & novem digitorum, quia antea Mercurius erat potentior quàm aër, & hic facilè cedebat; postea aër fit æquè potens, & resistendi vim acquirit. Minor enim contra majorem frustra pugnat; at non æqualis contra æqualem.

Causa variorum phænomenorum Mercurii in tubo Torricelliano.

Nonò. Causa noni phænomeni est, quòd sola aqua sit levior aquâ cum Mercurio. Antea aër externus unâ cum Mercurio & aqua tenebat suspensum Mercurium internum, nunc idem aër externus unâ cum sola aqua. Potentior ergo factus est internus Mer-

Mer-

Mercurius, & impotentior Mercurius externus. Hinc acrior pugna, & victoria.

Decimò. Causa decimi phænomeni est, quia antea aër externus cum solo Mercurio resistebat Mercurio interno, nunc simul cum Mercurio & aqua resistit.

Undecimò. Causa undecimi est, quia tunc spiritus Mercuriales Mercurio adhuc inclusi, & illi etiam, qui fistulæ partem superiorem replent, rarefiunt, aut addensantur, ideoque deorsum, trudent Mercurium, aut assurgendi locum dant. Augetur ergo aut minuitur vis resistitiva Mercurii, ideoque aër externus premens, nunc magis, nunc minùs prævalet.

Duodecimò. Duodecimum phænomenum est incertum, ideo in causa ejus adsignanda non laboro.

Decimo tertio. Decimi tertii phænomeni causa patebit ex dicendis infra de Experimento cucurbitarum.

Decimo quarto. Decimi quarti phænomeni causa non est aëris externi pressio.

Decimo quinto. Decimi quinti causa exponetur infra, cum de vi elastica seu dilatativa aëris agemus.

Decimo sexto. Decimum sextum phænomenum apertissime probat pressioem aëris: apertâ enim fistulâ in vertice, subingreditur aër, & supra Mercurium fistulæ stat cylinder aëreus tantæ gravitatis, quantæ infra. Sed cylinder aëris non nititur amplius esse supra Mercurium, quia invenit corpus æquè grave supra ipsum; ideo cessat pugna, & delabitur Mercurius.

*Aëris pressio
probat a-
lio experi-
mento.*

Decimi septimi phænomeni causa non est pressio aëris. *Ultimi* causa est aëris supra Mercurium in fistula contentum elater, & vis deprimendi; unde minor altitudo Mercurii æquivaler gravitati aëris externi.



§. IV. Aërem premere corpora liquida, quibus incumbit, probatur Experimentis variis.

Aërem premere corpora liquida, probatur experimentis variis.

Variis aliis Experimentis, in præcedentibus allatis, confirmatur probata hætenus aëris pressio respectu corporum liquidorum.

Primum est id, quod attulimus lib. 3. cap. 5. ex quo bene probat *Pocquetus* externi aëris cum interno Mercurio æquilibrium, ut ex præcedentibus patet.

Secundum est id, quod proposuimus ibid. cap. 6. *Tertium* verò id, quod cap. 7. dedimus. Argumentum pro aëris pressione ibidem insinuavimus, patetque ejus vis ex jam dictis.

Quartum & Quintum sunt, quæ descripsimus eodem libro 3. cap. 8. & 9. ex quibus à simili probatur, aërem premere corpora liquida, quibus incumbit. Sicut enim aqua, tametsi levior Mercurio, premit Mercurium in dictis casibus; ita & aër, tametsi levior aqua, Mercurio, & aliis liquoribus, eos in similibus casibus premit.

Alia etiam Experimenta passim libro 1. & 2. partim dedimus, partim insinuavimus, quibus idem probatur.

CAPUT VII.
SCRUTINIUM III.

An ex præcedentibus Experimentis probetur, aërem premere corpora solida, quibus incumbit, aut quæ circumambit.

Tametsi evidenter sequatur, si aër premit corpora liquida, se tamen graviora, premere etiam solida; hoc idem tamen manifestis Experimentis stabilire lubet.

§. I. Aërem premere corpora solida, quibus incumbit, probatur Experimento Magdeburgico vitri sphaerici non rupti, & non sphaerici in frusta dissili-
hientis.

EXperimentum dedimus lib. 1. cap. 6. Nam ut cit. cap. 6. *Aërem premere corpora solida, probatur experimento Magdeburgico.* vidimus, si vitri non sphaerici, & aëre pleni collum indatur, collo vitri aut vasis evacuati, & simul utriusque colli epistomium aperiat; aër vitri pleni irrumpit summo cum impetu in vitrum aut vas evacuatum, ob causam infra dicendam: ipsum vero vitrum, quod antea plenum erat, si sphaericum sit, non rumpitur; si autem non sphaericum, sed angulosum sit, in mille frusta dissilit. Idem contingit, si antliâ pneumaticâ aër è non sphaerico vitro extrahatur. Causa non est merus vacui, quod nimirum, quia delapso cum impetu aëre è vase pleno in vas evacuat, nè detur vacuum, sed aliud interim corpus succedat, primum illud derepentè exinanitum rumpitur, ut aër externus succedat; hæc inquam non est causa, alioquin etiam sphaericum rumpi deberet. Causa vera & genuina est, quod *Vitrum sphaericum cur non rumpatur, non sphaericum rumpatur, quando vacuantur.* vas evacuatum, tam sphaericum, quam non sphaericum, premitur ab aëre externo ambiente; at quia latera sphaerici undique æqualiter à centro seu medio distant, & æquali nisu versus centrum ab eodem aëre trudentur; æqualiter etiam pressionem resistunt, & ideo se mutuò juvant contra inimicum circumambientem, sicut lapides fornices se mutuò juvant contra inimicum superincumbentem. At verò latera non sphaerici vitri, sed angulosi, non æqualiter distant à centro seu medio, nec æquali nisu prementi aëri resistunt, ideoque contra pressionem non possunt se mutuò juvare, sed potius se mutuò destruunt, dum partes magis à medio distantes pressæ, premunt minùs distantes pressas.

Partes autem sphaerici vitri evacuati, se mutuò juvant, *Vitrum sphaericum evacuatum rumpere* contra pressionem, adeo verum aliqui putabant eorum, qui Magdeburgicum Experimentum suprà lib. 1. cap. 1. descriptum
vide-

tur, si gra-
bi casu ca-
deret,

viderant Ratisponæ ab Auctore exhiberi, & hîc in Arce nostra Herbipolensi coram Eminentissimo Electore nostro & Viris doctis exhibebant, ut assererent, unum ejusmodi è curru in terram lapsum casu sat gravi, minimè fractum. Addebat alius, nec fractum iri, si è turri altissima in terram cum impetu præcipitaretur, propter causam paulò antè à nobis insinuatam. At hoc minimè verum esse potest, quia tunc non undique æqualem impetum ac pressionem sustineret, sed majorem ab illa parte, quâ payimentum contingeret.


§. II. Idem probatur Experimento Anglica-
no phialæ rotundæ non ruptæ, non rotun-
dæ verò ruptæ.

Aïrem pre-
mere corpo-
ra solida,
probatur
experimen-
to Angli-
cano.

EXperimentum retulimus lib. 2. cap. 9. & 10. Nam cap. 9. diximus, phialem vitream rotundam, tamen si tenuissimam ac fragilissimam, repente evacuatam non fuisse ruptam. Capite verò 10. diximus, aliud vitrum non rotundum, præcedenti decies & amplius densius, ac fortius, paulatim evacuatum, fuisse fissum in rimam; quæ quò magis duravit evacuatio, eò magis crevit.

Nec hujus Experimenti causa potuit esse metus vacui, alioquin utraque fuisset fracta. Alia autem causa adsignari non potest, quàm aër externus phialas premens; unam quidem æqualiter, & æqualiter pressionem, ob figuram rotundam, resistentem; alteram verò minimè.

Ex his patet, cur bullæ aquis supernatantes, aut à pueris excitatæ, non statim rumpantur, quamvis ipsas circumstet totum pondus aëris externi. Causa est, quia rotundæ sunt.



§. III. Idem probatur evidentissimè Experimento Magdeburgico duorum hemisphæriorum evacuatorum.

EXperimentum habes lib. I. cap. 15. 16. 17. ubi vidimus, duo hemisphæria cuprea, probè conjuncta, ut ingressus externo aëri intercludatur, & evacuata, adeo fortiter sibi adherere, ut neque multi equi in diversa trahentes, neque multa & gravissima pondera deorsum trahentia, ea divellere queant, nisi vis distractiva major sit, quàm vis & gravitas aëris ea tunc ambientis, ac comprimentis.

Aërem premere corpora solida, probatur alio experimento Magdeburgico.

Esse autem hanc istius admirabilis Experimenti causam, & non metum vacui, patet ex eo, quod quò majora sunt hemisphæria, id est, quò majoris diametri, eò difficilius divellantur: quia nimirum tunc à cylindris aëreis ambiuntur, ac undique premuntur, tantarum basium, quanta est communis basis hemisphæriorum. Item, quia cognitâ gravitate aëris tunc ea circumambientis, & cognitâ dictâ communi basi hemisphæriorum, ac consequenter cylindrorum aëreorum, qui illa premunt (posito quòd nota sit gravitas alterius cujuscunque cylindri aërei) infallibiliter calculari potest, quantum pondus requiratur ad hemisphæria data divellenda.

Si autem metus vacui resisteret divulsioni, non magis resisteret in majoribus, quàm in minoribus hemisphæriis evacuatis, positâ utrobique omnimoda, aut æquali evacuatione. Potest autem fieri æqualis evacuatio utrorumque, si minoribus minor, majoribus major evacuatorius cacabus applicetur. Deinde si metus vacui esset causâ, ubi esset major metus, ibi esset major divulsioni difficultas: ibi autem major est metus, ubi est major evacuatio: ibi major evacuatio, etiam cæteris paribus, ubi magis continuatur evacuatio: potest autem evacuatio minorum hemisphæriorum continuari magis, quàm majorum; ergo &c.

Vacui metus non tenet conjunctionem hemisphæria Magdeburgica.

Præterea si metu vacui continerentur dicta hemisphæria, tunc tantum tam fortiter resisterent divulsioni, si utraque à potentiis ad eorum vertices applicatis traherentur ad perpendiculari-

Vide Ico. nism. III. Fig. I. & III.

Mm

lum,

lum, ut si in Fig. I. & III. Iconismi III. equi applicati ad vertices H & L, traherent hinc inde ad perpendiculara NH, & LL: quia tunc tantum deberent tota simul divelli, & aer deberet simul in momento ea replere; quod fieri non posse ajunt Peripatetici, quia ingressus aeris, utpote motus successivus, in momento fieri nequit. At si distractio ab uno latere major esset quam ab altero, facile divelli possent, ut fatentur ipsimet Peripatetici in divulsione duorum marmorum politorum sibi mutuo applicatorum. In nostro autem casu æqualis est difficultas, etiamsi tractio non fiat ad perpendicularum, sed major sit ab uno quam ab altero latere: quis enim credat, equos semper ad perpendicularum, aut semper æqualiter ab utroque latere trahere? Quis credat, dum casu ponderis tentatur divulsio, tractionem semper esse perpendiculararem modo explicato?

Objicit quispiam: si cylindri aeris ambientis hemisphæria evacuata comprimunt illa; ergo cylindri aquei ambientes vesicam aëre plenam, & profundè intra aquas demersam. Respondeo, hoc non sequi, quia vesica plena aëre est levior quam aqua æqualis molis, ideo vesica tendit sursum: ut hemisphæria sunt graviora quam æqualis motus aeris?

Multis aliis argumentis idem probari posset, non oriri videlicet difficultatem divellendi hemisphæria à metu vacui, sed ab aeris circumstantis compressione; sed omitto, & pergo ad alia Experimenta.

§. IV. Aërem premere corpora solida, probatur

Experimento Magdeburgico aheni evacuati, pistillum sorbentis?

EXperimentum descripsimus lib. 1. cap. 19. aliisq; variis locis mentionem illius fecimus?

Aërem premere corpora solida, probatur adhuc alio experimento Magdeburgico.

In dicto Experimento pistillum fuit ex aheni, usque ad limbum ejus supremum, extractum conatu virorum viginti ad funem ductarium trochleæ circumductum applicatorum; ergo hæret embolus intra dictum limbum tam fortiter, ut ad illud detrahendum versus fundum requiratur totidem virorum conatus. Idem pistillum ad dictum aheni limbum promotum, detinetur

ibi

ibi viginti virorum conatu, nè ad fundum relabatur. Nihilominus quamprimùm evacuari incipit ahenum, delabitur versùs fundum, delusâ retentione quadraginta ad minimùm virorum. Causa motiva vel est intra ahenum, vel extra; adeoq; vel est tractiva, vel suctiva, vel introtrusiva. Si intra est; utiq; est metus vacui, uti Peripatetici dicerent: si extra; non potest esse alia, quàm aë. pondere suo incumbens embolo, eumq; intus trudens. Hoc nunc inquirō.

Dico I. Causam effectus prædicti non esse metum vacui. *Pistillum cur intra evacuatum ahenum relabatur.*
Primò, quia nullius vacui periculum adest, cùm in aheno semper maneat æther ad minimum. *Secundò*, quia in aliis casibus, in quibus ob vacui metum sequuntur tam mirabiles & insoliti effectus, ex Peripateticorum sententia, semper præcedit magna difficultas in extrahendo corpore, cui aliud tam difficulter mobile debet succedere: hîc autem nullâ difficultate ex aheno aër extrahitur, sed unus puer syringe pneumaticâ ad inferius epistomium, applicatâ paucis suctionibus extrahit aërem. *Tertiò*, quia Natura in evitando vacuo semper studet compendio, ipsis etiam Peripateticis consentientibus, ut si facilius est vas rumpere, & corpus aliquod extrinsecum advocare ad replendum spatium, quàm movere ingens aliquod pondus; tum rumpit potius vas, quàm moveat corpus: at in casu nostro facilius longè est, ut ahenum rumpatur, & aër externus in locum extracti admittatur, quàm ut intus trahatur pistillum cum embolo, contra conatum quadraginta obnitentium virorum conatui æquivalentem; ergo &c. *Quartò*, quia Peripatetici ajunt, tantopere fugere Naturam vacuum, ut dum è vase aliquo extractus est aër eò usq; ut ad ultimos raritatis limites, quos Natura patipotest, perventum est, vel vas rumpatur, vel corpus quod intrò trahi potest, sequatur elusâ quacunq; resistentiâ: at hoc in casu nostro non fit: nam si pistillum majori vi detineretur, pluribus videlicet hominibus aut equis applicatis, aut fortissimis funibus atque catenis illud alligantibus; nunquam introtraheretur, etiamsi exanclatio aëris per dies & septimanas integras continuaretur. Ratio est, quia vis resistitiva potest tandem vincere potentiam introtrusivam, ut patebit. *Quintò*, quia si ahenum superiore parte in conum

truncatum defineret, & foramini angusto relicto strictus embolus cum pistillo inderetur, ac deinde ahenum evacuaretur, facile retineri posset pistillum, vel ab uno homine, tamen si non adeo strictè esset foramini infixum, dummodò externo aëri nullum concederet introitum; & tamen tunc non esset minus vacui periculum in aheno, quàm antea: ergo quòd magnus seu latus embolus introtrahatur, non contingit vacui metu. Omitto alia argumenta.

Dico II. Causam prædicti effectus esse pressionem aëris externi, embolo incumbentis. Nam embolo incumbit cylindrus aëris, cujus basis est æqualis basi internæ aheni, seu ipsi embolo; altitudo verò pertingit usque ad extremos terminos atmosphæræ; gravitas denique tanta est, quanta est cylindri aquæ habentis æqualem basim, altitudinem verò viginti ulnarum Magdeburgicarum circiter. Si major est aheni, & emboli, & consequenter cylindri aëris incumbentis basis, majus est ejus pondus; si minor, minus. Quando ergo vis retentiva emboli vincitur à gravitate columnæ aëreæ embolo incumbentis, introtruditur embolus; quando verò retentiva vis emboli vincit gravitatem dictæ columnæ, non introtruditur, quantumlibet diu & multum evacuetur ahenum. Hinc patet, cur embolus latus difficilimè, strictus facile retineatur, quòd minus introtrudatur; quia videlicet lato incumbit majus, stricto minus pondus aërei cylindri. Patet præterea, si emboli basis sit cognita, calculari posse quanta vis retentiva requiratur, quæ embolum detineat, & à descensu intra ahenum prohibeat.

COROLLARIUM.

*Cur pistillum intra antliam pneumaticam
cum impetu relabatur.*

Pistillum
cur cum
impetu re-
labatur in-
Libro 1. cap. 1. Annotat. 2. diximus, dum in Magdeburgico Experimento aer exantlatur e Recipiente, aut calabo evacuato in rio, subsidio antliæ pneumaticæ; pistillum antliæ in principio exantla-

antlationis extrahi facile, deinde semper magis ac magis crescere difficultatem, ac tandem sponte cum impetu relabi intus. ^{tra antliam præmatricam.} Idem contingere in Experimento Anglicano, diximus lib. 2. cap. 3. & s.

Causa hujus rei est pressio aëris externi, qui pistillo & embolo incumbens (seu id supra fiat, seu subtus, seu ad latus) embolum gravitate suâ premit, & trudit intus, quotiescungq; est extractus. Hinc quò latior est embolus, eò difficilius post exantlatum aliquantisper aërem extrahitur; eogq; facilius, si liber dimittatur, relabitur intro.

§. V. Aërem premere solida corpora, probatur difficultate extrahenti obturamentum è Recipiente Anglicano.

Experimentum lege lib. 2. cap. 4. quod jucundum simul, & mirabile est. Causa non est metus vacui, quia in Anglicana Machina nec vacuum est, nec vacui metus, cum semper aliquid extrinseci aëris irreat, ut fateatur Auctor Experimenti. Est ergo pressio aëris superincumbentis obturamento, idque gravitate suâ intus trudentis. Hinc quò majus, id est, crassius est obturamentum, eò difficilius extrahitur; quia tunc majorem, id est, crassiorem cylindrum aëris sese prementis sustinet.

ANNOTATIO.

Aliud pressionis aëris exemplum.

Aliud valde luculentum pressionis aëris externi, corporibus solidis incumbentis, exemplum habes citato libro 2. cap. 11. ^{Aërem premere corpora solida, probatur alia experimentis.}

§. 2.

Multa alia exempla occurrunt passim inter Anglicana Experimenta, toto libro 2. enarrata.

CAPUT VIII. SCRUTINIUM IV.

*An aqua in antlia fuatoria ascendat vi æ-
ris prementis.*

*Aqua in
antlia fu-
toria an
ascendat vi
pressionis
aëris.*

DUO sunt antliarum genera, aliud nimirum fuotiarum seu tractoriarum, aliud pressoriarum, seu pulforiarum. Pressoria antlia est, quando elevatione emboli allicitur aqua intra modiolum, aslario seu ventili suo instructum; depressione vero ejusdem pellitur intra tubum modiolo adnexum, & alio aslario instructum, atque in altum urgetur. Suatoria antlia est, quando elevatione emboli, aslario quoque suo instructi, aër è tubo exantlatur, & aqua è profundo in altum velut suctu aut tractione allicitur. De fuatoria præcipuè antlia agit præsens scrutinium. Communiter hætenus puratum fuit, aquam in ea ascendere vimetus vacui, seu ideo vel trahi ab embolo & aëre educto, vel sponte sequi, ut videtur vacuum. Recentiores tamen Philosophi, & Hydraulicorum ingeniosi Artifices, atque Scriptores tradunt, eam vim pressionis aëris ascendere. Hoc nunc discutimus. Ut verò clariùs procedamus, præmittenda est antliæ fuotiaræ descriptio, & tubi duplicis Mercurio & aquâ pleni usus.

§. I. Antliæ fuotiaræ seu tractoriæ descriptio.

*Antlia fu-
toria seu
tractoris
descriptio.*

SUOTIARÆ antliæ variis modis construi possunt. Ad præsentem difficultatem clarè ac solidè enodandam, modus omnium accommodatissimus est, quem proponit *Emanuel Magnus* (qui omnium optimè præsentem difficultatem examinat) in *Philosophia Naturæ* cap. 20. Proposit. 8. Quem modum tamen si proposuerim quoque in *Magia Par.* 3. lib. 7. Syntagm. 1. cap. 3. quia

tamen



Fig. I.



ramen ibidem schema antliæ est viciosè æri incisum, cum hîc repetere placuit.

I. Esto ergo puteus A B, si vis, cubitorum 30 aut plurium altitudinis, seu profunditatis; in quo aqua sit alta 20 cubitos, Vide Iconis. XIII. gr. usque in O. Supponatur autem ad meliorem propositi nostri declarationem, nullam aliunde aquam, dum exhauritur, recipere.

II. In huiusmodi puteo disponatur antlia, cujus tubus sit CD, ab imo ad putei marginem superiorem continuatus; cum ferrea virga superius in E connexa idoneæ potentia, ac deorsum intra tubum dependens ad 20 ferè cubitos à putei fundo B, seu ab infimo tubi ore D: & ad extremitatem virgæ copuletur embolus I; & embolo desuper coarctetur animula, seu ventile, ut vocant; adaperibile quidem, cum virga cum embolo truditur deorsum; claudendum verò, cum sursum educitur. Volo autem cum Magnano, embolum cum ventili disponi in I, aliquantulum sub O, hoc est, aliquot digitis sub aquæ putealis suprema superficie: quamvis sciam, aliis etiam locis disponi posse ac solere, nempe in imo inter F & D, aut prope os putei in P.

§. II. Usus tubi duplicis, Mercurio & aquâ pleni.

HÆc est antliæ constructio. Nunc antequam ejus usum ostendam, & quâ virtute aquam elevet, declarem; fusius declaro finem & usum Experimenti duplicis tubi Mercurio & aquâ pleni, quem suprà lib. 3. cap. 9. breviter insinuavi. Itaque

I. Si fiant duo tubi, A I B externus latior, & inferius in B clausus, superius in A I apertus; & D I internus gracilior, apertus infrà, & suprà; mittaturque Mercurius in externum usque ad signum E F verb. grat. subingredietur Mercurius per inferius os I tubi interni D I, & ascendet usque ad

Vide Iconism. XII. Fig. IV.

ad idem signum EF, utram interni, quàm externi Mercurii superficies suprema sit in eodem communi horizonte, vi communis libramenti. Si verò intra exteriorem tubum affundas aquam supra Mercurium, quæ v. gr. tres palmos altitudinis in eo occupet ab EF usque in AL; descendet Mercurius in externo tubo aliquantulum usque ad signum GH v. gr. in interno verò tubo ascendet usque in C v. g. nempe ad tertium ferè latum digitum supra priorem communem horizontem EF.

II. Idem cum proportionem continget, si in exteriore tubo ponas loco Mercurii aquam, usque in EF v. gr. & super. aquam fundas oleum usque ad AL. Idem præterea in quibusvis diversis duobus liquoribus evenit; dummodò incommiscibiles sint, & diversam gravitatem habeant in specie.

III. Causa hujus Experimenti (quod non semel cum summa cura fecit Magnanus) cur scilicet infusâ aquâ intra tubum externum, Mercurius in eo descendat ab EF in GH, in interiori verò tubo ascendet ab EF in C, est, quòd pondus aquæ, Mercurio in tubo externo incumbens, gravius est, quàm antea erat pondus aëris eidem Mercurio incumbens. Hinc ergo aqua incumbens Mercurio eum premit; & quia cedere potest, deprimit ab EF in GH, cogitque subire interiorem, atque in eo ascendere, donec in C v. g. fiat æqualitas secundum libramentum interni Mercurii IC, & aëris CD, cum externo Mercurio GBH, & aqua GHAL.

IV. Non ergo solus Mercurius tubi externi cogit ascendere Mercurium tubi interni, eumque tenet elevatum; sed simul aqua externo Mercurio incumbens. Neque hîc est ullus vacui metus, cum omnia sint aperta, & aëri pervia, nec ullum vacui periculum immineat.

V. Si non habes tubum ALB tripalmarem, sed solùm palmarem v. gr. ut esset tubus MB, si reliqua superior pars MAL resecta foret; immerge (inquit Magnanus) palmarem tubum MB sub aquam in dolio, aut lacu, aut mari, ita ut aqua dolii seu

lacus

lacus alta sit supra labium M duos palmos, quanta nimirum supponitur esse altitudo ab M usque ad A L. Hoc facto, videbis eundem effectum ut antea: nempe videbis Mercurium intra tubulum internum I D altum esse, ut prius usque in C; in tubo autem externo M B, depressum usque ad G H. Videbis præterea id, quod modò maximè facit ad propositum, videlicet illud aquæ in dolio, lacu, mari, superfusæ ad duorum palmorum altitudinem aquæ in tubo M B contentæ, non minùs eam cum subiecto sibi Mercurio gravare, quàm gravabat eandem antea aqua intra tubum ab M usque ad A L conclusa: ac propterea quoad gravitationem nihil esse discriminis, si ve aqua alteri superincumbens clausa sit intra tubum unà cum alia, si ve non.

VI. Quòd si (ut idem Magnanus observat) tubum palmarem externum M B adhuc profundius mergas sub aquam, in dolio, aut lacu, & tubulum internum I D prolonges nè aqua ingrediatur per os D; perspicies Mercurium externum, tubi latioris M B adhuc magis deprimi ac descendere, Mercurium verò tubuli strictioris I D attolli altius, eà proportionem, quàm major erit altitudo aquæ supra tubum M B; ita ut quot palmis magis profundè mergitur infra aquam, tubus M B, tot digitis altiùs ascendat Mercurius in tubulo D I.

VII. Præterea si supremum os D tubuli D I occludas, quando vel tubum A L B aquâ Mercurio superfusâ implet, vel tubum M B intra aquam mergis; Mercurius in tubulo interno I D non ascendet ut antea, saltem non ad tantam altitudinem. Ratio est, quia aër è tubulo prædicto non elabitur, sed nonnihil comprimitur, & resistit ascensui Mercurii.

VIII. Tandem si, dum intubo externo Mercurius depressus est usque ad GH, & in tubulo interno elevatus usque ad C, per os D tubuli DI aqua ingreditur; subsidit statim Mercurius hujus tubuli, & acquirit eundem communem horizontem, cum reliquo Mercurio intubo externo, quem nimirum antea habebat, dum solus aër supra utrumque Mercurium erat. Causa est, quia sicut antea supra utrumque æqualia erant momenta aëris; ita post aquæ ingressum sunt supra utrumque æqualia momenta aquæ. Æqualia inquam momenta aquæ (non autem æqualia pondera) quia quantum gravitat cylindrus aqueus supra Mercurium externum, tantum gravitat cylindrus aqueus supra internum Mercurium, cum utriusque cylindri perpendicularia sint æqualis altitudinis; in hydraulicis verò non aquarum copiâ, sed perpendicularis pugnatur. In idem recidit, si dicas, totalem gravitatem ex Mercurio & aqua in utroque tubo esse in specie æqualem.

IX. Idem quod hætenus diximus contingere cum Mercurio & aqua premente Mercurium, nempe descensus Mercurii in tubo externo, ascensus in interno, contingeret pariter suâ proportionem, si loco Mercurii adhiberetur aqua, & loco aquæ oleum, aut spiritus vini, aut alius quivis liquor in specie levior quàm aqua, sed cum aqua non commiscibilis: adeo ut universaliter ex his concludere liceat (ut optimè infert Magnanus) è duobus gravibus fluidis, & impermiscibilibus, alterum ab altero in tubis prædicto modo constructis (ac etiam in siphonibus duorum crurum erectis) elevari, aut elevatum sustineri, per circumpulsionem, necessitate naturali, vi solius gravitatis exigentis & efficientis æquilibrium.

X. Et quia aër gravis est, & tam supra Mercurium, quàm supra aquam gravitat, ut vidimus; si loco Mercurii in parte inferiore EIF externi tubi poneretur aqua, & in reliqua parte ab EF usque ad AL, & ultra versus coelum Lunæ aër, in tubulo verò interno DI esset corpus levius aëre, scilicet æther, aut aër valde rarefactus; contingeret utique similis effectus ut antea: aër enim deprimeret aquam EIF, & compelleret intrare tubulum

lum IO, atque ascendere versus C, ad tantam altitudinem, donec libramentum fieret inter aërem & aquam externam cum aqua interna. Atque hoc ultimum bene notandum est; eo enim optimè explicatur effectus antliæ, ut sequitur.

§. III. Explicatur modus, quo aqua per
antliam in altum elevatur ex imo
putei.

STante constructione antliæ explicatæ §. I. aqua quæ replet puteum à B usque ad O, replet etiam tubum antliæ à D usque ad I, atque adeo implet modiolum emboli immersi intra aquam ad sex digitorum altitudinem, ut posuimus. Et hoc fit vi libramenti naturalis aquæ continuatæ in puteo & tubo; utriusque enim superficies suprema exigit unum communem horizontem, ut ostendimus in Mechanica Hydraulica, & docet quotidiana experientia. Aqua ergo est elevata supra ventile emboli sex digitis. Si jam elevatur embolus sex digitis usque ad Q, verbi grat. elevatur etiam aqua, quæ supra ventile est, ad totidem digitorum altitudinem: nam dum elevatur embolus, deprimitur ab aqua superincumbente ventile, & clauditur, ut aqua non possit decidere. Si deinde iterum deprimitur embolus, & aquæ intra tubum contentæ immergitur; aperitur ventile, & nova aqua supra ipsum ascendit, priorique jam antea elevatæ conjungitur; & dum embolus iterum elevatur, attollitur tam hæc, quam illa alia præcedens. Idem contingit in secunda, tertia, quarta, ac reliquis emboli depressionibus & educationibus; sicque paulatim aqua intra tubum attollitur in P, tum in C, ac per fistulam CA effunditur.

Aqua quomodo elevatur in antlia.

Quoniam verò aqua putei interim decrescit, ac descendit ab O versus N, deinde verò versus M, & L; aqua verò in tubo DC non decrescit, sed semper pertingit usque ad I, ut sex digitis superingrediatur embolum & ventile (quoniam

semper nova ac nova hauritur ab embolo, atque effunditur per CA, uti experiëntiâ constat) ideo dum aqua putei est in N, aqua tubi non potest esse in I vi libramenti naturalis, sed tantum potest esse in H: & dum aqua putei est in M, aut in L; aqua tubi tantum potest esse vi libramenti naturalis in G, aut in F. Ergo cum in tubo semper sit aqua usq; in I; necesse est, ut ab aliqua alia causâ eò usq; pellatur. Hoc autem vel est metus vacui, vel est pressio aëris aquæ putei superincumbentis; quod nunc determinabimus.

§. IV. Aqua in antlia non attollitur metu vacui, sed pressione aëris aquæ putei incumbentis.

Aqua in antlia non attollitur metu vacui, sed pressione aëris.

Aqua ad quantam altitudinem ascendat seu metu vacui, seu pressione aëris.

PRO decisione suppono tanquam certissimum, & perpetuâ experiëntiâ ab Orbe condito ad hæc usq; tempora exploratum, aquam in antliis suctoriis, seu hac, seu aliâ ratione constructis, & in quibuscunq; similibus Machinis, quibus suctu, & ut vulgus loquitur, metus vacui attollitur aqua in altum, eam non posse elevari nisi usq; ad certam ac determinatam altitudinem, quam nulla humana industria hætenus prætergressâ fuit, nec imposterum prætergredietur. Hanc altitudinem alii statuunt, communiter esse octodecim cubitorum, seu (ut Magnanus interpretatur) triginta sex palmorum, quorum quilibet duodecim constet transversis digitis. Auctor verò Magdeburgici Experimenti statuit, eam altitudinem esse viginti ulnarum Magdeburgensium, ut vidimus suprâ lib. 1. variis in locis. Hæc tamen altitudo non consistit in indivisibili, sed aliquando est nonnihil major, aliquando nonnihil minor, prout videlicet variatur principium aquam in altum propellens. Dictus Experimenti Magdeburgici Auctor animadvertit, differentiam inter summam & infimam altitudinem esse unius ulnæ. Illustrissimus tamen Eques Digbæus Tract. de Natura Corpor. cap. 18. num. 4. ait, altitudinem ad quam ascendit aqua per attractionem, esse pedum ferè quadraginta, si per angustam fistulam deriveretur; conferre enim tunc ad ascensum propinquitatem laterum.

Idem addit, alios dicere, posse aquam elevari ad quamlibet

bet altitudinem. Sed hoc ultimum est omnino falsum, & falso nititur principio de vi eductiva aquæ, quam putant esse contiguitatem corporum, quæ nunquam interrumpi possit, adeoque aquam alteri corpori contiguam, eò usque attolli posse, manente contiguitate, quò usque attollitur corpus illud alterum. Priorum Auctorum differentia oritur ex diversitate mensurarum quibus utuntur. Hoc supposito,

Dico I. Aquam per antliam non elevari in altum metu vacui. Ratio est, quia alioquin ad quamlibet altitudinem elevari posset: metus enim vacui, prout Peripatetici cum explicant, non limitatur ad certam altitudinem, sed in quacunque altitudine periculum vacui est, aut esse potest, per antliam procuratum, ad eamque usque elevari potest aqua, ut vacuum vitetur, & Naturæ laboranti succurratur. Tamen si igitur puteus AB, & tubus CD, descenderent deorsum usque ad centum & plures pedes, & per continuam exantlationem exhauriretur semper magis ac magis puteus; aqua nihilominus semper ab embolo I attraheretur per os D usque ad I, quia non minor esset metus vacui, postquam aqua putei subsidisset quadraginta quàm octodecim cubitis. Hæc autem cum falsa sint, & experientiæ repugnent; falsa quoque est adsignata causa elevationis aquæ per antliam metu vacui.

Dico II. Aqua per antliam elevatur pressione aëris superincumbentis aquæ puteali. Explico, & simul probo. Ex una parte, quantumcunque continuetur exantlatio, quàm diu aqua putei non subsidit infra octodecim cubitos, aut viginti ulnas ab O deorsum; semper est aqua in tubo usque ad I, quia semper nova aqua ab embolo hausta effunditur per canalem CA, ut experientiâ constat; & tamen dum subsidit jam aqua putei usque ad N, ad M, ad L &c. aqua tubi non ascendit usque ad I vi libramenti naturalis, ut diximus, & experientiâ etiam constat; nec etiam metu vacui, saltem quando aqua putei subsidit ultra viginti cubitos, aut ulnas, ut probavimus. Ex alia parte, si aqua putei subsidisset usque ad N verbi grat. & aqua tubi usque ad H; & aquæ putei superaffunderetur oleum, quod repleret puteum usque ad M; utiq; oleum

premeret aquam putei, & hæc simul cum oleo cogeret ingredi aquam per os D tubi, & ascendere ab H usque ad I verbi grat. prout vidimus contingere in tubo duplici, dum Mercurio externo superaffunditur aqua; & contingeret, si loco Mercurii pars inferior EBF repleretur aquâ reliqua pars usque ad AL oleo. Cùm ergo aquæ puteali in N consistenti, non jam oleum, sed aër sit superaffusus; & aër graviter supra aquam, ut multis Experimentis jam probavimus; & aqua per tubum pellatur usque ad I, & non pellatur metu vacui; sequitur campelli eò vi aëris aquam putealem prementis. Quotiescunque ergo embolus I elevatur, & ex aqua tubi extrahitur, spatio verò ab embolo relicto succedit alia aqua; succedit ea vi pressoris aëris aquæ puteali incumbentis. Et si majus spatium tubi ab I sursum relinqueretur vacuum ab embolo, aqua, & aër; ascenderet aqua ad majorem altitudinem, donec videlicet fieret æquilibrium inter aquam internam tubi, & aquam externam unà cum aëre putei.

Quòd si, dum aqua putei subsidit, propter exantlationem, ab O usque in N primùm, deinde usque in M, demum usque in L, ingrederetur interim per rimam aliquam inter I & H aër intratubum; illicò aqua in tubo suspensa descenderet, ab I primùm usque in H, deinde in G, demum in F, ut semper esset in eodem cum externa aqua horizonte. Et ratio est, quia aër aquæ internæ tubi incumbens tantundem gravaret suam aquam, quantum aër aquæ externæ putei incumbens gravaret suam. Nam non solum aër tubo inclusus gravaret aquam sibi subjectam, sed ille etiam, qui cum prædicto incluso continuaretur usque ad suprema atmosphæræ confinia; ille inquam aëris externi cylindrus, qui æqualem habet cum interni aëris cylindrobasim.

Cùm igitur in præcedentibus Experimentis viderimus, aquam vi aëris prementis ascendere solum ad certam aliquam altitudinem, cubitorum videlicet octodecim, aut ulnarum, viginti circiter; ad eandem altitudinem, & non majorem, ascendet in præsentī Experimento antliæ. Eadem autem est ratio

ratio in aliis antliis aliâ ratione constructis, & in omnibus aliis Machinis fuctoriis, seu ut appellant, tractoriis: nam in omnibus idem est principium elevans, nempe pressio aëris aquæ incumbentis.

Dico III. Si in prædicto puteo & antlia, aqua solùm pertingeret in puteo usque ad M, in tubo verò usque ad G, & embolus esset dispositus ut antea in I; posset adhuc effici, ut aqua tubi ascenderet usque ad I, & ab embolo sublata effunderetur per canalem CA. Nam si embolus agigaretur sursum, ac deorsum, extraheretur aër, qui esset in tubo inter G & I; extracto aëre, aqua purei unà cum aëre sibi incumbente urgerent pondere suo aquam per os D, & propellerent usque ad I; quæ ibi elevaretur ut antea ab embolo primùm supra I, deinde supra Q, demum supra R &c. donec efflueret per CA. In hoc itaque casu, aër extraheretur quidem suctione, seu attractione, aqua verò elevaretur pondere aëris superincumbentis usque ad I; ab I demum attolleretur motu emboli sursum ut antea.

CAPUT IX.

SCRUTINIUM V.

*An universaliter aër premat qualibet corpora
segraviora, quibus incumbit, aut quæ ambit
à lateribus & infrà: item an partes aë-
ris superiores premant inferio-
res sibi subjectas.*

IN Experimentis hætenus relatis, atque discussis, quibus probavimus aërem premere tam liquida, quàm solida, segravio-
rain:

ra in specie , semper corpora illa , quæ vidimus premi ab aëre incumbente , aut ambiente , habent infra , aut supra se , aut ad latera , corpus aliquod rarius aëre , quod corporibus ab aëre pressis potest cedere , & illa in locum à se relictum recipere. Sic aqua in tubo Magdeburgico , Bertiano , & aliis ejusmodi ; Mercurius in tubo Torricelliano ; aqua in antliæ tubo ; habet supra se ætherem , aut spiritus Mercuriales , aut aqueos , aëre longè leviores ; quæ corpora leviora cum cedant aquæ & Mercurio contra suam naturam ascendenti , neque hæc corpora ascendant metu vacui ; bene arguimus ea ascendere pressa ab aëre illis incumbente , modo in præcedentibus explicato. Sic etiam vitrum evacuatum , & duo hemisphæria evacuata ; tam fortiter ab aëre ambiente comprimuntur , quia intra se continent ætherem , aut corpus aliud levissimum , aut planè nihil præter ætherem , possentque cedere , & de facto cedunt , quando vitra non sunt sphærica ; ideo tam vehementer comprimuntur. Eadem est ratio de quibusvis aliis , uti discurrenti per singula patet.

Aër an gravitet supra corpora graviora se.

Dubitatur nunc *Primò*, an etiam aër gravitet super illa corpora gravia , quæ graviora sunt in specie quàm aër , nec habent infra , aut supra , aut circa se corpus levius in specie quàm est aër : ut , an aër incumbens Terraqueo globo , lapidi aut ligno in terra jacenti , aut natanti in aqua super ea corpora gravitet. Ratio dubitandi est , quia aqua gravitat quidem supra corpora leviora se in specie , at non supra graviora. Hinc urinatores infra aquam demersi , etiam ad maximam profunditatem , non sentiunt pondus aquæ superincumbentis ; & herbarum levissimarum in fundo lacuum & maris crescentes , surgunt in altum , nec sternuntur ab incumbentibus aquis ; & corpora gravia fune alligata , & intra aquam demersa , etiam profundissimè , sustinentur manu , & extrahuntur tantâ facilitate , quantâ sustinentur & extrahuntur , si nulla aqua ipsis incumbat , imò etiam majori , quia gravia minùs ponderant in aqua , quàm extra eam. Omitto alias rationes , quas adduxi in Magia Par. 3. lib. 5. Syntagm. 3. Erotem. 3.

Dubi-

Dubitatur *Secundò*, an partes aëris superiores premant inferiores sibi subjectas, atque adeo an aër in propria regione graviter. Ratio dubitandi iterum desumitur ab aqua, ^{Aëris partes superiores an premant inferiores.} cuius partes superiores non premunt inferiores: quod constat tum ex rationibus paulò antè insinuat, tum quia alioquin inferiores essent compressiores ac densiores superioribus; & hæ expellerent illas, sicq; aquæ partes essent in perpetuo motu ascensus ac descensus reciproci.

Quæstio hæc (ingenuè fateor) diu me tenuit perplexum, & quò magis eam apud me ventilo, eò minùs me extrico. Interim statuo sequentia.

Dico Primò. Aër magis addensatus, intra minus addensatum, gravis est, & gravitat, si inclusus sit. Patet ex dictis supra, & constat experienciâ, quia aër intra vesicam, utrem, pilam lutoriam vi intrusus, atq; compressus, intra aërem in suo naturali statu consistentem, nititur deorsum, & simul cum suo vase, cui inclusus est, magis deprimit lancem, & manum, quæ eum sustentat, quàm solum vas. Ergo intra aërem exercet actum gravitandi, qui est deorsum ad loca decliviora actu tendere, si aditus pateat. ^{Aër densus, & inclusus, gravitat intra minus densum.}

Dico Secundò. Aër etiam in statu suo naturali permanens, intra alium ejusdem rationis, & sibi homogeneous, gravis est, & gravitat, si inclusus sit. Patet similiter ex dictis, & experienciâ: nam aër intra vas vitreum inclusus, & non compressus, plus ponderat unâ cum vitro, quàm solum vitrum, & plus deprimit actu lancem & manum. Ergo similiter intra aërem sibi homogeneous exercet actum prædictum gravitandi. ^{Aër inclusus gravitat intra aërem ejusdem rationis.}

Dico Tertio. Partes aëris superiores videntur gravitare supra inferiores, si aër accipiat pro effluviis diversarum rerum sublunarium. Ratio est, quia cum omnia ista effluvia sint vel terrea, vel aquea, vel mixtorum corporum sublunarium; utique omnia sunt gravia, tamen aliqua minùs, alia magis: ergo pondere suo, cessante causâ sublevante illa, deorsum actu ^{Aëris partes superiores videntur premere inferiores.}

tendunt, incumbuntque primùm inferioribus corpusculis quæ offendunt, antequàm ad Terram vel Aquam deveniant: ergo illa premunt pondere suo; cur enim non premant? Hinc partes aëris inferiores, sunt magis pressæ atque compressæ, quàm superiores; præsertim quia descendendo effluvia moventur à circumferentia ad centrum, & in se mutuo incurrunt, seseque constringunt.

Aqua partes superiores an premunt inferiores.

Dicunt I. partes aquæ superiores non gravitant supra inferiores, nec hæ sunt magis pressæ atque compressæ, quàm superiores; ergo nec partes aëris superiores supra inferiores gravitant, nec ob id inferiores sunt magis compressæ superioribus. *Respondeo* I. non deesse aliquos, teste *Digbeo* Tract. 1. de Natura Corporum cap. 11. num. 8. qui profiteantur se in aqua profundiore distinguere posse varia in illius partibus discrimina gravitatis, crescentis scilicet continuò, prout illæ propius à fundo abfuerint; adeoque in hac arte peritos se evasisse jactitent, ut dicant, se posse fabricare instrumenta, quæ certæ alicui aquæ parti ad amissim ita respondeant, ut ubi ad eam ventum fuerit, subsistant, nec magis minùsvè deprimantur, aut surgant, & si adhibitâ vi profundius mergantur, vel in altum evehantur, eâ denuò cessante ad æquilibrium protinus redeant, & in loco priori requiescant. Quod si verum est, evidenter sequitur, partes aquæ totâ suâ mole adhuc inclusas gravitare, inferioresq; à superioribus premi. Atq; apud istos Auctores dubium nullum est, quin idem in aliis elementis gravitate positivâ præditis contingat.

Respondeo II. Quidquid sit de aqua, nego consequentiam. Scimus enim, ratione & experienciâ attestante, aëris partes constare rerum gravium effluviis, & minimis corpusculis seu atomis, quæ inter sese agitantur, sursum deorsum volvuntur, se mutuò extrudunt & sursum pellunt, rursusq; deorsum delabuntur pondere suo. Scimus præterea, aërem in scloperis pneumaticis, aliisq; similibus machinis ac instrumentis, vel maximè comprimi, & addensari. At nihil simile in aqua experimur.

rimu. Quod si experiremur, utiq; idem de aqua, quod de aëre, asserendum foret.

Dicunt iterum, quamvis aër inferior à superiori prematur; tamen non comprimitur, hoc est, non condensatur & restringitur ad minores dimensiones, saltem notabiliter, quam alias esset habiturus. Colligunt hoc ex eo, quòd inter floccos nivis, illi qui primi terræ vel tecto domus infederunt, substernunturque aliis supervenientibus in quantalibet altitudine, non comprimuntur à superioribus, saltem sensibiliter, quandoquidem in inferioribus etiam, non minùs quàm in superioribus nivis partibus, minutissimæ stellulæ deprehenduntur. *Respondeo*, & nivis, non secus ac aëris, partes inferiores à superioribus comprimi, saltem aliquantulum; eòq; magis, quòd altior est nix, & quòd diutius jacet accumulata.

Nivis partes superiores comprimunt inferiores.

Dico Quartò. Aër incumbens Terræ, Aquæ, & quibuscunque corporibus, seu solidis, seu liquidis, etiam non habentibus infra aut circa se corpus levius aëre, videtur illa premere, seu supra illa gravitare. Ratio est, quia omnes aëris partes sunt graves, & superiores premunt inferiores; ergo superiores & inferiores simul premunt corpora, quibus incumbunt, & supra illa actu continuè gravitant. *Confirmatur*, quia aër, utpote gravis, continuè nititur deorsum versùs centrum gravium sublunarium, & dato aditu statim actu deorsum fertur, non minùs quàm terra & aqua, uti experientia constat: hic autem continuus & actualis nifus ad descensum, est actus gravitatis; actus autem gravitatis est ipsa actualis gravitatio.

Aër videtur gravitare supra corpora solida.

Obijciunt contra hanc, & præcedentem Assertionem, Actualis gravitatio est actualis pressio; actualis pressio non fit nisi propter motum: non enim fit pressio, nisi ab ulterius progressuro & occupaturo locum ejus quod premitur: Atqui nec partes superiores aëris possunt loco movere partes inferiores; nec omnes partes simul illa corpora, quæ non habent infra aut circa se levius corpus, ac proinde non possunt cedere loco; Ergo &c.

Respondeo, actualem gravitationem esse actuaalem pressionem; actuaalem autem pressionem non esse tantum propter motum actuaalem corporis pressi: nam & duo luctatores aequalium virium sæpe premunt se mutuò fortissimè, & neuter loco cedit; & impulsus ab homine, bestia, vento, globo ex tormento bellico exploso factus premit rupem, quæ tamen non pellitur loco.

Adde, quòd pars aëris inferior non pellitur à superiore, nec luctator unus ab altero, nec rupes ab impellente, quia resistunt; & si non resisterent, utiq; loco pellerentur. Premuntur ergo; nam prementi resistunt.

MONITIO.

*V*arias objectiones contra aëris pressionem, illam præsertim, quòd nos non sentiamus pondus aëris nobis superincumbentis, partim insinuavimus, partim solvimus passim toto libro I. Temporis angustia, & moles in quam præsens liber excrevit, non permittunt diutius hisce immorari.

CAPUT X.

SCRUTINIUM VI.

An aër sit praditus elatere, seu virtute elasticâ.

*Aër an sit
praditus
virtute el-
asticâ.*

Recentiores Pnevmaticorum Experimentorum Scriptores aëri non tantum pondus, sed elaterem quoque, seu vim ac potestatem elasticam attribuunt, hoc est, innatum ac spontaneum nisum ad sese rarefaciendum ac dilatandum, quo prementibus circum se corporibus resistat, & ubi liber ab eorum
pressio-

pressionem est, spontaneâ dilatatione sese ad statum sibi naturaliter debitum reducat. Dicam primò, quo modo dictum elaterem explicent: secundò, quibus Experimentis & argumentis probent: tertio, quid in rei veritate dicendum existimem.


§. I. Quomodo explicent Recentiores elaterem aëris.

Illustris Dominus *Robertus Boyle* in Experimentis novis de aëre, Experim. I. cum dixisset, aëri quo spiramus, elaterem seu spiram, potestatemque elasticam inesse; addit, se per aëris elaterem seu spiram hoc intelligere, quod aër noster aut constet, aut saltem abundet talibus partibus, quæ si quando incurventur aut incumbentis atmospheræ pondere, aut quovis alio corpore comprimente; contiguis illis corporibus se comprimantibus contrahantur, & à pressione ista se liberare, quantum valent, moliantur: quamprimùm verò ea corpora remonentur, aut sponte aut à se aliòve depulsa; relaxent sese, atque explicent, totamque suam molem, quam elastica corpora contexuerunt, expandant. Explicat hoc similitudine spongiæ, quæ compressa constringitur; & à pressione liberâ, sponte sese iterum dilatat, & ad pristinam suam molem reducit. Explicat & alio, eoque aptiore, ut putat, exemplo cumuli lanæ, aut velleris lanei. Vellus enim laneum, aut cumulus lanæ, ex pluribus tenuibus ac flexibilibus pilis constat, quorum singuli instar spirarum parvarum sunt; & quàm facillè incurvantur ac comprimuntur, tam facillè rursus extenduntur & explicantur, dum sunt à pressione liberi; utiq; quia habent virtutem elasticam, hoc est, potestatem se dilatandi.

Aëris elaterem, seu vis elasticam quomodo explicetur.

Paulò aliter explicat eandem elasticam virtutem ex Cartesii doctrina, quam suprà cap. I. adduximus, de aëris natura. Aër enim, ut ibi ex citato Cartesio vidimus, nihil aliud est, quàm congeries seu acervus minutarum & maxima ex parte flexibi-

lium particularum , magnitudinis variæ , omnigenarumque figurarum ; quæ per calorem , præsertim Solis , in fluidum illud & subtile corpus æthereum , quod terram circumambit , & à terra usque ad ultima cœli fluidi confinia extenditur , evolvuntur , & inquieto motu cœlestis illius materiæ in qua fluctuant , aut aliis de causis , ita circumrotantur continuò , ut unaquæque conetur cæteras omnes , nè in parvam , suæque activitati circa centrum suum debitam sphaeram ingrediantur , retrudere atque repellere ; & si quando ullà in sphaeram suam irruens , impedimento est , quò minùs liberè se rotare possit , expellere , atque abigere. Itaque juxta hoc dogma parum interest , an aëris particulæ habeant structuram spiris debitam , aut cujusvis alterius , quantumcunque irregularis formæ sint , cùm potestas earum elastica non à forma earum necessariò pendeat , sed à vehementi illa agitatione , & quasi motu vibrationis , quem à fluido aëre (aut aliunde) recipiunt , qui celeriter eas interfluit , & singulas earum circumrotando non modò separatas ab invicem servat , & expansas , verùm etiam facit , ut se invicem collidant , aliæque alias discutiant , & exinde spatium latius exposcant , quàm quod compressæ commodè implerent. Hæc est elateris seu elasticæ virtutis aëri competentis explicatio, Nunc ad Experimenta progredior.



§. II. Experimenta quibus Recentiores probant virtutem elasticam seu dilatativam aëris.

Multa ejus generis Experimenta tribus præcedentibus libris attuli ex Auctoribus. Ex his pauca breviter repeto, aut obiter insinuo.

Primum Experimentum est illud, quod explicavimus lib. 1. cap. 5. 6. 7. 8. & cap. 28. num. 3. ubi diximus, si Recipientis aut Cacabi evacuati collo inferatur collum vitri non evacuati, & utriusque epistomium simul aperiatur, aërem è non evacuato irrumperè maximo impetu in evacuatum. Hoc autem non potest adscribi pressioni aëris: quia aër in non evacuato vitro non premitur ab aëre ambiente, cùm inter unum & alterum intercedant latera vitri. Nec videtur posse adscribi metui aut fugæ vacui, quasi verò Natura horrens violentam corporis (quodcunque illud sit) extensionem & rarefactionem in evacuato vase, advocet aërem alterius vasis jam aperti: quia aër è non evacuato irruit in evacuatum tanto impetu, & tantâ copîâ, ut illud non minùs evacuatum maneat, quàm hoc antea erat: imò si evacuato magno applicetur non evacuatum parvum, hoc magis exinanitur, quàm illud antea erat. Natura autem non videtur fugere ac vitare unum vacuum cum periculo inducendi aliud. Adscribendum ergo est aëris inclusi elateri, seu nîsui vehementissimo ad sese expandendum, atque à violenta compressione ac condensatione liberandum: aër enim, qui in vase non vacuo est, ille idem est, qui antea circa Terram erat, compressus nimirum, à superioribus partibus aëris sibi incumbentibus; nec poterat sese intra vitrum extendere, quia antequàm vitrum clauderetur, premebatur ab aëre externo supra os vitri apertum premente; postquàm verò clausum fuit vitrum, circumferebatur à parietibus vitri, At post applicatum vitrum eva-

Aëris elastica vis experimentis probatur.

cua-

cuatum, & apertum utriusque epistomium, liber est à pressione externi aëris, quia in evacuato vitro nullus, aut rarissimus est aër. Remoto ergo obstaculo, expandit se tantò celerius & vehementius, quantò magis antea erat compressus.

*Aër intra
aquam con-
tentus, se
dilatat.*

Secundum Experimentum est, quod attulimus eodem lib. 1. cap. 4. & 5. ubi vidimus, dum aqua è vase vitreo seu antliæ pneumaticæ infixæ, seu cacabo evacuatorio imposito extrahebatur, frequentissimæ bullæ instar lucidissimarum perlarum, erumpebant ex aqua, & vitri superiorem partem ab aqua jam derelictam petebant, & evanescebant.

Hæ autem bullæ nihil aliud erant, quàm aër, qui bullatim ex aqua erumpebat. Nec tamen aër iste ex antlia proficiscebatur, quia hæc erat aquæ cuppâ exceptæ immersa, & nullum externum aërem admittebat. Nec etiam proficiscebatur è cacabo evacuatorio, quia hic erat evacuatus, & vel nihil, vel perparum aëris summè rarefacti continebat, quod non appetebat erumpere, sed sese intra cacabum colligere, & addensare. Proficiscebatur ergo ex ipsa aqua, cui antea erat interspersus, & tam ab aqua, quàm ab externo aëre compressus, & quasi compedibus constrictus, quò minùs elabi posset: quamprimum verò aliquid aquæ delapsum fuit è vitro in antliam, aut cacabum, & vitri pars superior aliquantùm exinanita; locum ab externo aëre vacuum nactus, erupit paulatim, in bullas, dilatando sese per elasticam suam virtutem. Hanc causam insinuat Auctor Experimenti Magdeburgici lib. 1. cap. 12. circa finem.

Hic autem aër ex aqua erumpens, & vitri superiora petens, exiguus est & rarus: quod inde constat, quia postquam delapsa est è vitro aqua intra cacabum, aut antliam, si vitri colum aquæ iterum immergatur, iterum cum impetu irruit ac sursum tendit aqua, & totum ferè vitrum replet, ut locis citatis diximus.

Tertium

Tertium Experimentum, idque luculentissimum, est illud, quod retulimus lib. 2. cap. 6. & 7. & sufficienter explicavimus cum Auctore Experimentorum Anglicanorum. Aër enim, exiguus in vesica flaccida relictus, premebatur una cum vesica ab aëre ambiente, tam cum extra, quam cum intra Recipientem nondum evacuatum erat, ideoque non poterat vim suam elasticam exserere, ac sese dilatare: at quamprimum nonnihil aëris fuit extractum è Recipiente, residuusque fuit factus rarior, & minus potens ad premendam vesicam cum incluso aëre; hic coëpit se dilatare, eoquē magis, quod plūs aëris fuit extractum, donec tandem ab omni ejus resistentia seu pressione liber adeo se expandit, ut vesicam rumperet. Evidentissimum quoque hujus rei signum est, quod intromisso aëre externo intra vesicam, hæc iterum premebatur, idque eò magis, quod plūs intromittebatur; donec tanto aëre intromisso, quantum potuit, atque adeo quantum antea fuerat intus, comparuit vesica iterum flaccida, ut antea. Idem confirmant aperte Experimenta alia aliarum vesicarum, quæ citato cap. 6. ex Auctore retulimus: uti & illud alterum vesicæ mediocriter plenæ aëre, & ad ignem, cum siccaretur, ruptæ.

*Aër intra
vesicam Re-
tipienti in-
clusam se
dilatat.*

Quartum Experimentum, proximè relatis simile, est illud, quod lib. 3. cap. 1. §. 3. Phænomeno 15. & cap. 3. retulimus: bene enim ex illo deducit Pecquetus, & alii, aëri inesse elaterem, seu virtutem se sponte dilatandi, ac sese de facto dilatare, quoties ab externo premente liber est.

Quintum Experimentum est illud multiplex, & ingeniosum, quod ex Anglicanis retulimus lib. 2. cap. 8.

Sextum Experimentum est illud aliud multiplex, quod ex iisdem retulimus eodem lib. 2. cap. 11.

Septimum Experimentum est illud multiplex de vi elastica aëris intra aquam & alios diversos liquores inclusi, quod retulimus lib. 2. cap. 22. & seqq. Omitto multa alia Experimenta in

præcedentibus tribus libris aut relata, aut insinuata, & venio ad quæstionis decisionem.


§. III. Quid hac in re sit statuendum.

*Aër habet
virtutem
elasticam.*

OBrelata Experimenta, & ob rationem insinuatam, existimo, probabilissimum esse, aërem habere virtutem elasticam, seu vim sponte se dilatandi, & consequenter rarefaciendi, eamque virtutem exerere, quoties liber est ab extrinseco obsidente, & nissum suum cohibente.

*Aër erumpit
è vase
in loco su-
periore a-
perto virtu-
se elasticæ.*

Confirmo hoc evidentissimè Experimento illo Magdeburgico, quòd suprà lib. I. retuli de Recipiente non evacuato, è loco inferiore prope turris radicem deportato ad turris summitatem, ibiq; aperto, & adhuc aërem efflante. Ex quo ego infero primò, aërem esse graviores ac densiores in loco inferiore, quàm superiore: secundò, aërem nostrum è loco inferiore ad superiorem deportatum, sese ibi expandere ac dilatare, eò quòd ibi non adeo prematur ab aëre gravi ac denso, sicut apud nos circa Terram. Probo, quia gravior est aër vasi inclusus, quàm aër in loco isto superiore vas ambiens, & apertum premens; & tamen erumpit è vase: ergo virtute aliquâ expellitur: hæc non est pressio aëris externi, quia hic levior est; nec est gravitas aëris inclusi, quia gravitas non pellit gravia supra leviora se; nec est metus vacui, quia nullum adest vacui periculum, sed potius adest nimia repletio. Nihil ergo restat, quod aërem expellat, quàm vis spontanea se dilatandi, dum à pressione extrinseca liber est.



CAPUT XI.

SCRUTINIUM VII.

Quenam sit causa aliquorum effectuum pneumaticorum, & hydraulicorum, qui passim fieri dicuntur ob metum aut fugam vacui.

Iam vidimus, multos effectus, qui hætenus non à vulgo tantum, sed à magnis etiam Philosophis unanimi consensu adscripti fuere metui aut fugæ vacui, melius ac verius adscribi posse ac debere aut pressioni aëris, aut ejusdem spontaneæ rarefactioni seu rarefcentiæ. Placet nunc nonnullos alios in medium producere, & examinare.

§. I. Qua virtute glans plumbea, si suctu è fistula sclopetaria aër extrahitur, ascendat in altum.

Fistulæ sclopetariæ perpendiculariter erectæ, ut os apertum sursum spectet, injice glandem plumbeam, quæ sponte decidat ad fundum, & sponte etiam denuò effundatur, si sclopetum invertatur. Glans plumbea cur ascendat intra fistulam erectam si aër extrahatur. Aperi deinde osculum igniarium (das Zündschlein) & orificio erecto admove ostium, & magno conatu exsuge aërem è fistula. Deprehendes glandem plumbeam simul ascendere, idque adeo celeriter ac violentè, ut ni cautus sis, dentes anteriores excutiat, aut lædat; quod vidit cuidam contigisse *Digbaus*, ut ipsemet refert Tract. 1. de Natura Corpor. cap. 2. num. 6.

Quæritur, qua virtute trahente, aut impellente, globulus in hoc & similibus aliis casibus ascendat.

Creditum hæcenus , id fieri vacui metu. Cùm enim aër è fistula exsugatur ; nè vacua maneat fistula , sequitur glans plumbea , & post glandem aër per igniarium osculum irrumpens. *Contra tamen habeo primò* , quia si osculum igniarium sit clausum , aër æquè exsugitur è fistula , & tamen globulus non sequitur. *Contra habeo secundo* , quia cùm globulus laxè , non arctè impleat fistulæ inanitatem , & vix leviter latera ejus interna tangat ; exsucto aëre è fistula , subsequi potest aër alius per igniarium osculum irrumpens , & inter globuli ac fistulæ latera transiens , & sic evitari periculum vacui : ergo si vacui periculum foret , hoc contingeret , & globulus tam gravis non ascenderet ; Natura enim ad evitandum vacuum non advocat corpora graviora , si leviora in promptu sint ; quod Peripatetici & Vacuistæ non negant.

Mihi videtur , globulum ascendere solum vi pressio-
nis aëris , & non vi expansionis ejusdem. Nam aër exter-
nus per osculum igniarium ingressus premit globulum tanto
pondere , quantum est pondus cylindruli aërei à dicto oscu-
lo usque ad atmosphæræ extremum terminum extensi : non
pellitur tamen sursum globulus ab illo pondere , quia alius
similis , imò & major cylindrulus ipsi incumbens constituit
æquilibrium cum priori cylindrulo. Exsucto autem aëre è
fistula , cùm globulus jam habeat ante se corpus levius quàm
sit aër retro premens , nempe ætherem ; pellitur , & sine re-
sistentia ascendit : & si fistula elongaretur , & aër extrahe-
retur ; eò usque ascenderet , donec fieret æquilibrium inter
cylindrulum aëris externi ex una parte , & cylindrulum aë-
ris interni unà cum globulo ex altera parte. Expansio
autem aëris à foramine igniario usque ad globulum intra
fistulam stabulantis nulla est : quia cùm hic aër retro habeat
totum cylindrulum aëris externi sibi incumbentis , ac pre-
mentis , antè verò habeat globulum expansioni obstantem ;
nulla

nulla potest fieri expansio , adeoque hæc non est causa ascensus globuli.


Objici posset contra Assertionem nostram , aërem , si gravis est , & si partes inferiores à superioribus premuntur , & ab omnibus corpora alia ipsis subiecta , niti deorsum , ac deprimere corpora , quæ premit ; quomodo ergo poterit globulum plumbeum in fistula perpendiculariter erecta , ita ut os fistulæ sit sursum erectum , propellere in altum ?

Respondeo , etiam aqua quia gravis est , & partes superiores premunt inferiores , & omnia simul corpora ipsis subiecta , deorsum nititur , & deorsum premit ; & tamen si intra aquam sit spatium vacuum ab aqua , & corpore aliquo levioze , ut aëre , plenum (ut si intra aquam sit cista undique clausa , & aëre plena ;) quamprimum fit foramen , aut etiam rimula exigua , seu in latere cistæ , seu in fundo , aqua irrumpit tantò majore impetu , quantò altior est aqua stagnans supra cistam ; & obvia intra cistam corpora propellit etiam in altum. Idem etiam in aëre contingit &c. Nimirum tam

aqua , quàm aër , pressus à partibus superioribus , re-

flectitur à corpore inferiore obstante , & sur-

sum revertitur.



§. II. Qua virtute aqua in vase irrigatorio suspensa hæreat.

Aqua in vase irrigatorio quâ virtute hæreat suspensa.

Notum est omnibus, si vas irrigatorium hortense, quo hortulani ad irrigandas plantas utuntur, aquâ repleatur, & osculum superius, quod in collo est, digito obturetur, aquam ita contineri suspensam, ut tamesi fundus cribri instar sit mille foraminulis pertusus, nulla tamen gutta effluat, quàm diu vas ad perpendiculum erectum tenetur. Idem contingit in vasculis, quibus Oenopolæ vinum è superiore doliorum foramine hauriunt, ut omnibus notum est. Idem præterea evenit in omnibus, cujuscunq; formæ & magnitudinis vasis, quæ collum & osculum habent strictum, & vel in fundo è regione colli & osculi, vel in latere, habent foraminulum apertum: si enim humore quocunq; repleatur vas, & colli osculum obturetur; nihil liquoris effluit.

Causam hujus effectus (ut in Magiæ 3. par. lib. 7. Syntagm. 1. cap. 7. diximus) asseruerunt hætenus Philosophi, à Stagyrice temporibus, ac fortassis etiam à primis natæ inter mortales philosophiæ incunabulis, esse metum vacui, nè si aqua infrâ è vase effluat, interim tamen nec per idem foramen per quod effluit, nec per foramen superius digito obturatum, nec aliunde aër, aut corpus aliud succedit, discontinuetur aqua à parte vasis superiore, & inanitas oriatur inter vas & supremam aquæ superficiem.

Vacui metus non tenet suspensam aquam in vase irrigatorio.

Non arridet hic philosophandi modus *Magnano* in Philosophia Naturæ cap. 20. Proposit. 11. (ut citato etiam loco diximus) qui inde probat ejus rei non esse causam metum vacui, quia si altitudo vasis, vel saltem colli ipsius, esset major, quàm 18 cubitorum, aut 36 palmorum, verbi grat. palmorum 40, essetque collum dictum aquâ repletum usque ad summum; quantumvis obturatum esset superius colli spiraculum,

lum, effluerent nihilominus quatuor circiter aquæ palmi, reliqui verò 36 remanerent suspensi, quàm diu maneret dictum spiraculum obturatum (prout contingit in tubo Bertiano, ut vidimus lib. 3. cap. 2.) & tamen non minor vacui metus esset tum, quàm cum altitudo vasis aut colli est unius tantum palmi. Itaque sicut in primo casu, non obstante vacuo quod in vase oritur, quatuor palmorum aqua effluit; ita etiam in secundo casu effluere saltem aliquid deberet, si non foret alia suspensionis causa, præter vacui metum. Addo ego, quòd quancumque sit altitudinis vas irrigatorium, dummodo non sit altius triginta sex palmis circiter, quàm diu obturatum manet osculum superius, nihil effluit; quàm primum, verò aperitur, & aëri ingressus patet, effluit; & quando iterum obturatur, iterum nihil effluit; & tamen nullum esset vacui periculum, si saltem aliquid efflueret: nam aër jam intromissus potest rarefieri & extenuari; possunt item ex aqua ascendere vapores, & spiritus, & replere locum relictum ab aqua, si interim efflueret. Quòd ergo nihil in hoc secundo effluat, non est metus vacui, cum nullus adsit metus vacui. Ergo nec in primo, nec in ullo alio casu, metus vacui suspendit aquam intra dicta vasa irrigatoria.

Dices fortassis, tamen si nullum fieret vacuum, si aliquid post intromissum aërem, & clausum denuo osculum vasis, efflueret; fieret tamen violenta extensio aëris intromissi, & aquæ adhuc inclusæ: quam ipsam extensionem etiam Natura horret, & non permittit sine gravi necessitate. *Respondeo*, quando collum est longum 40 palmis, & osculum superius manet obturatum; effluunt quatuor palmi aquæ, & nullus interim aër ingreditur, sed tantum extrahuntur violenter ex aqua spiritus & vapores, ex Peripateticorum sententia; cur ergo tunc Natura non impedit talem extensionem, prohibendo effluxum aquæ?

Vacui ergo metu non suspenditur aqua in vase irrigatorio, sed adsignari debet alia suspensionis causa.

Dico

*Aqua in
vase irriga-
torio su-
spenditur
pressione
aëris ex-
terni.*

Dico cum Magnano loco citato causam suspensionis aquæ intra vas irrigatorium, cujus collum unà cum vase non sit longius quàm 18 cubitorum, aut 36 palmorum, aut 20 ulnarum Magdeburgensium circiter, esse pressionem aëris vas^o ambientis, & fundum perforatum cum aqua inclusâ premencis. Aliter tamen, quàm prædictus Auctor, rem explico in hunc modum. Vase aquâ repleto, seu ex toto, seu ex parte, dum osculo superiore obstructo extrahitur extra aquam, & in libero aëre suspensum tenetur; effluit aliquid aquæ, uti experientiâ constat; & paulò post sistitur fluxus. Dum autem aliquid effluit, extenuatur vel aër, qui erat supra aquam, intra vas; vel ex aqua extrahuntur vapores & spiritus, qui superiorem vasis partem replent; vel solus æther incumbit aquæ intra vas. In omnibus hisce casibus, corpus quod aquæ intra vas incumbit, levius est quàm externus aër, qui vas undique ambit: ergo premit illud undique, & nititur spatium illud vasis, levio corpore plenum replere; adeum modum, quo premit duo hemisphæria Magdeburgica evacuata, & similia alia exinanita vasa, eaque replere nititur ambiens aër. Cùm ergo fundum quoque, & aquam fundo quantumvis perforato incumbentem, premat tanto pondere, quantum est pondus cylindrulorum aqueorum habentium altitudinem viginti ulnarum, aut octodecim cubitorum, bases verò æquales basibus cylindrulorum aqueorum, qui in vase sunt à fundo sursum extensi; cylindruli autem hi aquei vasis non sint tanti ponderis, quanti est cylindrulorum aëreorum, qui intrâ premunt aquam; mirum non est, quòd aquæ pondus à pondere aëris teneatur suspensum.

Quamprimùm tamen aperitur superius vasis osculum, effluit aqua è fundo, quia tunc tantum pondus aëris incumbit aquæ intra osculum colli, quantum succumbit eidem aquæ infra vel ad ipsa oscula fundi. Aqua ergo pondere suo descendit.


Contra hanc philosophandi rationem opposui in Magna loco citato sequentia. Primò, si aër subtus premit aquam, & sursum nitendo impedit ipsius lapsum; ergo impel-

impellit eam contra digitum obturantem, adeoque digitus sentit impulsus; quod tamen experientiæ repugnat. *Secundò*, si fundus vasis irrigui est repandus, & insistit pavimento, dum, interim digito superius osculum obstruitur; non nisi parum aëris est tunc infra aquam: quomodo ergo tam parum aëris suspendit gravitate & pressione suâ tam multum aquæ? *Tertiò*, quia si fundus habeat mille foraminula, & collum habeat tantum unum exiguum osculum; quamprimùm hoc deobturatur, effluit aqua ex omnibus foraminibus fundi: cur ergo tot cylindri aëris, qui aquam fundi premunt, non resistunt uni cylindro aëris, qui aquam osculi premit?

Respondeo ad Primum, aërem subtus prementem conari quidem pellere sursum aquam vasis, at aërem, aut quodcunque sit corpus illud, quod replet spatium supra aquam inter ipsam, & digitum, virtute suâ elasticâ seu expansivâ resistere, quò minus aqua sursum pellatur, & digito illidatur. Digitus tamen non sentit pressionem à virtute elastica prædicta corporis supra aquam expansi profectam, quia quoad reliquas sui partes ab aëre ambiente ac resistente circumdatur. *Respondeo ad Secundum*, parum illud aëris, qui est intra fundum vasis & pavementum, cui vas insistit, continuari nihilominus cum aëre externo reliquo, subeunte per occultas & subtilissimas rimas, ac proinde non minorem vim habet, quàm si vas in aëre libero manu sustentaretur. *Respondeo ad Tertium*, aperto superiori osculo, aërem externum non habere ampliùs supra se in vase corpus levius,

ideoque non niti ampliùs eò subire, nec impedire, quò

minus aqua pondere suo nativo jam
descendat.



CAPUT XII. SCRUTINIUM VIII.

De causa aliorum quorundam effectuum pneumaticorum, & hydraulicorum, qui vulgò adscribi solent metui vacui.

HI effectus sunt attractio carnis & sanguinis intra cucurbitas medicas, & aquæ inter Æolopilas?

§. I. Qua virtute in cucurbitas caro & sanguis compellatur.

Cucurbitulas medicas quâ virtute subintrat caro, & sanguis.

Metu vacui id contingere, hætenus creditum fuit. Aër enim in hujusmodi cucurbitulis flammâ lucernarum, antequàm applicentur, rarefit; postquàm applicatæ sunt, & causa rarefactionis abest, condensatur denuò, minoremque intra cucurbitulas locum occupat, quia per condensationem contrahitur. Nè igitur spatium ab aëre relictum maneat vacuum, attrahitur vel sola caro, si hæc integra est; vel simul cum carne sanguis, si ea phlebotomicâ lanceolâ est concisa. Hæc vetus est opinio.

Magnanus; Pecquetus, alii que Recentiores volunt, carnem & sanguinem intrudi intra cucurbitulas pressione aëris externi, carni circa dictas cucurbitulas applicatas incumbentis. Vi enim aëris (ut *Magnanus* explicat) circumquaque supercutem gravitantis, adeoque carnem prementis, exprimitur atque congeritur è vicinis partibus ad cucurbitulas sanguis, & simul subtus turgens intumescit caro in cucurbitulas, atque distenditur intrusione istius humoris. Eodem modo rem explicat *Pecquetus*; & addit, dum inclusus cucurbitulis aër cœpit refri-

refrigescere, ideoque minui ejus nifus, quo carnem deprimere poterat; aër, qui intra poros carnis cucurbitulis tectæ latitat, levius gravamine aëris superincumbentis, dilatat sese, & simul obsequiosam carnem & sanguinem in tumorem propellit. Itaq; & aëris pressioni, & ejusdem elateri, effectum prædictum adscribit hic Auctor..

Ego existimo Primò, carnem & sanguinem non subintrare cucurbitulas pressione aëris externi, carni circum illas incumbenti. Nam nulla prorsus pressio sentitur in carne cucurbitulas circumstante, uti experienciâ frequenti ipsemet non sine diligenti ad hanc controversiam reflexione didici, & quilibet experiri potest: sed si qua pressio sentitur, ea est à cucurbitulis carni incumben-^{Cucurbitulas non subintrat caro & sanguis pressione aëris.}tibus seu adhærentibus. Confirmatur, quia si aër externus, carni circa cucurbitulas incumbens, eam premeret, eamque simul cum sanguine subtus ipsas truderet; hoc contingeret eo modo, quo in antlia, & quo in vase irrigatorio, nimirum, ideo, quòd intra cucurbitulas esset corpus levius aëre externo, qui proinde niteretur subintrare, & non valens subintrare, premeret circumstantem carnem, eamque pelleret intus ac sursum: hoc autem dici non potest; alioquin aër externus tanto pondere premeret carnem, quantum est pondus cylindri aërei à carne usque ad atmosphæræ supremos terminos extensi, habentisque basim æqualem basi cucurbitulæ quam circumstat. Quis autem non perciperet sensibiliter ac vehementer tantum pondus?

Existimo Secundo, neque carnem & sanguinem subintrare cucurbitulam pressione aëris externi, ipsi cucurbitulæ incumben-^{Cucurbitulas non subintrat caro & sanguis pressione aëris.}tis, eamque deprimentis, ac intra carnem mergentis. Nam si hoc contingeret, utiq; tanto pondere premi deberet cucurbitula, quantum est pondus cylindri aërei cucurbitulæ incumbentis, & ad dictos supremos atmosphæræ terminos pertingentis. Nemo autem percipit tantum pondus.

Existimo Tertiò, carnem & sanguinem subintrare cucurbitulas suctione, seu attractione. Nam revera suctio seu attractio percipitur, initio quidem levis, deinde vehementior ac ve-

hementior, donec impletâ jam bonam partem cucurbitulâ fit remissior, ac tandem planè evanescit, quia aër internus tunc ad pristinum ferè statum sese reduxit.

Dices, cucurbitulas revera premere carnem, cui impositæ sunt, uti clara experientia docet. *Respondeo*, tamen si videantur premere, non tamen premunt, alioquin longè vehementius premerent, obrationem dictam.

Cucurbitule attrahunt carnem & sanguinem ad edendum vacuum.

Existimo Quarto, carnem & sanguinem subintrare cucurbitulas ad vitandum vacuum, hoc est, ad replendum spatium, quod aër, qui antea rarefactus totam cucurbitularum inanitatem repleverat, postea refrigeratus, ac condensatus, atque adeo ad minorem locum, seu spatium angustius retractus, relinquit. Quid enim repugnantiae, aut quid absurdi in hoc apparet? Hic ergo locum habet metus seu fuga vacui in sensu explicato: nec enim ob effectus aliquos, qui per eum metum explicari non possunt, is omnino è rerum natura, atque è tota Philosophia eliminari debet.

§. II. Qua virtute aqua intra Æolopilas ingreditur.

Æolopilas qua virtute ingreditur aqua.

Meru vacui id fieri, non dubitant Peripatetici. Etenim dum Æolopilæ prunis superpositæ, aut flammis injectæ, vehementer incallescunt; rarefit aër intus conclusus, & magna ex parte expellitur, manente intus tanto duntaxat, quod ad inanitatem earum replendam sufficit: dum verò aquæ frigidæ immerguntur; aër intus conclusus frigescit, & frigore contrahitur ad angustius spatium, & per angustum apertum osculum advocat aliud corpus; quare dum dictum osculum est aquis immersum, tantum attrahitur aquæ, quantum aër contractus atq; addensatus secum pati potest. Ecce effectum metus vacui, hoc est suctum seu attractionem corporis ad replendum locum à corpore alio, hoc est, aëre contracto relictum.

Aliter

Aliter tamen philosophantur Recentiores. Aër in Æolopila rarefactus, destituitur magnâ ex parte elatere sibi naturaliter debito; aër verò extra Æolopilam & pondere & elatere suo premit aquam, cui injecta est Æolopila: hinc aqua pressa, patens osculum Æolopilæ ingreditur, & cedenti aëri succedit.

Ego existimo, aquam aut metu vacui intra Æolopilam, attrahi, aut naturali ac spontaneo fluxu illabi, addensato intus vi ambientis frigoris aëre; non verò irrumpere vi pressionis, quâ aër externus aquam premit. Nam si intus locus est, ut aqua ingredi possit, nullâ opus est pressione, cum aqua sponte non solum per latera, sed etiam per fundum subeat, ubi spatium corpore leviori se plenum reperit, dummodò corpus hoc aut excedere, aut cedere saltem possit.

EPILOGUS

LIBRI.

PLures alii effectus occurrunt examinandi: sed nolo immorari diutius. Quæ de aëris pressione, ac dilatatione attulimus, clariora sunt, quam ut negari queant, etiam ab obstinatis, & Stagyrita opinioni ad pertinaciam usq; addictis. Unde plurimos effectus, qui antea metui seu fuga vacui à Philosophis æq; ac Idiotis adscribebantur, aëris pressionis potius, ac dilatationi adscribendos esse, dubitari non debet: nec enim dicto metui, nec ulli alteri causa probabiliter adscribi possunt, ut

vidimus. Nullum tamen effectum vacui metu
hactenus in rerum natura contigisse, nullum ad-
huc contingere, persuasum nondum est; nec, ut ex-
istimo, persuadebitur unquam. Sed materiam
hanc, ut initio Libri hujus dicebam, alii fortassis
melius ac felicius pertractabunt. Ego ad alia
pergo, ubi prius Viri docti, Ioannis Baptistæ Balia-
ni sententiam, de aëris gravitate, ejusq. in altum
propellendi ac suspendendi corpora gravia potest a-
te, adduxero: quæ dictis hactenus non modicam
lucem afferet. Is igitur in Epistola, ad doctissi-
mum Marinum Mersennum datâ Savona 25.
Nov. 1647. in hunc modum differit.

Baliani sen-
tentia de
aëris pres-
sione.

Aëris nos
ambientis
pressionem
cur non
sentiamus.

Ego, jam ab hinc pluribus annis, expertus æ-
ris pondus, arbitratus sum, non repugnare dari
vacuum, at difficillimè dari, nimirum ob aëris gra-
vantis resistentiam: quam non mirum à nobis non
sentiri, ab ea nempe unde quaq. pressis, eâdem pror-
sus ratione, quâ in aqua submersi, aquæ pondus
non percipimus. Et quemadmodum illud percipe-
remus, & ab ea gravaremur, situm infra nos esset
aër; ita pariter in aëre degentes, ab ejus premere-
mur pondere, si vacuum infra nos, (aut corpus aëre

levius)


levius) sortiremur &c. Gavissus sum, cum primum ex tuis percepi, repertum esse, quævis aëri prementi adeo obsistat, ut spatium sensibile omnino vacuum remanere coarctet, nimirum Mercurii in tubo latentis altitudo pedum $2\frac{1}{4}$ circiter regionum, tribus palmis nostratibus ferè respondentium, cujus vires aquari censui gravitati desuper prementis. Ex quo altitudinem aëris ponderosè metiri liceret, si utiq; equalis esset ponderis. Nam si Mercurius ad aquam est, ut $13\frac{1}{2}$ ad unum; & aqua ad aërem, ut 1356 ad unum, ut tua Proposit. 29. Phenomen. Hydraulic. erit Mercurius ad aërem, ut 18402 $\frac{1}{2}$ ad unum; cujus triplum 55207 $\frac{1}{2}$, seu miliaria 9 $\frac{1}{2}$ proximè, erit altitudo aëris: quæ adhuc esset major, si, ut probabilius videtur, sit aër minoris ponderis, quantò est altior. Ut ut sit; ex his videtur inferri, quòd dato vase cujuslibet liquoris pleno, cui tubus desuper clausus, eodem liquore plenus insistat, tum liquorem in tubo quiescere, cum pars liquoris infra tubum pariter gravatur à tubi liquore, ac reliqua ab aëre premente, per ea, quæ Archimedes de Insidentibus aqua: si verò altior sit liquor, & proinde liquor vasis infratubum magis pressus; tubi liquorem descensu-

rum,

rum, usquequò prædictæ vasis partes in vase contentæ pariter premantur: quod continget, si liquor sit Mercurius, dum sit altus in tubo palmis tribus, & aëris uniformis altitudo milliarium $9\frac{1}{2}$, etsi sit aqua palmis $40\frac{1}{2}$, & ita de reliquis.

Quæ tamen censura tua libenter submitto &c. Hæc Balianus.





LIBER QUINTUS.

MIRABILIA HY-
DROTECHNICA,

sive

NOVÆ QUÆDAM ET RA-
RIORES MACHINE HYDRO-
PNEUMATICÆ.

PRO O E M I U M.



Escio quis Genius ad aquas identidem,
& fontes me deducat. Opusculorum à
me editorum primum fuit Mechanica,
Hydraulico-pneumatica, in qua præter-
quàm quòd Aquei Elementi naturam, proprietates,
vim motricem, atque occultum cum aëre confli-
ctum utcunque demonstrare conatus fui, omnis et-
iam generis Experimenta Hydraulico-pneumatica,
reclusi, & absolutam (ut videbatur) Machinarum,
aquâ & aëre animandarum rationem ac methodum
præscripsi. Secuta non diu pòst fuit Magia Hydro-
technica, & Aërotechnica (seu Liber sextus ac septi-

Rr

mus

mus Partis tertiæ, Magiæ Universalis Naturæ & Artis) in quibus iterum non pauca abdita, admiranda-
 que Aquarum artificia ac spectacula, nec non rara ac
 jucundissima artificia, aëris seu spiritus ope exhiben-
 da, produxi. Delabor nunc iterum ad idem, nec ta-
 men immeritò, aut invitus, argumentum. Si enim
 vera sunt Phænomena & Experimenta, quæ præce-
 dentibus quatuor Libris dedi, ac stabilitum ivi; non
 pauca eorum, quæ citatis paulò antè Opusculis expli-
 cavi, longè aliam explicationem, aliaque principia
 & causas exposcunt.

*Machina-
 rum hydrau-
 licarum
 principia,
 ex aliquo-
 rum senten-
 tia.*

Quatuor statui utroque loco Machinarum Hy-
 draulico-pneumaticarum principia, quibus ab arte
 in motum animentur; vim Attractivam, ad vacuum
 vel fugiendum, vel replendum; vim Expulsivam, ad
 corporum penetrationem evitandam; vim Rarefa-
 ctivam, ad ampliorem locum acquirendum; vim de-
 nique ad loca decliviora tendendi, & æquilibrium
 affectandi. Ex hisce quatuor principiis seu solita-
 riè adhibitis, seu inter se mixtis, plurimos artificiosos
 fontes, aliaque hydrotechnica technasmata con-
 struere docui. Hæc eadem quatuor principia ac vel-
 uti capita, sed in sex subdivisa, statuit Vir Ingeniosus
 & Eruditus *Dn. Jacobus Dobrzanski* de Nigro Pon-

te,


te, Bohemo-Pragensis, in Nova Fontium Philosophia; in qua cum P. Valentino Stanfel è Societate nostra, suo olim in Pragensi Universitate in Mathematica Professore, totum Pneumaticæ & Hydraulicæ artificium revocat ad Vim lapsus naturalis, Vim Attractivam sive Suctum, Vim Expulsivam, Vim Condensativam & Compressivam, Vim Rarefactivam, Vim denique ex diversis prædictis principiis Mixtam.

Horum principiorum nullum in Hydraulicis Machinis frequentiores habet & admirabiliorem usum, quàm vis illa, quam Attractionem seu Suctionem appellavi, ut iis, qui in Hydrotechnicis versati sunt, constet. Cur autem, à quo, & qua ratione attractio illa seu suctio fiat, contingatque ut aqua, quantumvis gravis ac deorsum nitens tendensque, suæ tamen naturæ contrarium iter arripiat, ac sursum non invita, ut apparet, sed ludibunda ac tripudians exsiliat, si quæras; non aliud ab Antiquis, eorumque sequacibus, responsum feres, quàm vacui aut horrore, aut metu, nè videlicet vacuum in rerum natura oriatur; aut si quod ortum est, illicò exterminetur. At si recentiores Philosophos, & qui nullius in verba Magistri jurarunt, auscultamus, si Experi-

menta in præcedentibus adducta consulimus; longè profectò aliter est sentiendum, non videlicet attractionem seu suctionem, sed aëris, aquæ incumbentis pressionem, dictarum Machinarum principium esse & causam.

Quod cùm & mihi, ob irrefragabiles Experientias, indeque deductas evidentissimas rationes, nunc arrideat; cuperem vehementer, totam illam materiam, quam in Mechanica aliisque citatis locis olim tractavi, ad incudem denuò revocare, & huic non, novo quidem (Natura enim semper & ubique sibi est similis) at recenter tamen cognito principio accommodare. At quoniam fusior est quàm ut huius quinti Libri angustiis coarctetur; abstineo, & vel alteri Operi reservo, vel feliciori ingenio pertractandam transcribo; contentus novas quasdam huc spectantes Machinas, à Viris doctis atque Amicis transmissas, in medium proferre, atque explicare. Ad dam & examinabo unam aut alteram à Dn. de Nigro Ponte evulgatam, tum quia non leves in nonnullis errores, typographi fortassis, & chalcographi culpâ admissos, deprehendo.

[The text on this page is extremely faint and illegible. It appears to be a list or a series of entries, possibly containing names and dates. Some faint words like "List" and "No." are visible.]



CAPUT I.

Fons Hydraulico-pneumaticus Basileensis.

Vir Amplissimus, atque in Hydraulicis, Pneumaticis, Mechanicis disciplinis apprimè versatus, *Dn. Jeremias Mitz* Basileensis, cum primùm Mechanicam nostram Hydraulico-pneumaticam Anno M. DC. LVII. evulgatam perlegit, fontem ex principiis à nobis traditis, sibi que jam antea non ignotis, in horto suo domestico, tum ad proprium & hospitum delectamentum, tum ad horti domusque ornamentum, construere est aggressus. Habebat nimirum in dicto horto fontem aquæ vivæ, sed loco humili; cupiebatque eam in altum evehere, atque in fontem salientem, formare vi attractivâ seu suctione, idque ope siphonis inversi tum interrupti, tum continuati, artificio simili nostro, quod in Mechanica Part. 1. Protheoria 1. explicavimus. Operis ideam, ruditer primùm delineatam, ad me misit Basileâ 24. Novembris dicti Anni 1657. his, inter alia multa, verbis suam declarans intentionem.

Fons Hydraulico-Pneumaticus Basileensis.

§. I. Primæ fontis Basileensis idea, & rudis delineatio.

In secundo Tuo petito totus hæsito, & doleo vices meas, me tam nudum coram Te comparere, nec quidquam Tui judicii & censura dignum habere. Accuso pigritiam meam, fateorq; me aliorum inventis acquiescere. Attamen si inventis addere quoque non omnino spernendum, rogo ut de sequenti Machina judicium Tuum mihi communicare haud graveris. Videtur enim mihi hac ratione, mediante siphone inverso interrupto, & continuato, vi attrahente aquam in altum evehi posse absque ullis epistomis, & nullo labore, sed sponie, idq; continuè, quanquam per intervalla; dummodò fons continuè aquam suppeditet.

Fontis Basileensis prima idea.

Duobus id modis effici posse crediderim: quanquam res semper eodem redeat, ut ex duabus sequentibus Figuris patet. Quæ cum explicent semetipsas, plura hic addere supervacaneum erit; nisi quod in explicatione primæ Figuræ dixi, siphones inversos debere esse eisdem magnitudinis cum siphone M, per quem aqua influit in

Vide Iconismum. XIV.

vas B: nam si sint majores, aqua semper paulatim per siphonem vasis C supernè effluet absque evacuatione vasis; sin minores, magna pars aqua frustra effluet.

In secunda Figura requiritur ut siphones inversi sint minores siphone aquam introducente, atque siphon aquam introducens sit amplissimus, ut vasa (qua ampliora hic sunt quàm in prima Figura) subito impleri possint: nam aliàs si aqua paulatim tantum intraret, ea efflueret supernè absque evacuatione, ut antiè dictum.

Hasce Machinas nondum ad praxin deduxi, sed tantum in idea concepi; sed animus est, eas in hortulo meo fabricare, cum commoditatem aqua descensus habeam, & fons aqua viva mihi suppetat. Sed antequam impensas faciam, obnixè rogo ut judicium Tuum circa illas mihi aperias. Haftenus ille. Sequitur explicatio schematum, quam ipsemet adjecit.

Vide Iconism. XIV
Fig. I.

§. II. Explicatio Figuræ I. Iconismi XIV.

In hac Machina, vasa B, C, D, possunt esse parva, quia tantum solummodò aqua per ea successivè in altum & profundum deduci debet, quantum successivè in receptaculum A influit. Receptaculum aut vas E oportet ut habeat aliud receptaculum parvum G, quod semper manebit plenum: & siphon inversus vasis D aquam in eo contentam tantum lambet, seu attinget; eoque inserviet, ut cum àër ex vase C expellitur in vas D, àër in vase contentus, cum siphon tantum attingat aquam, facillimè expullulare possit. E contra, cum àër extrahitur è vase D, nè àër in ejus locum succedat ex vase E, & sic nunquam aqua attrahatur.

Notandum, siphones H, I, L, M, debere esse ejusdem magnitudinis, obrationes indicatas in precedenti Epistola. Reliqua Figura sunt clara & aperta.

Vide Iconism. XIV
Fig. II.

§. III. Explicatio Figuræ II. Iconismi XIV.

In hac Machina, vasa B, C, D, & omnes quoque siphones, debent esse magni, ut magna quantitas aqua una vice in altum attrahi, & vas A ad $\frac{1}{2}$ aut $\frac{1}{4}$ partem evacuari possit. Et hoc eò inservit, ut Fons F, cum hospites adsunt, eò liberalius aquam per hora spatium projicere possit.

P. est valvula lignea; qua elevatur & deprimitur in ligno L, in quo ascendit & descendit: cumq; vas A evacuatum est usq; ad R, valvula se claudit, & clausa manet usq; dum aqua in vase A rursus ascendat in Q. Nam R est asserculus ligneus, cui valvula alligata est chordula, eâ ratione, ut cum aqua venerit in Q, seu summitatem vasis A, chordula extendatur, sicq; asserculus attrahat valvulam: & cum sit lignea, sponte sursum tendet, usq; dum aqua implendo vasa B & C, iterum descendat in P.

Ubi siphon N incurrit in vas B, debet similiter habere valvulam, nè cum vas C per siphonem inversum I evacuatur, aqua vasis B excurrat per siphonem O in vas C.

§. I V. Annotatio in præcedentes Machinas.

Cùm ideam superiorum Machinarum (inquit Auctor in earum Vide Iconism. XIV Fig. III. explicatione) fabricarem, principio in mentem venit ut vasa D & E ita construerem, ut vas D loco siphonis inversi haberet tantummodò valvulam F, sicut patet in hac Figura. Sed scrupulus occurrit, quòd initio quidem attractionis aëris per siphonem K ex vase D, valvula se ipsam clausura esset; sed cum vas D quadamtenus aquâ per siphonem H ex vase B attractâ repletum esset, fore ut gravitate suâ aperiret dictam valvulam, & aqua exitum concederet, antequàm vas D repletum esset, sicq; aër in vase D magis rareficeret, & attraheret forsitan aërem ex vase C, sicque cursum sisteret siphonis inversi in vase C. Hac de causa siphonem inversum pratuli valvula.

§. V. Annotatio ad secundam Figuram præcedentem.

In secunda Figura (inquit idem Auctor) loco valvula P adhiberi quoq; potest siphon inversus, ut ex hac Figura patet. Vide Iconism. XIV Fig. IV. Sed hic Notandum, omnes siphones non debere esse majores tubo G aquam largiente. Oprtet quoq; superiores superficies vasorum B & C paulò inferiores constitutas esse orificio siphonis inversi T. Sed cum hac ratione siphones debeant esse æquè parvi quàm in prima Figura; non video cur à prima Figura recedendum. Adde quòd multum aqua deperdatur, cum fons continuò novam suppeditet.

§. VI. Uberior

§. VI. Uberior fontis præcedentis explicatio, & error in eo detectus, atque correctus.

Fontis Bafileenfis uberior explicatio.
Vide Iconismum XIV.

Ingeniosa est Fontis hætenus in prima & secunda Figura delineati idea, & omnino ex Hydropneumaticæ Mechanicæ principiiis atque præceptis deducta. Unum tamen, non levis quidem momenti, at levi tamen negotio emendabilem continet defectum, ut mox indicabo, ubi priùs paulò distinctiùs atque uberius totum rei processum explicavero.

In prima itaque Figura, S est tubus seu fistula aquam è fonte, subministrans. A est vas seu receptaculum aquæ apertum. B & C sunt duo vasa seu receptacula aquæ, minora quidem quàm A, æquè tamen alta quoad superiores superficies cum superficie superiore vasis A. B est apertum, C verò undique clausum. M M est tubus, per quem aqua ex vase A in vas B derivatur. L tubulus est, per quem ex vase B aqua in vas C deducitur. D est vas ubique clausum. E est vas superius apertum. G est vasculum vasi E implantatum, ac superius infra vas D apertum, & aquâ semper plenum. H est tubus curvus inversus utrimque apertus, non attingens fundum vasis B. K est tubus rectus utrimque apertus, nec fundum vasis B, nec operculum vasis D attingens. I est siphon inversus, ex fundo vasis C deorsum tendens, ac longior tubo H. D G. est siphon inversus, cujus crus unum transit per fundum vasis D, & derivatur intra vasculum G: alterum verò crus non tangit fundum dicti vasis D. F est fons tubis & fistulis ad ejaculandum in altum aquam instructus. T T est tubus, per quem aqua ex vase E ad fontem F derivatur.

Hæc Machinâ existimabat Auctor aquam ex fonte S, ad fontem F, derivari posse in hunc modum. Aqua ex A, per M, fluit in B; & ex B pleno, per L, in C: ex C pleno effluit per I, & perit. Interim dum evacuatur vas C aquâ, descendit aër ex vase D, per tubum K. Dum aër ex vase D descendit in C, ascendit interim, aqua ex B, per tubum H, & replet vas D. Repleto vase D, effluit aqua ex siphone D G, in vasculum G, & ex hoc in E. Ex hoc descendit per tubum T, & exsilit ex fonte F, pleno interim manente vasculo G.

In secunda Figura eadem ferè sunt quæ in prima, & aquam eodem modo ex fonte S in fontem F derivari posse credebatur.

Error in utraque Figura est, quòd dum aër ex vase D, per tubum K, descendit; nequaquam aqua ex B, per H ascendit; sed ex vasculo G, per siphonem G D, ascendit primùm aqua, deinde deficiente aqua aër. Hunc errorem cùm indicassem ingeniosissimo Auctori, antequam litteræ meæ ad ipsum deferrentur, eum, detexerat, & feliciter correxerat, uti ex sequentibus litteris, Basileâ die 1. Decembris Anni M. DC. LVII. datis pater.

Admodum Reverende ac Doctissime Domine Pater, Fantor æternum Colende. Non dubito, quin perlectis litteris meis ante oculos ad Te exaratis summopere miratus fueris simplicitatem meam, quòd tantoperè sollicitus fuerim nè aër per siphunculum G D, vasis D, attraheretur in idem vas D, sicque impediretur ascensus aqua ex vase B, per tubum H in vas D annexum; nec vel semel mihi in mentem venerit, quòd aqua vasculo parvo G contenta, citius per siphunculum inversum G D ascendat (& exhausta aqua, aër) quàm aqua ex vase B. Ast quoque non dubito, quin error ille Tuâ industriâ subito compensatus fuerit, scilicet valvula dicto siphunculo inverso G D annexa à latere eo loco, ubi is in vas parvulum G intrat: sic enim continget, ut dum aër per tubum K, è vase D extrahitur, dicta valvula claudatur; dum verò eodem vase per tubum H repleto, aqua, per crus internum siphunculi ascendit, & verticem supergressa descendit per externum, eadem valvula aperiatur. Alium modum eundem errorem emendandi præscribit Auctor in iisdem litteris; quem omitto.

Fontis hæcenus delineati atque descripti mentionem feci in Magia Hydrotechnica, sive in lib. 7. Magiæ in fine; sed schema non apposui, quia ferius ad me allatum fuerat.

CAPUT II.

Fontis Basileensis idea alia, priore correctior.

TAmetsi præcedens idea fuerit ad amissim ex Hydro-pneumaticæ Regulis concepta, atque formata, quoniam tamen in

Fontis Basileensis idea alia.

tanta tuborum, siphonum, vasorum, aliorumque necessariorum, multitudine effectus facile impediri potest, aut propter aëris transpirationem per tubos & valvulas non probè clausas, aut propter majorem minoremvè, quàm par est, capacitatem, aquarumque hac illac commigrantium copiam; aliam non minùs præcedenti ingeniosam, tamen si magis laboriosam, excogitavit, atque ad me misit Auctor industrius Argentorato, unà cum litteris die 28. Decembris Anni 1657. datis, ut sequitur.

§. I. Litteræ Amplissimi Domini Jeremiæ Mitz,
de sequenti idea Fontis Basileensis.

Admodum Reverende, ac doctissime Domine, Amice & Fautor plurimum Colende. Littera Tua 19. hujus exarata, mihi eo ipso tempore, quo in procinctu eram ut me ad nundinas hæc Argentoratenses conferrem (à quibus & nunc ad tempus detineor) tradita fuere: secus officii mei fuisset, citius ad eas respondere. Rogo itaq; ut procrastinationem in meliorem partem interpreteris. Dicta Tua littera summò gaudio me affecere, eà quòd amicitiam, favorem, & patrocinium Tuum, litterarumq; commercium (quibus nihil jucundius, nihil suavius mihi accidere potest) is mihi promittis. Mea ex parte reciprocè me Tibi totum trado, nec unquam Tibi deero, quantum in viribus fuerit. Dispone igitur de me, ac impera pro libitu.

Ago gratias pro examinatione Mashina mea Hydraulicæ Tibi transmissa. Defectum quem in ea observasti, & me animadvertisse, ac in correctione ejus Tecum convenire, non dubito quin ex proximè præcedentibus meis, quibus Te illius certiolem feci, intellexeris. At dum nuper denuo ad limam revocarem prædictam Machinam, animadverti non tantum dictam emendationem summà adhuc difficultate laborare, sed & alios defectus in ea notavi, eosq; sic emendavi, ut nunc non dubitem rem felicem successum habituram. Attamen si quid reprehensione dignum invenies, quaso mone. Quod consensum attinet, quem peti, ut dictam Machinam Magia Tua Hydrotechnica aut Aërotechnica inserere liceat; id Tua prudentia relinquo: si pralo dignum judicas, per me licet, & pro honore habeo &c. Hæc & multa alia, ille in dicta Epistola. Sequitur explicatio ab ipso Auctore schemati suo adjecta.

§. II. Explicatio schematis idæ novæ Fontis Basileensis?

Vide Iconism. XV.
Fig. I, & II.

A. est Receptaculum magnum fontis aquæ vivæ. B. C. D. E. sunt quatuor vasa: e quibus B & E sunt aperta; reliqua duo sunt clausa.

F. est Fons aquam in altum projiciens.

G. est scutella levissima, innitens brachio L, ut per id elevari ac deprimi possit; in latere habens foramen S, quod tamen non debet poni in ima parte lateris, sed ita, ut non omnis aqua effluere possit, sed semper portio quadam remaneat. In fundo habebit corium, cōinserviens, ut dum scutella ad ostium siphonis inversi elevatur, illud firmissimè claudat: quod eò facilius fit, quia corium ab aqua remanet semper madidum. Scutella autem illa vasi E ita adaptata esse debet, ut ex apposita Figura II. patet: sic enim neq; ad dexteram, neq; ad sinistram cedere poterit, sed tantum L elevatur & deprimitur.

H. est Tubus per quem aqua ex vase B in vas D ascendit.

I. est Tubus aëre ex uno vase in aliud deferens, nempe ex D in G.

L. est brachium elevans vasculum aut scutellam G.

M. est brachium, cuius medium est axe perforatum, ita tamen, ut circa axem volubile sit; & dum attrahitur à chorda T, claudat valvulâ R, tubum V, vasis B; & simul claudat siphonem inversum vasis D, elevatione scutella G.

N. est pondus, ut vasculum G, & valvula R, in pristinum locum redeant, & tam siphon inversus vasis D, quàm tubus V vasis B aperiantur; quod fiet, si vascula G & P prius evacuata fuerint: idcirco requiritur ut pondus N proportionem habeat ad dicta vascula, & debet esse levius quantitate aquæ quæ vasculo P contineri potest; secus scutella aut vasculum P, quanquam aqua repletum fuerit, non poterit commovere brachium M.

O. & Q. sunt rotula, faciliori motui chordarum inservientes.

P. est scutella duabus chordis chorda T annexa, in fundo habens orificium, per quod aqua effluere possit. Ast orificium illud debet esse minus tubo inverso X; secus nunquam impleteretur. Cùmq; hoc vasculum impletum, & vasculum G evacuatum est per foramen S; attrahet brachiū M, sicq; claudet tubum V, & siphonē inversum vasis D. Hac est explicatio Auctoris. Sequuntur nonnullæ ejusdem Annotationes.

§. III, Annotationes in præcedentem Machinam.

NOtandum, vascula G & P debere esse ejusdem magnitudinis, aut saltem vasculum P non debere esse majus vasculo G. Nam si esset majus, clauderetur sapissimè siphon inversus vasis D, antequàm vas D evacuatum esset: licèt enim accuratissimè omnia elaborentur, vix tamen eò attinget operantis industria, ut uno eodemque tempore evacuentur simul vasa D & C. Necesse autem est, vas D prius evacuari, quàm nova aqua attrahatur ex vase B, alioquin àër in vase D magis ac magis condensaretur, actandem cursum sisteret. Atque hac una ex causis est, cur à valvula deorsum aperibili in crure externo siphonis vasis D (de qua in præcedenti Machina §. ultimo circa finem) recesserim. Accedit & illa, si valvula illa aquam non subintrat, difficulter tam firmiter se cludet, quin àër subintret. Si autem aqua ingreditur, verendum est ut àër interceptus in siphone inverso non possit expullulare: aut si pars quædam expululet, remanens àër aliquatenus pressus manebit, & transitum aqua per dictum siphonem non permittet.

Valvula R quoque summè necessaria est. Nam si subinde aqua in vas C influit, nunquam attrahet àërem ex vase D, sicque nullus fiet ascensus aqua.

Necesse quoque est, ut tubus V vasis B sit magnus & amplus: Nam si est parvus, minima pars àëris qua subintrat, introitum aqua impedit.

Necesse quoque est, ut valvula R sit aliquo modo crassa, & tam alta, ut aqua supra eam non possit ascendere. In summitate sit perforata: nam cum hac valvulâ aqua, non àëris introitus impediatur; expedit ut supernè sit perforata, ut dum aqua in tubo V descendit, àër in ejus locum succedat: secus per attractionem tam firmiter claudetur valvula, ut à pondere N non possit sursum trahi.

§. IV, Compendiosior constructio præcedentis Fontis.

PAUCIS diebus posttransmissum præcedens schema, notavit Ingeniosus Auctor compendium in Machinæ constructione non

non contemnendum ; quod & significare dignatus fuit hifce litteris, Argenterato datis die 8. Januarii, Anni 1658.

Admodum Reverende & Doctissime Vir, Amice plurimum Colende. Nuperis meis litteris Tibi transmissi delineationem Machinae Hydraulicae prioris emendatioris, & correctioris. Non dubito quin ad manus Tuas pervenerit. Compendium in ea adhiberi posse hesternâ die notavi, sic, ut brachio in schemate (ni fallor) litteris M, M, M, notato, cum annexo pondere N, non sit opus; sed chorda brachio vasculi superioris alligata valvulam vasis (ni fallor) litterâ B signati, immediatè elevet, & demittat, ut ex hîc adjuncto schemate patet. Poteris igitur, si placet, dictum illud brachium cum suo annexo pondere omittere. Res quidem semper eodem redit, sed via est quodammodò compendiosior. Notaveram (ni fallor) in explicatione schematis nuper transmissi, quòd difficillimè sic exactè construi possit Machina, ut vasa C & D uno eodemque tempore simul evacuentur; sed in eo est lapsus penna; scribere volebam, sic exactè construi non posse Machinam, ut eo ipso tempore quo vas C impletur, vas D exactè evacuetur. Ignosce, quaeso, quòd tam sim importunus, & molestus, & à gravioribus Te avocem. Stylum abrumpere cogor. DEUS Te servet prosperum & incolumem.

Vid. Inconism. XV.
Fig. III.

Argenterati 8 Januarii
Anno 1658.

Reverentia Vestra Observantissimus

Jeremias Mitx.

§. V. Ueberior præcedentis Machinae explicationo.

Ingeniosa est hæc Fontis idea, priorique haut parum concinnior, quamvis (ut dicetur) intricatior, & pluribus subjecta casibus aquarum fluxum impredientibus. Commodius tamen videtur, ut tubus X, X, X, non ex inferiori, & superiori vasis C latere derivetur, ut ex sequenti explicatione apparebit; aut curvaturam habeat erectam, ut in Figura apparet.

Iraque dum aqua ex receptaculo A, fluit in vas B; & ex hoc repleto, per tubum V, fluit in C; aer ex C per tubum I, ascendit in D, & inde per siphonem K elabitur. Ergo vasculum G debet ef-

Vid. Inconismum XV.

se depressum, ut pateat orificium dicti siphonis K: vasculum verò P debet esse elevatum, & consequenter orificium & valvula R debent esse clausa; nam dum G descendit, P ascendit. At qui siphonis X incipit prope fundum vasis C, statim aqua ex B in C influens delabitur per X in P, deprimitque vasculum P, & elevat vasculum G; & hoc elevato, clauditur orificium siphonis K: quo clauso, aër ex C, per I, in D ascendens, non habet unde elaboratur; revertetur ergo in C, & sistet ingressum aquæ ex B in C, aut saltem non devocabit postea aërem ex D; atque adeo aqua ex B non ascendet in D. Potest tamen huic incommodo multis modis remedium adhiberi. Pergo in explicatione,

Repleto vase C, effluet aqua per tubum X; & deprimet vasculum P. Hoc depressum deprimet chordam T, T, T, unà cum brachio L, & elevabitur vasculum G, obturabiturque orificium siphonis K, ut nulla aër amplius ex D elaboratur. Dum autem ascendit vasculum G, descendit valvula R (maximè si construatur ut in Fig. III.) & operit tubum V, ne nova aqua influat in C, dum prior eluit. Dum evacuatur C, descendit aër ex D, per tubum I; aqua verò ex B, per tubum H, ascendit in D. Repleto D, effluit aqua ex siphone K, iterumque deprimit vasculum G, elevat vasculum P, & valvulam R. Interim repletur vas E, & aqua per tubum descendit ad fontem F. Hæc operatio redit in orbem perpetuò, quàm diu fons aquæ vivæ suppeditat aquam receptaculo A.

§. VI. An fons prædicto modo constructus, possit habere constantem successum.

Visâ, & examinatâ præcedenti ideâ, rescripsi Auctori, nimis operosam mihi videri Machinam; & tamen si nihil in ea expectatum contra Hydropneumatices leges sit, dubitare tamen me de successu, aut saltem de ejus continuatione, ob multiplices chordas, aliaque similia, quæ multis alterationibus continuò subiecta sunt. Ad quæ respondet Industrius Auctor litteris Basileâ datis die 6. Februarii Anni 1658, his verbis.

Admodum

Admodum Reverende &c. Amice integerrime. Bono cum DEO Argentorato huc Basileam feliciter appuli, ac litteras Tuas 26. prateriti mensis datas accepi &c. Quod Machinam Hydraulicam, ultimis meis Tibi transmissam, nimis operosam existimas, adeoque de effectu, aut minimùm de continuatione dubitas; non quidem contradico: aſt bonâ & indubitata ſpe ducor, felicem, diuturnumq; ſucceſſum habituram. Nec vereor impedimenta chordularum & rotularum: facillimè enim aliâ inventione, puta brachiis ligneis, aut ferreis, aut catenulis aeneis juvari poterunt. Modo frigus intenſiſſimum mitigetur, ſubito in effectum deducam. Plures errores & defectus in priori Machina non obſervari, quàm in penultima mea Tibi indicavi. Ac meo iudicio valvula vasis aperti B, quâ claudatur tubus per quem aqua incurrit in vas C, ſimpliciter & abſolutè neceſſaria eſt: nam ſi continuè aqua in vas C inſluet, non attrahet aërem ſupernè à vafe D, ſed continuè ſatiabitur, & plenum manebit aquâ continuè intrante: & poſito quòd plus aqua per ſiphonem vasis C effluat, quàm per tubum vasis B intrat; initio tantum aqua ſolummodò attrahetur in vas ſuperius D, quantum plus effluit, quàm intrat, in vas C: & aqua, quæ attrahitur, paulatim quidem augebitur, ſicq; aqua intrans minuetur; ſed hac ratione vas C ſerè bis evacuabitur, antequàm vas D ſemel impleatur, ſicq; tota harmonia corrumpetur. Scriptis hoc explicare difficile eſt; ſed fac reflexionem penes Teipſum, facillimè comprehendes.

Scutellam vasis ſuperioris D, aut potiùs E, ſecundùm quid tantùm neceſſariam duco. Si enim

1. *conſci poterit ut vas D ſemper ſit evacuatum, antequàm vas C ſit impletum, & effluere incipiat, nè harmoniæ perturbetur:*

2. *ſi valvula deorſum aperibilis talis conſci poterit, ut dum aër extrahitur è vafe D, nullus aër ingreditur:*

3. *ſi valvula illa deorſum aperibilis ita conſci poterit, ut aërem in ſiphone inverſo non condenſet, ſic ut aqua aſcenſus & tranſitus non impediatur (nam ſiphones inverſi ſuapte naturâ, etiamſi nullum impedimentum, puta val-*
vulam,

valulam, habeant, quandoque sunt immorigeri & renitentes; quod mihi sapissimè contigit, ut dum convivis jocum poculis, siphonibus inversis instructis exhibere vellem, me ipsum risui exposuerim:)

Si inquam hæ tres conditiones cum valvula deorsum aperibili consistere possunt; valvula talis retineri potest. Sed cum ego summopere de illis dubitem, præsertim de tertiâ; scutellam sum amplexus, per quam siphon inversus manet omnino liber dum aqua effluere debet, & firmissimè clausus dum aër extrahitur.

Habeo & hoc quod addam. Si quis de prædicta Machina conqueratur, quòd tantum dimidia pars aqua fontis A in altum ducatur, & per fontem F in altum projiciatur, altera pars perdat; remedium in promptu est, dummodo receptaculum fontis F sit in eadem altitudine constitutum cum receptaculo fontis A, aut saltem non infra (secus inferiorem descensum requireret.) Ducatur enim ex receptaculo fontis F tubus occultus & subterraneus ad vas B; sicque semper tanta quantitas aqua per fontem F profiliet, quanta suppetabitur à fonte A.

Sed manum de tabula, ne crambe toties coctum, totiesque appositum, nauseam Tibi gignat. Nec denuò apposuissem, nisi, ut errores notatos detegerem, petiisses. Ago summopere gratias pro honorificæ mei fontisq; mei mentione in Magia Tua Aërotechnica. Parum refert quòd ejus Figura non sit apposta. Dabit & aliis occasionem se exercendi, & fortassis meliora & majora addendi. Hactenus Auctor.

CAPUT III.

Fons Hydropneumaticus Basileensis, omnibus numeris absolutus.

*Fons hydro-
pneumati-
cus Basileen-
sis, omnibus
numeris ab-
solutus.*

Quod rebus aliis ingeniosis ac oppidò concinnis usu venit, ut non nisi longo temporis tractu ad desideratam perfectionem tandem deducantur, fonti quoque quem hactenus delineavimus, & variè explicavimus, accidit: post longas enim moras, ad tantam demum perfectionem perductus fuit, ut eo in genere par, necdum præstantius, vix aut nè vix quidem cum habuisse antehac existi-

existimem. Merito ergo multorum oculos in urbe nobili, & Auctoris horto domestico, ubi aliquot annorum spatio jucundissimum præbuit, ac etiamnum hodie præbet spectaculum, ad se trahit. Merito inter Mirabilia Hydrotechnica locum in hoc Opere nostro invenit. Exponam ordine, quidquid de ejus fabrica in effectum deducta, tamen si non sine difficultate maxima, ad me Auctor variis litteris perscripsit.

§. I. Primæ hujus Fontis Fabrica; variæque
in ea difficultates occurrentes.

M*Achina mea Hydraulica* (inquit Auctor in litteris Basileâ ad me die 13. Martii Anni 1658. datis) *fundamenta jacta sunt* (*tubos subterraneos intelligo*) *totaq; concepta est. Spero felicem partum. Hactenus à summo frigore, & variis occupationibus impeditus fui. Nunc ab instantibus nundinis Francofurtensibus avocor. Post reditum, si DEO placet, colophonem imponam. Tu primus eris, cui successum, & si quid ultra observavero, communicabo.*

Hæc de initio. De progressu, infelicique primùm successu, in aliis litteris, Francofurto ad Mænum 13. Septembris Anni 1658. datis, ita ad me scribit.

Admodum Reverende &c. Ultimas Tuas præteritis nundinis accepi; idcirco non immerito de silentio meo semestri conquereris. Sed veniam peto. In causa fuit adversa valetudo, à qua per longum tempus detentus, mortiq; vicinior quàm vita fui: ast DEI gratiâ convalescui, nuncq; prospera fruor valetudine. Subito post restitutionem, animum meum ad Machinam Hydraulicam applicaveram, omniaq; ad eam necessaria perfici curaveram: avidus enim eram ad Tibi quid novi communicandum; quod & subito factum fuisset, si res ex voto successisset: ast non successit: causam tamen ignoro. Omnia secundum regulas hydraulicas construxi; perpendiculû aqua descendens longius feci perpendiculo aqua ascendens: attamen aqua non ascendit in vas superius, ne gutta quidem; ær autem summopere dilatatur, & post evacuationem emittit magnum strepitum. Quæ ego de scutellis & valvulis adjeceram, felicissimè succedunt, & summopere necessaria sunt; nisi quòd pauca in illis mutaverim. In hoc tamen dubium, an fortassis æri pateat introitus. Vasa enim mea ex cupro


Tt
confe-

confecta sunt; & quia stannum & plumbum cum quibus fit ferrumination, sunt heterogenea cum cupro; idcirco dubito an fortassis error in ferruminatione lateat. Ideo vasa alia, & tubos alios, ex plumbo confici curo; & finitis hisce nundinis, post felicem reditum, aliud periculum faciam: non enim desistam antea, quàm aut optatum finem adipiscar, aut errorem detegam: vix enim credo, tubos inversos hic quidquam impediementi facere posse. Et quia reliqua omnia secundum principia & fundamenta hydraulica procedunt; non video quid impediementi esse possit. Nisi quis de principiis ipsis dubitare velit; quod tamen absit: non enim dubito quin tale principium, quod est basis & fundamentum quasi omnium Machinarum Hydraulicarum, experientiâ sapissime sit comprobatum.

Vide præ-
sentem Fi-
guram.

Hoc tamen in operatione animadverti, quod me in summam admirationem duxit; scilicet ut evitarem valvulam aut scutellam cruris exterioris siphonis D (vide præsentem figuram) vasis C, cogitabam de inventionem (qua nec defuisset) qua os cruris interioris siphonis prædicti aquâ clauderetur, sicq; dum aer ex vase C extrahitur, non pateret introitus neq; aëri, neq; aquæ per siphonem prædictum D, quia os ejus clauderetur aquâ, sicq; dum aer extraheretur, metu vacui aqua ex vase A ascenderet per tubum E, in vas C. Sed spe meâ frustratus fui. Etiam si enim os cruris interioris aquâ claudatur, ut in Figura patet: nihilo tamen minùs cum per evacuationem vasis B, aer extrahitur è vase C, tam aëri, quàm aqua patet introitus per siphonem inversum D, non obstante quòd aqua in vase C contenta supra os cruris interioris D ascendat, illudq; claudat. Nam si in operatione digitum ad os cruris exterioris apponis; attrahitur subito: si vas aquâ plenum admoveas; evacuetur subito usq; ad imum prædicti cruris exterioris. Si siphon inversus totus esset aquâ plenus, difficultas haud esset magni momenti: sed cum aquam ad crus exterius admoves, & crus interius aquâ clauditur; non video rationem, quomodo aer rarefactus in vase C possit extrahere aërem inclusum in siphone inverso, & sic consequenter aquam attrahere. Si mecum iudicium circa id quis petat, ingenuè fateor me nescire. Ast cum in similibus acerrimi sis iudicii; rogo nè deneges mentem Tuam circa id aperire. Hactenus Auctor.

Fig. I.





§. II. Phænomenon seu Experimentum novum ac manifestissimum pressiois aëris, ac virtutis ejus elasticæ.

EX his quæ ingeniosus Auctor magnâ suâ admiratione exp-
tus est, dum evacuetur aëre vas C, per crus tam internum, ^{Aëris pressio, & virtus} quàm externum, siphonis inversi D, attrahi aquam & aërem, ^{elastica probatur} (ut ipse putat) apertissimè probatur aëris pressio, & vis elastica, ^{experimento.} seu dilatativa. Dum enim è vase C exttabitur aër, aqua dicti vasis ab aëris incumbentis pressione libera, facultatem concedit aëri cruris interni sese dilatandi, ac per os cruris interni aquæ immersi erumpendi: dilatato isto aëre, ac rarefacto, aër externus aquæ vasis G incumbens eam premit ac per os cruris externi ascendere cogit. Si aqua deesset vasi G, ingrederetur per dictum crus aër. Premit ergo aër aquam cui incumbit, & virtute suâ elasticâ se dilatat, ut in præcedentibus quatuor Libris probatum quoque fuit.

§. III. Defectus præcedentis Machinæ detegitur,

Relatione præcedenti §. I. de infelici Machinæ successu perle-
ctâ, respondi Auctori, defectum aliunde non provenire, quàm quòd aër furtivè alicubi per tuborum aut vasorum rimas insensibiles ingrederetur; muniret proinde diligenter omnes aditus suspectos, deprehensurum defectum. Fecit, ac deprehendit, ut ex sequenti patet Epistola.

Admodum Reverende ꝑ. Gratiſſimas Tuas, 19. mensis præteriti datas, rectè accepi. Quòd responsionem hætenus distulerim, causa fuit quòd libenter novi quid de Machina Hydraulica Tibi communicassem. Defectum in calatentem tandem inveni. Solus aëris introitus impedimento fuit. Quanquam siphones inversi a liqualem quoque causarint renitentiam. Tandem sublato impedimento, felicem successum expertus sum. Ast gaudium non fuit diuturnum: nam aëris rarefacti tanta fuit vis in cistulis plumbeis, ut eas, etsi fuerint confecta ex plumbo satis crasso, contraxerit, & ferruminatio defecerit, sicque aëri denuo patuit introitus. Itaq; labor nunc reiterandus. Et cum videam, inventioni nihil deesse,

manum non amovebo, usq; dum optatum finem attigero. Pauca, corrigenda notavi. Etiam siphones inversos interiores amovebo, aliamq; inventionem, ut spero, meliorem addam. Et si tandem colophonem imposuero, omnia accurate Tibi indicabo &c.

Reverentiæ Vestrae

Basilea 15. Novemb.

A. 1658.

Addictissimus

Jeremias Mitz.

§. IV. Annotatio in præcedentem Epistolam.

Vid. Iconism. XVI.
Fig. I.

*Aëris pressio-
nis aliud
argumen-
tum.*

EXistimat Auctor, Peripateticorum & aliorum communiter. sententiam secutus, aquam in præcedenti Machina, & in omnibus aliis similibus, ascendere metu vacui è vase inferiore A (vide Figuram I. Iconismi XVI.) in vas superius C, dum dictum vas C aëre, & vas B aquâ evacuatur. Quod & nos in Mechanica Hydraulico-pneumatica supposuimus. At ex præcedentibus Libris constat, aliud adesse principium quod aquam sursum pellat, nempe pressionem aëris aquæ incumbentis. Patet præterea ex iisdem Libris, quanto pondere premat cylindrus aëreus vas aëre sive ex toto, sive ex parte evacuata, quibus incumbit. Causa itaque cur cistularum plumbearum C & D clausurarum, & ab aëre & aquâ evacuatorum opercula, fuerint intus compressa, non fuit rarefactio aëris interni, seu metus vacui extracto aëre illo interno; sed fuit pondus aëris externi, dictis cistularum operculis incumbens, easque vehementer premens. Si sphaerica fuissent vas a C & B, dictus effectus non fuisset secutus, quia ob figuram sphaericam magis restitissent pressioni aëris.

§. V. Delineatio Fontis Basileensis, omnibus numeris absoluti.


ADmodum Rever. Dom. Amice plurimum colende. Tardius hinc Te compello, quam par est, debitumq; promissum solvo &c. Hactenus enim fontem promissum transmittere non potui. Nam aliquoties mihi persuaferam, me scopum meum adeptum fuisse; verum
continud



Iconismus XVI. 99 99
pag. 333.

Fig. I.

B



continue nova difficultas exorta est. Tandem tamen illarum omnium victor evasi. En igitur delineationem totius Machina, quam in domo meâ construxi; felicemq; progressum habet. In schemate omnia lingua veraculâ fuse explicavi, adeoq; hisce non ero prolixus.

Vide Iconismum XVI.
Fig. II.

Siphones inversos, præsertim in vase inferiore, rejicere coactus fui, quia aqua per siphonem inversum non tam liberè fluit, quàm per tubum. Quod & Tu notasti in Mechanica Hydraulico pneumatica, Theoriâ IV. pag. 80. & ego experientiâ comprobavi. Idcirco dum aqua per siphonem inversum è vase inferiori excurrit, nunquam per tubum in vas superius ascendit, si perpendiculum aqua descendens superat tantummodò aliquantulum perpendiculum aqua ascendens. Fateor autem, si impedimentum quod causatur à siphone inverso, refarciatur longitudine perpendiculi descendens, sic ut perpendiculum aqua descendens multò longius sit perpendiculo aqua ascendens (quam autem hic proportio requiratur, experientia docet) tum quoq; mediante siphone inverso vasis inferioris aquam attolli posse. Quod & me experientia docuit.

Siphonem inversum vasis superioris rejeci, non quòd impedimento fuerit, sed quia non est necessarius.

§. VI. Explicatio præcedentis Machinæ.

MAchinam præcedentem, quam Iconismi XVI. Figura II. Exhibet, explicat accuratè & minutim Germanico idioma-
te ipsèmet Auctor. Quam explicationem sic ego Latinè reddo, additis hinc inde nonnullis facilioris intelligentiæ ergò, voculis.

A. est fons aquæ vivæ, quæ per tubos subterraneos derivatur in receptaculum apertum E, naturali lapsu.

B. est fons artefactus, in quem aqua è receptaculo D, per alios subterraneos tubos, derivatur, & in altum exsilit: iterumque relabitur in subjectum receptaculum ff; & ex hoc, per subterraneum tubum derivatur in receptaculum F.

C. est receptaculum superius clausum, in quod aqua è receptaculo aperto E ascendit, dum receptaculum inferius F evacuat.

D. est receptaculum superius apertum, intra quod evacuatur.

aqua receptaculi C, & per tubum è fundo dicti receptaculi E inchoatum, ac infra terram ad fontem artificialem B derivatum, salit in altum.

E. est receptaculum inferius apertum, cujus suprema superficies æqualiter distat ab horizonte cum suprema superficie receptaculi A, ac per tubum subterraneum aquam è dicto receptaculo A intra se derivatum recipit; per tubum verò G, ad receptaculum C transmittit.

F. est receptaculum inferius clausum, cujus usus paulò pòst explicabitur.

G. est tubus, per quem aqua è receptaculo E in receptaculum C ascendit.

H. est tubus è receptaculo F intra receptaculum C derivatus; per quem, dum receptaculum F aquâ evacuatur, aër è receptaculo C descendit. Dictus tubus H transit modicè operculum receptaculi F, & ulteriùs non descendit: receptaculi verò C fundum penetrat, & pertingit ferè usque ad ejus operculum.

I. est vasculum cupreum, quod duobus aut quatuor ferreis aut æneis filis ligno K perforato, ac tubo L, affixo ita, ut liberè sursum ac deorsum moveri queat, alligatum est. Dictum vasculum habet in fundo osculum, per quod, dum nihil aquæ ampliùs in ipsum influit è tubo L, sponte evacuatur. Hoc osculum tam angustum esse debet, ut minùs aquæ per ipsum è vasculo effluat, quàm ex tubo L influat, alioquin nunquam impleretur.

K. est, ut dictum, lignum in medio perforatum, ac tubo L affixum, ut ascendere ac descendere queat.

L. est tubus, per quem dum aqua è receptaculo F defluit, dictum receptaculum evacuatur, & vasculum I impletur, reliquum verò aquæ perditur.

M. est filum ferreum, seu æneum, ligno K, & brachio ligneo N alligatum; quo filo, dum vasculum I impletur, ac gravius redditur, brachium N deprimitur.

N. est brachium ligneum, quod intra furcam ligneam O quiescit, ac moverur, id est, nunc deprimitur, nunc elevatur.

O. est furca lignea prædicta, intra quam brachium N quiescit, ac moverur sursum & deorsum.

P. est

P. est brachium aliud ligneum, superiore parte bifurcatum, ut in eo brachium Q ascendere sursum ac deorsum possit; ipsum verò P brachium à brachio N movetur sursum.

Q. est brachium ligneum, cui retrò appensum est pondus, antè verò alligatum lignum coniforme R, habens infra corium, quod officio platismatii seu ventilis, aut obturamenti fungitur: nam in cistula S, quæ superius aperta est, & receptaculo F adfer-
ruminata, foramen est, per quod aqua in dictum receptaculum F, è receptaculo ff, influit. Dum igitur vasculum I prægravatum est ab aqua in ipsum influente, claudit dictus conus R, ut postea dicetur, dictum foramen cistulæ S.

R. est conus seu coniforme lignum, de quo jam sermo fuit, qui & platismatii & obturamenti officium gerit.

S. est cistula superius aperta, cujus supremus margo in eadem altitudine est cum margine receptaculi ff in horto, ut dum receptaculum F plenum est, non redundet. In dictam cistulam derivatur aqua per tubum subterraneum è receptaculo ff horti; & ex cistula influit in receptaculum F per foramen quod in ipsa est, ut diximus.

T. est brachium ferreum intra receptaculum F, quiescens intra furcam ferream V, sursumque ac deorsum intra eandem mobile. Ex una parte deorsum appensum est platismatium, seu obturamentum æneum X, quod descendendo obturat & claudit tubum L, ne aqua per ipsum effluat è receptaculo F: ex parte alterâ sursum affixum est brachiolum æneum W, quod in medio fundi cistulæ S transit per foramen, per quod aqua intra receptaculum F descendit è cistula S. Quod foramen tantæ oportet esse amplitudinis, ut aqua inter ipsum & dictum brachiolum, ipsi infixum, commodè transire, & intra receptaculum F influere possit. Hoc æneum brachiolum ad unius circiter digiti aut pollicis altitudinem egreditur extra operculum receptaculi F, intra cistulam S, at non extra dictam cistulam. Dum igitur vasculum I jam plenum est aquâ; conus seu platismatium R deprimat dictum brachiolum W, & foramen subiectum claudit; vicissim verò ascendit platismatium seu obturamentum X, & foramen suum, hoc est, tubum L aperit: unde descendit aqua è receptaculo

ptaculo F; aqua verò receptaculi E ascendit intra receptaculum C. Cùm evacuatum est receptaculum F, nullaque amplius aqua intra vasculum I influit; hoc sponte paulatim evacuat per osculum seu foraminulum, quod in fundo habet. Cùm, verò evacuatum est dictum vasculum, & levius redditum; descendit paulatim sponte seu pondere suo, brachium P, & mediante afferculo semicirculari Y, quem retro habet affixum unco Z, cui incumbit brachium Q, trudit retro. Dum brachium Q liberum est ab unco Z, derepentè pondus dicto brachio appensum atollit conum seu platismatium R: vicissim verò platismatium seu obturamentum æneum X descendit, & claudit tubum L, ne aqua amplius per eum descendat; sicque de novo receptaculum F impleri incipit. Notandum verò, unco Z valde necessarium esse, ut platismatia derepentè aperiantur, & claudantur; alioquin si brachium Q affixum est immobiliter brachio P; paulatim aperiuntur & clauduntur, ac interim paulatim accurrit, denuò aqua ad platismatium æneum X, sicque nunquam penitus aperitur & clauditur; ut ipsemet experienciâ didici.

V. est furca ferrea intra receptaculum F, ut antea fuit dictum.

W. est brachiolum æneum, de quo etiam jam sermo fuit.

X. est æneum platismatium, seu obturamentum.

Y. est afferculus semicircularis, brachio P affixus.

Z. est unco ligneus, cui incumbit brachium Q, donec derepentè antè deprimatur cum cono suo R.

aa. est tubulus intra receptaculum F, transiens per operculum dicti receptaculi, eminensque extra ipsum uno circiter digito seu pollice. Superior extremitas circumdata est alio tubulo ampliori bb extra dictum receptaculum F; quo fit, ut dictum Receptaculum iterum claudatur. Extremitas inferior penetrat fundum receptaculi F, & immediatè infra æneum obturamentum X tubo L conjungitur. Usus ejus hic est. Cùm receptaculum F repletum est, ascendit aqua intra cistulam S: & cùm ad altitudinem tubuli aa seu bb pervenit, per eum descendit intra tubum L infra obturamentum X, & consequenter defluit intra vasculum I: quod postquàm impletum ac degravatum est; clauditur, ut antea dictum, obturamentum R, & aperitur X. Quòd dictus

dictus tubulus *aa* extra receptaculum *R* eminere debeat, ideo est, quia receptaculum *F* est amplum, è contra verò cistula *S* angusta; ideoque vasculum *I* non statim repleti posset, nisi extra dictum receptaculum emeretur.

bb. est tubulus externus & amplior, qui tubulum *aa* circumdat, efficitque ut receptaculum *F* denuò claudatur.

cc. est cistula parvula receptaculo *E* infrà in fundo affixa firmiter, similis ferè cistulæ *S*. Conjungitur atque adferruminatur receptaculo *C*, mediante tubulo, qui è medio cistulæ fundo initium sumit; per quem tubulum aqua è receptaculo *C* effluit, primò in dictam cistulam, deinde in receptaculum *E*. Habet hunc unicum usum, ut platismatium seu obturamentum *dd* continuò circumdatum maneat aquâ. Quod & circa obturamentum inferius *R* bene observandum, alioquin effectum suum minimè assequeretur.

dd. est platismatium seu obturamentum, quo receptaculum *C* infrà aperitur & clauditur. Dum enim repletum est dictum receptaculum *C*, premit quidem initio aqua dictum platismatium, illudque penetrat; at quia hoc non parum grave est, nunquam penitus aperiretur, nisi è vasculo *ee* auxilium reciperet; nam è cistula *cc* per tubulum quendam fluit aqua intra vasculum *ee*; quod eùm repletum est, pondere suo subsidit, & aperit obturamentum *dd*, sicque aqua penitus effluit è receptaculo *C*. Quo depleto, depletur & vasculum *ee* per foraminulum in fundo, sicque obturamentum denuò clauditur.

ee. est vasculum, de quo jam dictum.

ff. est receptaculum in horto, è quo receptaculum *F* per tubum subterraneum repletur aquâ.

Monitio.

Causa cur receptaculum *F* ex receptaculo *ff* repleatur, ex receptaculo verò fontis aqua viva *A* receptaculum *E*, hæ sunt: Primò, quia receptaculum *ff* profundius est, quàm receptaculum fontis *A*. Et hac ratione lucratus sum ulnam unam cum dimidia perpendiculari seu altitudinis aquæ. Secundò, quia aqua hac ratio-

ne conservatur, nè pereat: nam illa eadem qua in altum jam antea exsilivit, replet receptaculum F.

§. VII. Tota præcedentis Machinæ Oeconomia breviter innuitur.

I. Ex receptaculo fontis A, per tubum subterraneum, labitur aqua naturali lapsu intra receptaculum E, in eadem secum altitudine ab horizonte constitutum, illudque implet penitus.

II. Ex receptaculo ff fontis B, per alium tubum subterraneum, labitur aqua similiter naturali lapsu intra cistulam S; & ex hac, per foramen quod in medio fundi habet, intra receptaculum F: ex quo nihil effluit, donec totum sit repletum, quoniam tubus L clausus est à platismatio X. Interim aër è dicto receptaculo F elabitur partim per foramen in fundo cistulæ S, partim per tubum H intra receptaculum C, & ex C intra tubum G; in quibus tubis & receptaculo condensatur, quoniam exitum non habet.

III. Repleto vase F, redundat cistula S; & aqua intra margines operculi F stagnans, ingreditur tubulum bb, aa, & per tubum L descendit intra vasculum I, illudque degravat.

IV. Vasculum I degravatum, deprimit lignum K, & filum ferreum M, ac brachium N à parte anteriore, cui alligatum & filum; à parte verò posteriore elevat.

V. Ascendenteparte posteriore brachii N, sursum movetur brachium P, secumque elevat brachium Q retrò, deprimit verò antè cum cono ac platismatio R.

VI. Conus & platismatium R trudit deorsum brachiolum W, & claudit foramen quod est in medio fundi cistulæ S. Interim deprimitur antè brachiolum T, retrò verò elevatur unà cum platismatio X, & aperitur tubus L.

VII. Per tubum L, descendit aqua è receptaculo F, intra vasculum I. Interim è receptaculo C descendit aër, per tubum N, intra vas F: è vase verò E, ascendit aqua per tubum G, intra vas C, illudque implet.

VIII. Repleto vase C (eodemque ferè tempore vase F,) aqua

aqua per tubulum qui connectit cistulam *cc* cum fundo vasis *C*, stillat per platismatium *dd*; & currens per tubulum alium intra vasculum *ee*, illud degravat. Subsidente hoc vasculo, aperitur platismatium *dd*, & aqua pleno impetu descendit è vase *C*, intra cistulam *cc*, & receptaculum *D*.

IX. E receptaculo *D*, per tubum à dicto receptaculo, usque ad fontem *B*, partim extra, partim intra terram continuatum, delabitur aqua ad fontem *B*; & magno impetu exsilit usque ad altitudinem *gg*, æqualem altitudini vasis *C*.

X. Interim dum salit fons, & aqua relabitur intra receptaculum *ff*, evacuatis jam receptaculis *E*, & *F*; evacuatur etiam penitus vasculum *I*, per foraminulum fundi. Quo evacuato, & levioze reddito, ascendit brachium *N* antè; retrò verò unà cum brachio *P* descendit. In hujus descensu, semicircularis asserculus *Y* trudit retrò brachium *Z*. Hoc cedente, pondus appensum brachio *Q* deprimit illud retrò, antè verò elevat unà cum affixo cono *R*: unde aperitur denuo foramen in fundo cistulæ *S*; brachiolumque *W* ascendens ingreditur dictum foramen; retrò verò cum platismatio *X* descendit, & claudit denuo tubum *L*.

His finitis, omnia fiunt ut antea, & eadem semper operatio redit in orbem, adeo ut nunquam cesset saltus aquæ ex fonte *B*.

CAPUT IV.

Scrutinium Hydropneumaticum præcedentis fontis Basileensis.

TRia præcipuè occurrunt in hoc fonte, quorum principium seu causa anceps est. Elucidabo singula.

§. I. Cur aqua è vase E ascendat ad vas C.

*Basileensis
fontis scru-
tinium.
Vide Ico-
nism. XVI*

P*rima difficultas est*, cur aqua è receptaculo E ascendat ad receptaculum C, contra aquæ genium, quæ gravis est, & motui sursum contrahitur.

Peripatetici, & omnes Vacuistæ, respondent id fieri ob metum vacui. Dumenim aër è receptaculo C descendit per tubum H, intra receptaculum F, nullumque interim corpus aliud succedit, nec succedere potest, cum omnes aditus sint obsessi, excepto aditu aquæ receptaculi E, per tubum G; ne fiat vacuum in receptaculo C, aqua ascendit, & Naturæ patienti violentiam succurrit. Itaque velaër qui è tubo G ascendit intra dictum receptaculum C, trahit secum aquam vasis E; velaqua sponte sequitur aërem fugientem, ut spatium exinanitum repleat, & vacuum impediat. In idem recidit, si dicas, aquam ascendere propter contiguitatem corporum omnium quæ in Mundo sunt, seu ne interrumpatur in casu nostro contiguitas inter aquam E, & aërem G; nam contiguitatem istam tantâ sollicitudine tuetur Natura, ne vacuum fiat, si ea contiguitas interrumpatur, ut Vacuistæ interpretantur.

At ex dictis in præcedentibus Libris patet clarè, aquam in hac Machina non ascendere ex E, per G, in C, metu vacui. Nam si tubus G longior esset quàm 18 cubitorum, aut 20 ulharum, aut 36 palmorum circiter; aqua non ascenderet nisi ad dictam altitudinem 18 cubitorum &c. ac deinde hæreret suspensa, & omnem industriam Vacuistarum eluderet. Et tamen in eo casu non esset minor metus vacui in receptaculo C, quàm nunc fit, quando tubus G brevior est quàm 18 cubitorum &c.

Dico itaque, causam cur aqua ex E ascendat in C, esse pressionem aëris externi, incumbentis aquæ E. Dum enim aër è vase C, & tubo G, extrahitur, ac per tubum H delabitur intra vas F; fit aër residuus in dicto vase C, & tubo G, rarior, ac perdit virtutem elasticam, ac proinde minùs resistit aëri aquæ incumbenti. Hic ergo aër pondere suo deprimat aquam, & compellit

pellit intra tubum G, & receptaculum C, quoniam majus est pondus cylindri aëris, quàm cylindri aquæ, quæ in tubo G est.

§. II. Curaër è vase C descendat in vas F.

Secunda Difficultas est, curaër è vase C, antequàm aqua eò ascendat, descendat per tubum H, intra vas F, cùm aër potius nitatur sursum, quàm deorsum. Vide Iconism. XVI.

Respondent & hîc Peripatetici, ac Vacuistæ, id fieri ad Vacuum evitandum. Nam quia Aqua è Vase F per tubum L descendit ad vasculum I, ac effluit; ne spatium quod ab aqua relinquitur in dicto vase F, vacuum maneat, succedit eiaër tam tubi H, quàm vasis C, quoniam aliud corpus ei succedere non potest.

Ego autem, juxta doctrinam in præcedentibus traditam, & experientiis multis ac evidentibus stabilitam, Dico, aërem descendere ob virtutem suam elasticam, seu dilatativam, quâ se sponte expandit. Nam quàm diu in vase F hinc, & in vase E illinc, aqua est, tam diu aër qui est in tubo H, in vase C, in tubo G, impeditur quò minùs possit sese dilatare, & ad majus spatium extendere. At dum aqua è vase F effluit, eique aliud corpus non succedit, nec succedere potest; aër tubi H liber ab inimico obistente suo conatui ad se dilatandum, sese expandit: expanso illo dilatat sese & aër vasis C, quia aër tubi H non resistit ipsi: dilatato aëre vasis C, dilatatur & aër tubi G, ob eandem causam.

Nullus ergo hîc vacui metus intervenit: nam in vase F nullum est vacuum, nec periculum vacui, quoniam & æther, & halitus aquei spatium ab aqua relictum implent.

§. III. Cur tubus L debeat esse longior, quàm tubus G.

Tertia difficultas est, cur tubus L, per quem aqua è vase F descendit, debeat esse longior quàm tubus G, per quem aqua vasis E ascendit; atque adeo cur perpendiculum aquæ descendentis debeat esse longius, quàm perpendiculum aquæ ascendentis. Constat enim experientiâ, tum in hac, tum in aliis Machinis similibus, ita fieri debere. Vide Iconism. XVI.

Quæstionem exagita vimus in Mechanica nostra Hydraulico-pneumatica, Par. I. Protheor. 4. cap. 2. propof. 13.

Dico nunc, causam esse, quòd aperto tubo L, aqua vasis F pondere suo descendit, interimque ascendit aqua vasis E pressa ab aëre incumbente; & quidem tantum hæc ascendit, quantum illa descendit, quoniam elater aëris tubi G, vasis C, & tubi H, minuitur juxta proportionem aquæ descendentis per tubum L. Ut igitur aqua vasis E non solum ascendat usque ad supremum orificium tubi G, sed etiam ultra, ita ut effluat ex ipso; necesse est, ut etiam aqua tubi L descendat ad majorem longitudinem, quàm sit tubus G.

In idem recidit, si dicas, dum aqua tubi G ascendit tantum, quantum descendit aqua tubi L, perpendiculum aquæ utriusque tubi esse æquale, ac proinde tantum premere deorsum aquam unius tubi, quantum aqua alterius. Ut ergo vincat aqua tubi L, necesse est ut perpendiculum hujus sit longius, quàm perpendiculum illius.

Dices, etiamsi perpendiculum aquæ tubi L brevius sit, quàm perpendiculum aquæ tubi G tamen illud potest vincere hoc, quia aqua tubi G habet infra se aquam, aqua verò tubi L habet infra se aërem; aqua autem magis resistit aquæ tubi G deorsum prementi, quàm aër resistat aquæ tubi L prementi deorsum.

Respondeo, tantum premere aërem aquam vasis E deorsum, cogereque ut sursum intra tubum S ascendat, quantum premit aër aquam infra tubum L, obsistitque ne effluat. Cùm itaque utrimque sit æqualis pugna ratione aëris prementis; ut sequatur victoria ex parte tubi L, necesse est ut aqua ipsius vehementiùs deorsum premat, quàm aqua tubi G. Accedit & hoc, quòd neque supra aquam vasis F, & tubi L, neque supra aquam tubi G, dum ascendit, aër sit qui elatere suo aquam deorsum premat. Cùm igitur, ut dictum, vis premendi in externo aëre sit utrimque æqualis, nunquam dirimetur lis, nisi alterutri aëri prementi accedat aliunde auxilium; quod accidit, dum perpendiculum aquæ tubi L majus sit, quàm perpendiculum aquæ tubi G.

CAPUT V.

*Situla Romana automata, spontaneo atque
perpetuo motu aquam in altum attol-
lentes.*

DUm hæc scribo, accipio Basileâ, à sæpius jam memorato *Situla Ro-*
Amplissimo Viro Dn. Jeremia Mitz, alterius ingeniosissimæ *mana auto-*
Machinæ Aquaticæ delineationem, ac descriptionem, ab eo jam
dudum in ædibus suis constructæ, ad imitationem illius, quam
in 3. Parte Magiæ lib. 6. Syntagmate 2. Machina 2. descripsi, & vo-
cavi *Situlas Romanas automatas, spontaneo atque perpetuo motu*
aquam in altum attollentes. A quarum sitularum Romanarum
intelligentia cum dependeat & fabrica, & intelligentia
prædictæ recentè acceptæ Basileensis Machinæ; illas huc repo-
nere placuit, cum præsertim citato loco Magiæ earum schemata
sint valde ruditer æri incisa, & descriptio vitiosè impressa in ab-
sentia mea: pars enim illa dicti Operis, quæ prædictas Situlas
continet, Moguntiæ impressa fuit, cum pars prior interim hîc
Herbipoli imprimeretur..

Machina ergo quam Romanas Situlas automatas citato loco
Magiæ appellavi, fuit Romæ non solum ingeniosè excogitata, sed
etiam feliciter opere ipso exhibita, in Conventu seu Monasterio
S. MARIÆ de Victoria Fratrum Carmelitarum Discalceatorum,
à quodam ejusdem loci Religioso; diuque integra stetit, & feli-
cem successum habuit, donec, quia motu suo perpetuo ac tumultu-
oso Fratrum quietem orationis tempore interdium, & somni no-
ctu interturbabat, destructa fuit.

§. I. Brevis adumbratio Machinæ.

Duas situlas continet Machina, eodem ex fonte complendas:
quarum una ascendit, altera descendit continuò. Illius aqua
in usus domesticos cedit; hujus effunditur, & perit. Proportio
utriusque quoad motus velocitatem, potest esse varia, pro loco-
rum opportunitate, aut pro beneplacito Artificis. Potest enim
ascendentis situlæ motus esse duplo, quadruplo, octuplo, aut quo-
ties

ties libuerit, velocior ac major, quàm situlae descendens. At quò major est motus ascendens, & minor descendens, eò minor aquae quantitas attrahitur sursum, ac major effunditur deorsum.

Nos cum Auctore Machinae, qui eam ruditer delineavit, & Italico idiomate satis clarè descripsit (utriusque, delineationis inquam, & descriptionis, copiam nobis fecit Romae Dn. Gregorius Crisanus, Sacerdos Illyricus, magnus similium rerum Amator.) proponemus hinc tres combinationis modos. In primo, ad duplo majus spatium ascendit una situla, quàm descendit altera; in secundo, ad quadruplum; in tertio, ad octuplum. At in primo duplo plus aquae deperditur, quàm attrahitur; in secundo, quadruplo; in tertio octuplo. Schemata delineavit, ut diximus, ipsemet Auctor, sed valde ruditer. Nos in Magia cit. loc. emendavimus illa utcumque; hic longè emendatiora & nitidiora damus. Explicatio sequens magna ex parte ejusdem Auctoris est, Italicè conscripta, ut paulò antè diximus.

§. II. Explicatio Schematis primi.

Vide Iconismum
XVII.

In primo schemate seu figura modus proponitur attollendae aquae ad spatium duplo majus, quàm sit spatium aquae descendens; ita ut si situla una descendit spatio 50 palmorum, altera ascendat spatio palmorum 100. Attamen si mensurae v. g. 50 attolluntur, descendunt ac pereunt mensurae 100.

Schematis hujus explicatio communis est reliquis etiam duobus sequentibus schematibus; quae tamen praeter hanc habebunt etiam suas peculiare explanationes. Itaque numeri, litterae, & quaecunque alia hinc apponuntur, in illis etiam apposita intelligantur.

Multas habet partes Machina, & unius explicatio ab alterius explanatione pendet. Tota itaque prius à Lectore percurrenda est explicatio, deinde ad singularum partium explanationem redeundum.

A. Vas seu Situla minor quae ascendit. Hae plena, minus ponderat, quàm Situla M plena, quae descendit: at vacua illa ponderat plus, quàm haec vacua. Hinc fit, ut dum utraque simul repletur



Fig. I



pletur ex vase S, fitula M descendat, & pondere suo sursum trahat fitulam A: è contrario verò, dum utraque simul evacuetur, fitula A descendit, & pondere suo trahit sursum fitulam M.

B. Platismatium (Animellam seu Animulam vocant Itali, Ventile seu Valvulam nostri) alligatum funiculo vecti D. Hic vectis D, circa axem C transversum versatilis, dum sublatâ in altum fitulâ impingit intrabem ZZ, aperit platismatium B, & exitum præbet aquæ per canaliculum E, intra vas X. Dictum platismatium B sit grandiusculum, quò citiùs evacuari possit fitula: sit fundo nonnihil excavato implantatum, nè evacuationem omnimodam fitulæ impediat: sit pinguedine unctum, ut meliùs aquam cohibeat.

C. Bacillus transversim fitulæ coagmentatus, & vecti D innexus, cujus ideo axem paulò antè appellavimus.

D. Vectis, cum rotula seu trochleola d vertici annexa: cujus vectis inferior extremitas funiculo alligata est platismatio B, eo fine, ut dum fitula A ascendit versustrabem ZZ, in eamque impingit vectis, aperiatur platismatium, & aquæ exitus præbeatur.

E. Canaliculus seu tubulus, fundo fitulæ coagmentatus, ita ut orificium platismatii foramini infrà respondeat. Per eum evacuetur fitula intra vas X. Orificium & cavitas ejus non sint minora platismatii B foramine.

F. Annuli ab utroque fitulæ latere: quibus inseruntur fila ferrea, aut chordæ GG.

G. Fila ferrea, aut chordæ. Hæc fila aut chordæ sint quàm firmissimè extenta, ne fitula in itu & reditu, ac præcipuè dum vectis D intrabem ZZ impingit, & platismatium laxat, deviet in latus.

H. Trabecula cui dicta fila ferrea aut chordæ alligantur. Quæ quidem chordæ descendere debent è trabe ZZ, usque ad trabeculam H, omnino perpendiculariter, & tanto spatio inter se distare, ut insertæ fitulæ annulos non nisi levissimè stringant, adeoque fitula liberè & sine violento affricu ascendat ac descendat.

I. Funis cui alligata est fitula A, transiens supra rotulam
X x seu

seu trochleam K, & intra trochleam L, indeque pertingens usque ad trochleam fictam K ϵ , cujus verticilligatur, ut appareat.

K. Trochleatrabi ZZ inserta. Magnam eam esse oportet multis de causis; foramen verò in medio, & axis per foramen transiens, exigua sint, quantum situlæ & aquæ pondus permitent.

K ϵ . Trochlea ficta, id est, non volubilis circa axem, sed immobilis, vel potius quarta pars trochleæ. Debet æqualis esse semidiametri cum semidiametro trochleæ K, ideo, ut motus situlæ M maneat uniformis, hoc est, semper in eodem perseveret, perpendiculari (ut postea iterum dicetur) alioquin si variaret perpendicularum, funis situlæ M raderet fila ferrea aut chordas GG, annulis insertas, sicque liber ac facilis situlæ motus impediretur.

L. Trochlea alia: quæ dum finem I utrimque detrahit, efficit ut ascensus situlæ A sit duplo velocior, quàm descensus situlæ M, adenque ut illa duplo plùs spatii eodem tempore percurrat, quàm hæc. Qua de causa pondus situlæ M aquâ plenæ duplo majus esse debet, quàm pondus situlæ A plenæ. E contrario verò, situla A, licet minor quàm situla M, vacua majoris debet esse ponderis. Debet tamen excessus esse mediocris, ac tantus præcisè, quantum sufficit ut A vacua descendendo trahere queat M vacuum sursum.

M. Vas seu situla major, quæ descensu suo trahit sursum alteram minorem A. Habet platismatium B, & canaliculum E in fundo, annulos FF in lateribus, fila ferrea seu chordas GG, ut prior situla A. Væstis tamen diversimodè applicatus est.

N n . Væstis transversim situlæ M suprapositus, cujus extremitati n adnexus est baculus na pendulus. Hic baculus dum extremitate suâ a , situlâ M descendente terram contingit, elevatur væstis n N, aperiturque platismatium B situlæ M eodem tempore, quo aperitur platismatium B situlæ A.

O o . Funes bini, supra alligati situlæ M, infra trabeculæ Y, aut terræ, eo fine, ut nec M ascendat ultra limites debitos, nec A descendat ultra suos. 1. 2. 3. &c. Pondera plumbea, aut alterius materiæ ad motus impetum frangendum; in descensu quidem, dum successivè terræ incumbunt, & situlæ cui alligata sunt, pon-

dus

duſ minuunt; in aſcenſu verò, dum ſucceſſivè è terra elewantur, & novum pondus eidem ſitulæ adjungunt. Poſſunt eſſe plura, aut pauciora, prout neceſſarium fuerit.

P. Trabecula tranſverſa paulò ſupra ſitulam M, habens foramen in medio, per quod tranſit, & liberè ac ſine affricu deſcendit funis cui alligata eſt ſitula, uſque ad nodum Q: qui nodus dum ad trabeculam PP pervenit, motum ſitulæ M ſiſtit, impeditque nè deſcendendo allidatur terræ, nec ſitula A aſcendendo impingat in trabem ZZ.

Q. Nodus jam dictus. Inneſti ei poteſt tranſverſus baculus, qui ſolvi facilè ac variari queat, ubi neceſſarium fuerit.

R. Nodus alius cum tranſverſo bacillo; qui à priori nodo tantum diſtare debet, quantum eſt ſpatium deſcenſus ſitulæ M uſque ad terram ferè. Hic nodus fungi poteſt officio funium. Oo, ſi pondera 1. 2. 3. &c. neceſſaria non forent.

S. Vas recipiendæ aquæ è fonte derivatæ deſtinatum. Habet platismaſium & canaliculum in fundo, ut ſitulæ A & M. Canaliculus tamen ab utroque latere ejicere debet aquam, & eodem ferè tempore implere ſimul ſitulam A, & ſitulam M; ideoque quia hæ ſitulæ ſunt diverſæ capacitatſ, inæqualem aquæ quantitatem ejicere debent dicti duo canaliculi è vaſe S. Hoc vas non debet eſſe in medio inter duas ſitulas, ſed retro poſt illas.

T. Veſtis, alligatus fune platismaſio vaſis S, ad id aperiendum. In vertice adjunctam habet tabellam latiuſculam f, ut baculus V ſecurè in eam impingat, & veſtem elevet.

V. Baculus affixus firmiter lateri ſitulæ M, cum rotula, ſeu trochleola in vertice. Hic baculus cum rotula ſua elevat veſtem T, aperitque platismaſium vaſis S, donec impletiſ ſitulis, deſcendat ſitula M, & cum ea baculus V, ſicque demittatur. veſtis T, iterumque claudatur platismaſium vaſis S; uſque, dum evacuatſ infra ſupràque ſitulis, revertatur M cum brachio V, elevetque denuo veſtem T, & platismaſium vaſis S aperiat ut antea.

X. Vas ad recipiendam aquam ſitulæ A. Tanto ſpatio debet eſſe hoc vas infra trabem ZZ, ut dum veſtis D impingit in trabem, canaliculus intra ipſum vas exoneret aquam ſitulæ A.

Y. Trabs, truncus, aut lapis, aliudvè quid simile, cui alligantur funes Oo.

Z. Trabs cui insertæ aut affixæ sunt trochleæ K, & K e. Affixam habeat hæc trabs ad rectos angulostabulam b, inquam impingat rotula vectis D, & muro appropinquet, secumque trahat situlam A versus murum, ut canaliculus E immineat vasi X. Quamvis aliter etiam fieri potest, ut idem canaliculus eidem vasi immineat.

§. III. Annotationes in præcedens & sequentia duo schemata.

I.

Amba situla sufficientis sint capacitatis, & situla major M sit tam capax, ut plus aqua recipiat, quàm sufficiat ad præponderandum situla A: sice nim, ubi opus fuerit, adjunctâ aquâ superari poterunt difficultatæ, & impedimenta orta ex affricu, rubigine, aliisq; vitiis rotularum seu trochlearum, aliarumq; rerum; qua vix unquam debitam perfectionem ab artificibus nanciscuntur. Machina illius, quam initio dixi constructam fuisse Roma in Conventu S. MARIE de Victoria, situla minor plus quàm urnam integram (unbarile vocant Roma) aqua continebat: prius verò, dum minores adhibebantur situla, successum non habebat Machina.

II. Trochlea K & L tanta sint magnitudinis, tantumq; inter se distent, ut situla A & M è funibus suis pendentes, non contingant se mutuo.

III. Tamen si qualibet trochlea, per se loquendo, conditiones habeat perfectæ aequalium brachiorum libra, ita ut si utrinq; equalia pendeant pondera ex aqualibus funibus, adjunctum alterutri pondere quodlibet minimum pondus, illud deorsum trahat; in praxi tamen vix unquam id contingit. Quod quidem, uti experientiâ constat, oritur ex trochlearum foramine, & axe, affricu & pressione mutua impredientibus gyrationem. Expedi igitur ut tam foramen, quàm axis, sint quantum fieri potest, minima; & quàm maxime ac perfectissimè rotunda: sic enim minor pars cavitatis foraminis minorem axis partem continget, ac premet. Lege qua diximus

in 3. Parte Magia lib. 2. Syntagm. 4. cap. 2. in Analectis de Trochleis Num. 4.

IV. Situla *A* prius evacuari debet, quàm situla *M*; alioquin & proprio, & aqua adhuc contenta pondere praegravata, descendet cum nimio impetu. Platismatii ergo foramen, & canaliculi cavitates, ita temperanda sunt, ut id contingat.

V. Platismatia ejus sint materia, magnitudinis, & forma, ut aquam intra situlas, antequam aperiuntur, omnino & perfectè cohibeant. Quae in vasis ac situlis Machina Romana suprà dicta erant, palmarem longitudinem habebant, ac paulò etiam majorem; latitudinem verò semipalmarem. Materia erat plumbum, tam quoad lingulam, quàm quoad tabulam seu lamellam in qua foramen erat, & à lingula claudebatur; ac ne gutta quidem aqua effluebat, cum tectum erat foramen. E ligno facta platismatia non ita felicem successum habent.

VI. Trochlea *L* tantam habeat diametrum, quanta est distantia inter trochleam veram *K*, & fictam *Ke*. Ex ea pendens situla *M*, aequali conatu trahit funem trochleis *K* & *Ke* implicatum. Quare dimidia pars hujus virtutis atq; conatus frustra esset, nisi compensaretur per id, quòd duplo majori velocitate sursum traheret situlam *A*, quàm ipsa *M* descendit: quod tamen sine dicta trochlea non fieret, nisi pondus situla *M* duplo majus esset pondere situla *A*, quoniam tanta est resistentia unius librae v.g. ad motum sursum per duos palmos, quanta est inclinatio duarum librarum ad motum deorsum per unum palmum, tempore eodem.

VII. Funes *Oo*, cum annexi ponderibus 1.2.3. &c. ideo praecipuè adhibentur, ut reprimant impetum descendantis situlae *A*. Etenim duabus de causis dicta situla nimio impetu descendere potest. Prima generalis est, & communis omni motui naturali gravium descendantium, qui postquam incepit & obstacula vicit, augeatur in via eò magis, quò longius provehitur. Altera particularis est, & casui praesenti propria, nempe quia dum situla *A* pervenit usq; ad trabem *ZZ*, totum pondus funis *I* (aut catenae si ea adhibeatur) pendet ab altera trochlea *K* parte, augetq; pondus situlae *M*: dum verò utraq; situla evacuata est, & situla *A*, utpote gra-

vior quàm situla *M* unà cum pondere funis, incipit descendere & trahere secum funem *I*; accedit ipsi paulatim pondus dicti funis, & tantundem demitur situla *M*, ac proinde quantò plùs uni accedit, & alteri detrahitur, tantò magis crescere deberet impetus ac velocitas descensus. Hunc autem impetum frangunt pondera funi *O O* affixa, dum paulatimè terra elevantur. Tantam ergo necessè est esse gravitatem horum ponderum, quanta est gravitas funis *I*, qui cum situla *A* descendit.

Notandum tamen semper est, propter trochlearum dispositionem in hac Machina, singulas libras funis *I*, tracti à situla *A*, æquivalere duabus libris ejusdem funis tracti à situla *M*.

VIII. Cavendum nè funes à pluvia, aut ab aqua, dum situla implentur & evacuantur, madefiant; alioquin enim contraherentur, & debita mensura variaretur.

IX. Vectium *D* & *T* distantia à punctis *C* & *T* sursum versus rotulam *d*, & tabellam *f*, sit longè major, quàm altera ab eisdem punctis deorsum versus finem. Conducit hoc ad facilitandam apertionem platiumatiorum *B*: nam ut patet ex dictis Parte 3. *Magia nostra*, lib. 2. Syntagm. 2. ubi de Vecte, ejusq; viribus egimus, si major vectium *D* & *T* distantia est quadruplo v.g. longior, quàm minor distantia; etiamsi aqua platiumatis incumbens resisteret ut quatuor apertioni, tamen potentia paulò major quàm ut unum sufficeret ad eam resistantiam superandam.

Vid. Iconismum XVIII.


§. I V. Explicatio secundi schematis.

SECUNDUM schema seu Figura proponit modum elevandi aquam ad altitudinem quadruplo majorem, quàm ex altera parte descendat; ita ut si descendat hinc ad palmos 50, inde ascendat ad 200 palmos. Aqua tamen quæ attollitur in altum, ad aquam quæ descendit, atque effusa perit, proportionem habet reciprocam; ut si elevantur libræ 50, descendunt ac pereunt 200.

Quæcunque posita sunt in primo schemate, seu Figura, intelligi debent etiam hîc posita. Itaque explicatio primi schematis est communis etiam huic, ut ibidem etiam dixi. Solum ergo quæ huic sunt propria & peculiaria, remanent explicanda.

In hoc ergo secundo schemate seu Figura, *A* est funis pendens





dens è trochlea L. Cujus funis unum extremum in precedenti modo alligatumerat situlæ M, & pari celeritate cum situla descendebat: at in hoc secundo modo ducitur funis infra trochleam B, dictumque extremum alligatur trabi Y. Hinc autem fit, ut situla M mota deorsum unius palmi spacio, sursum trahat quatuor palmos funis I, ideoque ascensus situlæ A quadruplo velocior est descensu situlæ M, quoniam singulis palmaribus spatiis descensus respondent quadripalmaria spatia ascensus.

Ficta trochlea K e non est necessaria in trabe Y, quia perpendicularum funis A, pendentis à trochlea L, semper manet idem & invariatur, At in trabe ZZ necessaria est dicta trochlea ficta, quia funis I currens in trochlea K, per *e, d, e, f*, non trahitur atque extenditur rectà versus trochleam L, ab eodem semper puncto contactus, sed in principio motus à puncto *e* v. g. deinde à puncto *d*, post ab *e*, tandemque ab *f*, aliòve puncto infra *f*. Quæ variatio contactus si non fieret in fune deorsum ab altera parte tracto; utique perpendicularis linea funis A variaretur, declinando semper magis magisque versus murum ac trabem Y, impingeretque funis situlæ M in latus foraminis trabeculæ PP.

Causa verò cur dicta perpendicularis linea funis A non varietur, est, quia pondus quod deorsum trahit trochleam L, facit ut funis A semper medius incedat intra aut infra duo puncta infima contactus funis I cum trochleis K, & K e, dum à pondere trahitur versus trochleam L, posito quòd dictæ trochleæ sint æqualis magnitudinis. Quòd si inæquales essent trochleæ, aut abesset trochlea K e, solùmque variaretur successive punctum contactus in trochlea K; necessariò variaretur perpendicularum funis A, & declinaret versus Y, ut consideranti patet: & tantò major fieret variatio, quantò major foret trochlea K.

In schemate posito, propter trochlearum parvitatem non potest notari dicta variatio, sicuti notatur in Machina reipsa exhibita.

Vide Iconism. XIX

§. V. Explicatio schematis tertii.


Tertium schema seu Figura modum repræsentat elevandi aquam situlæ A ad spatium octuplo majus, quàm descendat situla M, ita ut si hæc descendit 50 palmos, illa ascendat palmos 400. Tantò tamen plùs aquæ descendere ac perire debet per situlam M & tantò minus per situlam A ascendere, quantò major est ascensus, quàm descensus, ita ut aquæ habeant proportionem permutatam seu reciprocam cum motibus sitularum.

Explicabo breviter, quæ sunt huic modo propria; reliqua enim quæ communia cum præcedentibus duobus modis sunt, jam explicata sunt.

Funis P, qui in præcedente secundo modo alligatus erat situlæ M, in hoc tertio modo transit infra trochleam N, & alligatur trabi M.

Hinc autem fit, ut situla M descendens uno palmo, trahatur mediante trochleâ N duos palmos funis P, & consequenter quatuor palmos funis A mediante trochleâ B, & octo palmos funis I mediante trochleâ L. Suboctuplus ergo est descensus situlæ M, ad ascensum situlæ A. Si infra trochleam N adjungeretur alia, infra quam funis circumductus alligaretur alteri trabi infra trabem M; uni palmo descensus situlæ M responderent 16 palmi ascensus situlæ A: & si adhuc alia adjungeretur trochlea & trabs; pro uno palmo descensus haberentur palmi ascensus 32: si adhuc alia trochlea; palmi 64 haberentur; & sic in infinitum.

Hæc vera sunt loquendo in rigore mathematico & exclusis difficultatibus ortis ex imperfectione trochlearum, affricu funium, & similibus. Tamen si enim in rigore mathematico loquendo, & exclusis aliis impedimentis, situla A vacua paulò majoris ponderis, quàm libræ unius, traheret situlam M vacuum octo librarum; nihilominùs propter dictas ac similes difficultates non sufficit exiguus aliquis excessus in situla A, sed requiritur excessus notabilis. Notabiliter ergo pondus vacuæ situlæ A debet esse plùs quàm suboctuplum respectu ponderis vacuæ situlæ M. Similiter tamen si in rigore mathematico in situla M sufficerent octo





octo libræ aquæ, & paulò ampliùs, ad trahendum sursum unam libram aquæ in situla A; tamen propter eadem impedimenta requiritur notabilis aliquis excessus inter dictas aquas. Addendum ergo est situlæ M tantum aquæ supra octuplum, quantum experientia ipsa monstraverit necessarium esse. Sufficientis ergo capacitatis sit situla M. Et quia hoc pondus aquæ adjunctum situlæ M, amovibile est (effunditur enim tota aqua, postquam situla M descendit usque ad terram RR, & situla A ascendit usque ad trabem ZZ;) ideo nihil præjudicat continuationi motus reciproci ac perpetui sitularum. Tamen si enim situlæ M adderentur 100 libræ aquæ ultra debitam proportionem ab arte requisitam; postquam tamen utraque situla evacuatæ fuerit, A non debet prævalere nisi soli ponderi M.

CAPUT VI.

*Situle Basileenses automata, spontaneo atq;
perpetuo motu aquam in altum attollentes.*

AD præcedentis Machinæ imitationem construxit in ædibus Situle Basileenses automata. suis Basileæ initio præcedentis Capituli nominatus Amplissimus Dominus Jeremias Mitz, hanc quæ sequitur; quamvis nonnulla variaverit, experienciâ doctus, trochleas, catenas, axes, aliæque similia, in praxi præparari tam exactè non posse, ut si proportio inter illas quam theoria præscribit, servetur, successum habeant. Interim tamen Machinæ à prænominato Domino constructa, à multis jam annis optimum exhibet successum, ac multò stabiliorem ac durabiliorem quàm alia illa, à nobis suprâ Cap. 3. hujus Libri descripta; in ea enim vel minimi ac imperceptibiles pori, per quos aër aut ingreditur intra tubos & receptacula clausa, aut elabitur, omnem Machinæ operationem impediunt, ac penitus sistunt.

§. I. Schema Machinæ, ejusque explicatio.

Vide Iconi-
simum
XX.
Fig. I.

Schema ruditer delineatum, misit ad me Auctor Basileâ, die 1. Julii hujus Anni 1662. Id ego emendari, ac nitidiùs delineari curavi. Explicationem ipsemet adjecit ut sequitur.

A. Est cisterna infra terram usque ad sabulum seu arenam, effossa; intra quam descendens situla B evacuatur, & aqua effusa absorbetur à sabulo, ac perit.

B. Est situla inferior, quæ intra dictam cisternam descendit atque ascendit. Hæc situla habet in medio fundi platismatium seu ventile rotundum orichalceum, cui subtrus alligatus est fortis baculus, eo fine, ut dum situla ad fundum usque cisternæ descendit, baculus terræ impingens pellat sursum & aperiat platismatium. Dictum platismatium suspensum est è forti filo ferreo C, superius alligato ad brachiolum D. Quod brachiolum supra transversum ferrum E in medio, velut vectis, aut bilancis jugum, supra hypomochlion requiescit: dumque platismatium, una cum ferreo filo C sursum pelluntur, brachioli D extremitas dicto ferreo filo alligata simul elevatur; altera verò extremitas deprimitur.

Vide Iconi-
simum. XX.
Fig. I.

In uno exteriori latere situlæ B est ferreus pessulus, ita formatus, prout Figura F G H monstrat. Dum igitur brachiolum D, ob apertionem platismatii, & ascensum fili ferrei C, deprimitur; dictum brachiolum trudit retrò pessulum F, & cadit infra unicum triangularem F; quo facto, penna chalybea S premens pessulum in partem anteriorem, brachiolum detinet. Hac ratione apertum manet platismatium situlæ B, & tota aqua effluit, antequàm denuo revertatur sursum ad locum, ubi de novo impletur. Cùm denuo impleta est dicta situla, prominens uncus H, impellit pessulum F, ad malleum ligneum I, cujus manubrium est cisternæ lateri affixum retrò, antè verò est pendulus. Quod cùm contigit, triangularis uncus F retrocedit, & brachiolum D dimittit: quo dimisso, platismatium sponte, ob gravitatem suam subsidens, clauditur. Alioquin si dictum platismatium statim clauderetur, postquàm situla inferior à cisternæ pavimento elevari cœpit; aqua nequaquam tota efflueret, adeoque



...statim clauderetur, postquàm situla inferior à cister
pavum...to elevari cœpit; aqua nequaquam tota efflueret, ade

nunquam penitus ad locum destinatum ascenderet. Nam quia è situla superiore pendent globi, ad impediendum impetum; hi- que globi paulatim, dum dicta superior situla descendit, colligun- tur intra receptaculum K; levior redditur superior situla; ideo- que non posset inferiorem trahere sursum, si platismatium citius clauderetur, quàm situla inferior penitus ascendisset, & superior, penitus descendisset.

K. Est receptaculum, in quod aqua è superiori situla L, per tubum M defluit: etenim dum repleta penitus est situla L, su- perflua aqua per dictum tubum M fluit intra dictum receptacu- lum K: ex hoc verò, per tubum N, intra situlam inferiorem, B. Cùmque hæc repleta est, descendit usque ad cisternæ fun- dum; altera verò K ascendit usque ad Q & R.

O. Est receptaculum, quod ex alio receptaculo prope fon- tem vivum constitutum perenniter impletur. Ex hoc recepta- culo N implentur ambæ prædictæ situlæ.

P. Est brachiolum, cui adnexum est platismatium, eo fine, ut dum situla L ascendit ultra receptaculum O, hoc clauda- tur ne quidquam aquæ perdatur. Experimentiâ tamen deprehendi, melius esse ut dictum platismatium absit. Tunc autem fluit a- qua è receptaculo O, intra receptaculum K; & ex hoc, ruic, cum impetu supra inferiorem situlam, continuaturque operatio sine cessatione. Infra situlam superiorem L pendet catena fer- rea, cum globis plumbeis, uti jam insinuatum; qui globi paulatim descendunt, & colliguntur intra receptaculum K.

Q. Est receptaculum superius, intra quod evacuatur siu- la L.

R. Est malleus, ad quem dum impingit brachiolum situlæ L, cui platismatium ejusdem situlæ alligatum est, dictum plat- ismatium elevatur, atque aperitur.

Notandum est, platismatium situlæ superioris L majus
esse debere, quàm platismatium situlæ inferioris,
ut semper superior citius evacuetur
quàm inferior.

CAPUT VII.

*Fonticulus Hydraulico-pneumaticus
Pragensis.**Fonticulus
Pragensis.*

Vir Clarissimus *Jacobus Dobrzenski de Nigro Ponte*, inter alias amoenissimas Hydraulicas, & Hydropneumaticas Machinulas, quas in Amœniori sua de Fontibus Philosophia proponit, elegantissimum dat Par. 2. Proposit. 3. Fonticulum, olim Pragæ à P. Valentino Stanfel è Societate nostra, suo in Mathematicis Præceptore, exhibitum. Quicùm perturbatè sit loco citato aëri incisus, ac verbis depictus, hoc loco reponere eum volui, meisque verbis, ac meo schemate distinctiùs declarare. Ergo

Vide Iconism. XXI

I. Fiant ex orichalco, cupro, stanno, aut quavis aliâ materiâ aptâ, duo vasa, A B, & C D, seu quadratâ, aut parallelepipedâ, seu quavis aliâ formâ; interpositis columnis, aut implicatis mutuò tortuosis colubris, aut alio quovis modo interstincta. Primum vas A B discriminetur diaphragmate E F G, in duo receptacula, nempe A E G, & B E G. Primum receptaculum A E G, sit undique clausum, & contra omnem aëris ingressum, aut egressum bene munitum; nisi quòd in summitate habeat canaliculum R instar infundibuli, quod tamen probè obturari queat. Secundum receptaculum B E G, sit clausum quidem; habeat tamen ostiolum S, quod aperiri possit, cùm usus postula-verit. Secundum vas C D, habeat epistomium cum clavicula Q, & in operculo suo foramina T & V.

II. Supra vas A B collocetur statua Atlantis, aut Neptuni, Herculisvè, aut quavis alia, affabrè elaborata; quæ manibus & capite sustentet globum vitreum cavum, & si vis, signis Zodiaci ac variis stellis depictis exornatum.

III. E globo vitreo, per corpus statuæ usque ad fundum, ferè receptaculi B E G, deducatur tubus I L, intra globum desinens in strictissimum osculum I. Ex eodem globo per idem statuæ corpus, & per operculum receptaculi A E G, deducatur alius tubus H K, utrimque æquali & mediocri hiatu patens.

IV. E fun-





IV. E fundo receptaculi AEG, per corpus colubrorum, usque ad fundum ferè vasis CD, deducatur tubus MN, qui infra dictum fundum habeat claviculam X.

Haftenus constructio fontis; sequitur nunc ejusdem usus, & lusus. Ergo

V. Clausâ claviculâ X, repleatur penitus aquâ utrumque receptaculum vasis AB, per infundibulum R, & ostiolum S. Et infundibulum quidem probè iterum claudatur, ostiolum verò S maneat apertum.

His factis, aperi claviculam X. Descendet aqua receptaculi AEG, per tubum MN, intra vas CD. Interim aquæ defluenti succedet aër globi vitrei, delatus per tubum HK. Aëri verò è globo elabenti succedet aqua receptaculi BEG, ascendens per tubum LI; & intra globum formabitur in amœnissimum, fonticulum; cujus aqua delabatur iterum per tubum HK, intra receptaculum AEG.

VI. Finito aquæ saltu intra globum vitreum, depromatur aqua è vase CD, per epistomium Q, repleanturque ut antea receptacula vasis AB, & reliqua fiunt ut antea; & redibit idem lusus.

ANNOTATIO.

I.

P Rincipium seu causa elevans aquam in hoc fonticulo, secundum Peripateticos & Vacuistas, est metus vacui. Dum enim è receptaculo AEG defluit aqua intra vas CD; nè fiat in eo vacuum, descendit aër è globo vitreo: & nè in globo fiat vacuum propter aërem recedentem, ascendit aqua è receptaculo BEG. Sed falli ita opinantes, patet ex eo, quòd aqua è receptaculo BEG minimè ascendat ad globum, si tubus LI longior sit quàm 18 cubitarum, seu 36 palmorum circiter, ut diximus etiam cap. 4. §. 1.

Vera ergo & genuina causa est, aëris dilatatio ex una, & pressio ex altera parte. Nam dum aqua receptaculi AEG descendit intra receptaculum CD; nihil adest quod resistat aëri tubi KH, & globi vitrei; dilatatur ergo, & libere ac sponte descendit intra

receptaculum AEG. Dilatato aëre in globo, & consequenter in tubo IL, ab I usq; ad supremam superficiem aquæ receptaculi BEG; nihil est quod impediat ascensum aquæ à dicto receptaculo, si ab aliquo prematur: quoniam ergo premitur ab aëre externo superincumbente, compelliturq; intra tubum LI; ascendit, & exsilit ex I, quoniam pondus aquæ intra tubum LI minus est quàm pondus aëris aquæ receptaculi incumbentis. Idem ergo principium habet hic fonticulus, cum fonte Basileensi, de quo Cap. 3. hujus libri.

ANNOTATIO.

II.

Observandum autem & hic est diligenter id, quod in dicto Basileensi fonte observandum diximus, & in omnibus similibus Machinis observari debet, ut nimirum tubus MN aquæ descendens longior sit, quàm tubus LI aquæ ascendens. Lege Annotationem secundam Capituli sequentis.

CAPUT VIII.

Fonticulus Kircherianus, phiale vitreae inclusus.

Fonticulus
Kircheria-
nus.


PRæcedens fonticulus constructus fuit ad imitationem hujus, quem nunc damus, & visitur in Museo Kircheriano Romæ, describiturque à P. Athanasio Kirchero lib. 3. Artis Magneticæ Par. 2. Cap. 3. Experim. 2. Quem etsi proposuerimus in Mechanica nostra Hydraulico-pneumatica Par. 2. Classe J. Cap. 1. Machina 1. quia tamen tam ibi, quàm apud citatum P. Kircherum, confusè ac perturbatè delineatus est, distinctiùs hîc proponere volui in eorum gratiam, qui similibus fonticulis delectantur. Facile & sine magnis impensis construitur. Adhiberi potest in conviviiis, & collocari supra mensas, ad delectandos convi-

•

1. The first part of the paper is devoted to a general discussion of the problem of the existence of solutions of the system of equations

2. The second part of the paper is devoted to a detailed analysis of the case of the existence of solutions of the system of equations

3. The third part of the paper is devoted to a detailed analysis of the case of the existence of solutions of the system of equations



vas: jucundum enim spectaculum præbet. Constructio variari potest ad libitum artificis, dummodò substantia maneat. Aliud schema dedi in Mechanica citato loco: Nunc lubet in hunc modum construere.

I. Fiat globus vitreus BVX, aut vitreum vas alterius cujuscunque formæ, & capacitatis saltem mediocris. Hoc vitrum habeat in vertice foramen B, quod cochleolâ, aut etiam cerâ obturari diligenter queat, & ab omni aëris ingressu muniri. Infra verò è regione verticis habeat fundum cupreum, aut stanneum VX, misturâ aliquâ ex pice & resinâ (aut illâ quam dedimus suprâ lib. 2. Cap. XI. Annot. 3.) vitro quamoptimè adglutinatum.

Vide Iconismum
XXII.

II. Fiant duo vasa, KL, & HI, quæ aquam continere queant, ex quacunque materia, & cujuscunque formæ. Nos hîc inferius vas HI formavimus in modum scrinii, quod claudi atque aperiri ex parte superiori queat; habeatque diaphragma, seu interstitium NP, & epistomium M.

III. Globus vitreus sustentetur tribus, aut quotquot volueris, columnis, è vase KL erectis. Per harum unam deducatur è globo tubus GF, usque ad fundum ferè vasis KL; qui in G divaricetur in tria aut plura angustissima oscula. Per alteram tubus DEO, per fundum vasis KL, & diaphragma NP, usque ad fundum ferè vasis HI; habeatque epistomium E.

Hæc est constructio Machinulæ. Sequitur nunc usus. Ergo

IV. Per foramen B globi vitrei infunde tantum aquæ; ut oscula divaricati tubuli G tegantur ferè aquâ: & claude iterum diligenter dictum foramen. Interim autem maneat clausum epistomium E. Deinde vas KL imple penitus aquâ. Quò enim plenius est hoc vas, & quo majus seu capacius, eò diutius durat aquæ saltus intra globum vitreum. Vas infimum HI, & epistomium M, maneant clausa. In diaphragmate tamen NP relinquatur unum aut alterum foramen apertum.

V. His factis, aperi epistomium E. Descender aqua è globo, per tubum DEO, intra vas HI: aër verò hujus vasis effu-

effugiet per foramina diaphragmatis. Aquàm è globo descendentem sequetur aër qui in globo est; & aërem fugientem sequetur aqua vasis KL, ascendens per tubum FG, atque in globo ex tribus tubulis exsiliet in altum, iterumque relapsa descendet per tubum DO. Nec cessabit ascensus & saltus aquæ intra globum, quàm diu aqua durabit in vase KL.

Quare si hic fenticulus statueretur juxta fontem aquæ vivæ, aut juxta rivulum, qui vasi KL semper aquam suppeditarent, & interim aqua efflueret inferiùs per epistomium M; semper ac perpetuò duraret saltus aquæ intra globum.

ANNOTATIO.

I.

Prinzipium hujus fenticuli idem est, quod precedentis. Longè tamen perfectior ac durabilior est hic fenticulus, quàm precedentens, propter longiorem tubum DEO.

ANNOTATIO.

II.

Stamen in precedenti Machina, in globi vitrei vertice fieret foramen, ut aqua infundi posset; & tubus HK continuaretur cum tubo MO; & vas AB esset sine diaphragmate seu interstitio, penitusq; repleretur aqua; in nullo penitus differret fenticulus ille ab hoc nostro presenti.

CAPUT IX.

Fonticulus perenniter fluens, si invertatur.

*Fonticulus
perenniter
fluens, si in-
vertatur.*

IN Mechanica Hydraulico-pneumatica Par. 2. Classe 1. Cap. 4. Machina I. descripsimus simplicissimo, sed ingenioso artificio Clepsydræ, quæ fontis instar ejaculatur aquam, & inversa iterum fluit. Visitur ea in Museo Kircheriano Romæ, & hîc





hic non semel ex directione nostra fuit constructa. Aliam Machinulam descripsimus in eadem Mechanica Par. 2. Classe 1. Cap. 2. Machina 2. eamque appellavimus Clepsydrum Heronianam, quoniam ad formam clepsydræ, & ad fontis Heroniani artificium est effigiata.

Hic aliam damus clepsydrum, ex iisdem principiis cum proximè dicta constructam, differenti tamen & faciliori modo, ut sequitur.

§. I. Constructio Machinæ.

I. Fiant duo vasa, AB, & CD, æqualis capacitatis, formæ lubitæ, è cupro, stanno, aliavè materia solida: & quatuor columnis affabrè elaboratis, nempe I, K, L, M, distincta, ut in Figura apparet. Utrumque vas sit intermedio diaphragmate discriminatum in duo receptacula; nempe primum AB, in receptacula A E, & B E: secundum verò CD, in receptacula CH, & DH. Utriusque item vasis operculum sit instar pelvis concavum, ut aquam recipere ac continere queat. Denique utriusque supremus margo habeat in circuitu tres aut quatuor æqualis altitudinis columellas, velut quatuor pedunculos, quibus insistant Machinulæ, dum vertitur.

Vid. Iconis-
mum
XXIII.

II. Receptaculum BE, cum duabus sibi subiectis columnulis L & M, instruat tubis in hunc modum. Nempe, *Primò* columnula M, tubo NO, qui transeat per operculum vasis AB (non tamen superemineat, sed osculum ejus N coæquetur cavæ superficiei dicti operculi) per columnulam M, & per fundum vasis CD, pertingatque ferè usque ad operculum ejusdem vasis CD. *Secundò* columnula L, tubo QP, qui incipiat paulò infra operculum vasis AB, & finiatur paulò infra fundum vasis CD. *Tertiò* tubulo RS, qui incipiat prope fundum vasis AB, & transeat per operculum ipsius, & desinat in angustissimum osculum. Non tamen emineat extra operculum concavum ultra altitudinem pedunculorum operculi.

Similibus tribus tubis instruat receptaculum CH, cum columnulis I & K sibi subiectis, nempe tubo TV, tubo YX, & tubulo WZ.

Hæc est constructio. Vasa AB, & CD, formari possunt

Zz.

ad

ad libitum: uti & columnæ quatuor I, K, L, M; & tres aut quatuor utriusque operculi pedunculi. Sequitur nunc usus Machinulæ. Itaque

§. II. Usus Machinæ.

III. Imple aquâ receptaculum BE, & receptaculum CH: illud quidem per tubulum SR, hoc verò per tubulum ZW. Quem in finem pars superior utriusque tubuli, nimirum pars S, & pars Z, fieri potest exemptilis, ut dum replenda sunt receptacula, auferatur, & infusâ ope infundibuli aquâ reponatur.

I V. Erectâ Machinulâ, ut in Figura apparet, funde supra operculum N parumper aquæ. Descendet ea per tubum NO, & è receptaculo DH expellet aërem, per tubum PQ, intra receptaculum BE. Aër incumbens aquæ dicti receptaculi, eamque premens, expellet eandem per tubulum RS, projicietque jucundissimo spectaculo in altum. Aqua recidens intra cavum operculum, defluet per tubum NO, intra receptaculum DH; nec cessabit saltus aquæ, donec tota aqua receptaculi BE salierit in altum, & recidens defluerit intra receptaculum DH, illudque impleverit.

V. Verte totam Machinulam, & infunde parum aquæ supra operculum T. Defluet illa per tubum TV, intra receptaculum AE; indeque expellet aërem, per tubum YX, intra receptaculum CH. Hic aër incumbens aquæ hujus receptaculi, eamque premens, expellet eam per tubulum WZ. Hæc recidens supra operculum T, descendet per tubum TY, intra receptaculum AE; nec cessabit saltus aquæ è tubulo WZ, donec tota aqua, è receptaculo CH expulsa, defluerit intra receptaculum AE.

VI. Interim dum aqua receptaculi CH salit per tubulum WZ, aqua quæ antea defluerat in receptaculum DH, descendit per tubum PQ, intra receptaculum BE, illudque iterum implet. Postquam igitur cessavit saltus aquæ per tubulum WZ, verte Machinulam, & infunde parum aquæ supra operculum N; salietque iterum fonticulus ut antea. Et interim aqua quæ est in receptaculo AE, defluet per tubum XY, intra receptaculum

culum CH. Quare, si cessante fonticulo S, vertatur ut antea. Machinula, & infundatur aliquid aquæ supra operculum T; redibit saltus fonticuli Z ut antea.

In hunc ergo modum durabit fonticulus perenniter. Et nihilominus sisti ejus fluxus poterit, quando libuerit.

ANNOTATIO.

I.

Construe Machinulam juxta regulas præscriptas, & habebit infallibilem successum. Solum cave, ne vasa & tubi, per occultas rimulas, ærem internum efflent, aut externum recipiant. Præterea cave ne tubuli obstruantur limo, aut rubigine: quod facillime contingit, si vasa & tubi fiant ex laminis ferreis stanno obductis (aus Blech.) Præstat ergo, ut vasa & tubi fiant ex stanno; aut ex cupro quod sit stanno obductum: aut si fiant ex dictis ferreis laminis, obducantur intus colore subactio oleo (mitt Delb farb.)

Similem Machinulam habet Dominus Jacobus de Nigro Ponte in *Philosophia Fontium* Par. 2. Propos. 7. in *Auctario*; sed schema est vitiosè incisum, & tam constructio, quam usus, valde mutilè proponuntur.

Principium hujus nostræ Machinulæ per se patet: est enim pressio æris interni, qui aqua incumbit, eamq; fortiter premens expellit.

ANNOTATIO.

II.

Si receptaculum BE impleas aquâ, receptaculum verò CH vino; dabit fonticulus alternatim aquam & vinum, idq; perenniter.



CAPUT X.

*Fons Heronis, ad duplam altitudinem
projiciens aquam.*

*Fons Hero-
nis, ad du-
plam alti-
tudinem
projiciens
aquam.*

NOtissimum est artificium fontis, quem ab Auctore primo Heronis vocant fontem. Hunc descripsimus in Mechanica Hydraulico-pneumatica Par. 2. Classe 1. Cap. 2. Machina 1. ex ejusque principiis eodem capite varias alias construere Machinulas docuimus. Ex iisdem principiis deducta est præcedens Machina. Nunc fontem damus, qui nihil aliud est quàm Heronis fons duplicatus, ideoque ad duplo majorem altitudinem projicit aquam, quàm Heronis fontes simplices. Sic autem construitur.

*Vide Iconi-
smum
XXIV.*

I. Fiant duo vasa, AB, & CD, quatuor columellis inter se discriminata. Materia eorum potest esse quævis, quæ ad aquam continendam, & ad ingressum egressumque aëri prohibendum, sit apta. Forma permittitur arbitrio industrii artificis. Capacitas utriusque sit æqualis, aut certè inferioris CD paulò major, quàm superioris. Ambo sint undique bene clausa, & contra furtivum aëris ingressum atque exitum munita. Superius vas AB habeat labrum seu operculum instar conchæ nonnihil excavatum. Inferius CD habeat epistomiolum P.

II. Vasa hæc, & columellæ, instruantur tubis quinque, uti Figura monstrat. Duo tubi EO, & FN, incipiant ab operculo perforato; non tamen emineant extra operculum, sed ejus planitie cavæ coæquantur. Tubulus GH, emineat è medio operculi & divaricetur in tres tubulos, strictissima oscula habentes.

III. Usus hic est. Vas AB impletur penitus aquâ, per tubum GH, exemptâ prius parte superiore G. Unde ita construendus est hic tubulus, ut pars superior G eximi queat, ac iterum





terum reponi, ita ut neque aqua, neque aër, nisi per tria oscula, egredi possit. Inferius vas CD manet vacuum; undique tamen bene clausum. Tum affunditur paululum aquæ operculo vasis AB: quæ mox per tubos EO, & FN, descendens ad vas inferius, expellit inde aërem: hic per tubos ML, & KI ascendens, incumbit aquæ vasis AB, eamque fortiter premens pellit in altum, per tubulum HG: quæ recidens supra operculum, defluit per tubos EO, & FN.

IV. Finito saltu aquæ, eximiea potest è vase CD, per epistomiolum P, iterumque infundi vasi AB, per tubulum GH. Velsi vis, potest inverti machina, ut aqua vasis CD, per tubos ML, & KI, defluat intra vas AB, illudque denuo repleat.

ANNOTATIO.

I.

Similem fonticulum habet Dn. Jacobus de Nigro Ponte in sua de Fontibus Philosoph. Par. 2. Propos. 8. Sed paulò aliter constructum; ex iisdem tamen principiis. Noster videtur facilius parabilis. Principium urgens aquam in altum, est aër premens aquam vasis superioris, uti etiam in precedenti Machinula.

Osculum tubuli GH variis modis formari potest: nempe divaricari in varios ac minutissimos tubulos; vel claudi lamellâ in hemicyclum armatâ, & minutissimis foraminulis perforatâ, per quæ aqua pluvie instar erumpat; vel expandi in conchulam, quæ aliâ conchulâ cooperiatur, relietâ solum tenui per circuitum rimulâ inter utramq., ut aqua subtilissima tela instar circumquaque erumpens sese in orbem expandat.

ANNOTATIO.

II.

VAs superius AB, potest discriminari in tria receptacula, quorum medium, comprehendens tubulum GH, cum duobus lateralibus tubis LM, & IK, solum sit undiq, clausum; reliqua verò duo lateralìa receptacula sint superius aperta, & tubi incipiant à fundis internis, ubi R & S. Sed tunc duo tubi RO, & SN, instrui debent epistomiolis infrafundum, id est, infra R & S, ut descensus aqua permitti ac prohiberi ad libitum possit.

Hac si fiant, potest intra receptaculum medium infundi vinum; intra duo verò lateralìa aqua: & tunc loco aqua inspectantibus aliis infusa, exsiliet vinum.

Si intermedio receptaculo infundas vinum rubrum & lateralibus album; dabis spectatoribus pro vino albo rubrum.





LIBER SEXTUS.

MIRABILIA ME- CHANICA,

sive

NOVÆ ET RARIORES

MACHINÆ.

PROOEMIUM.



Irabilium effectuum causas esse mirabiles, nemo ibit inficias. Effectuum omnium, quos artes atque scientiæ humanæ, à prima nascentis Mundi origine, ad hanc usque senescentis jam, ætatem produxêre, nulli sunt qui majorem in hominum animis pariunt admirationem, quàm qui è Mechanica, seu Machinaria Mathesi proficiscuntur. Demonstravimus id luce clariùs in Magia nostra Centrobaryca, Mechanica, Thaumaturga, Statica, Hydrostatica, Hydrotechnica, & Aërotechnica, ubi mira, rara, & omnino stupenda produximus opera, à di-
ctis

*Mechanica
opera & ef-
fectus mira-
biles.*

Etis artibus (quæ vel Mechanicam pariunt, vel ab ipsa proficiſcuntur) in humani generis utilitatem ac delectationem producta. Idem ostendit admirabilis illa quarundam Machinarum, à Mechanicis excogitatarum fabrica, usus, virtus, & effectus: cuiusmodi sunt Glossocomum Heronis & Pappi Alexandrinorum, quo datum pondus à data potentia movetur; Glossocomum nostrum, quo terrarum Orbis universus, tametsi aureus foret, ab unius talenti potentia è loco suo evellitur; Pancratium Simonis Stevini potentiaè infinitæ; Memnonis statua tonans, & harmonicè cantans; Machinæ quibus itinera & locorum distantiaè mensurantur; Quadrigæ sine hominum aut jumentorum trahentium ope per vias agitatae; Sphærae, aliæque Machinæ, siderum motus varios exhibentes; Vectes breves multiplicati, & vires potentiaè in immensum augentes; Vectis cum cochlea immanium virium; Kircheriana Machinula ex pluribus complicata, quâ minimo digito talenti pondus elevatur; Trochlea simplex, quâ quisque se ipsum sursum trahere potest; Machinæ multæ Veterum, quibus immania pondera terrâ & aquâ vehebant, aut trahebant, nempe Scytala Aristotelis, Machina Ctesiphontis & Methagenis, Chemmin Ægyptii,

ptii, Pappi Alexandrini, Satyri Architecti, Trochleæ cum tignis & succula, Polyspastus Ægyptius, aliæque multæ.

Meritò ergo Mechanicam Antiqui *Θαυματοποιτικὴν*, hoc est, miraculorum effectricem, inter omnes Artes atq; Scientias appellarunt, ut in Mechanicæ Magiæ Proœmio quoque notavi. Meritò Instrumenta Mechanica Diis immortalibus consecranda censuere iidem, ut Justitiæ Libram, Neptuno Vectem, sub Tridentis imagine, aliis alia. Meritò Eudoxus Gaidius, & Archytas Tarentinus, immortalem apud posteros laudem meruerunt, quòd primi Geometriam puram ac speculativam variis exornantes cælaturis, Machinamentorum artem inchoavere, ipsiusque Geometriæ rationes difficiles, & demonstrationes intricatas, per sensum & instrumentorum, exempla edidère; & quæ paucorum ingenia & animos antea pascebat delectatione suâ, ad humani generis usum, multorumque captum traduxere. Unde non laudem, sed invidiæ notam, apud æquos rerum, aestimatores contraxit Plato, Archytæ in Italia discipulus, in eum invectus, quòd Geometriæ dignitatem sustulisset, eamque à cogitatione, & rebus incorporeis, ad ea quæ sensibus percipiuntur, declinasset, quasi ad

*Mechanica
laudes.*

*Mechanici,
& Mecha-
nica Scri-
ptores.*

fi ad sui usum corpore & mercenariâ indigeret inertia. Certè nisi Eudoxus, nisi Archytas, nisi alius quam dixi viam inivissent, tot egregios, ingeniosos, utiles Mechanicos, & machinarum tam mirabilium inventores Litteraria Respublica non numeraret; non Dædalum automatis nobilem, non Vulcanum tripodibus celebrem, non Archimedes obsessæ patriæ utilem, hostibus perniciosum ac formidabilem, non Erathostenem mesolabii repertorem, non Ctesibium Hydraulices auctorem, non Heronem Mechanicum, non Proclum, non Priscum, non Diognetum, non innumerabiles alios antiqui & nostri ævi Machinarios, verè Briareos ac Centimanos, quod de Arthimede jactabant Romani.

De Machinis, mechanicisque Instrumentis, atque Inventis, non pauci extant libri, quovis idiomate conscripti. De iisdem ad res militares pertinentibus præclarum molitur Opus Nobilissimus atque Amplissimus Dominus Philippus Ernestus Vegilin, à Claerbergen, cujus suprà memini in procœmio Libri primi. Audio multa etiam & præclara habere in eodem genere, à se excogitata, atque exhibita, Excellentissimum Dominum Baronem à VVûrtz, Suedicæ Coronæ Generalem, & Pomeraniæ Gubernatorem,

rem, quæ lucem fortassis aliquando sint visura. Ego hîc nova do, ab aliis submissa; quos inter primum, meritò locum tenet Prænobilis, doctissimus, atq; ad maxima quæq; natus Dominus V Vilhelmus Schroter, Germano-Francus, de quo plura sequenti primo capite. His addo pauca, antehac quidem edita, at paucis obvia. Sit itaque

CAPUT I.

Machina varia Schroteriana indicata.

PRænobilis atque doctissimus Dominus *Wilhelmus Schroter*, *Machina varia Schroteriana indicantur.* quem paulò antè nominavi, Prænobilis atque Amplissimi Domini Wilhelmi Schroteri, Consilarii intimi & Cancellarii Saxo-Gothani Principis Filius, die 3. Aprilis præteriti anni 1661, Lugduno Batavorum, ubi Jurisprudentiæ & Politices studio operam dabat, ad me scribit, se præter dicta studia Mechanicam quoque coluisse, tantumque DEI auxilio in ea profecisse, ut ad novas quasdam Inventiones, antehac invisas, excogitandas animum adjuicere non dubitaverit.

Eas inter, inquit, est Primò Currus sine equis provectus, qui tribus modis, ut puta vento, manibus, & pedibus agitari atq; propelli potest. Secundò Navis, quæ à quibuslibet ventis promoveri potest, & nihilominus quando, & quotiò libuerit, sisti. Dum autem provehitur, leucarum confectarum numerum ad minutum usq; demonstrat. Tertiò, Instrumenta nonnulla bellica; quorum aliis repente centenos viros trans fossam missos vallo impono; aliis in vallo jam consistentes ita defendo, ut nullus hosti accessus pateat, & obvia quæq; disjiciantur. Ultra hac, ex mechanicis principiis Machinam excogitavi simplicissimam, quæ motum mihi prabet perpetuum.

Harum Machinarum descriptionem libenter misissem Domino meo plurimum Venerando; quia tamen nescio, an res tam exigua Eidem sit displicitura potius, quàm placitura, intermissi. Si tamen rescire eas cupiat, promptum me paratumq; habebit.

Quoniam etiam summo honori mihi duco, inter Domini mei discipulos numerari, rogo enixè atq; humiliter, ut earum navium genus detegere mihi dignetur, quibus infra aquam, non tamen in fundo, sed in aquarum medio, nunc altius, nunc profundius navigari queat. Tametsi enim varias habeam inventiones, huic tamen proposito meo minus conducunt. Quod si illam callerem artem, profectò opus efficerem non pœnitendum. Si vicissim obsequia quaecunque Domino meo præstare potero, officio meo non deero &c.

*Navis infra
aquis na-
tans an
construi
possit.*

Hæc illa, inter alia multa. Quibus respondi, gratissima mihi futura, quaecunque submisisset. Ad navium illud genus quod attinet, si quid alii scripserint, fecerint, aut facere tantaverint, scire aveat; legere iussi Magiam meam Hydrostaticam, ubi Syntagmate 2. Pragmatia 15. descripsi navem sub aquis natantem, ex Mersenni phantasia; & Annotat. I. ostendi ejus vanitatem, uti & Annotatione II. vanitatem navis Roderodami à nescio quo Gallo constructæ, sed aquis nunquam commissæ. Schema dabo infra suo loco. Addidi, impossibile non esse, corpora aquis graviora ita intra aquas librare, ut datum aut desideratum locum teneant; ac difficillimum id esse, quòd quævis levissima mutatio æquilibrium tollat, & corpus vel fundo allidat, vel ad superiora evehat.

Postulatis meis annuens Prænobilis antè nominatus Dominus, litteris die 26. Junii, ejusdem præteriti Anni 1661 Lugduno Batavorum datis, in hunc modum scribit.

Sal. & Offic. Tarditas epistolarum, Vir Clarissime, plurimumq; Reverende, facit fortassis ut imperia Vestra solvere potius, quàm exequi videar. Ast equitas me excusat, cujus species nunc deum sese manifestavit diu anxie mihi quarenti. Cum enim causam non verenti verba invenire haud difficile sit; causam tamen negotio non ineptè incidisse demonstrare, equitatis opus est, ideoque arduum antè, nunc expeditum. Quid aequus enim illa excusa-
tionē,

tionem, quæ accusatum absolvit, & noxa dat aliud, quod quidem neque jure judiciovè potest conveniri? Ita, Vir Clarissime, sexto quidem Julii Vestra littera me hîc quasivêre, sed absentem, adeoque frustra &c. Hæc itinere itaq; occupatus, duas hebdomadas absumpsi, ex quo gratissima Vestra huc allata sunt. Domum autem redeunti tradita sunt, quas iniquitas temporum tam diu celaverat. Siq; moram istam velitis severa juris sententia committere, ego tempus necessitatemq;, quorum culpa hoc factum est, dono xa, atq; ita innocens evado. Aspicienti autem Vestra littera non minus pudoris, quàm gaudii injecere: id ex aliogenere scribendi & stylo, ut & ex nimia de opinione; hoc ex benevolentia Tanti Viri, noviterq; Patronorum numero aucto, proficiscebatur. Ambobus autem non mea merita, sed Vester in me animus respondere valet: mihi vota tantùm, Vobis imperia data sunt. Accedat præterea & obsequium, cujus sub specie vilitas operis excusationem mereri videtur; indignantemq; procul dubio animum Vestrum istius modi parva, occupet.

Quinque itaque officii in Vos, non mei ingenii, exemplaria ascipe, eaq; integrâ manu attrecta. Enumerat hîc quinque sequentes Machinas, quas primis quinque Alphabeti litteris signatas ad me misit.

Litterâ A primam studiorum meorum notionem signavi: ab initio enim cum hoc studium Mechanicum auspiciatus essem, illi operam dedi; quod hætenus omisi adeo, ut neque provocaverim, neq; recusaverim, præsertim cum præsens tempus aliam rationem ipsius ini-
Machina
quinque
Schroteria-
na.
Vide se-
quentes I-
conismos.

Litterarum B facilius ex ipsa Figura, quàm superficiariâ aliquâ descriptione Clarissimus Vir cognoscet. Illud tamen monendum, novam & à me excogitatam illam vim rotæ flexibilis, nullum in Mechanicis sibi locum posse vendicare, nisi quinque Viribus Mechanicis sextam hanc peculiari nomine velimus adjicere: cujus vim effectivam mathematicè indagare secundum suam proportionem, cuilibet integrum relinquo.

Littera C modum demonstrat, qui stagnata aqua facile moveri possit, & exhauriri.

Littera

Littera D ostendit, quâ ratione in maribus insanâ tempestate procellisq; haud in immensum vento concavatis, & adeo exercitatis, naves quocunq; flatu felici cursu possint duci, earundemq; cursus tam extendere, quàm inhibere possimus.

Littera E simplicem sanè, sed utilem representat modum, quomodo scilicet in fluminibus, quæ vel remos omnino propter angustias non patiuntur, vel desunt homines, vel sumptus, scapha strui possint, quas unus & solus agere possit.

Hæc sunt quæ præsentis vice examini Vestro sistere potui, non digna quidem tanto labore, ut à Vestra Clarissima Dominatione debeant inspicì; at si placuerit vel aliquid, quidquid sit, circa hanc rem mihi imperare, quo vel ingenio, vel industriâ obsequium meum Vobis possim reddere contestatum, octo tantum dierum spatium concedere velitis rogo, ex quo quid denique inveniendò Instrumenta, aut Machinas possim præstare, Vobis exhibebo: ipse enim non audeo ex meo ingenio aliquid proferre nisi imperatum. Licet enim omne hoc studium nunc à tergo reliquerim, attamen hoc impostum mihi munus suavissimum erit.

Restant quidem nonnulla, quæ tamen sagatum magis, quàm rogatū decent, adeoq; vereor nè publicata destructioni magis, quàm emolumento sint futura secreta illa Machina. Si per tempus stetit, non defuissem in colligendis aliis quoq; ingeniosorum Mechanicorum Inventionibus. Si tamen placebit opus, etiam impofterum non deero &c.

Hæc & alia multa, sed alterius materię, Eruditissimus Dominus Schroterus.

CAPUT II.


Mobile perpetuum à Prænobili Domino VVilhelmo Schrotero tentatum.

*Mobile per-
petuum
Schroteria-
rum.*

QUod magnis & excellentibus ingeniis accidere solet, ut ad maxima quæque comprehendenda adnitantur, & quæ ab aliis vel intacta sunt, vel ob inextricabiles difficultates adjunctas derelicta, magnis ausibus adgrediantur; id Prænobili quoque Domino

mino





mino Schrotero conugit. Notum est, quantis difficultatibus implicatus sit motus artificialis quem perpetuum vocant, adeo ut pars major Eruditorum inter *admirata*, & quæ humanis viribus perfici nequeunt, eum adnumerent. Notum quoque, quot excellentia ingenia in eo indagando, post longos exantlatos labores, succubuerint. Hunc tamen in primo Mathematicorum studiorum limine indagandum sibi sumpsit dictus Dominus. Unde sequens concinnavit technasma; haud indignum quod doctorum Virorum examini proponatur. Constructio patet ex ipso schemate. Declarationem ipsemet apposuit ut sequitur.

Vid. Icon.
asilum
XXV.

§. I. Declaratio Schematis.

Primò. Fit cista seu scrinium oblongum parallelepipedo formâ, in tria discriminatum loculamenta, ut in A, B, C, apparet. in duobus prioribus loculamentis A & B, sex dispositæ sunt rotæ, tres videlicet in unoquoque: in tertio verò loculamento C, sunt rotæ quatuor, sed alio dispositæ ordine quàm in reliquis. Sunt itaque in supremo ordine rotæ tres, in medio quatuor, in infimo tres. Omnes cujusvis ordinis axes habent communes, ut ex schemate patet.

Rotæ in duobus prioribus loculamentis, A & B, sic construuntur. *b, c, d, e, f, g*, omnes eodem fiunt modo, ita nimirum, ut singularum circumferentia *b* sit excavata in canaliculum, seu rotundum, seu quadratum, ut globus per eum transcurrere queat. Intra canaliculi cavitatem disponuntur, æquali inter se distantia, clavi ferrei, latis ac ponderosis scutulis in capite instructi, quibus globus excipitur, & à lapsu cohibeatur. Hujusmodi clavi infigi possunt juxta rotarum proportionem octo, decem, duodecim &c. sed æqualibus, ut dictum, intervallis distributi, ut in *i* apparet.

Præterea circa omnes rotas duorum priorum loculamentorum A & B, intra ipsa loculamenta disponi debet circus *k*, intra quem rota circumagatur, nè globus per cavitatem *b* transcurrere excidar.

In loculamento C sint quatuor tantum simplices & communes rotæ, eo fine, ut potentiam in circummagendo augeant.

Secun-

Secundò. In summitate loculamenti A, ubi L, est infundibulum, cujus tubus seu pes penetrat tabulam, & pertingit usque ad circum *k*. Infundibulo injicitur globus. Hic cadit supra clavum *i*, & circumagitur rotam *d*, donec perveniat in *m*: ubi est tubus, è circo superiore ad secundum derivatus. Per hunc tubum cadit globus supra rotam *c*; ejusque cavitatem transcurrento, cadit supra rotam *b*, ac deinde descendit in *p* ex circo. Quoniam jam rotæ *e* circumferentia demissior est, quàm rotæ *b*, ideo ex *p* per tubum cadit globus in *q*, ibique excipitur à clavis rotæ *e*, atque in altum tollitur, & juxta R intra tubum, à rota *e* ad rotam *f* derivatum, propellitur ad rotam *f*, indeque eodem modo ad rotam *g*, per tubum S. Hinc iterum tollitur in altum usque ad T; ubi rota *g* ejicit globum. Et quoniam rota *g* altior est quàm rota *d*; ideo globus per planum inclinatum M V denuo labitur supra rotam *d*.

Tertiò. Sex globos esse oportet qui rotis immittantur, & unus post alterum injici debet infundibulo L, postquam præcedens jam descendit usque ad tubulum *m*; adeoque semper in qualibet rota unum globum oportet esse, postquam omnes sex fuerunt modo dicto successivè injecti.

Quartò. Semper una rota major esse debet alterâ, prout in Figura factum vides. Rotæ loculamenti B ita constructæ sint, ut una sit retro alteram, nempe rota *e* retro rotam *f*, & rota *f* retro rotam *g*: alioquin globus è rota inferiore in superiorem effundi non posset.

Quintò. *x, y, z*, sunt tria perpendiculara rigida, quorum primum majus & gravius est secundo, & secundum majus ac gravius tertio. Serviunt ad hoc, ut motum semper æqualem conservent.

Sextò. Gravitas & magnitudo horum perpendicularorum, uti & gravitas globorum, debet esse proportionata magnitudini rotarum. Hæc autem proportio, aliæque praxes in opere ipso adhibendæ, melius ex operatione ipsa deprehendi quàm verbis describi possunt. Hactenus declaratio Auctoris.

§. II. Annotationes in præcedentem Machinam.

I. Globi utique rotis ideo injiciuntur, ut pondere suo deorsum nitentes, rotas deprimant, & motum efficiant. Si hoc; ergo quam diu descendunt à summitate rotarum versus inferiorem partem, causabunt motum: at quando ab inferiore rotarum parte ad superiorem transferuntur, ut fit in rotis loculamenti B; tantum abest ut motum juvent, ut potius eum remorentur ac impedian.

II. Non video causam, cur una rota debeat esse semper major alterâ, in eodem loculamento.

III. Globi ex una rota supra aliam cadentes, cadunt nunc majori, nunc minori cum impetu, prout clavi peripheria infixi nunc magis, nunc minus distant à tubulo m v. g. è quo præcipitantur: ergo inaequalem impetum rotis imprimunt globi, atq; adeò inaequalem motum ac valde irregularem efficiunt. Inaequalis autem atq; irregularis motus difficulter perpetuatur.

Multa alia quæ occurrunt, omitto. Laudo tamen Auctoris ingenium, atq; conatum, eòq; magis laudo, quòd suæ opinioni non pertinaciter, ut nonnulli faciunt, inharet.

CAPUT III.

*Navis quæ per aquas non profundas deduci
potest, & sine mercium expositione.*

NOtum est, & quotidiana docet experientia, naves oneratas sæpe vadis hære, ob aquarum paucitatem; adeoque ut per aquas humiles deducantur, necesse esse ut mercium expositione reddantur leviores; magno utique incommodo, & temporis impendio. Huic incommodo evitando proponit ingeniosus Auctor hîc navem, eo artificio constructam, ut sine mercium expositione deduci queat etiam per humiles & exiguas aquas; est quæ illa quam proposuit suprâ cap. I. sub littera B. Circa quam notat sequentia, eam quæ explicat ut sequitur.

*Navis quæ
per aquas
non profundas
deduci potest.*

*Vide Icon-
nismum
XXVI.*

Primò. Tamenſi in praxi multa, quæ in ſchemate ſunt expreſſa, omitti queant; volui tamen omnia exprimere, quia facile eſt non neceſſaria demere.


Secundò. Notandum, navis fundum debere eſſe planum; & infra eum duas palangas ſeu cylindros *nn* eſſe diſpoſitos, qui per totum fundum tranſverſim ab uno ad alterum latus excurrant.

Tertiò. Navis habet tres fundos, *o, p, q.* Spatium inter *o* & *p* manet ſemper vacuum; inter *p* verò & *q* per totam longitudinem extenſus eſt ſaccus coriaceus, qui complicari poteſt, ſic ut *p* cum *q* conjungatur. Ubi *RR*, fundus *o* diſſectus eſt, ut trahi in altum atque demitti queat. A fundo *o* uſque ad *T*, continuantur externi aſſeres, qui navis ventrem conſtituunt. A *T* uſque ad *S* aſſer eſt ſeparatus à reliquo ventre; qui aſſer tegit ſaccum coriaceum: & dum inflatur atque extenditur ſaccus, & aſſer qui ſaccum regit, elevatur; venter ab *o* uſque ad *S* continuatur, unoque quaſi ex aſſere conſtructus videtur, nec ſaccus apparet forinſecus.

Quartò. Palanga ſeu Cylindrus *n* anterior, adiunctam habet rotulam *m*. Supra quam, ubi *L*, alius cylindrus *L* tranſverſim per totam navim tranſit, circa quem vertitur rota *K*. Hæc rota *K* dum circumagitur, vertit ac circumagit rotulam *m*, cylindro *n* circumplicatam. Dicto cylindro *L* adiuncta firmiter eſt rota pinnata *I*. Cujus pinnæ ſeu palæ *I* non debent eſſe longiores, quàm ut paulò ultra palangam ſeu cylindrum *n* extendantur. Cùm jam circumagitur cylindrus *L*, vertitur ſimul & circumagitur unà cum rota *K*, etiam rota pinnata *I*, quæ remorum vicem agit, ac navim propellit.

Quintò. Cylindrus porrò *L* in hunc modum circumagitur. Primò per circuitum dicti cylindri *L* exſcinde rotunda foramina ſeu foſſas, paribus intervallis inter ſe diſſita, decem, aut duodecim, plus minus, prout cylindri craſſities permittet. Secundò accipe funem, ita præparatum, ut neque contrahi, neque extendi queat; in eoque diſpone ac firma globulos è bono ac forſi ligno, iisdem intervallis inter ſe diſſitos, quibus foramina ſeu

Iconismus. XXVI. pag. 378.





fossæ in cylindro L distant inter se, ita ut globuli exactè, & ad amussim dictis foraminibus congruant. Tertiò, fac trochleam, seu potiùs cylindrum qui trochleæ instar vertatur, in H, in eoque dispone per circuitum foramina seu fossas eodem modo, iisdemque intervallis, quibus in cylindro L disposita sunt. Huic cylindro H, & cylindro L, circumpone catenam nodosam è fune & globulis ligneis præparatam, eamque arctè constringe. Quartò, per ejusdem cylindruli H circuitum dispone alia foramina ut antea, eique circumpone aliam priori similem catenam, nodosam. Idem fac in G, in F, in E, in D, & in C. Ultima trochlea seu cylindrulus est C, cum manubrio B; cui exigua potentia applicata, facillimè cylindrulum C, cum reliquis subsequenter vertere, & ingens onus propellere poterit. Omnia autem quæ ab hac navis parte disposita sunt, disponi etiam debent ab altera parte, ut potentia navis impulsiva duplicetur.

Sextò. Hic est motus navis. Si jam navim volo reddere levio-rem, ita procedo. Tubus A penetrat fundum q, ingrediturque saccum coriaceum prope i. Infernè instructus est hic tubus optimo ventili, seu platismatio; supernè verò adjunctum, habet orbem ligneum numero 1. signatum, ac in medio perforatum: orbi adsutus est saccus coriaceus: sacco superpositus est alius orbis ligneus, numero 2. signatus: orbis hic in medio habet foramen, cui intrusus est pes seu tubus infundibili, infernè instructus ventili seu platismatio. Infundibulum ab utroque latere, ubi 3. & 4. habet duos annulos, per quos transeunt duo bacilli ferrei, ut infundibulum æqualiter, unà cum sacco coriaceo cui infixum est, elevari ac deprimi queat. Alii duo bacilli ferrei sunt infundibulo affixi, numero 5. & 6. signati; qui supra, ubi numerus 7. coeunt, & perticæ 7. 8. 9. conjunguntur. Hæc Pertica juxta numerum 8. ita alligatur, ut ad extremitatem numero 9. signatam possit moveri sursum ac deorsum, hoc est, deprimi ac elevari. Quoniam verò ad dictam extremitatem 9. magna vis requiritur ad illam deprimendam, ideo adjuncta est ibi alia pertica dentata, numero 10. signata, quæ mediante rotulâ 11. per manubrium illius facillè deprimatq; elevari potest.

Hac itaque ratione possum per infundibulum intromittere ventum intra sacculum coriaceum seu folles, juxta numerum 13: qui sacculus seu folles cum comprimuntur, ventus aperto ventili juxta numerum 1, compellitur intra coriaceum sacculum inter q & p , donec repleatur, & fundi p & q à se invicem divellantur, magnumque intra utrumque fundum p & q spatium, aëre plenum fiat. Quod autem plus aëris dicto modo, eo levior fit navis, eoque magis enatat ex aquis, ut etiam per humiles aquas traduci queat.

Septimò. Quia verò, dum ventus compellitur intra dictum sacculum, fundi o , p , & q divellantur à se invicem, & rotæ K & I cum fundo q adeo elevantur, ut dentes qui in peripheria rotæ K sunt, ad rotulam m amplius non pertingant, nec palæ * attingant aquam; ideo rota K ita construi debet, uti Figura monstrat, ut nimirum expandi ac major fieri queat; quod fit, si partes *, quæ plicatæ sunt, explicentur. Simili ratione construi debet rota pinnata I , ita nimirum, ut partes *, quæ similiter plicatæ sunt, queant explicari, ac sic remi I prolongari.

Octavò. Cylin dri nn infra fundum navis ideo dispositi sunt, ut si ad fundum usque fluvii subsideret, & vado hareret, propelli nihilominus posset.

Nonò. Quo modo autem funes præparandi nè contrahantur; item quomodo nodi seu globuli lignei funibus alligandi firmiter, aliaque similia, quoniam partim notum est, partim facile, silentio prætereundum censui.

CAPUT IV.



Machina ad evacuandas aquas stagnatas.

*Machina
ad aquas e-
vacuandas.*

Vide Ico-
nismum
XXVII.

HANC quoque Machinam ex Hollandia misit Ingeniosissimus Dominus *Schroterus*, estque illa cujus suprà in cap. 1. mentionem

Iconismus
XXVII.
pag. 381.



tionem fecit sub littera C. Declarationem sequentem ipsimet adjecit.

A est longa, & è fortissimis asseribus compacta rota pinnata, aquæ exhauriendæ destinata. Poteft juxta proportionem latitudinis aquæ fieri longa ad libitum. Tam etiam lata fieri potest, ut tota semidiameter à circumferentia ad axem fit immersa aquæ, ipsa verò circumferentia fundum attingat; quandoquidem vis motiva rotæ pro libitu, & pro necessitate, augeri potest.

Ab hac rota A, vectis B per rotam & aquam transiens, pertingit usque ad terram, seu littus; ubi erectum est receptaculum ligneum CC. Vecti B adjuncta est rota D; quæ completur rotas E & F; & hæ rotas G & H; & hæ rotam I.

Rotæ I vectis porrigitur usque in K; ubi circumpositum, habet annulum ferreum fortissimum, qui foraminibus per circuitum instructus est, & versus L prominet, ut ipsum L intra se recipere queat.

LQ est cylinder; cujus extremitas L simili annulo ferreo, in circuitu perforato, instructa est, nisi quòd paulò minor, seu angustior sit quàm annulus K, ut intra ipsum K possit intrudi. Postquàm dicta extremitas L intra annulum K intrusa est, ambo annuli ita cuneis & uncis ferreis, per utriusque correspondentia foramina adacti firmanantur, ut cylindrus LQ simul cum vecte K possit circummagi. In M sunt cunei & unciferrei, quibus dicti duo annuli ferrei K & L connectuntur, atque firmanantur, ut axis K & cylindrus L simul vertantur.

Cylindro LQ circumplicatus est funis ductarius; qui ut elongetur magis, supra rotulam seu trochleam N transit. Funi appesum est pondus O tot centenariorum, quot libitum, aut necessarium fuerit. Hoc pondus, dum annuli K & L firmiter conjuncti sunt, circummagit rotam I, & hac mediante rotas H & G, tum E & F, demum D & B.

Pondus O, quantumvis magnum, postquàm cum suo fune evolutum est, elevari denuo vel ab unico homine potest facillimè, ope Paneratii P. Quod ut fiat, necesse est ut

extremitas *Q* cylindri *LQ* non sit rotunda, sed quadrata (qualis est extremitas veruum quæ rotatis machinulis circumaguntur) ac perforata, ut clavum seu cuneum recipiat. Extremitas verò axis infimæ rotæ Pancratii debet habere foramen quadratum, cui congruat dicta extremitas *Q*, ut hæc intra illam intrudi, & in pacto clavo seu cuneo firmari queat, ad eum modum quo veru intruditur intra foramen rotatæ machinæ veru vertentis.

Cùm igitur pondus *O* attrahendum est, eximo cuneos & uncus *M* ex annulis *K* & *L* connexis, ut *L* à *K* liberetur. Deinde admoveo Pancratium quadratæ extremitati *Q*, & circumago manubrium Pancratii. Quod dum fit, rotæ *I*, *H*, *G* &c. quiescunt; pondus verò *O* elevatur, & funis ductarius cylindro *LQ* circumvolvitur.

Postquàm elevatum est pondus *O*, denuo conjunguntur atque firmanentur invicem annuli *K* & *L*, Pancratium verò à *Q* removetur; & pondus descensu suo iterum volvit rotas *I*, *H*, *G* &c. & *A*.

CAPUT V.

Navis qua quolibet vento ad destinatum locum provehi potest.


Vide Iconisimum
XXVIII.

QUoniam totum artificium consistit in arbore navis, seu malo, ideo hic solus delineandus ac describendus fuit; in navi autem nihil mutatur. Hæc est Machina, quam Dn. Schroterus suprà cap. 1. sub littera *D*. promittit.


Primò. *a* est truncus ferreus, superiori parte ad modum hemisphærii concavi *b* excavatus; in quo hemisphærio malus infra ubi *c*, in hemisphærium convexum elaboratus, circumagitur. Per hunc tamen malum, ubi *d*, adigitur cuneus ferreus, qui & truncum *a* penetret. Debet autem hemisphærium convexum mali, ubi *c*, non nihil per circuitum incidi, ut sic malus supra truncum *a*, ubi *ee* quiescat.

Secun-

Media Pars Navis.



Infima pars Navis



Secundò. f est rota striata malo circumposita, quæ cum malus circumvertitur, complectitur atque circumagitur rotam g , simulque rotas hh , communem cum g axem habentes.

Tertiò. i est cylindrus, per totam navim transversim currens. Ejus extremitatibus kk , extra navim prominentibus, adduntur duæ rotæ pinnatæ extra navim, quibus navis propellitur. ll sunt duæ rotæ striatæ, cylindro i circumpositæ, quæ per duas rotas hh circumaguntur; sicque tota navis, dum rotæ pinnatæ ad kk vertuntur, propellitur.

Quartò. Ab a usque ad m porrigitur pars infima navis; hinc autem incipit pars media. Itaque m est navis fundus secundus.

Quintò. n est rota magna, horizontaliter supra fundum m prostrata; cujus usus in sequentibus explicabitur.

Sextò. Si navim ita constructam relinquo, incredibili celeritate propellitur. Si verò volo ut paulò tardiùs progrediatur, Nota, malum in o esse dissectum in duas partes. In p tamen est crassa ferrea succula, seu ferreus & crassius circulus, qui à superiori parte mali q , usque ad inferiorem r pertingit. Habet nonnulla in circuitu foramina, uti & ipse malus.

Si jam volo ut navis quàm celerrimè propellatur, infigo ferreos vectes seu cuneos s intra prædicta foramina: quo fit ut pars superior mali cum inferiori firmissimè conjungatur.

Sin volo ut navis tardiùs promoveatur, extraho dictos vectes seu cuneos ferreos s ; quo fit, ut pars inferior mali quæta subsistat. Superiori autem parti mali circumdata est rota t , quæ quidem malo firmiter non est affixa, sed & circumduci potest, & sursum atque deorsum moveri. Potest nihilominus ferreis vectibus seu cuneis ex u pendentibus, atque intra foramina fixis firmari.

Cùm jam pars mali superior circumagitur, pars verò inferior quæta subsistit (sectus enim est malus in o , ut diximus) circumagitur simul & rota t , jam antea in u firmata, secumque circumducit rotam W , & hac mediante rotulam striatam

striatam x ; hæc vertit rotam majorem y , & minorem z ; hæc autem circumducit rotas A & B, & B demum rotam C.

In D iterum est succula, seu ferreus circulus, sicut in t , qui cylindro seu axi rotæ C non adhæret firmiter ac immobiliter; vectibus tamen seu cuneis firmari potest, prout de t dictum fuit. Quo factò, rota D circumagitur rotam n . Quia verò rota n malo firmiter ac immobiliter est circumposita, ideo eâ mediante circumducetur etiam pars inferior mali, & motus navis longè tardior reddetur.

Septimò. Si cupio habere motum navis adhuc tardio-rem, solvo rotam D extractis vectibus seu cuneis. Quo factò, rota C circumagitur à rota y & z , & ab E rota F. G est rursus rota similis rotæ D, & t : quam si firmo in axe rotæ F, adhuc tardiùs circumducet rotam n , sicque navis motum adhuc tardio-rem reddet.

Octavò. Sicut supra rotam t , ubi signa **, catenulæ sunt affixæ cum uncis; & in ipsa rota t , ubi signa xx, annuli, ut dum dictæ rotæ usus non est necessarius, possit ea attolli in altum, & ex dictis uncis suspendi, nè apprehendat rotam W , eamque secum circumagat; ita etiam supra rotam D & G cogitandum est idem esse factum.

Nonò. Principium motus navis dependet ab octo alis H. Quæ quidem alæ in superiori parte mali non sunt affixæ firmiter, sed ita, ut sine mali motu possint sursum ac deorsum moveri. In superiore alarum parte, ubi K, sunt quinque breves ferrei dentes, totidemque foramina sunt in ipso malo per circuitum, quibus prædicti ferrei dentes possint intrudi. Quàm longi autem sunt prædicti dentes, tam longum spatium relinqui debet infra ubi L, ut si alæ demittantur, supra dictum spatium quiescant, & ferrei dentes è superioribus foraminibus eximantur.

M sunt quinque ferra, quæ in N firmiter infigi possunt. O sunt quinque fortes ferreæ aut chalybeæ pinnae, quæ retro quinque ferra M extrudunt, ac deprimunt. Ipsi verò malo inciduntur quinque foramina, dictis quinque ferreis similia, atque

atque aequalia, ut illis imponi possint. PP est annulus, qui complectitur & stringit quinq; dicta ferra, clauditurque in Q. R est ferra, quæ annulum PP in Q claudit, ferræ alligatus est funis S, transiens supra trochleam T, & descendens in V.

Sialas H jam expandere lubet, traho illas in altum funibus, ut si præ ferrei dentes K subingrediantur destinata foramina sua in malo; infra verò ferra MM compello intra sua quoq; foramina, & constringo illa annulo ferreo P, claudog; ferrâ R. Hac ratione alæ firmiter alligabuntur malo, & ventus malum per alas circumaget.

Si verò navim sistere volo, arrepto fune V, aperio seram R. Quo facto, pinna chalybeæ OO, ferra M retro depriment, annulus P aperietur, ferra M è foraminibus suis erumpent, alæ decident usq; in L, sicq; à malo liberabuntur.

Uterius alis alligati sunt duo funes in WW, & hi malo in XX, eo fine, ut si alæ liberæ sine mali circumactione verterentur, dicti funes malo circumplicarentur, alæq; cohererent, donec aliis funibus alligarentur.

Decimò. Quoniam per se satis notum est, qua ratione dictæ alæ sursum atq; deorsum trahendæ; nolo longiorem de ea re sermonem instituere.

ANNOTATIO.

Ingeniosa est hac Machina; sed meo iudicio plus laboris, ac fortassis etiam damni, quàm commodi secum asferret, si construeretur. Nam præterquàm quòd valido vento ingruente (quod frequens est in Oceano) facile frangeretur malus, quia alibi est dissectus, alibi perforatus; impetus venti omnem facultatem eriperet nautis ad alas elevandas ac deprimentas, ad figendos vectes seu cuneos ferreos suis locis, ad annulos ex uncis preparatis suspendendos. Adde, quòd in tanta rotarum multitudine facile est frangere aut destruere unam, aut alteram, & sic totam motus harmoniam destruere.

CAPUT VI.

Navicula, quæ ab uno solo homine agitari potest.

Vide Iconismum
XXIX.

*Navicula,
quæ ab uno
homine
agitur.*


HÆc est illa, cujus meminit Dominus Schroterus in Epistola Hallata suprà cap. 1. sub littera E. Declarationem sequentem ipsemet adjecit in schemate mihi transmissio.

A est navicula, superius undiq; tecta. Hæc in B intus per fundum ad modum semicirculi excinditur ab utroque latere interno, ut in ejusmodi semicircularibus scissuris pinnatæ rotæ E & F, è fundo prominentes, circumagi queant. Hæ tamen duæ scissuræ seu foramina ita denuo clauduntur, ut nec rotæ intra naviculam compareant, nec aqua intra eandem recipiantur.

In D est axis, qui totam naviculam transversim pervadit, habens adjunctas duas rotas striatas G & H. Supra hunc axem transversim dispositus est alius axis, adjunctas habens tres rotas I, L, K. Rotæ I & K apprehendunt dentibus suis rotas G & H, easque dum vertuntur, circumagunt. L verò rota est, cujus dentes non in circumferentia sunt, ut in duabus prioribus I & K, sed in plano seu è latere prominent, uti Figura monstrat. Hos dentes apprehendit transversa rotula M, instructa manubrio N. Quo manubrio dum vertitur rotula M, tota Machina movetur, navisque à rotis pinnatis E & F propellitur. Nam rotula M vertit rotas L, I, & K; rotæ I & K, rotas G & H, simulq; E & F, quæ remorum officio funguntur ac navim propellunt.

Hæ rotarum Machina includitur intra receptaculum C undique clausum, ut à vectoribus conspici nequeat. Solum, itaque manubrium N, rotulæ M, prominet è foramine P, receptaculi C: ubi unus solus homo sedens manubrium circumagit.

Ut verò motus è facilior ac celerior reddatur, fieri potest in
rece-





receptaculo C parvum loculamentum O, in quo loculamento circa manubrium N aptari potest rota volatilis (ein Schwingrad) quæ exterius non compareat. Potest & manubrium N fieri pro libitu longius, aut brevius.

ANNOTATIO.

Hæc navicula sine dubio optimum habebit effectum. Navigari eâ possunt fluvii angusti, qui remorum usum nullum admittunt. Unus solus homo sufficit ad illam propellendam, quantumvis vectoribus & mercibus onusta sit; modo sit qui temonem, ubi necessarium est, dirigat.

Hæc sunt quing. Machine, quas citatus suprâ Pranobilis & Ingeniosissimus Dominus Schroterus Lugduno Batavorum ad me misit: à quo dum hæc scribo, litteras accipio Londino Angliæ, datas die 30 Maji st. Vet. Anni præsentis 1662. quibus promittit se prope diem alia quadam curiosa & ingeniosa ex Angliâ missurum. Quæ ubi accepero, infrâ suo loco dabo.

CAPUT VII.

Navis Roterodamensis.

IN 3. Parte Magiæ Univæsalis lib. 5. Syntagm. 2. Pragmatia 15. Annotat. 2. mentionem feci navis cujusdam, qua infra aquam navigari posse putabatur; sed schema, quod tunc habebam, non apposui, ut sumtibus parcerem. Placet tamen id nunc apponere, ut navis constructio, quia ingeniosa est, tamen si successum, speratum non sortita, ad posterum transmittatur, occasionem fortassis ingeniosioribus præbitura ad perficiendum id, quod primus ejus Auctor perficere frustra tentavit.

Navis itaque forma est, quam præsens schema exhibet. Longitudo est pedum 72, altitudo 12, latitudo 8.

1. Est trabs principalis, per totam navis longitudinem currens, in qua principaliter vis & robur totius navis consistit, idq; ex utraq; navis parte, hoc est, antè, & retrò.

2. Est remus seu clavus & gubernaculum navis; regiturq; & agitur è posteriori ostiolo 8.

3. Est trabs cuneata, tam inferiùs, quàm superiùs plana.

4. Sunt duæ navis & trabis mediæ extremitates, ferreis vinculis armatæ, quibus vis à navi hostilibus navibus inferitur.

5. Sunt clavi ferrei cochleati, ut extrahi atq; retrudi, cùm opus fuerit, queant.

6. Est terminus, ad quem usq; navis aquæ immergitur ordinariè, nimirum usq; ad trabem mediam.

7. Est axis, à latere uno navis ad alterum transversim per navem currens, circa quem vertitur rota, quæ navim propellit.

8. Sunt duæ fenestellæ, seu foramina, ad attrahendum & emittendum spiritum, seu aërem.

9. Ambulacrum superius, per quod à latere uno ad alterum discurri per navem potest.

Rota pinnata, separatim depicta, disposita est intra navim, circa axem 7, inferiùsq; prominet intra aquam, & remorum officio fungitur, dum circumagitur hominum operâ.


Schema hoc, cùm Romæ essem, missum fuit è Belgio ad P. Athanasium Kircherum. Auctor ejus est Gallus quidam ingeniosus, qui Anno 1653. navim construxit Roderodami in Hollandia sumptibus suis propriis. Locutus sum cum diversis, qui navim constructam viderunt, pretio etiam soluto: neminem enim Auctor ad spectandum admittebat, nisi certum pretium solveret.

Eâ promittebat Auctor (ut citato etiam loco retuli) se velle destruere die uno centum naves hostiles, cùm interim sua neque ab igne, neque à tormentis bellicis, neque à ventis ac tempestatibus, neque ab ullis sinistris casibus quidquam pateretur, nisi id DEUS peculiari modo permitteret. Et licet naves hostiles intra portum conclusæ, ac probè custoditæ forent, spondebat ramen eas à sua non fore securas, seque nihilominus sine im-

pedi-

Iconismus

XXX . pag. 388.





pedimento cum ea accessurum. Licet etiam proditione quadam in hostium manus deveniret (aliter enim, quam proditione, impossibile judicabat ut interciperetur) à nemine tamen præterquam à se solo, & qui à se modum didicisset, eam dirigi posse, ideoque hosti prorsus inutilem futuram. Unde merito fulmen maris eam dici posse assererat. Tantam præterea ejus velocitatem futuram dicebat in mari, quanta vix avis ullius in aëre: adeo ut intra diem unum ex Hollandia in Galliam navigari, indeq; in Hollandiam renavigari; intra sex verò hebdomadas in Orientalem Indiam penetrari posset.

Hæc cum legissem, & audivissem Romæ, ingens me desiderium incescit, de navis eventu bono aut malo aliquid certius experiendi: assererat enim jam tum P. Kircherus, impossibile esse, ut successum haberet; & jam fama adventarat, eam mari commissam statim præ nimio pondere submersam fuisse. Quamprimum ergo ex Italia in Germaniam redii, atque Herbiopolim appuli; petivi ab Amplissimo hujus Urbis tunc Consule, Domino Michaële Schaupp, ut dignaretur per notos & familiares in Hollandia in eam rem inquirere. Fecit id libenter Vir Amplissimus, pro humanitate sua, & Amsterodamo per litteras intellexit, dictam navim nunquam fuisse mari commissam, utpote ab omnibus inutilem ad promissos effectus consequendos æstimatam.

Venit paulò post, cum hîc essem, navis Auctor huc ad Eminentissimum nostrum Principem & Electorem (ut citato etiam loco retuli) eique suam operam in rebus Machinariis obtulit. Et cum de variis machinamentis à se inventis magnificè se dilaudasset, nihil de navi sua dixit, utpote quâ exiguam sibi laudem acquisiverat. Asseruit autem inter alia, construxisse se tubospicillum, quo Lunam non solum cavernosam atque montosam, ut alii, sed alicubi prorsum pertusam ac perviam deprehendisset, adeo ut per patentia foramina cœlum ipsum ac stellas perspexisset. Risit Princeps sagacissimus hominis jactantiam, jussitque collegium nostrum accederet, & cum Viris doctis de inventionibus suis tam egregiis confer-

ret: at deprehensum se animadvertens, neque ad istos venit, neque ad Eminentissimum Electorem rediit.

CAPUT VIII.

Navis Drebellii, Mersenni, & Melitenensis, quibus sub aqua navigari possit.

§. I. De navi Drebellii,

Navis Drebellii sub aquis navigans.

Cornelius Drebellius, ingeniosus Belga, inter alia multa ingeniosissima inventa, naviculam in Anglia construxisse dicitur, quæ sub aquis natabat. Occasionem ad id excogitandum refert *Dn. Georgius Philippus Harsdorfferus* in *Deliciis Mathematic.* tom. 1. part. 13. quæst. 8. ubi ait, se à quodam Drebellii amico, Viro fide dignissimo intellexisse, cum dictus Drebellius die quodam propelittus Tamisis Angliæ fluvii obambulet, videretque nautas aliquas in dicto fluvio navigantes trahere naviculis suis alligatas perforatas cistas, piscibus repletas, quæ naviculas non nihil intra aquas deprimebant, & dum solvebantur, eadem naviculæ non nihil ex aquis emergebant, eum in hanc venisse cogitationem, ut crederet, ejusmodi cistarum ope posse navim ita infra aquam fluminis demergi, in eaque librari, ut remis & contis propelli posset. Addit Harsdorfferus, duas ejusmodi naviculas, diversæ magnitudinis, undique clausas, è corio pinguefacto constructas in Anglia, in earumque una ipsum Angliæ Regem in Tamisi navigasse. Eundem Regem earum unam Magno Moscoviæ Duci dono misisse, velut rem raram, & antea invisam.

§. II. De navi Mersenni.

Navis Mersenni phantastica.

DE similibus navibus loquens *Marinus Mersennus* in *Phænomenis Hydraulicis* Proposit. 49. Corollario 2. ait, eas diversis modis fieri posse. *Primò* quidem, si navis, cum omnibus quæ complectitur, ejusdem cum aqua ponderis efficiatur, ut in quovis sub aqua loco maneat: quod tamen vix aut nè vix quidem ullus faciat,

faciat, ut ipsemet bene advenit, & nos quoque supra Cap. 1. hujus libri notavimus. *Secundo*, si paulò gravior reddatur quàm æqualis molis aqua est, ut ad fundum usque demergatur, si fuerit opus, ibique subsistat, donec remorum & uncorum ope collecta sint quæ perdita fuerant, & alia peragantur ob quæ navis constructa fuit.

Addit Mersennus, quoties nauta redire voluerit ad aquæ superficiem, illud remorum ope, vel etiam sufficienti navis exoneratione perficere debere. Clarum autem esse, navim undique clausam esse oportere, nè vel aquæ guttula in eam ingreditur; atque adeo remos, quorum manubria intus sint, exterius ita corio impicato inferendos, ut tamen facilè moveri possint. Fenestras quoque ex cornu, vitro, crystallo, lapide speculari, aut alio diaphano construere debere, ut quæcunque vel in fundo maris, vel in medio sunt, clarè videantur. Ad aërem porrò antiquum, nè corrumpatur intus ob vapores & halitus, emittendum, novumque identidem intromittendum, fieri debere longos canales seu tubos coriacios, ultra superficiem aquæ protensos, nè aqua per eos ingreditur.

Idem *Mersennus* in Opusculis Mathematicis lib. 2. de Arte navigandi, post Tractatum de Magnete, fusè alium docet modum, construendi navem sub aquis natantem; qui tamen modus, ut dixi 3. Parte Magiæ Lib. 5. Syntagm. 2. Proposit. 15. Viris doctis adeo impossibilis, imò & ridiculus videtur, ut dubitari possit, utrum Vir alioquin doctissimus seriò loquatur. Certè Romæ ea navis non alio quàm phantasticæ navis nomine audit; & ego ibidem aliquoties in congressu Virorum doctorum audiivi, cum rem aliquam ingeniosè quidem excogitatam, at factu difficilem aut impossibilem vellent significare, eos dicere esse instar navis Mersenni. Totum ejus artificium ego ex citato Mersenni Opusculo descripsi compendiò in citato Magiæ loco.

§. III. De navì Melitensi.

Ciratus paulò antè *Harsdorfferus* Propos. 9. refert, in Melita Insula Equitem quendam Melitensem Ordinis S. Joannis construxisse aliquando navim, qua sine remis & velis navigari in Oceano

Navis Melitensis, sine remis & velis.

ceano

ceano posset; non tamen infra aquam, sed ut fieri assolet, in navis superficie. Fecerat is duas rotas pinnatas, quæ extra navis latera prominebant, & ex parte aquis immersæ erant, ut in moletrinis fieri assolet. Intus ad latera navis intrinseca, erant aliæ duæ rotæ, communem cum præcedentibus axem habentes; quæ à duobus viris intus ambulantes, & rotam calcantibus vertebantur. His enim versis, vertebantur & rotæ extrinseca, & navis propellebatur: dictæ enim rotæ remorum officio fungebantur. Absolutâ numeris omnibus navi, egressus fuit feliciter è portu, non sine magna omnium admiratione, & applausu. At cum in aperto Mari Mediterraneo ventus validior è regione proræ ortus, navim impulisset, & fluctus in altum extulisset, rotasq; cum impetu retrò egisset; regredi coactus fuit, & portum repetere; quem non sine periculo tandem post ingentes labores ingressus est, & post ea tempora antiquo navigandi artificio contentus fuit.

ANNOTATIO.

De navi Antuerpiana cum velo infra aquam.

Navis Antuerpiana, cum velo infra aquam.

IN mentem hic venit navis illa Antuerpiana à quodam Germano excogitata, quæ velo infra aquam depresso, & aquâ, non vento imprægnato, in Scaldi fluvio, ad pontem navalem Alexandri Farnesii Antuerpiam obsidentis subruendum rectâ progrediebatur. Artificium P. Famianus Strada lib 6. Decadis 2. de Bello Belgico, sic describit: Aptavit ille ad prora latera sub aquis prægrandi linteum, instar navalium velorum: quod expansum pariter sub aquas, velut explicatum recte seu nassa, prætendebatur navi: tum subter carinam deductum paulatim contrahabatur, donec sub medium puppis hinc atq; hinc alligaretur. Sic velorum usum Germanus invertit: consideravitq; quemadmodum illa vento plena navem impellunt, ita posse ab iisdem, si aquâ implerentur, navem incitari, & (quod is maxime quarebat) rectâ deferri. Namque immisso in medium Scaldis alvum navigio, necesse erat ut velum implente

implente aquâ extensum ante navem, non solum eam pertraheret secum tanto violentius, quanto rapidius in medio fertur annis, præsertim ab aestu relabentis Oceani concitatus; sed etiam eandem contineret, ne qua venti aspiratione è medio cursu transversa abriperetur. Quippe ventus, qui summo in anne spirans inflectere in partes navem solet, non eas utiq; vires habiturus erat in depressiorem aquam sarbaso inclusam, à qua, præter fluminis cursum, ac maris aestum, navis ceu remulco, attrahebatur. Huic autem rapidissima incitationi speravit ille nullam omnino molem, quantalibet stantem firmitate, adeo suffecturam, ut non ad eum pulsus arietis quatefacta, momento collaberetur &c. Quod & factum. Nam cum aliarum navium una, quæ illam comitabantur, securibus armata in cuspidatum incidens munimentum ponti præstructum, sectâ objectarum trabium malorumq; compage, molem aperuisset; ea quæ in versis agebatur velis, nullis teneri harpagonibus, uncisvè potuit, quin præ rapido in pontem cursu per apertam fracta molis viam, rectâ invehetur, ac navium unam à militibus paulisper subductam offendens, inevitabili illam concussu frangeret, obrueretque.

CAPUT IX.

Cacabus aquaticus, & aquatica Lorica, qua quis tectus sub aquis ambulet.

§. I. Cacabus aquaticus.

SI plebeculæ ignoranti proponeretur (*inquit Ioannes Taisne-
rus Opusculode Motu celerrimo*) aliquem posse in mediis undis & fluctibus ad fundum Rheni descendere siccis vestibus, nec madidâ minimâ corporis parte, ac etiam ignem vivum ex aquæ fundo secum deferre; ridiculosum omnino videretur, & impossibile: quod nihilominus Anno 1538 in Hispaniæ oppido Toledo &c. coram piæ memoriæ Carolo V. Imperatore, cum decem propemodum millibus hominum experientiâ vidi. Experientiam

*Cacabus
aquaticus.
Vide Ico-
nis. XXXI.*

Ddd fece-

fecerunt duo Græci, qui (ut idem ait) *cacabo* magna amplitudinis accepto, orificio inverso, funibus in aëre pendente, trabem & asseres in medio concavi *cacabi* affigunt, quibus se cum igne reciperent; plumbis circumferentiam *cacabi* circumquaque equaliter & ejusdem ponderis ad æquilibrium firmant, nè scilicet demisso in aquas *cacabo*, aliqua pars circumferentia orificii *cacabi* citius aut fortius aquas tangeret: quia tunc facile esset, aquam aërem in *cacabo* inclusum vincere, & in humores liquidos resolvere. Si vero debitâ proportionem lentè in aquas sic paratus *cacabus* demittatur, aër in *cacabo* inclusus (aquâ resistente) locum sibi facit & violenter. Sic inclusi homines ibi, & in mediis aquis tantisper sicci remanent, donec successu temporis aër ibidem inclusus sæpe reiteratâ aspiratione debilitetur, & tandem in humores resolvatur grossiores, aquæ humiditate majori consumptus. Sed si tempore *cacabus* lentè extrahatur, remanent sicci homines, & illæsus ignis; quod sic facile probari potest, & naturaliter.

Accipiat *cyathus vitreus* alicujus quantitatis, cujus orificii circumferentia latior sit peripheriâ fundi; & in eodem orificio affigatur parvus stipes, filo à superiori loco adjuncto, & huic stipiti candela parva cerea affigatur, cujus lumen ad medium *cyathi* perveniat, nè nimia aqua humiditas propinqua, candelam suffocet. Deinde proportionaliter injiciatur *cyathus* cum ardente candela in vas plenum aquâ, & demum lentè & proportionaliter *cyathus* extrahatur, ita tamen nè orificii circumferentia *cyathi* aliqua pars prius eripiatur, aut obliquè extrahatur; remanebit viva ut prius candela. Hæc Taisnerus.

§. II. Lorica aquatica.

Lorica aquatica.

Vide Iconis. XXXI. Fig. I.

Valde imperfecta est hæc Taisneri ratio. Longè melior est alia illa, quam ex Francisco Köslero proponit Daniel Schuvenetus in Deliciis Mathematic. Parte 12. Prop. 15. ubi jubet fieri ex corio bovino bene elaborato loricam ad instar campanæ, aut cuppæ lati orificii, & angusti fundi, qualem præsens ostendit Figura; in qua fundus est clausus, & infra fundum sunt duæ fenestellæ stellaræ, vitris munitæ contra ingressum aquæ.

Ante







Fig. I.



Antequam verò confuatur ex dicto corio lorica, debet corium bene perungi, ut non solum aqua, sed nec aer ullatenus penetrare queat, sequenti unguento. Accipe ceræ libras 3, terebynthinæ Venetæ libram 1, vernicis optimæ scriniariorum uncias 4. Pone intra ollam supra lentum ignem, ut omnia bene dissolvantur. Unge hoc unguento corium in calido hypocausto, aut in sole, tam diu, donec nihil unguenti amplius imbibat corium. Ulterius liquefac separatim picem, terebynthinam, & parum ceræ; liquefactæ huic misturæ intinge stupam canabinam, aut lineam; eâ obtura diligenter futuras omnes. Foraminibus seu fenestellis stellatis oppande spicillorum vitra, annulis aut tubulis ligneis inserta, usque paulò antè dictâ aut simili misturâ diligenter & firmiter adglutinata, & clavicularum aut aliâ ratione lorice unâ cum annulis affixa.

*Unguentum
pro corio
ungendo,
ne aqua pe-
netret.*

His ita preparatis, accipe duos circos bene firmos, ferreum unum, æqualis amplitudinis cum interiori & apertâ circumferentiâ coriaceæ lorice; alterum quercinum tantæ circiter amplitudinis, quantæ est pars ferè media dictæ lorice pedibus tribus cum dimidio, aut quatuor, ab inferiori limbo distans. Hos duos circos colliga inter se quatuor validis baculis, uti ex secunda Figura apparet. Superiori circo alliga quatuor coriacea cingula, quibus se homo intra lorica latens possit arctè aut laxè cingere, prout necessitas postulaverit. Hi circuli cum bacillis & cingulis ita præparati, intra ipsam aquaticam lorica dispositi, firmiter affiguntur, & alligantur.

*Vide Ico-
nismum
XXXI.
Fig. II.*

Qui lorica pneumaticâ hoc pacto constructa uti vult, necessè est, ut suum ipsius pondus prius exploret. Ponderet is E. G. centenarium unum cum dimidio, seu libras 150. Tanti ponderis plumbum, aut lapides, aliudvè corpus grave, inferiori circo per circuitum alliget necessè est, & lorica sic oneratam supra aquam collocet, & tantum præterea ponderis addat, aut demat, donec lorica penitus ferè deprimatur infra aquam. Quod dum fieri deprehendit, demat pondus suo corpori æquale, subeatque lorica, & cingulis quatuor infra crura & coxendices reductis cingat & liget se quàm optimè, & manu teneat globum plumbeum è fune alligatum, librarum 10, aut 12, aut 14 cir-

citer, seq; ita vestitum ac cinctum aquis imponi curet (loricâ ad angulos rectos aquis insistente) ac fundum petat.

Poterit hac ratione per fundum ambulare, videndo, legendo, scribendo, litteras infra aquam ferendo, aliaq; similia præstando. Nè tamen inclusus aër noceat, obturet aures obturamentis è gossipio & cera confectis. Madefaciet pedes, & crura aliquò usque, at non vestes. Ratio est, quia aër intra loricam inclusus impedit, quò minùs aqua subingrediatur. Ad eum modum, quo si quis vas quodcunque longiusculum inversum immergit aquis ad perpendiculum, & non obliquè aut inclinatum in latus; aqua inferiùs non ingreditur.

Si ex operculo loricæ prædictæ egrederetur tubus coriaceus, qui ad aquæ superficiem usq; pertingens terminaretur intra utrem superiùs apertum, & aquæ incumbentem; posset inclusus homo semper novum aërem haurire. Ingenium & experientia suggeret plura.

ANNOTATIO.

Poloni cujusdam strategema ad Smolenskum.

*Stratagemæ
Poloni cu-
jusdam.*

Occurrit hic memoria, quod à Polono quodam factitatum aliquando audiui. Obsidebant arctè Moschovita Smolenskum, quod in Polonorum potestate tunc erat, omnesq; vias & aditus custodiverant, nè quis nuntius ab adversariis intrmitteretur. Erat campus circa urbem frequentibus frutetis è terra natis conspersus. Polonorum unus, ut cum mandatis aut litteris penetraret in urbem, hunc excogitavit astum. Casulam è frutetis construxit, quæ sufficeret ad unius hominis erecti atq; ambulantis corpus contegendum. Hanc subiit, & brachiis capiteq; sublevando nonnihil è terra, incedere cepit, & hostilibus castris appropinquavit; ac noctu ambulans, interdum quiescens, tandem in urbem penetravit.

CAPUT X.

Planetologium Rheitanum novum.

R. F. Antonius Maria Schyrleus de Rheita, Ordinis Capucini-^{Planetolo-}
 norum, Vir tam Religiosus ac Modestus, quàm Doctus, & ^{gium Rhei-}
 longiori vitâ dignus (obiit enim ante biennium circiter in Italia, ^{tanum.}
 cùm hinc à nobis in illam Regionem negotiorum causâ fuisset
 profectus) in lib. 4. Oculi Enoch & Eliæ (sic vocat Opus præcla-
 rum, quod de Astronomia scripsit) capite ultimo, describit sche-
 mate & oratione Machinam, quam Planetologium noviter à se
 inventum appellat, quo omnium Planetarum tam veri, quàm
 medi motus, stationes, retrocessiones, & directiones, sine Epi-
 cyclis & Æquantibus, paucis rotulis, cochleis, & trochleis, ex-
 actissimè, & jucundissimè exhiberi queunt. In hujus Machinæ
 descriptione, & explicatione, Auctor remittit passim Lectorem
 ad schemata & explicationes variis in locis toto Opere præmis-
 sas: unde non nisi multarum rerum lectione, & magno tempo-
 ris dispendio, etiam à rerum Astronomicarum peritis intelligi
 potest ejus constructio, & usus. Gratum ergo me facturum ex-
 istimavi ejusmodi rerum ac machinarum amatoribus, præfer-
 tim minùs exercitatis, si quàm possem brevissimè simul & claris-
 simè totius Machinæ constructionem, juxta Auctoris doctrinam
 de Planetarum motu in dicto suo Opere traditam, ob oculos po-
 nerem. Dabo ergo priùs Machinæ schema, & summariam ex-
 plicationem: secundò præcipuarum partium proportionem,
 præcipuè rotarum & trochlearum: tertiò planisphæricorum ad
 eam necessariorum fabricam.

§. I. Schema Planetologii, ejusq; summa-
 ria explicatio.

Planetologium vocat Auctor hanc Machinam, quòd sit o-^{Vide Ico-}
 mnium planetarum velut horologium, utpote singulorum ve-^{nismum}
 ros motus perpetuò & exactè indicans.^{XXXII.}

Hujus Machinæ facies externa habet tria plana circularia, ^{Planetologiæ}
^{schemata.}

in varios circulos , planetarum & zodiaci signa , ac numeros distincta.

Planum inferius, numero 1. signatum , exhibet circulos trium planetarum, nimirum Solis, Veneris, & Mercurii; eorumque motus ostendit tribus indicibus, ex tribus diversis centris, ut dicetur, prodeuntibus,

Planum superius, numero 2. notatum, continet circulos aliorum trium planetarum, nempe Saturni, Jovis, & Martis; eorumque revolutiones ac motus indicat aliis tribus indicibus, ex diversis eisdem centris prodeuntibus.

Planum medium, numero 4. notatum, est simplex sphaera horaria, in duodecim aequales partes, seu in duodecim horas distincta; quas horas percurrit atq; ostendit index *q*.

In inferiore interno Machinae plano est aliud planum rotundum, numero 3. notatum, deputatum motibus Lunae exhibendis.

Internarum partium explicatio, quae sunt rotulae, cochleae, trochleae, axes, catenulae, aliaque similia, patebit ex dicendis §. sequenti.

§. II. Nomina, dispositio, proportio, usus internarum partium Planetologii.

I.


Planetologiae partes.

Rota *A* est diversis haustribus in circuitu instructa. Convertitur pondere aquae aut arenae *Ic* è superiori vase sufficientis capacitatis delabente supra rotam, & inde intra subiectum vas aliud; perficitq; unum integrum gyrum spatio unius minuti horarii praecise.

2. Hæc cum sui axis cochlea *b a* conversa, movet atq; convertit rotam dentatam *B*, dentibus 15 instructam, spatio 15 minorum horariorum, seu unius quadrantis horae.

3. Hujus iterum cochlea *BC*, convertit rotam *C* sibi infixam, habentem dentes 24, spatio 6 horarum. Nam quando rota *B* perficit unum gyrum, in rota *C* promovetur unus dens; & quando *B* quatuor perficit gyros (quod fit intra unius horae spatium) rota *C* quatuor dentes promovet: unde ut omnes 24 dentes
rotæ





rotæ C promoveantur semel, rota B debet viginti quatuor gyros perficere; quod fit spatio sex horarum.

4. Hæc rota C, suâ cochlea s , vertit rotam D, dentibus 20 præditam, spatio 5 dierum. Nam rota C singulis gyris suis promouet unum dentem rotæ D; & quatuor gyris quatuor dentes (quod fit spatio unius diei, seu viginti quatuor horarum) unde ut omnes 20 dentes semel promoveantur, requiruntur gyri viginti rotæ C, id est, dies quinque.

5. Rotæ D cochlea n , convertit rotam E, habentem dentes 73. Unde hæc rota E convertitur semel tota spatio dierum, 365, quanta est conversio annua Solis; unde & ab Auctore vocatur rota conversionis annuæ Solis. Requiruntur autem præciè dies 365 ad unam integram conversionem huius rotæ E, quia singulis quinq; diebus promouetur unus dens: ergo ut omnes dentes semel promoveantur, requiruntur dies 365; qui numerus resultat, si 5 ducantur in 73.

6. Iterum jam dicta cochlea n gyrat rotam φ , & trochleam φO , eidem axi infixas. Rota φ prædita est 45 dentibus, & spatio 225 ferè dierum semel tota revolvitur. Nam ad unum integrum gyrum cochleæ n , & consequenter ad promotionem unius dentis rotæ φ , requiruntur 5 dies; ergo ad promotionem 45 dentium, atq; adeo ad conversionem totius rotæ φ , requiruntur dies 225; qui numerus resultat, si 5 ducantur in 45.

7. Cùm autem eidem axi, cui infixæ sunt rota φ , & trochlea φO ; necesse est, ut motâ illâ, & hæc moveatur, eodemq; spatio quo illa, gyrum suum perficiat, nimirum spatio 225 ferè dierum.

8. Conversâ autem hac trochleâ φO , convertitur & superior φg , idq; eodem temporis spatio. Conversâ trochleâ φg , convertitur axis cavus g Veneris, cui est trochlea infixæ; & cum axe convertitur Index Veneris in planisphærio externo signato numero 1. Quomodo autem constructus sit dictus axis cavus g , patebit ex sequentibus.

9. Per canalem seu cavum axem φg , trajicitur alius axis M similiter cavus, qui movetur & circumagitur à rota Solis dentata E.

10. Et deniq; iterum per hunc jam dictum Solis axem M, transmittitur axis rotæ dentatæ Mercurii F, motæ à rota dentata Lunæ G: quæ rota G cùm habeat 20 dentes, & spatio $27\frac{1}{2}$ dierum vertatur semel; rota autem Mercurii F debeat circumagere spatio 87 dierum; necesse est, ut hæc rota F habeat 63 dentes.

Itaq; tres prædicti axes, Solis, Veneris, & Mercurii, per tria diversa centra debent emitti in faciem externam planisphærii numero 1 signati; & quidem secundum excentricitates Auctoris, quas infra dabimus.

11. Insuper cochlea π duabus sibi affixis trochleis infernè, scilicet d D, & e , promover binas trochleas è regione positas, scilicet d D, & V: quarum hæc quidem axem DD Lunæ menstruè rotat, indies verò 13 gradibus & 10' proficit, & per cavum axem, axis motus centri Excentrici Lunæ, cui trochlea V est affixa, traductus movet indicem V γ medii motus lunaris.

12. Cæterùm trochlea d D habet se ad trochleam d D ut 5 ad $27\frac{1}{2}$. Altera verò e , est ad trochleam motus apogæi seu centri Excentrici Lunæ V, ut 5 ad 3600. Cùmque jam dicta trochlea respectu prioris foret nimis ampla, hinc oporteret inter utramq; aut alias adhuc proportionales & medias fabricare, aut certè potius hujus Excentrici lunaris centri motum rotæ & axi annuo Solis g , m , R, vel melius Jovis R V promovendum alligare, ut se ad invicem haberent earum rotarum semidiametri, ut 1. ad 10. Cùm enim indies centrum sæpe dictum Excentrici Lunæ proficiat 6'. 30". circiter in consequentia; consequens est, totam revolutionem vix in 10. annis absolvi, Solis e contra uno tantum; Ergo iusta erit quasi proportio dicta. Proportio verò trochleæ motus centri Excentrici Lunæ ad trochleam Jovis V, aut R, esset ut 3600 ad 4330; quæ foret magis ad propositum.

13. Axis autem annuus LMR g , solaris rotæ E, sibi adhuc tres trochleolas affixas habet, scilicet L, R, & M: quarum M promover Solis trochleam superiorem Q, per catenulam s lp , (cùm Solis motus etiam in superiorum Planetarum planisphærio 2 omnino necessarius sit) suntq; hæc duæ trochleæ, nempe M

pe M & Q, æqualis magnitudinis & proportionis. Trochlea autem R inferior, trahens superiorem Martis P, per catenulam R & N, se habet ad P, ut 365 ad 686.

14. Trochlea L annua Solis trahit aliam superiorem N, secundum catenulam L y m. Cumq; hæc singulis octo tantum annis semel revolvatur; erit ea ad inferiorem annuam ut 2920 ad 395, aut ut 1. ad 8.

15. Jam dicta trochlea N octennalis, axi suo NVT adhuc alias duas affixas rotat, scilicet V, & T. Et quidem trochlea T trahit trochleam Saturni S, cum sibi affixo axe cavo; habetq; se ad illam ut 2920 ad 10747: tot enim dierum spatio utraq; revolvitur.

16. Denique trochlea V habet proportionem ad trochleam Jovis R sibi superiorem, ut 2920 ad 4330: estque jam dicta Jovis trochlea R pariter suo proprio canali seu axi cavo affixa, ut Saturni; ita ut Martis axis per utriusque axem eductus, suum indicem in extrema Planetologii facie promovere sine impedimento queat. Et verò quemadmodum inferiorum Planetarum indices, qui sunt in planisphærio signato numero 1, ex diversis centris dirigi oportere suprâ num. 8. 9. & 10. insinuavimus; ita & hîc fieri omnino necesse est. Igitur tres sunt canales seu axes cavati, Saturni S, Jovis R, Solis Q; qui ita sibi invicem junguntur, ut nullus alterum in revolutione impediat. Hoc autem qua ratione fieri debeat, proprium ingenium faciliè distabit.

§. III. Synopsis dictorum de proportionem rotarum & trochlearum.

- A.** singulis horæ minutis volvitur. Habet haustra plurima. *Planetologii partium synopsis.*
B. singulis quadrantibus horæ volvitur, Habet dentes 15.
C. spatio 6. horarum volvitur. Continet dentes 24.
D. spatio 5. dierum volvitur. Habet dentes 20.
E. singulis annis volvitur. Continet dentes 73.
F. diebus 87. volvitur. Habet dentes 63.

Ecc

G. die-

G. diebus $27\frac{1}{2}$ volvitur. Continet dentes 20.

♀. diebus 225 volvitur. Habet dentes 45.

L. diebus 365 volvitur. Habet se ad rotam N, ut 365 ad 2920, vel ut 1. ad 8.

M. & Q. volvuntur diebus 365; suntq; sibi æquales.

N. diebus 2920 volvitur. Habet se ad L, ut 2920 ad 365, vel ut 8. ad 1.

P. diebus 686 volvitur. Habet se ad R. inferiorem, ut 686 ad 365.

V. diebus 2920 volvitur. Habet se ad R. superiorem, ut 2190 ad 4330.

T. diebus 2920 volvitur. Est ad S, ut 2920 ad 10747.

b & f diebus 12. volvuntur. Sunt inter se æquales.

R. superior diebus 4330 volvitur. Est ad V, ut 4330 ad 2920.

S. diebus 10747 volvitur. Est ad T, ut 10747, ad 2920.

D d diebus 5 volvitur. Est ad d, ut 5 ad $27\frac{1}{2}$.

e diebus 5 volvitur. Est ad v, ut 5 ad 3600.

Quòd sit trochleam e motui Jovis alligares, ita ut ab ejus rotis moveretur, tunc deberet semidiameter hujus, ad illius semidiameterum assumi, ut 3600 ad 4330. Quæ proportio motui centri Excentrici Lunæ magis conveniret. Hæc & his similia supplere poterit ingenium Lectoris.

§. IV. Quæ requirantur ad constructionem planisphæriorum Planetologii.

*Planetologi
gii plani-
sphæria.*

HAftenus nomina, ordinem, proportionem, aliaq; similia ad partes Planetologiæ externas & internas pertinentes dedimus; nunc præcipuarum partium fabricam breviter explicabimus. Incipimus à planisphæriis, quæ sunt in externa Machinæ facie, in qua duo planisphæria, numeris 1. & 2. notata. Superius, notatum numero 2, continet circulos trium superiorum Planetarum, qui sunt Saturnus, Jupiter, & Mars. Inferius, numero 1. notatum, continet circulos Solis, Veneris, & Mercurii.

Ad describendos in plano circulos Planetarum, oportet scire sex. Primò loca apogæorum orbium seu circulorum, dictorum plane-

planetarum: secundo, eorundem planetarum motum medium in dictis suis orbibus seu circulis; tertio, excentricitates veras dictorum orbium seu circulorum: quarto, amplitudines eorum respectu eclipticæ seu orbitæ Solis: quinto, loca & motus nodorum quoad latitudines: sexto tandem, cuiusq; planetæ motum medium in suo orbe seu circulo.

Circa hæc omnia ingens est inter Auctores controversia. Nos quia describimus Planetologium Rheitanum, dabimus illa ex opinione Antonii Rheitæ Auctoris Machinæ, qui ab aliis valde discrepat. Quæ autem dicimus, poterit quilibet applicare aliorum sententiis.

Apogæa omnium Planetarum.

Apogæorum loca & radices dictorum trium planetarum, *Planetarum* in Zodiaco, statuit dictus Auctor ad initium anni 1642 ut *apogæa.* sequitur.

	Grad.	Min.	
Saturni in	26.	53.	Sagittarii.
Jovis in	7.	26.	Libræ.
Martis in	29.	49.	Leonis.
Veneris in	2.	24.	Cancr. Vel secundum a-
lios, & verius in	2.	0.	Aquarii.
Mercurii in	14.	6.	Sagittarii.
Solis in	6.	29.	Cancr.

Motus apogæorum prædictorum.

Motus porro prædictorum apogæorum in Zodiaco, secundum signorum successionem hic est.

Diurnus						Revolutio integra in diebus
☉.	11'.	20".	vel secundum alios,			365.
			11 ^{'''} .	5 ^{'''} .		
♄.	0.	0.	12 ^{'''} .	53 ^{'''} .	18 ^v .	10747.
♅.	0.	0.	9 ^{'''} .	53 ^{'''} .	41 ^v .	4330.
♆.	0.	0.	13 ^{'''} .	9 ^{'''} .	51 ^v .	686.
♇.	0.	0.	14 ^{'''} .	5 ^{'''} .	59 ^v .	224.
♈.	0.	0.	18 ^{'''} .	51 ^{'''} .	36.	87.
♉.	6'.	30".	3 ^{'''} .	vel secundum		29½.
♊.	6'.	39".	9 ^{'''} .			

Excentricitas Orbium planetarum.

Planetarum
excentrici-
tas.

Quoad excentricitatem Orbium seu circulorum planetarum (hoc est, quoad distantiam centri dictorum Orbium seu circulorum à centro Universi) variat Rheita: aliam enim exhibet pag. 131. aliam pag. 136. Ultimo loco ponit sequentem in partibus, qualium semidiameter sphaerae Solis est 10000.

☉	3	6	5.
♄			5 0.
♅	1	0	0 0 0.
♆	3	8	2 0.
♇	3	0	0 0.
♈	2	2	4.
♉	6	7	2.

Amplitudines Orbium planetarum.

Planetario-
rum or-
bium am-
plitudines.

Quoad amplitudines Orbium seu circulorum planetarum, hoc est, quoad magnitudinem semidiametri singulorum excentris

tris suis descriptorum, variat quoq; Auctor. Pagina 136. ponit sequentes amplitudines.

♄.	9 9 3 0 4.
♅.	5 3 9 9 5.
♆.	1 5 1 8 3.
♁.	1 0 0 0 0.
♂.	7 1 9 3.
♁.	3 5 7 3.
♂.	

Itaque qualium partium semidiameter sphaeræ Solis est 10000, tales partes semidiameter sphaeræ Saturni habet 99304, Jovis 53995 &c.

Loca & motus nodorum planetarum.

Circuli planetarum reliquorum interfecant circulum Solis, seu eclipticam, in duobus punctis, & pars una vergit in Boream, altera in Austrum. Puncta harum intersectionum vocantur nodi. Hi non sunt stabiles in omnibus planetis, sed successu temporis variantur. Auctor ait, loca dictorum nodorum Anno 1645 fuisse ut sequitur.

	Gr.	Min.	Sec.	
♄.	21.	49.	59.	Canceri.
♅.	5.	28.	25.	Canceri.
♆.	17.	17.	13.	Tauri.
♂.	13.	35.	15.	Geminorum.
♁.	13.	27.	53.	Tauri.

♂. nodi sunt singulis mensibus in aliis locis.

Moventur autem hi nodi indies in consequentia signorum. Saturni nodorum motus diurnus est 11^{''}. 24^{'''}. Jovis nodus manet perpetuò fixus in grad. 5. min. 31. Canceri. Martis nodorum motus diurnus est 6^{''}. 34^{'''}. Veneris 6^{''}. 26^{'''}. Mercurii 2^{''}. 14^{'''}. Lunæ 3^{''}. 10^{'''}.

*Planetarum
motus me-
dius.*

Latitudo autem nodorum est, in Saturno 2°. 26'. in Jove 1°. 36'. in Marte 1°. 50'. in Venere 3°. 30'. in Mercurio 6°. 16'. in Luna 5°.

Motus medius planetarum.

	Gr.	Min.	Sec.	Ter.	Quar.
♄.	0.	2.	0.	35.	22.
♅.	0.	4.	59.	15.	54.
♆.	0.	31.	26.	39.	28.
♁.	0.	59.	8.	18.	0.
♂.	1.	35.	7.	45.	14.
♂.	4.	5.	52.	15.	53.
♃.	13.	10.	26.	41.	27.

	Menstruus.			Annuus.		
	Sig.	Gr.	Min.	Sig.	Grad.	Min.
♄.	0.	1.	2.	0.	12.	13.
♅.	0.	2.	29.	1.	0.	20.
♆.	0.	15.	43.	6.	11.	17.
♁.	1.	—	—	12.	0.	0.
♂.	1.	18.	3.	7.	14.	46.
♂.	4.	2.	26.	1.	23.	41.
♃.	12.	5.	42.	varius.		

§. V. Constructio planisphæriorum Planetologii.

*Planisphæ-
riorum
planetarum
constructio.*

EX dictis præcedenti §. facile patet, qua ratione construenda sint duo exteriora Planetologii planisphæria, inferius nimirum num. 1. signatum, & superius signatum num. 2. Auctor remittit Lectorem ad dicta à se in Lib. 3. cap. 1. & 2. ubi illa construere docet, at valde intricatè. Ego ex ejus doctrina, & ex dictis præcedenti §. ita illa construo. Ac primò quidem inferius, in quo est Orbita Solis, Veneris, & Mercurii, sic.



Fig. I.





Fig. II.



II. In plano aliquo competentis, & exteriori faciei Planetologii proportionatæ magnitudinis, elige centrum A pro centro Universi, atque ex illo, intervallo AB ad libitum assumpto, describe eclipticam primi mobilis, seu cœli stellarum fixarum, BOGP; eamq; divide primò in duo æqualia segmenta diametro OP; deinde in 360 partes æquales, ac duodecim signa Zodiaci, initio factò à puncto P, versùs B.

Vid. Iconismum
XXXIII.

II. Quære in hoc Zodiaco locum apogæi Solis, nimirum grad. 6. min. 29. Cancrì, & ex centro A duc rectam AB.)

III. In hac linea, ab A usque ad C, abscinde excentricitatem Orbis Solis, quam præcedente §. determinavimus esse partium 360, qualium semidiameter sphaeræ Solis est 10000. Deinde centro C, intervallo 10000 partium, qualium AC est 365, describe circulum Solis CHI; eumque divide primò bifariam per lineam HCI; deinde in 360 partes, ac 12 signa, initio factò ab I versùs B.

IV. Quære in Zodiaco exteriori locum apogæi Veneris, quem diximus esse grad. 2. Aquarii, & duc lineam AE. In hac linea abscinde particulas 224, qualium radius seu semidiameter Orbitæ Solis est 10000, pro excentricitate Veneris; & ex D velut centro, intervallo 7193 partium, qualium radius Orbitæ Solis est 10000, describe alium circulum DKL, eumque divide in gradus & signa Zodiaci ut antea, initio factò ab L versùs B.

V. Quære in Zodiaco exteriori locum apogæi Mercurii, qui est grad. 14. min. 6. Sagittarii; & duc rectam AG; in eaque abscinde portionem AF pro excentricitate Mercurii; & ab F, intervallo partium 3573 (quot partium est amplitudo Orbis Mercurii) describe circulum AMN; eumq; divide ut antea, initio factò ab N versùs B.

VI. Hæc est descriptio atq; constructio planisphaerii inferioris. Simili modo constructur superius, quod continet, præter Orbitam Solis, Orbitam Saturni, Jovis, & Martis.

Ex his patet, singulos planetas habere peculiaria centra in dictis planisphaeriis, ideoq; indicem debere habere triplicem, tribus cujusq; planisphaerii centris correspondentem.

§. VI. Constructio planisphærii Lunæ.

*Planisphæ-
rii Lunæ
constructio.*

*Vide Ico-
nismum
XXXII.*

IN inferiori plano Planetologii est planisphærium Lunæ, signatum num. 3. Hoc ita construes.

I. Centro D, intervallo DE ad libitum, juxta proportionem tamen plani dati, assumpto, describe Excentricum Lunæ EFG, eumque divide in 360 partes, & 12. signa, ut Figura monstrat.

II. Semidiametrum DE divide in 10000 æquales partes; earumq; 1000 transfer in A: eritq; DA excentricus Lunæ.

III. Centro A, intervallo AB, describe eclipticam, ABC; eamq; divide in gradus & signa, ut sæpe dictum, initio facto à C.

Quòd si semidiametrum DE divideres in partes 295, & illarum 100000 sumeres pro semidiametro dictæ eclipticæ; haberes veram proportionem semidiametri eclipticæ & excentrici Lunæ EFG.

Hæc breviter pro praxi sufficiant. Reliqua videat, qui velit, apud Auctorem lib. 3. cap. 2. memb. 6.

CAPUT XI.

Mobile perpetuum Basileense.

*Mobile per-
petuum Ba-
sileense.*


Naturam esse in continuo & perenni motu, docent perennes fontium scaturigines, continuus Oceani fluxus atque refluxus, perpetui fluminum in mare decursus, irrequieta rotatio siderum, cyclicus sanguinis in humano corpore motus, aliaq; sexcenta. Artem, quæ Naturæ simia est & imitatrix, multis hætenus modis construxisse mobilia, ut vocant, perpetua, quorum principium movens, motumq; perpetuans, naturale est, docent molæ aquariæ perpetuo aquarum allapsu agitata, thermoscopia perennem rarefactionem ac condensationem aëris exhibentia, aliaq; plura, & ingeniosa technasmata. At qui construxerit perpetuum mobile, cujus principium movens merè artificiale sit, ipsiq; mobili conjunctum, & quasi intrinsecum, post tot ingenio-

fos

1888



Pars superior.



fos labores, post tot pecuniarum dilapidationes, post famæ & æstimationis antea acquisitæ jacturam, inventus est hætenus nemo.


Innumerabiles hætenus tentati sunt ab ingeniosis modi, variis in eum finem machinis constructis. Aliquos indicavimus in Mechanica Hydraulico-pneumatica Par. 2. Classe 2. Nonnullos quoq; exhibuimus in Magia Universali, Par. 3. lib. 6. & Parte 4. lib. 3. & in Analectis ad Cursum Mathematicum. Unum etiam dedimus suprâ hoc libro cap. 1. Hic alios duos subijciam. Libro 7. & 8. plures dabo.

§. I. Descriptio Machinæ.

PRimus sit, quem Basileæ tentavit *Dn. Jeremias Mitx*, de quo <sup>Vide Iconis-
nismum</sup> suprâ lib. 5. cap. 1. misitq; per Epistolam ad me Anno 1658, die 13. Septembris Francofurto, ubi tunc morabatur, his verbis. XXXIV.
Cum nuper pruritus perpetui mobilis me tetigisset, illicò in idea putaveram, me jam eò pervenisse. Rotam confici curavi, cujus centrum E pertransibat axis, incumbens ab utraq; parte duobus fulcris. Habebat rota diversa brachia ferrea FG; quæ in extremitatibus G habebant globos plumbeos, & in A affigebantur rota, sic tamen, ut ab una in alteram partem se movere possent. B sunt clavi rota infixi, eò inservientes, ut dum rota volvitur, & brachia ex D cadunt in C, ad clavos B se sistant, ut ex schemate quadantenus licet colligere. Fundamentum perpetui motus in eo posueram, quòd dum brachia accedunt ad C, cadunt, & in longum se extendunt, sicq; globi plumbei eò magis recedunt à centro E. Et quia quò quid à centro remotius est, eò magis gravitat, & minori difficultate contrapondus movet. Sperabam revolutionem continuam.

Sed frustra. Causam tamen cur non succedat, ignoro.

Quid Tibi videatur, quæso communica &c.



§. II. Causa, cur Machina non exhibeat motum perpetuum.

Rota huius Machinæ supponitur esse materiæ homogeneæ, & æqualis undiq; crassitie, adeo ut centrum gravitatis Rotæ coincidat cum centro magnitudinis E; quod etiam est centrum seu punctum suspensionis. Itaq; si rota sola suspenderetur è dicto puncto E, quemvis situm sibi datum retineret, *per Postulatum VII. Magia nostræ Mechanica, quæ habetur in 3. Par. Magiæ Universalis lib. 2.*

Brachia quoq; ferrea, cum globis plumbeis, supponuntur esse æqualia inter se quoad longitudinem, crassiciem, & gravitatem.

Rota post motum ab extrinseco sibi impressum quievit, ut experienciâ constat, manentibus brachiis partim ita expositis, ut sunt in appposito schemate duobrachia ad dexteram; partim pendulis, ut sunt duo sequentia brachia inferiora, & unum in sinistro hæmisphærio; partim rotæ ipsi incumbentibus, ut tria superiora. Signum ergo est, quòd stante rotâ in tali situ, centrum gravitatis totius compositi talem situm habentis, sit vel in centro suspensionis E, vel in linea recta per dictum centrum usq; ad centrum Terraquei globi (quod est centrum gravium sublunarium) protracta, seu id sit supra dictum centrum E, seu infra: nam, ut in Magia centrobaryca, hoc est, in 3. Parte Magiæ Universalis lib. 1. cap. 4. Propos. 1. 2. 3. 4. & in Magia Mechanica Postulato 10. diximus, ac demonstravimus: Nullum grave potest stare, aut quiescere, nisi linea directionis (quæ est linea recta, ducta è centro gravitatis corporis gravis ad centrum gravium) transeat per locum, cui innititur, aut ex quo suspenditur. Cum ergo post quemcunq; motum Rotæ, vel ab extrinseco, vel ab intrinseco impressum, redeat idem situs seu collocatio Rotæ, semper & post quemcunq; motum erit apta, ut quiescat, & de facto quiescet, nisi ab extrinseco ad motum prosequendum incitetur.

Confirmantur, quæ dixi. Si centrum gravitatis non est in centro E, aut in linea per centrum E ad centrum gravium ducta (hoc est, in linea ab E perpendiculariter ad Horizontem descen-

descendente, & rotam in duo æqualia hemisphæria dividente) ergo vel erit in hemisphærio sinistro, vel in dextero. Si in sinistro; ergo hemisphærium dexterum non poterit contra sinistrum, illudq; deprimere, sicq; Rota non movebitur in gyrum. Si in dextero; vel manet ibi fixum, vel transferetur cum motu rotæ ad sinistrum: si hoc, ergo sinistrum tunc erit gravius, & reddit difficultas paulò antè indicata: si illud; ergo rota nunquam quiescet (non enim quiescit, nisi centrum gravitatis, & centrum E suspensionis, sint in linea directionis, ut diximus) quod tamen est contra experientiam.

Si dicas, centrum gravitatis coincidere cum centro suspensionis E, te ipsum jugulas: tunc enim hemisphærium sinistrum cum brachiis suis non extentis erit æquè grave ac hemisphærium dexterum cum brachiis extentis; atq; adeo neutrum prævalebit contra alterum, nec ullus dabitur motus circa dictum centrum: nam grave suspensum è centro gravitatis retinet quemcunq; situm ipsi datum, ut diximus.

Si dicas iterum, hemisphærium dexterum esse paulò gravius sinistro, tum propter brachium extensum, tum propter impetum, quem rota ex casu brachii à D in C concipit, ideoque dexterum prævalere debere sinistro hemisphærio, atq; adeo descendere debere dexterum, & sinistrum ascendere; si hoc inquam dicas, experientiæ repugnas: nam cum semper in motu redeat eadem dispositio brachiorum, semper deberet moveri rota, & nunquam quiescere; quod experientiæ repugnat.

Ratio à priori, cur Machina non moveatur continuò, sed post gyros aliquos ab extrinseco impressos quiescat, est, quòd pondera & momenta partis dexteræ non semper & in omni situ rotæ circumactæ prævaleant ponderibus & momentis partis sinistræ, ut vel circino ac mechanicè deprehendi potest, vel calculo arithmetico è sinuum doctrina deprompto.

ANNOTATIO.

Viderur tamen speculativè non repugnare, rotam cum suis brachiis ita construi posse, ut pars dextra propter extentum brachium, & propter impetum à casu dicti brachii à D in C factum, sit paulò gravior quàm sinistra, adeoq; apta sit dextera ad descendendum continuò. Quo casu centrum gravitatis non erit in E, sed in dextero hemisphario rotæ. Practicè tamen motus continuus non sequitur, quia tota rota premit supra axem, per E tractum, & motum seu gyrum rota impedit.

CAPUT XII.

Mobile perpetuum Grünbergerianum.

Phrisophorus Grünbergerus, insignis è Societate nostra Mathematicus, & in Collegio Romano nostro Mathematicum ante P. Athanasium Kircherum Professor, tentavit Mobile perpetuum per Machinam spiralem quæ sequitur, Machinæ delineationem rudem, & descriptionem ejus imperfectam ac mutilam, inveni Romæ inter residua quædam dicti Auctoris manuscripta. Eam dabo ut inveni: præbebit fortassis occasionem ingeniosis illam perficiendi, aut perfectius quid ad ejus imitationem procudendi. Spiram in schemate, ob spatii angustiam, non perfeci totam. Ex fragmento posito sufficienter mens Auctoris intelligitur. Secabo more meo Discursum, quem Auctor continuâ oratione pertexit, in varios paragraphos, & numeros. Sit itaque





§. I. Constructio Spiræ, quâ perennis motus tentari queat.

Vide Iconismum
XXXV.

SPiram, quam hîc describimus, ita accommodabimus, ut globum ferat, cujus diameter sit unius uncie palmi Romani, & cujus centrum feratur per centrum totius spiræ. Unciam verò intelligimus partium 100000.

I. Latus igitur AB, quadrati ABCD, sit hujusmodi partium





rium 30000; ejusq; medietas FA, vel FB partium 15000. *Primò.* BA producaturs versus A, CB versus B, DC versus C, & AD versus D. *Secundò.* FG sumatur æqualis semiuncie partium 50000; & per G ducatur GM, parallela ipsi AD, intelligaturque Horizonti parallela.

Si igitur intelligatur globus unius uncie moveri supra rectam GM, centrum ejus feretur per lineam FN, ipsi GM parallelam, eò quòd FG sumpta sit æqualis $\frac{1}{2}$ uncie: idemq; centrum globi feretur quoq; per centrum quadrati ABCD, nempe per punctum E, quod etiam est centrum totius spiræ, licet partes ejus centra habeant partialia, quæ sunt quatuor anguli quadrati, A, B, C, D. Videtur enim spira commodissimè describi posse per circulorum quadrantes, in hunc modum.

II. Centro B, & intervallo BG, describatur *primus* quadrans GH; qui etiam tangit horizontalem GM: & tam BG, *Spira descriptio.* quàm BH, erit partium 65000, quia FG est 50000, & FB 15000 partium. *Secundus* quadrans HI, qui priorem GH contingit in puncto H, describitur centro C, intervallo CH, quod est partium 95000: nam BH est 65000, & BC 30000. *Tertius* quadrans IK, qui tangit secundum HI in puncto I, describitur centro D, intervallo DI; quod est spatium 125000, eò quòd CD sit 30000, & CI 95000. *Quartus* denique quadrans KL, qui tangit quadrantem KI in puncto K, describitur centro A, intervallo AK partium 155000, eò quòd AD sit 30000, & DK 125000 partium.

De reliquis quadrantibus est eadem ratio. Nam quadrans LO describitur iterum centro B, intervallo BL &c. Et quia BG, BH sunt æquales; ablata ex æqualibus BL, BO, relinquent æquales GL, HO: unde constat, spiram hoc modo descriptam, extendi per lineam curvam parallelam; ita ut intervallum, quod cadit inter curvam interiorem & exteriorem proximam, metiatur eadem recta GL, vel HO, partium 120000. Cum enim AK, & AL sint 155000, & GA 35000; hæc sublata ex AL, relinquit pro GL 120000, nempe unciam 17.

Et licet hac viâ continuari possit spira in infinitum, nos tamen contenti sumus eâ, quæ constat 16 quadrantibus, ita ut

quinque descripti sint ex B, quinque ex C, quinque ex D, & reliqui quatuor ex A. Quo posito, erit maxima semidiameter DP (*cogita descriptos esse 12 quadrantes*) 605000: nam KP ipsius GL quadrupla, est 480000, & DK 125000; quæ additæ faciunt 605000. Et totidem partium erit etiam DQ. Et quadratum ejus erit 366025000000: quadratum verò DR est 225000000, quia DR est 15000, æqualis ipsi AF. Quadratum igitur RQ erit 365800000000, & ipsa RQ 604814. Sed en synopsis omnium rectarum linearum hætenus explicatarum.

Synopsis linearum explicatarum.

Uncia	1 0 0 0 0 0
AB. BC. CD. DA.	3 0 0 0 0
AF. FB. FE. ER. DR.	1 5 0 0 0
FG.	5 0 0 0 0
BG. BH.	6 5 0 0 0
CH. CI.	9 5 0 0 0
DI. DK.	1 2 5 0 0 0
AK. AL.	1 5 5 0 0 0
GL. HO.	1 2 0 0 0 0
AG.	3 5 0 0 0
KP.	4 8 0 0 0 0
DP. DQ.	6 0 5 0 0 0
RQ. EQ. ES.	6 0 4 8 1 4

§. II. Usus Machinæ, quando sunt sexdecim spiræ, & in singulis quinque globi.

I.

Hujusmodi spiræ in universum sint 16, omnes circa idem centrum E. Si primæ spiræ radius ES intelligatur esse in Horizonte; secundæ spiræ radius ES intelligetur infra Horizontem depressus Gradibus 22. 30'. hoc est, $1\frac{1}{2}$ integri circuli; radius tertiæ spiræ, $\frac{3}{4}$ circuli, hoc est, Grad. 45; radius quartæ Grad. 67. 30'; radius quintæ Grad. 90 &c. ita ut radii sexdecim spirarum dividant circulum ex E descriptum, in 16 partes æquales, incipiendo ab Horizonte ES. Et hic erit situs perpetuus spirarum inter se; & simul omnes movebuntur circa centrum E; ita ut quando primæ spiræ radius ES proficit unum circulum, etiam reliqui radii reliquarum spirarum suos circulos perficiant, singuli singulos.

Vid. Iconismum XXXV.

II. Ad eandem circumvolutionem spirarum sequitur, ut etiam in singulis spiris quatuor centra A, B, C, D, suos circulos describant ad intervallum semidiametri quadrati ABCD, hoc est, ad intervallum EA, EB, EC, ED; quod intervallum invenitur esse partium 21213: quadratum enim rectæ AF, vel FE, est 225000000; & hoc duplicatum facit quadratum EA 450000000, cujus radix est 21213.

III. In singulis etiam spiris intelliguntur quinque globi, & in universum 80. qui ad circumductionem spirarum, semper manent prope perpendiculum, paucis exceptis. Nam quando ad motum Machinæ radius ES alicujus spiræ fit horizontalis (ponimus enim fieri motum in superiori parte à sinistra ad dexteram) tunc globus ille, qui est in minimo quadrante, & centro E propiore, exit à centro usque ad circumferentiam; & centrum globi tunc est punctum S. Et postquam punctum S descendit Grad. 22. 30'. tunc radius ES decimæ quintæ rotæ erit in Horizonte; & tunc exhibit secundus globus à centro ad peripheriam, & prior erit adhuc ad circumferentiam, sed inferior Grad. 22. 30'.

Vide Iconismum XXXV.

Quan-

Quando verò globus decimæ quintæ rotæ descenderit per Grad. 22. 30'. tunc primæ spiræ globus erit depressus 45. Grad. & alius spiræ decimæ quartæ globus exibat in circumferentiam. Et quando hic descenderit ad Grad. 22. 30'; exibat ad circumferentiam globus rotæ decimæ tertiæ; & globus decimæ quartæ reperietur depressus Grad. 22. 30'; decimæ quintæ verò Grad. 45; primæ verò rotæ Grad. 67. 30'. Denique si fiat alius descensus per Grad. 22. 30'. tunc præter quatuor globos, qui ad circumferentiam ponderant, globus primæ rotæ erit in perpendiculo, depressus Grad. 90. infra Horizontem; reliqui verò globi omnes erunt in quibusdam lineis perpendiculo parallelis, quæ descendunt ex aliquo centrorum A, B, C, D; & maxima remotio istarum parallelarum non est major semidiametro quadrati ABCD, hoc est, rectâ EA partium 21213.

Hinc constat *Primò*, in hac positione quatuor globos ad circumferentiam comparari posse cum reliquis: quintus enim est in perpendiculo; neque unquam possunt comparari plures quàm quatuor.

Constat *Secundò*, ad faciendam hanc comparisonem debere esse notum situm globorum illorum, qui sunt ad circumferentiam, & situm illarum diametrorum perpendiculo parallelarum, in quibus tunc reperiuntur centra reliquorum globorum; & simul quantus numerus globorum ex singulis dependeat. Quæ omnia assequemur sequenti discursu: quem libet instituere supponendo globum primæ rotæ descendendo ab Horizonte pervenisse ad Grad. 22. ita ut globus spiræ decimæ quintæ nondum potuerit exire è centro, eò quòd ejus radius ES reperiatur adhuc supra radium horizontalem elevatus Gr. o. min. 30.

§. III. Situs quinque globorum in singulis spiris in earum circumvolutione.

Vide Iconisum
XXXV.
Fig. I. &
reliquas.

IN *prima* spira centrum S globi ad circumferentiam, quem possum vocare globum potentia, & S punctum potentia, est depressum ex parte dextera Grad. 22. & consequenter centrum A depressum Grad. 23. ex parte sinistra: angulus enim SEA est Grad.

Grad. 135. Si igitur EA intelligatur esse semidiameter quadratii, in cuius angulis sunt centra quadrantum; reliqui quatuor globierunt in recta ducta per A, perpendicularo parallela.

In *secunda* spira S est ad dexteram depressum Grad. 44. 40'. distat enim à situ primæ spiræ Grad. 22. 30'. Et quia etiam A huius spiræ depressum est minutis 30'. reliqui quatuor globi ponderabunt ex A.

In *tertia* spira S. descendit aliis Grad. 22. 30'. ergo tota depressio erit Grad. 67. & si ex 22. 30'. quibus A huius spiræ recedit à loco priori, subducantur 30'. relinquetur locus A huius spiræ elevatus Grad. 22. reliqui quatuor globi pendebunt ex A.

In *quarta* spira S. distat aliis 22. 30'. à priori situ nempe Grad. 89. 30'. ita ut potentia S sit adhuc extra perpendicularum, & ad circumferentiam; A verò erit elevatum ad sinistrum Grad. 44. 30'. & reliqui quatuor globi pendebunt ex A.

In *quinta* spira nullus amplius globus pendet ex circumferentia, sed omnes dependent ex D. Si enim punctum A iterum promoveatur Grad. 22. 30'. elevantur hi Grad. 67. cuius complementum, nempe depressio alterius centri D, est minus: unde fit ut parallela perpendiculari ducta per D, cadat intra quadrantes ex D descriptos, qui sunt quinque, & inde ex ratione parallela pendebunt quinque globi, ubi vides, hos quinque globos, & quatuor primæ spiræ, æqualiter removeri à perpendicularo.

In *sexta* spira quinque globi removentur à perpendicularo, quantum quatuor globi secundæ spiræ.

In *septima* spira quinque globi tantum à perpendicularo removentur, quantum quatuor tertiæ spiræ.

In *octava* spira quinque globi tantum à perpendicularo removentur, quantum quatuor quartæ spiræ.

In *nona* spira successit centrum C in loca centri A primæ spiræ; & in loca D quintæ spiræ. Ergo quinque globi nonæ spiræ se habent ut globi primæ, & quintæ.

In *decima* spira quinque globi conspirant quoad situm cum globis spiræ secundæ & sextæ.

In *undecima* spira quinque globi conspirant cum globis spiræ tertiæ & septimæ.

In *duodecima* spira conspirant globi cum globis spiræ quar-
ta & octava.

In *decimatertia* spira centra A, D, C, permutantur in B; &
quinque globi ejusdem spiræ conspirant cum globis primæ, quin-
ta, & nona.

In *decimaquarta* spira quinque globi conspirant cum globis
spiræ secundæ, sextæ, & decimæ.

In *decimaquinta* spira globi quinque cum globis spiræ tertiæ,
septimæ, & undecimæ conspirant.

In *decimasexta* denique spira globi conspirant cum globis
spiræ quartæ, octavæ, & duodecimæ.

§. IV. Puncta ex quibus globi ponderant.

Vide Ico-
nismum
XXXV.
Fig. XVII.
& XVIII.

Itaque in universum sunt quatuor puncta, ex quibus depen-
dent globi, quæ in recta ET inveniuntur, si in eam ex singu-
lis punctis inventis demittantur perpendiculares in G, F, H, I;
& ex singulis punctis pendebit idem numerus globorum, hoc est,
ter quinque, & semel quatuor, hoc est, novendecim; & tota
summa omnium sunt 76, remanentque 4 globi, qui sunt ad cir-
cumferentiam. Et quia omnes globi ponuntur ejusdem ponderis,
facile erit in eadem linea ET invenire centrum commune.
Nam centrum gravitatis duorum F, H, est in medio; & duo-
rum G, I, similiter in medio; & duorum F & I, in medio quo-
que. Si igitur media sint K, & L, & M; omnium centrum
commune est in medio K, L, & M.

Per numeros etiam in partibus sinus totius ET sic inve-
niuntur eadem puncta in linea horizontali. EF est sinus comple-
menti 30 minutorum 99996. EG sinus complementi
Grad. 22, 30ⁿ 92388. EH sinus complementi Grad. 22.
92718. & EI sinus complementi Grad. 44 30ⁿ 71325. Ho-
rum si sumantur differentiæ, & semissis differentiarum, inve-
nietur tandem EM 89106½. & hoc in partibus sinus totius
100000. Inspice & considera sequentem laterculum, in quo &
reliquorum segmentorum sinus comprehenduntur.

ET.	100000	LI.	10531 $\frac{1}{2}$
EF.	99996	EL.	71325
EH.	92718	EL.	81856 $\frac{1}{2}$
EG.	92388	EK.	96357
EL.	71325	KL.	14500 $\frac{1}{2}$
IG.	21063	LM.	7250 $\frac{1}{4}$
IL, LG.	10531 $\frac{1}{2}$	EL.	81856 $\frac{1}{2}$
FH.	7278	EM.	89106 $\frac{3}{4}$
FK, KH	3639		
EH.	92718		
EK.	96357		

Eodem ferè modo invenitur in eadem linea horizontali centrum gravitatis quatuor potentiarum S, in primis quatuor Figuris. Si enim inde demittantur perpendiculares in horizontem, SN, SO, SP, SQ; puncta N, O, P, Q; erunt loca in quibus ponderant reliqui quatuor globi. Est autem EN sinus complementi Grad. 22. respectu sinus totius ES; EO sinus complementi Grad. 44. 30'. EP sinus complementi Grad. 67, & EQ sinus complementi Grad. 87. 30'. &c. Porro X est centrum gravitatis quatuor potentiarum, & EX est 50997 $\frac{1}{4}$, quarum ES est 100000. Eadem verò ES in partibus unciae est 569814. Ergo si fiat ut ES 100000, ad EX 50997 $\frac{1}{4}$, vel ut 400000, ad 203989, ita 569814 ad quartum numerum; invenietur EX 290589 $\frac{1}{2}$. Inspice sequentem laterculum.

ES.	1 0 0 0 0 0
EN.	9 2 7 7 8
EO.	7 1 3 2 5
EP.	3 9 0 7 3
EQ.	4 3 6 3
ON.	2 1 3 9 3
OR.	1 0 6 9 6 $\frac{1}{2}$
QP.	3 8 2 0 0
VQ.VP	1 9 1 0 0
EO.	7 1 3 2 5
OR.	1 0 6 9 6 $\frac{1}{2}$
ER.	8 2 0 2 1 $\frac{1}{2}$

EQ.	1 3 6 2
QV.	1 9 1 0 0
EV.	1 9 9 7 3
ER.	8 2 0 2 1 $\frac{1}{2}$
VR.	6 2 0 4 8 $\frac{1}{2}$
VX.	3 1 0 2 4 $\frac{3}{4}$
EV.	1 9 9 7 3
EX.	5 0 9 9 7 $\frac{1}{4}$

§. V. Usus Machinæ, quando sunt 16 spiræ,
& in singulis spiris 6 globi.

Quando sunt 16 spiræ, & in singulis 6 globi; primæ spiræ unus globus est ad circumferentiam, reliqui quinque dependent ex A, quod deprimitur infra horizontem Grad. 45. Sed ponamus canalem primæ spiræ descendisse per Grad. 22. Ergo

Primæ spiræ globus erit ad circumferentiam, ejusque Grad. 22: centrum verò A, ex quo pendent reliqui quinque globi ejusdem spiræ, deprimitur infra horizontem Gradibus 23, quos relinquunt Gradus 22. subducti ex 45.

Secunda spiræ globus erit in circumferentiâ Gra. 44. 30'. canales enim spirarum distant inter se Grad. 22. 30'. Et reliqui quinque dependebunt adhuc ex A, quod infra horizontem, tunc deprimitur 30. minutis: totidem enim relinquuntur, si Gradus 22. 30'. subtrahantur ex 23: subtrahuntur autem 22. 30'. quia totidem Gradibus ascendit centrum A secundæ spiræ supra locum ejusdem centri A primæ spiræ.

Tertia

Tertia spiræ globus erit ad circumferentiam depressus Grad. 67; reliqui quinque ponderabunt ex A existente supra horizontem Grad. 22. ut patet, si ex 23. 30ⁱ, subtrahantur minuta 30 depressionis A præcedentis rotæ.

Quarta spiræ globus erit ad circumferentiam depressus Grad. 89. 30ⁱ. & centrum A ex quo pendent reliqui quinque, erit supra horizontem Grad. 44. 30ⁱ, ita ut manifestum sit servire adhuc centrum A.

Quinta spiræ nullus globus est ad circumferentiam, sed omnes sex dependent ex D, quod jam distat ab A integro quadrante; & A jam est elevatum Grad. 67. ejusque complementum, 23, est depressio D; quantum quoque deprimebatur centrum A primæ spiræ. Unde patet, globos quintæ spiræ & primæ dependere ex eodem puncto, & ex eadem linea perpendiculo parallela.

Sexta spiræ omnes sex globi pendent ex D, respondente centro A secundæ spiræ.

Septima spiræ omnes sex globi pendent ex D, respondente centro A tertiæ spiræ.

Octava spiræ omnes sex globi ponderabunt ex D, respondente centro A quartæ spiræ.

Nona spiræ omnes sex globi ponderabunt ex C, respondente centro A, & centro D, primæ & quintæ spiræ.

Decima spiræ omnes sex globi ponderabunt ex C, respondente centro A & D secundæ & sextæ spiræ.

Undecima spiræ omnes sex globi ponderabunt ex C, respondente centro A & D tertiæ & septimæ spiræ.

Duodecima spiræ omnes sex globi ponderabunt ex C, respondente centro A & D quartæ & octavæ spiræ.

Decimatertia spiræ omnes sex globi ponderabunt ex B, respondente centris A, D, C, primæ, quintæ, & nonæ spiræ.

Decimaquarta spiræ omnes sex globi ponderabunt ex B, respondente centris A, D, C, secundæ, sextæ, & decimæ spiræ.

Decimaquinta spiræ omnes sex globi ponderabunt ex B, respondente centris A, D, C, tertiæ, septimæ, & undecimæ spiræ.

Decimasexta spiræ omnes sex globi ponderabunt ex B, respondente centris A, D, C, quartæ, octavæ, & duodecimæ spiræ.

Ex his est manifestum, quatuor tantum globos esse ad circumferentiam, & reliquos 92 dependere ex quatuor centrīs, & ex singulis numero pares, hoc est, 23. Et quia existentibus ponderibus æqualibus quibuscunque, ex iisdem quatuor punctis dependentibus, centrum gravitatis omnium non mutatur in statēra; idem ergo manet centrum gravitatis in hac positione, & in præcedenti hypothēsi.

ANNOTATIO.


Alia his similia congerit Grünbergerus, quæ omitto. Ex his autem patet, nondum constare ex calculo factō, utrum per Machinam hanc spiralem procurari queat motus perennis, ne quidem speculativè, quoniam valde confusus ac mutilus est. Probabilius mihi videtur, ineptam omnino esse. Machinam ad finem intentum assequendum. Nam ut à dextera in sinistram v. g. moveatur, necesse est talem habere situm, ut vel pondera, vel momenta, vel utraque quæ in dextera medietate sunt, prævaleant ponderibus atq; momentis, quæ in medietate sinistra sunt; seu quod idem est, ut centrum gravitatis sit in dextera medietate, extra lineam à centro terra per punctum suspensionis Machina ductam; & ut perpetuò moveatur modo dicto à dextera in sinistram, perpetuò requiritur prædictus situs Machina: at tamen si demonstrari queat, sæpe in motu habere talem situm; semper tamen ac perpetuò haberi, dum singulis momentis alia atque alia recurrit proportio ponderum ac momentorum unius medietatis ad alteram, nec demonstratum esse, nec demonstrari posse existimo. Alias plausibiliores Machinas, perennem motum aut verè, aut verisimiliter, non speculativè duntaxat, sed practicè quoq; exhibentes, dabimus infra libro octavo.



APPENDIX AD LIBRUM SEXTUM.

De

SPECULA MELITENSI ENCYCLICA.

 Everend. P. Athanasius Kircherus, meus olim in Mathematicis Disciplinis Professor æternum observandus, cum Anno M. DC. XXXVII. jussu Urbani VIII. Summi Pontificis in Melitam Mediterranei Maris Insulam comitatus fuisset Eminentissimum Cardinalem Fridericum Hassia Darmstadianæ Principem, tunc admodum juvenem, ac recenter in Ecclesiæ Catholicæ gremium ab eodem summo Pastore Urbano VIII. receptum; in eaq; Insula & Urbe ingens, ob magnam ingenii & doctrinæ famam, desiderium in Nobilissimis ac Generosissimis Sacre Religionis Hierosolymitanæ Equitibus erga Mathematica studia, ejuscemodi Hominum generi utilisima, ac ferè propria, excitasset; inter ceteras Machinas & Instrumenta Mathematica, quæ jussu & impensis Eminentissimi Principis F. Joannis Pauli Lascaris, Magni tunc dictæ Sacre Religionis Magistri,

pro

pro suis agacitate ingenii, & ejusmodi studia promovendi ardore, in usum, exercitiumq₃ dictorum Generosissimorum Equitum invenit, elaboravitq₃, una fuit Machina quam SPECULAM MELITENSEM appellavit, tantò reliquis ingeniosior, eminentiorq₃ ac laboriosior, quantò majorè varietatem rerum, majoremq₃ scientiarum suppeditat cum summa facilitate conjunctam ubertatem.

Ne verò opus adeo ingeniosum, & elaboratum, dignumq₃ quod Mundo universo propalaretur, in tenebris relinqueretur, aut in exigua Insula delitesceret, uni soli Hominum generi proficuum; opera pretium existimavit se facturum ipsemet Auctor, si Machinae usum, atque mysteria, singulaq₃ in ea contenta, minutim per Propositiones breves & dilucidas explicaret, nationumq₃ omnium oculis exponeret: hoc enim praestito, sperabat futurum, ut non solum Generosissimi Equites Melitenses, sed alia quævis nobilia ingenia excitarentur ad Mathematica studia, quovis nobile & ingenuo homine dignissima, illisq₃ animos seriò & constanter intenderent.

Opusculum ergò conscripsit, & insequenti Anno M. DC. XXXVIII in lucem edidit, ac SPECULAM

LAM MELITENSEM ENCYCLICAM,
sive SYNTAGMA NOVUM INSTRU-
MENTORUM PHYSICO-MATHEMA-
TICORUM appellavit, prout in sequenti Epi-
 graphæ apparet. Opusculum hoc in lucem emisit
 præfatus Auctor, non suo, sed Illustrissimi ac Re-
 verendissimi F. Salvatoris Imbrolli, sacra Religio-
 nis Hierosolymitanae Prioris Generalis nomine;
 eamq; Eminentissimo ac Reverendissimo suprâ no-
 minato Principi, F. Joanni Paulo Lascari, Ma-
 gno sacra Religionis dictæ Magistro, dedicavit.
 Quod Opusculum quoniam in Germania & Gal-
 lia non exstat, ac rarò in Italia extra Melitam re-
 peritur; gratum me omnibus facturum existima-
 vi, si huic loco insererem; tametsi haud ignorem,
 non ab omnibus intellectum iri, etiam in Mathe-
 matico pulvere versatis: est enim brevissimè con-
 scriptum, & nullo schemate, nullis tabulis ac rotis
 necessariis, nullâ ad rotas tabulasq; conficiendas in-
 structione appositis, utpote Hierosolymitanis seu
 Melitensibus Equitibus, qui Machinam rotis ac
 tabulis instructam ante oculos habebant, potissi-
 mum compositum.

Cupiebam quidem vehementer dictum Opuscu-
 lum

lum necessariis Schematibus exornare, tabulis arithmeticis instruere, novis praxibus, ac præsertim methodo ad rotas ac tabulas conficiendas ditare, aliaq^{ue} addere, quæ Lectori necessaria ac grata judicabam: at temporis angustia quibus premor, id non permisere. Erit fortassis, qui tempore abundans, & ingenio pollens, atque industriâ, id magno Litterariæ Reipublicæ bono præstabit.

Sequitur nunc Opusculum, eodem ordine, & stylo, quo ab Auctore Kircherò fuit conscriptum; nisi quòd subinde unum, aut alterum verbum, majoris claritatis gratiâ, diverso tamen characteris genere, ut ab Auctoris testè discernantur, interseram, aut subjungam. Synopsis quoque, quæ mox sequitur, in paragraphos, distinctionis gratiâ, dissecta.



SPECULA
MELITENSIS ENCYCLICA,
Hoc eſt,
SYNTAGMA NO-
VUM INSTRUMENTORUM
PHYSICO-MATHEMATICORUM;

In quo

Quicquid vel ad Aſtronomicas, aut Phyſicas iis ad-
nexas diſciplinas, pertinet, novo ordine, methodo, & ſummâ
facilitate juxta, atque brevitate per rotas, cyclos-
que artiſcioſè diſpoſitos, digeſtum,
repræſentatumque ſpe-
ctatur.

*In gratiam Generoſiſſimorum Equitum Hie-
roſolymitanorum explicata, & in 125. Propoſitio-
nes digeſta.*

AUCTORE

R. P. ATHANASIO KIRCHERO
SOCIETATIS JESU.

SYNOPSIS

EORUM, QUÆ IN HAC MACHINA;
seu syntagmate continentur.

§. I. NOMENCLATURA SPECULÆ.



Dicitur hæc Machina nostra, SPECULA, cum à similitudine, quâ formam & figuram Speculæ refert; tum quòd sicut ex specula quapiam, quæcunque Horizontis ambitu continentur, longè latèque detecta, visui obviam fiunt, ita ex hac Machina, quidquid ad Astronomiam, Geographiam, Hydrographiam, Physicam, & Medicinam pertinet, dicto citiùs oculis detegatur: ita quidem, ut à quovis etiam imperito memorata non tantùm intelligi possint, sed ejus subsidio Ephemerides seu Diaria ad quotvis annos construui, Planetarum motus inveniri, Medicinæ commodis opportunisque temporibus adhiberi, singulares naturales per suos Characterismos cognosci, similiaque innumera investigari queant, quemadmodum in praxi uberiùs paulò pòst declarabimus. Dicitur MELITENSIS, eò quòd Melitæ primùm adinventâ, & in gratiam eorundem Equitum constru-

ſtructa ſit. *Dicitur denique ENCYCLICA, quia quacunq̃ue ferè in ea docentur, per Cyclos ſeu rotas ob oculos ponuntur.*

§. II. DIVISIO SPECULÆ.

CONſtat hæc SPECULA noſtra tribus principalibus partibus, Circulari videlicet, Cubicâ, & Pyramidali.

Prima pars Circularis, veluti baſis, & fundamentum cæterarum, Horizontem immobilem reſert, ventorumq̃ue ſcientiam, artisq̃ue navigatoriæ praxin facilitate maximâ exhibet.

Media pars, ſeu Cubus, quinque lateribus ſuis, quatuor ſcilicet verticalibus, & uno ſuperiore Horizonti parallelo, quidquid ad Mathematicas ſcientias & Phyſico-Logicas pertinet, methodo ſingulari continet.

In primo Cubilatre, cui titulus eſt *Chronoſcopium univerſale*, octo rotis, totius tam Juliani, quàm Gregoriani Kalendarii, in perennes Cyclos accommodati, praxis comprehenditur.

In ſecundo Cubi latere, cui titulus eſt *Cosmographicum Speculum*, primo loco occurrit Horoſcopium, quo datâ horâ Melitæ currente, quota hora.

in universo Mundo sit , facilè inveniri potest ; unà cum duobus Planisphæriis , quorum unum totius primi Mobilis scientiam , alterum octavæ Sphæræ, seu stellarum fixarum doctrinam, ejusque motuum rationem docet. Systema denique fluxus & refluxus, sive incrementi ac decrementi marium , ad Lunæ motum in universo Mundo agitatorum , quoad gradus, inventionem hucusque invisâ , oculis spectandum proponitur.

Tertium Cubi latus septem rotis Astrologiam universam, cum Physiognomia ei appropriata continet. Et interior quidem rota major , occasum & ortum Solis , Quantitatem dierum & noctium , Declinationem Solis , Ascensiones rectas & obliquas , Altitudines Solis , cum Proportionem umbrarum rectorum, Quantitatem crepusculorum, Occasum, Ortum, Culminationesque stellarum fixarum in singulos annos, menses, dies exhibet.

Exteriorum verò rotarum prima , Aspectus Solis & Lunæ , hujusque ætatis , unà cum motu capitis & caudæ draconis, ad quovis novilunio, & plenilunio , utrum eclipsidis futura sit Luminarium, dijudicandum accommodata, refert.

Altera , praxin facillimam, Figuras Astrologicas pro

pro temporibus Agriculturæ, medicinæ, navigatoriæ opportunis diſcernendis, erigendi docet; unà cum duodecim ſignis, domuumque cœleſtium, earumque natura, & Phyſiognomia rerum naturalium unicuique ſigno, & domui correfpondentium.

Tertia dominium Planetarum quavis horâ datâ, unà cum Phyſiognomia rerum naturalium unicuique Planetæ analogarum, atque appropriatarum, continet; ita ut hæc pars non immeritò Iſagoge in occulta Naturæ penetralia dici poſſit.

Aliæ minores rotulæ in tertii lateris angulis affixæ, docent invenire mutationes aëris, eventusque futuros, ex Planetarum conjunctione, aſpectibusque cæteris cauſatos. Item tempus electionum in uſum Agricolarum, Oeconomorumque cedens. Horas quoque Italicas, Babylonicas, Judaicas, in Aſtronomicas convertendi modum indicat.

Quartū Cubilatus univerſam Medicinam Botanicam, Chymicam, Spagyricam, Hermeticam, Sympathicam docet. Atque interior quidem rota continet medicamenta ſimplicia, & compoſita; item ex mineralibus, atque animalibus deſumpta; Alexipharmaca; medicam. attractiva, lenitiva, purgativa, conſtrictiva, molliciativa, digeſtiva, corroſiva, conglutinativa aperitiva,

aperitina, calefactiva, infrigidativa, mundificativa, attenuativa, incisiva, diaphoretica, soporativa, diuretica, narcotica, caustica, confortativa; Antidota singulis humani corporis membris, eorumque infirmitatibus eâ methodo accommodata, ut vel dicto citius, quod & quale unicuique membro affecto applicandum sit, haberi possit.

Alterâ rotâ scientiam Medicinæ graduatæ continet, hoc est, in quo gradu caloris, frigoris, humiditatis, aut siccitatis quodlibet simplex consistat; & quomodo juxta veras artis regulas contraria contrariis curari debeant.

Tertiâ rotâ continet scientiam criseos, ut quid de ægri statu, quovis tempore, deque vi morbi, ejusque duratione judicandum sit.

Quarta denique rotâ, cui titulus, *Speculum Cabineticum*, medicamenta Sympathica, ex reconditori medicinæ gazophylacio deprompta, singulis membris humani corporis accommodata exhibet. Cætera tempus phlebotomiæ, atque medicinis recipiendis opportunum continent.

Quintum Cubi latus superius, Horizonti parallelum, omnium Planetarum motus in perpetuos Cyclos dispersitos, videlicet quovis dato tempore media

dia Saturni, Jovis, Martis, Solis, Veneris, Mercurii, Lunæ, Capitis & Caudæ Draconis, loca in Zodiaco, facillimâ methodo, inveſtigare docet.

Pyramidalis porrò *Pars* Speculæ noſtræ quatuor continet facies, ſingulis quatuor Mundi plagis correfpondentes; in quarum unaquaque natura, proprietas, qualitas, & accidentiâ, ventis ſibi ſubjectis analoga fuſè deſcribuntur; unâ cum variis linguarum, Hebrææ, Chaldææ, Syriacæ, Arabicæ, Æthiopicæ, Coptæ, Græcæ, Latinæ, Italicæ, Gallicæ, Hiſpanicæ, Germanicæ, dictis plagis uſitatarum inſcriptionibus.

Atque hæc eſt Synopſis, ſeu Summa Speculæ noſtræ Melitenſis. Quæ ut melius percipiantur, omnia in ea contenta, per exempla declarare viſum eſt.

ANNOTATIO.

Cùm admodum paucos Nobiliſſimorum & Generoſiſſimorum Equitum Melitenſium eos in Mathematicis, aut Philoſophicis Diſciplinis progreſſus feciſſe deprehenderet Auct̃or noſter, ut per ſeipſos præclara invenire, aut alios ſubtiliter de iis ſeu ore, ſeu ſcripto tractantes intelligere facile poſſent; & nihilominus ingenti ardore oblat̃ a ſibi di-

vinitus tanti Magistri occasione uti percipere animadverteret; hanc ipsi scientificam speculam, ut initio dicebam, condere est visum, ut ex ea tam nobilia ingenia qualem qualem sciendi suppellectilem sibi comparare possent. Usus ejus declarat sequentibus propositionibus, clarè quidem, sed brevissimè conceptis, & sine ullo schemate declaratis, quia schemata in ipsa Machina spectabantur, & ore tenus ab Auctore, vel ex presenti opusculo, vel sine illo exponerentur. Incipit à primo latere Cubico Machina, his verbis.

USUS

PRIMI CUBICI LATERIS SPECULÆ MELITENSIS.

T*Itulus hujus Lateris est, CHRONOSCOPIUM UNIVERSALE, continetq; in se perpetuam Aspectuum Solis, & Lune, Fæstorum Mobilium, Cyclorum Lune, & Solis, Epactarum, ætatis lucisq; Lune supra Horizontem, aliorumq; similium, tam novo, quàm veteri stylo accomodatorum inventionem.*

PRO-



Fig. IX.

Exempla verborum prioribus signis conscriptorum

Abstinerere	h.v.	colchester	g.
abolio	h.	collegium	g.
obligatio	h.f.	demeritum	g.
obediens	h.p.	deifico	g.
accclamatio	h.	diuerto	g.
accuso	h.	dialogus	g.
additio	h.	distancia	g.
admitto	h.	dissimulo	g.
affirmo	h.	fulgentius	g.
approbo	h.	fulmen	g.
ambo	h.	furor	g.
amabilis	h.	facio	g.
annotatio	h.	imputatio	g.
appositio	h.	immoderatus	g.
aspiratio	h.	libertas	g.
assumo	h.	liberalis	g.
atlas	h.	mare	g.
adornatus	h.	melior	g.
circumvenio	h.	magnum	g.
compositio	h.	mysterium	g.
commendatio	h.	praeferendo	g.
condemno	h.	paradisus	g.
connecto	h.	praesistens	g.
conmorans	h.	propheta	g.

Fig. X.

Exempla verborum prioribus signis conscriptorum

Rebellis	h.	placabilis	g.
realitas	h.	horribilis	g.
sublimis	h.	vocatio	g.
suborno	h.	situatio	g.
suffragium	h.	concupio	g.
sufficiens	h.	felicitas	g.
supplicio	h.	aduersitas	g.
supporto	h.	defectus	g.
permissio	h.	circumferentia	g.
peregrinus	h.	mortificatio	g.
sermo	h.	ira	g.
seraphin	h.	subiectus	g.
saluum	h.	institutum	g.
saluto	h.	templum	g.
temptatio	h.	excellens	g.
temporalis	h.	informatior	g.
transfere	h.	grammatica	g.
transigo	h.	parlam	g.
uniformis	h.	aptitudo	g.
urgeo	h.	promptitudo	g.
uber	h.	miraculosus	g.
ursus	h.	pinso	g.
udus	h.	consentio	g.
durabilis	h.	innocens	g.

Fig. V.

Avarus	h.	vetus	g.
audeo	h.	vexa	g.
audio	h.	via	g.
aversus	h.	viator	g.
augustus	h.	vicia	g.
aurata	h.	victor	g.
aureus	h.	victoria	g.
aurora	h.	video	g.
aurum	h.	vidulus	g.
auspicium	h.	ingo	g.
aysterus	h.	villosus	g.
authenticus	h.	victim	g.
authoritas	h.	vindex	g.
autumnus	h.	vinum	g.
auxilium	h.	violatio	g.
versus	h.	ver	g.
vertex	h.	virgo	g.
vertigo	h.	virus	g.
verum	h.	vita	g.
verus	h.	vocatio	g.
vesper	h.	volens	g.
vestigo	h.	voluptas	g.
vestio	h.	vulgo	g.
vestis	h.	vulnera	g.
reto	h.	vulpes	g.

Propositiones. Fig. VII.

Ab	h.	circum	g.	liber	g.
ob	h.	com	g.	mes	g.
ac	h.	con	g.	mis	g.
ad	h.	cor	g.	par	g.
af	h.	col	g.	pre	g.
all	h.	de	g.	pro	g.
am	h.	di	g.	re	g.
an	h.	dis	g.	sub	g.
ap	h.	ful	g.	sup	g.
op	h.	for	g.	ser	g.
as	h.	um	g.	sur	g.
at	h.		g.		g.

Fig. VIII.

Propositiones				terminaciones			
age	h.	fel	g.	les	g.	tor	g.
agi	h.	fil	g.	lis	g.	tur	g.
ar	h.	for	g.	mas	g.	lum	g.
au	h.	ga	g.	latio	g.	ter	g.
av	h.	glo	g.	tes	g.	tas	g.
bel	h.	hab	g.	tis	g.	pus	g.
beat	h.	ia	g.	tus	g.	rus	g.
cap	h.	ig	g.	mus	g.		g.
car	h.	in	g.	lus	g.	tum	g.
cent	h.	la	g.	mus	g.	do	g.
cu	h.	le	g.	cus	g.	bo	g.
dil	h.	li	g.	vis	g.	ge	g.
dit	h.	ma	g.	res	g.	sa	g.
dom	h.	na	g.	ris	g.	ta	g.
ed	h.	ni	g.	fus	g.	bi	g.
eg	h.	pec	g.	sum	g.	bis	g.
el	h.	qu	g.	bus	g.	nium	g.
et	h.	ra	g.	dus	g.	mor	g.
ex	h.	sal	g.	rum	g.	mas	g.
fab	h.	temp	g.	se	g.	dem	g.

Terminaciones

atio	g.	mer	g.	tion	g.
dur	g.	mar	g.	tent	g.
fect	g.	nes	g.	ture	g.
rect	g.	us	g.	ver	g.
ler	g.	serue	g.		g.

PROPOSITIO I.

Epactam currentis anni invenire.

IN dextra Rota, cui titulus est, INVENTIO EPACTARUM PERPETUA, applies Indicem Annorum millesimorum, vel centesimorum, ad annum expansum in limbo annorum expansorum, occurrentem; numerus, qui in angulo communi occurrit, erit, Epacta data anni. Verbi gratiâ, Desiderat quispiam scire, quæ sit Epacta præsentis anni 1638. Applies Indicem annorum millesimorum ad numerum 38. quem in limbo annorum expansorum invenies, & vide quis numerus in hoc situ anno 1600. respondeat; & invenies, verbi gratiâ, 15. Epactam dicto 1638. anno currentem.

Nota hoc loco, annos expansos à nobis dici illos, qui ab uno centenário ad alterum intercurrunt: hi enim in limbo orbis interioris descripti, unâ cum centenário anni currentis indice reperi in communi concursus angulo, Epactam assignant. De quibus te primò, ne in praxi errares, monitum volebam.

PROPOSITIO II.

Literam Dominicalem quovis anno currentem invenire.

QUære in Rota sinistra, cui titulus est, LITERARUM DOMINICALIUM PERPETUA INVENTIO, in limbo annorum expansorum annum expansum anno 1600. currentem v.g. 38. indicemque annorum millesimorum super eum promoveas: litera enim, quæ anno 1600. in indice reperto, respondet, videlicet C, erit litera Dominicalis currentis anni 1638.

PROPOSITIO III.

Aureum numerum invenire quovis anno dato.

IN priori Rota, Epactarum numeri, superiorem circuli, seu rotæ partem; Aurei verò, inferiorem occupant, uti ex titulis patet. Habitâ itaque Epactâ, & indice super ea firmato, vide quis numerus anno millesimo sexcêtesimo, in opposita indicis inferiori par-

terefpondeat: illa enim erit numerus Aureus currentis anni dati, videlicet 5.

PROPOSITIO IV.

Cyclum Solarem quovis anno currentem invenire.

IN secunda Rota Litterarum Dominicalium superiorem semicirculum litterarum Dominicales, inferiorem verò numeri Cycli Solaris, prout tituli rotæ docent, occupant. Habitâ itaque litterâ Dominicali juxta Propos. 2. firmatoque indice super ea, vide quis numerus anno millesimo sexcentesimo in opposita indicis parte respondeat: ille enim erit numerus Cycli Solaris currens dato anno 1638. videlicet 23.

PROPOSITIO V.

Epaetam, & Aureum numerum juxta stylum veterem invenire.

QUARE in quadrante inferiori sinistro, cui titulus est, **I**NVENTIO **E**PAETARUM **S**TYLO **V**ETERI, numerum expansum dati anni 1638. videlicet 38. in circulis annorum expansorum, & super eum applica regulam annorum millesimorum: numeri enim, qui anno 1600. in regula responderint, erunt Aureus numerus, & Epaeta, videlicet 5. & 25. anno 1638. currentes.

PROPOSITIO VI.

Litteram Dominicalem veteri stylo currentem invenire.

IN quadrante inferiori dextro, cui titulus est, **I**NVENTIO **L**ITTERARUM **D**OMINICALIUM **S**TYLO **V**ETERI, QUARE in limbo annorum expansorum annum 38. & regulam annorum millesimorum super eam applices: littera enim Anno 1600. cum anno expanso 38. respondens, erit littera Dominicalis anno dato 1638, juxta veterem stylum, currens, videlicet C.

PRO-

PROPOSITIO VII.

Indictionem Romanam quolibet annocurrentem invenire.

Sunt hi numeri Indictionales inſcripti exteriori volvuli ſuperficiæ rotæ, cui titulus eſt, *INVENTIO LITTERARUM DOMINICALIUM*. Si itaque ſcire deſideres, quis ſit dato quolibet anno numerus Indictionalis; applicabis regulam, cujus titulus eſt, *INVENTIO INDICTIONUM*, ſuper annum expanſum in limbo volvuli deſcriptum: numerus enim, qui anno videlicet 1600. cum expanſo 38. reſpōderit, ille erit numerus Indictionalis queſitus, videlicet 6.

PROPOSITIO VIII.

Omnia Feſta Mobilia quovis anno dato perpetuò invenire, juxta ſtylum novum.

Sit annus datus 1638. Quare in rota, cui titulus eſt, *Inventio Feſtorum Mobilium perpetua*, primò litteram Dominicalem per propoſ. 3., jam inventam, videlicet C, in limbo exterioris rotæ inter ſeptem litteras Dominicales majuſculis ſcriptas, & ſuper dictam litteram C. anno 1638. currentem, applices indicem volvuli: deinde quæres Epactam anno dato currentem, per primam Propositionem paulò ante inventam, videlicet 15. inter numeros Epactales litteræ C. correfpondentes: ſuper hanc enim ſi crenam indicis firmaveris, occurrent tibi illicò dies menſium, in quos dicta Feſta Mobilia incidunt. Hoc modo invenies ſeptuageſimam anno. 1638, incidere in 31. diem Januarii; Diem Cinerum, in 17. Februarii; Paſcha in 4. Aprilis; & ſic de cæteris Feſtis in latere crenæ deſcriptis.

PROPOSITIO IX.

Paſcha juxta veterem ſtylum invenire quovis anno dato.

Quare in limbo ultimo volvuli, cui titulus eſt, *Inventio Feſtorum Mobilium perpetua ſtylo veteri*, Aureum numerum, anno videlicet 1638. currentem, per Propoſ. 3. & 5. paulò antè inventum; & ab hoc juxta feriam litterarum Dominicalium in ſecundo

descriptarum, quare litteram Dominicalem anno 1638. stylo vetererentem, quam per Propositionem 6. inveniisti C: super hanc enim, si regulam fiduciæ festorum Mobilium statueris, occurrent subito dies Mensium singulis festis in regulâ descriptis correspondentes. Ita reperies anno 1638, diem Cinerum celebrari 7. Febr. Pascha, 25. Martii; Ascensionem Domini 3. Maji; Pentecosten 13. Maji; & sic de cæteris.

Nota hîc *primò*, quòd si occurrerit Aureus numerus in littera Dominicali, ne festû Paschatis cum Judæis celebretur, ad alteram literâ Dominicalem indicem statuendû, ut festa habeantur. *Secundò* intervallum majus nihil aliud est hoc loco, nisi spatium septimanarum, quæ inter primam Dominicam Adventus, & primam Dominicam post Pentecosten continentur. Quæ hîc explicare visum est, ne inter quærendum aliquod dubium occurreret.

PROPOSITIO X.

In quam Feriam quodvis Festû incidat, invenire.

Rotæ dextræ inventionis Epactarum, cujus mentio facta est Propos. 1. & 3. volvulum superposuimus, in cujus superficie descriptæ sunt litteræ singulis Feriis respondente: in hujus autem, volvuli limbo dies Mensium scriptos reperies. Si itaque scire desideres, v. g. Festum Nativitatis anno 1638, in quam Feriam incidat; quare 25. diem, quo dictum Festum celebratur, in limbo dierum Mensium, & regulam, cujus titulus est, *Inventio Ferie per totum annum*, statuas super eum; & littera, quæ responderit Decembri in regula descripto, dabit litteram Ferie, videlicet B, quæ responderet diei Sabbato. Cum enim littera Dominicalis dicto anno sit C; B autem à C, juxta seriem litterarum Dominicalium, septimum locum teneat; necessariò Festum Nativitatis incidet quòquè in Sabbatum, seu Feriam septimam.

Nota tamen, hoc loco ea observanda, quæ de Bissextili dicuntur, ubi prima littera durat usque ad Festum S. Matthiæ, reliquæ currente per totum annum.

PROPOSITIO XI.

Litteram Martyrologii quovis anno invenire.

Littera

Littera Martyrologii in Martyrologio indicare solet ætatem Lunæ. Hanc itaq; si scire percupis, in quadrante dextro superioris lateris in Cyclo Epactarum quære Epactam currentem, videlicet anno 1638. Epactam 15. Littera enim, quæ ei in eodem spatio responderit, uti *q*, erit littera Martyrologii dati anni: numerus enim dierum Mensis, super quem hac littera *q* inventa fuerit, per totum annum indicabit ætatem Lunæ, id est, dies à Novilunio elapsos.

PROPOSITIO XII.

Novilunia, Plenilunia, Quadraturæ solis, & Luna per totum annum, singulis mensibus reperire.

In rota majori interiori dies Conjunctionis, Oppositionis, Quadraturæ Solis, & Lunæ, juxta 30. Epactales numeros descripsimus. Quòd si itaque anno 1638, scire desideres, quo die singulis mensibus totius anni Novilunia occurrant; quære in exteriori, & ultimo limbo dictæ rotæ, seu orbis interioris Epactam currentis anni, quam per Propos. 1. superius invenimus 15. Hanc applices ad crenam dentatam mensium, ita, ut dentes mensium tangant signum conjunctionis; & subito videbis unicuique denti diem mensis, quo videlicet Novilunia contingent, correspondentem. Ita videbis anno 1638 Epactâ currente 15. Novilunium incidere in 16. diem Jan. 15. Febr. 16. Mart. 14. Aprilis, & sic de cæteris. Quòd si denuò scire desideres, quo die mensis per totum annum prima quarta Lunæ contingat; applicabis apicibus, seu dentibus mensium, signum □ aut ● eodem Epactæ 15. spatio contentum; & videbis subito dies mensium, quibus prima quarta Lunæ contingat. Non secus plenilunia, & ultimas quartas Lunæ invenies.

Nota, in latere crenæ ferratæ mensibus Romanorum, mensis Græcorum, Hebræorum, Arabum, Ægyptiorum, correspondentes esse, ut, quo die his peregrinis mensibus Novilunia contingant, investigare quoque possis; præsertim, cum hoc multum ad Chronologiam, temporumque doctrinam benè intelligendam, conferat.

PRO-

PROPOSITIO XIII.

Dato die Novilunii per præcedentem, ætatem Luna quovis tempore reperire.

Quare quadrantem dextrum superioris lateris, cujus titulus est, *Inventis littera Martyrologii, & ætatis Luna*; hujus, inquam, quadrantis mobilis indicem applica diei mensis, quo Novilunium contingit: hoc facto vide, quis numerus in quadrante mobili respondeat diei, quo ætatem desideras; ille enim erit ætas Lunæ. v.g. contingit Novilunium aliquod 12. Julii, tu verò 31. ejusdem vis scire ætatem Lunæ, id est, dies ab ultimo Novilunio elapsos. Applica regulam, seu quadrantem mobilem super duodecimum diem in limbo quadrantis interioris descriptum, & invenies 31. diem respondere in quadrante mobili 19. numero dierum ab ultimo novilunio elapsorum.

PROPOSITIO XIV.

Quot horis Luna supra Horizontem luceat, quovis dato tempore, cognoscere.

In quadrante sinistro superioris partis lateris Cubici, cujus titulus est, *Inventio temporis, quo Luna supra Horizontem lucet*, per præcedentem propositionem quæras ætatem Lunæ in arcubus, in quibus adscriptum est, *ætas Luna*; & subito in media area reperies horas in partibus integris, aut minutis, quibus Luna supra Horizontem lucet.

Atque hæc sunt ferè præcipua puncta, qua nos primum latus Specula Melitææ docet; qua si benè intelligantur, qui vis, quantum vis etiam imperitus, sine ullo ferè negotio diaria absolutissima ad quovis annos datos construere poterit. Quicumque igitur Ecclesiastico computo delectantur, in hac sese parte exercere poterunt: quidquid enim alii Calendariographi vastis voluminibus comprehenderunt, hic nonnisi pauculis rotis totum, & perfectâ methodo in perennes Cyclos digestum, comprehenditur.

U S U S

SPECULI COSMOGRAPHICI,

sive

Secundi Lateris Speculæ.

Secundum Speculatus, cujus titulus est **SP E-
SCULUM COSMOGRAPHICUM**,
quatuor constat systematis; Horoscopio videlicet
universali; Planisphærio duplici, stellarum fixa-
rum, & primi mobilis; deniq; systemate fluxus, &
refluxus marium.

PROPOSITIO XV.

*Datâ horâ Melitæ currente, quot a hora sit
in universo mundo, cognoscere.*

NOta, in rota majori interiori omnes horas juxta 24. meridia-
nos dispositas proportionaliter, horas quidem antemeridia-
nas viridi colore, postmeridianas verò rubro colore descriptas
esse; quæ horæ respondent semper regionibus, & provinciis ad
latus dentatæ crenæ descriptis. Quòd si itaque scire velis, v. gr.
Horâ 8. antemeridianâ Melitæ currente, quæ hora sit alibi terra-
rum in regionibus forinsecus inferrata crena descriptis, admove
horam 8. antemeridianam viridi colore scriptam denti, sive a-
pici, cui inscriptum est, (*Collegium Melitenſe*) & subito videbis in
Thracia, Moscovia, Constantinopoli esse horam nonam; in In-
dia intra Gangem, Meliapore videlicet, esse horam primam post
meridiem; in Nova verò Hispania, in Collegio Mexicano,
duodecimam noctis esse; & sic de reliquis
procedes.

PROPOSITIO XVI.

Quid ubi vis terrarum in Societate JESU secundum distributionem temporis ei consuetam peragatur, cognoscere.

Cum Societas JESU iisdem ferè ubiq; horis, & eâdem temporis distributione utatur per universum mundum; voluit hanc totam Author apponere in gratiam Patrum dictæ Societatis, ut monstraret, functiones hujus Ordinis nocte dieq; ita continuari, ut nunquam interrumpantur, Solemq; ei nunquam occidere. Si itaq; datâ 8. horâ Melitæ fluente scire cupias, in quo Collegio eâdem horâ eant cubitum; quære horam 9. pōmeridianam in interiori rota: hæc enim est hora decubitus; & vide, cui collegio, aut provinciæ forinsecus illa respondeat; invenies, v. g. Tolm Regnum Americæ, in cujus urbis Regia Residentia Patres cubitum eunt, cum apud nos Melitæ est hora 8. antemeridiana. Iterum, si scire velis, ubi eâdem horâ surgant; quæres in Rota interiori horam 4. horam videlicet surgendi Societati consuetam; & invenies, Collegium Sancti Spiritus in Brasilia: in eo enim surgunt Patres, cum hic Melitæ est 8. Non secus de aliis functionibus Societatis facies, ut de scholarum, Missarum, prandii, Cœnæ temporibus, & horis. Quæ res plena est jucunditatis; videbis enim in hac rota, ita Societatis JESU occupationes pias continuari semper, ut nunquam interrumpantur.

PROPOSITIO XVII.

Data quavis elevatione poli, situm sphaeræ ejus invenire.

IN planisphærio sinistro, limbus graduum interioris circuli Meridianum refert; rota verò volubilis sphaeram mundanam in planum projectam; filum sericum majus, horizontem immobilem; minus verò lineam crepusculinam refert. Quòd si itaq; indicem polarem applices super 35. gradum Meridiani, videlicet supra datam elevationem poli Melitensis; videbis, quæ sit sphaeræ Melitensis ratione Horizontis constitutio.

PROPOSITIO XVIII.

*Quantitatem dierum, & noctium, sive arcus
semidiurnos, & seminocturnos quavis elevatione
poli datâ reperire.*

Cum hoc instrumentum universale sit, universalem quoque usum id habere necesse est. Sic igitur datâ elevatione poli 35. grad. (qualis hîc est Melitæ) quantitatem dierum & noctium per totius anni decursum investigabis. Posito indice polari super gradum elevationis poli, videlicet 35. subito parallelorum semidiurnorum omnium ab Horizonte (quem filum repræsentare diximus) sectorum quantitas comparebit: si enim computes à meridiano horas usq; ad horizontem in parallelo dato, habebis semidiurnum arcum; quem si duples, habes totius diei quantitatem. In exemplo rem declaremus.

Volo investigare arcum semidiurnum, Sole in principio Cancri constituto. Posito itaq; indice polari super gradum elevationis poli, computa ab hora duodecima, sive à meridiano, in dicto parallelo horas ei vicinas usq; ad sectionem horizontis, & invenies 7. horas, & unam quartam circiter horæ; hæc duplata dabunt 14. horas, & 30. min. datam quæsitam quantitatem diei, Sole principium Cancri obtinente. Quod si ab interfectione horizontis versus meridianum subterraneum horas in dato parallelo Solis numeres; habebis complementum quantitatis dierum, videlicet arcum seminocturnum Melitæ, Sole principium Cancri transeunte, v. g. 4. horarum & 45. min. quæ duplata dabunt 9. horas, & 30. min. desideratam quantitatem noctis. *Aliud exemplum*, volo scire quantitatem diei, sive arcus diurni quantitatem, Sole primum gradum Tauri percurrente. Quæro ab indice æquinoctiali secundum seriem signorum principium Tauri; quod ubi punctata linea, sive punctatus parallelus monstrat, hic posito, firmatoque indice super gradum elevationis poli, video, quamnam sint communes interfectiones horizontis horariarum linearum cum minutis, seu quartis; & hinc computo horas, & minuta usque ad meridianum, & habeo arcum semidiurnum, videli-

delicet 6. horas, & 30. minuta; quæ si duplo, habeo 13. horas, quantitatem diei, Sole initium Tauri occupante: noctis verè quantitatem dabit, reliqua paralleli subterranea pars.

PROPOSITIO XIX.

Ortum, & Occasum Solis reperire, quovis dato tempore.

Vide, ubi paralleli Solis Horizontem tangant: hæc enim communis intersectio dabit Ortus, & Occasus in horis, & quartis horarum, sine minutis. Ita videbis hîc Melitæ Solem Cancrum subeuntem, occidere unâ quartâ horæ post septimam; oriri verò unâ quartâ ante horam quintam.

PROPOSITIO XX.

Declinationem signorum Zodiaci reperire.

Computa utrinque ab indice æquinoctiali usque ad parallelum v.g. Tauri: hic enim in meridiano gradum declinationis resecabit, videlicet 11. & 30. min. Non secus de cæterorum parallelorum declinatione invenienda procedes.

PROPOSITIO XXI.

Quantitatem Crepusculorum invenire.

Illum inferius refert lineam Crepusculinam. Si itaq; quantitatem Crepusculi, v.g. Sole Arietem, aut Libram transeunte, scire desideres; vide, quot horas portio Æquinoctialis inter horizontem & lineam Crepusculinam contineat: hæc enim quantitatem Crepusculi dato tempore Melitæ indicant, videlicet horam unam, & 38. min. Non secus Sole alia signa subeunte, Crepusculorum durationem invenes: omnes enim portiones parallelorum Solis inter Horizontem, & lineam crepusculinam, quantitatem Crepusculorum in horis, & quartis horarum demonstrabunt.

PROPOSITIO XXII.

*Datâ quâvis horâ, altitudinem Solis ſupra
Horizontem invenire.*

IN primo gradu Geminorum viſ ſcire horâ g. ante Meridiem, vel 4. pomeridianâ, quàm altus ſit Sol ſupra Horizontem. Pone filum quodpiam ad hunc finem aſſumptum, ſupra communem Sectionem dati paralleli, & aſſignatas horas, illudq; uſq; ad meridianum extendas, ita, ut horizonti, quem filum refert, ſemper ſit parallelum: hoc factò, reſecabit id tibi in meridiano gradus altitudinis Solis quæſitos.

PROPOSITIO XXIII.

Altitudinem Solis Meridianam invenire.

Vide, quid datus parallelus Solis in meridiano reſecet: hi enim gradus aſſignabunt altitudinem Solis meridianam.

PROPOSITIO XXIV.

Horam diurnam ex radiis Solis dignoſcere.

POne aciculam ſuper datum, inventumquæ per hoc inſtrumentum altitudinis Solis gradum: quo factò cures, ut acicula umbram parallelam horizonti projiciat, finisque ejus terminetur in parallelo, quem eo ipſo tempore Sol deſcribit; & ſubitò finis umbræ oſtendet lineam horæ tunc fluentis.

PROPOSITIO XXV.

Datâ horâ Aſtronicâ, quæ ei Italica, aut Babylonica reſpondeat, invenire.

Cum horarum Italicarum initium ab Occaſu Solis ſumatur, facile quæ Aſtronomica illi reſpondeat, invenies hac ratione. Numera à communi horizontis & paralleli dati interſectione, in

dato parallelo horas, & minuta, seu quartas horarum, ita ut quatuor primi quadrantes horæ sub horizonte in parallelo numerati, ad primam horam pertineant Italicam, & ita procedes ordine usque ad horam Astronomicam datam: hora enim Italica, quæ huic responderit, erit quæ sita hora. Non secus de horis Babylonicis, quæ ab ortu Solis numerantur, inveniendis procedes.

PROPOSITIO XXVI.

Constitutionem Sphæræ supolaris invenire.

Constituere Indicem Solarem super 90. gradum, & habebis quæsitum: apparebunt enim subito omnes paralleli Solis Horizonti æquidistantes; diemque sex mensium esse, totidemque noctem ostendent.

PROPOSITIO XXVII.

Sphæræ rectæ Constitutionem cognoscere.

Applica Indicem polarem supra horizontem, & habebis quæsitum: videbis enim subito, parallelos omnes Solis in æquales portiones ab horizonte interfecari, & consequenter dies noctibus in hac sphæra perpetuò æquales esse.

PROPOSITIO XXVIII.

Stellarum fixarum declinationes invenire.

IN dextro planisphærio stellarum fixarum indicem, seu regulam, applica super datam stellam; & ea resecabit tibi in regula quæsitos declinationis gradus.

PROPOSITIO XXIX.

Longitudinem stellarum fixarum invenire.

Applica regulam super datam stellam, & vide, quem gradum in circuli limbo abscindat: illa enim erit longitudo à prima stella Arietis computata, quam quærebas.

PROPOSITIO XXX.

In quo Circulo horario quævis stella, quovis tempore, reperiat, invenire.

Applica gradum Solis in Zodiaco, seu limbo Orbis volubilis, descriptum super horam, quâ dato tempore Sol oritur; & abscindet tibi regula omnes stellas fixas, eodem tempore, illi horario Circulo correspondentes.

PROPOSITIO XXXI.

Fluxum & refluxum Maris per universum Mundum determinare.

Nota, hoc systema Fluxus, & Refluxus, sive æstus marium, quatuor circulis constare. Primus continet celebriora loca maritima per universum mundum. Secundus continet gradus incrementi & decrementi aquæ per omnia loca in priori Rota descripta, unâ cum incremento. & decremento Lunæ. Cum enim certissimis, & irrefragabilibus rationibus longâ experientiâ innoverit, hunc reciprocum maris æstum adeò constanti lege morus suos continuantem, ab alia causâ, quàm à Lunæ motu, originem habere non posse; ideò totum hoc instrumentum ad ejus motum ita accommodatum est, ut ex eo incrementa, decrementaq; hujus æstus ubivis locorum cum magna jucunditate spectari possint. Tertia Rota refert ovalem figuram aquarum, in ejusmodi figuram vi lunari rarefactrice, & condensatrice coarctatarum. Quarta Rota, Aridam repræsentat maricircumfluam.

Si ita-

Si itaque scire lubet, quot gradibus alibi locorum aquæ creverint, aut decreverint, dum Luna hic Melitæ horizontem ascendit; applicato primùm dentem, seu radium, cui ascriptum, est, MALTA, horæ in extremo limbò descriptæ, videlicet horæ 4. pomeridiana. Hoc factò, statim in circuitu, quota hora sit in omnibus istis locis, in quibus incrementum, aut decrementum maris vigeat, apparebit. Iterum, applicabis secundum circulum, seu orbem, supra hanc horam datam, statuendo horam primam istius Rotæ super quartam, & indicem Lunæ ex ovali figura prodeuntem super has easdem horas; ita ut prima hora ascendentis Lunæ, quarta hora data, & index memoratus, super eandem lineam quiescant. Hoc factò, ovalis figura maris tumoribus suis eadem horâ maximum incrementum monstrabit in Magellanico mari horâ decimâ diei, & Bengalico horâ decimâ noctis esse: In terra verò Australi, & mari Baltico, ibi horâ quartâ matutinâ, hic vespertinâ, mare penitus detumuisse, & littora sine aquis reliquisse. Videbis etiam inter Melitæ Meridianum, & Magellanicum, per omnia loca, seu maria interjecta, aquas paulatim ad Lunæ ortum proportionaliter decrefcere: in quadrante verò occidentali, juxta puncta iis adnotata continuò crescere. Quòd si Luna horâ duodecimâ, sive in meridie oriatur; positis Rotis, & indice super datam horam, apices subitò ostendent, ubi locorum, quot punctis, mare creverit, aut decreverit. *Atq; hæc de usu Secundi Lateris sufficiant.*



U S U S

SPECULI PHYSICO-ASTROLOGICI,

sive

Tertii Lateris Speculæ Melitenſis.

Continet hoc Latus, ſive Speculum P H Y S I C O -
 A S T R O L O G I C U M , octo Systemata ,
 quibus, quicquid ad Aſtronomiam, Aſtrologiam,
 & Phyſiognomiam pertinet, ſuſe declaratur, ut
 ſequitur.

PROPOSITIO XXXII.

Declinationem Solis reperire.

Quare in Rota majori interiori principali, titulum *Declinationis Solis*, & hunc ſtatue ſuper crenam dentatam; & habebis quaſitum. *Exemplum.* Cupiat quiſpiam ſcire, quantum primo die Maji Sol ab æquatore declinet. Applica columnam primam tituli *Declinationis Solis* ſuper dentes menſium: hoc facto, vide, quis gradus primo diei Maji reſpondeat: & invenies, v. g. 15. grad. 15. min. *declinationem Solis dato tempore.* Quod ſi eandem Declinationem ſcire deſideres die decimo Menſis Maji; applicato gradum 10. menſium ad dentatam crenam, & dens Maji dabit quaſitum. Et ſic de cæteris menſium diebus.

PROPOSITIO XXXIII.

Quantitatem diei dicto citius reperire.

Sit primus dies Auguſti, quo quantitatem dierum ſcire viſ.
 Quare in interioris Rotæ limbo titulum *quantitatis dierum*,
 & hujus primam columnam ſupra crenam dentatam ſtatue; &

dens Augusti dabit quæsitum, videlicet 13. hor. & 50. min. Non fecus facies, si 10. die ejusdem, & 20. eandem scire desideres.

PROPOSITIO XXXIV.

Quantitatem noctis reperire.

Quære titulum *quantitatis noctis* in limbo majoris Rotæ; & primam ejus columnam, quæ initio mensis, videlicet primo Augusti, respondet, supra dentes applica; & dens Augusti dabit quæsitum.

PROPOSITIO XXXV.

Ortum Solis invenire.

Quære titulum in interiori limbo majoris Rotæ, & statue columnam primam ejus spatii supra dentes; & dens dati mensis quæsitum dabit in gradibus & minutis.

PROPOSITIO XXXVI.

Occasum Solis reperire quovis tempore.

Applica primam columnam tituli, *Occasus Solis*, super dentes; & dati mensis apex ostendet horas, & minuta Occasus Solis, ut 1. Aug. hor. 6. min. 55.

PROPOSITIO XXXVII.

Quantitatem, siue durationem Crepusculorum invenire.

Applica titulum, *Quantitas Crepusculi*, cum gradu dato, super dentatas fauces; & dens dati mensis dabit quæsitum, v. g. 10. Aug. hor. 1. min. 30.

PROPOSITIO XXXVIII.

*Ascensiones obliquas quovis dato tempore
invenire.*

Sole principium Virginis subeunte, scire quispiam desiderat, quæ sit Ascensio obliqua. Statue primam columnam tituli, *Ascensiones obliqua*, super crenam dentatam signorum, & apex virginis dabit quæsitum, videlicet 106. grad. 42. min. Iterum scire volo Ascensionem obliquam, Sole 10 gradum Tauri tenente. Statue eandem columnam super crenam dictam; & dens Tauri dabit 6. grad. 18. min. quæsitam Ascensionem.

PROPOSITIO XXXIX.

*Altitudines Solis supra Horizontem in ini-
tiis signorum per Singulas horas reperire.*

IN interioris Rotæ limbotitulum *Altitudines Solis*, reperies, & in eodem spatio horas omnes diurnas descriptas ordine videbis. Teneat itaque quempiam desiderium sciendi Altitudinem Solis supra Horizontem, Sole primum gradum Cancrī tenente, horā 10. antemeridianā, vel 2. pomeridianā; applica datarum, horarum 10. & 2. columnam super fissuram dentatam, & apex Cancrī monstrabit in columna 61. grad. 33. min. quæsitam datis horis, signoq; Altitudinem Solis.

PROPOSITIO XL.

*Proportionem umbræ ad stylum quemvis in
12. partes divisum invenire.*

ADmove columnam umbrarum rectarum in eodem altitudinum Solis spatio contentam, supra apices signorum; & dens Cancrī sex partes ostendet, & 39. min. umbram videlicet in partibus, quales stylus habet duodecim quæsitam.

PROPOSITIO XLI.

Datâ altitudine Solis super Horizontem, horam diurnam cognoscere.

PER quadrantem quempiam observa altitudinem Solis, & hanc inventam quare in columna altitudinum Solis: hora enim, quæ huic responderit, erit hora diurna quæsitâ.

PROPOSITIO XLII.

Altitudines rerum, datâ umbrâ, reperire.

SUPPONIMUS stylum quemlibet in 12. æquas partes divisum. Metire spatium, quod est inter te & rei altitudinem mensurandam, notâ aliquâ mensurâ; & invenisti, v. g. 30. pedes: quo facto dic, umbra data dat 12; spatium in nota mensura datum, videlicet 30. pedes, quid dabit? Duc secundum in tertium, & productum divide per primum, & quotiens dabit altitudinem quæsitam.

PROPOSITIO XLIII.

Ortus stellarum fixarum quovis tempore per singulas horas cognoscere.

QUARE in Rotæ interioris limbo titulum, *Ortus stellarum fixarum*, & horarum datarum columnam crenæ dentatæ applices; & apex dati signi dabit quæsitum.

PROPOSITIO XLIV.

Occasum stellarum fixarum invenire.

STATUE Columnam datarum horarum tituli, *Occasus stellarum fixarum*, supra crenam memoratam; & apex dati signi ostendet stellas, datâ horâ occidentes.

PROPOSITIO XLV.

*Culminationes stellarum fixarum invenire
quovis tempore.*

STatue datarum horarum Columnam super Crenam eo modo,
quo in præcedentibus operatus es; & apex signi dati ostendat quæsitum.

PROPOSITIO XLVI.

Gradum Solis reperire quovis tempore.

ADjunge ad datum diem mensis numerum mensibus in latere crenæ descriptis occurrentem; & summa dabit gradum Solis in signo dicto Mensi respondentem.

PROPOSITIO XLVII.

Quo die mensis Sol duodecim signa ingrediatur.

Vide numeros in apicibus mensium descriptos: illi enim ostendent diem mensis istius, quo Sol signum quodpiam ei contrapositum ingrediatur.

PROPOSITIO XLVIII.

*Gradum, in quo Sol sit, quovis tempore
reperire.*

STatue indicem Solis in Rota, cujus titulus est, *Inventio aspectuum Solis & Luna cum Capite, & Cauda Draconis*, super diem mensis; & gradus in Zodiaco abscissus, erit gradus Solis quæsitus.

PROPOSITIO XLIX.

Aspectus Solis & Luna reperire.

Per Propositionem 12. inventa ætate Lunæ, statue indicem Solis supra gradum suum in Zodiaco; & alterum super ætatem

Lunæ, in secundi Circuli seu Orbis limbo descriptum; & signum Aspectuum subito in lineis suis aspectum, vel Sextilem, aut Quadratum, Trigonum, aut deniq; Conjunctionem, vel Oppositionem dabit.

PROPOSITIO L.

In quo signo, & gradu Zodiaci Luna sit, reperire.

POSITO indice supra ætatem Lunæ, & indice Solis supra gradum suum in Zodiaco, index Lunæ subito in Zodiaco gradum signi, quem tunc Luna subit, monstrabit.

PROPOSITIO LI.

Cujus figura Luna sit, quovis tempore reperire.

STATUE indicem Lunæ supra ætatem Lunæ, manente Indice Solis super suum gradum; & figuram Lunarem dabit orbis excavatus in sectione albi, & nigri.

PROPOSITIO LII.

Utrum Eclipsis futura sit Plenilunio, & Novilunio dato, cognoscere.

QUARE per propositionem 95. locum Capitis, & Caudæ Draconis, indicemq; ejusdem statue super gradum, in quo invenitur: deinde utrumque indicem statue super gradum quoque signi, in quo Luminaria tempore Novilunii, aut Plenilunii reperiuntur: & si index Capitis, aut Caudæ Draconis concurrerit cum utroq; indice, Eclipsis necessariò eveniet; si non concurrerit, neq; Eclipsis eà conjunctione, aut oppositione contingit.

PROPOSITIO LIII.

Latitudinem Luna quovis tempore reperire.

PONE indicem Capitis, & Caudæ Draconis super suum signum, & gra-

& gradum in Zodiaco; & Lunam super suum quoq; gradum, per propositionem 50. inventum, statuas: Filumenim ex centro orbis super verum Lunæ locum applicatum in circulo ovali graduato, interfecabit gradus, & minuta Latitudinis Lunæ.

PROPOSITIO LIV.

Verum argumentum Latitudinis Lunæ reperire.

Situato Instrumento in eo situ, in quo id in præcedente propositione reliquimus, manente, computa à puncto Capitis, & Caudæ Draconis, usq; ad gradum, quem filum à limbo Circuli, seu Orbis Capitis, vel Caudæ Draconis interfecat: ille enim gradus, erit verum argumentum Lunæ.

PROPOSITIO LV.

Quam quodlibet signum qualitatem habeat, cognoscere.

Applica trigonum mobilem in Rota, cujus titulus est, *Inventio 12. domorum cælestium comparatorum ad 12 signa Zodiaci*, super datum signum in limbo rotæ exterioris descriptum; & subito qualitates dati signi, prout denominationibus in trigoni ordine descriptis correspondent, apparebunt.

PROPOSITIO LVI.

Cui parti hominis, & cui regioni, cui morbo proffit quodlibet signum.

Applica trigonum mobilem ad datum signum; & latera trigoni ostendent desideratum: videbis enim Arietem, v.g. capiti, morbisq; ejus dominari. E regionibus præterea ei Græciam, & Italiam subesse, vimq; suam in res igneæ naturæ exerere.

Non secus de aliis signorum proprietatibus inveniendo procedes.

PROPOSITIO LVII.

Triplicitates signorum invenire.

Cum omnia Zodiaci signa Terræ, Aquæ, Aëreæ, aut Ignæ naturæ sint; si desideret quispiam, quænam v.g. tria ignæ naturæ signa sint, cognoscere; applicabis angulum quemvis ex tribus Trigoni mobilis angulis supra Arietem primum Ignæ naturæ signum, & reliqui Trigoni mobilis anguli extemplo reliqua signa ignea cum proprietatibus suis demonstrabunt. Non secus operabere, si scire desideres, quæ signa Terræ, Aëreæ, aut Aquæ naturæ sint,

PROPOSITIO LVIII.

Cuspides duodecim Domorum cœlestium quovis tempore invenire.

IN interiori Orbis superioris parte maximo compendio Author tabulam Directionum ad 12. domorum cœlestium Cuspides facilitate maximâ inveniendas descripsit. Quòd si itaque scire desideres, quo in gradu Zodiaci quælibet 12. Domorum cœlestium, quovis dato tempore consistat; Primò, quæres gradum Solis pro tempore dato; Secundò, horam, quâ figuram aliquam construere cupis. Quò facto, cum signi gradu invento Rotam ingredi; & è regione signi inventi, horam quoque invenies; à qua si denuò horas à meridie elapsas, primò servatas computes, occurrent subito in illa columna gradus Zodiaci, domibus sex superioribus in latere crenæ correspondentes; quos gradus, si oppositis domibus adscribas, habebis gradus 12. domorum cuspidumq; quæsitos.

PROPOSITIO LIX.

Quibus Planetis & Signis Zodiaci, quæ membra hominis subjiciantur, cognoscere.

Accipe characterem Planetæ in inferiori parte lateris crenæ, & ad characterem signi applica ipsam crenam; & in angulo communi reperietur membrum id, in quod datus Planeta cum dicto signo juxta Astrologorum regulas, agere censetur.

PROPOSITIO LX.

Qualitates & proprietates duodecim Domuum cælestium cognoscere.

Applica inferiorem lateris partem in trigono mobili, domui, cujus qualitatem scire desideras; & subito in angulo communi reperies qualitatem domus, denominationem & significationem ejusdem, partem hominis correspondentem, dominum domus, & similia, quæ ab Astrologis observantur.

PROPOSITIO LXI.

Dominum Planetarum quovis tempore reperire.

Quare in rota, cujus titulus est, *Dominium Planetarum*, horam inæqualem in limbo datam, sive ea nocturna fuerit, sive diurna; & fissuram rotæ applices super eam; & Planeta, qui respondebit feriæ, quâ dominium Planetæ quæris, erit Planeta dominans.

PROPOSITIO LXII.

Quæres naturales singulis Planetis respondeant, invenire.

SI, v. g. scire desideres, quæ in hoc mundo res Lunaris naturæ sint, sive dominio Lunæ subitent; applica regulam mobilem

Al m m

supra

supra spatium Lunaris characteris, & invenies subito in stellis fixis, in lapidibus, plantis, arboribus, animalibus, avibus, piscibus, &c. res consimilis naturæ, cum Planeta, quem quæris. Similiter, si desideres scire, quæ res sint Solares, quæ Saturninæ, quæ Joviales, quæ Martiales, &c. Statue regulam super dictos Planetas in limbo extrinseco volvuli descriptos, & habebis quæsitum.

PROPOSITIO LXIII.

Mutuum Planetarum Amicitiam reperire.

Quære in regula mobili titulum, *Amicitia Planetarum*, applicesq; regulam super Planetam, cujus Amicos desideras; & angulus communis dabit quæsitum.

PROPOSITIO LXIV.

Domus Planetarum invenire.

Quære in regula mobili titulum, *DOMUS*, & applica regulam supra Planetam, cujus domum desideras; & angulus communis dabit quæsitum.

PROPOSITIO LXV.

Exhalationem, & casum Planetarum reperire.

Quære in regula mobili titulum, *EXHALATIO*, & *CASUS*, & applica regulam supra Planetam, cujus Casum & Exhalationem scire desideras; & habes quæsitum.

PROPOSITIO LXVI.

Physiognomiam rerum naturalium cognoscere.

Vide, sub quo Planeta datæ res ponantur; ejus enim Planetæ naturam, & proprietatem affectabunt. Saturninæ itaq; res loca opaca, frigida, sicca amabunt; lenta, tarda, & plumbei coloris erunt.

erunt. Non secus de aliis Planetis subjectis rebus judicabis, quemadmodum te Rota hæc Physiognomica fusè docet.

PROPOSITIO LXVII.

*Sympathiam, & Antipathiam rerum
explorare.*

SI res Saturninas rebus Venereis, aut Venereas Jovialibus, aut similes heterogenæ qualitatis res Hydrostaticâ arte Authori consuetâ, juxta ea, quæ te Rota docebit, associes; videbis illas simul sese ferre non posse; hæc verò amico congressu coire, non alia de causa, nisi ob qualitatum dissimilium, consimiliumquæ contrarias leges. Hinc quoque colliges, cur quædam animalia alia diligant, alia verò ita oderint, ut concordare nunquam possint. Quæ concordia, discordiaq; in plantis, & lapidibus quoque apparet. Docet proinde hæc rota, totius Magiæ naturalis rationem, & methodum absolutissimam.

PROPOSITIO LXVIII.

*Quo tempore opportuno arbores, aut herba
plantanda, cognoscere.*

VIde, quis Planeta eâ horâ, quâ seminare, & plantare desideras, regnet; & invenisti, v. g. datâ horâ regnare Saturnum; arbores itaq; Saturnias, quales sunt Salices, Platani, Quercus, &c. eâ horâ si plantaveris, opus successum optatum, favente Numine, sortietur.

PROPOSITIO LXIX.

*Cui morbo medendum, datâ quâlibet
horâ planetariâ.*

VIde, quis morbus singulis Planetis respondeat, & invenies. v. g. Hypochondriacum morbum Saturnium esse; huic igitur medendum scias rebus ad oppositum Planetam spectantibus, ut Jovialibus, & sic de cæteris.

PROPOSITIO LXX.

Quis ex Conjunctionibus Planetarum effectus in Aëre futurus, Autumno, & Hyeme cognoscere.

Applica regulam in quadrante inferiori dextro, cujus titulus est, *Prognosticum temporis pro Autumno & Hyeme*, (siquidem dictis anni partibus memoratæ conjunctionis effectum scire velis) super Planetam in superiori limbo descriptum; & angulus communis dabit Autumno, vel Hyeme tempus dicto aspectui Planetarum congruens. Non secus de aliis procedes.

PROPOSITIO LXXI.

Quæ ex Conjunctionibus Planetarum in aëre, vere, & Æstate contingant, cognoscere.

Applica regulæ partem illam, cujus titulus est, *Applicanda inferiori parte pro vere, & Æstate*, super datum Planetam, in inferiori limbo; & area, quæ responderit Planetæ in Regula descripto, dabit effectus ex aspectu utriusque Planetæ causatos.

PROPOSITIO LXXII.

Aliâ ratione præcedentem praxin expedire.

Vide naturam Planetarum ex Propositione 62. & observa, quem aspectum ad invicem habeant. Si itaq; Mars, Saturnus, & Sol in signis igneis, seu trigono igneo occurrerint; calores intensissimos, & siccitates ubiq; locorum ingentes causabunt. Quæ autem sint ignea signa, aërea, & aquea; discas vel ex iis, quæ suprà tradita sunt, vel ex radiosa figura hujus quadrantis prognostici. Non secus operaberis de aliis qualitatibus, & aspectibus signorum.

PROPOSITIO LXXIII.

Dato Planetarum aspectu electiones rerum facere.

Cupiat quispiam scire, quando bonum sit plantare, seminare, ligna cadere, & similia; transeat autem Luna eodem tempore signum Arietis. Applica regulam mobilem inferioris sinistri quadrantis, cujus titulus est, *Prognosticum rerum ad Oeconomiam spectantium*, super signum, quod datâ horâ Luna transit; & titulus Plantationis, Seminationis, &c. mox exhibebit in angulo communi tempus certo aspectu Planetarum auspicandum.

PROPOSITIO LXXIV.

Tempus venandi, aucupandi, piscandi, opportunum reperire.

Quare in regula mobili titulum, *Venationis, Piscationis, & aucupii*, & promove eum ad signum, quod tunc temporis Luna pertransit; & in angulo communi aspectus Lunæ cum tempore opportuno, vel importuno mox patebit.

PROPOSITIO LXXV.

Horam Italicam ad Astronomicam accommodare.

Vide in rota sinistra superiori, cujus titulus est, *Rota Horaria*, horam Astronomicam, qua Sol die illo occidit, & 24 horam Italicam applies super eam; & horæ Italicæ per totum circulum respondebunt horis Astronomicis.

PROPOSITIO LXXVI.

Horam Babyloniam ad Astronomicam accommodare.

Applica horam Astronomicam, qua Sol oritur dato tempore, super

super secundam horam Babylonicam; & reliquæ horæ Babylonicæ consequenter, pro dato tempore, respondebunt horis Astronomicis.

PROPOSITIO LXXVII.


*Horam Judaicam, sive inaequalem, ad
Astronomicam accommodare.*

Dispositæ sunt hæ horæ inæquales in triplici circulo, quorum duo Tropicos, alter Æquinoctialem representat. Si itaque horam Judaicam Astronomicæ accommodare velis, vide, si tempus datum sit vicinum Tropicis, aut Æquinoctiali, &c. eo habito, duc ex centro rotæ filum usque ad horam Astronomicam; & filum in Tropicis, vel Æquinoctiali refecabit horam, inaequalem seu Judaicam, aut planetariam, Astronomicæ respondentem.

PROPOSITIO LXXVIII.

*Situm Zenith in quavis Regione, cum elevatione
Æquatoris, reperire.*

Statue volvulum dextræ rotæ cum indice suo super dati loci elevationem poli, & subito linea Zenith ostendet cum elevatione æquinoctialis, latitudinem puncti Zenith, ab ipso æquatore per totum terrarum orbem.



U S U S

JATROMATHEMATICÆ,

sive

Quarti Lateris Speculæ Melitenſis.

Conſtat hac pars ſex Systematibus. Major rotæ
 omnem rem medicam; Reliquæ verò ea, quæ ad
 medicamentorum gradus, qualitatem, aut cri-
 ſin, vel phlebotomiam pertinent, continent.

PROPOSITIO LXXIX.

*Medicinas ſimplices, totius humani corporis inſir-
 mitatibus medendis aptas, invenire.*

Applica interioris rotæ majoris titulum, *Medicamenta ſimplicia
 ex herbis*, ad crenam dentatam membrorum hominis, & in-
 firmitatum ejus; & angulus communis dabit quæſitas medicinas
 ſimplices, ſingulis membris adhibendas.

PROPOSITIO LXXX.

*Compoſita medicamenta è variis ſpeciebus
 invenire.*

Applica titulum, *Compoſita Medicamenta*, crenæ dentatæ; &
 angulus communis dabit quæſitum.

PROPOSITIO LXXXI.

*Medicamenta Chimica, ſive è Mineralibus,
 dictis membris applicata reperire.*

Quare ſub titulo, *Medicamenta è mineralibus*, & dente mem-
 brum affectum denotante: hic enim, quæ adhibenda ſint, ex-
 emplò monſtrabitur.

PROPO-

PROPOSITIO LXXXII.

Medicamenta ex Animalibus invenire.

Quare sub titulo, *Medicamenta ex Animalibus comparanda*, apicem membri, aut infirmitates: hic enim ostendet medicamenta desiderata.

PROPOSITIO LXXXIII.

Medicamenta omnis generis reperire.

SI Medicamenta, v. g. Laxativa, Lenitiva, Constipativa, Attractiva, Narcotica, Confortativa, Aperitiva, Diuretica, Soporativa, Calefactiva, Frigefactiva, Caustica, Antidota, & similibus qualitatibus imbuta, desideres: Quære titulum datæ qualitatis in limbo Rotæ; & ille supra crenam dentatam applicatus, mox omnia simplicia datâ qualitate imbuta ostendet.

PROPOSITIO LXXXIV.

Gradus simplicium Medicamentorum invenire.

VIS scire, quæ simplicia in primo, secundo, tertio, & quarto gradu sint calida: applica quadruplicis Indicis brachia, cuius titulus est, CALIDA, rotæ dextræ quadrantis, cuius titulus est, *Simplicia Calida*: omnia enim in hoc quadrante simplicia, quæ responderint quarto gradui in regula, in quarto gradu calida sunt. Reliqua verò brachia denotant, quæ simplicia sicca, frigida, humida sint; in primo, secundo, tertio, & quarto gradu.

PROPOSITIO LXXXV.

Quâ methodo contraria contrariis curentur, invenire.

L Aboret quispiam morbo aliquo humido valde ; scire volo, quæ species ei medendo adhiberi debeant. Pono brachium humidorum super quadrante simplicium humidorum, & oppositum brachium huic in suo quadrante assignabit omnia medicamenta, contrario pellendo congrua.

PROPOSITIO LXXXVI.

Composita è variis speciebus Medicina gradus qualitatis prædominantis invenire.

Conficiatur medicamentum è diversis speciebus, diversis qualitatum gradibus affectis. Quare puncta graduum uniuscujusq; simplicis in brachio suo, videlicet puncta caloris, frigoris, humiditatis, siccitatis; & si medicamentum habuerit plura puncta caloris, erit id in calore prædominans; si plura puncta siccitatis, in siccitate; si plura humiditatis, in humiditate, &c. quæ res magni momenti est in medicina, & paucis hæc graduum scientia nota est.

PROPOSITIO LXXXVII.

Crises morborum invenire.

Cum tora Criseon ratio à Lunæ motu desumatur ; si statum ægri scire desideres, vide, quo in gradu, signoq; Luna fuerit, quando æger morbo invasus fuit: super hunc signi gradum, applies mobilem aspectuum figuram in puncto conjunctionis; & numeri Criseon in limbo figuræ aspectuum scripti, signum, & gradum Lunæ ostendent, sub quo Crisin de statu ægri formes.

PROPOSITIO LXXXVIII.

Quomodo ex Conjunctione Saturni, & Martis de morbis judicandum sit.

Cum omnes penè morbi à Saturno, & Marte regantur, in Criseorum aspectus, domusq; valdè attendenda sunt. Si itaque Lunam Saturno conjunctam, & in quadrato cum Marte in signo Leonis repereris; quemcunque tunc phthisis invaserit, is agere evadet: si verò Saturnus cum Jove conjunctus fuerit, & cum Venere; evadet quidem ager, sed lentâ tabe consumetur tandem. Pari ratione, si Luna Saturno opposita in signo Canceri, aut Piscium invaserit hydropisi laborantem, vix ob nimiam humoris intemperiem, & discrasiam evadet. Non secus de aliis morbis ex hac Criticorum Rota dijudicandis procedes.

PROPOSITIO LXXXIX.

Medicamenta per occultas vires agentia reperire.

Cum mirabiliter saepe homines ex similitudine & analogia rerum ad affecta membra curari videamus, Rotam quoq; Author hîc apposuit, ex quâ dicto citius cognoscere possis, quanam hujusmodi medicinæ sint, adeò prodigiosos effectus in infirmis causantes. Comprehendit autem omnia duobus limbis, quorum primus medicamenta continet ex animalibus similitudinem, quandam cum affectis membris habentibus: alter simplicia in herbis, & lapidibus eâdem similitudine affectis. Si itaq; scire desideres, cui membro laboranti, quæ medicamenta congruant; Linea à morbo hominis dato prodiens, cui nomen morbi inscriptum est, in limbo duplici desiderata medicamenta monstrabit.

PROPOSITIO XC.

Characterismos naturalium rerum, uti herbarum, plantarum, lapidum, invenire.

Quare in inferiori limbo circuli medicamenta simplicia; & mem-

membrum, quod linea simplicibus respondens, monstrat, erit membrum, cui simplicia figurâ, seu formâ similia applicanda erunt: similitudine enim suâ, seu formâ, & figurâ monstrant, quod membrum in corpore humano affectent. Est enim singulis rebus naturalibus ab Authore naturæ sapientissimo character quidam impressus, quo veluti scripturâ quâdam naturas, & proprietates suas sagacibus ingeniis legendas exhibent. Ita pulmonaria figurâ, qua pulmonem refert clarè, se ad pulmonis infirmitates sanandas à Deo Opt. Max. productam ostendit. Non secus de aliis, quæ Rota docet, rebus admodum arcanis, & reconditis statues.

PROPOSITIO XCI.

Sub quo Signo venas aperire oporteat.


Vide in figura sinistra inferiori, lineas membrorum, quod signum tangant in limbo: hujus enim lineæ inscriptio, utrum eo tempore dato phlebotomia admittenda sit, utrum non, subito docebit. Veratur autem omnis sanguinis detractio, Lunâ existente in Signo membrum illud respiciente, uti benè figura docet.

PROPOSITIO XCII.

*Tempus Electionum medicinalium reperire
opportunum.*

Respice figuram dextram in inferiori parte Lateris: hæc enim, quo signo, & quo aspectu Planetarum, pillulæ sumendæ, sanguis minuendus, balnea frequentanda, similiaq; ex emplô docet.

Multa alia de usu hujus Lateris, omnem penè medendi rationem comprehendente dicenda forent: verum, quia forsitan alibi de iis dabitur dicendi materia, ne propositiones plus a quo crescerent, omittenda censuimus.



USUS

QUINTI LATERIS SPECULÆ

Melitenfis.

Continet Quintum Latus Cubi, videlicet Superius, omnium planetarum medios motus, in perpetuos Cyclos differtitos.

PROPOSITIO XCIII.

Loca Angium Planetarum invenire.

Quære in extremo limbo Circuli characterem Planetæ: numerus enim gradus, cui ille ascriptus fuerit, erit dux Planetæ quæsitus.

PROPOSITIO XCIV.

Locum Saturni medium in Zodiaco quovis tempore reperire.

Quære in Alhidada titulum, Motus Saturni, eumq; super Epocham, sive annum currentem, mensemq; applica; & in Zodiaci limbo Alhidada gradum Saturni mox assignabit.

PROPOSITIO XCV.

Capitis & Caudæ Draconis motum, sive locum ejus in Zodiaco reperire.

Quære in Alhidada titulum, Motus Capitis, & Caudæ Draconis, eamq; super currentis anni radicem, mensemq; applices, & illa in limbo Zodiaci signum, gradumque, in quo moratur, ostendet.

PROPOSITIO XCVI.

Locum Jovis in Zodiaco reperire.

Titulum Jovis in Alhidada ſuper radicem anni, menſemq; applices; & regula in limbo Zodiaci oſtendet gradum Jovis in Zodiaco quaſitum.

PROPOSITIO XCVII.

Locum Martis in Zodiaco reperire.

Applica titulum Martis ſuper annum currentem, & menſem ejus; & regula in Zodiaco tibi oſtendet quaſitum.

PROPOSITIO XCVIII.

Loca Solis, Veneris, Mercurii in Zodiaco reperire.

Titulus Solis, Veneris, Mercurii ſuper diem menſis dati ſtatuatur, & diei menſis correfpondens gradus in Zodiaco dabit deſideratum.

PROPOSITIO XCIX.

Locum Lunæ reperire in Zodiaco.

Applica menſem in Regula deſcriptum, ſuper Epactam currentem in limbo Lunaris motus occurrentem, & angulus communis inter menſem, & Epactam dabit Novilunium: quo habito, per Propoſit. 13. abſq; difficultate gradum Lunæ reperies.

PROPOSITIO C.

Aſpectus Planetarum reperire.

Habitis, extractisq; ſingulis Planetarum locis in Zodiaco, eorum aſpectus per Rotam propoſitione 12. declaratam, nullo negotio deprehendes. Praxi itaq; ibi tradita operabere.

PROPOSITIO CI.

*Inventis aspectibus Planetarum, Aëris
statum dijudicare.*

Operare juxta ea, quæ in propositione 73. docuimus, & habebis quæsitum.

PROPOSITIO CII.

Electiones rerum Medicinalium dijudicare.

Operare juxta ea, quæ pro positione 74. tradita sunt, & habebis intentum.

PROPOSITIO CIII.

Crises morborum peragere.

Operare juxta superius Præpositione 87. tradita, & habebis quod quærebas.

PROPOSITIO CIV.

Tempus Eclipsion invenire.

Quare primò, in quo gradu Zodiaci Caput, vel Cauda Draconis reperiatur; deinde vide, quo in gradu Sol, & Luna fuit dato Novilunii, aut Plenilunii tempore. Quòd si itaq; Novilunii tempore Sol, Luna, & Caput seu Cauda Draconis in eodem penitus gradu deprehendantur, certò scias Eclipsin Solis alicubi futuram. Si verò tempore Plenilunii Sol, & Caput, seu Cauda Draconis in eodem præcisè gradu, Lunâ oppositum diametraliter in Zodiaco locum occupante, convenerint; certò Eclipsin Lunarem futuram concluderis. Hac ratione dato quolibet Novilunio, aut Plenilunio, utrum Eclipsis futura sit, utrum non, perpetuò investigare poteris.

USUS PEDIS, SEU SUSTENTACULI SPECULÆ Melitenfis.

IN pede hujus Instrumenti, in orbe amplissimo Horizontem referente, 32. ventorum Rhombi, unà cum nominibus omnium portuum maris mediterranei, descripti sunt; & supra hunc orbem Cubus specula quatuor Rotulis innitens, navim, ejusq; proram, & puppim referens, pro utentis, tractantisque arbitrio hinc inde circumgirari potest. In medio Rhomborum nomina ventorum latino-gracè, Italicè, & germanicè representata spectantur, unà cum prognosticis tempestatum, aliisque ad nauticam spectantibus; de quibus modò dicemus.

PROPOSITIO CV.

Instrumentum juxta quatuor mundi plagas situare.

POSITA super lineam Meridionalem, quam Rhombus Septentrionalis refert, pyxide Magneticâ, gyra hinc inde utrumq; donec acicula Meridianæ respondeat; & Instrumentum habebis situatum.

PROPOSITIO CVI.

Lineam portuum invenire.

QUARE in limbo Horizontis nomen portus; & Rhombus, qui huic responderit, erit Rhombus venti, in navigatione, ut desideratum portum teneas, observandus.

PROPO-

PROPOSITIO CVII.

*Altitudinem poli alicujus loci maritimi
reperire.*

ACcipe cum quadrante altitudinem Solis Meridianam, & subduc ab inventa altitudine declinationem Solis (siquidem in signo Boreali is fuerit dato tempore) per propositionem 32. inventam, habebisq; altitudinem æquinoctialis; quæ subducta à 90. grad. dabit quæsitam altitudinem poli. Si verò Sol in signis Australibus dato tempore fuerit, addes altitudinem Solis Meridianam inventam ad declinationem, similiter per propositionem 32. dato tempore repertam, & habebis altitudinem æquatoris, quæ subducta à 90. gr. elevationem dabit quæsitam.

PROPOSITIO CVIII.

*Quot Leucis quispiam à portu discesserit,
invenire.*

Quare in portu unde discedis, per præcedentem propositionem altitudinem poli; & navigando interim super uno, eodemq; Rhombo usq; ad certum spatium, quo scire velis, quantum à portu distes, quære differentiam graduum inter primam & secundam observationem elevationis poli, & hunc gradum differentialem quære è latere Rhombi, quem navigas; & ex altera correspondente Rhombi parte subito occurrent Leuca, quas ex portu usq; ad locum, in quo moraris, confecisti.

PROPOSITIO CIX.

Quot Leuca sint inter te, & locum, quo tendis, cognoscere.

SI utriusq; Portus, ex quo, & ad quem altitudinem poli notam habueris, subtrahæ gradum altitudinis poli in medio itinere inventum, observatumque, à gradu elevationis poli, portusq; ad quem

quem tendis; & gradus differentialis in Rhombo, quem navigas, è latere inventus, dabit ex altero Rhombi latere correspondent. Leucas reliquas ad portum.

PROPOSITIO CX.

Ventos omnes Collaterales, eorumq₂ nomina reperire.

PRomove Cubi angulum ad unum è principalibus mundi angulis, & subitò reliqui Cubi anguli ventos appositos cum eorum Collateralibus demonstrabunt. Latus enim Cubi semper quadrantem exorbita ventorum refecat, monstrando ventos ad aliquam plagam pertinentes.

PROPOSITIO CXI.

Prognostica ventorum, tempestatumq₂ reperire.

Quare in basibus Rhomborum signa Pluviæ, Nebulæ, Ventorum, Tempestatum, &c. Ea enim, quæ observanda sint, ut dicta prædicere possis, te docebunt.

PROPOSITIO CXII.

. Si quispiam à Rhombo discesserit, qua ratione ad eundem redire possit.

PRomove latus Cubi super Rhombum, à quo discessisti, & super alterum Rhombum, in quo commoraris, ita ut latus utrumq₂ Rhombum intersecet: linea enim, quam latus Cubi monstrat, tenenda erit, ut ad relictum Rhombum revertaris.

USUS PYRAMIDIS

SPECULÆ MELITENSIS.

Specula in formam Pyramidis tectum superpositum videtur, quatuor constans lateribus, in quorum singulis natura, & qualitas quatuor mundi partium, quatuor præcipuis ventis correspondentium descripta sunt; cujus usus est is, qui sequitur.

PROPOSITIO CXIII.

Naturam cujuslibet plagæ mundi invenire.

Radix Pyramidis monstrabit naturam, & qualitatem uniuscujusq; plagæ, unâ cum analogia rerum consimilis naturæ.

PROPOSITIO CXIV.

Cui signo, Mense, Ætati, qualibet plagæ mundi conveniat.

Quære plagam mundi, & in gradibus Pyramidis reperiēs signa, Mensem, & cætera Analoga huic plagæ congrua gradatim disposita. Ex quibus colliges, plagam, v. g. Orientalem virili ætati, & cholericæ naturæ hominibus prodesse, uti & omnibus aliis rebus homogeneæ naturæ.

PROPOSITIO CXV.

Versus quam partem domus sint edificanda, ut salubrem situm obtineant.

Quære in scala Pyramidis qualitatem Habitationis; & illa quaesitum dabit.

PROPOSITIO CXVI.

Quis cuius plagæ Planetæ præsideat.

Quare in scala pyramidis nomen Planetæ: ille enim ostendet, horâ Dominii sui electiones Georgicas plagâ conveniente factas successum habituras.

PROPOSITIO CXVII.

Quibus ventis qualibet plagæ conveniat.

Statue latus plagæ, v. g. Orientalis super Rhombum principalem ortus; & latus in orbita ventorum omnes ventos collaterales, & homogeneæ naturæ subitò deteget.

PROPOSITIO CXVIII.

Quando & ubi seminandum sit, ut abundanter proveniat, & in optima qualitate frumentum, ex pyramide cognoscere.

Observa versus quam partem ager, seu campus vergat; deinde quod signum, quis mensis dictæ plagæ in pyramide respondeat. Si itaq; sub dato Planeta, Signo, Mense, electiones plantationis, seminationis, sectionis lignorum, similibusquæ peregeris; ne dubites opus effectum singularem habiturum.

PROPOSITIO CXIX.

In qua parte mundi, quæ arbores, herbae, similiaq; plantanda, ut perfectionem suam consequantur.

Vide primò in scala pyramidis, quas arbores aus plantas dicta plagæ postulet, hasque in alicujus montis latere datam plagam respiciente plantabis; & in loco naturæ eorum maximè consentaneo perfectionem majorem consequentur; secus morbidas, & perniciosas qualitates imbibent, utpotè in loco naturæ eorum difformi, & improportionato.

PROPOSITIO CXX.

Ex qua parte montis lapides, metalla, similiaq; fodienda.

QUære primò in scala Pyramidis, quos lapides, & mineralia quælibet sibi plaga vindicet, & illa in plaga hujusmodi naturæ eorum conveniente quæres. Non secus de cæteris inveniendis plagarum mundi mysteriis operaberis.

PROPOSITIO CXXI.

Ventorum prognostica reperire.

VIDE, cui Rhombo in circulo ventorum signa in aëre, aqua, montibus, Luna, stellis apparentia, adscripta sint: hæc enim ventos, quos Rhombi referunt, & quibus memorata signa adscripta sunt, promittunt.

PROPOSITIO CXXII.

Tempestates præcognoscere.

VIDE in ventorum circulo, cui Rhombo signa tempestarum excitativa adscripta sint: Hæc enim unà cum vento, quem Rhombus denotat, tempestates causabuntur.

PROPOSITIO CXXIII.

Totius anni statum præcognoscere.

VIDE in rota planetarum, quis eo anno planeta gubernet, applicatq; Alhidada super eo, mox in angulo communi quæsitus anni status apparebit.

PROPOSITIO CXXIV.

Mensis cujusq; statum præcognoscere.

Applica Rotæ planetariæ qualitates quattarum Lunarum in pyramidis scala inventas, comparaq; eas cum aspectibus planetarum.

netarum ipso mense occurrentibus: hi enim in figura prognostici universalis ostendunt quæsitum.

PROPOSITIO CXXV.

Contagionis & Morborum prognostica invenire.

Applica regulam super signa apparentia in rotæ divinatoriæ circumferentia scripta; & angulus communis in regula dabit morbos, quos signa dicta portendunt.

ANNOTATIO.

Infinita hoc loco de mystica hac pyramide dici possent, ut quomodo ex secunda ejus monade omnes creaturarum series, & classes profluxerint, & quomodo in eadem reuniantur. Verum quandoquidem illa forsan extra scopum aliquibus videri possent, consultò omittimus, contenti usu quodam hujus pyramidis, uti & totius Machinae rudiusculo, donec alia sese occasio de hisce arcanis Naturæ mysteriis, aliisq; obtulerit differendi campus.

EPILOGUS.

ATq; hæc sunt, quæ per hanc speculam Melitensem in magno hujus mundi Theatro lustranda Author proponere voluit. Suscipite igitur eam, Equites Generosi, eamq; æquis animis, oculisq; suspicite.



LIBER SEPTIMUS.
MIRABILIA
 GRAPHICA,
sive
NOVA, AUT RARIORA
 SCRIBENDI ARTIFICIA.

PROOEMIUM.



Ivinum munus est, loqui; hoc est, latentes animi conceptus, cogitata sua omnia, omnes affectus ac desideria interna verbis exprimere, ac propè adstantibus indicare: divinius, scribere, hoc est, paucis litterarum notulis easdem cogitationes suas atq; affectus, verbaq; ipsa, & suas omnes actiones, gestus, ac nutus, non propè modò adstantibus, sed longè diffitis manifestare, ac posteris quoq; transmittere: divinissimum, uno & eodem idiomate loqui, uno characteris genere scribere, nationum omnium populis, quantumvis diversâ & loquendi & scribendi ratione utentibus. Horum postremorum primum Apostolis olim, paucisq; subinde Apostolicis Viris fuit concessum, ingenti miraculo: qui verò Naturæ viribus id præstiterit, aut præstare attentaverit, inventus est hætenus nemo. Alterum tentârunt

quidem

quidem multi; at qui olim id præstiterit, scio nullum. Nostre hoc tam erudito sæculo non unus illud idem tentavit, nec unus tantum ad exitum feliciter perduxit. Paucos quos scio, indico.

Primus est *P. Athanasius Kircherus*. Hic ante multos annos excogitavit artificium novum, quod <sup>Scriptio-
nem imo
characteris
genere o-
mnibus po-
pulis com-
munem,
qui tentá-
runt.</sup> linguarum artificium ipse appellat; quo quilibet per varias columellarum permissiones, characterumq; in illis descriptorum combinationes, quodvis sibi antea ignotum idioma legere, & intelligere potest. Indicaverat id olim Augustissimo Imperatori Ferdinando III. & Serenissimo Guilhelmo Leopoldo Archiduci, Imperatoris Fratri, ac Belgii tunc Gubernatori. Placuit vehementer utriq; ut merebatur: at quia novum, quia oppidò ingeniosum, quia magnis Principibus dignum; censuerunt non evulgandum, sed Sibi, suæq; Augustissimæ Familiæ reservandum. Hinc ego nunquam triennii spatio, quo Romæ opellam meam in relitteraria dicti Artificii Auctori locavi, impetrare ab ipso potui, ut vel per rimulā aliud mihi ad id pertinens ostenderet, quàm nudas, & omni caractere vacuas magno numero columellas, in cistula ad organi pneumatici formam constructa dispositas. Idem Artificium auctius atq; perfectius ante biennium misit ad Augustissimum Cæsarem Leopoldum I.

dum I. eundemq; Serenissimum Archiducem Guilhel-
helmum Leopoldum, Cæsaris Patruum; & ab utroq;
tantâ fuit humanitate susceptum, ac tot laudibus ob
artis subtilitatem, utilitatemq;, litteris ad Auctorem
datis deprædicatum, ut sine rubore eas legere non
potuerit. Institi iterum, ac tertio, ut quod præsens
non potueram, absens obtinerem; sed repulsam ite-
rum sum passus, prætexente Auctore inter causas a-
lias, Cæsaris prohibitionem. Nihil ergo de tam præ-
claro & utili Invento habeo quod dicam. Quod si in-
ter nationes omnes evulgaretur, artem haberemus,
quâ quilibet unico scribendi genere omnibus genti-
bus scriberet. Si enim seu vernaculâ, seu quâvis aliâ
quis scriberet linguâ; à quovis, qui antedictum lin-
guarum Artificium sciret, intelligeretur. Lege Mo-
nitionem sequentem ad Lectorem.

Secundus, qui simile Artificium evulgavit, est do-
ctus quidam & ingeniosus è Societate nostra Hispa-
nus, ut mox sequenti Capite dicam.

Tertius est Dn. *Ioannes Joachimus Becherus*, cujus
frequentem in sequentibus mentionem faciemus.
Hujus Artificium capite secundo pandam.

Hisce Inventis adjungam Tachygraphiam no-
vam Anglicanam; aliaq; nonnulla rara & ingeniosa,
ad scriptionem pertinentia.

Monitio ad Lectorem.

Scripseram hæc, & totum hunc Librum absolveram, cum Româ ad me scribit citatus Auctor R. P. Athanasius Kircherus, die 16. Decembris præteriti Anni 1662. in hæc verba, inter alia multa. *Ego interim, instantiâ multorum Principum, imprimere cogor Polygraphiam novam & universalem, quâ triplici methodo quivis, etiam linguarum imperitus, solius vernacula fultus beneficio, cum omnibus populis & nationibus reciproco litterarum commercio communicare potest. Deinde alio quoque modo, priori opposito, quo quivis, etiam linguarum imperitus, quolibet linguarum genere litteras conscribere, & animi sui arcana alteri artificium callenti manifestare possit. Hisce accedit nova Steganographia, à Trithemio olim promissa; sed à nemine capta. Atque hæc sunt, quæ R.^e V.^e significare volui, ne me otiosum crederet.*

Idem Auctor die 2. Martii hujus Anni 1663. scribit, jam sub prælo esse dictam Polygraphiam, consentiente Augustissimo Cæsare Leopoldo; sed non nisi pauca imprimi exemplaria, Principibus communicanda. Addit primam Operis paginam, seu Libri Epigraphen, quæ ita se habet.

ATHANASII KIRCHERI
E SOC. JESU
POLYGRAPHIA
NOVA ET UNIVER.

SALIS,
EX COMBINATORIA ARTE
DETECTA;

Quâ

Quivis etiam Linguarum quantumvis imperitus,
triplici methodo,

Primâ, verâ & reali, sine ulla latentis arcani suspicione, manifestè; Secundâ, per Technologiam quandam artificiosè dispositam; Tertiâ, per Steganographiam impenetrabili scribendi genere adornatam; unius vernaculæ linguæ subsidio, omnibus populis & linguis clàm, apertè, obscurè, & dilucidè scribere, & respondere posse docetur, & demonstratur..

In tria Syntagmata distributa,

In Principum gratiam ac recreationem inventa,
& in lucem edita

Felicibus auspiciis

LEOPOLDI Rom. Imperat.

semper Augusti.

R O M Æ,

Ex Typographia Varesii, M DC. LXIII.

SUPERIORUM PERMISSU.

CAPUT

CAPUT I.

MERCURIUS MONO-PANGLOTTUS

*Omnes Mundi Nationes ad linguarum
unitatem invitans;*

Sive

ARTIFICIUM NOVUM,

*Quo quilibet unum solum callens idioma, omnia
aliarum gentium idiomata scribere, & intelli-
gere possit.*

IN Joco-seriis Centuria II. Propositione V. promisi, propala- *Artificium
novum lin-
guarum.*
turum me in Technica Curiosa Artificium novum, quo o-
mnium totius Mundi nationum & gentium linguæ, omnesq; scri-
bendi methodi, quantumvis diversæ, ad unam redigi queant; fiat-
que eâ scribendi methodo, ut quis solum callens idioma suum,
vernaculum, aut aliud quodeunque, omnia aliarum gentium
idiomata, eodem scribendi genere exposita, & explicata, intelli-
gat; & unum solum eodem genere scribens, ab omnium natio-
num hominibus, qui idem callent Artificium, intelligatur. Fi-
dem datam hîc solvam, sed breviter ac ruditer; fusiùs enim ac
distinçtùs explicabitur, DEO dante, in alio Opusculo ea de re
conscripito. Auctor Artificii, ut ibidem dixi, aut certè Promul-
gator, est Vir doctus & ingeniosus è Societate nostra, Hispanus
natione, cujus nomen mihi excidit. Hic Anno 1653, cum Ro-
mæ essem, eâdem in urbe, ubi negotiorum causâ tum versabatur,
edidit in uno solum expanso folio memoratum Artificium, cui
hanc præfixerat epigraphen: *Arithmeticus Nomenclator, Mun-
di omnes nationes ad linguarum & sermonis unitatem invitans,
Auctore linguæ (quod mirère) Hispano quodam, verè, ut dicitur,
muto.* Est fortassis hic mutus ille, cujus memini in Joco-seriis
loc. cit. Propos. I. ex Illustri Comite Digbæo Tract. de Natura Cor-
porum cap. 28. num. 8. Hoc Artificium, quod dicto loco
tantùm insinuavi, nunc explico per sequen-
tes § §.

§. I. In quo consistat hoc artificium.

*Artificium
in quo con-
sistat.*

LOco citato ex Joco-seriis dixi, Artificium hoc in eo consistere, ut qualibet natio vocabula sua eandem rem significantia, iisdem characteribus Arithmetice exprimat; reductis tamen prius rebus omnibus, aut præcipuis, quæ frequentius sermone aut scriptura exprimi solent, ad certas classes. Dixi, *characteribus Arithmetice*: tamen enim horum loco adhiberi queant alii quicunque characteres, aut notæ; arithmetici tamen omnium aptissimi sunt, quia pauci, quia apud multas nationes in usu sunt, quia facile ab omnibus formari atque intelligi possunt. Sed hæc melius explicemus.

Primo igitur, reducantur à qualibet natione diversi idiomatis, aut ab uno, pluribusve consentientibus, omnium nationum nomine, res omnes, aut præcipuæ, quæ frequentius ab hominibus sermone & scriptura solent exprimi, ad certas classes, collocando in I. classe Elementa, & quæ ad Elementa spectant; in II. classe coelum, & quæ ad ipsum pertinent; in III. classe cibum & potum, & quæ ad cibaria spectant &c. Res melius in sequentibus intelligitur.

Secundo, res ad quamlibet classem pertinentes exprimantur numeris arithmetice; v. g. res ad primam classem, quæ est Elementorum, spectantes, sic: 1. ignis. 2. flamma. 3. fumus. 4. cinis. 5. aer. 6. ventus validus &c. Hoc etiam melius in sequentibus intelligitur.

Tertio, qui scribere vult hoc artificio, desumat vocabula, quæ exprimere vult, ex suis classibus, & inter scribendum ponat primo loco numerum classis; Secundo loco numerum vocabuli ad classem illam pertinentis; Tertio loco numerum grammaticalem, qui denotet, an numerus vocabuli significet numerum,

singularem, pluralem, tempus præsens, præteritum, futurum, modum indicativum, imperativum &c. Sed post sequentem §. hæc melius intelliguntur.



§. II. Res præcipuæ reducuntur ad certas classes,
& certum ordinem vocabulorum.

Auctor Hispanus reducit res præcipuas ad quadraginta quinque classes, & singulis classibus apponit ad latus certam seriem vocabulorum, appositis unicuique vocabulo numeris ab unitate inchoatis, & ordine naturali progredientibus.

Classes rerum ipse vocat Gradus; vocabula verò classibus adjuncta, vocat Determinativa. Gradus ait esse instar Generum, aut Specierum; Determinativa, instar differentiarum, quæ genera vel species determinant ad particularia.

Ego commodius & magis propriè reduco res ad classes, & his subijcio vocabula. Classibus appono numeros Romanos, ut vocant, expressos per literas majusculas Alphabeti Latini; vocabulis verò præfigo numeros vulgares, apud plerosque Europæos usitatos.

Hispanus Auctor valdè confusè disponit Gradus suos, seu Classes rerum, adeò ut occurrente vocabulo aliquo, haud faciliè discerni queat, ad quem Gradum, seu ad quam Classè pertineat. Ejustamen ordinem, ejusque vocabula (tametsi persæpe barbara, & ab Hispanicis vocabulis derivata) hic retinere lubet; omisso tamen Gradu ipsius trigésimo octavo, qui metaphoras & circumlocutiones continet, quoniam necessarius non est. Si plus temporis mihi nunc suppeteret, alium darem & concinniorem ordinem. Sed hoc fiet, ut dixi, post absolutam Technicam, Deo annuente, aut alio tempore. Potest & quilibet, qui Artificium hoc evulgare alio separato opere volet, alium formare ordinem, qui ipsi magis allubet, modò stabilis maneat, & omnibus nationibus communis fiat.

I. CLASSIS.

Elementa.

1. Ignis. 2. Flamma. 3. Fumus. 4. Cinis. 5. Aër. 6. Ventus. 7. Aura. 8. Ventus Orientalis. 9. Ventus meridionalis. 10. Ventus occidentalis. 11. Ventus Septentrionalis. 12. Aqua. 13. Oceanus. 14. Mediterraneum mare. 15. Nubes. 16. Pluvia. 17. Nix. 18. Flumen. 19. Torrens.

20. Lacus. 21. Tellus. 22. Planities. 23. Mons. 24. Vallis. 25. Specus. 26. Subterraneus locus. 27. Infernus damnatorum. 28. Purgatorium. 29. Centrum terræ.

II. CLASSIS.

Cælum, & Cœlestia.

1. Sol. 2. Luna. 3. Stellæ. 4. Polus. 5. Lucifer. 6. Galaxia. 7. Buccina. 8. Eclipsis. 9. Firmamentum. 10. Cœlum. 11. Linea æquinoctialis. 12. Zona cœli. 13. Signa Zodiaci. 14. Cometa. 15. Fulmen. 16. Fulgetrum. 17. Tonitru. 18. Exhalatio. 19. Turbo. 20. Serenitas. 21. Iris.

III. CLASSIS.

Intellectualia.

1. DEUS Pater, id est, Mens summa ingenita. 2. JESUS Christus Filius Dei, id est, Verbum mentis æternum DEI Patris. 3. Spiritus sanctus, id est, Amor æternus inter Patrem & Filium. 4. JESUS CHRISTUS homo & DEUS. 5. Virgo Maria Deipara. 6. Sancti Angeli. 7. Dæmones. 8. Divi. 9. Homo. 10. Fœmina. 11. Puer. 12. Senex. 13. Pater. 14. Filius. 15. Uxor. 16. Concubina. 17. Consanguinea. 18. Affinis. 19. Maritus. 20. Amicus. 21. Hostis. 22. Advena. 23. Indigena. 24. Discursus. 25. Ratio. 26. Opinio. 27. Suspicio. 28. Stratagema. 29. Anima. 30. Intellectus. 31. Voluntas. 32. Imaginativa. 33. Spectrum.

IV. CLASSIS.

Status secularis.

1. Imperator. 2. Imperatrix. 3. Rex. 4. Regina. 5. Primogenitus Regius, & hæres regni. 6. Princeps liber. 7. Magnates. 8. Aulici. 9. Titulares. 10. Barones. 11. Nobiles. 12. Cives honesti. 13. Plebei. 14. Infames. 15. Mancipium. 16. Regnum. 17. Comititia. 18. Civitas.

V. CLASSIS.

Status Ecclesiasticus.

1. Pontifex Summus. 2. Cardinalis. 3. Patriarcha. 4. Primas. 5. Archiepiscopus. 6. Episcopus. 7. Sedes vacans. 8. Generalis Religionis. 9. Provincialis. 10. Abbas & Superior localis. 11. Canonicus. 12. Parochus. 13. Presbyter. 14. Clericus. 15. Monachus. 16. Monialis. 17. Ecclesia, id est, Congregatio fidelium. 18. Concilium. 19. Sacrificium. 20. Sacramentum. 22. Sacramentum ordinis. 23. Sacramentum corporis Christi. 24. Sacramentalia.

VI. CLASSIS.

Artifices.

1. Pictor. 2. Statuarius. 3. Lapidarius, seu Lapidida. 4. Aurifex. 5. Inaurator. 6. Faber ferrarius. 7. Funditor. 8. Machinator. 9. Typographus. 10. Faber lignarius. 11. Sculptor. 12. Ædificator. 13. Textor. 14. Nauta. 15. Sartor. 16. Sutor. 17. Agricola. 18. Tonfor. 19. Tinctor. 20. Phrygio.

VII. CLASSIS.

Instrumenta.

1. Penicillus. 2. Dolabra. 3. Scopa. 4. Malleus. 5. Lapis Philosophicus. 6. Lævigatorium. 7. Forceps. 8. Incus. 9. Folliis. 10. Lima. 11. Terebrum. 12. Prælum. 13. Securis. 14. Ascia. 15. Serra. 16. Falx. 17. Perpendicularum. 18. Trulla. 19. Textrium. 20. Rete. 21. Temo. 22. Remus. 23. Acus. 24. Pecten. 25. Ligo. 26. Aratrum. 27. Currus. 28. Penna. 29. Circinus. 30. Charta. 31. Liber.

VIII. CLASSIS.

Affectus, Habitus.

1. Amor. 2. Timor. 3. Spes. 4. Gaudium. 5. Dolor. 6. Sensus. 7. Virtus. 8. Pietas. 9. Justitia. 10. Fidelitas. 11. Veritas. 12. Tem-

12. Temperantia. 13. Patientia. 14. Prudentia. 15. Sudium.
16. Poenitentia. 17. Superbia. 18. Avaritia. 19. Luxuria. 20. Ira.
21. Invidia. 22. Pigritia. 23. Inconstantia. 24. Odium.

IX. CLASSIS.

Religio.

1. Fides divina. 2. Baptismus Christianus. 3. Decalogus. 4.
Symbolum fidei. 5. Peccatum originale. 6. Reatus ad poenam
æternam. 7. Liberatio à reatu poenæ æternæ. 8. Gratia. 9. Præde-
stinatio. 10. Opera bona. 11. Meritum. 12. Paradisus. 13. Crux.
14. Adoratio. 15. Idolum. 16. Resurrectio. *Cetera de Religione
invenies in Classe III.*

X. CLASSIS.

Confessio Sacramentalis.

1. Confessarius. 2. Sigillum seu Secretum confessionis. 3. Ju-
risdictio in foro interno. 4. Reservatio peccatorum. 5. Absolu-
tio. 6. Satisfactio. 7. Contritio. 8. Attritio. 9. Emendatio. 10.
Peccatum grave. 11. Scrupulus. 12. Tentatio. 13. Consensus.
14. Scandalum. 15. Conscientia. 16. Advertentia. 17. Censura.
18. Hæresis. 19. Votum. 20. Propositum. 21. Periculum. 22.
Dubium.

XI. CLASSIS.

Tribunal.

1. Judex. 2. Advocatus. 3. Procurator. 4. Notarius. 5. Fi-
scalis. 6. Adversarius. 7. Testis. 8. Processus. 9. Scriptura. 10.
Stilus curiæ. 11. Lex. 12. Contestatio. 13. Citatio. 14. Copia.
15. Sententia. 16. Appellatio. 17. Expensæ. 18. In-
juria. 19. Probatio. 20. Terminus.

XII. CLASSIS.

Militia.

1. Imperator. 2. Magister equitum. 3. Legatus. 4. Legionis dux. 5. Centurio. 6. Signifer. 7. Vexillum. 8. Campi Magister. 9. Emeritus. 10. Miles. 11. Buccina. 12. Tympanum. 13. Bombarda. 14. Tormentum bellicum. 15. Pulvis sulphureus. 16. Glans, seu globus. 17. Gladius. 18. Lancea. 19. Galea. 20. Lorica. 21. Parma. 22. Telum. 23. Securis. 24. Arcus. 25. Stipendium. 26. Præmium. 27. Honor. 28. Victoria. 29. Fuga. 30. Castra. 31. Vigiles. 32. Insidiæ. 33. Tessera. 34. Explorator. 35. Statio. 36. Progressio. 37. Aggressio. 38. Intectio. 39. Stragemma. 40. Occisio. 41. Vulneratio. 42. Devastatio. 43. Commiseratio. 44. Venia. 45. Machina. 46. Cuniculus. 47. Pabulatio. 48. Impedimenta. 49. Hostis.

XIII. CLASSIS.

Medica.

1. Medicus. 2. Chirurgus. 3. Ager. 4. Pulsus. 5. Urina. 6. Febris. 7. Vulnus. 8. Vita. 9. Mors. 10. Angustia. 11. Timor. 12. Plaga. 13. Sanguis. 14. Bilis. 15. Phlegma. 16. Venenum. 17. Antidotum. 18. Clisterium. 19. Purgativum. 20. Sudor. 21. Vomitus. 22. Unctio. 23. Fricatio. 24. Sitis. 25. Fames. 26. Pus.

XIV. CLASSIS.

Bruta animantia.

1. Leo. 2. Elephas. 3. Rhinoceros. 4. Equus. 5. Unicornis. 6. Taurus. 7. Camelus. 8. Dromedarius. 9. Mulus. 10. Asinus. 11. Alce. 12. Cervus. 13. Caprea. 14. Ovis. 15. Canis venaticus. 16. Molossus. 17. Canis gregarius. 18. Lupus. 19. Porcus. 20. Ursus. 21. Vulpes. 22. Simia. 23. Lepus. 24. Cuniculus. 25. Felis.

XV. CLASSIS.

Aves.

1. Aquila. 2. Struthio. 3. Cygnus. 4. Pavo regius. 5. Pavo. 6. Grus. 7. Vultur. 8. Gallina. 9. Capo. 10. Accipiter. 11. Ardea. 12. Anser. 13. Anas. 14. Ciconia. 15. Corvus. 16. Columba. 17. Perdix. 18. Turtur. 19. Turdus. 20. Pica. 21. Carduelis. 22. Aëdo. 23. Canarius passer. 24. Passer. 25. Pullus. 26. Psittacus.

XVI. CLASSIS.

Reptilia, Pisces.

1. Draco. 2. Crocodilus. 3. Coluber. 4. Vipera. 5. Lacerata. 6. Scorpio. 7. Bufo. 8. Monstrum omne lethiferum. 9. Balona. 10. Tynnus. 11. Delphinus. 12. Merluza. 13. Bacalaus. 14. Conger. 15. Salmo. 16. Barbus. 17. Truta. 18. Anguilla. 19. Halex. 20. Ostreum. 21. Conchilium. 22. Spina. 23. Rana. 24. Testudo. 25. Apis. 26. Culex.

XVII. CLASSIS.

Animalis partes.

1. Caput. 2. Cerebrum. 3. Oculus. 4. Auris. 5. Frons. 6. Nasus. 7. Os. 8. Dens. 9. Lingua. 10. Fauces. 11. Hepar. 12. Lien. 13. Cor. 14. Pulmo. 15. Ren. 16. Stomachus. 17. Viscera. 18. Vesica. 19. Podex. 20. Collum. 21. Humerus. 22. Tergum. 23. Costa. 24. Brachium. 25. Manus. 26. Dextra. 27. Sinistra. 28. Digitus. 29. Femur. 30. Genu. 31. Crus. 32. Pes. 33. Coxendix. 34. Venter. 35. Pudendum. 36. Unguis. 37. Pilus. 38. Nervus. 39. Cartilago. 40. Os ossis. 41. Caro. 42. Pellis. 43. Vena. 44. Facies.

XVIII. CLASSIS.

Suppellex.

1. Lectus. 2. Sindon, Lodix. 3. Mappa. 4. Sedile. 5. Arca.
6. Mensa. 7. Lucerna. 8. Theca scriptoria. 9. Tapetes. 10. Vas.
11. Urceus. 12. Patina. 13. Caldaria. 14. Sartago. 15. Pisti-
num. 16. Olla. 17. Pelvis. 18. Cochlear. 19. Hydria. 20. Am-
phora. 21. Matula. 22. Veru. 23. Culter. 24. Forfex. 25. Cla-
vis. 26. Scopæ. 27. Funis. 28. Carbo. 29. Sporta. 30. Cani-
strum. 31. Uter. 32. Dolium. 33. Clavus.

XIX. CLASSIS.

Cibi.

1. Panis. 2. Caro vulgaris. 3. Caro pretiosa. 4. Caro salsa.
5. Sal. 6. Cupedia. 7. Caro elixa. 8. Caro aflata. 9. Caro con-
dita. 10. Caro cruda. 11. Jus. 12. Saccharum. 13. Bellaria. 14.
Artocrea. 15. Ovum. 16. Caseus. 17. Cicer. 18. Faba. 19. Ori-
za. 20. Lens. 21. Caulis. 22. Lactuca. 23. Herba. 24. Radix.
25. Allium. 26. Ceba. 27. Biscoctus panis. 28. Annona.

XX. CLASSIS.

Potus, & liquores.

1. Vinum. 2. Cerevisia. 3. Aqua. 4. Aquata, Lora, vinum
vinaceorum. 5. Acerum. 6. Aqua vitæ, vinum adustum. 7. O-
leum. 8. Balsamum. 9. Mel. 10. Cera. 11. Lac. 12. Distillatio-
nes Medicæ. 13. Distillationes odoriferæ. 14. Oleum linaceum.
15. Butyrum. 16. Pinguedo. 17. Myrrha. 18. Sudor terebin-
thi. 19. Sudor pini. 20. Succus. 21. Mulsam.
22. Coagulum.

XXI. CLASSIS.

Vestes.

1. Galerus, Pileus. 2. Capitium quodcunque. 3. Vitta muliebris. 4. Pallium. 5. Toga. 6. Sagum. 7. Chlamys. 8. Thorax. 9. Vestistalaris. 10. Collare. 11. Indusium. 12. Manica. 13. Chirotheca. 14. Cingulum. 15. Balteus. 16. Femoralia. 17. Ocreæ. 18. Caligæ. 19. Calcei. 20. Mundus muliebris?

XXII. CLASSIS.

Sericea.

1. Phrygiatum. 2. Tela auro texta. 3. Tela argento texta. 4. Capillatum. 5. Rasum. 6. Holofericum villosum. 7. Damascum. 8. Ciamelorum. 9. Imperialis tela. 10. Tafetanum. 11. Sericum filum. 12. Sericum crudum. 13. Bombix. 14. Carbasus. 15. Aulæum.

XXIII. CLASSIS.

Lanea.

1. Coccinum. 2. Pannus primus Hispanicus. 3. Pannus primus Anglicanus. 4. Pannus secundus. 5. Pannus vulgaris. 6. Pannus infimus. 7. Tela prima. 8. Tela vulgaris. 9. Versicolor. 10. Saccus. 11. Stamen. 12. Lana. 13. Filum laneum. 14. Gossipium.

XXIV. CLASSIS.

Tela & Textura.

1. Tela linea subtilissima. 2. Byssus. 3. Tela media. 4. Tela infima. 5. Velum foemineum. 6. Mappa, mappula. 7. Rete. 8. Filum. 9. Linum. 10. Vela nautica. 11. Canabis. 12. Tela canabina. 13. Filum canabinum. 14. Spartum. 15. Fascia sparteæ. 16. Storea. 17. Cannetum. 18. Vimineum.

XXV. CLASSIS.

Nautica, & Aromata.

1. Navis. 2. Triremis, Galéa. 3. Phaselus. 4. Nauclerus.
 5. Malus nauticus. 6. Puppis. 7. Superius tabulatum. 8. Carina.
 9. Funes nautici. 10. Anchora. 11. Naulum. 12. Ebur. 13.
 Thus. 14. Piper. 15. Cassia. 16. Cariophyllum. 17. Nux odo-
 rata. 18. Crocus. 19. Cinnamomum. 20. Pigmentum. 21. Mus-
 cus. 22. Bezoar. 23. Ciocolata. 24. Azurium. 25. Zibethum.
 26. Brasilium.

XXVI. CLASSIS.

Metalla, Monetae.

1. Aurum. 2. Argentum. 3. Argentum vivum. 4. Stan-
 num. 5. Æs. 6. Æs campanum. 7. Ferrum. 8. Chalybs. 9. Au-
 richalcum. 10. Scoria. 11. Plumbum. 12. Minerale. 13. Mone-
 ta. 14. Scutum. 15. Duplo, duplex aureus. 16. Argenteus. 17.
 Teruntius. 18. Otton Hispanicus. 19. As. 20. Lamina. 21. Fer-
 rugo.

XXVII. CLASSIS.

Artefacta varia.

1. Pictura. 2. Statua. 3. Corona. 4. Monile. 5. Torques.
 6. Tapes Turcicus. 7. Lectisternium. 8. Ehippium. 9. Argen-
 tea Suppellex. 10. Organum. 11. Horologium. 12. Solium. 13.
 Curulis. 14. Lampas. 15. Vestis sacra. 16. Speculum.

XXVIII. CLASSIS.

Lapides.

1. Marmor. 2. Marmor album. 3. Marmor nigrum. 4. Mar-
 mor rubrum. 5. Marmor viride. 6. Jaspis. 7. Alabastrum. 8. Por-
 phireticus lapis. 9. Diasprum. 10. Lapis. 11. Silex. 12. Cos.
 Qq. 9 3 18. La-

18. Lapidēs quadrati. 19. Later. 20. Bitumen, Cementum. 21. Vitrum. 22. Allumen. 23. Nitrum. 24. Minium.

XXIX. CLASSIS.

Uniones.

1. Carbunculus. 2. Adamas. 3. Smaragdus. 4. Saphirus. 5. Chrysolitus. 6. Berillus. 7. Jacinthus. 8. Topazius. 9. Amethystus. 10. Agathes. 11. Margarita. 12. Gemma. 13. Corallium. 14. Christallus. 15. Ambra. 16. Atabarius. 17. Pyropus.

XXX. CLASSIS.

Arbores, & fructus.

1. Vitis. 2. Uva. 3. Oliva. 4. Malum. 5. Pyrum. 6. Persicum. 7. Pomum. 8. Prunum. 9. Limo. 10. Arbor acetosa. 11. Arbor nucleati fructus. 12. Arbor acinosa. 13. Nux. 14. Castanea. 15. Pinus. 16. Quercus. 17. Glans. 18. Ficus. 19. Palma. 20. Morum. 21. Amygdala.

XXXI. CLASSIS.

Loca publica.

1. Templum. 2. Aula. 3. Forum. 4. Arx. 5. Murus. 6. Macellum. 7. Taberna. 8. Portus. 9. Locus commercii destinatus. 10. Platea Mercantium. 11. Platea primaria. 12. Pons. 13. Fons. 14. Diverforium. 15. Campus publicus. 16. Carcer.

XXXII. CLASSIS.

Pondera, & Mensura.

1. Trutina. 2. Momentum seu granum. 3. Grana sexaginta, id est, Scutum. 4. Grana quadraginta, id est, uncia. 5. Marca, seu uncia duodecim. 6. Libra unciarum sexdecim. 7. Pollex, Digitus. 8. Palmus. 9. Stadium. 10. Pes. 11. Passus. 12. Milliare. 13. Leuca.

XXXIII. CLASSIS.

Numeralia.

1. Unum. 2. Duo. 3. Tria. 4. Quatuor. 5. Quinque. 6. Sex.
 7. Septem. 8. Octo. 9. Novem. 10. Decem. 11. Undecim. 12.
 Duodecim. 13. Tredecim. 14. Quatuordecim. 15. Quindecim.
 16. Sexdecim. 17. Septendecim. 18. Octodecim. 19. Novende-
 cim. 20. Viginti. 21. Triginta. 22. Quadraginta. 23. Quinqua-
 ginta. 24. Sexaginta. 25. Septuaginta. 26. Octoginta. 27. No-
 naginta. 28. Centum. 29. Bis. 30. Ter. 31. Quater. 32. Quin-
 quies. 33. Sexies. 34. Septies. 35. Octies. 36. Nonies. 37. Mil-
 le. 38. Primus. 39. Secundus. 40. Terrius. 41. Quartus. 42.
 Quintus. 43. Ultimus. 44. Medius. 45. Unicus. 46. Nullus. 47.
 Omnis. 48. Totus. 49. Tot. 50. Quotquot. 51. Multum. 52.
 Quantum. 53. Parum. 54. Aliquis. 55. Quot. 56. Quoties 57.
 Quidam.

XXXIV. CLASSIS,

Tempus.

1. Instans. 2. Hora. 3. Dies. 4. Nox. 5. Mensis. 6. Annus.
 7. Æternitas. 8. Præsens. 9. Nunc. 10. Præteritum. 11. Tunc.
 12. Futurum. 13. Pòst. 14. Cù. 15. Quando. 16. Aliquando.
 17. Semper. 18. Nunquam. 19. Tardè. 20. Initium. 21. Sine
 initio. 22. Finis. 23. Infinitum.

XXXV. CLASSIS.

Adjectiva.

1. Bonum. 2. Malum. 3. Magnum. 4. Parvum. 5. Inte-
 grum. 6. Mutilum. 7. Plenum. 8. Vacuum. 9. Clarum. 10. Ob-
 scurum. 11. Utile. 12. Contrarium. 13. Paratum. 14. Difficile.
 15. Durum. 16. Pulchrum. 17. Perfectum. 18. Ordinarium.
 19. Fictum. 20. Simile. 21. Aliud. 22. Alienum. 23. Calidum.
 24. Fri-

24. Frigidum. 25. Candidum. 26. Purum. 27. Coloratum. 28. Maculatum. 29. Fulgens. 30. Peritum. 31. Audax. 32. Fatigatum. 33. Siccum. 34. Planum. 35. Crassum. 36. Novum. 37. Meum. 38. Tuum. 39. Suum. 40. Nostrum. 41. Vestrum. 42. Commune. 43. Longum. 44. Maturum.

XXXVI. CLASSIS.

Nomina communia.

1. Res. 2. Opus. 3. Negotium. 4. Actio. 5. Factum. 6. Ministerium. 7. Officium. 8. Beneficium. 9. Genus. 10. Materia. 11. Forma. 12. Modus. 13. Violentia. 14. Ufus. 15. Mandatum. 16. Consilium. 17. Causa. 18. Auxilium. 19. Unio. 20. Fabrica. 21. Fenestra. 22. Foramen. 23. Canalis. 24. Ornamentum. 25. Dispositio. 26. Operimentum. 27. Saccus. 28. Pyxis. 29. Casula. 30. Semen. 31. Granum. 32. Frumentum. 33. Tabula. 34. Truncus. 35. Folium. 36. Sonitus. 37. Vox. 38. Signum. 39. Nomen. 40. Deformitas. 41. Hoc. 42. Quid. 43. Quod. 44. Palus. 45. Paxillus. 46. Ligamen. 47. Fundus. 48. Ludus. 49. Flos. 50. Pilus.

XXXVII. CLASSIS.

Nomina propria.

1. Europa. 2. Hispania. 3. Lusitania. 4. Gallia. 5. Flandria. 6. Hollandia. 7. Germania. 8. Sueria. 9. Gothia. 10. Dania. 11. Norvegia. 12. Livonia. 13. Lithuania. 14. Moscovia. 15. Russia. 16. Polonia. 17. Hungaria. 18. Bohemia. 19. Rhetia. 20. Italia. 21. Sabaudia. 22. Lombardia. 23. Venetus status. 24. Romania. 25. Neapolitanum regnum. 26. Albania. 27. Græcia. 28. Macedonia. 29. Bulgaria. 30. Natolia. 31. Armenia. 32. Anglia. 33. Gaditanum fretum. 34. Majorica. 35. Sardinia. 36. Corsica. 37. Sicilia. 38. Melita. 39. Candia, seu Creta. 40. Cyprus. 41. Asia. 42. Palæstina. 43. Persia. 44. Ægyptus. 45. Arabia. 46. Sarmatia. 47. Scythia. 48. Tartaria.

49. Sina. 50. Coccinsina. 51. Cataium. 52. Bengala. 53. India. 54. Philippina. 55. Japonia. 56. Magellanicum fretum. 57. Africa &c.

XXXVIII. CLASSIS.

Verba contrahendi.

1. Contraho. 2. Do. 3. Offero. 4. Exigo. 5. Remitto. 6. Accipio. 7. Trado. 8. Vendo. 9. Emo. 10. Commuto. 11. Obligo. 12. Promitto. 13. Debeo. 14. Solvo. 15. Numero. 16. Pondero. 17. Metior. 18. Libero. 19. Æstimo. 20. Valeo. 21. Luor. 22. Perdo. 23. Eligo.

XXXIX. CLASSIS.

Verba ad sensus, intellectum, voluntatem spectantia.

1. Video. 2. Audio. 3. Sentio. 4. Credo. 5. Cognosco. 6. Dubito. 7. Dico. 8. Affirmo. 9. Nego. 10. Ignoro. 11. Careo. 12. Loquor. 13. Suspicio. 14. Interrogo. 15. Colligo. 16. Cogito. 17. Volo. 18. Amo. 19. Odi. 20. Nolo. 21. Precor. 22. Suadeo. 23. Dissuadeo. 24. Spero. 25. Timeo. 26. Gaudeo. 27. Doleo. 28. Obedio.

XL. CLASSIS.

Verba communia.

1. Sum. 2. Existo. 3. Vivo. 4. Habeo. 5. Timeo. 6. Porteo. 7. Duco. 8. Moneo. 9. Haurio. 10. Compello. 11. Rapio. 12. Tollo. 13. Scindo. 14. Pingo. 15. Pargo. 16. Ago. 17. Facio. 18. Compono. 19. Dispono. 20. Pono. 21. Libero. 22. Destruo. 23. Possum. 24. Patior. 25. Ægroto. 26. Morior. 27. Quæro. 28. Peto. 29. Eo. 30. Venio. 31. Ambulo. 32. Currô. 33. Sto. 34. Taceo. 35. Dormio. 36. Quiesco. 37. Scribo. 38. Stringo. 39. Duro. 40. Fugio. 41. Recuso. 42. Præcipio. 43.

Saluto. 44. Constituo. 45. Alo. 46. Disco. 47. Utor. 48. Veto.
49. Edo. 50. Bibo. 51. Canto.

XL. CLASSIS.

Adverbia.

1. Benè. 2. Malè. 3. Nimis. 4. Valde. 5. Magis. 6. Asperè.
7. Suaviter. 8. Aegrè. 9. Faciliter. 10. Tam. 11. Ut. 12. Sic.
ut. 13. Cur. 14. Quia. 15. Et. 16. Vel. 17. Ita. 18. Non. 19.
Sic. 20. Licèt. 21. Ubi. 22. Hìc. 23. Illic. 24. Isthic. 25. Quò.
26. Huc. 27. Illuc. 28. Isthuc. 29. Unde. 30. Hinc. 31. Illinc.
32. Isthinc. 33. Quà. 34. Hac. 35. Illac.

XLII. CLASSIS.

Præpositiones.

1. A. 2. Ad. 3. Ante. 4. Ex. 5. Cum. 6. Sine. 7. In. 8. Sub.
9. Præter. 10. Propter. 11. Inter. 12. Contra. 13. Per. 14. Pro-
pe. 15. Juxta. 16. Post. 17. Apud. 18. Retro. 19. Coram.

XLIII. CLASSIS.

Personæ.

1. Ego. 2. Tu. 3. Ille. 4. Nos. 5. Vos. 6. Illi. 7. Se. 8. Ma-
jestatem & æquivalentem cultum Regium. 9. Altitudinem (Al-
tezza) & similes cultus supremorum. 10. Excellentia &c. Magna-
tum. 11. Illustrissimus &c. 12. Dominatio. 13. Sanctitas
Papæ. 14. Eminentia Cardinalium. 15. Reve-
rentia Sacerdotum &c.

XLIV. CLASSIS.

Viatoria.

1. Via. 2. Invium. 3. Bivium. 4. Socius. 5. Latro. 6. Dux, Ductor. 7. Periculum. 8. Diversorium. 9. Sarcina. 10. Gabel-la. 11. Salvus conductus. 12. Calcar. 13. Umbella. 14. Inter-pres. 15. Stapes. 16. Frænum. 17. Stella, Ephippium. 18. Hor-deum pro equis. 19. Fœnum. 20. Avena.

§. III. Notæ Grammaticæ, & orthographicæ,
numeris expressæ.

Inter scribendum distinguere oportet numerum pluralem à singulari, tempus præsens à præterito, & futuro, tam in verbis, quàm in participiis, & similia. Item exprimendum est signum interrogationis, colon, semicolon, aliæque interpunctiones. Ad has notas exprimendas assumit Auctor Hispanus numerum 4, variis virgulis punctisq; infra supràq; affectum. Ego retineo eundem numerum 4, sed paulò aliter accentibus & punctis affectum. Itaque

4 absolutè positum, significat rem quartam uniuscujusque gradus.

4' cum accentu græco acuto, significat numerum pluralem.

4 cum accentu græco gravi, est nota possessionis.

4 cum lineola transversa, est nota significationis passivæ verbi.

4 cum uno puncto supraposito, significat tempus præsens in verbis.

4 cum duobus punctis suprapositis, tempus futurum in verbis.

4 cum tribus punctis suprapositis, tempus præteritum in verbis.

4 cum uno puncto infraposito, participium præsentis.

4 cum duobus punctis infrapositis, participium futuri.

4 cum tribus punctis infrapositis, tempus præteriti partici-

pii.

Rrr 2

4 cum

4 cum accentu græco circumflexo, significat infinitum.
 . unum punctum post numerum significantem nomen, denotat Nominativum.

.. duo puncta Genitivum.

... tria puncta Dativum.

.... quatuor puncta Accusativum.

..... quinque puncta Vocativum.

..... sex puncta Ablativum.

o Colon seu Comma poni potest expressè; uti &

; Semicolon, seu punctum cum commate; &

: duo puncta: &

? Signum interrogationis; &

! Signum admirationis; &

() Parenthesis.

Loco puncti post absolutum verborum sensum, poni potest lineola perpendiculariter descendens, sic |.

§. IV. Explicatio, & usus artificii hætenus propositi.

*Artificium
linguarum
explicatur.*

Totum artificium consistit in hoc, ut scribatur & legatur quævis lingua notis arithmeticiis.

Notæ arithmeticae adhibendæ, sunt duplicis generis; Romanae, expressæ litteris latinis; & vulgares, expressæ notis in tota ferè Europa usitatis.

Classes rerum exprimuntur notis Romanis; res ipsæ, seu voces, notis vulgaribus.

Itaque qui scribendo exprimere vult solam classem, seu vocem numero Classis alicujus appositam; scribat solum numerum latinum. Sic qui vult scribere, seu notâ arithmeticâ exprimere hanc vocem, *suppellex*, numero XVIII. CLASSIS appositam; scribat solum XVIII: & qui vult scribere vocem, hanc, *cibi*, appositam XIX. CLASSI; scribat solum numerum XIX.

Qui verò scribendo exprimere vult rem, seu vocem, ad aliquam CLASSEM pertinentem; scribere debet primò numerum CLASSIS notis latinis; deinde subjungere numerum rei
 seu

feu vocis ad Classem illam pertinentis, notis vulgaribus. Exempli gratiâ, vis scribere, *crocodilus*: vide ad quam CLASSEM pertineat *crocodilus*, & quo numero vulgari exprimitur. Invenies, pertinere ad CLASSEM XVI, & ad numerum 2: scribe ergo sic: XVI. 2. Primus numerus denotat CLASSEM, ad quam pertinet *crocodilus*; Secundus numerus denotat ipsum *crocodilum*, qui numero illo exprimitur. Qui ergo legere vulg hos duos numeros, XVI. 2. & scire quid significant; adire debet CLASSEM XVI, & videre, cujus rei nota sit numerus 2; videbitq; esse notam *crocodili*. Eadem est ratio in omnibus aliis rebus, tam scribendis, quàm legendis.

Quoniam verò inter scribendum exprimendi sunt casus nominum, & tempora verborum, horumque participia; item interpunctiones, parentheses, signa interrogationis, aliaq; similia; ad illa exprimenda ponatur post numerum exprimentem res seu vocabula ad classes pertinentia, ponatur inquam numerus 4. variis accentibus, virgis, punctis affectus, prout explicatum fuit §. 3. sed artificium totum paradigmate aliquo explicemus.

§. V. Paradigma artificii hæctenus propositi, & explicati.

Scribendum sit arithmetica scriptiōe Symbolum Apostolorum; *Credo in Deum Patrem omnipotentem* &c. videatur, ad quam CLASSEM pertineant singula verba, & quo numero exprimantur in serie rerum ad quamvis CLASSEM pertinente. Sic ergo stabit Paradigma. XXXIX. 4 XLII. 8 III. I.... XXXIII 47 XL. 23...., XXXVI. 17.... II. 10... XLI. 15 I. 21... | XLI. 15 XLII. 8 III. 2.... X X. III. 45.... IV. 3.... X XV. 40.... | Et sic deinceps usq; ad finem.

Sed interferamus majoris claritatis ergo verba. XXXIX. 4 Credo XLII. 8 in III. I.... Deum Patrem XXXIII 47 omni-XL. 23.... potentem, X XVI. 17.... creatorem II. 10..., cœli, XLI. 15 & I. 21... | terræ. XLI. 15. Et XLII. 8 in III. 2.... Jesum Christum Filium DEI XXXIII. 45.... unicum IV. 3.... Dominum seu Regem XXV. 40.... | nostrum. Et sic ulterius.

Explicemus nunc singula. XXXIX. significat classem mentalium; numerus 4 cum puncto superscripto, significat vocabulum quartum illius classis; quod quia presentis est temporis, notatur numerus ille puncto supraposito. Rursus XLII significat classem Præpositionum, & 8 significat octavum vocabulum illius classis. Et sic de cæteris.

Qui legere velit prædictam arithmeticam scriptionem, quærat inter CLASSES classem XXXIX, ejusque numerum 4; & videbit ipsi respondere verbum *credo*: & quia dictus numerus 4, notatus est puncto in vertice; sciet dictum verbum sumi in tempore presenti. Itaque scribat in charta separata verbum *credo*, hoc est, verbum quod in lingua sua habet significatum verbi *credo*. Iterum adeat classem XLII, ejusque numerum 8; videbit dictum numerum 8 significare *in*; scribat ergo in charta sua *in*, hoc est, verbum illud, quod in lingua sua correspondet voculæ *in*. Eadem ratione procedet usque ad finem scriptionis.

§. VI. Solvuntur nonnullæ difficultates circa dictum artificium.

*Artificium
linguarum
quæ difficile
reddant.*

D*ifficultas prima est.* Non omnes nationes utuntur notis arithmeticis à nobis positis, neque latinis, neque vulgaribus; ergo non omnium nationum populis potest esse usui hoc artificium. *Respondeo.* Prædictæ notæ sunt pauculæ, & facile possunt inter se dignosci, facileque formari. Nec est necessarium, ut illi, apud quos non sunt in usu dictæ notæ, sciant illarum valorem, sed sufficit, ut illas inter se discernant, & inter scribendum exprimant; quod facillimè fieri potest. Huic tamen difficultati aliter occurremus suo loco.

Difficultas secunda est. Aliquæ nationes scribunt inverso ordine, nempe à dextera versus sinistram, ut Hebræi, Arabes, alique nonnulli orientales. Sinenfes verò scribunt à capite deorsum lineis perpendicularibus. Quid ergo pro his, & ab his, faciendum est? *Respondeo* 1. Potest primò retineri modus noster scribendi à sinistra versus dexteram ab omnibus, & pro
omni-

omnibus ; & possunt moneri omnes nationes, scribendum ac legendum esse dicto modo. Hoc autem non erit difficile facere aliis nationibus ad alium modum scribendi ac legendi adfueris, cum modus sit novus, & pauculis, ac facile formabilibus notulis peragatur. *Respondeo II.* Potest servari modus pro unaquaque natione proprius. Itaque Hebræi, Arabes, & similes alii, scribere possunt à dextera versus sinistram ; Sinenses à capite deorsum. Similiter qui scribit pro Hebræis, potest scribere à dextera versus sinistram, & pro Sinensibus à capite deorsum. Quo posito, sicut legentes & scribentes scriptionem Hebraicam, Arabicam &c. incipiunt à dextera versus sinistram, quicumque illi sint ; ita & legentes ac scribentes scriptionem hanc arithmetica, ab Hebræis, Arabibus &c. aut pro illis factam, idem præstare debent. Vicissim, sicut Hebræi, Arabes, &c. legentes ac scribentes latinè, germanicè, Italicè, gallicè, hispanicè &c. scribunt ac legunt à sinistro versus dexteram more nostro ; ita & scribentes ac legentes scriptionem arithmetica à nostris & pro nostris nationibus factam, eodem modo procedere debent.

Difficultas tertia est. Si quis incidat in scriptionem aliquam arithmetica, quomodo scire potest, an legenda sit à sinistra versus dextram, aut à dextera versus sinistram ? Nam utrum legenda sit à capite deorsum, apparet ex eo, quòd scripta sit dictà ratione. *Respondeo.* Si numeri latini seu Romani sunt ad sinistram numerorum vulgarium ; legenda est scriptio à sinistra versus dextram. Si verò numeri latini seu Romani sunt ad dexteram numerorum vulgarium, legi debet à dextera versus sinistram.

Difficultas quarta est. Aliquæ barbaræ nationes nullos habent characteres ; Multi apud nationes cultissimas non sciunt legere & scribere ; Multi, qui sciunt legere & scribere, non sciunt, quid sit Nominativus, Genitivus, Dativus &c. Præsens, Præteritum, Futurum, Participium, Præpositio, Adverbium &c. Ergo saltem pro his non est artificium nostrum. *Respondeo I.* Etiam barbari possunt facile instrui, ut noscant & forment characteres nostros arithmeticos, quibus in artificio hoc utimur. *Respondeo II.* Qui non sciunt, quid sit

Nomi-

Nominativus, verbum præsens, & similia ; possunt faciliè ab aliis instrui. *Respondeo* III. Pro idiotis scribi possunt solæ notæ Classium, & verborum seu rerum ad classes pertinentium : ex his enim potest saltem imperfectus aliquis & barbarus sensus colligi. *Respondeo* IV. Non est necessarium, ut artificium hoc scribendi ac legendi capiatur perfectè ab omnibus, etiam barbaris, & idiotis ; sufficit ut à doctis & capacioribus intelligatur : si enim nulla lingua particularis ab omnibus capiatur ; quid mirum, si hæc universalis non sit omnibus obvia ?

§. VII. Crisis seu iudicium nostrum de hoc artificio.

*Artificii
linguarum
censura.*

Ingeniosum est hoc inventum, sed practicatu difficillimum, saltem quod ad descriptionem attinet. Nam impossibile est, non dico omnes, sed etiam præcipuas res, & rerum vocabula, quibus ordinariè in locutionibus & descriptionibus utimur, reducere ad certas classes. Deinde etiam si summo studio res & vocabula ad classes seu paucas, seu multas reduxeris, difficillimum tamen est volenti scribere, & pro verbis characteres arithmeticos substituere, divinare aut indagare, ad quam classẽ quæque res & vocabulum pertineat, ut ad illam classẽ recurrere, & vocabulum sibi necessarium eruere queat.

Facilitari aliquo modo labor potest, si Classes & vocabula cum numeris, ad classes spectantia scribantur in folio aliquo patente ; sic enim vocabulum desideratum incurret paulò faciliùs in oculum : at quantum necesse est sit folium, quod rerum omnium ad hoc artificium necessarium classes & vocabula capiat ? Quòd si non adeo magnum sit folium, nec adeo multas classes & vocabula capiat ; erit eò difficilior praxis.

Mihi videtur commodissimum, si res omnes, aut præcipuæ (id est, vocabula res significantia) reducantur ad quamplurimas classes, & classibus adjungantur quamplurima vocabula : & classes quidem scribantur in capite paginarum libri, vocabula verò iis subjiciantur ordine perpendi-

pendiculariter descendente, præfixis unicuique vocabulo numeris.

Uſus etiam plura docebit, & ſuggeret novas ac faciliores præſes. Et quoniam inventis facile eſt addere; dubium nullum eſt, ſi ingenioli in hoc artificio excolendo mediocrem collocarent operam, illos multa nova ac longè faciliora inventuros. Sed nunc ad aliud artificio procedamus. Quid nos in præcedenti Artificio facilitando præſtare poſſimus, ſuo tempore & loco patebit, divino Numine favente.

CAPUT II.

Clavis universalis omnium totius Mundi

idiomatum.

ANno Æræ Chriſtianæ M. DC. LXI. prodiit Francofurti *Clavis uni-*
ad Mœnum Libellus, Latino idiomate conſcriptus, cui ſe- *verſalis o-*
quentes præfixi ſunt tituli: *Clavis convenientiæ linguarum. Cha-*
raæter pro notitia linguarum univerſali. Inventum Stegano-
graphicum hætenus inauditum, quo quilibet ſuam legendo verna-
culam, diverſas, imò omnes linguas, unius etiam diei informatione,
explicare & intelligere poteſt. Auctor Libelli & Artificii eſt Vir *idiomatum.*
ingenioſus Dn. Jo. Joachimus Becherus, Spirenſis, Medicinæ Do-
ctor, & Electoralis Aulæ Moguntinæ Iatrus. Artificium eò col-
limat, ut quælibet lingua reliquarum omnium ſit Clavis; & ut qui-
libet in ſua vernacula certis notis ſeu characteribus ſcribenda, &
legenda, ſcribat, legat, & intelligat cæteras omnes. Explicatur
id ſuſè ab Auctore in dicto Libello Latino, iterumq; in alio Ger-
manico, quem eodem quoq; anno edidit. Ego ex utroq; brevi-
ter, in eorum gratiam, qui dictis Opusculis carent, idem expli-
co ut ſequitur; & *Clavem univerſalem omnium totius*
Mundi idiomatum appello.

§. I. De requisitis ad prædictam Clavem linguarum.

*Clavis hæc
quæ requi-
ritur.*

OMnes homines conceptus mentis, & res à se conceptas, aliisq; significandas, explicant vocabulis vel ore prolatis, vel per litteras aliasvè notas aut signa expressis. Hæc autem vocabula (seu ore prolata, seu litteris aut notis expressa) non sunt eadem, apud omnes nationes: nam Latini volentes significare animal latrabile v. g. dicunt & scribunt *canis*, Germani *Hund*, Græci *κύων*, Itali *cane*, Galli *chien*, Hispani *perro*, alii aliter. Eadem diversitas reperitur in omnibus aliis rebus significandis. Hinc diversitas linguarum, seu idiomatum. Hinc diversæ nationes se mutuò non intelligunt, sive loquantur, sive scribant. Quòd si omnes iisdem vocabulis ore prolatis ad easdem res significandas uterentur; omnes se mutuò loquentes intelligerent: & si omnes iisdem notis seu signis easdem res scribendo exprimerent; omnes similiter se mutuò scribentes perciperent. Primum, quæ ratione instituendum sit, nemo adhuc excogitavit. Ad secundum præstandum, nos, ut præcedenti capite vidimus, substituímus loco vocabulorum scribendorum notas arithmeticas. Easdem substituit Auctor prædicti Libelli, ac præterea certum adhibet characterem, ut videbimus. Nos res præcipuas, quæ in hominum colloquium veniunt, reducimus ad certas classes, easq; res exprimimus vocabulis latinis (transferendis deinde in alias linguas) & vocabulis apponimus certos numeros arithmeticos, aliaq; præstamus, quæ præcedenti capite exposita sunt: Auctor Libelli

Tria requirit ad suum Artificium. *Primum est* Lexicum seu Vocabularium multiplex, hoc est, multarum linguarum, certo modo & ordine concinnatum, unà cum Indice ejusdem Lexici; excepto Lexico Latino, quod Indicem non requirit, ut dicitur. *Secundum est* Tabula pro varietate sensuum (ut ipse appellat) hoc est, pro declinatione Nominum, conjugatione Verborum, aliisq; vocabulorum variationibus. *Tertium est* Character certis ductibus formatus, certisq; lineolis ac punctis signatus. Singula seorsim explicabo, quantâ possum maximâ claritate in re nova, ac per se obscura.

§. II. De Lexico multiplici, & Indice, ad Clavem linguarum requisitis.

Primo itaque debet fieri Lexicon Latinum, tanquam basis seu *Lexicum & Index ad Clavem linguarum requisita.* norma Lexicorum aliarum linguarum. In quo Lexico Latino disponi debent ordine Alphabeti Latini omnia, aut saltem, præcipua linguæ Latinæ vocabula: atq; à primo vocabulo versus ultimum progrediendo, debet unicuiq; apponi numerus aliquis arithmeticus, ab unitate inchoando, & naturalem progressionem servando, ita nimirum, ut sequens numerus sequenti vocabulo appositus semper unitate superet proximè antecedentem numerum, vocabulo proximè antecedenti appositum, ut in columna prima sequentis §. 3. appareat.

Secundò. Hoc Lexicon Latinum, dictâ ratione dispositum, ac numeris signatum, debet transferri (ordine ejus invariato) in alia idiomata aliarum nationum, quibus communè esse volumus Artificum, seu quarum idiomata intelligere, & à quibus nostrum intelligi volumus: & vocabula aliorum idiomatum, Latinis vocabulis correspondentia, signari debent iisdem numeris, quibus signati sunt vocabula Lexici Latini. Si ergo vocabula Latinæ columnæ primæ sequentis §. 3. transferantur in linguam Germanicam; disposita atq; signata erunt Germanici Lexici vocabula, prout appret in columna secunda ejusdem §. 3. sequentis. Simili omnimodo disponi debent Lexica aliarum linguarum.

Tertiò. Eadem vocabula Lexici Germanici, & omnium aliarum linguarum Lexicorum (Latino excepto) in quas Latinum Lexicon translatum est, prædictis numeris signata, disponi debent eundem ordine Alphabeti unicuiq; linguæ proprii, per modum Indicis vocabulorum Alphabeti ordine dispositorum: & unicuique vocabulo hujus Indicis apponi debent iidem numeri, qui antea in Lexico appositi erant. Itaque Latino idiomate excepto, quodlibet aliud idioma requirit & Lexicum, & Indicem: Lexicum quidem, in quo vocabula Latinis vocabulis correspondentia collocentur eodem ordine, & cum eisdem numeris naturali servatis dispositis, prout collocata & signata sunt vocabula Lexici Latini: Indicem verò, in quo eadem vocabula jam signata nu-

meris, disponantur una cum suis numeris adjunctis ordine Alphabeti, in illa lingua usitati. Itaque si Germanica vocabula columnæ secundæ sequentis §. unâ cum numeris sibi adjunctis, disponantur per modum Indicis ordine Alphabeti; pertinebit primum vocabulum ad litteram Germanicam *B*/ secundum ad litteram *C*/ tertium ad *G*/ quartum ad *A* &c. & tamen habebunt ante vel post se eosdem numeros, quos antea habebant in Lexico. Itaq; Index Lexici Germanici, cujus Lexici fragmentum continet columna secunda §. sequentis, dispositus erit prout apparet in columna tertia ejusdem §. sequentis.

§. III. Specimen Lexicorum, & Indicium, ad
Clavem linguarum requisitorum.

*Specimen
Lexicorum
& Indicium
pro Clave
linguarum.*

Sed majoris claritatis gratiâ demus breve aliquod specimen Lexicorum, & Indicium, exhibitum in lingua Latina & Germanica. Eadem autem ratio erit omnium aliarum linguarum cum Latina combinatorum: ad eundem enim modum, quo Lexicon Latinum hîc translatum est in linguam Germanicam, & singula vocabula illius signata sunt iisdem numeris, quibus signata sunt vocabula Latina correspondentia; ac deinde vocabula Germanici Lexici disposita sunt ordine Alphabeti per modum Indicis, habentia eosdem numeros adjunctos, quos antea habebant; ita fieri etiam debet in aliis linguis.

Lexicum Latinum		Lexicum Germanicum	Index Germanicus	
A.			A.	
Ab	1	Don	1	Abt 4
Abacus	2	Credens Tisch	2	Angeſicht 28
Abavus	3	Großvatter	3	Aufzug 24
Abbas	4	Abt	4	
Abbatia	5	Abtey	5	

B.		B.	
Bacca	6	Berle	6
Bacchus	7	Gott des Weins	7
Baculus	8	Steck	8
Barba	9	Bart	9
Baro	10	Freyherr	10
C.		C.	
Caballus	11	Pferd	11
Cacabus	12	Kessel	12
Cadere	13	Fallen	13
Cæcus	14	Blind	14
Comedere	15	Essen	15
D.		D.	
Dama	16	Gembs	16
Daphnis	17	Lorberbaum	17
Debilis	18	Schwach	18
Demum	19	Leglich	19
Deorsum	20	Niedersich	20
E.		E.	
Ebur	21	Elfenbein	21
Ecclesia	22	Kirche	22
Equus	23	Pferd	23
Ergata	24	Aufzug	24
Esurire	25	Hungern	25
F.		F.	
Faba	26	Bon	26
Fabula	27	Fabel	27
Facies	28	Angesicht	28
Fallere	29	Betriegē	29
Fama	30	Geschrey	30
		B.	
		Bart	9
		Betriegē	29
		Berle	6
		Blind	14
		Bon	26
		C.	
		Eredensisch	2
		D.	
		Der	39
		E.	
		Ebheu	27
		Edelgestein	33
		Erb	36
		Essen	15
		F.	
		Fabel	37
		Fallen	13
		Feiste	5
		Fresser	28
		Freyherr	10
		Frollich	40
		G.	
		Gembs	16
		Geschrey	30
		Gott des Weins	7

G.					
Galea	31	Helm	31	Graß	35
Gelu	32	Kälte	32	Grau	34
Gemma	33	Edelgestein	33	H.	
Glaucus	34	Grau	34	Helfenbein	21
Gramen	35	Graß	35	Helm	31
				Hungern	25
H.				R.	
Heres	36	Erb	36	Kessel	12
Hedera	37	Ebheu	37	L.	
Heluo	38	Fresser	38	Leßlich	19
Hic	39	Der	39	P.	
Hilaris &c.	40	Froßlich/ze.	40	Pferd	23

In hunc modum, quo in prima columna factum vides, disponendum est Lexicum Latinum, collocando ordine Alphabeti primò omnia, aut præcipua vocabula, incipiente à littera A, deinde à littera B, tum à C, à D &c. & apponendo singulis vocabulis numeros, à primo ad ultimum usq; vocabulum, naturali numerorum serie servatâ.

Ad eum verò modum, quo in secunda columna factum est cum idiomate Germanico, disponi debent Lexica aliorum etiam idiomatum à Latino diverforum, collocando è regione Latinorum vocabula aliarum linguarum idem significantia, non ordine Alphabeti, sed eodem ordine, quo vocabulis in Latino Lexico correspondent; iisq; apponendo numeros eosdem, qui in Latino appositi sunt.

Deniq; ad eum modum, quo in tertia columna disposita sunt ordine Alphabeti vocabula Germanica, notata iisdem numeris, quibus notata sunt in secunda columna, disponi etiam debent aliorum Lexicorum, Latino Lexico correspondentium, vocabula per modum Indicis.

Non est tamen necessarium, ut omnibus omnium aliorum idiomatum Lexicis & Indicibus, prædicto modo dispositis, præponatur Lexicum Latinum; sed sufficit Lexicum & Index Germanicus

nicus pro Idiomate Germanico, & Lexicum ac Index Gallicus pro Gallico idiomate, & Græcum Lexicum ac Index pro idiomate Græco &c. Neq; etiam requiritur, ut cujusq; linguæ Lexicum ponatur è regione Indicis, prout in secunda & tertia columna præcedente factum est; sed sufficit, & præstat etiam, ut primo loco in libro ponatur totum Lexicum, eoq; finito subjiciatur post Lexicum totus Index.

Usum Lexicorum & Indicum postea docebimus, ubi prius reliqua duo ad Artificium requisita explicaverimus.

§. IV. De Tabula variationis sensuum.

EX Lexicis & Indicibus eruuntur nomina, verba, aliaq; vocabula, ut postea dicitur. Nomina debent inter scribendum declinari, verba conjugari, alia vocabula variè variari ac flecti, ut postea etiam dicitur. In eum finem servit sequens Tabula, quam Auctor vocat Tabulam variationis sensuum. Posset aliter disponi; sed nolo hîc recedere ab Auctoris dispositione.

TABULA VARIATIONIS SENSUUM.

Pro Declinatione Nominum.

Singularis.

1	Nomin. Servus,	Fœmina,	Animal.
2	Genit. Servi,	Fœminæ,	Animalis.
3	Dativ. Servo,	Fœminæ,	Animali.
4	Accus. Servum,	Fœminam,	Animal.
5	Vocat. Serve,	Fœmina,	Animal.
6	Ablat. Servo,	Fœminâ,	Animali.

*Tabula Variationis
sensuum
pro Classe
linguarum.*

Pluralis.

7	Nom. Servi,	Fœminæ,	Animalia.
8	Gen. Servorum,	Fœminarum,	Animalium.
9	Dat. Servis,	Fœminis,	Animalibus.
10	Acc. Servos,	Fœminas,	Animalia.
11	Voc. Servi,	Fœminæ,	Animalia.
12	Abl. Servis,	Fœminis,	Animalibus.

Pro Conjugatione Verborum.

INDICATIVUS.

Activum.

Passivum.

Præsens.

13	Singular.	Amo	43	Singular.	Amor
14		Amas	44		Amaris
15		Amat	45		Amatur
16	Plural.	Amamus	46	Plural.	Amamur
17		Amatis	47		Amamini
18		Amant	48		Amantur.

Imperfectum.

19	Amabam	49	Amabar
20	Amabas	50	Amaberis
21	Amabat	51	Amabatur
22	Amabamus	52	Amabamur
23	Amabatis	53	Amabamini
24	Amabant.	54	Amabantur.

Perfectum.

25	Amavi	55	Amatus sum vel fui
26	Amavisti	56	Amatus es vel fuisti
27	Amavit	57	Amatus est vel fuit
28	Amavimus	58	Amati sumus vel fuimus
29	Amavistis	59	Amati estis vel fuistis
30	Amaverunt.	60	Amati sunt vel fuerunt.

Plusquamperfectum.

31	Amaveram	61	Amatus eram vel fueram
32	Amaveras	62	Amatus eras vel fueras
33	Amaverat	63	Amatus erat vel fuerat
34	Amaveramus	64	Amati eramus vel fueramus
35	Amaveratis	65	Amati eratis vel fueratis
36	Amaverant.	66	Amati erant vel fuerant.

Futu-

Futurum.

37 Amabo	67 Amabor
38 Amabis	68 Amaberis
39 Amabit	69 Amabitur
40 Amabimus	70 Amabimur
41 Amabitis	71 Amabimini
42 Amabunt.	72 Amabuntur.

IMPERATIVUS

Activum.

Passivum.

Præsens.

73 Ama	83 Amare
74 Amet	84 Ametur
75 Amemus	85 Amemur
76 Amate	86 Amemini
77 Ament.	87 Amentur.

Futurum.

78 Amato, tu vel Amabis	88 Amator tu
79 Amato ille vel Amabit	89 Amator ille
80 Amabimus	90 Amemur
81 Amatote vel Amabitis	91 Amemini
82 Amanto vel Amabunt.	92 Amantor.

CONJUNCTIVUS.

Activum.

Passivum.

Præsens.

<i>Si, vel Cum.</i>	<i>Si, vel Cum.</i>
93 Amem	123 Amer
94 Ames	124 Ameris
95 Amer	125 Ametur
96 Amemus	126 Amemur
97 Ameris	127 Amemini
98 Ament.	128 Amentur.

Ttt

Imper-

Imperfectum.

99 Amarem
100 Amares
101 Amaret
102 Amaremus
103 Amaretis
104 Amarent.

129 Amarer
130 Amareris
131 Amaretur
132 Amaremur
133 Amaremini
134 Amarentur.

Perfectum.

105 Amaverim
106 Amaveris
107 Amaverit
108 Amaverimus
109 Amaveritis
110 Amaverint.

135 Amatus sim vel fuerim
136 Amatus sis vel fueris
137 Amatus sit vel fuerit
138 Amati simus vel fuerimus
139 Amati sitis vel fueritis
140 Amati sint vel fuerint.

Plusquamperfectum.

111 Amavissem
112 Amavisses
113 Amavisset
114 Amavissemus
115 Amavissetis
116 Amavissent.

141 Amatus essem vel fuissem
142 Amatus esses vel fuisses
143 Amatus esset vel fuisset
144 Amati essemus vel fuissemus
145 Amati essetis vel fuissetis
146 Amati essent vel fuissent.

Futurum.

117 Amavero
118 Amaveris
119 Amaverit
120 Amaverimus
121 Amaveritis
122 Amaverint

147 Amatus ero vel fuero
148 Amatus eris vel fueris
149 Amatus erit vel fuerit
150 Amati erimus vel fuerimus
151 Amati eritis vel fueritis
152 Amati erunt vel fuerint.

INFINITIVUS

Activum,

Passivum,

Præfens,

153 Amare

163 Amari

Perfectum.

154 Amavisse

164 Amatum esse vel fuisse.

Futurum.

155 Amaturum esse

165 Amatū iri, amandum esse.

Gerundia,

156 Amandi

157 Amando

158 Amandum

Supina,

159 Amatum

160 Amatu

PARTICIPIUM

Activum,

Passivum,

Præfens,

161 Amans

Præteritum.

166 Amatus

Futurum.

162 Amaturus

167 Amandus.

Alia variationes nonnullæ.

- 168 Comparativè, ut doctior.
- 169 Superlativè, ut doctissimus.
- 170 Adverbialiter, ut doctè.
- 171 Derivativè, ut Moguntinensis à Moguntia.
- 172 Purus numerus, ut 1262.
- 173 Impersonaliter, si verbum, ut pluit: nominativus singularis in genere neutro, si nomen, ut multum.
- 174 Fœmininum, ut docta.
- 175 Neutrum, ut doctum.
- 176 Possessiva, ut Ciceronianus, regius &c.
- 177 Verbalia, ut acceptio, abbreviatio.

Melius tamen erit, si in Lexicis & Indicibus exprimantur comparativa, superlativa, adverbia; alioquin confusio orietur in numeris inter scribendum & legendum, uti ex sequentibus patebit. Et quoniam in Lexicis ponitur tantum genus masculinum adjectivorum, ut doctus, bonus, &c. possunt fœminina & neutra genera exprimi numeris 174 & 175. Possessiva etiam & verbalia possunt exprimi numeris 176 & 177.

§. V. De Characterè ad Clavem linguarum requisito.

*Character
ad Clavem
linguarum
necessarius.*

Tertium, quod requirit Auctor ad Clavem seu Artificium linguarum, est Character certis ductibus formatus, & certis lineolis ac punctis signatus. Ipse aliter format & signat suum.

suum Characterem : ego eum facilitatis gratiâ formo ac signo, ut sequitur.

Forma Characteris.

Sinistra.	D			H
	C			G
	B			F
	A			E
				Dextera.

Duas habet partes hic Character ; sinistram, signatam litteris A, B, C, D, ; & dextram, signatam litteris E, F, G, H. Parti sinistrae inscribuntur certis lineolis ac punctis numeri vocabulis in Lexico & Indice appositi ; dexterae verò parti inscribuntur similiter punctis ac lineolis numeri positi in Tabula Variationis sensuum, ut mox patebit.

Spatio A sinistrae partis inscribuntur unitates, spatio B denitates seu denarii, spatio C centenarii, spatio D millenarii.

Spatio E dexterae partis inscribuntur similiter unitates, spatio F denitates seu denarii, spatio G centenarii, spatio H millenarii, si adsint. En specimen.

Signatio Characteris.

D	...	≡	•	H
C	••	—	••	G
B	•••	—	••	F
A	••••	—	•••	E

In hujus Characteris spatio A & E, singula puncta valent singulas unitates ; linea verò transversa valet quinque unitates. Itaque in spatio A sunt novem, in spatio E octo unitates.

In spatio B & F, puncta singula significant singulas denitates ; linea verò transversa, quinque denitates, seu quinquaginta. Itaque in B sunt nonaginta, in F septuaginta.

In spatio C & G, puncta denotant centenarios; lineæ verò, quinq; centenarios, seu quingenta. Itaq; in C sunt septingenta, in G ducenta.

In spatio D & H singula puncta significant mille; singulæ lineæ, quinq; millia. Itaq; in dicto spatio D sunt octodecim millia, in spatio H mille.

§. VI. Praxis scribendi per Characterem in lingua Latina.

*Scriptio per
characte-
rem no-
tum.*

Artificium hoc novum, de quo tractamus, praxin continet & scribendi in una lingua quidlibet, quod à quarumlibet linguarum populis legatur, ac intelligatur; & legendi, atq; intelligendi quodlibet, in qualibet lingua scriptum hoc eodem artificio. Explicabimus primò praxin scribendi, deinde legendi. Utraque, tam scriptio, quàm lectio, fieri potest per characterem, & sine characterem. Hic exponimus modum per characterem illam præstandi; postea modum sine illo idem faciendi dabimus. Scriptio fit vel in lingua latina, vel in aliis linguis. Utriusq; modum damus. Ac primùm in lingua Latina.

*Scribere
latine per
characte-
rem.*

Primò. Scribe in charta separata vocabulis latinis id, quod ab aliis, cujuscunq; sint idiomatis, legi cupis; idq; quàm potest fieri paucissimis & simplicissimis vocabulis, sine verborum ornatu, sine metaphoris, & aliis figuris Rhetoricis. Hoc enim si facias, & tibi qui scripturus es per characterem, & aliis, qui scriptum lecturi sunt, minor labor erit subeundus. Potest tamen eodem artificio quidlibet, quantâvis copiâ & ornatu verborum scribi.

Secundò. Quære singula vocabula, quæ scripsisti, in Lexico Latino, iisque superpone numeros, quos in Lexico appositos reperis.

Tertiò. Forma in charta alia, quam vis ad alios mittere, toties characterem in transversis lineis à sinistra versus dexteram, vel à dextera versus sinistram (aut pro Sinensibus, qui à vertice deorsum scribunt, in perpendiculariter descendentibus lineis) quot vocabula continet Epistola, quam scripsisti.

Quartò. Incipe à primo vocabulo tuæ Epistolæ, & primam characteris partem (sinistram videlicet. si scribis illis, qui à fini-

sinistra versus dexteram scribunt, & legunt) nota punctis ac lineolis juxta exigentiam numeri eidem primo vocabulo superscripti. Idem facies cum secundo, cum tertio, cum reliquis characteribus, usq; ad finem.

Quintò. Redi ad initium tuæ Epistolæ; & nominum casus, verborum modos, tempora, & personas, nomina comparativa, superlativa, nomina adverbialiter, derivativè, &c. sumpta, quære in Tabula Variationis Sensuum; iisque superscribe numeros ex dicta Tabula desumptos, juxta ipsorum exigentiam.

Sextò. Redi etiam ad initium characterum, & ubi opus fuerit, secundæ uniuscujusque characteris parti (nempe dextræ) imprime puncta & lineolas juxta exigentiam numerorum vocabulis paulò antè superscriptorum. His factis, scripta erit Epistola latina tali artificio, ut a quovis cujusq; nationis, cui idem artificio notum fuerit, quicq; Lexicum & Indicem è latino Lexico translatus habuerit, legi & intelligi queat. Sed rem exemplo declaremus.

Sint scribenda prædicto artificio hæc verba: *Equus comedit gramen*, aliisque significanda, sive latinam linguam sciant, sive non. *Primò.* Scribe hæc verba in charta separata, sic:

23. 1 15. 15 35. 4

Equus comedit gramen.

Secundò. Quære hæc tria vocabula in Lexico Latino, cujus fragmen dedimus in §. 3. & supra singula pone numeros in Lexico ipsis adscriptos, nimirum supra primum vocabulum pone 23, supra secundum 15, supra tertium 35.

Tertiò. Forma in alia charta tres characteres, sic.

.	.
.	.

.	.
.	.

.	.
.	.

Quartò. Primæ seu sinistrae parti cujusq; characteris imprime pun-

me puncta & lineolas juxta exigentiam numerorum tribus prædictis vocabulis superscriptorum: nempe in infimo spatio sinistro primi characteris imprime tria puncta (quæ significant tres unitates) in secundo verò spatio duo puncta (quæ significant duas denitates, seu viginti) item in infimo spatio sinistro secundi characteris unam lineolam transversam (quæ significat quinque unitates;) in secundo unum punctum (quod significat unam denitatem, seu decem;) in infimo denique spatio sinistro tertii characteris unam lineolam, in secundo tria puncta, quæ simul faciunt 35. Eodem modo procedes, si plura vocabula, & plures characteres supersint.

Quintò. Redi ad tria vocabula, & illis superscribe numeros juxta Tabulam Declinationum & Conjugationum debitos. Et quia *equus* est Nominativus; supra scribe ipsi vocabulo 1, quia hæc nota adscripta est Nominativo: supra *comedit* verò scribe iterum 15, quia est tertia persona, temporis præsentis, indicativi modi, cui in Tabula responderet numerus 15: supra *gramen* denique, quod est Accusativus casus, scribe 4, quia dicto casui in Tabula attribuitur iste numerus.

Sextò. Redi etiam ad initium trium Characterum, & in infimo spatio dextero primi fac unum punctum, propter 1. notatum supra primum vocabulum *equus*: in infimo spatio dextero secundi Characteris fac lineolam transversam, & in sequenti spatio punctum (quæ simul faciant 15) propter 15 supra vocabulum *comedit*: in infimo denique spatio dextero tertii Characteris fac quatuor puncta, propter 4 supra *gramen* notata. His peractis, notati erunt Characteres ut oportet.

§. VII. Praxis scribendi per Characterem in aliis linguis.

*Scribere in
aliis lin-
guis, quam
Latina, per
characterem.*

Eâdem prorsus praxi scribitur per Characterem in quavis alia lingua; hoc solum discrimine servato, quòd vocabula aliarum linguarum, quæ in Characterem per puncta & lineolas notanda sunt, quæri debent in Indice Lexici aliarum linguarum, non in ipso Lexico. Sed rem exemplo declaremus.

Sint

Sint scribenda, & exteris peregrinarum linguarum nationibus indicanda, hæc verba germanica: *Das Pferd isset Graß*. Scribe *primò* hæc vocabula in charta separata, sic:

^{23. 1 15 15 35. 4}
Das Pferd isset Graß.

Secundò. Quære in Indice hæc tria vocabula, *Pferdt / essen / Graß*; & numeros illis in Indice appositos scribe supra vocabula jam antea scripta, nempe 23. 15. 35. *Tertiò.* Forma in alia charta tres characteres, ut antea. *Quartò.* Signa punctis ac lineolis primas seu sinistras characterum partes, ut antea. *Quintò.* Quia primum vocabulum, *das Pferd* / est Nominativus; secundum, *isset* / est tertia persona præsentis temporis indicativi modi; tertium *Graß* est Accusativus: ideo ex Tabula Declinationum ac Conjugationum pone supra primum vocabulum, 1, supra secundum, 15, supra tertium, 4. *Sextò.* Juxta exigentiam horum trium numerorum, 1. 15. 4. nota punctis ac lineolis secundam partem trium characterum, ut antea. His factis, scripta erunt in characteribus per puncta & lineolas tria illa vocabula germanica, & quidem tali artificio, ut quilibet, cui notum est artificio, ea legere ac intelligere possit.

§. V III. Praxis legendiquæ scripta sunt per Characterem.

Quæ scripta sunt per Characterem modo hætenus explicato, Legere quæ scripta sunt per characterem. legi & intelligi possunt à quocunque, tamen si linguam illam, in qua scripta sunt, non intelligat; dummodò unam aliquam, sciat linguam, sive vernaculam suam, sive aliam, cujus Lexicon & Indicem modo suprà explicato dispositum habet; aut solum Lexicum, si Latinam sciat linguam.

Velit itaque Germanus, qui nesciat linguam Latinam, legere & intelligere verba illa latina, per Characterem paulò antè scripta: *Equus comedit gramen*; sic procedat:

Primò. Resolvat puncta & lineolas omnium Characterum in numeros: nempe primi characteris partem primam in 23, & partem secundam in 1: deinde secundi characteris partem primam

Uuu

mam

mam in 15, & secundam etiam in 15: demum tertii characteris partem primam in 35, secundam in 4.

Secundò. Omnes numeros inventos scribat ordine in charta separata, ita laxè, ut illis subscribi possint vocabula Germanica, mox quærenda. Sic ergo stabunt numeri.

^{23.} ¹ ^{15 15} ^{35. 4}
Das Pferdt isset Graaß.

Tertiò. Quærat primum cujusque Characteris resoluti numerum in Lexico Germanico, secundum verò in Tabula Variationum. Inveniet in Lexico, numero 23 adscriptum esse, Pferdt; in Tabula verò, numero 1. Nominativum. Scribet ergo infra primos duos numeros antè in charta notatos, Das Pferdt. Inveniet iterum in Lexico Germanico, numero 15 adscriptum esse essen; in Tabula verò eidem numero 15 respondere tertiam personam præsentis temporis indicativi modi. Scribet ergo infra secundos numeros, isset. Inveniet tandem in Lexico Germanico, numero 35 correspondere vocabulum Graaß; in Tabula verò 4 Accusativum. Scribet ergo infra tertios numeros, Graaß.

Eodem prorsus modo, qui scit linguam latinam, & nescit germanicam, leget verba illa germanica, Das Pferdt isset Graaß/ scripta per characterem, si solum habeat Lexicum latinum. Si enim resolvat *primò* utramque partem characterum in numeros, eosque scribat in charta; *secundò*, quærat numeros inventos in Lexico Latino, & in Tabula, & vocabula Lexici juxta exigentiam numerorum Tabulæ subscribat infra numeros antea è characteribus erutos; habet vocabula latina germanicis illis æquivalentia.

Eadem est ratio de omnibus aliis linguis per characteres scriptis: omnes enim eodem modo scribuntur, & eodem modo leguntur, ac intelliguntur, à quocunque qui artificium scit, & requisitum Lexicum ac Indicem habet.

§. IX. Praxis scribendi sine Characterē, per
solos numeros.

Non omnes nationes utuntur notis numerorum vulgaribus, quibus Latini, Germani, Itali, Galli, & plerique Europæi utuntur; sed Græci, Arabes, aliique nonnulli numeros exprimunt litteris Alphabeti; alii verò aliis notis seu signis. Hac de causa Auditor Artificii hætenus explicati excogitavit Characterem, punctis & lineolis modo suprà explicato signatum, ut nationes omnes unam habeant rationem exprimendi numeros in Lexico & Indice vocabulis appositos, quibuscunque demum notis aut litteris sint expressi.

Quitamen utuntur notis vulgaribus numerorum, quibus plerique Europæorum, ut diximus, utuntur; non indigent Characterē ad scribendum & legendum, sed brevius ac facilius id præstare possunt per solos numeros in Lexicis, Indicibus, & Tabula variationis positos, in hunc modum.

Primò. Qui scribere volunt per solos numeros, scribant in charta separata vocabula quæ volunt aliis significare. *Secundò.* Quærant in Indicibus suis (vel in Lexico latino, si latinè volunt scribere;) & numeros illis vocabulis inventis adjunctos scribant supra vocabula, quæ in charta separata scripserunt. Quærant præterea casus, modos, tempora, personas, aliasque vocabulorum variationes, in Tabula Variationis; & numeros correspondentes scribant similiter supra vocabula quæ in charta scripserunt. *Tertiò.* Describant denuo in alia charta, quam mittere ad alias nationes volunt, numeros supra vocabula notatos, eo ordine, quo notati sunt, interponendo punctum inter numeros ex Lexico aut Indice, & ex Tabula Variationum desumptos. Finito autem quolibet vocabulo, notetur comma ordinarium, aut virgula seu lineola longiuscula sic, |. *Quartò.* Qui legere volunt solos numeros scriptos, quærant illos in Lexicis suis, & in Tabula variationis (videlicet primos cujusque vocabuli numeros in Lexicis, secundos in Tabula) & vocabula illis numeris adjuncta, ac ritè inflexa in casus, tempora &c. Scribant ordine in charta; & habebunt in lingua vernacula (aliave quam sciunt) scriptum, quod alius in lingua ipsis ignota scripsit.

EXEMPLUM. Sint Germano, qui linguam Latinam nescit, scribenda hæc verba latina: *Fama fefellit hæredem hilarem.* Scribantur hæc verba in charta separata, sic:

30. 1, 29. 27, 36. 4, 40. 4. ||

Fama fefellit hæredem hilarem.

Deinde hæc eadem verba quærantur in Lexico latino, & numeri ipsis adjuncti scribantur supra ipsa, nempe supra primum 30, supra secundum 29, supra tertium 36, supra quartum 40. Et quia primum vocabulum est Nominativus, secundum tertia persona præteriti perfecti indicativi modi, tertium & quartum Accusativus; desumantur ex Tabula variationis numeri competentes, & supra dicta vocabula scribantur post numeros jam antea scriptos, nempe supra primum scribatur 1, supra secundum 27, supra tertium & quartum 4. Demum hi numeri describantur denuò ordine in alia charta quæ mittenda est Germano, sic:

30. 1, 29. 27, 36. 4, 40. 4. ||

Germanus qui legere vult hos numeros, quærat primos ejusque vocabuli in Lexico suo Germanico, & vocabula illis correspondentia scribat: secundos verò quærat in Tabula variationis, & juxta exigentiam illorum inflectat vocabula jam scripta. Inveniet autem in Lexico germanico juxta 30, vocabulum *Geschrey*/ juxta 29 *betriegen*/ juxta 36 *Erb*/ juxta 40 *frölich*. In Tabula inveniet juxta 1 Nominativum, juxta 27 tertiam personam præteriti perfecti indicativi modi, juxta 4 Accusativum: scribet igitur,

Das Geschrey hat betrogen den frölichen Erben.

Ex his, & ex dictis præcedenti §. faciliè intelligitur, qua ratione procedere in scribendo debeat Germanus (aut quivis alius qui linguam latinam nescit) si scribere velit germanicè alicui linguam latinam scienti: & qua ratione Latinus germanica verba legere debeat.

§. X. Annotationes in Artificium hæctenus explicatum.

PRO faciliiori & universaliiori usu explicati hæctenus Artificii admodum ingeniosi, notanda sunt nonnulla, quæ etiam ex parte ab ipso Auctore notantur.

I. Omnes

I. Omnes qui uti volunt Artificio hæcenus explicato, debent habere Lexicum in aliqua lingua, quam callent, conscriptum, & numeris modo suprà §. 3. explicato notatum. Et pro latina quidem lingua, hoc est, pro iis qui latinâ linguâ scribere aliis, & intelligere ab aliis scripta volunt, sufficit solum Lexicum latinum. Pro aliis verò quibuscunque, qui aliâ quàm latinâ linguâ scribere, & scripta ab aliis interpretari volunt, præter Lexicum illius linguæ, in qua scribere, & in quam transferre ab aliis scripta volunt, habere debent Indicem ex Lexico suo confectum; in quo Indice vocabula ordine Alphabeti disposita sint. Ratio est, quia in Lexico vocabula non collocantur ordine Alphabeti, sed soli numeri vocabulis apppositi collocantur ordine naturali: è contrario verò in Indice vocabula ponuntur ordine Alphabeti, numeri verò non ponuntur ordine naturali, sed ordine confuso, uti ex dictis suprà §. 3. patet.

II. Omnes præterea debent habere Tabulam variationis, eodem modo dispositam, & iisdem numeris distinctam, quilibet videlicet in sua lingua. Itaque sicuti Lexica, ita etiam Tabulæ, debent ex Lexico & Tabula latina transferri in varias linguas.

III. Tota instructio quam vel Auctor suo Libello præmittit, vel nos præcedentibus paragraphis tradidimus, debet transferri in alias linguas, & præmitti uniuscujusque linguæ Lexico.

IV. In numeris Lexico, Indici, & Tabulæ apponendis, servet quælibet natio morem suum. Itaque quæ nationes utuntur nostris vulgaribus notis numerorum, illas apponant suorum Lexicorum &c. vocabulis; quæ aliis utuntur notis, illas apponant; quæ litteras Alphabeti loco numerorum aliàs adhibent, usurpent easdem in Lexicis suis.

V. Si tamen omnes nationes usurparent nostras notas, scribi & legi quidlibet, in qualibet lingua, à quolibet posset sine caractere, per solos numeros: quod longè facilius & compendiosius est, ut vidimus §. præcedenti. Nec admodum difficile est, ut omnes nostris adsuescant notis, quia non nisi decem sunt, & facile formari possunt. Nec necessarium est, ut sciant valorem ipsarum, sed sufficit ut in suis Lexicis quærant illos, quos inveniunt in

scripturis ad se missis, si eas intelligere volunt; aut è suis Indicibus eos excerpant, & scribant, si scribere aliis volunt.

VI. Qui alias scribendo & legendo procedunt à dextera, versus sinistram, aut à vertice deorsum, servant & in hac scribendi ac legendi arte eundem morem. Sed tunc prima characteris pars, quam nos ad sinistram collocavimus, collocari debet ad dexteram, si à dextera ad sinistram pergitur; aut in capite, si à vertice deorsum; ut scripturam inspiciens, ac intelligere & interpretari volens, sciat unde inchoandum sit.

VII. Quid servandum circa interpunctiones, hoc est, circa commata, puncta, duo puncta &c. quando scribitur per characteres; Auctor explicat in suo Libello: nempe loco commatis scribitur unam lineolam sic |; loco puncti duas lineolas sic, ||. Punctum cum commate, signum interrogationis, & exclamationis possunt fieri, ut aliàs apud nos.

Quando sine characteribus per solos numeros scribitur, possunt numeri ad unum vocabulum spectantes discerni à numeris ad aliud vocabulum spectantibus interponendo unum comma ordinarium, sic, ; loco verò commatum & punctorum potest fieri una aut duæ lineolæ, ut dictum paulò antè. Signa interrogationis, & admirationis, & puncti cum cômate aliàs usitata possunt recineri.

VIII. Qui per characterem scribendo exprimere vult solum & nudum numerum, signet punctis & lineolis illam characteris ejus partem, quæ pro numeris vocabulorum deputata est, nempe apud nos Europæos sinistram, apud Hebræos & Arabes dexteram: in altera verò characteris parte exprimat lineolis & punctis numerum 172, juxta dicta in fine §. 4. Qui per numeros scribendo exprimere vult numerum, ponat primò illum, numerum, & duobus punctis interpositis scribat jam dictum numerum 172.

IX. Qui multùm & frequenter scribere vult per characterem, habeat integras chartas plenas characteribus vel manu scriptis, vel typò exaratis.

X. Qui scripta sive per Characterem, sive per numeros intelligere & interpretari vult in aliquâ quacunque linguâ, necesse est ut bene calleat istam linguam, ejusque idiotismos noscat, & re-
perta

perta vocabula per characteres aut numeros ab aliis significata rectè disponat, prout linguæ illius idiotismus requirit. Sæpe enim contingit, ut vocabula aliqua certo ordine posita, in una lingua bonum, in alia ridiculum sensum efficiant. Exemplum habes supra in §. 9. ubi verba illa latina, *fama fefellit heredem hilarem*, optimum efficiunt sensum in latina lingua; uti & in lingua Italica, aliisque nonnullis, si eodem ordine transferantur in illas: at si tali ordine transferantur in germanicam, sic, *Das Geschrey hat betrogen den Erben frölich*; Valde ridiculè sonant. Gnarus autem idiotismorum Germanicæ linguæ, verba illa præcedenti ordine ex characterè aut numeris eruta, sic disponet, *Das Geschrey hat betrogenden frölichen Erben*. Idem ergo servandum est in aliis linguis.

XI. Si quæ vocabula in aliquibus linguis non habent variationem casuum, aut temporum, aliasque inflexiones; eadem autem in aliis linguis habent; à legente & interpretante omitti, aut suppleri debent, prout necessitas requiret.

§. XI. Crisis sive iudicium nostrum de Artificio hactenus explicato.

Artificium hoc est longè ingeniosius, facilius, universalius, quàm præcedens. Divulgari potest per totum terrarum orbem, sed non sine magnis impensis & labore: nam tota instructio, totum Lexicum, totus Index, cum Tabula variationum, imprimi aut describi debet in aliquo libello, idque primùm in lingua Latina, Indice excepto; deinde in quavis lingua à latina diversa; qui posterior libellus deinde aliis provinciis aliorum idiomatum, communicari, & à quolibet in suam linguam à perito aliquo transferri debet juxta instructionem additam.

*Linguarum
artificium
nobis com-
mendatur.*

Hoc si fiat; quicumque libellum habet, & artificium intelligit, scribere ita potest, tametsi solam vernaculam suam calleat, ut intelligi ab omnibus nationibus queat. Potest etiam quidlibet quæcunq; linguâ scriptum tali artificio, intelligere & interpretari in sua vernacula, tametsi alias linguas ignoret, imò nesciat in qua lingua scriptum sit: dummodò sciat, an inter legendum ac interpretandum procedendum sit à sinistra versus dextram, aut è contrario, aut à capite deorsum more Chinesium. Hoc autè statim perspiciet, si scribens servet quod dixi §. præcedenti Nu. VI. Pot-

*Steganographi-
cum ar-
tificium.*

Potest idem artificium, tametsi notum fiat multis, imò omnibus, adhiberi pro Steganographia, seu modo aliis secreta sua pandendi, idque multis modis. Nam si scribens addat mente unicuique numero, ex Lexico aut Indice desumpto, certum numerum unitatum, hoc est, si numeros in Lexico & Indice vocabulis appositos augeat mentaliter certo aliquo numero, & totum numerum ex numero addito & ex numero Lexici aut Indicis conflatum disponat in Characterē; legens verò detrahat numerum ab alio additum à numero in characterē invento, & residuum numerum in Indice suo quærat; intelliget quod alter scripsit; quod tamen alii, qui nesciunt quid detrahendum sit, non intelligunt.

Sint exempli gratiâ scribenda hæc duo vocabula, *Abbas cecidit*, quorum primum in Lexico adjunctum habet numerum 4, secundum verò numerum 13. Si utrique numero addantur 3, ut ex 4 fiant 7, & ex 13 fiant 16: & in prima parte primi characteris notentur 7, & in prima secundi characteris parte notentur 16; legens, & ignorans addita esse utrobique 3, leget *Bacchus dama*, adeoque non intelliget alterius secretum. At qui sciat addita esse utrobique 3, si illa ex 7 & 16 inventis demat; remanent 3 & 13, adeoque intelliget alterius secretum.

Potest itaque, qui pluribus vult secretò scribere, ut nullus sciat quid alteri scribatur, etiamsi in scriptas litteras incidat; potest inquam cum omnibus convenire de numero addendo & detrahendo, & prout uno addere unum, pro altero alterum numerum. En quanta variatio Steganographicæ scriptionis in uno & eodem artificio!

§. XII. Anacephalæosistotius artificii.

I.

*Artificii no-
vi scribendi
compen-
dium.*

AD scribendum & legendum per characterem in lingua latina, requiritur Lexicum latinum, Tabula variationum, & character. Ad scribendum verò & legendum in aliis linguis; præter hæc tria, requiritur etiam Index Lexici.

II. In Lexico latino collocantur vocabula ordine Alphabeti, & numeri apponuntur ordine naturali. In Lexicis aliarum linguarum collocantur vocabula idem significantia, quod latina signi-

signi-


significant in latino Lexico, & consequenter eodem ordine, & cum iisdem numeris, sicut in latino sunt posita, sed non ordine Alphabeti, quia vocabula aliarum linguarum correspondentia latinis, non inchoantur semper ab iisdem litteris, à quibus latina inchoantur.

III. In Indicibus Lexicorum aliarum à latina diversarum linguarum, vocabula eadem quæ in Lexicis sunt, disponuntur ordine Alphabeti, & illis apponuntur iidem numeri, qui in Lexicis appositi sunt. Itaque numeri Indicum non sequuntur se mutuo serie naturali, sed confusi sunt.

IV. Qui vult scribere per characteres in lingua latina, quærat vocabula in Lexico latino: qui verò in alia lingua vult scribere, quærat vocabula in Indice Lexici suæ linguæ. Deinde numeros vocabulis adjunctos exprimat in prima parte characteris, scilicet in spatiis A, B, C, D; numeros verò vocabulorum terminationibus competentes disponat in secunda characteris parte, nempe in spatiis E, F, G, H.

V. Qui vult legere & interpretari quocunque idiomate, scriptum in quacunque lingua per characterem, quærat numerum in prima parte characteris expressum in Lexico illius idiomatis, quo legere & interpretari cupit; vocabulum numero invento correspondense est illud quod scire desiderat. Numerum verò in secunda characteris parte dispositum quærat in Tabula variationum, & juxta exigentiam numeri variet & inflectat vocabulum antea inventum.

Hoc breviter est torum artificium Clavis novæ & universalis omnium totius Mundi idiomatum, paucis certè regulis comprehensum. Si praxi accedat exercitatio frequens, reddi potest facile, quod initio difficile apparebit.



CAPUT III.

*Tachygraphia antiqua, sive Ars celeriter scribendi
per Notas, usitatas apud Veteres.**Tachygra-
phia anti-
qua.*

Tachygraphia est Ars celeriter ac breviter (hoc est, per scri-
pturæ abbreviationes, seu litterarum ac verborum compen-
dia) scribendi. Veteres id faciebant per certas *Notas* seu signa.
(*σημεῖα* vocant Græci) breviter ac celeriter formata, quibus non-
solum verba integra, sed integras quoque sententias subinde ex-
primebant, adeoque orationes ac sermones longissimos mirâ ce-
leritate excipiebant. Unde qui id faciebant, *Notarii*, *ταχύγραφοι*
(*celeres Scriptores*) *σημειογράφοι* (*per signa scribentes*) & *ἑκδογράφοι*
(*Exceptores*) appellabantur: *Notarii* quidem, & *Simiographi*, à
genere scribendi, nempe per notas, seu signa; *Tachygraphi*, à scri-
bendi modo, nimirum celeriter per scriptiois compendia; *Hypo-*
graphi, à fine, qui erat, ut longas orationes exciperent in foris, in
iudiciis, in templis.

*Nota anti-
quorum Ta-
chygraphica.*

Notarum remodii antiquis usitatarum frequens est men-
tio apud vario- ptores antiquos & recentiores. Aliquorum
nomina mox prodemus. Nonnullarum notarum figuras affert
Joannes Trithemius in sua *Polygraphia* lib. 6. easque interpreta-
tur. Addit, se codicem non parvum illarum reperisse Anno
1496. in quodam Ordinis sui Monasterio, vetustate neglectum; &
biennio post *Argentina* in Bibliotheca majoris Ecclesiæ repe-
risse *Psalterium* integrum *Davidis*, iisdem notis exaratum. *Petrus*
Bembus lib. 5. Epistola 8. ad *Julium II.* Pontif. Max. ait, ad dictum
Pontificem missum è *Dacia* librum, *Notis perscriptum cum vetu-*
stissimis, tum atate nostrâ inusitatis atque incognitis, quæ legi pos-
se nullo planè modo videbantur. Hunc librum cum pervolutas-
set *Bembus*, animadvertit in extrema quadam pagina, nostris lit-
teris, exefis tamen & dimidiatis ferè, scriptum versiculum, qui o-
stendebat, illum esse librum *Notis antiquis perscriptum, quibus qui*
usi fuissent, Notarii essent appellati. Fuisse autem eum librum
Hygini Commentariorum de sideribus quandam portionem.

§. I. De Inventionē & Propagatione Notarum antiquarum.

Iustus Lipsius Centuria I. Epistolar. ad Belgas, Epist. 27. ad P. ^{Notarum} Leonardum Lessium ē Societate nostra, quocum varios & poenē ^{Tachygra-} quotidianos habuerat sermones de notis antiquorum, multa ha- ^{phicarum} bet de earum inventionē, propagatione, auctione. Quod ad in- ^{antiquarū} ventionem, seu primum earum auctorem attinet, ait se libenter, ^{inventio, &} Græcis gloriam velle dare, & nominatim Xenophonti Philosopho ^{propagatio.} & Historico, de quo Diogenes testatur eum primum notis excipisse dicta Socratis, atque in lucem protulisse; at Latinos eam gloriam ad se trahere. *Isidorus* enim lib. 1. cap. 21. scribit: *Roma primus Tullius Tiro, Ciceronis libertus, commentus est Notas, sed tantum prepositionum* (paucas fortassis scribendum est.) *Post eum Persannius Philargyrus, & Aquila Mecanatis libertus alius, alias addiderunt: deinde Seneca* (patrem putat intelligi Lipsius) *contracto omnium digestoq; numero, & aucto, opus effecit in quinque millia.* Tironem quodque agnoscere videtur auctorem *Plutarchus*: Nam in Catone Uticensi scribit, *unam ejus orationem proflare, exceptam Ciceronis operā, qui in curia celerissimos scribas disposuerat, prae doctos Notis & signis uti.* Magis clarè hoc idem dicit *Eusebius* in Chronico: *M. Tullius Tiro, Ciceronis libertus, primus notas quasdam ad celeritatem scribendi invenit.* De Mecanate scribit *Dio Cassius* lib. 55. *quod primus Notas quasdam ad celeritatem scribendi invenit.* Quasdam ait, non omnes: nec per se invenit, uti nec Cicero, sed per libertos. Hinc *Seneca* Epist. 90. *Notas ejusmodi vocat vilissimorum mancipiorum commenta.* *Quid loquar*, inquit, *verborum Notas, quibus quamvis citata excipiat oratio? vilissimorum mancipiorum ista commenta sunt,* Tironis nimirum, Persannii, Aquilæ, libertorum aut servorum.

§. II. Forma, & usus Notarum antiquarum.

Ianus Gruterus librum integrum in folio ejusmodi ^{Notarum} Notarum, ^{Tachygra-} edidit, cum hac Epigraphe: *Nota Romanorum Veterum, quibus lit- ^{phicarum} *tera verbum facit, Tullii Tyronis Ciceronis liberti, & Annai Seneca; antiquarū* ^{forma, & u-} *cruta sunt.**

eruta nunc primum è Bibliotaphiis, editaq; à Jano Grutero. Alibi promissi, speciem earum me daturum hoc loco; sed mutato nunc consilio omitto, non est enim operę pretium in iis incidendis sumptus facere, cum tam sint mirabiles, tam à verbis pro quibus supponuntur discrepantes, tamque multiplices, ut divinam memoriam, aut planè exoticam phantasiam seu apprehensivam eum habere oporteat, qui illas ediscere, & in occasione uti cum promptitudine velit. Et hæc sine dubio causa est, cur usus illarum intercederit, nec libri ejusmodi Notis exarati fuerint in pretio habiti. Utilem tamen eatenus operam navavit Litterarię Reipublicę Gruterus, & alii, qui aut omnes, aut aliquas ab interitu vindicarunt, ut constet cujusmodi illę fuerint, & an utilitatis aliquid inde sperandum.

*Notarii, qui
per notas
scribebant.*

At quis earum fuit usus? Duplex, ait *Lipsius* loco citato, publicus, & privatus. Publicum usum suggerit *Isidorus* loc. cit. dicens: *Notarum usus erat, ut quidquid pro consione, aut in judiciis diceretur, librarii scriberent complures simul adstantes, divisim inter se partibus, quot quisq; verba, & quo ordine exciperet.* Ita fortassis initio fuit, ut partes inter se dividerent, ut primus sex prima verba, secundus sex altera, tertius tertia v.g. exciperet, & postea simul juncti & conferentes, membris insitis, orationem explerent; at postea arte aucta sine dubio vel unus solus ad totam aliquam orationem excipiendam sufficiebat. Igitur publicè hic usus, orationes & dicta excipere, ac evulgare. Exempla affert *Lipsius* loc. cit. Idem factum in Actis judicialibus. Hinc extant in quorundam Sanctorum Martyrum historiis omnia verba, quę ultrò citròque referebantur. Privatus usus erat in epistolis, orationibus, scriptisque aliis subito dictandis, excipiendisq; Exempla suggerit idem *Lipsius*.

Celeritas porrò Notariorum, qui notis ejuscemodi scribebant, tanta erat, ut quamvis citatam exciperent orationem, & celeritatem linguę manus sequeretur, Seneca teste loc. cit. Quin. & præveniebant linguam dictantium, ut *Martialis* habet in Lemmate, *Notarius*:

*Currant verba licet, manus est velocior illis,
Nondum lingua, suum dextra peregit opus.*

Mani-

Manilius de eodem Notario:

Quis, Notis linguam superet, cursumq; loquentis.

Ausonius ad suum Notarium: *Tu sensa nosti pectoris, vix dicta, jam ceristenes; Tu me loquentem praveris. Quis, queso, quis me prodidit? Quis ista jam dixit tibi, Quae cogitabam dicere? Hanc ob causam D. Hieronymus. De vitando suspect. contub. vocat furta verborum. Extemporalis (ait) est dictatio, & tanta adlumen lucernula facilitate profusa, ut Notariorum manus lingua praecurreret, & signa ac furta verborum volubilitas sermonis obrueret. Haec sufficiant de antiqua Tachygraphia. Ad novam transeamus.*

CAPUT IV.

Tachygraphia nova, sive Exactissima & Compendiosissima breviter scribendi methodus Anglicana.

A Libi dixi, inventam fuisse ante aliquot annos, & idiomate Anglicano in lucem emissam, nunc verò recentissimè, Anno videlicet 1660. latinitate donatam, & exiguo libello Londini in Anglia impressam, *Tachygraphiam novam, sive Exactissimam, & Compendiosissimam breviter scribendi methodum, Auctore Thoma Shelton.* Libellum, quamprimum luxem aspexit, misit ad me Lugduno Batavorum, Nobilissimus atque Doctissimus Dominus *Wilhelmus Schröterus*, cujus suprà lib. 6. frequentem mentionem feci.

Artificium eò collimat, ut & litteræ quàm citissimè formen-
tur, & verba abbrevientur, aliaque compendia servantur quæ ad
celeriter scribendum conducant. Hunc in finem Auctor præ-
scribit sequentia.

Primò. Loco Alphabeti latini ordinarii (quo plerique Euro-
pæi utuntur) effingit novum Alphabetum, prout apparet in
Figura I. Iconismi 37. Hujus Alphabeti unaquæque littera (ex-
ceptis *x* & *y*) unico ductu ac tractu manûs, pennâ nunquam
sublatâ è charta, formatur.

Vide Ico-
nismum
xxxvii.
Fig. I.

Secundo. Inter scribendum, ubicunque aliàs adhibendum, esset *q* & *u* simul (ut in vocabulis *quia, quando, reliqua*, aliisq; similibus) adhibet solum *q*, omisso *u*, eò quòd nunquam *q* sine *u* reperiatur. Itaque ubicunque reperitur *q*, subintelligitur etiam *u* immediatè sequens, atque adeo omitti commodè potest, brevitatis causâ.

Vide Iconismum
XXXVII.
Fig. II.

Tertiò. Consonantes duplices occurrentes inter scribendum, connectit ejusdem brevitatis ac celeritatis causâ, ut in Figura II. Iconismi 37. apparet.

Vide Iconismum
XXXVII.
Fig. III.

Quartò. Vocales nunquam exprimit scribendo, nisi cùm vocabulum aliquod à vocali incipit, aut cùm duæ vocales occurrunt; sed iis certa loca assignat in litteris proximè antecedentibus, uti in Fig. III. Iconismi 37. apparet; ubi in sex exemplis litterarum erectarum locus vocalis *a* est supra litteras, locus vocalis *e* ad dexteram partis superioris litterarum, locus vocalis *i* è regione mediarum litterarum, vocalis *o* ad dexteram partis inferioris, & littera *u* infra litteras: in duobus reliquis exemplis litterarum obliquè jacentium dispositæ sunt uti Figura monstrat.

Vide Iconismum
XXXVII.
Fig. IV.

Itaque 1. (quando verbum incipit à consonante, vocalis sequens non scribitur, sed proximè sequens consonans scribitur in ejus loco, atque ex tali loco colligitur deesse vocalem. 2. Quando verò verbum incipit à vocali, tunc exprimitur per proprium suum characterem. 3. Quando item initio vocabuli occurrunt duæ vocales, quæ necessariò exprimi debent, scribitur solum prima vocalis, in loco autem alterius scribitur sequens consonans. 4. Quando vocabulum finitur vocali, in loco ejus ponitur punctum. 5. Quando vocabulum desinit in *s*, scribitur sola littera quæ præcedit *s*, omisso ipso *s*. 6. Quando vocabulum desinit in *est*, ut adest, deest, prodest &c. scribitur solum *st*. Exempla horum quæ diximus habes, in Iconismi 37. Figura IV.

Quintò. Circa diphthongos eadem servat quæ circa vocales. Et quia existimat, si vocabulum à diphthongo incipit, eam, satis intelligi, si prima tantùm vocalis exprimatur; omittit sequentem vocalem in scriptione, & primam exprimit per locum, juxta præcedentia ipsi debitum.

Simili-



Fig. I.

Artis Tachygraphiae
Alphabetum

a	^	n	-
b	/	o	c
c	∩	p	g
d	∪	q	r
e	2	r	v
f	7	s	p
g	4	t	/
h	<	v	✓
i	L	x	x
l	U	y	y
m	\		

Fig. III.

Vocalium
Locus

a b u	a e i o	n a e u o
c u	a e i o	p a e u o
d u	a e i o	t a e u o
f u	a e i o	m a e u o

Fig. IV.

ego	st	boni	L	fora	7
error	st	bonum	L	fossa	7
essedo	st	caput	st	flunda	7
jurare	st	cantor	st	horti	7
iratus	st	calum	st	hora	7
orbe	st	doctus	st	mundi	7
omnia	st	dorsum	st	monte	7
opera	st	die	st	multae	7
urna	st	gladius	st	natura	7
uomunt	st	gladio	st	operari	7
urina	st	globum	st	pensa	7
aneus	st	princeps	st	quae	7
egrotat	st	prodigio	st	qui	7
estimo	st	precepto	st	canto	7
astus	st	planeta	st	clima	7
astuo	st	spiritum	st	torrida	7
avum	st	stabuli	st	urna	7

Fig. II.

Duplices Consonantes

br	r	ln	r
cl	~	th	o
cr	r	mp	st
fl	7	nd	7
fr	7	ng	7
gl	4	ns	7
gr	4	nt	7
pl	st	rd	7
pr	st	rl	7
sp	st	rm	7
st	st	rn	7
tr	st	rs	7

Fig. VI

jubilum	st	junctus	st	rado	7
judeus	st	junius	st	rador	7
judex	st	justitia	st	radum	7
judico	st	vacca	st	rabor	7
jure	st	vaccera	st	vagus	7
justa	st	vacillo	st	valde	7

Similiter si duæ vocales occurrunt, & utraque pronuntiari debet, præsertim si una ad unam, & altera alteram subsequenter syllabam spectat; scribit priorem vocalem, & in loco posterioris scribit consonantem subsequenter, ut jam antea etiam dictum fuit. Exempla habes in Iconismi 38. Figura V.

Vid. Iconismum
XXXVIII
Fig. V.

Monet autem hoc loco Auctor, quod in Arte Tachygraphica verborum sonis potius, quàm orthographiæ subserviendum, est. Hinc in exemplis Figuræ IV. Iconismi 37. integræ syllabæ aliquando omittuntur, ita tamen, ut nihil poenè desit ad exprimendum verbi sensum.

Sextò. Litteræ I & V, quando vim consonantis obtinent in vocabulis, ut in *jam*, *judex*, *JESUS*, *vindex*, & similibus; exprimi debent per proprios characteres. Vide Fig. VI. Iconismi 37.

Vide Iconismum
XXXVII.
Fig. VI.

Septimò. Initia & fines plurimorum vocabulorum exprimit per quasdam notas, seu signa, similia aliquo modo signis seu notis antiquis Romanorum, de quibus in capite præcedenti. Signa porro initiativa & terminativa exhibet Figura VII. & VIII. Iconismi 38. Si itaque verbum aliquod incipit à tali aliquo signo, signum illud exprimi debet; & si consonans immediatè subsequitur, signo illi adjungi debet, pennâ à charta non sublata inter scribendum; littera verò, aut litteræ sequentes scribi debent in loco vocalium. Ut si scribendum sit verbum *condemno*, scribendum est primò signum quod ponitur pro *con*; littera verò *d* quæ proximè subsequitur, cum sit consonans, adjungi debet signo illi quod pro *con* ponitur; & demum in loco seu statione vocalis *e* sequentis scribi debet *m* disjunctim. Si autem scribendum sit verbum *præfero*, scribitur signum quod significat *præ*; deinde adjungatur *f*, demum in loco seu statione vocalis *e* scribatur littera *r* disjunctim. Eadem est ratio in aliis. Exempla habes in Fig. IX. & X. Iconismi 39.

Vide Iconismum
XXXIX,
Fig. IX.
& X.

Si duo signa componunt totum vocabulum, nullâ vocali interpositâ, ambo conjungi debent. Si signum habeas ad incipiendum vocabulum, sed non ad finiendum; finiri debet litteris Alphabeti ex Figura I. Iconismi 37. desumptis. Si autem signum habes

Vide Iconismum
XXXVII.
Fig. I.

Vide Iconi-
sum
XXXIX.
Fig. I X.
& X.

habes ad finiendum, non ad inchoandum vocabulum; inchoetur litteris ex eodem Alphabeto desumptis. Si vocalis immediate sequitur signum, aut consonantem in prima vocabuli syllaba; littera aut signum subsequens vocalem disjunctim poni debet in loco vocalis, ut in verbis *potens, carens*, & similibus. Exemplum habes in dictis Figuris I X. & X. Iconismi 39.

Octavo. Circa formationem & scriptionem prædictorum signorum seu notarum notat Auctor sequentia. 1. Ita formari debent, ut penna nunquam à charta tollatur, nisi aliter fieri nequeat. 2. Pleraque dum formantur, desinunt versus dexteram partem, ut sic littera proxima ipsis adjungi queat, si quæ adjungenda est. 3. Proximum signum, aut proxima consonans semper adjungenda est, ubi pennam à priori abstuleris. 4. In verbis plurium syllabarum vocales ponendæ sunt in ultima ferè littera, præsertim si vocabulum in directa linea progreditur, ut fit in verbis *contemnit, dignatur*. 5. Illa signa quæ ad finienda verba spectant, incipiuntque à vocali, plerumque admisceri debent priori signo, aut characteri, ut in his vocabulis, *natio, prodigus, pervicax*. Hoc tamen non fit, si altera vocalis immediate antecedit; tunc enim disjunctim ponendum est in loco prioris vocalis, ut in his vocabulis, *Deus, pius, reus &c.* 6. Quando unum & idem signum significat duas diversas syllabas, ex sensu colligi debet pro qua ponatur. 7. Signa sola posita significant integras voces; at cum aliis signis aut litteris juncta, significant tantum partem vocis. 8. Aliquando tria aut quatuor vocabula in unius fermè signi seu notæ forma conjungi possunt, præsertim si vocabulum incipit à vocali, aut cum verbum antecedens in vocalem desinit.

Nono. Loco puncti in fine periodorum poni potest in Arte Tachygraphica hic character (.) Parenthesis, signum interrogationis, & admirationis, sunt ut in scriptione ordinaria. Comma, colon, & semicolon omitti possunt.

Decimo. Cum finis principalis hujus Artis sit, multa scribere in brevi spatio, & brevi tempore, non necessarium est in unoquoque vocabulo omnes litteras, aut etiam omnes syllabas exprimere; sed sufficit tot exprimere, quot necessariae sunt ut verba & verbo-

verborum sensus intelligantur. Itaque 1. possunt aliquando omitti duæ vel plures litteræ, scribendo v. g. *sisma* pro *schisma*. 2. potest omitti integra syllaba, scribendo *vemens* pro *vehemens*, *Abram* pro *Abraham*. 3. In fine vocabulorum longorum possunt omitti una, duæ, tres syllabæ, scribendo *incompre* pro *incomprehensibilis*, *abomin.* pro *abominabilis*, *transubst.* pro *transubstantiatio*. 4. In initio vocabulorum omitti potest una aut altera littera, scribendo *xtendo* pro *extendo*, *xmplum* pro *exemplum*, *mphasis* pro *emphas*. 5. Aliquando duo aut tria vocabula coniungi possunt. 6. In sententiis valde notis integra verba omitti possunt, ut dum scribendum est, *timor Domini initium sapientie*. Cavendum tamen semper est, nè omittendo litteras, aut syllabas, aut voces, destruatursensus.

ANNO TATIO.

HÆc est Tachygraphia nova Anglicana. Mentionem ejus facit *Tachygraphia nova qualis.* Dn Harsdorfferus in *Deliciis Mathematic. tom. 2. parte 1. quest. 9. sed antequam latinè fuisset edita: unde in Alphabeto quod ipse adducit, litteræ nonnullæ discrepant à litteris suprà Fig. 1. positis in Iconismo 37.*

Difficilis initio sine dubio est hac nova ars scribendi, at accedente exercitio facilis redditur. Longè melior est quàm Ars Notaria Romanorum, de qua capite præcedenti. Potest adhiberi loco steganographia in illis locis, ubi non est in usu apud alios.

CAPUT V.

De Tachygraphia arithmetica; deq; notarum arithmeticarum origine.

QUoniam de descriptione per notas arithmeticas in præcedentibus egimus, nunc paucula de earundem origine subnectere placet, præsertim quia probabilissimum est, notas illas quibus jam communiter Europæi nostri utuntur, ex Tachygraphia.


Yyy arith-

arithmetica, hoc est, ex celeri earundem notatione seu scriptione originem duxisse.

Hebræi, Græci, Arabes, aliique Orientales adhibent litteras Alphabetorum suorum, ad numeros exprimendos, ut omnibus notum est. Idem faciebant prisca Latini, quos etiamnum docti subinde sequuntur. Latini solum has septem litteras, I, V, X, L, C, D, M, substituunt numerorum loco; ceteri plures. I valet unum, V quinque, X decem, L quinquaginta, C centum, D quingenta, M mille. His replicatis, & variè inter se mixtis, expriment quemcunque numerum. Docti inquirunt causam, cur recensitas litteras loco recensitorum numerorum usurpârint Veteres. Non omnium eadem est opinio.

§. I. Origo notarum arithmeticarum per litteras latinas.

*Arithmeti-
carum no-
tarum per
litteras la-
tinas origo.*

Plerius Valerianus lib. 38. circa finem ait, Veteres punctis usos pro numeris, sic, ., ., ., ., ., ., . &c. *Sed quia erant adeo exilia, puncta ipsa aliquantulum producere cæperunt ad instar vocalis mediae, sic, I, II, III, IIII. Sed si ita processissent, ut usque ad novem lineolis totidem unumquemque numerum notarent, molestam & inconcinnam rationem fore suspicati sunt. Ad compendia igitur animum verterunt, & pro quinario, nè quinque lineolas facerent, unâ signatâ, reliquas quatuor per obliquam unam à tergo ductam, sic , fecerunt. Mox usui placuit, ut expeditior esset scribendi ratio, pro nota ea V vocalem quintam statuere; moxque usque novem, unitates eas addere, prout numerus quisque postulabat. Ad denarium cum venissent, quinque duplicârunt (i.e. duo V posuerunt) ita tamen, ut secundum inverterent, & subjicerent priori, unamque facerent notâ per decussationem (sic X.) Tribus his notis processum est usque ad quadraginta & novem. Visum est inde facere ad commoditatem, quam ex compendio aucupabantur, quinquaginta notandis, signum illud ex una obliqua linea pro quatuor rectis, & quinta adalligata surrigere, ut staret quæ pendebat in latus; quæ stabat, in planum dejiceretur (sic, L.) Ita ex L notata sunt quinquaginta. Ventum mox ad centena, quæ per primam ejus nominis litteram in-*

telligi

telligi voluere. Ad quingenta cum venissent, rectam lineolam, quæ jacebat in quinquaginta, in semicirculum adcurvatum surre-

xere in hunc modum, **L**: quam notam imperiti superiori capiti conjunxere, quartam Alphabeti litteram arbitrati. Atque hoc illud Sicilicum est, de quo facta mentio in millenariis; quod à tergo

quingentorum **L** ita applicitum, **U**, mille facit. Et ita requa, uti supra dictum.

Hæc Pierius. Aliter sentit Scaliger lib. I. Ling. Latin. cap. 41. ubi docet ex Prisciano & Valerio Probo, Latinos unitatem litteræ **I** notasse, quoniam minimo spatio esset virgula, sicut unitas nullo: ad notanda verò duo, tria, quatuor, repetivisse unitates usque ad quinque. Quinarium scripsisse per **V**, non propterea quòd ea nota dimidium esset **X**, quo denarium designarent; neque idcirco quòd olim scripserant **QV**, & postea **Q** sustulissent, ac solum **V** scripsissent pro quinque: sed quoniam esset quinta vocalis. Hæc littera **V**, repetitis atque appositis unitatibus, ductos fuisse ad numerum denarium; eumque idcirco **X** littera notavisse, quia in vulgari ordine Alphabeti statim post **V** subsequitur. Quo consilio etiam, cum Centenarium numerum expressissent per **C**, quòd hæc prima sit Centenarii littera; sequenti elemento, scilicet **D**, quingenarium deposuisse, vel quia proximè post **C** sequitur **D**; vel quia inter hanc & **M**, quæ mille significat, quinque litteræ intercedunt, quæ dimidium millenarii innuunt; vel quia sit capitalis littera hujus nominis, Dimidium, quod dimidium millenarii significet; vel denique quia antiqui numerum millenarium per sinistram partem litteræ **M** no-

tabant sic, **T**, quæ nota poenè similis est notæ **D**. Rationem autem Millenarii à prima littera ipsius nominis acceptam fuisse, sicut & centenarii à **C**, ut jam dictum fuit. Quingenarii verò notam non à nomine, sed à Græcorum instituto excogitatam: nam cum illi per **N** pingerent quinquaginta; prisca Latini (ait) qui hujus elementi loco ponerent identidem **L**, ut *Lympha* pro *Nympha*, in hunc quoque usum **L** pro **N** substituere. Hæc ex Scaligero. Quæ tamen displicent Matthæo Horto lib. de Num. cap. 5.

nec mihi undequaque satisfaciunt. Non placet tamen diutius inhærere. Videatur etiam *Beda* tom. I. Operum in Libello de Numeris, ubi longè diversa habet.

§. II. Origo notarum arithmeticarum vulgarium.

Venio ad vulgares notas, quibus nunc plerique Europæi utuntur. Hæ sunt, 1, 2, 3, 4, 5, 6, 7, 8, 9, 0. His decem tantum notulis quantumvis maximos numeros, maximamque rerum multitudinem exprimimus, miro sanè invento. Has notas ait *Scaliger* in Explicat. nummi Constanti. ab Arabibus fuisse excogitatas, easque à Mauris accepisse Hispanos, & ab his Latinos, reliquosque Europæos. Alii Phœnicum inventum esse ajunt.

Causam, cur prædicto modo formentur, varii variam assignant. Sunt qui volunt, à Græcis litteris fuisse deformatas, hunc in modum:

α, β, γ, δ, ε, ζ, η, θ, ι.
1, 2, 3, 4, 5, 6, 7, 8, 9, 0.


Sed quis tam lynceus est, qui vel tenue vestigium similitudinis videat inter has litteras, & notas?

P. Marius Bettinus Apiario XI. Progymnas. I. cap. 3. divinat, eas notas esse punctorum variè collocatorum propaginem. Specimentale proponit.

••••• etc.
1, 2, 3, 4, 5, 6 etc.

Nobilissimus atque Amplissimus Dominus *Philippus Ernestus Vegelinus* à Claerberg, Celsissimi Principis Nassovii Aulæ Præfectus, in litteris nuper ad me Hagâ Comitatis datis existimat, prædictas notas originem duxisse à virgulis, vel à vertice deorsum, vel à dextera ad sinistram, vel à sinistra ad dexteram ductis, in hunc modum:

Nam



Nam ut duas & tres virgulas celeriter formarent, calamo à charta non sublato, conjunxerunt illas intermediis lineis, ut in secunda ferie posita apparet: ut verò crucem formarent citò, verticem cum sinistro brachio connexuerunt: quinque deinde formarunt per modum crucis fractæ, & sex per modum eundem, cum virgula infrà addita. Hæc conjectura non displicet: certè magis placet quàm præcedens de punctis.

Exspectamus quid de harum notarum origine prolaturus in medium sit P. Athanasius Kircherus, qui nuper ad me scripsit, se nunc totum occupatum in antiquis notis indagandis, atque explicandis, id què jussu Summi Pontificis Alexandri VII. eximii litterarum ac Litteratorum fautoris ac promotoris.

Addit paulò antè nominatus Dominus *Vegelinus*, Dominum Gunæum, nuper ex Persia, aliisque Orientis Regionibus, ubi Legati officio functus fuerat, reducem mira narrare de Chinesium ac Persarum celeritate in arithmeticis operationibus peragendis; utique eum in finem certis instrumentulis, etiam pueris familiaribus. Existimo esse globulos ferreo filo innexos, & in cistulam compactos, quibus uti Chineses didici Romæ à P. Martino Martino ex China reduce, ut in Cursu Mathematico dixi lib. 2. in Procæmio. Artificium describit citatus Auctor in Historia sua Chinesi lib. 1. Decadis primæ.

Idem Dominus *Vegelinus* in citatis litteris mentionem facit Instrumenti cujusdam quinque indicibus & aliquot rotulis, instar horologii roati, instructi, atque à Dn. Paschalio in Gallia ad perfectionem reducti: quo instrumento ait in momento multiplicari posse ac dividi quemcunque numerum. Sed hæc sufficiant de Tachygraphia arithmetica.

CAPUT VI.

*De Cryptographia, seu occulta scriptione,
nonnulla.**Cryptographica nonnulla.*

DE Cryptographia fusè ac variè egimus in Magia naturali par. 4. lib. 1. Eam cum legisset nonnemo, multas alias, illorum quæ ibi diximus occasione, praxes excogitavit, adque ad me perscripsit. Nonnullas indico, Auctore, ut reor, non invito

§. I. Artificium primum.

Cryptographicum artificium primum.

Primò itaque in litteris 12. Junii Anni 1659. ad me datis ait, excogitasse se *artificium, integram epistolam mittendi de verbo ad verbum ut jacet, absq. eo ut intelligatur, vel veriùs deprehendatur ab intercipiente, si nimirum Epistola typis recenter impressa, inseratur libro similibus characteribus excuso; deinde liber malleo percussatur ut solent Bibliopegi: nam sic Epistola relinquet in versos characteres inter lineas libri, qui postea legi poterunt in speculo ab eo, qui secreti est conscius.*

Ingeniosa est hæc praxis; & si debitè instituitur, omnem evitat suspicionem latentis in libro secreti, si fortassis intercipiatur. Poterunt majoris facilitatis gratiâ characteres sculpi seu fundi non inverso modo, uti nunc fit, sed recto, & uti in libris sunt expressi: hisce enim characteribus quidquid imprimitur, inversum apparebit.

ANNOTATIO.

Facilius tamen est artificium ad idem præstandum, quod in Joco-seriis Centur. 3. Propos. 82. dedimus ex Cardano lib. 12. Variet. cap. 61 si nimirum diluatur tantum atramenti scriptorii in aqua, eoque scribatur, quod secretum esse cupis, ut vix à scripta Epistola vestigium nigredinis appareat; siccataq. Epistolâ, super eadem verba, scribatur vero atramento ex attritis carbonibus confecto aliud quidpiam, quod nullum requirat secretum. Hoc enim factò, si is qui secretum legere cupit, gallam aqua incoquat, spongiamq. aquâ illâ

made-

ma defactam mediocriter exprimat, & verba vero atramento scripta detergat; apparebunt verba prius scripta; galla enim colore obumbrantur.

§. II. Artificium secundum.

Secundò in aliis litteris 8. Julii Anno 1660 datis hæc scribit: Oc-^{Cryptogra-}
casione eorum quæ Reverentia Vestrâ scribit de secretis Cryptogra-^{phicum ar-}
phicis, & quæ mihi proposuerat his diebus Gallus quidam Sacerdos, ^{tificium si-}
qui & R.^e V.^a sæpius locutum fuisse retulit, reperi modum crypto-
graphicum, illum fortassis Trithemianum, quo quemcunque sensum
arcanum, sine ulla suspitione, sub quocunque sensu totidem littera-
rū, sive notarum, alteri secreti, conscio significare possum, ita ut litte-
ra littera respondeat in longum, & sensu consequenti, sine ullis inter-
mediis nihil significantibus; ut v.g. sub his litteris solummodò scriptis,
Pater noster qui es in coelis, quæ sunt numero viginti quatuor,
hunc totidem litterarum, Hostis appropinquat, caveto, vel quem-
cunque alium assignabilem, sub eadem oratione Dominica, vel et-
iam Epistola aliquod aliud negotium pertractante. Res est omni-
nò admiratione digna. Imò dum eandem Inventionem attentius
confidero, etiam sensus longior sub duplo ferè breviori descriptione ma-
nifesta occultari poterit, idg. eodem ut prius dixi modò, absque ulla
suspitione, si dexterè fiant faciendâ; quod haud admodum est diffi-
cile apud eum qui sese mediocriter exercuerit. Quod si casu quo-
piam veniret Epistola in suspensionem; non posset ab ullo mortalium
sensus occultus investigari, propter combinationem litterarum ferè
infinite variabilem, ut in Abaco Kircheriano.

His lectis cum tam præclarum Artificium mihi communica-
ri petiissem; respondit Auctor, Artificium esse certissimum, re-
quiri tamen peculiarem quandam industriam pictoriam, quam
non omnes ad illud adferre possunt: decrevisse ergo explicatio-
nem in aliam occasionem reservare. Hac arte meum, & tuum,
Lector, desiderium elusit.

Addit, existimare se P. Athanasii Kircheri Cryptographiæ il-
li, quam in citato loco Magiæ prodidi, etiam non parum se adjice-
re posse, per modum quandam nuper à se repertum, quo signa illa
prorsus

prorsus occultantur (quod ego desiderare me dixeram) quibus devenitur in cognitionem litterarum iisdem signatarum; cum hoc insuper compendio, quòd non indigeat ad notandam litteram v. g. vigesimam quartam Epistolæ scriptæ, transilire 24 litteras ejusdem Epistolæ, sed cum 4, 6, vel 8 litteris id præstare possit, quarum nulla habeat ullum etiam occultum punctum, vel signum extrinsecum & visibile.

Insuper ait, habere se unum quendam modum, quo occultare possit secretum ita, ut etiam si sagacissimo in Cryptographicis cuiuspiam exhibeat, & ut deprehendat illud, moveat, nunquam tamen deprehendi ab eo posse putet: & si deprehendat in quo consistat, nunquam illud interpretari queat, ob infinitam ferè combinationem litterarum &c.

§. III. Artificium tertium.

Cryptographicum artificium tertium.

IN citata paulò antè Epistola scribebat Auctor, occurrisse sibi modum certissimum intra duas ad summum horas ad longissimam distantiam, v. g. è Germania Romam, sensum aliquem brevem, & aliquot tantum membris constantem (quamvis eadem sit ratio de longiori etiam) significandi, tamen si non sine expensis. Modum ad petitionem meam explicat in alia Epistola his verbis:

Nullus sensus exterior majorem habet activitatis sue sphaeram visu. Hic auxiliis insuper convenientibus adjutus, mirabilia perperare poterit. Sic itaque Moguntia locus aliquis editior, v. g. mons A,

A.

B.

C.

D.

in cuius vertice erigantur quinque arbores procerissima, sive mali nautici. Apex cuiusvis arboris habeat trochleam simplicem, cui superiniectus funiculus, vel chorda, eiq; alligatum signum aliquod, ut ramus arboris, vel fascis fani, straminis &c. eà magnitudine, ut per tubum opticum nota melioris ad quinque vel sex milliaria Germanica ex alio loco edito, v. g. B monte, singuli fasciculi ad summitatem malorum attracti, utcunque videri & discerni possint. In altero autem hoc monte B fiant omnia ut in priori, & in pluribus aliis locis intermediis, ab invicem spatios sex vel septem milliarium distantiam

distans, & in linea recta versus terminum D, quem fingamus esse Romam, jacentibus. In singulis locis A, B, C, &c. sit unus homo, instructus, ut dixi, bono tubo optico. Secretum ex A ut in D terminum deferatur, satis est duos in A & D existentes secum, convenisse prius de modo; reliqui intermedii speculatores facient quod ab aliis fieri videbunt, ignari rerum quae manifestantur. Itaque

Cryptographus A cum altero D debet habere communem quandam Tabulam quadratam, cujus latus unumquodq; sit v.g. quinque, area viginti quinque. Area inscriptum Alphabetum eo ordine, quo placuerit, v.g. quem Tabella haec representat. Jam quia

	1	2	3	4	5
1	A	B	C	D	E
2	F	G	H	I	K
3	L	M	N	O	P
4	Q	R	S	T	V
5	X	Y	Z	W	A

singulis hora quadrantibus speculatores debebunt esse intenti ad signa in malis elevata, vel demissa, inspicendo per tubum alterius sui vicini actiones; de Cryptographus A signum scriptionis sive significationis, elevando v.g. signum arboris intermedia ad summam ejus altitudinem, manentibus aliis signis in medio arborum. Idem faciet speculator B, idem omnes alii intermedii, donec Cryptologus D advertat animum ad observationem eorum, quae fieri videbit à speculatore C sibi vicino. Deinde Cryptographus A velit significare haec verba v.g. REX MORITUR. Et quia prima secreti littera R reperitur in ea areola, quam constituit latus quadrati Horizonti parallelum 4, & latus perpendiculare 2; ideo elevabit in primis signum arboris quartae, ac postea demittet leviter: deinde & signum arboris secundae.

Quod autem Cryptographus A facit, idem eodem momento facient omnes intermedii speculatores, usq; ad ultimum. C. Quod dum observabit Cryptologus D, videns elevatum primò fuisse signum quartum, & postea secundum; deveniet ex sua Tabella simili in cognitionem litterae R. Et sic de aliis. Elevabuntur enim in hoc toto praeecepto sensu signa hoc ordine, 4.2, 1.5, 5.1, 4.2, 2.4, 4.4, 4.5, 4.2. Plura super hac rescribere, non videtur esse necesse ex parte R^a V^a; nisi forsitan ego properando obscure proposuerim, tunc alià vice, si R^a V^a indicet, id copiosius praestabo. Prater eo

alia compendia hujus praxeos cum facibus & laternis noctu. Item artificia, nè quis alius ex observatis signis deveniat in cognitionem secreti: possum enim non cum quinque ut hic, sed solummodo duabus arboribus & signis earum hac omnia prestare, ita ut artificium investigare sit impossibile.

Haecenus ille.

ANNOTATIO.

PRaxis hac, si speculativè rem consideres, successum habere potest; re ipsa verò minimè, praesertim in longa duorum extremorum terminorum distantia, inter quos interjecta sint loca ad diversos Dominos pertinentia. Causas difficultatis quilibet facile videbit. In eodem tamen regno feliciter institui poterit, sine tamen tubis opticis, sine malis nauticis, sine trochleis & funibus; sed interdum fumo; noctu, igne, seu facibus. Vidi ego in Sicilia, & in Neapolitano regno, per totum circuitum in locis maritimis frequentes in editioribus locis turres, seu speculas esse dispositas, ac in singulis habitare perpetuò speculatores. Horum quicumque in mariè longinquo observat adventantes naves, aut triremes; signum edit fumo de die, igne de nocte, quo speculatorem, proximum attentum reddit. Hoc ipse videns, aliud simile signum edit pro sequenti tertio speculatore, & hic aliud pro quarto &c. adeo ut intra hora quadrantem urbes omnes maritimae de conspectis navibus fiant certiores. Interim dum tertius speculator monet quartum, quartus, quintus, quintus sextus &c. primus qui inchoaverat, tot signa edit fumo aut igne, quot naves adventare conspexit. Idem facit secundus qui numerum signorum observavit, idem tertius, quartus &c. sicq; eodem hora quadrante omnes & de navibus conspectis, & de navium numero admonentur. Posset itaq; in Sicilia, & in regno Neapolitano, ac in quocunque alio regno aut provincia, in quibus specula similimodo disposita sunt, intra brevissimum temporis spatium, è loco uno ad alterum aliquot dierum itinere distantem transmitti praedictum secretum, REX MORIETUR (aut aliud quodcunque paucis verbis conceptum) si primi loci Cryptologus, post primum signum, quo alios attentos reddidit, editum, ederet primum quater,

ter, deinde bis idem signum; deinde post morulam aliquam idem, ederet primò semel, deinde quinquies; & post aliam moram primò quinquies, deinde semel &c. Si enim idem faceret secundus speculator, & idem tertius, ac quartus, usque ad ultimum loci illius, in quo secundus Cryptologus simili tabulâ instructus, & ejusdem artis conficius degit; sine dubio intra brevissimum temporis spatium, & facillè fieret quod dixi.

CAPUT VII.

*De Scriptoriæ artis primâ inventione
sive origine.*

DISQUISITIO PHYSIOLOGICA.

§. I. Scriptoriæ artis inventum divinum.

Scriptoriæ artis inventum tam mihi semper visum est ingeniosum, & admirandum, ut non hominum, sed ipsius DEI sapientissimi divinissimum donum judicârim. Quid enim magis ingeniosum, ac mirum, quàm tam pauculis litteris (quæ in nullo ferè idiomate, si Chinense excipias, vigesimum & quartum transcendit numerum) tam varia in tam variis linguis vocabula conflare, quibus innumerabiles internos animi conceptus, voces, res exprimas? Quid mirabile magis, quàm litteris in vocabula concinnatis, ac lectis, legentes mentem capere absentium, quantocunque temporum & locorum intervallo distantium? Verissimè ergo dixit D. Basilius Epist. 55. *magna semper quidem & multa sunt Domini nostri dona &c. unum verò quod inter maxima reputari potest, hoc est, quòd quàm longissimè propter locorum distantiam sejunctis per litterarum alloquium mutuò coalescere dedit.* Verissimè Diodorus Siculus lib. 12. Bibliothecæ: *Cui tanta ingenii facultas suppetit, ut dignis laudibus litterarum disciplinam institutionem se prosequi posse confidat? quibus solis vitâ defuncti viventibus commorantur; tum quos longissima procul terrarum in-*

*Scriptoria
artis pra-
stantia.*

*servalla separatos tenent, hi litterarum sese mutuis velut internuntius salutant, visunt, cum absentibus amicis tanquam presenti consuetudine, mutuis colloquiis perfruuntur, & cætera quæ sequuntur. Omitto alias gravissimorum Auctorum sententias, in litterarum & scriptoriæ artis encomium prolatas, quarum nonnullas adducit P. Hermannus Hugo opusc. de prima scribendi origine in præfat. Hinc Hebræi, scriptoriæ artis admiratione capti, eam appellant דיקדוק *dikduk*, hoc est, subtile inventum, ut observat Petrus Gregorius Tolosan. lib. 16. Artis Mirabil. cap. 11. & gentes plurimæ, tam præteriti, quàm nostri ævi, ratæ non potuisse ab homine aliquo tam admirandum artificium excogitari, DEO, aut quos DEI loco habebant, id adscripserunt; nempe Mercurio Ægyptii, teste Plutarcho lib. 9. Convival. quæstionum; Saturno Latini, teste D. Cypriano Martyre Tract. 4. de Idolorum vanitate; Parcisi alii, teste Hygino lib. de fabul. cap. 277. alii Musis, aut aliis Deastris. Unde mirum non est quod ex Scriptoribus rerum Indicarum refert Lelius Bisciola lib. 6. Horar. subcissivar. cap. 12. Indos quosdam ævo nostro usque adeo demiratos scribendi artem, ut visâ primùm scripturâ accurrerint ad papyrum loquentem, audiendam, ut ipsi arbitrabantur: nec quod narrat Petrus Cieza tom. 2. Histor. Peruanæ cap. 34. Americæ incolas ab Hispanis subactos, cum litterarum usum vidissent primum, putasse id esse certissimum Divinitatis argumentum, quod chartis scriptis occulta, vox inesse posset. Nunc quoque Uraïenses populi scriptionem vocant cum admiratione *Inventum DEI*, & tanquam sacrosanctum ac divinum aliquid suspiciunt, & timent, ait Jo. Eusebius Nierembergius lib. 2. de Origine sacrae Scripturæ cap. 11. in fine: ubi addit, nuperrimè accidisse, cum magna ejus nationis manus conspirasset, ut quendam ex nostris Patribus occiderent, jamque instarent, monitum illum de periculo id consilii accepisse (nam aliud non supererat) ut libro ostensô terruerit hostes: sumptu enim volumine coepit intrepidus legere, volvere folia, identidem illis minitari si accederent propius; cumque nemo auderet ad se progredi, hoc artificio evasit.*

§. II. Scriptoriæ artis inventio variis
attribuitur.

AT quis tam eximiæ artis inventor primus & auctor? aut si à *Scriptoriæ artis inven- tio variis tribuitur.*
DE O peculiari dono cuiusdam hominum immediatè (ut ego reor) communicatum, quis ille tam felix & Theodidactus discipulus? Non alia res est, ut notavit etiam *Hermannus Hugo* loc. cit. & post ipsum *P. Athanasius Kircherus* in *Oedipo* tom. 2. Classè 2. cap. 7. in qua plures magisque pugnantes reperiuntur sententiæ, atque in hac de prima litterarum & scriptionis origine controversia. Sunt qui humani generis protoplasto Adamo eam laudem, attribuunt, alii verò Enocho ante universale Mundi diluvium, alii post diluvium Abrahamo, alii Moyse, alii Phœnicibus, alii Ægyptiis, alii Æthiopibus, alii aliis. Plurimorum sententias ac testimonia affert *Hermannus Hugo* loc. cit. & *Athanasius Kircherus* loco etiam citato.

Ex omnibus diligenter lectis, atque expensis, in re tam intricata duo ego colligo: alterum est, probabilius videri, primas litteras fuisse Hebræicas, artemque scriptoriæ in Hebræica lingua, fuisse primum exhibitam, atque adeo Auctorem litterarum & scriptionis esse Hebræum: alterum verò, controversiam præcipuam esse de Adamo, & Moyse, atque adeo num litterarum ac scriptionis inventio ante aut post diluvium fuerit exorta. Ego in re tam dubia ac lubrica statuo quod sequitur.

§. III. Probabile est, litterarum ac scriptionis inventionem deberi Hebræis.

HOc ut probem, *Suppono primò*, primam in Orbe linguam, quam *Scriptoriæ artis inven- tio Hebræis videtur tribuenda.*
DEUS ipse protoparentibus humani generis unà cum aliis artibus atque scientiis in Mundi exordio communicavit (ut fusè ac doctè probat *Kircherus* loc. cit. ex variis auctoribus Hebræis, Chaldæis, Arabibus, Græcis, ac Latinis) fuisse Hebræicam: id enim manifestè colligitur ex nominibus quæ Adamus jussu **D E I** imposuit animantibus terræ, volucris cœli, uxori suæ Evæ, liberisque à se natis. Idem eodem argumento probat fusè ac doctè *Claudius Duretus* in *Thesaurò linguarum* cap. 6. Hos, aliosque

res legat qui volet; ego ne longior sim, huic rei nolo immorari.

Suppono secundo, primam illam linguam tam ante, quam post diluvium usque ad linguarum confusionem in ædificatione turris Babylonica factam, fuisse communem omnibus omnino hominibus, uti constat ex sacra Scriptura Genesis cap. XI. dicente terram universam fuisse tunc labii unius, & eorundem sermonum: post confusionem verò linguarum permansisse in posteris Heber, nimirum in Phaleg, Reu, Sarug, Nachor, Thare, Abraham, Isaac, Jacob, ac duodecim Patriarchis, eorumque familiis, tam in Ægypto, quam in terra Chanaam, ad quam ex Ægypto à Moyse & Josue fuerunt introducti. Gens autem quæ linguâ illâ utebatur, initio quidem usque ad diluvium, indeque usque ad linguarum confusionem in Babylonia, nullo peculiari nomine gaudebat, quod sciatur: postea verò, cùm confusis linguis dispersi in varias nationes fuerunt, & primigenium illud idioma in familia Heberi filii Sale permansit; gens tota idiomate illo utens vocata fuit gens Hebræa, idque vel ab Heber filio Sale, à quo per Phaleg, Reu, Sarug, aliosque paulò antè nominatos descenderet; vel à voce עֵבֶר *hebar*, quæ *trans* significat, quoniam trans flumen Euphratem, utpote in Mesopotamia, initio post linguarum confusionem habitabat. Hoc unum Hebræorum nomen tam diu retinuit gens illa, donec Jacob mutato sibi ab Angelo seu DEO nomine, vocatus est Israël: tunc enim præterea vocari coepit gens Israëlita, seu populus Israëliticus, ac Israëlita. Eadem autem gens à posteris Scriptoribus vocata est Assyrii, Syrii, Aramæi, Judæi, & Phœnices, ob loca seu regiones quæ diversis temporibus inhabitavit. Ita docet apud Hermannum, Hugonem loc. cit. *Annius* in Notis ad Berosum, *Postellus* in præfat. ad Cardinalem Carolum, *Sigonius* de Republ. Hebræor. lib. I. cap. I. *Polydorus Virgilius* de Invent. rerum lib. I. cap. 6. *Biblander* Opusc. de ratione linguarum, *Josephus Scaliger* in Notis ad Eusebium, in Epistola ad Christophorum Puteanum, & in Explicatione nummi Constantin.

His constitutis, ostendo nunc, probabile valde esse, litterarum ac scriptionis inventionem deberi Hebræis, primasque in Mundo litteras fuisse Hebraicas. Nam

Primò. Nomina litterarum Hebraicarum, nempe Aleph, Beth, Gimel, Daleth &c. omnium vetustissima sunt, atque ex iis veluti fontibus derivata sunt nomina aliarum litterarum, ut docent veteres omnes, Hebræi, Græci, Latini, teste *Bellarmino* in Grammatica Hebraica cap. 1. Cur enim Græci litteras suas vocent Alpha, Beta, Gamma, Delta &c. Latini A, Be, Ce, De &c. Arabes Elit, seu Alit, Be, Gim, Da &c. Syri Olet, Beth, Gomel, Dolat &c. nullam aliam rationem dare possumus, quàm quòd Hebræos imi tati sunt.

Secundò. Solæ Hebraicæ litteræ sunt significativæ, & illius rei nomen habent, quam significant: aliarum verò nationum litteræ nil significant, sed tantùm imitantur nomina Hebraicarum, ut vidimus. Hinc, eodem *Bellarmino* teste, *Josephus* lib. 1. Antiquit. cap. 4. *Eupolemus* apud *Clemenrem Alexandrinum*, lib. 1. Stromat. *D. Augustinus* lib. 18. de Civitate DEI cap. 39. ac præcipuè *Eusebius* de Præparatione Evangelica lib. 9. cap. 4. & lib. 10. cap. 2. ex eo demonstrant primas omnium litterarum, Hebraicas fuisse, quòd solæ Hebraicæ litteræ nomina habeant significativa. Quid autem significant Hebraici Alphabeti litteræ, dicemus infrà libro ult. cap. 4. ex *Eusebio*, *D. Hieronymo*, & aliis.

Tertiò. Plurimi & gravissimi Auctores asserunt, primas litteras fuisse Hebraicas, omnes nimirum illi qui dicunt eas fuisse Assyrias, aut Syriacas, aut Phœnicas. Nonnullorum testimonia afferò. *Plinius* lib. 7. Histor. Natural. cap. 56. ait: *Litteras arbitrò semper fuisse Assyrias.* Idem *Plinius* lib. 8. cap. 12. *Ipsa gens Phœnicum in gloria magna est litterarum inventionis.* Et alibi: *Litteras, apud Syros repertas volunt, & apud Phœnices.* Consentit *Lucanus*:

Phœnicæ primi (fama si credimus) ausi

Manfuram rudibus vocem signare figuris.

Clemens Alexandr. lib. 1. Stromat. *Cadmus erat Phœnix, qui fuit Græcis litterarum inventor, ut ait Euphorus.* Alii autem dicunt, Phœnices & Syros primos excogitasse litteras. Nec absimiliter sentit *Cyrillus Alexandrinus* lib. 7. contra Julianum Apostatam, apud *Hermannum Hugonem* loco suprâ citato; *Herodotus*,
Herodianus,

Herodianus, Tacitus, Rufus, Festus apud Laurentium Vallam ad lib. Tusc. Ciceronis; *Pomponius Mela, Zopyrio, Phornutus, Suidas*, apud Gyraldum Dialog. 1. de Poët.

Hæc antiquorum sunt testimonia, nunc recentiores adduco. *Gyraldus* loc. cit. ait: *Sunt inter Auctores qui Phœnicias & Hebræas easdem pœnè fuisse litteras tradunt, atque ab Hebræis Phœnices accepisse; quæ veræ est sententia.* Consentit *Theodorus Bibliander* lib. de rat. ling. cap. de Origine litterarum: *Plutarchus Phœnicibus, ut plerique alii, adscribit hoc inventum. Phœnices autem Hebræos intelligere videtur. Cum enim quaestio mota esset, cur Alpha primum locum obtineret inter litteras; respondet, quia Alpha bovem significat Phœnicibus, quem ipsi primum æstimant inter res necessarias: Aluph autem bovem significat apud Hebræos.* Melius dixisset, Alpha obtinere primum locum, quia derivatum est ab Aleph Hebræorum, quod significat principium apud ipsos, ut infra lib. ult. cap. 4. videbimus. *Guilielmus Postellus* de Phœnicum litteris Præfat. ad Carolum Cardinalem Lotharingæ, & Cap. de prisco Phœnicum charactere: *Græcos habuisse usum litterarum ab Hebræis, qui iidem sunt Phœnices, Eusebius ex nominum ratione testatur. Sed more Chaldaico, addito ferè ubi vis ad vocabuli finem elemento A, vocabula protulerunt; v g. Alfa pro Alef, Betha pro Beth, Gamma pro Gamel seu Gimel, Delta pro Dalet.* Non absimilia habet *Petrus Gregorius Tolosanus* lib. 15. Reipubl. cap. 1. *Constat antiquissimam esse litterarum inventionem, eamq. traxisse originem primam & characteres ab Hebræis, non à Chaldaeis, vel Græcis. Paulò verò superius: ab Hebræicis characteribus aliarum linguarum, & nationum characteres efformati & tracti videntur, paulum pro more, & antiquitate, & usu variati, & à rectitudine in aliam delineationem, vel imperitiâ scribentium, vel alio casu declinantes.*

Ex his quæ diximus, probabile satis fit, primas litteras in Orbe fuisse Hebræicas, & ab Hebræis scribendi artem sumpsisse originem. Videndum nunc, cui ex omnibus Hebræis laus illa debeatur. Coarcto autem controversiam ad solum Adamum ante diluvium, & Moysen post diluvium; de his enim duobus potissimum

simùm lis est inter Auctores. Sed antea quàm meam promam sententiam, præmitto sequentia.

§. IV. Litteræ, & Ars scriptoria videntur fuisse ante diluvium.

Divinitus monstratam fuisse Moyli scriptoriam artem, ut mira DEI & hominum ab Orbe condito gesta scriberet, & non solum auribus ac memoriæ ut antea, sed libris quoque committeret, atque ad posteros transmitteret, acerrimè ac fusissimè defendit, P. Jo. Eusebius Nierembergiius toto libro 2. de Origine sacre Scripturæ. Unde existimat, sacram Scripturam à Moyse scriptam, primum fuisse omnium librorum, & in ipsa cœptam scribendi artem, nec ante Moysen fuisse ullos libros scriptos, nec litteras artemque scribendi extitisse. Hoc nunc examinandum. Si enim nulli fuerunt libri ante Moysen, nec ars scriptoria; utique nec Adam, nec alius quispiam ante Moysen litteras invenit. Si autem & ars scribendi fuit ante ipsum, & alii libri scripti; jam alius præter Moysen quærendus est litterarum auctor.

*Scriptoria
ars an ante
diluvium.*

De Libris Enoch, Seth, & Adami.

Primò itaque, videntur ante diluvium conscripti aliqui libri, atque litteræ & ars scribendi repertæ. Nam S. Judas Apostolus in Epistola sua Canonica ver. 14. mentionem facit Libri prophetici Enoch, cujus prædictionem transcribit dicens: *Prophetavit autem & de his septimus ab Adam Enoch, dicens: Ecce venit Dominus in sanctis millibus suis, facere judicium contra omnes, & arguere omnes impios de omnibus operibus impietatis eorum, quibus impiè egerunt, & de omnibus duris qua locuti sunt contra DEUM peccatores impii.* Scripsisse autem Enoch libros quosdam propheticos, eosque posteris reliquisse, fatetur Origenes Homil. 28. in Numeros, & in Anacephalæosi librorum de Principiis, & in libro 5. contra Celsum citat librum Enoch de Angelis è cælo lapsis. Tertullianus lib. de Idololatria bis citat librum Enoch: & in Tractatu de habitu muliebri occurrit his, qui ejus auctoritati derogant. S. Augustinus lib. 15. de Civitate DEI cap. 38. ait: *Scripsisse qui-*

*Liber Enoch
& aliorum
ante dilu-
vium.*

dem nonnulla divina Enoch illum septimum ab Adam, negare non possumus. Ejusdem Enoch scriptorum meminit idem lib. 18. de Civit. cap. 38. *Irenaeus* quoque, *Justinus Martyr*, *Clemens Alexandrinus*, *Athenagoras*, *Methodius Martyr*, *Cyprianus*, *Lactantius*, *Severus Sulpitius*, *Proclus*, *Psellus*, teste Nierembergjo lib. 1. de Origine sacrae Script. cap. XI. tanti fecerunt auctoritatem librorum Enoch, ut inde nonnulla hauserint. *Joannes Annius* in Notis ad Berosum ait, in quodam volumine Enochii fuisse celebre vaticinium de totius Orbis duplici clade, alterâ per inundationem, alterâ per incendium futurâ. *Joannes Cassianus* Collat. 8. introducit Abbatem Serenum loquentem de rebus, quae in libris Enoch contineri dicebantur.

Quid verò libri Enochiani continuerint, non adeo certum est. *Annius* Sententiam jam vidimus. Plerique citatorum Auctorum ajunt, continuissè multa vaticinia, videlicet de his quae eventura erant posteris; de futuris eorum sceleribus, & poenis; de de Mundi Salvatore ab iis occidendo; de eorundem everfione, captivitate, & dispersione inter gentes perpetua. *Origenes*, & *Tertullianus* apud Sixtum Senensem tradunt, dictos libros præter prophetias enumeratas, egissè de numero & nominibus stellarum, & ipsarum secretis virtutibus; de descensu filiorum DEI ad filios hominum; de gigantibus ex Angelorum coitu progignendis; de extremo judicio DEI erga impios.

Scaliger in Notis ad Eusebium affert fragmentum ex libro Enoch, idiomate Græco scriptum; quod vidit olim *P. Athanasius Kircherus* in Bibliotheca Græca Monasterii Salvatoris Metlanæ in Sicilia, & latinitate donatum inseruit Oedipo suo tom. 2. Classe 2. cap. 2. §. 4. ubi multa eorum quae diximus, scripta reperiuntur. Simile fragmentum, Arabicâ linguâ conscriptum, desumptum ex Chronico Arabum Abulhasen. Auctore, affert idem Kircherus loc. cit. §. 5.

Libri Sethi.

Secundò. Antiquior Enocho fuit Seth, qui etiam septem libros scripsisse dicitur, quemadmodum *S. Epiphanius* prodidit in refutatione Sethianorum. Meminit & Auctor Imperfecti Operis Homil. 2. cujusdam prophetiae in libris Seth inventae. Sunt etiam

etiam, qui tribuant Setho librum illum pervetustum Toleti inventum, de quo *Alphonfus de Spina* in *Fortalicio fidei* lib. 3. sic scribit. *Mirabile accidit in regno Castella civitate Toleti, circa annum Domini M. CC. XLIII. imperante Federico secundo, qui fuit nonagesimus secundus Imperator; & sedente in Cathedra Petri Honorio Papa; & regnante in pradiſto regno Rege Ferdinando. Tunc Judæus quidam comminuendo unam rupem pro vinea amplianda, in medio lapidis invenit concavitatem unam, nullam penitus dimensionem habentem, neque scissuram; & in concavitate illa reperit unum librum, quasi folia lignea habentem. Qui liber tribus linguis scriptus est, videlicet Hebraicè, Græcè, & Latine. Tantum de littera habebat, quantum unum psalterium. Et loquebatur de triplici mundo, ab Adam usque ad Antichristum, proprietates hominum cujusque mundi exprimendo. Principium verò tertii mundi posuit in Christo sic: In tertio mundo filius DEI nascetur ex Virgine Maria, & pro salute hominum patietur. Quod legens Judæus, statim cum tota domo sua baptizatus est. Erat autem in libro scriptum, quòd tempore Ferdinandi Regis Castella debebat inveniri.*

*Liber Toleti
inventus.*

Sed hæc quæ de Sethi libris retulimus, nihil probant. Nam *S. Epiphanius* Hæresi 39. ridet & refutat illa quæ de septem ejus libris referuntur, dicens esse figmentum Sethianorum hæreticorum. *Auctor* quoque Imperfecti incertam pronuntiat prophetiam illam cit. *Homil. 2. in illa verba S. Matthæi, Vidimus stellam ejus in Oriente*: sic enim ait: *Audiavi aliquos referentes de quadam scriptura, et si non certa, tamen non destruente fidem, sed potius delectante; quoniam erat quadam gens sita in ipso principio Orientis circa Oceanum, apud quos ferebatur quadam scriptura, inscripta nomine Seth, de apparitura hac stella, & muneribus ejus, nempe Christo, hujusmodi offerendis. Librum quoque Toletanum, si scriptus fuit Hebraicè, Græcè, & Latine, Setho attribuire, planè absolum est & imperitum.*

*Sethi filii
columnis
inſcripſe-
runt.*

Tertiò. Certius est quod refert *Josephus* lib. 1. *Antiquit. Judaicarum* cap. 4. de filiis Seth, ante diluvium rerum cœlestium, scientias duabus columnis, nè perirent, inscribentibus. Verba Jo-

sephi sunt: Disciplinas verò rerum cœlestium, & ornatum earum, primitus invenerunt. Et nè dilaberentur ab hominibus, quæ ab eis inventa videbantur, aut antequam ad notitiam venirent, deperirent; cum praxidisset Adam exterminationem rerum omnium, unam ignis virtute, alteram verò aquarum vi ac multitudine fore venturam; duas facientes columnas, aliam quidem ex lateribus, aliam verò ex lapidibus, in ambabus quæ invenerant, conscripserunt; ut etsi constructa lateribus exterminaretur ab imbris, lapidea permanens praberet hominibus scripta cognoscere, simul & quia lateralem aliam posuissent. Quæ tamen lapidea permanet hætenus in terra Syria. Hæc Josephus, & multalii ex ipso. De scriptura Cham dicetur §. sequenti.

*Adam an
aliquid
scripserit.*

Quartò. Altiùs ascendunt nonnulli Hebræi, dicentes Adamum divino spiritu afflatum composuisse psalmum 91. psalterii Davidici, in gratiarum actionem pro recenti creationis beneficio. Dictum psalmum Chaldaicè sic inscriptum legimus: *Laus & Canticum, quod dixit homo primus pro die Sabbathi.* Beatus quoque *Amadeus* raptu primo duos psalmos seu Cantica scripsit, ab Adamo composita: unum postquam vidit creatam Evam; aliud poenitentiale post peccatum ab Adamo & Eva dictum. Utrumque transcribit *Nierembergius* lib. 2. de Origine sacre Scripturæ cap. 13. ex regia Bibliotheca manuscriptorum S. Laurentii in Escuriali, ubi B. Amadei Apocalypsis servatur. Omitto quæ alii referunt de aliis libris ab Adamo conscriptis, ut sunt liber de Revelatione Adæ, de Genealogia filiorum & filiarum ipsius &c. conficti enim fuerunt ab hæreticis, ut docet *Epiphanius* in Panario, & *D. Augustinus* contra Faustum.

Hæc de scripturis & libris, qui ante diluvium extitisse dicuntur: de quibus quid sentiendum nobis videatur, patebit ex dicendis infra §. 12. Interim qui volet, videat *P. Athanasium Kircherum* in Obelisco Pamphylia lib. 1. cap. 1 & in Oedipo Ægyptiaco Tom. 2. Classe 2. cap. 1. fusè agentem de prima litterarum origine, earumque inventoribus, & libris ab ipsis conscriptis.

§. V. Videtur, ante Moysen fuisse litteras,
& usum scriptionis.

POST diluvium quoque, diu ante Moysis tempora, litteras fuisse, *Scriptoria*
& scriptionis usum viguisse, multa probare videntur. Nam *ars ante*
Moysen

Primò. Noë transacto diluvio librum edidisse, in quo totam cataclysmi historiam ad æternam posteritatis memoriam, scripto transmisit, testatur *Berosus* lib. 3. Antiquitatum. Verba *Berosi* lege apud ipsum, vel apud *Nierembergium* lib. 1. de Origine sacre Script. cap. § 2.

Secundò. Scribit *S. Clemens Romanus* in Recognitionum libris, Cham filium Noë aliquos scripsisse libros. De eodem Cham testatur Abbas *Serenus* apud *Cassianum* Collat. 8. in hæc verba: *Cham filius Noë, qui superstitionibus istis, & sacrilegis ac profanis fuerat artibus institutus, sciens nullum post se posse super his memorialem librum in arcam prorsus inferre, in qua erat una cum patre iusto, ac sanctis fratribus ingressurus; scelestas artes, ac profana commenta diversorum metallorum laminis, qua scilicet aquarum corrumpi inundatione non possent, & durissimis insculpsit lapidibus; quæ peracto diluvio, eadem quæ celaverat curiositate perquirens, sacrilegiorum ac perpetua nequitia seminarium transmisit in posteros.*

Tertiò. Scribit *Berosus* lib. 5. anno quarto Nini Tuisconem gigantem litteris & legibus formasse Germanos, Celtas verò Samithem, & Celtiberos Tubalem. *Strabo* quoque qui vixit tempore Octaviani Imper. lib. 3. Geographiæ testatur, affirmasse Hispanos, se habuisse litteras jam ante sex millia annorum Ibericorum; qui efficiunt duo millia solarium: si verò ab Octaviano supputes retrò duo millia annorum solarium, pervenies ad vigesimum annum Nini. Consentiunt ergo *Berosus* & traditio Hispanorum, antiquissimum usum litterarum ante Moysen apud Hispanos viguisse.

Quartò. Hebræi aliqui Scriptorem faciunt Melchisedechum, Abrahamum, & Eliezerum Abrahami servum. Nam *Rabbi Abraham*, cum nonnullis aliis Hebræis, credunt Melchisedechum scripsisse psalmum 109. *Dixit Dominus Domino meo.* At *Rabbi Aben-Ezra* cum aliis censet, Eliezerum Abrahami famulum

lum scripsisse dictum Psalmum. Sethiani, teste Epiphanio, dicebant Abrahamum composuisse nescio quem librum: & Hebræi aliqui attribuunt ipsi psalmum octogesimum octavum, cujus inscriptio est, *Intellectus Erhan Ezrahita*: ajunt enim, *Etham*, quod Orientem significat, esse Abrahamum qui ab Oriente, hoc est, Chaldaeis in Palæstinam venerat. Eidem Abrahamo Judæi adscribunt librum quendam de Creatione.

Quintò. Extat liber antiquissimus, qui inscribitur, *Testamentum duodecim Patriarcharum*, in quo continentur eorundem Patriarcharum revelationes, pluraque consilia & exhortationes ad virtutes. Hunc librum, ex Hebræo in Græcam linguam translatum, magni facit *Origenes* Homil. 15. in Josue, & *Procopius Gazaus* in cap. 38. Genesis, eumque Rupertus Lincolniensis Episcopus ex Græco in Latinum transtulit.

Josephi quoque filii Jacob oratio, sive narratio, non parum auctoritatis olim habuit apud Hebræos, & Christianos; eamque *Origenes* vocat non contemnendam scripturam.

Sextò. S. Job fuit antiquior Moyse: nam juxta Græcorum, sententiam, ac multorum ex Latinis, fuit tertius ab Esau, & quintus ab Abraham; Moyse autem fuit quartus à Jacob, & sextus ab Abraham. Imò Hebræi, & *S. Hieronymus* in Quæstionibus Hebraicis adhuc antiquiorem faciunt Job, quem non ex Esau, sed ex Nachor fratre Abraham descendisse dicunt, & tertium à Nachor faciunt. Hunc Jobum censuit *S. Gregorius*, *Albertus Magnus*, *Suidas*, & alii, esse auctorem & scriptorem sui libri. Et in ejus libri cap. 8. Baldat Suhites remittit sanctum ad pristinos Annales, dicens: *Interrogam generationem pristinam, & diligenter investiga Patrum memoriam.* Et ipsemet Job in cap. 19. supponit usum scriptoriz artis, dum ait: *Quis mihi tribuat ut scribantur sermones mei? Quis mihi det, ut exarentur in libro stylo ferreo, & plumbi laminâ, vel certe sculpantur in silice?* Moyse etiam in cap. 21. Numeror. citat Librum quendam bellorum Domini.

§. VI. Alia argumenta quæ videntur probare,
ante Moysen fuisse litteras, & artem scri-
bendi.

Multa monumenta ante Moysen extructa, & litteris inscripta, suadent usum scribendi esse antiquiorem Moysæ. Nam

Septimò. De sepulchro Beli hæc refert *Ælianus* lib. 13. *His-
tor. Variæ* cap. 3. *Xerxes Darii filius, effosso vetusti Beli monu-
mento, vitream urnam reperit, ubi jacebat in oleo cadaver, non ta-
men plena fuit urna, vacuumq; è summis labris ferè palma spatium
habuit. Adjacebat urna columna exigua, in qua scriptum conti-
nebatur, eum qui sepulchrum aperisset, neq; replevisset urnam,
pessimè habiturum. Quo lecto Xerxes expavit, & oleum celerrimè
jussit infundi. Non tamen impletum est. Qui iterum infundi.
Non tamen impletum est. Qui iterum infundi jussit: sed neque
sic impleri potuit, donec frustratus omni labore infundendi, cessaret,
clausq; monumento summa cum molestia discederet. Neq; verò fal-
sum eum habuerunt, quorum prænuntiæ significatrix extiterat colu-
mna. Nam quinquaginta myriadum exercitu adversus Græcos
conscripto, magnam cladem accepit, reversusq; turpissimâ morte vi-
tam finivit, noctu in stratis à proprio filio peremptus. Hactenus
ille.*

Octavò. Semiramis Regina, ut vult Plutarchus, sive Nico-
tris, ut mavult Herodotus (utraque autem ante Moysen regnavit) *Semiramidis monu-
mentum.* sepulchrum sibi erexit cum admirandis admonitionibus supra
portas scriptis, ut refert Herodotus lib. 1. his verbis: *Supra portas
urbis celeberrimas, in loco edito, atq; conspicuo, sepulchrum sibi ex-
truxit, atq; his litteris inscripsit: SI CUI REGUM BABYLO-
NIS POST FUTURORUM FUERIT PECUNIÆ PENU-
RIA, APERTO SEPULCHRO SUMAT QUANTUM-
CUNQUE LIBUERIT PECUNIÆ, DUNTAXAT INDI-
GENS; ALITER NE APERIAT: NON ENIM SATIUS
FUERIT. Hoc sepulchrum tam diu fuit immotum, dum regnum
pervenit ad Darium. Is indignum esse ratus, se neq; uti quippiam
his portis (ideo autem non utebatur, quòd supra caput ipsius trans-
euntis mortuus situs esset) neque sumere pecunias repositas, & eas
ipsum.*

ipsum provocantes; reservavit monumentum: in quo non quidem pecunias invenit, sed litteras ita dicentes: NISI PECUNIA ESSES INEXPLEBILIS, ET TURPIS LUCRI CUPIDUS, HAUD APERUISSES URNAS DEFUNCTORUM.

Nini monumentum.

Nond. Semiramidem in columna excidisse Nino marito defuncto sequentia verba, auctor est *Xenophon* in libro de *Æquivocis*.

MIHI PATER JUPPITER BELUS,
 AVUS SATURNUS BABYLONICUS,
 PROAVUS CUZ SATURNUS ÆTHIOPS,
 ABAVUS SATURNUS ÆGYPTIUS,
 ATAVUS COELUS PHOENIX OGIGES.
 AB OGIGE AD MEUM AVUM, SOL ORBEM SUUM
 CIRCUMLUSTRAVIT SEMEL AC TRICIES
 CENTIES.
 AB AVO AD PATREM, SEXIES ET QVINQVAGIES;
 A PATRE AD ME, BIS ET SEXAGIES.
 COLUMNAM, TEMPLUM, STATUAM JOVI
 BELO SOCERO, ET MATRI RHEÆ,
 IN HOC OLYMPO
 SEMIRAMIS
 DICA VI.

Decimò. De ædificatoribus turris Babylonica scribit, *Philo Judæus* libro *Biblicarum antiquitatum*, eos dixisse ad invicem: *Accipiamus lapides, & scribamus singuli quique nomina nostra in lapidibus, & incendamus eos igni; & erit quod perustum fuerit, in lutoque latere.*

Undecimò. Hercules Lybius à Chronologis Hispanis constituitur ante Moysen, ejusque successorem Hispalim ajunt cum temporibus Jacob & Esau coincidisse. Is Hercules in freto Gaditano columnas binas erexisse cum hac celebri & notissima inscriptione fertur, NON PLUS ULTRA.

Tituli ab antiquis erecti.

Duodecimò. In sacris litteris fit frequens mentio titulorum erectorum, qui omnino videntur inscripti fuisse quibusdam litteris. *Genesis* cap. 28. dicitur de Jacobo: *Surgens ergo Jacob manè,*

tulit

tulit lapidem, quem supposuerat capiti suo, & erexit in titulum. Et paulò post ait Jacob: *Lapis iste quem crexi in titulum, vocabitur domus DEI.* Et cap. 35. *Ædificaviq; ibi altare, & appellavit nomen loci illius, Domus DEI.* In quæ loca nobiles Interpretes ajunt, titulum & altare illud fuisse inscriptum à Jacobo nomine Bethel, id est, Domus DEI. Eodem cap. 35. dicitur de sepulchro Rachelis mortuæ: *Erexitque Jacob titulum, super sepulchrum ejus: Hic est titulus monumenti Rachel, usq; in præsentem diem.* Ubi iterum multorum Interpretum sententia est, Jacobum inscripsisse monumento illi, sepultam ibi Rachelem. Similia dicunt de titulo quem erexit sibi Absolon.

Decimotertiò. Scribit Procopius in Vandalicis lib. 2. cum magna Phœnicum vis bello sacro tempore Josue profligata ab Israëlitis, maritimas Africæ oras occupasset, eos binas columnas erexisse in Tingitana, Phœnico ejusdem sæculi sermone inscriptas, verbis sic sonantibus:

*Phœnicum
monumen-
tum.*

ΗΜΕΙΣ ΕΣΜΕΝ ΟΙ ΦΥΓΟΝΤΕΣ
ΑΠΟ ΠΡΟΣΩΠΟΥ ΙΗΣΟΥ
ΤΟΥ ΑΝΕΤΟΥ ΤΙΟΥ ΝΑΘ.

Hoc est, *Nos fugimus à facie Josue latronis filii Nave.* Cum autem dicti Phœnices non habuerint tempus ut litteras discerent ab Israëlitis hostibus suis, immani bello territi, & occupati; dicendum est eos antea possedisse litteras, & artem scribendi.

§. VII. Adhuc alia argumenta, quibus probari videtur quòd litteræ & scribendi ars fuerit ante Moysen.

Decimoquartò. In librò Josue cap. 15. extat luculentissimum argumentum usus litterarum antiquissimis temporibus apud Cananæos ante Moysen: nam de Caleb dicitur: *Venit ad habitatores Dabir, quæ prius vocabatur Cariathsepher, id est, civitas litterarum.* Eadem repetuntur Libri Judicum capite 1. Cum igitur tempore Josue, & Moysis paulò antè defuncti, civitas illa, Dabir fuerit vocata, quæ pridem civitas litterarum fuerat nominata; Bbbb constat

constat tam diu antea in ea floruisse usum litterarum, à quibus nomen acceperat, ut jam primum illud nomen *Cariatsepher* in-
desuetudinem abierit. Litterarum autem civitas adeo vocata-
fuerat, quòd inibi tanquam in celebri Academia litteræ egregiè
tractarentur, inquit *Lyranus Abulensis*, & *Driodo*; & Bibliothe-
cam publicam, inquit *Arias*, aut archivium veterum monumen-
torum à diluvio, inquit *Masius*, contineret.

Decimoquintò. Narrat *Rabbi Abraham Zachut*, & *Rabbi Go-
doli* in sua Catena, Reges Armeniorum, Persarum & Medo-
rum, scripsisse Epistolam ad Josue, vocantes eum similiter latro-
nem, minantesque bellum se illi communibus viribus illaturum,
& ex occupata regione ejectionem. Epistolam, unà cum respon-
so Josue, affert ex citatis Auctoribus *Nieremberg* lib. 1. de Ori-
gine sacre Script. cap. 16.

Decimosexto. In Hebræorum Chronico *Seder-Holam* cap.
XI. refertur, quòd Israhelitæ in duodecim illis lapidibus, quos
jussu Josue è Jordane extraxerant, & in monumentum crexe-
rant, postquam eos compegissent calce supernè, inscripserunt legem
septem linguis. Ergo Moysis tempore propagata jam erat scri-
ptoria ars ad diversas gentes.

Decimoseptimò. Multa Sibyllina oracula fuerunt scripta an-
te Mosaica tempora: nam quædam ex Sibyllis vaticinantur de
Josue, de Moyse, & de rebus quæ Moysen præcesserunt.

Decimo.octavo. Incapite 17. libri *Genesis* mutat DEUS no-
men Abrami, dicens: *Nec ultra vocabitur nomen tuum Abram,
sed appellaberis Abraham, quia patrem multarum gentium consti-
tui te.* Quæ mutatio facta est, teste D. Hieronymo ex Hebræis,
adjectione litteræ Π He, quæ est littera nominis DEI tetragram-
mari, de quo multa infra in Cabala. Mystrium adjectionis il-
lius litteræ pandemus in citata Cabala. Notæ ergo erant tunc
litteræ Abrahamo, alioquin mysterium non intellexisset.

*Ægyptio-
rum anti-
quisimo-
rum scien-
tia.*

Decimononò. Moyses fuit eruditus omni sapientiâ *Ægyptio-
rum*, ut testatur D. *Stephanus* Actor. 7. vers. 22. Ægyptii autem,
præter doctrinam sacram & Hieroglyphicam, excelluerunt ma-
ximè, teste *Diodoro Siculo* lib. 1. Geometriâ, & Arithmetica.

Quæ

Quæ autem Geometria & Arithmetica sine litteris ? Certè notæ arithmeticæ apud ipsos, ut apud plerasque tunc gentes, erant litteræ Alphabeti : nam notæ illæ barbaricæ 1, 2, 3, 4, &c. quibus nunc Europæi utuntur, ante paucos centenos annos introductæ fuerunt, ut diximus cap. 5. præcedenti. Unde bene *D. Augustinus* lib. 18. de Civitate DEI cap. 39. ait, de Ægyptiorum sapientia loquens : *Neque enim quisquam dicere audebit, mirabilium disciplinarum eos peritisimos fuisse, antequam litteras nossent.* Et de iisdem loquens *Diodorus* lib. 1. cit. ait : *Sacerdotes duo litterarum genera, tum quas sacras vocant, tum quæ communioem habent disciplinam, pueros docent, in Geometria & Arithmetica studiis prolixiùs eos exercentes.*

Vigesimò. Scribit *S. Irenæus* libro 2. adversus hæreses ; *Antiquæ & primæ Hebræorum litteræ, & sacerdotales nuncupatæ, decem quidem sunt numero.* At tempore Moysis jam erant viginti duæ, quia ipsius libri tot litteris fuerunt conscripti, ut patet.

Non ergo Moyses fuit auctor litterarum, & scriptoriæ artis, sed hæc longè antiquior est, ac fortassis mundo coæva. Bene ergo *Plinius* lib. 7. Histor. Natur. litteras vocat æternas : ait enim : *Epigenas apud Babylonios DCCXX annorum observationes siderum, coctilibus lateribus inscriptas docet, gravis auctor in primis : qui minimùm Berosus, & Clitodemus, CCCCLXXX annorum.* Ex quo apparet æternus litterarum usus.

§. V I I I. Moysen videri auctorem litterarum & scriptoriæ artis, nonnulli sustinent.

Non obstantibus tot argumentis hætenus adductis, *P. Joannes Eusebius Norimbergius* lib. 1. de Origine sacre Scripturæ, à cap. 10. usque ad finem libri, & toto libro 2. ac 3. acerrimè defendit, ac fusissimè probat, DEUM cum veller sacram doctrinam, ac divina oracula, quæ antea solum rebus & signis naturalibus, & artificialibus manifestaverat hominibus, ut probat initio libri 1. scripto extare ; scribendi artem, quâ Mundum antea caruisse putat, & admirandum litterarum inventum, Moyse inspirasse ac demonstrasse,

*Scriptoria
artis auctor
Moyses.*

uti Beseleel infudit atque ostendit postea artem fabrilem, ut Tabernaculum fabricaret. Probat hoc quatuor potissimum non exigui momenti argumentis. Primum est auctoritas & testimonia gravissimorum Scriptorum, qui id asserunt: secundum sunt magna indicia; tertium sunt multæ congruentiæ probabiles: quartum denique est, quod allata in præcedentibus argumenta nihil obstant; & quod admissâ hac sententiâ omnia bene constant, non admissâ verò minimè. Tria priora quâ potero maximâ brevitate percurram sequentibus tribus § §. ultimum post decisionem litis §. 13. & seqq.

§. IX. Testimonia multorum quæ Moysen faciunt auctorem litterarum & scriptoriæ artis.

Moysen litterarum & scriptoriæ artis auctorem multum faciunt.

EUppolemus vetustissimus auctor in libro de Regibus Judææ scribit, *Sapientissimum hominem Moysen fuisse, & litteras Judæis primum tradidisse; & à Judæis Phœnices accepisse, Græcos verò à Phœnicibus.*

Idem asserit *Artapanus* antiquissimus etiam Scriptor in sua historia, loquens de Moysè: ait enim, *factum esse ut quasi Deus ab Ægyptiis coleretur, & propter litterarum inventionem Mercurium appellatum.*

Utrumque auctorem citant & sequuntur *Clemens Alexandrinus* lib. 1. *Stromat.* & *Eusebius Casariensis* lib. 9. de præparatione Evangelica.

Idem sentiunt, qui Mercurium, seu Thautum, seu Thoot, seu Theut, seu Thoit faciunt inventorem litterarum, cujusmodi sunt *Sachoniato* diligentissimus auctor, *Philo Biblius*, *Diodorus Siculus*, *Marcus Tullius*, *Plato* in *Phileto*, & in *Phædro*, *Nominatus Philo* in exordio historiæ *Sachoniatonis* ita scribit: *Sachoniato vir peritissimus, atque curiosissimus fuit. Is cum nihil omnium, quæ ab initio facta sunt memoratu digna, ignorasse videatur, diligentius tamen, quàm cetera, ea inquisivit, quæ Tautus excogitavit. Non enim latebat ipsum, quod primus omnium mortalium Tautus litteras adinvenit, & res memorabiles ausus est aternitati commendare;* quem

quem *Aegyptii Thoyt, alexandrenses Thor, Græci Mercurium appell-*
lant. Artabanus autem clarissimè dicit, eundem fuisse Mercuri-
 um, ac Moysen. Propter inventas autem litteras Mercurius
 habitus fuit Deus eloquentiæ; & affictus illi Caduceus cum ser-
 pentibus, symbolum virgæ Moysis devorantis incantatorum ser-
 pentes. *Cyrillus quoque Alexandrinus* eum primum, Hebraicæ
 Grammaticæ auctorem facit libro 7. adversus Julianum. *Ruper-*
tus Tuitiensis Abbas multis locis facit Moysen auctorem littera-
 rum, ut lib. 3. de victoria verbi Dei cap. 21. 22. 23. 24. & 25. Ver-
 ba ipsius affert Nierembergius lib. 2. de Orig. sacrae Script. cap. 1.

Ex Recentioribus quoque, teste eodem Nierembergio loc. cit.
 litterarum inventorem faciunt Moysen *Petrus Crinitus, Cornelius*
Agrippa, Joannes Textor, Lilius Gyraldus, Joannes Mariana, Otto
Heurnus, Andreas Hoius. Aliquorum verba refert Nierember-
 gius loc. cit. qui etiam cap. 2. putat, idem sentire omnes illos, qui
 litterarum inventum tribuunt aut Assyriis, aut Syris, aut Phœnici-
 bus, aut Chananæis, quos citavimus suprâ §. 3.

§. X. Indicia inventarum litterarum & scri- ptoriæ artis à Moyse.

HAtenus testimonia pro primatu Moysi vindicando littera-
 rum inventarum: nunc varia sequuntur indicia.

Primum Indicium. Ante Moysen nulla historia scripta fuit, *Moyse*
 primam omnium scripsit Moyses, omnes reliquæ post ipsum fue- *scriptoriæ*
 runt scriptæ, ut eruditè probat *Eusebius* lib. 8. & 10. Præpara- *artis aucto-*
 tionis Evangelicæ, *S. Cyrillus Alexandrinus* in libris contra Julia- *rem esse,*
 num, & ante illos *Tertullianus, & S. Justinus Martyr* in Exhortat. *qua pro-*
 ad Gentes, quorum hic ultimus sic scribit: *Modis omnibus perspi-*
cuum est, omnibus historiis Mosaicam esse longè antiquiorem. Et
 rursus: *Sola Moysis præcessit historia, quam divino spiritu afflatus*
ille scripsit litteris Hebraicis; neque enim adhuc erant Græcæ litte-
rae. Ergo usus litterarum non est antiquior Moyse: si enim ante
 Moysen fuissent litteræ, & ars scribendi; ante ipsum scriptæ fuiss-
 sent historia, ut argumentatur *Diodorus Siculus* lib. 1. & *Josephus.*

Secundum indicium. Moyses fuit primus qui leges scriptas tradidit, ut fateatur *Diodorus Siculus*, & ex ipso *S. Justinus*, & *S. Cyrillus Alexandrinus*: Ergo ante ipsum nullus fuit litterarum usus; alioquin mirum esset nullum alium leges antea scriptis commendasse. Verba Diodori & Justinii lege apud Nierembergium loc. cit. cap. 3.

Tertium indicium. In variis locis Pentateuchi, ut *Exodi* cap. 18. *Deuteronomii* cap. 16. 29. & 34. Moysis facit mentionem Magistrorum & Doctorum, quos ipse constituerat præter tribunos, centenriones, quinquagenarios, & decanos; quos quidem Magistros ac Doctores, septuaginta Interpretes appellant *ῥαυμάτων εισαγωγείς*, hoc est, litterarum introductores. De his *D. Augustinus* lib. 2. Quæstionum sic scribit: Quos autem dicat Moyses *ῥαυμάτων εισαγωγείς* post Decuriones, non facile sciri potest, quoniam hoc nomen in nullo usu habemus vel officiorum, vel magisteriorum. P. Eusebius Nierembergicus ait, non fuisse doctores & interpretes Legis, quia quando Moyses illos instituit *Exodi* 18. Lex nondum erat data; sed fuisse eos simpliciter, qui curam haberent litteras recens à Moysse inventas introducendi, præessentque ut illæ discerentur. Citat pro hac sua interpretatione *S. Augustinum*, qui lib. 18. de Civit. Dei cap. 39. ait: *Moses in populo DEI constituit, qui docendis litteris præessent, priusquam divina legis ullas litteras nossent.* Addit Nierembergicus, ob id fortassis *Josephum* lib. 2. contra Appionem scripsisse, Moysen inter cætera curam habuisse litteris erudiri suos.

Quartum indicium. Hebraicarum litterarum nomina significativa sunt, ut diximus supra §. 3. & aliqua quidem significant res quas Adam primis annis non potuit nosse, cujusmodi sunt domus, liber, porta, uncinus, clava seu arma, veru, venabulum &c. quare earum rerum nomina nequivit assignare Adam, litteris; Moyses autem id facere potuit, quia notæ tunc erant res illæ, uti etiam libri, qui apud Ægyptios extabant, non quidem litteris Alphabetariis, sed signis hieroglyphicis exarati.

Quintum indicium. Si Adam, aut Enoch, aut Abraham, aut alius quispiam ante Moysen invenisset litteras, absque dubio illius me-

meminisset Moyſes in Pentateucho, & ab inventione tam præclara commendasset auctorem, utpote beneficentissimum humano generi; sicuti meminit aliarum rerum inventorum, ut artis ferraria, architecturæ seu domifactoriæ, musicæ, agriculturæ, & similitum. Sui autem ipsius tam præclaræ artis inventoris memoriam nullam facit studio humilitatis. Quo eodem studio tacet, egregia facinora, quæ in Ægypto adversus Æthiopas denigerans patravit supremus Dux Ægyptiarum copiarum; quæ tamen Eusebius, Cedrenus, & alii referunt. Eodem studio tacet quod Pharaonicum diadema refutaverit, & filium filiæ Pharaonis se esse negaverit; quod tamen S. Paulus Epistolâ ad Hebræos prodit.

Sextum Indiciū. Artapanus memoriæ prodidit, & transcripsit Eusebium in libris de Præparat. Evangel. Moyſen in Ægypto scripsisse ipsum nomen DEI in tabula litteris, easque litteras derisisse nonnullos Sacerdotes, legere nescientes; utique quia novæ, & apud ipsos inusitata, quippe qui solis hieroglyphicis signis scribebant. Si Ægyptiis, qui tunc omnium sapientissimi habebantur, ignotus erat litterarum usus; utique & aliis gentibus minus excultis & doctis erat ignotus.

§. XI. Congruentiæ quæ probant Moyſen esse primum scriptoriæ artis inventorem.

ANte Moyſen verbum DEI non erat scriptum, sed revelatum. Patriarchis tradebatur oretenus aliis atque aliis, & memoriæ auditorum commendabatur: quod fieri poterat, quia fideles erant pauci, vita hominum longa, paucae leges DEI & oracula. At crescente numero fidelium, & deficiente hominum vitâ, cum DEUS vellet multiplicare leges, & suscitare alios atque alios post Moyſen Prophetas; conveniens fuit ut verbum DEI scriberetur, ut legi facile & ab omnibus posset, variisque nationibus communicari, atque in earum linguas transferri. Ad id faciendum apte non erant litteræ hieroglyphicæ Ægyptiorum atque Æthiopum (ut bene probat *Nierembergius* loco mox citando §. 12.) quæ solæ tunc vigeant, & à solis doctis, iisque Ægyptiis Sacerdotibus intelligebantur.

*Moyſen esse
scriptoriæ
artis aucto-
rem con-
gruentiis
probat.*

ligeantur, reliquis autem erant ignorabiles, ut Apulejus loquitur. Conveniens ergo fuit, ut institueretur novum scribendi genus, quod facilius, universalius, clarius foret, & non ita expositum variis atque incertis interpretationibus. Hoc autem scribendi genus DEUS tradidit Moyfi, & Moyfes aliis.

Alias congruentias, ob quas DEI verbum scribi, & scripto ad posteros transmitti debebat, ac proinde novum extare scribendi ritum, vide apud Nierembergium lib. 2. de Origine sacrae Scripturae cap. 10.

§. XII. Deciditur controversia de prima litterarum & scriptoriae artis inventione, ac inventore.

EXdisputatis haecenus tam fusè, & tam acriter in utramq; partem, constat verissimum esse, quod dicebamus initio tractationis §. 2. ex *Hermanno Hugone*, & *Athanasio Kircher*o, non aliam rem esse, in qua plures magisq; pugnantes sententiae reperiantur, atq; hanc tractationem de prima litterarum & scriptionis origine. Ego omnibus maturè expensis, statuo sequentia.

ASSERTIO PRIMA.

Probabilissimum est, litteras & scribendi artem non à Moyse inventas, sed ante ipsum extitisse.

*Scriptoria
ars fuit ante
Moysem.*

ITA sentiunt omnes quos retulimus § 4. 5. 6. 7. pro variis litterarum ante Moysem inventoribus; qui certè sunt plurimi & gravissimi Scriptores, sacri & profani: tametsi enim discrepent in eo, quòd non uni, sed variis attribuant litterarum inventionem; omnes tamen in eo conveniunt, quòd Moyfi illam derogent. His accedunt, quos pro sequenti Assertionem adducemus. Nobiscum etiam sentit *P. Athanasius Kircherus* in Obelisco Pamphilio lib. 1. cap. 1. & in Oedipo Aegyptiaco Tom. 2. Classe 2. cap. 2. §. 3. in quorum utroque loco ait, hunc esse unanimum sensum & consensum Auctorum Graecorum, Latinorum, Hebraeorum, Chaldaeorum

rum, Arabum, Samaritanorum, Æthiopum, Ægyptiorum; quorum ipsissima verba variis idiomatibus recitat, ac latinè reddit.

Argumenta præcipua quæ me movent (præter illa quæ prosequenti Assertionem afferam) sunt, *Primò*, quæ dixi §. 4. Num. 1. de Libris ab Enoch ante diluvium scriptis, *Secundò*, quæ eodem §. 4. Num. 3. dixi de duabus columnis à filiis & posteris Seth erectis, cum inscriptione rerum cœlestium. *Tertiò*, quæ §. 5. Num. 6. dixi de libro Job ante Moysis ætatem scripto. *Quartò*, quæ §. 6. Num. 7. 8. & 9. de variis monumentis & inscriptionibus retuli. *Quintò*, quæ §. 7. Num. 19. attuli de eruditione Ægyptiorum, & instructione filiorum in litteris, distinctis ab hieroglyphicis litteris.

His addo nunc *Septimò*, quia non est ullâ ratione probabile, atque credibile, mundum universum, per annos ad minimum, 2540, quot effluerunt ab orbe condito usque ad egressum Moysis cum Israëlitis ex Ægypto, caruisse tam utili, ac tam necessario humanæ societati artificio litterarum & scriptionis; præsertim, cum toto illo tempore ætas hominum fuerit longissima, experientia diuturna, ingenia excitata & vivacia, & tot aliarum rerum inventionem nobilitata. Aut si, ut initio hujus Disquisitionis insinuavi, divinum omnino est inventum litterarum & scriptoriæ artis, credibile non est, DEUM nulli unquam è tot fidelibus amicis, quos omni ævo in Ecclesia sua habuit, voluisse illud manifestare ad Ecclesiæ illius, & Mundi universi utilitatem. Bene ergo S. Augustinus lib. 18. de Civit. Dei cap. 39. scripsit, non esse credibile, Hebræas litteras (quas primas in Mundo fuisse probavimus §. 3.) à Moyse incepisse. Verba citati Sancti sunt. *Non est credendum, quod nonnulli arbitrantur &c. Hebræas litteras solum à lege cœpisse, quæ data est per Moysen, sed potius per illam successionem Patrum, memoratam linguam cum suis litteris, custoditam &c.* Fuit ergo litterarum & artis scribendi artificium Moyse antiquius. Sed quàm antiquum?

ASSERTIO SECUNDA.

Probabilissimum est, litterarum & scribendi artem ab humani generis Protoparente Adamo derivari.

*Scriptoria
ars ab Adamo.*

PRobo primò auctoritate plurimorum Scriptorum : deinde congruentiis, ac argumentis probabilibus; evidentia enim in tanta temporum & rerum caligine non suppetunt.

Auctores itaque quod attinet, docent id *P. Hermannus Hugo* Opusculo de prima scribendi origine cap. 3. *P. Athanasius Kircherus* in Obelisco Pamphilio, & in Oedipo Ægyptiaca locis paulò antè citatis. Nonnulli apud *D. Augustinum* quæst. 69. in Exodum. *Suidas* Verbo Adam, *Joannes Annius* in Notis ad lib. 1. *Berosi*, *Theodorus Bibliander* Comment. de Litter. cap. de Grammatica & litteris, *Ludovicus Vives* in cap. 39, libri 18. de Civit. DEI, & apud *Hermannum Hugonem* *Joannes Tzetzes* Chiliad. 12. *Opmerius* Chronici sui fol. 16. *Jo. Joachimus Becherus* in Clavi convenientiæ linguarum Præfat. ad Lectorem, & alii. Nonnullorum verba recito. Itaque

D. Augustinus loc. cit. *Hic certe significatur quòd ante Legem datam habuerint Hebræi litteras &c.* Nonnullus enim videtur, à primis hominibus eas cœpisse, & perductas esse ad Noë, atque inde ad parentes Abrahæ, & inde ad populum Israël. *Suidas* loc. cit. *Adam primus homo DEI manu effectus &c.* Hujus sunt artes & litteræ; hujus scientia rationales, & non adstrictæ legibus rationis; hujus prophetia, sacri ritus, purgationes, leges scriptæ pariter & non scriptæ; hujus denique sunt omnia inventa & disciplina, & quæcunque ad vitam atque convictum utilia sunt, & necessaria. *Joannes Annius* : Quòd ab Adamo cœperint litteræ, & disciplina infusæ, non est ex fide tantum, sed etiam historiâ Gentilium, & traditione Chaldeorum, qui se Astronomiam, & litteras habuisse ante Alexandri monarchiam, tribus millibus & sexcentis triginta quatuor annis asserunt. Erant igitur in usu litteræ, & ars fusilis mille annis ante inundationem. Porro vivente Adamo, & agente annum sexcentesium vigesimum secundum, natus est

Enoch

Enoch, Genes. 5. Quare conjectura est, & firmum argumentum, eundem Enoch ab ipso atavo suo primo Adamo suscepisse litteras. Biblander: Primus homo & patriarcha totius humani generis litteras divinâ inductione reperit. Idem sensere, qui picturas atque emblemata illa ingeniosa ac docta, quibus Bibliotheca Vaticana Romæ exornata est (qui utique fuere Viri doctissimi, à Pontifice Maximo ad id delecti) excogitarunt: nam ut testatur Angelus Rocha in Opere quod de dicta Bibliotheca scripsit, & ego ipse met non semel vidi ac legi, in Bibliotheca Vaticana, è regione primæ columnæ perastatica, à tergo introitus Bibliothecæ, pictus est Adam &c. Supra hujus caput littera Hebraica antiqua leguntur. Ad ejusdem pedes inscriptio Latina in hanc legitur verborum formam: Adam divinitus edoctus, primus scientiarum & litterarum inventor. Cui opinioni assentitur & ipse Angelus, dicens: Ratio ista persuadet, Adam divinitus edoctum disciplinas, certosq; præsertim scribendi characteres adeo necessarios aliis præmonstrasse, sicut inscriptio docet &c.

Athanasius Kircherus in Oedipo Tom. 2. Classè 2. §. 3. ita scribit: *Suidas primò Adamum auctorem litterarum facit. Idem facit universa Hebræorum Schola: cui non dissentiunt Syrorum & Arabum monumenta, quemadmodum fusiùs in Obelisco Pamphiliotestimonis auctoritatibusq; comprobavimus. Ibidem §. 5. in fine ita dissertationem de hac re concludit: A primis igitur patriarchis ante diluvium res gestas monumentis, librisq; scriptis traditas, nihil dubito, cum non videam, cur tam insigne, & adeo humano generi necessarium scriptionis inventum sapientissimos, & rerum omnium peritissimos, imò diodidactus viros latuerit. Idem Kircherus in citato Obelisco cap. 1. multis Hebræorum & Arabum testimoniis confirmat, Adamum scripsisse libros. Nonnullorum verba adduco latinè à Kircherò reddita. Itaque Rabboth Commentar. in Genesin ait: Dicunt Rabbini nostri, quòd Adam pater noster benedictæ memoriæ composuit librum præceptorum, quæ DEVS ipsi dedit in horto Eden. Hunc Rabbi Tanakus Bar Haia in Rabboth, dicit fuisse librum, in quo omnia à principio Mundi usque ad consummationem ejus explicarentur; & in virtute ejus filios Adami Seth & Henoch prædixisse diluvium.*

Ejusdem libri meminit *Ben Jochai* in *Zohar*, dicens scriptum, in eo fuisse, non venturum Messiam (in secundo scilicet adventu) donec omnes animæ quæ in mente Creatoris conceptæ sunt, creentur: *Non venturus est Rex Messias, donec creata fuerint omnes animæ, quæ ascenderunt in cogitatione DE I, ut crearet eas. Et sunt animæ in libris Adam insinuatæ his verbis: Et hic est liber generationum Adam.* Omitto alios quos ibidem citat.

Haftenus auctoritates. Ratio Assertionis nostræ hæc est. DEUS Adamum præ omnibus aliis puris hominibus, maximis donis corporis & animæ in prima ipsius conditione exornavit; & cum totius humani generis doctor futurus esset, omnium scientiarum & artium habitus ipsi infudit, ac mirificâ quadam docendi alios facultate imbuït, ut multis adductis auctoritatibus & congruentiis probat Kircherus in *Oedipo* Tom. 2. Classe 2. cap. 1. Ergo & litterarum ac scriptoriæ artis cognitionem eidem tradidit, utpote ad artes ac scientias, ad cultum divinum ac ceremonias in posteros propagandas, non tantum utilem, sed pœnè necessariam. Quin etiam si dictam litterarum & artis scriptoriæ cognitionem à DEO immediatè & sine propria industria statim initio creationis suæ non accepisset; credibile tamen omnino est, eum in tam longa ætate, in tanto ingenii vigore, inter tot experimenta à se & posteris suis facta, ad dictam agnitionem tandem devenisse. Si igitur probabilissimum est, viguisse ante Moysen, & ante diluvium etiam, litterarum & scriptoris usum, ut vidimus in Assertionione I. atque adeo si cuipiam mortalium, ante Moysen tribuenda est gloria acceptæ à DEO, aut à se inventæ cognitionis earundem litterarum & scriptoriæ artis; potiori profectò jure Adamo, quàm cuipiam alteri eam tribuendam censeo. Meritò ergo dixit *Plinius* lib. 7. cap. 54. *æternum sibi videri litterarum usum.* & ex *Platonis Timæo* *Justinus Martyr*, apud *Ægyptios* multorum annorum millium usum litterarum fuisse proditum. Nunc satisfaciamus nonnullis difficultatibus quæ supersunt.

§. XIII. Solvuntur Difficultates contra nostras Assertiones.

P Jo. Eusebius Nierembergius, ut suprà §. 4. dixi, acerrime pugnat pro Moyse Legislatore divino, eique nititur inventæ artis Scriptoriæ gloriam adjudicare. Unde insigni diligentia, & magnâ eruditione colligit, quidquid testimoniorum & argumentorum tam pro ipso, quàm contra ipsum apud alios extat, & contraria quæcunque solvere atque eludere nititur. Nos pauca illa, quæ contra nostra firmamenta præcedentibus duabus Assertionibus allata opponit, examinabimus, atque enervare conabimur.

Primò igitur, concedit quidem fuisse ante Moysen usum, quendam litterarum ac scriptiois, sed ait illas fuisse litteras Æthiopicas, & Ægyptiacas sacras, hoc est, hieroglyphicas, non Alphabeticas. Duo quippe litterarum genera fuisse ait lib. 1. de Origine sacrae Scripturæ cap. 8. alias hieroglyphicas & rudes, quæ immediatè significabant res, non voces; alias Alphabeticas & ingeniosiores, quæ non tantum voces, sed syllabas & quamlibet oris prolationem indicant. Primum genus concedit antiquis ante Moysen, non secundum. Hac distinctione adhibitâ, putat enervari à se omnia testimonia & argumenta, quibus probatur ante Moysen fuisse usum litterarum.

Scriptura hieroglyphica, & alphabetaria.

At seipsum jugulat Nierembergius hac responsione, ut bene notat Kircherus in Obelisco lib. 1. cap. 2. initio: nam inter Ægyptiorum hieroglyphicam scripturam, quam antiquissimam esse, & 400 annis ante Moysen usitaram, ipsemet Nierembergius concedit, reperitur sæpe permixta Scriptura alphabetaria Ægyptiaca, id est, Copta, ut patet ex multis hieroglyphicis quæ citatus Kircherus in Obelisco & Oedipo adducit, atque explicat. Si itaque hieroglyphica, ergo & alphabetaria scriptura, ante Moysen in usu fuit.

Secundò. Ad illa quæ de libris ab Enoch ante diluvium scriptis diximus § 4. Num. 1. respondet Nierembergius Primò, *San-*

Enoch ante diluvium scripserit librum.

Etum Hieronymum in lib. de Ecclesiast. Scriptor. & in Comment. ad Caput 1. Epistolæ Paulinæ ad Titum, vocare librum Enoch absolute apocryphum: *S. Chrysostomum* rejicere eum inter fabulas: ab hoc non magnoperè discedere *S. Epiphanium* disputantem contra Marcionem. *Origenem* Homil. 28. in Numeri. scribere, eum nullius auctoritatis esse inter Hebræos: apocryphum, similiter eum credere *Clementem Alexandrinum*, *Didymum*, *S. Athanasium* in Synopsi, *Hincmarum*, *Angelomum*. Respondet Secundò, librum sive libros: noch, qui post Apostolica tempora in plurium Patrum manus devenerunt, multa falsa continere, sicut colligitur ex Angelorum calidis lacrymarum fontibus, quos ex illo libro afferebat Celiùs, & refellit Origenes lib. 5. adversus ipsum Celsum; & ex stellarum nominibus, de quibus idem Origenes Homil. ultima in Numeros: & multos Patres ex prisceis Enoch libris hausisse errorem illum de Angelorum congressu cum filiabus hominum, natisque ex illo gigantibus. Respondet Tertio, Michaëlem de Medina, Carthusianum, Pererium, & alios affirmare, nullum ab Enoch compositum librum. Et ipse putat, tempore Judæ Apostoli nullum fuisse librum Enoch. *Si enim fuisset*, inquit, *haud dubiè fuisset valde nobilis celebrèq; apud Judæos, tum propter Auctoris antiquitatem, & famam, tum quòd in eo librorum admodum memorabiles & admirabiles continerentur: quapropter aliquam ejus libri mentionem reperiremus apud Philonem, aut Josephum, diligentissimos atque curiosissimos Antiquitatum Judaicarum Scriptores. Sed fit mihi verisimillimum, jam mortuis Apostolis, hereticos varios libros sub eorum nominibus partim de rebus veris, partim de falsis & fabulosis confictos ab ipsis evulgasse; captàq; occasione ex historia Michaëlis altercantis cum diabolo, & ex Prophetia Henoch commemorata à Juda Apostolo, libros de rebus ejusmodi, quasi antiquitus scriptos publicasse. Nec facile adducor ut credam, Apostolum Judam prophetiam illam Henoch ex aliquo libro Apocrypho, veletiam non apocrypho, qui tamen canonicus non esset, petere voluisse: non enim plùs fidei haberet, quàm liber unde sumpta esset. Cùm autem Judas simpliciter appellet eam prophetiam Henoch, certissimum procul dubio*

bio fuit Juda, & illam fuisse prophetiam, & auctorem illius fuisse Henoch; quod ille aliter quàm per revelationem divinam certò scire non potuit. Ad quos autem epistolam illam scripsit Judas, iis nota esse potuit illa prophetia vel ex libro aliquo probata apud ipsos fidei, vel ex antiqua & pervulgata traditione, vel ex sola Juda Apostoli narratione propter ejus auctoritatem de ejus prophetia veritate nullo modo dubitassent. Itaque prophetiam Henoch citavit S. Judas vel ex sola traditione, vel ex revelatione sibi facta, eodem modo quo S. Paulus allegavit dictum Christi: Beatius est magis dare, quàm accipere; & nomina eorum Magorum qui Moyse restiterant, Jannes, & Mambres. Quòd si tempore S. Juda aliquis liber sub nomine Henoch circumferretur, quamvis apocryphus; ideo credo citatum ab Apostolo prophetiam, quæ aliòquin sibi constabat vera, ut convinceret Gnosticos, qui extremum D E I judicium negabant futurum, Henoch tamen librum admittebant ceteris Scripturis posthabitis. Ideo censuit S. Judas testimonio Henoch quasi proprio truncandos gladio: Hæc Nierembergius.

Ecce quomodo in omnem se vertat partem, ut evadat vim argumenti ex libro ab Henoch scripto desumpti pro litterarum usu ante Moyse tempora vigente. At non evadit: sic enim arguo. S. Apostolus citat ipsa Enoch verba, quæ utique in aliquo libro exarata reperiebantur, & nota erant sibi, & aliis quibus scribebat vel nota quoque erant, vel esse poterant, aliòquin frustra remississet illos ad dicta verba illa. Vel ergo liber, in quo reperiebatur verba illa, erat ab Enocho scriptus, atque adeo authenticus; vel ab alio, atq; apocryphus: si primum, habeo intentum: si secundum, vel erant revera verba ab Enocho prolata, vel non: hoc secundum dici non potest, aliòquin Apostolus falsum scripsisset dicendo illam esse prophetiam Enoch; dicendum ergo primum. Jam iterum, si erant revera verba ab Enocho prolata; ergo erant alicubi scripta, & à scriptore illo apocrypho exscripta, idque vel ex libro ab Enocho scripto, vel ex alio: si primum, habeo iterum intentum; si secundum, redit idem argumentum, & sic ulterius, donec tandem deveniatur vel ad ipsum librum Enoch, vel ad antiquissimum aliquem in quo ipsissima Enoch verba erant scripta.

Dices,

Dices, verba illa ab Apostolo citata, esse revera verba Enoch, sed Apostolum, aut alium quempiam qui illa primus scripsit, scivisse illa ex revelatione DEI, non ex scriptione in libro aliquo extante. Sed quí probas, quòd revelatione, non scriptione illa sciverit, quisquis primus illa scripsit? Certè non alia de causa id asseris, nisi quia alioquin concedere debes scribendi artem esse antiquiorem Moyse; quod nos asserimus.

Auctoribus quos contra librum Enoch citat Nierembergius, oppono Auctores quos citavi §. 4. Num. 1. & alios multos quos citat P. Athanasius Kircherus in Obelisco, quos omitto.

Tertiò. Ad id quod diximus §. 4. Num. 3. de duabus columnis, quibus filii ac posterì Seth inscripserunt rerum naturalium scientias, fatetur quidem *Nierembergius* lib. 2. de Origine sacrae Script. cap. 14. id verum esse; at lib. 3. cap. 21. ait, argumentum inde desumptum pro antiquitate litterarum majore quàm, Moyses sit, esse inefficax, *siquidem ipse Josephus, qui hanc historiam prodidit memoria, & alteram columnam ad sua usque tempora perdurasse dicit, inventum nihilominus litterarum post diluvium censuit, & alicubi Moyse adscribit. Quare existimavit eas columnas litteris solum hieroglyphicis, non alphabetariis incisas. Porro usus litterarum hieroglyphicarum in defectum alphabetarum videtur introductus; & supponit Adamum alphabeti promulgatorem non fuisse.* Ego autem dico cum P. Athanasio Kirchero lib. 3. Obelisci Pamphylii cap. 1. & alibi sæpe, hieroglyphicam litteraturam, à Mercurio Trismegisto ingeniosissime excogitatam, & solis Sacerdotibus traditam, eo fine, ut mysteria Divinitatis & Naturæ solis sapientibus legenda proponerentur, plebi verò & illis qui legere scripturam alphabetariam noverant, abscondita manerent. Non ergo columnis ante diluvium hieroglyphica erant insculpta. Si Josephus litteras alphabetarias censet post diluvium repertas, earumque inventionem Moyse adscribit (quamvis ego neutrum in Josephi libris inveniam) aut memoriâ labitur, ac sibi contradicit, aut errat.

§. XIV, Solvuntur aliæ Difficultates contra
nostras Assertiones.

Quartò. Ad id quod diximus §. 5. Num. 6. de libro Job, & *Jobi liber à quo fuerit scriptus.* descriptionis usu qui in illo libro supponitur jam antea vixisse, responder Nierembergius Primò, certum quidem sibi videri, Job fuisse natum ante Moysen, non tamen ita certum ante eum obijisse. *Vixit enim, ait, Job duplo longiorem vitam, quam Moyses. Nam sicut scribit S. Isidorus in lib. de vita & morte Patrum cap. 24. Vixit Job CCXLVIII. annos. Poterant quoque progenitores Job longeviores fuisse: quare potuit ipse Job superstes Moysi esse, vel saltem post inventas à Moysse litteras librum scribere; & fuerunt aliqui, ut refert S. Chrysostomus, qui fuisse sanatum Job post legem dicerent.* Respondet Secundò, plurimos negare scriptum librum ab ipso Job, tribuereque illum vel alicui ex Prophetis, vel ex amicis Job; frequentiore tamen sententiam, & quæ sibi magis placeat, asserere, Moysen fuisse libri Job scriptorem: citatque pro se *Isidorum, Abulensem, Reuterum, Eugubinum, & aliquot Rabbinos.* Confirmat deinde duplici argumento, non fuisse scriptum à Job. Demum addit, se non multum refragaturum, *si quis dixerit, ipsum Job, aut alium ex amicis ejus, apinxisse historiam illam mirandam litteris Æthiopicis, & Egyptiis, nimirum hieroglyphicis &c. quam deinde Moyses divinitus afflatus, & illustratus, Hebraicis characteribus composuerit, & ampliaverit, atque exinde ab Hebraeis inter canonica scripta receptam.*

Vides, in quot iterum partes se vertat Nierembergius, ut vim argumenti à nobis loc. cit. allati effugiat? At non effugit. Nam Primò Job natus ante Moysen, vixit quidem aliquamdiu cum ipso, at mortuus fuit ante ipsum annis 45. Etenim juxta Hebræos in Seder-Olam, Genebrardum, Salianum, Pererium, Pinedam, Torniellum; Tirinum, & alios, teste ipso Tirino in Chronico sacro cap. 16. Job natus fuit anno Mundi 2328, Diluvii 672: Moyses verò anno Mundi 2463, Diluvii 807. totis scilicet 135 annis post Job. Hic vixit annis 210, Moyses verò annis 120: supervixit ergo Moyses annis 45. Secundò, ipsum Job

scripsisse suum librum, testantur citati supra §. 5. Num. 6. & quidem linguâ Syriacâ, seu Arabicâ, vel Idumæâ; nam, teste S. Hieronymo, Prologo in Job, Syrisimis passim & Arabisimis inspergitur: ex Syriaca verò in Hebraicam linguam convertit eum Moyses, & ideo citati à Nierembergio Auctores faciunt Moysen auctorem libri. Tertiò. Sed demus Job non scripsisse librum suum, sed Moysen, aut Prophetam aliquem post Moysen; adhuc inconcussum manet argumentum nostrum. Nam quando contigit historia Job, jam exibat usus scripturæ, ut loco cit. probavimus: tunc autem Moyses nondum erat natus, ac proinde nec litteræ ab ipso inventæ esse poterant: nam Job post historiam illam vixit, adhuc 140 annis, ut constat ex cap. ult. Job; ergo historia contigit anno 70. Jobi; Moyses autem natus fuit anno 135 Jobi.

Ait Nierembergius, extitisse tunc scripturæ usum, sed scripturæ hieroglyphicæ. Respondeo ex cit. loc. colligitur, & hieroglyphicam, & alphabeticam scripturam extitisse. Nam primò, amici Job remittunt eum ad annales veteres: hi autem non scribebantur hieroglyphicâ scripturâ, sed alphabeticâ. Secundo, Job mentionem facit utriusque: dum enim ait, *quis mihi tribuat, ut scribantur sermones mei? Quis mihi det, ut exarentur in libro, stylo ferreo?* insinuat scripturam alphabeticam: dum, verò ait, *vel celte,* (seu cælo, sive scalprio) *sculpantur in silice?* innuit hieroglyphicam.

Quintò. Ad id quod §. 6. Num. 7. 8. & 9. diximus de inscriptionibus in sepulchro Beli, Semiramidis, & Nini, respondet Nierembergius, cum Ottone Heurno in suo Chaldaico, omnes fuisse litteris hieroglyphicis sculptas. At hoc incredibile videtur, præsertim cum inscriptio columnæ Nili contineat multa nomina propria Regum, quæ non hieroglyphicis, sed alphabeticis litteris exprimi solent; imò nec exprimi possunt hieroglyphicis. Respondet Primò Nierembergius, librum Xenophontis de Æquivocis, in quo continetur inscriptio illa columnæ Nili, non mereri majorem fidem quàm scripta Berosi ab Annio edita. Secundo ait, nomina illa, Cœli, Jovis, Saturni &c. non esse propria, sed appellativa, idque probat auctoritate Xenophontis initio ejusdem libri.

libri. Sed nihil evincit : nam vel auctoritatem habet ille liber. Xenophontis, & sic valet nostrum argumentum ; vel non habet, & sic corrui impugnatio adversarii.

Sextò. Ad id quod diximus §. 7. Num. 19. de Ægyptiorum omnimoda eruditione, & sapientiâ, quâ imbutus fuit Moyſes, respondet Nierembergius lib. 3. cap. 19. eruditos quidem fuisse Ægyptios, & ab iis Moyſen, sed sine litteris alphabeticis, & solis hieroglyphicis. At hoc non probat, nec probare potest. Nostrum ergo argumentum manet in robore suo.

Atque hac sufficiant de litterarum origine, & scriptoria artis antiquitate ; de qua hic tractare libuit, ut meam ea de re sententiam depromerem, & tam mirifica artis præstantiam vel hac ratione manifestarem.

FINIS PARTIS PRIMÆ.



THE
LIBRARY OF THE
MUSEUM OF NATURAL HISTORY
AND
ZOOLOGY
OF THE
CITY OF LONDON
IN THE
MUSEUM BUILDINGS
LONDON
W.C.1



TECHNICÆ CURIOSÆ PARS II.

Complectens quinque posteriores
libros, videlicet

- VIII. *Mirabilia Cyclometrica.*
- IX. *Mirabilia Chronometrica.*
- X. *Mirabilia Automatica.*
- XI. *Mirabilia Miscellanea.*
- XII. *Mirabilia Cabalistica.*

TECHNICAL

CHARTER

1881

THE UNIVERSITY OF CHICAGO

THE UNIVERSITY OF CHICAGO
LIBRARY
CHICAGO, ILL.
1881



LIBER OCTAVUS.

MIRABILIA CY-
CLOMETRICA,

Sive

RECENTIA TETRAGO-
NISI CONAMINA,
PROOEMIUM.



T momenti in Mathematicis Discipli-
nis gravissimi, ita gravissimæ difficulta-
tis apud Geometras hactenus semper
fuit ille modus (ut rectè monet *P. Vin-*
centius Leodaudus in Examine Quadraturæ circuli)
qui rationem spatii circularis in rectilineum conver-
tendi plexibus adeo cæcis involvit, ut nulla eorum,
summorum æque ac infimorum, industria eum ex-
pediendo par fuisse à primis Geometriæ incunabilis
adhæc usque tempora videatur. Quotquot enim
operam suam antehac ea in re impenderunt, ingenti
atque indefesso labore, aut perdiderunt penitus, aut
ita

ita impenderunt, ut adhuc sub iudice lis pendeat, num scopum attigerint. Tantum tamen abest, ut operis perficiendi difficultas deterruerit præclara ingenia, ac remorata fuerit, ut calcar potius addiderit, ad majora quàm unquam aliàs conamina, ad rem omnium, ut putatur, difficillimam perficiendam.

Eundem laborem paucos ante annos adorsus est nobilis ævi nostri Geometra è Societate nostra *R.P. Georgius à S. Vincentio*, cujus in omni Matheseos genere eximia facultas (ait idem Leotaudus, & res ipsa loquitur) omnibus jam pridem nota, notum etiam diuturnum hanc in rem ab eo impensum studium, in spem non dubiam Geometras adduxêre, se posthac tantæ hujus difficultatis tot votis expetitâ solutione, ejus ope potituros. Vix ergo prodierat Opus ingens, quod illo de argumento conscripsit, & Austriaci Problematis nomenclaturâ cohonestavit, cùm omnium Geometrarum oculos atque ingenia, nec paucorum calamos ad se convertit, atque ad oppidò varia judicia impulit. Alii quippe Opus totum, dente utique invido, corroserunt, & apud minùs in Geometricis Scientiis peritos contemptui exposuerunt. Alii Tetragonismos quatuor in illo contentos acerrimè ventilârunt, & paralogismis infectos ostendere

Attendere conati sunt. Alii eosdem Tetragonismos
 exposuerunt, atque ab impetentium insultibus de-
 fenderunt. Postremorum è numero non postremus
 est Vir Nobilis atq; Doctissimus, omnibusque Ma-
 thematicis Disciplinis excultissimus, *Dn. Godefridus*
Aloysius Kinnerus à Löwenthorn, Serenissimi
 Archiducis Caroli Josephi studiorum Moderator..
 Edidit ille Elucidationem Geometricam secundæ
 inter quatuor dicti Auctoris Quadraturæ, Libello
 exiguo; quo resectis superfluis, magnâ brevitate, cla-
 ritate, & ordine, Propositionibus non plûs quàm
 xxxvi. totam Vincentianam doctrinam de secun-
 da Quadratura proponit, & (si geometricæ apodixi
 consonant, quæ Gregorianû Opus de novis propor-
 tionum ac proportionalitatum, progressionumque
 geometricarum affectionibus, deque admirandis &
 hæctenus inusitatis planorum ductibus copiosè dis-
 ferit) dictam secundam Quadraturam ut legitimam
 demonstrat; dummodò quæ habet Proposit: 30. le-
 gitimè explicentur. Ego neque hanc, neque alias hoc
 loco attingam, quoniam longiores sunt quàm ut
 paucas intra paginas contrahi queant; & jam satis
 ventilatæ sunt, suumque adhuc robur Auctoris do-
 ctissimi & aliorum multorum judicio obtinent: quo-

niam ex perperam intellecta proportionalitatum, doctrina, & falsa rationum comparatione, aliisque erroribus proficiscuntur, ut optimè ostendit *P. Franciscus Xaverius Ayinscom*. Ad faciliora ergo conamina, quorum examen aliquando delatum mihi fuit, progredior.

CAPUT I.

*Tetragonismi seu Quadratura circuli
conamen recentissimum.*

Tetragonismi conamen primum.

HOc ipso Anno M. DC. LXII. dum hæc scribo, insignis quidam Mathematicus, sequentem ad me misit Tetragonisiconatum, cum hac Epigraphe. *Demonstratio Geometrica nova circuli Quadratura*; meumque de illo iudicium exquisivit. Auctoris verba adscribo, quia pauca, & clara.

§. I. Proponitur Tetragonismus.

Vide Iconisimum I, Fig. I.

I. Construatür imprimis Ilosceles rectangulum ABC: ac tum radio AB describatur circulus, aut quod sufficit, ipsius quadrans BFG. Et quoniam angulus ACB rectus est ex constructione; angulus autem A æqualis angulo B, in Iloscele, *per 5. pri.* erit igitur uterque semirectus, *per 32. pri.*; atque adeo cum rectus angulus sit $\frac{1}{2}$ circuli, semirectus erit $\frac{1}{4}$ ejusdem.

II. Circuli sunt inter se ut diametrorum quadrata, *per 2. Duodec.* igitur etiam ut quadrata semidiametrorum, *per 15. quinti.* Est autem quadratum ipsius AB, duplum quadrati ipsius AC: quamobrem & circulus ABFG, circuli ADCE duplus. Auferatur igitur minor hic ex majori suo duplo; relinquetur altera medietas zonæ BFGECD, circulo ADCE æqualis, *per Axio 6.*

III. Et quoniam quam proportionem habent duo tota similia,



Figura I.




Figura II.




Figura III.




Figura IV.




Figura V.




Figura VI.




Figura VII.




Figura IX.




Figura VIII.




Figura X.




Figura XI.




Figura XII.





Figura XIII.



milia, eandem habent totorum partes similes, *per 15. quin.* Erit igitur ut circulus ABFG, circuli ADCE duplum; pariter semissis illius, duplex semissis hujus.

IV. Si ab æqualibus auferantur inæqualia, tanto se excedunt residua, quanto ablata, *per 17. Axio.* Clavii in Euclid. Ergo si ex Zona BFGD auferatur semisegmentum BFC, & ex sectore ADC similiter semisegmentum DCH; quæ residua sunt, ibi mixtilineum. BCD, hinc Isosceles DHA, tanto se excedent, quanto ablata. Sed unum ablatum, videlicet semisegmentum BFC, excedit dimidio sui alterum ablatum DCH; Ergo & unum residuum DHA excedit dimidio sui alterum BCD.

V. Si ergo mixtilineo BCKD addatur scalprum sive segmentum octogonium DKC, ut fiat triangulum rectilineum BCD; & ex hoc triangulo auferatur dimidium Isoscelis DHA; erit residuum rectilineum æquale scalproidi DKC, *per 2. & 3.*

Axioma.

VI. Denique residuum hoc rectilineum addatur rectilineo ADC, eisque fiat æquale quadratum: hoc enim erit æquale Sectori intimo ADKC & octuplicatum, toticirculo ADCE &c. æquale. Quod erat faciendum. Hactenus Auctor Tetragonismi.

§. II. Examinatur Tetragonismus.

Transmisso Tetragonismo suam ipse Auctor censuram apposuerat in fine cryptographicico velamine, hisce litteris: *gptaramtasf rcepegnik Xacperdiq* addens nodum cryptographicicum se tum soluturum, cum meam de suo problemate sententiam perscripsissem.

Legi igitur confestim problema, quia breve; & avidè, quia clarum; jamque mihi ipsi gratulabar, quod in ea incidissem tempora, quo tot sæculis abstrusum, & tanto virorum doctissimorum conamine investigatum secretum mathematicum, tam facili ac simplici methodo fuisset in lucem deductum. Sed non fuit diuturnum gaudium: mox enim ut relegi vice alterâ, paralogismus in Num. IV. deprehendi ex malè applicato Axiomate ibi citato. Non enim verum est, si ab æqualibus auferantur inæqualia, tanto

se excedere residua, quanto ablata, in hoc sensu, ut si ablata excedunt se in duplo, triplo, quadruplo &c. etiam residua in duplo &c. se excedant; ut patet, si ex A & B æqualibus, auferantur C & D inæqualia, excedentia se in duplo: remanent enim E & F, quæ non in duplo se excedunt. Sensus ergo Axiomatis est, quo excessu excedunt se ablata, eodem seu

A	100	B	100
C	<u>50</u>	D	<u>25</u>
	E 50		F 75

æquali se excedere residua, ut patet in allato exemplo, ubi C excedit D in 25, & similiter F excedit E in 25. Hinc Clavius ita proponit Axioma: *si ab æqualibus inæqualia demantur, erit residuorum excessus excessui ablatorum æqualis*; æqualis inquam æqualitate arithmetica.

Paralogismum hunc notaverat, ut dixi, ipsemet Auctor, antequam ad me mitteret problema, insinuaveratque tribus prædictis verbis cryptographicis: in quibus si prima & ultima uniuscujusque littera abjiciatur, remanent hæc verba, *pta, ram, tas; ci, pe, gni; ac, per, di*; quæ si legantur per syllabas ex unoquoque trium verborum desumptas, incipiendo tamen ab ultimo; erit hic sensus: *dignitas* (sive Axioma) *perperam accepta*.

ANNOTATIO.

I.

P*redicta Pseudoquadratura præluisse videtur ante semi-sæculum Thomas Gephyrander Salicetus Marcovestphalus, editor libello Anno M DC, VIII, cui hunc præfixit titulum: Quadratura circuli nova, perspicua, expedita, verèque tum naturalis, tum geometrica, cujusmodi communibus tot sæculorum gentiumque votis Mathematicis expedita hætenus fuit; nunc demum hæc ultimâ Mundi senectâ, divinâ ducente gratiâ, sub Felicissimi. Serenissimi, ac Reverendissimi Principis Ernesti Bavari, Archiepiscopi Colonienfis, &c. Electoris &c. auspiciis tentata, & inventa. Describit enim primò circa circumulum quadrandum Zonam circulo dato æqualem; deinde utriusque partem octavam dividit in varia membra; demum per collationem & detractionem æqualium conficit, (ut ipse putat) demonstrationem, ostendens lunulam*

lam seu scalprum esse aequale certo rectilineo à se adsignato. Sed (ut taceam alios errores) paralogizat in eo, quòd putet, & sine demonstratione assumat, detracto ex Zona duplo illius quod ex octante circuli detrahatur, residuum octantis esse duplum residui Zona. In hunc enim sensum discurrit.

I. Circulus quadrandus sit $E A F C$. Sumatur pars ejus quarta, & deductis e centro radiis $E A$, $E C$, subtendatur hypothenusa $A C$; erit quadratum $A C$ duplum quadrati $A E$, per 47. pri. Vide Iconismum I. Fig. II.

II. Centro E , radio $E L$ aequali dicta hypothenusa $A C$, describatur circulus $E L M B$: erit hic circulus duplus prioris, quoniam circuli ad invicem se habent ut quadrata diametrorum, ac semidiametrorum, per 2. Duodec.

III. A Majori circulo detrahatur minor, remanebit Zona circa minorem circulum descripta, aequalis ipsi minori circulo; quoniam si ex duplo auferatur dimidium, remanebit alterum; duo autem dimidia ejusdem, sunt inter se aequalia. Erit praterea quarta pars Zona aequalis quarta parti circuli minoris; & pars octava Zona $L M F K A$, aequalis octava parti circuli $A K F E$.

IV. Jam sic Lunula major $L T M$, est dupla lunula minoris $A K F$; & triangulum majus $L M F$, est duplum trianguli minoris $A F G$. Ergo si duo priora auferantur à Zona, & duo posteriora ab octante circuli; remanebit mixtilineum $L A K F$ simplum trianguli $A G E$, ac proinde hoc triangulum est duplum illius mixti linei.

Hoc posito, prosequitur suam demonstrationem. Sed paralogizat. Nam falsum est, si ex uno aequalium auferantur duo dupla, & ex altero duo simpla, ulimum residuum esse duplum residui prioris.

Sint enim, ut antea, A & B aequalia: auferantur ex A duodupla C & D , ex B vero auferantur duo simpla E & F ; remanebit hic H , ibi G ; & tamen H non est duplum ipsius G .

A	100.	B	100
C	30.	E	15
D	30.	F	15
G	40.	H	70

CAPUT II.

Tetragonismi seu Quadratura circuli con-
nomen Siculum.

Tetragoni-
smi con-
men secun-
dum.

ANte tria abhinc lustra, Anno videlicet M. DC. XLVIII. cum Panormi in Sicilia Mathesin publicè profiterer, scholam ingressus vir ætate gravis, vultu rugosus, barbâ & capillo hirsutus, cæteroque corporis cultu neglecto, *Don Romæus nomine*, Auditorem honorarium se præbuit. Finitâ prælectione cum variè discurreret, egregiè se in Mathematicis Disciplinis, præsertimque in Euclideis Elementis versatum ostendit. Editio hoc doctrinæ suæ specimine, graves deposuit querelas contra Societatis nostræ Mathematicos Romano in Collegio commemorantes, quòd dudum circuli quadraturam novam à se inventam, ac demonstratam, ad illos misisset, illorumque iudicium exquisivisset, nec tandem illam diem responsum tulisset. Mox schema protulit, in hunc constructum modum.

§. I. Proponitur Tetragonismus.

Vide Iconismum d.
Fig. III.

Nimirum Centro A, descripserat circulum BC; ipsique inscripserat quadratum D, *per 6. quar.*, & circumscripserat quadratum C, *per 7. ejusd.* Tum inter utrumque quadratum, statuerat aliud medium G, habens se (ut dicebat) ad majus in sesquitertia, ad minus in sesquialtera proportione; quod assererat esse æquale circulo dato.

§. II. Examinatur Tetragonismus.

UT vidi schema, & apodixin auscultavi, deprehendi Quadratorem in suo tetragonismo incidisse in paralogismos Brysonis, qui aiebat, circulum esse æqualem quadrato inter duo quadrata medio, quorum alterum circa ipsum circulum, alterum verò intra describitur. Quoniam enim, aiebat Quadrator, (quod & Bryson faciebat) circulus BC, & quadratum G, sunt majora quadrato D, quod est ipsorum pars; & idem circulus BC, & quadratum

tum G , minora sunt quadrato C , cujus sunt partes; sequitur. circulum BC esse æqualem quadrato G : quæ enim eisdem, sunt simul majora, & minora, sunt (ut volebat) inter se æqualia.

At hoc nequaquam verum est: siquidem 8 & 9 . minora sunt quam 10 , & eadem majora sunt quam 7 , nec tamen propter hoc 8 & 9 sunt inter se æqualia.

Neque quidquam facit ad hoc proportio quam indicat majoris ad medium sesquitertia, sicut nec minoris ad medium sesquialtera: aliud enim est, adsignare medium proportionale in lineis rectis, cujusmodi sunt hæc tria latera quadratorum; aliud, dare medium proportionale in curvis lineis æquale mediæ proportionali rectæ: cum prius facillimum sit, posterius à maximis Geometris hucusque tentatum, à nemine fortassis inventum, ut paulò post videbitur.

Non nego tamen, aliquod in natura esse quadratum æquale circulo BC , etsi nondum proditum quoniam modo id verè dari possit: Sicut enim talis inter majus & minus terminatio aliquo modo est vera, ita semper est incerta (quod ab arte prorsus alienum est) nisi quemadmodum Archimedes fecit, tam propinquis inter se limitibus constet, ut non sit cujuslibet à veri proximo discernere verum.

Quod autem quadratum medium proportionale dari non possit circulo BC æquale, sic ostendo. Quoniam enim latus quadrati C æquale est diametro quadrati D (ut ex propof. 7. lib. 4. Elem. Euclid. constat) ipsum quadratum C duplum est quadrati D , per 47. pri. Itaque si quadratum C ponatur esse 32 , quadratum D erit 16 : quare & excessus quadrati C supra quadratum D erit similiter 16 . Quadrilaterum igitur $EPR T$ inter parallelas C & D , utpote quarta pars talis excessus, erit 4. Et quoniam linea DG , æqualis est lineæ GG ; & latus quadrati C majus est latere quadrati D ; quadrilaterum $ESOT$ inter parallelas G & C , plus est quam dimidium totius quadrilateri inter parallelas D & C , nempe quam 2 . Reliquum igitur quadrilaterum $OPRS$ inter parallelas D & G , minus est quam 2 . Totus igitur excessus quadrati G in quadratum D , minus est quam 8 . Quare & quadratum G minus est quam 25 , quoniam


quoniam ne quidem ad 24 pertingit. Constat autem ex demonstratione ab Archimede, quod circulus ad quadratum diametri rationem habet majorem quàm 223 ad 484; quare & multò magis majorem quàm 25 ad 32. Quoniam igitur quadratum C ponitur esse 32, circulus BC plus erit quàm 25, ut comparanti cum proportione Archimedeae patebit, id est, Archimedeae proportio plus accedit ad veram, quàm 25 ad 32. Ostensum, autem est, quadratum G minus esse quàm 25 (imò & quàm 24;) non igitur est æquale circulo BC. quod erat demonstrandum.

Si verò disponatur quadratum aliud medium proportionale inter ipsa quadrata D, & C; demonstrabitur etiam, tale quadratum non esse æquale circulo BC. Ponamus enim quadratum G esse medium proportionale inter ipsa quadrata D & C. Quoniam igitur quadratum C positum fuit fuisse 32, & quadratum D 16; erit quadratum G 24, minus videlicet, quàm 25; Ostensum autem est ex Archimede quod circulus BC plus est, quam 25: quadratum igitur G medium proportionale inter quadrata D & C, non est æquale circulo BC quod erat demonstrandum.

Posiunt autem hæc omnia applicari proportioni quadrati medii inter duo extrema, ad majus in sesquitercia, ad minus, in sesquialtera proportionem se habenti, à *Don Romæo* posita. Etsi enim 3 inter 2 & 4 v. g. medium quoddam proportionale sit, non sequitur tamen, circulum quoque huic medio respondere, cum circulus ad quadratum circumscriptum sibi majorem proportionem habeat, quàm 3 ad 4: neque numerus inveniri potest inter 3 & 4, qui perfectè adæquetur quadrato. Quod si

Romæus numeris, sive rationalibus, sive irrationalibus, æqualitatem medii quadrati ad circulum explicaverit;

næ magnus mihi Apollo
erit.



CAPUT III.

Tetragonismi seu Quadratura circuli conamen Anglicum.

Illustrissimus, & omni litterarum genere exculcissimus Dominus Comes *Kenelmus Digbaus*, Anno M. DC. LIX. misit ad me ^{Tetrago-} ^{nismi cona-} ^{men ter-} ^{tium.} *Francofurto* ad *Mœnum* (ubi tunc degebat) Libellum exiguum, non plus quàm tredecim Propositiones complectentem, eodem Anno, Auctore *Thoma Anglo* (uti Epigraphe præfert) per partes editum: primò enim prodierunt novem primæ propositiones, & statim ad me missæ; deinde reliquæ, atque submissæ. In eodictus Auctor novam inivitiam ad circuli Quadraturam inveniendam, ac demonstrandam. De viri conamine laudabili quid ego sentiam, tum aperui Illustrissimo Comiti per eum, per quem Libellum transmiserat. Nunc addo iudicium alterius eximii Mathematici, ad quem idem Libellus missus fuerat, ab eo mihi perscriptum die 12. Aprilis Anni M. DC. IX. Sic ergo ait:

In Circuli Quadratura, cujus exemplar Reverentia vestra Francofurto misit Anglus ille, propositio sta paralogizat: cum non advertat Author, quodnam & quibus superficibus contentum corpus relinquatur ex equalium corporum Tetrastylicorum subtractio- ne. Quem quidem errorem ego adverti, antequàm in posterioribus Authorem ipsum, id ab alio quoquam culpatum fuisse, monentem & refutantem legerim. Quem ille paralogismum dum propositione 13^{ia} à se propulsare nititur, in alia absurda prolapsus est. In primis enim cum stam probare debuisset, 6^{am} propositionem confirmat. Deinde in hac, quam ibi facit demonstratione, plus probat quàm ipsi propositum fuit: sequeretur enim (quod ipse ibi non advertit) non solùm cuius circuli segmento Quadratum æquale, sed cuius etiam Quadranti circuli, adeoq. Toti circulo Quadratum æquale nullo negotio exhiberi posse. Ait enim in Diorismo propositionis 3^{ia}, dico, duas superficies S O T P (parallelogrammum) & L O P semisegmentum circuli) esse æquales. Quod si verum est, erit & quadratum G B H C, sive planum ex sectione cylindri per a

Ffff

xem

xem facta, aequale Quadranti circuli ABC, id est, plano ex sectione sphaerae per axem emergenti; quandoquidem eadem est horum posteriorum ad se invicem, quae priorum ratio. Itaque facillimum jam erit, quemvis circulum quadrare juxta ea, si vera sint. Nam si circulus hic datus concipiatur esse sphaera, & huic sphaerae cylinder, in eadem cum sphaera altitudine, aequalis construat; erunt eorum sectio per axem, sive circulus & quadrangulum aequalia. Quod falsum esse, ego ipsi quondam Arithmetico-Geometricè ita demonstravi evidenter, ut Author ejus propositionis Thomas Albius ad praedictum Comitem Anglum errorem fateri sit coactus in litteris, quarum transcriptum D. Digbaeus mihi exhibuit. Verba ejus sunt haec: Quoad tertiam Conclusionem, justa est querela Reverendi Patris: est enim parallelogrammum &c. Quod si Illustrissima Dominatio Vestra significasset R^{do}. Patri, me idem, prius Illustrissimam Dnem. Vam. monuisse; excusavisset laborem ipsius, & debitum gratiarum vel potius veniae petendae; quod nunc mihi impendat &c. Concludit deinde in iisdem litteris, hunc errorem 13tia. Propositionis veritati priorum nil officere: quod falsum est. Imò sextam ipsius propositionem falsissimam esse, difficile non est demonstrare. Haecenus Mathematicus².

ANNOTATIO.

Dissplicet haud parum in Libelli praedicti Auctore, quod post propositionem suam 12mam. P. Paulum Guldinum, insignem è Societate nostra Mathematicum, ac optime de Mathesi meritum Opere illo suo praclaro, quod de Centrobarycis scripsit, sine causa tam probrosis verbis ledit, & tam indignis tractat modis. Vocat hominem prorsus Amathematicum; & tantae vanitatis, ut cum erravisse se putaverit, neque delendo tegere, neque candidè confiteri sustinuerit, sed excusationes texere, quasi in ipso errore egregiè se gesserit, ostentare pergat. Hominem item officii Geometrici prorsus ignarum, & ex eo semidoctorum genere, qui cum ex magnorum virorum scriptis egregia multa depeculati fuerint, ut sua farciant, additis quibusdam levibus, justi voluminis ostentatione se vulgo discerentium ostentant; & mixtis incertis, sacrum scientiae nomen

nomen denigrant. Addit, hoc abundè egisse nostrum Guldinum, saltitationem telluris circa centrum, & consistentiam centri in puncto imaginario, in Geometricum tractatum inferciendo. Hæc coactum se de homine cateroqui ignoto pandere, quod umbra Tomi illustis, per opinionem consequam officeret veritati, quam ipse Libelli Auctor ejusdem veritatis studiosis offerat. Causam tantæ commotionis prodit ipse in Notâ post Propositionem suam sextam. Ait enim, se ab Amicis monitum, quam in Exercitatione Geometrica exhibuerat spiralis ac peripheriam circuli æquationem, à dicto Guldino & prius excogitatam, & eâdem demonstratione confirmatam, & posterioribus consiliis repudiatam fuisse, & oppositâ demonstratione reprobata. Quid hîc in mentem veniat sagaci Lectori, pronum est cogitare. Egoni propositi, quod hætenus constanter me tenuisse existimo, tenacissimus essem, ut occasionem omnem, unde læsos se alii quoquo modo æstimare possent, evitarem; Guldini defensionem susceperem, & iniquum Auctoris Libelli iudicium detegerem.

CAPUT IV.

Tetragonismi seu Quadratura circuli conamen Germanicum.

§. I. Proponitur Tetragonismus.

P Thomas Streitt, insignis & emeritus Societatis nostræ Mathematicus, asseruerat, si super diametrum PM scribatur triangulum rectangulum POM , cujus tria latera sint continuè proportionalia; medium inter ista, nempe MO , esse quadrantem circuli ex diametro PM . Volebat dicere, rectam MO esse æqualem quartæ particircumferentiæ circuli, cujus diameter est PM . Et hanc vocat Quadraturam circuli externam, quæ nimirum, complectatur proportionem inter diametrum & circumferentiam circuli. Miserat hanc Assertionem suam Romam, à Societatis nostræ Mathematicis ibidem commorantibus censendam.

Tetragonismi conamen quartum.

Vide Iconismaum I. Fig. IV.

§. II. Examinatur Tetragonismus.

Responderunt Censores Romani, hanc Assertionem dicti Patris Streitt adversari proportioni diametri & circumferentiæ; quæ licet verissima non habeatur, certum tamen esse, eam consistere inter terminos hos:

Diameter circuli.	10000000000	
Circumferentia	3141592653 minor	{ vera.
	3141592654 major	
Quadrans circumferentiæ	785398163 minor	{ vero
	785398164 major	
Quadrans respectu diametri 100000.	38539 minor	{ vero.
	38540 major	
Quadrantis quadratum	A. 6168374521 minus	{ vero.
	B. 6168531600 majus	

Cui quadrato non debet adversari quadratum rectæ MO, si etiam MO sit quadrans circumferentiæ.

Invenitur quadratum rectæ MO in partibus diametri PM 100000 sic. Inprimis constat, si in triangulo rectangulo basis ab ON perpendiculariter ab angulo demissa secetur, fiantque tria latera continuè proportionalia; secari BM in N mediâ ratione, atque rectangulum MPN æquale esse quadrato MN. Cùm igitur existente PM partium 100000, ejus semissis, hoc est, ME sit 50000, & quadratum PE, seu EF sit æquale quadratis PM, ME, quorum illud est, 10000000000, hoc verò 2400000000; erit quadratum PE, vel EF, 12500000000;

A

Atque adeo EF erit

$$\begin{array}{l} 111803 \text{ minor} \\ 111804 \text{ major} \end{array} \left. \vphantom{\begin{array}{l} 111803 \\ 111804 \end{array}} \right\} \text{verâ:}$$

& subtractâ E M, remanebit MF, seu

$$\begin{array}{l} MN \\ 61803 \text{ minor} \\ 61804 \text{ major} \end{array} \left. \vphantom{\begin{array}{l} 61803 \\ 61804 \end{array}} \right\} \text{verâ.}$$

Et si hæc recta MN multiplicetur per PM, 100000, dabitur rectangulum

$$\begin{array}{l} PMN \\ 6180300000 \text{ minus} \\ 6180400000 \text{ majus} \end{array} \left. \vphantom{\begin{array}{l} 6180300000 \\ 6180400000 \end{array}} \right\} \text{vero.}$$
Hoc autem rectangulum est æquale quadrato rectæ MO, *per Corollar. 8. v. sexti.* Ergo quadratum MO est
$$\begin{array}{l} C \\ D \end{array} \begin{array}{l} 6180300000 \text{ minus} \\ 6180400000 \text{ majus} \end{array} \left. \vphantom{\begin{array}{l} 6180300000 \\ 6180400000 \end{array}} \right\} \text{vero:}$$

quod in primis quidem duabus figuris convenit cum quadratis A & B, sed in tertia figura utriusque quadrati C & D, nempe in figura hac, 8, superat tertiam figuram quadratorum A & B, quæ est 6. Atque ita quadratum C, hoc est, quadratum rectæ MO minus vero, majus est quadrato B, quod est quadratum quadrantis majus vero: id quod nullâ ratione contingeret, si MO respectu diametri PM esset æqualis quadrantis.

Latet igitur necessariò in demonstratione paralogismus; quem Auctor hujus Quadraturæ facilè deprehender, si quam hactenus per partes proposuit, more geometrico continuare procuraret. Qui si etiam Arithmeticæ suas partes dare voluisset, multò se citiùs ab hac sua pseudoquadratura expedivisset. Hæc est Censura Romana.

§. III. Respondetur Censuræ præcedenti.

Hic Censuræ responderet Auctor Quadraturæ, in hunc modum.

Ait Cenſor, adverſari Aſſertionem meam proportioni diametri & circumferentiæ. Sed id evidenti paralogiſmo conatur probare. Sincenim uſq; ad ſigillum A omnia vera. Ait primò: ipſa EF erit 111803 minor verâ. Si ſenſus hic eſt: *numerus 111803 eſt minor, quàm linea illa, quæ eſt latus quadrati æqualis duobus quadratis PM, ME*; eſt vera propoſitio.

Ait iterum: ſubtractâ EM, manebit MF, ſeu MN 61803 minor verâ. Si ſenſus ſit: *numerus 61803 eſt minor majore ſegmento MN*; eſt vera propoſitio.

Ait tertio: Et ſi hæc recta MN multiplicetur per PM 100000; dabitur rectangulum PMN 6180300000 minus vero. Si ſenſus eſt: *hic numerus eſt minor quàm rectangulum PMN*; vera eſt propoſitio.

Ait quartò: Hoc rectangulum PMN eſt æquale quadrato rectæ MO. Reſpondeo, in lineis verum eſt; in numeris falſum eſt.

Ait quintò: Ergo quadratum MO eſt C 6180300000 minus verò. Si ſenſus eſt: *numerus C eſt minor quàm quadratum ex MO*; eſt vera propoſitio.

Ait ſextò: Hoc quadratum primis duabus figuris convenit cum quadratis A & B, ſed tertia figura utriusq; quadrati C & D, nempe figura, 8, ſuperat tertiam figuram quadratorum A & B, quæ eſt 6. Reſpondeo, Eſto; quid inde?

Ait ſeptimò: Atq; ita quadratum C, hoc eſt, quadratum rectæ MO minus vero, majus eſt quadrato B, quod eſt quadratum quadrantis majus vero: id quod nullâ ratione contingeret, ſi MO reſpectu diametri PM eſſet æqualis quadranti. Reſpondeo: ſi ſumit pro eodem quadratum C, & quadratum rectæ MO, error eſt; quia neq; iſta ſunt, neq; poſſunt eſſe æqualia. Quod quadratum C majus ſit quadrato B, concedo; quod idem quadratum C minus ſit quadrato ex MO, concedo etiam: ſed hoc nullâ ratione contingere poſſe, ſi &c. nego. Imò ita debet contingere. Si oſtenſum fuiſſet, idem fuiſſe majus & minus reſpectu ejusdem, (quod intendebat argumentum) ſanè, & paralogiſmi me merito ac pseudoquadraturæ arguiſſet. At nunc hoc tantum infer: Nu-

merus C est minor quadrato ex MO, & major numero B, qui est major quadrato ex quadrante, quod nullo modo est absurdum, sed contrarium si quis assereret, manifestè erraret.

Mihi igitur demonstratum manet, quadratum ex MO esse ex quadrante, quadratum numeri C illo quadrato MO minorem, & simul majorem esse numero B. Itaque non adversatur proportioni circumferentiæ & diametri mea sententia; id quod suo loco demonstrandum manet.

ANNOTATIO.

Hactenus P. Streitt. Lector Mathematicus dispiciat, cui adjudicanda sit victoria: ego Romano Censori adjudicaverim: si enim duæ lineæ æquales sunt, & quadrata illarum numeris expressa, æqualia sunt; si alterutra major est, aut minor alterâ, etiam quadratum illius majus est, aut minus, etiam numeris expressum.

CAPUT V.

Tetragonismi, seu Quadratura circuli conamen Romanum.

Inter paucula schediasmata P. Christophori Grünbergeri, notissimi aliquot abhinc annis in Collegio nostro Romano Mathematici, quæ adhuc supererant, dum inibi degerem, reperi sequens ad circulum quadrandum problema, ope scilicet quadrationis Lunulæ, quam falsò se quadrasse existimabat Hippocrates Chius. Quod problema quia ingeniosum est, proponendum duxi, & Lectorum Mathematicorum judicio committendum: quamvis certò mihi non constet, dicti Patris esse partum; non enim ipsius, sed alterius manu descriptum est. Sed ut appareat, in quo Hippocrates erraverit, & qua ratione Grünbergeri errorem ipsius sustulerit; prætermittere libet ipsum Hippocratis problema.

Tetragonismi conamen quintum.

§. I. Hippocratis Chii vera Lunulæ, & falsa
circuli quadratura.

Vid. Iconi-
simum
I. Fig. V.

Sic igitur procedebat Hippocrates in quadranda primum propositi circuli lunulâ, ac deinde ipso toto circulo.

I. Sit quadrandus circulus ABGC. Constituatur super diametro BC, quadratum BCDF; ducaturque diameter BD; & demittatur semidiameter HG, perpendicularis ad BC. Seccabitur ab ea bifariam tam semicirculus BGC, quàm diameter BD, in puncto G. Facto ergo centro G, intervallo GB, describatur alter circulus per puncta BCDF; connectaturque recta GC.

II. Quoniam igitur in triangulo orthogonio BCD, latus BD subtenditur angulo recto C; erit quadratum BD duplum quadrati BC, *per 47. pri.* Quare etiam circulus BCDF, duplus erit circuli ABGC, *per 2. duodecimi*, & semicirculus BCD, duplus erit semicirculi BAC; & quadrans BECG, æqualis erit eidem semicirculo BAC. Ablato igitur communi segmento BECH, remanet lunula BACE, æqualis triangulo BCG. Quod triangulum si *per ult. secundi* quadretur, erit lunula BACE consequenter quadrata.

Hucusq; bene procedit Hippocrates. Sed ut reliquum dati circuli quadret, sic pergit:

III. Fiat recta LM, dupla ipsius BC; supraque ipsam describatur semicirculus LOM; & ipsi inscribatur Hexagoni æquilateri dimidium LQSM; ac super tribus Hexagoni lateribus constituantur tres semicirculi, uti in Fig. VI. patet. Et quoniam diameter LM dupla est uniuscujusque diametrorum BC, LQ, QS, SM; erit semicirculus LOM æqualis quatuor prædictis semicirculis, *per 2. duodecimi*, & *per 4. secundi*. Ablatis igitur tribus segmentis communibus LNQ, QOS, SPM, relinquetur trapezium LQSM æquale semicirculo BAC, & tribus lunulis LHQN, QRSO, SXMP. Abscindantur itaque de trapezio tria triangula æqualia tribus dictis lunulis, eo modo, quo supra in Figura V. factum est; & quod relinquetur, æquale erit semicirculo BAC; quod deinde quadretur, *per ult. secundi*; & habebitur

Vide Iconi-
simum
I. Fig. VI.

bitur quadratum æquale semicirculo BAC ; & consequenter, si duplicetur, toti circulo $BACG$.

Hactenus Hippocrates. Sed paralogizat, quando ait, abscindantur de trapezio tria triangula aequalia lunulis, eodem modo, quo supra; quia eodem modo quo supra, id minime fieri potest: nam in superiori Figura V. tria. $\triangle LMN$ erat constitutum super latus BC , quadrati $BCDF$ intra circulum descripti; qui circulus facit cum BC majus segmentum, quam faciat semicirculus LOM cum lateribus LQ , QS , SM ; & propterea semicirculus iste non habet eandem proportionem ad unamquamque lunularum suarum, quam habet semicirculus superior BCD ad lunulam $BACE$. Hanc fallaciam credibile est Hippocratem agnovisse, & propter inventi subtilitatem dissimulasse, inquit Blancanus in locis Mathematicis Aristotelis.

§. II. Lunula, cujus basis sit tertia circumferentiæ semicirculi, cui inhæret, illa videlicet quam falsò supposebat se quadrasse Hippocrates, ad spatium quadratum reducitur à Mathematico Romano.

I.

Sit in Figura VII. lunula $ABCD$, partem constituens semicirculi $ABCE$, insidens semicirculo $ACFG$, cujus diameter AG , sit diametri AC dupla; jungaturque recta CG , super quam describatur semicirculus $CHGI$.

Vide Iconism. I.
Fig. VII.

II. Quoniam igitur angulus ACG , utpote in semicirculo, rectus est, per 31. tertii; erit quadratum ex AG , æquale quadratis ex AC , CG , per 47. primi. Et quia circuli sunt inter se ut quadrata diametrorum, per 2. duodecimi; erit circulus diametri AG , æqualis circulis quorum diametri AC , CG ; ideoque & semicirculus $ACFG$, æqualis semicirculis $ABCE$, $CHGI$: quare demptis communibus portionibus $ADCE$, $CFGI$; erunt reliquæ lunulæ $ABCD$, $CHGF$, æquales triangulo ACG .

III. Jam verò in Fig. VIII. constructis, ut prius semicirculis AFG , BE , HI , dividatur angulus C bifariam, per lineam CN ; fiatque angulo ACN , æqualis angulus CAN ; ducanturque

Vide Iconism. I.
Fig. VIII.

Gggg

CN, AN,

CN, AN, donec concurrant in N: concurrent autem quandoquidem efficiunt cum linea CA angulos duobus rectis minores, nempe semirectos ex constructione. Deinde centro N, intervallo verò NC, vel NAC sunt enim illę duę lineę æquales, propter æqualitatem angulorum ad basin, *per 6. primi*) semicirculus COAQ describatur, perficiaturq; semidiameter NQ. Deniq; facto angulo CGM æquali angulo GCM, ducatur GM, donec cum CQ concurrat in M: & centro M, intervallo verò MC, vel MG (quę propter rationem suprà allatam de NC, NA, æquales sunt) describatur portio circumferentię CLG.

IV. Quia ergo linea CQ dupla est lineę CN; erit circulus ex CQ, quadruplus circuli ex CN, propter duplicatam rationem diametrorum, ut constat *ex 20. sexti, & 2. duodecimi*. Est autem circulus ex AC duplus circuli ex CN, *per 31. sexti*, propter angulum rectum CNA (esse autem rectum, probatur *ex 32. primi*, propter angulos ad A & C semirectos) Ergo circulus ex CQ, duplus est circuli ex AC; ideoque semicirculus CAQ, semicirculi ABCE; & consequenter sector AOCN (qui quidem est quadrans, propter angulum in centro N rectum) æqualis erit semicirculo BE. Quare dempto communi segmento AOCE, erit reliqua lunula ABCO, reliquo triangulo ACN, æqualis.

V. Eodem omnino modo probabitur lunula CHGL, æqualis triangulo CMG: est enim par utrobq; constructio, & angulus M rectus, ideoq; sector CLGM quadrans circuli, & lunula HL lunulę BO similis.

Et certè de huiusmodi lunularum tetragonismo, qui quidem Hippocrati Chio debetur, ambigi ullo modo non potest, ideoq; ut certissimus admittitur ab omnibus, dubiumq; non est, quin idem iudex, si ita feliciter lunula ABCD quadraturam absolvisset, præcipuam inter Geometras adeptus esset laudem. Sed quàm ingeniosè priorem lunulam ABCD ad quadratum revocavit, tam fadè turpiterq; in posteriori ABCO hallucinatus est, utramq; simul confundens, quasi una & eadem esset; illamq; se quadrasse præsumens ex eo, quòd huic ultima quadratum æquale descripserat. Quòd quàm

quàm falsum sit, nemo non videt: excedit siquidem lunula BD, lunulam BO spatio lunulari DO. Quod quidem discrimen oritur ex diversitate basium. Habet namq. lunula BO pro basi, seu peripheria inferiori lineam curvam AOC, qua dimidia pars est circumferentia semicirculi, cui inhaeret, nempe LOC: at verò lunula BD basis est linea curva ADC, qua triens est circumferentia semicirculi AFG cui insistit. Quod, ut bene intelligatur, diligenter distinguenda sunt circumferentia LOC, ADFG, CLG, se mutuo interfecantes in C: quod tamen admodum difficile non erit beneficio Figura VII. in qua duas solas lunulas BD, & HF, cum iis aequali triangulo depinximus; praterquàm quòd in Figura VIII. bases lunularum similium BO, HL, solis designavimus punctis, quòd facilius ab aliis distingui possint.

Jam verò, ut ad reliquam problematis nostri demonstrationem accedamus, dico triangulum ANP æquale esse lunulæ ADCO, ac proinde totum ACP toti lunulæ BD. Quoniam enim, ut in priori Figura demonstratum est, lunulæ BO, & HF, æquivalent triangulo ACG; demptis lunulâ BO, & triangulo ACN (quæ quidem æqualia esse demonstratum est) remanebunt lunulæ OD, & HF, reliquo rectilineo ANCGA æquales, sive (quod idem est) duobus triangulis ANP, & CPG: Est autem lunula Hippocratica HL, æqualis triangulo CMG; Ergo duæ lunulæ, OD, HL, simul æquales sunt duobus triangulis ANP, CMG. Demptis igitur æqualibus, triangulo CMG, & lunulâ HL, erit reliquum ANP triangulum, reliquæ lunulæ DO æquale; ac proinde additis æqualibus OB, ACN, fiet tota BD, toti ACP æqualis. Si igitur eidem triangulo ACP, quadratum æquale describatur, erit illud æquale lunulæ BO, quod erat demonstrandum. Hac autem quadratâ Lunulâ, facilis est reliqui circuli tetragonismus. Sit enim semicirculus ABC, in cujus peripheria aptentur tres lineæ rectæ, AI, IL, LC, æquales semidiametro AS: quæ quidem implebunt totam circumferentiam, quando quidem semidiameter lateri Hexagoni æqualis est, ex Corollar. propof. 15. lib. 4. Deinde super easdem describantur semicirculi DM, FM, GO. Quoniam igitur semicirculus ABC, quatuor ejusmodi semicirculis æqualis est, per demon-

Vide Leonis-
nismum
I. Fig. IX.

strata in Figura II; si demantur communes circuli portiones EM, BN, HO, erit reliquum rectilineum AMNOC æquale tribus lunulis DE, FB, GH, unà cum altero semicirculo tali, quales sunt tres prædicti minores. Si ergo ex rectilineo AMNOC detrahantur tria triangula æqualia tribus lunulis prædictis (ut fieri posse demonstratum est in Figura VII. & VIII.) qualia sunt in hac Figura IX. triangula AIP, IPR, PRQ; erit reliquum rectilineum RQCL, uni semicirculo æquale; ideoq; si quadratum ipsi æquivalens inveniatur, *per ult. secundi*; eidem semicirculo æquale esse censendum erit, ac proinde ejusdem quadrati diameter toti circulo quadratum æquale describet.

CAPUT VI.

Tetragonismi seu Quadratura circuli conamen Olomucense.

Tetragonismi conamen sextum.

R. P. Georgius Behm, celebris & veteranus in Mathematico pulvere Athleta, misit ad me *Theses seu Propositiones Geometricas de Quadratura circuli*, quas Anno à partu Virgineo M. DC. LX. in Alma Cæsarea, Regia, & Episcopali Universitate Olomucensi Societatis nostræ defendendas per quendam Discipulorum suorum, cum inibi Mathesin publicè tunc profiteretur, proposuit. In quatuor partes dividit Theses illas: prima versatur circa Quadraturam circuli Gregorianam, editam videlicet à P. Gregorio de S. Vincentio, ut initio hujus libri dixi: secunda circa recentiore Quadraturam, tentatam ab Excellentissimo Dn. Doctore Marco Marci; tertia complectitur inventa propria circa Quadraturam: quarta denique, varia theoremata & paradoxa circa eandem Quadraturam congerit.

In prima parte, præmissis variis propositionibus circa Rationes, Proportiones, & Proportionalitates, tandem Proposit. 12. prodit suam de Quadratura Gregoriana sententiam, & censet à P. Gregorio veram germanamque circuli Quadraturam purè Geometricè esse inventam, ac demonstratam. Addit, idem sentire

sentire profundissimos quosque Geometras, qui magnum illud volumen longo studio evolverunt. Quamvis autem per præruptas & pænè inaccesas vias solutionem problematis sit assecutus P. Gregorius, neque adhuc ratio circumferentiæ ad diametrum, aliter quam per continuas quantitates constet; id tamen rigori geometrico nil ob stare, Geometris manifestum esse autumat.

In secunda parte, cum proposit. 1. & 2. declarasset modum inventæ proportionis inter segmentum hexagonum & extremum, quo utitur Dn. Doctor Marcus Marci; tandem Propositione 3. censet, viam ipsius ad Quadraturam (sic enim appellat dictus Auctor) esse valde subtilem ac ingeniosam: & si quidem per eam daretur ad terminum pervenire, longè expeditiorem esse ac planiorem viâ Gregorianâ. Non perveniri autem per eam ad terminum, saltem hæctenus, ideo existimat, quòd confundat rationem Geometricam cum Arithmetica, uti demonstrat. Et hoc ipsum censet non latuisse Auctorem.

In tertia parte, antequam sua circa Quadraturam circuli Inventâ proponat Propositione 2. & 3. hanc præmittit propositionem.

PROPOSITIO I.

Datâ Quadraturâ invenire circumferentia æqualem rectam.

TAmetsi enim Quadratura P. Gregorii non procedat ex inventione rectæ lineæ, quæ sit æqualis circumferentiæ, juxta viam Archimedis; putat nihilominus P. Behm, datâ eâ Quadraturâ inveniri posse rectam lineam circumferentiæ æqualem. Quod sic demonstrat.

Esto enim quadratum B, dato circulo A æquale. Dato radio AC, & lateri DE, quæraturn tertia proportionalis, cujus dupla sit CF. Ait, lineam rectam CF esse æqualem peripheriæ circuli A. Quoniam enim triangulum ACF, uti Geometris notum est, æquatur quadrato B (nempe per 17. sexti, & per

Vide Iconism. I.
Fig. X.

1. ejusdem) hoc est, circulo A; & ex demonstratis ab Archimede, triangulum rectangulum GHI, cujus latus GH radio AC, & latus HI circumferentiæ circuli A æquatur, est item æquale circulo A: ergo triangu- la ACF, GHI, inter se æquantur; & quia habent eandem altitudinem, erunt bases CF, HI, per 1. sexti æquales. At ex supposito HI æquatur circumferentiæ; ergo ex concedendo nota CF eidem æquabitur. quod erat demonstrandum.

Legitima est Demonstratio. Sequitur Propositio 2. in qua Autor Inventum suum explicat.

PROPOSITIO II.

Dato circulo invenire quadratum æquale exactissimâ praxi.

Vid. Iconi-
smum
I. Fig. XI.

Datus circulus esto A, cui æquale quadratum quæritur. Sextantem BC biseca in D, & ex linea indefinita EF deme- intervallum CD octies, quod sit EG, sintq; in EH quatuor tales partes. Tum centro H, intervallo HE, fiat semicirculus EIG, & GK sit æqualis semidiametro dati circuli. Ait, quadratum ductæ perpendicularis KI, æquale esse circulo A. Et hanc dicit esse omnium hætenus inventarum exactissimam praxin. Demonstrat sic.

Linea EK, ut ex XI. Propos. Hugonii patet, æquatur semiperipheriæ circuli A, ita ut si unam bismillesimam partem radii, seu lineæ KG addideris rectæ EK, jam EK dimidiam peripheriam sit excessura: at ex demonstratis ab Archimede, rectangulum à radio & semiperipheria, hoc est, rectangulum EKG æquatur circulo A; idem autem rectangulum EKG æquatur quadrato lineæ KI, per 8. & 17. sexti: Ergo etiam quadratum lineæ KI æquatur circulo A.

Es hac Demonstratio legitima est, si sibi constat citata Hugonii Propositio, quam non vidi; atq; hac praxis utiq; magis ad accipien- accedit quàm Archimedea. In Propositione 3. docet, dato quadrato cir- culum æqualem exhibere; quam omitta. Sequuntur Theoremata, & Paradoxa circa Quadraturam.

Sequitur ex demonstratis à nobis alibi. Nam si fiat spatium parallelogrammum rectangulum non quadratum, æqualis tamen capacitatis cum quadrato; habebit id ambitum majorem quàm quadratum: & quanto unum rectanguli latus circa angulum rectum minus fit, tantò fit alterum circa eundem angulum majus. Quoniam igitur unum rectanguli latus semper potest fieri minus ac minus, alterum verò semper majus & majus; sequitur propositum.

IV, Rectilinea cum curvilineis faciliùs combinantur, quàm cum rectilineis. Inspice Quadraturam circuli, & cubi Duplicationem: prior enim inventa est, ut putat, secunda minime.

V. Dabimus quadratum finitum æquale congeriei circumulorum infinitorum successivè per impossibile producibilium; & vice versâ, circumulum finitum æqualem infinitis numero quadratis simul sumptis.

VI. Sihodiè Deus circumulum aliquem producat, & cras quadruplò minorem, & sic per totam æternitatem singulis diebus quadruplò minores quàm fuerint in præcedentibus diebus, efficiat; dabimus quadratum finitum illis circumulis infinitis æquale, eritq; sesquiertium primi circumuli.

VII. Metius Hollandorum Geometra rationem diametri ad peripheriam eam esse statuit, quæ est numeri 113. ad 355. proximè. Hanc rationem dicimus esse commodiorem Ludolphinâ.

Vide Iconismum I.
Fig. XII.

VIII. Per motum circumuli rectam curvæ, adeoque circumulo quadratum æquale ostenditur ex principiis Andrea Tacquet. Nam motus æquè celeres percurrunt eodem tempore æqualia spatia: sed motus centri rectus, & peripheriæ motus circularis, possunt esse æquè celeres: ergo linea AB à motu centri designata, dum circumulus in idem punctum eadem celeritate revolvitur, seu unam volutionem CD perficit, æquabitur peripheriæ circumuli, seu viæ quam punctum C contactus primi percurrit.

De hac re quid sentiendum, patet ex dictis in 3. Parte Magia lib. ultimo, & ex dicendis mox sequenti Dissertatione.

IX. Quam-

IX. Quamvis possibilia sint infinita rectilinea, quorum ambitus æquantur ambitui alicujus circuli; nullius tamen ex istis rectilineis area æquabitur area hujus circuli. Quare circulus & quadratum isoperimetra, non sunt æqualia.

Ratio est, quia ut Clavius in sphaera demonstrat, omnium isoperimetricarum figurarum capaciſſima est circulus.

X. Circuli Quadraturam ita invenies per aquam. Globum aliquem demitte in vas quadrilaterum aquâ aliquodiusq; repletum: nam ascendens in quadrilatero aqua dabit rectilineum corpus illi globo æquale. Eundem globum in vas cylindraceum aquâ non omnino plenum immitte; & aſurgens aqua designabit cylindrum globo, vel illi rectilineo æqualem. Fac huic rectilineo aliud rectilineum æquale, ejusdem tamen altitudinis cum dicto cylindro: & erit hujus rectilinei quadrilatera basis æqualis omnino circulari basi ipsius cylindri.


XI. Circulus infinicus non potest quadrari. Nam quod potest, & non potest, absolute non potest.

XII. Sit licet peripheria ad peripheriam, uti diameter ad diametrum; non tamen circulus ad circulum, sed ut potentia diametrorum.

XIII. Circulus ad quadratum diametri habet se, ut arcus 90. graduum ad diametrum præcisè. Quæ ratio numeris expressa, minor est quàm 11. ad 14. major verò quàm 223. ad 284. Quadratum verò circumferentiæ ad circulum, majorem habet rationem, quàm 892. ad 71; minorem autem quàm 88. ad 7.

XIV. Licet Angelus possit occupare spatium alicujus circuli, non tamen quodvis spatium illi circulo æquale.

XV. Nemo hactenus frustra quæſivit circuli Quadraturam.



CAPUT VIII.

Tetragonismi seu Quadratura circuli conamen Viennense.

*Tetrago-
nismi cona-
men octia-
sum.*

PAUCOS ante dies missum ad me fuit Viennâ Austriæ, à P. Ferdinando Montegnana, sequens Problema, cum hisce adjunctis litteris, die 3. Febr. hujus Anni 1663. datis. *Claritas nominis &c. facit, ut hanc exiguam Opellam ejusdem &c. judicio, utpote &c. subjiciam. Quod equidem eò lubentiùs facio, quò nihile esse contemptui R^a. V^a. quamvis exiguum, vel etiam temerarium, aliunde intellexerim. Hac spe fretus oro Ram. Vam., dignetur examinare opellam hanc; atq; ad legum trutinam probare, mihiq; judicium suum & censuram, pro benevolò suo erga socios & fratres suos animo, communicare. Precor interim R^a. V^a. calitùs omnia desiderabilia; meq; ejusdem sanctissimis sacrificiis demissè commendo. Vienna 3. Febr. 1663. Problema, quod est de Linea recta circulo aequali, ipsiusmet Auctoris verbis propono, ut sequitur.*

I. Hactenus demonstratum est, circuli peripheriam æqualem esse ter sumpto diametro, additâ insuper portione majori C. quidem partibus 141. 592. 653. 589. 793. 238. 46. minore D. tamen 141. 592. 653. 589. 793. 238. 47. remanentibus diametri partibus 858. 407. 346. 410. 206. 761. 53 inter & 4. **E.** ita ut diameter sit 1000. 000. 000. 000. 000. 000. 00.

II. Igitur quadrans circuli habebit diametri sic divisi partes 785. 398. 163. 397. 448. 309. 61. & aliquid insuper, quod tamen non attingit $\frac{1}{4}$. Reliquum diametri supra circuli, erit **G.** 214. 601. 836. 602. 551. 690. 38. & aliquid insuper, quod quidem plus est $\frac{1}{4}$: totum verò G quadruplicatum, reddit numerum D supra positum.

His positis fundamenti loco, cardo rei vertitur in partiendo geometricè ita diametro, ut illis arithmeticè sumptis

ptis totidem hæ ex æquo partes respondeant. ergo

Ad hoc Vide Iconism. I. Fig. XIII.

III. Sumo in primis signoque tres quartas diametri, *juxta 40. primi Eucl.* prout in proposita Figura sunt R E. Deinde sumo signoque portionem æqualem lateri quadrati circulo normaliter inscribendi, uti est R S, æqualis rectæ ex R in a ducentæ. Tum residuum SO triplum sumo, signoque in punctis O, S, U, M. Reliquam partem MR partior in quatuor partes æquales, quarum una sit R A. Huic æqualem designo ex E in I, modo infra Num. VIII. dicendo. Sic perfecta erit geometricè partitio diametri, ex æquo respondens illis Num. I. & II. Quod ut pateat,

IV. Dico, diametri portionem R S esse partium diametri ut suprâ divisi 713. 864. 217. 863. 264. 412. 82. & aliquid insuper, quod tamen $\frac{1}{2}$ non attingit. Interim ponamus esse $\frac{1}{2}$ R. Est enim potentia portionis hujus, dimidia potentia diametri, *per 47. primi*; proinde nec excedere dictos terminos, nec deficere ab illis potest, uti ex dicendis constabit. Parum autem refert hîc & nunc indivisibile illud arithmeticum, dum geometricè habeatur.

V. Erit itaque residua portio diametri SO partium, ut suprâ 28613578213673558717 $\frac{1}{2}$. Hujus tripla OM. 85840734641020676153 $\frac{1}{2}$, totidem scilicet partium, quot sunt D. suprâ Num. I. uti & reliquæ MR complentes diametrum, 14159265358979323846 $\frac{3}{4}$, totidem sunt, quot suprâ inter B & C. Num. I. quas supra ter diametrum circulus requirit.

VI. Atque ita habetur geometricè divisus diameter, ejusque partes singulæ ex æquo respondentes arithmetice illis partibus Num. I. & II. quod erat propositum. Habetur & diametri portio R M. quæ ter sumptæ adjecta diametro circum æquat. Habentur hinc & reliqua, de quibus infra.

VII. In primis autem habetur circuli quadrans æqualis rectæ R I; sunt enim tres quartæ diametri: deinde una quarta

Hhhh 2

ex MR,

ex MR, est EI; quæ simul sumptæ dant circuli quadrans.

RE. 75000. 000. 000. 000. 000. 000.

EI. 3539 816 339 744 830 961½.

RI. 78539 816 339 744 830 961½.

VIII. Ut autem is ipse quadrans circuli geometricè habeatur, sumenda primò est diametri portio illa RS, de qua num. III. & IV. atque huic adjungenda una quarta residui diametri SO, quæ est SI, *juxta 40. primi*. Eo pacto habetur circuli quadrans: nam reliquæ tres quartæ IO. quadruplicatæ in diametro deorsum, terminantur in eodem puncto M. in quo terminantur triplicatæ OS. *juxta dicta num. III.*

IX. Atque hinc habetur jam etiam latus quadrati circulo æqualis, ductâ perpendiculari ex puncto I. ad circumferentiam circuli: nam ex puncto „ in quo eam tangit, subtenfa in R punctum unum diametri, est tertia proportionalis diametrum inter, & portionem diametri RI. *per 17. sexti*. Cùm autem RI sit quadrans circuli, per demonstrata; erit subtenfa „ R latus quadrati circulo æqualis, per Theoremata *Archimedis* de Dimensione circuli. Qua de re videatur *Clavius* lib. 4. Geomet. cap. 6. & 7. in Append. Coroll. 3. *Gaspar Schottus* in Cursu Mathem. lib. 6. Geomet. à Proposit. 7. & seqq. & in Pantomet. lib. 3. à Problem. 7. & seqq.

X. Habetur & rectangulum dato circulo æquale, cujus latus unum sit diameter, alterum quadrans circuli RI. Habetur & triangulum rectangulum, cujus latus unum circa angulum rectum sit semidiameter, basis autem sit dupla RI. Habetur denique modus reperiendi circulum æqualem cuivis dato quadrato, vel cuivis alteri figuræ rectilineæ: uti è contra describendi figuram rectilineam, dato cuivis circulo æqualem; aut cuivis datæ lineæ rectæ circulum æqualem; *juxta ea, quæ prædicti Authores peritissimè tradunt*. Sed & complura alia hinc pendentia haberi possunt, hæcenus desiderata ad Matheseos, inprimis autem ad

Astronomiæ, Calendarii, & similium perfectionem. *Hæc tenus Auctor Problematis.*

ANNOTATIO.

SI calculus Auctoris sibi constaret, foret Problema hoc (quod ingeniosum est) non inutile ad praxim, utpote satis accuratum, quandoquidem non abesset à proximè vera ratione plus quàm $\frac{1}{100}$ proximè talium partium, qualium Diameter est 100. Geometricè tamen punctum non attingit, ut ipsemet Auctor fatetur; ac insuper fluctuat inter indivisibilia aliqua arithmetica in adsignanda parte, quâ peripheria circuli superat triplum diametri, aut in determinanda arithmeticè linea quadranti peripheria equali, aut in dividendo diametro geometricè ita, ut hæc partitio arithmeticè partitioni antea à se adsignata ex aquo respondeat.

Dixi, si calculus sibi constaret: ipsemet enim Auctor illegitimum paulò post transmissum Problema, deprehendit, uti significat in aliis die 15, ejusdem hujus anni ad me datis.

De eodem Problemate alius, cujus sententiam per litteras exquisiveram, hæc ad me scribit Moguntiâ die 2. Septembris.

SS:(o):SS



quæsitam, quamvis ea propter Incommensurabilitatem, numeris exprimi non possit: Hæc Auctor perquam ingeniosè in hac numerorum Hypothesi, sed erronea, prout ego colligo ex meomet calculo, quem hîc subijcio.

Diameter AB	ζ.	100	000	000	000	000	000	000
Latus BC	η.	70	710	678	118	654	752	440+
Differentia AD	θ.	29	289	321	881	345	247	550—
Triplum AF	κ.	87	867	965	644	035	742	650—
Residuum FB	λ.	12	132	034	355	964	257	349+
At vero proximum est	μ.	14	159	265	358	979	323	846+

Ex quibus manifestum est 1. Positâ Diametro in Partibus α. vel ζ. Latus Inscripti Quadrati non esse β. numerum, ac nec eum, quem Author in altero schediasmate substitutus, videlicet ipsum 70 720 000 000 000 000 000 000, sed numerum η., prout facilè constabit extrahenti Radicem ex semisse ejus, quod fit à Latere AB Quadrati.


In numerum quoque λ. irrepsisse errorem, ut patet, si numerus κ. ducatur in 3. Nam postrema quoque sive dextima, binario est major.

2. Portionem FB nimium quantum distare ab Excessu illo, quo circuli ambitus superat Triplum sui Dimetientis; quem admodum videre est in duabus postremis λ. & μ. numerorum, seriebus. Unde conficitur, reliquas etiam Demonstrationes Auctoris vim suam habere non posse. Cæterum Inventum hoc Hecatombe suâ fuisset dignissimum.

3. Patet denique Principium Paralogismi totius esse à numero β. ad quem tamen mirum est, quo modo deductus fuerit Auctor: cum alioquin per Analysin à superioribus ad inferiora institutam in eum deveniri non possit, nisi vice versâ Senesis instituatur numerorum à numero α. Hæc nunc raptim Rev. V. significanda occurrebant.

Verum.

Verum si facilitatem & *angustias* majorem spectare velimus, occurrit mihi jam Praxis illâ multò melior, & & sic habet. Describatur centro F circulus ADCB &c. fiatq; eâdem Circini aperturâ sectio primùm in C actum in D. Nam ducta recta BD, erit latus Trianguli æquilateri circulo inscripti; hoc latere subtracto ex diametro AB, restabit portio EA, quæ Triplo diametri addita, conficit Rectam Peripheriæ multò propinquirem. Nam in numeris



Juxta Praxim Montagnaas $\frac{111}{1000} +$
est illa portio

Juxta sane meam.

Juxta Ludolphum


134
Y000

paulò

141
1000

Qual. Diame-
ter est 1000

Demonstratio facilis est: nam posita semidiametro AB partium 10 000 000, erit arcus BC graduum 60 sinus BH, earundem 8660254. Hoc est, posita tota diametro 10 000 000. siue radio gemino, erit etiam geminatus sinus BH siue chorda BD. earundem 8660254. Quibus subtractis ex BA 10 000 000, restabunt $\frac{133}{177} | \frac{974}{90}$ proximè, pro portione AE.





LIBER NONUS.

MIRABILIA CHRO-
NOMETRICA,

Sive

TECHNASMATA VARIA

AD TEMPORUM DIMENSIONEM
MECHANICAM SPECTANTIA.

PROOEMIUM.



Um tempus , quod numerum motûs
secundùm prius & posterius definiunt
Philosophorum Scholæ , adeo sit du-
biæ quoad velocitatem ac tarditatem
uniformitatis , ut nullus fortassis etiam in cœlo sit
motus , cui illa constanter competat ; minimè mi-
rum videri debet , nec accuratam temporis mensu-
ram ullos hætenùs seu Philosophos , seu Astrono-
mos, seu quoscunque Chronometros esse assecutos,
utut varias ad id machinas adhibuerint, Clepsydras
inquam, Arenaria , Horologia rotata , Sciatherica
varia Analemmaticaque instrumenta, mille errori-

bus obnoxia , ob aëris vicissitudines , radiorum sideralium refractiones , siderumque inconstantes parallaxes. Minori inconstantiæ & errori subiectus est perpendiculi usus , quem Recentiores Mathematici cum Galilæo , Baliano , Merfенно , Honorato Fabry , Ricciolo , aliisque non paucis, invexêre. Qui usus si ad varias Chronometricas machinas , quâ antiquas , quâ novas applicaretur ; næ magnus non ad Mechanicam tantummodò Chronometriam , sed ad Astronomiam quoque , Geographiam , Hydrographiam , Nauticam , reliquamq; Mathesin universam fieret accessus.

*Chrono-
metria me-
chanica
nova.*

Faciet hoc præsens Liber. Dabit enim novas , varias , ingeniosissimèque constructas Chronometrorum mechanicorum omnis generis species, è nova Chronometria Mechanica , novaque motuum scientia , quam Amicus conscribere cœpit , suoque tempore multis auctam atque expolitam , DEO dante , prælo præparabit , non sine Litterariæ Reipublicæ emolumento , excerptas. Habebit illo in Opere Lector theoriam cum praxi pulchro fœdere conjunctam. Habebit ad Operis perfectionem , & intelligentiam faciliorem definitionio-

finitiones , divisiones , Hypotheses novas ac varias circa Motum , Tempus , Spatium , mutuum magnitudinum contactum , Rotationem , aliaque. Habebit accuratam de Pendulis seu Perpendiculis , eorumq; vibrationibus , & inter se accum tempore commensurationibus dissertationem , cum innumerabili pænè Horometrorum , aliorumq; ad Chronometriam Mechanicam spectantium technasmatum suppellectili.

Nos quia hoc in Opere Praxin tantummodò neglectâ theoriâ , ne in immensam excrescat molem , confectamur , omissis aliis paucas ex dicto Amici Opere excerpemus Machinas , futuri Operis specimen non ignobile , ubi priùs nonnulla de variis Rotarum generibus , Perpendiculorumq; proprietatibus præmiserimus , utpote sine quorum rudi saltem notitia neq; explicari queunt quæ sequuntur ,
neq; intelligi.

PARS PRIMA

PARASCEVASTICA.

Totum hunc de Chronometricis Librum, ordinis & compendii gratiâ, in duas Amico differtiar Partes. Prior hæc erit quasi Parascevastica, variam Principiorum & Technasmatum suppellectilem chronometrie Mechanicæ suppeditans. Posterior Automaturgica, novas & varias Chronometrorum tam Rotatiliū, quàm aliis etiam modis construendorum adferet rationes; nec non eorundem perpetuandorum praxes, præsertim faciliores. Alias verò, quarum constructio difficilior, & descriptio operosior, in sequentem rejiciemus Librum.

CAPUT I.

Varia Rotarum ad Chronometriam Mechanicam spectantium genera.

*Rotæ Variæ
pro horo-
metricis in-
strumentis.*

Chronometrica instrumenta, quæ dabimus, rotis ferè constant & rotatilibus, variè inter se se implexis; unde & rotarum Machinarum nomenclaturam obtinuerunt. Hæ Rotæ, ut sibi mutuò aptè ad motum reciprocum efficiendum implicentur, varia requirunt in superficiebus suis variarum figurarum, corpuscula, quas in universum *Ansas Rotantes* appellat Amicus; in specie verò Dentes, Digiti &c: à Mechanicæ Scriptoribus appellantur. Inter eas Ansas, cùm aliæ aliis sint aptiores ad rotationem



Fig. I.





Figura 2.



Fig. 3.

tionem sine remoris & offensatione mutua peragendam, primum locum obtinere videntur *Ansa Cylindrica*, quales in Iconisf. II. Fig. I. cernuntur in arcu A B: tum *Ansa Semicylindrica*, vel quasi tales, ut in arcu A F: denique *Hemispherica*, & alia, quæ ad efformanda mechanicè Rotabilia assumi solent, aut possunt, ut bene advertit Amicus. Ex his varias ipse ac etiam novas Rotarum species deducit, adsignato cuilibet Rotæ suo nomine quàm fieri potest apertissimo, ut sequitur.

Vide Iconism. II.
Fig. I.

I. *Plana* vel *Orbiculata Rota* est, in qua rotantium ansarum bases quibus insistent, sunt omnes in eodem plano, quamcunque tandem figuram ex inferiùs enumerandis obtineant,

II. *Cylindrica convexa Rota* est, quando in exteriori cylindri superficie, vel aliquo ipsius circulo, rotantes ansulæ sunt ordinatæ, quamcunq; figuram illæ obtineant.

III. *Cylindrica concava Rota* dicitur illa, in cujus interiori cylindrica superficie, vel aliquo ipsius circulo, rotantes ansulæ qualiscunq; figuræ sunt dispositæ.

IV. *Conica convexa Rota* est, quando in exteriori superficie coniper planum basi parallelum truncati, rotantes ansulæ cujuscunq; figuræ coordinantur.

V. *Conica concava* dicitur, si in interiori coniper superficie rotantes ansulæ, quacunq; figurâ præditæ, disponantur.

VI. *Annulus rotabilis*, vel *Annularis Rota* dicitur, cujus ambitus cum centro, à quo maximè distat, nullâ semidiametro solidâ connectitur; idq; sive sit Annulus planus, sive Cylindricus, conicus, tam convexus, quàm concavus.

VII. *Dentata Rota* vel *Odontoides* est, cujus ambitus exasperatur ansulis incisus vel infixis, præditis formâ semicylindricâ, ut in arcu A F; vel polyedriprismatis, ut in arcu F E.

VIII. *Digitata* vel *Dactyloides Rota* est, cujus ambitus distinguitur paxillis sive planè cylindricis, ut in arcu A B, sive cylindros proximè attingentibus, ut in arcu B C.

IX. *Mucronata* sive *Glottoides Rota* est, quæ in ambitu habet incisas ansulas rotantes figuram mucronis aut linguæ referentes, quales in arcu E D conspiciuntur.

X. *Bullata* vel *Gemmata* est, in cujus ambitu disponuntur

Sphærolæ vel *hemisphæria convexa*, aut *excavantur concava*, *convexis* in altera *rota* *respondentia*. Prioris *fragmentum* refert *arcus DC*.

XI. *Stellata* vel *Astroïdes Rota* est, *cujus ambitus exasperatur trigonis prismatibus*, *æqualia utrimq; latera habentibus*, ut in *arcu GH*.

XII. *Serrata* vel *Climatoïdes Rota* dicitur illa, quæ non fecus ac prior armatur in ambitu prismatibus trigonis; hac tamen differentiâ, quòd eorum latera sint inæqualia, ut cernitur in *arcu GN*.

XIII. *Cochleata* vel *Helicoïdes Rota* est, in *cujus ambitu* *efformantur striæ quædam*, certâ *anguli quantitate ad axem rotæ inclinatæ*, quamcunque tandem *figuram habeant*; quæ tamen ad quatuor commodissimè *reducuntur*; *Semicylindricam*, ut in *arcu AF*; *Trigonalem*, ut in *arcu GH*; *Quadrilateram*, ut in *arcu KL*; & *Trapezoidem ML*. Harum primam vocat *Amicus Cochleam Cycloïdem*, secundam *Trigonoidem*, tertiam *Trapezonoïdem*, quartam *Trapezoidem*.

XIV. *Glabra* sive *Lævis Rota* est, *cujus ambitus nullas habet ansatas asperitates*, sive ea sit *Orbicularis*, sive *Cylindrica*, *Conica convexa vel concava*.

XV. *Unciata* seu *Harpagoïdes Rota* est, quæ in ambitu dispositos habet *uncos*, ac velut *harpagones*, ut in *arcubus HK & NM* cernitur.

Pleniorem explicationem, & usum hætenus explicatarum *Rotarum*, aliorumq; eò spectantium, videat *Lector suo tempore apud Amicum*.

CAPUT II.

De Pendulis seu Perpendicularis, eorumq; proprietatibus nonnulla.

L

Vide Iconism. II.
Fig. II.

PENDULUM vel Perpendicularum, est grave è linea liberè suspensum sic ut in puncto suspensionis absque resistencia moveri possit.

possit. Tale est in Figura 2. Perpendicularum AB in A puncto mobile.

II. Centrum motûs perpendiculari est, circa quod immobile *Perpendi-
culum, ejus-*
motus peragitur; ut est punctum A. *que affe-
ctio non*

III. Altitudo sive Longitudo Perpendiculari, est distantia centri gravitatis ipsius penduli ponderis, à centro motûs naturalis ejusdem; qualis est longitudo AG.

IV. Perpendicularis seu Orthodroma Perpendiculari, est linea recta Horizonti ad angulos rectos insistens, in qua perpendicularum naturaliter quiescit, ut in Figura est recta AB.

V. Vibrationes seu Oscillationes perpendiculari, sunt motus ipsius ultra citraque Orthodromam AB reciprocanter facti per arcus majores vel minores.

VI. Vibratio simplex, est unica Perpendiculari oscillatio, ab uno arcu termino ad oppositum continuata; ut motus factus à puncto C ad D, aut vice versâ ex D in C.

VII. Bivibratio sive Vibratio composita, est Oscillatio ex duabus simplicibus conflata, mixta ex accessu & recessu Penduli ad eundem arcûs terminum; ut motus factus in arcu DC, primum ex D in C, tum post ex C in D.

VIII. Semivibratio est motus factus ab uno termino arcûs ad Orthodromam, vel ab hac ad arcûs terminum. Sic motus ex G in D, vel vicissim, dicitur semivibratio.

IX. Duorum perpendicularorum quoad omnia æqualium exceptâ Altitudine, quod majoris est Altitudinis, intra æquale tempus pauciores numero Vibrationes absolvit, sed totus ejus motus longiori tempore perseverat.

X. Duorum Perpendicularorum per omnia æqualium exceptâ Altitudine, illud quod minoris est Altitudinis, singulas Vibrationes, & totum motum suum cæteris paribus citius absolvit.

XI. Duorum perpendicularorum in omnibus æqualium præterquàm in gravitate, illud quod gravius est, diutius in motu perseverat, & intra æquale tempus plures numero vibrationes peragit.

XII. Duorum perpendicularorum in omnibus aliis æqualium, illud quod paulò gravius est, sed majoris notabiliter molis, pauciores æquali tempore vibrationes absolvit, quàm alterum.

XIII. Duorum Perpendicularorum in aliis æqualium, sed uno excedente in gravitate individuali, altero in mole, illud quod levius est, citius quiescit, & pauciores æquali tempore vibrationes absolvit.

XIV. Perpendiculari ejusdem vibrationes majores minoribus, ad sensum non sunt æquidistant.

Vide Iconis-
fin. II.
Fig. III.

Deprehendit hoc frequenti experimento P. Honoratus Fabry, ut ipsemet fatetur lib. 2. § 5. sua Physica edita sub nomine Petri Mosnerii; & fatetur etiam Mersennus in versione Galilaei lib. 1. art. 18. Idemprehendit accurato experimento Amicus Moguntia, sumptis duabus sphaeris plumbeis aequalibus, æque gravibus, & æque politis in superficie, suspensis ex duobus filis ancis ex eodem globo dissectis, ideoque æque crassis, rectis ad sensum, & ejusdem longitudinis. Filorum extremitas ea quæ erat centrum motuum, formata erat in eum modum, quem Fig. 3. exhibet, sicut axis AB malleo nonnihil tusus & planus redditus fuerit, &c.

Hæc pauca ex multis, quæ Amicus habet, sufficiunt instituto nostro. Nunc ad Chronometrica Technasmata cum eodem progredimur, inchoantes ab illis, quæ ad temporum mensuras exactiores reddendas pertinent.





CAPUT III.

MENSURÆ CHRONOMETRICÆ.

Chronomet-
rica men-
sura.

Nihil est ab omni parte beatum, sive de primis incunabulis ac infantia, sive de perfecta maturitate senioque rerum intelligas, ut rectè cecinit Horatius. Fidem faciat perpendiculum, à nuperis Astronomis ad Praxes Chronometricas traductum; in quo licet multa sint, quæ commendes, illud tamen incommodum Vir hac ætate nostra per quàm celebris querebatur, quod cum vix possibile sit hujusmodi vibrationes, præsertim minutiores, sine errore aut perturbatione, oculis ad eas paulatim caligantibus, computare, negotium istud etsi theoreticè satis certum & evidens, practicè tamen ad res Astronomicas momenti majoris nequa-





ququam esse adhibendum. Et experti sunt ii, quibus vigilatæ ex ordine noctes, non leve vel in ipsa hujus Arithmetices Numeratione credunt fastidium. Ego verò cum in Gravibus è rigida Quantitate suspensis rara quædam ac recondita & suspicerem & suspicarer, laboraremque vel in eorum vibrationibus, vel in aliarum Machinarum motibus eorum adminiculo perpetuandis; deprehendi in iis non pauca, quorum quædam in Theoresis meis, Analectorum loco à P. Casp. Schotto in Cursu suo Mathematico propositis annotavi, nonnulla hîc in medium adducam, non pauca, inter quæ *Viode, Viole Neminne Tibræa Tirisalpon*, in aliud mihi oportuniustempus reservabo.

PROPOSITIO I.

Perpendiculum ad mensuram Temporum sic accommodare, ut ejus vibrationes sine interrupto continua numerationis labore fideliter suppurtari possint.

TAmetsi pluribus modis id factibile sit, hos tamen, qui sequuntur, magis, ut mihi videtur, expeditos, indicasse sufficiet. Ut terque serviet Astronomo ad decempedalis aut alterius cujusvis longioris Perpendiculi vibrationes absque fastidio supputandas in quocunque loco, ad quem Machinula facillimè transfertur & firmatur.

Vid. Icon.
nism. II.
Fig. VII.

*Pendulum
ad mensu-
ram tem-
porum ac-
commodare.*

Technasma. Sic Perpendiculum AB, lubitæ quidem, commodiùs tamen majoris cujuspiam Altitudinis; habens axem CD transversim sic adaptatum, ut cum eo in punctis C & D liberri-
mè vibrari possit. 2. Accommodetur brachiolum quoddam EGF, circa axiculum, in medio sui fixum, sine ulla resistantia mobile, & huic annectatur uncinus GH versatilis aliquantum in G. 3. Brachioli EGF extremitas E contingens hastam Perpendiculi, sit quàm lævissima, habeatq; formam Hyperbolæ acutioris, sive mucronis aut Linguae. 4. Simili modo hasta Perpendiculi sit efformata in ea parte, quâ à brachiolo respicitur & tangitur, mucronibus his sibi mutuò obversis. Reliquorum Structura patet ex Figura.

Motus. Admotâ manu vibretur semel Perpendicularum, illud autem sive majores, sive mediocriter minores arcus percurrat, trudet in transitu extremitatem E, brachioli EF, quod elevatum aliquantulum, per unum GH apprehendet alium, atque alium denticulum Rotæ K ferratæ; quæ ne regrediatur aliquando, cavet pestulus KL ostans in contrarium. Denique Rota ferrata circa axem defert tympanum dentatum, denticulis circumferentialibus Rotæ M implicitum. Indices K & M alicubi firmati, indicant in Rotis mobilibus, quod Sexagenas vel Centenarios vibrationum peregerit Perpendicularum.

Advertendum I. Acumina illa Hyperboliformia brachioli & hastæ in E, sint quàm politissima, & acuminis competentis. 2. Brachioli versus E nisus ex gravitate sua, sit quàm minimus, ac talis, qui ad circumagendam Rotam K facillimè mobilem, sufficiat. 3. Idem brachioli extremum quàm minimum inclinet, & objiciat se perpendicularo, ut v. g. ad duas aut tres transversas acus vulgares, hinc & Rotæ ferraturam subtilem minutamq; esse oportet, aliàs impetus perpendiculari nimium retundetur, ut non diu reciprocari possit. 4. Praxis hæc, ut initio monuimus, in longioribus perpendicularis expeditissima; in brevioribus habebit locum, si non desit artificis industria. Si perpendicularum sit flexile & ex Catenula compositum, sint Axis CD & reliqua portio AE solida & continua, reliquum tribuatur catenulæ.

ANNO TATIO.

B Rachiolum EGF Figura 7. præcedentis sic movetur à perpendicularo. Concipiatur perpendicularum AB vibrari versus conspectum legentis, super axe CD, & tum lateraliter objiciatur lingula illa hyperboliformis G, horizontaliter tamen collocata, hoc est, cujus planum equidistet plano Horizontali, seu axi CD. Impinget enim hasta AB perpendiculari in mucronem a lingula hyperboliformis, trudetq; totam hyperbolem versus G. Hoc factò, necesse est, brachiolum EGF recedere ad latus, supra quidem versus G, infra verò versus F: unde & uncinus H elevatus, ac protrusus versus L, apprehendet novum dentem rotæ serratæ K; & brachiolo pondere suo regrediente versus E, attrahet & circumducet rotam illam, facillime mobilem, tantulo intervallo, quantum denticulus unus rotæ distat ab altero.

PROPO.

PROPOSITIO II.

Idem aliter efficere.

T*Echnasma.* Perpendicularum AB, sit ut prius circa axem CD Vide Iconisin. II. Fig. VIII. liberè mobile; habeat autem hasta Perpendiculari affixam sibi verticali situ Hyperbolam K, vel aliam similem figuram, Pendulum sic ut vertex ejus E deorsum vergat. 2. Brachiolum sive librile EF in extremitate F præponderet aliquantulum, sic aliter accommodare ad mensuram temporis. tamen ut non inclinetur deorsum plus quam necessitas exigit, inhibente id obstaculo quodam, in eam rem ex alterutra Centri parte convenienter firmato. 3. Eidem Brachiolo EF adaptetur lanceola GH, in G centro mobilis. Reliqua ipsa Figura depingit.

Motus. His ita præparatis, si concipiatur Perpendicularum AB, circa CD puncta axis, Arcus vibrationum describere, quoties id ad Lineam Orthodromam (cap. 2. num. 4.) appulerit, deprimet Hyperbolæ vertice libram EF; hæc autem inclinata, per lanceolam GH, impellet uno dente Rotam serratam, apprehendens alterum succedentem, postquam submotâ cursu Perpendiculari Hyperbolâ, libræ extremitas E sursum ascenderit.

Advertendum I. In hac Praxi similiter curandum esse, maximè, ut Perpendicularum quàm minimam ex objectu prædictæ Libellæ sentiat resistantiam. 2. Lanceolam GH in altera quoque libræ hujus portione, ut in F accommodari possit, si id necessitas exigit: quin & utrobique si construantur hæ Lanceolæ, utraque quo fungatur, habebit officium. 3. Si Tympano Rotæ M. vel alterius eâ inferioris Pondus esset appensum, superiores Rotas leniter circumducens, ad illud per oscillationes Perpendiculari sensim laxandum, ex antedictis difficile non erit ingenioso cuivis industriam modumq; deducere. 4. Cum in utràque illa Propositionis utriusque Praxi, languescuntibus paulatim oscillationibus Perpendiculari, necesse sit illud per intervalla manu impellere, posset id ipsum etiam artificialiter fieri, ut videlicet per intervalla certa temporis detur impulsus Perpendicularo.

vel à pondere quodam appenso in eum finem ex chorda Cylindro cuiuspiam circumvoluta, vel ab alio grandiore perpendiculo, quorum utrumque oclusum esset suo pessulo, & referatum statim temporibus impingeret in brachiolum perpendiculo AB connexum &c. Hæc indicâsse sufficiat, cum meliora in eo genere occurrant proponenda.

PROPOSITIO III.

Vibrationes Perpendiculi continuare; sive primò datum Perpendiculo impulsus, Ponderis aut alterius Potentia mobilis eidem applicata subsidio conservare.

Perpenduli vibrationes continuare.

VARIAS olim ad id efficiendum industrias excogitavimus, ex quibus hîceas tantum adferemus, quæ ad Horometra tum nova tum antiqua, maiorem cum facilitate constructionis adferrent utilitatem. Etenim si horologiis etiam usitato modo constructis Perpendiculum debite applicetur, (de quo infra Prop. 7. 8. & 9.) adeò reddi possunt accurata, ut quid in eo genere exactius excogitari possit, vix reperiatis; & hoc ipsum ab aliis quoque observatum est. Quoniam verò motus Perpendiculi est libratorius & reciprocus sive retrogradus, adferemus varias motus ejusmodi species, huic instituto magis accommodatas.

Vide Iconism. III. Fig. IX.

Technasma. Esto Perpendiculum AB, cujus axis AC, deferens duo Tympana dentata, quibus apprehenditur utrinque circumferentia Rotæ DE Dentatæ sed Interruptæ sive interpolatæ, in cujus constructione servatur id artificium. 1. Determinetur arcus unius vibrationis à Perpendiculo describendus: sit is v. g. graduum 60. 2. Assignetur numerus dentium in ambitu utriusque tympani dentati seorsim, & sit is 12. vel brevius 9: respondebuntque arcui vibrationis gr. 60, dentes tres. 3. Sumatur numerus aliquis impar pro ternariis dentium in Rotæ DE toto ambitu; sit is v. g. 25. quibus dentium ternariis interjici debet tantum spatii vacui, quantum tres denticuli alias occuparent: Hoc est magis ad captum. Duplicetur 25. numerus ille impar, assumptus initio, fientque 50. Incidantur itaque toti Rotæ den-

tes.

tes 50, (servatâ tamen debitâ proportionē inter Peripherias tympanorum, & ambitum Rotæ, per ea, quæ in Cyclometricis traduntur, & norunt artifices haud imperiti) ac tum terni quique denticuli, tribus omiſſis, cogitentur effracti &c.

Motus Instrumenti per se patet: Appenso enim competenti Pondere Rotæ HK, vel potius alteri cuidam eâ inferiori, dateque semel impetu Perpendiculo AB, necesse est illum conservari vi constructionis Machinæ. Nam Rota DE semper in anteriora progreditur, & dum tribus denticulis impellit tympanum D, alterum E tympanum liberrimè vertitur in oppositum inter intervallum illud edentulum, usque dum ultimus illius ternarii denticulus D tympanum linquat; tunc enim appellet ternarius dentium ad oppositum E tympanum, & in oppositam partem, hoc est ad relegendum confectum prius arcum, incitabit Perpendiculum.

Advertendum I. Reliquarum Rotarum seriem & Proportiones pendere ab artificis arbitrio. Si quis tamen Horologium construere vellet ejus rationis, ut ejus Bivibratio sive composita ex itu & reditu Perpendiculi vibratio æquivalere deberet uni scrupulo secundo, conficiat in Rota DE, 25 ternarios interpolatos; Tympanum F dentium 8; Rotam HK 96; Tympanum G 8. cui innectatur infima Rota dentium itidem 96: sic enim intra horam unam fient Bivibrationes 3600. Altitudo perpendiculi varia erit pro ratione ponderis B, citra tamen vel ultra pedis unius Longitudinem. II. Locò Rotæ DE Interpolatæ ad animandum perpendiculum, construipoteſt serrata Orbicularis in horologiis vulgaribus usitata, & tympanorum loco duæ anſæ ſerraturam reciproçè prehendentes, ut satis notum est; verum illius inventionis nostræ commodum singulare, nec unum patebit ex ſequentibus. III. Tympana D & E axi CA imposita non est cur in toto ambitu dentatæ ſint, ſufficit, ſi pars eorum inferior Rotam reſpiciens dentibus inſtruatur. IV. Cùm Axis CA tanquam Diameter Rotæ DE tranſire debeat per ejus Centrum, & conſequenter Axis Rotæ Interpolatæ per Axem priorem CA; fieri poterit in hujus medio annulus, Kkkk 3 admit

admittens axem Rotæ; hoc enim nihil oberit axi CA, qui per arcus semicirculo multò minores recipiatur.

Corollarium. Patet ex dictis, quâ ratione construendum sit Horologium Rotatum Mite seu Tacitum, quòd videlicet silentio decurrat absque strepitu illo pulluum, quibus horologia vulgaria molestiam creant in Cubiculis, si præsertim plura sint, & aliquantò majora. Nam si prædicta Inventio diligenter in praxim reducatur, & denticuli debita diligentia, tam semitympanis illis D & E, quàm toti Rotæ Interpolatæ incidantur, nullus aut perexiguus sonitus exaudietur in Horologii motu. Sed & tres sequentes Descriptiones, eodem vel etiam majori gaudent privilegio, ut consideranti patebit.

PROPOSITIO IV.

*Machinam aliam, ad idem aliter efficiendum
construere.*

Penduli vibrations
aliter concinnare.

Audaacter licet, haud immeritò tamen Aristoteles exclamat in Mechanicis suis, τὸν κύκλον πάντων τῶν θαυμάτων ἀρχὴν εἶναι. *Circulum omnium admirabilem esse Principium:* Ex eo enim Motus Circulares, Recti, Retrogradi, Oppositi, Similares, & qui non? ab industrio quovis artifice deduci possunt, quemadmodum ex Prop. præcedenti, hac, & seqq. manifestum evadit.

Vide Iconism. III.
Fig. X.

Technasma. Perpendicularo AB ad angulos rectos aptetur brachiolum AC. Deinde suprema totius Systematis rotatilis Rota, sive dentatus Cylinder D. deferat in basi sua versùs ambitum, claviculum quendam teretem, quo per hastam sive virgam DC connectitur cum Perpendiculari brachio AC; sic tamen ut punctis C & D, virga CD liberrimè moveri possit.

Motus. Appenso competenti Pondere Rotæ G. vel alteri eâ inferiori, detur Impetus Perpendicularo; circumactis enim Rotis G, F, D, vi ponderis, agitabitur ultro citròque virga DC, secumque ducet brachium CA, simulq; Perpendicularum ei adjunctum.

Advertendum I. Quò minor est ratio Diametri Rotæ D ad brachium AC, eò minores arcus descripturum Perpendicularum;



Fig. 11.




Fig. 12.




Fig. 13.





Fig. 14.



culum; quò major, majores. II. Ut motus Perpendiculari sit expeditior, frangendum illud erit in medio semel aut iterum, & articulorum instar concatenandum; sic enim poterit ultra arcum sibi debitum ex quantitate brachii AC, aliquantulum excurrere. III. Cùm Rota E subeat officium manubrii curvisive angulosi, quale Mechanici Sacculis applicare solent, & in Figura cernitur ad HK; poterit hoc in locum Cylindri E substitui, ac etiam in arcum flecti, eo modo, quo in molis & lapidibus trusatilibus cernitur.

PROPOSITIO V.

Easdem vibrationes aliter, & novâ ratione

promovere.

Ecliptica super alieno, videlicet Æquatoris axe mora, nobis inventionis hujus ex Sphæra Artificiali dedit occasionem; quam ad alia majoris etiam momenti & utilitatis, industrius artifex trahere poterit.

Penduli vibrationes adhuc aliter continuare.

Technasma. Sic Perpendicularum AB, mobiliter affixum in A; Axi CD imponatur obliquè discus, Orbis, aut simile quid, circulari lineâ vel superficie terminatum; quale est EF Orthographicè designatum. Extendis deinde fortiter duabus HI & KL chordis metallicis, imponatur eis jugum quoddam GF, ultro citròque per chordas liberrimè mobile; à quo descendat fuscinula F, complectens & includens laxè circumferentiam Orbis EE. Reliquarum Rotarum structura explicatione non indiget.

Vide Iconism. IV, Fig. II.

Motus. Vi Ponderis ubicunque tandem applicati, convertetur Rota N, secumq; circumducat axem CD. Hic circulariter motus, impactum sibi firmiter orbem EF versabit; qui promotus semicirculo sui, habebit eum situm, quem punctis expressa lineola refert, adeoque secum devehet & jugum G. per ejus fuscinulam, eo intervallo promotam, quam declivitas Orbis ad axem CD. exigit, & quam metitur Angulus F vel E, declivitatis ejus duplus. Hoc modo dum jugum ab orbiculo FE reciprocatur, vibrabitur. & Perpendicularum AB ope brachii GM jugo prædicto continui.

eâ Arcuum quantitate, quam Orbis EF obliquitas & magnitudo, nec non distantia AM postulat.

Advertendum I. Jugum G, quod facilioris explicationis gratiâ ex chordis HI & KL appendimus, aliter atque aliter, artificiosius & commodius construi posse, in quo nulla difficultas. II. Axis CD, qui in Figura æquidistat Horizonti, si ad rectos erigatur, & Rota N Cylindrica mutetur in planum, æquè commodè paucis mutatis impelli poterit Perpendicularum. III. Quoniam unâ Conversione axis CD, & consequenter Orbis EF, perpendicularum semel tantum ultro citròque propellitur, poterit effici, ut impellatur bis aut etiam ter, si videlicet Orbis ambitus intelligatur esse sinuosus & inflexus tractu quodam serpentino, duobus aut ad summum tribus anfractibus; plures enim, pondus immane requirerent ad motum. IV. Loco Orbis EF adhiberi poterit Cylinder, cujus ambitui incisus sit obliquus Canaliculus Circularis, vel veriùs Ellipticus, unus aut plures, ad eum modum, quo inter FD cernitur.

Corollarium. Ex dictis facilè intelligitur, quâ ratione novum quoddam machinamenti genus, ad motus reciprocos, præsertim violentos deduci possit. Si enim intelligantur plures ejusmodi Orbes, qualis est unus EF, eidem axi obliquè & indistanter coagmentari, componetur cylinder quidam striatus, ad instar helices communis dimidiatæ, & ex adverso in seipsam redeuntis, qualem in axe CD versùs D expressimus: huic enim si applicetur à quocunque latere lignum quoddam in similes strias elaboratum, quæ cylindri hujus striis innectantur & respondeant, ut in Cochlea Mater velejus portio respondet mari suo; fiet, ut ad continuam & circularem hujus Cylindri ellipticè striati circumductionem, agitur huc illucve prædicta mater, eâ ferè vi, quam Cochlea sortitur in Mechanicis. Quæ Praxis in hydraulicis ad pellendas aquas, serrandas trabes, & alia hujusmodi magno erit emolumento.

PROPOSITIO VI.

Id ipsum adhuc aliter exequi.

Ex eodem ferè fundamento deducitur alia Praxis animandi Perpendiculi sine strepitu, & solâ leni rasurâ ipsius Perpendiculi. Sic autem instituitur.

*Penduli ite-
rum aliter
continuare
Vibrationes.
Vide Ico-
nism. IV.
Fig. XII.*

Technasma. Pendeat A B Perpendicularum ex A C brachio firmiter affixo in C. Producatur autem radius Perpendiculi quantum satis est ultra Centrum suspensionis, usque in D. 2. Construat Axis E F deferens tympanum dentatum L, sustentatus autem à Brachio G F, per quod transeat versùs F A, & ex ea parte deferat secum Cylindrum quendam Cavû, basi Ellipticâ propter obliquam sectionem terminatum. 3. Punctum A suspensionis Perpendiculi, intelligi debet esse situm & in Axe Cylindri F A, cogitatione producto versùs C, & simul in eo plano, quod obliquè Cylindrum secuisse concipitur, adeoque in puncto, in quo maxima minimaque Diameter Ellipseos sese interfecant.

Motus. Convertatur jam circulariter Axis E F cum præfato Cylindro cavo, dabit is Perpendiculo toti duos situs alternatim, quos lineæ punctis expressæ F H ac A K referunt, & quibus comprehenditur anguli quantitas K A H, quem Perpendicularum emeticur unâ vibratione, interim dum Cylinder cavus semicirculo progreditur, & eundem releget in oppositum, tunc cum Cylinder altero semicirculo sui promoveretur.

Advertendum I. Si immediatus is impulsus, à Cylindro datus ipsi Perpendiculo, commodus non est ob angustias loci pro Vibrationibus Penduli, tunc fiat id mediatè; sic videlicet ut ab ipsa Ellipsi Cylindrica impellatur libra quædam, ab hac verò ipsum Perpendicularum, alibi extra appensum, & cum ea connexum.

II. Quod hîc fieri diximus per integram Ellipsin, præstari poterit & per dimidiam, sectam videlicet majori Diametro, juxta rectam F H, quod fortassis in aliquibus circumstantiis esset commodius.

III. Plurimas alias Inventiones agitando per applicata Pondera Perpendiculari, studio brevitatis, prætereo; & in earum locum quæ sequuntur, ut magis ex usu futura, substituo.

PROPOSITIO VII.

Quodlibet Horologium vulgare, Perpendiculari applicatione perquam accuratum reddere.

*Horologium
vulgare ope
perpendiculari
reddere
accuratum.*

*Vide Iconisim. IV.
Fig. XIII.*

TAmetsi prioras quatuor Propositiones eidem quoque proposito possint inservire, quia tamen id operâ minore conficere licet, adferemus unum & alterum in eo negotio quàm fieri poterit maximum compendium.

Technasma. Sit FH ferrata vulgaris Horologii Rota, & FG hasta Temporis, animellæ, seu Rastri, Motum dispensantis, cui binæ more solito auriculæ seu ansulæ sint aptatæ, quibus dentes Rotæ ferratæ superiùs, ac inferiùs per vices apprehenduntur; intelligatur autem rastrum ipsum transversum esse sublatum, vel truncatum, sic ut ejus portio, vel ei substitutum brachiolum FE, versùs unam tantùm partem porrigatur. 2. Perpendicularum AB sit firmiter adaptatum axi ACD liberè versatili, cui quoque infigatur fuscina quædam DE, ejus formæ, cujus est eamquam seorsim IK repræsentant, & hæc recipiat extremitatem Brachii FE sibi insertam.

Motus. Impressio semel impetu totî Perpendiculo, Rota ferratâ more solito, agitabit huc & illuc hastam FG, hæc verò ope brachioli FE intra fuscinulam contenti, impellet Pendulum AB.

Advertendum I. Loco brachii FE, (quod etiam fuscina esse potest) ac loco fuscinulæ ED, multò meliùs utrobique construuntur Rotulæ Digitatæ, in ambitùs semissè circiter, incisæ in digitos, sive dentes oblongos sibi à latere mutuò innexos; hac enim ratione commodiùs impelletur Perpendicularum: sed prior ille modus simplicior est tractabiliorque, & satis aptus efficiendo morui.

II. In hac & similibus Perpendiculari constructionibus, in quibus

quibus Perpendiculum simul cum axe sibi contiguo & firmiter, coherente vibratur, illud universim norandum est, non parum, accessurum facilitatis axi C D ad motum liberiùs peragendum, si Perpendiculum alibi sit extra ipsum axem C D appensum; Nam hoc onere liberatus axis, magis erit expeditus ad vibrandum illud per recurvum quoddam brachiolum, quale esset C A L, ablata reliquâ Perpendiculi portionē L B.

III. Illud incommodum secum trahit hæc Praxis, si ad horologia antiquitus constructa traducatur, quòd cum vibrationes Perpendiculi horologio antiquo applicati, multò velociores sint vibrationibus animellæ sive rastræ, ad quarum mensuram horologium initio fabricatum fuerat, alterutrum horum fiat necesse est: ut vel pristinis horologii rotis inferatur una quædam ad velocitatem hanc Perpendiculi compensandam, vel Rotæ servientes Indici aliâ ratione disponendæ, ut iis debita motus mensura obtineatur in progressu indicis horario. Si quis autem Perpendiculum tam longum efficèret, ut ejus vibrationes pristinis æquivalerent, insanum Pondus requireretur ad motum vel veriùs destructionem horologii, si videlicet hoc technasmate uteretur; id enim securissimè faciet, artificio Propositionis 9. paulò post secuturæ.

PROPOSITIO VIII.

Horologio Vulgari Perpendiculum aliâ ratione applicare.

Cùm Praxis superiùs tradita habeat annexum illud incommodum, quod paulò ante insinuavimus, excogitanda erat aliqua industria ad opem ei ferendam, quæ talis occurrit.

Technasma Sit in Horologio vulgari fusus, sive hasta anstrata E F, cui sublato rastræ sive librili, inferantur firmiter duæ quædam portiones Rotæ dentatæ, G I & H K; tota enim si continuetur rota, partibus adjectis usum non habebit eum in quem prædictæ portiones construuntur. 2. Portiones hæc vel arcus obtineant in peripheria dentes interpolatos, eâ ratione, qua superiùs Prop. 3. sunt descripti; Axis autem L A cum A B. Perpendiculum.

diculo connexus, deferat duo tympana dentata C & D eodem modo in parte inferiore, quâ arcuum dentibus innectuntur constructa, qui ibidem est explicatus. 3. Proportio inter hæc tympana & arcus hæc est observanda. Inquiratur primùm, quantos arcus faciat hasta ansata EF cum suo raistro, dum ea impellitur, à Rota ferrata: hæc autem quantitas arcuum sumenda est sine digressionem illa ex impetu, qui facit ut latiùs evagetur rastrum, sed præcisè intra limites dentium Rotæ ferratæ: sic autem hæc arcuum quantitas GCI, & HDK. 4. Determinetur quot Bivibrationes, sive compositæ Perpendiculari vibrationes (cap. 2. Num. 7.) debeant æquivalere uni simplici vibrationi rastrum, quarum certus numerus, priùs horam constituebat: sint hæc tres v.g. (plures possunt esse si placeat) conficiendæ intra id tempus, intra quod olim rastrum ex I. movebatur in G. Totidem ergò, tres videlicet, dentium series interpolatæ incidendæ erunt arcui utrique; sic tamen, ut quælibet denticulorum series, v.g. ternarius, in uno arcu, respondeat diametraliter in altero arcu intercapedini illi sive intervallo, quod cuilibet dentium seriei sive ternario interjicitur. Cujus structuræ ratio, patet ex citata Propos. 3.

Motus. Est is manifestus ex hæcenus dictis: intra illud enim tempus, quo rastrum horologii decurrebat arcum IG vel HK, Perpendicularum breve, tres aut quotquot lubet, absolvet oscillationes reciprocas in itum & regressum arcuum, per hastam EF ansatam promotorum à Rota ferrata.

Advertendum: I. Quò plures vibrationes dederis arcui IG, eò brevius extitit Perpendicularum, adeoque minori Potentiâ circumducendum.

II. Axis LA per annulum sive foramen in E medio sui factum admittat hastam FE juxta dicta in Annot. 4. Propos. 3.

III. Denticuli Rotæ ferratæ sint omnes inter se æquales & æquali ab invicem distantes intervallo, ut iis arcus IG & HK omnes æquales describantur, ex vi circumductionis violentæ, non impetûs ut supra dictum. Plura Praxis ipsa monebit.



Fig. 15.




Fig. 16.




Figura 17.




Fig. 18.




Fig. 19.



Fig. 20.




Fig. 21.




Fig. 22.




Fig. 23.





Fig. 24.



PROPOSITIO IX.

Aliâ omnium facillimâ simplicissimâq; ratione,

*Perpendiculari subsidio, cuiusvis Horologii cursum
regularem reddere.*

PRædicti duo modi sunt aliquantulum operosiores vel *ideo, Idem modo*
quod requirant operam fabri horologopœi: Postremus hic à *facillimo es-*
quovis intra brevissimum tempus, ac nullis impensis executioni *ficere.*
mandari poterit.

Technasma Est LM Rota horologii ferrata, impellens *Vide Ico-*
hastam anlatam HK, & simul infixum ipsi rastrum DF. *nism. V.*
fervetur intra quod tempus id absolvat unam vibrationem, ac *Fig. XV.*
tum fiat unum, vel melius duo Perpendiculara AB & AC, tantę
longitudinis, quanta requiritur, ut vibrationes Rastrum & Perpen-
diculorum sint æquales, sive æquiditurnæ, erit autem hæc pe-
dum 8, 10, 15, vel plurium etiam in horologiis majoribus;
Appendantur autem hæc duo Pendula alicubi extra horologium
ipsum, ubi nimirum loci commoditas erit major, ac tum cum
Raistro DF connectantur per fila ferrea DE & FG, vel alias
regulas ligneas inflexiles &c.

Modus. Impellatur alterutrum Rastrum brachium, pellentur
& Perpendiculara in partes oppositas, idq; continuò, quamdiu sci-
licet urgente horologii Pondere, ferratâ rota more solito ra-
strum agitabit.

Advertendum I. Quando Perpendiculara sunt pluribus pe-
dibus alta, Puncta E & G plurimum distare debere à punctis
suspensionis Perpendicularorum in A; quin etiam puncta E & G
posse esse circa ipsa Pondera Perpendicularorum: hæc enim etsi
non multorum graduum arcus conficiant, accuratiorem tamen
datura sunt temporis mensuram, quàm ullum horologium vul-
gare.

II. Hoc casu Pondera B & C satis magna esse posse, & ta-
men haud adeò magnâ Potentiâ ad motum indigere.

III. Unum Perpendicularum sufficere, si Serrata rota sit accuratè

divisa & incisa, alioqui claudicabit motus; quod non fiet, si utrinque impellendum sit Perpendicularum peculiare.

IV. Virgas DE, & FG si sint longiores, & mole suâ flectantur, appendi posse in medio, aut etiam pluribus locis ob sustentationem à filamentis præstandam.

Complures aliæ Præses artificiosæ circa eandem materiam veniunt in mentem, sed alia aliò curas & calamum avocant.

CAPUT IV.

POTENTIÆ CHRONOMETRICÆ.

Chronometrice potentia.

Cum tempora Moribus uniformibus ac per se notis mensurentur, Motus autem non fiat nisi à Potentia motui regulari efficiendo proportionata, sive ex Natura & indole sua, sive ex artificiosa illius ad motus uniformiter continuandos applicatione; disserendum hîc est breviter de Potentiis Motricibus, earumque variis applicationibus ad instrumenta motuum, quibus Organica quam pertractamus Temporum dimensio debite peragatur.

Porrò Potentiarum ejusmodi aliæ sunt purè Naturales, aliæ Artificiales, sive naturales quidem, sed ab Arte mediis instrumentis industriaque multiplici regulatæ. Harum utraque rursus est vel Finita, vel Infinita sive Perpetua. Artificialem Perpetuam in Gravibus saltem, licet fortasse non pauci Speculativè repererint, Practicè tamen qui exhibuerit, hætenus quod sciam, reperi-tus nemo. Potentias Naturales Perpetuas, sive Physico-mechanicas, & quæ plus ex Naturæ vi, quàm Artis legibus operantur, non paucas Parte sequenti producemus; nunc verò de Potentiis finitis, & earum ad motus coordinatione magis expedita Propositionibus aliquot agendum erit: quæ quidem Partis sequentis vel ideò Lemmata dici possunt, quòd Perpetui motus ex finitis, in infinitam continuatis componantur.

PROPOSITIO X.

*Per Potentiam Motivam Irregularem, Motum
Chronometricum ordinatum & uniformem
efficere.*

Potentia irregularis ad motus Chronometricos assumi solita sunt *ελασμάτα*, sive Elateres, hoc est, laminæ quædam ductiles in heliciis modum convolutæ, quales in horologiis portatilibus rotatis passim adhibentur. Gravia quoque licet (cæteris paribus) eandem habeant vim, sive sublimiùs, sive humiliùs appendantur, ut constat ex Staticis; si tamen alicujus Circuli peripheriæ applicentur, & in ea deferantur, inæqualiter vim exerere, docetur ibidem. Verùm de Elateribus, ut magis usitatis, & utilibus, agendum priùs, Gravia enim prædicto modo disposita licet difficile non est, superfluum tamen esset ad uniformitatem reducere, cum id faciliùs obrineri possit. In Laminis prædictis quæ observo scitu digna, præmitto.

*Motum ordinatum
efficere per
potentiam
irregularem*

*Elastata,
seu Elateres.*

Phænomena Elastatum. I. Laminæ impulsoriæ sunt ejusdem ubique crassitie & latitudinis communiter; possent enim ita fabricari ut ab uno extremo ad alterum cuneatim attenuentur, regulariter sive pyramidis acutæ modo.

*Elastatum
phænomena.*

II. Convolutæ in spiram, possunt adduci violenter, vel in centro, vel Peripheria, vel utrobique.

III. Resistentia elastatum adductorum, minor est in principio adductionis quàm in fine, crescitque non uniformi & proportionali ad motum adductivum incremento, sed alio quodam alogo necdum exploratæ progressionis.

IV. Quantò lamina fuerit longior, tantò plures adductiones patitur; è contra brevior pauciores.

V. Lamina in ampliorem Spiram convoluta, minùs adductioni resistit, quàm in angustiore contorta; ideoque hæc illâ majores habet vires, sed brevior motum.

VI. Lamina Spiralis si consistente extremitate circumferentiali, adducatur alterius extremi centralis contorsione, unam tantum

tantum habet resistantiam, videlicet ex sola inflexione; nam,

VII. Si stante extremo centrali, torqueatur circulariter in peripheria, duplicem habebit resistantiam, alteram ex inflexione, alteram ex collisione & attritu volutæ unius ad alteram.

VIII. Elasmata frequentatis adductionibus sensim debilia redduntur, adeoque in prima horologii constructione alias habent vires, alias post usum longiorem,

IX. Si cessetur aliquo tempore ab adductionibus, convalescunt aliquantum laminæ.

X. Fieri potest Spira Chalybea, quæ ab initio adductionis ad finem, resistantiam habeat uniformem ex se præcisè: Nam si laminæ convolutæ partes centro viciniore sint crassiores aliis debitâ proportionem, fiatque adductio Spiræ in Centro, resistantia poterit esse in tota contorsione prorsus æqualis.

Quod asserit Joan. Helmontius in sua Medico-Physica titulo de Tempore num. 50. Lamellas horologiorum flante Boreâ solitò contumaciores esse, causam nec ipse dat, nec ego video: Et poterat falli eodem modo quo numero sequente § 1. dum de vibrationibus Perpendiculari Pedalis ait, additione ponderis non reddi inæqualis temporis vibrationes; aut quod absurdius est, dum addit; sed si altitudo sit bipedalis, singuli pulsus sunt præcisè duplò tardiores; sic ille fortasse felicior erat in suis Chymicis, quam Physio-mathesi.

*Elasmatum
technasma-
ta.*

Technasma. I. Duplex regulandarum laminarum Praxis est. Prima magis obvia, quæ & in antiquioribus horologiis cernitur, instituitur per alterius cuiusdam Elateris sive Pennæ fortioris pressionem inæqualem, quod fit in orbiculo quodam mutilo, & formam Cordis referente; Hic enim orbiculus quando Spira Chronometrica minorem vim obtinet, minùs etiam premitur ab altera remorativa; quando verò maiorem, magis ea vis infringitur, ut sic æqualitas quædam obtineatur. Hic modus etsi sit per commodus, & operæ minoris, vix tamen jam à recentioribus adhibetur, fortassis idèò quia simplicior, utilitate enim suâ non caret, & experientia docuit, horologia hoc modo constructa magis regularem cursum tenuisse, quàm alia non pauca, sequenti subtiliore modo fabrefacta.

Tech-

Technasma. II. Alter modus hoc tempore usitator est. Vide Iconism. V, Fig. 16.

Includitur Helyx Chalybea Cylindro A B C D, circa axem E F consistentem mobili: Hic axis per ejushelicis centrum transit, & ejus extremum centrale firmiter detinet: & ne ipse simul cum spirâ & cylindro convertatur, obstat Rota serrata G H axi firmiter impacta, nec non obex sive pessulus I H qui rotæ serraturis obnititur. Ad latus Cylindri constructur Conus, vel aliud simile corpus, Turbinis instar fastigiatum C K M, mobile circa axem, L M. Hujus turbinis ambitus in modum cochleæ efformatur, circumductâ striâ sive cavitare, ad excipiendam Chordam vel catenulam, cujus una extremitas firmatur in coni puncto K, & convolutâ circa cylindrum chordâ, altera extremitas affigitur cylindro in D. His ita constitutis inæqualitas illa spiræ chalybeæ resistentis in adductione difformiter, attemperatur per difformitatem turbinis, qui ubi Resistentia spiræ minor est, majoris ambitûs volutâ excipit chordam, qua circumducitur cylinder, & inclusæ spiræ extremitas circumferentialis, cylindro affixa: Ubi verò vis & resistentia laminæ est intensior, chorda in fastigio turbinis collecta, majorem illam vim minoribus à centro sive axe distantis faciliùs sustinet, & retundendo temperat. Sed cum res hæc sit satis obvia, etiam in automatis culinariis, ulteriori non indiget explicatione.

Advertenda non pauca occurrunt circa praxim utramque, sed hæc ex Phænomenis initio propositis haud difficulter colligi poterunt: illud non tacebo; Quod cum tota perfectio horologii & æqualitas cursûs dependeat à constructione turbinis, illud vel maximè inculcandum artifice, ne illum levi, (quod illi faciunt) operâ brachioque absolvant. Inæqualitatem tractionis solent ii explorare auditu, attendentes num acutior vel gravior sonus edatur in velocissimo motu rotulæ serratæ. Mihi præter hunc modum occurrunt alii duo. Primus est staticus per Pondus in longiore quodam brachio, turbinem circumducente appensum. Secundus chronometricus; laxatis enim rotulis in motum liberrium celerrimumque, sumatur Perpendicularum aliquod brevissimum, & ad ejus vibrationes examinentur circumvolutiones

M m m m

infe-

inferiorum, & aliquantò tardiorum rotarum, an eæ omnes inter-
se, sint æquidiurnæ; Quin & ipsius Serratæ Rotulæ circumvolu-
tiones Perpendiculo examinari poterunt, si illa adjecto ex una
parte pondere, & tardior reddatur &c.

PROPOSITIO XI.

*Potentias gravitate motivas Instrumentis Chro-
nometricis, ope finita Chorda vel funis ap-
plicare.*

*Pondera
chronome-
trorum
instrumen-
torum.*

*Vide Ico-
nism. V.
Fig. 17.*

AB usitatis & vulgarib. appendendi Pondera modis incipimus,
ut emendatis qui in eo committi solent defectibus, novas &
commodiores proferamus applicandorum ponderum industrias.

Technasma I. Primus modus appendendi Pondera in Horo-
logiis Vulgaribus est, ut chordæ vel funis una extremitas affixa sit
ipso Cylindro A qui Rotæ horologii infimæ coagmentatur, al-
teri verò extremitati B Pondus sufficiens alligetur. Curandum
illud in hac Praxi, ut Cylinder A sit benè longus ad convolutio-
nem funis, quanta requiritur ad præstitutum tempus, ne necesse
sit eidem cylindro bis funem circumducere, cadentibus postero-
ribus circumvolutionibus supra priores, hoc enim necessariò red-
dit motum priorem velociorem posteriore, maximè in horolo-
giis, quæ rastro vel Librili & non Perpendiculo tempus metiun-
tur.

Technasma II. Quòd si Spatium pro descensu Ponderis sit
humile, & paucarum horarum, vel si sufficiens, placeat tamen ho-
rologii cursum ad plures horas extendere, Duplicetur funis, ut sit
totus ABCD, cujus altera extremitas firmatur alicubi in D; ac-
tum ex Trochlea C appendatur Pondus prioris duplum. Pos-
set etiam funis & Pondus triplicari, quadruplicari &c. per troch-
leas inferiùs & superiùs additas, juxta ea quæ in Mechanicis tra-
duntur, de speciebus & usu Trochlearum.

Technasma III. Tertius modus à prioribus differt in eo,
quòd utrique funis extremo Pondera sint appensa. Injicitur e-
nim funis supra Trochleam F, in cujus ambitu excavatur cana-
liculus

leculus sive crena aīcta, sinem superjectum, & vi ponderis tractum firmiter excipiens: alligatur deinde uni extremo Antisacoma E, & alteri Ponderis G sufficiens ad motum horologii & antisacomatis. Observandum verò, multipliciter hic ab artificibus imperitis peccari. Aliqui enim in ea cavitate trochleæ F, ne funis vi Ponderis G pertrahatur, erigunt aculeos exstantes 8, vel 6, qui motum horologii reddunt prorsus inæqualem; Alii cavitatem, hanc alibi laxiorem, strictiorem alibi efformant, unde funis (qui æqualis ubique crassitie sit oportet) inæqualiter à centro distans, motum efficit inæqualem: Igitur vel aculei illi majore numero, nec nimium sed æqualiter exstantes infigendi, vel adhibenda hæc industria. Disponantur in tota chorda horologii sphaerulæ quædam, precatoriis non absimiles, eodem intervallo, nec nimium ab invicem distantes, firmanturque glutine vel aliter, ut hæreant; in ambitu verò Trochleæ, fiant iisdem intervallis cavitates, quæ Sphaerulis respondeant, vel Sphaerularum loco nectantur nodi quidam paribus intervallis &c.

Techasma IV. Deducitur ex priore per duplicationem funis Ponderumque, ad eum modum, qui Techasmate 2 est propositus. Observandum modò, quòd si in chorda HIKLM juxta proximè dicta disponendæ sint sphaerulæ, fiant tam in Cylindro horologii K, quàm in Trochleis I & L cavitates sphaerularum distantis respondentes, aliàs in Trochleis I & L à sphaerulis inæquales utrinque distantie efficerentur, & pondus inæqualiter Cylindrum K horologii impelleret. Sed hæc adeò plana, ut amussi non egeant.

PROPOSITIO XII.

Potentias easdem Chronometricas ex infinito sive perpetuo fune vel Chorda, ad eundem motum continuandum appendere.

PEculiaries adfert utilitates hæc funis dispositio, quarum præcipua illa, quòd inter attractionem Ponderis, motus Horologii non interrumpatur, secus ac fit in aliis prioribus. Id autem & necessarium est ad exquisitam Motuum notitiam, & ad Chronometricæ Mechanicæ perfectionem plurimum facit.

*Pondera
chronome-
trica in-
strumentis
aliter ap-
pendere.*

Vide Iconism. V.
Fig. 18.

Techasma I. Sit Trochlea N infimæ horologii rotæ firmiter annexa, & ad funem firmiter excipiendum, in ambitu excavata; Huic similis è regione respondeat Trochlea P, instructa ferraturis in peripheria, & pessulo ferraturis contranitente, dum Pondus in oppositum nititur. Funis Perpetuus sit N Q P S R N, ex quo dependeat Pondus Q, trochleâ suâ instructum, & Antifocama R pariter suâ. Ut jam Pondus Q sursum attrahatur, apprehendenda est alicubi chorda circa S, & trahenda deorsum; Pessulus enim P, admittens circumvolutionem suâ Trochleæ, faciet ut ascendat Pondus Q, nihilominus tamen toto ascensû tempore fungatur officio suo in impellenda Trochlea N, & horologio toto, cum ea connexo.

Vide Iconism. V.
Fig. 19.

Techasma II. Esto Trochlea B, infimæ Horologii Rotæ firmiter affixa; altera verò A, alibi accommodè firmata, habens in circumferentia ferraturas cum pessulo iis objecto, contravim Ponderis. 2. Et harum Trochlearum chordis seu funiculis perpetuis dependeat Pondus in quibusdam Trochleis concentricis E F G & C D N, quarum una alteri est immobiliter affixa, & utraque simul circa axem communem versatilis. 3. Fiant inferiùs duæ Trochleæ K & L, in centris suis jugo communi K L conjunctæ, in cujus medio Pondus M appendatur. 4. Circahas & priores Trochleas circumducuntur chordæ perpetuæ, peculiari quadam ratione: Nam chorda perpetua prior est B L G F E G B, sic videlicet docta, ut totius Trochleæ E F G ambitum semel circumplectatur. Altera chorda simili ratione ducitur circa alteram minorem C D N Trochleam priori concentricam, sic ut tota sit A C N D C K A. 5. Quod jam de hac postrema chorda, & trochleis ad eam pertinentibus dictum, intellige & de alia ipsi simillima, sed ex altera facie Trochlearum posita, quæ similiter minorem quandam trochleolam, ipsi C D N æqualem, vel potiùs eandem ex altera parte exstantem circumplectitur, totumque sustentationis officium cum altera particur. Unde consequenter trochleas A & K geminatas esse oportet.

Ufus dispositionis hujus est iste. Ut attrahatur Pondus H cum Trochleis suis concentricis è quibus dependet, apprehendenda.

denda est alicubi chorda AK sive sola, sive cum compare, v. g. prope E , trahendaque deorsum; tunc enim Pondus H cum Trochleis concentricis ascendet, nec tamen hâc attractione, Trochlea B cum Horologio, cujus est pars, in motu suo consueto impediatur.

Corollarium I. Patet in utraque Praxi posse Ponderis attractionem continuari quamdiu lubet, absque interturbatione motûs horologii; idque ideo, quod sive Pondus attrahatur, sive non, semper tamen ex natura ejus Trochleæ Pondus deferentis, dimidium Ponderis urget alteram Trochleam, Rotas horologii circumducentem.

Corollarium II. Praxim posteriorem præstare priori in hoc, quod in illa sit in dupla tantum ratione tam Pondus, quam ipsius in descensu tarditas; in hac autem possit esse in quacunque lubita, in ea videlicet, in qua sunt Trochlearum Concentricarum semidiametri.

Corollarium III. Etiam prioris Praxeos Trochleas in alia, Vide Iconism, V.
Fig. 20. lubita, numerorum tamen Parium ratione construi posse, quâ varia ponderis descendentis tarditas obtineatur. Addatur enim duabus N & P Trochleis tertia S , & ipsi Q adjungatur altera versatilis circa eundem axem, vel si diversum, connexum tamen cum alterius axe, actum his omnibus Trochleis chorda perpetua circumducatur, quæ erit $NQSQPRN$; ut figura satis monstrat, & faciliè concipitur. Nam in ea constructione, descensus Ponderis erit quadruplò tardior, sicut & Pondus Q quadruplum est ejus, quod aliàs ad impellendum horologium sufficeret. Simili autem ratione servatâ analogiâ quousque lubet, progredi licebit.

Adverte in Figura 18. Trochleas N & P intelligi debere ad eum modum collocatas, quem in Figura 20. Trochleæ NP . referunt, oculo videlicet in earum peripheria collocato. Sed & in Figura 19. Trochleæ B & L eâdem ratione collocari poterunt, si id necessitas postulabit.

PROPOSITIO XIII.

*Potentias Chronometricas volubiles, sive Pondera**Sphærica per Chordas tam Finitas, quàm Infinitas instrumentis Horometris applicare.**Pondera
chronome-
trica sphæ-
rica volubi-
lia.*

Non rarò necessitas postulat in machinis artificiosis, & Horologiis alio modo quàm vulgari construendis, quorum nonnulla dabuntur inferiùs, ut adhiberi oporteat Pondera volubilia sive Sphærica, quorum duo vel plura certa serie sibi succedunt in Horologii, vel alterius Machinæ motu continuando maximè verò tunc, cum per applicationem Physici alicujus Motoris, Horologium perpetuandæ cupido incesserit; quâ de re infra Cap. XI. & Libro sequenti agetur, in eumque finem hæc est sequens Propositio velut Lemmata quædam præmittuntur; quibus si quæ nunc videatur inesse obscuritas, Lux petenda erit ex locis citatis.

*Vide Iconi-
sm. V.
Fig. II.**Scala Sphæ-
rophora.*

Techasma Instituitur per Lorum Perpetuum Scate ad instar contextum. Sint duæ Trochleæ vel Cylindri breviores A & B, quarum prior A est horologiaria, posterior B in imo Ponderis descensu: utrique circumponitur Lorum quoddam Perpetuum AC BDA, quod & scalam Sphærophoram dicere possumus; hæc autem industriâ constructur. Habitâ magnitudine sive Diametro Ponderis D, quod sufficiens sit ad animandum Horologium, sumuntur duo Lora perpetua ex solido corio, quorum unum intelligatur esse ACBDA, alterum verò eidem simile prorsus & æquale, concipiatur iisdem cylindris A & B impositum, & æqualiter tensum; distabunt autem ab invicem Diametro Sphærae D. Hoc intervallo servato connectatur unum Lorum cum altero, per gradus quosdam transversos ferreos semicylindricâ formâ, quorum bases cernuntur in Figura, supra & infra globum D; connectuntur autem faciliè, si per utrumq; semicylindrum, & lorum quod ii complectuntur, clavus adigatur, quod & per stricturam fortem effici posset &c. Sic enim globus D inter ejusmodi gradus collocatus sustentabitur ab inferioribus binis semicylindris, ut v.g. in F. Eodem prorsus artificio contexendus erit totus ambitus Scalæ Sphærophoræ, tum verò in peripheriis Cylindrorum A & B excavari debebunt

bebunt striæ quædam semicylindricæ, intra quas semicylindri convexi scalæ, recipiantur in motu.

Usum Scala hæc Perpetua insignem habebit in impellendis Horologiis. Postquam enim Pondus D descenderit in imum, deicietur id ex Scala; idq; sive ab ipsa B Trochlea, sive melius ab obstaculo quodam in hunc finem inferius aptato. Itaq; Globuse-rumpens ex Scala in inferiorem Canalem G aperiet ope fili metallici pessulum quendam attollentis, aditum alteri globo, in superiori Canali E præstolanti, ut is in suum locum succedat in summitate Scalæ. Ipse autem prior globus in G existens, attolletur, iterum sursum ad canalē E per Prop. sequentem.

Advertendum I. Si pondera spherica majoris essent molis, posset quodvis Lorum ex duplicato vel triplicato confici corio, vel etiam in eorum locum Catenulæ quædam substitui.

II. Si periculum sit, ne globus in motu delabatur ex gradibus scalæ præmuniri poterit duabus hinc & inde perticis vel regulis, ut EFG & alterâ D, intra quas descendat.

Technasma II. Sit H Trochlea, infimæ Horologii rotæ axi imposita, & circa eundem liberè versatilis; habeat autem in ambitu ferraturam cum pessulo R, qui in rota horologiaria alicubi figitur, & lamellâ pressoriâ instruitur. Huic Trochleæ injicitur funis KHL cujus uni extremo L adnectitur globi receptaculum, quod Sportulam vel capsulam vocare lubet; alteri extremo K appenditur, antisacoma ejus momenti, ut sportulam PM globo vacuum sursum attrahere possit ab imo QS, ad summum, ubi jam cernitur; cui non obstat Pessulus R, qui in eam partem admittit revolutionē Trochleæ H. Porro ut intra sportulam globus contineatur, eriguntur duæ vel 4 regulæ PQ & MN &c. quæ id præstant: Postquam verò globus cum sportula L attigerit fundum QS, excurrit è sportula, sive id fiat ob truncatâ ibi regulam N, sive ob declivitatem fundi QS, in quodum subsistere vult capsula, globum effundit in Latus. Deniq; sportula globo liberata & vacua, attollitur sursum ab antisacomate K, quod ex constr. est ipsâ solâ gravius. Sportula tandem ab eo evecta in PM, excipit ibi alium globum priori æqualem, ut is interim horologium impellat, dum prior ille rursus evehatur eo modo qui sequitur.

Vid. Iconism. V.
Fig. 22.

PROPOSITIO XIV.

*Pondera chronometrica volubilia post descensum
in imam, rursus ad supremam altitudinis regio-
nem attollere.*

*Pondera
chronome-
trica sphæ-
rica volubi-
lia attollere*

Perpetuationi Horologiorum inferiùs tradendæ plurimùm commodabit hoc Lemma, quò refertur unicè. Id autem cèt multas & varias constructiones admittat, hîc tamen duas magis expeditis erimus contenti; plures adferemus ubi necessitas exiger suo loco.

*Vide Ico-
nism. V.
Fig. 21.*

Technasma I. Instituitur per scalam Perpetuam Propositi-
one præcedenti constructam. Intelligatur enim Trochleæ
essè adjuncta rota dentata cujuscunque magnitudinis, habe-
utraq; communem axem, & una alteri firmiter adhærens.
rota hæc dentata ab aliis quibusdam sibi superstructis rotis, &
tentiâ quadam earum supremam impellente, moveatur sin-
cum Trochlea, motu Secundo, hoc est ex A versùs C, eleva-
tur sensim globus D ab imo ad summum; quò postquàm p-
ductus fuerit, devolvitur rursus ad animandum Horologium,
tificio Prop. præcedentis Techn. 1. vel 2. explicato.

*Vid. Ico-
nism. V.
Fig. 23.*

Technasma II. Traditum Prop. antecedente Technas-
2. paucis mutatis & additis, adhiberi poterit ad attrahenda Sphæ-
rica Pondera tali ratione.

I. Esto Rota dentata ABC, cui debent innecti a-
pro rei exigentia, juxta paulò ante dicta, & alibi fusiùs explana-
da. Hujus Rotæ axi imposita sit Trochlea DE, cui funis sup-
jectus, unâ extremitate sustineat Pondus P sphæricum in su-
Sportula; alteri verò ejusdem extremitati appendatur antisfa-
ma N, aliquantò levius oppositâ sportulâ P globo vacuâ,
ab hac illud attolli possit.

II. Pessulus B pennulâ instructus, apprehendat ferra-
ras Trochleæ, eamque contra nisum Ponderis P detineat.

III. Construatur arbélus sive securicula quædam DF
amplitudinis in peripheria, ut quadrantem circuli æquet vel ex-

dat. In hujus medio excavatur crena quædam oblonga DF per quam transit axis D, Trochleæ Rotæque communis.

IV. Fiat vectis HGFC, circapunctum G alicubi firmatum mobilis, cum quo vecte neclatur securicula prædicta in puncto F.

V. Figatur in A puncto, mobilis circa illud obex AK, pennâ premente instructus. Tandemque fabricetur vectis angulosus NML in M puncto mobilis, & in L per brachiolum quoddam connexus cum obice AK.

Motus. Postquam per Rotam ABC sensim promotum fuerit Pondus P ad summam suæ altitudinis, & dilapsum ex sportula in Canalem ducentem illud ad destinatum locum, scilicet ad animandum Horologium; promovebitur nihilominus à Potentia illa elevante (quæcunque illa sit, de qua cap.ultimo) sportula vacua, vectemque CGH aliquantum attollet.

II. Vectis elevatus attollet simul securiculam FD; hæc autem pessulum B, qui per totam crassitiem Trochleæ porrigitur in hanc partem ad ipsam securiculam. Interim vectis CGH extremitas H depressa, apprehenditur ab obice AK, & detinetur.

III. Sublato pessulo B extra ferraturas Trochleæ, Sportula P inanis licet, ex constr. tamen gravior antifacomate N, versabit Trochleam, & descendet ad fundum usque, ut iterum ibi recipiat aliud Pondus Sphæricum similiter attrahendum.

IV. Antifacoma N vel seipso, vel nodo quodam funi intexto, elevabit angulosum vectem NML, & per eum subtrahet obicem AK, ne amplius extremum H detineat: quo soluto decidet securicula DF, actum pessulus B demissus, apprehendet ferraturas Trochleæ, ut iterum attractio Ponderis fieri possit.

Adverte I. Si vereris ne à Trochleæ ferraturis prius amoveatur pessulus B & Trochlea cum Sportula incipiat descendere, antequam extremitas H apprehendatur ab obice AK, tunc vectis brachio GH appende tantum Ponderis, quantum sufficit ad securiculam cum pessulo B elevandam: & ne Pondus elevet priusquam Sportula sursum ascenderit, detineatur hoc bra-

chium GH ab unco quodam eâ ratione constructo, ac est in sequenti Figura 24 uncus NH. Sed tunc loco brachii FC producendum erit ipsum brachium MN, ut illud à Sportula elevatum, subtrahat illum uncum sustentantem nîsum deorsum Extremi H præponderantis. Porro pristinum illum situm restituet ascendens cum impetu antisacoma N, & facîle quivis industrius advertit, id non uno modo fieri posse.

II. Cùm Rota ABC sæpius circumvolvatur in attractione Ponderis, secumque pessulum B quocunque deferat, ita res est instituenda, ut cum attractio jam jam perficitur, Pessulus B reperiatur in supremo quadrante, hoc est supra securiculam; quod infallibiliter semper continget, si in fune vel catenula Trochleæ, disponantur Sphærulæ ad eum modum, quem Prop. 11. Techn. 3. insinuavimus.

Vide Iconism. V.
Fig. 24.

Technasma III. Alio adhuc artificio eadem illa Trochleæ à Pessulo suo Libertas procurabitur. Axi AC summiter in hæreat eadem illa Rota B, mobiliter autem Trochlea D, sicut per axem AC huc & illuc promoveri possit. Itaque postquam Sportula E evecta fuerit ad summitatem, elevabit in primis vectem angulosum EFG, in F mobiliter fixum: hic autem per brachiolum GH, pellet uncum HN, à quo sustentatur alter vectis angulosus MLK, cujus brachio LK tantum Ponderis est appensum, quantum sufficit ut alterum brachium LM arripiens tubum MP Trochleæ foramini coagmentatum, trahere possit Trochleam per axem AC, versùs C, etiam contra mediocrem resistantiam helicis impulsivæ CP. Atque hac ratione subducentur à pessulo B, dentes illi ferrati Trochleæ, descendetq; Sportula E suomet pondere, rotando simul trochleam obstaculo pessuli liberam; interim tamen brachiolum LM eam leviter perstringet & detinebit in orbiculo tubum terminante; in quo contactu facilitando, poterit adhiberi rotula vel cylindrus volubilis &c.

Adverte I. Ad restituendam suo loco Trochleam faciet impulsus antisacomatis; hoc enim cum impetu vectis angulosi MLK extremum K attollet, & in unco HN collocabit; quo facto, Trochlea per helicem pressoriam axi circumductam, propellatur in locum suum. Hinc etiam ad illud invigilandum est in pessuli B structura,

structura, ne is demittatur aut deprimatur à sua pennula profundius, quàm sint incisiones sive serraturæ Trochleæ.

II. Modus hic in eo præstat illi priori, quòd ille essentialiter requirat illam Trochleæ cum Rota correspondentiam, de qua in Adver. 2. hæc autem Praxis in omni Rotæ situ succedat.

III Plures idem præstandi modos ingeniosiores fortassis, sed explicationis aliquantò longioris, brevitatis studium cogit nunc omittere, & in aliud liberius tempus differre.

CAPUT V.

SIGNA CHRONOMETRICA OPTICA, SEU INDICES.

DUobus potissimum Sensibus hauritur Temporis notitia, Visu, Audituque: hujus objecta sunt Pulsus sonori, illius Indices conspicui. Confici quoque possunt horometra quæ Tactum afficiant puncturis vel alio motu, elapsi Temporis indice; ut & quæ Odoratum moveant, aperiendo statim temporibus scaturigines quasdam aut fonticulos salientes ex aquis variis odoribus prædictis, qua de re aliquid infra Prop. 27. Nunc relictis iis quæ satis trita sunt & obvia, inquiremus quidnam novi & inusitati in eo genere proferri possit. Ac primum quidem rem eam altiùs repetendo; in Indicibus si consideretur motus, alii sunt circulares, ut communiter; alii possunt esse Recti, Elliptici, & Polygonales aliarumque Figurarum: si Differentiæ specificæ; Alii sunt Solares, ut passim, alii Planetarum reliquorum, ac totius Primi Mobilis, Kalendarii &c. de quibus abundè Prop. 26. Si Numerus Indicum: alii circa eundem axem revolvuntur artificio peculiari, & in Orbibus concentricis indicant diversa; alii intra proprios ac distinctos axes & Orbes eadem perficiunt. Denique Indicum alii progrediuntur, orbe sive limbo numerali consistente, alii vice versâ eodem loco hærent orbibus circumeuntibus, notasque suas ad indicem adducentibus. Quæ mihi negotium id obiter inspicienti venerunt in mentem, maximâ quâ potero brevitate claritateque proponam.

PROPOSITIO XV.

*Indices Chronometricos in Horologiis eo artificio
construere, ut non circulares modò, sed quasves alias Ellipti-
cas aut Polygonorum &c. figuras motu
suo describant.*

*Indices
chronome-
trici, motu
suo varias
figuras de-
scribentes.*

Accidere posse videtur inter curiosos, novarumque rerum, in Machinis studiosos, ut eorum quispiam Indicem Horologium exornaturus Insignibus gentiliis Principis alicujus, aut Urbis, vellet eum disponere in forma scuti, cordis, capitis Leonini &c, ut sol artefactus vel aliud signum Indicis munus obiens, adscriptos in partibus ejus figuræ numeros horarios, quocunque ii distent intervallo, successivè designet; vel ut aquila, Leo &c. rostro, linguâ, pede mobilibus, idem præstent officium &c. In hunc finem sit

*Vide Iconism. VI.
Fig. 25.*

Techneasma. Ad difficiliore figuras Indicis motu describendas assumendum erit artificium Parallelogrammi in hunc modum constructi.

I. Ex materia quacunque solidiore, v. g. ferro, fiant inprimis quatuor regulæ, A H, A K, K L, H M, quæ in punctis A, H, C, K, sic jungantur claviculis teretibus, ut Quadratum hoc cavum, diduci liberè, contrahi que possit. Deinde portionibus illis exstantibus utrinque, scilicet C L, C M, jungantur artificio simili plures quotquot regulæ, breviores tamen, & si placet eadem proportionem decrescentes, & eodem modo in punctis connectentibus liberè convertibiles.

II. Ex alterâ Indicis facie versùs ipsum horologium latens, concipiatur occulta rota Dentata C D E F G B, ea videlicet quæ communiter Indices ipsos convolvere solet, semel intra 12 vel 24 horas. In hac excavatus, vel alio modo aptatus intelligatur, canaliculus A G, sic ut intra illum claviculus C ex Parallelogrammo versùs eam Rotam prominens, recipi, & ultro citroque sine resistantia discurrere possit.

III. Claviculus sive verticillus A figatur in centro Rotæ dentatæ, ac tum inter illum & alterum verticulum C qui in canaliculo




Fig.



25.

Fig.



26.

Fig. 27.





Fig. 28.



Fig. 29.



naliculo currere debet, interjiciatur elater sive spira quædam impulsoria ex filo ferreo crassitie competenti, in modum cochleæ cylindricæ contorta, diducens quantum satis est verticillum C ab altero stabili verticillo A. Quæ spira fortasse commodius fieri poterit ex Lamella serpentino tractu inflexa.

IV. Proponatur jam quæcunque figura, quam Index horologus extremitate suâ descripturus sit, v. g. Hexagonalis: excindatur igitur in plano Indicis Hexagonum foramen CDEFG B, cujus centrum sit A punctum.

V. Tori Parallelogrammo & foramini exciso superimponatur figura quædam, v. g. Aquilæ, Draconis &c. sicut ejus collum, texturam illam parallelogrammum tegat & occultet, reliquum verò corpus obtendatur exciso foramini polygono, vel alteri. Præterea parallelogrammum illud in collo figuræ, contexatur ex interpositis pluribus ejusmodi regulis, ut sit instar retis, tegaturque postmodum artificiosè, in Dracone quidem squammis, in Aquila verò plumis &c.

Motus sic habet. Rota horologiaria solitis suis passibus incedens, interceptum canaliculo suo verticillum C secum vehet, hic autem ab interjecta inter A C lamella pressoria diductus, & excisi foraminis sexangularis aut alterius limicibus inclusus, efficiet, ut Aquila impositæ capiti suo coronæ Radio, Cruce, vel stellulâ; Draco verò linguâ vel aculeo, describat eandem illam figuram, & horas in ejus limbo descriptas indicet.

Adverte 1. In aliis figuris describendis, ut Cordis, Rosæ, scuti &c. cautelas quas adhibeat, quævis industrius haud difficulter, ipse reperiet. 2. Potest faciliè motus in super alius dari Leoni, Aquilæ, Draconi, ut hic caudæ suæ spiras volvat, illa alas explicet, &c. idque vel eodem illo artificio, vel aliter.

PROPOSITIO XVI.

Idem aliter compendiosius exequi.

ET si prædictum artificio multò sit universalius, & ad plures sese figuras porrigat, hoc tamen præsens in aliquibus præsertim facilioribus, ut sunt Ellipses & Polygona, minori sumptu vel

operâ in opus deduci poterit, & insuper ad alias quasdam paradoxas affectiones, inferiùs indicandas applicari.

Vide Iconism. VI.
Fig. 27.

Techasma. Ruditer id proponam & in simplicissima structura, ut aliæ magis artificiosæ constructiones, ex paucis etiam, verbis faciliùs intelligantur. Sit virga metallica ABC habens in A foramen rotundum, in C verò ubi flectitur, desinat in anulum vel aliud erectum foramen CE, per quod transeat alia virga DEF, quæ flexa in similem anulum FB, priori virgæ pariter innectatur, stringantque se mutuò tam leviter, ut una intra alterius armillam, ultro citroque liberè provehi possit. In extremo D. formetur sagitta, stellula, lilium, vel alius similis indicativus apex.

II. Intelligatur in illo plano, cui chronometrici numeri horarum indices sint inscribendi, aliqua Figura v. g. Quadrata, esse descripta, quæ sit GHIK; ac tum juxta eam designationem incisus canalis sive Crena cujuscunq; profunditatis, ejus autem amplitudinis, ut prominentem ab annulo cuspidem B teretem, possit recipere, ut is intra eum canalem liberè currere queat.

Motus. Posito & firmato foramine A in centro Quadrati, & stylo B in ejusdem cavitate, si tota hæc Indicis compages in puncto A torqueatur ab axe alicujus rotæ, vel alio quocunque modo circulariter circumducatur, necesse est, extremum D Quadratam figuram describere, vel aliam ejus rationis, cujus est canalis, intra quem stylus B circumducitur.

Adverte I. Magis affabrè construi poterit idem instrumentum ex duabus regulis, in quarum unius canaliculo in longum ducto, cursor alterius discurret, & vicissim. Quin & artificium ita tegi poterit, ut non facilè regularum contractio & distensio advertatur, producendo regulam DEF ultra A centrum &c.

II. Si inter E & F armilla, interjiciatur filum metallicum, vel lamella diductiva, necesse non erit excavari figuras in plano, sed tantum ex alio crassiore plano excisas, alteri superimponi, vel ex regulis compingi polygonum &c.

Paradoxa
geometrica.

Corollarium I. Si Paradoxis afficeris, hinc facilè deduces Primum istud. Unius ejusdemque Circini vulgaris continuo tractu

tractu & revolutione describere Triangulum, Quadratum &c. Nam si pes unus Circini figatur in A foramine, alter verò firmiter apprehendat exstantem E stylum, & circumducatur circino, describet stylus alter D talem figuram, qualis erat canaliculus excavatus, vel, suppositum planum aliud certâ figurâ terminatum.

Corollarium II. Circulum eodem circini ductu non ex centro tamen circuli describere si velis, id obtinebis eodem prorsus modo, qui non requirit, ut punctum A cum pede Circini sit in medio figuræ; ut patet.

Corollarium III. Augebis admirationem, si addas Triangulum, Quadratū Ellipticū &c. unicâ circini aperturâ maiorem minoremve describere; sic autem efficies. Longitudinē DEF produc versus A, Annulus autem vel Cursor BF habeat Cochleolam, sive vertebam in F, ut manente eodem Circini intervallo, & reliquis omnibus, sola DEF reliqua extrahi vel intrudi, ac in F prædictâ vertebam firmari possit. Plura cui plūs otii, haud magno conatu excogitare, & inventis addere poterit.

PROPOSITIO XVII.

Indicem Chronometricum Ellipticâ Figurâ peculiari quadam ratione construere & incitare.

Superius utrumque Technasma servit & Ellipsis designandis, sicum iis juxta data præcepta analogicè procedatur: hic tamen modus ad Indices Ellipticos, quia magis Geometricus, plūs arridet, ideoque nec involvendus silentio videbatur. Norunt Geometræ instrumentum illud à Guidiubaldo ad describendas Ellipses per earum quadrantes, propositum in Demonstratione planisphærii Rojas: ex ejus fundamento deducitur hoc quod describimus.

Technasma. Trina Plana sive Laminæ concipiendæ sunt in Figura præsentē, quæ vitantes superfluam Figurarum multiplicationem, in unam congestimus.

Index Chronometricus ellipticus formæ.

Vide Iconism. VI. Fig. 26.

Prima lamina est indefinitæ figuræ, cui inscribitur Index Ellipticus ABCD: hæc in medio perforata est in rotundum foramen HEFG, & insuper quatuor Crenis ad angulos rectos incisis, & cum foramine rotundo continuatis, quæ sunt IE KF. LG. MH. Longitudo Crenarum tanta est, quanta Semidiameter foraminis; Latitudo patebit ex dicendis.

II. Altera lamina est circularis seu orbicularis OPQL: quæ ab ea parte quâ Index spectatoribus objicitur, superimponitur priori pertusæ, ideo quæ tegit prædicta foramina Laminæ prioris.

III. Tertius Orbis planus est IKLM, tegens eadem foramina, ab altera parte mediæ & pertusæ Laminæ, & hic ideo totus latet interiùs. Ejus centrum est N, idem cum centro foraminis rotundi: habet autem afferruminata sibi duo segmenta supra & infra centrum N, ex ejus ambitûs circulo decisa, ut latera foraminis exactè impleant & radant, dum intra cavitatem ipsius vertuntur; crassities horum segmentorum est eadem, quæ laminæ pertusæ, cum qua propterea coæquantur.

IV. Orbis conspicuus OPQL centrum habet in eo puncto, quod situm est in ipsâ peripheria segmenti HE, orbi occulto MIKL, afferruminati. In hoc puncto fit foramen per utrumquæ orbem, conspicuum videlicet OPQL, & occultum MIKL, cui foramini postmodum immittetur axiculus teres, orbem utrumque liberè jungens.

V. In orbe Conspicuo OPQL ab altera ejus facie, quâ spectat mediam sive pertusam Laminam, figuntur duo claviculi rotundi I & N; ejus crassities, cujus est latitudo crenarum, intra quas liberrimè discurrere debebunt; Longitudo sive altitudo claviculorum tanta est, quanta mediæ pertusæque laminæ crassities, ac etiam aliquantò minor, ne per rimas illas orbem occultum contingant & radant in motu, distant ab invicem intervallo IN æquali diametro foraminis.

VI. In interiore & occulto orbe fit alicubi foramen R, quod ingreditur claviculus aliquis prominens in eum finem in Rotæ horologii diurna, sive ea quæ 12 vel 24 horis semel vertitur: cujus Rotæ centrum quia exactè respondere debet centro N foraminis HEFG, ac etiam orbis occulti IKLM, erit distantia for-

foraminis R & Claviculi ei respondentis eadem, videlicet ipsa R N. In idem recidit, si in Rota Diurna horologii terebretur foramen, & in orbis puncto R, paxillus ei respondens figatur.

Motus. Paxillus proximè dictus intrans foramen R, efficiet, ut orbis occultus I K L M, apprehensus à Rota horologii circumducatur, & progrediatur ex R versùs M: eodem verò tempore in orbe conspicuo P Q L O efformata manus, lilium, sol, vel similis index P progrediatur in oppositam partem, & apice suo describet Ellipsin A B C D, cui inscribuntur horæ 12 spatiis inæqualibus distinctæ, quæ tamen æquali tempore, scilicet horario conficiuntur ab Indice.

Adverte I. Cùm orbis conspicuus O P Q L, ab hac quâ spectatur facie sit omninò planus & integer, poterunt ei ornamenti causâ inscribi vel 7 Planetarum effigies, vel 12 signorum figuræ, quæ quidem nullum alium habent usum, quàm quòd cum orbe suo huc & illuc mirabiliter volvantur, aut qui structuram, ignorat, quo pacto id fiat, haud facilè concipere possit, eò quòd orbis duplici motu cieatur, uno quo centrum ipsius E circulariter defertur ad ambitum foraminis E F G H: & altero Elliptico, quo reliquæ partes orbis feruntur.

II. Intervallum F H inter duo segmenta relinquitur ideò, ut claviculi I & N per illud sine obstaculo ab una rima ad alteram diametraliter oppositam in motu rectà permeare possint.

III. Demonstratio Constructionis & Motûs intelligitur facilè ex citatò Guidi Ubaldi libello; Item ex Ærario P. Bettini, sive Commentariis in 28 pr. Sexti Elem. Euclid. ubi demonstrat ejus Instrumenti Ellipseographi quævis puncta describere Ellipses, præter unum quoddam circum decircinans, qualis est in figura nostra Peripheria foraminis E F G H.

PROPOSITIO XVIII.

Indicem Horologum Rectilineum, Horas aut earum Quadrantes motu recto designantem, actum iterum retrogradum, variis modis construere.

UT varietas delectat, sic allicit raritas, sine qua illi parùm gratiæ Cuperet

Index chrono-
metricus
antè & re-
trogradus

O o o o

Cuperet fortassè quis mutare Rotunda Quadratis, & non unius tantùm limbi circularis ambitu horas concludere in uniussummitate turris, sed per totius alicujus Palatii tractum horas easdem disponere, ac in pariete longum & regulariter ducto cuilibet fenestraz horam appingere, dando cuilibet intervallo fenestrarum tempus horarium, ab indice rectà progrediente conficiendum: En facile, quo voti sui compos fiat, artificium, in minoribus primum Indicibus, ac tum in longioribus quibusvis propositum.

Vide Iconisin. VI,
Fig. 29.

Technasma 1. Est id aliquantò operosioris constructionis quàm sequentia; sed quoniam artificium quo nicitur, motus videlicet retrogradus per dentatas rotas institutus, ad alia paulò post insinuanda plurimum conducit, erit ejus operæ leve pretium, rem tam utilem diligentius explicasse. Sit Rota A B C D E F Plana (juxta Cap. I. Num. I.) cujus Rotæ media pars D E F A dentibus sit instructa, reliqua nullis. 2. Hujus Rotæ centro sive Diametro directè superincumbat Axis A G H D, deferens duo tympana dentata A & D, duas item Rotas dentatas G & H, quæ omnia firmiter inhærent axi A D. 3. Fiat Oblongum I K L M, cujus tria latera sint ex metallo solido, quartum verò claudat figura Solis K M, vel alterius signi per Indicem rectilineum promovendi, quod tamen commodiùs in ipsius Oblongi medio collocatur. 4. Duobus lateribus longioribus I K & L M incidantur dentes, rotarum G & H dentibus congrui, ab altera videlicet facie horum laterum, quæ rotas G & H spectant & contingunt; oblongum enim illud concipiendum est rotis G & H superincumbere, & has illius lateribus I K & L M contegi.

Motus. Feratur Rota semidentata motu Primo, hoc est ex A versùs B; movebitur axis A D cum tympanis & rotis motu secundo, cum quibus similiter provehetur oblongum cum Sole K M, ex K versùs B. Oportet autem longitudinem laterum I K & L M dentatorum in ea ratione esse ad Rotas G & H, in qua est semiperipheria D E F A ad tympanum A, vel D ipsæquale. 2. Quoniam verò Rota Plana medià tantum ex parte dentibus est instructa, quam primum tympanum A incipit impelli

pellidentibus illius, oppositum D tympanum nullis impeditur, quo minus simul cum toto axe rotisq; vertatur, & unanimi consensu utriusq; rotæ G & H, latera oblongi tamdiu propellantur uniformi motu, quamdiu Cylinder striatus A impellitur. 3. Quamprimum Semicirculus Dentatus appulerit ad Tympanum D, illudq; admordere inceperit, eodem momento tympanum prius A liberatur ab impulsu dentium, & in oppositam partem alterius ductu versatur. Unde & oblongum in oppositam quoq; partem relegit vestigia, quamdiu urget dentatus semicirculus, qui id præstare debet horis 12, vel 24, aut unâ horâ, si placeat. 4. Totum hoc artificium dextrè occultatur ultra Tabulam quandam. Indicis, ipsi oblongo æqualem: quæ proinde dividitur in 12 partes sive horas æquales, adscribunturq; numeri horarii, duplici serie, quarum superior ab unitate ad 12, indicat horas Astronomicas à media nocte, inferior à meridie, vel contrâ. Sed hæc & similia minutiora relinquuntur cujusvis arbitrio.

Technasma II. Aliis modis Indicem Rectilineum construere quid facilius? Nam & ipsa Pondera descensu suo in totius altitudinis intercapedine, sive in plano quopiam verticaliter erecto, eadem Intervalla horaria designare possunt, idque infallibiliter, si ope spærularum in chordis aut funibus horologiariis dispositarum & firmatarum provideatur, ne descensus Ponderis præcipitet & fallat. Idem verò motus perpendicularis Ponderum, facillimè traducitur in Horizontalem, interventu unius Trochleæ, cui superjicitur funiculus, alligatus Ponderi descendenti. Vel si id incommodum est, aptetur Trochlea quædam vel cylinder in Rota quapiam horologii, motu suo tempus dimetientis, Cylindro enim implicita chorda, pro varia magnitudine Trochleæ, vel numero revolutionum ejus intra unam horam peractarum, varia dabuntur intervalla horaria in directum designanda in pariete, vel alio longitudinis competentis plano; in quo, si placeat artificium occultare, poterit intra vel post Tabulam Indicis Rectilinei, frustum validi Magnetis à pondere per prædictum funiculum sensim laxato, promoveri in plostello magnetem devehente; extra Tabulam verò in conspectu omnium ducetur ab occulto magnete

ferreus inauratus sol, aut Phaëton roseas agitans quadrigas, item Chamæleon, Lacerta, &c. Verùm idem negotium adhuc aliter & ingeniosius conficiet.

Techasma III. Quoniam in Prima praxi oblongum illud dentatum propellens Indicem, & ultra Tabulam Horologam delitescens, dum ultrò citroque provehitur, requirit aliud spatium, ipsi Tabulæ æquale, ad quod se recipiat & extendat, ut considerantipatebit; Posterior autem modus, sive is per finitas, sive perpetuas Chordas instituatur, indiget aut funiculi attractione, aut ipsius Indicis in funiculo à quo promoveretur: idcirco excogitavi sequentem modum, quo utrique illi defectui remedium afferri poterit.

Vide Technism. VI.
Fig. 28.

Sit itaque Tabulæ Indicis Rectilinei tota Longitudo AB, vel CD. Sumatur chorda vel funiculus sextuplus ipsius AB longitudinis & connectantur Extrema, ut fiat perpetuus EABF DCE. Hic circumponatur duabus Trochleis vel Cylindris E & F, circa sua centra liberrimè mobilibus, sic ut funiculus sub limbis Tabulæ superioris AB & inferioris CD transeat occultè. 2. Sit autem & Index aliquis, ut G sic aptatus, ut per totius Tabulæ longitudinem, liberè huc & illuc promoveri possit; quod fiet, si is vel intra duos canaliculos, in superiore & inferiore Tabulæ limbo excavatos discurrat, vel ex aliis quibusdam duabus chordis metallicis; intra limbose eosdem fortiter extensis appendatur, easque stringat leniter laxioribus suis foraminibus vel annulis per quos chordæ transmittentur. In his igitur Canaliculis vel Chordis, promovebitur Index G ab ipso funiculo perpetuo huc & illuc, in hunc modum. 3. Quoniam funiculus perpetuus sextuplus est ipsius AB longitudinis, dividatur is in partes sex, ut: AB, BF, FD, DC, CE, EA: Deinde in tribus divisionum, punctis A, F, C, omisso uno intervallo, illigentur totidem impulsoria obstacula, flexibilia ejus conditionis, ut transeunte funiculo perpetuo, per duos laxiores annulos Indicis G, superiorem videlicet & inferiorem, obstaculum impingens in anulum Indicis, promoveat ipsum Indicem; Indice verò ad extrema AC vel BD latera appellente & consistente, obstaculum tractum à funiculo

culo perpetuo nihilominus progrediente transeat per anulum Indicis, superatâ illâ modicâ quam habet resistantiâ. In eum finem assumi poterunt festucæ tenues, ex calamis avium decissæ, vel ex cornu, aut parcendo labori, setæ equinæ vel suillæ competentis firmitatis. Igitur hæc tria obstacula sive setæ transversim per funiculum perpetuum trajiciantur in punctis A, F, C, & firmentur. 4. Concipiatur alterutra Trochlearum E vel F esse connexa cum aliqua Rota horologii; ut cum Diurna, si Indicem vis esse horarum 12, vel 24, aut cum Horaria, Quadrantum &c. si Index Rectilineus debeat esse Horarius, aut Quadrantalís. Ponatur esse Horarius, & alterutram Trochlearum E vel F moveri regulariter circulariter ab Horaria rota horologii, à qua incitabatur, vel per aliam quandam chordam perpetuam, vel per rotam dentatam &c. fiat autem motus Trochleæ & funiculi perpetui setis instructi ex B in A superius: inferius autem ex C in D. Intelligatur jam Index G à seta A, ex BD delatus fuisse in AC; tum quoniam Index ulterius propredi non potest, seta A nihilominus tracta à funiculo perpetuo, transibit anulum Indicis quem apprehenderat, & progreditur versùs E. 5. Eodem ipso tempore appellit ad inferiorem Indicis anulum seta C, & Indicem à priore seta A liberum, secum retrò ducit ex C versùs D; tum impingente Indice in BD marginem Tabulæ, seta hæc inferior transibit anulum suum; interim superius jam opperitur altera F seta, quæ Indicem ut relegat iter, compellit: duratque hæc Indicis reciprocatio, quamdiu & horologii motus, si tamen in constructione machinæ, sequentia non indiligenter observentur.

Adverte I. Compendium illud initio technasmatis hujus propositum. Quidquid est extra Tabulam ipsam ABCD Indicis, ad minus spatium contrahes, si circa Trochleas E & F portiones illas AEC & BFD funiculi perpetui, semel vel bis convolveris; hoc enim modo necesse est ipsas Trochleas ad Tabulam Indicis propius admoveri, & ad summum eo usque, ut Trochlearum E & F Centra, Tabulæ limbis extremis AC & BD respondeant.

II. Ad continuandam sinè nullo errore reciprocationem Indicis,

dicis, illud curandum magnoperè ut obstaculum sive seta præcedens, priùs annulum suum permeet & relinquat, antequam succedens arripiat suum; quod multis modis fieri poterit, sed ille facillimus, ut non permittatur Index ad ipsos extremos terminos AC & BD accedere, sed paulò ante illos subsistere cogatur, & à priori impulsore liberetur, ut alter adveniens quamprimùm, expeditum obstaculo priore Indicem reperiatur; quod intra brevissimum tempus efficitur.

III. Quoniam primo aspectu ejusmodi Indicis sciri non potest, quoniam progrediatur Index, earne vel redeat, idcirco non difficulter res ita institui potest, ut Index in ita aliam & alterius coloris faciem spectantibus obvertat, in reditu aliam, priori discolorum. Sed hæc ingenioso cuivis haud à longè petenda. *Si tamen numeri horarum aut quadrantum superius progrediantur ab A in B, inferius à B in C, primo statim aspectu sciatur an eat, redeatve Index.*

PROPOSITIO XIX.

Indicem pro Horologio Ambidextro, sive in hanc aut alteram partem circumeunte, nihilominus consequenter & in antecedentia progredientem fabricare.

Index chronometricus ambidexter.

DAbimus inferius Horologium quoddam Ambidextrum, in utramvis partem, prout Pondus appenditur, Rotis suis progrediens; excogitandus erat modus, quo Index hujus Horologii tali motu non recederet, sed porrò progrediretur; is autem occurrit ejusmodi.

Vide Iconism. VII, Fig. XXX.

Technasma. Sit Axis AB continuus mobilis simul cum tympano dentato B, axi firmiter in hærente, quod in hanc vel illam partem Horologii ambidextri rotæ impellent. Eidem Axi imponantur inprimis duæ rotæ digitatæ (juxta Cap. I. num. VIII.) intra quarum foramina teretia in centro terebrata, teres axis liberè moveri possit. Deinde imponantur axi aliæ duæ GH & IK Serratæ cylindricæ (juxta cap. I. num. II. & III.) quarum

utraque



Fig. 30.




Fig. 31.




Fig. 32.

Fig.

33.

Fig. 34.










Fig. 35.

Fig. 36.

Fig. 37.

Fig. 38.

Fig. 39.



utraq; firmata sit in axe, & cum eo simul volubilis. Harum Rotarum ferraturæ in partes oppositas vergunt, & in partes oppositas à cuneis sive pessulis CG & EI obfirmantur, quorum uterq; suo elasmate sive pennulâ pressoriâ sit instructus, ejus in premendo potentia, ut pessuli pronos ad ferraturas motus, absq; magna resistantia admittant: hi autem pessuli deferuntur à Rotis Digitatis CD & EF, ad quas affiguntur claviculis teretibus, & liberè tenentibus. Postremò duabus digitatis Rotis accedat tertia CE, mobilis cum axe LM, & digitos suos implicans utrinq; digitis rotarum CD & EF. Ejusdem Rotæ CE alium situm, verticalem videlicet, si hunc necessitas exigit, refert designatus punctis Circulus, Rotis interjectus.

Motus. Tympanum B cum Axe rotisq; ferratis GH, & IK firmatis in eo, vertatur in alterutram partem; statim enim alterutra Rotarum ferratarum firmabitur à pessulo suo, & reddens digitatam suam quasi continuum quid cum Axe, ducet eam secum, simulque Rotam CE: Hæc autem quia digitos suos implicat & alteri Rotæ, impellet illam quidem, sed in oppositam partem, in quam non obstat illius pessulus, utpote oppositam priori ferraturam obtinens, & in eam partem motum admittens. Jam si tympanum B conversionem mutet in oppositum, tunc qui priùs obstabat pessulus laxabitur, qui laxatus erat, apprehendet ferratam suam Rotam; quæ tum primùm incipit in eandem partem moveri, in quam priùs movebatur sua rota Digitata: Et cum Digitatæ motus idem sit nunc qui ante, quia continuatur in eandem partem, idcirco continuabitur motus & mediæ Digitatæ CE; cui proinde optatus Index Horarius, in eandem semper partem progredietur, in quamcunq; demum tympanum B, cum toto horologio impellatur.

Adverte In hoc Paradoxo motu I. Ut Rota CE in hanc vel illam partem continuò progredietur, pendere id à ferraturis in hanc vel illam partem reciproce inclinantibus & obversis; unde si harum situs utrinque mutetur, invertendo utramque rotam ferratam, & aliâ facie applicando Digitatæ suæ (mutatis etiam pessulis ferratarum) mutabitur & motus ipsius CE Rotæ.

II. Si rota CE manu circumducatur in eam partem, in quam priùs à Digitatis CD & EF impellebatur, movebitur quidem, utraque illa Digitata, sed axis cum serratis Rotis planè quiescet vi constructionis ipsius, si nil aliud obster; ac poterit interim in hanc vel illam partem versari, dummodò non citiùs quàm axis LM moveatur.

III. Quòd si Rotam CE manu circumducere velis in oppositam partem, & non in eam, in quam moveri nata est, nullus omninò sequetur motus, sed totum systema firmabitur & hærebit, ac ut resistentia manùs rotam detinentis superetur, necesse est proportionatam Potentiam applicare tympano B, ex alterutra illius parte; quòd ut priora non minùs est paradoxum. Ad multa alia Motuum Problemata extendit se hæc constructio; ut ad motus libratorios in circularem deducendos; ad impulsus quoscunque irregulares ad circularem ordinatum revocandos &c.

PROPOSITIO XX.

*Indicem sinuosum & obliquatum per anfractus
quosvis, sine Rotis dentatis quocunque lubet
educere.*

*Index chro-
nometricus
sinuosus.*

PER sæpè accidere potest in Horologiis turrium, ut ob angustias aliamque loci constitutionem minùs commodam collocari non possit Index è regione Rotæ diurnæ horas designantis, sed is oblique, sursum, deorsum, vel ad latera ducendus sit ad Tabulam Horologam. Præstari quidem id poterit ope Conicarum rotarum, de quibus Cap. I. Num. IV. Sed multò minori operâ res conficitur, si adhibeatur hoc quod sequitur paradoxum.

Vide Iconism. VII.
Fig. 32.

Technasma. Notum est illud artificium Annulorum Concentricorum, & axes suos vicissim deferentium, quod ad Lampades absque effusione olei in plano volubiles adhiberi solet. Huic non absimile, vel potius geminum est hoc, quod sic habet. Sit crux sive 4 brachia ABCD quæ circa centrum junguntur fortiter à nodo quopiam vel orbiculo, ejusdem continuæ materiæ metallicæ. Opposita duo brachia inferantur foraminibus, in extremitatibus

mitatibus fuscinae ABF excavatis; quæ fuscina similiter ex metallo cuditur, formâ semicyclicâ sive semiannulari: huic altera per omnia similis, complectitur alia duo crucis brachia, sic tamen ut extremitates brachiorum, in foraminibus fuscinarum liberè verti valeant. Denique hæ fuscinae trajiciuntur per annulos aut similes anfas EG intra quas versari possint absque resistentiâ. Quòd si id necessitas exigit, poterit & altera furcarum extremitas artificio simili instrui; dummodò in situ & dispositione furcarum observetur, ut ea faciant inter se angulos recto majores, sive obtusos.

Motus. Extremitas una fuscinae, v g ipsa H dum circumagitur à Rota vel simili fuscina Horologii, vertit simul cum sua, quæ detinet brachia, tum alia eodem vinculo cum prioribus in centro connexa; horum autem ductum necesse est sequatur & altera fuscina, pari quæ cum priorè illa feratur velocitate: unde si fuerit unius fuscinae motus regularis circularis, erit similis & alterius, ac omnium quotquot artificio simili connexarum. Nec est ullum periculum, ne una fuscina impingat in aliam, si angulus quem inter se faciunt, sit obtusus.

Adverte I. Furculas has aliam quoque figuram obtinere posse, ut angulosam ad instar Y litteræ Pythagoricæ.

II. Easdem variè inter se disponi posse, prout necessitas exigit, ut vel alternatim sinuoso tractu progrediantur, vel juxta cujuspiam Polyedri latera ducantur, helicis in modum; etiam à summo ad imum usque turris alicujus Polygonæ, quod inter Paradoxa repones.

III. Potest catena quædam perpetua eodem artificio neci, & in ambitum disponi inter vertebrae vicem sustentaculorum præbentes, adeò ut si una ejusmodi fuscina moveatur omnes simul in toto illo ambitu vertantur: quod artificio qui industrius est, ad plurima machinarum compendia transferre poterit.

PROPOSITIO XXI.

*Indices Horarios Nocturnos, diversis
modis adornare.*

*Indices
chronome-
trici no-
cturni.*

Congessi huc varia quæ nunc in mentem venerant, ut si minùs expolira sint, ad alia tamen exquisitiora, cui mens non penitus torpet, invenienda, aut minimùm hæc ipsa perficienda, præbeatur occasio.

Technasma I. Nocturnus Index opticus aliter ac ad lumen, institui non potest: hoc autem licet absolutè sine igne haberi possit, ut ex destillatione, vel alia magis naturali solutione rerum luce quâdam imbutarum, veluti ligni putridi, muscarum quarundam & scarabæorum Indicorum, de quibus Nierembergius in historia sua naturali, & similibus, ex quibus separari posset liquor quidam, luminosus, qualem est qui vidisse se testetur apud non neminem, earum rerum perstudiosum: est tamen multò parabilius illud lumen, quod oleum vel alia pinguedo in flammam resoluta ministrat. Unde cum in plerarumque urbium turribus excubias agant, & ignem alant ii, quibus id committitur, eadem sanè operâ sumptuque possent simul horæ nocturno tempore indicari hunc in modum.

Detur vel fiat aliqua fenestella in turri, cui prætendatur membrana tenuis diaphana, & insuper oleo probè saturata; quam illuminet lampas intra turrim è regione ipsius locata: Si enim ab Horologio quod in eadem turri constructum est, circumagatur machinamentum quoddam, quo numerus datæ horæ respondens, ex materia quapiam opaca efformatus, sensim moveatur. in prædicta fenestella, vel in eadem per integram horam detineatur, & auditâ horâ subsequente, substituatur alter numerus ei competens; habebitur Index nocturnus. Artificium id præstandi cum admodum sit facile, non est quod hic fusiùs explicetur. Eòdem res redit si loco opacæ figuræ numeralis in lucido, sit lucida in opaco, per excisionem orbis successivè mobilis &c.

Technasma II. Huc quoque transferri potest illud quod

P. Mar-

P. Martinus Martinus in Atlante suo Chinenſi refert ; in ejus gentis urbibus Turres eſſe Horarias, in quibus vigil ad Clepſydram, aquæ fluentis attendens, horas grandi Tympano denuntiat, ſimulque Tabellam in qua horæ currentis numerus cubitalibus notis expreſſus eſt, omnibus conſpicuam exponit. Totum id Ponderum Rotarumque ſubſidio præſtare, Mechanicis ludus eſt & jocus ; ac præter alia multa, huc faceret catena perpetua ex 12 vel 24 Tabellis numeralibus contexta, & per Priſmata Polyedra verfacilis ; nam ſicùm Rotæ pulſûs horarii laxantur in horologio, aperiatur ſimul Rota Tabellas has promovens & dirigens, poterunt uno paſſu tabellæ progredi, & in unius locum altera conſpicua ſuccedere, ſive interdiu, ſive noctu cum lumine modo dicto &c. Tympana quoque incitare, Tubas tibiasque inflare, & alia id genus in vulgus plauſibilia Artis oſtenta comminiſci & exhibere, ſatis promptum judicabit is, qui in propoſita ſibi materia quacunque vel novas omninò technas adinvenire, vel antiquas ſaltem perficere & applicare ſe poſſe non penitùs deſperat.

Adverte. Plurima alia quæ ad ſtructuram varietatemque Indicum opticornum pertinent, dabit infrà Propoſitio 26 28. quæ ne nimius hîc eſſem, eò de induſtria tranſtuli. Supererant quidem adhuc aliæ Indicum chronometricorum ſpecies, ut ſunt Indices Planetarum, Kalendarii &c. in quibus etiam non pauca nova mihi occurrunt, ſed cùm me nunc temporis anguſtiæ ſic premant, ut verear ne non pauca ex ſequentibus, quæ deſcribenda propoſueram excludantur, hîc Indicum motui terminos feſtinus figit calamus. Videatur interim Planetologium Antonii de Rheita lib. 4 oculi Enoch, Aſtrologia Octavii Piſani, Raymarus Urſus Dithmarſus in opusculo quodam Trigonometrico de reſolutione Triangulorum per Proſtaphæreſim, circa finem intermiſcellanea, ſi rectè memini, agit & de motu Planetarum, in Plano per rötulas exhibendo,

CAPUT VI.

SIGNA ACOUSTICA,

Sive

PULSUS CHRONOMETRICI.

*Chronome-
tri pulsus.*

RESTAT & illud quod ad perfectionem Instrumentorum Chronometricorum non parùm conferet, ut si quid artificiosi in sonis Horologiorum aliquando observare licuit, cursim, perstringam; si quid de novo comminisci, paulò pluribus explicem, & utrumque Philotechni Lectoris usibus vel oblectationi proponam. In sono quantum is Signis Chronometricis inservire potest, hæc universim observo: Sonum artificialem excitari posse vel collisione sive pulsu corporis sonori; & sic fit in Campanis quæ communiter ad id adhibentur, item in Tympanis quæ possunt assumi; vel Flatu sive aëris impulsu, ut in Tubis, Tibiis, & omni fistularum genere, quas etiam refert in vocibus humanis, & plurium animalium, Lar ynx epiglottide instructa; vel denique Impulsu aut rasurâ, quibus tremor quidam ac vibrationes excitentur, ut fit in fidibus & chordis metallicis. Atque hæc triplex soni differentia, totidem Instrumentorum Musicorum si ecies constituit; ut videlicet à pulsu denominentur *κρουσά*; à Flatu *μπνευσά*; à tremore ex intensione *ἐντάτα*, vel *ἐν χορδα* dicantur. Hæc omnia cùm pro distinguendis mechanicè temporibus adhiberi possint, de singulis aliquid practicè.

PROPOSITIO XXII.

Eâdem Potentiâ Chronometricâ Motum Indicis, & Pulsus horarios efficere.

*Chronome-
trici indicis
motum, &
horarium
pulsus eâ-
dem poten-
tiâ efficere.*

Pulsus Chronometricus esse potest alius Indeterminatus, ut cùm unico pulsu quævis hora, vel etiam quævis pluribus designatur; ut nolæ vel campanulæ repetitis incerto numero percussionibus horas indicantes. Alius est Determinatus, & cuilibet

horæ

horæ peculiaris ; qui si fiat in una campanula, ut communiter, debet esse numeratus ; si in pluribus, instituetur praxis modo Prop. 24. indicando. Hic de pulsibus numeratis eadem Potentiâ quâ Index circumagitur expediendis agam, & quæ mihi cum hæc scribo in mentem venerunt, aperiam.

Technasma I. Per Elaterem sive spiram chalybeam, videtur id in hunc modum perfici posse. Cum quævis ejusmodi spiræ duo habeat extrema, Centrale & Circumferentiale, quorum uno adducto, revolvitur utrumque in partes oppositas, poterit extremum unum v. g. Centrale impellere Rotas Indicis, alterum verò rotas pulsûs, vel contrâ. Irregularis illa vis & resistantia Spiræ, poterit utrinque temperari per artificium superius Prop. 10. descriptum : hoc tantum diligenter observato, ut certum quoddam tempus ab artifice statuatur, quo horologium sit attrahendum ; & cum juxta numerum pulsuum singulis horis extremum alterum laxantium, temperetur conus alterius hujus extremi, Rotas chronometricas impellentis.

Technasma II. Per Pondus unum duplex ille Motus variis modis exhiberi posset ; ex facillimis occurrit iste. Concipiantur in Figuris 18. & 20. duæ Trochleæ N & P, adaptatæ esse duorum Systematum rotatilium infimis Rotis, id est earum axibus : una quidem Systemati Chronometrico, sive Indicem circumagente, altera verò Phonotactico, sive Pulsibus destinato ; manifestum enim est ex rectè intellecta Ponderis appensione, unum idemque pondus Q circumacturum tam Indicem continuò, quàm rotas pulsibus horariis servientes suo tempore.

Vide Iconism. V. Fig. 18. & 20.

Advertendum 1. Trochleas N & P in Fig. 18. sic collocatas intelligi oportere, ut in Fig. 20. designatæ cernuntur. 2. Quòd si non perpetua chorda sive funis, sed finitus esset adhibendus, tum concipiat chorda illa perpetua esse dissecta, ut utrique extremitati appensum antisacoma, ad continendam chordam intra Trochleas N & P. 3. Uterque modus hic requirit Pondus Q duplum ejus, quod aliàs ad circumagendas semel Rotas sufficeret ; si igitur simplo pondere uterque ille motus esset efficiendus, adhiberi poterit sequens hoc, quamvis multò operosius.

Vide Iconism. VII.
Fig. 31.

Techasma III. Sit Axis AB fortis & teres sive cylindricus, ac firmatus in punctis A & B. Huic imponantur, duæ Rotæ Dentatæ CD & EF, quarum utraque habeat in centro suo afferruminatum tubum earum cylindricum AG & BH, circa axem AB liberè mobilem. 2. Horum tuborum extremitatibus G & H adferruminentur orbiculi sive Rotæ serratæ G & H, pauciores serraturas habentes, ut 12, 16, sed bene profundas. 3. Eidem axi AB inter utramque Rotam medio loco imponatur Trochlea KI excavata pro fune excipiendo, cui Pondus illud unicum alligabitur, & hæc Trochlea similiter circa axem AB immotum liberè sit mobilis; in basibus autem sive Planis, quibus utramque Rotam respicit, habebit Obices sive Repagula quædam, utrinque totidem, & utrinque simili artificio constructa, quorum proinde uno descripto, de reliquis idem iudicium esto. 4. Repagulum igitur ML quæ Trochleæ committitur, habet in primis foramen, per quod & auriculam sive annulum in Trochleâ firmatum transit axiculus teres, liberum in junctura illa Repagulo motum relinquens. Idem Repagulum versùs axem Trochleæ porrigit uncum quendam sive brachiolum transversum, ut in vectibus angulosis; & denique versùs alteram Extremitatem L, curvatur in falcis morem. 5. Aptatis hæc ratione Repagulis in ambitu Trochleæ, quorumcunque numero; ut 3, vel 4 &c. dummodò omnes simul Serraturis Rotarum G & H respondeant, intelligatur inter Rotulam G serratam & IK Trochleam, interpositum esse quoddam lilium, vel similis flos ex lamella præstoria excisus, cujus foliolis, prominentes illi versùs Trochleæ centrum, Repagulorum cuspides seu brachiola premantur, ut hoc modo ipsa repagula LM, nitantur semper ad incisuras Rotulæ serratæ. Idemque fiat ab altera Trochleæ facie. 6. Tubis seu axibus excavatis Rotarum dentatarum, inserantur segmenta quædam cylindrica N & Q, supra prædictos axes sive Tubos huc & illuc liberè mobilia; jungantur autem iugo quodam firmo NOPQ, ut ad motum unius cylindrici segmenti, moveatur & alterum, motu reciprocationis. 7. Fiat libra quædam CKE in centro K mobilis, circa quod secum defert semiro-

tam

tam dentatam, cujus dentibus respondeant incisuræ Jugi O P. Ejusdem Libræ scapus, erigit in parte superiori brachiolum, quoddam, respondens lingulæ sive trutinæ librarum communium; huic affixa est Sphæra R. competentis ponderis.

8. Rotæ CD tubo sive axi cavato inseritur orbiculus quidam SD, sive rota glabra cum priore simul mobilis; habet tamen in certo quodam loco suæ peripheriæ, erectum unum dentem, triangularem inæqualium laterum, & ejus formæ, quâ in Serratis rotis visuntur; sic ut ipsius Hypothenusa ex ambitu leniter, assurgat, ac tandem in præcipitium catheti terminetur. Hic denticulus circa finem cujusvis horæ, attollit sensim brachiolum CS, tuncquando illud inclinâtâ librâ CKE, radit orbiculum SD.

Motus. His ita præparatis, intelligatur primûm Rotæ CD Dentatæ superstructum esse Systema Horometricum; alteri verò Rotæ EF, systema Pulsibus excitandis inserviens: Deinde ex Trochlea KI appendatur Pondus competens aliquod ex artificiiis cap. 3. propositis.

2. Intelligatur Libra CKE, cum pondere R esse inclinata versùs Rotam chronometricam CD; sic enim fiet, ut semirota K dentata, propellat jugum OP dentatum, versùs eandem Rotam CD, & cum jugo simul utrumque Cylindrum N & Q.

3. Horum Cylindrorum unus, ipse N, cum hoc modo recesserit à Rotula, G ferrata, demittet omnia illa falcata repagula, in ejus incisiones: ob contrariam verò rationem cylinder Q, admotus rotulæ ferratæ H, sustollit omnia ab ea parte repagula, sic ut ab iis nullatenus apprehendantur ferraturæ in Rotula H.

4. Cùm hoc modo Pondus ex Trochlea communi appensum habeat connexionem cum Rota chronometrica CD, nullam autem cum altera Phonotactica EF; illam solum incitabit, non hanc; idq; faciet horario spatio, usq; dum denticulus in orbiculo D S prominens, incipiat attollere sensim brachiolum SC, & cum eo totam libram CE, nec non Pondus R.

5. Pondus R inclinatum ultra lineam KR, versùs P, subitò ruet in oppositam partem, cum scapo libræ, simulque

simulque per semitotam dentatam K, impellet OP jugum, cylindrosque N & Q versùs B. Quamobrem cylinder N attollet falcata sua repagula, cylinder verò Q demittet; hæc autem recepta intra Rotulæ H serraturas, firmabunt Trochleam KI, cum Rota EF Phonotactica, & ejus Rotis ad pulsum pertinentibus, quas referabit brachium KE per vectem quendam, quem Figura non exprimit. 6. Audito pulsu Horario, attolletur rursùs Libra CE cum Pondere R, in oppositam partem versùs O inclinando: id autem fiet ab ipsis Rotis Phonotacticis, præsertim ab illa, quæ ab ipsa FE Rota immediatè truderetur, & quæ pro quolibet ictu semel circumagi solet, defertq; in axe suo cor quoddam, cujus ope per vectes ad id dispositos, nullo negotio id præstari poterit, accedente Rotarum impetu ex motu collecto.

Adverte I. In locum Trochleæ KI subrogari potest Tympanum dentatum, quod ab alia quadam inferiore Rota, & ejus Pondere moveatur; idem enim sequetur effectus, aucto quantum res postulat Pondere Horologii: cujus tamen vices obire potest Elater sive Spira chalybea, sed in horologio tantùm stabili; nam in portatili manente eodem fundamento clausurarum per repagula LM, reliqua supellex vectium aliter disponenda esset, ad mutationes efficiendas.

II. Quando Rotæ Phonotacticæ incitantur à Pondere, cessat tantisper motus Indicis; sed ea mora vel per se est exigua, vel compensabilis aliunde. Fieri etiam potest ut inter pulsus illos, Index nihilominùs progrediatur; sed artificii descriptionem, prolixiorem, brevitatem temporis excludit.

III. Si Rotis chronometricis incitatur non Rastrum sive Librile, sed Perpendicularum, potest effici levi artificio, ut illud in extremo suorum arcuum termino apprehendatur, & includatur ac tum restituto Rotis ipsius pondere, solvatur in vibrationes; aliàs cessante semel motu Perpendiculari, non posset is à solo Pondere iterum suscitari. Plura his similia ingeniosis excogitanda relinquo.

PROPOSITIO XXIII.

Ictus quosvis fortissimos à majori malleo & Pondere, majoribus campanis infligi solitos, multò minori Pondere, paucioribusq; rotis dentatis efficere.

Artificium illud, quod Tyronibus Mechanicis, Perpetui motus <sup>Horologio-
rum ictus</sup> artificialis pruriginè tactis, sese primùm offerre solet ut pluri- ^{fortissimos} ^{efficere.} mùm, cùm priorem illum minimè possit, hunc saltem præstare poterit effectum, in hunc modum.

Technasma. Sit Rota quædam ABCDEF, in sex, octo, vel <sup>Vide Ico-
nism. VII,
Fig. 35.</sup> plures partes æquales divisa, in quarum divisionum punctis, fiant juncturæ totidem, pro brachiis quibusdam æqualibus & æquponderantibus malleis vel globis ferreis instructis; sic tamen ut cujusvis brachii motus non excurrat ultra circuli quadrantem, v.g. ipsum DGH. Hujus Rotæ axi imponatur Trochlea cum Pondere, & una rota dentata, quæ gyrahit axem quendam cum Librili, ad motum machinæ totius retardandum, & simul impetum ab hoc Librili concitandum &c.

Motus. Sublatis repagulis Machinæ motum occludentibus, postquam malleus aliquis v.g. DG delatus fuerit ad situm Horizonti perpendicularem, & paulò ultra; decideret malleus cum impetu, describeretque suo lapsu arcum, (vel quasi arcum) GH, ac in objectæ Campanæ H Labrum, ictum vibrabit: Et quia extremitatem tantùm Campanæ tetigit, subtrahetur statim à machina ulterius promota: aliàs si quiescente parumper malleo, campanæ sonus impediretur, interponenda esset à latere Lamina quædam Chalybea, quæ malleum statim à campana subduceret, nec tamen deorsum tendentem impediret. Atque hoc modo multò minori Pondere, quia Machina est quasi æquilibrata, dispositi illi mallei adiguntur, & ictus validiores inferent. Occurrit & aliud artificium per sphæras ferreas ex alto cadentes in campanam, quæ iterum levi potentiâ in altum evehuntur, sed nunc alia revocant illud describere volentem.

PROPOSITIO XXIV.

Sonos Horodicticos aliis variis, novisq^{ue} modis adornare.

Sonos horodicticos variis modis adornare.

AD indicandas Acusticè Temporum Horarumque differentias, assumi poterunt insuper alia non pauca, quæ hoc loco stritum complectar.

Technasma I. In Campanulis. Usus obtinuit, ut una Campanula sonet horas, altera Quadrantes horarum: quòd si pluribus campanulis horæ cum quadrantibus essent indicandæ, sic res poterit institui. Sint inprimis quinque Campanulæ, quarum toni gradatim ascendunt in scala Musica. Igitur pro Primi Quadrantis pulsu, sonet infima UT; pro secundo quadrante UT, RE; pro tertio UT, RE, MI; pro quarto, UT, RE, MI, FA: cum subsequatur horæ pulsus SOL, SOL, SOL, &c. toties, quoties hora præsens postulat. At si plures sint Campanulæ, poterunt aliter ordinari; ut & eo modo quem prodit sequens

Technasma II. In chordis. Si minore impendio laboris aut sumptuum pulsus, Horodictici sunt instituendi; sumantur, quotquot chordæ metallicæ, vel etiam ex Intestinis ovium contortæ, & eæ supra magadium, sive Tabulam quandam tenuem, cavamque, ut sit in Instrumentis musicis, extendantur; situ sive invicem parallelo, sive radieso, & ad unum punctum tanquam Centrum convergente. Concinnentur autem ita, ut duæ oppositæ dent consonantias, incipiendo à perfectis, & ad imperfectas, aut etiam dissonantias progrediendo; hæc enim consonantiarum series, Rotâ diurnâ, binas chordas qualibet horâ incitante, ex instituto significabit horam noctu in cubiculo, sine molestia strepitûs aut ictuum repetitorum. Si clavichordium habeatur, cylinder Phonotacticus ab horologio directus, id multò expeditius præstare poterit, appenso pondusculo, à quo is circumagatur. Impulsus chordarum ne fallat auditum, repeti poterit ter, vel quater. &c.

Technasma

Technasma III. Fistulæ quoque quales in Organis, huic instituto deservire poterunt, maximè si sit ad manum ejusmodi instrumentum Pneumaticum. Nam si Cylinder Phonotacticus construatur, & applicetur palmulis organi, folles autem attrahantur vel artificiosè per machinam quandam facilem, vel attracti semel sistant, & per intervalla breviora descendant ad sonos horarios efficiendos; habebitur intentum. Verùm campus hic cum latissimè pateat artificiis, alterius est temporis & instituti.

Technasma IV. Quamvis pulsus horarii, per Tympanum Militare artificialiter institui possint, cum tamen ea res plus habitura sit artificii quàm usûs, ejus descriptioni nunc supersedeo; interim dico, si res id postulare, pulsus quosvis tympanorum Militarium tam dextrè per machinas effici posse, quàm ab ullo peritissimo tympanotriba præstari possit: sive spectes ictuum celeritatem, sive differentiam ex inæqualitate percussionis, sive Harmoniam in numero mensurato, vel tonis tympanorum musicè concinnatorum. Denique paucis multa: Etsi nullum instrumentum musicum difficilius artificialiter exhiberi possit, quàm Tuba, & quæ simili flatûs vehementia per labia certo modo applicata sonos edunt; nihilominus is artifex qui principia & causas ejus soni probè prospexerit, minimè desperabit, quin is artificialiter exhiberi possit, & si ita placeat, ad temporum differentias indicandas applicari.

PROPOSITIO XXV.

*Sonos Excitatorios statim temporibus, artificio
multiplici procurare.*

NOtissimum est artificium malleoli repetitis ictibus ex reciproca vibratione lubito quovis tempore, vel è somno excitantis, vel ad opus aliquod aggrediendum commonefacientis; Unde de hoc nihil, de aliis artificiis aliquid dicendum superest.

Technasma I. Habet quispiam Rotatum horologium, quod ex prima sua constructione caret excitatorio, ac etiam cam-

Qqqq 2 panula

*Sonos statim
temporibus
excitatorios
procurare.*

panula pro pulsibus horarius, cuperet autem addi excitatorium, manentibus reliquis in horologio integris. Curet igitur seorsim fundi campanulam lubitæ magnitudinis, intra quam concludatur Spira chalybea cum duabus rotulis & malleolo; hæcque machinula tribus quatuorve pedibus insistat, habeatque deorsum, prominentem lingulam quandam, per quam, adductâ prius spirâ chalybeâ aperitur motus malleoli: si enim machinula hæc collocetur supra horologii Indicem horizontaliter jacentem, vel applicetur verticali, pedibus machinulæ firmatis circa centrum Indicis; dirigatur autem lingula illa prominens ad lineam horæ, quâ quis cupit excitari, tum Index horologii delatus ad lingulam, & clausuram malleoli referans, dabit pulsus excitatum quæsitum; ac postea quando cunque lubet, amoveri, & iterum reponi poterit machinula. Figuram qui vishorologarius artifex sibi facile formabit, in re tam facili & artificii ejusdem, quod cernitur in aliis hujusmodi excitatoriis per Elaterem animatis.

Vide Iconisum. VII.
Fig. 34.

Technasma II. Parabilior est, qui sequitur, semetipsum vel alios excitandi modus. Detur Horologium parieti cubiculi appensum, nec instructum campanulâ, sed horas tantum judicans: In pariete juxta quem Pondus horologii descendit, figatur in A brachiolum sive vectis AB, in A mobilis. Extremo vectis B, alligetur unum funiculi vel fili cujuspiam extremum; tum fixo claviculo in C, superjiciatur ei altera funiculi hujus extremitas, ad quam assula seu bacilli frustillum CD sit alligatum. Denique figatur tertius claviculus in E, intra quem & assulæ extremum D. interponatur bacillus ED levis, sic ut inter claviculum E, & assulæ extremum D hæreat; hærebit autem propter appensum Pondus G; cui supponenda erit pelvis ænea, vel aliud simile corpus sonorum, in quod cadens Pondus G, sonitum extiter. Attrahatur jam sursum Pondus F horologium impellens, ad tot horas, intra quot cupis excitari: nam Pondus F elapso definito tempore, sensim delatum ad ED bacillum, cum deprimet, & dejiciet deorsum; ablato autem hoc obstaculo, assula CD laxata, demittet cum impetu Pondus G in subjectam pelvim; & nisi surdaster sis, infallibiliter evigilabis.

Technasma.

Technasma III. Reliquum est, ut & iis, quorum vigiliis aut laboribus otia Palladi parantur, Militibus videlicet & Agricolis, sua Excitatoria, quæ si ita lubear, utrumque sensum feriant, in medium proferamus. Sumatur funis igniarius, militibus & vulgo notus, ejusdem ubique crassitie & densitatis, longitudinis competentis: exploretur quantum is absumatur igne intra unam horam: tum accepta longitudine funis pro quotvis horis, notetur carbone terminus, atque tota hæc longitudo dimensi funis extendatur in longum, supra trabem aliquam vel aliud lignum, à terra nonnihil elevatum in situ horizontali. 2. Per signum prius in fune notatum, transversim trahatur filum quoddam vel funiculus, cujus extremum, si claviculus desit & aliter firmari non possit in trabe, circumligetur ipsi trabi simulque funali, in signo prius notato: alterum verò ejusdem funiculi extremum, firmiter ubi commodum fuerit, ut ad parietem sursum, vel arborem &c. in ejus autem medio suspendatur obvium quodvis pondus, ut Lapis, truncus, vel vas aliquod sive cupreum, sive fictile, & tam artificioso exitu dignum. 3. His eâ diligentia rite dispositis, accensoque funali, ad quietem te securus compone; nam interim funis absumetur incendio serpente tamdiu, usque dum deveniat ignis ad signum notatum, nec non funiculum per idem nisu appensi Ponderis fortiter extensum; ambusto enim funiculo, & abrupto sponte, vel vi ponderis, decidet lapis aut truncus in terram aut somnolentum illum cum sonitu, vel fictile in parietem, cui funiculus altero extremo alligatus erat, illidetur cum fragore, & artificii hujus contubernalis, contra spectra & lemures nocturnos opem hominum superumque inclamet.

CAPUT VII.

ORNAMENTA ET PARERGA MACHINARUM CHRONOMETRICARUM.

ET si duobus præcedentibus Capitibus, quibus Indices Opticos & Acusticos in usum Chronometriæ proposuimus, non pau-

ca eorum sint allata, quæ inscriptioni hîc præfixæ peculiariter debeantur; quia tamen ibi nec omnia, nec eo ordine sunt recensita, prout hîc paucis ex instituto faciendum duximus, eam ob rem omnia illa quæcunque ad prædictam epigraphen respicienti inscribendum occurrent, compendio referam & perensebo.

PROPOSITIO XXVI.

Optica ornamenta & Parerga, Instrumentis

Chronometricis applicabilia determinare.

Chronometrica ornamenta optica varia.

Astronomica.

TAm Indices ipsos Chronodicticos, quàm alia quævis, quibus locus esse potest intra latitudinem objecti visu perceptibilis, & artificialiter per machinam mobilis, in classes sequentes, ordinis gratiâ distribuimus.

Astronomica sunt 1. Indices Horarum Astronomicarum, Quadrantum, Scrupulorum. 2. Indices Horarum Babyloniarum, Italicarum, Antiquarum. 3. Indices singulorum scorsim Planetarum, exhibentes in unoquoque inprimis locum in Zodiaco sive Longitudinem; Deinde Declinationes sive Latitudinem, cum loco Nodorum: Insuper an orientales sint an occidentales, Tempus ortûs & occasûs cosmici; idque sive in Plano, sive melius in circulis aut armillis. 4. Eclipses & aliæ Phases ☾, ☿, ♀, & Annuli Saturnii, haud ita pridem Tubis auctioribus detecti. 5. Revolutiones Comitum Jovialium, & Lunæ Saturniæ. 6. Libratio Corporis Solaris, Lunaris, quâ maculæ & asperitates ad ejus limbum incipiunt apparere, vel desinunt. 7. Revolutio Diurna Fixarum omnium, sive in Planisphærio, sive melius in Globo. 8. Index signorum ascendentium & descendentium toto anno. 9. Domus cœlestes juxta utramque Campani & Regiomontani divisionem. 10. Index vel omnium horarum, vel saltem meridiei in tota longitudine Terraquæ 11. Index Ortûs & Occasûs Solis. 12. Index Quantitatis Dierum & Noctium. 13. Index Crepusculi Matutini & Vespertini. 14. Index Almucantharats sive Altitudinum Solis, saltem Meridianarum. 15. Index Azimuth, sive Circumferentiarum Horizontalium

ium ejusdem. 16. Index amplitudinis Ortivæ, & Occiduvæ, & similia ad notitiam Primi Mobilis, Secundorumque pertinentia, quorum pleraque in unius ejusdemque Spharæ Materialis revolutione demonstrari possunt,

Ecclesiastica sunt 1. Kalendarium singulos Anni dies stabiles repræsentans. 2. Index Mobilium per annos singulos Festorum, Litteræ Dominicalis, Epactæ &c. 3. Index cujusvis diei in Hebdomade denominationem exhibens per Ferias, vel Planetas. 4. Index vel Orbis mobilis singulis diebus effigiem Sancti, cuius dies est sacra, proponens. 5. Indices commonstrantes singulis anni diebus consuetudines, Ceremonias, Dioecesi vel loco peculiare: Item Rubricas officii, colores paramentorum, Dedicaciones Ecclesiarum in toto illo Episcopatu &c. 6. Index Indulgentias, Stationes & Festivitates, Urbi, aliisque locis proprias exhibens &c.

Politica, quibus Oeconomica, Nautica & Artificia Mechanica comprehendo 1. Indices officio munerique cuiusvis proprii: in Diebus singulis, Septimanis, Mensibus, & Annis; quæ præstanda Principi, Militi, Religioso &c. 2. Index Historicus, præcipua quovis Anni die gesta memorans. 3. Exhibitiones Mechanicæ Historiarum, vel aliarum Actionum ludicarum per statuas mobiles prodeuntes in Scenam, & gestus quovis serio exhibentes; quo in genere peculiare quoddam occurrit artificium, exhibendi integram Actionem sive Drama per Scenas sibi invicem succedentes, Actoribus illis rem suam strenuè agentibus. Huc etiam spectant artificia Catoptrica, quorum ope fieri potest, ut singulis horis integra cohors militum, diversæ semper nationis & habitus, suas obeat stationes: Item ut singulis horis diversorum Coelitem statuer in aëre compareant, ac etiam moveantur &c. 4. Index Mercatorius præcipuas Europæ nundinas commonstrans. 5. Index leges & consuetudines Urbis, temporibus certis alligatas indicans. 6. Index Oeconomicus, circa agrorum, vinearumque; culturam, insitiones arborum, transplantationes herbarum, & artificia in seminibus, floribus, fructibusque; certis temporibus observanda & adhibenda. 7. Index Itinerum conficiendorum, rerum suis temporibus

bus coëmendarum, venationum, quibus commodiùs capiuntur. fera, volucres, pisces. 8. Index Nauticus oportunitates navigationum, ventos statos, & tempestates ac æstus marinos designans. 9. Index Anemologicus, indicans quis tempore quolibet spiraret ventus. 10. Index Thermometer, caloris ac frigoris gradus ostendens &c.

*Medica,
Chymica
&c.*

Medica, Chymica, & Experimentalis Philosophia. 1. Index Physiologicus, commonens Experimentorum suis temporibus sumendorum, circa sympathiam & Antipathiam rerum &c. 2. Index spagyricus, qui determinet tempora eligendæ colligendæque materiæ Hermeticæ; hæc ubicunque latet, seu Montibus abditur imis, vel maris eruitur scopulis, aut Fontibus hæret in mediis, alto vel se producit Olympo; quemadmodum pro vario aurium nasiq; modulo, canit vel ludit illorum Vates Augurell. Huc spectant Tempora regiminum, Reiterationum, & aliarum sexcentarum operationum. 3. Index Medicus, ostendens singulis Mensibus, quæ Medicamenta paranda, Herba colligendæ, quibus vescendum cibis aut abstinendum. 4. Index Chyrurgicus monstrans oportuna Phlebotomiæ tempora, & malè adfectorum membrorum curationes &c.

PROPOSITIO XXVII.

Ornamenta & Parerga Acustica, nec non Osphrætica Chronometricis instrumentis adjicibilia percensere.

Chronometrica ornamenta acustica &c.

ACustica quædam Chronometriæ servientia Technasmata indicata sunt obiter Prop. 45. hîc plura distinctiùs, simul cum Osphrericis sive odorabilibus ad ornamenta horologiorum facientibus.

Acustica sunt 1. Pulsus horarum, Quadrantum, Minutorumque Primorum vel singulorum, vel ternorum quorumvis, aut quinquorum: in quibus omnibus adhiberi poterit artificium Prop. 45. indicatum. 2. Pulsus Harmonici per Cylindrum Phonotacticum, singulis Horis, aut earum Quadrantibus; quæ huc

huc pertinent, dabit infra Prop. 50. huic subordinata. 3. Campanula sive nola minor, ante pulsus agitata more solito. 4. Campanula artificialiter agitata certis tantum diei temporibus, ut pro claudendis & referendis Portis Urbis, pro cantu Canonico in choro persolvendo consuetis horis. Item pro lectionibus Academicis &c. 5. Musica artificialis variis instrumentis per Machinas animatis & directis exhibita, sic ut singulis horis alterius speciei instrumenta audiantur, vel eadem horâ omnes instrumentorum species in choras distributæ: Inter hæc post campanulas artificialiter incitatas, possunt esse sequentia. 6. Musica Pneumatica per syringes in organis vulgaribus usitatas, quarum etiam varia Registra ut vocant, mutationes varias artificialiter obtinere poterunt. 7. Musica fistularum, quarum toni clausurâ vel aperturâ foraminum variantur; quod enim fit ope digitorum, expediri poterit & per palmulas certo constructas artificio; idque etiam in Fagotto sive Dulcino: flatûs enim illa vehementia major & minor, nec non applicatio labiis humanis æquivalens, artificialiter procurari cur non possit? De Tubis dictum supra Prop. 45. 8. Musica Chordarum, rasurâ vel affricu simili sonos edentium, qualis fit in Chelybus majoribus minoribusque: sive id fiat artificio descripto à P. Athanasio Kircheri Musurgiae suæ lib. 9. machin: 6. sive alio aptiori quidem, sed minus expedito, de quo fortassis alias. 9. Musica chordarum nervosarum, apprehensione sive contactu incitatarum; qualiter eæ pulsari solent in Testudine, Harpa, Pandura &c. 10. Musica chordarum metallicarum tactu incitatarum; quemadmodum fit in Instrumentis, Clavicordiis, Spinertis &c. 11. Musica Xylorgani sive Instrumenti ex bacillis ligneis diversos tonos edentibus in percussione; tale describit P. Athanasius Kircherus Musurg. lib. 6. Par. 4. cap. 1. 12. Musica Chalyborgani ad imitationem prioris constructi ex bacillis chalybeis, supra pulvillos holoserico vestitos dispositis, quorum suavissimum concentum, est qui tantoperè deprædicet, ut etiam clavicordiis præferat: tentari verò poterit idem in aliis quoque metallis, & eorum inter se mixtura. 13. Musica Tympano-

rum de quibus suprà. 14. Exhibitiones artificiales variorum sonorū, ut cantūs galli gallinacei, cuculi, upupæ, Corvi, similiumque modicæ suavitatis sonorum. 15. Exhibitiones sonorum suaviū; Luscinia, acanthidis, merulæ, sturni &c. Cogitari quoque posset, an non aliquis Psittacus artificialis, duas ad minimum illas voculas χαῖρε καὶ σὺ edoceatur; id enim fieri posse, loquitur caput artefactum, constructum ab Alberto M; si fides historiæ.

Ophretica.

Ophretica sive odorabilia, per artem Chronometricas machinas exornantem, hæc vel similia præstari poterunt. 1. Certis temporibus spargi potest odor in conclavi, sive idem, sive varius: sunt enim odores quidam tam vehementes ex natura sua, vel tales efficiuntur artibus Chymicis, ut si cistula, in qua tale corpus odoratum est reconditum, aperiatur, subito totum conclave perfundatur odore: hoc autem factibile est artificialiter. Quod si odores ejusmodi essent numero plures, ut 6, vel 12; possent illis solis horæ indicari nocturno tempore, hæc tamen adhibitâ cautelâ, ut quilibet eorum non duret ultra horam, sed efferatur interim ab aëre, cui conclave esset sufficienter pervium. 2. Fieri possunt 12 fonticuli aquas odoratas, sive subtilissimos spiritus sæpius rectificatos spargentes in aërem, in quo subtilitate suâ resolvantur & evanescant, odore solo persistente. 3. Quin etiam ad augendum Paradoxum construi potest alter fonticulus, ex cujus uno epistomio singulis horis diversi liquores odorati saliant; huc enim si transferatur artificium illud vasis ex uno epistomio triplicem liquorem fundentis, & multiplicentur siphunculi pro numero horarum ad idem orificium tendentes, adhibeaturque industria, qualis decet oculatum artificem; nullum dubium est id effici posse, & quidem successu constanter infallibili, quamdiu liquores suppetent. 4. Odores per ignem sive suffitus exhiberi quoque poterunt, si non odoris ipsius, artificii saltem gratiâ; Notus est rardioribus ingenio manuque Alchymistis furnus ille, quem Pigrum Henricū vocant; & qui injectos semel majore copiâ carbones, in plures dies, cum necessitas postulat, subministrat: hujus ope si alatur ignis in carbonibus, & singulis horis per tubulum ad id dispositum pulvisculus odoratus iis affundatur, habebitur odor; sed an

is halicum carbonum compensaturus sit, viderit artifex. Id ipsum si non commodius, compendiosius saltem effici poterit per Lampadem, cujus flamma feriat & igniat laminam tenuem, & resolventem in fumum superjectum pollinem odoriferum, vel guttam olei aut alterius balsami odorati, cadentem per intervalla horaria vel alia quæcunque. Hæc omnia attuli in gratiam Curiosorum, quibus etsi Praxis cordi non sit futura, attamen ipsum Scire laboris hujus merces erit, vel ad alia his similia, ac etiam meliora exstimulabit, iterque commonstrabit.

PROPOSITIO XXVIII.

Indicum Opticorum construendorum varias rationes exponere.

Cum tanta multitudo & varietas Indicum Propositione 47 *Indices optici variis modis construendi.* sit recensita, nec singulorum structuram exponere licuerit ob eam, quæ mihi nunc incumbit brevitatis necessitatem; juverit hinc ea omnia quæcunque ad construendorum Indicum Praxes faciunt, *συνοπτικῶς* in una veluti tabella proponere, ut si quæ circa Indicum Praxim aut theoriam difficultas occurrat, ea ex dicendis tollatur, aut ad alias Inventiones aliquid luminis affulgeat.

Indices ut sumuntur non pro gnomone tantum vel lingula monstrante, sed simul & pro spatio intra quod res indicandæ disponuntur, esse possunt 1. Circulares, idque vel singulares, vel plures in eodem axe. 2. Quadrati æquilateri, vel oblongi. 3. Tam hi, quàm Circulares, vel stant immoti progrediente lingula; vel è contra, hæc consistente illi promoventur. 4. In circularibus, lingula vel extremo tantum suo fungitur Indicis munere, vel totâ suâ longitudine, quâ totam Orbis superficiem, variis distinctam circulis interfecat, ut fit in planisphæriis &c. 5. Quadrati oblongi longitudine suâ obtinere possunt situm, vel Horizonti æquidistantem, vel perpendicularem, sive stent, sive moveantur.

6. In Quadratis indicibus ordinari possunt duæ lingulae per bina discurrentes latera, sicut concursus columnarum in angulo designet id quod oportebat, ad eum modum, quo in Tabula Pythagorica

thagorica duo numeri laterales, designant tertium angularem. Hoc modo disponi potest & Hemerologium quodvis sive Kalendarium; si ab uno latere menses, ab altero dies describantur. 7. Indices in universum alii sunt Perpetui, alii finito tantum temporiservientes; quo elapso, de novo sunt supputandi & inscribendi; horum tamen multi reddi possunt universales, si integram revolutionis alicujus periodum complectantur. 8. Indicum Quadrilaterorum tam lingulae, quam ipsae superficies, reciproco motu progredi possunt juxta Prop. 39. quod si fiat, debet una pars superficiei quadrilaterae destinari signiservientibus uni motui, altera verò alteri, sive regressui indicis, facta divisione juxta longitudinem. 9. Si Index Rectus non habet modum retrogradum, debet retrahi vel humanâ ope, vel per potentiam aliam, quæ id præstare poterit.

10. Indices perpetui multiplices haberi possunt in uno Cylindro longiore, & majoris ambitûs, circa axem suum convoluto post tabulam quandam, in qua per excisa foramina cernuntur ea in Cylindro, quæ temporis & Indicis ratio postulat. 11. Idem præstare poterit Conus post tabulam lateris, in quo illud peculiare, ac pro quibusdam Indicibus peropportunum, quod partes illius inæquali velocitate moveantur, Latus autem hujus Coni adjaceat tabulae. 12. Possunt prædictis Cylindro Conoque solidis, alii excavati superimponi in armillas quasdam secti, quæ circa ea corpora motus insuper alios oppositos peragere poterunt: Et hoc ad exhibendam anomaliam motûs Planetarii transferri poterit, adhibitis aliis industriis. 13. Potest & Helix Cylindrica post tabulam lateris ad indicandum assumi, si in ejus ambitu inter duas spirales crenas designentur res indicandæ; ac tum vel ipse Cylinder striatus in motu locum mutet, vel index ab ipsa helice propellatur.

Quod sequitur artificium construendorum Indicum, latissimè suam porrigit utilitatem. Fiat Zona quædam, ex corio candido, vel charta Pergamena, Papyro firmata telæ suffulturâ, junganturque extrema ut fiat perpetua; tales enim si fiant plures, & disponantur supra cylindros erectos vel jacentes, quorum

rum unus ab horologio gyretur; ostendet Zona quævis in singulos dies promota, per fenestellam ad id excisam, illud ipsum, quod ab ea indicari oportebat. Extensioni contractionique Zonarum ob mutationes aëris variè provideri potest, ut v. g. si ab ea Zonarum facie qua tangunt cylindros, disponantur in iis capita quorundam claviculorum hemisphærica, quibus eodem intervallo respondeant cavitates in cylindris: ut autem Zonæ mutationibus aëris laxatæ stringant semper cylindros suos, efficiet uni cylindrorum appensum pondus vel aliud momentum, quo illius axis ab axe alterius diducatur. Id præterea commodi obtinent hæc Zonæ, quod cujuscunque sint ambitus sive longitudinis duplicatæ, nihilominus intra locum angustiores circa plures alios auxiliares cylindros complicari & circumduci possunt.

15. Aliter adhuc idem effici poterit per Tabellas, ex uno vel duobus funibus perpetuis dependentes ad eum modum, quo per sportulas concatenatas egeritur humus ex uno loco in alterum. 16. Denique præter hæc & alia, quæ excogitari possent, construi poterit Catena quædam perpetua ex tabellis ligneis, quarum una connectatur alteri per fila metallica, quæ Catena eodem planè modo, quo num: 14. de Zonis perpetuis dictum, circumducetur cylindris, vel meliùs Prismatibus Polyedris, à quibus simul in officio continebitur, nè huc illucvè provehatur. Atque hoc artificium vel ideò commendabilius est illis Zonis, quòd hîc extensionis contractionisque ab aëris vicissitudine provenientis nullum sit periculum.

PROPOSITIO XXIX.

Cylindrorum Phonotacticorum ad exornanda

*Chronometra adhiberi solitorum structuras conditionesq.
varias exponere.*

Cum nullum ad exhibendas artificialiter concentus Musicos *Phonotactici Cylindri.*
Capitius Instrumentum sit habitum Cylindro, cujus ope melodiae plerorumque Instrumentorum Musicorum Prop. 48. enu-

meratorum perfici possunt; ejus autem constructio tum per se sit facilis, & jam satis obvia, tum etiam ab aliis non uno loco descripta; idcirco omisâ ejus fabricâ, quæ circa usum applicationemque ipsius ad Horometra quæcunque observari debeant, breviter innuemus, cum nova Instrumenti cujusdam Cylindro æquivalentis constructione.

Suppono Primùm, dupliciter ejusmodi Cylindros Phonotacticos construi solere: Inprimis enim Cylindrorum musicorum, alii sunt Monomusi, hoc est, Immutabiles & invariabiles, hâc videlicet ratione constructi, ut infixi semel illorum superficiei dentes seu claviculi, uni cantilenæ tantùm deserviant, nec pro cantionis alterius exigentia refigi & iterum firmari possint. Alii Cylindri sunt Polymusi & Immutabiles quidem quoad denticulos, habent tamen plures cantiones simul adornatas, sic ut axe Cylindri aliquantùm promoti, alterius cantionis denticuli easdem palmulas Phonotacticas apprehendant. Alii tandem Cylindri sunt Pantomusi ac Variabiles, pluribus foraminibus (quorum 8, 16, vel 32 uni Tactui respondent) instar cribri pertusi, quibus immituntur claviculi exemptiles pro lubitu & exigentia, qui firmantur in foraminibus suis per cochleolas & cuneos.

Hæc postrema Cylindrorum Phonotacticorum species cum prioribus illis sit longè præstantior, eò quòd non solum omnem Organædorum industriam agilitatemque digitorum multis parafangis post se relinquat (quod & reliquis Cylindris commune) verùm etiam (quod in illis non licet) lubitam impositionem dissolutionemque cantionum quarumvis admittat; habet tamen illud cum ea laude conjunctum incommodum, quòd in impositione & dissolutione denticulorum cuneis vel cochleolis firmandorum, mora non exigua laborque requiratur; quo si levari cupias, necesse est adsciscas adiutorem, qui te claviculos, ut ars exigit disponente in ambitu Cylindri, firmet eosdem intra cylindri cavitatem, prædictis cuneis vel cochleolis. Huic incommodo cum subsidium aliquod inquirerem, incidi in artificium quoddam, ad hunc finem aptissimum; utpote quo Cylindris ejusmodi Phonotacticis cantio quælibet imponitur eâ celeritate, quâ ab expedito Grammatico voces per syllabas componi, sive syllabizari possunt; parq;

vel

vel majore est in dissolvendo facilitas; Nec una solum cantio, sed plures simul in eodem cylindro possunt instrui. Artificium id non obvium, etsi facile sit ad praxim reducibile, nec adeo multorum verborum descriptionem requirat, in aliud tamen tempus, cum pluribus aliis rarioribus Pragmaticæ Matheseos artificiiis, tum ut olim novitate suâ magis placeant, tum ne nunc effusè prodigus esse videar, reservandum putavi: Interim in ejus locum aliud quoddam novum & percommodum aperio.

Technasma, Quæ præstat Cylinder Phonotacticus, obtineri poterunt aliter, & quidem multò facilius, si adhibeatur artificium paulò post indicandum. Occasionem inventionis hujus præbuit Craticula quædam descendens & barbytum incitans, quam describit Robertus de Fluctibus, & ex eo P. Kircherus. Musurg. lib. 9. mach. 3. Exponatur Figura 29. concipiaturque ex descriptione Prop. 39. tradita, motus Altero longi I K L M. retrogradus. Id igitur Oblongum sit lamina quædam metallica crassior, & latitudinis sufficientis. Dividatur hæc bifariam sectione in longum ductâ, & in utraque medietate terebretur foraminibus quadratis tot numero, quot requirit numerus claviculorum Phonotacticorum, palmulistarumque respondentium. Has autem palmulas si ve tastaturam totam oportet esse geminam, unam videlicet respondentem uni medietati Oblongi in unam positionem moti, alteram verò alteri medietati, in regressu oblongi servituram.

Vide Iconism. VI. Fig. 29.

Motus ex descriptione citatæ Prop. 39. manifestus est. Dum enim Tabula in unam partem progreditur, impellit claviculis unius suæ medietatis, palmulas ei correspondentes; dum verò retrogreditur, idem facit alterius medietatis claviculis, palmulas suas apprehendentibus, quas in priore motu admittebant sine ulla resistantia & pulsû chordarum vel campanularum &c. Pater autem hinc motum Reciprocationis ejusmodi continuum, prorsus æquivalere continuæ Cylindri revolutioni; & hac ratione motum Rectum, non secus ac circularem, dici posse Perpetuum & infinitum.

Compendium pro incommodo illo duplicis tastaturæ si ve abaci palmularum hoc accipe. In locum foraminum quibus Tabula per-
tundi deberet, & Cuneorum vel cochleolarum, quibus transmissi

per

per foramina clavi firmari, jube fieri ex ferro, stanno, vel plumbo tessellas quasdam Quadrilateras oblongas ad instar litterarum Typographicarum ex plumbo temperato fufarum; inter quas tessellas illæ quæ claviculorum munus obire debent, sint chalybee, & reliquis quantum satis est altiores. Compositas tessellas ut erigat Cantio, stringe fortissimè per cochleas ferreas singulis lateribus tabulæ annexas, eo planè modo quo Typographi facere solent cum Characteribus in Quadratum ordinatis; sic enim multò citiùs cantilenæ quævis componi & dissolvi poterunt; quamvis utrumque hoc non tam expeditè fiat ac in Cylindro illo, cuius initio mentionem fecimus.

Advertenda porrò sunt quædam circa directiones & usum Cylindrorum Phonotacticorum in universum, qui horologiis applicantur, & Campanulas harmonicas incitare solent. 1. Cylindri ipse quàm fieri poterit exquisitissimè torno regularis & teres efficiatur. 2. Dentata rota motum cylindri moderans, sit in ejusdem medio, vel in utraque extremitate, quod melius esset; nam si sit in alterutro tantùm Cylindri extremo, caveri ferè vix potest, ut non aliqua motûs inæqualitas interveniat, ob resistantiam elevandorum malleorum superandam ab una tantùm Rotæ parte. 3. Pro quavis Campanula sit duplex malleolus, duplex palmula & foraminum series in cylindro, idque ideò, ut brevissimæ quævis notæ possint exprimi in cantione, ut v. g. caudatæ, bicaudatæ, &c. tunc cum illæ geminantur, vel pluries repetuntur; nam si sint quatuor hæ *mi, mi, mi, mi, sol, sol*, non poterit unus malleus tam promptè percutere & statim attolli, nisi faciant id duo alternatim. 4. Foraminum paucitatem pro uno Tactu, supplet diversitas claviculorum, magis aut minùs porrigentium acumina sua ab ipso foramine in quo sunt collocati. 5. Malleis majoribus, vel aliunde majoris inter elevandum resistantiæ appendantur antisacomata, quantum necessitas postulat. 6. Curetur ut palmulæ claviculique sint ad amussim inter se æquales quoad longitudinem. 7. Pro accelerando Cylindri motu aliæ illæ quibus ventus capitur, aut ponduscula earum vicaria, sint mobilia, ut ad centrum motûs, magis vel minùs ad-

admoventi possint. 8. Pro variis Tactuum inter se proportionibus de repente mutandis in motu Cylindri, ut pro Tripla, Sesquialtera, quamvis aliquod subsidium peti possit ab ipsis Cylindri, foraminibus, in unum ejusmodi Tactum certo numero assumptis, illud tamen tam accuratè non obtinetur, quàm Proportiones exigunt: Occurrit unum aut alterum artificium id efficiendi, sed quia prolixioris explicationis, omitto. 9. Cùm motus Cylindri Ponderibus acti, sit initio tardior, interponenda erit mora unius vel sesquialteri Tactus ad acquirendum Impetum. 10. Si Musicus concentus præcedat horæ pulsus, curetur ut clavus aperiens rotas pulsus horarii sit mobilis; nè cùm cantiones aliæ aliis sint, breviores, expectandus sit horæ pulsus aliquantò diutius. 11. Posset effici in ejusmodi Cylindrorum constructionibus, ut noctu non turbetur quies eorum, qui turribus horologiariis viciniore habitant; sic ut nulli pulsus audiantur intra horas 6, vel 7; vel non tam frequentes. &c.



PARS SECVNDA.

AUTOMATURGICA.

RÆMISSIS iis, quæ Machinarum Chronometricarum constructioni videbantur esse vel absolutè necessaria, vel earundem varietati decoriq; peropportuna, restat ut ipsam Machinarum compositionem structuramq; pertractemus. Quoniam verò Propositionibus antecedentibus, quarum pleræq; Partis hujus sunt Lemmata, res eâ, ut opinor, claritate sunt propo-

Ssss ta,

te, ut simul id quod hîc præstandum erat, ibi magnâ parte jam confectum esse videatur; idcirco nihil aliud hîc nobis agendum incumbit, nisi ut quæ vel ibi planè intacta sunt relictæ, vel quæ huic loco de industria reservata, vel denique quibus nulla cum supradictis connexio, maximâ quâ fieri poterit brevitate claritateq; prosequamur.

CAPUT VIII.

CHRONOMETRA PARADOXA.

PROPOSITIO XXX.

Horometrum ACCURATUM stabile, quod intra Mensem integrum, vix unò alterovè minuto à cursu Solis deficiat, construere.

Chronometrita paradoxa.

T*Echnasma.* Stabile siye in certo quodam firmatum loco Horologium simul accuratum habebitur, si per ea quæ in superioribus tradidimus, instituatur ejus constructio. Nam 1. Sumatur quicunque lubitus numerus vibrationum, quo tempus horarium sit definiendum; v g. vibrationes simplices 3600, quarum quælibet uni scrupulo secundo æquivalet; vel 7200, sicut una contineat 30^{'''}, aut alius quicunque numerus, quem tamen præstat esse commensurabilem, & non a symbolum Sexagenariæ divisioni, apud Astronomos usitatæ. 2. Sumatur pondus Sphæricum lubitæ magnitudinis & gravitatis pro Perpendiculo, quæ quò major, eò minùs anomalix obnoxia, sed majorem Potentiam vibratricem requirit: Deinde per dicta alibi, ex vibrationibus ejus Perpendiculi intra certum Tempus ex aliqua Altitudine peractis, inveniatur Altitudo pro assumptis vibrationibus. 3. Cur-

Horometrum longo tempore accuratum stabile.

recur

retur ut Potentia Motum perpendiculi continuans sit uniformis activitatis; quæ si fictalis, erunt & arcus vibrationum æquales inter se, & Isochroni. 4. Agitatio Perpendiculi quamvis diversis modis superiùs explicatis effici possit, commodissimum tamen videtur esse is, quem propositione 3. exposuimus.

Adverte. Cum æqualitas arcuum in vibrationibus Perpendiculi, det earum æquiditurnitatem, illa verò per Potentiam uniformiter impellentem Perpendiculum debeat obtineri; idcirco maximè invigilandum erit ad hanc uniformitatem Potentiæ procurandam, ad quam faciunt sequentia. 1. Trochlea vel Cylinder cui appenditur Pondus Horometri, sit exquisitissimè rotunda. 2. Chorda vel funiculus, ejusdem sit ubique crassitie. 3. In dentibus Rotarum tollatur omnis inæqualis eorum offensatio, quantum per industriam mechanicam fieri poterit. 4. Tympana dentata axibus Rotarum imponi solita non sint nimis parva, nec pauciorum denticulorum; hoc est, non 6, vel 8, sed 12, 16, vel etiam plurium; horum enim major numerus, majorem in impellendo servat æqualitatem: idque vel maximè observandum in inferioribus tympanis, sive vicinioribus Potentiæ; in remotioribus enim numerus denticulorum aliquantò minor, ut 12, 10, vel 9, esse poterit. 5. Detur opera ut axes Rotarum sint maximè teretes & politi, nec intra rotunda foramina, (ut fit communiter, at non rectè) sed intra quadrata moveantur. 6. Dentes Rotarum majorum, non modo sint regularis & aptæ ad impellendum figuræ, sed etiam rectè perpoliti in ea superficie, in qua fit contactus & apprehensio. 7. Præcludatur omnis aditus pulvisculis in aëre volantibus, ne inter Rotarum denticulos recipiantur, & præter retardationem motûs, etiam denticulos exedant in attritu eorum mutuo. 8. Nullibi adhibeatur oleum ungens, præterquam in axibus, idq; permodicè. At nec oleum olivarum huic negotio satis aptum est, ut quod vim quandam metallorum corrosivam obtinet, quamvis ea non prodat se tam sensibiliter; refert enim author fide dignus, filum argenteum longiori tempore in oleo tali fuisse corrosum & solutum: id quod etiam probat illa nigredo, quam in attritione mutua chalybis col-

ligit oleum, quæ nihil est aliud quam partes metalli subtiliores.
 9. Præcludatur quantum fieri potest, aditus aëri extrinseco, & tot alterationibus obnoxio ad cubiculum, in quo Horologium aservatur. Posset etiam totum Horologium cum Pondere includi cuidam cistæ, ex laminis metallicis optimè ferruminatis constructæ, & in suprema parte circa Indicem, laminâ CrySTALLINâ vel vitreâ instructæ; sic ut inclusus semel aër temperatus, maneat idem: Attractio verò Ponderis, nec non Indicis, si necesse esset, emendatior collocatio, perficeretur per Verticillos quosdam teretes, arctissimè versatiles, ut sit in Epistomiis; id quod facillè pluribusque modis fieri posse video, sine ullo impedimento motûs horologiarii.

PROPOSITIO XXXI.

Horometrum ACCURATUM Portatile cum

Perpendiculo, vel aliter construere.

Horometrum portatile, longo tempore accuratum.

COgitanti mihi quânam arte Perpendicula Chronometra, quæ tranquillam Machinæ in uno loco consistentiam requirunt, ad minora quævis Horologiola portatilia extendi transferrique possent, incidit primùm modus paulò post indicandus: in quo cum incommoda quædam displicerent, post factas mecum varias circa id ratiocinationes, occurrit artificium quoddam præstantissimum, ex penitiorè Motuum Philosophia, deductum. Id verò tanquam rarum quoddam, pro iis qui non tantùm Technicarum curiositatum studio, sed & dignitate, nataliumque splendore plus eminent, peculiariter reservandum duxi. Si quis tamen interim, dum ego aliam id evulgandi occasionem præstolor, vel attigerit eundem conceptum, vel in arcanum inquirere voluerit, en habet artificium, Cryptographicè per Anagramma propositum, nec difficulter eruendum, si Typhetha & Oedipus, servent easdem litteras.

RGT, TCO, MME, RIP, NAE, INS, ATE.

Technasma illud initiò memoratum, instituitur per Annulos, axes suos invicem deferentes; ad eum modum, quo Lampades per pavementum volubiles sine effusione olei; vel pyxides Magneticæ in

in Instrumentis Astronomicis vel Geometricis mobilibus appendi solent, ut eundem semper Horizontalem situm teneant. Descripsimus idem artificium in Analectis Coursûs Mathematici P. Galp. Schotti, ex Iconismi N. Figura 39. ibidem: Hoc enim modo obtineri poterit idem situs Horologii totius, & Perpendiculari, non sine industria tamen, & cautelis adhibendis in praxi.

PROPOSITIO XXXII.

*Horometrum TACITUM, & quod in motu
nullum aut imperceptibilem ferè Rotarum strepitum
excitet, fabricare.*

Permolestus accidere solet tumultus ille, quem in Horologiis usitatis excitat Librile illud ansatum sive rastrum, ictibus continuis & reciprocis; huic incommodo non unum proferemus remedium aut levamen.

Technasma I. Continuationes vibrationum Perpendiculari factæ per Propositiones antecedentes 3, 4, 5, 6, si rectè praxis instituat, aut omninò nullum, aut levem minimeque molestum dabunt strepitum in agitatione Perpendiculari.

Technasma II. Horometrum sine Perpendicularo & Librili, novâ ratione constructum, juxta dicenda Prop. 41. nullum, prorsus excitabit sonitum in motu, ut patet ex ejus descriptione, & Adversionibus, quæ idem artificium meliori formâ proponunt.

PROPOSITIO XXXIII.

*Horometrum AMBIDEXTRUM, quod ap-
perso ad alterutrum ejus latus Pondere, cursum prosequatur;
& Index Horologus in utroq. illo motu progredia-
tur consequenter, novâ ratione
construere.*

Artificium totum in antecedentibus jam proditum est quasi aliud agendo, & inadvertente fortassis *Lectore*: Indicis quidem constructio datâ operâ tradita est Prop. 19. Horologii verò Prop. 3. ex cujus conspectu constat, idem Horologium esse simul Tacitum.

Vide Iconism. III.
Fig. 9.

Technasma. Exponatur Figura. 9. Propositionis 3. & ex ea rectè intelligatur constructionis artificium; manifestum enim erit inde, quòd si continuante vibrationes Perpendiculo AB, incitato per Rotam Interpolatam DE, repente Rota HK incipiat in aliam partem converti, quàm priùs circumacta fuisset, motum nihilominùs Perpendiculi nullatenus impediendum: etenim in quocunque loco sui arcùs tunc deprehendatur Perpendiculum AB, ex acquisito priùs impetu continuabit eandem illam vibrationem; pro sequenti verò vibratione jam habebit faventem sibi impulsum, quandoquidem de reliquo paritas est motuum in hanc vel illam partem à Rotis ipsis institutorum. Propositionum 4, 5, 6. Technasmatibus idem quoq; obtineri posset, adhibitâ industriâ; sed prior ille modus facilior est, & universalior, cum non solis tantùm Perpendiculis, sed & librilibus usitatis, inservire possit. Constructo prædictâ ratione Horologio Ambidextro, applicatur Index fabricatus artificio Prop. 19. habebiturque Horometrum Ambidextrum, quod quærebatur.

PROPOSITIO XXXIV.

Horometrum INDESINENS efficere, tale videlicet, quod in attractione Ponderum, quamvis ea per horam integram, vel etiam continuò fiat, subsistere non cogatur.

Horometrum Indesinens.

DOcuit id superiùs Propositio 12. & monet ejus Corollarium I. Poterit autem id effici tribus modis, quorum duo priores, totidem Technasmatibus citatæ Propositionis continentur, tertius Corollario 4. ejusdem. Quod si Pondera Horologii sint volubilia sive Sphærica, licebit idem consequi per Prop. 13. Techn.

Vide Iconismi V.
Fig. 24.

1. Nam facillimè res ita institui potest, ut eodem momento quo Sphæra D sive Pondus Horologii motivum, ex sua scala delabitur in Canalem G, aliud Pondus ipsi æquivalensex Canali E devolvi possit in Scalam Perpetuam, & sine interruptione motus, Horologium incitari; dum interim Pondus illud prius ex Canali G in Canalem E attollatur à Potentia Horologii attractiva, sive illa

illa sic à Principio animato, siue inanimato, qua de re infra Cap. XI. & libro sequenti. Circa illapsum Ponderis ex canali E in Scalam, & ejus semicylindros transversos, industria quædam adhibenda erit; Juvabit autem intervalla graduum Scalariû esse paulò majora Diametro Globi D, Canalemque E ejus inclinationis ad Horizontem, ut Sphæra concepto impetu ex declivi volutione, rectà sese inferat suo loculamento: aliàs singuli semicylindri Scalares à latere EFG deberent in medio sui deferre brachiolum quoddam, nonnihil prominens, per quod ut ponticulum quendam Globus absque omni periculo locum suum subiret.

PROPOSITIO XXXV.

Horometra OBSEQUIOSA, siue qua statim temporibus per aptata ad id machinamenta varias operationes usibus humanis per commodas efficiant.

Latissimus hîc aperitur campus excurrendi, ad componendas novis inventionibus Machinas Horometras, quæ præfixis temporibus Hero suo tam dextrè sollicitèque famulentur, quàm aliquis verna vel Cubicularius ad certa tantum & quasi numerata obsequia deputatus: è multis pauca sint exemplo, quæ cùm per otium describere non liceat, indicâsse saltem non erit injucundum. 1. Fieri potest, & factum scribit Majolus in Caniculi Horologium, estque jam artificium poenè commune, quod præstituto noctis tempore, ignem excuriat, & candelam accendat. 2. Quod post lubitum tempus, aquam lavandæ faciei, fontis salientis instar affundat. 3. Quod Candelam statis temporibus emungat dexterrimè. 4. Confici potest Horologium Conviviale, quod in mensa collocatum, & argento ductili Atlantè vel Herculem coelos sustinentem, vel Bacchum dolio insidentè referat, ac tum intra certa tempora, certum vini congiû Muscis accipientibus dimetiatur. 5. Quod Militibus, similiter vinum promat, descendente Situlâ vino plenâ, eodem semper & Pondere & Quantitate liquoris. 6. Quod Indicem suum Horologium tempore pluriæ, velo vel aliis valvis occludat; aquæ ipsius pluvialis

*Horometra
obsequiosa.*

pon-

pondere, machinas horologio in hunc finem annexas dirigente.
 7. Sic & Statua quædam fastigio turris Horologiariæ insistens, explicare poterit vexillum manè singulis, vel festis tantum diebus, & iterum vespere idem complicare, vel etiam quoties aliqua tempestas instat &c. Hæc & alia permulta non esse *adivata*, singulorum descriptione evidentissimum facerem, si in his longiorem esse nunc liceret.

PROPOSITIO XXXVI.

*Horometra BELLICOSA, sive ex artificiis
 Pyrotechnicis, variis ignibus missilibus armata.*

*Horometra
 Bellicosa.*

SI ostentandum esset artificium, vel in gratiam hospitis alicujus vellet Princeps quispiam singulis horis aliquot tormenta bellica explodi, fieri posset Horologium in una ejusmodi machina bellica, vel etiam in singulis, quod oneratas humanâ ope machinas statis temporibus inflammaret, certâ serie palàm in Propugnaulo dispositas &c. 2. Construi potest Horologium formâ Martis, vel alterius cataphracti militis, quod singulis horis manualet bombardam exploderet; quæ iterum oneraretur pulvere nitrato prosequenti explosione, per internas suas machinulas ad id dispositas; quod & in Tormentis bellicis non enormiter magnis, alio tamen modo fufis, in opus deduci posset. 3. Quin etiam eadem Martis statua poterit artificialiter quotquot explosiones ejusdem bombardæ successivè facere, tanto temporis intervallo se subsequentes, quantum intercedit inter 4, 6, vel 8. pulsus alteriæ humanæ, idque artificio facili, nec uno, quæ ad praxes ejusmodi Machinarum utiliter transferri possent. 4. Poterit & Jupiter fulminans, Dracones ignivomi, & alii hujusmodi ignes missiles statis temporibus, per Machinas horometras designandis exhiberi; quæ singula cum describere non liceat, indicâsse nunc sufficiet.

PROPOSITIO XXXVII.

*Horometra PEREGRINANTIA, sive
qua successu temporis progrediantur, Locumq. regulari la-
tione mutant.*

Præter ea quæ infra Propositionibus 66. & 67. describemus, con-
strui poterunt horologia Progreſſiva, aliis tamen artificiis; ut
1. Mercurius caducifer indicans horas, in tota longitudine cu-
jus parietis, juxta quem defertur, insistsens alicui plano horizon-
tali. 2. Phœbus vel Phaëthon quadrigâ vectus in aëre, suspen-
so videlicet effedo è subtilissima chorda metallica, in qua illud
sensim provehatur, & horæ cum earum quadrantibus in abside
rotarum designentur. 3. Similiter fieri poterit horologium in
forma Tarantulæ vel araneæ ascendens per filum sericum. 4. In
forma Limacis, Chamæleontis, animalis, quod Pigritia dicitur,
pedetentim per mensam vel aliud planum progredientium. &c.

*Horometra
peregrinan-
tia.*

Horum omnium hætenus recensitorum, aliorumque com-
plurium descriptiones cum ob angustias temporis adferre non
liceat, erit id præstandi fortassis occasio (mihi saltem) commo-
dior, si non in Mathesi Organica, tum certè in Cinematometria
Speculativo- Practica, quas cum pluribus aliis hætenus non visis,
si DEUS vitam virisque suffecerit, ad ejus in Scientiis & Artibus
majorem gloriam, litteratorumque commodum, animo de-
stinavi.

CAPUT IX.

CHRONOMETRA EXPEDITA.

NON cui vis promptum erit, Horometra hætenus recensita, sua
vel industriâ vel sumtu sibi parare, quorum defectu non
raro meliora relinquere, & deterioribus uti compellimur: unde
cum & his quoque providere voluerimus, afferemus aliquot In-
strumenta Chronometrica, Clepsydri sive Arenariis vulgaribus

*Chronome-
tra expedi-
ta.*

exactiora. Plura quidem in eam rem disserere, variosque Clepsydrarum & Clepsammiorum sive arenariorum, tum antiquorum reformandorum, tum novorum condendorum modos proferre possem, sed cum me defectus temporis & otii ad finem descriptionis hujus magnis passibus incedere compellat, cogarque multis, quæ proponenda statueram, supersedere, dabo hoc loco unum & alterum modum construendi horometri parabilis & expediti. Interim advertendum quoque est, inter horometra expedita numerari posse modum illum, quo Perpendicularum sic apratur, ut ejus vibrationes absque supputatione continua, quovis tempore, suo numero exhibeantur: id quod obtinetur per machinulas Prop. 1. & 2. descriptas, quæ alias quoque constructiones faciliores admittunt per solas trochleas: Experimentiâ enim constat, Perpendiculara præsertim longiora si semel impellantur, ad longum tempus, & ultra horam vibrationes suas continuare; quod & in eo quoque instrumento continget, si detur opera in ipsius constructione, ut Perpendicularo quàm minima resistentia sit superanda, aut ut languescenti motui vibrativo detur impulsus novus artificialiter, juxta ea quæ ad Prop. 2. advertimus.

PROPOSITIO XXXVIII.

Arenariis Chronometricis, sive Clepsydris vulgaribus fluxum magis ordinatum, tot nec vicissitudinibus obnoxium tribuere.

*Clepsydra
exalta.*

Compertum est his, qui ejus rei aliquando periculum fecerunt, Arenaria vulgaris, sive hæc ex arena seu sabulo subtiliore, sive ex plumbo stannove, sive demum ex ovorum putaminibus conficiantur, pro varia aëris ambientis constitutione, fluxum vel tardiorum vel promptiorum fortiri; sed & aliis mutationibus, quas Prop. I. percensuimus, esse obnoxia. Horum plerisque succurrit hæc, quæ in praxi non semel felicem successum habuit, industria.

Vide Iconism. VII.
Fig. 35.

Technasma. Intra vitreas ampullas A & B, per nodum C seu Diaphragma sive Lamellam perforatam in nodo poni solitam,

tam, traducatur Siphunculus quidam, confectus vel ex tenuiore bractea metallica, vel ex charta duplicata aut triplicata firmo glutine compacta. Si autem Tubulus is in extremitatibus A & B apertus, ac per totam suam longitudinem, subtilissimis foraminulis instar cribri arenarii pertusus, ictibus tamen obliquis, & ex nodo C in utramque medietatem tubi directis. Agglutinantur autem duæ hæ medietates siphunculi spondis sive lateribus interioribus ampullarum v.g. hoc modo. Sumatur una medietas CA, & quantum forma vitri exigit incurvetur; tum ex ea parte quâ adhærere debet ampullæ, inducitur leniter fluente cerâ, & ubi hæc frigore satis est adstricta, inseritur tubulus ampullæ; admoto autem vitro prunis sive carbonibus ardentibus tamdiu tenetur, donec incipiat cera fluere; removeatur ilicò ut frigescat, adhærebit enim tubulus vitro. Interim tamen dum cera fluit & frigescit, continendus erit Siphunculus intra vitrum eodem loco, per incurvam quandam virgulam, vel aliter. Transmissâ deinde prominente extra vitrum unius medietatis extremitate per Diaphragma quantum satis est perforatum, inseritur illi alterius medietatis similiter firmatæ extremitas, ut uterque tubulus in unum coalescat &c.

Motus & Commoda constructionis hujus sunt. I. In vulgaribus arenariis per idem foramen diaphragmatis insinuat se aër ex una ampulla in aliam, in hoc autem quia per siphunculum aër transmeat ex uno vitro in aliud, arena liberrimum habet fluxum; hinc nec titubat cylinder arenæ cadentis, sed instar immobilis fili descendit. 2. Non subjacet tantis inæqualitatibus ab aëre ambiente provenientibus, ut docuit experientia, examinatis Quadrantibus binis hoc modo constructis, ad horologium cum Perpendiculari, nec potuit in matutina frigidiora aura, & meridiana calidiora ulla alicujus momenti differentia notari quæ tamen in aliis usitato modo constructis, manifestè sese prodebat.

Adverte I. Ampullas vitreas debere esse quantum fieri potest non admodum difformis capacitatis, sed maximè ejusdem figuræ & orificii circa nodum; aliàs in acutiore ampulla circa

nodum magis urgebitur arena ad descensum, & citius effluet, quàm ex ampulla altera obtusiore. 2. Utraque facies foraminis in diaphragmate sit quàm simillimæ figuræ & limbi. 3. Nodus occludatur firmissimè, ne semel inclusus aër, ad ambientis variam temperiem, nodum permeare possit: Clausuris ejusmodi pix est aptior, quòd peream non ita transpiret aër, ut per ceram. 4. Intra vertendum Clepsydram, cavendum est ne siphunculus oppleatur arenâ; aliàs ex unius quadrantis fluxu, fieri poterit propè duorum.

PROPOSITIO XXXIX.

Clepsammia sive Arenaria Chronometrica, ad anomaliam fluxûs evitandam, nova ratione construere.

*Clepsydra
novo modo
construita.*

Figura vitrorum sive ampullarum quasi Conica in Arenariis vulgaribus est minùs commoda, ut in ea ponantur signa quædam, ex arenæ quantitate tempus indicantia: hæc quæ sequitur, constructio, & huic incommodo occurrit & præstat illud ipsum quod superius artificium.

*Vide Iconi-
smi VII.
Fig. 36.*

Technasma. Sumantur duo Tubi vitrei AB & CD, alterâ extremitate patentes, alterâ desinentes in conum, in cujus Vertice sit foramen exiguum pro fluxu arenæ, factum vel in ipso vitro, vel faciliùs in applicata lamella more solito. 2. Inferantur hi duo Tubi duabus basibus EF & GH, excavatis interiùs eâ figurâ, quam tractus punctis expressi indicant; eriguntur autem alternatim vertices Tuborum, ut in figura cernitur. 3. In duabus illis basibus, si placeat, excindi poterunt duæ fenestellæ K & L optimè clausæ vitreis Lamellis, ne aër transpiret. 4. Extremitates Tuborum, quæ coagmentantur receptaculis suis ligneis, sint similiter agglutinatæ pice vel aliâ materiâ, ingressum aëris impediente.

Motus. Arenâ in inferiøre GH receptaculo existente, invertatur sic machinula, ut arena tota recipiatur intra Tubum DC, qui proinde habebit ex inversione eum situm, quem refert in Figura Tubus, AB. Fluere autem arena ex Tubo in subjectum receptaculum liberrimè, propter patentem aëri transitum,

ex

ex uno receptaculo in aliud per tubum alterum arenâ vacuum. &c.

Adverte I. Commodiùs construendum Arenarium, sitotum sit ex vitro, sic ut unum receptaculum sit continuum uni Tubo, alterum alteri; erunt enim duo vitra capitata, quorum unum BAK, & alterum CDL, conjungenda firmiter in B & C nodis more solito utrumque nectentibus. 2. Quod si hoc non, tum bases sive receptacula fiant vel ex Laminis metallicis, vel ex marmore, vel denique ligno ac non nimium poroso, sed solito, quale est Hebenum, buxus, aut si sit Pyrus vel Pomus, commodum pingentur interiùs & exteriùs colore oleaceo, vel saltem pice aut resinâ, optimè saturabuntur, ne aër faciliè transmeare possit.

PROPOSITIO XL.

Clepsyammium sive Arenarium Chronometricum novâ & optimâ formâ & artificio construere.

REm *αγρόζωας* proponi si cupias, accipe. Clepsydram arenariam, vel etiam ex aquâ aut argento vivo inclusis constitutam fabricari, quæ inversa fluat quamdiu placet, ut per Horæ quadrantem, duos, aut horam integram, nullâ factâ mutatione circa foramen diaphragmatis; posset enim & talis construi, quæ pluribus foraminibus esset instructa, pro lubitu claudendis vel referendis. 2. Quæ licet fluxerit uno quadrante horæ, si tamen Horologium Urbis retrahatur, vel etiam repente præcipitet motum ex directione artificis, poterit nihilominus effici, ut inversa Clepsydra fluat per horam integram vel dimidiam, prout exigit horologii illius necessitas. Hæc & similla præstabit Clepsydra, quam proponit.

Technasma. Confletur ex vitro Tubus reflexus AFBCDE, Vide Iconismum VII. Fig. 37. cujus utraque extremitas sit in B. distetque una ab altera tanto intervallo, ut inter utramque possit interponi lamella perforata, per cujus foramen arena Tubo inclusâ fluat per horam integram: ejus autem quantitas sit AB vel circiter, occludanturque omnia postmodum more solito. &c.

Motus. Sivelim ut inversa Clepsydra fluat per horam, relinquoto totam arenam in A B tubo. Si per dimidiam tantum horam, effundo reliquum arenæ per superiorem partem tubi, ut defluat in inferiorem, & relinquo ex arena tantum quantitatem F B. Denique si jam nunc incipere volo horam integram, refundo arenam totam in unum A B tubum. &c.

Adverte Portionem illam E D Tubi totam posses sic occultari, ut planè in conspectum non veniat, ut tantò magis inopinum sit & artificium & effectus. 2. Eadem Portio non est euejusdem sit crassitiei cum Tubis A B & B C, sed poterit esse angustior, & ad occupandum minus spatium figuræ non Cylindricæ, sed Parallelepipedæ.

PROPOSITIO XLI.

Arenarium Chronometricum Perpetuum, continuato per plures horas aut dies fluxu tempus dimetiens, construere.

*Clepsydra
perpetua.*

PRæter duas istas superiores Clepsydram inventiones occurrunt aliæ plures non incommodæ, quas cum describendi non sit otium, hanc sequentem, utpotè ad alia multa perutilem, silentio prætereundam non putavi.

Vide Iconif. VII,
Fig. 38.

Technasma. Concipiatur Rota quædam Annularis conca-
va, duabus videlicet superficiebus Cylindricis, majore B C D E,
& minore K L concentricis, & duobus annulis planis, bases parallelas constituentibus comprehensa; quæ sit B C D E,
circa Centrum & axem A mobilis. 2. Tota Rotæ hujus
interior cavitas dividatur in receptacula quotcunque, v. g. 12.
idque per interjecta quædam Diaphragmata quadrilatera, obli-
què tamen coagmentata, ad eum ferè modum, quo nonnullæ
rotæ aquaticæ instruuntur haustris quibusdam, ad excipien-
dam aquam è sublimi defluentem; hoc tamen discrimine, quòd
aquatica rota exterius pateat, hæc autem tota sit clausa: talium
autem diaphragmatum unum refert linea B K, cui reliqua in
omnibus similia. 3. Ab uno Receptaculo nullus pateat aditu
ad

ad aliud nisi per exiguum quoddam foramen, factum in quolibet diaphragmate propè ipsam exteriorem superficiem Cylindricam, v. g. in B. Et hæc foramina sint ubique æqualia. 4. Includatur aliquid arenæ intra cavitatem Rotæ, in quocunque tandem Receptaculo, & tum Rota diligenter ocludatur. 5. Axi A ex utraque Rotæ parte imponantur Trochleæ, ex quarum una appendatur Pondusculum aliquod, ut ipsum I. ejus quantitas, ut Rotam concavam BCDE cum arena inclusa possit inclinare quidem, sed non planè circumagere cum arena. Ex altera Trochleola suspendatur Orbis quidam FGH, vel potius Trochleola pendens ex A Trochleola orbem prædictum sustentante ope funiculi vel Zonulæ perpetuæ AHGFA.

Motus. Pondusculum I. Rotam cavam sensim circumaget, effluente paulatim Arenâ ex uno receptaculo in aliud per foramen cujusvis diaphragmatis. Hinc Pondusculum illud movens I. non debet esse nimis magnum, sed quantum docebit experientia post distributam in aliquot receptacula arenam in ipso motu. Circumactâ Trochleâ A necesse erit & orbem FGH converti; quo circa si ita attemperentur inter se quantitas arenæ inclusæ & Pondusculi I, nec non proportio Trochleolæ A ad orbem FGH, ut orbis FGH semel in horâ vel etiam duabus horis evolvatur, figaturque Index stabilis alicubi v. g. in G. habebitur motus machinæ tamdiu continuatus, quamdiu Pondusculum I. descendet.

Adverte, eodem modo quo suspenditur Orbis FGH ex Trochleola A, posse alium Orbem ex prioris axe suspendi, & sic consequenter quousque placet, v. g. ad Orbiculum quendam, qui semel intra 12. horas circumagatur. Fusiori descriptioni & cautelis ac demonstrationi motûs hujus supersedeo, cum

ea omnia cuiusvis perspicaci sint obvia, mihi verò
non vacet singulis immorari.



PROPOSITIO XLII.

Chronometrum Horarium per Sphæulas 60. descendentes in Helice quadam Cylindro, vel Parallelepipedo incisa.

Vide Iconismi VII.
Fig. 39.

Chronometrum horarium per Sphæulas.

T*Echnasma.* Ambitui Cylindri vel Parallelepipedi ABCD incidatur Helix, ad bases AB & CD mediocriter inclinata; ejus autem profunditatis, ut Sphæulæ quædam intra hunc spiralem canaliculum recipi, & intra eum liberè volvi possint. 2. Canalis hic in ambitu toto Columnæ claudatur vel totus, vestiendo totam columnam Vitrea concavâ similis figuræ columnâ, cylindricâ videlicet, aut parallelepipedum referente; vel ex dimidia tantum parte canalis præmuniatur, ut globus devolutus videri quidem, sed non è canali suo delabiqueat, 3. Exploretur uno horæ minuto primo, quatum spatii globus conficiat in descensu per helicem; sit autem illud v. g. à puncto E usque ad F. 4. Supra punctum E relinquatur tanta portio canalis spiralis, quanta sufficit, ad 60. globos capiendos; similiterque infra punctum F tantundem ex Canali relinquatur; quod superest utrobique, tanquam supervacaneum præcidatur ex tota columna: sint tamen sectionum bases axi Columnæ perpendiculares, ut ea planis Horizontalibus perpendiculariter insistere valeat. 5. In punctis E & F fiant duo Cunei sive Obices formâ triangulari, connexi per vecticulos intra Cylindri cavitatem latentes eo artificio, quod rudis hæc deformatio refert in ipso Cylindro Spirali: Nam prædicta obstacula E & F triangularia firmanur in vectibus e H, & f L, in punctis G & L liberè mobilibus, quorum uterque connectitur per Virgulam HK, & unus eorum instruitur lamellâ pressoriâ M, cujus ope prædicti cunei E & F contra se nituntur tantâ vi, quanta à globo per Spiram F descendente, & in cuneum F in vecto superari potest, depresso vi globi cuneo F.

Motus. Dum proximè dictâ ratione deprimitur cuneus F à globulo per helicem descendente, necesse est alterum E cune-

cuneum elevari per virgulam K H: hic autem sursum sublatus referabit viam uni sphaerulae, ut ea per helicem devolvatur, & delata in F, referet similiter obicem sequenti globulo; & sic deinceps cum sphaerulis 60, per unam horam devolutis; Hoc facto si invertatur Machinula, aperiaturque obex primam sphaerulam detinens in E, vel post inversionem in F, habebitur par in omnibus descensus; ob paritatem constructionis.

Adverte quod fit per pennulam M, prementem, posse per duo Ponduscula effici artificiosius quidem, sed non tam compendiosè; idcirco modum illum omitto, contentus simpliciore tradito. 2. Helicem corporibus Polyedris incisam videri commodius ad id assumi posse, eò quòd in ea plùs temporis insumat globulus in descensu, quàm in Cylindro; quia ibi frangitur globuli imperus in singulis angulis Columnæ, quod non fit in Cylindro. 3. Præter hæc Expedita Horometra, plura si quis desideret, ad eat infra Propositionem 68. nec non ea quæ Capitis hujus initio diximus.

CAPUT X.

HOROMETRA NOVA RELIQUA.

Propositum mihi fuerat omnia Nova Horologia, quæ nunc excogitare licuerat, singulariter hoc loco pertractare, & ab antiquis innovatis, quale est vulgare Rotatum, & Cylindricum Volubile paulò post describendum, seorsim in conspectum ponere; tamen illud jam quoad rem ipsam factum in antecedentibus, parco verbis ac tempori, & quæ præterea nunc occurrunt, eâ brevitate quam claritas patitur expediam.

*Horometra
nova.*

PROPOSITIO XLIII.

*Horometrum Rotatile, sine Perpendiculari tamen,
vel Librilis vibrationibus tacite decurrens
construere.*

*Horometrũ
rotatile sine
vibrationi-
bus librilis.*

PAucis complectar ejus constructionem, ut quæ superius Prop.

41. tota propemodum est absoluta: proinde quidquid hic desiderabitur, inde petendum erit.

Vide Iconism. VII.
Fig. 38.

Technasma. Sumatur Rota Annularis intus Cava, & interstincta Diaphragmatibus perforatis, ad arenam per ea effluentem ex uno receptaculo in aliud excipiendam, prout id loco citato fusiùs describitur. Hujus Rotæ Axi A imponatur Tympanum striatum sive Dentatum, cum quo connectantur inferiores quotquot Rotæ, sibi mutuò implicatæ, more in aliis horologiis usitato. Infimæ harum omnium Rotæ appendatur pondus ejus Quantitatis, quæ sufficiat ad Rotam Arenariam leniter attollendam, ex ea nimirum parte, ex qua levatur onere sensim defluentis arenæ ex superiore receptaculo in Inferius: aliàs si Pondus illud esset nimium, volverentur omnes Rotæ cum impetu, ut consideranti pater.

Motus Horometri manifestus est ex descriptione Prop. 41. tradita: Nam si Rota Arenaria semel intra horæ minutum v. g. circumagatur, quamvis irregularis esset ejus motus ob inæqualitatem foraminum arenam admittentium, tota tamen Rotæ conversio una, alteri conversioni, adeoque & hora horæ erit æqualis, nisi aliud vitium aliunde æqualitatem illam impediat.

Adverte 1. Ut hæc æqualitas conversionum & Horarum, servetur, nunquam permittatur Horometrum consistere propter Pondus non attractum, ne arena in unum receptaculum confluat, & donec iterum distribuatur in motu, fiat aliqua conversionum, anomalia post attractionem Ponderis. 2. Pro Diaphragmatibus Planis & rectis in Figura designatis, assumi poterunt in medio inflexa, ad eum ferè modum, quem hujus V characteris Figura refert. Reliqua quæ circa fabricam & usum Machinæ occurrunt observanda, non sunt ejus momenti, ut ea speculatio-

vel praxis non doceat artificem. Videatur etiam Annor. ad Prop. sequentem.



PRO-



Fig: 40.




Fig: 41.




Fig: 42.




Fig: 43.




Fig: 44.




Fig: 45.




Fig: 46.





Fig: 47.



PROPOSITIO XLIV.

Horometrum Rotatile, in quo Sphærola Metallica, continuo volutationis motu Temporis dimensiones exequitur, construere.

Concipiatur Rota quædam Annularis Cylindrica ABCD, cum Axe suo E mobilis, habens latitudinem AB competentem, ut in ea per totum ambitum Rotæ excavetur canalis quidam flexuosus & perpetuus, eo modo qui in Figuræ 41. portione FGHI cernitur, vel quem in ejusdem parte inferiore HIKL videre est; ejus profunditatis & amplitudinis, ut globulum metallicum competentis magnitudinis & ponderis recipiat, liberamque volutionem ei permittat. Excavatus porrò canalis occludatur exterius vitreâ vel aliâ Laminâ tenuiore per ambitum Rotæ ducta, aut etiam alio modo curetur ne globus ex canali elabatur. 2. Rotæ sic preparatæ Axi E imponatur tympanum dentatum, cui innectatur integrum Systema aliarum Rotarum dentatarum, debita ad efficiendos motus Chronometricos proportionis, earumque rotarum infimæ appendatur Ponderus ejus quantitatis, ut globum intra canalem Rotæ Annularis existentem attollere possit à perpendiculari EC usque in Q gradibus circiter 45.

Vide Iconism. VIII Fig. 40. & 41.

Horometrum rotatile cum sphærola metallica.

Motus ex ante dictis patet; Etenim si Rota Annularis sic collocetur ut ejus axis æquidistet Horizonti, conabitur globus intra canales anfractuolos ad infimum Rotæ locum descendere; id autem dum facit, attollitur semper Rota à Ponderetotius Horologii principali, quodeam vim habet ex constructione, ut globum devolutum continuo, detineat constanter in distantia prædicta graduum 45, à puncto C versus Q circiter supputatorum.

Adverte & infer ex dictis, quod si loco Canaliū sinuosorum fiant plana eodem modo flexa, sed majori declivitatis angulo; loco sphærolæ verò decurrentis, adhibeatur arena fluens sinuoso tractu, per foramina in planis illis alicubi commodiore loco facta; habiturum te aliam machinæ præcedenti Proposit. descriptæ constructionem per commodam. 2. Cana-

les quos in Exteriori Rotæ superficie excavandos esse diximus, juxta Fig. 41: portionem FGHI etiam in interiore eodem modo efformari posse, ut in iis alter globus devolvatur; intra eundem enim Canalem duæ sphaerulæ ac etiam plures licet volvi possent, est tamen aliquod periculum ne aliquando unus alterum detineat, motumque machinæ totius impediat, &c. 3. Si rota hæc annularis esset vitrea, vel ex alia materia diaphana & apta, posset loco globuli infundi mercurius, sive argentum vivum, quod metalla penetrat & dissolvit. Plura cui vacat excogitare, poterit, & exornare propositum technasma.

PROPOSITIO XLV.

Horologium Cylindricum volubile, quod innatâ suâ gravitate per declive planum sensim descendens, horas indicat.

*Horometrū
cylindricum
volubile.*

*Vide Iconi-
fin. VIII
Fig. 42.*

RECENS est id Inventum & incerti Authoris; quod quia curiosum est, & à nonnullis rudioribus & è vulgo habitum fuit pro Mobili Perpetuo, placet paucis proponere, & (quod facile esse dicuntur, scilicet post factum) Inventis aliquid addere conabimur.

Technasma sic habet. Concipiatur Cylindri orthogonaliter objecti visui, basis esse Circulus ABCD: pateat autem prospectus intra ipsum Cylindrum, qui aliàs duobus planis orbibus, Cylindri bases constituentibus occluditur. Per horum autem orbium centra transeat Axis E, prominens utrinque extra bases sive orbes illos, in quibus postmodum horarum numeri describentur, & utrinque duo Indices extremitatibus axis E imponentur. 2. Eidem Axi E ad angulos rectos firmiter coaptatur hinc Pondus H efformatum in segmentum quoddam Cylindricum: inde verò Systema Rotatile FG, in quo tamen una tantum rota LM designatur, reliquæ intelligantur. 3. Rota LM dentata axem suum sibi peculiarem, & more solito in ea firmatum, porrigit versùs concavam Cylindri Superficiem: hic autem axis in extremitate sua deferret tympanum dentatum K apprehendens denticulos Rotæ cujusdam amplissimæ propè concavam Cylindri

dri superficiem sic accommodatæ, ut ea cum Cylindro simul circumvoluta, semper admordeat tympanum K, cum eoque convertat simul Rotam LM, ac etiam reliquas horometras, illi tanquam basi superstructas. 4. Pondus igitur H cum toto Systemate FG sic in medio Cylindri, ex ejus axe E hæret suspensum, ut nullibi Cylindrum ipsum contingat; ac neque systema FG, præterquam in duobus polis Axis E, & Tympano K, Rotam illam Planam sive Orbicularem sub concavitate Cylindrica, firmatam apprehendente, ut dictum.

Motus Horologium sic constructum collocatur in Plano DN declivis; tum verò Cylinder suo & inclusorum machinamentorum pondere nititur versùs N, atque sic per amplissimam illam Rotam trudit tympanum K; quod quidem simul cum Rotam LM citissimè circumageretur, manente nihilominùs eodem, situ Ponderis H & systematis FG, ac etiam ipse Cylinder versùs N celerius volveretur; sed quia Rotula LM habet alias quas impellat simul cum Librili sive rastro horologii, more usitato, idcirco fit lentissima Cylindri per Planum devolutio, tanta videlicet, quantam permittunt Rotulæ per vibrationes Librilis sensim laxatæ & convolutæ.

Adverte 1. In utraque basi Cylindri fiant Indices Horarii, quorum unus more solito habet adscriptos numeros, alter retrogrado ordine. 2. Horologium Cylindricum quod videre licuit, sic erat constructum, ut Indices Horarii extremitatibus axis E utrinque inserti, essent inter se inconnexi, & uterque seorsim, cum id necessitas exigebat, adducendus erat ad numerum, suum in limbo descriptum: fiet igitur commodius, si Axis E non fiat solidus, sed concavus siphonis instar, ac tum per illius cavitatem transmittatur axiculus teres intra cavitatem prioris cum aliqua resistentia versatilis; huic enim versùs indices ipsos prominenti si firmiter inserantur lingulæ horodicticæ, necesse erit ad modum unius lingulæ manu circumductæ, circumduci & alteram priori connexam. 3. Horologium illud idem constructum erat antiquo artificio Librilis; habet tamen & Perpendicularium locum in eo Cylindro; quia licet systema FG prægravante

Uuuu 3 Pondere

Pondere H inclinetur ab hoc situ perpendiculari quem Figura refert, hunc tamen ipsum obtinere difficile non erit, levi industriâ obliquando videlicet FG ad ipsum Pondus H, donec habeatur situs perpendicularis ad Horizontem Systematis ipsius, quem perpendicularum postulat. 4. Postquam Horologium sensim descenderit ad imam partem plani declivis DN, transfertur Horologium, & collocatur iterum in summa; atque hæc est horologii adductio. 5. Si Horologium tardiùs procedat, attollitur magis planum: si citiùs, quam par sit, deprimitur extremitas illa, quæ plùs distat ab Horizonte Physico. Posset quoque Motus Horologii accelerari adjiciendo aliquid Ponderi horologii totius, sed prior modus usurpandus, tanquam magis expeditus.

Corollarium. Patet ex dictis, id incommodi esse præter cetera in hoc Horologio, quòd oporteat planum DN esse tantò longius, quantò diuturniori tempore Horometrum decurrere desideres; sic pro horis 12 toti limbo inscriptis, longitudo Planis æqualis erit, ambitui Cylindri, & pro 24 ejus dupla, &c. Quare si placeat, adhibeatur in eam rem hoc Compendium. Constituatur Horologii Systema Ambidextrum per Prop. 54. ac tum Planum illud declive frangatur sinuoso quodam tractu, ad eum modum, quem in Figuræ 41. portione FGHI videre est: descendet enim Horologium per eos anfractus alternante Rotarum motu; Et quia tunc Index Horologii aliquando iret prorsus, & aliquando regrederetur, fiet ut in itu Cylinder volvatur horis 12, & totidem in reditu sive opposita volutione, tum verò horas in limbo Indicis ordine, prorsò versoque simul describe. Posset autem hic regressus Indicis per artificium Propositionis 19. tolli, si cui placeret artificium geminare.

PROPOSITIO XLVI.

*Horologium Conicum truncatum spiritaliter
volubile.*

Ocasionem hujus excogitandi dedit illud prius, habet autem Conicum istud cum priore loco Cylindrico communia ferè omnia, præter Superficiem exteriorem, & planum declive in quo fit volutio.

Techasma

Technasma. Sumatur Coni cujuspiam acutioris portio DEBC, Vide Iconism. VIII, Fig. 43. cujus Planum DE Parallelum sit basi BC; procedatur autem, in partium interiorum structura eodem modo ut in Cylindro, præterquàm in iis quæ fortassis Coni truncati figura postulat.

2. Loco Plani declivis construendum erit pro Cono Planum Spirale, per quod ille circulari volutione descendat, quarum volutionum centrum idem est cum centro vel axe spiræ: Concipiatur enim in Fig. 43. Zona quædam orbiculariter in spiram convoluta circa Cylindrum AK; sicutamen ut una voluta distet ab altera paulò majori intervallo, quàm sit BC Diameter basæ Coni: Per has enim volutas necesse erit Horologium Conicum, sensim devolvi, non secùs ac Cylindricum per Planum declivè.

3. Proportio Plani Spiralis ad Conum mutilum ea est in constructione servanda, ut vertex Coni BCDE cogitatione producti, coincidat semper cum A puncto, hoc est cum Axe Cylindri AK & Helicis ipsi circumductæ. 4. Helix illa dupliciter construui poterit: Inprimis immobiliter, excavando videlicet Helicem in Cylindro solido & homogeneæ Materiæ. Deinde sicut Helix ipsa circum Cylindrum extendi & contrahi possit, ut hoc modo declivitas illius major minorque efficiatur pro tardando vel accelerando Horologii volubilis motu. Unde prædicta Helix conficienda esset ex Lamina metallica, cuprea videlicet vel ferrea, ut si necessitas exigeret, liceret eam complicare, secumque quo luberet non incommodè deferre simul cum Cylindro. 5. In Helice Immobili sive excavata, motûs horologiarii acceleratio facienda esset vel per additionem Ponderis ad Pondus ipsius Coni, vel diminutionem ejus pondusculi, quod utrinque est in brachiis rastro sive Librili.

Adverte. Tam Cylindrico illi Propositione antecedente descripto, quàm Conico huic volubili Horometro, applicari posse Perpendicularum parvum; non tamen sine industria, quâ efficiendum erit, ut Systema Rotatile, quale est in Fig. 42. ipsum FG, servet in volutione sua situm perpendicularem; quod non difficulter obtinebitur per certam ipsius habitudinem ad Pondus H in citata Figura expressum.

PROPO.

PROPOSITIO XLVII.

Horometrum Trochleatum, sive ex meris Trochleis absq̃ ulla Rota dentata conficere.

Horometrum Trochleatum.

Compendiosum & Expeditum hoc Horometrum tanquam simplicissimum ultimo loco Philotechni benevolique Lectoris judicio proponendum censuimus; idque non accuratâ descriptione, sed perfunctoriâ, ut habeat ille quod suppleat industriâ suâ promptitudine ingenii, dum mihi properanti ad descriptionis hujus finem, singula hæc, & alia quæ proponi poterant, accuratè prosequi non licuit.

Vide Iconism. VIII. Fig. 44.

Technasma. Sit Trochleola AB, circa suum axem, vel etiam cum axemobilis: huic, artificio Propositionis 4. connectatur Perpendicularum MNP. idque mediante virgulâ MA. videatur hac super re Prop. citata. 2. Ex Trochleola AB suspendatur Trochlea CD. mediante funiculo perpetuo & nodoso, sive ii nodi fiant ex dispositis & firmatis sphaerulis in funiculo, sive necendo eosdem ex ipsamet chorda: istis autem nodis, æqualibus intervallis ab invicem distantibus respondeant cavitates in utraque Trochlea AB, & CD. 3. Trochlea CD habeat in axe suo firmatam Trochleolam EF, ex qua suspendetur simili planè modo Trochlea GH: & sic deinceps quotquot erunt necessariæ Trochleæ continuari poterunt. 4. Ex infimæ Trochleæ, v.g. ipsius GH, Trochleola IK appendatur Pondus L ad motum Trochlearum Perpendicularique sufficiens. 5. Axes omnium Trochlearum suspensarum movebuntur non intra foramina stabilia, sed intra crenam quandam à summo ad imum excisam; ut dum Chordæ illæ Perpetuæ & nodosæ contrahuntur vel distenduntur, axes Trochlearum sustolli vel deprimi possint. Reliqua quæ huc pertinent, ut sunt Proportiones Trochlearum ad invicem, aliunde non difficulter intelliguntur.

Motus. Circumactis vi Ponderis L omnibus illis Trochleis, movebitur circulariter & Trochleola AB, & per virgulam AM a-

A M, agitabit Perpendiculum NP in centro suo sive puncto suspensionis N liberè mobile.

Adverte 1. Perpendiculi NP longitudinem totam rigidam & continuam esse non debere, sed fractam in articulos duos aut tres, flexibiles in juncturis suis, ob liberiores Perpendiculi agitationem. 2. Pluribus aliis modis Perpendiculum Trochleis applicari & agitari poterit; quorum nonnullos dedi Prop. 24. & seqq. & non pauci adhuc supererant quos studio brevitatis omitte-
tendos censeui. 3. Perpendiculi longitudinem, & ad Trochleas ac Pondus Proportionem, si quis à priori supputare non noverit, docebit experientia; mihi nunc hæc proposuisse sufficiat.

CAPUT XI.

HOROMETRA PERPETUATA.

HERCULEAS Artis Machinariæ Columnas attingimus. *Horometra perpetua.*
Non plus ultra provehuntur ævi nostri vela: Sed erit fortasse tempus, quo Columbus aliquis inopino Technasmate, Centrum non jam consistentiæ, sed modis indefectibilis in hoc ovo contumaci detegat, mirantibus reliquis inexpectatum, licet obvium facinus. Sunt qui Perpetui Motus Artificialis *ad viciam* propugnent; sunt qui possibilitatem adstruant; cum neutri Demonstrationem ineluctabilem dederint, ego rem indecisam in medio relinquo: interim verò quia nil tentare nocet, præter ea quæ in Analectis Cursus mathematici P. Gasparis Schotti, in eam rem, breviter disserui, habeo in eodem genere nonnulla, quæ olim liberiori tempore discussa, & melius limata, momentum aliquod ad eum Motum adferre poterunt. Unicum eorum specimen Hydrotechnicum sive in Gravibus liquidis, dabitur Libro sequenti Cap. 5. quod cum intellectui principiis Hydrotechnicis innixo prorsus satisfacere videatur, experientiâ verò propter occupationes præsentis alterius Divinioris studii illud examinare non lice-
rit, Philotechni Lectoris otio & judicio aut etiam praxi truti-

nandum relinquo. Quodsi quando Superis placuerit, ut mea, quâ in Artium arcana feror propensione permittam, dabo operam, ut DEI Ter Optimi, Terque Sapientissimi in Scientiis & Artibus, (in quibus eum maximè veneror,) gloriam, quantum ipsius favore licuerit, totis viribus promoveam. Spem perennis Motûs in Gravibus solidis ego maximam colloco in artificio Æquilibrii & Impetûs, concurrentibus auxiliariis Helice, & Pendulo: & in supra memoratis Anelectis exposui aliquot non omninò contemnenda Technasmata, quæ gnavi Artificis industria in opus deducta, si non illum optatum felicemq; successum, conatum tamen minimè temerarium habitura mihi videntur.

Cùm igitur Technicen ævi nostri deficiat Principium infiniti Motûs Arti intrinsecum, & non Geometricâ tantum, sed & Empiricâ Demonstratione firmatum, esset autem animus, ostentandi saltem artificii causâ, construendi Horologium quoddam Ponderis attractione non indigens, accersenda erunt auxilia ab ipsa Natura, quibus æquivalens quædam motûs perennitas, etsi multò deterioris conditionis obtineatur. Hujusmodi verò non tantum ab ipsis Elementis, in quibus Physica quædam circularisque motio in Universo deprehenditur, sed etiam à mixtis quibusdam petenda erunt, & ab Arte debitè applicanda Machinis, ut hæ perennem motum Mixtum, sive Physico-Mechanicum efficiant. Erunt autem motus ejusmodi non absolute Perpetui, sed ex hypothesis tantum, quamdiu videlicet ordinarius Naturæ cursus in Universo perdurat, aut Principia illa Physicâ, ex hominum libera voluntate non removentur aut impediuntur. Verum ut ab ipsis fundamentis ejus Perpetuationis tota ratio intelligatur, sit

PROPOSITIO XLVIII.

Perpetuationis Horometrorum Physico-Mechanicae conditiones & fundamenta.

*Horometro-
rum perpe-
tuorum
fundamen-
ta.* Suppono. I. Machinas Chronometricas, præsertim Rotatiles sic construi posse, ut habeant Motus, quantum industria mechanica assequitur, ordinatos & regulares ad sensum, vel saltem moraliter

moraliter & è vulgi opinione : id quod obtinetur artificio Perpendiculi, qua dere superius nō uno loco, tum præsertim Prop. 30.

II. Hanc Motûs regularitatem quocunque longiori, finito tamen tempore perdurare posse, vi nimirum Potentiæ Chronometricæ motricis, ad continuandum motum semel applicatæ ; hoc est unâ Ponderis attractione motum Horologii utcunq; tandem, regularem, durare posse per horas 24, vel dies 7. aut 30. Menses 3. aut 6. &c. quamvis interim per accidens, ut vel ex vitiosa Machinæ constructione, vel aëris mutationibus, aliqua momenti levioris in illo motu intercesserit anomalia ; corrigenda vel per Adversiones Prop. 51. recensitas, vel more solito ad cursum Solis.

III. Finitum hunc Motum fore Perpetuum, si interea dum Potentia illa motiva, sive Pondus, præstituto tempore Machinæ motum constituat, aliud quoddam Pondus, illi priori æquivalens attrahatur, ut illi postmodum in officio movendi Horometri succedat. Hæc autem attractio si fieret ab eadem ipsa, vel etiam alia machina, internâ tamen vi & conatu artificiali, haberetur Motus ille Perpetuus artificialis quæsitus: si verò ab extrinseco & per motorem quendam Physicum, eumque non eundem individualiter, sed specie tantum, ut per aquam fluminis, aut ventum ; obtinebitur Motûs perpetuus quidem, sed mixtus ac Physico-mechanicus.

IV. Activitates Principiorum Physicorum, Ponderibus tra-hendis applicabilium ; ut plurimum esse & Irregulares, & Inter-missas sive interpolatas ; quemadmodum cernitur in ventis, plu-viis, aliisque de quibus postea. Fluviorum verò fontiumque fluxus quamvis non pauci dentur continui, vix aliqui tamen reperiuntur, in quibus regularis & constans impetus, aut eadem aquarum copia persistat. Ut ut sit, patet nihilominus

V. Per Irregulares illas, & activitatis interruptæ Potentias Physicas, regularem & continuum Motum effici posse ; mediante videlicet Pondere, à Prædictis illis Potentiis attracto, & uniformi suo nisu, motum ordinatum efficiente.

VI. Immediatas has Potentias Chronometricas sive Ponde-ra, ad minimum duo esse oportere : Unum pondus quod motum regularem & Chronometricum actu continuet præfixo tempore ; alterum verò quod intra idem tempus, vel (quod magis expedit)

Xxxx 2. intra

intra brevius à Potentia Physica & extrinseca attrahatur, ut in locum prioris officio suo perfuncti, sine mora succedat, & motum continuet.

VII. Potentias has Immediatè motivas, sive Pondera, Sphærica esse oportere, propter mutationes illas, mutuâsque successiones ad motum continuandum, quæ commodissimè instituuntur ipsâ naturali Ponderum devolutione per declive. Videatur superiùs Prop. 14. & inferiùs Lib. seq. cap. 3. Poterit tamen in certis artificii cujusdam circumstantiis esse & unum Pondus, & non volubile, quæ de re infra Libro sequenti Cap. 2. & 3.

VIII. Motum Chronometricum, ut plurimum, longum & diuturnum esse oportere, ad alterius illius succedanei Ponderis attractionem, ab intrinseco Physicòque motore perficiendam: hæc autem diuturnitas varia esse potest, pro varia Motorum Physicorum conditione & natura; id quod vel accurato calculo supputari, vel prudenti artificis judicio colligi debet: Ut si ventus quidam status, & provinciæ sive loco peculiaris, sit attractivum illud Principium, sufficiens ad attractionem intra quodvis semestre perficiendam; conficiendum esset Horologium, Mensibus 6. ac etiam paulò diutiùs ex sese mobile, ut intra id tempus, aut quod multò securius est, citiùs etiam Ponderis attractio perficiatur. Simili modo discurrendum est de attractionibus intra unum vel plures annos instituendis.

IX. Diuturnitatem hanc Motûs Chronometrici multipliciter obtineri posse. *Primò* per multiplicationem Rotarum denticularum se mutuò implicantium. *Secundò* per pluritatem, circumductionum funis intra Trochleas Polyspastas. *Tertiò* per plures attractiones particulares, vi Ponderis Principalis horologiarii factas quibus pondus quoddam minus & subordinatum, semel intra horas 24. vel dies 7. &c. attollitur. *Quartò* per multitudinem Ponderum volubilium, sibi mutuò succedentium in animando Horologio. Tres priores modi requirunt Pondus magnum; postremus multum, sive multiplicatum. Atque hoc ultimum multiplicati Ponderis artificium, priora illa tria reddere por-

potest multò securiora; quandoquidem ad Pondera ista seposita & auxiliaria recurrere possit Horologium, ut ferant suppetias,ùm id poscit necessitas; quæ tunc urget, quando primum Pondus ad fundum descendit, secundum verò necdum attractum est ab extrinseco; quare tertium hoc auxiliare, vel quotquot similia, opportunè interim supplere poterunt.

X. Machinamenta Attractoria ex obviis Mechanices principiis variè disponi posse, ad faciendas illas attractiones Ponderis, ab extrinseco quopiam motore Physico: unde operæ pretium fore non putavi, si in iis de industria describendis Figuræ & verba multiplicarentur. Observetur enim Activitates Motorum, Physicorum in attractionibus duplices esse posse; Alias fluentes & continuas, alias interruptas & discretas. Prioribus illis respondebit in Machinis Motus Circularis continuus; Posterioribus motus Libratorius & reciprocus; quorum hic ex fundamento Rotarum serratarum attractionem perficere poterit, ille per Rotas Dentatas continuò motas. Utriusque Praxes sunt variæ; unam & alteram dabimus infrà in structura Horologiorum Perpetuatorum Libro sequenti.

PROPOSITIO XLIX.

Machinarum Chronometricarum Motus

per Ignem perpetuare.

*Horometra.
perpetua
ope ignis.*

AB Ignis Elemento sumimus initium; tum quod illud sublimius sit reliquis Elementis in Universo, si non in Sphæra sua Elementari, saltem (ut nonnullis placet) in ipsis Sideribus; quæ continua sua latione, Motus Perpetui speciem quandam quotidie nobis excitant & obijciunt. Non agemus autem hîc de Compositione ignis perennis, sive artificio Lampadis alicujus perpetuæ & inconsumptibilis, qualem nonnulli ex oleo. Aſbestino, vel aliis spiritibus inflammabilibus, & circulari quadam generatione in seipsos redeuntibus, esse possibilem autumant; sed de attractione Ponderis per halitum illum, sive fumum vel aërem concitatum, qui per meatus caminorum succenso subtus igne, non sine vi quadam.

dam effertur; cujus etiam ope verua culinaria commodè circumagi possunt.

Technasma I. Sic Caminus Culinarius, in quo singulis diebus Ignis succendi solet per horas aliquot; v.g. 4 ante meridiem, & totidem post. Fiat in centro Canalis Caminari, quem Cylindricum esse oporteret, Crux quædam instructa pinnis Pieumaticis, extenui leviq; lamina confectis; hoc artificio, ut in obliquatas aliquantum pinna impingens halitus per caminum delatus, eas circumagat. Axis harum pinnarum deferat tympanum dentatum, cui innectatur Systema rotatile, ad attrahendum Pondus Horologiarium volubile sive Sphæricum, sufficiens & accommodatum. Ejus Systematis attractorii infimæ Rotæ, vel ejus axi aptabitur Trochlea cum chorda & sportula, juxta ea quæ Prop. 14. verbis & figuris sunt exposita, & facillè intelliguntur. Proportionem Rotarum & Potentiæ elevantis ad elevandum Pondus, quilibet artifex in praxi expendet & supputabit; videbit enim, an cujuslibet diei focus & copia exhalationum raptiq; aëris suffectura sit ad pondus attrahendum, quod per 24 horas Horologium animare possit: Unde præstaret ante omnia Machinam attractivam construere; tum pondus ab ea elevabile examinare, tandemq; ex ponderis ratione Horologium diurnum construere.

Technasma II. Ignis ope poterit adhuc aliter institui ponderis attractio, videlicet per Rarefactionem; quæ cum subsidio Caloris, & hic Ignis interventu obtineatur, paucis hîc de ea disseremus. Tripliciter Rarefactionis ope aliquid magis expeditè attolli vel attrahi posse adverto: *Primò* per Expulsionem alicujus Liquidi gravis, ut Aquæ vel Mercurii, quod corpus expulsus in descensu suo postmodum attractionem faciat. *Secundò* per Elevationem ponderis liquido gravi innatantis. *Tertiò* per ipsam Tractionem deorsum factam à Gravi liquido. Hos modos ut explicem in unâ Machina Rarefactoria novis accessionibus aucta, ab ejus primùm constructione exordior.

Vide Iconim. VIII
Fig. 45.

Sic Recipiens A F G B E D capacitatis aliquantò majoris. Huic immittatur Tubus C H D in F & G optimè adferruminatus ne aër transpirare possit. Fundo vasis hujus inseritur alter tubulus

lulus

lus K E, platismatio sive valvulâ instructus in E. Eidem vasi implantantur duæ vel quotquot Cucurbitæ collis strictis & oblongis instructæ, quales sunt L A D, & M B E, in A & B optimè contra transpirationem præmunita. Tandem tota hæc machina immergitur aquæ vel mercurio, ut patet ex Figura. His positis

Attractio per Expulsionem rarefactionis ope fiet, si Aër intra vasa L, M, & A B per Calorem ignis dilatatus, expellat aquam in fundo vasis contentam, per Tubum D H C; hæc autem derivata, per Canaliculum C N ad machinamenta attractioni destinata, ut qualia infrà cap. 3. sequentis Libri describuntur, vel alia similia; gravitate suâ in descensu per altitudinem N P, faciet attractionem sibi proportionatam. Frigescens autem vasis L & M, nec non Recipiente A B, condensatus aër intra illa contentus, subrogabit in locum expulse aque, aliam æquivalentem per Canaliculum K E.

Attractio per Elevationem sic instituetur. Intra Tubum, C H D debita capacitatis demittatur pondus plumbeum H innatans alicui raticulæ, ab aqua vel mercurio D H sustentatæ. Nam rarefcente aëre vi caloris in vasis illis L, M, & A B, ascendet mercurius in Tubo D H, plumbumque mercurio levius & innatans elevabit: descendente autem mercurio in Tubo H D post condensatum aërem in vasis, descendet & pondus plumbeum, & attractionem quæsitam efficiet.

Attractio per Tractionem deorsum fiet eodem ferè modo: Sumitur enim vasculum aliquod H concavum, & immergitur, aquæ vel mercurio Tubi D H; inversum tamen, & fundo versus C respiciens. Ascendente enim aquâ vel mercurio in Tubo D H, vas illud attolleretur; descendente verò, trahetur deorsum, vi quadam discontinuationem refugiente, quâ potentiâ poterit, attractio quædam fieri; qualem etiam faciet solus orbiculus H innatans aquæ. &c.

Advertendum verò, vasa L & M Recipienti A B sic inferri & adaptari posse, ut condensato aëre intra illa contento, sugant ea aliquid aquæ per tubulos D A & E B, Incallescens verò vasis L & M per ignem culinarium, ejiciant eadem magnam copiam halituum intra vas A B, eo nimirum modo,

modo, quo Pilæ illæ Æoliæ igni admotæ, efflare solent aëris plurimum ex aqua generati: (suppono hîc istud artificium, tanquam notum) Hâc enim industriâ multò plus aquæ ex DE expelletur per Tubum D H. *Observandum* 2. Si aliquo loco haberentur thermæ sive aqua perenniter calida, vel si per industrias Chymicis notas foveretur calor quidam perpetuus, qualis v. g. in fimo equino &c. possè perennem Motum aquæ fieri in vase A B. Nam si aqua R P sit semper calida, construatur autem receptaculum aliquod superius in C N excipiens aquam ex Tubo D C expulsam & effluentem instructumque Diabete juxta ea quæ infrâ Libro sequenti Cap. 3. dicuntur; & impleatur aquâ frigidâ ad summum; effluet ea in vas A B calidum & frigiditate suâ condensabit aërem in eo contentum, unde necesse erit aquam per tubulum K E attrahi intra vas A B. Incalescente rursus vase A B, quidquid attractum fuerat aquæ, expelletur per Tubum D C in receptaculum illud supernum, in quo aqua frigescentis sensim, & impleto receptaculo defluens iterum in vasis A B superficie, condensabit aërem, attrahet aquam per Tubulum, K E, & sic deinceps. Cautelæ non paucæ sunt hîc observandæ, sed non vacat longius his immorari, sufficiat indicasse.

PROPOSITIO L.

Machinarum Chronometricarum Perpetuatio per Aërem.

*Horometra
perpetua
ope aëris.*

Aër concitatus sive ventus quas vires habeat, & ad quæ efficienda applicari possit, non est quod ingenioso multis explicetur: id audacter asseri potest, inter Physico-Mechanicas perpetuationes, Aerem meritò principem locum sibi vindicare. Cum enim juxta ordinarium Naturæ cursum nullus omninò sit Anus in quo ventus aliquis non spiret, idque in omnibus ferè totius Orbis partibus; si construatur Horologium Semestris vel Anni cursûs, prout experientia loci dictaverit, poterit intra id tempus aliud quoddam Pondus, horologiario æquivalens, unum vel plura, subsidio Ventorum attrahi; idque variis modis ac machinamento-

namentorum dispositionibus, quæ quia longum esset omnia per-
censere, & describere, breviter indicasse sufficiet.

Technasma. In fastigio Turris alicujus Horologio desti-
nata sit inprimis Rota A B Plana Dentata, circa axem suum C
mobilis; cujus Axis tympano dentato innectentur postmodum,
aliæ quotquot Rotæ ad attractiones perficiendas necessariae, qua-
rum infima v. g. ipsa D deferet Trochleam cum fune & sportu-
la, vel etiam Scalam sphaerophoram; juxta ea quæ Prop. 14. sunt Vide Ico-
nism. VIII.
Fig. 46. dicta. 2. Hasta vel Axis erectus A B deferet inprimis tym-
panum A, dentibus Rotæ A B innexum, Deinde in summi-
tate sua habet adaptatas duas vel melius 4, aut 5, vel plures etiam,
alas quasdam Pneumaticas obliquatas, in quas ventus impin-
gens eas simul cum Axe A B circumagat. Loco alarum A-
quilæ Imperialis in Figura expressarum, poterit quidquid aliud
ex laminis subtilioribus excindi, ut sunt Effigies quæcunque
repræsentantes historias, venationes, prælia &c. 3. In axe
Rotæ A B firmatur Rota quædam Serrata cum pessulo suo, qui
conversiones à vento factas admittat, impediat verò Rotæ regres-
sum à Pondere elevando contranitente causatum. Eadem ser-
rata commodius fiet in ipso Axe A B, v. g. supra ipsum tympa-
num A. Conversiones Rotarum attractivarum fieri poterunt
in hanc vel illam partem, prout obliquitas alarum pneumatica-
rum, semel constructarum requiret, quas etiam verticaliter eri-
gere licebit si placeat.

Technasmata alia per Aërem varia variæque poterunt insti-
tui, ut I. Per Molettrinam Pneumaticam, quales in quibusdam
regionibus visuntur: eodem enim artificio licebit non tantum
farinam parare, sed & Horologii civilis Pondera attollere, aquam
contra incendia fortuita in altum evehere &c. II. Posset &
Camera quædam Æolia contrui, quæ ventos vel auram conti-
nuò permeantem, in alias quasdam Pneumaticas immitteret,
hæ verò quamvis exigua vi circumactæ, poterunt ex artificio

Vestis multiplicati, hoc est Rotarum, magnum quodvis Pondus attollere. III. Huc spectant Aëris Rarefactiones & condensationes, de quibus præcedenti Propositione. Plura similia ingeniosis excogitanda relinquo, ut & motiones humiditate & siccitate Aëris, quæ etiam in attractionibus momentum suum haberent, si corpora quædam liquabilia, ut sunt sales in humido & nocturno aëre resoluti vel humorem combibentes, deprimerent brachium bilanciis æquilibratæ, & hoc modo aliquam attractionem perficerent. &c.

PROPOSITIO LI.

Perpetuatio Machinarum Chronometricarum per aquam.

*Horometra
perpetua
ope aquæ.*

ELEMENTUM Aquæ latissimè diffunditea, quæ per Machinas debitè constructas, usibus humanis adferre posset emolumenta quàm plurima. Quia verò variæ sunt aquarum conditiones & naturæ, de singulis aliquid, quantum ad nostrum propositum faciunt, breviter disseremus.

*Vide Iconism. VIII
Fig. 47.*

Technasma I. Perpetuus ille & constans fluviorum Motus, non tantum ad attractiones Ponderum, verum etiam ad ipsas immediatas temporum dimensiones aptissimus esse videtur. Etenim si fiat Rota quædam Aquatica, totaliter intra fluvium, & ad ipsum fundum demersâ; cujus Axis AB ad angulos rectos Horizontis erigatur, & tympano suo dentato in A. circumagat alias Rotas horometras, inter quas invenienda prius esset proportio motuum, uni horæ Astronomicæ respondentium; hac ratione habebitur Horologium multò accuratius quocunque vulgari, antiquo modo constructo. Cujus ratio est, quod velocitas fluminis in ipso fundo, tempore quolibet, & in quavis aquarum copia sive altitudine, sit aut eadem planè, aut insensibiliter diversa, quæ tamen si diuturnitate temporis aliquam inæqualitatem

qualitatem induceret, difficile non esset eam attemperare, per circumactum ab illa Rota Pondus quoddam volans, vel pinnæ Pneumaticas aërem verberantes magis aut minus, hócque modo cursum Machinæ reducentes ad æqualitatem cum motu Solari.

Porrò pinnæ sive brachia Rotæ illius aquaticæ intra fluvium, mobilis, hoc artificio erunt construenda. Axi AB intra aquam perpendiculariter erecto infigantur 8. vel 12. brachia, quæ sunt duo CD & EF: his autem brachiis annectentur asseres G & H valvularum instar mobiles in annulis connectentibus; sic tamen, ut is motus fiat in unam tantum partem, nec majori apertura, quam unius quadrantis Circuli: in alteram verò partem necesse est obfirmetur valvulæ, & cum brachiis CD & EF continuum quid efficiant: Hoc enim artificio ab uno Rotæ latere perpetuò cedentibus pinnulis sive valvulis apertilibus, facilius admittetur impetus ruentis aquæ; ab altero verò latere pinnæ resistentes impellentur ab aqua. Forma valvularum G & H quam Figura Triangularem refert, etiam quadrata vel alia similis esse poterit.

Technasmata alia Hydrotechnica. I. Per Rotam aliam Aquaticam, cujus axis Horizonti parallelus & aqua per canale, è sublimi in haustra Rotæ delabitur, idem quod supra dictum est præstari posset; dummodò caveatur ut eadem semper aquæ quantitas feratur in Rotam quod non uno modo obtineri potest: Hæc autem Rotæ extra aquam conversio, pluribus incommodis est obnoxia quàm prior illa intra aquam, cujus cursus magis ordinatus, quia solius aquæ, non simul & aëris alterationibus expositus.

II. Quod si non ipsum Horometrum Hydrotechnicum, sed attractionem tantum Ponderis Horologiarii per aquam, efficere oporteret, id verò perquam facile nec unius modi erit artificio: poterit enim hæc attractio fieri 1. Per aquas Fluvii, Torrentis, aut Fontis perennis, aquas aliis usibus suppe-

ditantis. 2. Per aquas æstûs marini, aquas fluviorum circa eorum ostia attollentis & demittentis. Sed ea commoditas non est cujusque loci; Igitur 3. Per aquas Pluviales, ex tectis turrium & aliorum ædificiorum collectas in castellum sive cisternam aquas aservantem, ex qua postmodum aqua sensim effluens vel in Rotam aquaticam haustribus suis instructam, vel in situ lam sursum deorsumque mobilem attractiones perficiet. E pluribus modis, inferius proponemus unum verbis & Figura, si per tempus licuerit. 4. Quin etiam aqua illa quæ usibus Culinariis inservit, & gratis effunditur, si præcisè artificium attendere velimus, abstrahendo à materia, posset inservire attractioni alicujus Ponderis, vel alterius purioris aquæ ex puteo, accedente artificis industria, & Machinamentis certâ ratione dispositis.

Denique Hydrotechnicarum harum attractionem supplex mechanica cum varia sit, & à quovis in Arte Machinaria sufficienter versato variè applicari possit; in percensendis attractoribus his machinamentis fusior esse nolui. Videatur Liber sequens, in quo unus & alter modus exponetur.

os(o)so



PRO-

PROPOSITIO LII.

*Perpetuatio Machinarum Chronometricarum per
Elementum Terra, Mixtorumq.*

UT Elementaris hæc Quadriga æquali passu in Motibus per-
petuandis incedat, addimus Terram, & quæcunque in
ea vi Gravitatis innatæ aut viribus Animalium absque magno
sumtu effici possent. Et cum hæc discursus potius quam pra-
xeos gratiâ in medium proferamus, parum interest quàm spe-
ciosa sint Motuum Physico-mechanicorum Principia, dum-
modò artificium speculativè saltem & in data quadam hypo-
thesi certum sit & infallibile. Ac quamvis nonnulla obvia esse
videantur & minimè peregrina, si tamen occultè instituat
artificium, etiam apud ingeniosiores & ejus ignaros, admira-
tioni locum dare possent.

*Horometra
perpetua
ope terra.*

Technasma I. Gravitatis ope, Ponderis Horologiarii
quàm maximi, poterit ab extrinseco fieri attractio hunc in mo-
dum. In urbis porta quâ major hominum, curuum & equo-
rum frequentia commeari solet, fiat limen aliquod ferreum, vel
ponticulus quidam mediocriter elevabilis, & qui unius homi-
nis insistentis, aut equi vel currus pondere deprimi, & hoc mo-
do aliquam potentiam superare, hoc est aliquid Ponderis attol-
lere possit: his enim minutis, sed repetitis sæpius attractionibus,
non unum sed plura ingentia pondera, uno Mense, Semestri,
vel Anno sustollerentur.


II. Januæ Templorum, vel aliarum Domuum frequen-
tatarum, quibus aliàs pondus quoddam appendi solet, ut occlu-
dantur sponte, attrahere possent immane Pondus intra Annum
vel etiam Semestre: posset autem artificium sic institui, ut à ne-
mine adverteretur.

III. In Angiportibus aliquarum urbium construi solent.

Cruces quædam Horizontaliter collocatæ , & circa axem erectum versatiles à transeuntibus, talis crucis ope quid obstat quominus Horologii attractio perficiatur ab iis, qui gaudent ejusdem commoditate ?

IV. Plura alia eidem fini possent inservire ; ut sunt agitationes Campanarum, folium in organis Musicis , aut officinis fabrilibus ; item agitatio Torni, Præli, quorum utrumque antisacoma quodpiam vel aliam resistantiam æquivalentem requirit. &c.

Atque hæc de perpetuatione Machinarum Chronometricarum Physico- mechanica adferre volui , non quòd existimem Horologium vulgari illa artificum industriâ diligentiaquetam, perfectum & regulare construi posse, ut si illud aliquo ex recensitis hoc capite Principiis extrinsecis perpetuetur , nullâ amplius directione indigeat ; sed ut ex his constet quàm facile sit Horologium construere , quod attractione ponderum aliàs humana ope fieri solitâ non indigeat ; quod tamen à nonnullis , ut rarum quodpiam in Mechanicis inventum æstimabatur ; at quàm id expeditum, & in prudenti hypothesi vix fallibile, ex dictis hætenus intelligi poterit.



EPILOGUS LIBRI.

Hæc sunt Chronometrica Technasmata, ac Paradoxa, ex multis pauca, quæ Amicus Rei Litterariæ promovendæ cupidissimus, non tam sibi quàm mihi satisfaciendi desiderio communicavit. Quæ quàm fecundam excogitandarum plurium, & hisce longè ingeniosiorum Machinarum segetem præbeant, & res ipsa loquitur, et sequens manifestabit Liber, in quo bina Motus perpetui Physico-Mechanici specimina, ex hisce derivata, sanè perquàm ingeniosa, inter alia proponuntur. Tu, LECTOR, & his, & illis frui, ac majora suo tempore in hoc eodem genere expecta, si vitæ DEUS ac vires largiri dignabitur.



LIBER



LIBER DECIMUS.

MIRABILIA AUTOMATICA,

Sive

MACHINAMENTA NOVA

MOTUM ARTIFICIALEM PERENNEM

AUT ÆMULANTIA, AUT EXHIBENTIA.

PROOEMIUM.



Ormentum ingeniorum hætenus fuit, ut nemo Curiosorum non novit, Motus artificialis perennis, hoc est, Machina ab arte profecta motum exhibens perpetuum ac nunquam interruptum, cujus auctor, non Natura aut Naturæ Conditor DEUS, sed Ars; cujus principium movens non extrinsecum, sed intrinsecum, & ipsi machinæ ab arte conjunctum; non merè naturale, ut aqua fluens, spirans ventus, ignis aut calor rarefaciens, aliudve elementum aut elementatum vi suâ inchoans atque continuans motum,

tum, sed vel merè artificiale, vel à sola Arte applicatum; seu solidum illud sit, seu liquidum, & seu in circulum torquens machinam, seu sursum deorsumque alternatim impellens, seu aliâ ratione propellens. Ejusmodi machinam, post sæculorum labores, alii inter ἀνύστα seu impossibilia reputârunt, alii ad physico-mechanicam vix tandem coarctârunt, alii denique sublimiùs evecti, & præteritorum sæculorum metas prætervecti, optatum hæctenus tot votis technasma, tot quæsitū laboribus ac sumptibus, felicissimè non uno modo, ut putatur, adinvenerunt. Prioris generis, Physico inquam mechanicî motus perennis, specimen triplex oppidò ingeniosum, posterioris geminum ingeniosissimum, in medium proferam, & Erudito Mundo proponam. Dabunt fortasse aliis occasionem (quoniam *σοφὸς ἀλλοτρίῳ ἐπ' ἀλλοτρίῳ*, sapiens alius ab alio edocetur, ut *Cyrillus Alexandr.* lib. 1. in Julian. ait) aut isthæc perficiendi, facilitandive, aut alia ac meliora excogitandi. Auctores infra dabo.

In duas igitur partes hic dispescetur liber. Prima exhibebit terna Specimina motus perpetui Physico-mechanici; Secunda, geminum ejusdem perpetui motus artificialis, & qualem hæctenus deside-

Zzzz ravit

ravit Orbis, machinamentum, ut putatur. Tu, Lector, hisce fruiere, & Auctoribus gratias habe.

PARS PRIMA.

MACHINAMENTA MOTUS PERPETUI PHYSICO-MECHANICI.

Herculeas columnas Artis Machinariae appellat nonnemo technasma, ut Libro praecedenti vidimus, quo motus purè artificialis perpetuus ac indefectibilis (quantum sublunarium rerum materia permittit) exhibeatur, ultra quas praeceptorum saeculorum vela non sint provecta. Auguratur tamen, futurum fortassis aliquando tempus, quo Columbus aliquis inopino Technasmate, centrum non jam consistentiae, sed motus indefectibilis in hoc ovo contumaci detegat, mirantibus reliquis inexpectatum, licet obvium, facinus. Non vanum fuisse augurium, sequens Pars secunda libri hujus ostendet.

Motus perpetui Physico-mechanici machinamenta. Physico-mechanicum autem motum perpetuum, ab arte profectum, tametsi & ipse difficultatibus innumeris fuerit haecenus implicatus, sunt tamen qui feliciter opere ipso exhiberi posse autumant, praesertim constructione Horologiorum rotatorum, quae attra-

attractione ponderis extrinsecâ, post primam ab artifice factam, aliâ non indigeant, quàm vel ab aqua, vel ab aëre, vel ab elementis aliis, aut elementatis artificialiter factâ.

Possunt enim (ajunt) hujusmodi Horologia, seu Machina Chronometrica, sic construi, ut habeant motus, quantum industria mechanica assequitur, ordinatos ac regulares, ad sensum saltem, Et è vulgi æstimatione; ope nimirum perpendiculi, cujus vibrationibus dictis machinis hoc tempore longè ordinatior motus, quàm antehac, conciliatur. Quæ quidem machine, ut videbimus, ita construi possunt, ut motus semel inchoati regularitas ad multos dies, septimanas, ac menses, unicâ ponderis attractione ab arte procuratâ, continuetur. Quod pondus dum motum machine per dies, septimanas, ac menses prorahit, si aliud interim pondus priori æquivalens à motore extrinseco attrahatur, quod illi post modum in movendi horologii officio succedat; motus finitus ac temporaneus, evadet infinitus ac perpetuus. Sed ad Machinamenta ipsu procedamus.

CAPUT I.

*Machinamentum primum Motus perpetui
Physico-mechanici, per Aquam.*

*Motus per-
petui Physi-
co-mecha-
nici machi-
namentum
primum,
per aquam.*

ANNO M. DC. LX. Vir Ingeniosus & Doctus, scriptisque libris celebris, Dn. Joannes Joachimus Becherus Spirensis, nunc Medicinæ Doctor, & Electoralis Aulæ Moguntinæ Iatrus, schema Motus perpetui à se excogitati æri incisum, & in patenti folio chartæ (ut vocant) regalis excusum, in numeris panè rotis, ponderibus, vectibus, canalibus, pestulis, globis, elateribus, aliisque partibus ac membris distinctum, ac centum septuaginta novem numeris appositis, sine explicatione aliâ, ob oculos spectantium, positum, edidit, hac præfixâ Epigraphe:


**JOANNIS JOACHIMI BECHERI,
SPIRENSIS, MATHEMATICI, PHILOSOPHI, MEDICI,
INVENTUM.**

*Quo dato horologio decennali vel annuo, causam
moventem, naturali principio motus intrin-
secè præditam, & siderum efficaciam ad Uni-
versum hoc conservandum ac vegetandum
progenitam, sine rarefactionis vel condensa-
tionis interventu, in omnibus Terræ parti-
bus, artificiosè applicare potest, ut ad ejus
ponderis devolutionem, iterum iterumque
revolvendam, semper sit sufficiens & vali-
da; adeoque prædictum horologium, quoad
durantem materiam, efficiatur*

MOBILE PERPETUUM PHYSICO-MECHANICUM.

Dictum





Dictum schema Auctor. pro sua Humanitate, ante biennium mihi obtulit, spe factâ explanationis quoque brevifecuturæ. Quam quia, aliis Operibus in lucem edendis inter quotidianas occupationes intentus, perficere hætenus non potuit; non ingratum me facturum existimavi Litterariæ Reipublicæ, si idem schema in breviorē formam ab Ingenioso quodam Amico contractum, & quâ fieri in tanta partium multitudine posset brevitate ac claritate verbis expositum, huic nostro Operi infererem, ne Docti diutius tam præclaro Invento defraudentur. Igitur

MACHINA quam Iconismus VIII. exhibet, est Mobile, *Machina Becheriana motus perpetui Physico-mechanici.* Perpetuum Physico-Mechanicum, sive Horologium quoddam dentatis constans Rotis, & eâ reliquorum machinamentorum supellectile instructum, ut ex prima sui constructione, per Annum, duos, vel etiam plures, unicâ Ponderum suorum attractione ab artifice factâ decurrere possit, ac tum porro per applicationem cujusdam Potentiæ inanimatæ, Horologio extrinsecæ, eandem Ponderis attractionem efficiat perpetuò; non quidem, absolutè & infallibiliter, sed ex hypothesi, tum Naturæ suæ cursui ordinario relicta, tum applicationis prudenter ac convenienter ab artifice factæ: cujusmodi Mobilia Perpetua aliquot, à variis authoribus excogitata dedimus in Mechanica. *Duabus constat partibus præcipuis.* nostra Hydraulico-Pneumatica Par. 2. Classe 2. Ex quibus liquet, prædictam machinam duabus præcipuis Partibus compositam esse oportere; Alterâ Horologii annui, vel alterius diuturnioris; Alterâ Instrumentorum, quibus extrinsecæ illa Potentia, attollendo Horologii Ponderi destinata, finem suum, Machinæque totius consequatur. Antequam verò ad singulas Partis utriusque particulas & membra descendamus, juvat in primis universalialia quædam, minusque pressâ leviori brachio lineamenta ponere, ut ex his deinceps in exquisitiore partium Analyfi lux peti possit & directio, ad eum finem cognitione facilius apprehendendum, ad quem ex Authoris dispositione sunt ordinatæ.

§. I. Descriptio Primæ Partis Machinæ.

Primam Machinæ Partem, Horologium videlicet, constituunt, *Rudis illius descriptio.* Rotæ tot, quotquot accuratâ supputatione motuum & altitudinum,

dinum, judicabuntur sufficere ad Annum, vel unius Lustris &c. tempus motu continuo explendum. In Figura nostra sunt tantummodò Rotæ septem; videlicet A, B, C, D, E, F, G: quæ cum officiis inter se plurimum differant, in tres ordines non incongruè subdistingui poterunt. In primis in Horologium vulgare, tribus constans Rotis dentatis A, B, C. Secundò in duas Rotas Sphærophoras D, & E, globorum receptaculis in Peripheria instructas, cum transversis Canalibus, & pessulis Rotam E superius, inferiusque cludentibus. Tertium denique Ordinem constituunt Rotæ F & G cum Pondere sphærico majore, ex Trolea Rotæ G suspenso. Rotarum priores quatuor A, B, C, D, concipiendæ sunt esse dentatæ in Peripheria, & primæ tres etiam circa Centrum in axe sive tympano, more solito, ad mutuam Rotarum implicationem motumque. Quinta Rota E, dentata non est in Peripheria, sed in axe tantum suo gerit tympanum, dentatum, quod apprehendunt dentes Rotæ F circumferentiales; ac vicissim hujus F rotæ tympanum L majoris ambitus, à dentibus rotæ G circumferentialibus admordetur. Præterea duæ D & E rotæ, dispositas habent in ambitu suo octonas Capsulas sive receptacula quædam globos excipientia & deferentia, ab uno Canali declivi, ad alterum. Denique Rota G circa axem desert Trochleam H, quæ intra peripheriæ suæ angustam cavitatem funem recipit, è quo dependet Pondus I, Horologii totius principale.

*Prima part
is Machina
descriptio.*

His præmissis, ad speciales Horologii partium explanationes accedemus; quas cum & ex proximè dictis, & ipsius Figuræ inspectione non admodum difficile sit intelligere, paucis expediemus. Hinc & omittimus accuratam illam minutamque partium singularum consignationem, factam ab Authore per numeros passim adscriptos in primo Exemplari figuræ, ut diximus: contentique erimus, si paucos quosdam numeros in locum deficientis alphabeti substituamus.

Primò itaque: Pondus sphæricum D, in Rotæ E suprema capsula 11. collocatum, per Canalem 3. D. ad Horizontem inclinatum, sponte devolvitur in capsulam D: in qua vi propriæ gravitatis,

gravitatis, impellit superiores Horologii Rotas, C, B, A; dumque sic pederentim movetur, descendit Octante circuli, usque in 5. intra tempus unius Diei, vel unius Hebdomadæ, aut etiam Mensis, pro varia Rotarum A, B, C, proportionem in motuum, velocitate; quod cujusvis artificis industriæ relinquitur in constructione machinæ.

Secundò. Postquam globus D intra prædictum tempus, Octante Rotæ promotus appulerit in 5. excurrit ex receptaculo suo in inferiorem Canalem, notatum numeris 5. 8. qui canalis aliquantum declivis est ad Horizontem, & circa axiculum 6. extra rotam alicubi fixum mobilis ad instar vectis; ac insuper ad extremitatem 8. habet adaptatam clausuram quandam sive obstaculum mobile, impediens præcipitem globi lapsum ex canali.

Tertiò. In hunc obicem dum globus incitatus impingit, gravitate suâ Canalem 5. 8. circa Centrum 6. mobilem inclinat deorsum; Canalis autem mediante virgâ 7. 1. sibi annexâ, flectit Libram 1. 2. mobilem circa axem in medio infixum; Hæc autem affixum sibi pessulum vel obicem 3. 4. elevat, ne is amplius unco suo inferius prominente apprehensam Rotæ E capsulam 11, vel alium quendam clavum ex octo dispositis in eum finem, detineat.

Quarò. Rota E referato Pessulo 3. 4. urgentibus Rotis G & F rapitur Octante peripheriæ, globumque è quaternis illum, qui vertici 11. vicinior est, adducit in 11. Unde is ultrò delapsus in Canalem 3. D. & secutus ejus declivitatem, succedit in locum prioris; novus hospes novi receptaculi, eum in D præstolantis & excipientis. Uncus autem ille libratus ad 10. infirmam Rotæ E capsulam vel alium clavum apprehendens, etsi videatur esse superfluus, nec teneat quatuor globos in Semirota 10. E. 11. dispositos, eò quòd eorum nisum sustentet ac infringat, Rota F; facit tamen id tunc saltem, quando Pondus I. subsidens, non amplius Rotas G & F impellit.

Quintò. Prior ille globus in extremitate Canalis ad 8. existens, factâ prædictâ refectione per inclinationem canalis, eodem suæ gravitatis impetu impingens extremitate 8, in exstantem, quendam

quendam Canaliculi 9. 10. clavum, recludit illud obstaculum, in 8: submotoque obice, illabitur in canaliculum 9. 10. versùs E Rotam nonnihil inclinatum. Sicque redit iterum ea planè rerum facies, quæ jam in Figura cernitur.

Sextò. Cùm istiusmodi permutationes ac successiones globorum in Rotis D & E efficiantur à postremis illis F & G Rotis, idque vi primarii Ponderis I. sphericà similiter figurà prædicti; Patet inprimis Pondus illud in ea ratione esse debere, ut sufficiens sit ad quatuor illos minores globos in Peripheria Rotæ E dispositos, superandos & promovendos versùs 11. Rotæ verticem: Quæ Ponderum horum proportio ex Rotarum G, F, E, in peripheriis ac tympanis ad invicem ratione desumenda, juxta ea quæ in Staticis ac Mechanice passim traduntur.

Septimò. Patet similiter, Altitudinem pro descensu Ponderis I. tantam esse oportere, quanta sufficit ad annum vel alium longiorem motum continuandum; aliàs necesse erit, ut vel ad Horologium vulgare A, B, C, Rotæ plures adjiciantur; vel Rotis G & F. tertia quædam accedat, implicans dentes suos circumferentiales Tympano Rotæ E; vel denique Trochleæ H, nec non Tympani L. ad Rotarum peripherias minuenda ratio, augendumque Pondus I. quantum ad prædictos motus sufficere videbitur. Atque hæc ad priorem Machinæ Partem & ejus usum exponendum abundè sufficiunt. Obscuriùs dicta ex dicendis circa sequentis Capitis Machinam meliùs intelligentur.

§. II. Partis Secundæ Descriptio.

*Secunda
partis ma-
chinæ de-
scriptio.*

EO temporis intervallo, quo Pondus Horologii capitale I. per saltus descendens, Horologium animat, attrahendum est sensim aliud quoddam ipsi æquivalens, similiq[ue] figurà prædictum, veluti Pondus M; quod in munus & officium ponderis I. succedens, Anno altero vel alio longiori spatio similiter Horologii rotas impellat, dum interim prius illud ad eundem locum pederentim evehatur. Hanc Ponderis attractionem quamvis pluribus modis efficere liceret, ex Authoris tamen mente manifestum est non aliter expediendam esse quàm subsidio

dio A quæ pluvialis, ex tecto Turris vel alterius ædificii in unum colligendæ; veletiam ope cujusvis Fontis, sive naturali, sive artificiali scaturigine aquas suppeditantis. Patet id cum ex ipsa Machinæ constructione, tum ex ea Inscriptione, quæ Authoris ipsius Figuræ præfixa & insculpta cernitur in hæc verba Joannis Joachimi Becheri Spirensis, Mathematici, Philosophi, Medici Inventum, Quo dato Horologio decennali vel annuo, Causam Moventem Naturali Principio Motûs intrinsecè præditam, & siderum efficaciam ad universum hoc conservandum ac vegetandum progenitam, sine rarefactionis vel condensationis interventu, in omnibus terra partibus artificiosè applicare potest, ut ad ejus ponderis devolutionem iterumq; revolvendam semper sit sufficiens & valida; adeoq; prædictum Horologium, quoad durantem materiam, efficiatur Mobile perpetuum Physico mechanicum. Idem jamdudum Francofurti intellexeram à Dn. Jeremia Mitz Basileensi, qui Machinam hanc Moguntia ex parte constructam, ante me inspexerat. Aquas igitur ad Ponderis attractionem perficiendam applicat Author; & ad eum scopum Partem hanc alteram Machinæ direxit, quam similiter in tres partes subdividere possumus. Prima est promendæ & effundendæ aquæ destinata; quod ad occultandum artificium peragitur intra Canalem erectum S. V. quem in sequentibus ob analogiam, Puteum appellabimus. Alteram partem constituit Rota P dentata, cum veste Q. 26. 25. 24. nec non reliquis illis organis ad occludendam, referendamque Rotam P dispositis. Postremam machinamenti partem dicemus infimos illos canales vel pergulas Sphærodromas, quarum declivitate duo pondera I & M permutant vices in animando Horologio superiùs descripto. His ita declaratis obiter, singulas in individuo partes, earumque functiones explicamns.

I. Forma Serpentis ad machinam nihil facit, præter Epistomium illud ex ore capitis antropomorphi prodiens, & reflexum intra Puteum parallelepipedo figurâ erectum, intra cujus cavitatem Situla V Cubica, vel non absimilis figuræ, dum per funem vel catenulam Trochleæ T. superjectam sursum deorsumque trahitur, aquam sibi promit & ex epistomio prædicto; ad quod

illa derivatur ex cisterna quadam, supra machinam loco comodo ad colligendas aquas pluviales præparata. Promittitur autem aqua in hunc modum.

II. Alteri Catenulæ V S T vel funis extremo alligata est capsula sive sportula quædam X tantæ capacitatis, ut globum Q à latere subintrantem admittat: Ponderis autem tanti, ut sufficiens sit ad Situlam V vacuum sursum attollendam. Sportula hæc currit intra peculiarem canalem XY, vel saltem quaternas regulas, cursum sportulæ dirigentes, & cohibentes intra eam globum inferius in Y admissum, ut is non alibi quàm in pergulam superiorem effundatur.

III. Concipiatur itaque Sportula X, tanquam gravior situlâ V, deorsum ferri; concipiatur item globus Q, cum vecte QR, delatus esse in Z; desertaque fuscinulâ, quâ in extremo vectis tenebatur, per canalem ZY, subintrasse Sportulam X, jam in Y existentem. Tum verò Situla in S posita, brachiolo quodam 16. impingens in extremitatem virgulæ 15; recludet epistomium 14; quo laxato, fluat aqua in subjectam Situlam in S existentem.

IV. Ne verò Situla dum sensim impletur aquâ, gravitate ipsius aliquantum promoveatur deorsum, & Epistomium occludat antequam sufficiens aqua fuerit deprompta; Ordinatus est vectis quidam num: 17. signatus; qui extra Puteum existens, uni extremo affixum habet globum vel aliud pondus competens; alterum verò extremum condit intra Puteum, sustentatque fundum situlæ tam diu, donec ea sufficienti aquæ quantitate onerata, superet resistantiam ponderis, in altero illo vectis extremo Situlam tantisper in officio continentis. Observandum autem est, vectis huius extremum intra puteum existens ad 17. eo artificio esse constructum, ut per brachiolum quoddam flexile, articuli instar, liberum situlæ transitum sursum permittat, deorsum verò tendenti fortiter obnitatur, ac si totus vectis esset continuus.

V. Repleta modo dicto Situla dum fertur deorsum post superatam vectis 17. resistantiam, evehit ex opposito sportulam X cum globo intus existente. Postquàm verò pervenerit ad summum

num sportula, habueritque eum situm qui cernitur in Figura; globus ex ea elabitur in Pergulam versùs Q. declivem, in qua reperiens obstaculum à brachiolo 21. 22. globum superiùs apprehendente, subsistit tantisper donec obex is amoveatur, ut infrà dicetur.

VI. Situla cum contenta aqua descendens ex S, in V, habebit eum situm quem figura exhibet: in quo dum persistit, hauritam priùs aquam exonerat hac ratione. In fundo Situlæ est orificium quoddam rotundum, oclusum Cono, cujus basis spectat sursum, vertex deorsum. Vertex hic infrà prominens, dum impingit in fundum putei, relinquit orificium situlæ pervium, aquæ; hæc autem effluens, derivabitur aliò, per canalem quendam, quem serpentis os refert in figura. Poteest & aliis modis situla in fundo putei exonerari ut ex sequenti capite constabit.

VII. Ne verò situla dum excludit aquam, à sportula X, quam situlâ graviolem esse diximus, attollatur, occludaturque situlæ fundus, aquæ magnâ copiâ in ea relictâ; detinet tantisper situlam vectis 18. cujus unum extremum, extra puteum, sustentatur pondere quodam in medio vectis existente; alterum inferitur puteo ad situlam detinendam: hoc idem extremum habet articulum quendam, sive brachiolum mobile, admittens descendentem situlam, retinens ascendentem, oppositâ planè ratione, quam de vecte 17. superiùs diximus. Hic igitur vectis tam diu continet in fundo putei situlam, donec effluente omni aquâ, & prævalente gravitate sportulæ X, situla vecti 18. eripiat, ascendatque sursum ad promendam iterum aquam.

VIII. Evacuata prædictâ ratione Situlam, dum sportula X attollit descensu suo, priusquam descendendo fundum Y contigerit, offendit vectem quendam 19. 20. circa centrum 20. mobilem, & in medio sui per virgam vel chordam 20. 22. connexum cum obstaculo 21. globum in superiore pergula detinente. Depressâ itaque extremitate 19. globus obice 21. sublato liber, devolvitur in fuscinulam vectis Q. 23. 24. ut jam in figura cernitur.

IX Globus Q. intra fuscinulam vectis Q. 23. receptus, in-

natâ gravitate simul cum vecte fertur deorsum, describitque arcum Q. 23. Z. cujus arcus materialis officium est id, ut globum intra fuscinulam vectis contineat in inferiore saltê semiquadrante, scilicet à puncto 23. ad Z: ubi demum truncatus is arcus, permittit globum in canalem sive pergulam ZY devolvi, sportulamque in Y deprehensam subire.

X. Antequam verò explicemus quâ ratione per globum, Q. Rotamque P. Pondus ex ejus trochlea O. dependens attrahatur, advertendum est Primò in Iconismo Authoris, quem in hunc minorem servatâ partium proportionem contraximus? Pondus M ex Trochlea O eodem planè modo appensum esse, quo in nostra figura cernitur; cùm tamen appendi debuerit, ubi jam pendet Antifacoma N: aliàs pondus M attrahendum, potius ad descensum juvaretur: nam ut ex mox dicendis patebit, rota P. ex præsenticonstructione, movetur ex R. in P, adeoque N ascendit, M descendit. Intelligatur igitur hic error correctus, & pondera debitâ ratione esse appensa: vel potius, ne schema mutandum concipiatur per adjectam aliam rotam, aut tympanum, rota P. moveri ex P. in R. Advertendum Secundò: Quòd licet in figura quidam vectes, unci, aut brachiola, Rotæ P. videantur esse affixa, de facto tamen non sunt, sed delineatio ita fieri postulabat; nec quidquam horum omnium Rotam contingit, præter tympanum dentatum R, rotæ dentibus implicum.

XI. Ut autem hæc promtiùs intelligantur, singularum harum partium explicatio præmittatur oportet. Hic ergo axis transit per tympanum dentatum R, in eoque hæret immotus. Tympanum R. circa utramque Basim firmiter habet binas cruces, hoc est, Octobrachia hinc & inde porrecta, quorum semper suprema duo, succedentibus aliis, funguntur officio suo cui sunt destinata: nam unum eorum, idque hoc ceterius, apprehenditur ab unco 26. qui vecti Q. 25. sic affixus est in puncto 26. ut circa id tanquam centrum, quantum necesse est, sursum tantummodò elevari possit. Alterum alterius crucis brachium illud ulterius, detinetur à pessulo 27. 28. circa axiculum 27, mobili. Reliquæ partes aliò pertinent, suo loco exponendæ.

XII. In-

XII. Intelligentur jam Pondera M & N, ut monuimus, debitâ ratione ex O trochlea esse appensa; vel potius concipiatur M ascendere, & N descendere: concipiatur item vectis Q. 25. positus in eo situ quem ex R ad Z punctuata linea refert, dimisso globo in pergulam ZY, propter antisacoma in 24. appensum repetiisse eum situm quem jam habet in figura: ubi recipiat globum Q. & ipsius pondere feratur iterum in Z; simulque per unco 26. arrepto Crucis brachio moveatur tympanum R. circuli sui quadrante: tum verò pessulus 27. crucis in averſa parte tympano affixæ brachium succedens admittet, admissumque occludet, ne postquâ vectis Q. 25. globum suum in Z effuderit, cum tympano regredi possit. Hoc modo vectis Q. 25. globo liber, & cum unco 26. per antisacoma 24. ad superiora reductus, aliud atque aliud crucis brachiū apprehendet Ex quibus manifestum est, ejusmodi vibrationibus vectis sæpiùs repetitis vel Rotam P ab R puncto versùs P promoveri, eâque ratione Pondus M, quod in N appendendum esse monuimus, sursum attolli; vel manentibus ponderibus ut nunc sunt, eandem rotam à P puncto versùs R gyrari, & pondus M sursum ferri; si rota alia addatur.

XIII. Evehatur jam Pondus M ad superiorem pergulam Sphærodromam, & in hanc ex capsula sua devolvatur; occurret ei primùm quidam fornix arcuatus; quem dum penetrat, pondere suo deprimet ejus fundamentum, simul cum ipso arcu superstructo: cum quo quia duæ libræ 34. & 33. sunt connexæ, fiet ut hæ per hastam 33. 30. deprimant libram sive vectem 30. 29. mobilem circa axem suum, alicubi inter 29. & 30. positum; quâ vectis hujus elevatione, duo efficientur. In primis unco 32. extremitatem vectis 29. sursum elevatam apprehendet, & in eo situ detinebit tamdiu, donec ea liberetur modo paulò pòst indicando. Deinde fit & illud alterum, ut mediante brachiolo 29. 28. eleve- tur tam unco 26, quam pessulus 27: his enim submotis, habebit tympanum R cum adjunctis crucibus liberrimum motum circularem circa axem suum immotum, dum Rota P circumagitur modo mox dicendo.

XIV. Quoniam verò capsulam M evecto in altum globo

neceſſe eſt iterum deſcendere ad alium globum ſimiliter attra-
hendum, fiet id hac ratione. Capsula M ſola, gravior ſit an-
tiſacomate N; recluſis enim prædicto modo repagulis, Rotam
cum tympano R tenentibus, capsula M ultrò deſcendens ra-
piet ſecum Rotam P, & hæc tympanum R, circa axem ſuum
circumaget, axe immoto manente; idque tamdiu donec ea fun-
dum attigerit; ubi deprimens veſtem 47. circa 45. mobilem, me-
diante chordâ vel filo quocunque metallico 46. 31, ſubmovebit
uncum 32. extremitatem veſtis 29. 30. detinentem; quo facto
delabentur in brachia tympani R, hæcenus elevati duo illi pes-
ſuli 26. & 27; actum poſtliminiò reſtituetur ea quæ cernitur ex-
preſſa machinæ facies, ad repetendam attractionem accom-
modatæ.

XV. Et quia neceſſe eſt Pondus M priùs attolli, quàm al-
terum I. ad imum uſque deſcenderit, & capsulam M. vacuam,
ibidem ſe opperientem ſubintrârit; idcirco ne interim ſolius ca-
psulæ M. fiat attractio, caver ipſe globus M jam attractus: Is
enim tranſmiſſo priore arcu vel fornice, ſubintrat alterum, ſuoq;
pondere ſimiliter ejus pavementum vel fundum circa centrum
36. mobilem deprimat, atque ſic per haſtam 37. 41. nec non per
libram 41. 42, & quæcum hac connectitur, alteram 43. 44. con-
tinet Epistoſtii 14. veſtem 13; ne videlicet interim per illud quid-
quam aquæ Situla depromere poſſit.

XVI. Denique. Poſtquam globus I. pervenerit ad fun-
dum pergulæ vel canalis infimi, elabitur ex capsula ſua ſubiturus
alteram M, in fundo pariter exiſtentem: Tum verò antiſacoma
K gravius capsula I, attrahet hanc ſuſum circumvolvendo
Trochleam H, non obſtante in eam partem peſſulo H. 12. ſed
potiùs admittente dentes Trochleæ in peripheria ſerratæ. Poſt-
quam hoc motu Capsula I. prope ſummitatem fuerit, elevabit
inprimis nodo 48. in ipſo fune occurrente peſſulum 37. 38. cujus
objectu globus intra arcum illum vel fornicem poſteriore ad
37. continebatur; hunc leniter inde per declive devolutum, ca-
psula è regione conſiſtens excipiet. Quæ tamen ne ex impetu in
aſcenſu acquiſito plùs juſto ſuſum efferatur, invigilat obex qui-
dam

dam 40. 39. Hic tamen ut jacet in Authoris & nostra figura correctione indiget, estque paulò aliter efformandus, ut pessulus 37. 38. quantum satis est attolli possit: nisi dicamus capsulam) in ascensu, in unum dicti obicis, eumque rudendo retrò liberare pessulum 38. 37. frænatum ab obire.

Recepto intra Capsulam globo, fit potestas situlæ promendi aquam ex Epistomio, quod priùs impendebat globus in arcu 37. delitescens, & per annexas ei supremas libras, ac maximè scapum 44. aperturam Epistomii impediens; fierique poterit iterata Ponderis alterius attractio, nisi vela aqua deficiat, vel ex tot libr amentis aliquod hæreat.

§. III. Annotationes in præcedentem Machinam.

I.

Ingeniosa est hæc Machina, ut nemo non videret: & si ritè construat, servatâ proportionē necessariâ inter rotas & rotas, inter potentias motivas & pondera aliaque obstacula superanda; motum exhibebit perpetuum, quantum est ex vi artificii. Quod autem materia deficiat, quòd rotæ, tympana, axes, funes, catenæ atterantur; nil officit theoriæ motûs perpetui, sed soli praxis continuationi. Hic autem materiæ defectus, & partium necessariarum attritio evitari in hoc sublunari Mundo apud nos non potest, ut notum est omnibus Philosophis ac Mechanicis, qui perennem motum tam impensè hætenus quæsierunt. Nec officit quoque perpetuationi procurati per Machinam motûs, irregularitas ipsius, quæ, ut patebit, evitari omnino hoc artificio non potest: uniformitas enim & constans regularitas nec ad motum requiritur, nec ad perpetuationem motûs, ut per se patet.

II. Caterùm existimo, vix, aut ne vix quidem construi posse Machinam juxta leges & partes præscriptas, quæ perpetuum & nunquam interruptum, tametsi inconstantem, ac irregularem, motum exhibeat, non practicè tantum, sed nec speculativè, propter tot clausuras & aperturas, tot librationes, attractiones, ali-

aliasque mutationes; tot rotas & pondera, interque illa necessarias quidem, humano tamen ingenio investigabiles proportion- nes. Tamen si enim revocari ad calculum queant proportion- es inrer rotas & rotas, inter rotas & tympana, inter hæc & pondera, inter vestes & vestium elongationes ac divisiones; quia tamen præter hæc, innumera occurrunt obstacula quæ simul vincenda sunt, nec nisi experimento eorum vis resistitiva deprehendi pot- est; calculum ante experientiam sumptam inire non possumus. Experimenta autem tot, quot in tanta parium varietate requirun- tur, sine longissimo temporis spatio, & sine ingentibus sumpti- bus fieri nequeunt. Dum enim uni impedimento amoliendo remedium adhibemus, in alterum incurrimus; & dum hîc diffi- cultatem motus minuimus, alibi eandem augemus. Unico ex- emplo rem declaro. Ut situla V vacua ascendat in S, & capsu- la X vacua descendat in Y, necesse est ut capsula sit gravior quàm situla, non utcunque, sed ita, ut non solum superet gravitatem situlæ, sed etiam resistantiam vestuli 18, & virgæ 15, unâ cum pondere & resistantia epistomii 14. 13. Tamen si autem gravitas situlæ deprehendi solâ ponderatione, nullâ præviâ experientiâ, queat, resistantiæ tamen nominatæ non nisi experimento discun- tur. Et tamen si illas vix tandem magno temporis & sumptuum impendio didicisti; stabiles tamen non sunt, sed contractâ ex hu- miditate rubigine crescunt magis magisque. Valde igitur no- tabiliter gravior sit oportet capsula vacua, quàm vacua situla. Si tamen plus nimio prægravas capsulam; postquam descenderit in Y, ibique globum Q à Q ad Z delatum receperit, attrahi sur- sum in X denuò non poterit à situla jam plena descendente ab S in V, nisi hæc tantum capiat aquæ, ut unâ cum situla superet & capsulam cum globo, & resistantiam vestis 17, & conversio- nem trochleæ T, funisque seu catenæ V T X. Ut augeas a- quam, ampliare, & consequenter prægravare debes situlam: hac prægravatâ, iterum augendum est pondus capsulæ X vacuæ &c: similes difficultates circa alias partes occurrunt.

III. Hæc tamen non dico, ut elevem artificium, quod, ut dixi, ingeniosissimum est; nec ut quenquam à conatu laudabili

in

in illo ad opus deducendo absterream. Certè in rebus ingeniosis & arduis vel solus conatus in laude est reponendus.

I V. Motus per hanc Machinam procuratus, non potest esse magis regularis, quàm horologiorum aliorum rotarum, etiam accuratissimè fabricatorum. Nam *Primò* motus rotæ D necessariò inæqualis est, dum globus D in receptaculo suo decurrit, à D usque ad 5: quia minùs distat dictus globus à centro rotæ & motus, dum est in D, quàm dum est inter D & 5. Major inæqualitas oriretur, si circa dictam rotam quatuor tantùm receptacula, & non octo ut jam, essent disposita, atque adeo si globus à loco unius receptaculi usque ad locum alterius decurreret, non octantem, sed quadrantem peripheriæ rotæ. *Secundò*, mutatio aëris, vicissitudo humiditatis ac siccitatis, aliaque accidentia, non minùs hanc, quàm alias quascunque horometricas machinas afficit, adeoque inæqualem ac irregularem ejus motum reddit. Sed hæc inæqualitas nil officit, ut suprà dixi, motûs perpetuitati, si ex vi artificii haberetur.

V. Nil faciliùs rubiginem inducit ferro, chalybi, æri, aliisque metallis, quàm humor aquæ. Hic excitari non potest in puteo S V. Si ergo aut vectis 18. & 13, aut Epistomium 14, aut utraque simul rubiginem contrahant; necesse est stare situlam. V: hac stante, cessabit attractio ponderis M: hac cessante, carebit novo pondere rota G, seu trochlea & tympanum H, post devolutum Pondus I ad fundum: deficiente novo pondere, quiescent rotæ G, F, E, & reliquæ omnes consequenter. Non ergo motum perpetuum, sed perpetuam quietem omnibus tuis sumptibus procuraveris. Sed neque hæc derogant quidquam, artificio: non enim sunt Machinæ intrinseca, sed extrinseca, & per accidens conjuncta, sicut & omnibus aliis similibus Machinis, quæ excogitari vel ab Angelico intellectu possunt.

V I. Ideo requiritur in hac Machina horologium annuum, aut longioris spatii (id est, in quo pondus I intra annum non attingat fundum, & horologii motum sistat) ne desit tempus intra quod pondus prædictum è capsula sua depositum in subjecto canali declivi, recipiatur à capsula M, & denuò sursum attra-

Etum reddatur priori capsulæ I. Cùm enim attractio ponderis M fieri debeat subsidio aquæ pluvix alicubi circa caput anthropomorphum collectæ, & per epistomium 14. intra siculam V. effusæ; contingere autem in aliquibus saltem regionibus possit ac soleat, ut vix semel intra annum pluatur; raro autem ut intra idem spatium nunquam pluatur: necessarium est, & sufficiens, horologium annuum. Quòd si longioris spatii sit horologium, securior eris de attractione ponderis M, & continuatione motûs, nisi aliunde impediatur. In regionibus ubi sæpius intra annum pluit, sufficit brevioris temporis horologium. Ubi hyeme totâ aquæ manent congelatæ, necessarium est horologium ad minimum semestrem.

Omitta multa alia quæ circa præcedentem Machinam dicenda occurrunt, & ad alias progredior.

CAPUT II.

Machinamentum secundum Motûs perpetui Physico-Mechanici, etiam per Aquam.

Motus perpetui Physico-mechanici machinamentum secundum etiam per aquam.

M Isit ad me quondam Amicus sincerus *Specimen Practicæ Perpetuationis per Aquam* (ut ipse appellat) unicum ex multis quæ sibi occurrissæ ajebat, *non tam* (inquit) *numeris omnibus absolutum, quàm ab industrio & docto Artifice ulterius perficiendum.* Proportionem partium Machinæ certam nec præscribit, nec in schemate appposito servat; sed eam cuivis assumere permittit, quam volet. Ad Schema orthographicè delineandum temporis angustix, quo tunc premebatur, eum coegerunt; non ignarus, scenographicam projectionem rem longè melius expressuram fuisse. Defectum itaque supplebit docti Lectoris ingenium, & exporrecta cogitatio, quâ faciliùs ac genuinè magis, quàm ullâ manu calamoque rerum figuras delineare solemus. Dabit porrò Machina hæc lumen præcedenti, idemque ab illa recipiet. Constructionem & usum simul uno eodemque verborum contextu, in varia tamen membra per appositos numeros dis-



Figura 48




Fig: 49.




Fig: 50.




Fig: 51.





Fig: 52.



dissecto, ex ipso proponam. Erit fortassis quando res eadem & fufius, & doctius denuò prodibit.

Suppono autem *primò* illa omnia, quæ superiori libro variis in locis dicta sunt de usu & utilitate perpendiculorum in rotatis Horologiis. Suppono *secundò* multa ex iis quæ eodem loco de horologiis rotatis vario, & novo modo construendis, de attractione ponderum, de Indicum chronometricorū fabrica, de trochleis & funibus perpetuis, de scalaris spærophoris, aliisque similibus dedi. His suppositis, sit

§. I. Machinæ constructio, & usus.

I.

Sumpto perpendiculo AI. ejus rationis in Pondere & Altitudine, ut ejus una v. g. simplex vibratio æqualeat uni scrupulo secundo horario, vel ejus semissi &c: construatur Horologium, Rotatum ejus conditionis, ut ipsius infima sive fundamentalis Rota semel intra 24. Horas convertinata sit: id quod supputati-
Vide Iconism. IX. Fig. 48.

one vibrationum, & hinc conversionum in Rotis omnibus, haud difficulter obtinetur, si juxta dicta in præcedenti libro, & juxta peritorum Artificum praxes res instituatur.

II. Infimæ Horologii Rotæ ad aptetur firmiter Trochlea B, simul cum ipsa Rota mobilis: cui é regione respondeat altera Trochlea C, super axe peculiari versatilis; instructa præterea hinc quidem Rotâ Serratâ 2, 3, & Pessulo 4; inde verò Rota Dentatâ, de qua postea.

III. Duabus his Trochleis superinjiciatur funis perpetuus BDCGFB, ex quo mediante Trochleâ D, appendatur pondus E tantum, quantum requiritur ad agitandum perpendiculum AI. Ponderi E opponetur Antisacoma G, ex sua similiter Trochlea F dependens. Longitudo Funis perpetui, hoc est, altitudo EG pro descensu Ponderis E sit tanta, ut Pondus E semel attractum, animare possit Horologium per unam septimanam.

IV. Hujus Ponderis E attractio intra hebdomadam semel
 B bbbb 2 effici-

efficienda est ab alio quodam Pondere. Quod ut fiat, affigatur firmiter Trochleæ C Rota quædam Dentata plana, vel Digitata cylindrica (juxta dicta in libro superiori) cujus dentibus⁷ vel digitis, implicet suos Rota H: & hujus Tympanum dentatum I, apprehendatur à dentibus Rotæ K: in ejus constructione hoc servandum erit artificium.

V. Determinetur unâ Rotæ K conversione, quot attractiones Ponderis E debeant effici: sint eæ v. g. quatuor: Statuatur item, quot conversionibus Rotæ H attollendum sit Pondus E, mediante Rotâ dentatâ Trochleæ affixâ: sint eæ septem v. g. conversiones. Igitur fiat Tympanum dentatum I: cujus ambitus & numerus dentium ad Quadrantem Rotæ K, sit ut unitas ad septem. Ambitus verò ipsius Rotæ H, necnon numerus dentium in eo, sit æqualis ambitui & numero dentium, in Rota Trochleæ affixa. Advertendum verò est, loco Quadrantis HK Rotæ K. sumi quoque posse ejusdem Trientem, Sextantem, Semissem, vel etiam integrum ambitum Rotæ prædictæ, dummodò proportionaliter procedatur ad ea quæ dicta sunt, & porrò dicentur.

VI. Quodsi fortasse Pondus E, non ex Perpetua, sed finita chorda esset appensum, juxta modos in superiori libro Propos. XI. dictos; tunc in confiniis Quadrantum Rotæ K, fiant quatuor quædam profundiores & ampliores incisiones, admittentes liberam conversione dentium ipsius, cum dentibus Rotæ K: deinde Trochlea C cum adjunctis sibi Rotis, intelligatur in locum Trochleæ B subrogata, & pessulus 4. firmatus in ipsâ Rota infima Horologii: hoc enim modo peractâ attractione Ponderis E, non consisteret Trochlea C cum tota sua suppellectile, ut jam; sed sensim retrò moveretur simul cum Rota Horologii, simulq; ductu eodem sensim retroageret Rotam H cum tympano I, cujus motui relinqueretur libertas, intra crenas seu incisiones prædictas.

VII. Axis Rotæ K deferat Cylindrum L, ipsi Rotæ & axi firmiter accommodatum; hic verò Cylinder sustentet superjectam sibi Scalâ Sphærophoram, libro superiori Proposit. 13.

de-

descriptam. Cylindro L respondeat inferius alter M, priori similis & æqualis; qui etiam Pondere quodam ex axe Cylindri suspenso instrui debet, ad extendendam fortiter Scalam Sphærophoram. Ejus scala figura & descriptio petatur ex citata Proposit. 13. & proximè sequenti num. XV. & seqq. & Iconismo eodem pertinente.

VIII. Eadem illa Rota K in opposita sive averſa facie habeat aliam parallelam Rotam glabram sive Orbem, cui in confinio Quadrantum incidendæ erunt quaternæ quædam crenæ, sic accommodatæ, ut receptus intra eas Pessulus sive repagulum 5, 6, K, ocludat & referet aptè Rotam K, pro conversionibus ejus attractivis, à Sphærico Pondere, ex Scala LM appenso efficiendis. Similes Rotas, & incisiones videmus in Horologiis vulgaribus, ad edendos pulsus horarum vel quadrantum, certo numero.

IX. Devolvatur jam in loculamentum Scalæ Ponderis Sphæricum 7. ejus quantitatis aut momenti, ut sufficiens sit ad attrahendum sursum Ponderis E, mediantibus Rotis K, H, C: quæ attractio fiet hac ratione. Ponderis E habeat alicubi infixum, sibi brachiolum quoddam 10. quod sensim cum ipso met Pondere descendente delatum ad vectem 11. 12. 13. depressione ejus vectis, attollet ope fili metallici 12. 5, Repagulum 5. 6. K. atque hoc modo referabit Rotam K, ut ea progrediens uno quadrante, admordeat tympanum dentatum I. & hoc septies circumactio, attractionem Ponderis E perficiat. Hac Ponderis attractione peractâ, Pessulus 4. ocludet Serratam rotam 2. 3. similiter & Repagulum 5. 6. K. incidens in crenam sequentis Quadrantis, firmabit & impediet ulteriorem motum Rotæ K.

X. Sequitur jam ut conditiones & officia Ponderum Sphæricorum 7. 8. 9. &c. nec non eorundem attractiones Hydrotechnicæ explicentur. Ponamus in primis Ponderis Sphæricum 7. in descensu suo ex 7. usque in 14. efficere quinas v. g. Rotæ KL conversiones: Igitur cum unus descensus Ponderis E per unam septimanam animet horologium; & una Rotæ K conversio, quaternas attractiones efficiat, Ponderis autem 7. quinas Rotæ K

conversiones præstet; sequitur uno descensu Ponderis 7, motum Horologii ad viginti Hebdomadas continuandum. Si itaq; plura ejusmodi Pondera Sphærica, qualia sunt 8. 9. & quotquot alia, ut v. g. Octona reponantur in superiore Sphærodromo Canali, sive Pergula quadam declivi 25. 30. sufficient ea ad impellendum Horologium A B Hebdomadis 160. sive Annis tribus, & uno mense circiter. Plura si fuerint Pondera, ad plures Annos Horologium impellent.

XI. Intra tres illos Annos effici poterit illarum Octo Sphærarum attractio per Aquam; sive è Fonte aliquo naturaliter scaturientem; sive artificialiter à præterlabente fluvio vel torrente elevatam, aut aliter applicatam; sive demùm per Pluvialem ex uno vel pluribus ædium tectis in Receptaculum aliquod, sive, ut Vitruvius loquitur, in Castellum collectam. Et ut loquamur. nunc de sola Pluviali, supponimus intra tres istos Annos ejus tantam copiam haberi posse, ut ea sufficiens sit ad prædictas Octo Sphæras intra Triennium elevandas: id quod facile consequi licebit cum ex ordinario Naturæ cursu in Universo, tum etiam per industriam Artificis, eam ex pluribus aut amplioribus ædium tectis in unum Castellum studiosè derivantis & colligentis. Demus enim (quod nimium est) unamquamvis earum Sphærarum pendere decem Centumpondia, sive Libras 1000; adeoque omnes simul, libras 8000. manifestum est, intra Triennium, ejusdem vel majoris multò copię & ponderis aquam colligi posse; Et sic sanè ea quantitas Aquæ intratriennium colligibilis, minor. 8000. Pondo; Altitudine tamen ex qua descendere potest, ut à tecto turris ad imum, defectus ille suppleri poterit, ut notum est ex staticis, ubi demonstratur, Ponderis defectum altitudinis compendio compensari & refarciri posse.

XII. Devolutio Ponderum attrahendorum & attractorum, antequam modus ipse attractionis explicetur, sic habet. Collocatis omnibus Octo globis in superiore Sphærodromo 25. 30. & globorum uno, ipso 7. devoluto in Scalam Sphærophoram, faciet is, ut paulò antè supposuimus, vicens attractiones Ponderis E, pro totidem septimanis Motûs horologiarii: idque per quin-

nas conversiones Rotæ K & Trochleæ L: quarum conversio-
num postquam ultima completa fuerit, Globus 7. descender in 14.
ibique defectu Perticæ 25. 24. vel alterius similis obstaculi, Pon-
dus in Scala continentis, excurreret Scala, devolvereturque in infe-
riorem Sphærodromum; actum volutione suâ incurrens in pro-
minens brachiolum vectis 16. 17; deprimet ipsum vectem, ac si-
mul ope fili metallici 17. 27. recludet aditum Sphæræ 8, ut ea in-
Scalam Sphærophoram, in locum prioris 7. officio suo perfun-
ctæ succedat.

XIII. Sphæra 7. in inferiore Sphærodromo existens supe-
rato obstaculo 15. devolveretur usque in 21. ibique non consistet,
nec detinebitur à brachiolo vectis 18. 19. (quod brachiolum for-
tasse commodius porrigetur à summo deorsum, ut in altero vecte
26. 27. cernitur) sed reperiet sublatum omne impedimentum,
& referatum Vectem 18. 19. idque per artificium infra numero
XV. indicandum: hinc Globus rectâ volvetur ex 14. in 22. locu-
lâmentum Scalæ, è regione ipsius Sphærodromi positum. Ce-
terum concipiendum est in 18. vectis extremo tantum ponderis
esse appensum, quantum sat est & ad contrapondium ipsiusmet
brachioli 19. & ad impetum illum globi, volutione suâ per declive
in brachiolum illud impingentis sustinendum & sistendum.
Quamvis autem absolute necesse non esset ullum globum includi
à brachiolo 19. sed adhiberi posset modus is simplicior, quem da-
bit proximè secutura Propositio, & Iconismus ad eam pertinens;
ut tamen & earum clausurarum aliquod exemplum hic exeret, plâ-
cuit non negligere. Præmoneo tamen earum formam fabri-
camque multò aliter concipiendam esse, quàm figura referat, in-
quâ minutiora quævis exprimi non potuere, à festinante ad alia ca-
lamo.

XIV. In printis igitur illud suppono, in Scala Sphæropho-
ra O P. quamvis, absolute loquendo, Sphæræ plures, ut duæ, tres,
&c. simul attolli possint, ad vitanda tamen haud pauca incom-
moda, quæ in ea ponderum simul elevandorum multitudine oc-
currunt, unam tantummodò Sphæram evehendam esse: sic ut
dum sphæra 31. ad summum evecta est, & in Canalem Sphæro-
dromum

dromum 30. 25. effusa, altera in ipſius locum, ſimiliter evehenda ſuccedat, ut v. g. ipſa 22. Quamobrem Scala Sphærophora ſic erit ordinanda, ut in toto ſuo ambitu, tres ad minimum habeat gradus, cellulas, aut loculamenta, Globis excipiendis & deportandis accommodata, & ab invicem diſtancia æqualibus intervallis tribus, qualium unum eſt 22. 31. Horum loculamentorum conſtructio magis exquisita, petatur ex ſequentis Propoſ. num. XV. & ſeqq. ubi res ea preſſius explanatur.

XV. Poſitis jam tribus illis loculamentis in Scala, prædicto intervallo ab invicem diſſitis, illud hinc neceſſariò conſequetur., ut dum eorum unum reperitur in 31, alterum ſit in 22: tertium alibi: illud videlicet quod paulò antè fuerat in 31; & proximè ſuccedat in 22. Quia verò contingere poteſt, ut dum nullum è tribus illis loculamentum reperitur in 22, globus aliquis, per alteram Scalam LM deſcendat & devolvatur in inferiorem Sphærodromum; idcirco permittendus is non eſt, ut rectà feratur in 22, ſed occludendus à Veſte 18. 19. atque hoc modo plures globi inferiùs detineri poterunt. Si jam poſt diuturnam ab attracti-
one ceſſationem, Phyiſicus ille Motor ſive Aqua agere incipiat, & globum illum, cujus attractio tam diu defectu Aquæ fuit interrupta, evehat ad Superiorem Sphærodromum, & ibidem onus id deponat; eodem ipſo momento, vel potiùs paulò poſt, reſervandus erit veſtis 18. 19; & immitrendus globus alteri loculamento, quod jam in 22. eſt adductum.

XVI. Hæc intromiſſio Globi in loculamentum 22, duos habere poteſt caſus diverſus. Vel enim paulò antè Globus aliquis evectus fuerat in 31; & tunc is ope veſtis 28. 29. mediante filo metallico 28. 18. recludere poterit aditum globo 21. ut loculamentum ſubeat. Vel Globus attollendus primus omnium eſt qui elevari debeat, & huius intromiſſio quamvis variis modis inſtitui poſſit, iſto tamen artificio, quod ad omnes ejusmodi reclusiones ſeſe extendit, obtinebitur. In Figura laterali 49. cogitetur veſtis 18. 19. eſſe ipſe *abd*, cui connectatur alius *efg*, per brachiolum *ce*. Si igitur in Scala Sphærophora debite aptetur obſtaculum quoddam *g*. quod in aſcenſu Scalæ radat & attollat,
extremum

Vide Ico-
niſmi X.
Fig. 49.

extremum *g* vectis *efg*; deprimetur hoc modo uncinus *d*, sicque patefiet aditus cuicunque Globo in loculamentum Scalæ è regione positum. Notandum verò est, obstaculum illud radens ita disponendum esse, ut non instantaneè, sed aliquantò diutius attollat vectem *efg*, ac etiam sic elevatum relinquat, postquam ultimus globus ex inferiore Sphærodromo ad superiorem evectus fuerit, cessaveritq; motus omnis ulterioris attractionis, per ea quæ dicentur infra Num. XXX. tunc enim si superveniat interim Globus aliquis attollendus, inveniet aditum sibi patefactum in Scalam, & sine obstaculo.

XVII. Postquam quicunque Globorum subierit loculamentum Scalæ in 22. sensim incipiet attolli modo proximè explicando, & eveheturusque in 31. ubi quia Globus reperit sublatum obstaculum spondæ vel hastæ 23. 29. versùs quam semper nonnihil inclinare concipiendus est; devolvetur subitò ex loculamento suo in superiorem Sphærodromum, & incurrens in brachiolum 30., vectis 28. 29. vectem deprimet; & ope fili metallici 28. 18. recludet alterum globum in 21. detentum. Sufficiet tamen ad eam reclusionem modus Num. præcedente indicatus. Occurrit hîc quædam difficultas circa promptam & infallibilem Globorum in superiore Sphærodromo devolutionem, nec non subingressum in utraque Scala; sed negotium id sequentis Proposuit. Num. XVIII. commodius explicandum duxi.

XVIII. Explanatâ Globorum clausurâ & reclusionem, peragendum jam est ad exponendum modum attractionis eorundem, per Aquam instituendæ. Cùm igitur prædicta Pondera Sphærica attollenda sint ope Rotæ Dentatæ *N* & Trochleæ *O*, sive potius Cylindri *O*, Rotæ *N* firmiter affixi; statuenda primum est Cylindri *O* ad Rotam *N* proportio, ut ex hac inveniat Potentia, sive pondus Aquæ, ad faciendam attractionem, sufficientis. Ego ad majorem distinctionem partium in Figura, posui plures Rotas; videlicet Rotam *Q* dentatam, cujus tympanum *R*, implicatur dentibus Rotæ *N*. Item Rotam *S*, quæ potius est Orbis, Trochlea, vel Cylinder amplioris ambitûs, in cuius Centro sive Axe firmatum Tympanum dentatum *V*, inne-

ctitur dentibus Rotæ Q. Ceterum in praxi non sine compendio, omitti poterit Rota Q, cum tympano suo striato R, sic ut Trochleæ S. tympanum striatum V, immediatè applicetur. ipsi Rotæ N. Quin etiam in ipsius Rotæ N locum subrogari posset amplissima quædam Trochlea, qualis esset ipsa S cum reliqua sua suppellectile, dummodò provideatur incommodis eam, structuram consequentibus.

XIX. Verum demus tam immane esse pondus Globi 22 evehendi, ut ad eum sustollendum requiratur hæc multitudo & proportio Rotarum N, Q, S, ad O, R, V, quibus medianibus Globus is à Potentia Y Motiva seu Elevativa superari & attolli debeat; tunc cum reliquarum Rotarum structura per se satis nota sit, explicanda solum erit constructio & officium Trochleæ S, cum suis Rotis Concentricis. Concipiatur itaque mediocris quidam Cylinder V, cujus basis est Circellus V, in Figura punctis designatus: huic intelligantur esse impostæ tres Rotæ vel potius Orbes, hac serie: Primum Rota Serrata V; secundo Trochlea S, tandem altera Serrata rota T, quæ minor aut etiam æqualis esse poterit Serratæ V. & intelligi debet in toto ambitu suo similibus ferraturis, ut ipsa V obarmata. Firmetur jam utraque Serratarum in Cylindro cui imponuntur, sic ut non nisi simul cum eo converti possint; intermedia verò S Trochlea, liberrimum habeat motum supra Cylindrum velut axem; denique quod residuum est ex Cylindro, præter id quod occupant tres illæ Rotæ, elaboretur in dentes sive strias, dentibus Rotæ Q respondentes & innexas.

XX. Pessulorum quibus Serratæ T & V Rotæ occludi debent, hæ sunt conditiones & structura. Pessulus 41. claviculo liberè firmetur in ipsa Trochlea S, & insuper instruat pennulâ quadam pressoriâ, ut in omni situ Trochleæ S, quando videlicet ea vertitur, pessulus 41. nitatur semper & incidat in ferraturas Rotæ T. Alter pessulus 42. figendus erit non in ipsa Trochlea S, quamvis in ea videatur esse fixus in Figura, sed alibi extra Rotas, in tigno quodam firmo & immobili. Et hic pessulus esse poterit absque omni penna pressoria, quam supplet ipsamet ejus gravitas.

gravitas. Adverteramen, etiam unicam tantum Serratam suffe-
cturam, ut v.g. ipsam V. si videlicet ea sit aliquantò crassior: ejus
enim crassitie una medietas respondere poterit uni pessulo, in
ipsa Trochlea S fixo, & cum ea mobili, altera pessulo consisten-
ti & immobili, qualem esse diximus ipsum 42.

XXI. In ipsius quoque Trochleæ S. constructione, pro-
pter causas dicendas, artificium peculiare servandum erit. Con-
cipiatur in Figura 50. loco Trochleæ S in Axe suo cylindrico
V versatilis, quidam Cylinder sive Trochlea crassior *abcd.* su-
per axe *ef* mobilis: Ex hoc Cylindro mediantibus duabus chor-
dis *ac* & *bd*, intelligatur esse appensa Situla Y; actum exter-
ria chorda *gh* inter priores media, nec non oppositâ ratione Cy-
lindro circumducta, concipiatur pendere Antifacoma 50. paulò
gravius Situlâ Y vacuâ. Utilitas hujus constructionis est, quòd
orificium Siphonis 44. 40. perpendiculariter imminere possit, ut
debet, centro Situlæ; quod aliàs non fieret, si Situla ex unica tan-
tùm chorda & ansa suspenderetur. Taceo alia incommoda quæ
hoc artificio evitantur. Ne verò prædictus Cylinder *abcd* cum
amplior esse debeat, gravitate nimia sit impedimento, nemo non
videt, eum concavum esse oportere; adeoque ad instar Rotæ ar-
millaris latioris, quam etiam trifariam partiri licebit.

Vide Ico-
nism. X.
Fig. 50.

XXII. Constructio Situlæ Y sequitur explicanda, quæ his
absolvitur. Habitâ quantitate ponderis unius Sphærici, nec non
proportionem Trochleæ O. ad Rotam N, & ejus proportionis
ad rationem inter Tympanum R & Rotam Q, vel si hæc o-
mittatur, ad rationem inter Tympanum V. & Trochleam S, ha-
bebitur quoque per ea quæ in Staticis demonstrari solent, Ratio
Potentiæ elevandæ, v.g. Globi 3 1. ad potentiam moventem, sive
Situlam Y aquâ plenam. Et ut re exemplo declaretur, si ponamus
Semidiametrum Rotæ N duplam esse Semidiametri Tro-
chleæ O: Semidiametrum Rotæ Q, quadruplam ejus quæ in
Tympano R: & demùm Semid. Trochleæ S, quintuplam
Tympani V: supponatur autem Globus 3 1. pendere libras 1000
erit Potentia Motiva in N paulò major quàm 500. libb. Potentia
motiva in Q, paulò major quàm 125. lb. tandemque in S.

Ccc cc 2

aliquan-

aliquantò major 25. lb. Igitur in hac hypothefi Situla Y capaci-
 or eſſe deberet, quàm 25. librarum Aquæ; ut v. g. librarum 27.
 circiter; idque tum ad ſuperandas omnes reſiſtentias in affric-
 tu Rotarum, tum niſum Antifaſcomatis 50. quod Situlâ vacuâ gra-
 vius eſſe oportere diximus. Sed hæc exempli tantum gratiâ di-
 cta ſunt.

X XIII. Exterior Situlæ figura quævis eſſe poterit, aptior
 tamen eſt. Parallepipedi in pyramidem curtam deſinentis, vel
 Cylindrica Cono truncato terminata, qualis in Figura cernitur:
 Collum habebit ſtriſtum; cui aptabitur ſuperius patella quædam,
 catinus, ſive infundibulum, 45. 46. cujus figura erit vel cavæ Py-
 ramidis, vel conî obtuſi & detruncati. In hujus utroque latere
 affigentur duæ anſæ ſurſum porrectæ, qualium unam in Figura vi-
 dere eſt. Denique in medio Situlæ erigitur ab ipſius fundo uſq;
 ad collum, Diabetes ſpiritalis ſive cæcus 49. 44. per quem Aqua
 tota effluat, quam primùm Situla ad ſummitatem colli repleta fue-
 rit; ut fit in Scypho illo ludico, apud Hydrotechnicos noto, cujus
 deſcriptio videri poterit in Mechanica Hydro-pneumatica P.
 Gaſp. Schotti parte 2. claſſe 1, cap. 1. Machin. 4.

X XIV. Fiat tandem Receptaculum X cujuſcunque figu-
 ræ, mediocris altitudinis, ſed capacitatis ejus, cujus eſt Situla Y. In-
 ſtruatur id infundibulo 39. aquam ex epiſtomio 38, excipiente,
 & in Receptaculum X. transmittente. In eodem Infundibulo
 aptetur Diabetes ſive Siphon recurvus 40. 44. qui etiam talis eſſe
 poterit, qualis in Situla Y, cæcus videlicet: gibbus ſive cervix Si-
 phonis hujus, humilior ſit aliquantùm ipſo Infundibulo 39. non
 tamen toto Receptaculo X; ut non priùs aqua incipiat effluere
 per Diabeterem, quàm impleto Receptaculo X, infundibulum
 mediâ ſui parte, nempe uſque ad dicti ſiphonis cervicem repleti
 inceperit: tunc enim ſubitò Aqua per Diabeterem 40. 44. incipiet
 effluere in Situlam Y.

X XV. Et quoniam interea temporis, dum ex Receptaculo
 X deſluit Aqua per Diabeterem in Subjectam Situlam, nihilomi-
 nùs alia aqua continuò influit ex Epiſtomio 38. in idem Recepta-
 culum X; idcirco duo veniunt hoc loco obſervanda. Primum
 eſt:

est: Receptaculum X aliquantò minus esse posse ac debere Situlâ Y, quoniam ille defectus aquæ ex Receptaculi X parvitate, supplebitur per Epistomium 38: quod interim dum Receptaculum depletur per Diabetem, aquam affundit. Alterum est; orificium Epistomii 38. non debere esse ejus amplitudinis, cujusest os Diabetis 40. 44. Quia si quantum effluit Aquæ per Diabetem, tantundem affunderetur per Epistomium 38. nunquam cessaret fluxus aquæ per Diabetem ex Receptaculo X. quod tamen est simpliciter necessarium. Itaque Orificium Epistomii 38 debet esse triplo vel quadruplo &c. minus amplitudine foraminis in Diabete 40. 44. Hinc enim fiet ut tandem exhauriatur Receptaculum X, & interrumpatur aquæ fluxus per Diabetem; qui semel interruptus, non prius redintegrabitur, quàm iterum Receptaculum totum cum Infundibuli semisse impletum fuerit aquâ, per Epistomium continuò fluente.

XXVI. Interea dum Situla Y impletur Aquâ, ad superandam Ponderis & Rotarum resistantiam sufficiente, consistet eodem loco Situla sine motu deorsum, usque dum affusum fuerit tantum Aquæ proximè, quantum ad ipsius descensum requiritur: antequam tamen Situla impleatur usque ad summam colli 45. 46. nec non summitatem Diabetis in eo collo; certum est Situlam non expectaturam donec impleatur ad summum, sed descensuram. Et quamvis id permitti possit; nam cum orificium 44. Diabetis perpendiculariter semper superincumbat Situlæ, etiam in ejus descensu, deflueret nihilominus aqua perpendiculariter in Catinum Situlæ, præsertim mediocriter distantis; quia tamen huic, si quod est, incommodo, præsto est remedium facile & obvium, illud paucis insinuo. Concipiatur in Figura 51. vectis Primigenis *abc* mobilis in *b*: vel Angulosus *dbc*: vel uterque junctim. In Extremo *c* aptetur brachiolum quoddam, ad instar articuli cujusdam, motui sursum cedentis, resistentis verò nisi deorsum. Si igitur fiat, ut alteruter annulus Situlæ, ipse videlicet 47, vel 48. apprehendat extremum *c* vectis *abc* propè 47, vel 48 ad eum finem aptati, ei que superincumbat tam diu, donec tota Situla, aut quàm proximè repleatur, ac tum primum suâ gravitate

Vide Iconism. X.
Fig. 51.

superet obfistentiam pondusculorum *a* & *d* vectis prædicti; habebitur illud quod initio fuit quæfitum.

XXVII. Situla *Y* ad summitatem colli repleta, superatis omnibus obftaculis non descendet modò, sed etiam simul per Diabetem 49. incipiet effundere aquam in Subjectum Canalem *Z*. At quia consultius est, ut non fiat hæc effusio & jactura Aquæ, priusquàm Situla plenè pervenerit ad Canalem *Z*; (quamvis etiam id permitti posset, si nihilominus cum hoc fluxu, Situla perveniret in *Z*, & tamen citiùs exoneraretur, quàm repleatur rursus Receptaculum *X*) idcirco ad impediendum eum fluxum, præ multis placuit iste modus perappositus & securus. Sit in Figura 52. portio Situlæ *Y* superior, nimirum Catinus *ab* cum collo *cd*: concipiatur collum istud aliquantum productum esse versùs *ab* intra ipsum Catinum, in cujus fundo assurgat orificium ejus colli, & promineat armilla quædam, sive colli prædicti portio, quæ tamen humilior esse debet altitudine ipsius Catini. Deinde detur opera, ut dum impletur Situla ex Receptaculo *X*, recipiatur non parùm aquæ inter illam portionem colli sursum prominentem, & ipsum Catinum: ac propterea jam non possit impleri ad summum tam collum, quàm Diabetes, ob illum videlicet aquæ detentæ defectum. Fiat jam alicubi, ut in *c* orificium, quoddam vel Siphunculus, ad immittendam opportuno tempore aquam illam detentam, quod orificium occludatur arcè, cono quodam illud exaète implente, vel valvulâ quadam sive operculo ponderoso, promptè elevabili per vecticulum *aef*, cum cono illo vel operculo connexum: Nam si dum Situla descendit ad ipsummet fundum *Z*, extremum *a* vectis *fea* impingat in obftaculum quoddam & attollatur, orificiumque illud in *c* recludat; influet aqua residua ex Catino in collum Situlæ: quo repleto, incipiet Aqua Situlæ fluere per Diabetem: atque in hoc nulla est difficultas aut periculum, ne aliquando fallat succensus. Posset etiam huic Aquæ suspensæ sive reservatæ assignari dimidium torius Catini, vel in eum finem vasculum quoddam construi, non nihil altius ipso collo &c.

XXVIII. Postquam exonerata fuerit Situla *Y* in *Z*, idque

Vide Iconismi X.
Fig. 52.

quæ prius quàm repleatur rursus Receptaculum X, attolletur ea sursum ab Antifacomate 50. Evacuabitur autem tota planè Situla per Diabetem; id enim fiat necesse est ob structuram fundi Situlæ, in acumen desinentis. Si quando Situla prius attolli incipiat ab Antifacomate, quàm totaliter evacuetur, parùm omnino refert; quia in ascensu reliquum quod superaret, effluet. Quin, etiam præmaturus is ascensus Situlæ impediri posset eodem propè artificio, quo descensus supra Num. XXVI. fuit prohibitus; per vectem tamen Secundi generis, & cujus articulus opposito modo cedat aut resistat urgenti Situlæ.

XXIX. Tandem ne quid plenæ descriptioni desit, Epistomium 38. quamvis absque omni prorsus artificio esse possit, & apertum semper relinqui; ut quodocunque pluit, aut collecta, prius aqua in Cisterna non deest, Machina moveatur, sive habeat quod attrahat, sive non: quia tamen Aqua gratis perdenda non est, sed asservanda potius pro superventura necessitate; idcirco consultius est Epistomium aptè claudi & aperiri pro exigentiâ; quem in finem occurrit artificio id simplex & appositum. In Siphone sive Tubo 38. aptetur transversim modiolus quidam, cujus interior cavitas habeat figuram Coni truncati, per quem, diametraliter pateat transitus aquæ fluentis per Siphonem. Hanc conicam Cavitatem impleat exactè Conus convexus similiter truncatus, sui quæ interjectu claudat exquisitè & opposita Siphonis foramina in modiolo: si enim Conus, hic per brachiolum 38. 37. nec non vectes ad id ordinatos attollatur, fluat aqua; fluere desinet, si demittatur. Et ne dum Conus est elevatus, effluat aqua, præterquàm per orificium Siphonis, fiat ea Coni elevatio intra Tubulum 38. 37.

XXX. Postremò, prædicta Epistomii per Conum oclusio, referatio quæ fiet in hunc modum. Aptentur duo vectes, sive potius libræ brachiorum æqualium, 35, 37. 32, 34. mobiles in 33. & 36. & inter se connexæ per brachiolum 34 35. Earum alterutri appendatur v.g. in 34. Pondus quoddam, sufficiens ad attollendum expedite Conum 37. 38. Si jam omnia Pondera Sphærica volubilia evecta sunt ad summum, tunc fiat, ut is qui ultimò est elevatus,

levatus, & devolutus in Sphærodromum, insistat brachiolo 29. 30. vel alteri cuidam quasi Ponticulo inclinabili; cum quo si connectantur ope fili 30. 32. binæ illæ Libræ 32. 34. & 35. 37: depressâ Librâ priore in 32, demittetur Conus 38, & Epistomium occludet: quod tamdiu clausum erit, donec descendente primo Globo in inferiorem Sphærodromum v.g. ipso 7. succedat ipsi in Scalâ sequens Globus 8. & reliqui omnes globi sequantur declivitatem Sphærodromi, & promoveantur versùs ipsam Scalam LM: tunc enim ultimus ille Globus, qui deprimebat Libram in 32. mediante filo 32. 30; non obstabit quominus ea libra cum Cono 38. elevetur à Pondere 34. atque sic Aqua, si non desit in Castello, fluat per Epistomium, ad attractionem proximè demissi Globi faciendam. Observandum quoque est, fieri posse, ut dum occluditur Epistomium 38, Trochlea S similiter occludatur ad eum modum, quo Rota K obfirmatur à Pestulo 5. 6. K: quin etiam loco clausuræ Epistomii per Conum, sola Trochleæ S oclusio procurari possit, ut hoc modo maneat semper apertus fluxus Aquæ in Receptaculum X & Situlam Y consistentem cum Trochlea sua: quod artificium habebit id utilitatis, quòd Aqua in Castello suo diutius detenta non putrescat, aut hyemali frigore glaciatur.

Et hæc sunt quæ de Perpetuatione hac Hydrotechnica, speciminis & exempli tantùm gratiâ fusiùs quidem, sed ut claritas postulabat, disserenda putavi. Multa longè simplicius, artificiosius non pauca fieri poterant, nec uno modo; verùm ad alia properanti, non erat otium, hæc attentione majore, diligentiaque pertractasse. Sicui cordi esset ejus aut similis Machinæ Praxis. Adverteret I. Scalas Sphærophoras, de quibus plura sequens Propositio, pro grandioribus præsertim Ponderibus, ex catenis, non corio mutationibus obnoxio fabricandas esse. II. Sclarum loco poterunt adhiberi Sportulæ mobiles, appensæ ex finita Chorda vel Catena; per artificium superiori libro Propos. 13. & 14. descriptum. III. Collum Situlæ Y strictius & prolixius esse oportere, quàm referat Figura: ratio desumitur ex ipsius usu. IV. Globos illos quotquot, sive Pondera volubilia, si majora esse oporteat, non tantùm ex aliquo metallo, ut Plumbo, ferro, ære, sed ad vitandas

das impensas esse posse saxeos, item fictiles ex argilla, & coctos ad duritiem lateritiam aut vasorum vulgarium: quæ tamen coctione si leviores æquo redderentur Sphæræ, fiant eæ concavæ, firmætamen, & tum per angustum quoddam foramen impleantur arenâ vel alio sabulo graviore, & maximè recremento Ferri sive scoriâ, &c.

§. II. Annotationes in præcedentem.

Machinam.

I.

DE hac Machina idem ferè dico, quod de priori in præcedenti capite §. 3. Num. 1. 2. & 3. dixi: est enim ingeniosa admodum, scæ propter tantam partium ac membrorum multitudinem difficilis constructionis; & nisi debita à Natura & Arte requisita servetur proportio, dubii successus. Possunt tamen multa omitti, multa simplicius ac facilius ordinari, ut Auctor ipse agnoscit. Quod si fieret, facilius iniretur calculus in potentiarum, ponderum, aliarumq; partium proportionem deprehendenda; minoriq; temporis & impensarum impendio construeretur.

II. Minus tamen irregularitati motûs subiecta est hac Machina, quòd Horologii rotæ regularitate majore circumaguntur, tum propter perpendiculum AI adhibitum, tum quia pondus principale dependet à fune perpetuo trochleis circumplicato.

CAPUT III.

Machinamentum tertium Motus perpetui Physico-Mechanici, per Aërem, & simul etiam, si placet, per Aquam.

Dedimus superiori libro Proposit. 50. artificium Pneumaticum per quàm facile, Horometrorum perpetuationi serviens; idem nunc paulò aliter, ac præterea cum Hydrotechnico conjugatum damus, accuratiore cum descriptione, tum Iconi-

smo. Machinam submisit Amicus idem qui præcedentem, daturus eandem aliquando concinniore schemate scenographice delineato. Accurata cognitio præsupponit dicta libro superiori. Constructionem & usum do simul unico sermonis contextu; utrumque ex dicto Amico, in hunc modum.

§. I. Constructio, & Usus Machinæ.

Vide Iconism. XI.
Fig. 53.

SIt in primis Horologium Ambidextrum libro superiore Proposit. 33. descriptum: in quo, si placeat, poterit adhiberi geminum *AB* Perpendicularum; Rota Interpolata *BB*; Infima sive fundamentalis Horologii totius Rota Dentata *SC T.* cujus? Axis defert Trochleam *D*, ipsi Rotæ firmiter affixam. Reliquarum intermediarum Rotarum numerus & proportio pendet ex jam dicendis: Nam

II. Ex numero vibrationum Perpendiculari *AB* intra unam horam, diemque peragendarum, fiat ut Infima Rota *C*, intra dies quatuor semel tantum circumagatur: hinc enim Arithmetico calculo difficile non erit reliquas rotas determinare: Nam dato lubito quovis Rotarum numero, reperientur earum ad Tympana proportionales, vel his datis, multitudo Rotarum investigabitur per ea quæ in Mechanicis traduntur. Quantitas Trochleæ *D* similiter vel reperitur datâ Altitudine *EN* pro descensu Ponderis, vel sumitur ad lubitum, si altitudo illa sufficiens haberi possit.

III. Prædicta Trochlea *D*. sustineat Catenam quandam (nam funes aut lora coriacea, quia variant longitudinem pro ære temperie, huic instituto minus idonea) cujus utriusque Extremo aptantur duæ capsulæ sive Sportulæ *E* & *G*, pro admittendis & excludendis Ponderibus Sphæricis accommodatæ. Longitudo Catenæ sit octies major ambitu Trochleæ *D*; in eaque disponantur & firmabuntur Sphæculæ concavitatibus Trochleæ respondentes, juxta ea, quæ superiori libro Proposit. XI. diximus. Pondus autem Sphæricum *E* debet esse tantum, quantum sufficiet ad animandum Perpendicularum *AB*, prius assumptum.

IV. Quo-



Figura




Figura 54.





Fig. 56.



Figura



IV. Quoniam verò Trochlea D simulcum Rota C semel intra dies quatuor circumagitur, & altitudo pro descensu Ponderis est octupla Trochleæ, unum igitur Pondus, ut ipsum E, impellet Horologium per dies 32. sive Mensem unum & eo ampliùs. Quare si talia Pondera Sphærica habeantur duodecim, sufficient ad animandum Horologium per dies 384. hoc est, Annum integrum & insuper dies 19. At si plura fuerint ejusmodi Pondera, vel Altitudo major quàm octupla Trochleæ D. vel hæc cum infima Horologii Rota tardiùs convertatur; poterit etiam Horologium vi suæ primæ constructionis ad plures Annos impelli, motumque continuare; quod etiam in prædicta constructionis hypothesis fiet, in hunc modum.

V. Concipiatur in suprema regione, sive sub ipsa Horologii Trochlea D. constructa esse Pergula quædam Sphærodroma, sive Canalis declivis geminus, ab uno M in duos ramos deductus; quorum prior est MKHS. posterior MLIT; quos quia commodiùs aliter vix potuit, Ichnographicè Figura repræsentat: hoc est, oculo supernè constituto, & eos despectante. Ceterùm Canales hi concipiendi sunt Horizontaliter esse collocati. Declivitas Canalium utrinque ducit ad Sportulas in Extremis Carenæ suspensas, existentes in summa sua altitudine; videlicet in E & F.

VI. Collocentur in uno Canali Sphærodromo Sex v. g. Pondera Sphærica, totidemque in altero, quarum Sphærarum propensioni per declive, obstant duo Pestuli sive Repagula occludentia, HS & IT. Deinde unum Ponderum, velut ipsum E, permittatur devolvi in Sportulam E, actum incitetur Perpendicularum AB; hoc enim movebitur cum toto Horologio per dies 32. ex constructione. Descendente Sportulâ E cum suo Pondere, intra Tubum erectum EN, vel intra Perticas quasdam continentes Pondus intra Sportulam, ne elabatur alibi quàm in N ascendet opposita G Sportula vacua, intra suum similem Tubum aut Perticas usque in F.

VII. Postquàm Sportula E cum Pondere suo Sphærico pervenerit ad fundum, hoc est in N, tunc defectu Tubi, sive Perticarum, quarum beneficio Globus E continebatur in Sportula, elab-

betur ex ea Pondus in subiectum declivem Canalem NY in quo aptata est Libra quædam brachiorum æqualium VNOPX. in O tanquam centro liberè mobilis. In ejus Libræ brachium N delabitur è Sportula Pondus E, brachioque N depressò, elevat oppositum OPX brachium; cui quia superincumbit immediate brachium alterius Libræ XR, elevabitur ea in X, & deprimetur in R, simulque per filum metallicum RLI referabit orbicem IT, ut globus ab eo detentus, alteram Sportulam vacuum in F existentem subingrediatur.

VIII. Hoc factò, subito incipient Horologii Rotæ converteri in partem oppositam absque ulla Motûs Horologiarii, nec non vibrationum Perpendiculari interruptione, per ea quæ superiori libro Propos. 33. & 3. sunt ostensa: similiter absque regressu Indicis, artificio Propositione 19. constructi. Simili prorsus ratione, postquam intra tempus unius Mensis Sportula G regressa fuerit deorsum, effundet suum Globum in subiectum Libræ brachium OP, & sublata alterâ Librâ QV in V, recludet ope fili QH, pessulum HS, ut admittat Globum in Sportulam E. ad eum excipiendum paratam, & è regione præstolantem. Atque sic porro alternatâ hac Ponderum utrinque referatione mutuâ, totus exigetur Annus, duo, vel plures, prout Horologii constructio postulaverit.

IX. Intra idem illud Tempus annum, trimestre, vel aliud, quo Globi omnes semel humanâ ope in summo collocati, successivè ad Horologii motum devolvuntur in inferiorem Canalem YZ, attollendi sunt ii rursus successivè viribus Extrinseci Physici Motoris; sive jam solius Ventis, sive simul Aquæ pluvialis, ut hoc modo junctis viribus, tanto infallibilior reddatur ea Ponderum attractio. Est enim prorsus insolens toti Naturæ, & contra receptas usû tot sæculorum leges Universi, in Europa præsertim nostra, ut detur aliquis Annus, duo, vel tres consequenter, in quibus vel non pluat, vel ad minimum Ventus aliquis non spiraret; cum ordinariè singulis annis utrumque contingere soleat: Nec tam imprudens, opinor, erit ullus Mechanicus, qui usque adeò enormis Perpendiculari, & hinc reliquorum Ponderum construat Ho-
rolo-

rologium, ut ea intra præfatum tempus, à duobus illis simul Motoribus Physicis attolli non possint.

X. Esto igitur Axis AB firmatus in Cylindro CD per quem ducitur. In eodem axe firmentur in primis duæ Rotæ Serratae A & B, serraturis suis eandem loci positionem respicientes, quas occident duo Pessuli signati his numeris 2. & 3. Uterq; firmatur in sua Rota dentata, ille quidem in Rota HE; hic verò in altera F, 3. Hæ porro duæ Rotæ firmatae non sunt in Axe AB, sed in eo seorsim liberè mobiles; nam quando id necessitas exigit, firmantur eæ ope Pessulorum 2. & 3. à Serratis apprehensum, artificio perquam vulgari, & satis noto.

Vide Iconism. XI.
Fig. 54.

XI. Dentibus Rotæ HE implicatur Tympanum H dentatum, firmum in axe HG, deferente Rotam quandam IK Hydrotechnicam, sive instructam in toto suo ambitu haustris ad excipiendam aquam Pluvialem, ex recto Turris vel aliarum ædium, ad ipsam Rotam per Siphonem vel alium Canalem derivatam: ut quotiescunque pluit, aqua liberè defluat in Rotam, & successivè impleat unum vel plura haustra, tot nimirum quot requiruntur ad Pondus Y attollendum, spectatâ Ponderis ad Rotas & tympana proportionem. Advertendum verò in primis est, loco Rotæ illius aquaticæ adhiberi posse artificio Trochleæ cum Situla, Capite præcedente descripta. Deinde Rotam IK aquaticam etiam alibi collocari posse, videlicet in axe Cylindri inferioris, respondentis Cylindro superiori CD, qui quamvis in Figura non exprimitur, concipiendus tamen est inferiùs Scalam Sphærophoram distendere, ad eum modum quem in Iconismo præcedentis Capitis videre est in Cylindris M & P.

XII. Altera Rota F 3. admordetur à Tympano dentato L, quod firmatum est in Axe cavo sive tubo XLN, per quem transit alius axis gracilis VNT. Priori axi concavo concipiendæ sunt affixæ esse alæ quædam Pneumaticæ, quæ in Horizontali situ ab incidente quocunque vento circumduci valeant. Et hæ poterunt esse ejus formæ, quam Figura 55. repræsentat; in qua duæ Alæ sunt A & C, quæ tamen tres, quatuor, aut etiam plures intelligi debent Horizontaliter esse dispositæ, & firmatæ in.

Vide Iconism. XI.
Fig. 55.

globo B. Duo porro globi B & D præsentis Figure, respondent duobus X & V globulis in Figura 54: quorum usus & artificium ut tantò melius percipiatur,

XIII. Intelligatur Axis concavo LN ad angulos rectos aptatus esse alius quidam axiculus transversus, notatus signis 4, 5: huic indantur duæ quædam æquales Rotulæ glabræ sive orbiculi PM & QO. liberè mobiles in prædicto axiculo: quâ ratione fiet quasi plostellum quoddam duarum rotarum, sustinens tam pondus ipsiusmet Axis LN, quàm globi X & Alarum in eo firmatarum. Prædictum plostellum concipiendum est insistere Plano cuidam, sive Tabulæ lævi MNO, in cuius medio fit foramen N, & per id transmittitur, ac liberè vertitur Axis LN: ad cuius conversionem circumducitur quoque plostellum PQ, sic ut ejus Orbiculi PM & QO volvantur per planum MO. cui insistant.

XIV. Alter Axiculus gracilis VNT, sic aptandus est intra Concavum Axem, ut eum nullâ sui parte interiùs contingat, sed minima quavis Potentiâ, absque ullo rationis impedimento seorsim circumduci valeat. Habebit autem in uno extremo V simulacrum aliquod Mortis, Temporis, vel Fortunæ &c. globi V, hoc est D insistentis, cum vexillo quodam, vel alio simili Plano, flatu quovis ventis facilè mobili & dirigibili. In altero ejusdem axiculi extremo firmabitur Rotula dentata RS. cujus denticulis implicantur aliæ duæ rotulæ, prorsus æquales prioribus; videlicet Rotulæ MR. & OS. Harum axiculi 6. & 7. respondebunt Centro F Indicis Anemologici, in uno, duobus, vel omnibus Turris lateribus constructi. Hoc modo non injucundum erit visu, statuâ DE immobili consistente, vel alio quovis motu circumductâ, Globum B cum adjunctis alis A & C, flatu venti continuo gyron, & pondus attollere. Habebitque ex hoc spectaculo quisque futuri sagax, quod & Fortunæ inconstantiam prospiciat, vel veriùs DEI cuncta moderantis arbitrio venerabundus sese permittat; & Temporis indefinenter fluentis dispendia recogitet.

XV. Cylinder CD defert Scalâ perpetuam, cujus constructio tradita est libro superiori Propos. 13. & cujus ope Ponde-

ra sphaerica fursu attollenda esse praecedenti Propositione diximus. Habebit ea sane praestantem usum in hoc negotio, dummodo cautelae quaedam in ejus Constructione servantur, quas hoc loco percensere, & difficultatibus, quae in praxi occurrere possent, providere volumus. Advertendum igitur in primis est, Scalam hanc quamvis loco citato construendam esse dixerim ex Corio in lora quaedam secto &c. multo tamen commodius ac magis ex usu loco lorum coriaceorum adhibebuntur Catenae, pro majoribus praesertim Ponderibus attrahendis: ac etiam ut eadem semper distantia loculamentorum Pondera recipientium persistat; quod in corio mutationibus aeris obnoxio vix obtineri potest. Si tamen nihil obsit ea Scalae distensio, quemadmodum in praesenti Machina; praedicta illa lora poterunt adhiberi.

XVI. Advertendum rursus est, Gradus illos scalae transverfos tam frequentes, quamvis ad attractionem ipsam Globorum non omnes adhibeantur, facere tamen plurimum non modo ad firmitatem ipsiusmet operis, verum etiam ad ordinatum scalae motum, nec non constantem ejusdem detentionem à Cylindris superiore & inferiore; in quibus excavati Semicylindri Concavi, convexos ipsius scalae semicylindros recipiunt, atque praestant id eam ratione, ut ingentia quavis Pondera possint à Scala sustineri, sine pertractione ipsius deorsum vi Ponderis attrahendi. Ceterum gradus hi poterunt esse majores, dummodo tamen eorum loco figantur in Loris coriaceis bullae quaedam hemisphaericae, sive clavi capitati, quibus cavitates similes respondeant in Cylindro C.D. vel si pro scala Catenae adhibitae fuerint, non corium, instruantur eae sphaeris ligneis in Catena dispositis & firmatis, eo ferè modo, quo subinde globuli precatorii filis metallicis inter se connecti solent.

XVII. Advertendum praeterea, Dupliciter à tali Scala Pondus aliquod sphaericum elevari posse. Primo à latere scalae, ad eum modum, quem exhibet Figura 54. in sphaera Y. Et hic modus haud dubie succedet in praxi, etiam in majoribus Ponderibus sphaericis, ac aliquot Centumpondiorum, dummodo Latera scalae sint ex Catenis, ut dictum, ne vi Ponderis distendantur &c. Secundo potest attolli

attolli Pondus in ipso medio Scalæ, quemadmodum Globus 8, punctis in Figura designatus representat. Atque hic modus adhiberi poterit ad grandiora quæcunque Pondera attollenda: in quo tamen hæc difficultas occurrit; quòd in suprema Scalæ regione, ubi scilicet Globus vel admittitur in Scalam, vel è contra ab ea dimittitur in Sphærodromum superiorem, periculum sit ne globus hæreat inter Scalam & Sphærodromum Superiorem, in quo solo hæc difficultas locum habet, ut Iconismum præcedentis Capitis consideranti patebit.

Vid. Iconism. XI.
Fig. 56.

XVIII. Sit enim in Figura 56. Scalæ portio AB, Sphæra CD: Sphærodromi declivis portio EF, inquam ex Scala Globum CD devolvi & excurrere oporteat: manifestum est, ex gradu G sustentante Globum CD, non posse hunc promptè devolvi in Sphærodromum EF, utpote distantem Semidiametro Globi, nisi juvetur Brachiolo DK, per quod veluti per ponticulum quendam Globus Scalam subit vel deserit, pro varia Sphærodromi EF declivitate, rei que exigentia. Fabricetur igitur ponticulus DK hac v.g. ratione: Longitudo ipsius sit DK, æqualis Semidiametro Sphære CD; vel si major, debet excavari crena quædam sive canaliculus K, intra quem id quod excedit Semidiametri longitudinem, libere sursum vel deorsum progredi possit. Latitudo Ponticuli non est quòd sit nimia, sufficiet enim quæcunque, dum modò figatur in medio ipsius Scalæ, nec non in medio Gradûs G, ut sic Sphære volubilis maximus Circulus Ponticulum peragret. Ab ipso Ponticulo DK porrigitur deorsum sustentaculum quoddam K L H, usque ad inferiorem Scalæ gradum H, cui superincumbit fulcri planta L H, quantum sufficit prominens versùs H. Et quia latus G H. Scalæ, circumplicari tandem debet Cylindro suo ex quo suspenditur, tam superiori quàm inferiori; debet ideò pes H L mobilis esse supra gradum H cui insistit, & nunc cedere Cylindro cui Scala circumponitur, nunc sese sponte restituere in eundem gradum H; ut cum necessitas exigit, obtineat eum situm, quem jam refert in Figura.

XIX. In laterali illa Ponderis à Scala attractione, qualem refert

refert Globus Y, nulla est difficultas in devolutione Globorum in Scalam, vel ex ea: Notandum solummodò, Brachium illud, quod Globum Y sustentat & elevat, continuum esse oportere, cum utroque gradu Semicylindrico in Scala, ut tantò firmitus sit, ad ingens pondus sustinendum: Possent autem & huic laterali Brachio sustentacula quædam adaptari, quibus illud fulciatur & juvetur in sustinendo Pondere; hæc tamen positâ accuratâ Scalæ constructione, vel absolute necessaria non erunt; vel ea quivis industrius artifex pro re nata non difficulter adjicere poterit; ut proinde fusiori descriptione non indigeant. Modus quo lateralis hæc attractio perficitur, quamvis ex antedictis, & ipsamet Figura liquidius esse videatur, eum tamen breviter declaro. Globus quilibet in Horologio animando suo perfunctus munere, devolvitur in Canalem YZ, usque in Z, quò ducit declivitas Canalis. Hic autem in fundo Canalis Sphærodromi excinditur foramen quoddam tantæ amplitudinis, quanta sufficit ad admittendum laterale illud Scalæ Brachium, & alia ipsi similia duo vel tria in Scala disposita; Quod tamen foramen minus esse oportet ipso Globo; uti & Brachii latitudinem convenit esse mediocrem, cum ea usum non sit habitura &c. Quoniam itaque Globus quilibet ob declivitatem Canalis YZ rectâ fertur usque ad prædictum foramen; idcirco dum Brachium sursum ascendit per idem foraminis ostium, sublevat secum & Globum foramini superstantem; idque fit intra Tubum quendam erectum, vel ternas perticas, quarum una punctis in Figura designatur: ab his enim perticis globus elevandus continetur, ne alibi devolvatur ex Scala, quam in summitate altitudinis, ad quam est evehendus. Sed hæc patent ex dictis.

XX. Postquam Globus Y, vel quivis alius, elevatus fuerit, ad summum, v.g. usque in Y tunc excurrit & devolvitur in Canalem Sphærodromum MKL Figuræ 53. cujus Canalis ostium M, concipiendum est admotum esse ipsi Scalæ globos elevanti. Quoniam verò necessarium prorsus est, globos in hoc canali M. ita distribui, ut totidem devolvantur in sinistrum Canalem, MKHS, quot in alterum dextrum MLIT; hoc est, ut primus

Eeeee

globus

globus elevatus devolvatur in unum Canalem, secundus in alterum, tertius iterum in priorem, & sic deinceps alternatim; poterit id obtineri per sequens Artificium. In collo Canalis *M*, ubi videlicet is discriminatingur in duos, erigatur Portula quædam, è duabus Tabellis ad angulos rectos coagmentatis constructa; quarum una est *bd*, altera *ac*. in medio prioris firmata; hoc est in puncto *c*, per quod quoque transit axis, vel figuntur duo cardines, in quibus hæc trifida Portula convertetur. Si itaque Globus aliquis immittatur in Canalem *M*, & is reperiatur eum situm Portulæ, quem Figura refert; volvetur illa rectè per medium Canalis, versus axem *c* Portulæ: & quia Portula Globo impingente in tabellam *cd*, non potest aliò cedere & aperiri, quàm versus *c*; idcirco Globus necessariò devolvi debet in Canalem *ML*: Dabitur autem Portulæ situm oppositum priori; eum videlicet, quem ductus punctis expressi commonstrant. Quare cum Globus frequenti vice attrahendus, Portulam oppositâ ratione dispositam, sit reperturus, debet in alium Canalem *MK* devolvi, propter eandem rationem, hîc similiter ut priùs militantem.

Denique non est quòd fusiùs explicetur illa vicissitudo Aquæ & venti, Attractionem vel simul, vel successivè perficientium: manifestum enim est ex constructione Machinæ, quando Rota *HE* movetur ab Aqua, Rota verò *LF* defectu venti subsistit, moveri quoque Cylindrum *CD*, cum Axe *AB*. sine ullo motû obstatulo; siquidem Serrata *B* 3. liberam habet conversionem non obstante pessulo 3. in eam partem cedente serraturis. Similiter autem fit in Serrata *A*. 2; quando deficiente Aquâ, solus ventus spirat, & circumagit Rotam *LF*. Quod si pluat simulq; ventus impellat, non impedit, sed juvabit Unus Motor alterum, ut consideranti patet. Si tandem cesset utrinque Morus & activitas, occludet pessulus *D*. Cylindrum *CD*, qui in eum

finem habet affixam sibi Rotam *D* Serratam.

§. II. Annotatio in præcedentem Machinam.

Longè ingeniosior mihi videtur hæc, quàm præcedentis Capitis Machina. Certè minùs intricata est, ideoq; faciliorem constructionem admittit, & promittit certiore successum, seu solus Aër in auxilium vocetur, seu sola aqua, seu utrumq; elementum. Quòd si unum tantum adhibeatur elementum ad catenam spherophoram vertendam (quod abundè sufficit) multis & laboribus & sumptibus parcitur. Hic etiam non sunt tot apertura & clausura, tot librationes, tot vectium & pessulorum officia, quot in duabus præcedentibus Machinis.

Præter binas hætenus explicatas in proximis duobus Capitis, multas alias habet Amicus qui illas dedit, & spes est aliquando unà cum his lucem alio Opere edito visuras.





PARS SECVNDA.

MACHINAMENTA MOTUS PERPETUI ARTIFICIALIS.



*Enio ad specimen laboris seculorum, consummati, ut nonnemo loquitur; ad machinamentum inquam Motus perpetui purè artificialis, in quo inveni-
niendo (inquit idem) à viginti propè seculis, seu ab annis bis mille sudatum à summis quibusvis in Geometria, Statica, Hydraulica, Architectonica, & Philosophia, Viris fuit. Qui postquam in hoc labore admiranda illa sua ingenia frustra fatigassent, & ingentes profudissent opes; Motum perpetuum artificialem impossibilitatis condemnârunt. Sed inventum hoc sæculo nostro qui metas à Natura, (ut videbatur) Arti præscriptas sit transgressus; repertum Columbum (ut Amicus ille suprâ initio Partis primæ hujus libri loquebatur) qui inopino quidem, sed ingeniosissimo technasmate centrum non jam consistentia, sed motus indefectibilis in hoc Ovo contumaci detexerit; sequens, ni mea me fallit opinio, Machinamentum demonstrat. Sed cui hæc gloria debeat, audi.*

CA-

CAPUT IV.

Machinamentum Polonicum Motus perpetui Artificialis.

A Liquot ab hinc mensibus R. P. Stanislaus Solski è Societate nostra, Polonus, Poloniaeque Provinciae ejusdem Societatis nostrae Procurator, sequentes ad me litteras Niepotomiciis dedit: Reverende in Christo Pater, Pax Christi. Ignotus accedo presentibus ad R.^{am} V.^{am}, notissimum à duobus annis ex Operibus Mathematicis, familiàrissimum & individuum Navigationis meae Constantinopolim comitem & amicum, semper Carissimum illi qui studium Mathematicum post Divina carius omnibus aliis duxit. Citius advolassẽ cum exhibitione reverentia debita, & gratiarum actione pro laboribus, quos in hoc genere scientiarum, quas excolit, testantur operosissimi Partus, publice communicati luci: obfuit longa peregrinatio Constantinopolim, ibidem multiplices cura, reditus cum pluribus captivis molestus in patriam. In qua hucusque respirare non licuit, applicato officio Procuratoris Provinciae, pauperrimae, & omni genere tribulationum afflictæ. Nunc serpente sensim peste, nactus tantillum otii, moras biennales abrumpo: corpore absens, vicario affectu in Christo amplector; & hoc quidquid est Partus mei, judicio R.^e V.^e submitto, Motum nimirum perpetuum artificialem experienciâ comprobatum. Alios modos experiri in pago degentem juvabit otium; & sæpius recurrere ad R.^{am} V.^{am} &c. Urget tabelarius. Pluribus deinceps. Sanctissimis sacrificiis & orationibus commendatum habere dignetur, ad se confidenter recurrentem. Niepotomiciis 1662. 24. Julii. R.^e V.^e in Christo Devotissimus servus Stanislaus Solski Soc. JESU.

Epistolæ huic adjunctum erat schema, & aliquot philyrarum Opusculum, Motus perpetui Artificialis Machinamentum exhibens, & explicans. Opusculo hæc erat præfixa Epigraphe: Specimen unicum, & primum Experimentum, laboris sæculorum consummati. Schemati verò hæc inscripta erant verba: Machina prima Motus perpetui Artificialis, quæ semel concitata ad motum

seipsâ perpetuò movetur, sine ullo adminiculo externo Aqua naturaliter decurrentis, absq. ullo animali, sole, igne, vento, fumo, argento vivo, & si quid est quo alia Machinæ agitari solent. P. Stanislaus Solski Societatis JESU invenit An. Sal. M. DC LX. Die 22. Octob.

In Opusculo hæc præstat Auctor. Primò, explicat omnes partes Machinæ in schemate clarè satis ac distinctè exhibitæ. Secundo, difficiliorem partium constructionem & mensuram subijcit. Tertiò, dat compendiosam partium Machinæ coordinationem. Quartò, modum quo ad motum animatur Machina, docet. Quintò, Demonstrationem ejus exhibet. Sextò denique, addit compendium constructionis & demonstrationis fusiùs antea exhibitæ.

Legi ingenti gaudio, & pro modulo ingenii expendi accuratè omnia, nihilque non legitimè deprehendi. Quare vehementer desideravi, ut dum Auctor Artificium tam præclarum, totque laboribus ac sumptibus hætenus frustra quæsitum, in Polonia aut alibi propalaret, mihi quoque in Germania idem liceret. Consensit Auctor litteris Jaroslaviâ die 18. Januarii hujus Anni 1663. ad me datis.

Confestim igitur schema, quod longissima in philyra, nec satis concinnè ac nitidè delineatum erat, in hanc minorem ac nitidiorem formam contrahi curavi. Quid in eo correctum, aut mutatum exhibeam, paulò post dicetur.

Antequam verò Machinæ & Artificii explicationem ac demonstrationem cum Auctore aggrediar, paucula quæ sequuntur, præmitto; quæ ferè & ipse Auctor quoque præmittit.

§. I. Præmittuntur nonnulla Machinæ explicationi ac demonstrationi.

I.

Mobile perpetuum putare artificiale quid sit.

PER Mobile perpetuum artificiale, sive per Motus perpetui artificialis Machinamentum, non intelligimus (ut bene notat Auctor) Mobile aliquod artificialiter quoddam æternum durando nunquam à motu cesset: tale enim aliquid in sublunari hoc Mundo investi-

investigare, aut promittere, temerarium esset, cum satis notum omnibus Philosophis ac Mathematicis sit, nihil esse sub Sole æternum; sed ita artificiosè ordinatam Machinam, ut semel ad motum concitata, quàm diu durat, incessanter seipsam moveat absq; ullo extrinseco agente, puta sine cujusvis hominis aut animalis adminiculo, sine aquarum decurrentium, venti, ignis, fumi, ponderumve impulsu, & si quid est quo Machinæ adhuc ingeniosè inventæ agitari solent, ut in præcedentibus vidimus. Itaque perpetui Mobilis motor primus ac perennis, non à Natura, sed ab Arte applicetur necesse est; nec Machinæ extrinsecus sit, sed intrinsecus, hoc est, ipsius Machinæ pars ac membrum, ab Arte cum ipsa conjunctum, ut initio quoque hujus Libri insinuavi.

Quare tametsi præsentis Machinæ artificium absolvatur ope aquæ, quæ successu temporis deficeari & perire potest, nisi Machina statuatur supra aut juxta aquam indefectibilem; id tamen perpetuitati motus, qui per eam promittitur, minimè præjudicat; sicut nec quævis alia materia, qua perpetui Motus Machina quævis alia constaret, eidem motus perpetuitati præjudicaret, si tempore corrumpetur ac deficeret.

II. Hoc Experimentum Motus perpetui exhibuit reipsâ Auctor Varsoviæ, Anno M. D. C. LXI. tametsi rudi & satis debili Machinâ; atq; ex illa deprehendit partium potentiam & resistendivim, necessariâq; inter illas, & inter quasvis Machine partes proportionem requisitâ. Quare si in tam rudi ac debili structura successum habuit, multò magis habebit in accuratiori. Ab illo tempore, famâ Experimenti indies crescente, curavit Auctor Machinam sculpi, paulò tamè diversam ab hac præsentis, ejusq; constructione, partium omnium coordinatione, usum, & demonstrationem descripsit, & Serenissimo Regi Poloniarum Joanni Casimiro obtulit, atq; explicavit, in ædibus Domus Professorum Societatis nostræ Varsoviæ, ipso die Divo Ignatio, Societatis Jesu Fundatori, sacro. Placuit inventum compendiosè detectum suæ Regiæ Majestati. Post hæc, cum idea illa Machinæ sculpta, & ejus declaratio à pluribus ex- eteretur; tandem hoc aliud schema, aliamque fusiorem declarationem concinnavit. Habet Auctor, præter hanc, alias facilio-

res

res & minoribus sumptibus parabiles Machinas ad perpetuum Motum exhibendum; sed illas pleniori reservat Operi, quod unâ cum Prolegomenis Geometricis, Staticis, & Hydrostaticis, atque applicatione Motus perpetui ad agitandas alias Machinas, in lucem emittere cogitat; quod fieri quàm citissimè vehementer opto.

III. In schematis explicatione Auctor utitur litteris Alphabeti, præter erectas, inversas, tam majoribus, quàm minoribus, quòd plerique Poloniæ Typographi careant litteris Græcis, quibus alii exhausto Alphabeto in Latinarum defectum utuntur. Easdem ergo inversas litteras in nostro quoque Schemate adhibuimus.


IV. Auctoris schema exhibet partes, quæ alias in se includunt, quasdam quidem transparentes, quasi vitreæ essent; quasdam verò effractas, ut quidnam intus aut retro contineant, non ignoretur; & ut intelligatur, longiores seu altiores esse debere nonnullas aliarum respectu, quàm in schemate exprimuntur. Eandem hanc ultimam ob causam, funes qui situlam suspendunt ac frenant (uti explicabitur) ipse colligit inferiùs in quasdam spiras. Nos in nostro schemate prædictos funes, tubum præcipuum, & columnas Machinam sustinentes, exhibemus fractos; partes alias quas ipse retrofractas ostendit, damus transparentes. Præter hæc nihil in toto schemate mutavimus, præter exiguum quippiam circa vectem ff, T, S, ut suo loco dicitur.

V. Per aquæ Congium, cujus frequenter mentionem facit Auctor, intelligit vas tantæ capacitatis aquæ, ut subducto pondere vasis, aqua sola ponderet libras Pharmacopolarum $7\frac{1}{2}$.


VI. Monet demum Auctor Machinam quoad altitudinem vix diminui posse quoad mensuram à se præscriptam, nedum ad quamvis contrahi proportionem. Rationem adsignat, quòd copiosiori indiget aquâ ad sui agitationem; quam minor seu humilior Machina suppeditare nequit. Palmi autem nomine, quo utitur, intelligit palmum naturalem, spatium scilicet quod intercipiunt digiti major & auricularis bene extensi manûs proportionate.

Monet





R



Monet præterea, ut si quis in præsentī Machina formidat experimentum sumere, propter expensas, & accuratam artificis manum, quæ requiruntur, dignetur expectare alias quatuor Machinas miræ facilitatis, modici sumptus, & altitudinis moderatæ, quas ait sibi noctem decimam septimam Martii Anni 1662 peperisse. Harum duæ aquâ agitantur eadem; duas movent totidem globi æquiponderantes, perpetuò circulariter ascendendo & descendendo. Si aut omnes aut aliquas obtinuerō, uti spero, libens Lectori meo communicabo.

§. II. Tractanda circa præsentem Machinam

generatim proponuntur.

IN suprâ nominato Opusculo Auctor circa Machinam suam format hanc unicam Propositionem.

PROPOSITIO UNICA.

Machinam perpetuò mobilem construere, quæ semel concitata ad motum, seipsâ moveatur, sine ullo adminiculo externo aquæ naturaliter decurrentis, absq; ullo animali, Sole, igne, vento, fumo, argento vivo, & si quid est, quo alia Machina agitari solent.

Hanc Propositionem, ipsamque Machinam, quam sequens schema ob oculos ponit, ut facilius explicet Auctor, explicatamque exactius Lector curiosus & industrius juxta præscribendas regulas construat; sequentia præstat.

Primò, Omnes Machinæ partes propriis Alphabeti litteris, rectis & inversis, consignatas exponit.

Secundò, Constructionem difficiliorum partium, mensurarum ac proportionum subjicit.

Tertiò, Compendiosam earundem partium Machinæ coordinationem docet.

F f f f f

Quartò,

Quarto, Quomodo constructa Machina sit primâ vice ad motum perpetuum animanda, aperit.

Quinto, Demonstrationem Staticam ac Hydrostaticam infallibilis Motus perpetui per ipsâ procurati aut procuraendi subdit.

Eadem hæc sex cum ipso, atque ex ipso præstabimus. Subinde tamen paucula verba, declarationis ergò, & per breves Notas aut inferemus, aut subjungemus, alio tamen characteris genere, ut faciliè ab Auctoris verbis ac sententiis distinguantur. Adde-
mus post sex illa Puncta declarata, Modum facilitandi Experimentum, ab Auctore additum, & seriùs ad me allatum. Tandem-
que Crisin meam circa præsentem Machinam. Incipio à Primo.

Sed ante omnia moneo Lectorem, ne deterreatur tot litteris, quibus partes quævis etiam minimæ tam exactè, ac ferè scrupulosè explicantur. Legat totum sequentem §. 3. & litterarum singularum loca inspiciat, ut rudem saltem illarum quasi ideam habeat: deinde redeat ad novam ejusdem §. lectionem, sed attentam; & sine difficultate ac confusione ulla totâ Machinam, omnesq; illius partes intelliget. Experire, Lector, & verum esse quod dico, deprehendes.

§. III.

PRIMA PARS PROPOSITIONIS.

De partibus Machine.

K. Puteus, aut vas aliud simile, continens aquam; quæ in altum evecta, semper in eundem puteum K. redit.

Mobilis perpetui Polonici partes.

ADBÊ. Ligneæ basis modioli BDEFG.

Vid. Iconum. XII. Fig. I.

BDEFG. Modiolus æreus, ex quali materia tormenta bellica fundi solent, intus totus cavus, rotundus seu cylindricus, æquabiliter apertus, & optimè lævigatus.

BDE. Fundus modioli perforatus, cum animella D, & cooperulo C, claudente & aperiente ejus lumen, seu foramen, pro exigentia; modiolo cochleis E & B conjunctus.

C. Cooperculum claudens desuper animellam D fundi modioli, & aperiens, pro exigentia rei.

E, B. Cochleæ

E, B. Cochleæ conjungentes fundum B D E modiolus cum reliqua superiori ejus parte E F G B.

FMNG. Pileum modiolus E G, ex eadem materia cum ipso modio E G, conjunctum cum eo cochleis F & G.

FG. Cochleæ conjungentes pileum FMNG, emboli G E, cum ipso embolo.

MN. Collum pilei, in tubum ligneum MOR intromissum.

HI. Embolus seu Pistillus, implens exactè concavitatem, modiolus; intus apertus, cum animella, & cooperculo I desuper claudente ejus lumen seu foramen, pro exigentia.

I. Pistilli cooperculum; claudens & aperiens desuper lumen pistilli perforati intus, sicut tubi perforari solent.

L. Manubrium pistilli HI; cui manubrio inseritur hasta lignea INQD.

MOR. Tubus ligneus, per totum apertus seu perforatus. Ruptum in O Figura refert, ut intelligas altiore debere esse, ut adæquet longitudinem palmorum 34, juxta scalæ mensuram. *De scala paulo post erit sermo.*

INQD. Hasta lignea sustinens pistillum HI, intra lumen seu foramen tubi MOR.

QV. Tubulus, per quem effluit aqua ex Tubo MOR.

XY. Clavus seu paxillus transversus ipsi hastæ DQNI, cui incumbit vectis STff. *Hunc paxillum signaverat, atq. expresserat in suo schemate Auctor litteris TR: sed quia isdem signatur atque exprimitur ab eodem vectis qui dicto paxillo incumbit, ideo alias substituiimus litteras.*

S. Locus in hasta DQNI, ubi paxillus XY conjungitur. hastæ.

STff. Vectis incumbens paxillo XY.

T. Funis sustinens pondus W.

W. Pondus dependens ex vecte STff, deprimens pistillum HI, mediante hastâ DQNI.

XY. Retinaculum vectis STff. *Hoc in nostro schemate idem est cum paxillo paulo antè explicato.*

g. Receptaculum aquæ, ex tubo MOR, per tubulum QV, effluentis.

fottoo. Vēctis aperiens portulam q, quoties elevatur. cruce o.

2. Cardo vēctis fottoo, super quem elevatur & deprimitur funiculus ost, alligatus clavo st, adaſto in receptaculum g, retinens vēctem fottoo, nè à cruce o, dum redit ſitula P, ultra debitum eleveetur.

3. Foramen in fundo receptaculi g, per quod evacuatur receptaculum g.

q. Portula claudens & aperiens foramen 3.

2. Funiculus alligatus vēcti fottoo, elevans portulam q.

3qg. Siphon eminens extra fundum receptaculi g, per quem aqua ex receptaculo g influit in ſitulam P.

5. Canaliculus in receptaculo g, perenniter fluens.

4. Canaliculus ſub labro ejusdem receptaculi g, ad educendam aquam ſuper fluam ex illo.

D. Annulus hæſtæ DQN, cui alligatur catenula ferrea. D daef, deducta per trochleam ad, ad cylindrum gefbk.

D daef. Catenula ſuſtinens hæſtam DQN. piſtilli IH.

f. Clavus continens extremitatem catenulæ fead D.

ap. Trochlea ſuſtinens catenulam fead D.

b. Locus ex quo ſuſpēditur trochlea ad.

ccbc. Suſtentaculum trochleæ ad, ex quo dependet.

gefbk. Axis ſeu Cylindrus, Rotam rBſp deferens, immobiliter ſibi infixam; ab h ad k quadratus; & ab h ad g rotundus.

rBſp. Rota magna.

D. Tigilla in crucem colligata, ſuſtinentia Rotam rBſp.

mhn. Tabulæ tres invicem & cum tigillis D in crucem colligatis conjunctæ, & apertæ quadrato foramine h, ad excipiendum Axem k heg; quarum media (inconſpectibilis in Figura) implet exactè quadratum minimum tigillorum D in crucem compactorum.

TopſIDS. Funis circumvolutus ſemel circa Rotam rBſp; à cujus.

à cujus uno extremo \mathcal{P} dependet sicula P ; ab altero pondus SS , quod deinceps contrapondium vocabo.

\mathcal{D} . Aliquot rupturæ (*Auctor in suo schemate ponit spiras, in quas colligitur funis inferius ubi nos rupturas posuimus. Ha rupturæ, aut spiræ*) funis, designant, Figuram non adæquare altitudinem debitam Machinæ in palmis scalæ, quam adæquat longitudo funis; ideoque tantumdem ejus colligi super terram, *aut præcisum esse*, quantum deest altitudini Machinæ.

\mathcal{O} . Crux, seu duo paxilli, in formam crucis alligati funi \mathcal{P} op \mathcal{D} SS , ad elevandum vectem \mathcal{J} o tt \mathcal{O} servientes.

S S . Contrapondium siculæ vacuæ P , sufficiens convertre rotam cum sicula vacua, & aliis exiguis impedimentis, de quibus Num. XX XIV . Partis secundæ.

q f . Brachium sustinens rotulam q , oppositam rotæ r B f p , ad continendum funem \mathcal{P} op f , ne excidat.

i q . Duæ rotulæ, affixæ rotæ r B f p immobiliter, intercipientes tertiam subduplam, non conspectibilem in Figura, volubilem circa communem axem.

ua W nt . Vectis subtilissimus, intra rotulas i & q demersus, mobilis super axem W , habens certum pondus in u ; & inter a ac R , tigillum N a , altum ad distantiam a W , ad rectum angulum insistens vecti ua W nt , cum pondere \tilde{u} . Vocabitur frænum rotæ.

N a . Tigillum ad rectos angulos insistens vecti ua W nt , æqualis altitudinis cum longitudine a W , deferens \tilde{u} pondus ex N , superabile à semicongio aquæ.

\tilde{u} . Pondus vectis ua W nt , dependens ex tigillo N a .

u . Æquilibrium vectis.

W a . Brachium sustinens axem W , super quem movetur vectis ua W nt refrænans rotam r B f q .

P . Sicula instar imbricis, vel tecti inversi, habentis duo latera parallela in vt , & in u , cum annulis liberè versatilibus, per quos transeant fila ferrea V A Z , vel orichalcina, extensa inter fulcra V Z , V Z .

P \mathcal{P} . Ansa siculæ P .

F $ffff$ 3 u u , Axis

uu. Axis situlæ P, insertus auriculis *uu* uni, & *uq* alteri ipsius situlæ P.

uu, uq. Auriculæ situlæ, quibus inseritur axis *uu*.

X. Clavus in axe *uu*, situlæ P, impediens ne ansa \mathcal{P} situlæ prolabatur versus auriculas *uu*, & *uq* ejusdem situlæ.

\mathcal{TZ} . Tubus vacuus, continens globum \mathcal{T} intra tubum descendentem ab \mathcal{C} ad Z, conjunctus uni lateri situlæ P immobiliter.

M. Annulus seu orbiculus ferreus, cui alligatur funis M \mathcal{OZ} .

M \mathcal{OZ} . Funis alligatus situlæ P, in Z; in tigno \mathcal{dd} , in M.

$\mathcal{Y}\mathcal{Y}\mathcal{Y}\mathcal{Y}$. Quadratum sustinens axes *g* & *k*, rotæ *r* B *fp*.

Z \mathcal{DZ} . Signa erant trabis effractæ, ad ostendendam hastam

\mathcal{OQNI} . *Hæc signa, quæ in Polonico schemate erant, sunt hic omissa, quoniam ad perspectivæ leges delineari curavimus schema.*

\mathcal{AL} . Columnæ quatuor, sustinentes Machinam. *Fractæ exhibentur, ad significandum eas non habere integram & Machinæ proportionatam altitudinem.*

In una ex columnis Polonici schematis est scala palmorum naturalium. Intelligo autem cum Auctore per palmum naturalem, spatium quod intercipiunt digiti major & auricularis bene extensi manûs proportionatæ. Semipalmum constituunt 13. particula quales in scala palmorum sunt incisæ 10. Hæc etiam scala in schemate nostro est omissa.

§. IV.

SECUNDA PARS PROPOSITIONIS.

De constructione partium Machinæ.

I.

*Mobilis per-
petui Polo-
nici con-
structio.*

Puteus K adhibeatur, sive naturalis, uti fontes, piscinæ, lacus, stagna, rivi, fluvii: sive artificialis, quales cisternæ, vel fontanæ fieri solent, ad continendam aquam aut ex terra scaturientem, aut per canales deductam, aut ex fluviis collectam: vel certè quævis majora vasa, quadrata, vel rotunda. Latitudinis nimirum sex palmos habeat; longitudinis sit tantæ, quantam requirit una linea recta, quæ capiat & Basim ADBC modioli DBFG, & longitudinem situlæ P, & distantiam tam inter modiolum, ac situlam,

lam, quam inter situlam & latus putei. Septem palmis vix poterit esse brevior. Profunditate majori non indiget, quam ut modiolus BDEFG, quatuor palmos alto, in aquis usque ad collum M demerso sufficiat, propter rationem ad signandam tertiâ parte Propositionis Num. 1. Superemineant putei latera superficie aquę duos saltem palmos, quę aquam effusam ex situla P non sinant dispergi, & exsilire ex puteo. Caterum quantò fuerit longior & latior puteus, tantò erit commodior, quia securius conservabit aquam, impediendo ne dispergatur, putrescat, aut desiccetur. Consultissimum autem, Machinam construere super piscinam, fontem, lacum, stagnum, rivum, fluvium, vel quamvis majorem congregationem aquarum, quę non deficiant, aut putrescant. Vitentur item fabulosę, quia hujusmodi citius pistillum, ac modiolum corrumpunt.

II. Basis ADBE modioli EFG, fiat instar scamnuli, longa & lata ad duos palmos. Tabula ipsa sit crassa saltem ad 4. digitos alta; ut pondus modioli EFG, & rubi M R, sustinere valeat. Habeat in medio foramen rotundum tantę capacitatis, quantę erit foramen fundi modioli: & subtus loco pedum duo fulcra lignea, saltem 4. digitos alta; quę elevando basin, sinant aquam de subtus irrumpere liberè in foramen. Ne autem cum irrumpente aqua, admisceant sese festucę, aut quidvis aliud præter solam puram aquam; foramini inter fulcra superinducatur hemisphærium æreum concavum, perforatum instar cribri. Sphæricum præstabit plano, quia pluribus patere potest foraminibus sphæricum, quam planum. Sit autem tanta portio sphærę, quanta possit admittere tot parva foramina, quot adæquent foramen D fundi modioli. Qui numerus habebitur, si sciatur quoties parvi foraminis diameter contineatur in diametro foraminis D: ille enim numerus in se ductus, dabit summam parvorum foraminum æquivalentium foramini D, eò quòd circuli habeant duplicatam rationem diametrorum: ut si 30 parva foramina cribri adæquent diametrum foraminis D, totum cribrum deberet aperiri foraminibus 900.

III. Modiolus æreus, ex quali materia fundi solent tormenta bellica, animellę, & instrumenta ad aquę ductus violentos necessaria,

cellaria, confister tribus separatis partibus, *(scilicet* fundo CBDE, pileo FMNG, & intermedio cylindro EFGB. Quæ omnes tres partes compositæ, & conjunctæ cochleis in EB, & FG, unum efficiant corpus, altum palmos 4, latum per diametrum æqualiter palmo uno & digitis duobus.

Fundus BDE, cum animella DC, ac cylindro eam ambiente, assurgat in altum ad semipalmum. Pileum FNG non excedat palmum unum. Intermedium cylindrum EFGB mensurent palmi duo & medius, quorum unum occupabit palmare pistillum H, alter autem cum dimidio tertii capere debet aquæ congios saltem quinque.

IV. In fundo BDE sit antlia seu animella, cum cooperculo C (quales in pompis esse solent) apto claudere foramen animellæ & fundi, quoties pistillum H descendit deorsum. Foraminis fundi & animellæ diameter sufficiet semipalmaris. Potest esse major, vel minor. In majori cavendum, ne cooperculum C sit subtile nimis; facile enim rumperetur. Gravitas ejus, quantumvis accederet ad septem libras, nullum faceretur impedimentum Machinæ, ut patebit in Demonstratione.

Pro minori foramine hæc servetur Regula, non posse minus, quàm ut immittat tantum aquæ, aperto cooperculo C, quantum immitteret foramen tubi quinque congios aquæ admittentis & simul ad 30. palmos alti, hoc est, æqualis ipsi descensui situlæ P, & æquè capacis atque modiolus. Quia sicut per hujusmodi foramen efflueret aqua tota contenta tali tubo, tanto ferè tempore, quantum insumit descensus situlæ (superficies enim aquæ contenta in tubo prædicto, ferè æqualiter tenderet deorsum cum situla, atque adeo perveniret ad foramen tubi, eodem propè tempore, quo situla ad terminum descensus, præcedente interim totâ aquâ, illâ superficie terminatâ, per idem foramen) ita cum per apertum fundum debeant intrare in modiolum EG saltem quinque congii aquæ (propter rationem inferiùs declarandam) intra hoc tempus præcisè, quo situla P descendit; non potest esse minus foramen determinato. Caterùm si major esset descensus situlæ, posse esse minus foramen fundi D, sequitur

tur ex Regula præscripta: ut dato descensu situlæ duplo majori, scilicet *palmorum 60, seu semipalmorum 120*, & retento pistilli ascensu ad semipalmos tres sufficienter suppeditaret aquam foramen fundi adæquans os tubi alti ad tres semipalmos, & simul capacis $\frac{1}{8}$ solum unius congii. Nam cum 3 in 120 habeantur quadragesies; ascensus pistilli sesquipalmaris continebitur in descensu situlæ 120 semipalmorum similiter quadragesies, unaq; portio sesquipalmaris tubi extensi ad 120 semipalmos, capacis quiaq; con-
giorum aquæ, continebit aquæ $\frac{1}{8}$ unius congii: 5 enim in 40 habentur octies: adeoque cum modiolus uno ascensu pistilli tanto tempore, quantum insumit situla in descensu, impleri debeat aque congiiis quinque, qui constant quadraginta octavis unius congii; dum descendit situla per tres semipalmos, foramen fundi subministrabit aquæ unam quadragesimam quinque congiorum, hoc est, unam octavam unius congii; ad cuius introitum satis parvo est opus foramine.

ANNO TATIO.

QUæ demonstrat Auctor in hoc subtili ratiocinio de magnitudine aut parvitate foraminis, quod in fundo modioli admittat intra modiolum quinque congios aquæ tanto tempore, quanto descendit situla P, a receptaculo G, usque ad puteum K, ubi evacuatur; constabunt clarius ex sequentibus. Breviter, ratiocur tempore illo intrare debeant per dictum foramen fundi modioli aquæ congii quing, est, quia situla P continet aquæ congios $4\frac{1}{2}$, ex receptaculo G acceptos, qui post quemlibet descensum situlæ usque ad puteum K effunduntur; debent ergo interim influere intra receptaculum G totidem congii: hic effunduntur ex tubo MOR, dum in descensu situlæ elevatur pistillum H; durante igitur hac elevatione pistilli, ingredi debent per foramen fundi modioli $4\frac{1}{2}$ congii aquæ, qui in reditu situlæ sursum, dum pistillum deprimitur, ascendere debent supra pistillum, intra embolum: & quia interim, dum congii $4\frac{1}{2}$ ascendant per tubum, aliquid inter latera pistilli & modioli elapsum descendit infra pistillum, quod ad summum pertingere potest ad dimidium congium; ideo intrare debent quing, congii intra modiolum, dum semel descendit situla; quing, inquam præcisè in prima eleva-
Ggggg tione

tionem pistilli; in reliquis verò, computando etiam illud quod inter ea descendit per latera ad fundum clausum.

Caterum bene addit Auctor limitationem illam, dicendo, ferè eodem tempore quo descendit situla, aqua intra tubum 30 palmorum altitudinis à se constitutum, effluxuram è foramine inferiore tubi: in rigore enim id contingere nequit, cùm velocitas descensus situla semper magis ac magis crescat, velocitas verò descensus aqua intra tubum contenta decrescat, eò quod semper decrescat perpendiculum, & consequenter pondus, aqua.

V. Animellæ cooperculum C, claudens foramen fundi, perfectissimè correspondeat foramini, ad eum modū, quo correspondent coopercula antliarum, seu claustrorum ad pompas adhiberi solitorum, sitque eodem modo inseparabile à fundo, & totum ad certam distantiam (non maiorem digito uno) parallelicè ipsi fundo, aperiatur ut illa.

VI. Idem cooperculum C potest in ipsum præcisè fundum, modioli perforatum recidere, si sub fundo applicetur ansa, in cuius transverso perforato axis cooperculi capiratus moveatur: hæc enim ansa non impedit rectum situm modioli, intromissa in foramen Basis A B, per quod patet aditus aquæ in modiolum. Et tunc cylindrus superstans fundo ejusdem circumferentiæ cum modio-
lo, sufficienter ad duos, vel tantum digitum unum elevaretur.

VII. Labrum cylindri, superstantis fundo, habeat limbum lat-
torem, E B lineâ signatum, tam interiorem, intrantem in modio-
lum aliquantum, & minoris diametri diametro modioli, ad prohi-
bendum descensum pistilli super cooperculum C; quàm exte-
riorem, respondentem limbo modioli. Qui quò latiores fuerint, plus
admittent corii, quod compressum intra utrumq; limbum per
cochleas E B, ne unam guttam dimittat aquæ.

VIII. Ex ipso limbo exteriori E B, vel immediatè sub limbo
(uti in Figura) educantur quatuor aut sex retinacula, cum forami-
nib. in vitem efformatis (qualia in tympanis militaribus æreis esse
solent, in ordine ad extendendam pellem, & hîc in Figura duo sunt
incisa) ad excipiendas cochleas conjungentes fundum modioli
cum ipso modio-
lo non habente separabilem fundum; peritum præsertim nactus
artifi-

artificem, qui possit cooperculum C exactè accommodare foramini fundi, & limbum interiorem prohibentem descensum pistilli H, super cooperculum C, absq; separatione fundi à modiololo.

IX. Pileum FMNG, modioli EG, desinens in angustius collum NM, & apertum tam in FG, quàm in N, habeat limbum exteriorem FG sufficienter latum, in sua interiora recipientem, aliquantulam partem modioli, & cohærentem cum limbo modioli interiori, lineâ EG expressum, non aliter quàm de fundo modioli dictum est. Habeat quoque retinacula in limbo, vel supra limbum, uti in Figura supra F & G, cum foraminibus simplicibus, non elaboratis in vitem, pro excipiendis cochleis F & G, constringentibus pileum FMNG, cum modiololo EG, ne quidquam dimittat aquæ.

X. Foramen colli NM intromittendi in tubum ligneū MOR, sit tantum saltem, ut non obstante hastâ IND, transeunte per illud, valeat ejicere aquę congios quatuor & semis interea temporis, quo situla P velociter descendit per 30 palmos. Præstabit semper ampliori, quàm angustiori uti, quia in angusto aqua coarctatur, oriturq; difficultas evehendi aquam ex latiori modiololo, in arctius collum, quemadmodū expertus sum. Optimè successit, cujus diameter adæquabat semidiametrum modioli, eratq; foramen ejusmodi subquadruplum concavitati modioli. In majoribus modiolis, uti semicubitali, sufficeret credo diameter colli aperti, quæ se haberet ad diametrum modioli, sicut 5 ad 11, essetq; propè quinque angustius.

Nota, Separabilis pilei NFG eam esse necessitatem, ut pistillum H in modiololum GE intromitti, & ex eo eximi possit, prout necessitas postulaverit.

XI. Modioli EFGBC corpus intermedians inter fundū DECB, & pileum FNG, fiat instar vasis rotundi, seu tubi ex utraq; parte aperti æqualiter, optimè politi intus, quale esset frustum præcisi tormenti bellici magni, excepto quòd non debeat esse ita crassum. Si angustior fuerit modiolus ad fundum, quàm ad pileum, vel contrà; aut latior circa mediū, quàm in extremis; ut inutilis rejiciatur.

In EB ita conjungatur ab intra cum fundo suo DECB, uti coopercula stannea cum vasis stanneis mensurarum ordinaria-

rum conjungi solent, ut bene cooperiant vasa. Jam verò in FG. cum suo pileo ita committatur, ut econtrà cooperiatur à pileo FNG, quemadmodum vasa prædicta à suis cooperculis cooperiuntur.

In utroque extremo FG, & EB limbos habeat exteriores aliquantò latiores, qui perfectè congruant limbis fundi BDE, & pilei FMG.

In ipsis limbis, vel prope illos, sint quaterna vel sena retinacula, qualia bina exhibet Figura sub FG, & supra EB. Quorum retinaculorum superiora FG habeant foramina efformata in vitem, directè respondentia foraminibus retinaculorum pilei FNG, ad excipiendas cochleas constringentes pileum FNG cum modiolò GE, ne dejiciatur ab aqua, neve eam dimittat. Inferiora retinacula EB habeant itidem rotunda foramina, sed non in vitem elaborata, ut cochleæ ad caput usque seu manubrium per illa descendentes occurrant vitibus fundi, easque post plures conversiones apprehendant artissimè.

XII. Cochleæ F.G, B, E, non sint ferreæ, sed ex ære, ne in aqua rubigine consumantur, Capita earum habeant foramina potius, quàm aliqua manubria plana, ut violentiùs in vites adigi possint aliquo parvo vecte seu clavo ferreo. Non sint magis longæ, quàm ut retinacula excedere possint. Partes viciniore capiti, quæ per superiora retinacula transeunt, non efformentur in vitem, sed solæ remotiores à capite.

XIII. Pistillum H fiat ex eadem materia ex qua est modiolus GE. Elaboretur ad perfectissimam, quam artifex assequi poterit, rotunditatem, implentem exactè concavitatem modioli. Sit altum palmo uno, & apertum simili foramine per totam altitudinem, quali fundus modioli: habeatque cooperculum I, simile per omnia animellæ C fundi. Cujus erit officium, ut descendente pistillo versus fundum modioli, aperiatur, & relinquat facultatem aquæ contentæ sub pistillo, mutandi locum cum pistillo, utpote graviore, & ascendendi supra pistillum: jam verò ascendente pistillo claudatur, ne quidquam dimittat aquæ superstantis pistillo.

Quia

Quia autem contingere potest, ut pistillum non impleat perfecte modiolum, ideoque inter superficiem convexam pistilli, & concavam modioli, aliquid dimittat aquæ versus fundum; obviando huic casui, deputabis unum semicongium aquæ, ex quinque congiis assumptis per cooperculum pistilli H, ad reditum, furtivum sub pistillum, ut quantumvis semicongius aquæ deperat, reliquum sufficiat onerandæ situlæ P.

XIV. Manubrium pistilli I L, sustinens pistillum H, sit vel ferreum, vel ex eadem materia cum ipso pistillo. Sit ita altum, ut non impediatur apertionem cooperculi I. Efformetur, uti cuculli chartacei formari solent, ut hastam ligneam N Q D commodè intromittat, cum eaque clavo uno aut altero conjungatur.

Gravitas pistilli deberet esse tanta, ut sponte suâ descenderet intra modiolum: Sed quia ægrè determinari potest in praxi; sit, quantavis. Nam minor pondere W, dependente ex veste S T, & comprimente hastam Q N, augetur sine ulla molestia ad debitam gravitatem: Major autem quam par est, contrapondio S S minuetur.

Qui vellet ultra palmum unum elongare pistillum H, exactiorem haberet modiolum. Sed modiolus ipse esset quoque, altior faciendus, ut capacitas modioli quinque congiarum aquæ integra semper maneat.

Exitus aquæ per foramen pistilli H potest esse minor introitu ejusdem aquæ per foramen fundi D, quia plus temporis illi conceditur, quam isti. Introitus enim per foramen fundi D absolvi debet tempore descensus situlæ P, ad puteum K: exitus autem per foramen pistilli H extenditur ultra tempus reditus situlæ P, à puteo K, sub receptaculum g, ad intervallum, quod necesse est intervenire in impletionem ejusdem situlæ P, ex receptaculo g.

Pistillum cum circulis coriaceis 40, aut 50, collectis inter duos orbis æreos (quorum alter cum manubrio annexo, & cooperculo, immobiliter adhæret cylindro subtili, longo ultra palmum digitis duobus, per totum aperto; alter liberè per cylindrum pro-

Ggggg 3 movetur)

movetur) & tribus cochleis, per orbes & circulos coriaceos trans-euntibus optimè compressis, quale in experientia expertus sum, est faciliùs reparabile. Sed quia magnam resistantiam facit sese educenti ex modiolò, priusquàm usu ipso attingat rotunditatem exactè congruentem capacitati modioli; & quia sine separata Figura à paucis capi potest; illud ad captum accommodatius paulò antè descriptum, delineari curavi; hoc interim ad Prolegomena reservato.

Nota diligenter, modiolum EG, ad unum ductum pistilli H versus cooperculum, impleri debere per asarium C quinque congiis aquæ: adductum verò versus fundum, ejicere saltem, congiòs 4½. *Hic tamen eadem limitatio adhibenda est, quam adhibuimus suprà in Annotatione ad Num. IV. hujus Partis secundæ.*

XV. Tubus ligneus MOR assumatur vulgaris, quales pro pompis usurpare solemus. Sit altus ab M usque ad Q palmos 32 circiter, ut respondeat & descensui fitulæ P Palmorum 30, & altitudini receptaculi palmi unius, & distantie termini eversionis fitulæ à superficie aquæ in puteo K, palmi icidem unius. Suprà Q insuper elevetur saltem ad duos palmos in R, ne aqua violenter ejecta ex modiolò, erumpat per R, sed intra Q & R facto impetu tota evacuetur per tubulum QV. Conjungatur bene cum collo NM, modioli EG, ne quidquam dimittat aquæ.

Foramen ejus, consignatum occultis lineis punctatim incis, sit præcisè æquale foramini colli NM: majus enim plus justo capiens aquæ, inutiliter gravaret pistillum: minus autem, coarctando aquam intra angustias foraminis, magnam quoque resistantiam afferret pistillo.

Dato autem colli MN foramine, cujus diameter sit semidiameter modioli EG; totus tubus 32 palmorum ab M usque ad Q, erit capax sine hasta INQD, congiòrum aquæ 26½. Quoniam tubus 32 palmis, seu 64 semipalmis altus, ejusdem circumferentiæ interioris seu cavæ cum modiolò, contineret congiòs 106½. Nam in 64 semipalmis, tres semipalmi habentur.

21½: sin-

21 $\frac{1}{2}$: singuli autem terni semipalmi continent congios quinos, ac proinde quinquies 21 $\frac{1}{2}$, *qui* constituunt *congi*os 106 $\frac{1}{2}$. Quia autem tubus subduplus in diametro, est quadruplo incapacior eo tubo, qui duplum habet diametrum (4. enim habent duplicatam rationem rationis 1. ad 2, quam habent diametri tuborum æquæ altorum, *de quibus hic est sermo*) continebit congios aquæ sine hasta 26 $\frac{1}{2}$, eruntque in modiololo & tubo *simul* congii 31 $\frac{1}{2}$.

Qui verò uteretur foramine tubi, cuius proportio esset ad foramen modiololi, quæ est inter 5, & 11; tubus esset propè subquintuplicatus modiololi (Nam 24 $\frac{1}{2}$, habent duplicatam rationem 5 ad 11; quinque autem in 24 $\frac{1}{2}$ proximè continentur quinquies *minus* $\frac{4}{5}$) contineretque aquæ congios sine hasta prope 22, *minus* $\frac{2}{3}$; cum hasta, 16 $\frac{1}{2}$: essentque in tubo & modiololo congii aquæ prope 31 $\frac{1}{2}$.

Si sese offerret tubus majori cum foramine; corrigatur crassiori hasta: quò enim *hæc* crassior fuerit, tantò plus excludet aquæ. Si angustior *tubus offeratur*; hasta ferreâ subtili ampliatur.

Qui tubum æquè capacis foraminis adhiberet, atq; est lumen *seu foramen* modiololi, cum proportionata sibi hasta, non admittente plus aquæ intra tubum quàm 17 congios; is plurimùm faciliteret Machinam: aqua enim ex latiori in angustiores compulsa locum, plus resistentiæ affert.

In O Figura refert tubum interruptum; ut intelligas, longiorem esse debere, secundum dimensionem scalæ palmarum, palmis undecim; uti & totam Figuram altiore: quam ita contraxi, ut commodè sine diminutione aliarum partium Machinæ difficiliorem ad captum, phylrâ unâ comprehenderetur, cum id minimè officiat ad intelligentiam Machinæ consequendam.

In Q habeat tubulum QV, pertingentem à tubo MOQR, ad receptaculum g. Cujus munus erit, ex tubo QR educere aquam in receptaculum. Foramen ejus non sit arctius foramine tubi MOR, ut faciliùs ejiciat aquam.

XVI. NQD hasta, sustinens pistillum LIH, sit crassitudinis convenientis foramini tubi M O Q R. Quòd si fora-

si foramen pateat ad quinque undecimas diametri modioli; diameter hastæ sit æqualis semidiametro foraminis tubi: erit enim, subquadrupla ipsi tubo, excludetque aquæ congios $6\frac{2}{3}$, vel potius $6\frac{1}{3}$.

Sit longa ab I ad D, palmos saltem 36. E regione S habeat transversum cylindrum, vel clavum ferreum, bene politum, XY, cui incumbere possit vectis ST ff. In L jungatur cum manubrio pistilli H duobus clavis. In D dependeat ex catena ferrea D d aef.

XVII. Vectis ST ff sit excisus in S, ut ambiendo hastam D QNI, incumbat securè cylindro XY. Moveatur liberè super clavo transmissò per brachium ligneum Y X.

In T sustineat pondus W, quod sit sufficiens ad deprimentum pistillum H; intra modiolum GE; si illud non sit tantæ gravitatis, ut sponte descendat. Longitudo ejus facienda pro commoditate. Pondus W tantò gravius esse debet, quantò magis ab hasta elongatur.

XVIII. Trochlea *ad*, ex ligno aliquò durissimo, vel orichalco fabricata, suspendatur ex *cb*, in *b*: habeatque in diametro saltem palmum unum. Axis autem ejus *a*, & foramen orbiculi, sint quàm politissima, ne resistantiam patiatur in conversione. Præstat ex orichalco; lignea enim offenderetur faciliè à catenula ferrea quam gestare debet.

Nota, non esse necessariam simpliciter prædictam trochleam, posseque Machinam absolvi sine ea. Hoc tamen usus ejus affert commodi, quòd axes ferrei *k* & *g* cylindri *k heg*, sustentis rotam *r Bfp*, releventur à compressione, proveniente pondere rotæ *r Bpf*, & cylindri *k heg*, atque hastæ D QNI oneratæ pistillo H, & gravi W. Nam pro gravitate hastæ D QNI, oneratæ pistillo H, & gravi W, quæ dependens ex catena D d aef, committitur cum gravitate rotæ *r Bfp*, & cylindrie ejus *k heg*; decrescit dicta gravitas rotæ *r Bfp*, & cylindrie ejus *k heg*; minuiturque axium ferreorum *g k* compressio, & consequitur conversio rotæ promptior.

XIX. Fulcrum *cb cc*, cum trochlea *ad*, ita statuatur, ut catena *fc*, collecta supra cylindrum *k heg*, quàm proximè ad

adhæreat rotæ *rBfp*: sic enim ipsius gravitatem felicius moderabitur.

XX. Catenula *Ddae*, ferrea adhibeatur, non funis: funis enim obnoxius est extensioni, evaditque nunc longior, nunc brevior; quod auferret uniformitatem motus pistilli *H*.

XXI. Rota *rBfp* lignea, cum cylindro *kh eg* ligneo, sit palmorum 10. in diametro; ut funis circumferentiâ rotæ evolutus, demittat siculam ad 30. palmos. Latitudo rotæ sit digitorum quatuor, ad summum quinque: habeatque canalem profundum saltem ad duos digitos in circumferentia, pro excipienda duplici obvolutione *p/B* funis *E opfp* *IGS*, sustentis siculam *P*, & contrapondium *SS*. Qui canalis quia ægrè excinderetur in una circumferentia quinque digitos, aut quatuor lata; tres circuli paralleli soliti simul compingantur, quorum intermedio minori, seu graciliori, duo majores, seu crassiores superemineant ad duos digitos, ita uno latere seu angulo interiori exsecti, ut canalem ampliorem, ad extimam circumferentiam rotæ *rBfp* exhibeant, recipiendo funi *E opfp* *IGS* aptum, quemadmodum in trochleis & rotis stannifabrorum, & eorum qui fundunt campanas, candelabra, aliaque vasa ærea, fieri solet.

Circuli compacti jungantur tigillis *Q*; quorum quadratum medium (malè expressum in Figura: nam pro intermedio tigillo, duo utrimque non excedentia latitudinem tabulæ *mn*, designari debebant, & superius parallelum cylindro *kh eg*, inferius demitti sub extremitatem *m*, tabulæ *mn*; sic enim exhibuissent præscriptum quadratum) admittat tabulam æquè crassam, atque ipsa tigilla. Hinc aliæ duæ tabulæ majores interiori utraq; ex parte applicentur, & conjungantur pluribus clavis ligneis, aut ferreis, tam cum tabula intermedia, quàm cum ipso quadrato. Deinde omnes tres tabulæ compactæ aperiantur foramine quadrato *h*, cujus centrum sit commune cum centro rotæ *rBfd*, ad excipiendum cylindrum *khfeg*.

XXII. Cylindrus *khfeg* ligneus, sit ex parte quadratus, ex parte rotundus. Portio quadrata à *k* ad *h*, unâ cum portione intromissa in foramen *h*, tabularum *mhn*, sit saltem pal-

H h h h

mi

miunius cum dimidio: altera verò *hfeg* rotunda, saltem duorum palmarum. Non protendatur inutiliter, ne graver suo pondere axes ferreos *k & g*. Figura longiorem ultra præscriptum requirebat, ad evitandam confusionem aliarum Machinæ partium.

Latera portionis quadratæ *kh*, sint saltem octo digitorum. Circumferentia portionis *hfeg*, paulò major elevatione pistilli H, in modio G E, hoc est, sesquipalmo, ut conversâ rotâ *rBsp* cum cylindro *kg*, quantumvis propter rotulas *iq*, positas ad latus rotæ, non possit complere integram revolutionem; cylindrus *khfeg* evolvat catenæ *Ddef* sesquimalmum.

Extremitates *kg*, cylindri *khfeg*, muniantur axibus ferreis *k & g*, bene politis, versatilibus intra polos ferreos similiter bene politos; ne rotâ *rBsp*, cum suo cylindro *khfeg*, difficultatem aliquam in conversione, ex asperitate axium vel polorum, patiatur.

XXIII. Rotæ *rBsp* circumponatur funis *ƒopff*, S, G, ƒ, S, G, ƒ, ita ut eam totam semel cingat; firmeturq; clavo aliquo in *ƒ* spirâ funis rotam ambiens, ne sensim tractus pondere situlæ P, eam, à debito dimittat situ. Ab uno extremo *ƒ* funis dependeat situla P, immediatè sub receptaculo *g*; ab altero S, contrapondium SS, paulò gravius ipsâ situlâ vacuâ.

In *Druptum* (aut convolutum in duas spiras) Figura exhibet, ad indicandum, quòd Machina non sit sufficienter elevata, uti monui Num. X V.

XXIV. Ne funis ex rotâ *rBsp* decidat; in *y* opponatur ei rotula *y*, æquè lata atque rotâ; quæ detenta à brachio *ƒy*, intactâ rotâ *rBsp*, impediat casum funis *ƒopf*, ex suo canali.

XXV. Idem funis *ƒopf*, in *o* habeat applicatam crucem, seu duos paxillos in crucem conjunctos, ligneos, vel ferreos, ad elevandum vectem *fo tt 22* infra descriptum, quoties ei crux *o*, redeunte situlâ P, occurret.

XXVI. Una rotula *i*, ex duabus *qi*, palmaribus, subtilibus, ac levibus, uno axe immobiliter conjunctis, intercipientibus tertiam semipalmarem, duos digitos latam (quæ exprimi in Figura non potuit), liberè super communem omnium trium axem, versa-

versatilem, applicetur duobus clavis ferreis lateri rotæ $rBfp$, in loco, qui respondeat vecti $aaWnt$. Servient hæc rotulæ ad refrænandam rotam $rBfp$, & eâ mediante ad detinendam siculam P , donec ita impleatur, ut superato pondere \tilde{u} vectis $aaWnt$, cum impetu vehementiori deorsum feratur, & evertatur.

XXVII. Vectis $aaWnt$, subtilis, sesquidigito latus, liberum habens cursum intra rotulas i & q , sub intermedia rotula incenspectibili in Figura, suspensus ex W axe, brachii pW , deferat in u (si ultra u prolongari non potest) pondus reducens ad æquilibrium portionem uW , cum portione Wt vectis; ita ut uW portio recuperet portionem Wt , quoties inclinatur vectis. Si autem vecti ultra u prolongando spatium non desit; extensâ portione aaW vectis, saltem ad mediam longitudinem portionis Wt , reducantur primùm partes vectis tW , & Wau , ad æquipondium aliquo convenienti pondere (quod tantò minus esse debebit, quantò magis portio uW elongata, accedet ad longitudinem Wt ; adeoque minùs gravando axem, vectis, facilitabit expeditam librationem illius:) tum deinde inter a & R (coæquatis priùs uW , & Wi intervallis) erigatur ad rectos angulos bipalmare tigillum Na , & ex eo suspendatur pondus \tilde{u} , superabile à semicongio aquæ. Quod pondus ne in unam partem retorqueat tigillum Na , unâ cum vecte; ejus portio uW vel habeat fissuram intra quam liberè incedat funiculus $N\tilde{u}$, sustinens pondus \tilde{u} ; vel ex N suspendantur uno clavo duo tigilla parallela, demissa sub vectem $aaWnt$, & ibi iterum alio clavo conjuncta, ita ut liberè tigilla ab a versus W promoveri possint, intacto vecte intra tigilla recepto; ex quo clavo inferiori suspendatur pondus: sic enim directè gravabitur tigillum Na pondere u .

Utilitas tigilli Na , superstantis vecti $aaWnt$, hæc est, quòd inclinato vectis extremo t , linea directionis ponderis \tilde{u} , dependentis ex tigilli Na extremo N , approximabit vectis hypomochlio seu axi W , adeoque minùs frænabit rotam $rBfp$.

Intervallum inter W axem, & rotulas i & q , sit saltem duorum
H h h h h 2 palmo-

palmorum : minus enim quasi in uno loco iisdem viribus diutius frænaret rotam $rBfp$; quod omnino vitandum. Reliqua ab i vectis longitudo, versus t , excedat rotam $rBfp$, & attingat, vel etiam promineat ultratrabem \mathcal{Y} , ut dimissus vectis à rotulis i & q , ascendens cum rota r conversa supra tabulatum \mathcal{YD} , non feriat cylindrum $kbfeg$, sed quiescat sub trabe \mathcal{Y} , donec redeunte rotâ r , reassumatur à rotulis i & q .

Insuper extremitas t hujus vectis ita incidere debet intra duo tigilla (quæ in Figura non sunt expressa) dum quiescit sub trabe R , ut redeunte rotâ $rBfp$, cum rotulis i & q ; infra trabem \mathcal{Y} , directè incidat intra easdem rotulas i & q : quod sine directione tigillorum præstare non posset.

Necessitas vectis hujus $uaWnt$ est tanta, ut deficiente illo sequatur interruptio motûs. Situla enim P , impleta exempli gratiâ quatuor congiis aquæ, potentiorque effecta omnibus contrariis, ita ut descendat à receptaculo g , versus puteum K ; quantumvis velocius descendat circa terminum descensûs (eò quòd minorem resistantiam rotæ $rBfp$ faciat pondus aquæ in modiolò GE contentæ ; quæ quòd humilius descendit situla P , magis & ipsa evacuatur ex modiolò GE , in tubum MOR , & ex hoc in receptaculum g , minusque gravat pistillum H sibi subjectum) adeoque in ipso termino descensûs ex velocitate impetuosi retracta à funiculo ZOM , fundo seu dorso situlæ alligato in Z , evertatur ut plurimum : hæc tamen velocitas descensûs hinc exorta, non est semper & constanter sufficiens ad talem impetum imprimendum situlæ, quò impingens in funem MOZ , totam ejiciat aquam infallibiliter, uti probat experientia ; siquidem nonnunquam cum minori impetu situla impingens in funem MOZ , aliquid aquæ reservat, quod situlam P non finit subinde recuperari à contrapondio SS , cum cessatione motus. Quare ut obviam irem huic incommodo, vectem $uaWnt$, cum pondere \tilde{n} dependente ex tigillo Na vectis, superab li à semicongio aquæ, & rotulas i & q rotæ $rBfp$, addidi ; qui vectis rotam sine se lentè aliàs volubilem & situlam non ita impetuosè descensuram, sustentaret mediantibus rotulis i & q , usque ad super-

perexpletionem semicongio circiter aquæ : ex quo semicongio (superato semel pondere u vectis $uaWnt$, continuò in conversione rotæ descendente) situla P impetum necessarium acquirit ad infallibilem eversionem. Ut primum enim vectis prædictus $uaWnt$ superatus à semicongio aquæ, deprimi coeperit; quò magis inclinabitur per integrum octantem circuli, eò minorem resistantiam opponet rotæ $rBsp$, duplici ex causa : tum quia linea directionis ponderis \tilde{u} , dependentis ex tigillo Na , propius accedet ad hypomochlium seu axem W , vectis $uaWnt$, minusque pondus \tilde{u} gravabit, adeoque minorem resistantiam, faciet rotæ gravatæ à situla : tum ex eo, quia rotula intermedia inter rotulas $i \& q$, decurrens super vectem $uaWnt$ inclinatum, & pugnans contra pondus u vectis $uaWnt$, longius recedit ab hypomochlio W , majoresque acquirit vires ad superandum, pondus u , ita ut in puncto octantis decursi duplo evaderet fortior illo, sicut duplo longius removeretur ab hypomochlio quàm tigillum, si pondus u non promoveretur versus hypomochlium (nam dum promoveretur, multò majores vires rotula inter $i \& q$ sita acquirit.) Progredientibus autem rotulis iq ab octante circuli completo, per alios tres octantes inferiores, usque ad tignum $Y Y$, vectis redire incipiens ad situm horizontalem, non amplius frænabit rotulas $i \& q$, sed eas propellet sursum versus tignum $Y Y$, in primo quidem quadrante minùs $\frac{1}{4}$ congii (si pondus u esset æquiponderans uni semicongio) quia distabunt rotulæ plus quàm duabus partibus ab hypomochlio W , qualis est distantia hypomochlii à tigillo Na : in quadrante integro minùs $\frac{1}{2}$ congii, quia distabunt rotulæ ferè quatuor partibus, qualis est una inter hypomochlium W , & inter tigillum Na : in tertio octante ferè $\frac{3}{4}$ congii, quia distant plus quàm quinquies : in quarto octante $\frac{4}{4}$ congii circiter, quia distant sexies.

Semicongius quoque aquæ, finitâ lucâ rotæ cum vecte $uaWnt$, in puncto primioctantis conversæ, totam suam potentiam applicat ad imprimendum imperum rotæ; quæ rota etiam sine hoc semicongio descendisset lentè,

Denique decurrentibus rotulis per superiorem semicirculum

H h h h h 3;

rotæ

rotæ *rBfp* supra tigna *Ydd*, quia nullam rotæ *rBfp* impedimentum invenit, quod remoretur suam inchoatam conversionem, & imminuat augmentum gravitatis situlæ ex semicongio aquæ superaddito; necesse est ut acceleret suam conversionem, & continuè velocius situlam demittat: quæ quantò velocius descendet, tantò majori cum impetu impinget in funem *ZOM*, & securius evertetur.

XXVIII. Vectis *fōtto*, mobilis ex cardine *z*, supra receptaculum *g*, habeat oblongum & amplum foramen *fo*, ad excipiendum funem *zop*. In *z* habeat alligatum cooperculum *q*, foraminis *b*. Item jungatur funiculo *ost*, cum vase, ad eam laxitatem funiculi, quanta impediatur crucem *o*, ne altius ultra præfinitum terminum impetu redeuntis situlæ *P*, & contraponddi *SS* descendents, abripiatur, neve situla *P* impingat in fundum receptaculi *g*.

XXIX. Vas *g*, seu receptaculum aquæ ex tubo *QV*, sit cujuscunque figuræ, & ex quacunque materia durabili, capacitatis quinque congiourum aquæ, Quantò humilior fuerit, tantò commodius: nam quò altius est, tantò plus in portione tubi ejus altitudini correspondentia aqua contenta gravat pistillum *H*. Firmetur bene vel ad tubum *QOM*, vel alibi pro commoditate, substrato aliquo tabulato inter columnas *IV*, ne abripi possit à vecte *fōz*, sibi alligato in *st*, quoties crux *o*, funis *zop*, in vectem impingit.

Ex fundo receptaculi *g* promineat canalis *bqg*, qui ascendente situlâ *P* versus receptaculum *g*, & occurrente cruce *o* vecti *fōz*, aperiatur extenso funiculo *qe*, alligato ipsi vecti *fōz* in *z*; claudatur verò, descendente situlâ *P* versus puteum, *K*.

Foramen canalis *bqg* sit digitorum sex per diametrum, ne aqua morosè destuens per minus foramen ex receptaculo in situlam *P*, ejus rariorem descensum causetur.

Receptaculum *g* si plus recipiat aquæ ex tubo *QV*, quàm opus habeat situla *P*, vel pondus *u* vectis *uawnt* augeatur. (auctum enim quamvis aquæ quantitatem frænare ad arbitrium, pot-

poterit; residuum dimittatur sive per parvum canaliculum *f*, immediatè supra fundum receptaculi *g*, foramine exiguo aliquo perpetuò fluentem, sive per tubulum alium *h* ad labrum receptaculi *g* insertum.

XXX. Situla *P*, ex ære, longa palmos duos, profunda digitos decem, fiat instar tecti parvuli inversi, in acumen desinentis: cujus latera *n* & *m* sint duo plana parallela, triangularia, excisa ad triangulum isoscelium comprehendens angulum 120. graduum, altum seu distantem à basi, digitos 10. Latera autem *P* & *h*, concurrentia in *TZ*, sint lata ferè sesquipalmo; distent verò superiùs à se ad tres palmos absque digito uno. Si præciso ejus dorso acuminato, in quo concurrunt latera inclinata, fundum planum haberet, latum saltem quatuor digitos; promptior ad eversionem & effusionem esset. Optimè repræsentatur ab aliquo volumine aperto ad angulum 120. graduum, si duobus patentibus lateribus applicentur plana parallela.

Ex lateribus parallelis *v* & *m* promineant ansæ vel auriculæ *rm* & *uv*; per quas transeat cylindrus *uv*, dependens ex ansâ *PQ*, alligata funi *qop*. In *z*, & ex opposito alterius paralleli lateris, prostent erecti annuli seu orbiculi ferrei, vel ærei, liberè versatiles super suos clavos, in situla immobiliter confirmatos, & capitibus crassioribus, ad continendos suos annulos ne decedant, armatos.

Horum annulorum officium erit, ut per illos traducta & extensa fila ferrea *VAZ*, non sinant deviare situlam à recto descensu & ascensu.

Situlâ ejusmodi nulla alia commodior ad finem intentum cogitari potest: facilimè enim evertitur, & multum capit aquæ, Nam inclinato latere *h* ad gradus 30, tota evacuatur; cùm tamè quadratas necesse sit inclinare per 90. gradus, antequam evertantur; & conicæ nimis profundæ esse debent, ut multum admittant aquæ.

XXXI. Ne situla prædicta descendendo cum impetu demergatur in puteum *K*, frænabit eam funis *ZOM*, qui alligatus in *M*, & fundo *Z* situlæ *P*, ita ut extensus non pertingat ad

ad superficiem aquæ putei K. Non sinet quoque situlam P attingere aquam ejusdem putei K, sed supra superficiem aquæ refranans situlam, eam evertet.

XXXII. Ne situla P implera, sponte ante descensum evertatur (quod ordinariè omnibus contingit quæ recto angulo sunt obtusiores) addetur pondus aliquod fundo situlæ ab extra : cum illo enim reddetur secura à spontanea eversione. Vel certè (quod multùm eversionem juvat, uti sum expertus) addantur utrique lateri γ & δ situlæ P, cylindri vel parallelepipeda duo, hoc est, tubi quadrati, quàm levissimi, ad 170. graduum angulum aperti; quorum unus latens γZ , ininspectibilis in Figura, propter contrapondium servandum adhibetur; in altero δZ , præcluso utroque ejus extremo; includetur globus plumbeus T, liberè volubilis, tanti ponderis, quantum sit sufficiens ad impediendam spontaneam situlæ P eversionem. Nam impingente situlâ P, in funiculum M O Z, ut primùm incipit everti, atq; latus δZ situlæ P obtinere inclinationem ad gradus quinque; globus plumbeus T volvetur versus δ , juvabitque eversionem.

Duo autem in talibus cylindris erunt observanda. Primum, ut versus marginem situlæ non nisi ad certam mensuram extendantur. Mensuræ regula universalis statui non potest: nam pro diversa gravitate situlæ, minorique ejus apertione, viciniore margini statui possunt ejusmodi cylindri. Experientia itaque erit consulenda, tam cylindri prolongandi, quàm quamdiu globus delapsus versus marginem situlæ, eam non impediat quò minus suum recuperet debitum situm. Alterum, ut ambo cylindri, vel tubi quadrati, uti innui, conjungantur duobus extremis ad angulum 170. graduum, sub acumine situlæ; alia autem duo extrema procurrentia versus marginem, distent à lateribus situlæ angulis 25. graduum: sic enim inclinante se situlâ ultra gradus quinque globus ruet versus δ , dabitque impetum situlæ eversæ.

XXXIII. V A Z fila ferrea, extensa, non in spiras aliquot collecta *sed rupta*, sunt delineata (quantum vis servatâ proportionē altitudinis Machinæ, debeant esse longiora ad undecim palmos) ut clariùs descensus situlæ oculis subjiceretur.

Tigil-

Tigilla, extendentia fila ferrea, tam superiora ZZ , quam inferiora VV , inter quæ extenduntur fila ferrea ZAV , pro commoditate collocentur. Superiora ZZ , vix commodiorem locum trabe d occupare possunt. Inferiora VV , ad unum palmum demergantur in puteo, ne fitula P descendens immediate supra superficiem aquæ putei K , in illa impingat. Possent loco tigillarum V substitui annuli ferrei, in fundo putei; verum tigilla sunt aptiora, eò quòd sine evacuatione putei K , fila ferrea illis applicabuntur, aut ab iis amovebuntur.

XXXIV. Contrapondium SS , dependens ex fune SGE per E , sit tantæ gravitatis, ut rotam $rBfp$ reducere valeat unà cum fitula P vacua, superando difficultatem convertendi rotam, $rBfp$; & gravitatem primùm fitulæ P , deinde crucis o , tertio funis evoluti ad 30 palmos, denique resistantiam vectis $uawnt$, quam inveniet rota $rBfp$ occurrens ei cum rotulis i & q , & repellens illum per semicirculum inferiorem ferè totum, quem à trabe \mathcal{R} , per B ad trabem usq; d , rotulæ i & q absolvunt.

Additas exhibet auriculas duas, aptas excipiendis filis ferreis (in Figura non expressis) extendendis pro commoditate in Machina, per quæ ascendat & descendat, sicut fitula P per fila $V\Lambda Z$.

Ejus magna est necessitas. Nam absque eo, opus esset suspendere ex cylindro $kbfeg$ contrapondium fitulæ P , sufficiens ad illam recuperandam. Quod cum deberet esse magnum, valde oneraret axes gk . Nam datâ exempli gratiâ fitulæ P vacuæ gravitate librarum 5, quæ non posset recuperari nisi à pondere 7 librarum; æquipondium harum 7 librarum in cylindro statuendum esset librarum 140. Quia sicut 1. ad 20, proportio peripheriarum cylindri $kbfeg$, & rotæ $rBfp$; ita 7 libræ ex rota, ad 140 libras ex cylindro. Quod pondus quis non videt quantum oneraret cylindrum $kfeg$, ejusque axes k & g ? Substituto autem nostro contrapondio SS , sufficiente ad recuperandam fitulam quinque exempli gratiâ librarum; cylindrus $kfeg$ non nisi duodecim libris gravatur.

XXXV. Quadrati $d\mathcal{R}d\mathcal{R}$, sustinentis rotam $rBfp$, cum cylindro $kheg$, tigna omnia fiant crassa & firma. Trans-

versa autem Ψ Δ sint ita longa, ut commodè rotam $rBfp$ intercipiant. In Figura exhibentur contracta, ut & rota $rBfp$. Tignum item Δ Δ effractum delineaverat Auctor in \mathcal{C} , ne obumbraret hastam $2NI$. Sub hoc eodem tigno, rotam $rBfp$ tetam quoque concipere debes.

ΓA columnæ lignæ quatuor, sustinentes totam Machinam, sint item crassæ & firmæ. Fractas exhibet illas Figura, ut communeat debere esse omnes longiores, & ad 40 circiter assurgere palmos.

§. V.

TERTIA PARS PROPOSITIONIS.

De compendiosa partium Machinae coordinatione.

I.

Modiolus EG , altus palmos quatuor, cum sua basè $A DBE$ humili, demergatur usque ad M , in puteo K ; cujus latera ad duos palmos à supremo labro supra aquam emineant.

II. Collo MN , modioli EG , superimponatur tubus ligneus MOR palmorum 32, habens alterum tubulum QV , pertingentem ad receptaculum g . Cujus receptaculi fundus distet à superficie aquæ in puteo palmis 31.

III. Cylindrus $kbfg$, deferens rotam $rBfp$, elevetur à terra ad 40 palmos vulgares (quorum octo circiter hominis proportionati staturam adæquant.) Cylindri superficies sit minor superficie rotæ vigesies: illa paulò amplior sesquipalmo; ista paulò amplior triginta palmis.

IV. Ex rota $rBfp$, insistente cylindro $kbfg$, ab uno extremo F funis FOP ΓGS , cingentis ejusdem rotæ totam peripheriam semel integrè, & confixi immobiliter prædictæ rotæ in f) dependeat situla P , immediatè sub receptaculo g , intra fila ferrea VXZ : ab altero autem funis extremo S , ligetur situlæ P vacuæ prævalens contrapondium SS , quod pendente situlâ P sub receptaculo g , terræ insistat.

V. Ex cylindro *khfeg*, rotæ *rBfp*, eique circumvolu-
ta catenula ferrea *fca d* O, & traducta per trochleam *ad*, sus-
pendatur hasta O Q N I, illâque mediante pistillum H, intra
modiolum E G clausum.

VI. Situla P, capax quinque congiorum aquæ, elaborata
in figuram aptissimam ad everfionem, sic alligata ad fundum
funi, ita temperato, ut eam sinat descendere in puteum K, per fi-
la ferrea V L Z, sed non contingere superficiem aquæ puteo K
contentæ.

VII. Tubus M O R non admittat plus aquæ, quàm 17
congios.

VIII. Receptaculum g, capax quinque vel sex congio-
rum aquæ, & recipiens ex tubo M O R aquæ congios quatuor &
semis, habeat *γδ* siphonem, directum intra situlam P, ape-
ribilem portulâ q, quoties crux o elevabit vectem o o (quod
contingere debet, quoties situla P accedit ad receptaculum g)
claudendum verò, quoties descendente situlâ P, crux o depri-
mitur.

IX. In una conversione rotæ *rBfp*, unâ cum cylindro
khfeg, evolvantur ex ea 30 palmi funis, sustinentis situlam P;
situlaque descendendo versus puteum K, decurrat 30 palmos:
super cylindrum verò *khfeg*, colligantur tres semipalmi cate-
nulæ ferreæ *fca d* O; attollaturque pistillum H, à fundo mo-
dioli E G, ad tres semipalmos.

X. Elevatum pistillum H ad tres semipalmos, clauso in-
terea cooperculo I suâ propriâ gravitate, evehet aquæ in tubum
M O R ex modiolo E G, congios saltem quatuor & semis con-
gium unum; alterum semiscongium, ob imperfectionem instru-
menti dimittendo; trahatque secum simul cooperculum C fun-
di modioli E G: & in pistilli H locum (non potest enim aqua
altior quatuor palmis, demergens quatuor palmorum modiolum
in puteo K, relinquere vacuum locum inferiorem apertum)
succedant totidem congiæ aquæ, quot sunt ele-
vati à pistillo H.

ANNOTATIO.

Addit hoc loco auctor ad marginem, expertum se, pistilla coriacea, agitata in modiolis à potentia æquivalente 160. congiis aquæ, ne unam aqua guttam dimississe.

XI. Vacuam situlam, pendentem supra puteum K, contrapondium SS, ex eadem rota ipsi commissum, reducat sub receptaculum g, utpote eâ gravius: pistillum autem H interea, tam propriâ gravitate, quàm mutuâtâ à pondere W, deprimatur, ut aqua, quæ pistilli stationem occupaverat, interclusa à cooperculo C fundi modioli EG, commutet locum cum pistillo H, & erumpat supra illud, per foramen I.

XII. Contrapondium SS, affuso semicongio aquæ in situlam P, semotis aliis impedimentis, superetur à situla, & eleve-
tur in altum. A minori quantitate aquæ experieris posse superari.

XIII. Pondus ù vectis *Wnt*, frænantis rotam *rBsp*, dum rotula media inter rotulas *i* & *q*, ejus incumbit dorso, sit pariter superabile à semicongio aquæ, infuso in situlam P.

§. VI.

QUARTA PARS PROPOSITIONIS.

De modo animandi Machinam jam ordinatam ad motum perpetuum.

SI pistillum H nihil dimittat aquæ, rota *rBsp* sexies convertatur; si dimittat semicongium, septies: post tot enim revolutiones pistillum H, totidem vicibus elevatum & depressum, implebit modiolum EG, tubum MOR, & receptaculum g, sufficienti aquâ, scilicet congiis $3\frac{1}{2}$; situlæque P, & cruce *o* redeuntibus, nullo deinceps adjuvante, crux quidem elevabit primò vectem *fortis*, aperietque cooperculum *b*: situla autem P implebitur, ex receptaculo g, aquæ congiis saltem quatuor & medio; descendet versus puteum K; descendendo elevabit pistillum H ad tres semipalmos; evehet aquæ ex modio EG, in tubum

bum MO R, & ex hoc in receptaculum q̄ clausum, saltem quatuor & medium congium. Deinde occurrens funi MOZ. evertetur; eversa, è contrapondio SS, sub receptaculum q̄ reduceretur (pistillo H sponte, ponderetam suo, quàm mutuato ex pondere W, descendente versùs fundum modioli EG, & locum cum aqua modioli, quæ suam stationem occupârat, commutante) crux o, iterum vectem oz elevabit; receptaculum q̄ situlam P implebit aquæ congiis quatuor & medio, quos exceperat ex tubo MOR; situla P impleta iterum descendet versùs puteum K (pistillo interea ascendente, & tubo MOR aquam, receptaculo q̄ clauso subministrante) impinget in funem MOZ; evertetur, ac restituet puteo K aquam ex eo haus tam; evacuata, à contrapondio SS recuperabitur; crux o tertio aperiet receptaculum q̄, reliquæque omnia eodem ordine, quo post primam, & secundam apertionem, contingent tertio, decimo, centesimo, millesimo, & in infinitum; non priùs cessante motu, quàm solvatur Machina, aut aliquid ad motum continuandum pertinens vitietur, frangatur, aliq̄, quocunq̄, modo inutile reddatur.

§. VII.

QUINTA PARS PROPOSITIONIS.

Demonstratio motus perpetui, Machinæ descriptæ exhibiti.

Cùm non sit insolitum, etiam illa quæ oculis patent, demonstrare; non superfluum leges demonstrationem Inventi, quantumvis in praxi jam exhibiti; præsertim si non sis experimentum ejus factururus, aut factum non vidisti: sic enim mentis oculis ad motus Machinæ artificio facili & jucundo, facile credes possibilem motum perpetuum quem prope viginti secula credebant esse impossibilem.

Demonstrationem, ut sit clarior, in quinque membra distribuam.

I. *In primo* ostendam, situlam P impletam aquæ congiis quatuor & semis, superatis omnibus impedimentis quæ eam morari possent, descendere versùs puteum K.

II. *In secundo* ostendam, descendente situlâ P, impletâ, pertubum MOR, & tubulum QV, ascendere in receptaculum g aquæ congios quatuor & semis.

III. *In tertio* monstrabo, situlam P, in termino descensus supra puteum K immediatè, impingentem in funiculum M O Z, cum impetu everti, & aquâ evacuari.

IV. *In quarto* monstrabo, situlam evacuatam in eversione, redire ad receptaculum B, ejusque aslarium q seu portulam aperire, atque impleri aquæ congiis quatuor & semis.

V. *In quinto* denique ostendam, redeunte situlâ P, pistillum H descendere versus fundum modioli EG, & transmutare locum cum quinque congiis aquæ; quos deinde, aliquid ex iis perdendo (si non exactè impleat modiolum EG) defert ad receptaculum g.

Primum membrum Demonstrationis.

QUantum ad primum; sit ostendendum, situlam impletam, aquæ congiis quatuor & semis, superare omnia impedimenta, & descendere deorsum supraputeum K.

Quoniam impedimenta sunt sex, & non plura, uti experientia probat, quæ situlæ P descensum morari possent, nisi ab ea superentur; *Primum*, obnitentia rotæ rBsp, quam axes kg cylindri khfeg, gravati pondere ipsius rotæ rBsp, & cylindri khfeg, dum premunt polos k & g, afferre debent: *Secundum*, contrapondium SS, quod situlæ vacuæ prævalet, ex constructione: *Tertium*, refrænatio rotæ rBsp, quam facit vectis uawnt: *Quartum*, gravitas & resistentia pistilli H, quod quò exactius implet modiolum EG, eò pertinacius renititur potentia illam moventi intra modiolum EG; item gravitas hastæ INQD, & vectis STff, onerati pondere W & catenulæ Daæc, quæ premens trochleam ad, imprimit illi aliquid resistentiæ (quæ omnia sub hoc quarto numero impedimentorum, hoc duplici vocabulo, *Gravitas pistilli*, complectar:) *Quintum*, gravitas aquæ superstantis pistillo H, tam intra tubum MOR, quàm intra modiolum EG; ejus deniq; resistentia quam facit, dum ex
ampliori

ampliiori in angustiore tubum elevatur : *Sextum* denique attrahitio seu apertio cooperuli C, in fundo modioli :

Quoniam inquam sunt hæc sex impedimenta ; Ex quatuor congruis & medio aquæ contentæ in situla, tribus primis impedimentis recensitis deputetur congruus unus aquæ : ad primum enim & secundum impedimentum superandum, scilicet obnitentiam rotæ *rBsp*, & contrapondium *SS*, sufficit semicongius aquæ ad summum in situla, in minori enim quantitate aquæ utrumque superari, semper sum expertus, etiamsi non fuisset usus trochleæ *ad*, quæ plurimum diminuit ex difficultate convertendi rotam. Tertium autem impedimentum (refrænatio rotæ *rBsp*, quam facit vectis *uaWnt*) est similiter superabile, ex constructione (per punctum seu Num: XXVII. Partis secundæ, & punctum seu Num. XIII. Partis tertiæ) à semicongio aquæ. Vectis *uaWnt*, cum ejus pondere *n*, solum adhibetur, ut situla P, quæ ante affusionem semicongii aquæ descendit sensim, superaffuso illo feratur magno cum impetu versus puteum K; & impingens in funiculū *WZ*, tota evacuetur, ut dictum puncto XXVII. Partis secundæ.

Quarto impedimento, scilicet gravitati pistilli H, deputetur alter congruus aquæ situlæ affusus: gravitas enim pistilli (prout includit *pondus ipsius*, & resistentiam quam patitur, in modio, & pondus hastæ *INQD*, & pondus vectis *STff*, & pondus catenulæ ferreæ) non attingit ad gravitatem 20. congruorum aquæ, seu libras pharmacopolarum 150, uti probat experientia. Sit tamen ex suppositione tanta (quamvis major verâ) ut applicata cylindro *kheg*, superari non possit præterquam à 20 congruis aquæ, ex opposita parte cylindri *kheg* appensis: Gravitas autem unius congrui aquæ ex rota *rBsp*, æquiponderat viginti congruis appensis ex cylindro *kheg*: nam sicut tres semipalmi circumferentiæ cylindri *kheg*, ad 60 semipalmos circumferentiæ rotæ *rBsp*; ita 1. congruus ex rota, ad 20 congruos ex cylindro, uti certum est apud Staticos: proinde cum gravitas pistilli, superabilis à 20 congruis aquæ applicatis cylindro, dependeat ex eodem cylindro; unus autem congruus aquæ in situla, suspensus sit ex rota; superabitur gravitas pistilli applicata cylindro *kfeg*, ab uno congio aquæ.

Quinto

Quinto & sexto impedimento (scilicet gravitati aquæ superstantis pistillo H, tam intra tubum MOR, quam intra modiolum EG; ejusdemque resistentiæ, quam scilicet facit dum ex ampliori in angustiore tubū elevatur; & apertioni operculi C, *quod tamen operculum aperitur ab aqua subtus per fundū irrupente,*) assignetur reliquum aquæ situlæ contentæ, scilicet duo congi & semis. Contineantur enim, ex constructione, septendecim congi in tubo MOR, & quinque in modio EG (quantumvis hi in modio, cū non sint altiores superficie aquæ in puteo K, non æquiponderent integris quinque congiis aquæ;) junganturque his alii viginti congi ratione educationis aquæ quinque congi-
 orum ex latiori modio EG, in arctiorem tubum MOR (quæ juxta experientiam non potest expediri pari potentiâ ipsi gravitati aquæ educendæ, sed aliquantò majori, scilicet gravitas ut 11. à potentia ut 13, quemadmodum notavi, adhibito tubo ad semidiametrum modii aperti;) addatur denique unus congius aquæ his quadraginta duobus, pro aperiendo cooperculo C; *quamvis hoc ab alia causa aperiatur, ut insinuat fuit paulò ante*: omnesque hi congi quadraginta tres collecti suspendantur ex cylindro *khfeg*: suspendantur similiter ex rota *rBfp*, habente se ad cylindrum, ut viginti ad unum, congi duo & medius: æquiponderabunt hi duo & medius ex rota, aliis quinquaginta ex cylindro. Proinde cū non sint præterquàm 43. congi in cylindro; his 43, illi 50 in rota prævalebunt.

Ideoque omnes congi quatuor & semis in situla, prævalebunt omnibus impedimentis, quæ eam morari possent, descendetque situla versus puteum K, ex conditione aliorum gravium, quæ suspensa ex rotis, si fortiora sint impedimentis, abripiunt secum rotas, & feruntur deorsum non aliter, quàm si stateræ aut vecti ex inæquali à sustentaculo distantia æquilibratis, ad extremitatem, longiorem addatur pondus: sicut enim in stateris & vectibus feruntur deorsum pondus, ita ex rotis; cū rotæ supra cylindrum nihil sint aliud, præter stateras sive vectes, ad inæquales portiones ex sustentaculis suspensi, uti alibi demonstro, & quivis experiri potest.

Nota hîc primò, quod te perplexum redderet posset, aquam illam quæ elevato pistillo H, & cooperculo C modiolî EG aperto, irrumpit per fundum modiolî, nullâ vi egere suctivâ, vel tractivâ, quia recedente à fundo pistillo, & elevante cooperculum C, aqua per tres semipalmos sponte illabitur in modiolum, ad obtinendam æqualem altitudinem cum aqua putei K multò altiori : *vel potius, pistillo elevato, aqua modiolum circumstans pressa ab incumbente aëre, aperit operculum C, & irrumpit.*

Nota secundò (quod & in Prolegomenis Hydrostaticis demonstro) aquam per compressionem non posse sursum pelli ad aliquam definitam altitudinem, per qualemcunque sive magnâ, sive parvâ diametri tubum, nisi pistillo æquiponderante toti cylindro aqueo ita crassò, atque pistillum, & paulò altiori quàm sit altitudo definita tubi, per quem aqua ejicitur. Quare nullâ rotâ, aut vecte, eadem quantitas aquæ seipsam exprimere potest sine artificio, quo utor. Hoc autem in evectione aquæ per pistillum, sustinentem aquam supra se, non contingit : Non gravitat enim aqua contenta in modio supra pistillum, dum ab eo elevatur, quantum totus cylindrus aqueus, æquè crassus atque pistillus, & æquè altus atque tubus ; sed aliquantò plus se ipsâ collectâ : cujus excessus necdum certam universalem observavi regulam. *Hujus Assertionis videor mihi habere demonstrationem certam, quâ alibi DEO faciente dabo.*

Nota tertiò, aquæ coextensæ ad longitudinem tubi nihil accedere gravitatis : tantundem enim gravitare extensam, quantum collectam, probat experientia. *Eadem tamen aqua tubi longitudini seu altitudini coextensa, aliam aquam in tubo conjugato existentem plus premit, quàm si collecta sit, uti experientiâ constat.*

Secundum membrum Demonstrationis.

Quantum ad secundum membrum Demonstrationis, quòd nimirum situlâ P descendente supra puteum K, ascendant aquæ congii saltem quatuor & semis, per tubos MOR, & QV, in receptaculum g ; Dico, ostensum esse proximè, majorem esse

potentiam fitulæ P, omnibus impedimentis : quorum ultima tria erant, 1^{mo}. aqua contenta supra pistillum H, in modiolò EG, & tubo MOR; 2^{do}. pistilli gravitas; 3^{tio}. apertio cooperculi C, in fundo modioli EG. Proinde descendente fitulâ P, simul & cooperculum C aperietur, & pistillum elevabitur ad tres semipalmos, elevabitque secum supra se aquam, modiolò EG & tubo MOR contentam : sunt autem quinque congii in modiolò supra pistillum H, qui ascendente pistillo cedere illi debent loco; & cum deorsum cedere non possint omnes quinque congii (impedit enim clausum pistillum) sed ad summum unus tantum semicongius inter convexitatem pistilli H, & concaviratem modioli EG, furtivè elabatur, ex imperfecta constructione pistilli; recipient sese intubum MOR, sibi patentem, congii saltem quatuor & semis, jam antea impletum usque ad Q, ejicientque totidem alios congios, qui sub Q continebantur tubo MOR: ascendere enim aqua non possunt inferiores in tubum, nisi aliæ superiores excedant ex tubo in receptaculum g. Ergo descendente fitulâ P, supra puteum K, ascendent aquæ congii saltem quatuor & semis, per tubos MOR & QV, in receptaculum g. quod erat demonstrandum.

Tertium membrum Demonstrationis.

Quantum ad tertium, fitulam nimirum in termino descensus supra puteum K cum impetu everti & aquâ evacuari; hoc patet experienciâ, & declaratur. Cum fitula P ejus sit figuræ ex constructione, quæ facilimè evertitur, & emota loco magis ac magis augeatur in gravitate; partim ex eo quòd pistillum H, descendente fitulâ, excludat continuè plus aquæ sese gravantis, ex modiolò EG, minùsque renitatur rotæ r B *sp* tractæ à fitulâ P onerata, non sine aliquo incremento impetus, quem fitula P acquirit in descensu, & rota r B *sp* in motu; partim quòd semicongius aqua in fitula, deputatus ad superandum frænnum rotæ r B *sp* (hoc est, pondus \tilde{a} , vectis *ua Wnt*) jam sufficienter onerata ad lentum descensum, ubi primùm vectis deprimi cœperit, convertat suas vires ad convertendam celerius rotam, uti deduxi fu-

sius

fius Num. XXVII. Partis secundæ: Cùm inquam sicula P magis crescat in gravitate; continuò majorem acquireret impetum in descensu; qui *impetus* offendentem in funiculum W O Z evertet, & evacuabit. Nec opus est multis, quòd globus T, in cylindro A T, situlæ P, si adhibeatur, juvet multum suo impulsu everfionem situlæ, & aquæ evacuationem. Certè facienti experimentum Machinæ, sæpius videre contigit, tanto cum impetu everti situlam conicam, quatuor congiorum aquæ capacem, non ita commodam ad everfionem, atque hæc est prismatis; ut intra moram quam in loco everfionis faciebat, priusquam à contrapon-dio SS retraheretur, aliam similem quantitatem aquæ ejicere potuisset.

Quartum membrum Demonstrationis.

Quartum membrum Demonstrationis, situlam nimirum, evacuata, post everfionem redire ad receptaculum g, ejusque portulam q aperire, atque impleri aquæ congiis saltem quatuor & semis; constat ex constructione. Quia contrapon-dium SS ad hoc adhibetur, ut valeat situlam vacuum reducere sub receptaculum g, & cruce o elevare vectem o: qui elevatus, aperit portulam q, tam diuque detinet apertam, donec sufficienter per canalem d y aquis repleta situla, descendere incipiat versùs puteum K, demissoque funiculo o q aperiente portulam q, eandem claudi sinat.

Quintum membrum Demonstrationis.

Quintum membrum Demonstrationis, quòd nimirum in Qreditu situlæ P, pistillum H descendat versùs fundum medioli E G; & quòd permutet locum cum quinque congiis aquæ, qui in ejus locum intraverant per fundi foramen C, dum elevaretur, transmittendo eos per suum foramen, quo in medio aperitur; patet. Nam redeunde sursum situlâ, necesse est revolviro-tam r B s p, & cylindrum k h f e g, adeoque catenulam f e d d relaxari ex cylindro k h f e g, ita ut suo ponderi planè relinqua-tur pistillum ex ea dependens; quod ex constructione tantum

esse debet, etiam auctum pondere W, ut sponte descendat intra modiolum. In reditu ergo fitulæ pistillum descendit. Rursus quia pistillum intra modiolum habet se per modum corporum, demersorum in aqua; sicut illa, dum merguntur, permutant locum cum aqua, gravi nimirum ad fundum tendente, aquâ autem ad altiora assurgente (uti experieris, si orbiculum plumbeum, vel ferreum, in centro perforatum, implentem aliquod vitrum, aquam continens, in eam deprimas;) ita & pistillo descendente, ascendet aqua, per cooperculum ejus I, supra ipsum.

Et hæc erant demonstranda de motu Machinæ perpetuo.

COROLLARIA.

EX dictis Inferes I. non esse impossibile, ut unum pondus minus artificiosè recuperet majus: seu, posse accommodari duo pondera, ut unum altero alternatim sit levius, & gravius. Quod omnino ad exhibitionem motûs perpetui requisitum est. Ita fitula P, cum contrapondio SS, hanc admirandam servant pugnam.

Inferes II. pondus in motu sine ulla diminutione posse effici levius. Hoc enim patitur pondus \tilde{N} , dependens ex brachio Næ vectis *« a Wnt.*

Inferes III. pondus posse evadere gravius in descensu, sine additione ullius ponderis. Sic enim fitula P impleta, acquirit majorem gravitatem, quò humilior descendit.

Inferes IV. quomodo grave commissum cum altero gravi, possit deponere & assumere alternatim gravitatem. Hoc enim fitulæ inversione & impletione contingit.

§. VIII.

COMPENDIUM.

Constructionis & coordinationis Machine, ac modi animandi eam ad motum inchoandum.

Desiderium non fatigandi exercitatos & valentiores ingenio præ-

præmissâ longâ constructione, coordinatione & animatione Machinæ ad motû ipsâque Demonstratione satis prolixâ, sequens Compendium à me impetravit. In quo si quid ad plenam artificii Machinæ captum desideraverint alii, ex superioribus suppleant.

I. Puteus K, sex palmos altus, impleatur ad quatuor palmos aquâ, ut demergat modiolum EG usque ad M, irrumpatque sponte aqua per C in locum pistilli H, quoties illud elevatur.

II. Modiolus EG, elevato pistillo H, admittat aquâ, in locum C, per cooperculum C, congios quinque: descendente autem pistillo H versus C (quo tempore aperitur ab aqua compressâ in C, cooperculum I,) aqua commutet locum cum pistillo, transeundo supra pistillum, per cooperculum ejus I apertum.

III. Tubus MOR solus, ab M usque ad tubulum QV, contineat aquâ congios $16\frac{1}{2}$; vel pro faciliori captu demonstrationis, integros 17. Si etiam plures congii usque ad 22 assumerentur, nihil obessent morui Machinæ.

IV. Tubus MOR, & Modiolus EG, simul admittant aquâ congios 22.

V. Elevatum pistillum H, descendente situlâ P, expellat ex modio EG, in tubum MOR, & ex hoc in receptaculum g, congios aquâ saltem $4\frac{1}{2}$, relicto uno semicongio, qui fortè intra convexum pistilli, & concavum modioli, furtivè se se subduceret, ob imperfectionem pistilli, non implentis exactè modiolum.

VI. Clausa portula q, receptaculi g, nihil dimittat aquâ. Per apertam autem (quod fit, dum crux o sublevar vectem, *forte 20*, retinentem ex funiculo 29 portulam q,) effluant in situlam P, per canalem dy, congii saltem $4\frac{1}{2}$.

VII. Per trochleam ad, circumducta catenula D daef obvoluta cylindro khfeg, sustineat hastam DQNI, & pistillum H, graveturque cylindrus khfeg congii 63. aquâ: scilicet depurando primò congios 20. gravitati pistilli, cum hasta DQNI, & pondere W, itemque resistentia quam affert potentia se se moventi intra modiolum: secundò congios 22 assignan-

Kkkkk 3. do.

do gravitati aquæ contentæ in tubo MOR, & modiolò EG simul: *tertiò* congios 20. addendo (quantumvis tot non requirantur) ad superandam difficultatem occurrentem in compulsionè aquæ ex modiolò EG in tubum MOR arctiorem ipso modiolò quinquies: *quartò* unum congiu pro aperiendo cooperculo C fundi modioli GE; *quamvis hoc non sit necessarium, quoniam dictum cooperculum ab alia causa aperitur, ut supra insinuatum fuit.*

VIII. Rota rBfp, semipalmarum 60 in circumferentia, ad cylindrum khfeg semipalmarum 3 in circuitu, habens proportionem sicut 20 ad 1; sustineat situlam P, per fila ferrea VΛZ descensuram; & contrapondium SS, quod vacuæ situlæ P præponderet, & eam reducat sub receptaculum g; ab impleta aut situla P semicongio aquæ superetur, & evehatur sursum.

IX. Vectis uWnt, rotam rBfp sufficienter gravatam aquâ, in situlam P affusam, ut situlæ resistere non possit, quin ejus pondere abrepta convertatur, sustineat tam diu, & refrænet pondere ñ, ex tigillo Na vectis uWnt appenso, donec priùs addatur situlæ semicongius aquæ, qui situlam P expetitam à refrænatione vectis, cum impetu deferat deorsum; & impingentem in funem ZOM evertat, & evacuet juxta fusiùs declarata puncto 3. Demonstrationis.

X. Situlæ fundus sic alligatus ex fune ZOM, qui eam non sinat attingere aquam putei K, sed retractam evertat.

XI. Sic coordinatâ Machinâ, impleatur tubus MOR, & Receptaculum g, aquâ; eleveturque vectis fottss, ut aperta portula q per canalem dy dimittat aquam in situlam P: Quæ gravata descendet versus puteum K, trahetque sursum pistillum H, & cum eo aquam educet in receptaculum g. In descensu impinger in funem ZOM, & evertetur: eversa, retrahetur à contrapondio SS, sub receptaculum g. Pistillum interea descendet; crux o, ut priùs, elevabit vectem fottss, aperietque portulam q; & aqua ex receptaculo g iterum onerabit situlam, aptabitque ad decensum ut priùs; omniaque eodem modo succedent in infinitum.

§. IX.

COMPENDIUM

*Demonstrationis motus perpetui per hanc
Machinam.*

IN hac demonstratione ostenditur, fitulam suspensam ex rota constructæ Machinæ, evadere nunc leviolem; ascendereque & descendere alternatim perpetuò.

Situlam vacuum P esse leviolem contrapondio SS, adeoque si descenderit, recuperatam à contrapondio SS, ascendere; certum est ex constructione, per octavum punctum Compendii constructionis.

Quomodo efficiatur gravior, & descendat, moxque depositâ gravitate ascendat, jam ostendo.

Detentâ fitulâ vacuâ P deorsû *prope puteum*, impleatur aquâ tubus MOR, usque dum fundere incipiat aquam per tubum QV, & receptaculum g usque ad summum *impleat*. Tum dimittatur liberè fitula P, ut à contrapondio SS revocetur (per punctum 8. Compendii constructionis) ex constructione sub receptaculum g; cruxque o (per punct. 6. Comp. construct.) occurrens vecti *fortis*, elevet alligatam sibi portulam q; communicetque fitulæ P, per canalem *ex q*, ex aqua contenta in receptaculo g, congios $4\frac{1}{2}$ (quod ex tubo MOR evertere seu ejicere debet pistillus H unâ elevatione) per punct. 5. Compend. constructionis.

Dico, quòd fitula P, onerata congiiis $4\frac{1}{2}$ aquæ, evadat gravior omnibus impedimentis, descendatque versus pureum K. Sunt enim impedimenta, quæ fitula descendens superare debet, *Primò* contrapondium SS, per punct. 8. Comp. constr. *Secundò* vectis *Wnt*, per punct. 9. Comp. Constr. *Tertiò* pondus applicatum cylindro, æquivalens 63 ad summum congiiis aquæ, per punct. 7. Comp. constt. Non esse plura, ex constructione & experientiâ notum est. Horum autem impedimentorum prima duo supe-

rat

rat situla uno congio aquæ impleta, per 8. & 9. punct. Compend. constructionis tertio verò impedimento prævalere, dum reliquis tribus & semicongio aquæ gravatur, sic demonstro. Quoniam enim ita se habet potentia ex rota, ad pondus ex ejus cylindro, sicut cylindrus ad rotam, uti certum est apud Staticos, & facile quivis experiri potest, demonstraturque in pleno meo Opere: habet autem se cylindrus *k h f e g*, ad rotam *r B f p*, (per punct. 8. Compend. construct.) ut 1 ad 20; congii $3\frac{1}{2}$ in rota, æquiponderabunt 70. congiis in cylindro: quia sicut 1. ambitus cylindri, ad 20. rotæ ambitum, ita congii $3\frac{1}{2}$, ad 70 congios; seu facilitatis gratiâ, ita 7 semicongii, ad 140 semicongios. Ergo cum (per 7. punct. Comp.) non sit in cylindro pondus majus, nisi æquivalens 63. congiis ad summum; superabitur hoc pondus à pondere applicato rotæ, quod potest 20 congios, scilicet ab aquæ congiis tribus & semis contentis in situla; adeoque omnes congii quatuor & semis, in situlam infusi, ex receptaculo *g*, prævalebunt omnibus impedimentis quæ situla superare debet, ut evadens gravior descendat. Quod erant demonstrandum.

Quando autem amittat tantam gravitatem, & evadat levior contrapondio *SS*, constat ex Compendii Constructionis puncto 9. alibi fusiùs deducto. Vectis autem *u a W n t* efficit, ut cum impetu situla descendens, & impingens in funem *Z O M* evertatur, & aqua evacuetur, uti patet experientiâ; evacuatam autem evadere leviolem contrapondio *SS*, jam ostensum est puncto 8. Comp. Constructionis.

Sit adhuc ostendendum, quòd situla *P* nunc gravior, nunc levior, descendat & ascendat alternatim perpetuò.

Impleta situla *P* aquæ congiis $4\frac{1}{2}$, non potest pendere sub receptaculo *g*, quin descendat, uti proximè demonstratum est: nec descendere, quin situla quidem evertatur, uti item declaratum, & proximè ex constructione, & constat experientiâ; pistillum autem *H* educat aquæ congios $4\frac{1}{2}$, per punct. 5. Comp. Nec evacuata subsistere deorsum, quin à contrapondio *SS* recuperetur statuatur, & sub receptaculo statuatur, per punct. 8. Comp. Nec statui sub receptaculo, nisi crux *o* aperiat portulam *q*

rece-

receptaculi, per punct. 6. Comp. Nec aperta stare portula, nisi situla P sufficienter oneretur, per punct. 6. Comp. Nec onerata pendere sub receptaculo, quin descendat ut prius (quod proximè est demonstratum.) Ergo cum omnia necesse sit eodem ordine colligata semper succedere; situla descendet & ascendet alternatim perpetuò. Quod erat demonstrandum.

Et hæc interim pauca, è multis, quæ scitu digna in Staticis & Hydraulicis paravi, sufficiant.

AD DITAMENTUM

ad facilitandum precedens motus perpetui

Experimentum.

ELapso trium mensium spatio à primis litteris, suprâ initio hujus Capitis tertii allatis, has alteras adjecit Auctor Leopoli in Prussia Alba Polonici regni; queis Modum seu Praxin facilitandi Experimentum motus perpetui hætenus expositum ac demonstratum, à se recentissimè excogitatum, communicat his verbis.

Reverende in Christo Pater,

Pax Christi.

Tertium mensem exulo Cracoviâ, variasq; erro per urbes, quò negotia Procuratoris Provincia vocant, Silentii mei longioris hac unica causa. Turbatis rebus Polonia ex peste universalis &c. mori magis placet, quàm agere aliquid. Ago tamen ex memoria in motu per vias; & quod nuperrimè occurrit ad facilitandum Machinæ prioris Inventum, occasione alterius (quam duo globi perpetuò ascendentes & descendentes alternatim agitant, necdum experientiâ probata) Reverentia Vestrâ communico.

Receptaculum B suspendo ex veste sff, & superpono vas d d Vide Iconism. XII. Fig. II.
clausum, cum collo d, & cum diabete d d, quod excipit aquam ex
tubulo V. Inventum hoc affert commodi, quod hasta DL defrens
Lllll

rens pistillum, quæ in priori Invento comprimebatur, & intrudebatur in tubum QO, pondere TW, etiam in eductione pistilli permanente; hac industria non oneretur alio pondere in extractione, quàm solius vectis Sff, & situla vacua Q; in intrusione autem, comprimitur duplicato aqua pondere contenta in receptaculo Q (extento spatio Sff, vectis potest triplicari, & quadruplicari) ex quo non prius incipit aqua descendere in situlam P, quàm sufficienter oneratum receptaculum Q, prævaleat compressioni hastæ Z, & descendat versus situlam P. Hæc dum communico, iudicium Reverentiæ Vestræ humillimè depono, si digna censet luce Sanctissimis sacrificiis & orationibus R.^a V.^a me plurimum commendando. Leopoli in Polonia festinanter, 6. Novemb. 1662.

R.^a V.^a

Servus in Christo

Stanislaus Soliski, S. J.

§. XI.

Nota & Crisis nostra in præcedentem motus perpetui Machinam.

I.

Hæc est Machina perpetui ac indefectibilis (si artificium spectemus, & technasmatæ theoriam) motus, sanè per quàm ingeniosè coordinata, clarè ac distinctè explicata, doctè ac solidè demonstrata. Expendi omnia sedulo, & ad Physicæ, Staticæ, Hydrostaticæq; leges accuratè, pro ingenii modulo, examinavi; nec deprehendi quidquam quod iis non congruat, suppositâ aliquarum operationum, de quarum successu dubitari poterat, experientiâ ab Auctore factâ, tametsi in alia rudiori, huic tamen simili Machina. Paucula quadam, quæ scrupulum injicere alicui possent, sed facilem solutionem habent, & facile emendantur, hîc notare placet.

II. Primum est. Illo temporis spatio, quo situla P. postquam descendit ad puteum K, ibidemq; evacuata fuit, reducitur sursum à contrapondio SS, elevatog; vecte ffottz, & portulâ V apertâ iterum repletur è receptaculo Q, per tubulum qp; illo inquam temporis

temporis spatio, antequam iterum descendat situla, necesse est ut pistillum H descendat usq. ad fundum modioli, locumq. commutet cum aqua, quæ est in spatio C inter pistilli & modioli fundum. Dubitari potest, utrum durante illo tempore, quod satis breve videtur esse, possit pistillum penitus descendere usq. ad fundum. Ratio dubitandi est, quia quinq. congii aquæ qui sunt in spatio C, inter fundum pistilli & fundum modioli, debent per arctum & tubiforme foramen in medio pistilli transire, & ascendere supra pistillum, suoq. ascensu debent elevare totam aquam quæ est in tubo MOR, à cooperulo I pistilliferè usq. ad tubulum QV: quæ aqua quia tubo MOR coextensa est, & sat is longi perpendiculi, utiq. gravissima est, saltem longè gravior quàm si collecta esset supra dictum cooperculum I. Itaque cum pistilli foramen arctum sit, & pondus aquæ pistillo superstans resistat ascensui aquæ per dictum foramen; non potest tam brevi temporis spatio tota ascendere supra pistillum. Interim autem repletur penitus situla P, iterumq. descendit, & elevat pistillum antequam habeat supra se quinq. congios nova aqua; ideoq. non potest nec jam, nec postea elevare & ejicere è tubulo QV totidem congios. Deficiente autem aqua, deficiat necesse est motus situla, actotius Machina.

Sed hic defectus, si interveniret, facile habet remedium, si nimirum Primò foramen pistilli fiat laxius, ut plus aqua transeat, & in transitu minùs arctetur: Secundò, si tubulus QV fiat strictior, ut minus aqua ejiciat, cogaturq. situla diutiùs herere infra ipsum tubulum & receptaculum, antequam penitus receptis $4\frac{1}{2}$ congiiis impleatur. Taceo alia remedia quæ adhiberi possent.

III. Secundum est. Impedimenta aliqua aqua situla P debet superare ut descendat, possunt cum tempore crescere, & evadere insuperabilia à pondere situle. Nam propter aqua continuò agitata vapores ascendentes, rubiginem contrahunt poli g & k cylindri, axis trochleæ ad, axis ff vectis fTS, axis M vectis au Mnt, fila ferrea ZA, foramina auricularum situla, aliag. similia. Item foramen medium pistilli, & cavitas tubi MOR, contrahunt mucum cum tempore, & coarctantur, ideoq. minùs facilem transitum concedunt aquæ. Taceo alia.

Sed responderi potest Primò, decrefcere etiam cum tempore difficultatem, qua pistillum intra modiolum ascendit & descendit, & sic fieri compensationem. Secundò, rubiginem non facile contrahi posse in dictis polis & axibus, cum Machina sit in continuo motu: non enim cessat à motu, nisi interveniant istiusmodi impedimenta; quatenus non facile interveniunt, nisi cesset Machina à motu. Tertiò, hæc & similia impedimenta nil derogare artificio, & per accidens conjuncta esse, nec in ulla Machina excogitabili evitari posse.

IV. Hæc sunt quæ occurrunt. Aliis alia fortassis occurrent, de quibus moneri cupio. Solum moneo hic, quod etiam in superioribus aliquoties monui, difficultatem in aperiendo cooperculo C, quod est supra fundum modioli, non debere superari à situla P descendente, sed ab aqua subtus ingrediente: dum enim pistillum elevatur, & inter ejus fundum ac fundum modioli relinquitur spatium vacuum; aqua extrinseca, pressa à superincumbente aëre, juxta demonstrata supra Par. 1. lib. 4. molitur ingressum intra spatium illud vacuum, & ideo visu suo aperit cooperculum facile aperibile. Quòd si majus esset pondus dicti cooperculi, quàm aëris aqua externa superincumbentis, nunquam aperiretur. Itaq; nec metu vacui aperitur sponte, ut Peripatetici dicerent fortassis; nec tractum à pistillo recedente, & sursum à situla tracto; nec ab alia potentia Machina conjuncta.

Habes meam mentem, Lector. Si doctiores suum quoque calculum adjecerint, nationi Polonica debetur reperti Motus perpetui, à viginti & amplius sæculis quaesiti gloria.

CAPUT V.

Machinamentum Polonicum alterum Motus perpetui purè Artificialis.

Motus perpetui purè artificialis Machinamentum Polonicum alterum. **I**Ta naturâ comparati sumus, ut cum in rebus ab Arte perficendis non nisi oculis nostris credamus, ab arduis atq; implexis aggreudiendis labore & sumptu deterreamur, ad levia ac facile parabilia curramus sponte. Est Technasma præcedens, ut ipsemet Auditor non diffiteatur, tam factum arduum, quàm ingeniosum. Quare donec faciliorem, quæ promittit idem, copia nobis fiat, aliud interrim

terim nec intellectu difficile, nec factu operosum damus, in quo suam Curiosus & Ingeniosus, si allubet, probeat industriam. Auctor est Amicus, qui allata suprâ cap. 2. & 3. Motus perpetui Physico-Mechanici Machinamenta submisit. Huic, cum scirem, ante non paucos annos in mentem venissè ideas nonnullas Motus perennis Artefacti, quarum & semina quædam inter Opera mea, & schemata inter schediasmata extant, Auctor fui ut unicam saltem quam veller, Polonico præcedenti subjungendam, vel extemporali scriptione ac demonstratione explicatam, si accuratiorem occupationes aliæ, & tempus sanctiori studio additum non permetterent, communicare non dedignaretur; spe factâ, fore ut alii ad his similia majori conatu ac studio eruenda excitarentur. Fecit, sed timidè, non nescius istiusmodi si experimento destituantur, vix pretium obtinere vel apud æquissimos istarum rerum iudices. Hanc ergò ideam, quam ipse Paradoxum Mechanicum appellat, dum luci expono publicæ, dum doctiorum præstolor iudicium, post tabulam latere voluit Appelles, donec amotâ cortinâ liceat aliquando in publicam prodire lucem. Sic ergo discurrit Amicus.

§. I. Machinamentum proponitur, ejusque constructio & motus declaratur.

AB ipsius studii mei Mathematici incunabulis, & ex quo primum mihi contigit intellexissè, desiderari in re Mathematica, multorumque studio & operâ pervestigari indefectibile quodpiam, Motus perennis Artefacti Principium, nullam propemodum, quietem capere potui, quin in eo ex intimis Artis Mechanicæ recessibus, si qua via pateret, eruendo, indefesso mentis animiq; conatu desudarem. Compendiosissima methodus eum consequendi finem visa mihi est Ars Combinatoria, cujus etiam specimen, videre est in Analectis Encyclopædiæ P. G. Schotti: Huic primum præsentis Systematis inventio suam debet originem, tum verò illi Machinæ, quam P. G. Schottus in sua Mechanica Hydraulico-pneumatica Par. 2. Class. 2. Machin. 8. Ctesibiam appellat, eandemq; à P. Valentino Stansel aliquatenus reformatam, & à Jacobo

de Nigro ponte in amœniore sua Fontium Philosophia descriptam, rursus idem P. Schottus Magiæ suæ Par. 3. lib. 6. Machin. 3, sub Antliæ Pragensis nomine proponit, & examinat. Mihi verò in ea Machina displicuit illud inprimis, quòd Aqua per Antliæ pressionem in altumeducta deriveretur in Rotam aquaticam, maximo cum Potentiæ dispendio, quæ aliàs in unum collecta, licet non circulari, sed libratorio motu, sibi nihilominus æqualem, aut etiam multò maiorem Aquæ copiam elevatura mihi videbatur. Et hæc consideratio me tandem deduxit ad expendendas Liquidorum gravium pressiones, hæcenus à nemine, quod sciam, demonstratas; quas cum mihi nunc per alia negotia non licuerit accuratius expendere, id opportuniori tempore, favente DEO, non intermittam. Interim Pragensis illius antliæ Epigraphæ mihi nunc calcar addit, ut in hoc meo machinamento pari, si non potiori jure, quærere audeam, *Quid si sic?*

Vid. Iconism. XIII

Technasma. Sint duo Receptacula A & B stabilia & firmata in aliqua trabe A S V B, à qua sustentur in sublimi, mediante fulcro quodam K N. Exterior Receptaculorum figura, patet ex Iconismo, & dicendis: interior constat artificio Diabetis vel cœci, vel recurvi, sic aptati, ut impleto Receptaculo ad summum, totus Liquor effluat per Diabeterem.

II. Fiant duæ Situlæ C, & D, Receptaculis illis ferè similes, suis quoque Diabetibus instructæ. Differunt à Receptaculis solo catino vel conchâ patulâ, quæ collo sitularum adaptatur idèò, ut Liquor è sublimi decidens promptius excipiat; & ob causam infra dicendam.


III. Prædictæ Situlæ affiguntur lateribus parallelogrammi oblongi I K L M N O, quod constituunt duæ Libræ I K L & M N O liberè mobiles non tantum in punctis K & N ut centrīs, sed & in angulis I, L, M, O.

IV. Inferiùs exstruitur amplum quoddam G H Receptaculum, implendum Mercurio, Aquâ, vel alio Liquido gravi: in ejus fundo firmanur duo Modioli E & F, è quibus alternatim per pistilla P E, & Q F exprimetur Liquidum, ut per erectos Siphones E T V, & F R S deriveretur in Receptacula A & B.

V. Uterque



SIC TANDEM MOTA PERENNA



V. Uterque modiolus in fundo instruitur Platismatio, admittente Liquidum subintrans, & ab Embolo. pressum occludente. Similiter & uterque Siphon erectus debet habere inferius alicubi Platismatium, ut in R & T, quod Liquidum per Siphones ascendere permittat, vetet descendere.

VI. Quoniam Pistilla in Modiolis absque magna resistentia moveri, Liquidumque exprimere oportet, fiat intra Modiolum rigidum alius plicatilis è corio, explens utcunque capacitatem, modioli, & tantum Liquidi capiens, quantum Receptaculum vel Situla, aut etiam paulò plus.

VII. Huic folliculo vel vesicæ, Cylindri aut Parallelepipedi formâ præditæ superius adaptatur fundus Orbicularis vel quadratus, in quo firmabitur hasta Pistilli, cujus altera extremitas connectitur cum parallelogrammo in P. & Q.

VIII. Postremò Sicularum C & D collum eo artificio construendum erit, quod supra hoc eodem libro cap. 2. §. 1. Num. 22. in Situla Y descriptum est: ita videlicet, ut dum Situla C impletur ex Receptaculo A, non impleatur ipsius collum usque ad summum, alioquin in descensu Sicularum per Diabetem Liquor efflueret, quod præcavendum est; sed recipiatur non parum Liqueoris in Catino superius, ex quo postea, ubi Situla descenderit deorsum, laxato quodam orificio, ex Catino primum effluat in collum, & consequenter tum primum per Diabetem Situla exonerari incipiat. Videatur citatæ Prop. Num. 22. & 23.

Motus. Postquam Receptaculum A fuerit ab extrinseco impletum Liquore gravi, effluentis per Diabetem Receptaculi in subjectam Sicularum C, cujus tamen pars reservabitur in Catino Sicularum, ut dictum. 2. Situla C tam Liquidi contenti pondere, quàm vestis MPN auxilio, mediante Pistillo PE premet fortiter Liquidum modiole E contentum, illudque per Siphonem ET V, exprimet in Receptaculum B; idque tam diu, donec Situla C pervenerit deorsum; ubi reservabitur orificium Catini partem illam Liquidi retinentis, ut hoc effluat in collum Sicularum; impleto enim Sicularum collo, subito incipiet Liquidum per diabetem effluere. Eodem ipso tempore (longiori tamen) ex Receptaculo B elevatum pressione Liquidum defluet in subjectam.

D. Si-

D situlam, sub ipso B Receptaculo existentem. 3. Prædicta D situla postquam impleta fuerit ex Receptaculo B, descendet; eodemque modo quo prior ope vectis O Q N, & pistilli Q F, expellet Liquidum ex modio F per Siphonem F R S, colligendum in Receptaculo A: atque sic deinceps. 4. Quando pistillum aliquod attollitur à fundo modii subintrat Liquidum per Platismatium modii in ejus fundo aptatum: Interim Liquor in erecto Siphone, ad eundem modium pertinente contentus, detinetur ab alio plismatio R vel T.

§. II. Demonstratio Motus perpetui per prædictum Machinamentum.

PRO Demonstratione Motûs & Potentiarum Motricis ac Resistivæ.

Observo I. In elevatione Gravis liquidi per Pressionem, Potentiam moveri sursum vel deorsum.

II. Hoc alterutro motu à Potentia impelli posse vel Pistillum stante modio; vel hunc, pistillo consistente.

III. In his universim, si Potentia feratur deorsum & exprimat Liquidum, Compressionem nuncupo; si sursum, Appressionem.

IV. In omni Compressione, pondus ipsius Liquidi pressi sustentatur ab alia Potentia, & à Pressiva tantum premitur; at in Appressione utrumque fieri debet ab eadem apprimente seu elevante Potentia.

V. Liquidum in altum exprimi seu elevari posse, vel per eundem Tubum cujus inferior pars modii vice fungatur, ut in Fig. 4. cernitur: vel per alium Siphonem modio connexum, ut in Fig. 1. & 2: vel per ipsum Pistillum, simul tubi vices obiens, ut in Fig. 3.

VI. In Appressionem agitatio pistilli aut modii fieri potest vel exterius per duas hastas utrinque, ut in Fig. 2. & 3; vel interiorius, hastâ unâ per ipsius tubi medium transeunte, quemadmodum in iisdem Figuris 2. & 3. lineæ punctuata referunt.

VII. Patet ex dictis, & harum quatuor Figurarum consideratione, Quatuor modis per Compressionem Liquidum attolli posse, totidemq; per Appressionem.

VIII. Ad

VIII. Ad continuandas ejusmodi pressiones, suppono debita Platismatia, & oclusiones Liquidi dum premitur: ab affricu mutuo Modioli ac pistilli, & hinc orta resistentia abstraho.

Demonstratio Problematis quantis difficultatibus sit involuta, vel hinc colligi potest, quòd hucusque nemo eorum qui Hydrostaticen vel Technicen ex instituto tractârunt, Graviorum liquidorum Pressione elevandorũ, ad Potentiam Pressivam rationes adgressus sit & explanârît; & nihilominus hinc pendet Antliarum pressoriarum ratio, nec non admirandi illius Hydrostatici Phænomeni causa, quo in Balance una libra Aquæ 10. vel 100. &c. Pondo æquiponderat, quâ dere *Stevinus* Staticæ lib. 5. &c. *P. G. Schottus* in Hydraulico-pneu: Par. 2. Class. 1. Machin. 11. Hos Pressionis nodos ego sic dissolvere conabor.

Theorema. Potentiâ Compressiva ad inchoandam Compressionem sufficiens, ad resistentiam in ea superandam debet habere paulò majorem rationem, quàm habeat clausa basis Modioli ad basem apertam sive lumen aut foramen Siphonis: hoc est (quoniam *Cylindri* in eadem altitudine inter se sunt ut bases, per 11. *Duodecim. Elem.*) paulò majorem quàm sit Pondus Liquidi modiolo contenti, minus pondere columna liquida siphonis aequalti, ad hocce Pondus columna Siphonis. Ad continuandam verò & expediendam totam Pressionem requiritur insuper accessio tantæ Potentia, quantum est Pondus Liquidi totâ Siphonis altitudine contenti.

Sit in Fig. 2. Modiolus BC, cujus Basis MN aperta in medio, lumine Siphonis DE. Si igitur Diameter MN Modioli, ad Diametrum Siphonis ED sit ut 4. ad 1. erunt per 2. *Duodecimi Elem.* Bases hæ in duplicata ratione Diametrorum, videlicet ut 16 ad 1. & basis clausa ad foramen, ut 15. ad 1. Quare si Liquidum Modiolo contentum pondus habeat 16. librarum, Cylinder DE æquealtus pendet 1. libram, per 11. *Duodecimi Elem.* Concipiatur jam ex Pistilli A. Liquidum illud sustentantis centro educi linea AS, & alligari uni brachio Bilancis alicujus; tum erit necesse alteri bilancis ejusdem brachio appendere antisacoma 16. libb. pro sustentando Liquido solius modioli; pro sustinendo verò Liquido Siphonis DE, quem concipiamus octies altiore

M m m m m

esse

Vide Iconif. XIII. Fig. 2.

essè modiolò , totidemque Liquidì libras continere , addendæ erunt antisacomati libræ 8. ut sint in universum 24. libb. fietque consistentia utrinque & æquilibrium. Ut jam fiat Elevatio per Appressionem, dico prædictis 24. libb. adjiciendas essè 15. libb. & ampliùs, ut sint universim 39. libræ & ampliùs; Resistentiamque illam ex objectu MN clausæ baseos modioliesse 15. libris æquivalentem sic probo. Si nulla esset, ideoque nihil obfaret hæc clausa basis MN, sufficerent ad elevandas illas 24. lb. Liquidì, totidem libræ Antisacomatis & aliquid ultra; si planè clausa fuisset & impervia basis MN, infinita Potentia non elevasset. Igitur cum eadem basis partim clausa sit, partim aperta, Resistentia ex occlusionè ad non resistentiam ex apertura, aliter se non potest habere, quàm in ratione ejus quod resistit ad non resistens, hoc est, in ratione Baseos clausæ ad apertam. Et hanc ratiocinationis formam in quàm plurimis etiam Staticis exemplis legitimam esse observavi, nec reperio ubi fallat. Atqui spectatâ præcisè ipsâ Pressionis resistentiâ, sicut in Appressionè prædicta, ita perinde se res habet & in Compressione: hoc est si vel in eadem Figura 2, consistente Pistillo A concipiatur Modiolus cum Siphone deorsum impelli à Compressiva Potentia, vel in Fig. 1. consistente Modiolò BC Pistillum A deorsum trudi ab eadem: Ergò cum in Compressione Pondus ipsius Liquidì premendi non remoretur ullo modo Compressivam Potentiam sicut in Appressionè, sola tantùm Resistentia clausæ Baseos MN, cum Pondere Liquoris Siphone F D F contenti, superanda relinquetur.

Vide Iconism. XIII.

Corollarium. Manifestum est stantibus his, Motum perennem Machinæ infallibilem esse. Ponatur enim Diameter Modiolì E ad Diametrum Siphonis TV esse ut 6. ad 1. erit Basis clausa modiolì ad apertam Siphonis, ut 35. ad 1. Quod si altitudo Siphonis TU decupla sit altitudinis modiolì, hic autem capiat Liquidì v. g. Mercurii libras 36. capiet altitudo Siphonis libras 10. Igitur Potentia Compressiva ad superandam Resistentiam Baseos MN modiolì, erit paulò major quàm 35. librarum: quibus si accedant 10. libræ Siphonis TV; erit tota Potentia Compressiva

siva paulò major quàm 45. libb. Ergò cùm situla C ex constructione, contineat tantundem Liquidi, ac Modiolus E, hoc est libras 36: Hæc autem Potentia sive Pondus, quintuplum reddatur ex ratione vectis MN, (in quo Distantia MN plùs quàm quintupla est distantie PN;) æquivalebit igitur Situla C libris 180. Quis jam dubitabit, à Potentia 180. librarum, Resistentiam 45. libb. superandam? cùm præsertim in lubita quacunque Siphonis TV gracilitate & altitudine per varias vectis MPN proportionem hinc ortas, vim illam in infinitum multiplicare liceat. Et hæc est mea ratiocinatio, quæ me non immeritò permovit, ut Paradoxi Mechanici nomine, Curiosis Paradoxæ Matheseos cultoribus hæc proponenda & expendenda putârim. Ex quibus quam admiranda prorsus & hætenus inaudita Statica corollaria deducantur, cum parcissimis hîc verbis uticogar, enumerare supersedeo.

Advertendum esse moneo I. Circa prædictam liquidi compressionem nonnullas in speciem sat difficiles instantias in contrarium opponi posse; quæ tamen in comparatione Demonstrationis antecedentis meritò sunt contemptibiles. Quòd si tamen vim aliquam obtinerent, posset loco Compressionis adhiberi Appressio, juxta modos Figuris 2. & 3. expressos. Atque sic etiam Machina nostra, solo pressiois artificio immutato, finem suum consequeretur. 2. Situlæ & Receptacula Machinæ quò minorem habuerint altitudinem, eò plùs accedet longitudini vectium MPN & OQN. 3. Fundus Receptaculorum Sitularumque nonnihil declivis ac depressus in medio, plurimùm facit ad eorum totales exonerationes per Diabete[m].

Succurrit hîc & alterius longi majoris Paradoxi Demonstratio, magis aperta & indubitata veritatis, quæ sic habet. *Ad datam altitudinem quodvis Grave Liquidum, nullâ ipsius inter evolvendum resistantiâ attollere.* Sed quoniam nunc in ejus propositionis explanatione fusio[m] esse non licet, dum benignitas temporis eam mihi oportunitatem offerat, ego Sphynge[m] agam; Tu, si placet, Oedipe, sub his verborum nodis rem accipe. *Etp. npa. alplme, apupqa. mma. anniah, icmaim. erb. enp.*

Plura differere cupientem, vetat imposita brevitatis necessitas. Illud tamen unicum ab humanissimo Lectore peto, ut si, quod in ejusmodi conatibus non insolens est, in hoc meo machinamento Paralogismum demonstratione vel experientiâ deprehenderit, indicare ne gravetur: certoque sibi persuadeat, eâ grati animi significatione id humanitatis officium accipiendum, quâ genuina Perennis Motûs Demonstratione, alios sibi vellet esse obligatos.

Monitio ad Lectorem.

DE hac Machina, ejusque demonstratione, quid ego sentiam, significavi Auctori per litteras, & alio in Opere, si DEUS vitam dabit, propalabo. Interim Virorum doctorum judicia expecto.

Ceterum Problema, ut dicebam, perquam ingeniosum est, & si theoria praxis correspondeat, multarum inventionum seminarium. Experientiam faciat, cui oleum & sumptus suppetunt. Auctori utrumque defuit. Quare in quibusdam suis ad me hac scribit. Paradoxo meo, quod olim R.^x V.^x properatò trans miseram, Par defuturum (ut sit ἀδύλον, non παράδολον) adeoque solido obelisco dignum esse, more suo διωτέρας φροντίδας edocent: est enim perpessuό, Ut basis Siphonis ad basin Modioli, sic Cylinder liquidipressionē attollendi, ad Potentiam pressoriam; & conversim &c.

Hæc si vera sunt, non video quid peculiare Appressioni.

Solskianæ Machinæ, præ Compressione
sit tribuendum.



LIBER UNDECIMUS.

MIRABILIA MIS-
CELLANEA.

Sive

VARIÆ THEORIÆ AC

PRAXES PHYSICÆ, ET MA-
THEMATICÆ.


PROOEMIUM.



Ubi varias adivêre regiones, multos in-
spexêre hominum mores ac urbium
ritus, eâque observavêre curiosius,
quorum causâ non pauci nostro hoc
sæculo longissima (ut Plinius loquitur) exilia potius
quàm peregrinationes suscipere consueverunt; ubi
domum revertuntur, nil habent antiquius, quàm ut
quæ viderunt, audiveruntque, in amicorum con-
gressibus, seu opportunè, seu importunè, non sine
magna animi voluptate enarrent. Simili me vitio
laborare (si vitium est) inficias ire nequeo. Euro-

Mmmmm 3 pæ

pæ partem peragravi non exiguam, rara & curiosa, inspexi multa ipse, multa aliorum relatu didici; frequens cum viris præclarissimis, & quâ doctrinâ, quâ dignitate conspicuis commercium institui seu coràm, seu per frequentes epistolas ultro citroque missas: nec rarò eorum ex consortio evasi doctior. Quæ didici, tum hoc præfenti, tum aliis hætenus editis Opusculis, communicavi libens Amicis, hoc est, Lectoribus benevolis. Necdum omnia tamen enarravi. Pergam igitur, & quæ ulterius memoriæ occurrunt, quæque Adversaria suggerunt, pertexam liberaliter & sincerè. Erunt fortassis quæ Lectori delectationem, erunt quæ utilitatem adferant. Sin minùs; hac saltem ratione ingrati animi notam à me amoliar, dum eorum nomina, per quos profeci, posteritati commendo.



CAPUT I.

Organum Mathematicum Kircherianum.

Scripsit ad me Viennâ Vir Nobilis & Eruditissimus *Dn. Godefridus Aloysius Kinnerus* (cujus supra initio libri 9. mentionem feci) misisse Româ R. P. Athanasium Kircherum, ad Serenissimum Archiducem Carolum Josephum, scientiis Mathematicis in tenera adhuc ætacula ad miraculum pænè excultum, Cistam ad modum organi pneumatici constructam, & variis tabulis instructam, quæ omnes ferè Mathematicæ Disciplinæ brevissimè ac facilimè miro artificio explicarentur. Petii ab Humanissimo Viro, dignaretur brevibus saltem Cistæ formam, & tabularum argumentum exponere. Petitioni respondit Die 5. Augusti præsentis Anni 1662. hisce verbis, inter alia multa de quibus eâdem in Epistola disserit.

*Organum
Mathema-
ticum Kir-
cherianum.*

Quod vero artificium Organi Mathematici Serenissimo nostro per P. Athanasium transmissi concernit, est illud tot tabellis factum, ut singulas exponere, atq; earum usum docere, integrum Tractatum requireret: substantiam igitur ejusdem solum paucis attingo. Formam habet Organi Musici, à minoribus ad majora loculamenta ascendens; quorum decem continet. Primum & infimum Rabdologiam habet Neperianam, etiam radicum extractionibus deservientem. Secundum includit triplex genus Tabellarum, Geometria seu Dimensionibus inservientium: quorum primum docet altitudinem rei venari ope quadrati ex umbra versa & recta, notaq; distantia: alterum idem aliâ ratione præstat: tertium rursus aliam praxin exhibet, assumptâ aliâ distantia à re mensuranda. Tertio loculamento reperiuntur duplices tabellæ, quibus fortificatio perfici potest: quarum primæ docent Munitiones regulares à quadrilatera ad dodecagonam usq; tum per linearum, tum per angulorum proportionem designare: altera verò proportionem partium Fortificationis quoad molem, sive latitudinem & altitudinem expediunt. Quartum loculamentum pro computo Ecclesiastico serviens, tribus ta-
bellarum

bellarum generibus perficitur: primum unicâ tabellâ quatuor rotarum ope Cyclum solare, Aureum numerum, Pascha, & Indictionem dati anni expedit: altera tabella per Epactas Noviluniorum dies aperiunt: tertii generis tabellarum combinatio Festa mobilia statis mensium diebus pro eo anno designat. In Quinto loculamento tabella distinguuntur in quatuor Classes: quarum prima habet tabellam latam, continentem fundamentum universale Regula Sciatherica: secunda Classis tabella gradus inscriptos continent, qui cuique hora pro certa poli elevatione respondent: Tabella tertia pro signorum lineis designandis adhibetur in Horologio horizontali: quod idem quarta in Orientalibus, Occidentalibus, & Polaribus perficere docent. Sextum loculamentum doctrinam primi Mobilis tradens, quadruplices Tabellas habet: prima serviunt inveniendæ quantitati dierum ac noctium: secunda Ortui & Occasui Solis: tertia Crepusculorum magnitudini ac durationi detegendæ: quarta Declinationibus Solis in quovis Zodiaci gradu investigandis utiles sunt. Loculamento septimo, quod Planetarum doctrina servit, rursus quatuor Tabellarum ordines includuntur: primam constituunt Tabella exponentes motus Planetarum ♄, ♀, & ♃ per annos decem: secundo ordine sunt Tabella, quibus tempora rerum electioni deservientia edocentur, ut quando mittendus sanguis, quando cadenda ligna &c. tertius ordo Planetarum aspectus continet, & quid in inferiori Mundo per quatuor anni tempora efficiant: quartus demum gradum Solis in Zodiaco cuiusvis diei respondentem exponit. Loculamentum Octavum & Nonum Steganographia sibi vendicat, habetq; duplices tabellas occultæ scriptioni deservientes, suntq; tabula illæ numerales in partes sectæ, quas Reverenda Paternitas Vestra in 4. Parte Magiæ suæ Naturalis explicat. Decimum deniq; & ultimum loculamentum ad Musicâ spectat, ubi quinq; diversis tabularum generibus compositio musica præscribitur; nec credo quidquam differre ab ea praxi, quam Musurgia sua P. Athanasius explicat. Hac breviter de Organo, atq; idcirco fortassis obscure; sed tempus revera mihi plus non permittit.

Ex his constar, Organum hoc Mathematicum eadem fere con-

continere, quæ in Specula Mathematica Melitenſi, de qua ſuprà in Appendice ad librum 6. egimus, continentur. Poterit peritus atq; induſtrius Mathematicus ad imitationem utriusq; Machinæ aliam alterutri ſimilem, vel aliâ quapiam formâ conſtruere, ad Principum delectationem, ad doctrinæ compendium, ad docentium atq; diſcentium emolumentum. Fortaſſis & nos ipſi, ſi vitam & vires produxerit Deus, aliquid in hoc genere tentabimus.

CAPUT II.

Conus vitreus candelam aut Lunam in iridem transformans.

Artificii ſequentis inventio debetur R. P. Balthaſari Conrado, illuſtri Mathematico, & ſincero, dum viveret, Amico; deſcriptio verò, prædicto Nobili atque Erudiſſimo Domino Godofrido Aloyſio Kinnero, qui in citata præcedenti capite Epistoſa id ad me perſcribit his verbis.


Dum nuper Dioptrica Reverentia veſtra legerem, animadverti non eſſe illic poſitum pulcherrimum artifiſcium candelam aut Lunam in iridem transformandi, quo Inventorem ejus magnopere delectatum eſſe ſcio. Fuit is R. P. Balthaſar Conradus, Profeſſor meus in Matheſi mihi longè chariſſimus, cujus anima jam in Domino requieſcit. Artifiſcium autem facile eſt. Si enim centro baſeos conſi vitrei bene politi applicetur oculus, axe interim conſi ad flammam aut Lunam tendente; tum oculus nil quidem de Luna flammave advertet, ſed loco earum vivaciſſimam iridem integro circulo circumductam videbit; quod cauſam ignorantibus haud modicam admirationem cauſabit. Author quidem requirit ad hoc priſma inflexum, & quale Doct. Iohannes Marcus Marci in ſuo de arcu cœleſti libro, ubi etiam de hoc ipſo artifiſcio non nihil inſinuare videtur, vocat trigonum armillare; verùm ſufficit conus, eundemq; effectum præſtat, ut frequenter vidi: confecit enim Dn. Gervafius Mattmüller, inſignis in arte Tubifactoria magiſter, hortatu meo plures ejusmodi conos vitreos, qui inſigniter operantur; quorum olim

defectu in vitris conicis pоторis aquâ repletis experimentum ut cum 3 commodum capere solebam. Hæc ille.

Iridis hujus causæ utique eadē sunt, quæ solaris ac Lunaris iridis, refractionis nimirum luminis transeuntis per medium, seu ejusdem medii partes, diversæ densitatis. Partes enim extremæ circumferentiæ basis coni vitrei (seu solidi, seu cavi & aquâ pleni) viciniores, sunt minùs densæ, quàm sequentes versùs axem & hæ minùs, quàm axi proximæ: hinc lumen per extremas illas partes transiens, atque refractum obfuscatur quidem, sed minùs quàm lumen transiens per secundas, & adhuc minùs quàm per tertias transiens. Primæ igitur tingunt lumen transiens, atque ob refractionem circumquaque sparsum, colore rubro, secundæ flavo, tertiæ viridi. Nimirum quò magis partes coni refringentes lumen recedunt à perfectâ diaphaneitate, & magis lumen inficiunt, atque obscuriori colore tingunt. Scio de Iride scripsisse duos Auctores nominatos, *Dn. Marcum Marci*, & *P. Balthasarem Conradum*; at neutrius lucubrationes ad manus meas pervenerunt. Edidit quoque de Iride libellum exiguum Matheseos è Societate nostra Professor in Vilnensi Vniversitate, Anno M. DC. XLVII. De eadem agunt omnes Meteorologici Scriptores, & aliquid habet *P. Athanasius Kircherus* in Arte Magna Luminis & Umbræ.

De iride per aquæ guttulas in aërem sparsas; & per Trigonum prisma vitreum transversim fenestræ cubiculi obscurati Solem lucentem respicientis insertum; nec non per trigonum & cylindrū vitreum ad certam distantiam in radiis per obscurati cubiculi foramen ingredientibus opposita exhibenda; uti & de multiplici iride pilæ crystallinæ ope repræsentanda, egimus in Magia nostra

Dioptrica, quæ est liber 9. Partis 1. Magiæ Universalis;
ubi & quamplurima alia Dioptrica spectacula in
medium produximus.



CAPUT III.

Catoptricum spectaculum novum Viennense.

HUjus quoque notitiam debeo Dn. Kinnero, inventionem vero Dn. Gervasio Mattmüller Optico Casareo. Rem describit dictus Dn. Kinnerus in eadem jam citata Epistola his verbis.

Catoptricum spectaculum novum Viennense.

Occasione Dn. Mattmüller occurrit mihi pulcherrimum spectaculum catoptricum, quod ab eo frequentius, nec ab alio representatum vidi. Collocat ille in cista aliqua ad hoc idonea speculum concavum, in situ verticuli; & regione illius tympanum aliquod polygonum, plures picturas deferens, quarum ea est à speculo distantia, quâ objecta in situ erecto multum augmentur, non interveniente tamen confusione; quod experientia facile docebit. Si ergo tectis picturis, ita tamen ut ea quæ speculo opponitur, illuminari possit, oculus in speculum inspiciat; deprehendet picturas magnitudine humanâ, quæ aliàs mediam spitamam vix adaquant; & insuper circumducto clàm tympano semper diversas. At multò major gratia huic technasmati accedit, si pictura represententur ad lumen; quod ita fieri solet. Pinguntur figura ignem exhibentes in charta tralucida oleo imbuta: tum in medio tympani lucerna cum lumine sat valido absconditur, cateraq; peraguntur ut antea dictum. Hac arte apud dictum artificem labores Hercules inter ignes representari sæpius vidi, adeo ad Naturæ emulationem, ut ex nullo unquam artificio catoptrico majorem me voluptatem cepisse meminerim; quod & plures alios, qui viderunt, affirmantes audiui. Hæc pro hac vice occurrebant, quæ Reverenda Paternitati Vestra communicanda esse duxi: quæ si placuerint, fortasse memoriam excutient ad plura alia recolenda. Hic finio, & me Ss. sacrificiis precibusq; commendans, maneo.

Adm. R.^a P.^{tu} V.^a

Vienna 5. Augusti
1662.

Addictissimus

Godefridus Kinner, m.p.
Nnnnn 2 Pluri-

Plurima alia, nec injucunda Catoptrica spectacula inveniet curiosus Lector in Magia nostra Catoptrica, quæ est liber 6. Partis 1. Magiæ nostræ Universalis.

CAPUT IV.


Catoptricum spectaculum novum Augustanum.

*Catoptri-
cum specta-
culum no-
vum Augu-
stanum.*

PRæcedenti spectaculo non multum absimile est sequens, de quo P. Christophorus Offenhausen, insignis è Societate nostra Mathematicus, scripsit ad me olim Dilingâ, cum Theologiæ ibidem addiscendæ operam daret, in hæc verba, inter alia: *Interea tamen mitto Reverentiæ Vestræ schema, & rudi calamo delineatam iconem optici tui, non nisi hac hebdomade à me constructi. Occasionem hunc concinnandi dedit Dominus Wisel, de quo aliàs. Credebatur is ab aliquibus habere speculum Paracelsicum, quod & sciret quivnam ad fores stare, per fenestram non perspicendo; & videret ea in plateis agi, quæ etsi quis caput per fenestram protenderet, intueri non posset. Accidit his vacationibus, ut quidam ex nostris Patribus ad illum cum socio inviseret: qui dum varia cum Wiselio colloqueretur, fecit hic subinde mentionem (retinentissimus cæteroquin silentii de iis apud nostros, quæ ad suam artem spectant) se in medio cubiculo, arculam duntaxat inspiciendo, ea videre, quæ etiam foris in pagis gererentur. Incessit Patrem cupido mirabilem illam cistulam videnti. Cui Wisel morem gessit, simulq; quod dixerat, factò comprobavit. Interrogatus subinde, quo pretio illum tubum venderet, reposuit ille, infra octuaginta aureos non accepturum se esse. Retulit hac mihi dictus Pater: cumq; aliud addere non potuisset, quàm tubum esse oblongum, qui in duabus extremitatibus cistulam haberet, quarum una extra fenestram protenderetur (prohibitus scilicet à Wiselio, ne curiosius illam expenderet) statim subjunxi, me similem illi facturum, neque futurum ut go. crucigeris constaret. Feci hac hebdomade; & eundem, quem ipse, effectum sum expertus, nisi quod obiectum, non tam clarè, & in tanta magnitudine, quàm à Wiselio representatum, intellexi, spectaverim. Spera tamen & hoc me obtin-*

turum,





turum, ubi alterius segmenti vitra aut fecero, aut acquisivero.

Constat autem tubus iste cistulis A & B, vitro utriusq; in parva sphaera convexo C. Per hoc intromittuntur in chartam D, species objecti E: istae reflectuntur in speculo F; projiciuntur deinceps per tubum G, & vitrum aliud convexum H, in speculum I: ubi erecta conspiciuntur per foramen L, ab oculo K. Haec igitur videtur Wiselii machina, so aureis aestimata; de qua Reverentiae Vestræ judicium exspecto, &c.

Est utique hæc, uti tunc etiam respondi, ipsissima Wiselii machina; nisi quod illa aliis vitris, aliâ ad se invicem proportionem elaboratis, aliâ à se mutuo distantia collocatis constiterit.

CAPUT V.

Phænomenum Opticum novum Moravicum.

QUod olim paucis notum, ideoque magnæ admirationi erat *Opticum phænomenum novum Moravicum.* phænomenum, quo species rerum per foramen, seu liberum, seu vitro convexo munitum, in cubiculum obscurum immisfa, & chartâ albâ, aliove plano candido ac nitido excepta, repræsentant res extra cubiculum positas cum suis omnibus coloribus, lineamentis, motibus, inversas tamen; vulgare jam est, & extra ferè admirationem. Lis tamen, quam inter Philosophos excitavit, nondum composita est. Sunt enim qui mordicus tenent, in casu illo species rerum chartâ exceptas videri ut quod, adeoque visivæ potentiæ objectum non solum lucem esse, & colorem, sed ipsas etiam colorum species: quibus & nos assentimur. Argumenta hujus sententiæ attulimus in *Thaumaturgo nostro Optico*, seu in *Par. r. Magiæ Natural. lib. 2.* ubi fusè & accuratè totum Phænomenum explicavimus. Alii qui cum veneranda Philosophorum, Opticorum antiquitate solum lucem & colores pro potentiæ visivæ objecto ut quod admittere decernunt, non species in prædicto casu, sed res ipsas reflexè videri asserunt.

§. I Phænomenum novum proponitur.

HOc ultimum inter alios defendit, & typo impressis, ac publicæ disputationi propositis Thesibus propugnavit, in Alma Casarea ac Episcopali Universitate Olomucensi *R. P. Georgius Behm*, & Societate nostra. Opinionem suam stabilire nititur hoc novo Phænomeno, in hunc sensum, tametsi non iisdem verbis, proposito. *Si per oclusarum fenestra valvarum foramen vel liberum, vel vitro convexo munitum, species objecti in obscurum cubiculum, intrantes, in debita distantia speculo plano excipiantur, & speculum eo loco ita moveatur, vel tuus oculus ita collocetur, ut in eo speculo foramen valvæ, & post hoc videas objectum* (quod quidem foramen in speculo dictâ ratione visum, citatus Auctor vocat foramen opticum;) *apparet objectum illud in speculo plano visum, & per tubum, & sine tubo, situ recto, non inverso, uti in charta contingit.* Rationem Assertionis suæ adsignat, *quia in eo casu non fit decussatio radiorum extra oculum.* Ita ille in Thesibus citatis *Definit 8. & Phænom. 2.*

Addit tamen ibidem *Phænomeno 3.* species immixtas, seu per nudum, seu munitum vitro foramen, pingere imaginem inversam, in chartæ quidem superficie nitidam, in speculi verò superficie obscuram; aitque rationem inversionis esse decussationem radiorum per foramen, vel vitrum. Non negat itaque, si alio ex loco inspiciatur speculum, quod species per foramen immixtas ex cepit, imaginem objecti apparere inversam.

Hoc tamen discrimen agnoscit inter utramque imaginem, quòd inversa sit obscura, recta verò sit nitida. Item quòd per inversam & obscuram objectum non repræsentetur post speculum, per erectam verò & nitidam post speculum repræsentetur. Sic enim ait Phænomeno 5. *Obscura illa imago in speculo plano non repræsentat objectum post speculum: at si basin communem specierum cum foramine optico jungas, apparebit nitidum objectum post speculum.* Ex hac diversitate deducit Auctor citato Phænomeno. 5. *nitidam illam imaginem à speculi superficie laevi oriri, obscuram*

obscuram à scabra. Item obscuram hanc recessu speculi à foramine & basi communi augeri, nitidam verò illam eodem recessu minui.

§. II. Aliorum doctrina ex dicto phænomeno deducta proponitur.

EX prædicto Phænomeno deducit *P. Behm*, ac stabilit quatuor sequentes Propositiones. Nam

Primò ait, obscuram illam in speculo imaginem arguere, species colorum non videri ut quod. *Nam aliàs*, inquit, *non daretur causa, cur quò levius est speculum, eò magis obscuratur imago illa.* At verò dicendo fieri hinc reflexam visionem ipsius objecti, omnia perbellè solvuntur.

Secundò ait, Objectum situ recto visum in foramine optico, arguere, species colorum non videri ut quod. *Nam cur*, inquit, *obscura imago speculo excepta, & optico foramini optice unita, rectificatur sùm aliàs extra foramen opticum etiam in speculo inversa, appareat?* Ex quo infert, non posse salvari hoc Phænomenum, nisi per duas superficies, unam scabram, alteram lævem: iis autem, admissis, omnia posse salvari viâ reflexâ.

Tertiò ait, quòd objectum nitidum appareat post speculum, obscura imago in ipsa superficie speculi, arguere, species non esse, objectum ut quod. *Nam cur*, inquit, *nitidum objectum apparet post speculum in foramine optico, cùm obscura imago in ipsa speculi superficie conspiciatur?* Profectò *aliam rationem adsignare haud poteris, nisi quòd à levi superficie speculi reflexa species eam profunditatem representent, ab aspera autem non item.* Ex quo infert iterum, omnia per reflexionem salvari posse, & debere.

Quartò ait, quòd speculo magis ad foramen opticum promoto, obscuratur inversa imago, & alia nitida oriatur, arguere idem quod antea. *Nam si species*, inquit, *excepta speculo terminant visionem, non est ratio cur suffocata illa imagine obscurâ, alia nitida in foramine optico exoriat.* Hæc ille.

§. III. Nostra

§. III. Nostra doctrina ex prædicto Phænomeno stabilitur.

Admittimus Experimentum ac Phænomenum novum hætenus expositum, videri nimirum rerum imaginem in speculo plano nunc situ recto, nunc inverso, modò obscurè, modò nitidè: sed ex hoc mirificè stabilimus sententiam nostram. Quod ut manifestum fiat,

Dico, Quando per occlusarum valvarum foramen species objecti, in cubiculum obscurum admissæ, opposito speculo plano excipiuntur, & ad oculum eo loco positum reflectuntur, ut videat in speculo & foramen & imaginem objecti situ recto; non videri tunc species in speculo, sed foramen & objectum per reflexas species foraminis & objecti. Quando verò removeretur speculum, & apparet objectum obscurè & situ inverso; videri ipsas species, & non objectum.

Vide Iconism. XV.
Fig. I.

Primum concedunt Adversarii, & ulterius ita explicatur, ac confirmatur. Sit enim objectum A B, foramen valvæ C, speculum planum D E, radii directi ab objecto per foramen in speculum, trajecti A G, & B F, oculus aspicientis H, radii reflexi à speculo in oculum ad angulos æquales angulis incidentiæ, F H, & G H. Quoniam igitur radius reflexus H G ducit oculum H in punctum A, & radius reflexus H F ducit eundem oculum H in punctum B; necesse objectum videri situ erecto, ut in Magia Catoptrica probavimus, nimirum Parte 1. Magiæ Univers. lib. 6. *Confirmatur I.* objectum A B apparet retro speculum, ut Adversarii concedunt; ergo eo modo apparet, quo per reflexam visionem videri debet. *Confirmatur II.* Quo magis appropinquat speculum foramini C eò objectum in speculo apparet minus, ut concedunt Adversarii: Cujus rei causa est, quòd tunc basis F G, trianguli C F G, fit semper minor & minor. *Confirmatur III.* Oculus H non è quocunq; loco videre potest foramen & objectum erectum in speculo, vel potius retro speculum, sed tantum ex uno certo, ac determinato, illo nimirum ad quem reflectuntur radii F H, & G H ad angulos æquales angulis incidentiæ; ergo dum ita videt, visione reflexâ videt.

Ex his

Ex his apparet, etiam in hoc casu decussari species objecti in foramine. Falsum ergo est, nullum hîc fieri decussationem, ut Adversarii dicebant.

Secundum verò *Probo* I. Si manente oculo in H, remove-tur speculum à foramine C, apparet eadem imago objecti AB, non erecto, sed inverso situ; nec ita nitidè ut antea, sed obscure: Ergo non videtur visione reflexâ ut ante, quia sola remotio speculi plani ab oculi non invertit imaginem objecti, ut ex Catoptrici& experientiâ constat. Neque obscuritas imaginis arguit visionem reflexam, sed oritur ex remotione speculi à foramine C. Si non videtur imago illa visione reflexâ; ergo vel directâ, vel refractâ: non hac; quia nulla causa refractionis adest, ut patet; ergo directâ: ergo non videtur objectum, quia hoc visione directâ videri non potest positum retro videntem, sed solum id quod ante eum est positum: in casu autem nostro non nisi imago in speculo depicta, id est, species objecti, sunt ante videntem positæ; ergo &c.

Probo II. Imago eversa in speculo videtur ab oculo posito in quocunque loco ante speculum, erecta autem non nisi ab oculo posito in determinato loco; ergo discrimen est inter ambas visiones; si ergo prima est reflexa, secunda non erit reflexa, sed directâ. Si directâ; ergo non videtur nisi objectum, quod est ante oculos positum: at objectum ipsum AB non est positum ante oculos, sed sola imago objecti in speculum recepra; ergo &c.

Probo III. Si imago inversa in speculo (vel potius ipsum objectum per imaginem) videtur visione reflexâ; ergo etiam imago inversa in charta, aliove plano candido, videtur visione reflexâ: ergo non nisi ex eo loco videri poterit ab oculo, ad quem reflectuntur radii è charta ad angulos æquales angulis incidentiæ. At quis non scit hoc esse falsum, cum in quocunque situ & loco sit oculus ante chartam, imò & retro chartam transparentem, constitutus, adhuc videat imaginem illam inversam? Præterea quis unquam ausus fuit dicere, chartam ordinariam, quantumvis etiam lævem, habere vim reflectendi radios incidentes tam perfecte, ut per illos distinctè videatur objectum visione reflexa?

O o o o o

Adde

Adde quòd in charta, imago appareat nitidissima & clarissima, saltem longè clarior quàm in speculo; & eò apparet clarior, ac nitidior, quò obscurius est conclave, & quò minus luminis per. foramen intrat: cur ergo nunquam apparet retro chartam, sed semper & ubique in superficie chartæ? certe non potest hîc recurri ad obscuritatem; imaginis, cùm ea longè sit clarior quàm, dum in speculo etiam erecta videtur. Omitta alia argumenta, quæ afferre possem: hæc enim ad convincendum non obstinatum abundè sufficiunt.

§. IV. Occurritur evasionibus sententiæ.

EX argumentis præcedenti §. factis satis manifestè patet, imaginem inversam objecti in charta, & consequenter etiam in speculo, non videri visione reflexâ, sed directâ; atqua adeo non objectum, sed species objecti videri ut quod,

Conantur tamen evadere contrarium sentientes, & argumentis à nobis factis occurrere.

Ad primum argumentum nostrum, quòd illa imago immislarum in conclave obscurum specierum videatur ex omni parte cubiculi ideoque non videatur visione reflexâ, in qua angulus incidentiæ debet esse æqualis angulo reflexionis; *Respondent*, chartam in qua imago inversa apparet, esse speculum scabrum, habens in qualibet parte myriadem parvulorum speculorum. Hinc licèt (ajunt) unum speculum neget reflexionem, ex illa parte, adsunt tamen alia quæ supplent, ideoque servatur æqualitas angulorum incidentiæ & reflexionis. Addunt, hoc idem efficaciter confirmari inde, quòd quò lævius est speculum, eò magis obscuretur illa imago. Quin & in charta bene lævigata idem accidere, quòd obscurior nimirum imago sit, quàm in non lævigata.

Hic tamen non obstantibus, manet adhuc firmum nostrum argumentum. Nam *Primò*, si charta est speculum scabrum, reflectens species objecti ad oculum in quocunque loco positum, propter multitudinem parvulorum speculorum in scabra illa superficie

perficię existentium; cur ergo apparet imago illa inversa? Certę scabrities speculi, & speculorum multitudo, non invertunt objectum. *Secundò*, si dicunt apparere inversam imaginem propter multiplices, & in se mutuo incurrentes reflexiones; Quęro ego *primò*, cur ergo saltem aliquando propter multiplices & in se mutuo incurrentes reflexiones non apparet erecta imago? Quęro *secundò* cur ergo in speculo, etiam politissimo, si à foramine competentē removeatur, apparet inversa? Certę hic neque scabrities est, neque multiplicitas reflexionum in se mutuo incurrentium. Quęro *tertiò*, quis prudens credat, in charta esse tantam multitudinem parvulorum speculorum, objecti species ad oculum reflectentium? aut si hoc concedat, quis sibi persuadeat, tales in omni casu fieri reflexiones in se mutuo incurrentes, ut semper objecti imaginem invertant, nunquam erigant.

Ad secundum argumentum nostrum, quod si in charta fieret specularis reflexio, deberet objectum post chartam apparere illi qui ante chartam stat, sicut fit in speculis; *Respondent*, obstare huic apparentię post chartam, seu retro chartam, nimiam parvitatem specillorum, quorum singulę non reflectunt ad eundem locum nisi species alicujus particulę objecti; ad eum modum quo in contusi vitri pulvisculis confusus solum quidam splendor Solis apparet, non totus Sol. Et hanc ajunt esse causam, quod non appareat profunditas objecti.

Adhuc tamen manet robur argumenti nostri. Demus enim, ob dictam causam non apparere profunditatem objecti, si speculi rationem habeat charta; Quęro tamen *primò*, cur imago apparet inversa? Parvitas enim specillorum non invertit imagines. Quęro *secundò*, si singula parva specula in charta scabra non reflectunt ad eundem locum nisi species particulę objecti, uti in contusi vitri pulvisculis fit; cur tam venusta, tam integra, tam distincta apparet imago objecti, cum omnibus ejus coloribus, motibus, situ, distantia, & similibus, inversa tamen.

Ad tertium argumentum nostrum, quod oculo post chartam constituto videatur per chartam transparentem pictura seu imago objecti, cum tamen reflexio non possit retrorsum agi; *Respondent*,

dent, posse reflexionem etiam retrorsum agi, quando tam im-
mensa copia particularum specularium concurrat, quarum una
ab altera speciem excipit, & reflectit; præsertim quando sunt ro-
tunda, & variæ figuræ specula, qualia sunt innumera in scabritie
chartæ; adeoque pro illa debilitate apparentiæ, quæ post char-
tam fit, sufficere istam debilem reflexionem.

Hic temperare mihi non possum, quin sincerè enuntiem,
quod sentio, responsionem scilicet hanc, non coherere cum prin-
cipiis Catoptrica Philosphiæ. Nam *Primò*, si oculus retro char-
tam constitutus, videt imaginem objecti anteriori chartæ super-
ficiæ ab objecto radiante impressam, in superficie posteriore
chartæ tanquam in speculo; necesse est, ut imago anterior refle-
ctatur primùm in specula lateralibus antè posita; deinde ab his in
alia specula retro chartam posita; tandem ab his reflectatur in po-
steriorem chartæ superficiem, & ab hac in oculum retro stantis.

At dato quòd scabrities chartæ efficiat tot parva specula in
anteriori chartæ facie, quot sunt in ea inæqualitates & tubercula;
ubi sunt aut eadem parva, aut magna specula retro chartam, quæ
radios reflexos anteriorum excipiant, & in posteriorem chartæ
superficiem reflectant? *Secundò*, si charta circumdetur limbo cu-
juscunque materiæ, figuræ, polituræ, sed sine scabritie, ut nulla
sit speculorum parvorum suspicio in limbo isto; adhuc apparet
imago oculo retrò posito. Ergo non videtur visione reflexâ.
Tertiò, charta applicetur retrò, ut imago in anteriore superficie
depicta transparenere non possit, & retrò adglutinetur aut applice-
tur alia charta ejusdem rationis cum anteriore, nulla imago ap-
parebit in illa posteriore, non obstantibus innumeris parvis spe-
culis, tum in anteriore, tum in posteriore charta dispersis, ex Ad-
versarii mente. Ergo si in charta transparente apparet retrò, a-
lia non apparet, quàm illa quæ transparenere. *Quartò*, sed devoren-
tur omnia illa absurda, & in Catoptrici inaudita, quæ Adversari-
us admittit; cur imago anteriori superficiæ chartæ impri-
mitur inverso situ? Omitto alia multa, quæ huic
evasioni opponi possent.

§. V. Satisfit argumentis contrariæ Sententiæ.

UT magis appareat debilitas argumentorum contrariæ Sententiæ, tamen si illa breviter proposuerim §. 2. præcedente, placet ea iterum iisdem contrâ Sentientium verbis adducere. Ita ergo pro se, & contra nos

Arguunt primò. *Obscura phenomèni tertii imago arguit, species colorum non videri ut quod. Nam aliàs in hac sententia non daretur causa, cur quò lævius est speculum, eò magis obscuretur imago illa. Ad verò dicendo fieri hîc reflexam visionem ipsius objecti, omnia perbellè salvantur. Cum enim imago illa ad sensum stabilis oriatur ex innumerorum specillorum scabra superficiei reflexionibus, ita ut semper Postulatum primum (quòd angulus incidentiæ sit æqualis angulo reflexionis) servetur; imminutâ scabritie, necesse est obscurari imaginem. Ita illi: Tertium porrò phenomènum quod citant, hoc est ex iisdem: Species immisse seu per nudum, seu munitum vitro foramen, pingunt imaginem inversam, in charta quidem superficie nitidam, in speculo obscuram.*

Respondeo I. Obscuram illam imaginem non arguere, speciem non videri ut quod; neque arguere objectum videri reflexè. Nam reflexâ visione non apparet objectum in versum in speculo plano, sed erectum ut est.

Respondeo II. Causam cur quò lævius est speculum, eò magis obscuretur imago, esse lumen speculi. Patet experientiâ. Nam Primò cæteris paribus, eò obscuriùs intra cubiculum obscuratum apparet imago in speculo, foramini opposito, quò magis politum & reflexivum est speculum: quò autem magis tersum, politum, reflexivum, eò magis lumen recipit, & remittit. Secundo, in charta levigata obscurior est imago, cæteris paribus, quàm in scabra; levigata autem splendidior est, quàm scabra. Tertio & præcipuè, quia si ve species in conclavi obscurato excipiantur speculo, si ve chartâ, si ve quocunque plano, cæteris omnibus manentibus eò redditur imago obscurior, quò plùs luminis per foramen admittitur, adeo ut si radii Solis feriant directè foramen, imago

planè evanescat. Signum ergo evidens & irrefragabile est, obscuritatem oriri à luminis majore copiâ.

Respondeo III. Ex eo quòd quòd lævius est speculum, eò magis obscuretur imago (undecunque tandem proveniat obscuritas illa) non rectè arguitur, fieri reflexam visionem, quàm diu manente objecto erecto, & nullâ adhibita arte ad imaginem erigendam, imago apparet inversa, ut sæpe jam diximus, & constat ex Catopericis: nam reflexio facta in speculari corpore plano, sive parvum, sive multum lævigato, & sive clarè, sive obscurè representante objecti imaginem, non invertit situm imaginis.

Respondeo IV. In charta debito situ collocata, apparet imago nitidissimè; si magis approximetur charta foramini, ubi majus lumen est, obscuratur imago, & tamen non minuitur scabrities chartæ; ergo obscuritas non oritur præcisè ex imminutione scabritiei, sed ex augmento luminis. Omitto alias impugnationes.

Arguunt secundò. *Objectum situ recto visum in foramine optico, arguit species colorum non videri ut quod. Nam cur illa obscura imago speculo excepta, & optico foramini optice unita rectificatur, cum aliàs extra foramen opticum etiam in speculo inversa appareat? Hoccine est naturam objecti ut quod inducere? Non igitur hoc phenomenon salvari potest, nisi per duas superficies, unam scabram, alteram levem. Quod si admiseris, noster es: omnia enim poteris viâ reflexâ salvare.* Ita illi.

Respondeo I. Dum objectum situ recto videtur in foramine optico, non videntur colorum species ut quod, sed ipsum objectum visione reflexâ, ut probavimus §. 3.

Respondeo II. Ideo obscura imago speculo excepta rectificatur, si speculum & oculus sint in situ ab Adversariis requisito, ut vidimus §. 1. quia species tunc per foramen intromissæ, & decussatæ, reflectuntur ad oculum efficiendo angulos reflexionis æquales angulis incidentiæ, & dirigunt oculum ad eadem puncta objecti, eodemque situ, à quibus & quo situ procedunt, ut diximus eodem §. 3.

Respondeo III. Oculo in alio situ constituto, species objecti,
quæ

quæ in foramine decussantur, & imaginem pingunt in speculo, non reflectuntur ad oculum per angulos reflexionis æquales angulis incidentiæ, quia hoc non in quolibet situ contingere potest, ut ex Opticis & Catoptricis patet: sed illa ipsa imago inversa radiat directis radiis in oculum, unde percipitur ab oculo eodem situ, quo in speculo depicta est.

Respondeo IV. Illationem illam: *Non igitur hoc phænomenon salvari potest, nisi per duas superficies, unam scabram, alteram lævem*, esse omnino impertinentem. Nam sermo est de eadem superficie speculi, in qua semel apparet reflexè objectum situ recto, semel imago objecti situ inverso. Si dicant, loqui se de superficie lævi speculi, & scabra chartæ, in quarum prima apparet imago erecta, in secunda verò inversa: *Respondeo* primo, in speculi superficie non apparere imaginem objecti dum erectum apparet, sed ipsum objectum. *Respondeo* secundo, etiam in speculi superficie apparere imaginem inversam, si situs seu locus mutetur; ergo tamen si admittamus duas superficies, scabram unam, lævem alteram, nihil habent Adversarii.

§. VI. Imago quæ in charta est inversa, non apparet erecta, nec retro chartam, si tubo optico inspiciatur.

Piget ulterius pergere, & alias duas adversariorum rationes §. 2. propositas minutiùs excutere, & refutare, quia ex dictis facilis est responsio.

Solum noto, Virum quendam doctissimum in Cursu suo Philosophico Disput. 4. de Anima sect. 2. ad probandum, species colorum per foramen in cubiculum obscurum admissas, & chartam oppositam exceptas, non se, sed suum objectum repræsentare, & quidem reflexè; dicere, species illas repræsentare distantias rerum inter se. Hoc ut ostendat, sequentia subjicit verba: *quia si quis per tubum eam chartam aspiciat, quia tunc omnia apparent recta, prout in se sunt (sine tubo enim ostenduntur inversa) videbit distinctissimè objecta illa, unum post aliud, prout sunt in se. Quod ita evidens est, ut unus ex his, qui contrarium sentiunt; dum*

ei hanc observationem dicerem, ac ostenderem, debuerit fateri, omnino videri distantias objectorum inter se. Et res est tam certa, ut solâ egeat experientia incredulus. Secundò idem ipsum ostendo. Quia si quis accedens propè valde ad chartam, eamq; movens diligentius intueatur, manifestè videbit, ea objecta apparere post chartam; & dum chartam movet, novos omnes & chartæ maculas apparere multò viciniore oculo, & quasi objecta illa moverentur. Atqui species illa non sunt intra chartam, sed in prima superficie; ergo non se repræsentant, sed suum objectum, cum proportionem aliquam ad visionem in speculo. Hæc ille.

Quæ cum legisset vir alius doctissimus, & in Moguntina Universitate sacræ Theologiæ tunc Professor, sciretque omnino falsa esse, & experientiæ à se & aliis millies factæ prorsus contraria; jussit Mathematicos Professore ejusdem Moguntinæ Universitatis ad virum illum, & tunc, & nunc etiamnum, dum hæc scribo, superstitem; plurimisque libris scriptis clarissimum, scribere, & mentem ejus exquirere, aut modum quo aspiciendum foret phænomenum tubo optico, ut erectum appareret, & quasi retro chartam. Respondit vir ille, id sibi dictum ab aliis, qui experimento se deprehendisse asseruerant.

Crediderim ego, qui experimentum fecerat, & viro illi docto exposuerat, ac monstraverat, habuisse tubulum ex eorum genere, qui objecta invertunt, ut in Dioptriciis nostris explicavimus. Cum ergo imago in charta inverso esset situ, visa per tubulum, illum apparebat erecta. Quod aut non adverterat Vir ille doctus, aut oblitus fuerat, dum Cursum suum Philosophicum scriberet.

Ad objectorum distantiam quod attinet, apparet quidem, illa, quia si plura objecta simul in eadem charta pinguntur, apparent alia retro alia, adeo ut distinctè discernatur, quæ nam illorum sint remotiora: quæ vicina: at nullâ ratione apparent retro chartam, ut in speculis fit, sed in eadem superficie chartæ. Provoco ad experientiam, quam quilibet facere potest.

§. VII. Ridicula sententia circa præcedens

Phænomenum refellitur.

INceidi ante annos aliquot in Philosophiam manuscriptam, & ab optimo aliquo Philosopho, at qui experientias omnes ridebat, & Mathematicorum ac malefactorum Philosophorum somnia appellabat, conscriptam, suisque in Universitate quadam celebri Discipulis dictatam, & explicatam. In ea cum retulisset Phænomenū specierum per foramen in obscurū conclave admissarum, & in opposita charta objectorum extrā existentiam imaginem depingentium; & proposuisset, ac sannis excepiisset recentiorum Opticorum Philosophorum Sententiam, dicentium nihil aliud tum videri ab oculo, quàm objectorum imaginem à speciebus depictam, hoc est, quàm ipsas species in charta terminatas; ut facilem, & uti rebatur, verissimam iniret viam, dicebat, in charta nihil apparere aliud, quàm umbras objectorum extrā existentium.

Nunquam, credo, viderat Vir bonus experientiam, ac fortassis ne videre quidem dignatus fuerat, utpote figmentum Mathematicorum, ut dicebat. Sed ô bone vir, si non credis Mathematicis, si non tot aliis oculatis testibus, Philosophis, Theologis, Principibus; crede saltem oculis tuis, & tute ipse, nullius interuentu, empiriâ institue. Videbis ipsissimos objectorum colores, distinctissimos ac vivacissimos; numerabis rectorum tegulas, horologiorū lineas, picturarum lineamenta. Vidistine unquam, umbras rerum ostendere earū colores? Vidistine aliquando umbras objectorum rectorum inversas? Quaro deinde, an scias versus quam plagam Mundi projiciantur umbræ rerum Soli oppositarum? Respondebis utique (nec enim tam ignarus es) versus plagam soli oppositam, hoc est, si Sol existit in plaga Orientis, umbras projici versus Occidentem; si Sol in Meridie, aut Occidentis plaga est, projici umbras versus Septentrionem, aut Orientem. Rectè. Fac jam foramen in valva respiciente Septentrionem; & videbis Sole existente in Meridie, ædium facies, quæ Meridiem

Pppp p respici-

respiciunt, depictas in charta foramini opposita. Fac aliud in valva respiciente Ortum; videbis res Occasum respicientes apparere in charta. Si Occasum respicit valva foraminis, repræsentabuntur in charta res respicientes Ortum. Si ergo umbræ rerum in charta apparent, umbræ rerum plagam Solis respicient, non plagam Soli contrariam, ut tu asserebas, aut asserere debebas.

Legerat fortassis vir ille bonus, & non malus, ut dicebam, Philosophus, quod scribit Vir doctus loco in præcedenti §. citato, his verbis: *Respondeo ergo primò, hanc experientiam* (de qua nobis Sermo est) *aliquando contingere, quando lux reflexa ex aliquo corpore, vel radii ipsi Solares per foramen ingrediuntur: tunc autem intra cubiculum non videntur aves, neq; homines, eorumve species, sed illorum umbra: dum enim illa corpora interponuntur inter ipsum foramen & radios solis, vel lucis reflectentis; impediunt ingressum per illud foramen, ideoq; causant intra cubiculum umbram sui, quæ apparet ac si essent ipsi homines, & aves, propter similitudinem umbra in figura cum corpore cuius est; quod observavi sæpe. Ecce ergo in hoc casu umbra sola intus apparet, non species, aut objecta ipsa.*

Si hæc legerat, non debebat tam temerè universaliter pronuntiare, in omni casu umbras rerum in cubiculo apparere. Deinde debebat cautiùs legere, & ad examen vocare, quod vir ille doctus in casu aliquo particulari fieri asserit. Examinemus.

Asserit I, *Experientiam aliquando contingere, quando lux reflexa ex aliquo corpore, vel radii ipsi solares, per foramen ingrediuntur. Et tunc videri intra cubiculum umbras corporum.* Certus sum ego, eum nunquam vidissè imaginem, de qua loquimur, in cubiculo, quando radii Solis per foramen ingrediuntur; tunc enim ob nimiam luminis affluentiam dissipatur omnis imago. Tunc ergo experimentum sumi debet, quando Solis radii non feriunt directè foramen.

Asserit II. *Eandem experientiam aliquando contingere, quando lux reflexa ex aliquo corpore, per foramen ingreditur; & tunc simul videri umbras in cubiculo. Certum est, & experientia*

quo-

quotidiana docet, si Sol existens in Meridie, v.g. illuminet parietem perpendiculariter erectum, qui ipsum Solem respicit, lumen reflecti versus Solem, id est, versus Meridiem; & si tunc à regione parietis illuminati fiat foramen, ingreditur fortassis lumen reflexum, at umbra parietis illuminati in æternum non ingreditur, quia paries nullam umbram projicit versus foramen, quoniam nec versus Solem eam projicit. Quod autem dicitur de hoc lumine reflexo, de omnibus aliis intelligi debet. Vides ergo quæ absurda asserat Vir ille doctus?

Asserit III. Dum inter Solem & foramen interponuntur corpora, impediri ingressum radiorum intra foramen, & ideo solas umbras ingredi, & apparere in cubiculis, similes ipsis corporibus quoad figuram. Addit se hoc sæpius observasse. Si observavit, erat utique tota fenestra aut porta aperta, & sic experientiam non vidit de qua loquimur. Vidisse autem cum umbras corporum positorum inter Solem & foramen exiguum, præsertim vitro munitum, nunquam persuadebit.

ANNOTATIO.

Qua scripsi toto hoc capite, scripseram etiam totidem verbis in Joco-seriis Natura & Artis centuria 2. quæ quia lucem non videbunt, eorum jussu, quos divina voluntatis Interpretes agnosco, & veneror; ea hic reponere volui. Sequentur alia nonnulla, quæ in iisdem Joco-seriis scripseram.

CAPUT VI.

Phænomenum opticum novum Romanum.

Aliud Phænomenum opticum (quod & in Joco-seriis retuleram) antea mihi invisum, vidi quondam Romæ apud Dn. Eustachium Divini, insignem Opticum, & in terendistubo specillorum vitris egregiè versatum, ac jamdudum celebrem, ut in Machia Dioptrica etiam notavi.

*Opticum
Phænomenum
novum
Romanum*

Vide Iconi-
f. XV.
Fig. 2.

Habebat is lamellam æream, longitudine ac latitudine ferè qualem apposita Figura ABC repræsentat, ad cujus utramque extremitatem erecta erant perpendiculariter pinnacidia, ut vocant, B & C; quorum illud, exiguum habebat in medio foraminulum D; hoc verò foramen grano lentis æquale, cum inserto aciculæ capitatæ extremo, ita ut capitellum corresponderet medio foraminis, collum verò seu pedunculus insisteret inferiori foraminis orbitæ, prout in Figura apparet.



Qui oculum admovebat foraminulo D, & visum dirigebat in foramen E, videbat aciculam capitatam non jam in foramine E, sed inter E & D.

Alia Phænomena hujus ejusdem lamellæ notavit *P. Nicolaus Zucchi*, refertque in *Philosophia Optica* Par. 2. tract. 8. cap. 6. Sect. 2. in Parergo. Ego solùm hoc, quod retuli, notavi.

Quæritur causa hujus phænomeni. Citatus Auctor exponere conatur & hujus, & aliorum à se notatorum causas quas ego tamen, ut verum fatear, non omnes intelligo. Apparentiæ à me notatæ hanc causam adsigno, quòd aciculæ capitatæ radii in foramine D decussantur, & oculum penetrantes refringuntur, ac magis divaricantur: quia igitur oculus videt aciculam per radios illos refractos ac divaricatos, videt illam sub majore angulo quàm faciant radii ejus directi ad foramen D; ideo apparere debet propius quàm revera sit, ibi nimirum, ubi radii refracti tantum distant à se invicem, quantum directi distant prope ipsam aciculam. Explicare rem non possum, nisi multa ex Opticis ac Dioptricis desumpta huc congeram. Vide itaque quæ dixi in Par. 1. Magiæ lib. 2. & 9.

ANNOTATIO.

P Nicolaus Zucchi *lo. cit.* ait, se notasse quatuor Phænomena seu apparentias in prædicta lamina. Prima apparentia est, quòd transspicienti unumquodq; pinnacidium per foramen alterius proximè ad oculum admoti, & in toto, & in suis proportionaliter partibus apparet majus, quàm si spectetur oculo libero; plus tamen crescit





crescit in apparentia, quod per tenue spiramen alterius aspicitur, quàm id quod per amplius foramen ipsius spectatur. Secunda apparentia est, quòd transpicienti per foramen majus versus spiramen in altero pinnacidio minùs illustrato, sed è regione illustriorum collocatum, plus notabiliter augetur in apparentia illustratio correspondens spiramini, quàm reliqua partes pinnacidii, quæ versus talem illustrationem, ex illius augmento gracilesunt. Tertia apparentia est, quòd admoto proximè ad oculum pinnacidio, in cujus foramine ampliori assurgit caput aciculæ, per illud prospectanti foramen versus corpus illustratum, collum & caput aciculæ prorsus disparent, & solum per foramen tale corpus sine interruptione, aut alicujus sue partis occultatione, ut minùs illustratum spectatur: Prospectanti verò versus spiramen, quod in altero pinnacidio sit pervium radiis ulterioris corporis illustrati, statim in medio apparet velut extremum aciculæ capitata, sed situ inverso: imò si pro distantia talis pinnacidii, in quo est spiramen, apponatur lamella habens aperta in se plura spiramina moderatè invicem dissita, vel charta crassior similiter perforata, simul & semel in medio plurimum illustrationum rotundarum, quæ apparent è regione plurimum hujusmodi spiraminum, apparet figura ejusdem extremi aciculæ capitata inversa. Quarta apparentia est, quòd notula nigra referens figuram, sed inversam, ejus quod assurgit ad medium foraminis majoris oculo proximè admoti, apparet ultrà spiramen constitutum in altero pinnacidio remoto ab oculo, nec quantumcung; videns nitatur, apparentem illam distantiam mutare potest. Harum omnium apparentiarum causas dat Zucchiuss.

CAPUT VII.

Teledioptrice nova Uratislaviensis adumbrata; aliæ dioptrica.

P Balthasar Conradus, celebris Mathematicus, & ejus scientiæ *Teledioptrice nova adumbrata.*
 in diversis Universitatibus multorum annorum Professor.
 Ppppp 3 publi-

publicus, cùm paucos ante annos Uratislaviæ eandem prælegeret, insigne omnino Opus Dioptricum conscribere inchoaverat, & jam libros aliquod composuerat, ut datis identidem ad me litteris significavit: sed Superiorum nostrorum mandato alteri muneris applicatus, & inchoatum Opus, & vitam ipsam reliquit. Ediderat non diu antea, quàm moreretur, Epistolam ad Omnes Europæ Mathematicos, meditati ac inchoati Operis nuntiam, quâ simul quid moliretur indicabat, simul supperias à Viris doctis implorabat, Spero tamen, inchoatum Opus à docta quapiam manu continuatum, aliquando lucem visurum. Interim ut quid in illo tractare Auctor cogitaverit, ex citata paulò antè Epistola perspiciat Lector, eam hîc subijcere placuit.

*EPISTOLA AD OMNES EUROPÆ
mathematicos, Operis TELEDIOPRI-*

CE S nuntia, missa à R. P. Balthasare Conrado So-
cietatis JESU.

Omnibus Reverendis, Prænobilibus, Clarissimis,
& quovis alio titulo conspicuis per Europen.
MATHEMATICIS.

S. P. D. Balthasar Conradus S. I.

UT quedam conferam vobiscum, Illustres Animæ, pauca illa quidem, sed quæ momenti ac ponderis in totam Rempubicam nostram Litterariam maximi esse videantur, injectus mihi jam pridem nescio quis perurget calor. Quocirca non temerè sperârim fore, ut quantò major vos communis tangit cura boni, tantò huic mea ad vos Epistola libentiùs otium è sublimibus illis vestris conceptibus rescindatis.

Ex quo ergo primùm (nec pauci anni sunt) pernòsse cæpi Telescopiũ, didiciq; nec omnia ejusdem esse notæ ac bonitatis, & plurima plurimùm à summa abesse perfectione; ingens me invasit animus ac desiderium, imò & spes, eo aliquando deveniendi, ut certam ac infal-

libi-

libilem assequeretur rationem, ad summam deducendi Telescopii perfectionem. Capi itaque pervolvere in primis Authores, quotquot de id genus Instrumento nancisci potui; tum speculari ipse, & multa cum animo putare meos; tandemque & operi manum, nec leviter aut oscitantem admove, & varia, quae vel ad substantiam ipsam operis, vel ad modum pertinent, experiri. Sed & illicò difficultates sese undique oggesserunt, nec pauca ea numero, nec leves superatui: tot certè, actanta, ut nisi DEUS constantiam in labore penè ferream concessisset, non mirum fuisset, si millies perieris successum desperassem. Superavi tamen tandem cum divina gratia, quae se opposuerant, difficultates omnes; eoque artem perduxì, ut sequentia problemata prestare possim:

I. Perfectam superficiem sphæricam, sive cavam in patinas, sive convexam in globos inducere; idque nec negotio, nec sumptibus adeo magnis.

II. Vitra perfectè concavare sphæricè, aut sphæricè convexare.

III. Perfectissimè polire superficiem sphæricam tam cavam, quàm convexam, sine periculo figuræ vitiandæ.

IV. Oblatæ cujuscunque patinæ aut globi vitia, etiam occultissima, statim detegere.

V. Infallibiliter semper, ex materia apta, bonum elaborare Telescopium, ad quamcunque longitudinem.

Quorum problematum solutio quanti momenti sit in rem omnem Mathematicam & præcipuè Astronomiam; quin & in usum totius generis humani; nemo unus Vobis melius astimaverit: ut proinde longiore eam rem Vobis circuitu demonstrare ac deprecicare, minimè sit necessarium.

Hanc

Hanc autem ego mihi scientiam uti hactenus, nec sine ratione, occultam habui, ita & imposterum habere potuissem; vel certè ita solum propalare, ut extra Societatem nostram non emanaret; nisi me communis boni ratio ad alia consilia inclinasset. Itaq; molior Opus justum ac integrum, quo totam hanc artem & quidquid de Telescopio dici aut quari potest, complectar; planèque ac dilucidè, sine tenebris, omnem quam hactenus ingenio qualicunq; demum, experientiâ indefessâ, & sumptibus non modicis, scientiam in hoc genere consecutus sum, aperiam.

Quia verò unius hominis vix est, Opus tam omnibus numeris absolutum, quàm & res postulat literaria, & ipse ego desiderarem, in lucem protrudere; ideo æquum planè videtur, ut Vos etiam, Illustræ animæ, vestras quasi symbolas in medium conferatis. Quapropter Vos omnes etiam atq; etiam rogo, ut si quis vestrûm in hoc genere aliquid aut invenit ipse, aut aliunde rescit, ultra ea quæ vel Sirturus, vel Scheinerus, vel Rheita, vel Hevelius, vel Magnan, vel P. Schottus, vel Borellus prodidit, aut ego promitto; dignetur id mecum pro suo in commune bonum studio communicare. Vicissim bonâ polliceor fide, ita me eâ gratiâ, ac humanitate usurum, ut nulli quidquam de sua laude ac nomine deteratur. De reliquo radios ego vestros radio omniscii Numinis ex animo commendo, in dignas scientiâ nostrâ, & æternitate speculationes. Valete, & favete. Uratis-lavia 17. Julii 1658.

Vestrarum DD.

Servus in Christo

Balthasar Conradus.

De Telescopiorum seu Tuborum opticorum confectiōe multi præclarè scripserunt, interque alios illi quos citat Auctor. hujus Epistolæ, nempe Sirturus in peculiari Opusculo de Telescopio, Christophorus Scheinerus in Rosa Ursina, Antonius de Rheita in Oculo Enoch & Eliæ, Petrus Borellus in libro de vero Telescopii Inventore, Emanuel Magnan in Perspectiva Horaria, Joannes Hevelius in Selenographia, Ego aliquid in Magia Dioptrica, & Telescopica, quæ sunt liber 9. & 10. Partis 1. Magiæ Universalis, Cartesius in Dioptrica sua, Joannes Keplerus similiter in Dioptrica.

Tele-

Telescopiorum confectores excellentiores mihi noti sunt Joannes Wisel Augustæ, & Gervasius Mattmüller Opticus Cæsareus Viennæ Austriæ, & Dn. Eustachius Divini Romæ. Borellus cap. 6. laudat etiam Hevelium, Torricellum, Fontanam, Ferrerium, Choureus, Menardum, Bressyeus, & alios, sed jam vitâ functos.

Scio nonnullos tentasse objectorum distantias per tubum opticum determinare; sed quàm feliciter, nescio. Hoc cum significassẽ aliquando Auctori præcedentis Epistolæ, ita rescribit Glacio 7. Januar. Anni 1660. *De distantis objectorum per tubum metiendis, pridem cogitavi ego; & nisi fallor, etiam P. Scheinerus. Sine dubio Rheita Capucinus id voluerit tentare per tubum duplicatum. Voco eum, per quem uterq; oculus hominis simul & semel transpicere potest. Verum ipsa videt Reverentia Vestra, in distantis magnis ne magna quidem intervalla sentiri. Unde quid judicandum sit de tali invento, inferet. Nihil tamen adhuc determino, quia nondum eò speculationum perveni scribendo. Brevis tamen perveniam &c. Si quid amplius circa talia intellexerit R.^a V.^a ne omittat significare. Repono modicum. Lipsia intelligo esse, qui præter alios diversos tubos, etiam ellipticos prædicat se habere, & facere posse, etiam ad 60. pedes. Quid dicit ad hoc R.^a V.^a ? De hoc nihil unquam inaudii.*

Groningâ Frisiorum scribit ad me Die XVIII. Decemb. Anni M. DC. LXII, Dn. Joachimus Borgesius, Matheseos & Eloquentiæ Professor in Academia illa Ordinarius, se inter alia subtilissimam Cartesii Dioptricen paucis bene intellectam publicè explicasse, & rationem lentes vitreas (quarvis nondum ad formam hyperbolicam) poliendi manu docuisse; astroskopiumq; id est, tubum opticum sidereis illis paulò breviorẽ, & pluribus simul stellis, ut Pleiadibus &c. sufficienti magnitudine & distantia videndis sufficientem excogitasse. Utinam perficiat inchoata, & desideratam diu formam perfectè hyperbolicam vitris inducat.

De præstanti quodam Smicroscopio jam sæpe nominatus Dn. Godefridus Kinnerus Viennâ, die X. Febr. hujus Anni M. DC. LXIII. sic ad me scribit. *Petieram à multo jam tempore à P. Athanasio Kircheromihî transmitti smicroscopium aliquod ab Eustachio Divi-*

no Roma confectum, stimulatus eâ laude quam ejusmodi tribuit R.^a V.^a in Optica sua. Licet enim plura hactenus & ipse confecerim, & ab aliis confecta conspexerim, nullum tamen reperire inter omnia licuit, qualia sc Roma & alibi conspexisse R.^a V.^a depradicat. Favit verò demum egregiè curiositati mea P. Kircherus, unumq; nuper transmisit optima nota, non quidem à Divino confectum, sed ab alio quodam Juvene Romano, qui dimidio pretio paris aut majoris bonitatis machinulas suas vendit. Probavi illud jam sapius, & bonum effectum præstare omnino comperio: auget quippe lineam 80^{es}, superficiem 6400^{es}, corpus vero 512000^{es}, ut proximè ratiocinando per otium mihi videorprehendisse; quod certè insigne augmentum est &c.

CAPUT VIII.

*Infiniatis per impossibile exhausta pretium
statuere.*

*Infiniatis
pretium
statuere.*

Arithmeticam non Astronomiæ tantum, cujus ala est Platonæ teste, sed aliis quoque Mathematicis Disciplinis utilem esse, nemo est qui nesciat, nisi dictarum Disciplinarum rudis. Hoc ut demonstraret R. P. Georgius Behm (cujus jam sæpe mentionem fecimus) nonnullos ex Centuria Scientiarum Mathematicarum, fructus decerpit, qui Arithmeticæ præsidio ad maturitatem excreverunt; eosque unâ cum nonnullis Paradoxis Arithmeticis, in Alma Cæsarea, Regia, & Episcopali Universitate Olomucensi Societatis nostræ degustandos in concertatione publica Anno M. DC. LX. proposuit, atque ad me misit. Inter alios fructus est is quem proposui, ex Logistica depromptus, admodum paradoxus, quem Auctor ita explicat atque demonstrat.

Offerant pretium pro equo venali Titius, Cajus, & Sempromius. Primus offerat 24. aureos. Secundus velit dare hodie 12. aureos & reliquis subsequentibus totius æternitatis diebus semper dimidium pretii præcedentis diei. Tertius tandem hodie 16. aureos præsentet, cum obligatione solvendi reliquis in æternum diebus subtripulum pretii diei præcedentis. Dicit, à quolibet ho-

rum

rum trium æquale pretium offerri. Demonstrat. Ex proposit. 85. Partis 2. lib. 2. de Quadratura circuli P. Gregorii à S. Vincentio liquet, in propositione dupla totam seriem sine termino continuatam æquari duplo primi termini. Pariter è sequenti ibidem Proposit. constat, totam seriem terminorum triplæ proportionis sesquialteram esse primi termini. Atqui 24. est duplum 12. ipsorum autem 16. est sesquialterum; Ergo.

ANNOTATIO.

PRecedens Paradoxum pertinet ad Progressionem Geometricam infinitam. De finita multi scripsere: de infinita primus librum composuit Gregorius à S. Vincentio. De utraq; fusè & præclare agit P. Andreas Tacquet in *Arithmetica Practica* lib. 5. à cap. 4. Utraq; progressio continuari potest per terminos crescentes, & descendentes: illa vocatur ascendens, hæc descendens.

CAPUT IX.

Algebraicum Problema admirandum.

VEnit in manus meas ante annos aliquot admirandum quoddam *Problema Algebraico-polemicum; complectens synopsis* ^{Algebraicæ} *practicæ Architectonica Militaris, & extractionis Radicum ex* ^{cum Problema.} *Cossicis, quando horum vel unus æquatur pluribus quàm duobus, vel eorum Exponentes non servant proportionem Arithmeticam: cum enodatione unius Enigmatis per secundas Radices:* quod in celeberrima Universitate Viennensi Austriæ demonstrandum ac defendendum proposuit Anno M DC. XLIII. Matheseos ibidem Professor publicus P. Johannes Baptista Schvvanari è Societate nostra. Quod & ingeniosissimè atque accuratissimè, sed fusè solvit. Ego, ne longior sim, contentus ero idem ex ipso, Curioso Lectori solum proponere, ut habeat in quo ingenium suum, atque in Algebra peritiam exerceat. In hunc ergo sensum discurret dictus Auctor.

Regum quidam suum largiùs remunerare cupiens exercitum,

ob patriam periculo liberatam, hostemque profligatum; spondit contestans Militi omni, se, si certum allaturi sint numerum, quot Adversariorum profligassent ac trucidassent, in singulorum caesorum capita, ultra stipendium jam ritè persolutum, donativi loco centum aureos numeraturum. At boni illi milites nunquam interemptorum numerum, sed solummodò excidium curantes, responderunt hoc tanquam certum & determinatum sibi incognitum; malleque omni remuneratione abstinere, quàm dubium pro comperto edicere. Habere se tamen manum sui Notarii, viri omnium testimonio fidelissimi, qui coràm etiamnum si superstes foret, jurejurando, quæ scripserit, vera attestaretur; quâ signatum reliquit, se omnibus conflictibus, quorum quinque fuerunt, præsentem, post exactissimum de numero caesorum examen, comperisse quavis vice tot interfectos, quot designarentur.

2, 153, 914, 438, 849 R --- 96, 211, 576, 770 Q.

† 282, 004, 039 C. — 61, 725 QQ. † 1QC,

Nullius tamen cladis exterminium (quod notatu & admiratione dignum videbatur) alterius excidio fuisse æquale. Quòd si huic Tabulæ Majestas Regia fidem præstare velit; equidem in ipsius & potestate munifica, & deprædicatissima futuros liberalitate, seque æternùm utrique obstrictos.

Cùm autem quæreretur, quisnam ille sit numerus tanto sphyngis ænigmate obvolutus, inventum tandem est, esse ipsum numerum 61, 725; atque adeo si pollicitationi factæ adhærescere adlubescat, & in singulorum caesorum capita 100: aureos elargiri; summam horum, 6, 172, 500 persolvendam.

Quod cùm prodigâ quasi, attamen Regali, atque ideo liberali manu factum fuisset; altercatio quamprimum & contentio festivas gratulationum & acclamationum interturbavit voces, de eo exorta inter Militem, quod quis tolleret. Sed sedata ilicò, & pacata omnia ad munificentissimi Regis prudentissimam legem, qua fancivit,

Ut pecunia tota in quinque seipsam constituentes dividetur partes, quarum.

$1a \times 3a \frac{1}{4} \times 5 \times 5a \frac{1}{8} \times 7 - 2a \frac{1}{2} - 4 - 4a \frac{1}{2} - 6$ æqualis sit
 $2a \times 4a \frac{1}{2} \times 6 \times 1a \frac{1}{2} \times 3 - 3a \frac{1}{4} - 5 - 5a \frac{1}{8} - 7$ & hæc
 $3a \times 5a \frac{1}{8} \times 7 \times 2a \frac{1}{2} \times 4 - 4a \frac{1}{2} - 6 - 1a \frac{1}{2} - 3$ & hæc
 $4a \times 1a \frac{1}{2} \times 3 \times 3a \frac{1}{4} \times 5 - 5a \frac{1}{8} - 7 - 2a \frac{1}{2} - 4$ & hæc
 $5a \times 2a \frac{1}{2} \times 4 \times 4a \frac{1}{2} \times 6 - 1a \frac{1}{2} - 3 - 3a \frac{1}{4} - 5$ demum
 hoc est, Prima cum Tertiæ una quarta & quinque, ac Quintæ una
 sexta & septem, minù Secundæ una tertia & quatuor, ac Quartæ
 una quinta & sex; æquales foret.

Secundæ cum Quartæ una quinta & sex, ac Primæ una media
 & tribus, minù Tertiæ una quarta & quinque, ac Quintæ una
 sexta & septem: Et hæc

Tertiæ cum Quintæ una sexta & septem, ac Secundæ una
 tertia & quatuor, minù Quartæ una quinta & sex, ac Primæ una
 media & tribus: Et hæc

Quartæ cum Primæ una media & tribus, ac Tertiæ una quar-
 ta & quinque, minù Quintæ una sexta & septem, ac Secundæ una
 tertia & quatuor: Atque hæc demum.

Quintæ cum Secundæ una tertia & quatuor, ac Quartæ una
 quinta & sex, minù Primæ una media & tribus, ac Tertiæ una
 quarta & quinque.

Omnia autem hæc residua simul collecta conficerent illam-
 met ipsam à se summam donatam, scilicet 6, 172, 500.

In electione porrò partium hic conservaretur ordo. Omni-
 um primò sibi deligeret, quam vellet, Imperator seu Dux exer-
 citus: secundo succederent pro alia residuarum ad placitum Præ-
 fecti Legionum, Legatie eorundem & majores Officiales: tertio
 Tribuni, seu Capitanei, & reliqui minores Officiales: quarto
 Equitatus: quinto demum relictam ultimam sibi colleret Pedita-
 tus. Sed responsum ab omnibus, se ordinem sapientissimè pro-
 positum neutiquam inturbaturos, contentosque vel maxi-
 mè futuros, si primam partem primo loco nominatus tanquam
 caput omnium aggredieretur Imperator; alteram Colonelli (ut
 nunc dicuntur) & majores ministri; tertiam minores officiales;
 quartam Equites; quintam & ultimam Pedites.

Partitione autem præscripto ordine institutâ, & confectâ, re-
 pertum est, Primam partem constituisse I, 167, 163 $\frac{413}{800}$; Secun-
 dam I, 077, 383 $\frac{183}{800}$; Tertiam I, 376, 653, $\frac{188}{800}$; Quartam 935,
 230 $\frac{11}{800}$; Quintum I, 6, 6, 069 $\frac{192}{800}$.

Qq q q 3

Hoc

Hoc est Problema Auctoris: quod ut solvat, probetque numerum suprâ à Notario propositum, æquivalere numero casorum adversariorum, nempe 61725; ait, illius numeri radicem, quintuplicem quæsito satisfacere, scilicet 1. 23. 345. 4567. & 56789: hæ enim quinque radices seu latera simul constituunt numerum 61725. Hic autem numerus, ductus in 100. scilicet 6172500. si dividatur in quinque partes se constituentes supra à Rege adsignatas, & à militibus acceptatas, & omnia residua colligantur in unam summam; constituunt numerum 6172500, ut idem demonstrat.

CAPUT X.

Varia Naturæ & Artis Experimenta, ab ingeniosissimis Regiæ Societatis Anglicanae Affectis instituenda.

Experimenta à Societate Regiæ Anglicanae instituenda

IN Præloquio ad Physicam Curiosam, & suprâ 1. Par. initio libri primi, memini Societatis cujusdam doctorum Virorum in Anglica initæ, quorum studium & labor omnis eò collimat, ut per varia Naturæ & Artis Experimenta, tamen non sine ingentibus sumptibus suscepta, rerum proprietates ac naturas, mirabiliumque effectuum causas indagent. Horum Experimentorum ingentem catalogum, Londino ex Anglia à quodam dictæ Societatis sibi transmissum, dum hæc scribo, mittit ad me Ultrajecto jam sæpe memoratus Nobilissimus, & rei Litterariæ promovendæ studiosissimus Dominus *Philippus Ernestus Vegilin à Claerbergen*; quem latinè redditum Doctis & Curiosis Lectoribus communicandum censui.

Sic autem Londino 17 Octobris Anni 1662. scribitur ad dictum Nobilissimum Dominum Vegilinum: *De Societate Regiæ, quoniam ea etiamnum coalescit, parum expectari adhuc potest quod in lucem publicam prodeat. Colligimus modò quæ exhibere cogitamus Experimenta, & vix exhibendis initium dedimus. Interim ex adjuncto Catalogo discet Dominatio Vestra quæ jam fuerint materiae propositæ atq; collectæ; quæ omnes modò probam seu examen subeunt.*

subeunt. Res praeclara non nisi cum tempore maturescunt. Edocebit fortassis brevi ipsa Laudabilis Societas, in quem praecipue scopum collimet, ut eò deinde commodius ac fructuosius unà cum aliis ejusdem animi atque propositi doctus Viris humani generis communi bono promovendo incumbat. Ad quod assequendum inter alia praecipue conducere, si qua varii variis in locis re ipsa & experimento comprobârunt, annotarent sedulo, & accurate perscriberent: hoc quippe optimum ac securissimum medium est, artes ac scientias utiles omnes ab erroribus primò purgandi, ac deinde ad verum ac legitimum usum traducendi. De qua re pluribus aliàs. Hæc ille. Sequitur nunc

*Experimentorum & Observationum Catalogus,
à Regia Societate Anglicana partim exhibitorum
partim exhibendorum.*

I. Directiones practicandi Experimentum Torricellianum hydrargyri in tubo vitreo suspensi, in monte Pico Tenariæ Insulæ.

II. Experimenta varia omnis generis colorum.

III. Experimentum de augmentatione partium similarium in arboribus ac plantis.

IV. Experimenta circa liquefactionem & purgationem metallorum.

V. Experimentum aucti ponderis in igne.

VI. Experimentum Britannicarum avium, quas Bernadas vocant; atque ex lignis putridis, aut conchis navium carinæ adhærentibus ortum ducere creduntur.

VII. Experimenta seu Observationes nonnullarum valde inæqualium, & ab aliis omnibus differentium, &c.

VIII. Historia de præparatione cerussæ.

IX. Historia de Coparosa viridi.

X. Propositiones traditæ non ita pridem Domino Vice-Archithalasso, ad observationes marinas.

XI. Experimenta pulveris sympathetici.

XII. Hi-

XII. Historia accuratissima novissimi ascensus supra montem Picum Teneriffæ.

XIII. Experimentum vitri guttescentis in variis liquoribus.

XIV. Rarus pulvis exhibitus è vegetabili, ex Moscovia ad-
vectus.

XV. Experimentum virtutis seu potentiaë humanæ respira-
tionis.

XVI. Historia de nitri confectione, & purificatione.

XVII. Historia de origine aluminis, ejusque præparatione.

XVIII. Experimentum plantæ humilis, seu plantæ sensitivæ.

XIX. Descriptio singularis Insulæ Hirtæ, & mira hominum
ibidem vivendi ratio.

XX. Duæ mediæ proportionales, inter duas lineas rectas
examinatæ.

XXI. Experimentum circa compressionem aëris.

XXII. Vernix Chinenfis descripta.

XXIII. Alia ejusdem vernicis compositio.

XXIV. Experimentum Chamæleontis.

XXV. Experimentum ponderis ad vesicæ fundum appensi.

XXVI. Historia confectionis panni è lana ovium.

XXVII. Experimentum lapidis, qui vocatur oculus Mundi.

XXVIII. Historia de charta Turcica.

XXIX. Experimentum ponderis Carpionis & Raiaë vivo-
rum & mortuorum, extra & intra aquam.

XXX. Experimentum retrocessionis tormentorum belli-
corum.

XXXI. Descriptio Instrumenti ad explorandam maris pro-
funditatem sine bolide.

XXXII. Experimentum hujus Instrumenti.

XXXIII. Experimentum extrahendi aquam marinam,
prope fundum maris, sine permistione cum alia aqua.

XXXIV. Directiones pro navigationibus ad remota maria.

XXXV. Directiones circa ea quæ præcipuè observanda in
in eclipsi lunari.

XXXVI.

XXXVI. Observationes circa longitudinis sive differentiae Meridianorum scientiam Nauticam, & Geographicam.

XXXVII. Demonstratio vibrationis penduli in cycloide.

XXXVIII. Apparatus ad historiam de coloribus & tinctura.

XXXIX. Observationes generales circa colores.

XL. Observationes variae circa confectionem vitri.

XLI. Experimentum de Echo.

Præter hæc, innumera alia fuere proposita, ad hydrotechniam & pyrotechniam spectantia, aliæque Naturæ & Artis curiositates, observationes, & experimenta circa res Physicas, Mathematicas, Mechanicas; quæ omnia examini subjicientur.

ANNOTATIO.

JAmjam, dum hæc scribo, accipio Grōningā 17. Novemb. supradicti Anni à Viro Clarissimo atq. Doctissimo Antonio Deusingio Elenchum contentorum novi Opusculi, quod de Fœtu Mussipontano extra uterum in abdomine geniti recentissimè in lucem edidit, ac propediem ad me mittet. Contenta in dicto opusculo sunt hæc. 1. De vagitu infantis in utero. Ubi & de fletu & risu. 2. De pluviis prodigiosis. 3. Famina an rectè dicantur παρηνάσεις καὶ ἀμαρτίματ' τῆς φύσεως, prævaricationes & errores Naturæ? 4. De Pygmæis & Gigantibus: Itemq. monstris humani generis ex mixtione hominum brutorumq. animantium genitis. 5. De Hermaphroditis. 6. De Gemellis monstrosis: Ac fatu prægnante. 7. De phantasia prægnantium virtute. 8. De fermento in genere ac speciatim seminis & cerevisiæ. 9. De vasis artificialibus. 10. Circarationalis animæ ortum ex traduce difficultas diluta. 11. De varia genesi ex diversis speciebus: Ac transplantatione, seu conjugio diversarum specierum: Itemq. seminum in idoneum locum reconditorum vi & energia: Variag. metempsychosi, vel potius metasomatosi. 12. An monstrosis partibus, ac quibusnam ex iis Baptismus discernendus? 13. De diversitate animarum, quæ vulgò materiales dicuntur, & animæ dictæ rationalis, quoad subsistentiæ modum: Et, an plures animæ in homine. 14. An Medici sit morbos insanabiles aggredi? 15. An liceat humani generis monstra

Rrrrr

occi-

occidere? vel abortum quandoque procurare? 16. De attractione uteri; ejusdemq; retentione; Nec non ejusdem perceptione odorum. 17. De perdicibus ac vulturibus sine marium conjunctione parientibus. 18. De ventriculo in thorace reperto. 19. De barbaris in Medicina vocabulis: Abusu chimie: Atque imperitia terminorum ac linguae. 20. De naturali generatione fetus Muscipontani extrauterum. 21. De permutatione substantiae cadaverum: Inedia diuturna: Ασφύζια, & Απνία: Itemque vita Mortua: Et monstro humano sine corde. 22. De lampadibus subterraneis: vi plastica Macrocosmi: Ac de ovis nonnulla. 23. De auri confectione, & metallorum transmutatione: Item de Lapide Philosophorum seu Panacea. 24. De metamorphosis variis: Nebucadnezaris mutatione: Ecstasi. 25. Historia partus infelices, quo ossa infantum per abdomen prodierunt. Hac omnia pertractat, sine dubio, Auctor Eruditissimus promore suo eleganter, doctè, ac solide!

CAPUT XI.

Character novus Physiognomicus excellentis ingenii, certa ruga frontis.

Physiognomicus character novus boni ingenii.

Ingenii dotem eximiam esse, & maximo apud omnes nationes in pretio, nemo est qui ignorat. Signa ejus non pauca, ex temperamento, ex corporis statura, ex capitis quantitate, aut figura, ex pilorum colore, faciei conformatione, latitudine frontis, nasi aduncitate, oculorum parvitate, aliaque membrorum diversorum corporis conformatione, desumunt Aristoteles, Porta, Niquetius, aliiq; Physiognomici non pauci. Nullum tamen legi, qui ex rugis frontis de ingenio hactenus conjectârit. Quam meritò, immeritòve, jam patebit.

Ac principio quidem nihil de ingenii præstantia ex rugis frontium conjici posse, nullâ indigere videtur probatione. Quam enim probabilem connexionem reperias inter externos frontis sulcos, & internam ingenii præstantiam? Nisi fortè ridiculè opineris,

opineris, quòd quemadmodum ex multa & profunda aratione, fertilitas agri in futura messe colligitur, ita frontem multis rugis exaratam fertilitatem ingenii portendere. Verùm eodem tu iure eandem ingenii ubertatem ex fronte sordidata deduces, cùm, etiam fimatus ager fertilior evadat. Quo tamen quid absurdius? Certè si quid asperitas rugarum notaret, potiùs iracundos an imi motus, aut mentis meditundæ stupiditatem, quàm ingenii doctes indicaret, uti in *Magia Physiognomica* Par. 4. *Magiæ* lib. 7. *Syn- tagm.* 2. cap. 6. diximus. Accedit quòd ob eandem rationem, ob quam quidam caput conicæ gestant figuræ, alii sphaericæ, alii quadratæ, aliqui etiam rugas in fronte ostentant, aut frontem facile in rugas asperant, quia videlicet Cajeta aut nutrix eorum etiamnum infantum teneram cutem aut fasciis constringendo, aut comprimendo manibus, in rugas ac sulcos assuefecerunt.

His tamen non obstantibus, longa experientia, & quotidiana *avtôψia* nonneminem docuit, tamen si ex fronte, quæ omni penitus rugâ caret, nullum aut stupiditatis, aut acuminis ingenii iudicium delumi possit, cùm & hîc verum sit illud Philosophi, *Ex nihilo nihil fit*; rugatam tamen, ac certo modo paulò post explicando striatam frontem, non tantùm probabilem, sed ferè certam ac infallibilem conjecturam animum advertentibus præbere. Nec quòd istud ex rugis indicium, hætenus Physiognomonos latuerit, futile propterea ac falsum existimari debet. Quàm enim multa (inquit) è puteo Democriti funibus ingenii, aut fortuiti casus indies extrahuntur? Quis Tubum Opticum adinvenit? fortuita combinatio duorum vitrorum apud mercatorem Middelburgi in Selandia. Quis artem auri tonantis conficiendi? fulmen casuale extracti ab auro spiritûs magnâ alembicorum chymicorum strage. Quis Pyrotechnicam, seu artem pulveres nitratos præparandi? eadem scilicet fortuitæ experientiæ occasio. Hæc igitur non tantùm esse potuit, sed enim verò fuit mater hujus curiosæ Filia, conjecturalis inquam scientia de ingenii ex rugis frontium præstantia.

Observator primus, primusque dictæ conjecturalis scientiæ Auctor, est *R. P. Georgius Behm*, cujus suprà cap. 5. & alibi sæpe mentionem feci. Scribit hic Znoymâ Bohemiæ 1. Aprilis An-

ni 1662. se olim anno 1657. Olomucii in solenni Magistrorum Philosophiæ inauguratione, Quæstionem à Dominis Neo-Magistris sibi propositam, *An ex rugis frontis de ingenio conjici possit*, resolvisse in hæc verba. Scio etenim hominem, ac intime novi, utpote mihi familiarissimum, cui casus peperit hanc, de qua disputo, scientiam. Animadverterat is in nonnullorum aliunde ab ingenio celebrium frontibus commune quoddam signum, quo alii multi carebant, & ii quidem, de quorum ingenii debilitate itidem aliâ viâ constabat: imò proprio stupiditatis signo hi notabantur in fronte. Igitur placuit ei experiri, in variis hominibus at ætate & regione differrentibus, num forsitan idem in fronte signum omnes ingeniosi, sibi aliunde ut tales noti, gererent. Et ecce in multis centuriis hominum ingeniosorum idem commune signum advertit, quemadmodum & in stupidis suum: nequiquam meminit, in explorandis deinceps ignotis sibi ingeniis ad hunc Lydium lapidem, se esse deceptum. En tibi novam scientiam, & inductione experientiarum, non secus ac cætera natæ sunt, procreata.

Hic ego animadverto, omnium desideria ad manifestationem hujus communis signi à me faciendam collimare. Sed hæreo anceps animi in re invidiâ ac indignatione plenissima: nam, qui volet ingenio cedere, nullus erit. Dicam tamen liberè, tum quia multi minùs ingeniosi industriâ suâ ac labore alios sæpe præcellunt, & frequenter prudentiâ, ac aliis dotibus anteeunt: tum quòd in te, Promotor Clarissime, minùs periculi videam, ne fortè ex hoc manifestatione signi contristeris.

Ingenii præcellentis signum.

Est igitur præcellentis ingenii signum, duarum minimùm rugarum in fronte horizontalis parallelismus, sive duarum rugarum rectarum æquidistantia à pavimento in homine erecto. Quòd si plures similes rugæ adfuerint, majorem denotabunt ingenii præstantiam. At verò distortæ rugæ, neque in directum continuatæ, aut situi oculorum æquidistantes, ingenii debilitatem manifestant.

Ingenii debilis signum.

Ex quo colligitur, non quamvis multitudinem rugarum bonitatem ingenii indicare, sed certum earundem situm; aliàs in proximo hospitali (*vetularum erat domicilium*) maximorum ingeniorum Academia fundata esset. Porro

Porro ulterius sese curiosa industria hujus Amici mei extendit; notavitque commodum, ex rugis colligi posse, quinam homines essent ingenio lato, qui filato. *Filatum* ingenium vocabat, quod uni rei profundâ consequentiarum indagine insisteret, ad alia rimanda tunc minus aptum. Quo solo ingenio præditi homines ad gubernandum inepti, ad altiores scientias docendas aptissimi essent. *Latum* ingenium nominabat, quod plurima, minus tamen clarè seu profundè, simul intueretur. Et hoc ad gubernandum peraptum meritò judicabat. Illud ingenium oculo unam rem fixè & clarissimè videnti comparabat; hoc, oculo multitudinem florum totius horti simul, minus tamen clarè intuenti. Jam verò filati ingenii indices rugæ per eum sunt eadem, quas antè præstanti ingenio assignârat. *Latum* autem denotat multitudinem tenuium rugarum parallelè dispositarum. Fatebatur insuper, nonnullos utroque ingenio esse præditos, ac utriusque indices rugas habere. Verùm has aves raras esse in terris. Pro horum omnium veritate tuenda ad experientiam provocabat.

Hæc de positivo pro conjecturali rugarum scientia fundamento dicta sufficiant. Unicum jam subvereor, ne quispiam vestrum, Doctissimi DD. Neo-Magistri, paulò post domum reversus, atque ad speculum frontem suam examinans, conqueratur, minus competentem gradum præstantiæ suarum rugarum esse adjudicatum, præfertim à me, qui nobilitatem sui ingenii ex solis rugis poteram colligere. Verùm sciat is, non sibi suas rugas, sed pigritiam obsuisse.

Et hæc est mea de proposito problemate opinio, innixa Amici mei fundamento. Ratio autem à priori horum signorum, primæ lucubrationi Doctissimorum DD. Neo-Magistrorum, ne omnium rerum inventionem sibi præreptam putent, reservatur.

Hactenus P. Behm, qui in citata Epistola addit, Amicum illum cujus meminit, esse se ipsum.

CAPUT XII.

Rerum altitudines perpendiculares venari ex earum umbra transcurrente.

*Altitudines
rerum ex
umbra
transcur-
rente venari.*

*Vid. Iconism. XVI
Fig. I.*

NOtum est artificium, & antiquum, quo rerum altitudines perpendiculares ex earum, & baculi alicujus in quolibet æquales partes divisi, umbra stabili deprehendimus. Nimirum, si in appposito schemate, turris CD projiciat umbram DI pedum aut decempedarum 26; & eodem tempore erectus baculus AB in partes 14 divisus projiciat umbram BK 12 partium tallium, qualium baculus habet 14; fiatque ut BK 12, ad BA 14, ita DI 26, ad DC ; invenitur altitudo turris pedum aut decempedarum $30\frac{1}{2}$.

Sed in hoc casu, ut patet, necessarium est ut à puncto I usque ad turris basin D accedi queat. At quoniam sæpe contingit, ut accedere nequeamus ad basin turris, propter fossam, ædes adhærentes, aliaque impedimenta; aliud artificium Gröningâ misit ad me Nobilissimus atque Amplissimus *Dn. Philippus Ernestus Vegilin de Claerbergen* (cujus sæpe jam mentionem feci) eandem, in casu illo altitudinem deprehendendi ex umbra transcurrente turris & baculi, in hunc modum.

*Vide Iconism. XVI.
Fig. II.*

Dum in eodem schemate turris CD projicit umbram suam usque ad punctum F , projiciat baculus AB perpendiculariter erectus suam umbram usque ad punctum E . Post tempus aliquod elapsum, dum turris projicit umbram in H , baculus suam projiciat in G . Jungantur lineis rectis puncta FH , & EG , mensureturque distantia FH in decempedis v.g. 26; distantia verò EG in partibus baculi divisi, v.g. 12. Fiat jam, ut EG 12, ad AB 14, ita FH 26, ad DC : reperietur ut antea altitudo DC decempedarum $30\frac{1}{2}$.

Demonstratio utrobique eadem est, desumpta ex Prop. 4. sexti, propter triacula majora & minora æquiangula. Praxis hæc est facilior, utilior, & universalior, quàm præcedens.

CAPUT.




Figura 1^a








Figura 2^a









CAPUT XIII.

Thermometrum novum Magdeburgicum.

NOta sunt Thermometra, diversis modis constructa, in quibus aqua intra vitreos tubos ascendens ac descendens pro varia aëris temperie, ostendit caloris ac frigoris incrementa ac decrementa in eodema aëre, seu varios caloris ac frigoris gradus, in ipsis vitreis tubis, aut in vicinis tabellis notatos. De his egimus in Mechanica Hydro-pneumatica Par. 2. Classe 1. cap. 3. Machina 3.

Thermometrum novum Magdeburgicum.

Alio occultiori & longè ingeniosiori artificio deprehendit, atque aliis toto anno ostendit Ingeniosissimus Auctor Experimentorum Magdeburgicorum suprà lib. 1. Partis 1. explicatorum, caloris ac frigoris non solum in proximè circumstante, sed etiam in longè latèque circumfuso aëre gradus, simulque interno-scit, qui sit totius anni decursu calidissimus, qui frigidissimus dies; quod per ordinaria Thermoscopia seu Thermometra vix, aut ne vix quidem deprehendi potest. Machinam exhibet dictus Auctor suspensam è muro atrii domestici, eo loco, ut solaribus radiis colustrari nunquam possit; & est ejusmodi.

A est globus cupreus prægrandis, intus cavus, ejus magnitudinis, cujus est quem lib. 1. Partis 1. passim Cacabum evacuatorium appellavi. BC est tubus cupreus pollicaris amplitudinis è globo ad septem ferè ulnarum longitudinem descendens. Huic ad latus adjunctus, & infra ad D conjunctus est alius cupreus tubus gracilior: cui certa vini adusti seu spiritûs vini quantitas infunditur, pro majori aut minori tubi amplitudine. Vino adusto injicitur tubulus è tenuissima orichalci lamina coagmentatus, undique clausus ac munitus contra liquoris ingressum, continens intra se tot plumbeos globulos, antea quàm clauderetur, injectos, ut æqualis sit ponderis cum æqualis molis liquore, adeo ut ad supremam præcisè superficiem usque tantum liquori immersus hæreat. Tubulo huic, seu ponderi, alligatum est filum ceratum; quod è tubo ED egrediens, transit supra trochleam F; habetque alteri suæ extremitati alligatam icunculam G, nudi infantuli formâ, è subtili orichalci lamina confectam, manus-
que

Vide Iconis. XVII. & XVIII.

que ac pedes extendentem, ac versus tubum ambas manus monstrantis specie protendentem. Duo prædicti tubi BC, & DE, circumdati sunt alio trigoni prismatis formâ tubo, è laminis coagmentato, ne prædicti duo tubi appareant, & artificium se prodatur spectantibus. In hujus triangularis tubi superficie extima perreptat sursum atque deorsum dicta icuncula, & extentis manibus ostendit caloris ac frigoris gradus in ejus circuitu rotatos.

Globus A habet ad latus ventile seu platismatium H, quod Auctor umbilicum globi appellat. Per hoc, vel ope Cacabi evacuatorii suprà lib. 1. descripti, vel alterius Instrumenti ad evacuandum adhiberi soliti (qualia ibidem proposuimus) extrahi debet è globo tantum aëris, donec icuncula debito in loco è graduum regione suspensa hæreat. Qui ignorat debitum locum, eo tempore aërem extrahat, quo pruinosæ ac frigidæ noctes ingruunt: talienim tempore icuncula circa medium notatorum in tubo externo graduum hærare debet. Itaque hoc moderati frigoris tempore tantum aëris extrahi debet, ut icuncula ad dictum locum progrediatur. Praxis omnia melius docebit.

Globum hunc Auctor Experimentorum Magdeburgicorum, ut dicebam, suspensum habet toto anno sub dio è pariete domus, quò Sol nunquam pertingit. Obductus est colore cæruleo, aureisque stellis interstinctus, cum hac epigraphe, MOBILE PERPETUUM.

CAPUT XIV.

Numeros quoscunq; quadratos ita in quadrata disponere, ut quævis series addita, sive transversim sumantur, sive à summo deorsum, sive decussatim, seu diagonaliter, semper eandem summam conficiant,

Superstitiosiores Pythagoræi, alique qui sollicitius mysteria & virtutes in numeris rimantur, seu ab Ægyptiis instructi (ut nonnemi placet) seu à vertiginoso cerebro illusi, numeros quosdam

dam quadratos ita disponunt intra quadrata majora, minoribus quadratulis distincta, ut singulæ eorum series, transversim, deorsum perpendiculariter, decussatim seu diagonaliter ab angulo uno ad alterum oppositum, additæ inter se, semper eandem summam constituent. Hos numeros ita dispositos vocant Mensulas planetarum, sacras planetarum Tabulas, planetarum Sigilla, ut diximus in *Magia Arithmetica*, quæ est in 3. Par. *Magiæ lib. penultimo*. Has mensulas ajunt *multis admodum magnisq. celestium virtutibus insignitas esse*, teste Cornelio Agrippa lib. 2. *Philosophiæ Occultæ cap. 22.* Imò tantum iis tribuunt, teste *Athanasio Kircher*o to. 2. *Oedipi Classe 7. cap. 4. circa initium, ut nihil non in rerum natura iis se demonstrare posse putent.* Harum tamen Tabularum seu Mensularum præcipuè septem habent in magna Veneratione, easque septem planetis attribuant, quòd sculptæ in certis laminis certo modo acceremoniis, miram habeant virtutem ad dictorum planetarum virtutes atque influentias in homines illas laminas gestantes derivandas.

*Planetarum
Mensule
seu sigilla.*

Prima dictarum Mensularum constat novem particularibus numeris, ab unitate usque ad novem, ita dispositis, ut singulorum serierum summæ efficiant 15. Continet itaque quadratum numerum 9: cujus Radix est 3. Et hæc tribuunt Saturno. In Secunda disponunt quadratum numerum 16. cujus quadrata Radix est 4; & tribuunt Jovi. In tertia quadratum 25, cujus radix 5, disponunt; & tribuunt Marti. In quarta quadratum 36, cujus radix est 6; & tribuunt Soli. In quinta radicis 7, quadratum 49 disponitur, & Veneri tribuitur. In sexta radicis 8, quadratum 64 collocant, & dedicant Mercurio. In septima denique Mensula disponunt radicis 9. quadratum numerum 8, & Lunæ attribuant.

Sed hujusmodi Mensularum vanitas, numerorumque in illis dispositorum inefficacia, cum ex aliis, tum vel maximè ex hoc demonstratur, quòd quivis quadrati numeri, imò quivis arithmetice proportionales, sive ab unitate inchoentur, sive non, & sive numeri solà unitate se excedant, sive non, dicto modo disponi in laterculis in quadrata efformatis possunt.

Earum vanitas.

Praxine ejusmodi Menfulas conficiendi, fed admodum difficilem, habet P. *Athanasius Kircherus* in *Odipo* lo. cit. Aliam faciliorem mifit ad me Viennâ Vir Doctiffimus atque Amiciffimus *Dn. Godefridus Kinnerus*. Ipfa ejus verba lubet apponere, quoniam clarè rem difficilem explicant. Sic ergo fcribit.

Methodus difponendi numeros arithmetice proportionales in quadrata, ut inter fe additi diagonaliter, deorfum, vel transversim, femper eandem fumam conficiant.

Duplicia folet effe ejusmodi quadrata : alia quorum radix eft numerus aliquis impar, ut 3, 5, 7, 9, 11, &c : alia quorum radix eft numerus par, veluti 4, 6, 8, 10, 12, &c : Quadrata radices imparis facilius conficiuntur, & habent regulam omnibus fervientem ; qualis non habetur pro quadratis, quæ radicem habent numerum parem. Expediam primò quadrata imparia ; mox quadam de paribus jungam.

R. 3

H 4	O 9	C 2
E 3	A 5	K 7
M 8	F 1	I 6
G	N	B

D
L

Sumatur in primis quadratum cujus radix 3. Continet verò illud minora novem quadratula ; quæ factâ lateris divifione infcribantur. Sit medium totius Figura quadratulum A ; cui directè fupponatur numerus 1. unde fumitur fcriptionis principium. Pro-
cedatur

cedatur deinde dextram versùs, tendendo ad partes inferiores, ut monstrat diameter in quadratulo efformata, ubi B: quoniam verò illud spatium est extra Figuram, numerus 2. qui illic scribendus esset, ponitur in primo & summo quadratulo illius columnæ, videlicet in C. Hinc rursus tenditur ad dextram versùs partes inferiores, ut diameter monstrat, ad D: quoniam verò nec illud spatium Figura complectitur, ponitur numerus 3 ad partem oppositam columnæ transverse ubi E. Atq; hinc rursus servatâ eadem lege juxta diametri directionem proceditur versùs quadratulum ad dextram proximum F; ubi cum jam ante positus sit numerus 1, fit inde reflexio ad partem oppositam, sinistram videlicet, ubi G: at cum illud spatium à figura quadrati sit exclusum, saltatur hinc ad partem oppositam columnæ perpendicularis in H, poniturq; ibi numerus 4. Inde dextram & dorsum versùs processus fit in A, poniturq; numerus 5, mox in I. ubi numeri 6. locus est. Ad hunc infimum cujusq; quadrati imparis angulum, ubi deventum est, numerus qui proximè sequitur (ut in hoc proposito casu, 7) necessario collocandus est in secundo quadratulo postrema columnæ, videlicet hic in K, Ex quo rursus tenditur deorsum ad dextram in L; ubi cum spatium sit extra Figuram, numerus, ut aliquoties jam factum, in parte opposita columnæ ponitur in M. Proximus verò 9. cum facto progressu ordinario deorsum in N extra Figuram poni nequeat, rejicitur ad summitatem columnæ in O. Atque ita quadratum imparis radicis 3. perfectum est. Sic ergo stabit Quadratum cum suis numeris inscriptis:

R. 3.

4	9	2
3	5	7
8	1	6

Ad hujus normam cetera omnia imparium radicum quadrata conficiuntur; in quibus sequentes regulæ universaliter servantur.
 1.^a Initium inscriptionis sumitur à quadratulo quod medio quadratulo totius Figure subacet immediatè. 2.^a Processus fit ad

S s s s s 2 partes

per dextras inferiores. 3.^a Si Spatium id, ad quod pervenitur, sit extra Figuram, numerus proximus ponitur in parte remotiore illius columnæ. 4.^a Si in Spatio, quò fit progressio, jam antè fuerit numerus; refilitur deorsum versus sinistrum. 5.^a Dum factò progressu ordinario, devenitur ad angulum infimum dextrum quadrati; numerus sequens in secundo quadratulo superiore postrema columnæ collocandus est.

Verùm ut res tota adhuc meliùs intelligatur, adhuc aliud exemplum in quadrato radices 5. apponatur. Hactenus Kinnerus.

Rx. 5.

11	24	7	20	3
4	12	25	8	16
17	5	13	21	9
10	18	1	14	22
23	6	19	2	15

Hac praxi disponi possunt facillimè, ac expeditissimè, quicunque numeri quadrati imparium radicum, quantumvis magni, ita ut ut series omnes transversales, perpendiculares, diametrales, eundem efficiant numerum. Aut ergo omnes numeri dicto modo dispositi ingentibus præditi sunt virtutibus, non secus ac illi, quos Arithmantæ supersticiosi suis Planetariis Mensulis inscribunt; aut vana sunt, quæ de his Mensulis dicuntur.

Modus quo P. Athanasius Kircherus prædictos numeros disponit intra quadrata & quadratula, lo. cit. ex Oedipo, differt non parum ab hoc, estque difficilior, & intricatior.

Sequitur modus conficiendi Mensulas, iisque inscribendi numeros quadratos, quorum radix est numerus par; qui modus est longè difficilior præcedente, nec regulam habet omnibus communem. Dn. Kinnerus hanc præscribit.

Conficiatur quadratum juxta radices partitionem in minora quadratula divisum; quibus numeri inscribantur ordine naturali, ut in sequenti Fig. 1. apparet.

Fig. I. R. 4.

a			c
1	2	3	4
	b	d	
5	6	7	8
	d	b	
9	10	11	12
c			a
13	14	15	16

Fig. II. R. 4.

16	2	3	13
5	11	10	8
9	7	6	12
4	14	15	1

Ut autem obtineatur intentum, opus est nonnullos inter se numeros permutare. Et in presenti quidem quadrato non opus est aliâ permutatione, quàm per crucem juxta utramq; diametrum quadrati; si enim numeri, qui similibus literis notati sunt, permulentur, acquirantq; proinde dispositionem quam demonstrat Figura 2.^a erunt jam singularum columnarum numeri seu perpendiculariter seu transversim, ut & ii qui sunt circa utramq; diametrum, inter se addicti, quoad summam aequales.

In hoc quadrato radicis 4 sufficit transpositio numerorum diagonalis, & in ulterioribus quadratis, quorum radix major, plures mutationes requiruntur, in quibus nihilominus etiam transpositio numerorum juxta diametros est adhibendos. Quâ verò ratione instituenda sit debita numerorum inter se permutatio, paulò post subjungam. Interim adhuc aliud exemplum subiungere libet quadrati Rad. 6; ubi in prima Figura sunt numeri scripti ordine naturali, cum literis quæ permutationem indicant, in secunda verò iidem numeri jam debite collocati.

Fig. I. Rad. 6.

	A	B	C	C	B	A
D	a 1		g 3	g 4	m 5	d 6
E	7	b 8		l 10	e 11	12
F	k 13		c 15	f 16		17 18
F	k 19	h 20	f 21	c 22	h 23	24
E	i 25	e 26		l 28	b 29	i 30
D	d 31				m 35	a 36

Fig. II. Rad.

36	2	4	3	35	31
7	29	9	28	26	12
19	14	22	21	17	18
13	23	16	15	20	24
30	11	27	10	8	25
6	32	33	34	5	1

*Ut verò generalis aliqua directio pronumerorum permutatio-
nibus habeatur, inspicere juvabit sequentem tabellam, qua opera-
tionem utcumq. faciliabit.*

Radices Pares	4	6	8	10	12	14	16	18	20
Quod numeri mutandi sint in sin- gulis paribus columnarum.	0	1	2	3	4	5	6	7	8
Ad latus dextrum & Infra.		2	2	3	3	4	4		
Ad latus sinistrum & supra.		1	2	2	3	3	4		

*Usus tabula consistit in eo, quòd operantem dirigat, quot numeri in
singulis paribus columnarum sint permutandi. Exemplum clar-
ior erit. Quoniam sub radice 4 supposita est 0, signum est in illo
quadrato nullos numeros in columnis permutandos, sed sufficere
transpositionem secundum diametros factam. Sub radice verò 6
cum supposita sit unitas, denotat in singulis paribus columnarum,
tam perpendicularibus, quàm transversalibus, unicum numerum
permutandum esse. Porro quadratum Fig. 1.^a supra divisum est*

in tria

in tria a paria columnarum, tam juxta lineas perpendiculares, quam transversales, quarum semper duæ eisdem literis notata sibi correspondent, & in quibus numeri vicissim loca mutant, quales sunt in dicta 1 Fig. AA, BB, CC perpendiculares, & DD, EE, FF transversales. In columnis ergo AA sedem mutant numeri literulis ii notati; in columnis BB transponuntur numeri ubi hh; in CC mutantur ii qui signantur literulis gg. Eadem ratione in DD transversalibus columnis mutatio fit numerorum, ubi litera mm; in columnis EE ubi litera ll; in FF denique ubi KK. Subjiciam adhuc duo quadrata Radicum 8 & 10, è quibus facilius apparebit, quâ ratione in ulterioribus procedendum sit.

R. 8.

e			i	i	y	z	a
1	2	3	4	5	6	7	8
	f			u	x	b	
9	10	11	12	13	14	15	16
		g	s	t	c		
17	18	19	20	21	22	23	24
r		k	h	d	k		w
25	26	27	28	29	30	31	32
r	m	l	d	h	l	m	w
33	34	35	36	37	38	39	40
o	n	c	s	t	g	n	o
41	42	43	44	45	46	47	48
p	b			u	x	f	p
49	50	51	52	53	54	55	56
a			q	q	y	z	e
57	58	59	60	61	62	63	64

Rad.

R. IO.

a	D		l	m	m	l	O	P	f
1	2	3	4	5	6	7	8	9	10
n	b	F		o	o	M	N	g	n
11	12	13	14	15	16	17	18	19	20
	p	c	G		K	L	h	p	
21	22	23	24	25	26	27	28	29	30
B		q	d	H	I	i	q		
31	32	33	34	35	36	37	38	39	40
C	E		r	e	k	r			Q
41	42	43	44	45	46	47	48	49	50
C	E	t	s	k	e	s	t		Q
51	52	53	54	55	56	57	58	59	60
B	w	u	i	H	I	d	u	w	
61	62	63	64	65	66	67	68	69	70
y	x	h	G		K	L	c	x	y
71	72	73	74	75	76	77	78	79	80
z	g	F				M	N	b	Z
81	82	83	84	85	86	87	88	89	90
f	D			A	A		O	P	a
91	92	93	94	95	96	97	98	99	100

Et hac de quadratorum confectiōe sufficiant. Quod si quis scire desideret, quanta sit summa numerorum unius columna, aut quanta omnium totius quadrati, hac praxi uti potest. Ex omnibus numerus qui quadrato inscripti sunt, minimus addatur maximus; hac summa multiplicetur per numerum quadrati: dimidium enim huius ultimi numeri erit summa omnium numerorum: quæ si dividatur per radicem, prodibit summa unius columna. Ut exempli gratia in quadrato cuius radix 4, minimus numerus est 1, maximus 16, qui additi faciunt 17; quem numerum si per quadratum, id est 16 multiplices, oritur numerus 272, cuius dimidium 136 summa est omnium numerorum totius quadrati: quod si 136 divides per radicem 4, prodibunt 34, summa unius columna.

Præcedens

Præcedens regula universalis est, valetq; pro quibuscunq; numeris arithmetice proportionalibus quadrato inscriptis, tamen si neque initium fiat ab unitate, neq; numeri per unitatem duntaxat se excedant. In numeris verò naturali ordine procedentibus hæc præxi quis uti potest. In quadratis imparibus numero quadrati addatur unitas, dimidium huius ducatur in radicem quadrati, producitq; summa unius columna; qua rursus multiplicata per radicem, dat summam totius quadrati. Ut in quadrato impari 9, additâ unitate fiunt 10; cuius dimidium 5 ductum in radicem 3, dat 15, summam scilicet unius columna; 15 verò multiplicata rursus per 3, producit 45 summam numerorum totius quadrati.

In quadratis paribus hic modus est: quadrato additur unitas, productum multiplicatur per dimidiam radicem, oriturq; summa unius columna; qua multiplicata per integram radicem dat summam omnium numerorum. Ut quadrato 16 additâ unitate, procedunt 17; qua ducta in dimidium radicis, id est, 2, dant 34 numerum unius columna; qui multiplicatus per radicem 4, producit 136 summam totius aggregati.

Hæc omnia Dominus Kinnerus. Ex quibus patet, difficilissimam & intricatissimam esse dispositionem numerorum Radicum parium, juxta has regulas: ac praxis quam alii præscribunt, adhuc difficilior & intricatior est. Plura qui volet circa has Planetarum Mensuras, & circa nonnullas proprietates mirabiles earum dispositione elucescentes, adeat P. Aθανασii Kircheri Oedipum Ægyptiacum loco suprâ citato.

CAPUT XV.

Sclopetum pneumaticum novum Magdeburgicum.

EXperimentum illud Magdeburgicum, quod suprâ Par. I. lib. I. fusè ac distinctè descripsimus, explicavimusque; cum aliis multis & ingeniosissimis Experimentis excogitandis, cum novo sclopeto pneumatico occasionem præbuit, quo non aëris intra

*Sclopetum
pneumaticum
novum.*

Tttt


ipsum

ipsum condentati (uti hactenus in ejus generis sclopetis usitatum fuit) sed summè rarefacti, ac derepente extracti ope, plumbeas glandes bene magnas ejaculari licet, non minori impetu ac violentiâ, quàm è sclopetis ordinariis subsidio pulveris pyrii exploduntur. Artificii Auctor est idem qui citati Magdeburgici Experimenti, Prænobilis atque amplissimus Dominus *Otto Gericke*, Magdeburgensis Patritius & Consul; qui tametsi id unâ cum illis quæ suprà citato loco adduxi, multisque aliis à se felicissimè excogitatis, Operi suo quod præ manibus habet, inserere cogitet, dignatus nihilominus fuit pro sua singulari Humanitate mihi antequam editionem dicti Operis communicare, & per Filium Prænobilem Amplissimumq; Dn. *Ottonem Gericke*, Celcissimi Principis Anhaltini Consiliarium, ad me nuper transmittere. Res est uti nova, ita ingeniosa, & omnino digna quæ solis Principibus, aut Amicis intimis communicetur: Desiderium tamen, quo prodesse omnibus cupio, eam quoque ut luci publicæ darem, impetravit. Itaq; artificium in hoc consistit.

Vide Icon.
asin. XIX.

Fiat ex lamina aurichalcea canalis *AB* lubitæ capacitatis, pro magnitudine videlicet pilæ plumbeæ quam ejaculari placet. Uni ejus extremitati, nempe *A*, adferruminetur orbiculus itidem aurichalceus *DE*, torno non nihilexcavatus (relicto tamen per circuitum circulari limbo) ut orbiculum coriaceum *K* recipere queat, qui foramen *A* regat, atque occludat. Canalis hic parte suâ inferiore, ubi *C*, fissuram habeat, quæ longitudine dimidiâ digiti latitudinem adæquet, latitudine verò dorsum cultri cibarii non excedat. Infra hanc Fissuram, ab *A* usque ad *F*, imbricatus canaliculus adferruminetur prædicto canali, qui in tubulum coniformem decurratum *FG* desinat. Qui quidem conus *FG* è lamina ferrea stanno obducta (von *Bläch*) tantæ amplitudinis esse debet, ut Recipientis *I* (quem lib. 1. Partis 1. suprà descripsimus cap. 1.) epistomium *H* exactè expleat: aut si gracilior sit quàm ut dictum epistomium explere queat, lino aut stuppâ involvatur, & contra omnem aëris ingressum egressumque muniatur.

Hactenus fabrica sclopeti. Usus ejus hic est. *I*. Recipiens *I*
memo-





memoratus, omni aëre prius evacuatus arte lo. cit. explicatâ, imponatur scabello excavato, aut apertæ superiùs cuppæ Lⁱ, aliive simili fulcimento, tum ut in omnem partem pro libitu verti, & in dato situ firmari queat, tum ne pondere suo & sclopeti superpositi laedatur.

II. Canalis AB, mediante tubulo coniformi FG, inferatur epistomio H, Recipientis².

III. Orbiculus coriaceus K (qui è Cordubensicorio sit, & certo quodam in eum finem preparato ferro, sutoribus etiam usitato percutiatur) imponatur excavato orbiculo aurichalceo DE, anteforamen A canalis².

IV. Globulus plumbeus, qui canalis AB cavitatem exactissimè expleat, immittatur per orificium B, ut in illo hæreat, & sclopetum dirigatur ad certum scopum seu metam.

V. Clavis epistomii H summâ celeritate vertatur semel, ut quasi momentò aperiatur simul & claudatur.

Hoc facto, una sit explosio, ejiciturque glans plumbea versus metam designatam. Hac peractâ, inferatur iterum orbiculus alius coriaceus K orbiculo excavato DE, & globus plumbeus novus indatur orificio B, denuoque vertatur celeriter clavis epistomii H; fietque secunda explosio. Atque hæc operatio toties reiterari, ac tam diu continuari potest, donec Recipiens paulatim aëre è canali AB intra ipsum irrutente repleatur.

ANNOTATIONES.

I.

Explodio fit non ob aëris condensati copiam, ut in aliis sclopetis pneumaticis hætenus usitatis, sed ob aëris defectum. Quoniam enim Recipiens I. evacuatus est, canalis autem AB repletus est aëre; quamprimum epistomium H aperitur, irruit summo impetu intra ipsam aër canalis AB, elabentis (quoniam aliunde non potest) per fissuram C, intra canaliculum AF, & tubulum coniformem FG. In locum autem aëris è canali AB elapsi, irruit summo impetu aër externus per foramen A, tamen si lectum orbiculo K, atq; expellit globulum plumbeum orificio B infixum.

Irruit autem aer potius per foramen A tectum, quàm per foramen B globo plumbeo obturatum, quoniam facilius vincit operculum coriaceum K, quàm plumbeum globum firmiter foramini B infixum. Quare si hic globus non expleret exactè dictum foramen B, eiq; firmissimè inhareret, effectus nequaquam sequeretur.

II. Monet Auctor in Epistola ad me data, hoc Instrumentum nondum assecutum omnimodam perfectionem, sed multa adhuc addi Magistrâ experientiâ posse. Qua experientia etiam docuit, eandem longitudinem canalis AB proportionari debere globulo plumbeo ejiciendo, aliâq; requiri proportionem ad maiorem, aliâ ad minorem globulum ejiciendum. Observavit quoq; cum dictus canalis ulnarum $4\frac{1}{2}$ longitudinem habebat, multo fortiori impetu & ictu globulum ejecisse, quàm cum ad 3. ulnas decurtatus fuit.

III. Opus quod Pranobilis huius & aliorum Experimentorum Magdeburgicorum Auctor molitur, & jam pænè confectum habet, hac cum Epigraphe (quam nuper ad me misit) prodibit:

EXPERIMENTUM NOVUM

MAGDEBURGICUM,

AB

Admodum Re. Dn. Pat. Gaspare Schotto è Societate JESU, & Herbipolitana Academia Matheos Professore, in fine illius Mechanica Hydraulico-pneumatica,

Anno M. DC. LVII. primum editum; Nunc verò

ab ipso Auctore,

OTTONE GERICKE;

Patritio & Magdeburgensis Civitatis Consule

Recognitum, variisq; novis Experimentis; uti & singulari tractatu de aeris pondere circa Terram; de spatio ingenti inter astra quod Cælum, vel Æther, vel Vacuum vocatur; de

Virtutibus mundanis; de Mundo nostro Planetario; de stellis, fixis, & eo quod finit eas &c.

auctum & perfectum.

CAPUT XVI.

Herbas ac flores intra vitream phialam artificialiōe producere.

DN Jacobus Dobrzenski de Nigroponte, Amicus & Fautor ^{Palingene-} sincerus, in Amēiori Philoſophia de Fontibus Par. 3. Prp. 1. ^{ſia ſibe re-} refert, ſe in peregrinatione ſua diuturna apud eximium quendam ^{ſuscitatio} Chymicum vidiffe *ſoſcutorum diverſorum veram, & non imagi-* ^{herbarū ac} *nariam intra vitreas phialas productionem, qui ex liquida qua-* ^{ſorum ex} *dam & quaſi uliginosa materia intra vitreas phialas hermetice* ^{eorum cine-} *clauſas contenta, modico adhibito calore illico erigebantur, & in ſer-* ^{ribus.} *malem plantam ſoliis & floribus onuſtam deſinebant, tamq. diu perdurabant, quā diu à calore fovebantur. Qua autem id arte prædictus Chymicus effeciſſet, ait ſe reſeire non potuiſſe. Tandem, amicū quendam ſibi cariſſimū pro ingenuitate ſua ſecretum, ſed non niſi ſub ſecreti ſigillo, ſibi pandiſſe. Longo poſt tempore idem ſe reperiſſe in libro quodam Germanico, ideoque à fide obligata liber, id proponit lo. cit. Propoſ. 2. eſtque illud idem quod nos propoſuimus in Mechanica Hydraulico - pneumatica Par. 2. Claſſe 1. Cap. 6. Machina 8. & vocaviμς Παλιγγενεſίαν Cæſaream, ſeu Regenerationem plantarum in aquis phialæ incluſis ex cujuſcunque plantæ ſemine.*

Auctor Germanici libri, cujuſ meminit Dn. De Nigroponte, eſt fortalliſ *Dn. Georgiuſ Harsdorfferuſ*, Patritiuſ & Conſul Norimbergendiſ, magnuſ olim amicuſ, nunc vitā functuſ, qui ſecretum enarrat to. 2. Deliciarum Mathematicar. Par. 9. Quæſt. 26. aitque ejuſdem meminiffe Quercetanum, & Gaſſarellum in Curioſitatibus inauditiſ. Circa Mechanicæ noſtræ loco diximus, ſecretum fuiſſe P. Achanafio Kircherō tranſmiſſum à Cæſare FERDINANDO III. ob idque *Cæſareum* vocaviμς: at cūm Auctoreſ alii diu antea ejuſdem meminere, ut vidimus, Cæſari impoſuit, quicunque id pro ſuo, ac recēſ invento, ut appareret, vendidit.

Experientiam, ut ibidem diximus, P. Kircheruſ non fecit,
Tttt 3 quia

quia multum temporis ac laboris requirit. Tentavit tamen P. Balthasar Conradus, cum viveret, Uratislaviæque Mathesin publice doceret; at nullo successu; forassis quia non omnes in operando circumstantias, quæ multæ sunt, servaverat. Certè Dn. de Nigroponte non omnes enarrat quas nos & Harstorfferus habemus. Nostra verò & Harstorfferi descriptio in omnibus penitus conveniunt; quam & huc reponere non piget, addito solum uno aut altero verbo. Itaque

Primò. Accipe feminis plantæ cujusvis maturrimi, tempore & coelo serenis, libras quatuor; quæ in mortario (vitreo ait Harstorfferus) contusa, phialæ mundæ, & plantæ futuræ altitudinis capaci, & quàm optimè clausæ impones; & ne vel minimum expiret, caveto, asservatâ quoque phialâ in loco mundo & calido.

Secundò. Hoc peracto, observabis tempus vespertinum coeli serenissimi, ut sequenti nocte rorem decidentem colligas.

Tertiò. Phialam asservatam aperi, semen contusum comminutumque exime, & super tabulam vitream extende. Hanc verò tabulam cum semine in horto aliquo, aut prato, sub dio libero expositam relinque; & ne aliquid roris abundantioris è tabula defluendo pereat, tabulam unâ cum semine in patina latiuscula collocabis. Sic fiet, ut ros copiosè supra semen decedens ipsi commodiùs naturam suam nocturnis hisce macerationibus conferat.

Quartò. Eodem tempore, ad rorem commodiùs excipiendum, quatuor palis affixum linteamen subtile & purissimum, extendatur; quod madore nocturno imbutum, perinde in vitrum mundissimum ad octo circiter mensuras, exprimatur.

Quintò. Porro semen imbutum rore nocturno, iterum, phialæ suæ inclusum, ne quid inde expiret, aut calore Solis extrahatur, ante Solis ortum pristino loco reponatur.

Sextò. Ros ex linteamine expressus, sapissimè percoletur; colatus aliquoties distilletur, donec omnibus facibus & terrestri immunditie immunis evadat. Fæces verò relictas calcinabis, & salem dabunt pulchrum visu; qui mox in rore distillato dissolvatur.

Septimò. Ros hoc sale imbutus semine in phiala asservato ad altitudinem trium digitorum affundatur : deinde phiala hermetice cum vitro contulò & borace signata, in loco calido & humido asservetur ; aut etiam sub fimo equino, menstruo spatio, condatur. Deinde exemptam phialam considera, & videbis semen ad instar gelatinæ transmutatum ; spiritum cuticulæ instar variis coloribus variegatæ supernatantem ; & intra cuticulam ac terram limosam, rorem de natura seminis existentem instar segetis viridis.

Octavò. Phialam hanc ita sigillatam, per totam æstatem, suspende in loco Solis interdiu, noctu Lunæ, reliquorumque siderum radiis pervio. Coelo verò turbido, aut pluvioso, in loco sicco & calido asserva, donec pulvis nubibus serenitas demum affulserit ; cui denique denuò eam exponas.

Accidit nonnunquam, ut opus hoc mensibus ferè duobus, aut citius ; aliquando post annum, juxta temporum constitutionem, absolvatur.

Cæterùm signa perfectionis operis hæc sunt. Limosa materia in fundo in altum contumescit ; spiritus & cuticula in dies decrescunt ; totaque materia demum inspissatur : in vitro verò à reflexione Solis subtiles nascuntur exhalationes & nebulae, plantæ excrecentis prima quædam rudimenta.

Novò. Tandem ex tota illa in fundo subsistente materia, spirituque, cinis fit albo-cæruleus, & tum successu temporis caulis, herba, & flores producuntur in forma & specie seminis. Quæ species præsentem calorem compareret, eodem absente evanescens in chaos suum revertitur. Sed quoties ignem applicaveris, toties calore suscitata materia, plantæ formam exhibet. Durabitque hac ratione, si vas bene obturatum fuerit, perpetuò.

ANNOTATIO.

Vides quanti temporis ac laboris sit hac empiriis, quamq; accuratum ac sedulum requirat empiricum ? Memini Romæ Eminentiſſimum quendam Principem diu sollicitasse P. Athanasium Kircherum, ut hanc sibi in phiala exhibitam palingenesiam concinnaret :
at

at maluit ille suase, quam in Musco suo asservabat, spoliare, ac diledo Principi dono dare, quam pro nova concinnanda tam pertinacem subire laborem.

CAPUT XVII.

Integram abietum silvam derepente intra vitream phialam enatam exhibere,

Silva abietum intra phialam vitream.

Modum docet supra laudatus Dn. de Nigroponte lo. cit. his verbis: *Recipe terebinthina vulgaris albiſſima libram 1½. PPonatur in retortam, admoto recipiente amplissimo, juncturis nonnolutatis pro diversitate oleorum emanantium; & fiat destillatio ex arena. Ex libra una & semis terebinthina elicere poteris libram semis spiritus & olei atherei. Postea mutato recipiente, immota retorta, auctiore igne elice uncias duas olei flavi. Tum vas adhuc calens mediocriter, ita ut materia in fundo retortae restibilis adhuc sit fusa, ex abrupto auferatur, cavendo ruptionis ex frigore subito appellente periculum. Tum eo in loco, ubi materia in fundo retortae restat, palma manus hinc inde leniter leviterq. deducatur sursum, & deorsum; & tandem refrigerata plane materia, videbis innumeras abietum formas, non sine strepitu erumpere, cum variis fissuris, per totam vasis circumferentiam, ea proportionem & modulo, ut fissurae illae abietum silvam undiq. praesferant, tanta elegantia, ut magna fissura truncos, minores fissurae ramos, minima folia & fructus denotent; solida autem, & fissuris non intercepta materia occupat interstitium quod pro aëre existimatur. Haecenus ille. Multa similia apud Chymicos reperiuntur.*

CAPUT XVIII.

Aqua mineralis mirabilis.

Aqua mineralis mirabilis.

Idem qui antea laudatus Dn. de Nigroponte lo. cit. mentionem facit cujusdam aquae mineralis, diversas in se virtutes continentis, eamque conscribit his verbis.

Recipe

Recipe de minera bismuti libras novem, priusquam ullum ignem experta sit. Ponatur in retorta competente; magnogq; & capaci appositorrecipientem, destilletur secundum gradus ignis per horas duodecim: ascendetq; aqua quadam tota candida & dulcis. Haec iterum ac tertio rectificata, purificatur, magisq; dulcescit.

Hujus porrò aquæ adsignat sequentes, sanè mirabiles virtutes,, & operationes.

Primò. *Recipe hujus aqua libram unam & in vitro competente reponere, ita tamen, ut tertia pars vitri vacua sit; clausoque probe vitro, relinque in loco quieto: videbisq; hujus aqua quantitateem semper in pleniluniis augeri, in noviluniis autem præter partem illam quæ accreverat, amitti insuper aliam de prima sui quantitate: idq; Lunâ cursum suum iterante semper continget. Hoc autem notabile, quòd aqua illa sub parva aquæ ac magna mole ponodus primum nunquam immutet. Ex quo colligas, augmentum fieri per rarefactionem, ob Lunæ crescentis teporem; decrementum verò per condensationem, ob decrescantis Lunæ frigus.*

Secundò. *In hanc aquam si quamcunq; plantam unâ cum radice sua totaliter arefactam, ita ut in pulverem teri posset, solum quoad radicem immittas, ibidemque relinquant horis tribus, aut quatuor; planta illa denuò virescet, quasi nunc primum de terra germinaret. Unde iterum colligas, quantam humectandi vim, Lunæ similem, habeat aqua illa.*

Tertiò. *Hujus item aqua quantitatem infunde in vitrum, & eiidem adde aquam destillatam ex herba, aut flore quocunq; item uncias tres de sale ejusdem floris aut herbe adjicias; vitrum deinde residuum aquâ priore impleatur ad summum: & videbis non sine miraculo, intra duos aut tres dies crescentem intra medias aquas plantam ei similem, ex qua sal & aqua principio accepta erat.*

Et illa plantula moto vitro dissipatur, eodemq; denuò quiescente restituitur in præteritum statum.

CAPUT XIX.

*Idea Macrocosmi, sive Radius superioris Sphæra.**Macrocosmi
idea.*

Inveni hanc praxin inter Secreta Manuscripta P. *Athanasii Kircheri* Romæ; habetque *Daniel Schuventerus* in Deliciis Mathematic. par. 16. quæst. 1.

Effode terram pinguem juxta rivos ad radices montium, ubi sunt fodinæ \odot & D (auri & argenti) decurrentes. Ex illa fac salpetræ, quod bene γ (stanno) mistum hermeticè calcinato. Postea immitte in retortam, cujus receptaculum sit vitreum in formam ovalem conflatum; in cujus fundo collocabis folia \odot (auri.) Deinde subtus retortam in furno positam accende ignem, donec fumi seu vapores exeant; qui dicto \odot (auro) adhærebunt; ignemque in eodem gradu serva tam diu, ne retrocedant. Tandem vas recipiens ablatum hermeticè obtura, & in furnum huic negotio destinatum repone, supposito Δ (igne) lampadis, donec videatur repræsentatum quod Natura in eo conspiciendum operatur, puta flores, arbores, fructus, fontes, Solem, Lunam, planetas, & reliquas stellas.

CAPUT XX.

*Serpentes, lacertas, aliaque similia animalia, servare incorrupta.**Serpentes
incorruptos
servare.*

Vas vitreum amplum ac forte imple aquâ ardente, seu vino adusto, aut aceto fortissimo, & in vas injice vivos serpentes, lacertas, aliaque similia reptilia, obturaque vas ne elabantur. Mortua apparebunt viva, & manebunt perpetuò incorrupta.

Vidi Romæ in Ergasteriis seu Galeris (ut vocant)
Principum.

CAPUT XXI.

Pharmacopurgativo per apertam venam infuso purgare corpus.

Non ita pridem à magno quodam Principe intellexi, experientia deprehensum in Anglia, hominum aliorumque animalium corpora purgari posse pharmacopurgativo per apertam phlebotomicâ lanceolâ venam infuso, in hunc modum.

*Purgativum
pharmacum
per venam
apertam
infusum
purgat.*

Vesicam vel utrem implent purgativo liquore; collo ejus fistulam subtilem ita accommodant, ut per eam expressus è vesica liquor transire queat; venam in brachio, aut crure, aut quovis alio membro aperiunt; fistulam in apertam venam intrudunt; vesicam comprimunt, & per fistulam contentum liquorem venæ infundunt; venam tandem diligenter claudunt. Post horas aliquod per secessum emittuntur sordes, non secus ac si per os in stomachum purgatio fuisset suscepta.

Experientiam fieri curavit paucis ab hinc septimanis Princeps quem dixi, in cane, certissimo successu. Alteri cani eâdem arte intra venas curavit infundi vinum Hispanicum: quo infuso, canis primùm in saltus & tripudia effundebatur, tum ebriorum more titubabat, demum procumbens in somnum solvebatur, donec crapulam edormisset.

ANNOTATIO.

Confirmat hac experientia mirificè sanguinis circulatoriū motum in corde, & toto corpore animalium, quem paucis ab hinc annis primus deprehendit, & eleganti ac docto Scripto publicè ventilandum proposuit, Doctissimus Harvæus Medicus Anglus, & in Londinensium Medicorum Collegio Anatomices Professor. Excitavit ea doctrina plurimorum ingenia, & studia, ad expendendam ejus veritatem. Nam paucis annis post, in Academia Leydensi eadem questio agitata fuit à Doctissimo Vallæo, Anatomie Professore.

*Sanguinis
circulatio
in corpore
animalis.*

fessore, qui partes Harvai defendit, & novis experimentis ac rationibus roboravit. Hos secuti deinde sunt Hermannus Conringius, Medicina Professor in Academia Julia: tum Plembius, Professor Lovaniensis; & Georgius Ent, Doctor Medicus Londinensis. Henricus Reginus, Cornelius ab Hogelande, Fortunius Licetus, Joannes Riolanus, Antonius Deusingius, Joannes Pecquetus, aliq. multi: quorum alii quidem eâdem cum Harvao, alii diversâ incedunt viâ.

Harvæus, ejusq. Sectatores favent opinioni Aristotelis de sanguificatione in corde facta, ajuntq. (ut Riolanus explicat) totum sanguinem ab hepate ad cor per arterias quoquo versum distribui, venas esse tantum canales revolventi sanguinem ad cor ab omnibus partibus ad quas allabitur; ideoque circulationem totius sanguinis fieri per venas & arterias sæpius die quovis statuunt, ut assidue sanguis novus cordi suppeditetur ad ejus recoctionem, & recalcificationem. Addunt, à dextro cordis ventriculo secundum ductum vena arteriosæ per pulmonum substantiam traduci, inde per arteriam venosam ad sinistram cordis ventriculum derivari, ut vitalis fiat; sed contracto corde, per arterias in universum corpus distribui; & ubi pervenit ad extremas partes, in venas remigrare, hasque cum revolvere ad dextrum cordis ventriculum; sicque perpetuò redire sanguinis laborem in orbem.

Riolanus discedit ab aristotele in negotio sanguificationis, eamque constituit in hepate; quamvis ab eo (inquit) subministretur sanguis cordi, & vertatur in arteriosum: qui diffusus per omnes arterias, continuò recurrit in venas majores ad circulationem, sed in progressu suo unumquodq. vas sanguinem suum partibus per transennam suppeditat. Demonstrat deinde, non totum sanguinem circulari, sed fermè dimidium duntaxat; alterum dimidium contineri in vena porta, & canalibus minoribus vena cavæ & aortæ, qui nullo modo naturaliter circulantur. Istantum circulatori usest, qui intra canales majores vena cavæ & aortæ, à jugulo ad extremos artus extensus includitur, in corde per medium septum à dextra cavitate in sinistram illabitur, sine transitione per pulmones. Idq. fit bis terve intra diem naturalem, sanguinem tam venosum, quam arteriosum in suo discursu omnibus partibus largiendo.

Hæc

Hæc est brevis hypothesis sive informatio doctrina Riolani, quam proposuit primò per modum Thesis Parisiis in Æsculapii fano, & doctissimorum Medicorum examini subjecit, deinde verò fusiùs explicavit in Opusculis Anatomicis.

CAPUT XXII.

Oculus hominis, & aliorum animalium destructus, reparari potest ab arte.

Pater hoc ex recenti Experimento Pragæ factò, quod inde scripsit Excellentissimus Dominus Doctor *Marcus Marci* Vienne-
nam Austriæ, ad Reverendissimum Dominum *Aloisium Godefridum Kinnerum*, & hic Viennâ Suerinum in Ducatu Megapolitano, ad Clarissimum atque Doctissimum Virum Dn. *Joannem Chryso-
stomum Egenfeldt*, Serenissimi Ducis Megapolitani Consiliarium; qui id ipsum ad 4. Idus Januarii Anni 1662. inde ad me, inter alia, scripsit in hæc verba.

Oculus hominis & animalium destructus, potest reparari ab arte.

Sed ad alia scribenda me converto. Litteris proximè ad me datis Dn. Kinner de Löwenthorn ad me perscribit; quod ut R. V. nuntiem, opera pretium est. Contigit hoc Pragæ apud Dn. Doctorem Marcum Marci, Virum à doctrina celebrem R. V. procul dubio notum. Adpono ejusdem verba quibus ad Kinnerum usus. Ante dies octo invisit me quadam persona nobilis ex terris peregrinis Angliam repetens, honoris gratiâ: atque inter ceteros discursus incidit mentio de oculis restituendis. Affirmabat verò, oculum erutum posse restitui; & si vellem, mox demonstraturum in quovis animali. Jussi adferri anserem, qui occidi debuit. Ille verò oculum lancetâ discidit, ut humor aqueus totus efflueret: mox humorem crystallinum, unâ cum vitreo, digitis expressit, ut loco oculi nihil nisi squaram adesset: in quod de aliqua aqua, quam secum habebat, modicum instillavit; & ecce oculus subito impleri cæpit & intra quadrantē horæ fuit perfectus, qualis ante fuit; quem anserem in hodiernum diem servo, & alius ostendo. Quid ad hæc? Hæc Marcus.

Vuuuu 3

Rescri-

Rescripsit Dominus Kinner, se dubitare utrum anser videat, & opinari oculum quoad speciem solummodò exteriorem restitutum esse, partibus internis etiamnum destructis. Marcus verò respondit, anserem quidem videre, sed minùs perfectè ob cicatricem in pelliculis non sat aequaliter coalitam; quod futurum ipse Artifices prædixisset, qui inter operandum fassus fuit suum errorem. Hæc ille. Quidquid sit, si visus ita restitutus sit, rem summâ admiratione dignam censeo. De qua Reverentiæ Vestræ iudicium exspecto.

Hactenus Dominus Egenfeldt. Ad quæ Respondeo I. humorem aqueum expressum ex oculo restitui medicamine, nihil esse novi: nam, ut dixi in *Magia. Natur. Parte 1. lib. 2.* (qui est de Præfutionibus Opticis) Prælus. 1. art. 7. probavit id experientiâ *P. Nicolai Cabeni* è Societate nostra, in agno, cujus utrumque oculum acutâ lanceolâ perforavit, totumque humorem aqueum expresit, & vulneri deinde applicavit vittam madefactam succo chelidonii (celidonium ipse vocat cum Italis) ac postridieprehendit, agnum habere oculos sanos, & aquâ turgentes, videreque ut priùs. Ex quo confirmatur opinio, dictum humorem generari ac nutriri seu restaurari à spiritibus animalibus, dum concreescunt in parte anteriori oculi. Si ergo chelidonii succo adhibito, aqueus humor, salvis adhuc oculi tunicis, restaurari potest; poterit & eodem, aut alio, restaurari vitreus, & crystallinus.

Respondeo II. Ut omnes tres humores ex oculo expressi restaurentur medicamine applicato, probabilius mihi videri, tunicas seu pelliculas, quibus involuti sunt, debere manere illasas; & ita contigisse in anserè. Et de Retina quidem clara res est, cum ex communiore & certa sententia visio in illa fiat per modum picturæ, ut in citato loco *Magiæ* fusè probavi. De Aranea quoque cui crystallinus involutus innatat cæteris humoribus, non videtur dubitari posse, quoniam ad amplitudinem & formam dictæ Araneæ restaurari ac reformari debet dictus humor destructus.

Respondeo III. Non posse verè asseri, erutum oculum posse restitui; sed tantum oculum vulnere aliquo ita destructum, ut humores effluerint, posse sanari. Hoc ultimum tantum, non primum, probat alata experientia Pragæ facta.

ANNOTATIO.

Elapsis aliquot mensibus cum Pragam scriberem ad prædictum Excellentissimum Dominum Marcum Marci, simulque ad Dn. Doctorem Jacobum de Nigroponte, quasi vi inter alia, num anser cujus mentionem feci, adhuc viveret, atque videret; & an non chelidonii succosus fuisset Anglus ille. Cui quaesito respondit Dn. De Nigroponte die 28. Februarii Anni 1663. Vivere etiamnum anserem, & videre: ejus oculum unum non fuisse penitus erutum, sed solum humores ex tunicis expressos: liquoris illius residuum ab Anglo sibi dati adhuc Excellentissimum Dn. Marcum Marci retinere, pro aliquot experimentis suffecturum: seipsum in animo habere, proximo vere experimentum capere: Anglum noluisse manifestare cujus generis succus sit. Addit, eandem historiam sibi adhuc in Italia commoranti scriptam à Domino Kinnero, seque respondiisse nil novi esse, cum idem Parmæ temporibus Ranutii Primi Ducis in duobus caponibus factum fuerit, eodem prorsus modo quod id factum Praga narravi. Falsum autem sibi fuisse Dominum illum, qui tum Coadjutor Camera Serenissimi Ducis fuit, succos chelidonie & euphrasie fuisse adhibitos ab Artifice, qui id Duci manifestaverat, notatumque à dicto Coadjutore, utpote secretorum curiosorum Principis Annuense fuerat.





LIBER DUODECIMUS.

MIRABILIA CA- BALISTICA.

Sive

CABALA HEBRÆORUM

DILUCIDE EXPLICATA, ACCURATE
EXAMINATA, ET SINCERO JUDICIO
NOTATA.

PROOEMIUM.



*Cabala ab
aliis lauda-
tur, ab aliis
vituperatur*

Ingens olim mihi juveni adhuc desi-
derium excitavit Cabalæ nomen, ejusque
vel laudes, vel vituperationes, quas in-
audiêram, ac legeram. Tantæ quippe
virtutis ajebant esse Cabalam, Hebræorum scien-
tiam arcanam ac mystēriofam, ut qui eam sciret,
hunc dicerent admirandis pollere virtutibus, futura
omnia præscire, toti Naturæ imperare, in Dæmones
& Angelos jus habere, ac miracula perpetrare. Hâc
eâdem asserebant Moysen tot signa olim edidisse;
ranas, muscas, cyniphes, locustas, bruchos, ignem
cum

cum grandine, aliasque Ægyptiis tabes ac plagas immisisse; primogenita omnia ab homine usque ad pecus interemisse; mare rubrum suis transituris aperuisse, hostibus persequentibus clausisse; fontem aquarum de petra, coturnices de cœlo produxisse; aquas amaras dulcorasse, vocem DEI viventis ad populum ex cœlo devocasse, arrogantes igne, murmurantes leprâ percussisse, male merentes subitâ strage affecisse, alios terræ hiatus absorptos punivisse, populum cœlesti cibo pavisse, serpentes placasse, venenatos curasse, numerosam turbam ab infirmitate, vestes eorum à corrosione conservasse, & tot hostium victores reddidisse. Hâc denique miraculorum arte Ducem Josue Solem stare præcepisse; Eliam ignem in adversarios ex cœlo devocasse, puerum mortuum vitæ restituisse; Danielem leonum ora obturasse; tres pueros in camino ignis ardorem elusisse, Salomonem quoque ex ejus artis præscripto contra Dæmones conjurationum modos, & contra morbos excantamenta tradidisse. Et nè recentia ac velut domestica deessent exempla, sanctè mihi adhuc juveni in Siciliam appulso affirmabat vir quidam doctus, cui meritò fidem adhibendam credebam, se die quodam Messanæ ad mensam explicatis ad studendum libris collo-

quentem cum viro mihi notissimo, & in Hebræorum ac Saracenorum Cabala versatissimo, scriptorium cultellum, quem paulò antè manibus versaverat, quæsisse diu (nescio in quem finem & usum) inter explicatos libros, nec reperire ullâ ratione potuisse; tum Virum illum, lecto ex Hebraicis Bibliis versu, in quem fortè inciderat, jussisse ut intra librum certo, quem monstrabat, loco collocatam quæreret; inventurum quod quærebat; idque factum memento, magnâ sui admiratione. Omitto alia ejusdem farinae exempla, quæ ab aliis mihi etiam narrabantur.

Alii è contrario tantum abest ut Cabalam laudarent, atque ediscendam suaderent, ut eam superstitionum innumerabilium fontem, errorum execrandorum originem, deliramentorum insulsiſſimorum officinam plenis buccis proclamarent; meritòque fuisse ab Ecclesia Romana, veluti infamem, perniciosam, & execrandam doctrinam, proscriptam, à sapientibus explosam, cum sortilegis artibus connumerandam, assererent.

Est itaq; (scribit nonnemo in eâ arte probè instructus) nihil aliud hæc Judeorum Cabala, quàm perniciosissima quedam superstitio, quæ verba, & nomina

nomina, & litteras sparsim in Scriptura positas, pro arbitrio suo colligunt, dividunt, transferunt, & alterum ex altero facientes, solvunt membra veritatis, sermones, inductiones, & parabolas hinc inde ex propriis fictionibus construunt, aptare illis volunt eloquia DEI, infamantes Scripturas, & dicentes sua figmenta ex illis constare, calumniantur legem DEI, & per imprudenter extortas supputationes dictionum, syllabarum, litterarum, numerorum, tentant violentas & blasphemias perfidiae suae inferre probationes. Præterea iis magis inflati, ineffabilia DEI mysteria, & quae sunt supra Scripturam arcana, sese invenire & scire jactant, per quae etiam prophetare, & virtutes ac miracula sese perficere, sine rubore, magnâ audaciâ mentiri non erubescunt. Omitto alia hujus generis passim à viris doctissimis in Cabalam jactata scommata.

Hæc cum audivissem ac legissem de Cabala, ut ejus naturam penitiùs rimarer atque cognoscerem, falsa à veris discernere, sincerumque de re tota judicium ferrem; sedulò conquirere, ac diligenter evolvere coepi, quotquot sciebam è Latinis de ea quoque modo scripsisse; ut quoniâ fontes ipsos adire non poteram, Hebræorum inquam & Rabbiorum mo-

*Cabala scri-
ptores,*


numenta, è rivis saltem arida prolucem labora.
Legi itaque, ac diligenter expendi ante omnes, *Joan-
nis Pici* Mirandulæ Comititis Apologiam, quam pro
nongentarum Conclusionum Romæ ad disputan-
dum publicè propositarum defensione contra ob-
trectatores scripsit; quoniam is primus est, quod
sciam, qui Cabalæ nomen & notionem inter Latinos
invexit, ut ipsemet de se fatetur in dicta Apolog.
Quæst. 5. in fine, & alii non abnuunt. Tum evolvi
quatuor libros *Pauli Riccii*; ex Judæo Christiani, de
coelesti agricultura, & tres libros de Arte Cabalistica
Joannis Reuchlini (aliàs Capnionis) & totidem de
Verbo Mirifico: *Petri Galatini* Opus de Arcanis
catholicæ Veritatis: *Cornelii Agrippæ* librum de
triplici ratione cognoscendi DEUM, & librum ter-
tium de Philosophia occulta, & Caput 47. de vanita-
te scientiarum. Item *Sixti Senensis* Bibliothecæ
sanctæ librum 2. verbo Elsdas; & librum 3. paulò
post initium, ubi agit de Elementaria Scripturæ sacre
expositione. Nec non *Archangeli Burgonoven-
sis* Cabalistarum selectiora & obscuriora dogmata,
à Joanne Pico ex eorum Commentationibus exce-
pta: *Benedicti Pererii* Caput 10. libri 1. de Magia:
Nicolai Serarii Quæstionem 2. in Caput 10. libri Jo-
sue

sue, & Caput 13. Rabini sui prioris : *Claudii Dureti* caput 7. Historiæ linguarum Univerſi : *Maximiliani Sandai* commentationem 15. libri 2. Theologiæ variæ : *Petri Gregorii Tolofani* librum 12. de Republica : *Athanaſii Kircherii* Tractatum longum ac doctiſſimum de Cabala Hebræorum & Saracenorum, antequam imprimeretur in *Oedipo Ægyptiaco* To. 2. Claſſe 4. & 5. Poſthæc ſubſequentibus temporibus legi *Jacobi Bonſſerii* caput 21. Præloquiorum in ſacram ſcripturam ; *Joannis Eusebii Nierembergii* librum 5. de Origine ſacræ ſcripturæ ; *Nicolai Abami* librum 7. Phari Veteris Teſtamenti ; *Theophyli Reynaudi* Erotema 13. Partitionis 1. de malis ac bonis libris ; *Pauli Scalichii* Revolutionem Alphabeticariam, ſeu Methodum ; *Joann. Michaëlis Dilberri* Additamentum 4. Atrii linguæ ſanctæ, & alios. Scio plures alios de Cabala ſcripſiſſe, ut *Alexandrum Farram* in Symbolica Philoſophia, *Thomam Gaſtaldum* de Alafſo in Opere doctiſſimo de Poteſtate Angelica, *Michaëlem Neandrum* in Erotematis linguæ ſanctæ, *Guilielmum Alabaſtrum* in apparatu, *Genebrardum* lib. 2. Chronologiæ, *Juſtium Sperberum* in Tractatu de Cabala, & alios ; ſed nolui evolvere, quia certum mihi videtur, nihil eos à

prædictis diversum afferre, cùm ex illis ipsiſ, quos legi, vix quisquam, ſi Kircherum excipias, diverſum. quid à Pico, Riccio, & Reuchlino habeat.

Ex dictorum Auctorum lectione tantum mihi profeciſſe videor, ut Cabalæ naturam, partes varias, partium vel vim & efficaciam, vel inanitatem intelligere, ac ſincerum de re tota iudicium ferre poſſe confidam. Quod & eâ ingenuitate, ac candore, quo par eſt, tunc pronunciabo, ubi poſt explicatam Cabalæ notionem, diſiſionem, ſingularum partium explicationem, tandem in fine Libri examen ac veluti anatomiam inſtituero; nil niſi DEI gloriam, & Litterariæ Reipublicæ bonum præ oculis habendo.

Et quoniam materia lubrica eſt, & errandi periculis expoſita, ob idque multis ſuſpecta, atque ex parte Eccleſiæ Catholicæ auctoritate proſcripta; quæcunque dixerò, ac ſcripſero, doctiorum iudicio, & ſacroſanctæ Oecumenicæ veræq; Eccleſiæ cenſuræ ſubmitto.



PARS PRIMA.

DE CABALA IN COMMUNI.

Methodicè procedam, tractatum totum in partes aliquot, veluti corpus dissectandum atq; inspicendum in membra, anatomico more dispartiar. Ac primâ quidem hac Parte nonnulla, quæ Cabalæ universæ communia sunt, præmittam.

CAPUT I.

De Cabalæ Etymologia, Significatione, ac Definitione.

Cabalâ, vel potius Kabalâ, seu Kabalah, si nomen spectes, *Cabalâ etymon.* Capud Hebræos idem significat quod *Acceptio*, sive *Receptio*: derivatur enim à radice קבל *Kabal* vel ut aliis punctis nonnulli legunt, *Kibel*; quod accipere significat; quoniam (ut Rabbini, seu Hebræorum sapientes asserunt, & mox videbimus) à primis Patribus accepta est scientia.

Kabalâ ut correlativum ex opposito respondet מסרה *Ma-* *Masora* *etymon.* *forah*, id est, *Datio*, seu *Transmissio*, à radice מסר *Masar*, quod tradere significat: nemo enim accipit, nisi alter det; adeoque unius ejusdemque rei acceptio, est etiam transmissio; & quod unius respectu acceptio appellatur, respectu alterius dici potest transmissio.

Hinc factum, ut eandem scientiam quam Hebræi *Cabalâ* appellârunt, subinde etiam alio nomine *Masorâ* dixerint; quamvis prius nomen magis invaluerit.

Hoc modo sumpta *Cabalâ*, significat quamlibet doctrinam, à majoribus.

*Cabala quid
sit.*

à majoribus traditam, atque acceptam. Quâ tamen amplâ significatione de eâ hîc non agimus, sed prout significat. *Secretam atq; Symbolicam Hebræorû Theologiam*, à DEO Moysi inspiratam, & ab hoc ad posteros seniores ac sapientiores ejusdē Gentis traditione derivatam. Ajunt enim Hebræi, scientiam illam, quam κατ' ἐξοχὴν Cabala nomine cohonestârunt, nihil aliud esse quàm *Secretiorem quandam Sacra scripturae expositionem*, quæ olim in Lege Veteri non fuerit scripta, sed ore solùm tradita, non quidem omnibus passim, uti Scriptura ipsa, sed Senioribus duntaxat; & ab his deinde ad alios ejusdem conditionis Viros successivè derivata, ut mox constabit. Et ideo Cabala apud Hebræos תורה בעל פה, torah bechal, peh id est, lex de ore, appellabatur; cum è contrario Scriptura ipsa sacra, torah scribeh tab, hoc est, lex de scripto, seu quæ in scripto est, appellaretur.

Ut autem Masorah non ipsam duntaxat traditionem, sed traditam etiam rem doctrinamque significat, ita & Kabala non acceptionem solùm, sed acceptam quoque rem & doctrinam, ut bene advertit Serarius in suo Rabbino priore cap. 13.

*Cabala de
finitio.*

Cabalam hoc modo acceptam varii variè definiunt, vel potius describunt. Reuchlinus lib. 1. de Arte Cabalistica: *Est enim Cabala*, inquit, *divinae revelationis, ad salutiferam DEI & formarum separatarum contemplationem tradita, symbolica receptio.* Eandem definitionem affert Athanasius Kircherus in Oedipo Ægyptiaco lo. 2. classē 4. cap. 1. ubi aliter eam sic quoque definit: *Cabala est divinarum humanarumque rerum arcana, per Mosai- ca legis typum, allegorico sensu tradita & insinuata facultas.* Paulò antè citatus Reuchlinus, lib. 3. ait, *Cabalam nihil aliud esse nisi Symbolicam Theologiam, in qua non modò litteræ ac nomina sunt rerum signa, verum res etiam rerum.* Omitto aliorum definitiones, quoniam intelligi nequeunt sine sequentium cognitione. Ego sic eam definio. *Cabala est doctrina divina, non scripto primùm, sed voce duntaxat tradita, & aliquamdiu ore tenus transmissa ad posteros.* Sed hæc melius intelligentur ex dicendis cap. 2.

ANNOTATIONES.

I.

Genebrardus in *Chronograph. lib. 2. Anno Mundi 4009.* & Joan. Michaël Dilherrus in *Atrio linguae sanctae Additamento 4. alique scribunt vocem de qua agimus, sic: ׀לךלך Cabalah, seu Kabalah.*

II. Reuchlinus *lib. 1. de Arte Cabalistica* ait, eos qui caelesti afflatu Cabalam sortiuntur, vocari Cabalicos; eorum verò discipulos Cabaleos; & qui alioquin eos imitari conantur, Cabalistas. Nos hoc ultimo vocabulo omnes praedictos indiscriminatim appellamus.

III. Idem ibidem discrimen agnoscit inter Cabalam, & Artem Cabalisticam, comparatq; Cabalam pomo aureo, Artem verò Cabalisticam retinaculo argenteo quo aureum pomū ab artificibus circumdari atq; includi solet. Quò autem aurum plus ab argento distat, eò plus Cabalam ab Arte Cabalistica distare asserit. Nimirum Cabala afflatu divino est inspirata, & ad alios per traditionem transmissa; Ars Cabalistica est humano ingenio concinnata, atque ex Cabalistarum libris eruta. Nos toto hoc Libro scientiam seu artem de qua agimus, Cabalam vocabimus; illos verò qui eam callent, Cabalistas.

IV. Ex dictis patet, quàm ridiculè & ineptè Forsterus in *Diction. dicat, Sibyllas aliud nihil esse quàm Cabalam, ut Sibylla Cabylla sit.*

CAPUT II.

De Cabalæ Origine, ac Propagatione.

Originem Cabalæ, priori capite definitæ, quod attinet, eam, ^{Cabalæ ori-} passim ab ipso DEO, qui illam Moyfi cum Legis littera in ^{80.} monte Sina tradiderit, accersunt. In qua sententia sunt non solum Rabbini, sed Efdra etiam, & D. Hilarius, & (ut Picus Mirandulanus Quæst. 5. Apologiae putat) D. Paulus & Origenes.

§. I. Cabalæ originem à DEO esse, probatur
ex Efdra.

Ergo sciendum (inquit Picus loc. cit.) opinionem esse non solum
Y Y Y Y Y Rabbi

Rabbi Eleazar, Rabbi Moyses de Aegypto, Rabbi Simeon Ben Lagis, Rabbi Ismaël, & Rabbi Jodan, & Rabbi Nachinan, & aliorum quam plurimum ex sapientibus Hebræorum, sed nostrorum etiam Doctorum, at infra ostendam; præter Legem quam DEUS dedit Moysi in monte, & quam ille quing. libris contentam, scriptam reliquit, revelatam quoque fuisse eidem Moysi ab ipso DEO veram Legis expositionem, cum manifestatione omnium mysteriorum & secretorum, quæ sub cortice & rudi facie verborum Legis continerentur. Denique, duplicem accepisse Legem Moysen in monte, litteralem, & spirituales: illam scripsisse, & ex præcepto DEI populo communicasse: de hoc verò mandatum ei à DEO, ne ipsam scriberet, sed sapientibus solum, qui erant LXX, communicaret, quos idem Moyses ex præcepto DEI elegerat ad custodiendam Legem, eisq. itidem præceperat, nè eam scriberent, sed successoribus suis vivâ voce revelarent, tum & alii aliis, & sic ordine perpetuo. En ut à modo tradendi istam scientiam, per successivam scilicet receptionem unius ab alio, dicta est ipsa scientia, scientia Cabalæ, quod idem est quod scientia Receptionis, quia idem significat Cabala apud Hebræos, quod apud nos Receptio. Fuerunt autem postea hæc mysteria libris mandata tempore & causâ infra dicendis; & illi libri dicti sunt libri Cabalæ. Hæc Picus loc. cit. quæ scripserat etiam brevius initio Apologiæ paulò ante Quæstionem primam. His similia narrat etiam Galatinus lib. 1. cap. 1. Rabanus in M. S. commentariis in Paralipom. & alii multi locis in Proœmio citatis.

Quòd autem DEUS Moysi præter litteralem Legem, quam ipse scripsit, dederit etiam spirituales, hoc est, revelaverit ipsi mysteria in Lege contenta; & quòd Moyses iussu DEI eadem mysteria communicaverit ore tenus LXX Senioribus populi, & his successoribus suis, usque ad tempora Esdræ post captivitatem Babyloniam; quòdque Esdras cum concilio magno LXX Seniorum, cui ipse præerat, omnia illa mysteria, & totam Cabalæ scientiam, in septuaginta libros, juxta Seniorum numerum, congeslerit; probatur manifestè ex lib. 4. *Esdræ* cap. 14. (qui liber tamen si Apocryphus sit, magnæ tamen auctoritatis semper fuit, & etiamnum est, in Ecclesia;) ubi narratur, quòd cum apparuisset Dominus

Esdræ

Esdra reverso in Judæam in rubo, dixerit ei : *Revelans revelatus sum super rubum, & locutus sum Moyse, quando populus meus serviebat in Ægypto, & adduxi eum super montem Sina, & detinebam eum apud me diebus multis, & enarravi ei mirabilia multa, & ostendi ei temporum secreta, & finem, & præcepi ei dicens : Hac in palàm, faciens verba, & hæc abscondes &c.* Post quæ cùm Dominus revelasset Esdræ futura quædam arcana, petiit Esdras immitti sibi spiritum sanctum, ad scribendum omnia quæ erant in Lege DEI scripta, & perierant in Urbis Hierosolomytanæ direptione, & populi in Babylonica captivitate. Ad quæ respondit Dominus : *Vadens congrega populum, & dices ad eos, ut non querant te diebus quadraginta. Tu autem præpara tibi buxos multos (tabulas scilicet buxeas, in quibus scribebatur) & accipe tecum Saream, Dabriam, Sate-miam, Ehanum, & Asel, quinq; hos qui parati sunt ad scribendum velociter; & venies huc, & ego accendam in corde tuo lucernam intellectus, qua non extinguetur quoadusq; finiantur quæ incipies scribere. Et tunc perfectis quædam palàm facies, quædam sapientibus absconsè trades.* Quæ cùm fecisset Esdras, addit de se in fine capituli : *Scripti sunt autem per quadraginta dies libri ducenti quatuor. Et factum est cùm complevisset quadraginta dies, locutus est Altissimus, dicens : Priora quæ scripsisti, in palàm pone, & legant digni & indigni; novissimos autem septuaginta conservabis, ut tradas eos sapientibus de populo tuo: in his enim est vena intellectus, & sapientiæ fons, & scientiæ flumen. Et feci sic.*

Eadem, teste Pico loc.cit. & Bonfrerio cap. 21. Præloquiorum in Scripturam sacram, habentur etiam fusè in Judæorum Chronico, quod appellatur Sedor-Olam, seu Ordo sæculorum; ubi habentur etiam nomina eorum qui fuerunt in Concilio, & totius Concilii gesta & ordo; & confirmantur etiam à Galatino lib. 1. cap. 1. ex Judæorum libris antiquissimis; recipiunturq; ab omnibus ferè Cabalæ scriptoribus quos suprà in Proœmio citavi.

Ideo verò Esdras voluit mysteria illa, & Legis interpretationem, quæ antea ore tantum tradebatur, scriptis extare, nè si alia ingrueret captivitas populi Judaici, tota illa scientia cum Senioribus captivis ac dispersis periret.

§.II. Cabalæ originem à Deo esse, non rectè probatur ex D. Paulo, & Origene.

Cabalæ originem à Deo esse, non probatur rectè ex D. Paulo,

CAbalæ porro, seu Legis expositionem, exponendique artem seu scientiam, traditam fuisse à Deo Moyfi, & ab hoc aliis inter Judæos sapientibus, constare putat Picius Mirandulanus ex *D. Paulo* Epist. ad Romanos cap. 3. & *Origene* Homilia 5. in Numeros, ad illud Roman. 3. *Credita sunt illis eloquia DEI.* Verba Pici sunt: *Secundò habemus auctoritatem Origenis, cujus testimonium in his, in quibus ab Ecclesia recipitur, est validissimum, quia ubi bene, nemo melius. Hic ergo super illud Pauli ad Rom. 3. Quid ergò amplius Judæo est? aut quæ utilitas circumcisionis? Multum per omnem modum. Primùm, quia credita sunt illis eloquia DEI. Dicit Origenes: Considerandum est, quia non dixerit, litteras esse creditas, sed eloquia DEI. Ex quo dicto Origenis habes, quòd præter litteralem sensum aliud quid traditum fuit Judæis, quod hic vocat Paulus eloquia DEI: litteras enim, id est, litteralem Legem eis fuisse traditam, nemo negat; sed non imputatur eis ad prærogativam, quia littera per se occidit, & nisi adsit spiritus vivificus, omnino per se est res mortua: sed præter has litteras tradita sunt eis eloquia DEI, de quibus meritò gloriantur; quæ nihil aliud sunt quàm quòd apud Hebræos dicitur Cabala, id est, verus Legis sensus ab ore DEI acceptus; unde & apud Hebræos quandoque vocatur tora bechal pe, quod idem est quod Lex de ore nata, quæ propter illam successivam receptionem deinde dicta fuit Cabala.*

Hæc Picius. Putat itaque, & D. Paulum, & Origenem, per *eloquia DEI* intelligere Cabalam, Moyfi à DEO, & à Moyse relinquitur traditam. Ego tamen neutrum id asserere existimo. Et ad D. Paulum quidem quod attinet, omnes Interpretes quos videre potui, ajunt, ipsum per *eloquia DEI* intelligere Legem scriptam, seu Scripturam sacram. Origenes verò loquitur quidem de intelligentia Legis & Scripturæ, at non de ea quæ Moyfi solùm & Senioribus populi propria erat, sed quæ communis erat omnibus, aut saltem multis, etiam ex plebe. Sic enim habet Origenes loc. cit. *Req. itro tamen, quid est quòd dicitur, primis eis credita esse*

esse eloquia DEI? Utrumne de litteris hoc dicat & libris, an de sensu & intelligentia Legis? Videmus enim plurimos Judaeorum ab infantia usque ad senectutem semper discentes, & nunquam ad scientiam veritatis pervenientes; & quomodo videbitur verum esse quod dicitur, quia amplius aliquid habeant in eo, quod primis eis eloquia DEI credita sunt, in quibus non intelligunt neque qua loquuntur, neque de quibus affirmat? Si verò sapiens ille dicitur, qui intelligit, secundum Salomonem, qua ex proprio ore sunt, & qui in labiis portat intellectum; de Moyse, & Prophetis, ceterisque horum similibus hac intelligenda sunt dici, quibus credita sunt eloquia DEI, quia & ipsos Judaeos fuisse, & habuisse circumcissionem, non potest dubitari. Sed & si quis apud eos sapiens & intelligens auditor, & mirabilis consiliarius fuit &c. His ergo talibus existimandum est primis credita esse divina, & his fatendum est fuisse amplius multum per omnem modum. Sed & si qui alii his similes fuerunt, sicut in Regnorum libris scriptum Apostolus meminit: Reliqui mihi septem millia virorum qui non curaverunt genua sua ante Baal &c. Sed & hoc ipsum quod dicit, quia credita sunt illis eloquia DEI, considerandum est, quia non dixit litteras esse creditas, sed eloquia DEI. Unde via nobis datur intelligendi, quod his qui legunt, & non intelligunt, & qui legunt & non credunt, littera sola sit credita, illa de qua dicit Apostolus, quia littera occidit; eloquia autem DEI illis sunt credita, qui intelligentes & credentes his qua Moyses scripsit, credunt, & Christo. Haec tenus Origenes.

Si igitur eloquia DEI, de quibus Apostolus loquitur, non solum Moyse, Prophetis, & Sapientibus, sed & septem illis millibus qui genua non curaverunt ante Baal, & praeterea omnibus qui credunt Moyse & Christo, credita sunt; ergo vel non loquitur. D. Paulus & Origenes de Cabala, vel dicendum est omnes credentes esse Cabalistas, hoc est, Cabalam scire; quod nemo crediderit. Nihil ergo ex D. Paulo & Origene de Cabala probari potest.

§. III. Cabalæ originem à Deo esse, probatur
ex D. Hilario.

Cabale originem à Deo esse, probatur ex D. Hilario.

CLarius ac certius testimonium desumit idem Picus ex *D. Hilario*, qui in Expositione Psalmi 2. hæc habet. *Erat autem jam à Moyse antea institutum in Synagoga omni, septuaginta esse Doctores. Nam idem Moyses quamvis Veteris Testamenti verba in literis condidisset, tamen separatim quadam ex occultis Legis secretiora mytheria septuaginta Senioribus, qui Doctores deinceps manerent, intimaverat. Cujus doctrina etiam Dominus in Evangeliiis meminit, dicens: Super cathedram Moysis, inquit, sederunt Scribæ, & Pharisei: omnia ergo quæcunque dixerint vobis, servate, & facite; secundum autem facta eorum nolite facere. Doctrina ergo horum in posterum qua ab ipso Scriptore Legis accepta, in hoc Seniorum & numero & officio conservata est.*

His verbis expressè *D. Hilarius* docet, præter Legem scriptam, fuisse à Moyse traditam Senioribus etiam quandam secretiorem doctrinam, qua Legem exponerent. Et hanc ait eodem loco fuisse etiam communicatam LXX Interpretibus, qui Scripturam sacram ex Hebraica in Græcam transtulere linguam; ideoque illorum interpretationem nonnunquam ab Hebraico textu discrepare. *Hi itaque Seniores (subdit Hilarius) libros hos transferentes, & spiritualement secundum Moysis traditionem occultarum cognitionum scientiam adepti, ambigüe linguâ Hebraicâ dicta, & varia quadam ex se nuntiantia, secundum virtutes rerum certis & propriis verborum significationibus transtulerunt, doctrinâ scientiâ in multimodam illam sermonum intelligentiam temperantes. Et ex eo fit, ut qui postea transtulerunt, diversis modis interpretantes magnum generibus attulerint errorem, dum occulta illius à Moyse profecta traditionis ignari, ea qua ambigüe linguâ Hebræâ commemorata sunt, incertis ipsi judiciis ediderunt.* Hæc Hilarius; qui etiam existimat, Christum Dominum in citatis ex Evangelio verbis Cabalam, Scribis & Phariseis traditam, insinuasle.

§. IV.

§. IV. Cabalæ originem à DEO esse, confirmatur.

EX dictis hactenus patet, quid de Cabalæ origine & primâ propagatione sentiendum. Nemo certè est ferè, tam ex Hebræis, quam ex Catholica Ecclesiæ Scriptoribus, qui revocet in dubium de Moyse, quin præter Legem scriptam acceperit etiam à DEO interpretationem ejus mysticam, aut anagogicam. Hæc autem est Cabala.

Certum etiam videtur, ipsum noticiam illam non pro se solo accepisse, secum interituram, sed ut eam aliis etiam communicaret.

Probabilissimum ergo est, & propter allata testimonia apud me indubitatum, eam à Moyse communicatam Senioribus septuaginta, à se Domini jussu electis, & ab his deinde traditam successoribus in eodem munere, idq; oretenus tantum usq; ad Esdræ tempora, quando fuit septuaginta libris comprehensa, & in posterum scripto etiam ad seniores transmissa.

Ab Esdræ temporibus usq; ad Christi adventum, & sequentibus deinceps sæculis, fuit hæc Cabala per Judæorum Rabbinos variè aucta, & multis libris denuò conscriptis comprehensa: nonnullis tamen interdum nugis & erroribus depravata, uti ex sequentibus patebit. Libri tamen Cabalistici, qui ante Christi adventum scripti sunt, minùs corrupti sunt, quàm qui postea sunt scripti: nam, antea nec odio in Christum, nec invidiâ in Christianos laborabant Rabbini, uti postea contigit. Certè Picus de suis quos habebat, fateatur, omnia in illis contenta, conformia esse fidei nostræ mysteriis, & Ecclesiæ Catholicæ doctrinæ, ideoq; eos non parum utilitatis afferre ad Judæorum perfidiam convincendam. Idem etiam fatetur Galatinus lib. 1.

ANNOTATIONES.

I.

Sunt qui putent, Moysen tradidisse Cabalam immediatè Josua, Cabalam Josuam verò Senioribus, Seniores eorumq; Successores Prophetis, Prophetas viris Congregationis magna qui cum Esdra fuerunt. Nam teste Serario Quæst. 2. in Caput 10. Josua, ita legitur in initio Capituli 1. Libri Pircke avoth. | Moyses accepit legem de Sinai, & tradidit

& tradidit eam Jeholchua, Jeholchua verò Senioribus, Seniores Prophetis, Prophetæ tradiderunt eam viris Synagogæ magnæ. Eadem habentur, eodem Serario teste, in Libro Cether Malcouth, in principio Librorum Rambam, in Massècheth, seu Tractatu Auoth, in Thisbi apud Rabbi Eliam, in Prefatione Libri Magni præceptorum apud Rabbenu Mosén Makorssi, in Libro Cabalæ apud Rabbi Abraham Levitam, in Historia seu Fabula de Judæis clausis apud Eldad Daneten, in Juchasin apud Rabbi Abraham Zacuth, in Tsameach apud R. David de Pomariis, & multis aliis in locis ac libris Rabbīnorum. In hoc tamen conveniunt omnes, Mosén immediatè accepisse scientiam illam secretam, & ab ipso deinde alios septuaginta quos elegerat: sive autem immediate ab ipso Moyse sic eam acceperint, sive mediatè per Josuam (quod Picus etiam in principio Apologiae suæ paulò ante Quæst. 1. asserit) parum refert.

Cabala non
ducit origi-
nem ab Ada-
mo.

II. Primam Cabala originem, ac propagationem, Joannes Reuchlinus lib. 1. *Artis Cabalisticæ*. & Kircherus in *Oedipo* Tom. 2. *Classis* 4. cap. 4. & iterum in *Itinerario Exstatico* 1. *Dialogo* 2. cap. 11. cum nonnullis Rabbīnis & Hebræorum scriptoribus quos citat, deducunt ab ipso Adamo, per Abel, Seth, ceterosq; Patriarchas ante & post diluvium; ac deinceps per Prophetas, Scribas Legis, Seniores magni Concilii, aliosq; quos ibi longâ serie enarrant. Sed quod nos diximus, verius est: Scriptores enim quos citant, tantum loquuntur de revelatione venturi Messia Adamo ab Angelo facta; hæc autem non est Cabala de qua loquimur, quandoquidem ab Adamo usq; ad Mosén nulla fuit (ut credibile est) scriptura, cujus interpretandi scientia dicitur Cabala.

Moyse ac-
cepit Caba-
lam à Deo.

III. Mosén à DEO accepisse & Legem, & scientiam interpretandi Legem mysticè; primamq; tradidisse omnibus, alteram tantum Josuæ & Senioribus; confirmat Reuchlinus lib. 3. *Cabala ex* D. Gregorio Nazianzeno lib. de statu Episcoporum. & lib. 1. *Theologiae*. Bonfrerius verò cap. 21. *Præloquiorum in sacram scripturam* Sect. 2. idem ex eodem Nazianzeno probat *Apolog.* 1. *Verba Gregorii lege* apud ipsos, vel apud Auctorem.

Cabalistici
libri.

IV. Hebræorum libri qui de Cabala tractant, extant pluri, quos magno numero cum Auctoribus singulorum recitat Serarius

Serarius *Quaest. 2. in Caput 10. Josue*, Reuchlinus *lib. 1. Artis Cabalisticae*, Andreas Mafius *in fine Commentariorum Josue*, Petrus Gregorius Tolosanus *lib. 12. de Republ. cap. 8. Plurimos illorum comparaverat sibi magnis sumptibus Picus Mirandulanus*, praesertim illos qui Esdra temporibus conscripti fuisse credebantur, uti ipsemet fatetur *in fine Quaestionis 5. Apologiae*. Multos etiam vidi Romae apud P. Athanasium Kircherum, ex quibus ipse desumpsit illa, quae in suo de Cabala tractatu habet.

CAPUT III.

De variis Cabalae divisionibus.

Varii varias adsignant Cabalae divisiones. Praecipuas hic referam, deinde meam subjungam, quoniam id ad hujus Artis seu scientiae, de qua agimus, plenioris notitiam non parum conducit.

§. I. Cabalae divisiones ex aliorum

Sententia.

Primo. Aliqui dividunt Cabalam in Theoricam, & Practicam, teste Kircheroto. 10. 2. Oedipi Classe 4. cap. 1. Theoricam ajunt considerare intellectualium rerum penetralia, Practicam vero adaptare animum, & corporis vires, pro spiritualium donorum charismatis, & hujus vitae commodis impetrandis. Theoricam praeterea volunt rimari altiora per ima, & latentia per notiora nobis; Practicam vero docere, quid nobis faciendum, quomodo mysteria nobis applicanda. Notiora nobis dicunt esse ea, quae claro & assiduo experimento in nobis ipsisprehendimus. Et alia ajunt esse humani corporis nostri membra. Unde universa Legis mandata (in quorum mystica & anagogica consideratione occupari ajunt praecipue Cabalam) numero & proportionem humanae compagis partibus ad amussim respondere Cabalici asserunt. Meminit hujus divisionis R. Elias in Thisbi apud Serarium in

Cabala divisiones varias, ex aliorum sententia.

Cabala theoretica, & practica.

Zzzzz

cap. 13.

cap. 13. Rabbinisui prioris, ubi ait: *in libris Kabala habentur Legis & Prophetarum secreta, qua accepit Vir usq. ad Moſen Rabbenū, ſuper quem pax; atque inde Kabala nuncupatur. Dividitur autem in duas partes, Hyunith Umaheſith, Theoreticam & Præcticam &c.*

Cabala Mercava & Bereſith.

Secundò. Alii dividunt Cabala in *Mercava* & *Bereſith*, ſeu *Breſith*, id eſt in opus currus, ſeu quadrigæ, & in Opus fabricæ, vel in ſcientiam divinitatis, & in ſcientiam creationis. Illæ intellectualis Mundi arcana, hæc Mundi ſenſibilis opera, investigat. Unde *Reuchlinus* lib. 1. de Arte Cabaliſtica ait: *Quidquid de Sacra Scriptura homines optimarum artium amatores ſcientiâ naturali addiſcunt, auro bono par eſt, & appellatur opus de Breſith; quod verò ſcientiâ ſpirituâli recipimus, opus de Mercava dicitur, & auro aequatur optimo atque puriſſimo.* Unde etiam, Cabaliſtæ ſcribunt, eodem *Reuchlin* teſte, quòd opus de Breſith eſt Sapientia Naturæ, & opus de Mercava eſt Sapientia Divinitatis. Notat tamen *Reuchlinus*, Cabaliſtas propriè & ex inſtituto verſari circa conſiderationem Mundi intellectualis, Thalmudiſtas verò circa Mundi ſenſibilis opera.

Cabala Sephiroth & Semoth.

Tertiò. *Picus Mirandulanus* in Nongentis conſuſionibus, quas Romæ ad diſputandum propoſuit, & propter quas tantas paſſus fuit ab invidis & æmulis perſecutiones, dividit Cabalam in duas ſpecies, tanquam in Præcticam & ſpeculativam; quarum unam vocat *Sephiroth*, id eſt Scientiam numerorum; & alteram *Semoth*, id eſt, Scientiam nominum. Et hanc dicit eſſe primam Cabalæ diſiſionem, quidquid dicant cæteri Cabaliſtæ. Verba ejus ſunt: *Quidquid dicant cæteri Cabaliſtæ, ego primâ diſiſione ſcientiam Cabalæ in ſcientiam Sephiroth, & Semoth, id eſt, numerorum, & nominum, tanquam Præcticam & Speculativam diſtinguerem.* Plures ergo partes ſeu ſpecies Cabalæ, pluresque ejus diſiſiones agnoſcit. Unde in Conſuſionibus Apologiæ ſuæ annexis, Conſuſione 26. inter multas partes ſcientiæ Cabaliſticæ ait unam eſſe, quæ eſt de virtutibus corporum cœleſtium.

Quartò. *Rabbi Hamai* Lib. Speculatio teſte *Reuchlin* libro. 3. Artis Cabaliſt. & *Kircher*o in *Oedipolo*. 2. claſſe 4. cap. 1. in quinque

que partes Cabalam dividit, quarum nomina Hebraica affert, Reuchlinus. Latina sunt, Rectitudo, Combinatio, Oratio, Sententia, & Supputatio.

Quintò. Rabbi Joseph Bar Abraham Salemitanus, & Cabalistarum maxima pars, eodem *Reuchlino* teste lo. cit. quinque ^{Cabala divisio alia.} præcedentia membra reducunt ad tria, eò quòd tripliciter Artem Cabalisticam cuncta non tantum speculari, verum etiam praticare posse credant, juxta triplicem rerum omnium conditionem, scilicet numerum, mensuram seu figuram, & pondus. Verba Reuchlini sunt: *Sed Rabbi Joseph Bar Abraham Salemitanus, & Cabalistarum multò maxima pars sequuntur Salomonem regem, (quem dixerat paulò antè, in cap. 22. Proverbiorum insinuasse eandem divisionem) in eo quòd tripliciter illam posse artem non tantum speculari, verum etiam praticari planè credunt, juxta triplicem rerum omnium conditionem, numerum, figuram, & pondus, quippe illa quinque in hæc tria reducentes. Cùm enim negotium totum sit allegoricum, & aliud pro alio per aliud intelligatur, ut ipsa sententia alia sit pro alia; dicemus palàm, quòd aut dictio pro dictione ponitur, aut littera pro dictione, aut littera pro littera.* Hæc divisio non videtur discrepare à sequenti.

§. II. Aliæ divisiones Cabalæ, ex aliorum Sententia.

SExtò. Alii communiter, tam antiqui, quàm recentiores, dividunt Cabalam in tres partes. Prima vocatur *Gametria*, vel *Ghematria*, id est, Geometria, vel potius Arithmetica, quia in numerorum supputatione versatur: expendit enim litterarum numeros, & est quasi terrestrium characterum invicem numeralis dimensio, quæ tamen pendeat ab Arithmetica illa ob abstractam sui simplicitatem nullis sensibus tractabili, inquit Reuchlinus lib. 3. Secunda vocatur *Notarica*, seu *Notariocon*, quasi Notatorium artificium, seu ars Notatoria, aut Notarica, ab apicibus seu notis Notariorum, quia in eo consistit, quòd littera pro dictione ponitur, ut sit alicujus vocabuli integri signum, inquit Reuchlinus lo. cit. Tertia vocatur *Themura*, id est, commutatio, quia

quia consistit in litterarum mutatione, cum altera pro altera ingeniosè locatur. Meminit hujus divisionis *Reuchlinus* lib. 3. *Artis Cabalist. Genebrardus* lib. 2. *chronograph. P. Kircherus* in *Oedippo* loco sæpe cit. *Raynaudus*, & alii locis in *Proœmio* notatis. Sed hæc meliùs infrà suo loco explicabuntur.

Cabale divisio in sex partes.

Septimò. P. Maximilianus Sandæus lib. 2. *Theologiæ variæ* Commentat. 15. Exercitat. 13. dividit Cabalam in sex partes. *Prima* docet ex littera integram dictionem colligere, vel litteram pro dictione ponere. *Secunda* tradit quomodo littera ponatur pro littera, ac una alteri substituatür, per Alphabetariam quandam resolutionem. *Tertia* ostendit dictionem pro dictione ponere per litterarum metathesin, sive litterarum artificiosam commutationem. *Quarta* elicit dictionem ex dictione per æqualem numerum, quando nimirum reperitur alia dictio eundem numerum includens. *Quinta* educit è dictionibus singulis orationes integras, seu integras sententias. *Sexta* denique præcipit, ut circa litterarum figuras, apices, ac puncta, diligens fiat perscrutatio. Harum sex partium seu specierum Cabalæ *Prima* potest vocari *Notariaca*; *Secunda*, *Athbastica*; *Tertia*, *Commutatoria*; *Quarta*, *Arithmetica*; *Quinta*, *Expositoria*; *Sexta*, *Mysteriosa*. *Exempla singularum* vide apud citatum Auctorem, & apud nos infrà suis locis.

Cabala vera ac falsa, pia & impia.

Octavò. Sixtus Senensis lib. 2. *Bibliothecæ sanctæ*, verbo *Esdras*, duplicem statuit Cabalam; alteram veram ac piam; alteram falsam ac impiam. Veram ac piam appellat, quæ arcana sacræ Legis myste ia juxta anagogen elucidat. Falsam atque impiam vocat, ementitum quoddam Judaicæ traditionis genus, quod improbi quidam Judæi à Moyse ex Patriarchis ad ipsos emanasse dicunt in numeris vanitatibus ac falsitatibus refertum, nihil aut parum à *Necromantia* distans. Hanc eandem divisionem admittit etiam *Sandæus* loco proximè cit. Exercitat. 2.

Cabala proba, indifferens, improba.

Nondè P. Jacobus Bonfrerius in *Prolegomenis Sacræ Scripturæ* cap. 21. distinguit triplicem Cabalam. Unam vocat probam, & propriè dictam, antiquorum Judæorum ante Christum: Alteram minùs probam, sed secundùm se indifferentem, Hebræorum

recen-

recentiorum: Tertiam, improbam, quæ ad præcedentes magica & vanas observationes adjecit. Secundam subdividit in quinque alias species, seu modos, suntque illi iidem quos *P. Sandæus* ad sex revocaverat.

§. III. Divisio Cabalæ ex nostra sententia.

EGo olim triplicem Cabalam statui. Primam appellavi Mo-
saicam; & dixi esse illam, quam Moyses à Deo immediate ac-
cepit, & aliis tradidit, interque Hebræos incorrupta longo tempo-
re mansit. Secundam appellavi Rabbinicam indifferentem; & il-
lam esse dixi, quam Rabбини excogitarunt, seu ante, seu post
Christum natum; & quam *P. Sandæus* in sex, *P. Bonfrerius* in
quinque membra divisit. Tertiam appellavi Rabbinicam su-
persticiosam; & est illa, quam Rabбини corruerunt, & fabulis,
nugis, superstitionibus, magicis artibus fædarunt, vel de novo
excogitarunt, seu ante, seu post Christum; quamque alii falsam,
improbam, & impiam appellant.

Nunc in sex partes seu species totam Cabalam, prout in va-
riis Cabalistarum libris exarata reperitur, divido. Primam ap-
pello *Ghematriam*; secundam, *Notariacam*; tertiam, *Themur-*
ram; quartam, *Mercava*; quintam, *Beresith*; sextam, *Astrolo-*
gicam. Singulas ordine explicabo, ubi prius totius Cabalæ fun-
damentum exposuero.

CAPUT IV.

Cabala totius fundamentum præcipuum; Alpha-
beti Hebraici singulae litteræ sunt significativæ.

CAbala, ut ex dictis hætenus, præsertim cap. I. constat, vel
cunicè, vel præcipuè occupata est in perscrutatione Sacræ Scri-
pturæ Hebraico charactere exarata, considerando ejus non so-
lùm sententias & dictiones, sed syllabas etiam singulas, singulas-
que litteras, & litterarum formas seu figuras, apices, valorem,

Zzzzz 3 arith-

arithmeticum, locum in verbis, nunc in principio, medio, fine, nunc semel aut sæpius collocatarum, aliaque similia. Ex his omnibus conatur eruere varios sensus allegoricos, & anagogicos, profunda mysteria, futurorum præfagia, aliaque arcana. Exempli plurima in sequentibus dabo. Modum hæc præstandi tradidisse ajunt Cabalistsæ ipsum Cabalæ auctorem DEUM Moyse, hunc ore tenus Senioribus, hos successoribus, donec Esdræ temporibus fuerit scripto mandatus, ut vidimus cap. 2.

Nec mirum videri debere ajunt Cabalistsæ, ex Scriptura sacra, characteribus Hebraicis exarata, tam mira & arcana erui posse, quoniam tam Hebraica lingua, utpote prima quâ mortaliū genus usum fuit jam ab initio conditionis suæ, atque à DEO ipso inspirata Protoparentibus nostris, quàm Hebraica scriptio, ab eodem DEO Moyse primū tradita (ut fuscè & doctè probat P. Joannes Eusebius Nierembergius lib. 1. & 2. de origine sacre scripturæ; quamvis nos contrā senserimus suprā lib. 8. cap. ult.) habet nescio quid divinum & admirabile supra omnes alias linguas & & scriptiones, ut nihil in illis singulari significatione, usu, mysterio careat. Unde omnes & singulæ Hebraici Alphabeti litteræ sunt significativæ, eoque ordine collocatæ, ut earum significatio perfectissimum atque profundissimum sensum efficiant, ut ex sequentibus patebit.

§. I. Alphabeti Hebraici litterarum significatio,

ex Eusebio Cæsariensi.

*Hebraica-
rum litte-
rarum si-
gnificatio,
ex Eusebio.*

Eusebius Cæsariensis lib. 10. de Preparatione Evangelica cap. 2. de litterarum Hebraici Alphabeti significatu hæc habet. Omnes autem litteræ apud Hebræos viginti duæ sunt. Quarum prima Aleph dicitur, quod latinè Disciplina dici potest. Secunda Beth, quod Domus, significat. Tertia Gimel, quod vocis plenitudinem significat. Quarta Daleth, quod Librorum dici potest. Quinta He, quod vocabulum ista significat. Quæ omnes voces talem sensum efficiunt: Disciplina domus, plenitudo librorum hæc.

Deinde Zain, quod vocabulum significat Vivit. Octavum Hech,

Heth, quod significat Vivens. Totum, hoc simul: In ipsa vivit vivens.

Nonum Teth dicitur, id est, Bonum. Decimum Jod, & interpretatur Principium. Simul hæc duo, Bonum principium significant.

Undecimum Caph, latine tamen. Duodecimum Lamed, quod Disce; & postea Samech, quod interpretatur Auxilium. Totum hoc simul significat: Tamen disce auxilium.

Deinde sequitur elementum quod Mem appellant, quod interpretari potest, Ex ipsis. Deinde Nun, id est, sempiternum auxilium. His accedit Ain, quod latine Fontem, aut Oculum significat. Deinde Phe, quod Os dici potest. Deinde Sade, quæ vox Justitia interpretari potest. Simul sensus est: Fons, aut Oculus, & os justitiæ.

Elementum deinde accedit Coph, id est, Vocatio. Deinde Res, quod Caput significat. Deinde Sin, quod Dentes dicere possumus. Postremo Thau, quod signa dici potest. Omnium igitur Sensus elementorum, hic est. Disciplina domus, plenitudo librorum hæc; in ipsa vivit vivens, bonum principium: tamen disce ex ipsis sempiternum auxilium; fons, aut oculus, atque os justitiæ, vocatio capitis & dentium Signa.

Hæc est elementorum Hebraicorum latine dicta sententia; qua disciplina litterarum summopere convenit; quod apud alias gentes inveniri nequit. Unde fateri necesse est, non ab aliis, quam ab Hebrais litteras esse inventas. Græcæ verò ab Hebraicis accepisse, ipsa litterarum appellatio significat &c. Hactenus Eusebius.

Littera ab
Hebrais in-
venta.

§. II. Litterarum Alphabeti Hebraici significatio, ex D. Hieronymo.

D Hieronymus to. 3. Epist. ad Paulam Urbicam, Alphabetum Hebraicum, singulis ejus litteris expositis, anagogico sensu interpretatur, totumque Alphabetum in septem veluti connexiones distribuit. Sic autem scribit inter alia.

Hebraicarum
litterarum
significatio
ex D. Hieronymo.

Idemdem flagitasti, ut tibi interpretationes litterarum Hebraica-

braicarum edicerem singularum &c. Verum jam complendum est, quod petisti, ut sensum uniuscujusq; elementi interpretatio annexa significat.

Aleph, doctrina interpretatur; Beth, domus; Gimel, plenitudo; Daleth, tabularum; He, ista; Vau, & Zain, hæc; Heth, vita; Thet, bonum; Jod, principium; Caph, manus; Lamed, disciplina, sive cordis; Mem, ex ipsis; Nun, sempiternum; Samech, adjutorium; Ain, fons, sive oculus; Phe, os ab ore, non ab osse dictum intellige, ne litterarum ambiguitate fallaris. Tade, justitia, Coph, vocatio; Res, capitis; Sin, dentium; Thau, Signa.

Post interpretationem elementorum, intelligentia ordo dicendus est.

Aleph, Beth, Gimel, Daleth, prima connexio est, Doctrinâ domûs, plenitudo tabularum; quod videlicet Doctrina Ecclesiæ quæ Domus DEI est, in librorum reperiatur plenitudine divinorum.

Secunda connexio est, He, Vau, Zain, Heth. Ista & hæc vita: quæ enim alia potest esse vita sine scientia Scripturarum? per quam etiam ipse Christus agnoscitur, qui est vita credentium.

Tertia connexio habet, Teth, Jod, Bonum principium; quia quamvis nunc sciamus universa quæ scripta sunt, tamen ex parte cognoscimus, & ex parte prophetamus, & nunc per speculum in enigmate videmus: cum autem meruerimus esse cum Christo, & similes Angelis fuerimus; tunc librorum doctrina cessabit; & tunc videbimus facie ad faciem bonum principium sicuti est.

Quarta connexio est, Coph, Lameth, Manus disciplinæ sive cordis. Manus intelliguntur in opere, cor & disciplina intelliguntur in sensu: quia nihil facere possumus, nisi prius quæ facienda sunt, sciverimus.

Quinta connexio est, Mem, Nun, Samech, Ex ipsis sempiternum adjutorium. Hoc explanatione non indiget, sed omni luce manifestius est, ex Scripturis aterna subsidia ministrari.

Sexta connexio est, Ain, Phe, Zade, Fons, sive Oculus oris justitiæ: secundum illud quod in quarto numero exposuimus.

Septima connexio est, quæ & extrema, quod & in ipso quoque Septenario numero sit mysticus intellectus, Coph, Res, Sin, Thau, Vocatio

catio capitis dentium signa. *Per dentes articulata vox ponitur; & in his signis ad caput omnium, qui est Christus, pervenitur, per quem venit ad regnum Sempiternum.*

Oro te, quid hoc sacras Sacramento? quid hac voluptate jucundius? qui cibi, quam mella sunt dulciora, quam DEI scire prudentiam, & in abdita ejus intrare, & sensum Creatoris inspicere, & sermones Domini DEI tui, qui ab hujus mundi Sapientibus deridentur, plenos docere sapientiâ spirituali? Hæc D. Hieronymus.

§. III. Litterarum Hebraici Alphabeti significatum ex aliis Auctoribus.

I.

Johannes Reuchlinus lib. 3. Artis Cabalisticæ ait, quod *Aleph* ^{Hebraicarum litterarum significatio ex Reuchlinis.} significet vitam seu, institutionem; *Beth*, domum; *Gimel*, retributionem; *Daleth*, ostium; *He*, ecce; *Vau*, uncinum; *Dsain*, arma; *Heth*, terrorem; *Teth*, declinationem; *Jod*, confessionem laudis; *Coph*, volam, *Lamed*, doctrinam; *Mem*, aquas; *Nun*, ^{fi-}liationem; *Samech*, appositionem; *Ain*, oculum; *Pe*, as; *Tzade*, ^{larmino.} latera; *Kuph*, revolutionem, vel circuitum; *Res*, egestatem; *Sin*, dentem; *Thau*, signum.

II. *Robertus Bellarminus* S. E. R. Cardinalis, institutionum linguæ Hebraicæ par. 1. cap. 1. litterarum Hebraicarum significatum adsignat oppidò differentem ab hætenus dictis. Sic enim habet.

A *Aleph*, quasi *Aleph*, id est, princeps, quod sit principium Alphabeti.

B *Beth*, domus, quod figurâ suâ domum imitetur: summa enim linea tectum, infima pavementum, media parietem, vacuitas è regione portam refert.

G *Gimel*, quasi *gamal*, id est camelus, propter gibbum quem in dorso gerit.

D *Daleth*, quasi *Deleth*, id est, porta, quod eam suis lincis ex parte referat.

H *He*, à Sono quem exprimit, nomen accepit.

A a a a a

1 *Vau*,

- ו *Vau*, uncinus, quia ejus similitudinem præ se ferat.
 ז *Zain*, quasi Zen, id est, arma, quod clava esse videatur.
 ח *Cheth* à sono proprio sic vocatur.
 ט *Teth*, Similiter à sono.
 י *Jod*, quasi Jad, id est spatium, quod propter suam exigentiam spatium vacuum relinquat.
 כ *Caph*, à curvitate sic dicitur: nam Caphaph incurvare significat, & Caph rem curvam, ut volam.
 ל *Lamed*, à Malmad, id est, stimulo, seu veru, cujus Similitudinem exhibet.
 מ *Mem*, à sono, ut in omnibus aliis linguis.
 נ *Nun*, item à sono.
 ס *Samech*, quasi Samuch, id est, continuatum & in se ductum.
 ע *Ain* Oculus, quòd ejus figuram imitetur.
 פ *Pe*, Os, seu vultus, quòd ex parte figuram oris exprimat.
 צ *Tsade*, Venabulum, quòd ei non dissimile videatur.
 ק *Coph*, vel à sono proprio sic dicitur, vel à circulo, quem describit: nam cuph circuire est.
 ר *Resc*, quasi *Ros*, id est, caput, quòd aliqua ex parte illius figuram imitetur.
 ש *Scin*, quasi Scen, id est, dens, quòd dentata sit littera.
 ת *Thau*, Signum, sive terminus, quòd alphabetum terminet.

Hebraicarum litterarum significatio ex Cabalisticis.

III. *Rabbi Akiba*, & alii Cabalisticæ apud Kircherum in Oedipo to. 2. classe 4. cap. 3. trium mundorum mysterium, videlicet Angelici, Siderei, & Elementarii, in Alphabeti Hebraici litterarum ordine & ferie reperiunt. Ajunt enim, ab א *Aleph* usque ad כ *Caph*, indicari choros sive ordines Angelorum, à כ *Caph* usque ad פ *Pe*, ordinis scælorum; a פ *Pe* usque ad ת *Thau*, ordines elementorum. Omnia fusè explicat Kircherus ex citato Akiba; at quoniam intelligi nequeunt sine cognitione eorum, quæ

quæ infra in Cabala *Mercava* & *Beresith* dicemus, hîc omittimus, & in locum illum rejicimus.

CAPUT V.

Cabale fundamentum alterum; Alphabeti Hebraici litteræ significant numeros.

Hebraei utuntur litteris Alphabeti ad notas numerorum indicandas; & quidem omnibus: quod & aliæ quoque gentes in litteris suorum Alphabetorum imitantur, ut Græci, Arabes, &c. & ex parte Latini, qui aliquot tantum litteras ad numeros exprimendos adhibent, nempe I, V, X, L, C, D, M. Omnium tamen perfectissimè & elegantissimè id faciunt Hebræi. In tres enim ordines seu gradus distinguunt numeros, in monades, decades, & hecatontades seu centenarios. Numeros monadicos ab 1 usque ad 9 inclusivè, exprimunt novem primis litteris, ab א Aleph usque ad ט Thet inclusivè. Numeros decadicos à 10 usque ad 90 inclusivè, novem sequentibus litteris, à י Jod usque ad טף Tsade inclusivè: Numeros denique centenarios, à 100 usque ad 900 inclusivè, reliquis litteris à ק Coph usque ad finem Alphabeti, unà cum quinque litteris finalibus earum, quæ dupliciter scribuntur. En typum

Abacus numeralis litterarum Hebraicarum										
9 ט	8 ח	7 ז	6 ו	5 ה	4 ד	3 ג	2 ב	1 א		Monedes
90 צ	80 פ	70 ע	60 ס	50 נ	40 מ	30 ל	20 כ	10 י		Decades.
900 ק	800 ר	700 ז	600 ס	500 ת	400 ת	300 ש	200 ר	100 ק		Centenarii

Past has litteras reditur ad א, quod duobus punctis supernè notatum significat 1000, & junctum cum ב significat 2000, cum
Aaaaaa 2 2000,

ג 3000, &c. sic: א 1000. ב 2000. ג 3000. ד 4000.
ה 5000. &c.


Intermedios numeros inter 10 & 20, inter 20 & 30, &c. nempe 11, 12, 13, &c. 21, 22, 23, &c. ex aliorum compositione efficiunt: nam ו significat 11, ז 12, ח 13, & sic de ceteris; nisi quòd pro י scribunt ט, reverentiâ quadam adducti, quia י est unum ex nominibus DEI, ut infra videbimus. In his compositis numeris supra priores litteras ponunt, quandoque duas virgulas sic, י", ז", &c.

Post ת, quæ littera efficit 400, ut vidimus, non semper ponunt litteras illas finales, quales in tertia columna exhibuimus, sed compositos numeros usurpant sic: תק 500, תר 600, תש 700, תת 800, תתק 900, &c.

ANNOTATIO.

R *Euchlinus lib. 3. Artis Cabalistica statuit, præter tres ordines seu gradus numerorum, in præcedenti Tabula exhibitorum, quartum ordinem seu gradum, scilicet millenariorum; atque in eo revertendum esse ad priorum numerorum figuras, staturâ tamen*

grandiores, ita ut pro 1000 dicatur magnum  *Aleph, pro*

2000 magnum  *Beth, & sic deinceps usq. ad magnum*

Jod, quod 10000 significat. Addit, aliquos loco staturæ magnæ retinere litteras ordinarias, easq. apicibus in capite notare.



CAPUT VI.

*Quo caractere exarata fuerit sacra Scriptura**ante Esdram; & quo caractere Esdras eam restituerit.*

HÆc difficultas omninò enodanda est, antequam ulteriùs progrediamur, cùm Cabala scrupulosè expendat Scripturæ sacræ non solùm verba, sed etiam litteras, earumque formas seu figuras. Quare si aliâ formâ litterarum fuit Scriptura ante Esdram exarata, aliâ post ipsum; diversâ, ex parte sâltém, esse oportet Cabalam post Esdram, ab ea quæ fuit ante ipsum. Ut clariùs procedam, suppono sequentia.

§. I. Supponuntur nonnulla quæ ad quæstionis
decisionem conducunt.

Suppono *Primò*, Scripturam sacram à Moyse, & aliis ejus Scri-
ptoribus ante Esdram, fuisse conscriptam linguâ & caractere ^{Scriptura}
Hebraico, hoc est, quibus Hebræi tunc utebantur; nam Hebræis ^{sacra ante}
fuit scripta, qui eam intelligere, & transcribere debebant. Quæ- ^{Esdras fuit}
ritur, quonam caractere tunc usi fuerint Hebræi, & quonam, ^{scripta He-}
Scriptura conscripta? <sup>braico cha-
ractere.</sup>

Suppono *Secundò*, Esdram illam scripsisse eodem caractere, ^{Scriptura}
quo nunc scripta cernitur, tam apud Hebræos, quàm apud nos. ^{sacra qua}
Hic autem est ille idem, quo nos in præsentī Libro utimur; & di- ^{caractere}
citur character quadratus, Esdræus, Assyrius, Chaldaicus, Babylo- ^{ab Esdra}
nicus. Quadratus dicitur, ad differentiam alterius quem curren- ^{conscripta.}
tem vocant, & quo alii libri Hebræorum non sacri passim con-
scripti sunt: qui quidem diversus est, pro diversitate nationum in
quibus Hebræi versantur: alio enim caractere corrente scri-
bunt Hebræi Hispani, alio Itali, alio Germani, alio aliarum natio-
num; non secus ac alio caractere latino corrente scribunt nunc
Germani, Galli, Angli, &c. tamen omnes eodem caractere in
libris imprimendis utantur. Esdræus dicitur, quia ab Esdra fuit

Aaaaaa 3

adhi-

adhibitus in restitutione Scripturæ ; siue antea eodem fuerit conscripta Scriptura, siue non ; quod hic examinabimus. Dicitur Assyrius, Chaldaicus, Babylonicus, quia Assyrii (qui & Chaldaei, ac Babylonii dicebantur) apud quos Esdras cum suis in captivitate fuerat, illo tunc utebantur.

Samaritanus character.

Suppono *Tertiò*, controversiam esse, an sacra Scriptura ante Esdram scripta fuerit caractere Esdræo, seu Assyrio (eodem videlicet quo Esdras illam restituit) an verò Samaritano, quo videlicet Samaritani (hoc est, pars populi Judaici præcipua, qui sub Rege Roboam à reliquis desciverant, & in Idololatriam, aliosque varios errores inciderant, ideoque velut hæretici à fidelibus Judæis habebantur, & Cuthæi à Rabbinis appellantur,) tum ante, tum post captivitatem Babylonicam utebantur. Hic autem character est ille, qui in antiquis nummis, quos Siclos vocant, conspicitur. Eum exhibet in apposito schemate columna 3. & duæ facies nummi seu Sicli infra numerum III collocati. Columna verò quarta, & nummi infra numerum I. & IV. exhibent characterem Esdræum, quem nunc Hebraicum communiter appellamus.

Vide Iconisim, XX.

§. II. Præmittuntur pauca de antiquis Hebræorum nummis, quos Siclos vocant.

Sicli Hebræorum.

Multi hodierno adhuc die variis in locis reperiuntur antiquissimi Hebræorum nummi, aurei, argentei, ærei, caractere partim Samaritano, partim Assyrio insigniti, atque inscripti. Non paucos vidi Romæ in Museo Kircheriano Collegii nostri Romani, quos olim P. Joannes Baptista Villatpandus ex Hispania ad se allatos collegit, & conservavit ; uti & apud varios clarissimos viros, antiquitatis amatores, cujusmodi sunt Dn. Franciscus Gualdus, Dn. Franciscus Angelomus, Dn. Franciscus Gottifredus, & alii. Nonnullos etiam è purissimo auro & argento nuper vidi Norimbergæ apud Dn. Joannem Michaëlem Dilherum ; inter quos erant illi, qui in præcedenti schemate conspiciuntur. Qui quoniam difficultati propositæ elucidandæ lucem non exiguam asferre possunt, examinare breviter eorum & inscri-



CHARACTERES.				
Vaticani.	R. Asaria	Siclorum.	Hebraici.	Nomen & valor.
F	F	X F	א	Alph.
Δ	9	י	ב	Beth. b.
Γ	7	כ	ג	Gimel. g.
Δ	γ	ד	ד	Daleth. d.
Ε	3	ה	ה	He. h.
ϝ	3 ϝ	ו	ו	Vau. v.
Ϟ	3 Ϟ	ז	ז	Dzain. dz.
Ϡ	Ϡ	ח	ח	Cheth. ch.
ϡ	ϡ	ט	ט	Teth. t.
Ν	3 ϣ	י	י	Yodh. j.
Κ	5 ϣ	כ	כ	Kaph. k.
Λ	Λ	ל	ל	Lamedh. l.
Ϟ	Ϟ	מ	מ	Mem. m.
ν	5 ϣ	נ	נ	Nun. n.
3	3	ס	ס	Samech. s.
Δ	Δ	ע	ע	Ain.
Ϟ	Ϟ	פ	פ	P.
Α	3	צ	צ	Zade. z.
P	P	ק	ק	Kuph. k.
q	q	ר	ר	Resch. r.
W	W	ש	ש	Schin. sch.
Γ	X ϣ	ת	ת	Tau. t.

ICONS MUS. XX.

ponatur è reg. pag. 927.



I.





II.





III.





IV.



inſcriptionem characterum, & hieroglyphicorum inter characteres poſitorum apparatus placuit. Qui plures volet ejusmodi nummorum imagines, adeat Morinum in Exercitatione ſua, in Pentateuchum Samaritanum, Villalpandum in Apparatu ad templum, Kircherum in Oedipo Tom. 2. Claſſe 2. Diſquiſitione 3. & alios.

Hujusmodi nummos vocabant Hebræi Siclos, à שֶקֶל, hoc eſt, à ponderando, appendendo, librando, quia pecuniam veteres Hebræi, Chaldæi, ac Syri (uti & hodie adhuc Sinenſes) non numerabant, ut nos, ſed appendebant, ac librabant, atque ex pondere valorem ejus colligebant, uti ex variis Scripturæ ſacræ locis colligitur.

Erat autem duplex apud Hebræos Siclus; ſacer nimirum ſive *Siclus ſacer, & vulgaris.* Eccleſiaſticus, & Vulgaris. Sacer Siclus dicebatur שֶקֶל הַקֹּדֶשׁ, *Sekel hakedoſch, Siclus Sanctuarii*; eratque ad res ſacras deputatus, videlicet ad uſum tabernaculi ac templi, ad ſacri miniſterii apparatus, ad Numinis propitiationem, ad primogenitorum redemptionem &c. Proſitebantur enim eâ Sicli penſione, DEI peculium ſe eſſe, nec alium habere Regem ac Dominum, præter DEUM, cui ſe totos obſtrinxerunt: & ideo etiam קֹדֶשׁ יִשְׂרָאֵל, *Kadoſch Iſrael, Sanctus Iſraël, pecunia propitiationis*, aliisque ſimilibus nominibus appellabatur. Vulgaris Siclus deputatus erat in promiſcuum uſum.

Primi nummi explicatio.

Duas habet facies hic (uti & reliqui ſequentes) Siclus & in *Siclorum a-* utraque eſt inſcriptio characteribus Aſſyrio, & hieroglyphicis in medio characterum. Inſcriptio primæ faciei eſt, שֶקֶל יִשְׂרָאֵל, *Sekel Iſrael, Siclus Iſraël.* Hieroglyphicum eſt thuribulum ex *liquor ex-* halaris fumum, ſymbolum ſacerdotii. Secundæ faciei inſcriptio *plicatio.* eſt, הַקֹּדֶשׁ יְרוּשָׁלַיִם, *Hekadoſcha Jeruſalem, Sancta Jeruſalem.* Hieroglyphicum eſt ramus amygdali, familiae Sacerdotalis ſymbolum, denotans virgam Aaronis quæ floruit. Atque hic Siclus videtur eſſe Siclus ſacer, quem Siclum ſanctuarii, & pecuniam redemptionis appellatum fuiſſe diximus. Affert & explicat hunc Siclum etiam Kircherus loc. cit.

Quarti nummi explicatio.

Prima hujus nummi facies continet imaginem templi Hierosolymitani, cum hac inscriptione, ירושלם עיר הקדוש *Jerusalem civitas sancta*. Secundū facies sine simbolo continet hæc verba, דוד המלך ובנו שלמה המלך, *David Rex, & filius ejus Salomon Rex*. Videtur cū fuisse tempore Salomonis, in memoriam ædificati templi à Salomone expensis Davidis patris ejus. Hunc quoque adducit Kircherus.

Tertii nummi significatio.

Inscriptio hujus nummi facta est caractere Samaritano antiquo. Prima facies continet urnam seu vas cum manna, quod in Arca fæderis asservabatur DEI jussu. Littera F urnę imposita idem est quod נ Hebræorum, & significat esse primum seu unum, & integrum Siclum. Altera facies continet virgam Aaronis florentem. Primæ faciei inscriptio æquivalet huic Assyriaco caractere, ירושלם קדשה, שקל ישראל, *Irusalem Kadoscha, Schekel Israel*, id est, *Jerusalem sancta, Siclus Israël*. Affert & hunc Kircherus, atque explicat.

Secundi nummi explicatio.


Secundus nummus, caractere Vaticano insignitus, cum vase mannæ, & ramo amygdalæ, nil facit ad divisionem præsentis controversiæ. Plurimos alios Siclos, tam integros, quàm dimidios, caractere Samaritano insignitos, affert & exponit Kircherus lo. cit. quos omitto.

§. III. Prima sententia vult, Scripturam Sacram ante Esdram fuisse exaratam caractere Samaritano.

*Scriptura
sacra an
caractere
Samaritano
scripta ante
Esdram.*

His præmissis, tandem ad litis decisionem progredior. Duas invenio sententias. Prima vult, Scripturam Sacram ante Esdram fuisse Samaritano caractere exaratam. Probatur auctoritatibus, & ratione. Eam amplectitur *Bonfrerius* comment. in cap. XI. v. 1. Genesis, & mordicè defendit *Nierembergius* lib. 4. de Origine sacræ script. cap. XI. & seq. Affero primò auctoritates, deinde rationem.

Aucto.





Auctoritates pro hac sententia.

S. Hieronymus in Prologo Galeato (non in Prefat. ad libros Regum, ut Nierembergius falso asserit) id clarissimè pronuntiat: *Samaritani etiam, inquit, Pentateuchum Moysi totidem litteris (nempe viginti duabus, ut Hebræi) scriptitant, figuris tantum & apicibus discrepantes. Certumque est, Esdram Scribam, Legisq. Doctorem, post captam Ierosolymam, & instaurationem templi sub Zerobabel, alias litteras reperisse, quibus nunc utimur; cum ad illud usque tempus iidem Samaritanorum & Hebræorum characteres fuerint.* Idem sanctus Comment. in caput 9. Ezechielis, & in cap. 3. ver. 10. Epistolæ ad Galatas, asserit Samaritanorum litteras esse antiquiores Hebræicis. Ante Hieronymum hoc ipsum dixit *Eusebius* in Chronico agens de Esdra; & post eum *Beda, Rupertus, & alii multi.*

Hæc nostri. Idem asserunt Hebræi. In Thalmud tract. de Sabbatho scribitur: *Scriptura quæ est in manibus nostris hodie, quæ libri scribuntur, non est Scriptura Hebraica sine dubio.* In eodem Thalmud tract. Sanhed. Sect. 2. ajunt Babylonii Doctores *Zutra, & Hokba*: *Initio data est Lex Scripturæ Hebræicæ, & linguæ sanctæ: restituta est (lex) & data iis in diebus Esdræ scripturæ Assyriacæ, & lingua Chaldaicæ. Postea expurgaverunt, & elegerunt pro Israël scripturam Assyriacam & linguam sanctam, & reliquerunt idiotis scripturam Hebræicam & linguam Chaldaicam. Qui sunt illi idiotæ? Respondet R. Chasda, Cuthæi. Quæ est scriptura Hebraica? Respondet iterum Chasda, Scriptura est insculpta; illa videlicet, quæ in nummismatis seu siclis Judaicis insculpta reperitur. Quod hîc vocatur scriptura insculpta, dicitur ab aliis Libonæa.*

Moses Bar Nahman scribit ad calcem Commentarii sui in Legem, de se, cum esset *Accone*, quæ est civitas Palestinæ, sic: *Inveni ibi in manu seniorum Terræ monetam argenteam signatam sculpturâ sigilli. Ex uno latere erat velut figura virgæ amygdalinæ, & ex altero velut figura urnæ. In utroque autem latere ad marginem scriptura erat insculpta admodum manifestè. Et ostendunt*

Bbbbbb

derunt scripturam illam Cuthæis (id est, Samaritanis) qui statim eam legerunt, quia scriptura erat Hebraica, quæ relicta erat Cuthæis, sicut commemoratur in Sanhedrin. Legerunt autem ex uno latere, SICLUS SICLORUM; & ex altero, JERUSALEM SANCTA. Dicebant quoque, figuram primam esse virgam Aaronis Amygdalarum, & florum ejus; figura verò secundam esse urnæ, in qua erat manna. Consonant hæc illis quæ diximus §. precedente de nummo tertio.

Glossa Thalmudica, à Doctoribus Babylonis paulò antè edita, idem confirmat, dicens: Scriptura Hebraica, vel quæ non mutat linguam, sed characterem, ea est quæ scribitur characteribus eorum qui sunt trans fluvium, & in tractatu Sanhedrin vocatur Scriptura Libonaa. Scriptura Assyriaca, scriptura est nostra. Scribebant hæc in Babylonia, unde Samaritani erant respectu illorum trans fluvium Euphratem.

Moses Ægyptius: Hebraicè, est lingua Hebræa; Scriptura verò Hebræa, est Scriptura Heber; ipsa autem Scriptura est, quâ scribit Legem populus qui appellatur Samaritanus: scriptura autem cum quâ nos scribimus Legem, scriptura est Assyria.

R. Obadias, à Bortenora dictus: Scriptura Hebræa, scriptura est quæ venit de trans fluvium; Cuthæi autem scribunt usque in hunc diem, &c. Scriptura autem quâ nos scribimus libros hodie, vocatur Scriptura Assyriaca.

Haftenus Thalmud Babylonicum, cum ejus Doctoribus. Audiamus nunc Thalmud Hierosolymitanum, quod Babylonicum antiquius est. Hoc in tract. Meghilla, Sect. 1. ita habet: Assyria est ei Scriptura, sed non est ei lingua; Hebræa est ei lingua, sed non est ei scriptura. Elegerunt illi Scripturam Assyriacam, & linguam Hebræam. Quare autem vocatur Assyria? quia character ejus excellens est & ornatus. Dixit Rabbi Levi, eò quòd ascendit per manum eorum de Assyria. Docuit Rabbi Jose, dicens: Dignus erat Esdras, per cujus manum daretur Lex, nisi præcessisset eum saculum Moysi. Quamquam autem data non sit lex per manus ejus, tamen data est Scriptura, & lingua per manum ejus.

Samuel Japhe ex sententia sua sic ea interpretatur columna 3. fol. 194. apud Nierembergium: *Opinio mea est, quod mutata fuerit scriptura in diebus Danielis, ex Scriptura Hebraica, in qua data est Lex, in Scripturam Assyriacam, & scripta fuerit lex Assyriacè in diebus Esdræ.*

Rabbi Joseph Albo Sermone seu Parte 3. cap. 16. Libri de fundamentis fidei (Judaicæ videlicet) ait: *Cum ascenderunt è Babylone, decreverunt constituere memoriale captivitatis secundæ. Hoc autem fecerunt duobus modis: uno; cum reliquerunt Scripturam Hebraicam, & elegerunt sibi scripturam Assyriacam, in monumentum quod in Assyriam transportati fuerant, & inde migraverant. Et sic dixerunt Magistri nostri, quorum memoria est in benedictione, in Additamentis ad tractatum Sanhedrin. Quare vocatur nomen ejus Assyria? quia ascendit cum eis de Asur.* Idem fusè probat *Rabbi Azarias* ex inscriptione Sicolorum antiquorum, quæ Samaritano caractere peracta est, uti in præcedentibus diximus.

Præter citatos hæcenus Rabbinos, *Kircherus* loc. cit. allegat etiam pro hac sententia *Rabbi Judam* tract. Meghilla cap. 1. numer. 8, sed ejus testimonium favet potius contrariæ sententiæ: sicut enim ait: *Non est inter libros, & Tephilin, & Mezuzoth, (id est, frontalia, seu phylacteria, inquit Kircherus) alia differentia, nisi quod libri scribantur in omni lingua, Tephilin autem, & Mezuzoth, non scribantur nisi in lingua Assyria.*

Ratio pro hac sententia.

Ratio pro hac sententia desumitur ex *Cap. 9. Ezechielis*, ubi *Thau* Thau littera quæ olim figurâ. Angelus jubetur transire per civitatem Jerusalem, & signare *Thau* super frontes virorum gementium & dolentium super cunctis abominationibus, quæ fiebant in medio ejus. Et paulò post percussiores prohibentur occidere, super quem viderint *Thau*. Ajunt autem *S. Hieronymus* in hunc locum; *Origenes* apud Nierembergium lib. 4. de origine sacræ Scripturæ, cap. 16. *Tertullianus* lib. 1. contra Marcionem, *S. Ambrosius* lib. 1. de Abraham, *S. Augustinus* in Dialogo Altercat. Eccles. & Synag. *Clemens* lib. 6. strom.

Vide Iconism. X X.

mat. & alii passim, teste & consentiente *Cornelio à Lapide*, ajunt inquam, litteram *Thau* ante *Esdram*, apud Hebræos priscos habuisse figuram signi crucis, eoque signo justum fuisse Angelum signare gementes &c. Cum ergo in *Esdraë* linguæ Alphabeto non formetur *Thau* per modum crucis, in Samaritanæ verò linguæ Alphabeto ita formetur, uti ex præcedenti schemate utriusque Alphabeti, & ex quibusdam antiquis nummis Samaritano caractere inscriptis patet; dicendum est, Samaritanam, non Assyriam ante *Esdram* in usu fuisse, ac proinde sacram Scripturam, primitus illo, non hoc caractere fuisse exaratam.

§. I V. Secunda sententia vult, sacram Scripturam fuisse ante *Esdram* Assyrio caractere conscriptam.

Sacra Scriptura an caractere Assyrio scripta ante *Esdram*.

Ita sentit Cardinalis *Cesar Baronius* 40. 2. Annal. Anno Christi 180. Probat ex *Philone*, qui lib. 2. de vita *Moyfis* inquit, illa ipsa linguâ, & caractere, quibus antiquitus scripta Lex fuit, sic permansisse semper, absque ulla mutatione, usque ad *Ptolemæum Philadelphum*; quo quidem tempore scripta reperiebatur eodem caractere & idiomate, quo *Esdra*s eam scripserat.

Idem probatur ex *Josepho* lib. 3. Antiquitatum Judaicarum, cap. 8. ubi de lapidibus Rationalis loquens, ait; *His insculptæ sunt Jacobi filiorum nomina litteris vernaculis lingua nostratis*. Tempore autem *Josephi* utebantur Judæi iisdem litteris, quibus post *Esdram* in hunc usque diem fuerunt usi, nempe *Esdraëis*, seu *Assyriis*.

P. Aschanasius Kircherus in *Oedipo* Tom. 2. Classe 2. Disquisit. 2. § 2. putat, Judæos ante captivitatem Babylonicam usos fuisse utroque caractere, Samaritano videlicet, & Assyrio: & Assyrio quidem scripsisse sacram Scripturam, aliaque Sacra; Samaritano verò res profanas, & ad Politicam pertinentes. Citat pro se *R. Obodiam à Bartenora* Commentario in *Mischnaioth*, *Mesechel Jadaim*, perek 4. num. 5. his verbis: *Scriptura Hebraica ea est, quæ venit è regione trans flumen; Cuthym autem, qui sunt Samaritani, eam scribunt in hunc usque diem; Israel autem utebatur istâ*
Scripturâ

Scripturâ in rebus profanis, & monetâ argentea, quâ nunc hodie reperitur in manibus nostris, & percussa est tempore Regum Israël, & signata eâdem scripturâ. Scriptura autem quâ nos scribimus libros hodie, dicitur scriptura Assyriâ, estq; scriptura Tabularum. Vocatur autem Assyria, quod felix sit, & pulchra.

Confirmat hæc eadem alius quidam apud R. *Mosen Alasfar* Responsionum cap. 24. & R. *Iehuda Muscato* Commentator libri Cozri apud Morinum; & R. *Azarias* in libro intitulo *Lumen oculorum*, ubi postquam multum ultrò citròque ea de re disseruisset, consideratis iisque dicuntur & præcipiuntur de Thephillim & Mezuzoth, quæ Scripturâ tantum Assyriacâ scribi debebant; iisque quæ sollicitè explicantur de virgulis & apiculis litterarum; concludit tandem his verbis: *Hæc in eam nos opinionem deducunt, ut æstimemus cum veritate & integritate, Tabulas Legis non aliâ Scripturâ datas fuisse, quàm Assyriâ.*

Idem confirmat R. *Jacob* in Oculo suo ex *Rambam*, his verbis: *Ecce certus sum quod scripsi, quod scriptura Tabularum, & Legis, quæ fuit in Arca, nunquam est mutata. Et ita scripsit Rambam in Comment. Misnæ in tractatu Jadaim; quoniam Scriptura quâ nos scribimus ipsa est scriptura Assyriâ, & Scriptura etiam quâ Legem DEUS benedictus scripsit; & vocatur Assyriâ à magnitudine & gloria, seu pulchritudine.*

R. *Samuel Japhe* etiam vult, Assyriam Scripturam ante *Eldraz* tempora non fuisse vulgarem, sed legem tantum, & phylacteria eâ scribi solita; cætera verò omnia monumenta, cujusmodi erant annales, sive historiæ, & publica instrumenta, sicut & numismata, Samaritico charactere, qui tunc temporis quasi vulgaris erat, conscripta fuisse. Verba ejus sunt: *Nihilominus propter perfectionem & sanctitatem scriptura illius in illis diebus non scribebant eam, etiam in Libris, in quibus scribebat Rex, aut unusquisque pro se ipso; sed scribebant eos scripturâ Hebraicâ (id est, Samaritanâ.) Quia autem abscondita erat a Arca, oblii sunt litterarum פתח וסוף (id est illarum quæ in Alphabeto postponuntur, & finales dicuntur) cum migrârunt in Assyriam. Et noverunt filii Assur hanc scripturam, ideo acceperunt eam sibi, vel quod antea apud eos esset, (innotuerat enim illis ex libro sacro prater Scri-*

pturam suam;) vel quòd illorum fuerat, concupiverunt. Filii autem Israël assueverunt ei simul cum illis ab illo tempore, & deinceps. Et hoc est propter quod dicitur, ascendisse cum illis de Assur. Sed in diebus Esdra datum est illis scribere librum Legis, & reliqua hagiographa, caractere videlicet Assyrio.

§. V. Nostra sententia de caractere, quo
sacra Scriptura fuit ante Esdram,
exarata.

*Character
Samarita-
nus & Assy-
rius in usu
apud Judæ-
os olim.*

Ego existimo I. Verissimum esse quòd ante Esdræa tempora apud Judæos in usu fuerit duplex character, Samaritanus⁹ videlicet, & Assyrius. Adducor auctoritate citatorum Aucto-
rum; & quia reperiuntur antiqua numismata Assyrio chara-
ctere inscripta, ut vidimus suprâ. Neque dicas, numismata
illa esse aut supposititia, aut non esse antiqua: gratis enim
hoc dicitur, & ego alioquin idem dicam de numismatibus Sama-
ritano caractere signatis.

Existimo II. Verum esse, quòd ante Esdræa tempora Lex
& Scriptura sacra fuerit exarata caractere Assyrio, reliqua verò
caractere Samaritano. Adducor similiter auctoritate citato-
rum Auctorum. Itaque sicut nunc alio & elegantiore chara-
ctere imprimimus libros, alio minùs eleganti scribimus; ita tunc
Assyrio caractere, utpote elegantiore, scribebantur sacra, Sa-
maritano verò profana.

*Character
Assyrio et-
iam à prin-
cipio fuit
exarata
Scriptura
sacra.*

Et certè si ante captivitatem Scriptura sacra fuisset scripta
Samaritano caractere, idque à Moyse, & cæteris hagiographis;
non fuisset ausus Esdras mutare characterem in alium non pa-
rum diversum, cum sciret, etiam in figuris, apicibusque litte-
rarum Scripturæ latere mysteria. Præterea probabilius est,
non omnes sacros libros fuisse in exustione urbis & templi sub
captivitatem Babylonicam deperditos, sed nonnullos saltem
apud Judæos in captivitate versantes fuisse conservatos; atque
adeo probabilius est, Esdram non restaurasse Scripturam sacram

ex

ex memoria, sed illam quæ supererat, correxisse, ac in ordinem, redegisse, ut sentiunt Pererius, Bellarminus, Baronius, Serarius, Bonfrerius, & alii quos alibi citabo. Hoc si verum est, magna fuisset temeritas Esdræ, certè indiscreta diligentia, abolere penitus characterem Samaritanum, & alio tam diverso characterē libros adhuc superstites exarare, ac suis è captivitate redeuntibus, consolationem quæ è sacra Scriptura, à DEO tradita, à Moyse & Prophetis conscripta, captantibus, tam molestum onus imponere, ut antiquo characterē, cui assueti fuissent, relicto, novo assuererent.

Itaque Esdras retinuit characterem Assyrium, non introduxit, in describenda Lege. Et quoniam eodem characterē utebantur Assyrii, seu Chaldæi aut Babylonici, apud quos olim primi Patriarchæ Hebræorum habitaverant; Samaritano autem non utebantur; ideo Judæi inter illos captivi retinuerunt usum, Assyrii, perdiderunt usum Samaritani characteris. Hinc factum, ut post reditum è captivitate non sacra tantum, sed etiam profana Assyrio characterē scriberent,

Ex his patet responsio ad auctoritates & rationem primæ sententiæ. Auctoritatibus enim opponimus auctoritates.

Ad rationem dicimus, tempore Ezechielis characterem Samaritanum simul cum Assyrio fuisse apud

Judæos in usu cum differentia
explicata.



PARS SECVNDA.

DE CABALA GEMATRICA, NOTARIACA, ET THEMURA.

HActenus expedivimus ea quæ toti Cabala communia sunt; nunc explicabimus singulatim sex illas partes in quas suprà cap. 3. §. 3. Cabalam universam divisimus. Incipimus à Gematrica, Notariaca, & Themura, quoniam sine his sequentes species explicari atq; intelligi nequeunt.

Tres hæ partes seu species versantur circa dictiones, syllabas, & litteras sacre Scripturæ, ponendo aut dictionem pro dictione, aut litteram pro dictione, aut litteram pro littera. Primum facit גימטריא, Gematria; Secundum נותריקון, Notariakon, seu Notariaca; Tertium תמורה, Themura. Quo id modo fiat, ex sequentibus patebit. De his librum scripsit R. Joseph Bar Abraham Salemitanus, quem Hebraicè גנת Ganath, id est, Hortum nominavit; in qua voce Hebraica terna littera, tres prædictas partes seu species Cabala significant, nempe ג Gematriam, Notariacam, ת Themuram.

CAPUT VII.

De Gematria, quæ est prima Cabalæ species.

Gematria, vel ut alii scribunt, *Gametria*, versatur circa dictiones sacræ Scripturæ, accipiendo videlicet dictionem pro dictione, idque vel per transpositionem litterarum aut syllabarum unius & ejusdem dictionis; quæ metathesis appellatur, & æquivalet arti nostræ anagrammaticæ; vel ex una dictione eliciendo aliam, per æqualem numerum in utraque inclusum; quæ dicitur *iso-ψία*. Unde duæ sunt *Gematriæ* species, seu modi. Utriusque exempla dabimus. Putant aliqui, corruptam esse vocem *Gematria* seu *Gametria*, dicendumque esse *Geometria*, seu potius *Arithmetica*, quod (ut suprà cap. 3. §. 2. ex Reuchlino vidimus) in numerorum supputatione consistat, sitque *quasi terrestrium characterum invicem numeralis dimensio, qua tamen pendeat ab Arithmetica illa ob abstractam sui simplicitatem nullis sensibus tractabili, & ideo ne novitiorum quidem artificiorum subjecta*.

*Gematria
Cabala
species.*

*Gematria
duæ sunt
species.*

§. I. De primo modo Gematriæ, per metathesin litterarum.

Hic Gematriæ modus consistit in eo, ut litteræ unius & ejusdem dictionis inter se variè loco permutentur, & transpositione diversimodè combinentur, in ipsa combinatione modò plures, modò pauciores litteræ assumantur, modò eadem gementur, ut optimè advertit *Bonsferius* in Prolegom. Sacræ Scripturæ cap. 2. I. Sect. 3. & patet ex sequentibus exemplis.

*Gematria
per meta-
thesin litte-
rarum.*

Vide Ico-
nism. XX.

I. EXEMPLUM. In Psalm. 21. legitur : כנחך ישמח המלך, *In Virtute tua letabitur Rex*. Cabalistæ teste *Reuchlino* lib. 3. Artis Cabalisticæ in voce משיח *ismach*, inveniunt, transponendo litteras, vocem משיח, *Messiha*; & ita legunt : *In virtute tua Messiha rex*, subaudiendo, *venit, vel operatur* : est enim *Messiha* virtus DEI, & in DEI virtute operatur.

II. EXEMPLUM. Ezechielis cap. 1. dicitur, quòd Propheta
Cccccc phera

pheta federit *juxta fluxum* כִּבְר *Chobar*; quod Cabaliftæ interpretantur, *juxta influentiam* Cherub כְּרוּב *Cherub*: nam transponendo כִּבְר, fit כְּרוּב.

III. EXEMPLUM. Apud Ifajam legitur מִי אֱלֹהֵי כְרָא *Quis hac creavit?* Respondent Cabaliftæ, אֱלֹהִים בְּרָא, *Dens creavit*: nam fi verborum מִי אֱלֹהֵי litteræ transponuntur, fit אֱלֹהִים.

IV. EXEMPLUM. Eodicap. 23. v. 20. dicitur: *Ecce ego mittam Angelum meum*; & v. 23. Præcedetque te Angelus meus, hebraicè, מַלְאָכִי, *Melachi*. Cabaliftæ per metathesin legunt, מִכָּאֵל, *Michæl*.

Gematrix
Cabala ex-
emplum in-
signe.

V. EXEMPLUM. Luculentissimum hujus Cabalæ Gematricæ exemplum habet Joannes Picus Mirandulæ Comes, in calce Heptapli sui; ubi cùm dixisset, firmam esse sententiam omnium veterum, & uno ore confirmatam, integram omnium artium omnisque sapientiæ divinæ & humanæ cognitionem in quinque Libris Mosaicæ Legis includi, dissimulatam autem & occultatam in litteris ipsis quibus dictiones Legis contextæ sunt; pandi autem, si vocabulis resolutis eadem litteræ sumantur juxta regulas Cabalisticas; addit sibi non illas quidem abyssos intranti, sed maris littus tantùm radenti, tales gemmarum divitias occurrissè, quales neque Hermus, neque Pactolus apud Poëtas ferre dicuntur: proinde non ingratum fore seputare nostris hominibus, si publicaret. Periculum autem fecisse se in sola prima Operis dictione, quæ apud Hæbreos בְּרֵאשִׁית *Beresith*, seu *Bresith*, apud nos, *in Principio*, legitur, an usus regulis antiquorum eruere in lucem inde cognitum dignum aliquid posset; & præter spem invenissè universam de mundi rerumque omnium creatione rationem in una ea dictione apertam & explicatam. Quod ut manifestum fiat, placet eorum discursum Pici, ipsis ejus verbis apponere, supplendo verba Hebraica, quæ in meo, quo usus sum, exemplari defunt, ob defectum Hebraicorum characterum, cùm Opus primâ vice imprimeretur. Sic ergo ait.

Dictio illa apud Hæbreos hoc modo scribitur, בְּרֵאשִׁית, *Beresith*. Ex hac igitur si tertiam litteram primâ conjungamus, fit dictio

dictio אב, Ab. Si geminata prima secundam addamus, fit כב, Bebar. Si præter primam omnes legamus, fit ראשי, Resich. Si quartam primam & ultimam connectamus, fit שבי, Sciabath. Si tres primas quo jacent ordine statuamus, fit ברנ, Bara; Si primam omissam, tres sequentes, fit ור, Rose. Si omissis primam & secundam, duas sequentes, fit ור, Efc. Si tribus primis omissis, quartam ultimam copulemus, fit ור, Seth. Rursus si secundam primam, fit רב, Rab. Si post tertiam, quintam, tum quartam statuamus, fit ור, Ifc. Si primas duas duabus ultimis coagmentemus, fit ברר, Berith. Si ultimam primam, fit ultima dictio & duodecima, quæ est טב; Tob, verso (quod frequentissimum apud Hebraeos) Thau in Thet elementum.

Pergit Philosophari Picus, & ait. Videamus autem quid primo hæc latine significant; tum quæ per ea non ignaris Philosophia de tota Natura mysteria revelentur. Ab, Patrem significat: Bebar, in Filio, & per Filium; utrumque enim significat Beth prepositio. Resich, principium: Sciabath, quietem, & finem: Bara, creavit: Rose, caput: Efc, ignem: Seth, fundamentum; Rab, magni; Ifc, hominis: Berith, fœdere: Tob, bono.

Et totam si ordine consequenti orationem texamus, erit hujusmodi: Pater in filio & per Filium, principium & finem, sive quietem, creavit caput, ignem & fundamentum magni hominis fœdere bono. Hæc tota oratio ex primæ illius dictionis resolutione, & compositione dissultat. Cujus quàm altus, quàm plenus omni doctrinæ sit sensus, hæud palam esse omnibus potest.

Hunc porro sensum abditum ipse ex prædictis elicit:

Notum omnibus Christianis, quid sit Patrem in filio & per filium creasse; quid item sit, filium principium esse, & finem omnium: est enim alpha & omega (ut scribit Joannes) & ipse principium se appellavit, & nos demonstravimus finem rerum omnium esse, ut principio suo restituantur. Cetera paulo obscuriora, quid illa scilicet sibi velint, Caput, ignis, & fundamentum magni hominis. Quod illud sit fœdus, & quæ ratione bonum dicatur. Neque enim statim in promptu omnibus videre, hic explicatam Mundorum quatuor, de quibus egimus, omnem rationem, cognationem item & fæ-

Mundus, & licitatem; de quibus postremò nos disputavimus. Primum igitur illud animadvertendum, vocari à Moyse Mundum, hominem magnum. Nam si homo est parvus mundus, utique mundus est magnus homo. Hinc sumptâ occasione tres mundos, intellectualem, caelestem, & corruptibilem, per tres hominis partes aptissimè figurat; simul indicans, hâc figurâ non solum contineri in homine mundos omnes, sed & quæ h. minis pars cui mundo respondeat, breviter declarans. Cogitemus igitur in homine tres partes, supremam, caput, tum quæ à collo ad umbilicum protenditur; tertiam quæ ab umbilico extenditur ad pedes. Sunt enim & hæ in hominis figura varietate quadam disclusa & separata. Sed mirum, quàm pulchrè ex animi sim per exactissimam rationem tribus mundi partibus proportionè respondeant. Est in capite cerebrum, fons cognitionis. Est in pectore cor, fons motus vitæ & caloris. Sunt in parte postrema, genitalia membra, principium generationis. Idem autem & in mundo suprema pars, quæ est mundus Angelicus, sive Intellectualis, est fons cognitionis, quia facta illa natura ad intelligendum est. Pars media, quæ est cælum, principium vitæ & caloris, in qua Sol uti cor in pectore dominatur. Est infra Luna, quod omnibus notum, generationis principium & corruptionis. Videtis quàm aptè omnes hæ mundi partes & hominis invicem congruant? Designavit autem Moses primam quidem nomine proprio, capitis scilicet. Secundam autem ignem appellavit, & quia hoc nomine à multis cælum censetur, & quia in nobis hæc portio principium est caloris. Tertiam vocavit fundamentum, quia per eam (ut notum omnibus) totum hominis corpus fundatur & sustinetur. Adjecit autem, quòd hæc creavit fœdere bono, quia inter eas fœdus pacis & amicitiae ex naturarum cognatione & mutuo consensu, per Sapientia DEI legem sancitum est. Quod fœdus ideo est bonum, quia ad DEUM, qui est ipsum bonum, ita dirigitur & ordinatur, ut quemadmodum inter se totus mundus unus, ita & cum suo Auctore postremo sit unus. Haftenus Picus. Omitto alia exempla, ad hunc primum Gematriæ modum spectantia, quæ passim occurrunt apud Cabalæ scriptores.

COROLLARIUM.

EX his exemplis patet, primum hunc Gematricæ Cabalæ modum esse similem Græcorum & Latinorum Anagrammatum & Logogryphorum artificio; cum hoc tamen discrimine (ut notat Bonfrerius to. suprâ cit.) quod in Logogryphis res tota divinatione permittatur, neque ex verbis conjectatione expressis, & inter se nexis, necesse sit integram aliquam orationem effici; at in hoc Cabalæ artificio divinatio locum non habet, sed integra quadam sententia junctis inter se vocibus elicitur, quasi arcanum quoddam in una voce delitescens mysterium.

§. II. De secundo modo Gematriæ, per numerorum æqualitatem.

Alter Gematriæ, modus seu species consistit in investigatione æqualitatis numeri, quem conficiunt litteræ duorum vocabulorum; & fit, quando reconditi Scripturæ sacræ sensus indagantur per numeri in litteris duarum dictionum latentis æqualitatem. Hanc Græci vocant *ισοψφία*, id est, æqualitatem calculi. Rem exemplis illustremus.

I. EXEMPLUM. Quærunt Cabalistæ, quid in Libro Esther intelligatur per nomen *שושנה*, *Susana*, id est, lilium; & respondent, idem esse quod *אסתר*, *Esther*, quia utraque vox, si resolvatur in numeros, efficit 661. ut patet ex Abaco numerali allato suprâ cap. 5.

II. EXEMPLUM. *Franciscus Georgius Venetus* to. 1. Prob. in sacram script. §. 30. Problem. 121 putat, Abrahamo fuisse à DEO mutatum nomen additâ littera *ה*, & pro *Abraam* appellatum eum *Abraham*, ut per nomen renovatum denotaretur renovatus homo. Nam litteræ hujus nominis *אברהם*, *Abraham*, de novo impositi, tot reddunt in numero, quot reddunt litteræ hujus sententiæ, *ברא אדם*, *Bara Adam*, id est, creavit hominem, videlicet 748. attribuyendo litteræ *ב* 40, non 600.

III. EXEMPLUM. Dicunt Cabalistæ, nomen DEI
Ccccc 3 מקום

מקום *Alacom*, idem esse cum יהוה *Jehovah*, quia æqualem numerum continet utrumque, videlicet 186, si in ultimo vocabulo numeri litterarum exhibeantur in suis quadratis, nempe pro 10. 5. 6. 5. ponuntur 100. 25. 36. 25. & addantur in unam summam.

IV. EXEMPLUM. Idem ajunt, hæc verba, ישראל *Israël*, בעמי *elegit in populum*, æquivalere his aliis, תריג יצר *thorig formavit*, quia utrobique reperitur æqualis numerus, nimirum 613, quot videlicet sunt præcepta in Lege, nam *thorig* vocabulum denotat 613. præcepta Legis.

V. EXEMPLUM. Illud Genesis cap. 1. בראשית *Be-resith*, æquivalet juxta hanc Cabalam huic, בתורה יצר *In lege creavit*, quia utrumque continet 913.

VI. EXEMPLUM. Genesis cap. 25. legitur, ותתן *Dedit* רבקה *Rebecca* אשה *conceptum*. Quærent Cabalistæ, quid conceperit Rebecca; & respondent, אש וקש *Sch Vekefsk*, ignem & stipulam, propter æqualitatem numerorum in אשה *et* וקש *et*, nempe 707. Omitto innumera alia exempla quæ in Rabbinorum & Cabalisticorum libris occurrunt.

COROLLARIUM.

EX his patet, Modum hunc secundum Gematria similem esse artificio nostrorum Chronographicorum, indicantium annum rei alicujus gesta, aut gerenda: cum tamen differentia, quòd apud nos non omnes litteræ significant numerum aliquem, sed tantum hæ septem, C, D, I, L, M, V, X; at apud Hebræos nulla est numeri alicujus significandi munere expers.

ANNOTATIONES.

PLurima & pulcherrima exempla Metathesis & Isopsiphie extant passim apud Græcos & Latinos; quæ tamen in hoc differunt ab Hebræis, quòd nullum mysterium, ut Hebræi, sed solum ingenii laudem ex iis Græci ac Latini Scriptores veniunt, aut viduum erga cælites aliòvè affectum commouferent.

Exempla Metathesis.

I.

Quàm ingeniosum, acutum, elegans, & admirabile est encomium, si recto ordine legatur; vituperium, si retrogrado, Bohæmis hæreticis ante aliquot lustra à nescio quo compositum? Integrum, etsi longiusculum, refert *Theophilus Raynaudus* in *Erotem. de malis ac bonis Libris Partitione 1. Erotemate 13. Num. margin. 370.* Exiguum solum fragmentum adscribo. *Bohæmi semper fideles in factò & re suis Regibus fuerunt; obedientiam usque præstant, neque jus violant; reservant justitiam omnibus suis administrationibus, impugnantes falsa, non vera; Romanum imperatorem sequuntur per multas tribulationes; dant aliis, juramentum ipsi præstant, nec oderunt Reges suos; omnia agunt amore patriæ, non perfidia &c.* Hoc encomium si mutatis duntaxat, commatis ac punctis, permutatio vocum sursum versus fiat, recurrendo à fine ad principium, sensum omninò contrarium, & magnum vituperium efficit, in hunc modum. *Perfidia, non patriæ amore agunt omnia; suos reges oderunt, nec præstant ipsi juramentum; aliis dant tribulationes multas; persequuntur Imperatorem Romanum; vera, non falsa impugnantes, administrationibus suis omnibus justitiam reservant; violant jus, nequè præstant usque obedientiam; fuerunt Regibus suis re & factò infideles semper Bohæmi &c.*

II. Apud *Franciscum Petrarcham* in libro variarum Epistol. Epistola 39. & ultima, ejusdem formæ Epistola, cujus initium est, *Jucunda ipsa*; quæ Epistola à summo versus imum lecta, laudationem continet; ab imo versus summum resumpta, & cancri in morem retrograda, vituperationem.

III. Huc spectant versus retrogradi, seu recurrentes, vel quoad litteras, vel quoad voces. Hujusmodi sunt illi trii:

Signate, Signa; temerè me tangis, & angis:

Roma tibi subito motibus ibit amor.

Hos versus si retrogrado ordine legas, incipiendo ab ultima voce, hexametri; redibit versus, *Signate &c.* Eadem est ratio de pentametro.

Hic:

Hic alter versus, quem unâ cum multis aliis fecit *Andreas Mestralus*, & operoso opere in lucem edidit Avenione Anno 1623. est utroque modo retrogradus.

Ecce seges suberis, tot si rebus, seges ecce.

IV. Non minùs pium, quam ingeniosum est quod sequitur, ad *MARIÆ DEIPARÆ* decus concinnatum à Patre Alexandro Degletein, apud Theophylum Raynaudum loco proximè citato, Num. marginali 373. in quo verba illa, *MATER DIVINÆ GRATIÆ*, ita sunt disposita, ut ad omnem chartæ differentiam, ducto initio à caractere centrali *M*, legi possint; nimirum primò sursum ac deorsum rectà, indeque ad dextram & sinistram secundò dextrorsum ac sinistrorsum, rectà, indeque sursum ac deorsum: tertio tam sursum ac deorsum, quàm dextrorsum ac sinistrorsum, usque ad penultimam, antepenultimam &c. litteram, indeq; iterum rursus deorsum, dextrorsum aut sinistrorsum.

MATER

MATER DIVINÆ GRATIÆ.

Legi possunt hæc verba ad omnem differentiam

chartæ, ducto initio à caractere centrali M.

æ	i	t	a	r	g	æ	n	i	u	i	n	æ	g	r	a	t	i	æ
i	t	a	r	g	æ	n	i	u	i	u	i	n	æ	g	r	a	t	i
t	a	r	g	æ	n	i	u	i	d	i	u	i	n	æ	g	r	a	t
a	r	g	æ	n	i	u	i	d	r	d	i	u	i	n	æ	g	r	a
r	g	æ	n	i	u	i	d	r	e	r	d	i	u	i	n	æ	g	r
g	æ	n	i	u	i	d	r	e	t	e	r	d	i	u	i	n	æ	g
æ	n	i	u	i	d	r	e	t	a	t	e	r	d	i	u	i	n	æ
n	i	u	i	d	r	e	t	a	M	a	t	e	r	d	i	u	i	n
æ	n	i	u	i	d	r	e	t	a	t	e	r	d	i	u	i	n	æ
g	æ	n	i	u	i	d	r	e	t	e	r	d	i	u	i	n	æ	g
r	g	æ	n	i	u	i	d	r	e	r	d	i	u	i	n	æ	g	r
a	r	g	æ	n	i	u	i	d	r	d	i	u	i	n	æ	g	r	a
t	a	r	g	æ	n	i	u	i	d	i	u	i	n	æ	g	r	a	t
i	t	a	r	g	æ	n	i	u	i	u	i	n	æ	g	r	a	t	i
æ	i	t	a	r	g	æ	n	i	u	i	n	æ	g	r	a	t	i	æ

Exempla Isopsiphia.

V. Apocalypsis cap. 13. habetur, Antichristum, qui ibidem, bestia appellatur, effecturum ne quis emere aut vendere quidquam possit, nisi habuerit characterem, aut nomen bestiae, aut numerum nominis ejus, in dextera manu sua, aut in fronte. Deinde additur: *Hic sapientia est: qui habet intellectum, computet numerum bestiae: numerus enim hominis est, & numerus ejus sexcenti sexaginta sex.* Ubi S. Johannes ex litteris græcis, earumque arithmetica significatione, relinquit intelligendum & conjectandum,

D d d d d

quodnam

quodnam sit futurum Antichristi nomen: compositum enim erit ex litteris græcis numeralibus, continentibus numerum 666. Quod nomen ut eruerent, multi hætenus interpretes laborârunt, sed frustaneo fortassis labore. Nam

Secundum Irenæum & Hippolytum, nomen tale est TEITAN (id est, Gigas) ejus enim notæ numerales sunt

T	300
E	5
I	10
T	300
A	1
N	50
<hr/>	
Summa	666.

Secundum Aretham, idem nomen est ΛΑΤΕΙΝΟΣ (id est, Latinus) (nam ejus notæ litterales sunt

Λ	30
Α	1
Τ	300
Ε	5
Ι	10
Ν	50
Ο	70
Σ	200
<hr/>	
Summa	666.

Secundum Ticonium, idem nomen est ΛΑΜΠΕΤΙΣ, (id est, illustris) ejus enim litteræ initiales sunt.

Λ	30
Α	1
Μ	40
Π	80
Ε	5
Τ	300
Ι	10
Σ	200
<hr/>	
Summa	666.

Secundum Primasium, idem nomen est ΑΝΤΕΜΟΣ, (id est, Contrarius) elementa enim arithmetica illius sunt

Α	1
Ν	50
Τ	300
Ε	5
Μ	40
Ο	70
Σ	200
<hr/>	
Summa	666.

Plurima alia hujus generis nomina excogitata sunt ab aliis quæ prædictum numerum 666 reddunt. Nam apud Hippolytum Mart. est etiam Αἰνῆμας, *Nego*; apud Aretam ὁ νικητής, *Victor*

κακὸς ὁδηγὸς, *Pravus Dux*; ἀληθὴς βλαβερός, *vere-nocens*; Παλαγ-βάσβαυ, *Olim-invidens*; Ἀμνὸς ἁδίκος, *Agnus-nocens*. Haymo & Rupertus proferunt nomen Gothicum *τενοσεικὸς*; & DIC-LUX latinum. Plura vide apud *Bellarminum* lib. 3. de Pontifice cap. 10. *Feuardentium* ad lib. 5. Irenæi, Florimundum lib. de Antichristo cap. 20. & seqq. Maluendam de Antichristo lib. 8. cap. 7. *Lessium* Disput. de Antichristo Demonstrat. 11. *Riberam*, *Viegam*, *Alcasarium*, & alios interpretes in dictum Apocalypsis locum.

VI. Sybilla quædam, ut habetur lib. 1. Oracul. Sybill. præ-nuntiavit, numerum nominis Christi venturi esse 888. dicens:

Sed quæ sit numeri totius summa docebo:

Namq; octo monadas, totidem decadas super ista,

Atq; hecatontadas octo, infidis significabit

Humanis nomen; tu verò mente teneto.

Hic verò numerus reperitur in litteris græcis nominis JESU, sic:

Ι	10
η	8
ς	200
ο	70
υ	400
ς	200
<hr/>	
Summa	888

VII. *S. Augustinus* tract. 10. in Joannem, exponemus illud Joannis ex Evangelio: *Quadraginta & sex annis ædificatum est templum hoc*, scribit, numerum 46 annorum ædificationis templi, significare numerum dierum ædificationis templi corporis, quod sibi CHRISTUS Dominus ædificavit ex carne *Adam*,

cujus nomen *ΑΔΑΜ*, apud Græcos componitur ex litteris

numerum 46 conficientibus: nam A significat 1,

Δ quatuor, Α 1, Μ 40. Plura vide apud Ray-

naudum loc. cit. *suprà*, &

alios.

CAPUT VIII.

*De Notariaca, quæ est secunda Cabalæ
species.**Notariaca
Cabala,*

Notariacam Cabalam appellavimus suprâ cap. 3. §. 2. & ante caput 7. cùm alicujus dictionis Hebraicæ, è sacra Scriptura desumptæ, singulæ litteræ expenduntur, & ex singulis integra dictio, quæ ab illis litteris incipit, colligitur, atque ex omnibus deinde dictionibus simul conjunctis arcana quædam sententia eruitur, quæ sub illis litteris latere creditur. Notariacon, seu Notariacon eam artem appellant Cabalistæ, ut suprâ vidimus. Alii verò Notatoriam, aut Notariam, seu etiam Notorium vocant, à nostris, sive compendiosis signis seu figuris, quæ librarii, & notarii in scribendo confectabantur compendii gratiâ, adeo ut unica figura, aut littera, integram significaret dictionem: unde fiebat ut tam celeriter scriberent, quàm alii declamarent, aut aliter loquerentur, ut colligitur ex *Ausonio* Epigram. 137. Martiale lib. 14. Epigram. 206. & *Manilio* lib. 4. Astronomicorum. Extat de his notis liber integer, cui titulus, *De notis Ciceronianis*, quod Tullius Cicero ejus auctor esse ab aliquibus credatur. Hujusmodi tamen notas, seu signa verborum (ut vocat *Symmachus* lib. 3. Ep. 17. & *S. Hieronymus* Epist. de suspecto contuber.) *Seneca* Epist. 44. ad Principiam (ubi eas vocat verborum compendia) vilissimis mancipiis inventori- bus tribuit. *Eusebius* autem in Chronico scribit, Tyronem Tullii Ciceronis libertum, notas excogitasse, quibus jam non verbum, sed integræ sententiæ exhiberentur. Vide quæ scripsimus suprâ lib. 9. cap. 3.

*Notariaca
artis anti-
quitas.*

Antiquius tamen oportet esse notarum artificium, quando- quidem Rabbiorum antiquissimi hanc Cabalæ partem, de qua nunc agimus, Notariacon cum allusione ad notas illas, appellant. Sed quidquid de hoc sit, mos ille per singulas litteras indicandi singulas dictiones, in usu fuit apud Hebræos, Græcos, & Romanos. Nonnulla exempla afferemus.

§. I. Exem-

§. I. Exempla Hebraica Notariacæ Cabalæ.

I. **E**XEMPLUM est desumptum ex lib. 3. *Regum* cap. 2. v. 3. *Notariacæ Cabalæ exempla Hebraica.*
 Ubi David moriturus loquens ad Salomonem filium, ait de Semei: *Qui maledixit mihi maledictione pessimâ: ubi pro voce illa pessima, in Hebræo est vox נמרצת, nimretseth, quæ quinque litteris enuntiatur, nempe נ Nun, מ Mem, ר Resc, צ Tsade, ת Thau.* Cabalistæ igitur hanc vocem in suas litteras resolventes, & singulis suas dictiones ab illis litteris inchoatas adscribentes, ajunt illis exprimi quinque execranda convitia, à Semei in Davidem conjecta, nempe נאף, *Næph*, id est, Adulter; מואב, *Moab*, id est, Moabita; רצח, *Rothseach*, id est, Homicida; צרוע, *Tsaruach*, Leprosus; תועבה, *Thoheba*, id est, Abominatio, seu Abominatus. Nimirum (ajunt Cabalistæ) vocavit Semei Davidem Adulterum & alienæ Uxoris raptorem, propter Bersabeam Uriæ conjugem raptam; Moabitam genere, id est, Stirpe ignobilem, utpote ex Ruth Moabitide ortum; Homicidam, ut qui Uriam fidelem servum & innocentem occidi curaverit; Leprosum, utpote urbe & regno ejectum, ad instar leprosi; ac denique Abominatum à DEO & hominibus, qui illum meritò tanquam virum impium prorsus ejecerit.

II. **E**XEMPLUM desumitur ex *Psalmo* 3. v. 1. *Multi insurgunt in me: ubi pro voce, Multi, in Hebræo est, רבים Rabim, quæ scribitur his quatuor litteris, ר Resc, ב Beth, י Jod, מ Mem.* Cabalistæ itaque, ut declarent quinam sint hi *Rabim*, resolvunt quatuor illas litteras in totidem dictiones, & dicunt, per *Resc* significari Romanos, per *Beth* Babylonios per *Jod* Jones Græcos, per *Mem* Medos.

III. **E**XEMPLUM Cabalistæ desumunt ex cap. 37. *Genesis*, ubi narratur, Patriarcham Jacob fecisse Josepho filio suo tunnicam פסי, *polymitam*; quæ nos Hebraica cum constet quatuor litteris, פ Pe, ס Samech, י Joth, מ Mem; formant Cabalici ex litteris quatuor dictiones Hebraicas, ab illis quatuor litteris inchoantes, nimirum פוטיפר שםאלים, *Putipharo divendunt Ismaëlita Madianita.*

IV. EXEMPLUM defumunt iidem Cabaliftæ ex prima dictione Hebraica Genesis, בראשית *Beresith*, *In principio*; cujus singulas litteras in dictiones totidem Hebraicas resolvunt sic, בראשונה ראה אלהים שקבלו ישראל תורה, *In principio vidit DEUS, quòd acciperent Israëlita legem*; quasi verò DEUS in ipso sacrae Scripturae limine indicare voluerit, quàm gratiam Judæis esset collaturus.

V. EXEMPLUM est in Hebræa voce אביר, *abir*, quo Deus in sacris litteris significari solet, ut cùm David dixit, *Sicut juravit Domino DEO Jacob*; & cùm Jacob dixit, *Erit mihi Dominus in DEUM*. Putant enim Cabaliftæ, quatuor hujus nominis אביר litteris significari mysterium Trinitatis & Incarnationis, ita ut prima littera א, *Aleph*, indicet Patrem, qui dicitur אב, *ab*; Secunda ב, *Beth*, significet Filium, qui vocatur בן, *ben*; ultima ר, *Resc*, Spiritum sanctum, qui nominatur רוּחַ, *ruach*; dum verò post secundam litteram *Beth*, quæ *Ben* seu Filium significat, interferitur littera י *Jod*, quæ est initialis littera ישוע, *Je-suach*; putant indigitari Incarnationem Filii DEI.

VI. EXEMPLUM deducunt aliqui ex nomine אברם, *Abram*, cujus litteræ in Hebræo sunt א *Aleph*, ב *Beth*, ר *Resc*, מ *Mem*; quæ quidem si formentur in dictiones אב, *Ab*, *Pater*; בן, *Ben*, *Filius*; רוּחַ, *Ruach*, *Spiritus*; משיח, *Messiah*, Christus, exprimentæ similiter, ut præcedentes, duo sanctissima fidei nostræ mysteria.

Omitto plurima alia exempla, quæ apud Cabalistas, & sacrae Scripturae interpretes occurrunt.

§. II. Exempla Græca Notariacæ scriptionis.

Notariacæ
scriptionis
exempla
Græca.

NON solum apud Hebræos, sed etiam apud Græcos, & Latinos, vestigia & exempla sunt Notariacæ scriptionis, hoc est, consuetudinis per singulas dictionis alicujus litteras, aut etiam per litteras solitariè extra dictionem aliquam positas, significandi integras dictiones, aut sententias. Nonnulla exempla afferemus.

I. EXEMPLUM est in nomine *Adami* Græcis litteris scripto,

scripto, sic, ΑΔΑΜ, vel ἄδამ; cuius etymon dum examinat *D. Augustinus* tract. 9. super Joan. & ante illum *D. Cyprianus* Commentariolo de Sion & Sina, ac post utrumq; venerabilis *Beda* in Commentariis super Joan. arbitrantur, primum hominem sic à DEO appellatum, quòd terra illa, ex qua fictus est, à Deo sumpta esset ex quatuor mundi cardinibus, qui quatuor litteris ejusdem nominis comprehenduntur. Nam Α, Ἀνατολήν, id est, Orientem, Δ, Δύσιν, Occidentem; Alterum Α, Ἀρκτὺν, Septentrionem; Μ, Μεσημβρίαν, Meridiem significant. Alii verò volunt, iis quatuor litteris, quatuor mundi plagas indicantibus, significari quòd Adami posteritas in quatuor Orbis partes esset distribuenda, easque repletura. Hanc nominis interpretationem, & litterarum resolutionem indicaverat Sybilla in lib. 2. Oraculor. istis carminibus.

Αὐτὸς δὲ Θεὸς ἔδωκε πλάσσειν τετραγράμματον Ἄδამ,
τὸν πρῶτον πλασθέντα, καὶ ὄνομα πληρώσαντα
Ἀνατολίντε, Δύσιντε, Μεσημβρίαντε, καὶ Ἀρκτὺν.

*Nimirum Deus is finxit tetragrammaton Adam,
Qui primus fictus fuit, & qui nomine complet
Ortumq; Occasumq; Austrum, Boreamq; rigentem,*

II. EXEMPLUM est in nomine Græco ΙΧΘΥΕ, vel ἰχθύς, *piscis*, quod ex initialibus litteris in carmine acrosticho Sibyllæ Erichrææ formatur; quo nomine putant Sancti Patres Christum Salvatorem mundi denotari: nam si ex litteris illis fiant dictiones, confurgit hæc verborum complexio: Ἰησοῦς Χριστὸς Θεοῦ Υἱὸς Σωτὴρ, *Jesus Christus DEI Filius Salvator*. Qua de causa passim sancti Patres Christum vocant ἰχθύν, id est, *piscem*, ut *Optatus Milevitanus* lib. 3. adversus Parm. *S. Augustinus* lib. 18. de Civit. cap. 23. *Tertullianus* lib. de Baptismo; quorum verba citat *P. Eusebius Nierembergius* lib. 5. de Origine sacrae Scripturae cap. 5.

Huc revocat *P. Theophylus Raynaudus* in Erotematibus de malis & bonis libris, Partit. 1. Erotem. 13. Num. marginali 367. Stropham Photii, ut iteratò in thronum Constantinopolitanum involare. Rem narrat *Constantinus Manasses* in Annalibus num. 205. hoc modò: *Mortuo. S. Ignatio, inhians denuò Bizantina cathedra Photius, solas priores litteras nominum Imperatoris, Liberorum ejus, & Auguste sumit, atque inde Beclas componit; ex his inquam nominibus*

nibus, *Basilius*, ἐλέην, *Constantinus*, *Leo*, *Alexander*, *Stephanus*. Eo nomine per *Photium* exposito, viri illius ætatis eruditione præstantibus frustra conatis exponere, visus est Imperatori *Photius* magna doctrina, & eruditionis recondita vir; proindeque eum denuo in thronum Patriarchicum restituit. Sic bene *Euvrato* illi cessit negotiatio hæc litteraria, & paucarum vocum, abscisis primis elementis quasi capitibus, detruncatio.

Non dissimili sagacitate *Thessalonicensis* Episcopus, ter auditâ voce, μάργην, sic eam est interpretatus: Μίχαηλ ἀναξ Ρωμαίων Παλαιός, ὁ ὅστις ὑμνήσεται, *Michael Imperator Romanorum Palæologus* citò celebratur. & ita contigit.

III. **EXEMPLUM**, idque valde illustre, est illud quod in vita *Æsopi* legitur. Is cum unâ cum hero *Xantho* veteres ædificiorum ruinas perlustraret, fortè incidit in columnam quandam marmoream cui septem Græcæ litteræ, non quidem in unam vocem coeuntes, sed à se invicem discretæ, erant insculptæ, indicantes thesaurum eo in loco non longè à columna defossum. Litteræ erant, Α. Β. Δ. Ο. Ε. Θ. Χ. vel α. β. δ. ο. ε. θ. χ. Quarum litterarum cum *Xanthus* intelligentiam anxie disquireret; *Æsopus* inventis dictionibus quæ ab iisdem characteribus incipiebant, scripturam illam ita explicavit. ἀποδὰς βύματ'α τεσσαρα, ὁρύξας εὐρήσεις θησαυρὸν χρυσίου; hoc est, *Abscedens gradus quatuor* (nam δ apud Græcos significat quatuor) *fodiens invenies thesaurum auri*. Placuit solers hominis conjectatio *Xantho*, defossâque humo thesaurum invenit. Sed cum ejus partem nullam, ut par erat, conjectatori daret; *Æsopus* modestè eum admonuit, ut præcepto pareret quod iisdem litteris indicaretur, nimirum ἀνελόμενοι βαδίσαντες διέλεσθε, ὃν ἔυρετε θησαυρὸν χρυσίου, *Tollentes ite, dividite quem invenistis thesaurum auri*. Verùm cum ne rum, quidem ingratus herus modestam admonitionem admitteret, si-bique totum thesaurum retineret; admonuit eum *Æsopus*, nisi ipse quod æquitas postulabat, faceret, se alteri ejusdem scripturæ mandato obsecuturum, ita præcipientibus litteris: ἀποδὰς βασιλεὺς Διονυσίῳ ὃν ἔυρες θησαυρὸν χρυσίου: *Redde Regi Dionysio, quem invenisti, thesaurum auri*.

IV. EXEMPLUM est apud *P. Eusebium Nierembergium* loco supra cit. cap. 7. Cùm Syracusis in Sicilia olim mos esset, ut prodituri in concionem litterarum notis designarentur, atque illæ educerentur sorte, ut ubi quisque suam litteram adipisceretur, fieret illi potestas loquendi ad populum; Dionysius, privatim ad huc vitam agens, sortitus est locum & jus concionis per litteram M: cui quidam, contemptui illum habens, dixit, *μωρολογεῖς Διονύσιε, garriendi jus sortitus es Dionysi* (est enim *μωρολογία*, fatua & insulsa loquacitas;) respondit Dionysius, eludens scomma, simulque ad sortitionis litteram M alludens, dixit: *μοναρχήσομεν ἔν, Monarchico igitur potiemur principatu*: veluti elementum id non morologiae, ut ille cavillabatur, sed monarchiæ futuræ fuisset præsagium; quam postea per tyrannidem, pulsus Carthaginensibus, sibi comparavit.

§. III. Exempla Latina Notariacæ scriptionis.

HÆc de Græcis, omiſſis aliis multis quæ occurrunt. Nunc *Notariacæ scriptionis exempla Latina.* pauca quoque Latinorum exempla afferamus.

I. EXEMPLUM esto quod Rutilius in vita Rutilii Juris-consulti narrat. Scaurus absolutus crimine ambitûs, in Rutilii accusatoris sui tabulis ostendit has litteras, A. F. P. R. easque sic interpretabatur: *Actum fide Publii Rutilii*. Rutilius contra sic: *Antefactum, postrelatum*. Cajus Caninius verò, qui Rutilio aderat, exclamavit neutrum significari, sed illud: *Æmilius fecit; plectitur Rutilius*.

II. EXEMPLUM esto formula illa judicii recuperatorii, sic representata: Q. E. R. E. T. P. I. R. D. T. Q. P. D. D. D. P. F. id est, *Quanti ea res erit, tanta pecunia judicium recuperatorium dabo, testibusq; publicè duntaxat decem denuntiandi potestatem facit*.

III. EXEMPLUM sint illæ litteræ: S. P. Q. R. queis *Senatus, populusq; Romanus* exprimitur. Origo ejus rei hæc est. Cùm Sibylla quædam in lamina ærea insculpsisset illas litteras, ad significandam hanc sententiam: *Salva populum quem redemisti*; Senatus populusque Romanus ad se illud detorsit, seque illis litteris exprimere credidit, ut tradit *Corraſius* lib. 5. Miscell. cap. 15. nu. 5.

COROLLARIUM.

Ex dictis hoc capite patet, Notariacam Cabalam Hebraeorum eandem esse cum arte Acrostichica Græcorum, ac Latinorum, quâ per capitales nominum litteras rimantur occultos eorum sensus; aut ex earundem conjunctione & compositione eruntur voces quadam significativæ.

CAPUT IX.

De Themura, quæ est tertia Cabalæ species.

*Themura,
Cabalæ species.*

Tertia Cabalæ species vocatur à Cabalisticis תמורה, *Themura*, id est, *commutatio*; & consistit in hoc, quòd per Alphabetariam quandam revolutionem una littera cum alia commutatur, seu una pro alia accipitur, ad eum modum, quo à Steganographis fieri solet, ut explicavimus in *Magia Universalis* par. 4. lib. 1. Vocatur hæc eadem Cabalæ species צירוף, *Ziruph*, id est, *combinatio*, quoniam per eandem Alphabetariam revolutionem litteræ inter se variè combinantur: quamvis alii discrimen faciant inter *Themuram*, & *Ziruph*, seu inter Alphabetariam commutationem, & combinationem. Ut verò meliùs intelligatur hujus *Themuræ* artificium, præmittam primò varias Alphabeti Hebraici revolutiones, seu litterarum Alphabetariorum commutationes, apud Cabalistas usitatas. Deinde nonnulla exempla subijciam.

§ 1. Variæ Alphabeti Hebraici revolutiones, seu
litterarum commutationes.

*Alphabeti
Hebraici
variæ
revolutiones.*

Multis modis contingere potest, ut littera una ponatur pro alia, tam in Hebraico, quàm in Græco & Latino Alphabeto. Tabulam commutatoriam pro Alphabeto Latino dedimus in *Magia* loco citato. Aliam pro Hebraico, complectentem viginti duas series, juxta numerum viginti duarum litterarum dicti Alphabeti, dat ex Cabalæ Scriptoribus Hebræis *P. Athanasius Kircherus* in *Oedipo* Tom. 2. classe 4. cap. 5. quam ego in sequentem formam disposui atque contraxi, omittis litteris Latinis quas ipse immiscet.

Tabula

Tabula Ziruph, sive Combinationis Alphabetorum Hebraicorum.

XI	X	IX	VIII	VII	VI	V	IV	III	II	I		
כמ	ינ	טס	חע	זפ	וצ	הק	דר	גש	בת	אל	1	Albath.
למ	כנ	יס	טע	חפ	זצ	וק	הר	דש	גת	אב	2	Abgath.
במ	לנ	כס	יע	טפ	חצ	זק	ור	הש	דת	אג	3	Agdath.
מנ	לס	כע	יפ	טצ	חק	זר	וש	הת	בג	אד	4	Adbag.
גנ	מס	לע	כפ	יצ	טק	חר	זש	ות	בד	אה	5	Adbad.
נס	מע	לפ	כצ	יק	טר	חש	זח	גד	בה	אז	6	Abbah.
דס	נע	מפ	לצ	כק	יר	טש	חת	גה	בו	אז	7	Azbu.
מע	נפ	מצ	לק	כר	יש	טת	דח	גו	בז	אה	8	Achbaz.
הע	ספ	נצ	מק	כנ	כש	ית	דו	גז	בח	אט	9	Atbach.
עפ	סצ	נק	לש	מר	כת	הו	דו	גח	בט	אי	10	Aibat.
ופ	עצ	סק	למ	נר	לת	הז	דח	גט	בי	אכ	11	Achbi.
פצ	עק	סר	נש	מת	וז	הח	דט	גי	בכ	אל	12	Albach.
צק	פק	ער	כש	נת	וח	הט	די	גכ	בל	אמ	13	Ambat.
צק	פר	עש	סת	זח	וט	הי	דב	גל	במ	אנ	14	Ainbam.
חק	צר	פש	עת	זט	וי	הכ	דל	גמ	בנ	אס	15	Asban.
קר	צש	פת	חש	זי	וכ	הל	דמ	גנ	בס	אע	16	Achbbas.
צר	קש	טת	חי	זכ	ול	המ	דנ	גס	בע	אפ	17	Aphbach.
רש	קת	טי	חכ	זל	ומ	הנ	דס	גע	בפ	אצ	18	Atsbaph.
יש	רת	טכ	חל	זמ	ונ	הס	דע	גפ	בצ	אק	19	Aqbats.
שת	יכ	טל	חמ	זנ	וס	הע	דפ	גצ	בק	אר	20	Arbaq.
כת	יל	טמ	חנ	זס	וע	הפ	דצ	גק	בר	אש	21	Afchbar.
כל	ימ	טנ	חס	זע	ופ	הצ	דק	גר	בש	את	22	Atbbafch.

Hæc viginti duo Alphabeta fortiuntur nomina sua à primis duabus combinationibus in unam dictionem dissyllabam coalitis, ut patet ex vocabulis unicuique ad dexteram adscriptis. Sic itaque primum Alphabetum vocatur *Albath*, quia in illo combinatur א cum ל, & ב cum ת; unde ex prima combinatione resultat syllaba אל, *Al*; ex secunda בת, *Bath*; quæ duæ syllabæ si conjungantur in unam dictionem, resultat *Albath*. Eadem est ratio de reliquis Alphabetis.

Perturbatissima est dispositio hujus Tabulæ, & litterarum combinatio. Longè melior est illa Latinorum, quam exhibuimus in *Magia* 4. parte lib. 1. Rabini tamen tanti eam faciunt, ut omnia ejus ope se rimari posse credant in sacra Scriptura.

Præter prædictas combinationum series est adhuc alia, quam Cabalistsæ אלהים, *Albam* appellant; in qua undecim primæ Alphabeti litteræ ponuntur ordine naturali, iisque reliquæ undecim supponuntur etiam ordine naturali, sic.

א	ב	ג	ד	ה	ו	ז	ח	ט	י	כ
ל	מ	נ	ס	ע	פ	צ	ק	ר	ש	ת

§. II. Exempla Themuræ, seu Cabalæ combinationariæ.

*Themura
exempla,*

I. **E**XEMPLUM. Jeremiæ cap. 25. vers. 26. vaticinans Prophetæ contra Regem ששך, *Sesach*, quod & ipse cum aliis Regibus ac populis bibiturus sit calicem furoris Domini, ait: *Et rex Sesach bibet post eos.* Judæorum plerique commentantur, vaticinium esse contra regem בבל, *Babel*; Prophetam verò, ne regem Babel contra se & gentem suam concitaret, nomen בבל, *Babel* commutasse in ששך, *Sesach*, per artificiosam commutationem, desumptam ex Alphabeto אהבשך, *Athbasch*, in quo, ut apparet ex ultima serie præcedentis Tabulæ, pro ב Beth ponitur ש, & pro כ seu ק, *Caph* ponitur ל *Lamed*. Itaque si ex illo Alphabeto accipias ב pro ש, & iterum ב pro ש, & demum ל pro ק; habebis בבל *Babel*, pro ששך *Sesach*.

Ex his intelligitur *D. Hieronymus*, qui in illum Prophetæ locum commentans, & dictum artificium explicans, ita scribit: *Quomodo*

modo Babylon, quæ Hebraicè dicitur כבֿל Babel, intelligatur שֶׁשַׁח Sesach, non magnopere laborabit, qui Hebræa lingua parvam saltem habuerit scientiam. Sicut apud nos Græcum Alphabetum usq; ad novissimam litteram per ordinem legitur, hoc est, α, β, & cætera usq; ad ω, rursusque propter memoriam parvulorum solemus lectionis ordinemvertere, & primis extremamiscere, ut dicamus α ω, β ϗ; sic & apud Hebræos primum est א, secundum ב, tertium ג, usque ad vigesimam secundam & extremam litteram ת, cui penultima est ש. Legimus itaque בשׂ, אֵת; cūmq; venerimus ad medium, ל littera occurrit ב; & ut, si rectè legatur, legimus Babel, ita ordine commutato legimus Sesach. Vocales autem litteræ inter כ & ב & ל, juxta idioma lingua Hebræa non ponuntur. Hactenus D Hieronymus.

II. EXEMPLUM. Apud eundem Prophetam Jeremiam cap. 50. vers. 1. dicitur: Hæc dicit Dominus: Ecce ego suscitabo super Babylonem, & super habitationes ejus, qui cor suum levaverunt contrame, quasi ventum pestilentem. In quem locum Rabbini aliqui apud Kircherum & Nierembergium commentantes, pro verbis illis Hebraicis, לֵב קָמִי, Leb camī, quæ aliàs significant cor levantes, legunt per litterarum commutationem, desumptam ex prædicto Alphabeto Arthase, כַּשְׁדִּים, Chasdim, id est, Chaldæi, scribendo כ pro ל, ש pro ב, ד pro ק, י pro מ, ם pro י. Certè septuaginta Interpretes loco eorundem verborum ponunt Chaldæos; uti & Thargum Jonatham.

III. EXEMPLUM. Juxta idem artificium Rabbini Rashi & Radak apud Kircherum, ex nomine DEI tetragrammato יהוה Jehovah, deducunt nomen מַצְפֵּי Matšats, quod ob mysteria, & multa arcana in eo recondita (ut ipsi putant) in magna apud eos veneratione est.

Omitto alia exempla Hebraica. Latina & Græca non appono, quia facilè formari possunt à quolibet, qui versatus est in steganographia per litterarum commutationem instituta, de qua nos in Magia 4. par. lib. 1.

Corollarium.

Ex dictis patet, hanc Cabalæ speciem non esse differentem à Steganographia.

*nographia nostra quæ fit per litterarum Alphabeti commutatio-
nem; de qua nos loc. cit. & alii steganographi passim.*

CAPUT X.

*De aliis duobus Cabalæ modis, qui ad explicatas
hactenus species revocantur.*

*Cabalæ spe-
cies alia
una.*

AD explicatas hæcenus Cabalæ species reducuntur alii duo Ca-
balæ modi, ac veluti species: quarum prima considerat littera-
rum figuram seu formam, & locum seu ordinem, atque ex illis ali-
quod mysterium eruere conatur; Secunda accipit dictionem,
pro integra Sententia. Utriusque exempla dabimus.

§. I. Primus modus, in quo litterarum figura &
locus consideratur.

Multa occurrunt exempla apud Cabalistas, & Scripturæ Inter-
pretes, qui Cabalistarum secretiori sapientiâ delectantur. Ex
omnibus pauca referam.

I. EXEMPLUM. *Isaia* cap. 9. vers. 6. post enumerata,
venturi Messiæ nomina à Propheta, quæ sunt, *Admirabilis, Consi-
liarius, DEUS, Fortis, Pater futuri sæculi, Princeps pacis*; additur:
לְמַרְבֵּה הַמִּשְׁרָה, *lemarbe hamisra*, id est, *Multiplicabitur
ejus imperium, vel, ad multiplicandum ejus principatum.* Ubi in
medio vocis לְמַרְבֵּה, *lemarbe*, contra naturam scribendi a-
pud Hebræos, contraque orthographiæ legem, ponitur Mem *Mem*
clausum, cum Mem *Mem* apertum ponendum esset: clausum enim
nunquam ab Hebræis poni solet nisi in fine dictionis; in principio
autem & medio semper ponitur apertum. In hoc igitur Mem *Mem*
clauso, & in medio dictionis לְמַרְבֵּה *lemarbe* posito, multa-
rimantur mysteria Cabalistæ. Nam

*Mem clau-
sum in me-
dio vocis le-
marbe.*

Primò conantur inde elicere annum nativitatis Messicæ ab an-
no prædictæ Prophetiæ. Sed id non uno & eodem modo omnes
colligunt. *Galatinus* lib. 4. cap. 19. ait, significari per *Mem* clau-
sum, nativitatem Messicæ futuram post sexcentos annos, eò quod
Mem clausum

□ clausum apud Hebræos significet 600, ut vidimus suprâ. cap. 5. in Abaco numerali litterarum Hebraicarum. Et hoc reipsâ postea factum fuisse, nititur probare citato capite. At *Rabbi Haccados* apud eundem Galatinum lib. 7. cap. 13. colligit, hunc numerum esse 677, nescio qua ratione, quæ apud Galatinum videri potest: *Petrus* verò *Brutus*, Episcopus Catarensis, inde eruit numerum 585 mirabili calculo, quem vide apud *Bonsferium* in *Prolegom.* sacræ Scripturæ cap. 21. sect. 3.

Secundò. Idem *Galatinus* lib. 7. cap. 14. cum Hebræis ait, per □ *Mem* clausum in voce לֵמַרְבֵּ לֵמַרְבֵּ *lemarbc*, significari Messiam nasciturum ex virgine, quæ nimirum ob inviolatam virginitatem semper clausa esset mansura.

II. EXEMPLUM. *Genesis* cap. 17. vers. 5. dicit DEUS Pa- ^{Abram ma-} triarchæ Abrahamo: *Nec ultra vocabitur nomen tuum Abram, sed* ^{tatur nomē} *appellaberis Abraham, quia patrem multarum gentium constitui te,* ^{in Abra-} ^{bam.} Itaque ad nomen אַבְרָם, *Abram*, adjecit Deus litteram ה *He*. Qua ex littera multa mysteria eruere conantur Cabalistæ. Nam cum antea tres primæ litteræ nominis אַבְרָם *Abram*, quæ sunt א *Aleph*, ב *Beth*, ר *Resc*, significarent tres divinæ Triados personas (nam א *Aleph* est prima littera in Alphabeto Hebraico, & significat Patrem, qui est principium sine principio; ב *Beth* est secunda littera, & Filium, nempe principium ex principio designat; ר *Resc* est ex postremis litteris, & aptè Spiritum sanctum, designare potest, qui in Divinis nullam rationem principii habet) adjecta est littera ה *He*, quæ quarta est in nomine Abraham, & designat essentiam divinam tribus personis communem: est enim ה *He*, prima & ultima littera in voce & radice הֵיָהוּ, *Haja*, quæ esse significat, à qua & nomen tetragrammaton sumptum est. Ultima verò littera מ *Mem* in eodem nomine Abraham, præterquam quòd Messiam ex Abrahamo nasciturum significat, cum sit prima littera in voce מְשִׁיחַ *Messiah*; indicat etiam, Christum tandem post longam seriem generationum ex Abrahamo oriturum, idque post quadraginta ab orbe condito sæcula, quia מ *Mem* significat 40. & quia id futurum sub initium quinti millenarii, idcirco hæc littera quintum in Abraham nomine locum obtinet. Addunt, מ *Mem* clausum, quod est in fine dicti nominis,

nis, indicare Christum Regem, ejusque regnum, fore æternum & interminabile.

Aliud mysterium agnoscit *Bonfrerius* Comment. in cap. 17. vers. 5. Genesis, in duabus ultimis litteris nominis Abrahamæ, quæ sunt *He*, & *Mem*, si considerentur prout figurabantur tempore Abrahami, nimirum litteris Samaritanis (ipse enim putat, sacram Scripturam fuisse initio scriptam Samaritanis characteribus, ut vidimus suprâ cap. 6. §. 3.) nempe significari eandem Personarum divinarum trinitatem in unitate naturæ. Nam *He* Samaritanum figuratur lineâ rectâ perpendiculariter descendente cum tribus lineolis transversis; *Mem* verò (sive apertum, sive clausum) in una rectâ lineâ transversa habet tres lineolas eam perpendiculariter interfecantes, ut apparet ex Alphabeto Samaritano allato suprâ cap. 6. §. 1. Tres autem illæ lineolæ in utroque elemento, significant tres personas; lineâ verò in quam incidunt, unicam naturam divinam. Addit idem, lineolam, quæ in priorē littera emicat ad latus dexterum, & in posteriore infrâ tendit, alteri junctam, referre posse humanam naturam in Christo divinæ junctam.

Vide Iconism. XX.

§. II, Secundus modus, in quo dictio accipitur pro integra sententia.

Hujusmodi unum solum exemplum mihi occurrit, quod est apud *Danielem* cap. 5. ubi cùm prodigiosa illa manus scribens in pariete apparuisset, ac tria illa verba, *Mane*, *Thekel*, *Phares*, id est, *Numeravit*, *Appendit*, *Divisit*, scripsisset, nemoque alius scripturam legere posset; legit eam Daniel, simulque explicavit, attribuendo unicuique voci integram sententiam, dicens. *Mane*, id est, numeravit *Deus* regnum tuum, & complevit illud: *Thekel*, id est, appensus es in statera, & inventus es minùs habens; *Phares*, id est, divisum est regnum tuum, & datum est Medis & Persis. Sed quid de hac scriptione ab Angelo facta sentiendum sit, infrâ suo loco videbimus. Pergo nunc ad alias Cabalæ species.

PARS TERTIA.

DE CABALA MERCAVA.

SUprà cap. 3. §. 1. Præter alias Cabala divi- Cabala Mercava.
siones diximus, eam dividi etiam in Merca-
va, & Beresith, hoc est, in opus quadrigæ seu currus,
& in opus fabricæ. Primam vocavimus cum Ca-
balistis scientiam divinitatis; Secundam, scientiam
creationis, seu Naturæ: illa enim circa DEUM
rerum omnium conditorem, hæc circa creaturas
versatur. Utramq; nunc explicabimus; hac qui-
dem parte tertiâ primam, sequenti verò parte
quartâ secundam.

Cabala itaq; quam Mercava appellant Cabali- Cabala Mercava versa-
stæ, & scientia divinitatis dicitur, tota versatur tur circa
circa DEI cognitionem è Scriptura sacra haurien- cognitionem DEI.
dam, per regulas à DEO primis Cabala susceptori-
bus traditas, & traditione ad posteriores Cabali-
stas ore tenus primò, deinde scripto quoque devolu-
tas. Indagat enim & rimatur è Scriptura DEI
naturam, divinas relationes, proprietates seu at-
tributa, nomina, cognomina, mysterium Trinita-
tis, incarnationis, & passionis Messie, per varias al-
legorias; per rerum sensibilibus ad insensibiles ana-
logias

Ffffff

logias & manuductiones; per litterarum, syllabarum, dictionum considerationes cabalisticas, modo in precedentibus explicato. Hinc ajunt Cabalists, Legem DEI, seu sacram Scripturam nihil esse aliud, quàm continuum & concatenatum divinorum Nominum cognominumq; contextum: & hæc, tanquam ramos & folia ab arboris radice, dependere à nomine DEI tetragrammato, de quo mox agemus. Addunt, nomina à tetragrammato, derivata, aliud nihil esse, quàm DEI attributa, cujusmodi sunt bonitas, immensitas, incomprehensibilitas, sapientia, infinitudo, &c. cognomina verò esse, magnum, fortem, misericordem, justum, severum, judicem, &c. Horum præterea singulis alia deberi cognomina, eaq; esse multiplices DEI appellationes, in quas Lex divina, per Cabale species jam traditas, resolvitur. Ex quibus patet Cabalam hanc esse Hebræorum Theologiam, Quam quidem ipsi adeo sublimem existimant, ut nec omnibus tradi promiscuè debeat, neq; ab omnibus queat capi, sed iis tantum, atque ab iis, qui sedatas passiones, cor purum, intellectum illuminatum habent. Unde cum Rabbi Eleazaro quondam dixisset ejus Magister Johanan, Veni, docebo

te opus de Mercava; respondisse is fertur, non inca-
nui, indignum se, & incapacem judicans, in tali eta-
te, tali actam sublimi scientiâ.

Hanc Cabalam Mercava dictam è Cabalista-
rum, & variorum Cabala scriptorum libris hau-
stam, nunc explicare, & curioso Lectori proponere
aggredimur. Quid verò de illa sentiendum, in-
frà suo loco pandemus. Interim quidquid dixerò
totâ hâc parte, non nisi è Cabalistarum mente di-
ctum volo, suspensò interim judicio, num bona aut
mala, licita aut illicita, utilis aut inutilis, permissa
aut prohibita. Errores ergò, si qui intercurrerint,
non mihi, sed Hebræis, & Cabalæ Scriptoribus, è qui-
bus hausti, adscribi velim.

CAPUT XI.

*De nomine DEI tetragrammato, sive qua-
tuor litterarum, יהוה*

ET si unicus, & maximè unus sit DEUS, variis tamen nomini-
bus appellatur, partim in sacra Scriptura expressis, partim ab
Hebræorum Theologis ex eadem Scriptura per Cabalæ artem
erutis, partim ab iisdem, & à nostris quoque Theologis DEO im-
positis, cum ob beneficia in nos collata, tum ob effectus ad extrâ
præstitos, tum denique ob alias causas, uti ex sequentibus manife-
stum erit. Horum nominum aliqua, cum mysteriis in eorum
litteris, syllabis, numeris, &c. latentibus, quæ soli Cabalistæ eruere
queunt, juxta Cabalisticas regulas, paucis explicabimus. Incipimus

*Nomen DEI
tetragram-
matum.*

à nomine tetragrammato, seu quatuor litterarum (ut appellant)
quod & יהוה Jehovah.

§. I. Sanctitas & veneratio hujus nominis apud Hebræos.

OMnium nominum quæ DEO à Scriptura sacra attribuuntur, primum ac præcipuum censent Hebræi nomen יהוה, Jehovah; quod quia quatuor scribitur litteris, quæ sunt י Jod, ה He, ו Vau, ה He, vocatur à Græcis nomen tetragrammaton, à Latinis nomen quatuor litterarum: Hebræi verò vocant שמיהמבורש, Sem hammephoras, hoc est, nomen expositum, eò quòd ipsum magis quàm omnia reliqua DEI nomina, exponat nobis ejus essentiam ac naturam, sine respectu & ordine ad creaturas, ut faciunt alia ejus nomina, quæ sunt ab operibus circa creaturas præstitis desumpta. Intelligentur hæc ex iis, quæ scribunt duo celeberrimi apud Hebræos Rabbin, nimirum Rabbi Haccados, & Rabbi Moses Ægyptius, filius Maimonis, apud Galatinum lib. 2. cap. 10. & apud Kircherum in Oedipo Classe 4. cap. 4. aliosque Cabalæ Scriptores. Itaque

R. Haccados, quem Hebræi Doctorem suum sanctum appellant (ut ipsum nomen indicat) in Libro quem *Revelatorem Secretorum* nuncupat, interrogatus ab Antonino Consule Urbis Romæ, de hujusce nominis significatu, inter alia multa, quæ refert Rabbi Nehumias Haccanæ filius, in Epistola secretorum ad filium suum Haccanam scripta, ita respondit. *Notum tibi facio, DEUM non habere nomen cujus nos cognitionem habere possimus, quandoquidem ejus substantia est nomen ipsius, & è contra. Et quemadmodum ejus substantia notitiam nullam habere possumus, quoniam eâ cognitâ ei similes efficeremur; ita nominis ipsius cognitionem habere nequimus. Et quia nomen quatuor litterarum operationibus ejus peculiariter est, ostendit quod ejus notitiam perfectiorem, & illi accommodatiorem, prout nobis est possibile captu, & ex hoc nomine procedunt omnia ejus nomina; ideo hoc nomen dictum & שמיהמבורש, Sem hammephoras; non quòd ipsum sit ejus nomen substantiale, sed nos id dicimus, quoniam hoc est quantum nostra facultas*

cultas comprehendere potest, & altiùs ascendere non possumus. Hæc & alia ille. Verba Hebraica lege apud Galatinum, & Kircherum locis citatis.

Rabbi verò *Moses Ægyptius*, in Libro *More* par. 1. cap. 60. sic ait: *Omnia nomina creatoris in libris omnibus inventa, ab effectibus derivata sunt, præter unum, quod est, יהוה. Et est nomen appropriatum Creatori altissimo. Et propter hoc vocatur Semhammephoras, id est, nomen expositum. Vult autem dicere, quòd ipsum est significans & ostendens Creatoris substantiam, ostensione & significatione perfectâ, ac manifestâ, in qua non est equivocatio, neque mixtura; id est; Nihil est quod commune sit DEO & creatura in hoc nomine; reliqua autem ipsius gloriosa nomina significant equivocè, & cum mixtura, eò quòd sunt ab operibus similibus iis quæ sunt in nobis, derivata: ut etiam nomen illud quod loco יהוה (id est, quatuor litterarum) quod est אדוני, Adonai, ab hoc verbo אדון, Adon, quod est Dominus, derivatum est. Et inde est quòd Angelus quoque dictus est אדוני, Adonai, Genes. cap. 18. Adonai quæso, si inveni gratiam in oculis tuis. Manifestavi autem tibi hoc in nomine אדוני, Adonai, quo nomen creatoris pronomiatur, quia magis appropriatum est DEO altissimo, quàm alia omnia nomina creatorem notificantia. Cetera verò, ut דיין, Daijan, id est, Judex, & צדיק, Tsadik, id est, Justus, & הנון, Hannum, id est, Gratiòsus, Pius, Misericors, manifestum est quòd communia sunt, atque derivata. Nomimis autem quod scribitur quatuor litteris יהוה, nescitur derivatio nota, nec ipsum cum alia participat &c.*

Nomen hoc יהוה, quod *Jehovah* (non *Jova*, ut aliqui putant, dicentes inde derivatum nomen Jovis) pronuntiandum est, Judæi pronuntiare, uti scriptum erat, non audebant, sed ubicunque occurrebat in Scriptura, ejus loco legebant ac pronuntiabant אדוני, *Adonai*. Hac de causâ dicebatur Ineffabile. Sacerdotes tamen illud proferebant, dum populo in Sanctuario benedicebant; non verò extra Sanctuarium. Et hi Sacerdotes docebant semel in hebdomada discipulos dignos, quid significaret hoc nomen, & quomodo pronuntiandum esset. Hæc omnia docent Rabbini apud Galatinum loc. cit.

Ineffabile ergò dicebatur hoc nomen, יהוה, non quòd pronuntiari non posset secundùm litteras quibus scribitur (pronuntiatur enim *Jehovah*, ut diximus) sed quòd pronuntiare laicis non licebat, nec sacerdotibus nisi in benedictione populi in sanctuario.

Variae autem interpretationes illius nominis apud Hebræos reperiuntur. Nam alii interpretantur illud *Generans*; alii *Qui essentiat*, sive *Qui dat omnibus esse*; alii *Unus & omnia*, sive *Unus omnia eminenter continens*. Nunc mysteria ejus explicemus.

§. II. Mysterium per litteras nominis

יהוה indicatum.

Scribitur quidem hoc nomen quatuor litteris, quæ sunt י Jod, ה He, ו Vau, ה He; & ideo Græcè τετραγράμματος dicitur; revera tamen non nisi tres litteras continet, quoniam littera ה He bisponitur. In litteris, in syllabis, in litteræ unius repetitione, inveniunt Cabalistæ mysteria. Nam ut *Galatinus* lib. 2. cap. 10. & ex ipso *Kircherus* loco proximè citato discurrunt,

Nominis tetragrammatis mysteria in litteris.

Tres litteræ hujus nominis, nempe י Jod, ה He, ו Vau, significant tres divinas in una natura hypostases. Nam prima littera, scilicet י Jod, quæ *principium* interpretatur (ut vidimus suprà cap. 4. §. 1. & 2. ex Eusebio, & D. Hieronymo) eò quòd omnium reliquarum litterarum sit principium, cùm ab ea unaquæque originem suæ formationis habeat, ipsa autem à nulla originem suamumat (uti patet ex Alphabeto Angelico apud Kircherum in *Oedipo* Tom. 2. pag. 105. quod nos alibi fortasse dabimus) rectissimè Patrem in divinis insinuat; qui cùm à nullo sit, aliæque duæ Personæ ab ipso emanent, principium sine principio dicitur. *Secunda littera*, scilicet ה He, quæ esse, vel vivere significat, Filium in divinis aptissimè innuit, per quem omnia quæ facta sunt, esse acceperunt, & quidquid factum est, in ipso vivebat. *Tertia autem littera*, scilicet ו Vau, quæ copulativam dictionem, *Et*, significat, Spiritum sanctum optime exprimit; qui cùm sit amor Patris & Filii, quo se vicissim amant, rectè copula, id est, nexus utriusque nuncupatur. Sola autem littera *Secunda*

cunda nominis יהוה, quam Filium denotare diximus, repetitur, ad insinuandum quòd solus Filius habet duplicem respectum. Nam Pater, qui prima Persona est, cum sit solum produ-cens, & non productus, unum tantum quoad hoc respectum ha-bet: Spiritus sanctus quoque, qui tertia Persona est, cum solum, productus sit, & non produ-cens, unum etiam duntaxat, quoad hoc respectum habet: at Filius, qui secunda Persona est, cum pro-ductus sit & produ-cens, duas habet quoad hoc respectus, unum ad Patrem à quo producitur, alterum ad Spiritum sanctum, quem unà cum Patre producit. Addunt alii, teste Kircherò, ideo in di-cto nomine bis poni litteram ה He, ut insinuetur Filium habere duas naturas, divinam per generationem passivam æternam, & humanam per incarnationem.

Hæc Galatinus, & Kircherus. In quo discursu difficultatem habet, quòd ajunt, ה He significare esse, vel vivere, cum ex Eu-sebio, D. Hieronymo, & aliis passim, significet Ecce.

Aliter discurret *Rabbenu Haccados*, dicens, per dictum nomen DEI tetragrammaton significari & unitatem essentiae, & trini-tatem personarum in DEO, & processione Spiritus sancti à Patre & Filio. Verba ejus Hebraica, quæ ex libro ejus, *Galeraze-ia*, id est, *Revelator arcanorum* inscribitur, referunt Galatinus & Kircherus, latinè ita sonat. *Postquam autem hoc tibi aperui, anim-adverti nomen quatuor litterarum, prout scriptio ejus est (sic enim scribitur in lingua nostra Hebraica, יהוה) ipsum DEUM generantem significare. Et quia non potest esse generans absque generato, necessario amor à generante in generatum, & è conver-sò procedere debet: quoniam si hoc non esset, non generaret. Et si non procederet amor à generato in generatum, divideretur ge-neratus à generante, & duæ substantiæ essent. Propterea nos vo-lumus, generantem & generatum unam esse substantiam.*

Idcirco necesse est, ex altero in alterum procedere
amorem. Hæc ille.

§. III. Myſterium per ſcriptionem nominis יהוה indicatum.

Nominis
DEI tetra-
grammati
myſteria in
ſcriptione.

Iohannes Renchlinus lib. 2. de verbo mirifico cap. 9. *Galatinus* lib. 2. de Arcanis, *Kircherus* in Prodomo Copto fol. 210 & 211. iterumque in Oedipo Tom. 2. Claſſe 4. cap. 4. §. 2. (ubi erat Auctorem libri qui intitulatur Pârdes, Chaldaicam Paraphraſin manuſcriptam, & Conſtantinopolitanam editionem) aſſerunt, nomen DEI יהוה apud Judæos ſcribi ſolitum per tria יod, circulo incluſa, ſuppoſito iis puncto קametz, ſic (י , ק) Quo qui-

dem ſcribendi modo inſinuari ait *Galatinus*, & *Kircherus*, ſanctiſſimæ Trinitatis myſterium. Nam tria י י יod, ſignificant tres divinas hypoſtaſes; unicum verò קametz tribus Jod ſuppoſitum, divinam naturam unam, unicuique hypoſtaſi totam impartibiliter communicatam; circulus demum quo illa includuntur, ipſam divinæ eſſentiæ identitatem, qua ſimul ipſæ divinæ hypoſtaſes tanquam unicum principium & cauſa rerum ad extrâ, trium perſonarum æqualitatem ſignificant; קametz, autem, unam divinam eſſentiam in tribus perſonis; circulus denique, ipſius eſſentiæ divinæ identitatem in tribus perſonis. Præterea tria Jod, denotant, tamenſi in operibus DEI ad intrâ unicum ſit principium, nempe Pater, in operibus tamen ad extrâ eſſe tria principia, nempe omnes tres Trinitatis ſanctiſſimæ Perſonas.

§. IV. Myſterium per ſyllabas nominis יהוה indicatum.

Nominis
DEI tetra-
grammati
myſteria in
ſyllabis.

EX nomine יהוה extrahuntur tres ſyllabæ, יה Jah, הו Hu, וה vehu; quorum primum componitur ex prima & ſecunda littera, ſecundum ex ſecunda & tertia, tertium ex tertia & quarta. Haſtres ſyllabas, ſeu hæc tria nomina ajunt ſignificare tres divinas perſonas. Nam primum eſt nomen DEI, & ſignificat Patrem; ſecundum ſignificat Ipſe, & denotat Filium; tertium ſignificat Et ipſe, & Spiritum ſanctum denotat. Quemadmodum enim (ajunt) unaquæque hujus nominis ſyllabæ, ſeu unum-

unumquodq; ejusdem nominis nomen id totum significat, quod totum nomen ipsum importat (ut dicemus) ita quælibet divina Persona cùm perfectus Deus sit, totam in se continet Deitatem: nec divinitas ipsa magis est in tribus Personis simul, quàm sit in unaquaque, sed tota est in unaquaque, & tota in tribus. Et sicut tres ejusdem nominis syllabæ simul sumptæ unum nomen efficiunt; ita tres Personæ divinæ unus Deus sunt. Prima igitur syllaba, seu primum nomen, יה *Jach*, idem est quod Deus, & Patrem designat, qui totius divinitatis fons est. Secundum verò nomen, הו *Hu*, quod *Ipse* interpretatur, Filium significat, quia ipse est quem Prophetæ prædixerunt, & quasi digito demonstrarunt, juxta illud Esaiaë 35. *DEUS ipse veniet, & saturabit nos.* Tertium denique nomen, quod sonat *Et ipse*, Spiritum sanctum denotat, quia & ipse quoque post Filium visibiliter mitti debebat in specie columbæ, & ignis. In hoc autem quod secundum nomen descendit à primo, & tertium à secundo; ostenditur Filium esse consubstantialem Patri, à quo genitus est; & Spiritum sanctum esse consubstantialem Filio, & consequenter Patri, cui Filius est consubstantialis: ut manifestò constet, & Filium esse in Patre, & Patrem in Filio, & Spiritum sanctum in utroque. Ita Galatinus ex Hebræis.

§. V. Mysterium aliud per litteras nominis

יהוה indicatum.

Illud quoque non sine grandi mysterio factum est (inquit Galatinus) quòd omnes hujus nominis, יהוה, literæ desumptæ sunt ex verbo substantivo Indicativi modi Hebræorum; & illæ eædem, sunt, ex quibus tria tempora, præteritum scilicet, præsens, & futurum ejusdem verbi substantivi Indicativi modi constant. Quo quidem duo innuuntur arcana. Per hoc enim, quòd literæ illius nominis desumptæ sunt ex verbo substantivo, quod substantiam & stabilitatem significat; indicatur omnimoda ac sempiterna trium divinarum personarum æternitas. Per hoc verò, quòd nomen hoc ex iisdem litteris constat, ex quibus tria ejusdem verbi substantivi tempora, præteritum, præsens, & futurum (quæ sunt הוה *Hajah*, id est, fuit, הוה *Hove*, est, יהיה *Ihie*, erit) Nominis Dei tetragrammati aliud mysterium.

Gggggg

compo-


componuntur, indicatur Patrem, & Filium, & Spiritum sanctum semper fuisse, esse, & fore.


Multa & mira mysteria in eodem Dei nomine in numeros resoluta reperire se autumant aliqui Hebræi apud P. Kircherum in Oedipo Tom. 2. Classe 4. cap. 4. §. 2. quæ tamen minùs solida, saltem obscurissima & intricatissima mihi videntur, ideoque omitto.

CAPUT XII.

De nomine DEI dodecagrammato, sive duodecim litterarum.

*Nomen Dei
dodeca-
gramma-
ton.*

QUoniam nomen DEI tetragrammaton in tanta erat apud Judæos reverentia, ut id laicis nunquam, sacerdotibus vero non nisi in sanctuario, dum populo benedicerent, enunciare liceret; & tamen nomen illud frequenter occurrebat in Scriptura sacra, quam sedulò cum publicè in synagogis, tum privatim in domibus suis Judæi legebant; ipsum alio nomine, duodecim constante litteris pronuntiabant, atque exponebant. Quod tamen non unum erat, & simplex nomen, sed vel duo, vel tria, aut plura, quæ omnia simul duodecim constabant litteris. Affirmat hoc *Rabbenus Haccados* in petitione prima ejus libri, quem  *Galezia*, id est, *Revelatorem arcanorum* appellavit apud *Galatinum* lib. 2. *Arcanorum* cap. 10. & 11. & clariùs *Rabbi Moses Ægyptius* in 60 cap. primæ partis libri *More*, apud eundem *Galatinum* cap. 11. ubi ex ejus interpretatione ita ad verbum loquitur.

Erat adhuc apud eos nomen, quod duodecim litterarum filium dicebant: quod utique in sanctitate quoque ac reverentia erat, citra tamen nomen quatuor litterarum. Est autem in promptu quantum ad me est, id quod ipse vehementer opinor, ipsum non unum, fuisse nomen, sed duo, vel tria nomina aggregata, quorum litteræ duodecimerant. Et prior illi sancti Patres, quotiescunque in sacra Scriptura nomen quatuor litterarum occurrebat, videlicet ,
ipsum

ipsum cum duodecim illis litteris pronuntiabant, atque exponebant: quemadmodum illud hodie cum his quatuor, aleph, daleth, nun, jod, hoc est, cum אדני Adonai, pronuntiamus. Illud tamen nomen duodecim litterarum majoris procul dubio unitatis significationem importabat, quàm id quod hoc nomen אדני Adonai significat. Neque illud quempiam scire prohibebant; quin potius quemcunque illud volentem discere, docebant. Non sic autem faciebant de nomine quatuor litterarum; neminem enim illud docebant, qui sciebant, nisi filios suos, atque discipulos, quique talis essent, qui illud scire mererentur; & hoc semel duntaxat in hebdomada. Cum autem multiplicati essent in mundo homines schismatici, atque insolentes, nomenq; duodecim litterarum didicissent; cum eo credulitatem corruerunt: sicut accidit ei qui imperfectus est, cum percipit rem non sic se habere, ut sibi à principio visum fuit. Quamobrem Patres illi occuluerunt nomen istud duodecim litterarum, neminemq; ulterius illud docuerunt, nisi honestos & pudicos, qui erant in sacerdotio, ut cum eo populo in sanctuario benedicerent, postquam prohibuerunt de sanctuario memoriam nominis expositi, propter malitiam filiorum Adam. Quod quidem, ut idem Rabbi asserit, immediatè post Simeonis Justi obitum (illius qui CHRISTUM ulnis excepit in templo) accidit; quem dicit ultimum omnium cum nomine quatuor litterarum populo benedixisse.

Quodnam autem fuerit nomen illud duodecim litterarum, non convenit inter Hebræorum Rabbinos, & Cabalæ Scriptores, ut constat ex iis quæ habet P. Kircherus in Oedipo Tom. 2. class. 4. cap. 4. §. 3. Verùm cum dicat Rabbi Moses (ut vidimus) nomen duodecim litterarum non fuisse unum nomen, sed duo, vel tria nomina, ex duodecim litteris constantia, ac per ea Veteres illos Patres nomen tetragrammaton, quod divinæ Trinitatis mysterium distinctè insinuabat (ut capite antecedente diximus) pronuntiassè, atque exposuissè; mihi verisimilius videtur, quod habet Rabbenus Haccados loco suprâ citato, videlicet nomen illud duodecim litterarum aliud non fuisse, quàm hoc, אב בן הדין

*Nomen Dei
duodecim
litterarum
quodnam
fuerit.*

Ab, ben, veruah, haccados, id est, Pater,

Gggggg 2

Filius,

Filius, & Spiritus sanctus: vel ut alii, Pater, Filius, & Spiritus sanctitatis, vel sanctuarii. Verba Rabbeni citati hæc sunt apud Galatinum citato cap. 11. in fine: *Ex hoc nomine exposito derivatum est nomen duodecim litterarum, quod est, Pater, Filius, & Spiritus sanctitatis.* Derivatum est autem hoc nomen duodecim litterarum, ab illo nomine quatuor litterarum יהוה, ut asserit hic Auctor, non quoad litteras & verba, sed quoad rem significatam: illud enim quatuor litterarum significabat mysterium Trinitatis obscure, hoc duodecim litterarum significat idem clarè, atque adeo clarè exponit nomen illud obscurum.

Deduxerit fortassis hanc suam tam arduam considerationem dictus Auctor (ut Kircherus existimat) ex primis sacre Geneseos verbis, **ברא אלהים** *Beresit, Bara, Elohim*, in principio creavit Deus, &c. Ubi Cabalistsæ considerant vocem **ברא** *bara*, & singulis trium litterarum ajunt exprimi singulas Sanctissimæ Trinitatis Personas, nempe per א *Aleph* Patrem, per ב *Beth* Filium, per ר *Resc* Spiritum sanctum, intelligendo per א, אב, per ב, בן, per ר, **רוח הקדש**; quæ tria vocabula continent duodecim litteras. Alii tamen aliter sentiunt. Vide Kircherum loc. cit. §. 4.

ANNOTATIO.

P. Kircherus loc. cit. §. 4. ait nomen DEI tetragrammaton, in tanta primum reverentia apud Judæos fuisse, ut non nisi in septimo quoque anno per id in Sanctuario sacerdotes populo benedicerent: deinde verò in benedictionibus solemnibus usum Sacerdotibus interdictum, solisq; summis Pontificibus quotannis permissam ejus pronuntiationem in diebus jejunii & propitiationis; pro aliis verò Sacerdotibus institutum nomen duodecim litterarum, ut illud populum benedicendo pronunciarent, illudq; fuisse hoc: **יהוה קדש**, id est, Sanctus benedictus ille: & ut esset tetragrammatonimini aliquo modo simile, fuisse quatuor tantum capitalibus litteris scriptum hoc pacto, א, ב, ג, ד.

Addit ex Auctore Pardes, non tantum in nomine Dei duodecim litterarum fuisse peractam à priscis Sacerdotibus benedictionem, sed etiam alio mystico viginti duarum litterarum, ut sic ad omnia

DEI

DEI nomina sub viginti duobus Alphabeti Hebraici elementis comprehensa alluderent. Nomen ipsum, & unde, ac qua ratione per Alphabetariam revolutionem fuerit extractum, lege apud ipsum.

CAPUT XIII.

De nomine DEI Tessaracontadyagrammato, sive quadraginta duarum litterarum.

ERat & aliud nomen DEI apud Hebræos, quadraginta duarum litterarum, ac propterea Græcè τεσσαράκοντα δυαζήματα δι- Nomen Dei
quadragin-
ta duarum
litterarum.
cium; per quod nomen τεσσαράκοντα seu quatuor litterarum exponebatur. Nec tamen erat unum nomen, sed plura, quæ omnia simul quadraginta duabus litteris constabant. Meminit huius nominis *Rabbenu Haccados* in Revelatore Secretorum, & *Rabbi Moses* filius *Maimon* in libro *More*, part. 1. cap. 61. ubi inter alia hæc habet: *Erat autem apud illos nomen quadraginta duarum litterarum. Novit autem quicumque intellectu viget, non posse aliquo modo fieri, ut verbum unum constet quadraginta duabus litteris; verum erant multa verba composita ex litteris quadraginta duabus. Dicebantur verò ista verba multarum litterarum, unum nomen, propter unam rem quam significabant, sicut alia nomina ab operibus sumpta. Sederat illorum verborum multitudo, ut intelligeretur ratio, quæ fortassis non poterat intelligi, nisi per multa verba. Itaque notato hæc, & advertes, quòd res quam demonstrat scientia rationum, quas illa nomina significant, non erat simplicis sermonis litterarum: nunquam enim dictum est nomen duodecim, & nomen quadraginta duarum litterarum, esse Sem hammephoras, id est, nomen expositum: nam nomen expositum est illi appropriatum, sicut jam declaravimus. Hæc autem duo nomina magno adjumento erant homini, ad cognoscendum creatorem. Cujus rei argumentum est, quòd, ut dicunt Sapientes, nomen quadraginta duarum litterarum est sanctum, & sanctificatum, & non panditur nisi humili, & qui processit ultra dimidium ætatis suæ, minimè iracundo, aut ebrioso, vel perversis moribus, sed affabili, &c. Hæc & alia ille.*

Nomen igitur quadraginta duarum litterarum, non erat unum nomen, sed multa (ut etiam Rabbenu Haccados fatetur) quæ unum nomen quatuor litterarum perfectè exponebant, ut Rabbi Moses affirmavit.

Quæ autem fuerint verba illa, seu nomina, quæ quadraginta duabus litteris constabant, & nomen DEI tetragrammaton perfectè exponebant, controversia est magna inter Cabalistas. Omnium simplicissima atque planissima sunt quæ affert Rabbenu Haccados in Revelatore arcanorum, apud Galatinum lib. 2. cap. 12. & apud P. Kircherum in Oedipo Tom. 2. Classe 4. cap. 4. §. 5. Verba ejus apud Galatinum hæc sunt: *Quia verò non invenitur aliquid in DEO, quod non sit DEUS; ex nomine duodecim litterarum emanat nomen quadraginta duarum, quod est, אלהים בן אלהים וזה הקדש שלשה בחד אחד*, Pater DEUS, Filius DEUS, Spiritus sanctus DEUS: tres in uno, & unus in tribus, &c. Vel trinitas in unitate, & unitas in trinitate. In his verbis sunt quadraginta duæ litteræ, & perfectiùs exprimunt mysterium sanctissimæ Trinitatis, quàm nomen quatuor litterarum יהוה; ideò optimè illud exponunt.

Galatinus loc. cit. ait, verba ex duabus & quadraginta litteris constantia, & nomen quatuor litterarum perfectè exponentia, apud vetustissimos Hebræorum hæc fuisse: אב אל, בן אל, וזה: Pater Deus, Filius Deus, & Spiritus sanctus Deus: verumtamen non tres Dii, sed unus DEUS. In quibus licet expositio varietur, sensus tamen expositionis idem est qui antea.

Hanc tetragrammati expositionem prorsus ignorant Recentiores Hebræi, & Cabalistæ, ideoque orationes eorum non exaudiuntur, ut dicitur in Midras Tehillim, id est, in expositione psalmodum, super illud Psal. 91. *Exaltabo eum, quoniam cognovit nomen meum*, &c. ubi sic legitur, teste Galatino loc. cit. *Dixit Rabbi Jehosuah filius Levi, in nomine Rabbi Pinhas filii Jair: Quamobrem orationem fundunt Israelitæ in mundo isto, & nequaquam exaudiuntur? Propterea nimirum, quòd nesciunt nomen tetragramma-*

grammaton. Futurum est autem, ut DEUS sanctus, & benedictus doceat eos illud, sicut dictum est Esaia 52. Sciet populus meus nomen meum. Tunc verò orabunt, & exaudientur, &c. Docuit autem DEUS nomen suum per Filium suum, illudque exposuit, quando exposuit mysterium Sanctissimæ Trinitatis Matth. 28.

ANNOTATIO.

Solidi Rabbini recentiores, repudiantes doctrinam, Rabbenu Ha-cados, conantur variis modis, & non minùs insano, quàm ridiculo artificio, per varias revolutiones variorum Alphabetorum, *suprà cap. 9. traditorum, ex diversis sacre Scripturæ verbis, quadraginta duas litteras continentibus, sed ad libitum assumptis, & in fine truncatis, ne numerum 42. excedant, conantur inquam eruere alia nomina quadraginta duarum litterarum, portentosa prorsus, & nihil significantia; iisq; miram virtutem adscribunt. Artificium fusè exponit P. Kircherus in Oedipo Tom. 2. Classe 4. cap. 5. quem adeat, qui volet; mihi non lubet talibus nugis inherere.*

CAPUT XIV.

De nomine DEI septuaginta duarum litterarum; sive de septuaginta duobus DEI nominibus.

Celeberrimum & maximè mysteriosum apud Cabalistas est aliud DEI nomen, quod *ἑβδομήκοντα δύο γράμματα*, id est, septuaginta duarum litterarum vocant. Quod quidem non est unum nomen (ut de nomine dodecagrammato, & tessaraconta dyagrammato quoque diximus) sed septuaginta duo nomina ex *septuaginta duabus litteris composita, ac nomen DEI tetragrammaton, atque adeo DEI naturam atque essentiam exponentia.*

Nomen Dei septuaginta duarum litterarum.

§. I. Unde desumantur hæc DE I nomina.

ERuunt Cabaliftæ hæc septuaginta duo nomina ex verbis quibusdam capitis 14. Exodi, quæ ipsi in tres versus dispeſcunt, quorum quilibet septuaginta duas litteras continet. Versus sunt 19. 20. 21. dicti capitis, & ita ſonant.

Primus versus.

ויסע מלאך האלהים ההלך לפני מחנה ישראל וילך
מאחריהם ויסע עמוד הענן מפניהם ויעמד מאחריהם :

Tollensq; se Angelus DEI, qui præcedebat castra Israel, abiit post eos, & cum eo pariter columna nubis priora dimittens, post tergum stetit. Ita habet vulgata nostra. *Kircherus* ita vertit: Et profectus est Angelus DEI, qui præcedebat castra Israël, abiit post eos, & cum eo pariter columna nubis, & stetit post eos. *Galatinus* verò ita vertit: Et movit se Angelus Deorum, qui ibat ante castra Israël, & ambulavit post illa: & movit se columna nubis à facie eorum, & stetit post illa.

Secundus versus.

ויבא בין מהנה מצרים ובין מחנה ישראל והיה הענן
וההשד ויאר את הלילה ולא קרב זה אל זה כל הלילה :

Stetit inter castra Egyptiorum, & castra Israel: & erat nubes tenebrosa, & illuminans noctem, ita ut ad se invicem tota noctis tempore accedere non valerent. Ita vulgata. *Kircherus* vertit: Et venit inter castra Egyptiorum, & inter castra Israël, & facta est nubes tenebrosa, & illuminavit nocturna, & non sibi appropinquaverunt tota nocte. *Galatinus* sic: Et venit inter castra Egyptiorum, & inter castra Israël, & erat nubes & tenebræ, & illuminabat noctem, & non appropinquavit alter ad alterum tota nocte.

Tertius versus.

ויט משה את ידו על הים וילך יהוה את הים ברוח קדים
עזוה כל הלילה ושם את הים לחרבה וינקעו המים :

Cumq; extendisset Moyses manum super mare, abstulit illud Dominus flante vento vehemente, & urente tota nocte, & vertit in sic-

in siccum; divisâq; est aqua. Ita vulgata. *Kircherus* habet: Et extendit Moyses manum suam super mare; & abstulit Dominus mare in vento orientali vehementer & urente totâ nocte, & posuit mare in siccum, & divisâ sunt aquæ. *Galatinus* vertit: & extendit Moyses manum suam super mare, & abstulit Deus mare vento Notò valido totâ nocte, & vertit mare in siccum, & divisâ sunt aquæ.

§. II. Quomodo formentur hæc Dei nomina.

EX his tribus versibus, quorum quilibet septuaginta duabus litteris constat, atque ex arcana juxta Cabalisticas regulas dispositione eorundem versuum & litterarum, eruunt Cabalisticæ operoso quodam modo septuaginta duo nomina Dei, seu potius septuaginta duo DEI attributa; idque decem diversis viis, seu modis, quos affert *Galatinus* lib. 2. Arcanor. cap. 17. Ego ex ipso, atque ex *Kirchero*, primum tantum modum afferam; qui secundum *Galatini* explicationem in hoc consistit.

Primò accipiunt ex primo versu primam litteram, quæ est **Vau**. Deinde ex secundo versu ultimam litteram, quæ est **He**: postremò ex tertio versu iterum primam litteram, quæ est iterum **Vau**. Ex his tribus litteris componunt primû Dei nomen, quod est **Veh**. Post hæc accipiunt denuò primi versus secundam litteram, quæ est, **Jod**; & secundi versus penultimam, quæ est **Lamed**; & tertii versus iterum secundam, quæ est **Jod**. Ex his componunt secundum DEI nomen, quod est **Jeli**. Hunc eundem ordinem servantes procedunt, donec totus litterarum numerus omnium trium versuum simul absumatur, & componunt septuaginta duo nomina, quæ paulò post sequuntur.

Aliter proponit modum disponendi litteras singulas singulorum versuum *Kircherus*, ut resultent septuaginta duo nomina; sed in idem cum priori modo recidit. Scribantur, inquit, ordine normali seu perpendiculari omnes litteræ primi versus, incipiendo à prima usque ad ultimam. Deinde scribantur eodem ordine normali, sed inverso, omnes litteræ secundi versus, incipiendo ab ultima usque ad primam, ita ut è regione primæ primi versus scribatur ultima secundi versus; & è regione secundæ primi, penultima secundi, ac sic deinceps. Demum scribantur eodem

H h h h h

quoque

quoque ordine perpendiculari omnes litteræ tertiæ versus, incipiendo à prima usq; ad ultimam, prout factum vides in sequentibus. His factis, habebistres ordines septuaginta duarum litterarum, quorum ternæ quælibet litteræ constituunt unum septuaginta duorum Deï nominum, seu attributorum, ut sequitur paulò post.

§. III. Nomina septuaginta duorum Angelorum, ex mente Cabalistarum.

*Angelorum
72. nomina
ex Cabalistis.*

ET quoniam nomina Angelorum ex sacra Scriptura nobis notorum, cujusmodi sunt *Michael, Gabriel, Raphael*, composita sunt ex Dei nomine *אֵל*, *El*; putantque Cabalistæ, etiam reliquorum Angelorum nomina similiter ex Dei aliquo nomine componi, juxta illud Exodi 23. *Ecce ego mittam Angelum meum, qui præcedat te, &c. Observa eum, &c. quia non dimittet cum peccaveris, & est nomen meum in illo*: Ideo sequentibus septuaginta duobus nominibus adjungunt iidem Cabalistæ nomen Dei vel *אֵל* *El*, vel *יְהוָה* *Jah*; & constituunt nomina septuaginta duorum Angelorum principalium. Putant enim Deum initio creationis Mundi & Angelorum, creasse inter alios Angelos, septuaginta duos, iisque commississe 72. Mundi sensibilis systemata, ita ut alii coelis, alii elementis, alii mistis, alii aliis præessent creaturis. Sequuntur nomina Dei, & simul Angelorum, ex mente Cabalistarum. Quid nos sentiamus, infra in Crisi Cabalæ dicemus.

Septuaginta duo nomina Dei, & Angelorum, ex mente Cabalistarum, extracta ex versu 19. 20. 21. capitis 14. Exodi.

Seraphim 1. Chorus.	ה	י	ו	ה	ו	1	<i>Vehujah</i>
	ל	א	י	ל	י	2	<i>Jelitel</i>
	ל	א	ט	י	ס	3	<i>Sitael</i>
	ה	י	מ	ל	ע	4	<i>Chalamiab</i>
	ה	י	ש	ה	מ	5	<i>Mahastiah</i>
	ל	א	ה	ל	ל	6	<i>Lelabel</i>
	ה	י	א	כ	א	7	<i>Achajah</i>
	ל	א	ת	ה	כ	8	<i>Cabethel</i>

Cheru-

Cherubim
2. Chorus.

ל	א	י	ז	ה	9	<i>Haziel</i>
ה	י	ד	ל	א	10	<i>Aladiah</i>
ה	י	ו	א	ל	11	<i>Laaviah</i>
ה	י	ע	ה	ה	12	<i>Hahachhiah</i>
ל	א	ל	ז	י	13	<i>Jezael</i>
ל	א	ה	ב	ט	14	<i>Mebabel</i>
ל	א	י	ר	ה	15	<i>Hariel</i>
ה	י	מ	ק	ה	16	<i>Hakamiah</i>

Throni
3. Chorus.

ה	י	ו	א	ל	17	<i>Loviah</i>
ל	א	י	ל	כ	18	<i>Caliel</i>
ה	י	ו	ו	ל	19	<i>Leviviah</i>
ה	י	ל	ה	פ	20	<i>Pahaliah</i>
ל	א	כ	ל	נ	21	<i>Nelchael</i>
ל	א	י	י	י	22	<i>Jejahel</i>
ל	א	ה	ל	מ	23	<i>Melabel</i>
ה	י	ו	ה	ה	24	<i>Nahiviah</i>

Dominaciones
4. Chorus.

ה	י	ה	ת	נ	25	<i>Nithajah</i>
ה	י	א	א	ה	26	<i>Naajah</i>
ל	א	ת	ר	י	27	<i>Jerathel</i>
ה	י	ה	ש	א	28	<i>Schehejah</i>
ל	א	י	ר	י	29	<i>Rejajel</i>
ל	א	מ	נ	א	30	<i>Omael</i>
ל	א	ב	ל	ל	31	<i>Lecabel</i>
ה	י	ר	ו	ש	32	<i>Vasariah</i>

Potestates
5. Chorus.

ה	י	ו	ה	י	33	<i>Jehniab</i>
ה	י	ה	ה	ל	34	<i>Lehajah</i>
ה	י	ק	ו	כ	35	<i>Chauakiah</i>
ל	א	ד	נ	מ	36	<i>Menadel</i>
ל	א	י	נ	א	37	<i>Aniel</i>
ה	י	מ	ע	ה	38	<i>Haamiah</i>
ל	א	ע	ה	ר	39	<i>Rehael</i>
ל	א	ז	י	י	40	<i>Jejazel</i>

Virtutes 6. Chorus.	ל	א	ה	ה	ה	41	<i>Hahael</i>
	ל	א	כ	י	מ	42	<i>Michael</i>
	ה	י	ל	ו	ו	43	<i>Veualiah</i>
	ה	י	ח	ל	י	44	<i>Jelaiah</i>
	ח	י	ל	א	ס	45	<i>Sealhiab</i>
	ל	א	י	ר	ע	46	<i>Chariel</i>
	ה	י	ל	ש	ע	47	<i>Chafaliah</i>
	ל	א	ה	י	מ	48	<i>Mehiel</i>
Principatus 7. Chorus.	ל	א	ו	ה	ו	49	<i>Vehuel</i>
	ל	א	י	נ	ד	50	<i>Daniel</i>
	ה	י	ש	ה	ה	51	<i>Hahafiah</i>
	ה	י	מ	מ	ע	52	<i>Chimamiah</i>
	ל	א	א	נ	נ	53	<i>Nanael</i>
	ל	א	ת	י	נ	54	<i>Nithael</i>
	ה	י	ה	ב	מ	55	<i>Mebajah</i>
	ל	א	י	ו	פ	56	<i>Pouiel</i>
Archangeli 8. Chorus.	ה	י	מ	מ	נ	57	<i>Nemamiah</i>
	ל	א	ל	י	י	58	<i>Jejalel</i>
	ל	א	ה	ר	ה	59	<i>Harahel</i>
	ל	א	ר	צ	מ	60	<i>Mitsrael</i>
	ל	א	ב	מ	ו	61	<i>Umabael</i>
	ל	א	ה	י	י	62	<i>Jahabel</i>
	ל	א	ו	נ	ע	63	<i>Chanavel</i>
	ל	א	י	ה	מ	64	<i>Mehiel</i>
Angeli 9. Chorus.	ה	י	ב	מ	ד	65	<i>Damabiah</i>
	ל	א	ק	נ	מ	66	<i>Mankel</i>
	ל	א	ע	י	א	67	<i>Ejael</i>
	כ	י	ו	ב	ה	68	<i>Habujah</i>
	ל	א	ה	א	ר	69	<i>Rachiel</i>
	ה	י	מ	ב	י	70	<i>Jabamiah</i>
	ל	א	י	י	ה	71	<i>Hajaiel</i>
	מ	י	א	ו	מ	72	<i>Mumiah</i>

§. IV. Quid Cabalistæ de his septuaginta duobus DEI nominibus sentiant.

Miram virtutem attribuunt Hebræi & Cabalistæ prædictis Dei nominibus. Rectè, an secus, infra suo loco examinabimus. *Nominum Dei 72 mysteria, ex Cabalistis.*

Ajunt, esse omnium mysteriorum epitomen. Vocant septuaginta duos fontes misericordiæ divinæ, supra quos filii Israël mare rubrum transierunt: arborem in medio paradisi plantatam, ad septuaginta duorum in Mundo populorum salutem; cujus rami sint dictiones; folia, litteræ; quæ vim suam & nutrimentum trahat à tribus suprædictis versibus Exodi. Dicunt, esse scalam illam Jacob, septuaginta duobus gradibus instructam, per quos Numeri in universos entium ordines descendat, Angeli hominesque ascendant. Putant, Deum & Angelos singulari quadam ratione hominibus ritè dispositis, & mysteriorum sub iis nominibus latentium peritis, sese insinuare, dummodò fide rectâ & sincerâ intentione iis utantur in orationibus suis. Omitto alia quæ iisdem tribuunt.

CAPUT XV.

Omnia DEI nomina contineri dicuntur in nomine tetragrammato.

Omitto expendere plura alia Deo in Scriptura sacra attributa nomina, quæ Trinitatis, Incarnationis, aliaque mysteria fidei nostræ manifestè includunt. Solum expendo quod dicunt Hebræi & Cabalistæ, omnia DEI nomina in uno nomine tetragrammato יהוה *Jehovah* includi, &c. *Nomina Dei omnia in tetragrammato contineri dicuntur.*

Primò, nomen DEI quadraginta duarum litterarum sic in nomine quatuor litterarum reperiunt per Gematriam, κατὰ τὸν ἰσοφυσίαν, seu numerorum æqualitatem modo dicto cap. 7. §. 2. Nomen Dei יהוה expandunt hoc modo:

H h h h h h 3

י יו יוד

יֹד Jod, ה He, וָ Vau, ה He: expansum in numeros resolvunt, ut in apposito diagrammate apparet; qui collecti in unam summam, dant 42. Aliter idem præstant Cabalistsæ apud P. Kircherum in Oedipo Tom. 2. Classe 4. cap. 5. quem videsis.

י	10
ו	6
ו	4
ה	5
ו	6
ו	6
ה	5

42

Secundò, nomen Dei sepruaginta duarum litterarum sic eruunt ex eodem nomine יְהוָה. Quatuor enim litteras disponunt in formam trianguli, ut in Schemate apparet, easque resolvunt in numeros, qui collecti in unam summam, efficiunt 72. Nam si quatuor Jod resolves in numeros; habes 40. si tria He; habes 15. si duo Vau, habes 12. si unicum He, habes 5. Si omnes numeros in unam summam colligas, habes 72. Alium modum Rabbino- rum vide apud P. Kircherum loc. cit. cap. 6.

י	י	י	י	40
ה	ה	ה		15
ו	ו			12
ה				5

72

Tertiò, nomen DEI כִּי Kò, resolutum κατά τὸν ἰσοψηφίαν in numeros, efficit 26. nam כ Caph valet 20. & ו Vau 6. Tantundem dant quatuor litteræ nominis יְהוָה, ut in schemate patet; ergo nomen Kò continetur in nomine Jehovah.

י	10	
ה	5	
ו	6	כ 20
ה	5	
26		26

Quartò, si nomini DEI יְהוָה Jehovah addatur nomen אֱלֹהִים Elohim (quod est aliud nomen DEI) & utrumque resolvatur in numeros litteris æquivalentes; nomen verò כִּי Kò scribatur expansè sic, כִּי Vau, & similiter in numeros resolvatur litteris suis correspondentes; continetur hoc in illis; nam utrobique resultant 112. ut ex apposito schemate apparet.

כ	20	א	1
ו	80	ל	30
ו	6	ה	5
ו	6	י	10
		ח	40
		י	10
		ח	5
		ה	6
		ה	5

112 | 112

Quintò,

Quintò, si nomen DEI יהוה scribatur expansè sic, יהוה
 Jod He Vau He, & in numeros suos resolvatur; reperitur
 in illo nomen DEI מה Mah, quid; nam in utroque reperiu-
 tur 45. Omitto alia exempla.

CAPUT XVI.

De decem Siphiroth sive Siphiris Hebræorum.

PArs magna & præcipua Cabalæ versatur circa decem Sephi- *Siphiroth*
 roth Hebræorum, ut vocant, continetque Secretiorem eorum *Hebræorū.*
 Theologiam mysticam. Circa hanc ego sequentia considero.

§. I. Origo decem Sephiroth.

ANtiquissimi Hebræorum Theologi, hoc est, veri & incorrupti *Origo ea-*
 Cabalistsæ, à Moyse Theodidacto ejusque successoribus instru- *rum.*
 ti, Dei optimi Maximi naturam penitiùs perscrutantes (quantum
 in illa veteris Testamenti caligine licebat) considerabant eum-
 tum in ordine ad se, tum in ordine ad creaturas. In ordine ad se
 eum considerantes, revelatione à DEO & Moyse factâ instructi
 credebant, eum in essentia unum ac simplicissimum, nihilominus
 trinum esse in Personis, Patrem, Filium, Spiritum sanctum. In
 ordine ad creaturas eum contemplantes, variaque ejus opera at-
 que magnalia recensentes, ubique elucere videbant evidentissima
 Misericordiæ ac bonitatis, Justitiæ ac Severitatis, Pulchritudinis
 ac Decoris, Victoriæ ac Fortitudinis, Honoris & Confessionis,
 Dominii absolutissimi in creaturas omnes, Regni denique stabilis
 & inconcussi, vestigia elucere. Unde varia DEO nomina impo-
 suère, vocantes eum summam Coronam (hoc est, primum princi-
 pium) ratione Patris, summam & increatam Sapientiam ratione
 Filii, summam & increatam Intelligentiam ratione Spiritus san-
 cti, Misericordem, Justum, Fortem ac Victorem, Honorandum,
 Fundamentum rerum omnium, Regem ac Dominum omnium.
 Hæc decem DEI nomina in ordinem digesserunt, ac in modum
 arboris disposuerunt, radice, trunco, ramis distinctæ, ut signifi-
 carent,

carent quemadmodum fructus ab arbore, suâ radice, trunco, ramis, foliis, floribus ornata procedunt; ita omnia quæ infra Deum sunt, à Deo decem illis nominibus ornata proficisci. Eadem decem nomina vocârunt deinde Numerationes, ob numerum quem constituunt; & Emanationes, quia à Dei essentia veluti emanant. Nos Personalitates & attributa vocamus. Tandem ad occultandum magis mysterium, decem hisce Numerationibus, seu Emanationibus, totidem nomina Deo attribui in sacris Litteris solita attribuerunt; priora verò nomina appellârunt, Cognomina. Primæ tria sunt relativa & personalia, & propriè Emanationes appellari possunt: reliqua septem sunt connotativa creaturarum, & propriè Attributa dicuntur. Numerum, Nomina, Cognomina & Interpretationem singulorum exhibet sequens laterculus, quem habet *P. Kircherus* in *Oedipo* Tom. 2. Classe 4. cap. 8. initio.

§. II. Nomina & Cognomina decem Sephiroth.

Numerus	Nomina	Cognomina	Interpretatio
1	אהיה <i>Ehieh</i>	כתר <i>Kether</i>	Corona
2	יה <i>Jah</i>	חכמה <i>Chockma</i>	Sapientia
3	יהוה אלהים <i>Jehovah Elohim</i>	ביןה <i>Binah</i>	Intellegentia
4	אלוה <i>Eloah</i>	גדולה <i>Gedulah</i>	Magnificientia
5	אלהים <i>Elohim</i>	גבורה <i>Geburah</i>	Severitas
6	יהוה <i>Jehovah</i>	תפארת <i>Thiphereth</i>	Pulcritudo
7	יהוה צבאות <i>Jehovah Tsebaoth</i>	נצח <i>Netsah</i>	Victoria
8	אלהים צבאות <i>Elohim Tsebaoth</i>	הוד <i>Hod</i>	Honor
9	אלי <i>Elchai</i>	יסוד <i>Jesod</i>	Fundamentum
10	אדני <i>Adonai</i>	מלכות <i>Malchuth</i>	Regnum

Gedulah vocatur etiam כסד *Chesed*; & גבורה *Geburath* etiam כחד *Pechad*.

*Eorundem
nomina, &
cognomina.*

Hæc sunt nomina & cognomina decem Sephiroth five Sephirarum, tantopere à Cabalisticis celebratarum. Quas deinde variis aliis nominibus afficiunt. Vocant enim Vestimenta Dei, quòd illis quasi vestibus indutus DEUS prodierit, & se cognoscendum dederit. Vocant tres superiores, opus quadrigæ: septem verò inferiores, opus fabricæ: quòd illæ versentur circa cognitionem solius DEI, hæc circa cognitionem Dei, & creaturarum, quoniam

sine

sine ordine ad creaturas cognosci nequeunt. Omnes decem alii considerant sub schemate arboris, ut diximus; alii sub schemate corporis humani diversis membris distincti; alii aliter.

Supra omnes collocant **אין סוף** *En suph*, Ens infinitum, reconditum, interminum, hoc est, ipsum DEUM in remotissimo Deitatis suæ recessu, in fonte luminis inaccessibilis, in caligine creato intellectui impenetrabili latitantem, nullo attributorum amictu, aut proprietatum vestitu exornatum. Est igitur *En suph* Ens illud infinitum, à quo omnes decem Sephiræ emanant ac profluunt, omnis influxus in creaturas originem ducit, omnis rerum entitas, bonitas, pulchritudo, fortitudo, ceteræque perfectiones proficiscuntur. Hoc ens, tametsi unum, & simplicissimè unicum, creatus tamen intellectus, ob intelligendi modum imperfectum, in varios conceptus dispescit, eosque variis nominibus cohonestat.

§. III. Cabalistarum aliquorum nugæ circa decem Sephiroth.

ARborem Sephirothicam decem hætenus enarratis Emanationibus seu Numerationibus exornatam, & ab antiquissimis Hebræorum Theologis non minùs piè, quàm ingeniosè, ad mysteria altissima quæ complectitur, occultanda, excogitatam, posteriores Cabalistæ mysteria ejus vel ignorantes, vel scire ac fateri nolentes, tot nugis atque deliriis deturpârunt, ut nesciam an stolidius quid unquam vel à portentosis ingeniis fuerit excogitatum. Non enim contenti denario dictarum Sephirarum numero, addiderunt nescio quot canales, semitas, portas, inaudita Angelorum nomina, aliaque omninò impertinentia, ut non jam antiquorum Theologorum dogma, sed superstitionum, errorum, ineptiarum, sentina meritò vocari queat. In hujus sentinæ fundatione egregiam operam navavit *Cornelius Agrippa lib. 3. Philosoph. Occultæ. cap. 10.* quod sic inscribit: *De Emanationibus divinis, quas Hebræi Numerationes, alii Attributa, Gentiles DEOS & Numina nuncupant: deq. decem Sephiroth, ac decem sacratissimis DEI nominibus illis præsentibus, eorundemq. interpretatione.* Quacunque habet dictus Auctor, aliasque plures maleferiatorum Rabbino-

Cabalistarum nugæ circa decem Sephiroth.

rum nugas circa dictas decem Sefhira, collegit in unum P. *Atbanasius Kircherus* in *Oedipo* Tom. 2. Classe 4. cap. 9. §. 2. ex quo loco sequentia decerpere labuit, ut verum esse quod dixi, tu ipsemet Lector judices. In hunc ergò sensum de decem Sefhiroth, sub nomine vestimentorum DEI scribit.

כתר, *Kether*, Corona, Pater.

Sefhira prima.

Primum vestimentum DEI, seu Sefhira, ex אֵדוּסוֹף *Em-soph*, id est, infinita essentia suæ caligine emergentis, est כתר, *Kether*, id est, *Corona summa*; cujus nomen אֵהִיָּה, *Ehieh*, fui, sum, ero; delubrum admirabile & absconditum. Tribuitur primæ in divinis Emanationi, scilicet Patri. Ab hac omnes Numerationes, illa à nulla procedit; prima in divinis Emanatio; Essentium; canalis supramundanus, per quem primò influit, diffunditque bonitatem suam supra Seraphinos, & hinc supra primum Mobile, ope Intelligentiæ quæ dicitur *Metatron Sarpanim*, id est, Princeps aspectuum.

חכמה, *Chochma*, Sapiencia Filius.

Sefhira secunda.

Secundum vestimentum seu Sefhira dicitur חכמה, *Chochma*, id est, *Sapiencia*; cujus nomen est יָה *Jah*. Attribuitur secundæ in divinis Emanationi, scilicet Filio. Ab Orpheo dicitur cælum, ab Homero Pallas nata ex cerebro Jovis. Canalis est cujus ope DEUS influit supra Cherubinos, & supra Firmamentum, ope Intelligentiæ quæ dicitur *Ratziel*.

בִּינָה, *Binah*, Intelligentia, Spiritus S.

Sefhira tertia.

Tertium vestimentum seu Sefhira dicitur בִּינָה, *Binah*, id est, *Intelligentia*; cujus nomen est יְהוָה אֱלֹהִים, *Adonaim Elohim*. Attribuitur tertiæ in divinis Emanationi, id est, Spiritui sancto. Est vinculum chori intellectualium Numerationum; Spiritus, anima, votum, mysterium fidei, Rex sedens in throno miserationum, Jubilæum magnum, Sabbathum magnum, fundamentum spirituum, lumen mirificum, quinquaginta portæ, fluvius de Paradiso egrediens. Canalis est per quem DEUS influit primò in Chorum Thronorum, & hinc in Sphæram Saturni, ope intelligentiæ quæ vocatur *Sabriel*.

גְּדוּלָה

גְּדוּלָּה, *Gedulah*, Magnificencia.

Quartum vestimentum seu Sefhira dicitur גְּדוּלָּה, *Gedulah*, ^{Sefhira quarta.} seu *Magnificencia*, aut *Magnitudo*; quam alii חֶסֶד, *Chesed*, id est, *Clementiam* seu *Misericordiam* vocant. Nomen ejus est אֱלֹהִים, *Eloah*: Cognomina, Gratia, Misericordia, brachium, dextrum, ignis candidus, facies leonis, oriens, aquæ Superiores, argentum DEI, triginta quinque fortibus stipata. Per hanc DEUS influit in Chorum Dominantium; & per Intelligentiam *Tsadkiel* in coelum Jovis: unde nascitur amor, qui omnia vivificat, accendit, amicitiam singulis in perpetuum pacis foedus conciliat.

גְּבוּרָה, *Geburah*, Severitas.

Quintum vestimentum seu Sefhira est גְּבוּרָה, *Geburah*, ^{Sefhira quinta.} id est, *Severitas*, seu *Fortitudo*, quam & alii פַּהַד, *Pahad*, id est, *Timorem* appellant. Nomen ejus est יְהוָה אֱלֹהִים, *Jehovah Eloim*. Ei applicatur proprietas rigoris & gravitatis, præcepta legis negativa, brachium sinistrum, ignis egrediens ab aquis, Occidens, nox, fortitudo, altare aureum, Aquilo, triginta quinque sinistris potentiis stipata. Per hanc DEUS influit in Ordinem Potestatum; & per Intelligentiam ejus Camaël in coelum Martis: unde prædierunt elementa, quæ perpetuò bellorum dissidiis sibi invicem contrariantur.

תִּפְחִירֶת, *Thiphireth*, Pulchritudo.

Sextum vestimentum seu Sefhira est תִּפְחִירֶת, *Thiphireth*, ^{Sefhira sexta.} id est, *Pulchritudo*. Ejus nomen est יְהוָה, *Jehovah*. Attributa sunt, Speculatio illuminans, lignum vitæ, voluptas, linea media, linea viridis ambiens universum, lex scripta, Sacerdos magnus, Ortus Solis, species purpurea, septuaginta duæ nationes in terra. Sigillum ejus אֶמֶת אֲרָנִי, *Emet Arani*, mysteriumque ejus in tertia littera tetragrammati, homo supremus, sive Adam cœlestis, arbor in medio paradisi plantata. Per hanc DEUS influit in ordinem virtutum, & hinc per Intelligentiam Raphaël in Sphæram Solis. Causa est omnis harmoniæ & pulchritudinis, quam in Universo in-
tuemur.

נצח, *Netzah*, Victoria.

Sephira septima.

Septimum vestimentum seu Sephira est נצח, *Netzah*, id est, *Victoria, Triumphus, Æternitas*. Nomen ejus est יהוה, *Jehovah Isebaoth*. Attributa sunt Crus, pes, columna dextra, rota magna, visio Prophetæ. Canalis est, per quem DEUS influit in Principatus, & per Intelligentiam Haniel in Cœlum Veneris. Plantarum causa & origo est.

הוד, *Hod*, Honor.

Sephira octava.

Octavum vestimentum seu Sephira est הוד, *Hod*, id est, *Honor, Laus, Gloria*. Nomen ejus est אלהים צבאו, *Elohim Isebaoth*. Attributa ejus sunt, Mysterium columnæ, ac pedis sinistri. Hinc trahitur serpens antiquus, disciplina Domini, ramus Cherub Aharon; filii regis, molæ molentes. Est Canalis, per quem DEUS influit in Archangelos, & per Intelligentiam *Michael* in cœlum Mercurii. Causa & origo animalium est.

יסוד, *Jesod*, Fundamentum.

Sephira nona.

Nonum vestimentum seu Sephira est יסוד, *Jesod*, id est, *Fundamentum*. Nomen ejus est אלהי, *Elchai*; Attributa, DEUS vivus, Fundamentum mundi, Sion, Fons piscinæ magnæ, Justus, Sabbathum magnum, medium inter custodi & memento, Aries, justitia, robur, lignum scientiæ boni & mali, foedus Domini, arcus testimonii, gloria Domini, Fundamentum Prophetæ David, redemptio, sæculum animarum. Canalis est per quem DEUS influit in Angelos; & per Intelligentiam *Gabriel* in cœlum Lunæ. Causa & origo est Geniorum particularium unicuique assignandorum.

מלכוד, *Malchud*, Regnum.

Sephira decima.

Decimum vestimentum sive Sephira est מלכוד, *Malchud*, id est, *Regnum*. Nomen est אדוני, *Adonai*. Attributa sunt, Regnum, vita, Cherub secundus, speculatio non illuminans, posteriora DEI, finis omnium, Ecclesia Israël, Sponsa in cantico canti-

canticorum; regina cœli, mysteriū legis ab ore date, aquila, littera quarta tetragrammati, regnum domus David, templum regis, janua DEI, arca fœderis, binę tabulę, Dominus universę terre. Canalis est, per quem influit D E U S in ordinem Animarum; & per Intelligentiam *Mitatron* in omnem Lunę subjectum elementarem mundum. Per hanc descendit in animos hominum prophetiæ donum. Per hanc humanus animus singulis ordine recensitis Sefhiris mirâ quadam ratione conjungitur: cum prima Sefhira per intellectum, cum secunda per rationem, cum tertia per discursum, cum quarta per facultatem concupiscibilem superiorem, cum quinta per irascibilem superiorem, cum sexta per liberum arbitrium, cum septima per appetitum, volitionemque ad superiora, cum octava per appetitum ad inferiora per actionem, cum nona per contemplationem, cum decima per vehiculum æthereum, quo constat. Omitto alia, quę pro hac ultima Sefhira congerit P. Achanasius Kircherus loco cit.

Monitio ad Lectorem.

Vides, Lector, quàm ridicula, inconcinna, fabulosa, puerilia Rabbinorum fax contingat, utpote antiquâ & verâ Cabalâ destituti, ac Cæcitate Judaica tenebris immergi. Tadet itaq; plura referre eorum quę fuse enarrat citatus Kircherus de duplici decem dictarum Sefhiroth representatione, per similitudinem scilicet arboris, & corporis humani; de variis earum influxibus & canalibus, canaliumque derivatione; de triginta duabus semitis sapientiæ; de quinquaginta portis Intelligentiæ; de Potestatibus triginta dextris Sefhiram Gedulah stipantibus, & totidem sinistris stipantibus Geburah; de nomine septuaginta duarum litterarum, & triginta duarum semitarum Sapientiæ; de præceptis affirmativis & negativis, quę annexa sunt canalibus sefhiroth Gedula & Gebura ad Netjah & Hod; de interpretatione schematis sefhrotici à Rabbini confecti; de triade septuaginta, & dodecade viginti duarum litterarum quibus canales sefhrotici constant, eorumq; mysteriis, & de aliis multis plus quàm anilibus fabulis, quas maleferiati Rabbini, & semiprisci Cabalisti ac Cabalę scriptores, non sine ingenti molimine ac labore, ingenio verò ac indicio exiguo consingunt, & suę sectę cæcis hominibus velut ingentia mysteria obtrudunt.



PARS QUARTA.

DE CABALA BERESITH.


Cabala Beresith, in quo consistat.



Cabala Beresith est illa, quam opus fabricæ appellant Hebræorum Rabbini, & Cabalists; complectiturq; scientiam Naturæ: unde & Cabala Natura nuncupatur. Hæc Cabala in quo consistat, quidq; propriè consideret, quid tradat, non eadem est omnium opinio. Quidam totam rerum naturam sub Alphabeti Hebræici litteris, litterarumq; tegumento & corticelate autumant, atq; in hujusmodi litterarum cognitione, & ad res naturales applicatione Cabalam hanc consistere existimant. Alii in entium naturalium ordine & connexionem mutuâ, quâ inferiora mediis, media secundis junguntur; vel potius in ejusmodi ordinis cognitione eam constituunt: unde ex analogia & proportionem singulorum ad alia, per applicationem activorum cum passivis mirasse prestare posse putant. Alii in spirituum agnitione, adjuratione, & petitorum quorumvis impetratione, per certorum verborum prolationem, per varias ceremonias, per
miros

miros corporis ac membrorum gestus, eandem Cabalam constituunt. Alii totam hanc Cabalam ad presentis & aeternae vitae bona, adhaesionemque cum DEO consequendam conferre credunt, atque in eo occupatam existimant, ut mentis conceptus, phantasia simulachra, corporis gestus, veluti terrestrium canalium orificia divini paradigmatis, & Angelicis, Coelestibusque virtutibus, tanquam sublimium canalium orificiis invicem coaptet, efficiatque ut solers fidei & pietatis cultor omni sollicitudine & curâ bonorum omnium largitori DEO adhaereat, & hujus futuraeque vitae commoda cum summa vitae felicitate consequatur. Alii denique in omnibus predictis Cabalam Beresith consistere volunt. De singulis capitibus pauca afferamus.

Loquar & hîc semper ex mente Hebræorum, & Cabalistarum.



CAPUT XVII.

De litterarum Alphabeti Hebraici significato, totius Naturæ ordinem exhibente, ex Cabalistarum mente.

Alphabetum Hebraicum totius naturæ ordinem exhibere dicunt Cabaliftæ.

P Athanasius Kircherus in Oedipo Tom. 2. Classe 4. cap. 3. exhibet Alphabetum Hebræorum mysticum (ut ipse appellat) ex Rabbi Akibæ monumentis extractum; quo ipsi cum Cabaliftis putant totius tam intelligibilis, quàm sensibilis naturæ ordinem exhiberi, triumque Mundorum mysterium, videlicet Angelici, Siderei, & Elementarii, per litterarum ordinem ac seriem, non ineptè indicari, ut indicavimus suprà cap. 4. Num. 3.

Nam primò, ab א Aleph usque ad כ Caph, (ut ajunt) judicantur Chori sive ordines Angelorum, à Deo immediatè emanantium. Echi vocantur עולם המלאכים, *Mundus Angelicus*. Secundò, à כ Caph usque ad פ Pe, indicantur ordines cælorum, qui DEI creatoris virtute producti, Angelorum influxu ac ministerio gubernantur. Echi vocantur עולם הגלגלים, *Mundus Orbium*. Tertiò, à פ Pe usque ad ת Thau, indicantur elementa cum suis formis, quæ esse & vivere influunt, dirigunturque ab influentiis Angelorum & Orbium. Et hæc vocantur עולם השכל, *Mundus Elementorum*. Sed hæc particulatius cum B. Athanasio Kirchero lo. cit. ex Akiba describamus, & explicamus.

Itaque

1. א Aleph, *Doctrina*, est nota divini nominis יהוה; & respondet primæ Sephiræ כתר Kether, *Corona*; & Seraphinis, quos Hebræi היות הקדש, *Haiot haccados, Animalia sancta* appellant. Hi derivantur primo & immediato influxu à Deo, & DEI virtute influunt in inferiora.

2. ב Beth, *Domus*, est nota divini nominis יהוה; & respondet secundæ Sephiræ חכמה, *Chochma, Sapientia*, & Cherubinis, quos Hebræi אופנים, *Ophanim, Formas seu Rotas* appellant. Hi derivantur secundo loco à DEI virtute per Sephiram priorem, & primi ordinis Intelligentias; & per eandem virtutem influunt in inferiora.

3. ג Ghi-

3. ג *Ghimel*, *Plenitudo* seu *Retributio*, index est divini nominis **אשכ** *Esch*; & responderet tertiæ Sephiræ **בינה**, *Binah*, *Intelligentia* seu *Prudentia*; & Thronis, quos Hebræi **ארולי** *Aralim* vocant. Hi descendunt à DEO per præcedentem Sephiram, & secundi ordinis Intelligentias; & per eandem virtutem influunt inferioribus.

4. ד *Daleth*, *Porta*, Symbolum est divini nominis **אל** *El*; & denotat quartam Sephiram **חסד**, *Chesed*, seu **גדולה**, *Gedulah*, *Magnificentiam*, seu *Misericordiam*; & Dominationes, quas Hebræi vocant **השמלים** *Haschemalim*. Hi virtute DEI per Sephiram præcedentem, & tertii ordinis Intelligentias influuntur; & per eandem virtutem influunt in inferiora.

5. ה *He*, *Eccæ*, nota est divini nominis **אלהים** *Elohim*; & quintæ Sephiræ **פחד**, *Pachad*, seu **גבורה** *Geburah*, *Severitas*; & virtutibus responderet, quas Hebræi **שרפים** *Seraphim* dicunt. Hi influuntur à DEO per quartam Sephiram, & quarti ordinis Intelligentias; & eadem virtute influunt in inferiora.

6. ו *Vau*, *Uncius*, mysterium est nominis DEI **אלוה** *Eloah*; & responderet sextæ Sephiræ **תפארת**, *Thiphareth*, *Pulchritudini*; & Potestatibus, quas **מלאכים** *Melachim* Hebræi vocant. Hi influuntur virtute DEI per quintam Sephiram, & quinti ordinis Intelligentias; & eadem virtute influunt in inferiora.

7. ז *Zain*, *Arma*, exhibet nomen DEI **צבאות** *Tsebaoth*; & responderet septimæ Sephiræ **נצח**, *Netsah*, *Victoria*; & Principatibus, quas Hebræi **אלהים** *Elohim* appellant: Influuntur à DEO per sextam Sephiram, & sexti ordinis Intelligentias; & eadem virtute inferioribus influunt.

8. ח *Cheth*, *Vivens*, seu *Vita*, refert nomen DEI **אלחי צבאות** *Elchai Tsebaoth*; & octavam Sephiram **הוד**, *Hod*, *Honorem*; ei respondent Archangeli, quos Hebræi **בני אלהים** *Beni elohim*, id est, filios DEI vocant. Influuntur per septimam Sephiram, & septimi ordinis Intelligentias; eademque virtute inferioribus influunt.

9. ט *Teth*, *Bonum*, exhibet nomen DEI **שדי** *Sadai*, & Sephiram nonam **יסוד** *Jesod*, *Fundamentum*. Responderet Angelis, quos

quos Hebræi כְּרֻבִּין, *Cherubin* dicunt. Influantur virtute DEI per Sephiram octavam, & octavi ordinis Intelligentias; eademque virtute inferioribus influunt.

10. יָּוֶד, *Jod*, *Principium*, continet nomen DEI אֲדֹנֵי מֶלֶךְ, *Adonai Melech*, cui responderet Sephira decima, quæ dicitur מַלְכוּת, *Malchuth*, *Regnum*; & omnium Angelorum infimi, quos אִשְׁכִּים, *Ischim* Hebræi appellant. Influantur per nonam Sephiram, & noni ordinis Intelligentias; eademque virtute influunt in inferiora.

Atq; hic finitur Mundus Angelicus. Incipit Mundus Siderens, seu Mundus Orbium.

11. כַּף, *Caph* capitale, *volamans*, exprimit primum Mobile, ab ipso אֵלֶּיֶם, *Eladai*, tanquam à prima causa immediatè motum: cujus Intelligentia dicitur מִיטַטְרוֹן סֵרָפָאִיִּם, *Mitatron Seraphanim*, id est, Princeps aspectuum, & Intellectus agens Mundi sensibilis, omnibus inferioribus vitam præbens. Influit virtute divinâ in omne quod mobile est.

12. כַּף, *Caph* finale, Orbi stellarum fixarum in duodecim signa Zodiaci distincto responderet; cui præest Intelligentia רָזִיֵּל, *Raziel*, influiturque de virtute DEI per Intelligentiam Mitatron, & eadem inferioribus influit.

13. לָמֶד, *Lamed*, *Disce*, seu *Disciplina*, notat Cælum Saturni. Intelligentia ejus est שֶׁבְּטֵאֵיֶל, *Schebtaiel*. De virtute DEI à Razaële influitur, & influit eadem in inferiora.

14. מֶם, *Mem* capitale, designat cælum Jovis; cujus Intelligentia טְסַדְקִיֵּל, *Tsadkiel*, influitur virtute DEI per Intelligentiam Schebtaiel, & eadem virtute influit in inferiora.

15. מֶם, *Mem* finale seu clausum, indicat cælum Martis. Intelligentia ejus est כַּמַּאֵל, *Camaël*, quæ virtute DEI influitur à Tsadkiel, eademque influit in inferiora.

16. נוּן, *Nun* capitale, significat cælum Solis; cujus Intelligentia רַפְּהֵאֵל, *Raphaël*, quæ influitur virtute DEI per Camaël, eademque virtute influit inferioribus.

17. נוּן, *Nun* finale, indicat cælum Veneris; cujus Intelligentia הַנִּיֵּל, *Haniel*, quæ DEI virtute influitur per Raphaëlem, eademque virtute influit inferioribus.

18. **D Samech**, indicat cœlum Mercurii; cujus Intelligentia est *Michaël*, quæ influitur virtute DEI per *Raphaël*, & eâdem influit inferioribus.

19. **Y Chhain**, indicat cœlum Lunæ; cujus Intelligentia est *Gabriel*, quæ influitur virtute DEI per *Michaël*, & eâdem inferioribus influit.

Huc usq; fuit Mundus sidereus, seu orbium cœlestium; sequitur nunc Mundus Elementaris.

20. **Q Pe capitale**, indicat Animam intellectualem, quæ est forma corporis. Dirigitur virtute DEI ab Intelligentiis seu Formis separatis, & eâdem virtute influit in conjunctum sibi corpus.

21. **Q Pe finale**, indicat spiritus animales in corpore animato. Diriguntur ab Intelligentiis iisdem virtute & mandato DEI, & eâdem virtute influunt in corpora.

22. **Y Tsade capitale**, symbolizat materiam tam cœlorum, quàm elementorum, ac mistorum. Dirigitur virtute divinâ per Intelligentias seu Formas separatas, & eâdem virtute per Formas proprias.

23. **Y Tsade finale**, symbolizat Elementorum formas. Diriguntur virtute divinâ per Angelos, & virtute cœlorum, ac materiæ primæ, quæ est fons & origo omnium Elementorum.

24. **Q Coph**, symbolum est elementorum seu mistorum inanimatorum. Diriguntur virtute divinâ per Cœlos, & Intelligentias proprias.

25. **Q Resc**, indicat omnem vegetativæ naturæ substantiam. Virtute DEI influuntur à Cœlis, & Intelligentiis peculiaribus.

26. **W Schin**, indicat omnem sensitivæ naturæ substantiam. Virtute DEI influuntur à Cœlis, & Intelligentiis peculiaribus.

27. **Q Thau**, symbolum est microcosmi, seu hominis, qui finis est omnium creaturarum, uti Thau finis omnium litterarum. Dirigitur à DEO complexionibus & qualitatibus elementorum, juxta influentias astrorum, & per particulares Angelos, qui *Ischim* vocantur.

Hoc est Alphabetum mysticum Hebræorum; de quo quid sentiam, infrâ patebit.

CAPUT XVIII.

*De rerum omnium creatarum ad se invicem &
ad hominem analogia.*

*Analogia
rerum crea-
tarum ad
hominem,
& ad se in-
vicem.*

ADmirabilem esse rerum omnium in hoc mundano comple-
xu ordinem, arctamque inferiorum cum mediis ac supremis
concatenationem, nemo non videt, nisi qui ignorat, omnia à DEO
conditore sapientissimo in numero, pondere, ac mensura, & qui-
dem hominis causâ, fuisse creata. Est homo, ut Microcosmus, &
Mundi compendium, ita mundanarum rerum omnium finis.
Hinc non sublunaria tantum, sed superlunaria quoque atque cœ-
lestia, adeoque ipsi Angelici spiritus, utpote administratorii, & ad
salutem hominis missi, hominis obsequio deputantur. Hominis
ergo nobilissimæ illæ Intelligentiæ cœlestes globos tam variis ac
nunquam evariantibus gyris in cœlesti illo expanso rotant, ut suos
in se invicem ac in sublunaria corpora influxus perpetuò trans-
fundant. Ejusdem hominis ergo dictorum cœlestium globo-
rum influentiæ tam variis ac miris inter se temperantur modis,
atque in hunc inferiorem elementarem mundum transfusæ tam,
miros in mineralibus, plantis, animalibus, cæterisque rebus omni-
bus effectus præstant; ut haud incongruè dicant Hebræorum,
Cabalistæ, nullam esse herbam inferiùs, quæ non habeat planetam
aut stellam aliam superiùs in expanso sidereo, quæ eam fulciat, eiq;
dicat, cresce. Ejusdem denique hominis ergo & stellæ, & plan-
tæ, & animalia, & lapides, cæteraque omnia, miras habent ad certa
hominis membra analogias; adeo ut hæc quidem capiti, illa pe-
ctori, alia stomacho, alia renibus, hepatis, oculis, aliisque membris vel
conservandis, vel sanandis ab Auctore Naturæ instituta videan-
tur. Eâdem de causa inferiora eadem certas videntur habere
analogias ad certas stellas, certasque Intelligentias, quarum videli-
cet curæ sunt à DEO deputatæ. Hinc qui sciverit, quænam her-
ba, quis lapis, quod animal, quod hominis membrum, ad quod
in sublunari Mundo ens, ad quod sidus in Mundo sidereo, ad
quam

quam Intelligentiam denique in Angelico Mundo haber analogiam, clavem reperisse existimandus est ad perfectam omnium rerum scientiam, & viam ad hujus vitę beatitatem.

Hanc scientiam fuisse à DEO protoparenti nostro Adamo communicatam, inde mihi probabile fit, quod improbable non sit, sed multorum conforme opinioni, in prima nominum ab eodem protoparente nostro facta rebus omnibus tunc à DEO creatis impositione, singularum rerum in Mundo tunc existentium nomina ita divino consilio fuisse constituta, ut uniuscujusque rei, quam significarent, essentiam, virtutes, ac proprietates exprimerent. Tandem scientiam fuisse ab Adamo posteris suis ore tenus communicatam, atque ab his ad successores alios eadem ratione transfusam, dubium mihi nullum est. Atq; hanc hujusce scientiæ traditionem ac receptionem, Cabalam esse illam de qua agimus, Cabalam, inquam, *Beresith*, seu naturalem, non improbabili-
Scientia Adamo infusa à DEO.
 liter asserunt, qui asserunt. *Scientiam naturæ acceperunt Patres nostri antiqui ab Angelis, qui eos docuerunt signa sigillorum naturæ,* asserit *Rabbi Hamai* apud Kircherum in *Oedipo* Tom. 2. classe 4. cap. 10. §. 3. Quod & *Jochaides* in *Zohar*, & *Jetziræ* Commentatores affirmant apud eundem.

Periit tamen paulatim, atque omninò tandem evanuit, dicta scientia; scientia inquam quæ in signis seu characteribus, à DEO singulis DEI operibus divinâ virtute impressis, cognoscendis consistebat; adeo ut apud ipsos Hebræorum doctissimorum vix, aut nè vix quidem ullum ejus vestigium remanserit. Hoc solum asserunt dicti Hebræorum mystæ, signa & characteres illos disci non posse, nisi per omnimodam sephirothicorum arcanorum notitiam. Hinc decem Sephiroth, hoc est, decem divina nomina, aliud nihil esse dicunt, quàm sigilla quædam, quibus primò Angelicum Mundum insignivit DEUS; deinde hisce iisdem per Angelos Mundum sidereum & astra; tum elementarium rerum virtutes; tandemque singula hominis membra divinis nominibus appropriata. Ita *Botrillus* in *Jetzirah*, teste Kirchero loc. cit.

Hujus rei ut specimen aliquod edant Cabalici, triplicem sibi
Homo triplex à Cabalisticis constituitur.
 Kkkkkk 3 homi-

hominem constituunt, Archetypum, Sidereum, & Terrenum; & unicuique terna membra attribuunt: non quòd in Archetypo ac sidereo homine membra sint sensibilia & corporea, sed quòd in iis fundamentum quoddam sit ad similia membra, microcosmi membrisanalogà confingenda. Decem terreni hominis membra sunt, Caput, Os, Lingua, Splen, Hepar, Cor, Stomachus, Renes, Pulmo, Genitalia. Caput in Homine Archetypo ajunt esse primam ac supremam Numerationem seu Sephiram *Kether*, in Sidereo verò Empyreum Intelligentiis refertum. Os constituunt in Archetypo secundam Sephiram, *Chochma*, seu Sapientiam, in sidereo primum Mobile: Linguam in illo *Binach*, in hoc Firmamentum: Splenem in illo *Gedulah*, in hoc Saturnum: Hepar in illo *Geburah*, in hoc Jovem: Cor in illo *Thiphereth*, in hoc Solem: Stomachum in illo *Netsah*, in hoc Martem: Renes in illo *Hod*, in hoc Venerem: Pulmonem in illo *Jesod*, in hoc Mercurium: Genitalia denique in illo *Malchuth*, in hoc Lunam.

*Characteres
singulis re-
bus impres-
si.*

Simili ratione putant alia quoque hominis membra, & partes singulas, habere occultos suos consensus cum elementis, elementalibus, globis coelestibus, & Angelis eorum praesidibus: ideoque cum omnia hominis gratia sint condita, & in hominis conservationem colliment; existimant singula occultas quasdam virtutes in hominis membrorum conservationem aptas devehere. Has autem virtutes ut cognoscere homo posset, asserunt characterem singula portare, omnipotentis DEI virtute eisdem impressum, quo quid intrinsecè virtutis in illis latet, externo phytoptico sigillo demonstrent. Hos autem characteres nihil aliud esse, quam stellas quasdam, seu formas stellis coelestibus undequaque correspondentes; quarum occultam correspondentiam quicumque nòrit, eum in secretiori Medicina mira patrare posse credunt.

Sed hæc insinuasle sufficiat. Plura qui volet, legat P. Achanasium Kircherum loco proximè citato, & in Opere quod medietatur de occultis Naturæ characteribus, & passim alia Oedipi, Obelisci, & Magneticæ Artis loca.

CAPUT XIX.

De Angelorum nominibus, agnitione, & adjuratione, ad impetranda quæ petuntur, ex Cabalistarum mente.

Angelos maximo numero à DEO conditore initio Mundi creatos, atque in tres Hierarchias, novemque ordines distributos, tum antè, tum post apostatarum spirituum lapsum distributos, dogma est catholicum, à Sanctis Patribus, Theologis, Scripturæque Interpretibus, è sacrae Scripturæ fontibus haustum. In horum spirituum, tam bonorum videlicet, quàm malorum cognitione, convenientibus nominibus appellatione, adjuratione, ac rerum desideratarum apta petitione, Cabalam Beresith consistere, aliquorum est opinio, ut suprâ ante caput 17. diximus. De his igitur agendum.

§. I. De Angelorum nominibus generatim.

Orthodoxi Patres ac Theologi in prima ac suprema Angelorum Hierarchia collocant Seraphim, Cherubim (id est, Seraphinos, Cherubinos) & Thronos: in secunda ac media, Dominationes, Virtutes, ac Potestates: in tertia & infima, Principatus, Archangelos, & Angelos. Singulorum Chorum Angelis certa attribuant officia. Ex infimis ajunt deputari à DEO singulis hominibus, regnis, provinciis, elementis, mixtorum inanimatorum, vegetativorum, sensitivorum speciebus, Angelos tutelares, qui eorum particularem gerant curam in casibus omnibus, prosperis, adversis, & à malorum spirituum insultibus tuteantur.

Angelorum nomina in genere.

Angelorum officia, & ordo, secundum nos, & Hebræos.

Hebræorum verò Theologi aliter Angelorum choros & ordines numerant, ac nuncupant. Nam ex eorum mente & doctrina supremo loco sunt quos vocant **חיות הקדש** *Hajoth Hakadosch*, id est, Animalia sancta, seu Sanctitatis. Succedunt secundo loco **אופנים**, *Ophanim*, id est, Formæ seu Rotæ. Tercio loco sunt **ארתלים**, *Aralim*, id est, Angeli magni, fortes & robusti. Quarto loco sunt **השמלים**, *Hasmalim*. Quinto loco sunt

sunt **שרפים**, *Seraphim*. Sexto loco, **מלאכים**, *Malachim*. Septimo, **אלהים**, *Elohim*. Octavo, **בני אלהים**, *Benelohim*. Nono, **כרובים**, *Cherubim*. Post hos collocant iidem Hebræorum Theologi ordinem alium Angelorum, quem **אישים**, *Ischim* vocant, quod Heroas, Viros fortes, & Beatos sonat.

Sunt qui malos quoque, quos Dæmones nunc vocamus, in novem gradus distribuant, veluti ipsis novem Angelorum bonorum gradibus adversantes. Sed non lubet immorari. Aliqua de hac de re diximus in *Physica Curiosa* lib. 1.

§. II. De Angelorum nominibus particularim.

*Angelorum
nomina in
particulari.*

HÆc de Angelorum nominibus generatim. Nunc de iisdem particularitius non nihil dicamus. Igitur

Ut stellis, ita Angelis singulis sua peculiariter esse nomina, Soli DEO nota, dubium nullum esse debet: quorum nulla, nisi divinâ revelatione, nobis nota sunt, in sacris Litteris expressa. Putant nihilominus Hebræorum Mecubales, seu Cabaliste, esse in hominis potestate, spiritibus nomina imponere, si ad illam virtutem divino quodam munere vocatus, & sacrâ potestate dignificatus ac sublimatus sit. Quia verò nequit ullâ humanâ voce nomen componi, quod Angelorum naturam exprimat, desumunt illa nomina ut plurimum ab operibus & effectibus, quos fieri ac sibi concedi ab Angelis volunt.

Nomina Angelorum qui præsunt septem Planetis.

*Angeli planetarum
præsides.*

Hujusmodi nomina varia reperiuntur apud Hebræorum Scriptores. Septem planetis hæc imposuerunt. Saturno Zapkiel, Jovi Zadkiel, Marti Camael, Soli Raphael, Veneri Haniel, Mercurio Michael, Lunæ Gabriel. Alii tamen ajunt, quod præsit Saturno Intelligentia nomine Orphiel, Jovi Zachariel, Marti Zamiel, Soli Michael, Veneri Aniel, Mercurio Raphael, Lunæ Gabriel. Hos ajunt esse septem illos Spiritus, qui semper adstant ante faciem DEI, quibus credita est dispositio totius regni

regni cœlestis & terreni : omnia enim (ajunt) vicissitudine quadam horarum, dierum, & annorum regunt, quemadmodum de planetis, quibus præsunt, Astrologi tradunt : quos Trismegistus Mercurius idcirco vocat septem mundi gubernatores, quòd per cœlos tanquam instrumenta, coacervatis omnium stellarum & signorum influentiis, eas in hæc inferiora distribuant. Addunt, horum septem spirituum unumquemque gubernare mundum, annis trecentis quinquaginta quatuor, & mensibus quaternis : & regimen incipere ab Intelligentia Saturni ; deinde sequi regimen Intelligentiæ Veneris, Jovis, Mercurii, Martis, Lunæ, Solis ; reverti demum regimen ad Spiritum Saturni. Scripsit de illis peculiarem Tractatum ad Maximilianum Cæsarem Joannes Trithemius Abbas.

Nomina Angelorum qui præsunt duodecim signis Zodiaci.

ADsignant & duodecim Angelos qui præsint duodecim signis Zodiaci. Ajunt enim, Arieti præsidere Malchidael, Tauro Asmodiel, Geminis Ambriel, Cancro Muriel, Leoni Verchiel, Virgini Hamaliel, Libræ Zuriel, Scorpionis Zarachiel, Sagittario Advachiel, Capricorno Hamael, Aquario Gambiel, Piscibus Barachiel.

Nomina Angelorum mansionum Lunæ.

AGnoscunt præterea viginti octo Angelos, qui dominantur in viginti octo mansionibus Lunæ. Nomina eorum sunt Geniel, Enediel, Amixiel, Azariel, Cabiël, Dirachiel, Scheliel, Amnediel, Barbiel, Ardesiel, Neciel, Abdizuel, Jazeriel, Ergediël, Ataliel, Azeruel, Adriel, Egibiël, Amutiël, Kiriël, Bethuaël, Geliël, Requiel, Abrinaël, Aziël, Tagriel, Alheniël, Ammixiël.

Nomina Angelorum qui præsunt quatuor Ventis, & Elementis.

Sunt quoque ex Cabalistarum mente quatuor Angelorum Principes, qui præfecti sunt super quatuor Ventos Cardinales, & super Elementa.

LIIII

Angeli elementorum
& Ventorum
per præfides.

per quatuor partes Mundi. Horum Michael præfectus est super ventum orientalem, Raphael super occidentalem, Gabriel super Borealem, Nariel, (qui ab aliis Uriel dicitur) super Australem.

Aëri assignatur Cherub, aquæ Tharsis, Terræ Ariel, igni Seruph, aut juxta Philonem Nathaniel.

Eâdem ratione præsidere ajunt quatuor mundi partibus ex malis spiritibus quatuor principes potentissimos, quorum nomina sunt, secundum aliquos, Uriens, rex Orientis; Amaymon, rex Meridiei; Paymon, rex Occidentis; Egyn, rex Septentrionis. Secundum alios verò, vocantur Samael, Azazel, Azael, Machazael. Sub his plures alii dominantur principes legionum, & innumeri privatorum officiorum daemones.

§. III. Hebræorum Cabalistæ Angelorum nomina ex sacris Scripturis eliciunt.

*Angelorum
nomina ex
Scriptura
sacra elici-
unt Cabali-
stæ.*

HÆc & alia multa Angelorum, tam bonorum, quàm malorum nomina eruunt Hebræorum Mecubales ex Scripturis sacris, eâdem arte, quâ sacra DEI nomina inde eruunt. Ajunt enim, quòd ubicunque in sacris Litteris aliquid de DEI aut Angelorum natura, & operatione exprimitur, ex eo loco DEI aut Angelorum ritè extrahi possit nomen: hoc observato immobili canone, ut ex bonis operationibus bonorum, ex malis malorum spirituum accipiantur nomina.

Suprà cap. 14. vidimus, quâ ratione Hebræi ex tribus versibus capitis 14. Exodi, quorum quilibet septuaginta duabus litteris scribitur, certo modo dispositis eruant septuaginta DEI nomina, iisque in fine addentes nomen DEI **El**, vel **Jah**, producant septuaginta duo Angelorum nomina trisyllaba. Hos Angelos ajunt præesse septuaginta duobus quinariis cœlestibus, totidemque nationibus & linguis, & humani corporis artubus; & cooperari septuaginta duobus Synagogæ Senioribus, & totidem Christi discipulis.

§. IV. Alii eadem nomina eliciunt à dispositione corporum cœlestium.

Alii nomen Spiritus, sive boni, sive mali, ad effectum desideratum ab eo sub certa constellatione consequendum (utique impie, atque illicitè) ex cœli dispositione sic eliciunt.

*Angelorum
nomina eliciunt alii
ex cœli dispositione.*

Erectâ cœli figurâ ex Astrologorum Genethliacorum doctrina, projiciunt litteras Alphabeti Hebraici (aut etiam aliarum linguarum, ut aliqui volunt) suo numero & ordine, incipientes à gradu ascendentis, & secundùm successionem signorum per singulos gradus complentes totum cœli circulum: tum litteris illis quæ ceciderint in loca stellarum, quarum præsidio uti volunt, juxta earundem stellarum numerum atque fortitudines, in numerum & ordinem extra notatis, nomen spiritus boni constituunt. Si verò ab initio gradus occidentis contra signorum ordinem dicto modo progrediuntur, nomen spiritus mali eliciunt.

Nonnulli Hebræorum naturam & nomen Genii cujusque hominis sic inquirunt. Cognito gradu ascendentis alicujus natiuitatis, coæquatisque cæteris cœli cardinibus; tunc qui planetarum in illis quatuor cardinibus plures habuerit dignitates (quem Arabes Almutez vocant) ipsum priorem notant inter cæteros; & juxta eum secundo loco qui ipsi fuerit in numero dignitatum proximus, & ita per ordinem reliquos eorum, qui aliquam in prædictis cardinibus obtinent dignitatem. Hoc ordine habito, inquirunt verum eorum locum & gradum, in cœlo, incipientesque à gradu ascendentis per singulos gradus secundùm ordinem signorum projiciunt viginti duas Hebræorum litteras. Tunc quæ litteræ cadunt in prædictarum stellarum loca, notatæ & dispositæ juxta ordinem superius in stellis inventum, & ritè secundùm Hebræicæ linguæ rationem combinatæ, Genii boni nomen (ut ajunt) constituunt; cui juxta morem aliquod Dei nomen monosyllabum, puta *El*, vel *Jah* subjungunt. Quòd si projectio litterarum fiat ab angulo occidentis, & contra successionem signorum; tunc litteræ quæ ceciderint

in Nadir , seu punctum oppositum supradictarum stellarum , si quo diximus ordine conjungantur , constituunt nomen mali Genii.

Alii Hebræorum ex quinque hylegiorum locis nomen Genii inquirunt. Nam facientes projectionem initio facto ab Ariete , & litteris inventis juxta hylegiorum ordinem apud Astrologos cognitum , in ordinem redactis , conjunctisque , constituunt nomen boni Genii. Mali Genii nomen eliciunt ex locis hylegiis oppositis , factâ projectione ab ultimo gradu Piscium , contra signorum ordinem.

Atque hæc nomina (ait nonnemo , sed imperitè) ita secundum proportionatos numeros sidereo calculo distributa , jugatis alternatisq; litteris compacta , sono licet & significatione ignota , ex secretis Philosophia principis necesse est confiteri , plus posse in opere magico , quàm nomina significativa , dum attonitus in illorum anigmata animus , totâq; mentis acie intentus , divinum aliquid subesse firmiter credens , verba & nomina hæc , licet non intellecta , reverenter sonat in gloriam Numinis , cum spiritali pietatis affectu captivans se in illius obsequium.

§. V. Modus eliciendi nomina Angelorum arte calculatoriâ.

Angelorum nomina eliciere arte calculatoriâ.

ESt adhuc aliud artificium , Cabalisticis usitatum , quod calculatorium vocant , ad inveniendâ Angelorum , tam bonorum , quàm malorum nomina. Fit autem per tabulas sequentes , hoc modo.

Ad inveniendum nomen Angeli boni , ingrediuntur cum nomine aliquo facto , sive divino , sive angelico , columnam sive lineam dextimam bonorum Angelorum , ac descendendo accipiunt illas litteras , quas in angulis communibus sub suis planetis aut signis Zodiaci in vertice Tabularum notatis offendunt. Quibus in ordinem redactis , constituunt nomen spiritus boni de natura illius planetæ , vel signi , sub quibus fuerunt ingressi.

Ad inveniendum nomen mali Angeli , ingrediuntur columnam , seu lineam sinistimam malorum Angelorum , & ascenden-

tes sumunt angulos communes supra planetas & signa in calce tabularum notata, ac nomen constituunt.

Hac arte eliciuntur nomina Spirituum ex quolibet Choro siue Ordine Angelorum, tam bonorum, quàm malorum, quæ secundum hunc modum multiplicari posse ajunt in novem nomina totidem Ordinum, quatenus ingrediendo cum uno nomine aliud superioris Ordinis spiritus ex eodem elici potest, tam boni, quàm mali.

Et quoniam Cabalistæ statuunt, omne Angelicum nomen, procedere debere ab aliquo nomine DEI primario; ideo ut bonorum Angelorum nomina, hac arte inventa discernant à malorum Angelorum nominibus, solent illi subnectere nomen DEI *El*, vel *Jah* (ut paulò ante etiam dixi) vel *On* vel *Jod*. Et quoniam *Jah* est nomen beneficentiæ, & *Jod* nomen deitatis; idcirco hæc duo nomina non nisi Angelorum bonorum nominibus apponuntur. Nomen verò *El*, quod vim & virtutem importat, apponi solet nominibus & bonorum, & malorum.

Sciendum autem (ajunt) sumendos esse angulos communes ejusdem planetæ, & signi; nisi ingressus sit factus cum nomine mixto, qualia sunt nomina illa de quibus in §. præcedenti, ex cœli dispositione inventæ: cum his enim quando ingressus sit in Tabulas, angulus communis sumendus est sub planeta vel signo litteræ ingredientis.

Putant etiam, sequentes Tabulas adeo extendi posse, ut etiam si cum nomine stellæ, vel officii, vel effectus alicujus desiderati fiat ingressus, eliciatur tamen nomen Angeli boni aut mali, ad illud officium vel effectum deserviens.

Imo putant, cum nomine proprio cujusvis hominis ingrediendo, Angelorum nomina extrahi posse sub illo planeta, qui tali personæ videatur præesse, prout ex Phytognomia, vel ex animi passionibus, inclinatione, professione, fortuna cognitum fuerit, hominem istum vel Martium, vel Saturnium, vel Solarem, vel de alterius stellæ natura. Sequuntur Tabulæ.

*Tabula I. Calculationis nominum
Angelorum.*

Ingressus Malorum.		Linea bonorum.							Ingressus Bonorum.	
ת	א	ח	ב	א	ב	ג	ד	ה	ו	ז
ש	ב	ט	ב	א	ב	ג	ד	ה	ו	ז
ר	ג	ס	ב	א	ב	ג	ד	ה	ו	ז
ק	ד	ת	ב	א	ב	ג	ד	ה	ו	ז
צ	ה	ז	ב	א	ב	ג	ד	ה	ו	ז
פ	ו	נ	ב	א	ב	ג	ד	ה	ו	ז
ע	ז	ש	ב	א	ב	ג	ד	ה	ו	ז
ס	ח	ו	ב	א	ב	ג	ד	ה	ו	ז
נ	ט	מ	ב	א	ב	ג	ד	ה	ו	ז
מ	י	ר	ב	א	ב	ג	ד	ה	ו	ז
ל	כ	ה	ב	א	ב	ג	ד	ה	ו	ז
כ	ל	ל	ב	א	ב	ג	ד	ה	ו	ז
י	מ	ק	ב	א	ב	ג	ד	ה	ו	ז
ט	נ	ד	ב	א	ב	ג	ד	ה	ו	ז
ח	ס	כ	ב	א	ב	ג	ד	ה	ו	ז
ז	ע	צ	ב	א	ב	ג	ד	ה	ו	ז
ו	פ	ג	ב	א	ב	ג	ד	ה	ו	ז
ה	צ	י	ב	א	ב	ג	ד	ה	ו	ז
ד	ק	פ	ב	א	ב	ג	ד	ה	ו	ז
ג	ר	ב	ב	א	ב	ג	ד	ה	ו	ז
ב	ש	ט	ב	א	ב	ג	ד	ה	ו	ז
א	ת	ע	ב	א	ב	ג	ד	ה	ו	ז
Linea malorum.		ח	ב	א	ב	ג	ד	ה	ו	ז

Tabula II. Calculationis nominum Angelorum.

[illegible]

§. VI. Adhuc alius modus Angelos nominandi,
à rebus, quibus præficiuntur, desumptus.

Angelorum nomina elici- cere à rebus quibus præ- ficiuntur. **A**Dhuc aliud nominum genus reperitur apud Cabalistas, quibus Angelos appellant, ab ipsis rebus quibus Angeli præfident, aut præfidere creduntur, desumptum. Mutuantur enim subinde Cabalistæ, & alii etiam Hebræorum Doctores, Angelorum nomina à stellis, planetis, signis Zodiaci, hominibus, locis, temporibus, similibusque rebus, quibus præfunt, DEI aliquo nomine in fine adjecto. Sic Spiritum Saturni nuncupant Sabathiel; Spiritum Jovis Zedekiel; Spiritum Martis, Madimiel, Spiritum Solis Semiel, vel Semeschiah; Spiritum Veneris, Nogahel; Spiritum Mercurii, Cochabiah, vel Cochabiel; Spiritum Lunæ, Jarea- hel, vel Leuemacl. Hac ratione nos Latine diceremus, Saturniel, Joviel, Martiel, Soliah, Veneriel, Mercuriel, Lunacl vel Lunajah.

Simili ratione etiam nuncupant Spiritus qui præfunt duodecim signis Zodiaci, ab ipsis videlicet signis per ordinem sic: Tele- tiel; Suriel, Tomimiel, Sartamiel, Ariel, Betuliel, Masniel, Acra- biel, Chesetiel, Gediel, Deliel, Dagymiel. Nos possumus dice- re, Ariel, Tauriel, Geminiel, Cancriel, Leoniel, Virginiel, Li- briel, Scorpiel, Sagittariel, Capriel, Aquariel, Pisciel.

Ab hominibus bonis, aut malis, appellantur aliqui Jeremiel, Zachariel, Uriel, à Jeremia, Zacharia, Uria. Samuel, Ezechiel, Daniel, sunt nomina Prophetarum & Angelorum. Phaniel est nomen loci & Angeli. Ariele est nomen Angeli boni, & mali, quod significat leonem DEI. Omitto alia multa Dæmonum nomina.

Notandum, alios aliter scribere atque enuntiare nonnulla ex hæcenus allatis Angelorum nominibus. Sed de hoc non sum sollicitus, quoniam pleraque omnia, ut videbimus infra, vana sunt, aut superstitiosa.

§. VII. De proprii Genii natura indaganda,
ejusque favore & subsidio impetrando.

Genii pro- prii homi- num, & le- corum. **J**Am diximus, commune dogma esse, cuilibet hominum, uti & cuilibet regioni, suum proprium à DEO attributum Genium. Quod

Quod & Cabaliftæ admittunt: qui addunt, Genio regionum, alios multos ejusdem Ordinis Angelos eſſe adjunctos; nempe Genio regionis ſolaris Angelos ſolares, lunaris lunares, & ita de reliquis. Ex hoc provenire ajunt, ut nobis loca & provincias mutantibus, varii ſeſe offerant ſequanturque rerum & negotiorum noſtrorum eventus, alibi magis, alibi minùs fortunatos: putant enim, quòd Angeli ſolares in ſolaribus regionibus, & lunares in lunari- bus (& ſic de reliquis) majorem habeant poteſtatem ad homines ſolares, lunares, &c. tuendos, quàm alibi. Hinc judicant, regionis, loci, ac temporis electionem plurimùm conducere ad vitæ felicitatem; adeoque prodeſſe ſubinde loca mutare.

Qua autem ratione quiſque Genii ſui naturam cognoscere, *Geniorum* queat, non omnes eodem explicant modo. Alii ex ſideribus, & *propriorum* influxu eorum, eorundemque aſpectibus, qui in geneſi cujuſque *natura* verſantur, id cognoscendum docent; alii aliter. Alii attendendo *quomodo* ad ea, quæ à primæva ætate nullis contagiis diſtracta, aut ea quæ *cognoſca-* expurgatâ mente ab inanibus curis, & ſiniſtris affectibus, amotis- *tur, ſecun-* que impedimentis ſuggerit animus, dictat naturæ inſtinctus, cœ- *dum Cab-* lum inclinât: hæc enim procul dubio Genii ſuadelas eſſe credunt, *aliſtas.* qui unicuique datus eſt in principio ſuæ nativitatſ.

Variis autem modis allici poſſe Angelos bonos, & abigi ma- *Angeli boni* los putant; præſertim verò quibusdam veluti vinculis, quibus qua- *quomodo* ſi attrahantur, alligentur, exterminentur. Et hæc vincula ajunt *alliciantur,* eſſe in triplici differentia: quædam enim ſumi ex mundo elemen- *mali abi-* tari, ut puta quando adjuramus ſpiritum aliquem per res inferio- *gantur, jux-* res & naturales illis cognatas, vel adverſas, ut ſunt flores, herbæ, *ta Cabali-* animalia, nix, glacies, ignis, fumus, & alia hujusmodi: quædam *ſas.* ex mundo cœleſti, quando videlicet adjuramus per cœlum, per ſtellas, per horum motus, radios, lumen, influxum, aliaque ſimi- lia: quædam denique ex mundo intellectuali atque divino, ut cùm adjuramus per ſacramenta, per ſacramentalia, per divina nomina, per alia religionis myſteria. Omitto alia quæ nonnulli in hanc rem afferunt.

CAPUT XX.

*De adhesionē cum DEO , ejusdemq̃ , &
Angelorum imploratione.*

*Adhæso
cum Deo &
Angelis
quomodo
procuratur,
per Cabali-
stas.*

Hic est ultimus finis & scopus Cabalæ Beresich, DEO adhære-
re illustrato intellectu, & purgato affectu. Ad quod confē-
quendum disponenda mens est, per ejusdem DEI, & Angelorum
implorationem, eorundemq̃ variis modis ac ceremoniis cul-
tum. De hoc nunc agemus, sed ex Cabalistarum, ut hactenus sem-
per, mente. Censuram nostram infra apponemus.

Hujus præsentis futuræq̃ vitæ felicitatem consistere in Dei
cognitione, amore, ac fruitione, atque adeo in perfecta cum Deo
adhæsiōe (prout in hac vita haberi ab homine potest) nostrō-
rum opinio est Theologorum. Hoc idem si sentiant Hebræorum
Theologi, ac Cabalistæ, rectè sentiunt. Cum Deo adhæsiōem in
præsentī vitā obtineri inter alia, puritate mentis & corporis, assi-
duâq̃ cum Deo per orationem conversatione, utrique asserunt:
at discrepant in modo puritatem dictam, familiaritatemq̃ cum
Deo procurandi. Hebræi enim mentis expiationem ad unionem
cum DEO necessariam obtineri putant frequenti corporis lotio-
ne, externisq̃ ritibus & ceremoniis, variis quoque gestibus &
sitibus corporum, variorum DEI & Angelorum nominum invo-
catione, pro rerum obtinendarum varietate, aptando nomina,
illa internis affectibus, externisq̃ gestibus. Hanc operandi,
coaptandiq̃ rationem vocant correspondentiam canalium in-
feriorum cum superioribus. Qui enim (ajunt) ad supercœlestium
aquarum scaturiginem deorsum per varios fistularum & influxi-
onum mæandros stillantem pertingere, & sempiternæ vitæ li-
quorem haurire cupit, debet & ipse quoque fistulas canalesq̃
juxta debitam analogiam erigere, ut horum orificia illorum
mentibus ad amissim respondeant, alioquin cœlestium aqua-
rum scatebras non assequetur. Hinc Elias, dum DEUM in-
vocavit pro restituenda puero mortuo vita expandit se super-
eum, & ter mensus est. Hinc idem pro pluvia impetranda, pro-

nus

nus in terram posuit faciem inter genua. Hinc Moyses, Josue, Hælisæus, aliique prophetae divinum implorantes auxilium, tam diversos pro petitorum varietate corporis gestus exercuerunt.

Ita Cabalistæ sentiunt. Precandi porrò formulam, Dei quæ & Angelorum nomina invocandi, exhibent iidem schemate suo Sephirotico, in canales varios, qui divinos influxus ad nos devehant, disposito. Hinc illud primò sub ratione abstracta, & soli Archetypo mundo, id est, DEO, à quo entia reliqua omnia dependent, attributa considerant; deinde sub ratione Mundi Angelici, in quem immediatè Mundus Archetypus influit; deum sub ratione sensibilis, id est, Siderei & Elementaris Mundi, in quem Angelicus influit. Hac dispositione ingenti labore factâ, omni studio attendunt ad decem divinorum nominum, in dicto Sephirotico schemate dispositorum, cum denis Mundorum inferiorum membris analogiam; & canales exactâ curâ juxta intentam analogiam coaptant, ne alicubi offendiculum incurrant. Hinc si influxu recto à *Kether* usque ad *Malcuth* irridiari velint, nomina DEI & Angelorum, dictorum nominum canalibus propria, ex certis Scripturæ sacre locis deprompta adaptant, ut sic voti sui compotes fiant. Quòd si suis aut aliorum peccatis canales divinæ bonitatis obstructos existimant, tunc Nomina seu Sephiroth *Chochma*, *Chesed*, & *Netzah* certis versibus ex sacra Scriptura deductis applicantes, per canales misericordiæ influxus in se, tum ad veniam peccatorum, tum ad bonorum, temporalium abundantiam consequendam derivare contendunt. Si vindictam contra inimicos, & contra malignos Spiritus præsidium postulant, id præstant per certas orationes appropriatas nominibus Sephiroth sinistri lateris: harum enim virtute ab omni perniciæ immunes se futuros credunt.

Cùm verò DEUS per Angelos omnia administret, putant eandem efficaciam qua DEUS virtute istarum orationum movetur, & Angelos, qui dicti schematis Sephiris atque canalibus applicantur, moveri ad virtutis suæ energiam in decem siderei Mundi

Sphæras imprimendam ; & his mediantibus in decem Elementaris Mundi gradus entium , ac tandem in decem humani corporis principalia membra. Hinc ortum habet tanta tot nominum Angelorum fictio , ut capite præcedenti vidimus ; nec non nominum DEI , ut in superioribus monstravimus.


Hæc DEI & Angelorum nomina scribunt in charta membrana munda , variis modis ac ceremoniis , atque è collo velut sacra amuleta , & prophylactica efficacissima suspendunt. Eadem variis ritibus ac ceremoniis pronunciant , prout Auctor Pardes apud P. Kircherum in Oedipo Tom. 2. Classe 4. cap. 10. §. 1. his verbis describit. *Premissa itaque dispositione puritatis corporis & animæ , quantum fieri potest maximâ , convertes caput tuum versus orientem , non sursum , nec deorsum , sed rectè sedens , opertus vestimentis priùs lotis , candidis , mundissimis , præ omnibus vestimentis exquisitissimis. Caput verò tuum sit coronatum Thephillim (id est , frondalibus) collectis ante solis exortum , vel in ipso tempore quo lux solis mundo oritur. Sint præterea tibi quinque funiculi linei , in quibus caput tuum requiescere facies. Et incipies pronuntiationem nominis ab ea dicti uncula , quæ Cholem signatur , conversus ad medium orientis , & purificatâ intentione sine speculatione tua , exalta caput tuum , aspiratam litteram paulatim pronuntiando , donec absolveris nomina ; capite interim semper erectus. Peractâ verò operatione adorabis pronus in terram semel , cavendo ne divides spiritum א (Aleph) à Spiritu litteræ , sive à vocali quæ adhaeret א Aleph , nisi aspirata una brevior aut longior fuerit ; sed inter litteras nominis , sive rectæ , sive inversæ fuerint , licet tibi ponere duas aspiratas sine pronuntiatione , & non amplius ; & cum compleveris omnes ordines , licentia tibi erit ponere aspiratam ה (He) solùm , & non amplius. Sed hac in arbitrio manus tuæ. Quòd si in pronuntiatione aut ordine erraveris , reverteris ad principium , usque dum perfectè pronuntiaveris omnia : nam pronuntiatio Cholem trahit sursum , pronuntiatio Chirik deorsum , adeoque virtutem supremam ad adhesionem tecum perfiniendam trahit. Pari ratione Sciurek non sursum , & non deorsum sed medias facies trahit ; Tserè verò pronuntiando deflectas caput tuum à sinistra ad dextram ; & Kameth pronun-*

nuntiando, à dextra ad sinistram. Et postquam omnia compleveris, si videris subito simulachrum quoddam comparere veluti adoraturum ante te, & si vocem audieris parvam & magnam, & incipias summâ concuti formidine, ita ut non possis amplius illud sustinere; tunc recorderis subito adorare; & fugere ad filios hominum, ne moriaris. Et si nihil compareat, neque vox audiatur; relinque negotium huiusmodi adjurationis, & revertere alterâ vice repetere eam; scias enim quòd sit in hoc pactum fœdus. Hæc Auctor Pares. Quæ cujus farinæ sint, tu ipse, Lector, vides.



PARS QUINTA.

DE CABALA ASTROLOGICA.

 Ocest ultimum Cabala, à nobis suprâ ante caput 1. in sex partes divisa, membrum. Quod paucis explicabimus: est enim tota superstitiosa & impia, omnemq; Cabalam (ut postea videbimus) infamavit; non secus ac Magia Theurgica Magiam naturalem.

CAPUT XXI.

In quo consistat Cabala Astrologica.

Consistit præcipuè in cognoscendo & procurando decem Scephirarum influxu in hæc inferiora, præsertim in microcosmum, per sigilla & alias impias ceremonias.

Dicunt enim apud P. Kircherum in Oedipo Tom. 2. Classe 4. cap. 10. §. 2. Astrologi Cabalæi, decem esse fontes divinos, seu fontis unius decem canales, juxta decem Sephiroth dispositos; inter-

*Cabala
Astrologica
in quo con-
sistat.*

que illos unum esse, qui fons Animarum dicatur: & hunc esse *Geburam*, sive fontem Aquilonis. Et ab hoc fonte ajunt omnes animas trahere originem, transire tamen per alias quoque Sefhiras, atque ab eis varias proprietates suscipere. Si enim, inquiunt, anima per Seraphicas Intelligentias ab illa luce suprema *Kether* emanat; Seraphica efficitur, atque in amore DEI ardens, & ad Seraphicas mansiones, favente & attrahente DEO, deveniendi habebit pronitatem. Si verò in *Chochma* per Cherubicas Intelligentias profluit, Cherubica efficitur, ac splendorem scientiæ suscipit, supernæque particeps lucis ad Cherubica inclinabit subsellia. Si à *Binah*, Intelligentiæ lumine imbuta, originem unde profluxit, affectabit. Et sic de cæteris. Sicut enim lux per diversorum colorum vitra transiens, diversis tingitur coloribus; ita & animæ natorum induunt ejus Sefhiræ (ajunt) proprietatem, per quam in sua origine transeunt. Hinc juxta hos Cabalistas animarum diversitas aliunde non oritur, quàm à diverso diversarum Sefhirarum influxu.

Ex hac Astrologorum Cabalicorum opinione ortum habet fabulosa eorundem de natorum fato opinio, qua alios Saturninos, alios Martios, alios Jovios, Solares, Venereos, Mercuriales, Lunares esse dicunt. Nihil enim aliud volunt, quàm quòd varii homines, juxta varias eorum complexiones, inclinationes, & mores, occultam quandam proportionem non tantùm ad materiam variè dispositam, & ad planetas proportionatam obtinent, sed ulteriorem etiam analogiam ad Intelligentias correspondentium Sphærarum præfides, & tandem ad supramundanas divinitatis rationes. Volunt dicere, si materia alicujus nati ad formam introducendam habuerit dispositionem analogam sive conformem Saturno, illi materiæ in utero matris denominanti; DEUS per *Geburah*, Saturnum videlicet archetypum supramundanum, Saturno sidereo correspondentem animam infundet, *Gebura* proprietatibus imbutam; eique animæ ex eodem Angelico *Gebura* Choro Intelligentiam adjuget ejus directricem: cujus ductui si natus obsecunda verit, & proprietatibus *Gebura* conformem vitam duxerit; ajunt natum plenum intelligentiâ, & rerum reconditarum contemplationi deditum futurum, tandemque sedem

inter

inter illius Chori Angelos obtenturum. Quòd si à ductu Intelligentiæ eidem à DEO divinitus deputatæ recesserit; eum sinistris ejusdem *Gebura* Geniis traditum iri, & magnis malis Saturninis, ut est, mania, stupor mentis, hypochondriaca, & similia mala, subijciendum. Pari ratione si nati materia cum Jove symbolizaverit, DEUS per Sephiram *Gedulam*, hoc est, per Jovem archetypum ultramundanum, Sidereo Jovi analogum, animam infunderet, Gedulæ proprietatibus & materiæ dispositæ congruam: eidemque ex eodem Choro Angelico *Gedula* custodem adsignabit, qui occultâ quâdam Sympathiâ ad nati inclinationem condescendens, eum in omnibus ejus naturæ propriis dirigit: quem si audierit, regio quodam animo, & magnificentiam summâ, junctâ sapientiæ, præditus erit: sin minùs, in manus traderetur sinistrarum, ejusdem *Gedula* potestatum; unde in omnibus operibus infaustam habebit fortunam, & corporis infirmitates patietur Jovi appropriatas. Eadem est ratio de cæteris Sephiris, per Intelligentias & Planetas ipsis attributos natorum materiam disponentibus, prout fusè profequitur *P. Kircherus loc. cit.*

CAPUT XXII.

De Angelorum cultu in Astrologica Cabalausitato.

UT natus quispiam non sinistram, sed felicem sortem obtineat, ac prosperâ in omnibus utatur fortunâ, suadent Cabalici Astrologi, ut summo studio inquirent in naturam Angelisibi à DEO attributi, cumque colere, arque placare curet, cujus naturæ se esse arbitratur, & per cujus Sephiram traductum conijcit.

*Angelorum
cultus apud
Cabalistas.*

Sic jubent, ut Saturninæ naturæ homines *Zapkiel*, vel ut alii, *Schatael*, Saturni Intelligentiam placent; Joviæ verò naturæ homines Angelum *Zadkiel*, Martiæ *Camael*, Solaris *Raphael*, vel ut alii, *Schemschiel*; Veneræ *Haniel*, Mercurialis *Raphael*, vel ut alii, *Cocabiel*, Lunaris *Gabriel*, vel ut alii, *Leuanael*, colere suadent.

Sum-

Summo quoque studio expendere jubent septuaginta duo Angelorum nomina, quæ retulimus suprà cap. 14 §. 3. & si quod naturæ Angelorum sibi propitiis congruum ac proportionatum inveniant, illud seorsim membranæ inscriptum amuleti loco portent, ad illos propitiandos. Adsignant & appropriatum nomini psalmum, qui quotidie in eum finem recitur.

Sigilla planetarum.

Docent præterea fabricare septem planetarum sigilla, septem Angelorum, qui illis præsunt, cultui destinata. Ac in sigillo quidem Saturni ponunt nomen DEI אֲבַגְיָתָז, *Abgait haz*, oculum dextrum, & Raphaëlem: in sigillo Jovis nomen DEI קֶדְעֶשֶׁטַן, *Kerchhshchetan*, oculum sinistrum, & Gabrielelem: in sigillo Martis nomen נְגַרִיכֶשׁ, *Nagedichasch*, aurem dextram, & Samaealem: in sigillo Solis nomen בֶּטָר צַהֲרָה, *Bethartsethag*, aurem sinistram, & Michaëlem, in sigillo Veneris הַקְּבִטָּנָה, *Hakbathnach*, nares dexteræ, Zadechielem: in sigillo Mercurii יֶגַלֶּפֶזָק, *Jegalpezak*, nares sinistras, Arielem: in sigillo Lunæ שְׁקֻצִּיחַ, *Schekutshih*, os, & Raphzielem. Prædicta nomina Hebraica, sunt nomina Dei & Angelorum, desumpta ex nomine DEI quadraginta duarum litterarum, eruto ex tabula Ziruph, de qua suprà cap. 9. §. 1. Horum sigillorum singula habent suam Sephiram, cujus ope vim acquirere dicunt. Promittunt autem per primum sigillum vitam longam, per secundam pacem, per tertium sapientiam, per quartum gratiam & pulchritudinem, per quintum divitias, per sextum seminis fæcundam propagationem, per septimum dominii potestatem; idque per Angelos iisdem subjectos.

Sigilla alia planetarum.

Alia septem sigilla, quas planetarum mensulas vocant, faciunt ex numeris certo modo dispositis; & in lamina metalli cui libet planetæ appropriati sculpunt, certâ horâ, certisque ceremoniis; iisque magnam quoque virtutem attribuunt. De his egi in 3. part. Magiæ lib. 8. Syntagm. 3. & in præcedenti libro.

Sigilla signorum Zodiaci.

Addunt & duodecim sigilla, duodecim signorum Zodiaci, certis DEI nominibus, ex tabula Ziruphica extractis insignita; iisque ingentem quoque efficaciam attribuunt. Sed hæc sufficiant: qui plura volet, adeat P. Kircherum in Oedipo Tom. 2. Classe 4. cap. 10. §. 3. & alibi passim in eodem Opere.

PARS

PARS SEXTA.

DE CRISI SEU CENSURA

C A B A L Æ.

SEpe usu venit, ut quod bonum ac utile, ob as-
 sine malum ac inutile repudietur; utque vera
 scientia, si cum fucata nomen commune sortiatur,
 ipsa hujus fœditate aspersa videatur. Patet hoc
 in Magia, quæ cum naturalium scientiarum apex
 sit, atque medulla optima, ignorantium aut impio-
 rum hominum vitio, qui eâ abuti ad fraudes, dece-
 ptiones, perniciem hominum, nominis & gloriæ au-
 cupationem, ausi fuere, in summum ferè odium fuit
 versa. Patet in Astrologia, quæ licet sublimissima
 cælestium corporum, eorumque motuum, congressuū,
 aspectum, influentiarum cognitio sit, toti humano
 generi utilis ac necessaria, ob imperitiam tamen ma-
 leferiatorum quorundam nebulonum, qui eâ ad il-
 laqueandos hominum animos, ad principum favo-
 rem aucupandum, ad coacervandas pecunias, adeo
 cœpit unâ cum tota ferè Mathesi, cujus ipsa pars e-
 rat, detestabilis fieri, ut non uno Principum ac Im-
 peratorum decreto & Urbe & Orbe fuerint pro-
 scripti Astrologi ac Mathematici. Idem Cabalæ,
 Nnnnnn de

*Cabala cur
odiosa sit
reddita.*

de qua tractatum hætenus, evenisse existimo. Est ea, ut hujus libri cap. 1. vidimus, doctrina divina, non scripto primùm, sed voce duntaxat tradita, & aliquamdiu ore tenus transmissa ad posteros: Est divinarum humanarumq; rerum arcana per Moisaica legis typum, allegorico anagogicoq; sensu tradita facultas. Quoniam tamen Rabбини non pauci, aliq; Cabala scriptores, aut ignorantia vera ac genuine Cabala, aut malitia, aut alio quopiam perverso affectu, multi in eam inferserunt succidi digna, merumq; hoc optimum variis ac noxiis affusionibus diluerunt, caupones profectò pessimi; totum Cabala nomen sine discrimine in odium, & abominationem apud non paucos seu imperitos, seu aliter affectos, devenit. Quo jure, ex dictis hætenus patet, patebitq; luculentius ex dicendis. Ridiculum sanè est, quod scribit Joannes Picus Mirandula Comes in Apologia suarum Conclusionum, de Parisiensibus quibusdam sui temporis Doctorebus, suas de Cabala conclusiones ac dicta acerrimè insectantibus. Nam cum semel quidam ex eis interrogaretur, quid esset ista Cabala, quam tam vehementer abhorreret & persequeretur; respondit ille, fuisse perfidum quendam hominem, & diabolicum,

cum, qui dictus est Cabala; & hunc multa contra Christum scripsisse; inde sequaces ejus dictos Cabalistas. Quis quæso hîc risum teneat? *Hæc Picus.*

Nos nec universam Cabalam laudamus atque amplectimur, nec universam culpamus atque rejicimus, sed bona à malis, utilia à noxiis sejungimus. Quod antequam faciamus, aliorum de re eadem judicia & crises in medium afferemus; hisq; ut plurimum nostram opinionem interseremus. Sit itaque.

CAPUT XXIII.

Judicium & Crisis Genebrardi de Cabala.

Gilbertus Genebrardus Theologus Parisiensis, Divinarum, Hebraicarumque litterarum Professor Regius, lib. 2. Chronographiæ, ad Annum Mundi 4009, ante Christum 87. hæc scribit de Cabala. *Judicium aliorum de Cabala.*

R. Simeon Ben Johai, auctor libri Zoar. Quo posuit fundamenta stulta & vana artis illius Cabbalistica, qua languet circa litterarum apices, numeros, transpositiones, anagrammatismos, vocum inversiones, allusiones, amphibologias, homonymias. Nam ejus vanitatis mysteria tribus præcipuè constant, quæ indicantur voce Ⲛⲓⲁ. Nempe Geometria (sic imperitè confuderunt Geometriam cum Arithmetica) quando littera expenditur numerus: Noteriacon, quando littera ponitur pro integra dictione; sio autem barbarè dicitur à Notariacorum apicibus: Themura, quasi permutatio (elementorum) cum una littera pro altera substituitur. E duobus

N n n n n 2

primis

primus vocabulis, quorum unum est Gracum, alterum semilatinum, intelligis quotempore tam inepta ars excogitata fuerit; nihilque minus esse quàm Cabalam, id est, Scientiam qua à majoribus per manum recepta sit. Præter istiusmodi ineptias continet multa impia, & ex omni hæresum furfure conflata. Constituit decem Sephiroth, sive numerationes, pro suo fundamento; quas sive statuerit esse essentiam DEI, sive aliquid aliud extra DEI essentiam, impie introductas ex copatet, quod in DEO numerum & multitudinem realem ponant.

Tale erat negotium, vel potius otium Marini, & Colorbasi discipulorum Valentini, qui cuncta sua religionis mysteria è litteris Alphabeti Graci probare conati sunt. Irenæus lib. 1. cap. 9. & 10.

Reuchlinum Capnionem tribus libris harum nugarum gustum mundo præbuisse sine refutatione, & Picum Mirandulanum se earum patronum constituisse, equidem miror. Neque enim ea est Cabbala ab eruditus Patribus laudata, qua partim historica est, partim תורה בצל פה (thora bechal pe) nominatur, id est, lex ore percepta. Hæc enim legis Scripta pura est Interpres, & simplices synagoga traditiones, consuetudines, ritus, majorum explanationes continet; quarum fragmenta nonnunquam suppeditant Talmud Derasim &c. Sed de hoc aliàs.

ANNOTATIO.

HÆc Genebrardus. Agnoscit ergo, & bene, præter tres Cabala species, Geometriam, Noteriacon, & Themuram, (quas nos suprâ cap. 3. appellavimus Gematriam, Notariacam, & Themuram) aliam, qua sit Legis scripta pura interpres, contineat & simplices Synagoga traditiones, consuetudines, ritus, majorum explanationes.

An autem tres nominata illa species, aut quatenus reprobanda sint, ex dicendis constabit.



CAPUT XXIV.

Judicium & Crisis Sixti Senensis de Cabala.

Sixtus Senensis, doctus ex Illustrissimo Prædicatorum Ordine Theologus, lib. 2. Bibliothecæ sanctæ, verbo *Esdra*, cum dixisset, ex decreto sanctæ Romanæ Inquisitionis omnes libros ad Kabalam pertinentes, fuisse damnatos, ut statuat de quibus libris damnatio illa sit intelligenda, duplicem statuit Kabalam (ut supra etiam cap. 3. §. 2. diximus) alteram veram ac piam, alteram falsam ac impiam. Veram ac piam appellat illam, quæ arcana sacre Legis mysteria juxta anagogem elucidat, & hanc in lib. 3. ejusdem Operis ostendit necessariam esse ad divinæ Scripturæ interpretationem, ut ex ipso videbimus. Et hanc ait nunquam ab Ecclesia damnatam. Falsam ac impiam ait esse *ementitum quoddam Judaica traditionis genus, quod improbi quidam Judæi à Moyse ex Patribus usq. ad ipsos emanasse dicunt, innumeris vanitatibus ac falsitatibus refertum, nihil aut parum à Necromantia distans: explicat enim secreta quedam DEI nomina, ipsorumq. virtutes occultas; quibus ad ligandos damones, & ad præstigia faciendâ Necromantici nonnulli apud Judæos utuntur, asserentes Christum nostrum hujus artis ope omnia sua miracula edidisse.* Et hoc superstitionis genus, Kabalam improprie appellatum, Ecclesiam merito damnaſſe aſſerit.

Hæc Sixtus citato libro 2. Libro verò 3. agens de Elementaria expositione sacre Scripturæ, ait, Elementariam explanationem esse eam, quæ circa significationem simplicium elementorum sive litterarum versatur. Cum autem litteræ duo potissimum significant, scilicet partes syllabarum individuas, & notas numerorum, indices; ait explanationem illam necessario in duos dividi modos.

Primum Elementariæ explanationis modum ait esse, qui ex resolutione elementorum cujusque dictionis, & rursus ex nova, diversaque eorundem elementorum connexionem, multiplices sensus, tam historicos, quàm mysticos ex sacris Scripturis deducit. Et hunc modum secari in duas partes, nempe Resolutoriam, & Com-

ponentem. Resolutoriam esse, in qua singulæ litteræ, singulas dictiones significant, & singulæ per singulas dictiones exponuntur: idcirco autem Resolutoriam appellari, quia tota in resolutione elementorum versatur, dum litteras cujuslibet propositæ dictionis alteram ab altera divellit, ac separat, & ex unaquaque littera dictiones quasdam extrahit ab eadem littera incipientes, quæ mysteria in tota illius dictionis medulla recondita patefaciant. Hanc nos suprà cap. 8. vocavimus Notariacam, & fusè aliaris exemplis explicavimus. Componentem ait esse, quæ illa eadem ejusdem dictionis elementa, priùs dissita ac disjuncta, iterum novo ordine transponens, & alterum pro altero variatâ sede reponens, connectit, & novas componit ex eis syllabas, voces, orationis partes, & sermonis formulas, quarum auxilio diversorum sensuum intelligentias, & secretissima arcana referantur. Hanc nos suprà cap. 7. appellavimus primum modum Gematriæ, & cap. 9. Themuram.

Secundum elementariæ explanationis modum vocat Arithmeticam, & in eo consistere ait, quòd laboret in investigandis significationibus numerorum, quos litteræ in dictionibus & syllabis positæ repræsentant.

Utrumque modum illustrat Sixtus multis exemplis, ex sanctis Patribus, Interpretibus Scripturæ, aliisque viris doctis allatis, tam juxta textum Scripturæ Hebraicum, quàm Græcum. His autem explicatis,

Circa primum dictæ explanationis modum hæc subjungit : *Sunt qui universum hoc expositionis genus explodant, tanquam rem ludicram ac fortuitam : & rursus alii, qui illud superstitiosè admirrentur, & usque in cælum tollant. Quarum opinionum extremitatem ipse non approbans, arbitror primum non omninò inventionem hujusmodi fore contemnendam; tum quia magnos, ut jam ostendi, habeat hæc sententia auctores, tum quòd multa sint in sacris litteris, quæ sine eo mysticè explicari non possint &c. & post nonnulla: Verum ut eos non damno, qui moderatè & aptè hæc suis locis interdū accommodant; ita eos non laudo, qui eadem nimis anxie, & inutili ac prorsus inani labore prosequuntur: cum me nō pratereat, ex hoc*
fonte

fonte emanasse Valentini & Gnosticorum insaniam, qui ut Irenaeus, & Epiphanius, uterq; in primo adversus haereses libro ostendunt, omnem divinam Scripturam juxta hanc elementorum discussionem examinantes, inaudita novarum haereseon portenta invulgarunt.

Circa secundum verò explanationis modum hæc subjungit: Videtur autem mihi non esse hanc explanationis formam omnino aspernandam, propter locos aliquot sacra Scriptura, qui sine quadam observatione numeralium elementorum commodè explicari nequeunt. Inter reliquos autem locos ait maximè insignem esse locum ex cap. 13. Apocalypseos, quem suprà cap. 7. circa finem adduximus inter exempla Isopsiphiae: cujus quidem loci arithmeticas litteras diligenter nos considerare, & supputare jubet Spiritus sanctus, ut ibi vidimus.

ANNOTATIO.

Neg, hic auctor ergo damnat universam Cabalam, sed solum superstitiosam & impiam, ob malos fines, propter quos adhibetur ab aliquibus; aut ob errores, superstitiones, mendacia, quibus ab aliquibus sadata est. Quae autem de Gematria, Notariaca, & Themura dicit, nostrae ac verae sententiae omnino congruunt, ut infrà videbimus.

CAPUT XXV.

Judicium & Crisis Benedicti Pererii de Cabala.

P Benedictus Pererius, Valentinus, vir è Societate nostra notissima doctrinae, quam multis à se scriptis Libris mundo manifestavit, lib. 1. de Magia, cap. 10. quod *De magia Cabalistica* inscribit, hæc enuntiat de Cabala, universim, & nullâ distinctione præmissâ, sumpta.

Sed venio ad Cabalisticam, quam Philosophi quidam Judaeorum, & de nostris nonnulli vanitatis magis quam veritatis studiosi,
& res

& res curiosas atq; inauditas, quàm veras & solidas discendi avidiores, affirmant scientiam esse Mosi primùm à DEO in monte Syna traditam: deinde non quidem litterarum monumentis, sed ore tenus à prioribus, per quandam veluti manuum traditionem & receptionem, posteris traditam, adhuc fuisse conservatam; ideoque dictam esse Cabala, quod verbum hebraicè idem sonat quod latine receptio; nimirum eam doctrinam posteriores à prioribus ore tenus auditione accipiebant, & animo memoriâq; custodiebant. Quae etiam ratione ferunt veteres, disciplinam Pythagoricam multis saeculis esse conservatam.

Complectitur autem hac Magia Cabalistica universam Philosophiam, divinam, & humanam, nec non & naturalem: omniumque rerum doctrinam mysticè ac symbolicè continet; non eam more aliarum humanarum disciplinarum rationibus & argumentis, disputationibusq; tractans, sed in numeris, figuris, ac symbolis. Itaq; in ea singula littera, figura, nomina, elementa, apices, lineae, puncta, accentus, spiritus, & si quid aliud est minutius, profundissimam quandam & abditissimam ingentium rerum significatricem, doctrinam habent.

Hanc Magiam qui bene teneat, eum nihil non pollere ajunt, omnia scire & praeire, natura imperare, cunctasq; res ei obedire: hac Moesen prodigia illa fecisse in Aegypto & in deserto: hac Josue, Eliam, Eliseum, Isaiam, Danielelem, Samuelem tot tantaeque fecisse miracula. Dicunt enim, nomina quae DEUS per Adamum cunctis rebus secundum suas cujusque rei proprietates imposuit, fuisse hebraica, quibus omnium rerum substantia, qualitates, & proprietates exprimantur: quocirca his nominibus naturales res appellanti, confestim res omnes se illi subjiunt, & ejus obsequio se totas addiunt, &c.

Verùm adeo est inerudita, insulsa & ridicula hac Cabalistarum opinio, ut nihil aequè mirum sit quàm ulli hominum sanae mentis aliquando eam probari & persuaderi potuisse. Sed ita est profectò; sunt ingeniorum similiter ut hominum monstra quadam, & portenta, à quibus ejusmodi opinionum commenta & deliramenta proficiuntur. Principiò, nonnè incredibile est, Solem & Lunam, & cetera astra, elementa item, & stirpes, cum ratione careant, divinam illam

illam vim qua latet in vocibus hebrais, sentire, eâq; sic affici & permoveri, ut homini pro ejus arbitrio pareant? Sed esto noverint illam vim, vel omnes res naturales, vel certè animantes, aut homines; num ideo ejusmodi nominum appellatione eas continuò moveri necesse est? Si quis mihi proponeret nomen, totam meam substantiam, omnesq; proprietates perfectissimè declarans, num eo nomine appellatus ab illo, cogerer ejus imperio obsequi, & quacunque ille vellet, facere? Si reconditissimam illam vim & efficaciam vocum hebraeorum, quam jactant Cabalists, paucissimi hominum intelligunt, nec nisi qui illâ eâdem sunt antea initiati; quomodo eam agnoscent & sentient bruta, ceteraq; non ratione modo, sed etiam sensu carentia? Cur tribuunt tantam vim vocibus & characteribus hebraea lingua, quam omnium vetustissimam & primam ferunt, cum certè constet alios esse characteres hebraeos qui nunc extant, quàm qui olim fuerunt ante captivitatem Babylonicam? quod D. Hieronymus in Prologogaleato affirmatè scribit, &c. Nec verum est, in lingua hebraea reperiri voces qua omnium rerum naturas, infimasq; differentias & proprietates exprimant; nec in declarandis rebus uberior est, aut significantior, lingua hebraea, quàm græca vel latina; nec ullum est nomen in ulla lingua, quod simul alicujus rei & substantiam, & differentias, atque proprietates, tam genericas, quàm specificas, atque individuales aperit; nec in vocibus hebrais per se sumptis plura, majorave latent mysteria, quàm vel in græcis, vel in latinis. Legimus in Scriptura, quomodo Moses & Aaron per virgam eis à DEO traditam plurima maximaq; fecerint prodigia. Legimus Josue retinuisse cursum Solis, & Luna, cum dixisset, Sol, contra Gabaon nemovearis, & Luna contra vallem Acalon, &c. Narratur etiam Samuelis, Elia, Elisai, & Danielis miracula. Nec tamen usquam de istis Cabalisticis mysteriis ulla mentio, aut verbum fit. Si tanta est Cabalistica Magia vis & potestas, ut cælis imperet, Solem sistere aut retrocedere cogat, maria dividat, flumina siccet, totamq; Naturam commutet, & sibi ad nutum obedire faciat; cur isti sapientes Cabalists, ejus artis peritissimi, talia nunquam patrârunt, vel etiam nunc patrare possunt? Certè Philosophi Judeorum, qui sibi hanc sapientiam arrogant, si quid eâ pollerent, ad excutiendum ju-

gum durissima servitutis, quo miseri jam mille & quingentis annis oppressi tenentur, uti debuissent. Hæc Pererius.

CAPUT XXVI.

*Judicium & Crisis Cornelii Agrippæ de
Cabala.*

His similia habet *Henricus Cornelius Agrippa* in Declamatione de vanitate scientiarum, cap. 47. ubi ait:

Verum occurrunt hic mihi verba Plinii, qui, Est & alia, inquit, magices factio, à Moysè etiamnum & Latopæa Judæis pendens. Quæ verba me de Cabala Judæorum commovefaciunt, quam in monte Sina à DEO ipso Moysi datam, penes Hebræos constans opinio est; ac deinceps per successionum gradus citra litterarum monumenta, usque in Ezra tempora posterioribus solâ vivâ voce traditam, &c. unde Cabala ab Hebræis, quasi solo auditu unius ab altero receptio nuncupata est. Ars, ut refertur, per vetusta, nomen autem non nisi recentibus temporibus apud Christianos cognitum.

*Ejus verò duplicem tradunt scientiam. Unam de Bresith, quàm & Cosmo'ogiam vocant, videlicet rerum creatarum naturalium & cælestium vires explicantem, & Legis Bibliæq; arcana Philosophicus rationibus exponentem. Quæ profectò hac ratione nihil differt à Magia naturali, in qua Salomonem regem præstitisse credimus. Legitur namque in sacris Hebræorum historiis, illum disputare solitum à cedro Libani, usque ad hyssopum; item de jumentis, volucris, reptilibus, & piscibus. Quæ omnia magicas quasdam Naturæ vires præ se ferre possunt. Ipse quoque inter posteriores Moyses Ægyptius, in Expositionibus suis super Pentateuchum, & plures Thalmudistæ hanc infecuti sunt. Alteram verò ejus scientiam vocant de Mercaua, quæ est de sublimioribus Divinarum Angelicarum virtutum, ac sacrorum nominum, & signaculorum contemplationibus quædam quasi symbolica Theologia, in qua littera, numeri, figura, res, & nomina, & elementorum apices, ac
linea*

linea, puncta, & accentus, nomina sunt profundissimarum rerum, & magnorum arcanorum significativa. Hanc rursus bifariam secant: in Arithmantiam videlicet, quæ Notariæcon vocatur, de Angelorum virtutibus, nominibus signaculisq; , etiam demonum ac animarum conditionibus tractans: atque in Theomantiam, quæ divina majestatis mysteria, emanationes, sacræq; nomina, & pentacula scrutatur. Quam qui nōrit, hunc ajunt admirandis pollere virtutibus, ita quod dum velit, futura omnia præsciat, toti Naturæ imperet, in demones & Angelos jus habeat, & miracula faciat. Hac putant Moysen tot signa edidisse, virgam in colubrum, aquas in sanguinem vertisse; ranas, muscas, pediculos, locustas, bruchos, ignem, cum grandine, vesicas, & tabes Egyptiis immisisse; primogenitum omne ab homine usque ad pecus interemisisse; suosq; deducentem, mare aperuisse, fontem de petra, coturnices de cælo produxisse, aquas amaras dulcorasse; fulgura & nubes per diem, columnam ignis per noctem præmisisse; vocem DEI viventis ad populum è cælis devocasse; arrogantes igne, murmurantes leprâ percussisse; male merentes subitâ strage, alios terra hiatus absorptos affecisse, populum cælesti cibo pavisse, serpentes placasse, venenatos curasse, numerosam turbam ab infirmitate, vestes eorum à corrosione conservasse, & hostium vittricem reddidisse. Hac denique miraculorum arte & Josue stare solem præcepisse, Eliam ignem in adversarios è cælo devocasse, puerum mortuum vitæ restituisse; Daniele leonum ora perstrinxisse; tres pueros incendio aestuantis incendii carmina luisse. Porro hæc arte adstruunt perfidi Judæi, olim CHRISTUM tam admiranda sæpe fecisse. Salomonem quoque hanc percalluisse, atque ex ea artem, contra demones, eorundemq; vincula & conjurationum modos, ac contra morbos, excantamenta tradidisse, ut auctor est Josephus.

Verum ego DEUM Moysi caterisq; Prophetis multa, quæ continerentur sub cortice verborum Legis, profano vulgo non communicanda mysteria retexuisse, ut non dubito, sic hanc quam jactant Hebræi Cabala artem, quam ego multo labore aliquando scrutatus sum, non nisi meram superstitionis rapsodiam, ac

Theurgicam quandam Magiam agnosco. Quod si (quod Judaei astant) à Deo profecta, ad vitam perfectionem, ad hominum salutem, ad Dei cultum, ad intelligentiam veritatem conduceret; profectò Spiritus ille veritatis, qui repudiata Synagogâ venit nos docere omnem veritatem, hancusque in hac postrema tempora, suam non celasset Ecclesiam: qua profectò omnia novit, qua sunt DEI, cujus benedictio, baptismus, ceteraq; salutis Sacramenta revelata & perfecta sunt in omni lingua. Unicujusque enim linguae par est & eadem virtus, modò par sit & eadem pietas: nec est aliud nomen in cælis, nec in terra, in quo oporteat nos salvos fieri, & in quo operemur virtutem, præter unum nomen JESU, in quo recapitulantur & continentur omnia. Hinc Judaei in divinis nominibus peritissimi, parum aut nihil post Christum operari possunt, sicut prisca illorum Patres.

Quod autem experimur, & videmus, hujus artis (ut vocant) revolutionibus saepe miras magnorum mysteriorum è sacris Litteris extorqueri sententias, totum hoc nihil aliud est quàm lusus quidam allegoriarum, quas otiosi homines, in singulis litteris, & punctis, & numeris occupati (quod hæc lingua, & scribendi ritus facile patiuntur) pro eorum arbitrio fingunt atque refingunt. Quæ etsi nonnunquam magna sonent mysteria, nihil tamen probare, nec evincere queunt: quin juxta verba Gregorii eadem facilitate contemnere liceat, quæ asseruntur. Confinxit simili artificio pleraque Rabanus monachus, sed latinis characteribus & versibus, insertis variis imaginibus; qui quaquaversus lecti, per quolibet superficiei ac imaginum lineamenta, sacrum aliquod denuntiant mysterium, depicta illic historia representativum. Quæ etiam ex profanis litteris extorqueri posse, nemo ignorat, qui Valerius Proba ex Virgilii carminibus compositos de Christo centones legerit. Quæ omnia, & ejusmodi, sunt speculationes otiosorum hominum.

Quod autem ad miraculorum operationem attinet, neminem vestrum puto tam stolidæ cervicis, qui de iis credat aliquam haberi artem, vel scientiam.

Est itaque nihil aliud hæc Judæorum Cabala, quàm perniciosissima quadam superstitio, quæ verba, & nomina, & litteras, spar-
sim

sim in Scriptura positas, pro arbitrio suo colligunt, dividunt, transferunt; & alterum ex altero facientes, solvunt membra veritatis; sermones, inductiones, & parabolas hinc inde ex propriis fictionibus construentes, aptare illis volunt eloquia DEI, infamantes Scripturas, & dicentes sua figmenta ex illis constare: calumniantur legem DEI, & per impudenter extortas supputationes dictionum, syllabarum, litterarum, numerorum, tentant violentas & blasphemias perfidia sua inferre probationes. Præterea iis nugus inflati, ineffabilia DEI mysteria, & quæ sunt supra Scripturam arcana, sese invenire & sive jactant, per quæ etiam prophetare, & virtutes ac miracula se perficere, sine rubore, magnâq; audacia mentiri non erubescunt, &c.

Hæc & alia nonnulla Agrippa loc. cit. Idem tamen in Libello detriplici ratione cognoscendi DEUM, cap. 4. fatetur, constare ex sententiis Hebræorum Magistorum, Christianorumque Doctorum, Moyfi præter Legem illam, quam DEUS dedit illi in monte Syna, quamque ille quinque libris scriptam reliquit, revelatam quoque fuisse ab ipso DEO veram Legis expositionem, cum manifestatione omnium mysteriorum & secretorum, quæ sub Legis cortice & rudi facie verborum continentur; hancque ultimam scientiam non scripisse, sed solum septuaginta sapientibus communicasse vivâ voce, præcepisseque ut quisque eorum, eandem ordine perpetuo suis successoribus vivâ voce revelaret. Et ob hanc vivæ vocis successivam traditionem dictam illam fuisse *Cabalam*. Hanc autem Cabalam, post restitutionem Judæorum à Babylonica captivitate, per Cyrum regem Persarum, & restaurato templo sub Zorobabel per Esdram, primùm scriptis mandatam fuisse, & in septuaginta volumina redactam, uti narravimus suprâ cap. 3. Addit, eam continere ineffabilem de supersubstantiali Deitate Theologiam; exactam de Angelis Metaphysicam; firmissimam de Mundo corporeo, rebusque naturalibus Philosophiam. Agnoscit ergo veram aliquam atque legitimam Cabalam.

ANNOTATIO.

Legerat Pererium, ac fortassis etiam Agrippam, meus olim in Philosophia, in hac Herbipolensi Universitate, Professor, quando in Thesibus disputationi publicæ propositis scripsit (ut retuli in Physica Curiosolib. 12. cap. 1. Corollario I.) Cabalam fœtere, jam satis vanitatis promissorum tantorum & falsitatis convictam. Quam thesén cum legisset P. Athanasius Kircherus (quem loc. cit. Annotati-
one ad Corollarium I. nomine viri doctissimi, & in Cabala versatissi-
mi innui) meus eodem tempore & loco in Mathematicis Professor; strenue adlaboravit ut cassaretur, quoniam contraria erat opinio-
nis. Poterant tamen conciliari inter sese, distinctione adhibitâ,
ut ex sequentibus patebit.

Plura aliorum judicia, ut Johannis Pici, Nicolai Serarii, Maximiliani Sandæi, Joannis Bonfrerii, Theophyli Raynaudî, Eusebii Nierembergii, Athanasii Kircheri, referemus in se-
quentibus.

CAPUT XXVII.

Nostrum iudicium & Crisis de Cabala.

*Judicium
nostrum de
Cabala.*

EX dictis hactenus non erit difficile formare sincerum ac ve-
rum iudicium de Cabala; quod claritatis gratiâ sequentibus
Assertionibus propono.

ASSERTIO I.

*Cabala Mosaica, & Esdræa, proba est,
nec prohibita.*

*Cabala Mo-
saica, & Es-
dræa, bona
est, & non
prohibita.*

JAm diximus suprâ cap. 2. & sæpe alibi, Moysen in monte Sina
duplicem accepisse Legem, unam litteralem, alteram spiritua-
lem; illam scripsisse, & divino jussu omnibus communicasse;
hanc

hanc verò jussum esse non scribere, sed Sapientibus duntaxat qui septuaginta erant, communicare, addito mandato ne & ipsi eam scriberent, sed aliis vivâ voce traderent. Qua de causa lex illa spiritalis, appellata fuit *Cabala*. Servata fuit hæc verbalis traditio ac receptio illius legis ac doctrinæ, usque ad reditum Judæorum è captivitate Babylonica; quando eam Esdras cum concilio magno septuaginta Seniorum in septuaginta libros, juxta Seniorum numerum, optimo consilio congeffit. Addidimus, in hæc sententia esse non solum Rabbinos plurimos, & antiquissimos, ut sunt Rabbi Eleazar, Rabbi Moyſes Ægyptius, Rabbi Simeon Benlagis, Rabbi Ismael, Rabbi Jodan, Rabbi Nachinam, aliique quos refert Picus, & Serarius; sed etiam nonnullos ex antiquis Patribus, quos ibi citavimus, allato etiam loco ex cap. 14. libri 4. Esdræ.

Hæc autem Cabala utique *optima & laudatissima est*. Quid enim (inquit Serarius in cap. 10. Josue quæst. 2.) *vel DEUS, vel sancti isti traderent vel acciperent, nisi optimum & laudatissimum?* Eadem est sententia *Sixti Senensis* lib. 2. Biblioth. loco citato à nobis cap. 24. *Jansenii* in Concord. Evangel. cap. 146. *Joannis Pici* Mirandulani in Apolog. quæst. 5. *Maximiliani Sandei* lib. 2. Theol. Myst. Comment. 15. *Reuchlini*, *Riccii*, *Galatini*, *Joannis Bonfrerii* in Prolegom. Sacræ Scripturæ cap. 21. Sect. 2. & aliorum passim.

Certum ergo est, hanc Cabalam non fuisse ab Inquisitoribus Romanis prohibitam.

Fuit porrò hoc genus Cabalæ Catholicis ferè (si paucos ex antiquis suprâ cap. 2. citatis excipias) incognitum, usque ad tempora Joannis Pici jam citati, viri sanè pii, & docti, qui primus præcedenti sæculo repertis apud Judæos, & magno pretio comparatis illius antiquioris Cabalæ libris, Latinis auribus specimen aliquod donare conatus est, teste *Reuchlino*, *Riccio*, *Galatino* lib. 1. cap. 6. *Rhodigino* lib. 10. cap. 1. *Petro Gregorio* lib. 12. Reipubl. cap. 5. & alius passim. Quod & ipse Picus de seipso enuntiat loc. cit.

Idem Picus loc. cit. ait, in dictis Cabalistarum libris nil nisi sacrum & catholicum contineri, eosque libros esse aptissimos ad convincendam Judæorum perviciam, fideique nostræ dogmata contra ipsos stabilienda. Ex iis excerpfit multas Conclusiones, obscuras illas quidem, & ænigmatibus similes, veras tamen & catholicas: quas interpretatur fusè & doctè Archangelus de Burgo-novo Minorita.

Cabala vera non arctatur ad sensum anagogicum Scripturæ.

Ex quibus conclusionibus deducit P. Joannes Bonfrerius loc. cit. *Primò*, non bene arctari à Pico, Galatino, & aliis, eam Cabalam ad solum sensum anagogicum Scripturæ, sed extendi etiam ad allegoricum. *Si enim*, inquit, *verum est, Moysi revelata fuisse omnia Legis secreta & mysteria; quis neget, ea quæ ad allegoricum sensum pertinent, & Christum, ejus passionem, Eucharistiam, Sacramenta alia in Veteri Lege adumbrârunt, eum agnovisse? Lege ipsum Bonfrerium.*

Cabalistica interpretatio Scripturæ obscura.

Deducit *Secundò*, plurimùm differre modum tradendi mysticos sensus in Cabala, ab eo quem servant Patres & Catholici in tradendis istis sensibus mysticis: hi enim apertis verbis rem explicant, illi obscuris sententiis, & quasi ænigmatibus, eam involvunt, adeo ut qui Cabalam illam nescit, etiamsi legat Legis interpretationem cabalisticè factam, eam tamen non intelligat, quia ignorat, quid sibi velint symbola illa quibus res involvunt.

COROLLARIUM.

EX dictis colligitur, Benedicti Pererii Censuram, si universim de tota Cabala loquitur (uti revera loquitur) esse æquo acerbio-rem, & nequaquam approbandam. Idem dicendum de aliis qui similes censuras proferunt.

ASSERTIO II.

Cabala Gematriæ, Notariacæ, & Themuræ,

sunt secundùm se indifferentes; nec videntur esse prohibita.

Cabala Gematriæ, Notariacæ, & Themuræ sunt indifferentes.

EX dictis totâ part. 2. à cap. 7. usque ad 10. inclusive constat, tres enumeratas Cabalæ species in multis non admodum dissimi-
les

les esse ei artificio, quod apud Græcos & Latinos cernitur in Logogryphis, aliisque similibus; ac proinde nihil ferè aliud esse, quam amœnam quandam ingenii exercitationem.

Hæc autem Cabala, si ad sacram Scripturam interpretandam, vel ejus mysteria rimanda adhibetur, non potest universim rejici, quandoquidem & Scriptura, & Sancti Patres eâ utuntur, & nobis occasionem dant ut illa mysteria rimemur, ut patet ex allatis, citato loco exemplis.

Indifferens ergo est secundum se, & potest ratione objecti ac materiæ usurpari benè, & malè. Si quis enim è Scriptura sacra exprimat illo artificio pias sententias; laudem meretur: si impias, hæreticas, blasphemias; vituperium.

Quare non videtur hæc Cabala prohibita fuisse ab Ecclesia, cum & Sancti Patres eâ fuerint usi, ut citatis locis vidimus; & nos piè ac laudabiliter eâ uti possimus. Saltem usus ejus non est prohibitus, sed abusus.

Excedit ergo judicium Genebrardi citati cap. 23. circa hanc Cabalam. Tamen si enim verum sit in ea plurimum esse vanitatis, eaque, prout nunc à Judæis plerisque usurpatur, inepta, vana, stulta ars vocari possit; universim tamen ita non est appellanda, nisi & Scripturam, & Sanctos Patres damnare velimus.

Nostræ Assertioni adstipulantur sequentes *Sixtus Senensis* lib. 3. Biblioth. citato suprâ cap. 24. ait, se non damnare eos qui moderatè & aptè illâ utuntur. *Nicolaus Serarius* in cap. 10. Josue quæst. 2. num. 8. in fine ait, esse istius generis Cabalæ, non quidem sacra, certa, necessaria; bella tamen, & ingenii solertiæque plena. *P. Theophylus Raynaudus* in Erotematis de libris bonis & malis, Partitione 1. Erotem. 13. postquàm retulisset multa exempla hujus Cabalæ, concludit in fine, manifestè ex iis monstrari, *negotiationes aliquas Cabalisticas posse vitio carere, nec libros quosvis Cabalisticos posse suffixioni patere.* Nobiscum sentit etiam *Bonfrerius* loc. cit.

ASSERTIO III.

Artificium Gabalæ Gematricæ, Notariacæ, &

*Themuræ, ad rimanda Scripturæ mysteria, non
est solidum.*

*Gabalæ Ge-
matricæ,
Notariacæ,
Themuræ
artificium
non est so-
lidum pro
Scripturæ
interpreta-
tione.*

*Alabastræ
expositio
Scripturæ
Cabalisticæ
notatur.*

ITa expressè sentit Joannes Morinus, Eusebius Nierembergius, Kircherus, Bonfrerius, aliique plerique ex jam citatis. Præter ea, inquit Bonfrerius, quæ à Patribus, Scripturæq; in hoc genere suggeruntur, vel in quibus præbetur aditus fundamentumq; aliquod rimandi hoc artificio mysterium, ferè in hoc genere nihil esse solidum ad vera sensa seu mysteria Scripturæ exprimenda, sed ut plurimum operam hanc esse vanam, inutilem, & infructuosam: multo magis si quolibet quis extrudere conetur quidlibet. Quod nuper fecit incluse nimis & irreligiosè Guilielmus Alabaster, qui in illo suo Apparatu ex inanibus hujusmodi fundamentis, ne dicam quisquiliis, sonatus est nobis suam mysticam Theologiam, & (ita ipse vocat) interiorem Scripturæ sensum ac medullam (re ipsa aliud nihil quàm deliramenta & somnia) exprimere. Quæ ex re malè audit, & Romæ censoriam Ecclesiæ virgulam meritò expertus est. Quis enim ferat, quempiam in re tam seria, Scripturæ inquam interpretatione, pro probatis mercibus vendere, quæ ipse parum sano cerebro deliraret? Quis ferat, in Gedeonis Madianitis adorientis historia hydrias in campanulas, lampades in campanæ plectra seu linguas portentosa metamorphosi transformari? &c. Quis non rideat, in Samsonis historia examen apum esse vel Religiosos, vel nescio quas mysticas intelligentias rerum vocumq; universales; mel earundem intelligentias singulares, vel anigma; Thamnata esse modò Legem, modò Legis evacuationem; vineas annotationem propositionum universalium; catulum leoninum, præceptum prohibitorium; leonem, divinam Legem; leonem discerptum, Legem diffusam seu penetratam; Spiritum DEI intelligentiam Scripturæ; manum esse intentionem mentis; cadaver Leonis, Legem occisam; Thamnatos juvenes, esse Logicos seu Academicos; & alia plura ejusmodi; & ex his nescio quem contextum Sphyngis grypho obscuriorem exprimere?

primere? imò hæc omnia è vocibus Hebraicis, vel vocum divisionibus obtorto collo velle extundere? Quid quod idem Auctor ita somnia Pharaonis, pincernæ, pistoris, Nabuchodonosoris explicet, quasi in vocibus res ipsa significata contineretur; quasi nimirum Pharaonis istig, alii Hebraicos apices & idioma calluerint, vel somnia ipsa non de rerum significatarum symbolis, sed de vocibus & apicibus fuerint? Miror sanè alicui has nugas posse allubescere, quæ non nisi cum temporis iactura, tædio, nausea legi posse videantur. Hactenus Bonfrerius.

Joannes Morinus ostendit exemplis, lubricum esse usum Gematriæ, & bifrontem ad bonum & malum. Inter alia est, quod Cabalistæ Gematrici ex nomine DEI שדי Sadai, faciunt שד, id est, dæmon.

P. Athanasius Kircherus in Oedipo Tom. 2. Classe 4. c. 1. postquam de dictæ Cabalæ tribus speciebus egisset, & multa earum, exempla adduxisset, ita concludit: Vana itaque est omnis hujus Cabalæ pars, & tam in bonum, quàm malum, consonum, & dissonum sensum pro libitu investigatoris detorqueri potest. Sensum enim, quem Cabalistæ ad divinitatis mysteria detorqueant, cur alius quispiam pari pacto ad vana, futilia, & dissona sacris litteris non detorquere possit, non video. Sed rem paucis exemplis declaremus.

ASSERTIO IV.

Primi Modi Gematriæ usus in expositione

sacra Scriptura, non est solidus.

Suprà cap. 7. diximus, Gematriæ duos esse Modos; unum per transpositionem litterarum; alterum per numerorum æqualitatem. Neutrius usus solidus est in sacra Scripturæ expositione. Utrumque probo; primum quidem hæc, secundum verò sequenti Assertionem.

Citato cap. 7. §. 1. in Exemplo IV. diximus, Cabalistas pro voce מלכִי, Melachi, substituere מיכאל, Michaël. Sed cur non potius כמִיאל, Camiel, aut כימאל Kimaël, aut מכִיאל, Makiel, aut יכמאל, Ichamaël?

Rabbi Jacob Auctor Hatturim, commentans primam vocem Geneseos בְּרֵאשִׁית, *Beresith*, versat illam per Gematriam in omnes partes; sed alia longè, quàm Picus Mirandulanus in Exemplo V. citati paulò antè loci, inde mysteria eruit. Ait enim: *Littera Beresith*, בֵּית ראשׁ, caput seu principium domus significant, quasi diceret, domus sanctuarii primi; sicut dicitur solium gloriæ altitudinis à principio, locus sanctificationis nostræ. Alio modo litteræ istæ intelligi possunt (aliter scilicet disposita) אֶבֶת שֵׁרִי, in primo mense Thuri creatus est mundus. Aliter, כְּרָא שֵׁת, duas creavit; quia creavit duas leges, scriptam, & oralem. Aliter, יֵרָא שְׁבִי, coluit Sabbathum; veluti diceret quod propter meritum & honorem Sabbathi creatus est mundus. Aliter, כְּרִית אֵשׁ, fœdus ignis; quia propter fœdus, quod est circumcisio, & propter ignem, quod est lex, facta est gehenna. Aliam adhuc divisionem ejusdem nominis, seu methatesin litterarum habet, quam omitto.

Sed quis non videt, anagrammaticam hanc considerationem esse merum Rabbini istius commentum, cùm multa alia vocabula per earundem litterarum methatesin effingi queant, quæ sensum prorsus contrarium, imo & absonum efficiant?

*Angelica
scriptura in
confessio Re-
gis Baltha-
saris.*

Circa verba illa, quæ scripsit manus Angelica in convivio Balthasaris Chaldaeorum Regis (de quibus suprâ cap. 10. §. 2.) quæ in Hebræo textu sunt, *Mene, Thekel, Phares*; in Chaldaico verò, *Mene, Tekel, Upharsin*, mira fingunt per Gematriæ artificium. *Rabbi Jochanan* censet, ea litteris unicujusque dictionis contrario modo digestis fuisse exarata, sic, *Anam, Anam, Lachath, Nisrephu*, ad dissimulandam Scripturam, ne à Chaldaïs legeretur. *Rabbi Samuel* ait, Angelum dictionem longam וּפְרִסִין *Upharsin*, divisisse in duas, וּפְרִיִן *Uphar Sin*, ut omnes dictiones trilateræ essent; deinde omnes primas litteras harum dictionum, מֵנֶה מֵנֶה תֵּקֶל, *Mene, Mene, Tekel, Uphar Sin*, in hanc unam dictionem conjunxisse, מַמְתָּוִס, *mamthus*; postea omnes secundas in hanc, נַנְצֵפִי, *nancephi*; denique omnes ultimas in hanc, אַאֲלָרָן, *aal-ran*. Alii alia fingunt. *Rabbi Ase* litteras invertit alio modo, & varias dictiones barbaras confingit: mediam enim litteram primo loco collocat, primam secundo, tertiam suo loco retinet, in di-

ctione

atione verò נמא קתל פורסין nihil mover præter *Vau*, quam loco secundo collocat: inde confurgunt hæ voces, נמא קתל פורסין, *Nema, Nema, Kethal, Phursin*. At *Rabbīnus Rab* censet, pro illis verbis quæ in Chaldæo sunt, *Mene, Mene, Tekel, Upharsin*, scriptum fuisse arcanè & per cifram, *Jateth, Jateth, Adec, phugchamet*.

Sed hæc quoque esse mera figmenta Rabbinica, patet ex tanta Auctorum dissonantia. Probabilius est, verba illa fuisse scripta ab Angelo charactere Hebraico antiquo, sive Samaritano, ideoque Chaldæos, qui Assyrio, seu Hebraico Esdræ utebantur, ea legere non potuisse. Plura in hanc rem vide apud Joannem Morinum, & Eusebium Nierembergium lib. 5. de origine sacre script. cap. 15. & 16.

ASSERTIO IV.

Secundi modi Gematria usus in Scriptura

sacra explicatione fallax est.

FAtetur hoc etiam *Aben Ezra* apud Nierembergium lib. 5. cap. 13. de origine sacre Scripturæ, ubi sic loquitur *Aben Ezra*: *Gematria Scriptura non loquitur Gematricè; nam facile posset quilibet pro arbitrio quodvis nomen educere, sive in bonam, sive in malam partem; sed tantum verba intelligenda sunt ut sonant.* Scitè idem comparat ejuscemodi Interpretes noctuis, eò quòd in litteralis sensus splendore cæci sint, & in mysteriorum tenebris perspicaces videri gestiant.

Errores autem manifestos contra sacram Scripturam aliquando committi ejuscemodi usu Gematriæ, ostendit exemplum apud *Rabbi Salamonem Jarki* in cap. 14. Genes. v. 14. ubi dicitur, Abraham vernaculos suos trecentos decem & octo in prælium armasse; citatus autem Rabinus ait, Majores docuisse, Eliezerem Abraham solum adfuisse, eò quòd vocabuli אליעזר *Eliezer* litteræ per Gematriam numero 318. æquivalent.

Elias Levita quoque (ut etiam notavimus supra cap. 7. citato §. 2. in Exemplo III) explicans in Thisbi, cur DEUS à Rabbinis appelletur מקום, *Makom*, id est, Locus, hanc rationem adferre, Pppppp 3 quòd

100 quòd litteræ tam vocis מק, quam vocis יהו, conficiant
 25 186. Sed ut calculus sibi constet, accipiunt posterioris vocabuli
 36 litterarum numeros non simplices, sed quadrata eorum; quo
 25 modo *Jod* valet 100. *He*, 25. *Vau*, 36. *He*, 25. Summa omnium
 186 186.

Solent etiam Cabalistsæ, ut epilogismos suos colligant, & intentum probent, numeros aliquando duplicare, vel triplicare; aliquando aggregato numerum litterarum dictionis addere vel demere; aliquando non simplicium litterarum numerum, sed litteras, ut in Alphabeto scribuntur, conjungere; in omnem se partem vertere, ut quod semel conceperunt, tandem confirmant. Exempla vide apud Nierembergium lib. 5. cap. 13. de origine sacre Scripturæ.

ASSERTIO V.

Notariaca usus in explicatione sacre Scripturæ est incertus, & fortuitus.

*Notariaca
usus in-
cris in Scri-
pturæ expo-
sitione.*

NAM eadem littera potest accommodari ab ingenioso, ut significet plures voces, non tantum in Hebraica, sed etiam in Græca & Latina lingua, ut paret ex exemplis nonnullis supra cap. 8. §. 2. & 3. allatis.

Unde si non falsum, saltem incertum & anceps est, an quatuor litteræ verbi רבי in exemplo 3. capitis 8. §. 1. significant Romanos, Babylonios, Jones, & Medos: cur enim non Rabbinos, Bactrianos, Idumæos, & Moabitas? Cur non alios? Cur multos quatuor nationum, & non plurium, aut pauciorum?

Interpretatio quoque litterarum vocis Hebraicæ *Nimrezeth*, de qua in Exemplo 1. citati capitis & §. est utique figmentum Rabinicum. Nam docti deducunt illam vocem à radice *Marath*, quod significat forte, vehemens, violentum. Quare Pagninus in Thesauro vertit, *Maledictione valde forti*; in Bibliis autem, *vehementi*; Regia vertunt, *roboratâ*; Tigurina, *acerbissimâ*; Septuaginta, *acerbâ*; alii aliter. Quæ omnia complectitur noster Interpretres, dicendo *maledictione pessimâ*. Constat etiam ex Scriptura lib.

ra lib. 2. Regum cap. 16. quibus verbis Semei maledixerit Davidi: dixit enim: *Egredere, egredere vir sanguinum, & vir Belial. Reddidit tibi Dominus universum sanguinem domus Saul, quoniam invasisti regnum pro eo, & dedit Dominus regnum in manu Absalon filii tui: & ecce premunt te mala tua, quoniam vir sanguinum es.*

ASSERTIO VI.

Themuræ usus in Scriptura sacra incertus est.

NAm exempla cap. 9. allata, non persuadent mihi, uti nec *Themuræ* P. Eusebio Nierembergii lib. 5. de orig. sacræ Script. cap. 3. & *usus incertus in Scriptura expositione.* 4. scriptionem per litterarum Alphabeti variam revolutionem & combinationem, in usu esse in sacra Scriptura. Ratio enim propter quam dicitur Jeremias occultasse nomen *Babel*, & substituisse per Alphabetum Athbasticum nomen *Sesach*, ne videlicet expresso Babylonis nomine, Babylonios offenderet, & in se concitaret, valde infirma est, cum sæpius jam idem Propheta in eadem sua Prophetia Babylonis longè duriora explicatissimè prædixerit. Alia ergo de causa appellavit Propheta Babylonem *Sesach*, vel quia nimirum etiam hoc nomine vocabatur, vel quia alludit ad festa apud ipsos celebrari solita, quæ illo nomine nuncupabantur, ut fusè ac doctè explicat *Nierembergii* loc. cit. cap. 4.

Quod septuaginta Interpretes pro *לֵב-כַּמִּי Leb-came*, ponant *כַּשְׁדִּים Chasdim*, hoc est, Chaldæi, non arguit priora verba fuisse à Jeremia Propheta per *Themuræ* artificium posita: fortassis enim textus quo ipsi sunt usi, non primum, sed secundum habebat vocabulum. Symmachus & Aquila nullum mysterium suspicati sunt in primo vocabulo: hic enim vertit, *cor excitantes*; ille vocem Hebraicam *leb-came* retinuit.

ASSERTIO VII.

Gematria, Notariaca, Themura, non videntur esse pars Cabala Mosaica, & Esdrae.

*Gematria,
Notariaca,
Themura,
non videntur
esse pars
Cabala Mosaica.*

Videtur hoc sequi ex dictis: Mosaica enim & Esdræa, quæ originem à DEO habet, à DEO inspirata fuit tanquam modus interpretandi Scripturam: modus autem à Deo traditus non potest esse adeo incertus & anceps, & tam parum solidus.

Fuit igitur dicta Cabala ab otiosis, ingeniosistamen Rabbinis excogitata, qui priorem ac veram Cabalam nescientes, hanc pro illa vendiderunt. Multi etiam Hebræorum, præsertim juniorum, hanc Cabalâ abusi sunt, seu ad blasphemias in Christum & religionem Christianam, seu ad magica & vanas observationes. Facile enim est, ejusmodi sententias per dictam Cabalam à Scriptura verbis extundere, quæ impietatis plena sunt, prout animi affectus trahit, litterarum variâ commutatione, & transpositione; quemadmodum contrâ qui pius est, ex iisdem non difficulter pias sententias exprimet, inquit bene Bonfrerius. Atque hæc causa est, cur hæc Cabala pessimè apud plerosque audiat. Sed hoc ad abusum duntaxat, non ad pium usum est extendendum. Hinc non est prohibita, ut dixi Assertionem 2. quia indifferens est, & ad aliquid servire potest.

ASSERTIO VIII.

Cabala de Mercava prout nunc traditur à Cabalistis, non est Mosaica & Esdrae pura.

*Cabala de
Mercava
non est pura.*

Continet enim multas vanitates, & impietates; & nihil aliud est, quàm (ut loquitur Sixtus Senensis lib. 2. Biblioth.) ementitum quoddam Judaica traditionis genus, quod improbi quidam Judæi à Moyse ex Patribus usque ad ipsos emanasse dicunt, innumeris vanitatibus & falsitatibus refertum, nihil, aut parum à Necromantia distans. Explicat enim mirabili, ac ferè ridiculo modo, secreta

secreta DEI nomina, ipsarumque virtutes occultas, quibus ad ligandos demones, & ad prestigia facienda Necromantici nonnulli apud Judæos utuntur; asserentes Christum hujus artis ope omnia sua miracula edidisse.

Et certè quàm ridiculum ac vanum est, tam multa ac mirabilia, nihilque significantia nomina DEI, & Angelorum, per tam mirabiles Alphabeti Hebraici revolutiones, per versuum ex Scriptura desumptorum descriptiones varias, incipiendo nunc à prima littera usque ad ultimam, nunc ab ultima usque ad primam, confingere, iisque nescio quam vim ad mala avertenda, bonaque impetranda tribuere? Quàm ridicula simul & laboriosa est arboris sephirothicæ dispositio, DEI & Angelorum nominum in ea coordinatio, virtutum variarum à superioribus Sephiris in inferiores per tot ac tam variè dispositos canales diffusio, omnium, entium, præcipuorum humani corporis membrorum, decem DEI præceptorum, per nescio quam analogiam ad decem Emissiones reductio? Quam puerilia & sine ullo fundamento conficta multa alia, quæ ego de Cabala illa in superioribus tractans omisi, & apud P. Kircherum legi fusè possunt?

Non nego, multa in illa contineri, quæ bona ac sancta sunt, atque à DEO per Moysen ad posteros derivata, atque adeo quæ veram atque Mosaicam Cabalam sapiant: at maximam partem eorum quæ continet, conficta esse judico à Rabbiniis, qui veram Cabalam aut penitus non, aut non nisi parcissimè scientes, nugæ suas primum addiderunt, easque deinde per summum nefas ad substitutiones ac magicas operationes traduxerunt.

Sæpe dixi, Cabalam, præsertim hanc de qua nunc agimus, esse Hebræorum Theologiam: quam tamen B. Paulus fabulosam videtur appellare, & devitare jubet, scribendo ad Timotheum Epist. 1. cap. 1. velle enim Apostolum citato loco divitari à Christianis Theologiam fabulosam Judæorum, censet præter D. Chrysostomum, Theophylactum, Oecumenium, Theodoretum, Ambrosium, Augustinum, Athanasium, ex recentioribus Cornelius à Lapide. Talem autem Judæorum Theologiam esse Cabalam vel Solam, vel partem ejus præcipuam, censet citatus Cornelius, & consentit P. Justinianus, & Estius.

ASSERTIO IX.

*Cabala Beresith prout nunc à Cabalistis traditur,
non est vera Mosaisca & Esdraea.*

*Cabala Beresith non
est pura.*

Scatet enim adhuc pluribus vanitatibus, superstitionibus, impietatibus, utens nominibus DEI & Angelorum confictis tanquam amuletis, & periaptis miræ efficaciar, & immiscens inanes Astrologorum persuasiones, ac ceremonias prorsus ridiculas, aliasque ineptias intolerabiles, ut in superioribus ex parte tantum vidimus: piguit enim plures istiusmodi Cabalæ ineptias referre.

Huic Cabalæ maximè quadrant quæ tam acerbè contra omnem scribunt Genebrardus, Sixtus Senensis, Pererius, Agrippa, & alii. Quadrant & illa quæ habet Scaliger Exercit. 355, ubi ait: *Mauritanie Tingitana Magi eâ videntur uti scientiâ, quæ à Judæis Cabala nuncupatur, ab ipsis Zairagia.* Cujus præscriptionibus verissima respondendo, summam Prophetarum opinionem etiam apud Sapientes consequuntur. Ceterum haud ex divinis nominibus, sed ex quadam, quæ litterarum complexu conflatur, coordinatione, quasi miscellâ Planetarum, Luna mansionum, signorum situm, motus, solitudines, discessus, dissidia, & consensiones notant; & tum alia, tum anni universi commoda, atq; incommoda denuntiant ex tempestatibus.

Rectè ergo P. Athanasius Kircherus tum passim in toto suo de Cabala tractatu, tum maximè in fine, contra eam pronuntiat, dicens, si pauca excipias, meritò totius iniquitatis officinam censeri debere ab omnibus iis, qui similia rectæ rationis trutinâ ponderare solent. Meritò idem ibidem asserit, vana & impia esse omnia Cabalistarum, quæ de divinis Angelorumq; nominibus confingunt, deliramenta; vana varia illa amuletorum ex iis composita portenta, utpote unicum innumerarum superstitionum fontem & originem. Unde (subdit idem) non immeritò ab Ecclesiâ veluti execranda proscribitur, à sapientibus exploditur, & cum sortilegis artibus connumeratur, eumq; inter illas meritò locum habet, quem Magia superstitiones, reliquarumq; damnatarum artium monumenta.

ASSERTIO X.

*Cabala Mosaica & Esdraea etiam pura, nunc
non magni estimanda.*

Consistebat enim præcipuè in Scripturæ sacrae intellectu, & *Cabala Mo-*
interpretatione allegorica & anagogica, quâ ex verbis & rebus *saica nunc*
in scriptura contentis deveniebant in cognitionem rerum sub *non est ma-*
adventum Messia, & in Ecclesia ab ipso fundata futurarum. Quæ *gni esti-*
res cum ipsis futuræ essent, adeoque obscurissimæ, quoniam sub-
stantiam solam plerumque, non circumstantias singulas nove-
rant; ideo magni, & meritò, ab ipsis æstimabatur talis scientia Ca-
balistica. At cum nunc evenerint omnia, quæ ipsi obscure ac
velut in ænigmate agnoscebant; nos ea longè clariùs ac distin-
ctiùs scimus per fidem, nec indigemus jam Cabalisticis traditioni-
bus. Imò existimo, pueros Christianorum, illis Christianæ do-
ctrinæ præceptionibus imbutos, quibus in scholis ac templis juxta
eorum captum instrui solent, plura nunc scire circa divina myste-
ria, DEUM unum ac trinum, Christum Messiam, ejusque vitam,
actiones, ac doctrinam concernentia, quàm antiqui etiam post
Moysem Theodidactum Judæi per Cabalam sciebant.

Longè ergo plura scivère Apostoli, quibus Christus Magister
scripturas & ore tenus, & per internas inspirationes est interpre-
tatus; & sancti Patres Apostolis coævi, atque ab illis in scripturæ
mysteriis eruditi, & horum successores, cum scripturæ Interpre-
tibus, ac Theologiæ scholasticæ Doctoribus.

Atque hanc puto causam esse, cur apud sanctos Patres, etiam
antiquissimos, vix ullum Cabalæ vestigium appareat, imò vix no-
men ejus extet. Instructi enim ab Apostolis, aut ab Apostolo-
rum immediatis successoribus, Cabalistarum scientiam præ sua
nullam esse, ac insuper superstitionibus, erroribus, vanitati-
bus innumeris à Rabbinis sædatam, meritò
existimabant.

EPILOGUS LIBRI.

Hæc ergo sunt, quæ Hebræorum Rabbini, & omnes qui se gnaros Cabalistas credunt, de Cabalæ efficacia deprædicant, attribuendo ipsi virtutem patrædandi miracula, intelligendi divina omnia atq; humana mysteria, superlunaria ac sublunaria cognoscendi, spiritus bonos ad se trahendi, malos abigendi, creaturas mutas in obsequium suum cogendi, aliq; portentosa atq; magnifica, quæ plenæ buccis deblaterant. Verissimum est, me etiam consentiente, ignarius ignaviusq; hominum genus non esse nunc, quàm Hebræos. Verissimum, nullum ex omnibus Cabalisticis, qui nostro & patrum nostrorum ævo fuere, rem vel unicam portentosam Cabalæ vi perpetrasse.

Vel ergo mentiuntur, qui Cabalam tam magnificè extollunt, vel non intelligunt quid dicant.

Ad nihil ergo nunc prodest etiam vera Cabala, si quæ ejus fragmenta extant, quàm ad Judæorum incredulitatem & pervicaciam circa mysterium Trinitatis, circa Mesiam jam missum, circa prophetarum oracula de Messia, ejusq; Ecclesia, circaque alia similia, convincendam.

INDEX.

INDEX

RERUM PRÆCIPUARUM.

A.

- A**dam primus homo an aliquid scripserit. 556
- Aër gravis est, & ponderari potest, etiam intra aërem. 12
- Aër maximo impetu irruit intra vas evacuatum. 20. E vitro in antliam pneumaticam transit, quia liber ab externo aëre ex antlia extracto dilatat se. 28
- Adhæsiō cum Deo & Angelis quomodo procuretur, per Cabalistas. 1010
- Aerem pressione suâ aquam in altum pellere, probatur. 54. Aër cur comprimat hemispheria vacua. 55. quomodo premit tellurem, cui incumbit. 60. Aëris cylinder tantus in cubiculo, quantus sub dio, incumbit corporibus. 6. Aër in locis altis levior, quàm in humilibus. ibid. Aëris non copia sed perpendicularis pugnatur, & vincitur. ibid. Aër quomodo dicatur jacere horizontaliter. 65. Levior red-ditur, quando pluit, & venti flant. 66
- Aëris dilatatio. 76
- Aër è Recipiente Anglicano descen-dit intra cylindrum evacuatum cum sibilo. 98. Aëris elastica expansio in-tra Recipientem examinatur. 104. 105
- Aëris pressiois exemplum. 112. Aër super corpora aquis immersa gravi-tat. 134. Intra liquores contineri videtur. 138. Aër an possit de novo generari, aut in alia corpora trans-mutari. 139. Aëris expansio & gra-vitas infra aquam exploratur. 148
- Aër premit corpora, quæ ambit. 161
- Aëris pressio iterum stabilitur alio ex-perimento. 163. Aër in Recipiente An-glicano ponderatur. 169
- Aëris nomine quid intelligatur. 216
- aër effluviis variarum rerum plenus est. ibid. & 218. aër corrosivus fer-ri, propter salinas vicinas. 220. aër quid sit. 222. 223. Ejus altitudo. 225
- Suprema regio quousq; extendatur. ibid. aërem gravem esse probatur ex-perimentis. 227. Ponderandi illum varia praxes. ibid. Ratione probatur esse gravem. 229. eum intra aërem ponderari posse negant aliqui. 230. & seqq. Ponderari posse probatur. 232
- Aër an in propria regione gravi-tet. 259. Non est æqualis gravitatis in tota atmosphæra. ibid. Nec circa terram ubiq;. 260. aërem premere a-quam, probatur experimento Magde-burgico. 261. Premere aquam & vi-num, aliis experimentis probatur. 263.
269. Premere hydrargyrum, probatur.

experimento Torricelliano. <i>ibid.</i> Pre-	le.	859
mit corpora liquida. 270. Et solida.	Alphabeti Hebraici varia revolu-	
271. 272. 273. 274. 277. 291. aër an gra-	tiones. 954. Alphabetum Hebraicum	
vitet supra corpora graviora se. 288.	totius naturæ ordinem exhibere di-	
Ejus partes superiores an premant in-	cunt Cabalistsæ. 992	
fiores. 289. aër densus, & inclusus,	Altitudines rerum ex umbra trans-	
gravitat intraminus densum. <i>ibid.</i>	currente venari. 870	
Item intra aërem ejusdem rationis.	Analogia rerum creatarum ad ho-	
<i>ibid.</i>	minem, & ad se invicem. 996	
Aër an sit præditus virtute elasti-	Angelorum septuaginta duorum	
câ. 292. Hac virtus elastica quomodo	nomina ex Cabalistsis. 978. Angelo-	
explicetur. 293. Experimentis proba-	rum nomina in genere. 999. Eorum	
tur. 295. aër intra aquam contentus,	officia, & ordo, secundum nostros, &	
se dilatat. 296. Item intra vesicam	Hebraeos. <i>ibid.</i> Illorum nomina in	
Recipienti inclusam. 297. aër habet	particulari. 1000. Angeli præsidēs	
virtutem elasticam. 298. 331. 332. æ-	Planetarum. <i>ibid.</i> signorum Zodiaci.	
ris nos ambientis pressione cur non	1001. mansionum Lunæ. <i>ibid.</i> clemen-	
sentiamus. 310	torum & ventorum. <i>ibid.</i> eorum no-	
Egyptiorum antiquissimorum scien-	mina ex Scriptura sacra eliciunt Ca-	
tia. 562	balistsæ. 1002. alii ex cæli dispositione.	
Æolopila experimentum. 140. Æo-	1003. arte calculatoriâ. 1004. à rebus,	
lopilas quâ virtute ingreditur aqua.	quibus perficiuntur. 1008. Angeli bo-	
308	ni quomodo alliciantur, mali abigan-	
Æstus marini causa secundum car-	tur juxta Cabalistas. 1009. Angelo-	
tesum. 130	rum cultus apud eosdem. 1015. Ange-	
Æther an detur. 222	lica scriptura in convivio Regis Bal-	
Æther replet omnia spatia. 250	thasaris. 1036	
Ahenum evacuatum tantâ vis for-	Anglicana machina pneumatica. 91	
bet pistillum sibi implantatum, ut à	Ejus Recipiens. 92. ejusdem antlia.	
multis viris retineri nequeat. 42. A-	93. Usus illius. 96. Difficulter eva-	
heni cuprei evacuati mira phenome-	cuatur penitus. 97. & 74	
na. 50	Animalculorum phenomena in	
Alabastris expositio scriptura Caba-	Recipiente Anglicano. 174. 175	
listica notatur. 1034	Antlia pneumatica in experimen-	
Algebraicum problema mirabi-	to Magdeburgico agitari potest, quàm	
	diu	

RE RUM ET PRÆCIPUARUM.

diu lubet 11.28.31. Antlia factoria ascendit ac descendit in Recipiente e-
descriptio. 278. In ea cur aqua ascen-
dat. ibid. & 283. & seqq.

Aqua sursum ascendit intra vas
evacuatum aëre, 14. Cur id fiat. 15
aqua in vase per antliam pneumaticam
extrahitur. ibid. aqua intra caca-
bum aëre vacuum delabente, ascen-
dunt radii lucidi. 18. aqua ascendit
in tubo perpendiculariter erecto. 22
In omnibus tubis Magdeburgicis eva-
cuatis ascendit ad eandem altitudi-
nem, via aëris prementis. 26.34. aqua
in vase irrigatorio cur suspensa ha-
reat. 77. In antliis cur ascendat. 78

Aqua intra tubum vitreum ascen-
dentis ac descendentis phenomena in
machina Anglicana. 131. aqua vi-
detur inesse vis elastica. 132. 133. 154.
aqua aëris particulas habet admix-
tas. 136. Illas exhalat. 137. aqua in
phiala Clavii incorrupta. 139. aqua
inest vis elastica. 154. Intra evacua-
tum Recipientem congelatur. 172. a-
qua intra tubum erectum suspensa ex-
perimentum. 198. Ejus historia ex
Robervallio. 199. Item ex Kirchero,
& Zucchio. 200. Ex Magnano. 202
aqua cur in tubo Magdeburgico a-
scendat ad certam altitudinem. 261
aqua partes superiores an premant in-
feriores. 290. aqua in vase irrigato-
rio quâ virtute hareat suspensa. 302.
304. aqua mineralis mirabilis. 888

Argentum vivum tubo inclusum

vacuato. 123. Ejus rei varia pheno-
mena. ibid. & 129. In tubo Torricel-
liano quâ altè ascendat. 128. Vide-
tur aëris particulas exhalare. 138. Ar-
genti vivi intra fistulam suspensi ex-
perimentum. 185. De illo qui scripse-
rint. ibid. Quomodo fiat. 186. Ejus
phenomena varia. 187. Suspensi in-
tra fistulam altitudo quanta sit. 192
Experimenti quis sit primus Auctor.
193. Argenti vivi in fistula suspensi
altitudo est major in loco humili,
quàm in alto. 206

Argentum vivum in uno tubo ascen-
dit. 207. Cum aqua in tubo minùs al-
tè suspensum manet, quàm sine aqua.
209. Item cum aëre minùs, quàm sine
aëre. 210. Premitur atq; attollitur
ab aqua in siphone erecto. 211. Idem
contingit in tubo duplici. 212. Pene-
trat vitrum, 251. Illi insunt multi
spiritus. 252, 253

Argentum vivum in tubo Torricel-
liano non manet suspensum metu va-
cui. 265. Sed propter pressionem aëris
externi. 266. Cur nutet sursum ac
deorsum in eodem tubo. ibid. Cur ad
eundem communem horizontem in o-
mnibus tubis descendat, aliâq; ejus
phenomena ostendat. 267. & seqq.

Arithmeticarum notarum per la-
tinas litteras origo. 583. vulgarium
notarum origo. 540

Artificium novum linguarum. 483

& seqq.

- & seqq. Usus ejus explicatur. 500. & seqq. Artificium illud quæ reddant difficile. 502. Judicium de illo. 504. Artificium aliud novum linguarum. 505. & seqq. Commendatur. 527. Ejus compendium. 528.
- Artis scriptoriae origo, præstantia, alia & similia. 547. & seqq. Atmosphaera quid sit. 224.
- B.
- B** Aliani sententia de pressione aëris. 310. Basileensis fons hydraulico-pneumaticus, ejusque constructio, scrutinium, & alia. 317. & seqq. mura sunt indifferentes. ibid. Eorum artificium non est solidum pro Bullæ ex aqua communi, & ex aqua Scripturae interpretatione. 1034. Illa distillata, inaequali copiâ educuntur non videntur esse pars Cabala Mosai-per antliam Anglicanam. 143.
- C.
- C** Abala ab aliis laudatur, ab aliis vituperatur. 896. Cabala etymon. 903. Definitio. 904. Origo. 905. & seqq. Cabala à Rabbiniis corrupta. 911. Eam tradidit Moyses Josue. ib. Non ducit originem ab Adam. 912. Moyses eam accepit à Deo. ibid. Cabalistici libri. ibid. & 913. Cabala divisiones varia. 913. & seqq. Cabala fundamentum praeipuum. 917. Fundamentum alterum. 923. Cabala Gematriaca. 937. & seqq. Cabala Notariaca. 948. Ejus exempla Hebraica. 949. Græca. 950. Latina. 953. Cabala Mercava. 961. Versatur circa cognitionem Dei. ibid. Cabala Beresith in quo consistat. 990. Cabala Astrologica in quo consistat. 1013. Cabala cur odiosa sit reddita. 1018. de Cabala judicium Genebrardi. 1019. Sixti Senensis. 1021. Benedicti Pererii. 1023. Cornelii Agrippa. 1026. nostrum. 1030. Cabala Mosaica, & Esdrae, bona est, & non prohibita. ibid. Cabala vera non arctatur ad sensum anagogicum Scripturae. 1032. Cabalistica interpretatio Scripturae obscura. ibid. Cabala Gematria, Notariaca, & The- & alia. 317. & seqq. mura sunt indifferentes. ibid. Eorum artificium non est solidum pro Scripturae interpretatione. 1034. Illa distillata, inaequali copiâ educuntur non videntur esse pars Cabala Mosai-per antliam Anglicanam. 143.
- Cabala de Mercava non est pura. ibid. Cabala Beresith non est pura. 1042. Cabala Mosaica nunc non est magni estimanda. 1043.
- Cacabus evacuatorius. 17. Aqua intra eum aëre vacuum descendente, ascendant radii lucidi. 18. Cacabus aquaticus. 393.
- Candela in evacuato Recipiente extinguitur. 22. 113.
- Carbonum fossilium fuligines per aërem volitant. 220.
- Catoptricum spectaculum novum. Viennense. 835. Aliud Augustanum. 836.
- Character ad clavem universalem idioma-

RERUM PRÆCIPUARUM.

idiomatum necessarius. 516. Chara
cter Samaritanus & Assyrius olim in
usu apud Judeos. 934. Caractere
Assyrio etiam à principio fuit exara-
ta Scriptura sacra. ibid. Characteres
singulis rebus impressi. 998

Chronometria mechanica nova. 618
Chronometrica mensura. 624. Chro-
metrica potentia. 638. Chronometri-
ca pondera. 642. & seqq. Chronome-
trici Indices. 651. & seqq. 655. 657. 662.
664. 666. Chronometrica paradoxa
600. 990. Chronometrici pulsus. 668. &

seqq. Chronometrum horarium per
sphaerulas. 704. Chronometricarum ma-
chinarum ornamenta. 677. & seqq.

Clavis universalis omnium idioma-
tum. 505. & seqq. Ad eam quæ requi-
rantur. 506. & seqq.

Clepsydra exacta. 698. Clepsydra
novo modo constructa. 700. Alio mo-
do. 701. Perpetua. 702

Corallii motus in aqua forti. 155

Cryptographica nonnulla. 542. &
seqq.

Cucurbitulas medicas quâ virtute
subintret caro, & sanguis. 306. 307. 308

Cyclometrica seu Tetragonismi va-
rii. 586. & seqq.

Cylindri phonotæctici. 685

D.

Distantia objectorum an per tubum
opticum deprehendi possint. 857

Drepanti aer corrosivus ferri pro-

pter salinas.

220

E.

Effluvia rerum variarum aëri in-
sunt. 216. & seqq.

Elasmata seu elateres horologio-
rum. 639. eorum phenomena. ibid.
eorundem technasmata. 640

Elater videtur inesse aqua. 133

Embolus ex antlia pneumatica cur
tam difficulter extrahatur. 29

Emplastrum ad lutanda vasa vi-
treæ fracta. 113

Enoch an scripserit librum. 573

Epistola varia Dn. Ottonis Gerickii

Consulis Magdeburgensis. 24 & seqq.

Alia. 36. & seqq. Adhuc alia. 47

Experimentum Magdeburgicum
antiquum. 8. Ad quid conducatur. 24

Experimenta Magdeburgica nova. 35

& seqq. Experimenta Anglicana. 89.

& seqq. Experimenta & phenomena

novæ circa Mercurium tubo inclusum.

128 129. Experimentum novum. 141.

Experimenta varia in variis liquo-
ribus sumpta. 145. Experimenti Tor-

ricelliani quis sit primus Auctor. 193.

Experimenta quibus probant aliqui

Naturam horrere vacuum. 249. Ex-

perimentum Torricellianum hydar-

gyri suspensi examinatur. 264. In eo

Mercurius non manet suspensus metu

vacui. 265. Sed ab aëre externo pre-

mente. 266. Experimenta à Societa-

te Regia Anglicana instituenda. 860

Rrrrr

F. Ferri

A.

Ferri candentis phenomena in Recipiente Anglicano evacuato. 117

Fons hydraulico-pneumaticus Basileensis. 317. Ejus prima idea. ibid. Ejusdem uberior explicatio. 320. Alia illius idea. 321. Fons idem omnibus numeris absolutus. 328. Fontis ejusdem scrutinium. 340

Fonticulus Pragensis. 356. Fonticulus Kircherianus. 358. Fonticulus perenniter fluens, si invertatur. 360. Fons Hieronis ad duplam altitudinem projiciens aquam. 364

Fumus amulatur naturam liquoris. 158

Funis bombardici phenomena in vitro evacuato. 117. & 118

G.

Gematria Cabala species. 937. Duplex est. ibid. & seqq. Exempla illius. 938. Gematria per numeri aequalitatem. 941. & seqq. Gematrie primi modi usus est non solidus in Scriptura expositione. 1035. Secundi modi usus fallax in Scriptura expositione. 1037. Gematria non videtur esse pars Cabala Mosaeica. 1040

Genii proprii hominum, & loco eorum. 1008. Eorum natura quomodo cognoscatur, secundum Cabalistas. 1009

Glans plumbea cur ascendat intra

fistulam erectā, si aer extrahatur. 299

Globus evacuatus in aëre pendens, aeris varietatem indicat. 59. Globi praedicti ventile quomodo construat 60. Globus evacuatus an, & cur in aëre mutato fiat gravior & levior. 63

Grave in aqua levius est, quam in aëre. 62. 63

H.

Hebraicarum litterarum significatio ex Eusebio. 918. ex D. Hieronymo. 919. ex Reuchlino, & Bellarmino. 921. ex Cabalists. 922. Hebraica littera significant numeros. 923

Hemisphaeria cuprea Magdeburgica. 30. 48. • Evacuata aëre divelli à multis equis vix possunt. 38. 48. Vix etiam à magno pondere. 40. 41. 49. eadem facile solâ syringe difflantur, si aërem admittant intro. 41. 48. Hemisphaeria Magdeburgica non sunt vacua. 257

Homo triplex à Cabalists constituitur. 997

Horologium vulgare ope perpendiculari reddere accuratum. 634 Horologio vulgari aliter accommodare perpendicularium. 635. Idem modo facillimo efficere. 637. Horologiorum ictus fortissimos efficere. 673. Horodicticos sonos variis modis adornare. 674. Horometrum stabile longo tempore accuratum. 690. Item portatile. 692. Horometrum tacitum. 693. Ambidextrum. ibid.

RERUM PRÆCIPUARUM.

ibid. Indeficiens. 694. Obsequiosa 358. Kircheri Melitensis specula. 423. horometra. 695. Bellicosa. 696. Pe- & seqq.

regrinantia. 697. Expedita. ibid. Nova.

Horologium rotatile sine vibrationibus librilis. ibid. Cum spherula metallica 707. Cylindricum volubile. 708. Conicum volubile. 710. Troch-leatum.

Horometra perpetua. 713. Eorum fundamenta. 714. Horometra perpetua ope ignis. 717. Ope aeris. 720. Ope aquae. 722. Ope terra & mixtorum.

Hydrargyrum. Vide Argentum vivum. Videtur aeris particulas exhalare.

I.
I*gnis in Recipiente evacuato excitatur.*

Indices chronometrici, motu suo varias figuras describentes. 652. Index chronometricus elliptiformis. 655. Indices optici variis modis constructi. 683

Infinitis pretium statuere. 858. Ingenii præcellentis, & debilis, signum novum. 868. Ingenium filatum, & latum.

Jobi liber à quo fuerit scriptus. 577. Iridem artificialem efficere. 833

K.
K*ircherianum organum Mathematicum. 831. Kircherianus fonticulus.*

L.
L*apides politi sibi mutuo superpositi, cur difficulter divellantur. 77 Liber Enoch & aliorum ante diluvium. 553. Libri Seth. 554. Liber Toleti inventus. 555*

Lingua prima in orbe fuit Hebraica. 549 Liquor mirabilis. 156. Liquores corrosivi in Recipiente Anglicano examinantur. 176. Liquores tepidi in eodem ebulliunt. 178

Loricæ aquatica. 394 Lunares radii humectant, & infrigidant. 221

Lux subita aliquando apparuit in Recipiente Anglicano. 171

M.

M*achina Magdeburgica pneumatica melior est, quam Anglicana.*

57. Machina Magdeburgica recentior constructa. 60. Alio modo constructa ad procurandum vacuum. 67. & seqq.

Machina Magdeburgica melius excludit aërem, quam Anglicana. 75.

Quantum temporis requirat ut evacuetur. ibid. Machina Magdeburgica nova, vacuum exactissime exhibens, ut putatur. 79. & seqq.

Machina pneumatica Anglicana. 91. vide, Anglicana machina. Ejus usus. 96. & seqq.

Machinarum hydraulicarum principia.

- cupia, ex aliquorum sententia.* 314
Machina varia Schroteriana indicantur. 371. *Machina quinq; Schroteriana.* 373. *Machina ad aquas evacuandas.* 380
Macrocosmi idea. 890
Madriti aer tenuis ac subtilis. 221
Magdeburgica machina. Vide Machina Magdeburgica. *Magdeburgicus tubus partim aqua repletus, partim vacuus, ut putatur.* 71
Magnetica acus in Recipiente evacuato movetur. 122
Marmorea dua tabula polita cur sibi mutuo adhaereant. 159
Materia combustibilis in Recipiente evacuato non potuit accendi vitro tur. 386. *Navis Roderodamensis.* 387
caustico. 121
Mechanica opera & effectus mirabiles. 368. *Mechanica laudes.* 369
Melitensis specula P. Athanasii Kircheri. 423. & seqq.
Mercurius. Vide Argentum vivum.
Mibile perpetuum Schroterianum. 374. *Basileense.* 408
Mobile perpetuum artificiale quid sit. 774
Motum horologiorum ordinatum reddere per potentiam irregularem. 639
Motus perpetui Physico-mechanici machinamenta. 730. *Machinamentum primum, per aquam.* 732 & seqq.
Machinamentum secundum, etiam per aquam. 746 & seqq.
Motus perpetui artificialis machinamenta. 772. *Machinamentum primum Polonicum.* 773. *Machinamentum secundum Polonicum.* 820
Moysem litterarum & scriptoriae artis auctorem multifaciunt. 564
Argumenta quibus id probant. 565. *Congruentia ad idem probandum.* 567
Moyse non est scriptoriae artis auctor. 568
Mundus est magnus homo. 940
- ## N.
- N** *avis infra aquas natans an construi possit.* 372. *Navis, quae per aquas non profundas deduci potest.* 377
Navicula, quae ab uno homine agitata. 386. *Navis Drebellii sub aquis navigans.* 390. *Navis Mersenniphantastica ibid.*
Navis Melitensis sine remis & velis. 391. *Navis Antuerpiana cum velo infra aquam.* 392
Ninimonumentum. 560
Nitrum ex eadem terra saepius extrahitur. 218. *Ejus spiritus per aerem volitant.* ibid.
Navis partes superiores comprimunt inferiores. 291
Nomen Dei tetragrammaton. 963
Ejus mysteria in litteris. 966. *in scriptiione.* 968. *in syllabus.* ibid. *Illius aliud mysterium.* 969. *Nomen Dei dodecagrammaton.* 970. *quodnam fuerit.* 971. *tessaracontadagrammaton.* 973. *isodiametron duodecagrammaton.*

RERUM PRÆCIPUARUM.

975. Nominum Dei septuaginta duo- pendiculi vibrationes continuare. 628
rum mysteria ex Cabalisticis. 981. No- Aliter idem efficere. 630. Adhuc ali-
mina Dei omnia in tetragrammato ter. 631. 633
contineri dicuntur. *ibid.*

Nota Tachygraphica antiquorum, rium seu argentum vivum tubo in-
530. Earum inventio, & propagatio. clusum. 129

531. Earumdem forma, & usus. *ibid.* Phiala rotunda tenuis evacuata
Notarii qui per notas scribebant. 532 resistit pressioni aëris. 108. Non rotun-
da, non resistit. 109. Phiala spherica

Notariaca usus inceptus in Scriptu- aëre plena, intra evacuatum vas non
ra expositione. 1038. Notariaca non rumpitur. 110
videtur esse pars Cabala Mosaiica. 1040

O.

Obturaculum in machina Angli- Phœnicum monumentum. 7
cana difficulter extrahitur, eva- 561
cuato recipiente. 99 Physiognomicus character novus
boni ingenii. 866

Oculus hominis & animalium de- Pistillum relabatur cum impetu in-
structus potest reparari ab arte. 893 tra antliam Magdeburgicam, & An-
glicanam. 99. Item difficulter extra-

Opticum phænomenum novum Mo- hitur. 100. Pistillum cur intra eva-
raricum. 837. & seqq. Romanum. 851 cuatum ab eum relabatur. 275. & in-
tra antliam pneumaticam. 277

Ovum vi frigoris disrumpitur. 146 Planetarum apogea. 403. Eorun-
dem excentricitas. 404. Amplitudo

P.

Palingenesia sive resuscitatio her- barum ac florum ex eorum cineri-
bus. 885

Paradoxacyclometrica. 607. Para-
doxa geometrica. 654. Chronometri-
ca. 690

Pendulorum vibrationes intra & Planetologium Rheitanum. 397.
extra Recipientem evacuatum. 150 Ejus schema. *ibid.* & 398. Partes illius.

Perpendiculum, ejusq; affectiones 398 & seqq. Partium ejusdem synopsis.
nonnullæ. 623. Perpendiculum ad 401. Planetologii planisphæria. 402

mensuram temporum accommodare. Planisphæriorum planetarum con-
625. Aliter idem præstare. 627. Per- structio. 406. Planisphærii Luna con-
stru-

structio.

Ponderantur corpora in evacuato seqq. *Fuit tamen ante Moysen.* 568.
Recipiente Anglicano 165. *Pondera* Ab Adamo incepit. 570
chronometricorum instrumentorum. *Scriptura hieroglyphica, & alpha-*
 642. *Pondera chronometrica sphaerica betaria.* 573. *Scriptura sacra ante*
volubilia. 646 648 *Esdram fuit scripta Hebraico chara-*

Puer Syringe aërem ex aheni elicit. 925. *an Samaritano?* 928. *an*
ciens, ingens pondus elevat. 44. 51 *Affyrio seu Esdrao?* 932

Pulvis nitræ in Recipiente accen-
ditur. 120 *Sephiroth Hebraorum.* 983. *Earum*
origo. ibid. nomina, & cognomina. 984

Purgativum pharmacum per ve-
nam apertam infusum purgat. 891 *Cabalistarum aliquorum nugæ circa*
decem sephiroth. 985. & seqq. *Sephira-*
rum inanitas. 989

R.

Recipientis vitrei evacuati phano-
mena. 49. *Recipiens machina*
Anglicana, ejusq. partes. 92. *Diffi-*
cultus evacuatur penitus. 97 *explicatio.* *ibid. & seqq.*

Recipiens Magdeburgicus non est
verè vacuum. 255. 257 *Sigilla Planetarum.* 1016. *Signo-*
rum Zodiacorum. *ibid.*

Rota varia pro horometricis instru-
mentis. 620 *Silva abietum intra phialam vi-*
tream. 888

S.

Samaritanus character quinam sit.
 926 seqq.

Sanguinis circulatio in corpore ani-
malis. 891 *Sonus in Recipiente evacuato.* 152.

Scala sphaerophora. 648 *Sonus campanula in tubo Bertiano,*

Scientia Adamo infusa à Deo. 997 254. *Sonos horodicticos variis modis*

• *Sclopetum pneumaticum novum.* 881 *adornare.* 674. *Sonos excitatorios*
Scriptoriae artis præstantia. 547. *In-* *procurare.* 675

ventio ipsius tribuitur variis. 549. *He-* *Spiræ descriptio.* 413

braeis videtur tribuenda. ibid. An an-
te diluvium fuerit. 553. *Multi Moy-* *Statua lignea, aëri innatans, aëris*
gravitatem & levitatem indicat. 45.

RERUM PRÆCIPUARUM.

52. *Alia aëris calorem & frigus indicans.* 46. *Statua in aëre harena, & aëris mutationem indicans, quomodo fit.*

Steganographicum artificium. 528
Stratagemata cujusdam Poloni. 396

T.

Tachygraphia antiqua. 530. & seqq.
Nova. 533. & seqq. *Tachygraphia arithmetica.*

Teledioptrice nova admiranda. 853

Terra virgo spontè producit herbas.

Tetragonismi seu Quadratura circuli conamina varia. 583. *conaminum Moguntinum.* 586. *Siculum.* 590. *Anglicum.* 593. *Germanicum.* 595. *Romanum.* 599. *Olomucense.* 604. *Viennense.*

Thau littera Hebraica quâ olim figurâ fuerit formata.

Themura Cabala species. 954. *Exemplum illius.* 956. *Ejus usus incertus in Scripturae expositione.* 1039. *Themura non videtur esse pars Cabala Mosaisca.*

Thermometri in Recipiente Anglicano phenomena. 173. *Thermometrum novum Magdeburgicum.* 871

Tubus Torricellianus non est vere vacuus. 252. *Nectubus Bertianus.* 254

V.

Vacuus nomine quid intelligant aliqui. 30. 98. *Vacuum an sit naturaliter possibile, disceptatur.* 246. *Dari natura viribus non posse, aliqui probant.* 247. *Dari posse multis experimentis probant alii.* 248. 249. *Vacuum casu invenisse se putat nonnemo.* 31. *Ejusdem modus illud procurandi.* 60. *Vapores & fumi cur in aëre ascendant.*

Vas evacuatum aëre levius est, quam plenum aëre. 11. *Vas non sphaericum non sustinet evacuationem ab aëre, sphaericum sustinet.*

Venti, nebulae, & nubes exhibentur experimento Magdeburgico. 21. 56. *Venti devehunt secum qualitates locorum, qua transeunt.*

Vesica flaccida extenditur in Recipiente evacuato. 101. 166. *Item in tubis hydrargyro plenis, hydrargyro defluente.* 205. *Rumpitur turgescens in Recipiente Anglicano.*

Vitrum habet poros. 251. *Vitrum sphaericum cur non rumpatur, non sphaericum rumpatur, quando evacuantur.*

Ungentum pro corio ungendo, ne aqua penetret.

F I N I S.



Catalogus Erratorum.

<i>Pag.</i>	<i>Lin.</i>	<i>Errata.</i>	<i>Correcta.</i>
10	2	ventile H versus G	ventile G versus H.
16	21	aqua	aquam
49	9	uno L	unco L
85	32	elatore,	elatore
89	16	temporis	temporibus
94	8	pistillo, sutorio	pistillo sutorio
96	14	ut Embolus	tam ut Embolus
102	ult.	experietur	experiretur
103	penult.	in	si
104	18	in phialam	in vesicam
119	28	colligitur	accenditur
220	15	quod	quot
126	18	infra	intra
150	14	XXIII.	XXVIII.
155	6	quod deorsum	quod non deorsum
172	19	G	ut
188	32	H I	H N
190	28	M X I	M N
195	27	adjunctis	adjungit
197	29	1547	1647
207	21	S H	G H
208	7	D	P
ibid	26	D	P
235	22	indicia	judicia.
241	2	mucos	nutes
249	11	deduct	diduci
256	antepen.	exinanitis	exinaniti
265	31	aquali	inaqualis
258	6	frigore	fragore
270	8	Pocquetus	Pecquetus
274	16	illa	ita
ibid	19	ut	at
ibid	20	motus	moles
275	28	est	fit
278	16	videtur	vitetur
284	16	metus	metu
285	13	eamq	eam
346	14	finem	funem
355	16	N	O
369	11	Gaidius	Gnidius
373	11	de opinione	deme opinione
392	27	reite	rete
402	10	2190	2920
417	4	60	36
426	13	resta	textu
436	20	25	15

Pag.	Pag.	Errata.	Correcta.
861	8	aquales	aqualis
ibid.	ult.	1, 6, 6,	1, 616,
864	2	Tenariffa	Tenariffa
865	26	bas	nas
873	21	est 5	est 3
ibid	28	numerus 8	numerus 81.
878	5	Quod numeri	Quot numeri
887	13	pulsis	pulsis
900	1	prolucrem labora	prolucrem labra
921	4	Sacratas	Sacratius
ibid	17	as	os
928	21	divisionem	decisionem
981	11	Numeri	Numen
989	19	Contingat	Constringat
1010	30	mentibus	meatibus
1034	13	inclusè	insulse.


Hæc quoque notabit Lector.

- Primò. pag. 166. lin. 11. tota ferè linea est superflua.
 Secundò. pag. 212. ad Caput I X. pertinet Fig. I. Iconismi XIII.
 Tertiò. pag. 279. in margine legendum primo loco: Vide Iconismi. XIII. Figur. I. secundo vero loco: Vide Iconismi XIII. Fig. II.
 Quartò. pag. 743. lin. 4. post vocem, obicis, addenda vox, impingere.
 Quintò. In libro nono passim erratum est circa citationes Propositionum. Causa est, quia cum liber jam descriptus, in majorem excrevisset molem, quam putaveram, fuerunt necessario detruncanda aliquot Propositiones, maxime circa initium libri, & omnibus præfigendi alii numeri: hinc factum, ut subinde Propositiones nonnulla sub prioribus numeris, quibus antea notata erant, citentur.



CATALOGUS LIBRORUM

P. GASPARE SCHOTTO SOCIETATIS JESU,
hactenus editorum.

- I.  Echanica Hydraulico-pneumatica, cum Experimento novo Magdeburgico. in 4. Herbipoli 1657.
- II. Magiæ Universalis Naturæ & Artis Pars I. Optica, sive Thaumaturgus Opticus. in 4. Herbipoli 1657.
- III. Magiæ ejusdem Pars II. Acustica, sive Thaumaturgus Acusticus. in 4. Herbipoli 1657.
- IV. Magiæ ejusdem Pars III. Mathematica, sive Thaumaturgus Mathematicus. in 4. Herbipoli 1658.
- V. Magiæ ejusdem Pars IV. Physica, sive Thaumaturgus Physicus. in 4. Herbipoli 1659.
- VI. Pantometrum Kircherianum, sive Instrumentum Geometricum novum, in 4. Herbipoli 1660.
- VII. Itinerarium Extaticum Kircherianum, Præfationibus, Scholiis, & Iconismis illustratum. in 4. Herbipoli 1660.
- VIII. Cursus Mathematicus, sive Absoluta omnium Mathematicarum, Disciplinarum Encyclopædia, in libros XXVIII. digesta. in fol. Herbipoli 1661.
- IX. Physica Curiosa, sive Mirabilia Naturæ, libris duodecim comprehensa. in 4. Herbipoli 1662.
- X. Mathesis Cæsarea, sive Amussis Ferdinanda, Problematibus, Scholiis, & Iconismis aucta. in 4. Herbipoli 1662.
- XI. Anatomia Physico-Hydrostatica Fontium ac Fluminum. in 8. Herbipoli 1663.
- XII. Arithmetica practica Generalis ac specialis. in 8. Herbipoli 1663.
- XIII. Technica Curiosa, sive Mirabilia Artis, Libris duodecim comprehensa. in 4. Herbipoli 1664.

Hos brevi sequetur Schola Steganographica, in octo classes divisa, quibus

bus præter alia, explicantur Artificia nova, quæ quilibet, scribendo Epistolam qualibet de re, & quocunque idiomate, potest alteri absenti ejusdem, Artificii conscio arcanum animi sui conceptum, sine ulla secreti latentis suspicione, manifestare; & scriptam ab aliis eadem arte, quacunque lingua, intelligere & interpretari.

Nota Lector.

- I. Itinerarium Exstaticum Kircherianum, Physica Curiosa, & Technica Curiosa, venduntur Francofurti & Norimbergæ, apud JOANNEM ANDREAM ENDTERUM, & WOLFFGANGI Junioris Hæredes. Reliqui omnes prostant Francofurti, apud Joannem Arnoldum Cholinum, & apud Hæredes Joannis Godefridi Schönvetteri.
- II. Itinerarium Exstaticum Kircherianum est illud ipsum, quod passim in Operibus meis voco Prodromum in Mundum Mirabilem. Continet præter Iter Exstaticum à R. P. Athanasio Kircherio Romæ editum, Prælusiones, Scholia, & Iconismos, ad dicti Operis intelligentiam necessarios. Item Apologiam ejusdem Operis. Est prælusio in Mundum Mirabilem, quem, DEO dante scripturus sum.
- III. In hoc Opere passim fit mentio Jocosiorum Naturæ & Artis: quæ tamen lucem hætenus non viderunt, nec meo sub nomine videbunt. Quare si similis tituli Opusculum nomen meum aliquando fortassis præferet, supposititium credito.

F I N I S.

SOLI DEO GLORIA.

SPECIAL

87-B

4815

THE GETTY CENTER
LIBRARY



TECHNICA CARLOS
OSCAR SCHOTT

LASP: SCHOTTIS
Technica Curiosa
Herbipoli: 1664

